


Cohamacu Yare Yahari
Tjuel



New Testament in Guanano

Cohamacu Yare Yahari Tjuel New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2014-08-06

PDF generated using Haiola and XeLaTeX on 23 Aug 2023 from source files dated 29 Jan 2022

1f3a4366-edba-553b-a17f-bc47c9049c98

Contents

SAN MATEO	1
SAN MARCOS	58
SAN LUCAS	92
SAN JUAN	151
HECHOS	194
ROMANOS	246
1 CORINTIOS	272
2 CORINTIOS	297
GÁLATAS	313
EFESIOS	322
FILIPENSES	331
COLOSENSES	337
1 TESALONICENSES	343
2 TESALONICENSES	348
1 TIMOTEO	351
2 TIMOTEO	358
TITO	363
FILEMÓN	366
HEBREOS	368
SANTIAGO	389
1 SAN PEDRO	396
2 SAN PEDRO	403
1 SAN JUAN	408
2 SAN JUAN	414
3 SAN JUAN	415
SAN JUDAS	416
APOCALIPSIS	418

San Mateo

Jesucristo Cohamacu macano to coyea panopu macaina jira (Lc 3.23-38)

¹ Jesucristo coyeare panopu macainare õ sehe ni yahuihtja yuhu. Jesucristo ñachuno cjiro panopu macariro Davi wama tiriro jia tiha. To jihto pano ti ñachuno cjiro Abrahã wama tiriro jia tiha.

² Abrahã Isaa pucuro jiha.

Isaa Jacobo pucuro jiha.

Jacobo Juda cãhu pucuro jiha.

³ Juda pohna pũaro jiha. Fares, Zara jiha. Ti pocoro Tamar wama tiricoro jiha.

Fares Esrom pucuro jiha.

Esrom Aram pucuro jiha.

⁴ Aram Aminadab pucuro jiha.

Aminadab Naasón pucuro jiha.

Naasón Salmón pucuro jiha.

⁵ Salmón Booz pucuro jiha. Booz pocoro Rahab jiha.

Booz Obed pucuro jiha. To pocoro Rut jiha.

Obed Jesé pucuro jiha.

⁶ Jesé Davi pucuro jiha.

Davi sehe Israe masa bui pũhtoro jiha. Tiro Uria wama tiriro cjiro namonore to nũoari baharo Salomo wama tirirore pohna tiha.

⁷ Salomo Roboã pucuro jiha.

Roboã Abías pucuro jiha.

Abías Asa pucuro jiha.

⁸ Asa Josafat pucuro jiha.

Josafat Joram pucuro jiha.

Joram Uzías pucuro jiha.

⁹ Uzías Jotam pucuro jiha.

Jotam Acaz pucuro jiha.

Acaz Ezequia pucuro jiha.

¹⁰ Ezequia Manase pucuro jiha.

Manase Amón pucuro jiha.

Amón Josia pucuro jiha.

¹¹ Josia Jeconia cãhu pucuro jiha. Tina ti jiri pjare Israe yahpa macainare Babilonia macaina sehe ñaha wahcãha ti ya yahparu.

¹² ã yoa Babilonia yahpai ti sari baharo, Jeconia Salatiere pohna tiha.

Salatie Zorobabe pucuro jiha.

¹³ Zorobabe Abiud pucuro jiha.

Abiud Eliaquim pucuro jiha.

Eliaquim Azor pucuro jiha.

¹⁴ Azor Zadoc pucuro jiha.

Zadoc Aquim pucuro jiha.

Aquim Eliud pucuro jiha.

¹⁵ Eliud Eleazar pucuro jiha.

Eleazar Matán pucuro jiha.

Matán Jacobo pucuro jiha.

¹⁶ Jacobo José pucuro jiha. José María manano jiha. María sehe Jesu pocoro jire. Jesu sehe masare yũhdohtiro jiro Cristo ti ni pisuriro jire.

¹⁷ Tó sehe jiro Abrahãre mari quihõ mũhtachu, pu Davipũre mari quihõ batoachu ahrina jipihtina ti panamana ji turiana mehne jia, catorce curuari waro jiha. Pari turi Davire mari quihõ mũhtachu, pu Babiloniapũ Israe masare ti naahto pano mari quihõ batoachu jipihtina ti panamana ji turiana mehne jia, catorce curuari waro pari turi jiha. ã yoa tuhsu Babiloniapũ ti sari baharo mari quihõ mũhtachu, pu Cristo to masa bajuachũpu mari quihõ batoachu jipihtina ti panamana ji turiana mehne jia, catorce curuari waro jiha tjoa.

Jesucristo to masa bajuarire yahuha (Lc 2.1-7)

¹⁸ ã yoa õ sehe Jesucristo masa bajuari jire. To pocoro María sehe José namono cjihto jiri jire. Wiho mejeta ti pũaro ji dũcahto pano Espiritu Santo to tuua mehne wahma nijinocãre bocaro masiha ticoro to basi. ¹⁹ ã yoa José to manano cjihto quihõno yoiro jiro, tíre masino, ticorore cohãno taro nimaha. Masa ti ñurocaroi ticorore buhiri tichu yoa duaeraro, masa ti tũhoerasinichuta yaro ca ticorore cohãno taro nimaha. ²⁰ Tíre to tũhoturo watoi Cohamacu anjo sehe cahãnopũ Josere bajuaro, õ sehe niha:

—José, Davi cjiro panamino, Mariare buo tiro marieno namo tiga. Ticoro Espiritu Santo to yoadohoro mehne wahma nijinocãre bocaricoro jira. ã jicu buo tiro marieno namo tiga ticorore. ²¹ Ticoro pohna tirohca. Tirota to macunota to masare, pichacapũ wahaborinare yũhdohtiro jirohca. To ã yũhdohtiro jichu

ñꞥꞥ, Jesu ni wama pisuihca mꞥꞥ —niha anjo Josére.

²² Panopꞥ macariro Cohamacꞥ yare yahu mꞥhtariro cjiro “Ã waharohca”, to ni joariro seheta ahri jipihtia ã wahaa tiha. Ahri ã wahahtore õ sehe ni joa dutia tiha Cohamacꞥ tirore:

²³ “Cũcoro nuhmino, ne mꞥno mehne jier-aricoro, nijinocãre bocaro pohna tirohca to macꞥnocãre.

Tirocã Emanuel wama tirohca”, ni joaa tiha Cohamacꞥ yare. (Emanuel nino: “Cohamacꞥ mari mehmeta jira”, nino nica.)

²⁴ Cohamacꞥ anjo Josére to ã ni yahuri baharo José sehe wahcã, anjo to dutiriro seheta tiro María mehne wamomaca duhtehe. ²⁵ To macꞥnocãre to pohna tihto pano José sehe ticoro mehne jiera tiha. Baharo ticoro sehe pohna tia wahaha. Tiro sehe wihãrirocãre Jesu wamoaha.

2

Sã mꞥja taro macaina Jesucãre ñꞥa sꞥha

¹ Herode Judea yahpa macaina ti bui pꞥhtoro to jiri pja tí yahpai jiri macai Belëi Jesu masa bajuaha. To ã masa bajuari baharo ñahpichohare buheina ñahpichohare noano masiina sũ mꞥja taro macaina ta, Jerusalẽpꞥ wihaha. ² ã wihia, masare tó macainare sinituha:

—¿Judio masa ti bui pꞥhtoro jihtiro cjihto mipꞥre nohopꞥ masa bajuacari tiro? Sũ mꞥja taropꞥ jina, ñahpichohaca to wahma bajua wahã sꞥchꞥ ñꞥa, “Pꞥhtoro masa bajuaro nica”, ni masihi sã. ã to bajuachꞥ ñꞥa, sã cũno mehne tirore ño payona tana tahi õpꞥ —ni yahuha buheina masare.

³ ã yoa paina Herodere tíre yahua tiha. Ti ã yahuchꞥ tũhoro Herode sehe soro tũhotuha. ã jia jipihtina Jerusalẽ macaina cũhꞥ to yoaro seheta soro tũhotuha tina cũhꞥ. ⁴ ã jiro Herode sehe jipihtina sacerdotea pꞥhtoare, mari judio masare buheina cũhꞥre to pjirocari baharo ti cah-machu pihtichꞥ ñꞥno, tinare sinituha tiro:

—¿Nohopꞥ masa bajuarohcari Cristo sehe mꞥsa tũhotuchꞥ? —ni sinitu ñꞥha tiro.

⁵ Õ sehe ni yahuha tirore:

—Belëi, Judea yahpai jiri macai Cristo masa bajuarohca. Õ sehe ni joaa tiha Cohamacꞥ yare yahu mꞥhtariro cjiro:

⁶ “Belëi yꞥ yainare Israe masare dutihtiro tarohca.

ã jiro paye macari Judea yahpai jia macari yũdoro jira Belë”,

ni joaa tiha Cohamacꞥ yare —ni yahuha tina Herodere.

⁷ Ti ã ni yahuri baharo Herode masa ti marieno watoi sũ mꞥja taropꞥ tarinare pjirocaha. To cahapꞥ tina ti sꞥchꞥ ñꞥno, tinare sinitu ñꞥha. To ã sinitu ñꞥchꞥ tũhoa, ñahpichohacare ti ñꞥri dachore yahuha tina.

⁸ Ti ã yahuri baharo Herode sehe tinare Belẽpꞥ warocarõ sehe niha tinare:

—Tirocãre noano macaga. Tirocãre bocana tjuahna yũhꞥre yahu tjuahga. Yũhꞥ cũhꞥ tirocãre ño payoi wahai tai nija —nimaha tinare Herode.

⁹ To ã niri baharo, tina wahaa wahaha. Ti ã wahachꞥ sũ mꞥja taroi ti ñꞥria ñahpichohaca sehe mꞥ tãrucuha. ã yoa wihãrirocã to jiro bui waroi tjua wahã sꞥha tia sehe. ¹⁰ ã jia ñahpichohacare ñꞥa, tuaro wahcheha tina. ¹¹ Wihãrirocã to jiri wũhꞥpꞥ sꞥ, sãa wahaha tina. ã sãa sꞥa, wihãrirocãre to pocoro mehne jirocãre ñꞥha tina. ã ñꞥa tina na tuhcuca caha sꞥ, tirocãre ño payoha. Ño payo tuhsꞥ ti caa pocare naroca pjõoroca, urure, inciensore, mirra wama tia me sitia cũhꞥre na wio, tíre tirocãre wapa marieno waa tiha. ¹² Tíre wa tuhsꞥ carĩa wahaha tina. Ti ã carĩchꞥ cahãnopꞥ Cohamacꞥ yahuha tinare: “Herode cahai tjuaena tjiga”, ni yahuha Cohamacꞥ tinare cahãnopꞥre. To ã ni yahuri baharo, tina sehe wahcãha. Ti ã wahcãri baharo pa mahapꞥ ti ya dihtapꞥ tjuaa wahaa tiha.

José cũhꞥ Jesucãre Egiptopꞥ na duhti wahcãa wahaha

¹³ Ti ã wahari baharo Cohamacꞥ anjo cahãnopꞥ Josére bajuaro, õ sehe niha:

—Wahcãga. Herode sehe maharirocãre wajãno taro, macano nina mipꞥre. ã yoa maharirocãre, to pocoro cũhꞥre Egiptopꞥ cjero na duhti wahcãa wahaga. Tõpꞥre yꞥ niri purota jiga —ni yahuha anjo Josére.

¹⁴ To ã nichu tuhoro, José sehe ñamihta wahcã, maharirocãre to pocoro cãhure Egiptoru na duhti wahcãa wahaha. ¹⁵ Egiptoru sua, Herode to catiro puro tãpãre jiha tina. Æ yoaha panoru macariro Cohamacu yare yahu mãhtariro cjiro to ni joariro seheta. Tãre tirore Cohamacu joa dutia tiha. Õ sehe ni joaa tiha Cohamacu yare: “Egiptoru jirirore yu macare pjirocahi”, ni joaa tiha Cohamacu yare.

Herode macanacãre wajã dutiri jire

¹⁶ Æ yoa ñahpichohare buheina ti duhti yuhduachu tuhoro Herode sehe sua yuhduaha. Æ suaro, Belã macainare, tí maca duhtu caha macaina cãhure ti pohñare mã pohñare puã cãhma cãmainacãre wajã batoa dutiha tiro. Wahmanore ñahpichoha buheina ñahpichohacare ti ñari dachore yahuha Herodere. Ti ã nichu tuhoro tiro to wajã duarirocã to masa bajuari dachore masino, “Õpe cãhmari cãara” nino, puã cãhma cãmainare wajã batoa dutiha. ¹⁷ Panoru macariro Jeremã Cohamacu yare yahu mãhtariro cjiro to ni joariro seheta ã wahaha. Õ sehe ni joaa tiha tiro:

¹⁸ “Ramã wama tiropu bisiro coa tarohca. Tuaru cahyaa mehne tiro coa tarohca. Raquel panamana numia ji turia numiapu Israe masa namosãnumia ti pohñare tuaro tiyahca. Ti pohñare ti wajãchu ñua, ne cahya duhusi”, ni joaa tiha panoru.

¹⁹ Æ yoa Herode to yariari baharo Egiptoi jirirore Josére Cohamacu yairo anjo cahãnoru bajuaha. Æ bajuaro õ sehe niha Josére:

²⁰ —Maharirocãre wajã duaina cjiri yariaa wahahre. Æ jicu tirocãre to pocoro mehne Israe yahpãru na tjuaa wahaga mãhu —ni yahuha anjo Josére.

²¹ To ã niri baharo tiro wahcã, maharirocãre to pocoro mehñeta Israe yahpãru na tjuaa wahaha. ²² Wiho mejeta Arquelao Herode macno sehe to puãro cohtotariro to jichu tuhoro José sehe Judea yahpai cuiro, tjuaeraha. Æ jiro pari turita cahãnoru tirore yahu namoha tjoa. Tirore

pari turi Judea yahpare ji dutieraha. To ã ni yahuri baharo, tina Galilea yahpãru wahaa wahaha. ²³ Tí yahpãre Nazare wama tiri macai jiha tina. Æ yoaha tina Cohamacu yare yahu mãhtaina cjiri ti joariro seheta. Õ sehe ni joaa tiha: “ ‘Cristo Nazare macariro tjira’, niahca masa”, ni joaa tiha Cohamacu yare yahu mãhtaina panoru macaina.

3

João masare bautisariro masare yahuha (Mr 1.1-8; Lc 3.1-9, 15-17; Jn 1.19-28)

¹ Æ yoa baharoru João masare bautisariro jiha. Judea yahpai masa marienoru tiro Cohamacu yare yahu ducaha masare.

² Õ sehe ni yahuha tinare:

—Mũano macariro Cohamacu mãsa puhtoro to sãho jihto mahanocã duhsara. Æ jina “Ñano yoaeraja”, mãsa ni tuhutumari cjirire duhuga. Mãsa ñaa buhirire cahya, Cohamacu sehere cahmaga mãsa —ni yahuha tiro tinare.

³ Panoru macariro Isaia Cohamacu yare yahu mãhtariro cjiro João to buhehtore õ sehe ni joaa tiha:

“Masa marienoru cãiro sañurucu, õ sehe ni buherohca:

‘Mari puhtoro to tahto pano tirore cahmaeraina cjiri mãsa tuhutuare cohtota, tirore cahmaina jiga mãsa’, ni sañurucu buherohca”,

ni joaa tiha Isaia cjiro João cjihtore.

⁴ Tiro João camello pjoari suhtirore sãariro, wahiquiro cahsaroreta tuã dihoriro jiha. Poreroare, macaroca macaina miquina mi cãhure chuã tiha. ⁵ Jerusalã macaina, jipihtiro Judea yahpai jiina, Jordão wama tiri ma cahai jiina cãhu tirore tuhõa taha. ⁶ Wihi, tirore tuhõ, ti ñaa yoirire Cohamacu yahuha tina. Ti ã ni yahuchu tuhoro Jordão wama tiri mai João tinare bautisaha.

⁷ Æ jiro payu fariseo curua macaina, saduceo curua macaina cãhu Joãore ti bautisa dutia tachu ñũno tiro tinare õ sehe ni yahuha:

—¿Mãsa cãhu agãa ñima tiina yoaro sehe mãsa mãhõa buhea mehne masare dojomehneina jina, Cohamacu mãsare to

buhiri dahrehto pano tirore cui, duhti masierara m̄sa? ⁸ ã jina potocãta m̄sa ñaa buhirire bujua witi, Cohamacure cahmana jiihna, noaa yoa ñoga.

⁹ Õ sehe ni t̄hotuena tjiga: “Panopu macariro Abrahã mari ñuchu cjiro jia tiha. ã jina to panamana jina mari Cohamacu yaina jija”, ni t̄hotuena tjiga m̄sa. M̄sare niita nija. Abrahã panamana jiina jimana m̄sa. M̄sa ã jipachuta tí m̄sa ã jia yaba cjihti jierara. Cohamacu sehe ahri tãa mehne Abrahã coyeare dahre masina. ã jiro Abrahã coyea m̄sa jia wiho waro jira tãa ti wiho waro jiro seheta. ¹⁰ Õ sehe jira: Masa yucari yoaro seheta jira. Cohamacu sehe coma mehne yucurire cjã cohãriro yoaro sehe jira. ã jiro noaa dicha maria yucure nahcõri mehneputa cjã cohãnohca tiro. Tíre to cjã cohãri baharo, pichacaru jã cohãnohca tiro. ãta yoaro taro nina masa cūhure tirore cahmaerainare. ¹¹ Yu baharo yu bui tuariro tarohca. Noa yuhduariro jira tiro. Tiro yoaro sehe jieraja yuh̄u sehe. ã jicu tirore t̄hotucu, “Wiho jiro jija yuh̄u”, ni t̄hotuja yuh̄u. Yuh̄u sehe m̄sa ñaare t̄hotumari cjirore t̄hotu cohtotainare diap̄u bautisacu, co mehne yoamahi. Tiro sehe yu yuhdoro yoarohca. Espiritu Santore masa mehne ã jirucuch̄u yoarohca tiro. Wiho mejeta paina sehene ñaare ti t̄hotumari cjirore duhu duaeraina sehene tiro pichaca mehne buhiri dahrerohca. ¹² Yu baharo tariro cahsari cohãriro yoaro sehe jira. Cahsari cohãriro to batiro mehne jipihtia to trigo yapari cahsarire putiwera. To ã putiwera baharo trigo sehene to wihbori w̄h̄u wihborohca. Tó seheta yoarohca tirore cahmainare yu baharo tariro. To putiwea cahsari sehene tiro j̄nohca. Tí pichaca ne yatisi. ãta yoarohca tiro yu baharo tariro tirore cahmaerainare –ni yahuha João.

*João Jesure bautisaha
(Mr 1.9-11; Lc 3.21-22)*

¹³ Baharo Jesu Galilearu jiro cjiro waha, Jordão wama tiri mapu buhu s̄ha João bautisa dutiro. ¹⁴ Wahmanore João tirore bautisa duaeramaha.

–Neho, m̄h̄u sehe yu yuhdoro tuariro yuh̄u sehene m̄u bautisachu noaboa. M̄h̄u bautisaboriro jieraja yuh̄u –ni yuh̄timaha João Jesure.

¹⁵ Jesu sehe ã sehe ni yuh̄tiha tirore:

–Yuh̄u bautisasiniga. Õ sehe yoana, Cohamacu to dutiro seheta sohtori tina nija mari –niha Jesu.

To ã nichu t̄horo:

–Jai –ni yuh̄tiha João.

¹⁶ ã ni tuhsu, Jesure bautisaha. To bautisa tuhsuch̄u Jesu diap̄u ducuriro maja s̄r̄ucu s̄ha. To maja s̄r̄ucu s̄ch̄uta, m̄ano par̄i m̄aha. Cohamacu to Espiritu buja yoaro sehe tiro bui to duji tach̄u ñ̄ha. ¹⁷ To ã duji tach̄u m̄anopu durucuro coa taha:

–Ahriro yu macu yu cah̄riro jira. Tiro mehne tuaro wahcheja –nino coa taha m̄anopu.

4

*Wat̄no ñaare yoa dutimaha Jesure
(Mr 1.12-13; Lc 4.1-13)*

¹ ã yoa Espiritu Santo sehe Jesure masa marienopu naaha, tópu wat̄no tirore ñaare to yoa duti ñ̄hto sehe.

² Tópu s̄ro cuarenta dachori waro churo marieno jiha Jesu. ã jiro j̄ca baaha. ³ J̄ca to baach̄u ñ̄no wat̄no sehe tiro cahapu s̄ro, ã sehe niha:

–M̄h̄u Cohamacu mac̄no jicu, ahri tãa pocare ch̄a dojomehnega –nimaha tiro Jesure.

⁴ Jesu ã sehe ni yuh̄tiha:

–Yoaeraja. Cohamacu yare ti joari p̄i ã sehe nina: “Masare ch̄a mehne dihta catieraro cahmana. Jipihtia Cohamacu to ya yahua mehne jiro cahmana”, nina Cohamacu –ni yuh̄tiha Jesu wat̄nore.

⁵ To ã ni yuh̄tiri baharo wat̄no sehe Jerusal̄pu “Cohamacu ya maca”, ti niri macapu Jesure naaha. Tópu na s̄ro, Cohamacu ya w̄h̄u bui Jesure na s̄ha tiro. ⁶ Na s̄u tuhsu, tirore ã sehe nimaha:

–Cohamacu yare ti joari p̄i ã sehe nina: “Cohamacu to anjoare m̄h̄u ñ̄u wihbo dutirohca. ã jia tina sehe m̄h̄u ñ̄u wihboahca, “Tãcapu puha tu m̄ari’ nia”,

nina ti joari pũ. To ã niri potocã jichu mũhu Cohamacu macyno jicu yahparu pju bora ñoñujuta yuhure. Mũhure tina ti yoadohochu ñoñujuta yuhure –nimaha watĩno.

⁷ Jesu pju bora ño duaeraro õ sehe ni yuhtiha:

–Cohamacu yare ti joari pũ õ sehe nina: “Mũsa puhtoro Cohamacu to niri cjrيره ‘¿Potocã tjjari?’ ni masi duana Cohamacure yoa ño duti macaena tjiga”, nina Cohamacu yare ti joari pũi –niha Jesu.

⁸ To ã ni yuhtiri baharo mũa yuhduu tũcũpũ Jesure na mũjaha watĩno tjoa. Tu buipũ mũja pja sũ, jipihtia macarine ñoroca boroha Jesure. Ti cjuua cũhure ñoha. ⁹ ã ñono Jesure õ sehe nimaha:

–Yuhure na tuhcuca caha sũ, ño payoga mũhu. Mũ ã yoachũ jipihtia ahri macarine mũhure waihtja –ni yahumaha watĩno.

¹⁰ To ã nichũ Jesu õ sehe ni yuhtiha:

–Satana, wahaga mũhu. Õ sehe nina Cohamacu yare ti joari pũi: “Mũ puhtoro Cohamacu dihtare ño payoga. To ya dutia dihtare yoaga”, nina Cohamacu yare ti joari pũi –niha Jesu watĩnore.

¹¹ To ã nichũ tuhoro watĩno wahaa wahaha. To wahari baharo anjoa sehe wihi, Jesure yoadohoa tirore chũa waha.

Galilea yahpai Jesu buhe dũcaha
(Mr 1.14-15; Lc 4.14-15)

¹² ã yoa Joãore peresu ti yoachũ tuhoro, wahaa wahaha Jesu. Waha, Galilea yahparũ sũha. ¹³ Tói jiri macapũ Nazarepũ waha, yuhduu wahcã, Capernau wama tiri macapũ sũha. Galilea wama tiri bũcũpariuro duhtũ cahai jira Capernau. Tí maca Zebulõ yahpa cahai, Neftalí yahpa cahai jire Capernau. Tóru sũ, jiha Jesu. ¹⁴ ãta yoaha Jesu panopũ macariuro Cohamacu yare yahu mũhtariuro Isaia cjiro to ni joariro seheta. Õ sehe ni joaa tiha:

¹⁵ “Zebulõ yahpa cahai, Neftalí yahpa cahai, bũcũpariuropũ waharoi, Jordão pa bũhũsehe coapũ Galilea yahpa jira.

Tí yahpa judio masa jieraina ya yahpa jira.

¹⁶ Tó macaina Cohamacu yare noaare masierara.

ã masierapahta noarirore ñũapũ masi-ahca.

Tina sehe Cohamacure ne masierara.

ã jia pichacapũ wahaborina jimaha.

ã jiro cũiro tinare Cohamacu yare masichũ yoarohca”,

ni joaha Isaia cjiro.

¹⁷ Tóru jiro, Cohamacu yare yahu dũcaha Jesu:

–Mũsa ñaare tuhotumari cjrيره duhu, noaa sehere tuhotu cohtota, Cohamacureta macaga mũsa. Mũano macariuro Cohamacu jipihtina bui puhtoro to sũho jihto mahano cã dũhsara –ni yahu dũcaha tiro.

Pititiaro wahi wajãinare tiro mehne macaina cjihtire pjaha Jesu
(Mr 1.16-20; Lc 5.1-11)

¹⁸ ã yoa Galilea wama tiri bũcũpariuro duhtũ cahapũ Jesu sito wahcãmahno ñũha Simore, to bahũro Andre mehne. Simota Pedro ti ni pisuriro jiha. Tina sehe wahi wajãina jia, ti wañyucũrire doca ño mũjaa niha bũcũpariropũ.

¹⁹ –Yuhũ mehne macaina cjihti taga mũsa. Yuhũ mehne mũsa tachũ, mũsa wahire ñaha cahmachuina mũsa jiro seheta, Cohamacu yaina cjihtire masare pji cahmachuina cjihtire yoaihtja mũsare. Yuhũ mehne mũsa tachũ ã yoahina cjihtire cũihtja mũsare –niha tiro tinare.

²⁰ To ã nichũ tuhoata ti wañyucũrire cũnoça, tiro mehne wahaa wahaha.

²¹ ã yoa Jesu tina mehne yuhduu wahcã, Santiagore to bahũro João mehne boca sũha tjoa. Tina Zebedeo pohna jiha. Tí yaria dohoriai ti pũcũro mehne tina cũhũ ti wañyucũrire cahnoa niha. Tina puarore tiro pjirocaha. ²² To ã pjirocachũ tuhoa, tina sehe dóihita ti pũcũrore, dohoria cũhure cũ, Jesu mehne wahaha.

Payũ masare buheha Jesu
(Lc 6.17-19)

²³ ã yoa jipihtiro Galilea yahpare Jesu buhe tiniha. Judio masa mari buhea wũhũsepũ noaa buheare, mũano macariuro puhtoro to sũho jia tiare buheha. Tinare buhe, dohatiinare noaina wahachũ yoaro jipihtia dohatiare cohãha tiro. ²⁴ To ã yoaaare tuhoa Siria yahpa macaina jipihtiropũ tí yahpai jiina tirore masi dũcaha.

ã masia, soro jia dohatia cjuainare, tuaro purĩare cjuainare, watĩa ti sãanohrinare,

ñama yaria munare dohatiinare, tini masieraina cãhure na sãha. Ti ã na sũchũ ñũno jipihtina tinare noaina wahachũ yoaha Jesu. ²⁵ To ã yoachũ ñũa, Galilea yahpa macaina, Decapoli wama tiropũ jia macari macaina, Jerusalẽ macaina, Judea yahpa macaina, Jordão pa buhũsehe coa macaina payũ masa tiro mehne wahaha.

5

Tũcũpũ mũja, tói buheha Jesu masare

¹ Masa payũ to cahai ti sũchũ ñũno Jesu tũcũpũ mũjaha. Mũja sũ, tói dujiha. Tói to dujichũ to buheina sehe tiro cahapũ sũha.

² Ti sũchũ ñũno õ sehe ni buhe dũcaha:

Õ sehe jiina jira wahcheina (Lc 6.20-23)

³ –Ti ñaa tũhotumari cjirire duhu, noaa sehere tũhotu cohtotaina Cohamacũre cahmaina wahcheina jira. Mũano macariro pũtoro to sũho jiropũre wahaahca tina. Mũano macaa ti ya jira.

⁴ 'Yahco tiina cãhũ wahcheina jira. Tinare wahchechũ yoarohca mari Pũcũ.

⁵ 'Painare yũhdũrũca duaeraina ã jica nieraina wahcheina jira. Cohamacũ "Waihtja", tinare to nirire cjũaahca tina.

⁶ 'Cohamacũ to dutiro sehe yoa duaina, noaare yoa duaina wahcheina jira. Cohamacũ to yoadohochũ tina noaare yoa sohtori tiahca.

⁷ 'Painare pja ñũina wahcheina jira. Ti ã pja ñũchũ Cohamacũ tina cãhure pja ñũnohca.

⁸ 'Ti ñaa buhirire cosanohrina wahcheina jira. Cohamacũre ñũahca tina.

⁹ 'Masare bosaina wahcheina jira. Tinare "Yũ pohna jira", ninohca Cohamacũ.

¹⁰ 'Cohamacũ dutiare ti yoari buhiri ti ñano yoanohrina sehe wahcheina jira. Mũano macariro pũtoro to sũho jiropũ to yare cjũaahca tina.

¹¹ 'Yũ yare mũsa yoari buhiri paina mũsare ti tuhtipachũta wahcheina jira mũsa. Mũsare ti ñano yoapachũta wahcheina jira mũsa. Yũ yaina mũsa jiri buhiri mũsare jipihtia ñaa ti quiti dojomehnepachũta ti mahũopachũta wahcheina jira mũsa. ¹² Cohamacũ yare

yahu mũhtainare mũsa pano jiinare tinapũreta ñano yoa mũhtaha. Mũsa cãhure ti yoariro sehe ti yoachũ wahchega. Noano yajeripohna tiga. ã jiro mũanopũ mũsa sũchũ pjĩro noano yoarohca mũsare Cohamacũ –ni yahuha Jesu.

Moa yoaro sehe, buhriaro yoaro sehe jira Jesu yaina

(Mr 9.50; Lc 14.34-35)

¹³ ã yoa Jesu õ sehe ni buhe namoha:

–Moa wahiquire dihire to ñano wahaerachũ yoaro sehetã mũsa sehe yũ yaina sehe jipihtina painare ñaare ti yoa duaerachũ yoara. Wiho mejeta moa sehe ti ñaa wahachũ pari turi noaa yoahũ basioerara. Tĩ moa ne noaerara. Ti ã wahachũ tí moare cohãno cahmana. Ti ã cohãri baharo tí bui masa tũ cũna. Ne yaba cjihti jierara tí moa ti cohõa. (Ti yaba cjihti jieraro sehetã jiena tjiga mũsa. Cohamacũ ya sehere cohãena tjiga) –ni yahuha Jesu.

¹⁴ ã yoa tiro õ sehe ni buhe namoha:

–Buhriaro marine to ñũchũ yoaro sehetã mũsa sehe yũ yaina sehe ahri yahpa macainare Cohamacũre masichũ yoara. Tũcũ bui jiri macare nũohto basioerara.

¹⁵ ã yoa sihãriare masa sihãa, biato docapũ nũoerara. Tiare sihãriare mũanoi duhu payora tí wũhũ macaina jipihtina ti ñũhtiare. ¹⁶ Õ sehetã mũsa cãhũ buhriaro yoaro sehe jiina jina, noaare yoaga. Mũsa ã yoachũ ñũa masa mari Pũcũ mũano macarirore ño payo, "Tuariro, noariro jira", niahca –ni yahuha Jesu.

Cohamacũ to dutiare to joari cjirire yahuha Jesu

¹⁷ ã ni tuhsũ, tinare õ sehe ni yahu namoha:

–Ahrire mũsa masichũ cahmaja yũhũ. Cohamacũ to dutiare Moise cjĩrore to cũrire, to yare yahu mũhtaina cjiri ti joari cjiri cãhure cohãi tai nierahi. Tĩ dutiare mũsare noano yahu potoi tai nii. Tĩ dutiare ti quihõno jichũ ñoi tai. Ti niriro sehetã yoa sohtori tii tai nii. ¹⁸ Potocã mũsare nii nija. Pihtiri dacho pano jisnichũ Cohamacũ dutia Moise cjĩrore to cũrire ne mahanocã baro cohãsi mari. Ahri yahpa, mũano cãhũ ti jisnino puro to dutia cãhũ jirucuahca.

Ã jirucua ti niriro seheta sohtori tirohca. ¹⁹ Ã jia tí dutiare cãina yãhdurũcaa, painare tó sehe yãhdurũca dutia, mũano macariro pũhtoro to sũho jiropũ cahamaca yoaro sehe jiahca. Cãno dutiacã to jipachũta tina yãhdurũcaa, cahamaca yoaro sehe jiahca tina. Paina tí dutiare noano yoaa, painare tí yoaro sehe yoa dutia, mũano macariro pũhtoro to sũho jiropũ pũhtoa yoaro sehe jiahca tina sehe. ²⁰ Mũsare niita nija yũhũ. Judio masare buheina, fariseo curua macaina cãhũ Cohamacũ cahmaare quihõno yoaerara. Tina ti yoariro yãhdoro Cohamacũ cahmaare yoaga mũsa sehe. Mũsa ã yoaerana, pũhtoro Cohamacũ to sũho jiropũre ne sũsi mũsa –ni yahuha Jesu.

*Susiniare yahuha Jesu
(Lc 12.57-59)*

²¹ Ã ni tuhsũ, tinare õ sehe ni yahu namoha:

–Panopũ macaina õ sehe ni ti yahuri cjirire tũhori jimare mũsa: “Masare wajãena tjiga. Masare wajãriro ti buhiri dahrehtiro jira”, ti niri cjirire tũhori jimare mũsa. ²² Ahri ti yahuri yãhdo curero mũsare ahri sehene yahu namoihtja. To coyeiro mehne susiniriro sehe ti buhiri dahrehtiro jira masũnore wajãriro yoaro seheta. To coyeirore tuhtiriro, “Ne tũho masia maerariro jira mũhũ”, niriro buhiri dahre dutiina cahai ti naahitiro jira. “Tũho masierariro jira mũhũ”, to coyeirore nirirore pichacapũ wahahto cua yãhdũara tire.

²³ Mũsa coyeiro mũsare to ñũ tuhtichũ õ sehe yoaga. Cohamacũ wũhũpũ Cohamacũre mũsa ño payohto pano, wahiquirore jũ mũo, mũsa wahto pano õ sehe yoaga. ²⁴ Mũsa wahtire duhu cũ, mũsa coyeiro cahapũ waha, “Pari turi cahmachena tjijihna. Tó purota duhujihna tíre”, niga tirore. Mũsa ã niri baharo Cohamacũre wa, ño payona wahaga to wũhũpũ.

²⁵ Pairo mũhũre to yahusã duachũ, pũhtoro masare beseriro cahapũ mũhũre to naa duachũ, tiro mehne suaro marieno wahaga. Masare beseriro cahapũ to na sũhto pano tiro mehne noano jiga. Mũ ã

yoachũ ñũno tiro mũhũre yahusãeraboca. Mũ ã yoaerachũ tórpũre mũsa sũchũ tiro sehe mũhũre masare beserirore yahusãnohca. To ã yahusãchũ, beseriro sehe peresu yoainapũre mũhũre warohca. Ã jia tina mũhũre peresu yoaaahca. ²⁶ Potocã nii nija mũhũre. Tórpũ jisiniihca mũhũ. Pũ ti wapa dutirire mũhũ wapa pahũoipũ wijaaihca mũhũ –ni yahuha Jesu.

Pairo namono mehne ñano yoare yahuha Jesu

²⁷ Õ sehe ni yahu namoha Jesu:

–Panopũ macainare õ sehe ti ni yahuri cjirire tũhori jimare mũsa: “Pairo namono mehne ñano yoarena tjiga”, ti niri cjirire tũhori jimare mũsa. ²⁸ Ahri ti yahuri yãhdo curero mũsare ahri sehene yahu namoihtja. Numinore ñahaeraparota, cãiro ticorore ñano goa pjaro, ñano wacũ tũhoturo ñano yoa tuhsũha ticoro mehne.

²⁹ ’Ã jicũ mũ capariaca poto bũhũsehei jiriacã mehne ñano yoacũ, tiare orewe na mũ cohãboriro seheta ti ñaa yoare duhuga. Tíre duhueracũ pichacapũ wahaichca. Mũ capariacare mũ cohãchũ tia capariaca dihta butira. Mũhũ sehene pichacapũ mũ wahachũ ña yãhdũara. Ã jicũ tí ñaa yoare duhuga. ³⁰ ’Ã jicũ mũ wamomaca poto bũhũsehei jiri wamomaca mehne ñano yoacũ, tí wamomacare mũ dũte cohãboriro seheta tí ñaa yoare duhuga. Tíre duhueracũ pichacapũ wahaichca. Mũ wamomacare mũ cohãchũ tí wamomaca dihta butira. Mũhũ sehene pichacapũ mũ wahachũ ña yãhdũara. ’Ã jicũ tí ñaa yoare duhuga –ni yahuha Jesu.

*To namonore cohãare yahuha Jesu
(Mt 19.9; Mr 10.11-12; Lc 16.18)*

³¹ Õ sehe ni yahu namoha Jesu:

–Panopũ ahri cãhũre niha: “To namonore cohã duariro to cohãntore yahuri pũ mehne ticorore cohã masina”, nimaha panopũ. ³² Ahri ti yahuri yãhdo curero mũsare ahri sehene yahu namoihtja. To namono pairo mehne ñano yoaeraricoro to jipachũta to manũno ticorore cohãboca. To ã cohã daporicoro paioire manũ tiro ñano yoaro nica ticoro paioire mehne jiro. To manũno ticorore ã cohãno ticorore paioire

mehne ñano yoachũ yoara. To baharo namo tiriŕo cãhũ ticoro mehne ñano yoaro nina —ni yahuha Jesu.

Wama payo niare yahuha Jesu

³³ Õ sehe ni yahu namoha Jesu:

—Panopũ macaina õ sehe ti ni yahuri cjirire tũhori jimare mũsa: “Mũsa niriro seheta yoaga. ‘Cohamacũ mehne potocã ã yoaihtja’, mũsa niriro seheta yoaga”, ti ni yahuri cjirire tũhori jimare mũsa. ³⁴ Ahri ti yahuri yũhdo curero mũsare ahri sehere yahu namoihtja. “Mũano mehne potocã nii nija”, ni mũano mehne wama payo niena tjiga. Mũano sehe Cohamacũ mari pũhtoro to sũho jiro jira. Wiho jiro jierara. To ã jichũ ñũna mũano mehne ã niena tjiga. ³⁵ Ahri yahpa mehne ne wama payo “Potocã nii nija”, niena tjiga. Ahri yahpa Cohamacũ ya yahpa jira. To ã jichũ ñũna ã niena tjiga. “Jerusalẽ mehne potocã nii nija”, ne wama payo niena tjiga. Turariro mari pũhtoro ya maca jira Jerusalẽ. Wiho jiri maca jierara. To ã jichũ ñũna ã niena tjiga. ³⁶ “Yũ dapu mehne potocã nii nija”, ni wama payo niena tjiga. Mũsa pjoari ti yehsea wahachũ yoa masierara mũsa. Ti ñia wahachũ cãhũre yoa masierara mũsa. Æ yoa masieraina jina “Yũ dapu mehne potocã nii nija”, ni wama payo niena tjiga. ³⁷ “Yoanahtja”, nina wama payoro marieno õ sehe dihta tíre nirucuga. “Yoasi”, nina cãhũ wama payoro marieno nirucuga. Mũsa wama payo nina, watĩno ñariro to dutiriŕo seheta yoana nica mũsa —ni yahuha Jesu.

Ti cahma suaare yahuha Jesu

(Lc 6.29-30)

³⁸ Õ sehe ni yahu namoha Jesu:

—Panopũ õ sehe ti ni yahuri cjirire tũhori jimare mũsa. “Mũhũre paiŕo mũ capariacare to cjã tihãriro seheta mũhũ cãhũ tiriŕo cjã tihã cahmaga. Mũ piriacare to cjã nuhariro seheta mũhũ cãhũ cjã nuha cahmaga”, ti niri cjirire tũhori jimare mũsa. ³⁹ Ti yahuri yũhdo curero ahri sehere yahu namoihtja mũsare. Mũhũre ñano yoariŕore ã ñũnocahga. Cũ buhũsehe mũ wahsupure to cjãchũ, pa buhũsehe cãhũre cjã dutiga tiriŕo. ⁴⁰ Paiŕo buhiri dahre dutiriŕore

mũhũre to yahusãchũ, dutiriŕo sehe mũ camisare mũhũre yahusãriŕore wa dutiboca. To ã wa dutichũ, tiriŕo waga. Mũ bui macari suhtiro cãhũre wa namoga tiriŕo. ⁴¹ Paiŕo surara paye barore cã kilómetro mũhũre to naabasa dutichũ, pa kilómetrore waha namoga tjoa. ⁴² Mũhũre siniriŕore waga. Tuhsũ, paiŕo mũhũre to waso dutichũ wasoga tiriŕo —ni yahuha Jesu.

Mũsare ñũ tuhtiinare cahĩga *(Lc 6.27-28, 32-36)*

⁴³ Õ sehe ni yahu namoha Jesu:

—Masa õ sehe nina: “Mũsa mehne macainare cahĩga. Æ yoa mũsare ñũ tuhtiinare ñũ tuhti cahmaga tjoa”, ti niri cjirire tũho mũhtari jimare mũsa. ⁴⁴ Ti yahuri cjiri yũhdo curero ahri sehere yahu namoihtja mũsare: Mũsare ñũ tuhtiinare cahĩga. Æ cahĩna tinare noano yoaga. Mũsare ñano yoainare ti ya cjihtire Cohamacũre sini payoga. ⁴⁵ Mũsa ã yoana mari Pũcũ mũano macariŕo pohna jira mũsa. Cohamacũ sehe cãno potori yoara masare. Ñaina cãhũre, noaina cãhũre sũ sichũ yoara tiro. Tuhsũ, Cohamacũ dutiare yoaina cãhũre, yoeraina cãhũre coro tachũ yoara tiro. Masare cãno potori to yoariŕo seheta mũsa cãhũ yoaga. ⁴⁶ Mũsare cahĩna dihtare mũsa cahĩchũ tí ne yaba cjihti jierara paina sehere mũsa cahĩerachũ. Pũhtoa ya cjihtire wapa na cohtaina cãhũ tó seheta yoara. Æ jina jipihtinare cahĩga. ⁴⁷ Mũsa coyea dihtare mũsa noano piti bocachũ tí cãhũ ne yaba cjihti jierara paina sehere mũsa noano piti bocaerachũ. Cohamacũre masieraina cãhũ tó seheta yoara. Æ jina jipihtinare noano piti bocaga. ⁴⁸ Ñaa marieina jiga mũsa. Mũsa Pũcũ mũano macariŕo to ñaa marieriŕo to jiriŕo seheta mũsa cãhũ ñaa marieina jiga —ni yahuha Jesu.

6

Noaa yoaaare yahuha Jesu

¹ Pari turi tiro õ sehe ni yahu namoha:

—Cohamacũ ya cjihtire noaaare yoana, “Cohamacũ yare yoa pahĩnoina jija sã”, ni yahuenta tjiga painare. Mũsa ã ni yahuri buhiri noaaare mũsa yoari cjiri ne yaba

cjihti jierara. Æ jiro Cohamacu mµano macariro noaare mµsa yoari wapa mµsare ne wasi. ² Æ jina pjacµoinare yoadohona, tíre masare yoa ñoena tjiga. Masa ti ñµenoi yoadohoga tinare. Cåina noaa ti yoaaare yoa ñohna mahapµ jiiinare, judio masa mari buhea wµhµsepµ jiiina cµhµre. Tina mari baharo bµhµsehei ñano yoa cohtaina jira. Æ yoa ñohna tina, “Noaina jira”, masare ni ñµ dutia. Ti ã ni ñµchµ ã yoa ñoina sehe wahche tuhsµre. “Noaina jira” ni, masa ti ño payochµ wahche tuhsµre tina. Æ jiro Cohamacu sehe ne wahche namochµ yoasi tinare. ³ Æ jina pjacµoinare yoadohona, masa ti ñµenoi yoadohoga tinare. Mµsa mehne macaina mehne jina ti ñµenoi pjacµoinare yoadohoga. ⁴ Masa ti ñµeraropµ mµsa yoadohopachµta Cohamacu sehe ñµna. Æ ñµno mµsa ã yoari wapa warohca mµsare –ni yahuha Jesu.

Cohamacure siniare yahuha Jesu (Lc 11.2-4)

⁵ Pari turi tiro õ sehe ni yahu namoha:

–Cohamacure sinina, mari baharo bµhµsehei ñano yoa cohtaina yoaro sehe yoarena tjiga mµsa. Judio masa mari buhea wµhµsepµ ducu, mahapµ cµhµre ducu, Cohamacure sini ñohna tina masare. Æ sini ñoa potocå masa tinare ti ño payochµ tí mehne tina wahche tuhsµre. ⁶ Cohamacure sinicµ tacµ, mµ ya tµhtiarµ biha såaga. Biha såa, mµsa Pµcµ ñµmahnoerarirore siniga. Mµsa ã yoachµ masa marienoi mµsa sinipachµta mµsa Pµcµ mµsare tµhorohca. Æ tµhoro mµsare noano yoarohca tiro.

⁷ Æ jina Cohamacure sinina, tµhoturo marieno mµsa sinirireta pari turi sini majare tjua mµjaena tjiga. Õ sehta yoara Cohamacure masieraina. “Payµ durucua mehne Cohamacure sã sinichµ tiro sãre tµhorohca”, ni tµhotumana tina. ⁸ Tina yoaro sehe yoarena tjiga. Mµsa sinihto pano mµsa Pµcµ mµsa cahmaare masi tuhsµra. ⁹ Æ jina õ sehe ni sininahca Cohamacure:

“Sã Pµcµ, mµano macariro mµhµ ñaa marieniro ã jirucura.

¹⁰ Mipµre jipihtina bui pµhtoro jiga.

Mµanopµ mµ dutiro sehta ti yoariro sehta ahri yahpa macaina cµhµ yoajaro.

¹¹ Æ jicµ dachoripe sã chµhtire warucuga sãre.

¹² Paina sãre ti ñano yoarire sã boja.

Æ jicµ mµhµ cµhµ sã ñano yoarire boga.

¹³ Æ jicµ sã ñaaare yoa duana sã goa pjachµ ñµcµ tíre yoa dutii tjiga.

Æ jicµ sãre ñaaare yoerachµ yoaga.

[Mµhµ sã pµhtoro tuariro ã jirucuihca. Jipµihtina mµhµre ã ño payorucuahca], ni siniga Cohamacure.

¹⁴ Paina mµsare ti ñaa yoarire mµsa bochµ ñµno, mµsa Pµcµ mµano macariro cµhµ mµsa ñaa yoarire borohca. ¹⁵ Wiho mejeta paina mµsare ti ñaa yoarire mµsa boerachµ mµsa Pµcµ cµhµ mµsa ñaa yoarire ne bosu –ni yahuha Jesu.

Chµ duhuare buheha Jesu

¹⁶ Æ jiro tiro tinare õ sehe ni yahu namoha:

–Cohamacure ño payona tana chµ duhuna bµjµa witiina yoaro sehe yoa ñoena tjiga. Tó sehe yoara mari baharo bµhµsehei ñano yoa cohtaina. Tina ti wµhdµa poca cahyaina yoaro sehe jira. Ti ã jiiina jichµ ti chµ duhuchµ ñµ masina masa. Potocåta mµsare nii nija. Tinare masa ño payochµ cahmana tina. Æ jia tinare ti ño payochµ ñµa tina wahche tuhsµre. (Cohamacu sehe tirore ti ño payori wapa tinare wahchechµ yoasi. Æ jina tina yoaro sehe yoa ñoena tjiga mµsa.) ¹⁷ Mµsa chµ duhuna, mµsa pjoarire co mehne wa payo wµha majare payoga. Æ jina mµsa wµhdµa pocare cosaga. ¹⁸ Mµsa ã yoachµ mµsa chµ duhuchµ ñµ masisi masa. Mari ñµ mahnoerariro Cohamacu dihta mµsa chµ duhuare ñµ masinohca. Mµsa sahsero mµsa jichµ tiro mµsa mehne ã jirucura. Æ ñµno tiro mµsare noano yoarohca tirore mµsa ño payori wapa –ni yahuha Jesu.

Mµano macaare cjµa dutiha Jesu (Lc 12.33-34)

¹⁹ Æ jiro tiro õ sehe ni yahu namoha:

–Ahri yahpa macaare na cahmachuena tjiga. Õ macaa baa wahaboca. Ti baaerachµ yacariro naboca tíre. To yacaerachµ

machu t̄aboca. ã jia ahri yahpa macaa nu butihto cuara. ã jina ahri yahpa macaare tuaro cahmaena tjiga. ²⁰ M̄ano macaa sehere cahmaga m̄usa. M̄ano macaare machu t̄a masierara. Tóru m̄usa c̄uaa ne baaerara. Tóru yacariro na masierara. ã jina m̄ano macaare cahmaga m̄usa. ²¹ Tóru m̄usa c̄uaa ti jichu, m̄ano macaare Cohamacu yare tuaro wac̄una m̄usa –ni yahuha Jesu.

*Masa ti t̄ahoturo seheta yoara
(Lc 11.34-36)*

²² ã jiro õ sehe ni yahu namoha tinare:
–Sihãria to noano buhriachu mari ñu masino seheta Cohamacu yare t̄ahotuna to yare noano yoa masinahca m̄usa. M̄usa t̄ahoturo seheta yoara m̄usa. Cohamacu yare t̄ahotuna noaare yoara m̄usa. ²³ To yare t̄ahotuerana ñaare yoara m̄usa. M̄usa ñaa dihtare m̄usa t̄ahoturucuchu tí ñaa sehe ñabiaa jira –ni yahuha Jesu.

*Niñerure cah̄ina, Cohamacu sehere
cah̄erara
(Lc 16.13)*

²⁴ ã jiro tiro õ sehe ni yahu namoha tinare:
–Cãiro Cohamacu sehere wac̄uno, tuabi-aro niñeru sehere wac̄uerara. Niñeru sehere tuabiario wac̄uno Cohamacu sehere wac̄uerara. Niñeru dihtare cahmariro jiro Cohamacure wahchechu yoaerara. Cohamacu c̄uhare, niñeru c̄uhare p̄arore cahma ȳhd̄ucahto basioerara m̄usare –ni yahuha Jesu.

*Cohamacu to poh̄nare ñu wihbora
(Lc 12.22-31)*

²⁵ ã jiro tinare õ sehe ni yahu namoha:
–ã jicu m̄usare nii nija: M̄usa ch̄are, sihniare, suhti c̄uhare pjíro cahya t̄ahotuena tjiga. M̄usare bajuamehnenno ch̄are ch̄uh̄tina c̄ihti dihtare suhti s̄ahtina c̄ihti dihtare Cohamacu yoaeraha m̄usare. ²⁶ Minichahca perire Cohamacu to ñu wihboare masiga m̄usa. Tina weseri maeraina jira. ã yoa ch̄are ti wihboa w̄huse tinare mariahna. M̄usa P̄cu m̄ano macariro sehe tinare ti ch̄uh̄tine wara. Minichahca ȳhdoro m̄usa sehere cah̄ina Cohamacu. ã jiro m̄usa c̄uhare ñu wihborohca tiro. ²⁷ Pjíro m̄usa t̄ahotua

mehne c̄u hora m̄usare cati namochu yoa masierara m̄usa. ã jiro m̄usa pjíro t̄ahotua yaba c̄ihti jierara.

²⁸ ã jina m̄usa suhti s̄ahtire pjíro cahya t̄ahotuena tjiga. Macaroca macaa cohoi ti cohoare t̄ahotuga. Tí cohoi ti basi suhtire yoaerara. Wiho mejeta tí cohoi noaa suhti yoaro sehe noaa cohoi bajura. ²⁹ Salomo c̄ihiro noaa suhtire s̄ariro to jipach̄ata tí cohoi sehe tiro ȳhdoro noabia cohoi waro jira. ³⁰ Cohorire noaa cohoi yoara Cohamacu sehe. Tí cohoi sehe mahaa dachoricã jirucuma ñai boraahara. Mahanocã ji, pa dachoi pichacaru j̄aa wahara. Ti ã jipach̄ata cohorire noaa cohoi jichu yoara Cohamacu. ã jiro Cohamacu cohorire to noaa cohoi to yoariro ȳhdoro m̄usa c̄uhare noano yoarohca. Suhtire warohca. Cohamacure mahanocã wac̄u tuara m̄usa. ³¹ ã jina m̄usa ch̄uh̄tine, m̄usa sihnihtire, m̄usa suhti s̄ahtire pjíro cahya t̄ahotuena tjiga. ³² Cohamacure cahmaeraina sehe tíre ã macarucua nina. M̄usa P̄cu m̄ano macariro jipihtia m̄usa cahmaare masina. To ã masichu pjíro cahya t̄ahotuena tjiga. ³³ Cohamacu m̄usa p̄h̄toro to jihto c̄ihtore cahma m̄ah̄taga m̄usa. Jipihtia paye baro ȳhdoro tirore cahmaga m̄usa. Noaare to yoa dutia c̄uhare cahmaga. M̄usa ã yoari baharo Cohamacu sehe m̄usa cahmaa d̄hsach̄u warohca. ³⁴ ã jina ñamichacaru m̄usa dohse wahah̄tore pjíro cahya t̄ahotuena tjiga. M̄usa ã pjíro cahya t̄ahotuna paȳbiaa jahca m̄usa t̄ahotu sehe. Micha macaa dihtare m̄usa t̄ahotuch̄u tó purota m̄u s̄rohca –ni yahuha Jesu.

7

*Painare “Ñaina jira”, niena tjiga
(Lc 6.37-38, 41-42)*

¹ ã jiro tiro tinare õ sehe ni yahu namoha:

–Painare “Ñaina jira”, niena tjiga m̄usa. M̄usa ã nierachu Cohamacu m̄usare “Ñaina jira”, nisi. ² Painare “Noano yoaerara”, m̄usa ni ñuriro seheta Cohamacu sehe m̄usa c̄uhare ãta ni ñunohca. ³ Mari piti dahre buhechu õ sehe yoaina jira m̄usa. M̄usa coyeiro to capariacaru mahari pohcarocã to s̄ach̄u tí pohcarocãre noano

ñuna musa. Musa ya capariaca sehere pjiri pjĩ to jipachuta tí pjĩne ne ñerara musa. Mahari pohcarocãre musa ñuno sehetã musa coyeiro to ñano yoaa sehere noano ñuna musa. Musa basi musa ñaare tuaro yoapanahta tíre masierara musa, pjiri pjĩne musa ñeraro sehetã. ¿Dohse jiro baro ã jijari musa? ⁴ Õ sehe niina jira musa: “Coyeiro, ñaare yoai nica mũhũ. Æ jicũ tíre duhuga”, niina jira musa. Æ niina jipanahta pjĩro ñaare yoara musa sehe. ¿Dohseana musa ñaare yoapanahta tíre masierajari musa? ⁵ Masa ti baharo bũhũsehei ñano yoa cohtaina jira musa ã yoaina. Pjiri pjĩne musa capariacai jiri pjĩne musa na mũhtaboriro sehetã musa ñano yoaa sehere duhu mũhtaga. Musa ã yoari baharo musa coyeiro to ñano yoare duhuchũ yoa masiboca, mahari pohcarocãre musa naboro sehetã.

⁶ Dieya yoaro sehe jiina, yesea yoaro sehe jiina cũhũ ñabiainare Cohamacũ ya noa yũhdũare ti ño payoeraare yahuena tjiga tinare. “Tinapũ bũjũpe, ñano ni, mũsare ñabiaro yoari”, nina yahuena tjiga tinare — ni yahuha Jesu.

*Cohamacũre mari siniare yahuha Jesu
(Lc 11.9-13; 6.31)*

⁷ Æ jiro tiro tinare õ sehe ni yahu namoha:

—Cohamacũre siniga musa. Musa sinina musa sinirire ñahanahca. Musa sinirire bocanahca. Tirore ã sinirucuga musa. Musa ã yoachũ tiro mũsare warohca. ⁸ Jipihtina Cohamacũre siniina naahca. Æ yoa ti sinirire bocaahca. Jipihtina Cohamacũre ã sinirucuinare tiro tinare warohca.

⁹ ¿Musa pohna pão curire mũsare ti sinichũ tãca sehere wabocari musa tinare? Ne wasi musa. ¹⁰ ¿Musa pohna wahire mũsare ti sinichũ agã sehere wabocari musa tinare? Ne wasi. ¹¹ Musa ñaina jipanahta musa pohñare noaare waa tíre musa. Æ jiro Cohamacũ sehe musa yũhdoro noaare wara mũsare to pohñare tirore siniinare. Musa pohñare musa wariro yũhdoro Cohamacũ sehe to pohñare wara.

¹² Paina mũsare ti noano yoachũ cahmana musa. Tinare musa noano yoachũ cahmano sehetã musa cũhũ noano yoaga

tinare. Ti noano yoerapachuta musa sehe tinare noano yoaga. Æta yoa dutira Cohamacũ dutia Moise cjirore to cũripũ Cohamacũ yare yahu mũhtaina cjiri ti joari cjiri cũhũ —ni yahuha Jesu.

*Mahari sopacacã quitire yahuha Jesu
(Lc 13.24)*

¹³ Æ jiro tiro õ sehe ni yahu namoha tinare:

—Mũanopũ Cohamacũ cahapũ waha duana to yare yoaro cahmana mũsare. Æ jina to yare ã yoamacanocaeraro cahmana. Mahari sopacacãpũ musa sãa duachũ mijo curera. Tó sehetã mijo nina Cohamacũ cahapũ musa waha duachũ. Pichacapũ masa ti wahachũ mijoerara. Pjiri sopacapũ mari sãachũ mijoerara. Tí sopacapũ masa ti sãaboro sehetã pichacapũ masa ti wahachũ mijoerara. Æ jia payũ masa tórpũ waha nina. ¹⁴ Cohamacũ cahapũ musa waha duachũ mijo nina. Mahainacã masa tórpũ wahaahca. Tórpũ wahaina jipihtia dachoripe Cohamacũ mehne jirucuahca —ni yahuha Jesu.

*Masa ti yoirire ñuna ti jia tiare masija mari
(Lc 6.43-44)*

¹⁵ Æ jiro tiro õ sehe ni yahu namoha tinare:

—Noano yoaga. “Cohamacũ yare yahu mũhtaina jija”, ni mahñoinare tũhoena tjiga musa. Tina oveja yoaro sehe suaeraina sehe bajumana. Tí tũhotuapũ ñaina jira tina. ¹⁶ Tí ñano yoachũ ñuna, ñaina ti jichũ masinahca musa. Tí noano yoachũ ñuna noaina ti jichũ masinahca musa. Agã potacũ se tũhorine dicha tierara. Pota tidũ cũhũ higuera pocare dicha tierara. ¹⁷ Noadũ yucũcũ noaare dicha tira. Ænadũ sehe ñaare dicha tira. ¹⁸ Noadũ yucũcũ ñaare ne dicha tierara. Æ yoa ñadũ noaare dicha tierara. ¹⁹ Noaare dicha tiera yucũre dũte cohãnocã, pichacapũ jũnohca. Æta yoarohca Cohamacũ to cahmaare yoerainare. ²⁰ Æ jina “Cohamacũ yare yahu mũhtaina jija”, ni mahñoinare õ sehe masinahca. Tí yoirire ñuna, mahñoina ti jiare masinahca —ni yahuha Jesu.

*“M̄sare ne masieraja”, ninohca Cohamac̄u paȳu masare
(Lc 13.25-27)*

²¹ Ā jiro tiro õ sehe ni yahu namoha tinare:

–Paȳu yuh̄ure “P̄uhtoro”, niina jipahta m̄ano macariro p̄uhtoro Cohamac̄u to s̄ho jirop̄ure wahasi tina. Ȳu P̄uht̄u m̄ano macariro to cahmaare yoaina dihta p̄uhtoro to s̄ho jirop̄ure wahaahca. ²² Pihtiri dacho jich̄u paȳu masa õ sehe niahca yuh̄ure: “P̄uhtoro, m̄u yare s̄a buhehi. M̄u wama mehne wat̄iare coh̄a wiohi. Ā yoa m̄u tuaa mehne paȳu yoa ñohi s̄a”, yuh̄ure niina jahca. ²³ Ō sehe ni yuh̄tihca tinare: “M̄sare ne masieraja. Ñaa buhiri tiina jira m̄usa. Ā jina ȳu cahai taena tjiga”, ni yuh̄tihca tinare.

*P̄ua wuh̄u yoaina quitire yahuha Jesu
(Lc 6.47-49; Mr 1.22)*

²⁴ Ā yoa jipihtina ahri ȳu buherire t̄horina ȳu dutiare yoaina, noano t̄ho masiriro wuh̄u dahreriro yoaro sehe jira tina. Tiro sehe c̄ãa copari t̄a wapap̄u saha, wuh̄ure noano dap̄o d̄caha. ²⁵ Tí wuh̄ure to tuhs̄uri baharo coro tuaro ta, dia mini yuh̄d̄ua waha, tuaro wihnono w̄aha. Ā to tuaro w̄apach̄uta tí wuh̄u c̄ãno t̄a wapa bui to dap̄ori wuh̄u jiro ne waha s̄u cahaerara. ²⁶ Ā jia jipihtina ȳu buherire t̄hopahta ȳu dutiare yoaeraina, t̄ho masierariro wuh̄u dahreriro yoaro sehe jira. Tiro sehe to wuh̄ure pad̄uro buic̄a dap̄o, noano yoa d̄caeraha. ²⁷ Tí wuh̄ure to tuhs̄uri baharo, coro tuaro ta, dia mini yuh̄d̄ua waha, wihnono tuaro w̄aha. Ā tuaro w̄ano tí wuh̄u sehere w̄aroca c̄ñocaha. Ā jiro tí wuh̄u tuaro bora s̄u cahaa wahaha –ni yahuha Jesu.

²⁸ To ã ni buhech̄u t̄hoa, c̄uaa wahaha masa. ²⁹ “Tiro potoc̄ata p̄uhtoro jira. Ā jiro noano masi pah̄oriro marine buhera tiro. Mari judio masare buheina yoaro sehe buherara”, ni t̄hotuha tina.

8

*Jesu cami baarirore noariro wahach̄u yoaha
(Mr 1.40-45; Lc 5.12-16)*

¹ Jesu t̄ac̄up̄u buhe dujiriro cjiro dujia wahaha. To ã dujiach̄u ñ̄ua masa paȳu tiro baharo wahaha. ² To ã wahach̄u c̄ãiro cami b̄uc̄u baariro tirore piti boca, na tuhcu caha s̄u, tirore siniha:

–P̄uhtoro, m̄uh̄u yuh̄ure noariro yoa duacu yoaga –niha.

³ To ã nich̄u t̄horo to wamomaca mehne Jesu tirore ñ̄a payoha.

–Jai, m̄uh̄ure noariro wahach̄u yoaja –niha Jesu tirore.

To ã nich̄uta tí to cami baari cjiri yati m̄ua wahaha. ⁴ Ā ni tuhs̄u Jesu tirore õ sehe niha tjoa:

–Ȳu m̄uh̄ure õ sehe yoarire ne painare yahui tjia. M̄u p̄jac̄ure noari p̄jac̄u to waharire sacerdotere ñoi wahaga. Moiserere Cohamac̄u to c̄ũiro seheta sacerdotere minichahcare waga m̄u yuh̄d̄urire ti noano masihto sehe –niha Jesu.

*Surara p̄uhtoro to m̄ano to dohatich̄u Jesu noariro wahach̄u yoaha tirore
(Lc 7.1-10)*

⁵ Tó baharo Jesu Capernau wama tiri macap̄u to s̄uch̄u cien surara p̄uhtoro to cahai s̄u, tirore tuaro õ sehe ni siniha:

⁶ –P̄uhtoro, yuh̄ure dahra cohtariro p̄jac̄u b̄hariro jiro waha masierat̄jiãhno tirore tuaro pur̄ich̄u ȳu wuh̄up̄u coãhre tiro –niha tiro Jesure.

⁷ To ã nich̄u, Jesu “Jai”, ni yuh̄tiha:

–Tirore to dohatiare yuh̄d̄uch̄u yoai wahihtja –niha Jesu.

⁸⁻⁹ To ã nich̄u õ sehe niha surara p̄uhtoro:

–P̄uhtoro, noanohca. Tai tjia. Ȳu yuh̄doro noa yuh̄d̄uriro jira m̄uh̄u. Ya wuh̄u m̄uh̄ure s̄a ta dutiboriro jieraja yuh̄u. M̄u masia mehne noariro wahach̄u yoaga tirore. M̄u ã yoach̄u ȳu yuh̄ure dahra cohtariro noariro waharohca. Yuh̄ure ȳu bui jiina paina p̄uhtoa dutira. Yuh̄u c̄ãh̄u surarare dutija. C̄ãirore “Wahaga”, ȳu nich̄u tiro wahara. Pairore “Taga”, ȳu nich̄u tiro tara. Yuh̄ure dahra cohtarirore “Ahr̄ire yoaga”, ȳu nich̄u tíre yoara. (M̄uh̄u c̄ãh̄u dutirirota jira. Ā jiro m̄u dutiro seheta tiro dohatiriro yuh̄d̄urohca) –niha tiro.

¹⁰ To ã nich̄u t̄ho c̄uaa waharo paȳu masa tiro mehne j̄inare õ sehe niha Jesu:

–Potoc̄ata m̄sare niita nija. Ahr̄iro surara p̄uhtoro Israe mas̄uno jierariro

Cohamacure tuaro wacū tuara. Tirore dahra cohtarirore yu noariro wahachu yoachtire masi tuhsaha. Ne Israe masare ahriro yoaro sehe jiiinare ñerasinija. ¹¹ Músare niita nija. Payu ahriro yoaro sehe Cohamacure wacū tuaina jipihtiro macaina manano macariro puhtoro to suho jiropu sua, tópu jiina mehne chahca. Abrahã, Isaa, Jacobo mehne chahca tina. ¹² Masa paina sehe puhtoro Cohamacu to suho jiropu wahaborina ti jipachuta ñanopu nahitianopu cohānocanohca tinare. Tópu to cohārina tuaro tii, cahyaa mehne bahca dihoahca –ni yahuha Jesu.

¹³ Tíre ã ni tuhsu, surara puhtoro ò sehe niha:

–Tjuahga mu ya wuhupu. Mühure dahra cohtariro yuhdurohca. “Potocãta yuhdurohca”, ni mu tuhoturiro seheta yuhdurohca –niha Jesu.

To ã nino watoihita tirore dahra cohtariro sehe noa tuhsaha.

Pedro marechonore dohatiricorore yuhdoha Jesu

(Mr 1.29-31; Lc 4.38-39)

¹⁴ Baharo Jesu Pedro ya wuhupu su, Pedro marechono dohatichu ñaha tiro. Juaro tichu cama bui coãha ticoro. ¹⁵ To ã jichu ñutjiãhno to wamomacare ña payoha. To ã ña payochuta juaro surua wahaha. Suruchu tuhuturo ticoro sehe wahcãruca, tinare chure payoha.

Jesu payu dohatiinare yuhdoha

(Mr 1.32-34; Lc 4.40-41)

¹⁶ Æ yoa ñamichahapu payu watia ti sãanohrinare masa na wihia Jesu cahapu. Ti ã na wihichu ñano cã tahata to waha dutichu watia waha wahaha. Tuhsu, jipihina dohatiina ti na surinare ti dohatiare cohã pahñoha Jesu. Æ jia noaa wahaha tina. ¹⁷ Æta yoaha tiro panopu macariro Cohamacu yare yahu muhtariro Isaia cjiro to niriro seheta. Æ sehe ni joaa tiha: “Mari dohatiare yuhdonocanohca tiro. Mari dutiare cohānocanohca”, ni joaa tiha Isaia cjiro Jesure.

Cãina Jesu mehne waha duamaha

(Lc 9.57-62)

¹⁸ Jesu payu masa to cahai ti jichu ñano: –Sie coapu basa pahãjihna –niha.

¹⁹ Ti pahãhto pano judio masare buheriro Jesu cahapu su, ò sehe niha:

–Buheriro, muhu mehne waha duaja nohoi mu waharoi –niha.

²⁰ Jesu ò sehe ni yuhtihia:

–Cãina macaroca macaina wahiquina ti copari cjuara. Minichahca cãhu ti suhti cjuara. Yuhu masano Cohamacu warocariro sehe yu cariri wuhu maeraja. (Æ jina yuhu mehne tana ñano yuhduhahca musa) –ni yuhtihia Jesu.

²¹ Æ yoa paio Jesu buheriro ò sehe niha:

–Puhtoro, yu puca to yariachu yasinii wahaihtja. Æ ya tuhsu pinihta muhu mehne wahaihtja –niha tiro Jesure.

²² Jesu ò sehe ni yuhtihia:

–Yuhure cahmaeraina yariaina yoaro seheta jira. Tina sehe yariainare yajaro. Æ jicu muhu sehe yuhu mehne macariro cjihto taga –niha tiro.

Jesu wihnonore yusu dutiha

(Mr 4.35-41; Lc 8.22-25)

²³ Æ ni tuhsu Jesu to jiriapu dohoriapu samuha. Æ jia to buheina cãhu tiro mehne waha, samuha. ²⁴ Tí bucupariropu ti pahãchu waro wihnono tuaro taha. Æ jia pahcõri dohoriare mionocamaha. Æ wihnono wãpachuta Jesu sehe carino niha. ²⁵ To ã wahachu ñua tina tirore wahcõha. Wahcõ ò sehe niha:

–Puhtoro, yuhdoga. Mari mini yariana tana nija –niha tina.

²⁶ Ti ã nichu Jesu ò sehe ni yuhtihia:

–¿Dohse jiro baro cuimacanocana nijari musa? Yuhure wacū tuaeraina jira musa –niha Jesu tinare. Æ ninota wahcãrucu su, wihnonore pahcõri cãhure “Yusua wahaga”, niha. To ã nichu wihnono yuhduu wahaha. Æ jia pahcõri cãhu yusu boraa wahaha. ²⁷ To ã yoachu ñu cãaa, ò sehe niha tina:

–¿Cue, dohse jiro baro masano jijari ahriro? Ahri wihnono, pahcõri cãhu to dutichu yuhduhcaerara tirore –niha tina.

Watiare cohã wioha Jesu

(Mr 5.1-20; Lc 8.26-39)

²⁸ Tinare ã wahari baharo pahã su, Gadara macaina ya yahrapu suha. Tópu ti sachu puaro mu masa copari watopu

jiina Jesure piti boca. Tina watia ti sãanohorina cuaina jiha. ã jiro tópu masa ti wahamahnoeno jiha. ²⁹ Tire piti boca, õ sehe ni sañurucuha:

—¿Mũhũ Cohamacũ macũno dohse yoai tai tajari mũhũ sã cahapũre? ¿Sãre Cohamacũ to buhiri dahrehti pja to jierapachũta sãre buhiri dahrei tai nijari mũhũ? —ni sañurucuha tina.

³⁰ Tó cahai payũ yesea maca chũa niha.

³¹ Tinare ñũa, watia õ sehe niha Jesure:

—Sãre cohã wiochũ sina yesea cahapũ yeseare sãa dutiga sãre —ni siniha watia Jesure.

³² —Jai, wahaga —niha Jesu.

To ã nichũ watia puaro masa mehne jirina cjiri waha, yesea ti pjacũripũ sãaha. ã yoa tinare ti sãari baharo, yesea pari cũũpũ mũroca buha, bũcũpariropũ bora ñoja, mini yaria pihtia wahaha.

³³ Ti ã wahachũ ñũa yeseare ñũ wihboina sehe cui, mũrocaa wahaha. Macapũ sũ, yesea ti minirire yahu site pahñoa. Watia ti sãanohrinare Jesu to cohã wiori cũhũre yahu pahñoa tina. ³⁴ ã ti yahu siteri baharo tí maca macaina jipihtina Jesure ñũa taha. ã jia tire ñũa, tuaro mehne waha dutiha tire.

9

Pjacũ bũharire noariro wahachũ yoaha Jesu

(Mr 2.1-12; Lc 5.17-26)

¹ ã ti waha dutiri baharo Jesu dohoriapũ samu, bũcũpariropũ pahã, to bũcũari macapũ sũha. ² Tópu paina pjacũ bũharire to coãri cahsaro mehne yo wũa wihaha Jesu cahai: “Jesu ahrirore to dohatiare yãhdũchũ yoarohca”, ni tũhotuha tina. Ti ã ni tũhotuchũ masino dohatirirore õ sehe ni yahuha Jesu:

—Macũ, wahchega mũhũ. Ñano mũ buhiri tiare cohã tuhsũja yũhũ —niha tiro.

³ To ã nichũ tũhoa cãina mari judio masare buheina õ sehe ni tũhotumaha: “Ahriro wiho jiro ã nino, ‘Cohamacũ jija’, nino nina. ã nino Cohamacũre ñano nino nina”, ni tũhotumaha tina. ⁴ Ti ã ni tũhotuchũ masino, õ sehe niha Jesu:

—¿Dohseana ã ñano tũhotujari mũsa?

⁵ “Ñano mũ buhiri tiare cohã tuhsũja”, yũ nichũ, “Mahñoriro jira”, nina mũsa noano masierapanahta. “Wahcãrũca, wahaga”, yũ nichũ yũ niri potocã jia jichũ dóihta mũsa masinahca. ⁶ Yũhũ masũno Cohamacũ warocariro ahri yahpai masa ti ñano buhiri tiare cohã masija yũhũ. Masa ti ñano buhiri tiare cohãhtiro cjihtore cũre Cohamacũ yũhũre. Yũ ã cohãrire mũsa masihtõ sehe õ seheta yoa ñoihtja mũsa ñũhti cjihtire —niha Jesu.

Tinare ã ninota, pjacũ bũharire õ sehe niha:

—Wahcãrũcaga. Mũ coãri cahsaro na wahcãga mũ ya wũhũpũ —niha tire.

⁷ To ã nichũ tũhoro pjacũ bũhariro wahcãrũcũ sũ, to ya wũhũpũ tjuaa wahaha.

⁸ Masa to ã wahachũ ñũa cuiha. ã yoa Jesure Cohamacũ to tuare to wachũ ñũa masa Cohamacũre ño payo, noano durucuha.

Jesu Mateore pjaha

(Mr 2.13-17; Lc 5.27-32)

⁹ Ti ã yoari baharo Jesu tópu jiro ta, yũhũre Mateore boca wihire. Puhtoa ya cjihtire masare wapa na cohtariro jimai. ã jicũ tí pjare yũ dahrari tahtiapũ dujii. Tói yũ dujichũ ñũno õ sehe nire yũhũre:

—Yũhũ mehne macariro cjihto taga mũhũ —nire Jesu yũhũre.

To ã nichũ tũhocũ wahcãrũca tiro mehne wahai.

¹⁰ Baharo ya wũhũpũ Jesu cũhũ chũa tare. Payũ puhtoa ya cjihtire wapa na cohtaina, “Ñano yoaina”, ti niina cũhũ sã mehnetã chũre. ¹¹ Tina mehne sã chũchũ ñũa, fariseo curua macaina sãre Jesu buheinare õ sehe nire:

—¿Dohsearo mũsare buheriro wapa na cohtaina mehne, ñano yoaina mehne chũjari? —nire tina sãre to buheinare.

¹²⁻¹³ Ti ã nichũ tũhoro Jesu sehe piti dahre buhea mehne yũhtire:

—Dohatieraina duhturure macaerara. Dohatiina dihta duhturure macana. Ñaare yoaina dohatiina yoaro sehe jira. ã jicũ ñaare yoaina dihtare ti ñaare ti tũhotumari cjirire duhu, noaa sehere ti tũhotu cohtotachũ yoai tai nii yũhũ. Ti basi “Noaina jija sã”, ni tũhotuina barore yahui tai

nierahi. Cohamacu to nirire ti joarire masiga musa. “Wahiquinare musa waja, ja muoa mehne yuhure musa no payochu cahmaeraja. Painare musa pja nuhu sehere cahmaja”, ni joaha. Ahri to joari to dohse niare masiga musa. Tíre noano buhe namona wahaga –nire Jesu fariseo curua macainare.

Chu duhuare sinituha João buheina Jesure

(Mr 2.18-22; Lc 5.33-39)

14 Baharo João masare bautisariro to buheina Jesu cahapu su, o sehe ni siniture:

–Sã João buheina sehe Cohamacure no payona tana, chu duhuja. Fariseo curua macaina chu a ta chu duhura. ¿Dohse yoaa mu buheina sehe chu duhuerajari? –nire tina Jesure.

15 Jesu to tuhotua mehne piti dahre buhero taro tinare o sehe ni yuhure:

–O sehe jira tí: Wamomaca duhteromu ti pjirocaina wamomaca duhteriro mehne jia, chu duhu masierara. To sehetu yu buheina chu yuhu mehne jia, chu duhu masierara. Yuhu wamomaca duhteriro yoaro sehe jija. Wamomaca duhteriro bose nuhu to yoachu tiro mehne macaina cahyaa mehne jierara. A jia chu duhuina jierara. Yu Pucu Cohamacu yuhure to naari baharo pinihtare yu buheina mehne jisi yuhu. A jia tí pjaruta yu buheina chu chu duhuahca –ni yuhure Jesu.

16 Panomu macaa buhea wahma buhea mehne ti buhe more duachu nuho o sehe ni namore Jesu tinare piti dahre buhero:

–Ne wahma cahsaro suhtiro cahsaro mehne munano suhtirore sere ono cahmaerara. A yoachu wahma cahsaro mari cosari baharo munano suhtirore waja cahmachu, pjibiaro tuhuhu yoara. (Ahri yoaro sehe ni, muoa buhea wahma buhea mehne piti dahre buheraro cahmana.) 17 A jina ne se co bisia core wahiquiro cahsaro wajuru mehne muoa wajuru mehne posaeraro cahmana. A yoachu se co bisia pahmoapu muoa wajurure tuhrēnocahna. To tuhuhu se co chu, wajuru chu cohōa wahara. A jina se co wahma core wahma wajurupu posaro cahmana. A yoachu se co cohōeraa, wajuru chu cohōerara. (To

sehetu wahma buhea muoa buhea mehne buhe moreraro cahmana) –ni yahure Jesu tinare.

Jairo maconore noaricoro yoa, cahã nuaricoro chure noaricoro yoaha Jesu

(Mr 5.21-43; Lc 8.40-56)

18 To a ni yahuro watoi judio masa mari buheri wuhu puhtoro Jesu cahapu wihire. Wihi, na tuhcu caha su, o sehe nire:

–Yu maco yoatapu yariaa wahahre. Ticorore mu wamomacare duhu payoi taga. Mu a yoachu masanohca –nire tiro Jesure.

19 To a nichu tuhoro Jesu wahcāruca tiro mehne wahare. Sã to buheina chu wahai. 20 Sã mahai waharucuhu toí numino a cahã nuaricoro Jesu baharo buhusehei ta, to suhtiro sohtoare nuha nuha. Doce chumari waro dachoripe cahã nuaricoro jiha. 21 O sehe ni tuhotuha ticoro a yoaro: “To suhtirore nuha nuho, noaricoro wahacohca”, ni tuhotuha ticoro.

22 To a yoachu masino Jesu majarerucu su, ticorore o sehe nire:

–Maco, wahchega muhu. Mu yuhure wacu tuua mehne noaricoro tjuaa muhu mipure –nire tiro.

To a nichuta noaa wahare ticoro.

23 A yoa tuhsu Jesu puhtoro ya wuhuru sure. Sãa saro, nuhacaha tiinare teneniaca yoaro sehe jiriare putiinare nuare. Payu masa ti nuano bisichu chure tuhore tiro. 24 Ti a nichu tuhoro masare o sehe nire:

–Wijaahga musa. Yariaerari jira ticoro. Carino nina –nire tinare.

To a nichu tuhoa, “A nimacanocano nina ahriro”, nia masa bujure tirore. 25 A jiro wuhu puhichapure masare to wio pahuri baharo yariaricoro cahapu su, to wamomacare nuhaha. To a nuhachu masa caha su, wahcāruca suha ticoro. 26 To a yoirire tuhoa, to macaina masa jipihtina yahu sitere.

Puaro capari bajuerainare nuhu yoaha Jesu

27 A yoaro Jesu toí jiriro to wahachu, puaro capari bajueraina tirore pisu nuhu tire:

–Davi panamino masare yuhdohtiro, sare pja nuha muhu –ni sañurucure tina.

28 Ti a nichuta Jesu pa wuhuru sare. To a saachu masia capari bajueraina to cahapu

sãa wahare. Ti ã sãa sũchũ ñũno tiro sehe siniture tinare:

–“Marine ñũchũ yoarohca tiro”, ¿ni tũhotujari mũsa yũhũre? –nire tiro.

–Pũhtoro, ãta ni tũhotuja sã –ni yũhtire tina.

²⁹ Ti ã nichũta ti caparire ña payore. ã ña payorota õ sehe nire:

–Yũhũre “ã yoarohca”, mũsa ni tũhoturiro seheta ã yoaja –nire Jesu.

³⁰ To ã nichũta ti capari sehe noaa wahare. ã yoa Jesu õ sehe nire tinare:

–Ahri yũ õ sehe yoarire painare ne yahuena tjiga –nire.

³¹ To ã nipachũta waha, tói jĩinare yahu sitere tina to ã yoarire.

Durucuerarirore durucuchũ yoaha Jesu

³² Tí wũhũre ti wijaachũ waro cãiro durucuerarirore na tare masa. Watĩno tiro mehne jĩiro tirore durucuerachũ yoaha. ³³ Ti na sũchũ ñũno watĩnore Jesu cohã wiore. To ã cohã wiochũ watĩno to sãanohriro cjiro sehe durucua wahare. To ã yoachũ ñũna jĩpihtina cũa pihtiare.

–Ne, ahri yahpa Israe yahpapũre õ sehe yoare ñũera tihĩ mari –ni durucure tina ti basi.

³⁴ Fariseo curua macaina sehe soro ni durucure:

–Watĩa pũhtoro to tuaa mehne watĩare cohãna ahriro –ni durucure tina.

Masare pja ñũha Jesu

³⁵ ã yoa jĩpihtia macari tói jia macaricãre, bũjũa macari cũhũre buhe tinino wahare Jesu. Noaa buheare judio masa mari buhea wũhũsepũ buhero wahare tiro. ã jiro pũhtoro Cohamacũ to sũho jĩhtore yahure. Jĩpihtia dohatia cũhũre tó macainare yũhdore tiro. ³⁶ Masa payũ ñũno yũhdũina, pĩacũoro wahaina ti jichũ ñũno Jesu tinare pja ñũre. Tina oveja pũa marieina yoaro sehe ti jichũ ñũno Jesu tuaro pja ñũre tinare. ³⁷ ã jiro õ sehe nire tiro sãre to buheinare, piti dahre buhero:

–Yo payũ ti bũcũa tuhsũchũ payũ jichũ dahraa pĩro jira. Wiho mejeta dahrainã sehe mahainacã jira. (Tó seheta noaa buheare tũhohtina payũ jichũ pĩro jira mari dahraa. To ã jipachũta mahainacã dahrari

masa yoaro seheta noaa buheare buhehtina cũhũ mahainacã jira.) ³⁸ ã jina noaa buheare buhehtinare painare to warocah-tore siniga Cohamacũre –nire Jesu.

10

Jesu doce waro bese dapoha to warocah-tinare

(Mr 3.13-19; Lc 6.12-16)

¹ Baharo doce sãre to buheinare Jesu pjiroca, tuaare cũre sãre. Watĩare sã cohã masihti cjihtire jĩpihtia dohatiare sã cohã masihti cjihtire cũre sãre.

² Õ sehe wama tii sã Jesu to bese cũrina: Simo jire. Tiroreta Pedro ni pisure Jesu. Simo bahũro Andre cũhũ jire. Santiago cũhũ to bahũro João mehne jire. Tina Santiago cũhũ pũcũro Zebedeo wama tire. ³ Felipe, Bartolomé, Toma, yũhũ Mateo jii sã. Yũhũ sehe pũhtoa ya cjihtire masare wapa na cohtariro jimai. Sã mehne paio Santiago jire. Tiro sehe Alfeo macũno jire. ã jiro Tadeo cũhũ jire. ⁴ Simo cananeo ya curua macariro cjiro, Juda Iscariote cũhũ jire. Juda sehe Jesure ñũ tuhtiinare ñohtiro jire.

Jesu to buheinare buhe dutiro warocaha

(Mr 6.7-13; Lc 9.1-6)

⁵ ã yoa sãre doce to buheinare warocaro, “õ sehe mũsa yoanahca”, ni yahu quihõre sãre Jesu:

–Judio masa jieraina cahapũre wahãena tjiga. Ne Samaria yahpai jia macaripũ cũhũre wahãena tjiga. ⁶ Israe yahpa macaina cahapũ sehẽre wahãga. Tina oveja peri wisia wahaina yoaro sehe Cohamacũre masieraina jira.

⁷ “Mũano macariro to sũho jĩhto mahanocã dũhsara”, ni buhega tinare. ⁸ ã jina camĩ bũcũ baainare, paye payũ soro jia dohatiare cjuaina cũhũre noaina yoaga. Yariainare masoga. Watĩa masare ti sãanohorinare cohã wioga tinare. Mũsare ã wanocai nija ahri tuaare. ã jina mũsa cũhũ yũ ã wanocariro seheta masare noaina ã yoanocahga.

⁹ Mũsa wahana niñerure ne naaena tjiga.

¹⁰ Ne mũsa wajure, pũaro camisare, pũa wahpa dahpo suhtire, mũsa tjua yucũ

cũhure naaena tjiga. Mũsa sãano dihtare sãa wahcãga. Paye suhtire naaena tjiga. Mũsa buhena waharopũ jiina tina sehe mũsare mũsa puhi cjihtire waahca. Āta waro cahmana tinare.

¹¹ 'Tí macaripũ suna, ji coaro mehne carĩnore warirore macaga. Ā jina tí wũhũihta tjuasiniga. Pũ, coã wahanapũ wijaahga tí wũhũre. ¹² Ā jina wũhũpũ sãahna, “¿Jimajari mũsa?” niga tí wũhũ macainare. ¹³ Mũsare noano ti cahmachũ “Cohamacũ mehne noano jiga mũsa”, niga tinare. Mũsare ti cahmaerachũ, mũsa ã niborire niena tjiga. ¹⁴ Ā jina mũsare ti cahmaerachũ, ti tũho duaerachũ tí wũhũre wijaahga. Wijaana, dahpo suhti macaa dihta pohcarire wajã site cũga mũsa tinare ti ya buhirire masichũ yoana. Tí maca macaina mũsare ti cahmaerachũ ãta yoaga tina cũhure. ¹⁵ Potocã mũsare niita nija. Ahri dacho pihlichũpũre Sodoma macaina, Gomorra macaina cũhũ tuaro buhiri tihtinata jira. Ti ã jipachũta tina yũhdoro mũsare cahmaeraina buhiri tihtina jiahca –ni yahure Jesu.

Jesu yainare paina ti ñano yoahore yahuha Jesu

¹⁶ Ā ni tuhsũ õ sehe ni namore: –Yũhũre tũhoga mũsa. Oveja yoaro sehe jijnare mũsare ñaina watoi warocai nija. Tina ñaina macaroca macaina yaya suaina yoaro sehe jira. Ā jina mũsa sehe paina wahiquina wacũ masiina yoaro sehe jiga. Ā jiina jipanahta buja yoaro sehe ne suaeraina jiga mũsa. ¹⁷ Noano yoaga mũsa. Masa mũsare pũhtoare waahca. Tuhsũ Judio masa mari buhea wũhũsepũ cjãpeahca mũsare. ¹⁸ Ā jia yũ yaina mũsa jiri buhiri macari macaina pũhtoa cahapũ ti bui jiina pũhtoa cahapũ cũhure naahca mũsare. Ā jina mũsare tórpũ ti naachũ tinare judio masa jieraina pũhtoa cũhure noaa buheare buhenahca mũsa. ¹⁹⁻²⁰ Mũsare pũhtoare ti wachũ tinare mũsa nihtire “Cue, masieraboca”, ni tũhotuena tjiga. Mũsare ti sini-tuchũta mũsa nihtire masinahca. Ā masina tinare yahuna mũsa tíre mũsa mũ sũro durucũna nisi. Cohamacũ sehe mũsa Pũcũ to Espĩritu mehne mũsare durucuchũ yoaro-hca.

²¹ 'Tí pjare ti wahmisũma ti bahanare wajã dutia waahca pũhtoare yũ yaina ti jiri buhiri. Ti pũcũsumũma ti pohinare wajã dutia waahca pũhtoare. Ti pohina sehe ti pũcũsumũmare wajã dutia waahca pũhtoare. ²² Jipihtina masa sehe yũ yaina mũsa jiri buhiri mũsare ñũ tuhtiahca. Ti ã yoapachũta ahri yahpai mũsa catisinino puro mũsare ti ñano yoarire cũno pjana yũhũre, yũ buhea cũhure duhuerana, yũhdũnahca mũsa. ²³ Cãmacaĩ mũsare ti ñano yoachũ pa macapũ duhti wahcãga. Potocã mũsare niita nija. Israe yahpai jia macarine jipih-tia tí macaripũ mũsa duhti wahcãhto pano, yũhũ masũno Cohamacũ warocariro ahri yahpapũ tjua taihtja.

²⁴ 'Ne cãiro buheriro tirore yahuriro buipũ jierara. Cahamacũno cũhũ to pũhtoro bui cure jierara. ²⁵ Ā jiro õ sehe tũhoturo cahmana buherirore: “Yũhũre buheriro yoaro seheta jiihtja”, ni tũhoturo cahmana. Cahamacũno cũhũre ãta ni tũhoturo cahmana. “Yũ pũhtoro yoaro seheta jiihtja”, ni tũhoturo cahmana. (“To bui jiihtja. Ā jicũ yũ pũhtoro to ñano yũhdũriro seheta ñano yũhdũsi yũhũ sehe”, ni tũhotueraro cahmana.) Yũhũ sehe wũhũ pũro yoaro sehe jija. Mũsa sehe tí wũhũ dahrainna yoaro sehe jira. Ā jia masa yũhũre “Beelzebú jira”, ni yahusã, mũsa cũhũre yũ yainare ñano ni durucuahca tina –ni yahure Jesu.

“¿Diro barore cuichũ noajari?” ni yahuha Jesu

(Lc 12.2-7)

²⁶ Ā ni tuhsũ õ sehe ni namore: –Ā jina mũsare ñano yoainare cuiena tjiga. Masa ti ya sãari cjirire baharo paina masiahca. Ā jia ti nũori cjiri cũhũre paina masiahca. ²⁷ Mũsare yaroca yũ yahuri cjirire payũ masa watoi buhe turiaga mũsa. ²⁸ Masũnore wajãina to pjacũ dihtare wajãna. To yajeripohna yariaerara. Ā jina mũsare wajã duainare cuiena tjiga. Cohamacũ sehere cuiga. Tiro mũsa pjacũrre, mũsa yajeripohnari cũhũre pichacapũ cohã masina. Ā jina tiro sehere cui, yũhtiga mũsa.

²⁹ 'Pũaro siripia wapa mariahna. Ti ã wapa mariapachũta cãirocãre Cohamacũ

ne boerara. Cohamacu to dutierachu ne yarierara tirocã. ³⁰ Æ jiro musa pjoarire ne cã pjoada dahsaro marieno masi pahõna Cohamacu. Tó seheta musa jia tia cãhure masi pahõna Cohamacu. Æ masino musare ñu wihborucura. ³¹ Siripiare to cahõno yãhdoro, musa sehere cahõna Cohamacu. Æ jina pjíro tãhotuena tjiga musa –ni yahure Jesu.

Jesure musa wacũ tuari cjirire yahuga masare
(Lc 12.8-9)

³² Æ jiro tinare õ sehe ni yahu namore:

–Cãiro “Jesu yairo jija”, masare to ni yahuchu yãhu cãhu tirore “Yu yairo jira”, ni yahuihtja yu Pucare muano macarirore. ³³ Wiho mejeta cãiro “Jesu yairo jieraja”, masare to nichu yãhu cãhu “Yu yairo jierara tiro”, ni yahuihtja yu Pucare –ni yahure Jesu.

Jesu masare tju wachu yoara
(Lc 12.51-53; 14.26-27)

³⁴ Æ ni tuhsu õ sehe ni yahu namore:

–¿Dohse ni tãhotujari musa yãhure? “Tiro masare to buheri baharo paina tinare ñu tuhtisi”, ¿ni tãhotujari musa? Æ jierara. Masare yu buheri baharo cãina yu yare tãhoahca. Paina sehe tinare ñu tuhtiahca. Cãno potori waro jisi masa. ³⁵ Bucana yu buheare ti tãhori buhiri ti pohna yu buheare cahmaeraa, tinare ñu tuhtiahca. Bucu numia yu buheare ti tãhori buhiri ti pohna numia yu buheare cahmaeraa, tinare ñu tuhtiahca. Ti marechosanumia yu buheare ti tãhori buhiri ti macu namosãnumia yu buheare cahmaeraa, tinare ñu tuhtiahca. ³⁶ Æ jia masa ti coyeare ñu tuhtiina jiahca.

³⁷ Yãhure ti cahõboriro yãhdoro ti pucãsuma sehere cahõ yãhdurãca yu yaina jisi tina. Yãhure ti cahõboriro yãhdoro ti pohna sehere cahõ yãhdurãca yu yaina jisi tina. ³⁸ Æ jia paina crusaru yu yariahto seheta yu yaina ti jiri buhiri ñano yãhdurãca tina cãhu. Tó sehe ñano yãhdurãca duaeraina yu yaina jisi tina. ³⁹ Masa yãhure wacũno marieno ti mu saro yoaa, pichacaru wahaahca tina. Æ jia yu yare ã

yoarucua jipihtia dachoripe yãhu mehne jirucuahca tina –ni yahure Jesu.

Mari wapatahtore yahuha Jesu
(Mr 9.41)

⁴⁰ Æ ni tuhsu õ sehe ni yahu namore:

–Musare yu yainare cãiro noano cahmano, yãhu cãhure cahmano nina tiro. Æ yoa tiro yãhure noano cahmariro yãhure warocariro cãhure cahmano nina. ⁴¹ Æ jiro Cohamacu yare yahuriro wapatarohca. Tirore noano yoarohca Cohamacu. Æ jiro to yare yahuriro to jichu ñano paio tirore noano cahmano, yahuriro yoaro seheta wapatarohca tiro cãhu. Æ yoa paio noano yoariro wapatarohca. Tuhsu, noano yoariro to jichu ñano paio sehe tirore noano cahmano noano yoariro yoaro sehe wapatarohca tiro cãhu. ⁴² Yu yairo cãiro to jichu ñua, wiho jiriro to jipachuta dohse jiina tirore core ti sihõchu mahanocã ti wapachuta potocãta tinare noano yoarohca Cohamacu –ni yahure Jesu.

11

João masare bautisariro to buheinare Jesure sinitu ñu dutiro warocaha
(Lc 7.18-35)

¹ Sãre to buheinare to ã ni yahuri baharo tó cahai jia macaripu buhero wahare Jesu.

² Æ yoa to yoarire João peresui jiriro tãhorocaha. Æ tãhoro João to buheinare Jesure sinitu ñu dutiro warocaha. ³ Æ jia Jesu caharu su, sinitu ñure tina João buheina.

–¿João “Yu baharo paio tarohca”, to niriro tjijari muhu? ¿To niriro mu jierachu pairore cohtanahcari sã? –ni sinitu ñure tina sehe Jesure.

⁴ Ti ã nichu tãhoro Jesu õ sehe ni yãhtire:

–Mipure musa tãhorire, musa ñurire Joãoire yahuna wahaga: ⁵ “Capari bajueraina ñuna. Tini masieraina tinina. Cami bucu baina noaina wahara. Tãho bocaeraina tãho wahara. Yariaina masaa wahara. Tina jipihtinare noaina wahachu yoahi yãhu. Tuhsu, pjacõoinare noaa buheare yahuja. ⁶ Yãhure tãhoriro ‘Potocã tjira’, niriro tiro wahcheriro jira” ni, Joãoire yahuna wahaga –nire Jesu.

⁷ João buheina ti wahari baharo, Jesu sehe João to jia tiare yahu ducare payu masare:

—Masa marienopu João cahapu suna, tjare wihnono to wãroca cohtotachu yoariro sehetã to buheare cohtota mujarimore ñuna sũerare musa. ⁸ “Noaa suhti tirirore ñuna wahajihna”, nierare musa João cahapu masa marienopu wahaana. Noaa suhti tiina wapa bujũare cjuaina puhtoã ya wũhũsepũ jira. ⁹ Masa marienopu suna Cohamacũ yare yahu muhtarimore ñuna sũre musa. Potocã tjira. João Cohamacũ yare yahu muhtariro jira. Paina Cohamacũ yare yahu muhtaina yũhgoro jiro jira tiro. ¹⁰ Panopu Cohamacũ yare ti joari puĩ Joãore õ sehe ni yahu joaa tiha:

“Cohamacũ to macunore õ sehe niha: ‘Mu panu muhũre yahuyuhtimore warocai nija’, niha”,

ni joaa tiha panopure Joãore. ¹¹ Musare potocã niita nija. Paina jipihtina bui jira João bautisariro. Ahri turupure to ã jipachũta muano macariro puhtoro to sũho jiropure jipihtina docapu jiro pinihta João bui jira.

¹² João masare bautisariro to buhe, bautisa dũcachũ payũ masa muano macariro puhtoro to sũho jirore pihtichũ yoa duaa, ti mu sũro cahmache, tũre yoa duamana. ¹³ Cohamacũ yare yahu muhtaina ti joari cjirire, Cohamacũ Moise cjirore to cũri cjiripu cũhũre buhena puhtoro Cohamacũ to sũho jhtore masija mari. João cũhũ tũreta yahure. ¹⁴ “Elia tarohca”, panopu ti niriro cjirota jira João sehe. Panopu macaina ti nirire “Potocã tjira”, ni duana João ti ã niriro cjiro to jichũ masinahca musa. ¹⁵ Noano tũhoga musa ahrire.

¹⁶ ‘¿Mipu macaina masa yabaina yoaro sehe jijari tina, musa tũhotuchũ? Tina macanacã yoaro sehe jira. Paina ti cahmano sehe ti yoerachũ tũ wahaerara tinacãre. Pache duaropu pape dujia, õ sehe ni pisurucura tinacã ti basi: ¹⁷ “Musa basahti cjihtire sã putipemahi. ¿Dohseana musa basaerari sã tũre putipechũ? Sã tuaro ñahacaha tiipe, sañurucumahi. ¿Musa sehe dohseana sã mehne tiiperari?” nirucina yoaro sehetã jira mipu macaina cũhũ.

Mipu macaina ti cahmano sehetã sã yoerachũ ñũã tũ wahaerara tinare. ¹⁸ Tina yoaro sehe yoana õ sehe yoara musa mipu macaina. João bautisariro Cohamacũre ño payoro taro chũ duhuro vinore sihnierare. To ã sihnierachũ ñũã “Watũno to sãanohriro, tũho masierariro jira”, nimare musa tiro sehere. ¹⁹ Yũhũ masũno Cohamacũ warocariro jicu yũhũ chũ, sihnija. Yũ ã yoachũ ñũã õ sehe nina musa yũhũ sehere: “Ñũga. Ahriro puĩro chũriro, cahariro jira. Wapa na cohtaina, ñano yoaina cũhũ ti piti tiriro jira ahriro”, nina musa yũhũre. (Ã nina macanacã yoaro sehe durucina jira musa. Musã cahmano sehe sã yoerachũ tũ wahaerara musare. Ne sahsaerara musa.) ã masierapanahca sã yoarire ñũã, Cohamacũ masiare sã cjuachũ masinahca musa —nire Jesu tinare.

Ti ñaare cahyaeraina ya macari macainare tuhtihã Jesu

(Lc 10.13-15)

²⁰ Baharo macari macainare tuhtire Jesu. Tũ macarine paye macari yũhgoro Cohamacũ tuua mehne yoa ñomare tiro. To ã yoa ñopachũta ti ñaare tũhotumarire duhuerasinire tina. ã jiro õ sehe ni tuhtire tinare tiro:

²¹ —Corazũ macaina, musa ñano yũhdũnahca. Betsaida macaina, musa cũhũ ñano yũhdũnahca. Musã ya macaripure Cohamacũ tuua mehne yoa ñomahi. Tiro wama tiri macare, Sidõ wama tiri macã cũhũre to tuua mehne yũ yoa ñochũ ñũã panopu tũ macaina sehe ti ñaare cahyaboa. ã yoaa ti ñaare tũhotumari cjirire tũhotu cohtotaboa. Cahyaa suhtire sãã, niti pohcare tina bui dahra site payoboa ti ñaa cahyaare ñoa. ²² Musare niita nija. Buhiri dahrehti dacho jichũ Cohamacũ Tiro macaina, Sidõ macaina yũhgoro ñaina musã jiri buhiri musare ñano waro buhiri dahrerohca tiro. ²³ Capernau macaina, musã mu sũro muanopu waha duamana. Musare Cohamacũ pichacapu cohãnohca. Musã ya macapu Cohamacũ tuua mehne yoa ñomahi. Musã yũhũre tũhoerare. Sodoma wama tiri macare Cohamacũ tuua mehne yũ yoa ñochũ tũ macã sehe mipu jisinihoa. ²⁴ Musare niita nija. Buhiri dahrehti dacho jichũ Cohamacũ Sodoma macainare to

yoariro yuhdoro, m̄sa sehere m̄sa ñaa buhiri ñabiaro buhiri dahrerohca –nire Jesu tí macari macainare.

*“Ȳ cahap̄u sona taga”, niha Jesu
(Lc 10.21-22)*

²⁵ Tí pjare ò sehe nire Jesu to P̄c̄uro mehne durucuro:

–Ȳ P̄c̄u, m̄h̄u m̄ano macaina bui p̄h̄toro, ahri yahpa macaina bui p̄h̄toro jira. Ahri m̄ buheare “Noano masiina jija sã”, niinare masich̄u yoaerare m̄h̄u. Buhe pahñoeraina sehere m̄ yare masich̄u yoare m̄h̄u. M̄ ã yoach̄u, “Noana”, nija ȳh̄u m̄h̄ure. ²⁶ ã tjira. Tina sehere ti masich̄u cahmare m̄h̄u –nire Jesu to P̄c̄urore.

²⁷ ã ni tuhs̄u, masare ò sehe ni yahu namore:

–Ȳ P̄c̄u jipihtiare ȳh̄ure ware. Tiro dihta ȳh̄ure noano masina. ã jina sã dihta ȳh̄u ȳ masi dutiina mehne ȳ P̄c̄ure masija sã. ²⁸ M̄sa ñano buhiri tia n̄c̄ua yoaro sehe jira. N̄c̄ure m̄na m̄sa tahr̄no seheta ñano buhiri tiare pumea wahara m̄sa. ã pumeina jina ȳh̄ure cahmaga m̄sa. M̄sare soch̄u yoaihtja. M̄sa ñaa yoare duhuch̄u yoaihtja. ²⁹ Ȳ dutiare yoaga. Ȳ yare noano masiga. Ȳh̄u niji siaro yoariro jija. Ȳ ã jiro jich̄u ȳ yare noano masiga m̄sa. ã yoa ȳh̄u mehne sogã m̄sa. ã sona noano yajeripohna tinahca m̄sa. ³⁰ Ȳ yare m̄sa yoach̄u mi-joerara. ã yoa m̄sa m̄ri cjiri ti n̄c̄eraro seheta ȳh̄u sehe m̄sa bihoro purota yoa dutija m̄sare –nire Jesu.

12

Judio masa ti sori dachoi trigo parorire pahaha Jesu buheina

(Mr 2.23-28; Lc 6.1-5)

¹ Mahanocã to ã ni buheri baharo Sabado jich̄u sã Jesu mehne trigo wesep̄u sui. Sã to buheina j̄ca baana, trigo parorire paha, ch̄u tuhs̄u yuhdu wahcãi sã.

² Sã ã yoach̄u ñ̄a, fariseo curua macaina Jesure ò sehe nire:

–T̄hosiniga sãre. ¿Dohse yoa tina Sabado mari sori n̄m̄u to jipach̄ata dahrajari, trigo parorire ã pahaa? Mari dutiare yuhdur̄ca nina –nire tina.

³⁻⁴ Jesu ȳhtire. “Ȳ buheina yuhdur̄ca nierare”, ni yahuro taro ò sehe ni ȳhtire:

–Davi cjiro tiro mehne macaina mehne j̄ca baaro Cohamac̄u w̄h̄p̄u sãa, Cohamac̄u ya pãore ch̄ha. Tí pãore sacerdotia dihtare ch̄u dutira. Cohamac̄u dutiare ti joari p̄u painare tí pãore ch̄u dutierara. ¿Davi c̄h̄u tíre ti yoari cjirire Cohamac̄u joari p̄p̄u buherari m̄sa? (Tí pãore ch̄uro Cohamac̄ure yuhdur̄caro nieraha. Michare ahri yaparire ch̄u ȳ buheina c̄h̄u Cohamac̄ure yuhdur̄ca nierara.) ⁵ ã yoa Cohamac̄u w̄h̄i dahraina sacerdotia ne soerara mari soa n̄m̄arine. ã soerapahta Cohamac̄u dutiare yuhdur̄caina jierara. ¿Tíre buherari m̄sa Cohamac̄u Moise cjirore to c̄ri p̄i? ⁶ M̄sare niita nija. Cohamac̄u w̄h̄ure ño payona tí w̄h̄i dahraina ti soerach̄u ñ̄panahta “Noanohca”, nina m̄sa. Tí w̄h̄u yuhdoro ȳh̄u sehere ño payoro cahmana. ⁷ Cohamac̄u yare ti joari p̄u ò sehe nina: “Wahiquinare wajã, j̄ m̄oa mehne ȳh̄ure m̄sa ño payoch̄u cahmaeraja. Painare m̄sa pja ñ̄ch̄u sehere cahmaja ȳh̄u”, nina to yare ti joari p̄u. To ã nirire m̄sa noano t̄hona ȳ buheinare tuhtieraboa m̄sa. Tina tíre ch̄u yuhdur̄ca nierare. ã jina tinare tuhtieraboa m̄sa. ⁸ Ȳh̄u mas̄no Cohamac̄u warocariro ahri dacho Sabado dachore masa ti yoah̄tire yahurirota jic̄u p̄h̄toro tjija –nire Jesu fariseo curua macainare.

*Wamomaca buhariro quiti jira
(Mr 3.1-6; Lc 6.6-11)*

⁹ To ã niri baharo waha, judio masa mari buheri w̄h̄p̄u sui sã Jesu mehne. ¹⁰ Tóí wamomaca buhariro jire. ã jia fariseo curua macaina sehe Jesure yahusãa taa, tirore ò sehe ni siniture:

–Sabado dachoi mari sori dachoi mas̄nore noariro yoa dutierara Cohamac̄u. ¿ã tjijari m̄ t̄hotuch̄u? –ni siniture tina.

¹¹ Jesu ò sehe ni ȳhtire tinare:

–¿M̄sa yairo oveja Sabado jich̄u copap̄u to bora sãach̄u tirore na wioerabocari m̄sa? Na wionahca m̄sa. ¹² Oveja yuhdoro jira mas̄no sehe, Cohamac̄u to

ñuchu. Ñ jiro Sabado jichu masunore yuhdochu noa nina —ni yuhtire Jesu tinare.

13 Ñ ni tuhsu, wamomaca buharirore õ sehe nire:

—Mu wamomacare siõrocaga —nire tiro.

To ã nichu buhariro sehe siõroca, noari wamomaca wahare. 14 Ti sori namui to ã yoachu ñua, fariseo curua macaina waha, ti basi õ sehe niha:

—¿Dohse yoa Jesure wajānahcari mari? — niha tina ti basi.

Cohamacu yare yahu muhtariro panopu macariro Jesure yahuha

15 Jesu ti ã nirire masino, wahaahare. To ã wahachu payu masa tirore nunu tire. Ti ã nunu tichu ñuno tiro sehe jipihtina tina mehne macainare dohatiinare noaina wahachu yoare. 16 Ñ yoaro dohatiina cjirire tinare to yuhdorire painare yahu dutierare tiro. 17 Ñ dohatiinare noaina wahachu yoaro Cohamacu yare yahu muhtariro Isaia cjiro panopu to ni joariro seheta yoaro nire Jesu. Õ sehe ni joaa tiha Isaia:

18 “Õ sehe nina Cohamacu: ‘Ahriro yu cahamacuno jira.

Tiro yu beseriro jira.

Tirore cahija.

Ñ jicu tiro mehne wahcheja.

Yu Espiriture tirore waihtja.

Ñ jiro yu tuaa mehne jipihtina masare yu buheare yahurohca tiro.

19 Ñ yahuro tiro ne purino mehne yahusi.

Ñ yoa niji siaroca yahuro jiro sañurucusi.

Tuhsu, maca macari mahai payu masa watoi tiro tuaro sañurucu yahusi.

20 Wujacu o muquearacu sachu to nuhnuerachu yoaro seheta masa cūhare niji siaro dero yoarohca tiro.

Pjiroca jūri pichacare to yaeraro seheta masa cūhare noano yoarohca tiro.

Ñta yoarucurohca tiro watinore to yuhdūrcachto pano.

21 Ñ jia payu masa tirore wacū tuaahca’, nina Cohamacu”, ni joaa tiha Isaia.

“Jesu watino tuaare cjāra”, ni yahusāha masa
(Mr 3.19-30; Lc 11.14-23; 12.10)

22 Cū dachoi watino to cohtotarirore masa na tare Jesu cahapu. Tiro sehe watino cjuaro durucu masierare. Tuhsu, capari ne ñerare. Ti ã na wihichu ñu, noariro wahachu yoare Jesu tirore. To ã yoachu watino to cohtotariro cjiro ñu, durucure.

23 To ã wahachu ñua, masa ñu cūaa wahare.

—¿Ahriro Davi cjiro panamino masare yuhdohtiro jijari? —nire tina ti basi.

24 Jesu watiare to cohārire tūhoa fariseo curua macaina õ sehe ni tūhoture:

—Beelzebú watia puhtoro to tuaa mehne watiare cohāna Jesu —ni tūhoture tina.

25 Ti ã ni tūhotuchu masino, Jesu quti mehne piti dahre yahure tinare:

—Watino ya tuaa mehne watiare cohāi nieraja. Cū yahpa macaina ti basi cahma wajāa, tí yahpa macaina yaria pihtia wahaboa. Cū maca macaina ti basi cahmachea tí maca macaina waha pihtia wahaboa. Cū wūhu macaina cūhu āta wahaboa. 26 Ñ jia Beelzebú watia puhtoro sehe watiare cohāno, tina watia ti basi cahmachea niboa. Ñ jia tina cūhu waha pihtia wahaboa. 27 Õ sehe ni yahusāna mūsa yūhare: “Tiro Beelzebú yoadohoa mehne watiare cohāna”, ni yahusāna mūsa. Mūsa mehne macaina cūhu watiare cohāna. ¿Watino to tuaa mehne watiare cohājari tina cūhu, mūsa ñuchu? Ñ cohāerara. Tíre masina mūsa. Yūhu cūhu watino tuaa mehne watiare cohāeraja. 28 Ñ jicu yūhu sehe watiare cohācu Cohamacu to Espiritu tuaa mehne tinare cohāja. Yu ã cohāchu ñana õ sehe masiga mūsa: Cohamacu masa bui puhtoro ahri yahpapure ji tuhsura mipure.

29 Õ seheta jira mari piti dahre buhechu: Tuariro ya wūhūpu paio sāa sū yaca masierara. Tuarirore dūhteraro to ya wūhūpu sāa sū yaca masierara. Tirore to dūhteri baharo sāa sū yaca masina —ni yahure Jesu. (Ñ ni yahure watinore to yuhdūrcarire yahuro. Watino tuariro to jipachuta Jesu tirore yuhdūrcara watiare cohāno.)

Ñ ni tuhsu õ sehe ni yahu namore Jesu:

30 —Cūiro yūhare cahmaeraro, yūhare ñu tuhtiriro jira. Cūiro yūhare yoadohoeraro, yūhare wapū tichu yoaro nina.

³¹ 'Ã jicũ mũsare potocã niita nija yũhũ. Jipihtia ñaare masa ti yoachũ ti durucuchũ cũhũre Cohamacũ bo masina. Ã boparota Espĩritu Santore ti ñano ni durucuchũ tí pi-nine ne bosì. ³² Yũhũre masũno Cohamacũ warocarirore yũhũre ti ñano ni durucurire bo masina Cohamacũ. Espĩritu Santo sehere ti ñano ni durucurire ne bosì Cohamacũ. Mipũre, pihtiri dacho baharopũ cũhũre ti ã niri cjirire bosì tiro —ni buhere Jesu tinare.

Masa ti durucuarẽ tũhona ti jia tiare masija mari

(Lc 6.43-45)

³³ Ã ni buhe tuhsũ, piti dahre buhero õ sehe ni yahu namore tinare:

—Noadũ yucũcũ noaare dicha tira. Ñaadũ yucũcũ ñaare dicha tira. Yucũcũ dichare masina “Tũ dichata jira”, ni masija mari. (Mari ã masino sehetã masa ti durucuarẽ tũhona ti jia tiare masija mari.) ³⁴ Agãã ñima tiina yoaro sehe ñaina jira mũsa. Mũsa ñaina jina, noaare ni masierara mũsa. Mari wacũapũ mari tũhoturiro sehetã mari dũseroi wijara. ³⁵ Noariro noaare tũhotura. Ã jiro noaare durucura. Ñariro ñaare tũhotura. Ã jiro ñaare durucura. ³⁶ Mũsare niita nija. Noano tũhotu durucuina jiga mũsa. Noano durucuerana, buhiri dahrehti dacho jichũ mũsa ã nimacanocarire Cohamacũre yahu yũhdũnahca. ³⁷ Quihõno mũsa durucurire masino “Noaina jira”, ninohca Cohamacũ. Tuhsũ, ñano mũsa durucurire masino “Ñaina jira”, ninohca tiro —nire Jesu tinare.

Masa ñaina Jesure Cohamacũ tuaa mehne yoa ño dutiha

(Mr 8.12; Lc 11.29-32)

³⁸ To ã niri baharo mari judio masare buheina, fariseo curua macaina cũhũ tire õ sehe nire:

—Buheriro, Cohamacũ warocariro jicũ Cohamacũ tuaa mehne yoa ñoga sãre —nimare tina.

³⁹ Jesu õ sehe ni yũhtire:

—Mipũ macaina ñaina, Cohamacũre cahmaeraina Cohamacũ tuaa mehne yũ yoa ñochũ ñũ duamana. Ti ã ñũ duapachata Cohamacũ yare yahu mũhtarirore Jona cjiro panopũ macarirore Cohamacũ to

tuaa mehne to yoari dihtare yoa ñonohca masare. ⁴⁰ Jona tia dacho waro pjiriro wahi pjaro puhichapũ jiha. To ã wahariro sehetã yũhũ cũhũ masũno Cohamacũ warocariro tia dacho waro masa copapũ jiihca. ⁴¹ Nĩnive macaina sehe Jona Cohamacũ yare to yahurire tũhoa ti ñaa yoarire cahya, Cohamacũ mehne macaina tjuaha. Ã tjuaina jia buhiri dahrehti dacho jichũ tina mipũ macainare ti ñaare tũhotumari cjirire duhuerainare “Ñaina jira”, ni yahusãahca. Jona cjiro tinare Cohamacũ yare to yahuchũ tũhoa noaare cahmaha tina sehe. Ã cahmaa noano yoaa niha mipũ macaina yũhdoro. Ã jia tina mipũ macainare “Ñaina jira”, ni yahusãahca. Mũsare niita nija. Mipũ mũsare yũ buhea Jona cjiro to buheri yũhdoro jira. ⁴² Ã yoa buhiri dahrehti dacho jichũ pũhtorocoro sur macaricoro panopũ macaricoro ducu, mipũ macainare “Ñaina jira”, ni yahusãnohca ticoro cũhũ. Ticoro Salomo panopũ macariro to masiare tũho duaro yoaropũ ahri yahpa pa bũhũsehepũ jiricoro Salomore tũhoro taha. Ã yoaro noano yoaro niha mipũ macaina yũhdoro. Ã jiro ticoro “Ñaina jira”, ni yahusãnohca mipũ macainare. Mũsare niita nija. Mipũ mũsare yũ buhea to buheri yũhdoro jira —nire Jesu tinare.

Watĩno pari turi masũnore to sãari quitire yahuha Jesu

(Lc 11.24-26)

⁴³ Ã ni tuhsũ, pari turi Jesu to tũhotua mehne õ sehe ni piti dahre buhere tinare:

—Watĩno masũnore cohtotariro cjiro waha, tiro co marieni yahpai tini, to jihto cjihtore macamaha. ⁴⁴ Ã bocaeraro, õ sehe ni tũhotuha tiro. “Masũno yũ cohãriro cjiro mehneta pari turi jii wahaihtja”, ni tũhotuha tiro. Ã ni tũhoturo tiro tjuaa waha, to cohãriro cjiroreta bocaaha. Ã to bocachũ masũno sehe noariro jimaha.

⁴⁵ Ã jiro watĩno paina siete watiare to yũhdoro ñainare pjiro wahaha. To ã pjichũ tina jipihtina tiro mehne jiha. Masũno sehe tó pano cãiro watĩno to cohtotariro jiro, ñariro jimaha. Mipũ sehere payũ

watña ti cohtotariro jiro, tó pano to jirirow yuhdoro ña yuhduariro jiha. Mipm macaina Cohamacure masimarina tirore cohãa, tina cãhm ñaa yuhduina warota wahaahca –nire Jesu tinare.

Jesu coyey tiro mehne sũhũdu duaha
(Mr 3.31-35; Lc 8.19-21)

⁴⁶ Masare to ã ni durucuro watoi to pocoro to bahana mehne sopacai ducu, tiro mehne sũhũdu duare. ⁴⁷ ã jiro cãiro Jesure õ sehe ni yahure:

–Mm poco mm bahana mehne sopacai ducura, mũhare sũhũdu duaa –nire.

⁴⁸ To ã nichm tũhoro tirore yahurirore õ sehe nire Jesu tinare buhero taro:

–¿Noa jĩjari ym poco, ym bahana cãhm, mũsa ñũchm? –nire.

⁴⁹ ã nino, sãre to buheinare ñuipuro, õ sehe nire:

–Ahrina jira ym poco ym bahana yoaro sehe jiina. ⁵⁰ Tina ym Pmcm mũano macariro to cahmaare yoara. Tó sehe yoaina ym bahm, ym baho, ym poco yoaro seheta jira –nire Jesu tinare.

13

Jesu wesere toari masũno quitire yahuha
(Mr 4.1-9; Lc 8.4-8)

¹ Tí dachoihta Jesu wũhm jirirow wijaare. Wijaa, bũcũpariropm waha, bũcũpariro dũhtm cahai dujire. ² To ã dujichm ñna paym masa tiro caharm cahmachu wahpata yuhdũa, bihsaro yoare Jesure. ã bihsachm ñno dohoriai samu, tiapm dujire tiro. Masa sehe padũroi ducure. ³ ã jiro paym to tũhotua mehne piti dahre yahure tinare buhero taro. Õ sehe nire tiro:

–Toari masũno toaro, to toaa yaparire doca site cũno wahaha. ⁴ To ã doca site cũ wahcãchm paye yapari maha dũhtm cahai bora caha sũha. ã bora caha sũare tí yaparire minichahca duji ta, chũnocaha.

⁵ ã yoa paye yapari sehe tãa wapa buicã bora caha sũha. Tãa wapa buicã dihta mariea cureroi dóihta dumaha. ⁶ ã duri jipahta, sũ to tuaro sichm, nũhcori mariaa, ñaia wahaha. ⁷ Paye yapari sehe tja watoi bora caha sũha. Tja sehe dia yuhdũa waha, toaa sehere wajãnocaha. ⁸ Paye yapari sehe noari yahpai bora caha sũha. Noano dua

jia noano dicha tiha. Paye yucm cien yapari, paye yucm sesenta yapari, paye yucm treinta yapari dicha tiha. ⁹ Ahrire tũho duaina noano tũhoga mũsa –nire Jesu.

Jesu quititi mehne to buherire yahuha
(Mr 4.10-12; Lc 8.9-10)

¹⁰ To ã niri baharo sã to buheina tiro cahai sm, sinitui sã tirore:

–¿Ne, dohseacm masare quititi mehne piti dahre buhejari mũhm? –ni sinitui sã.

¹¹ Jesu õ sehe ni yũhtire:

–Mũano macariro masa bui pũhoro masare to noano sũho jiare panopm macaina ti masierari cjirire mũsare ym buheinare masichm yoara Cohamacm. Paina sehere ã yoerara tiro. ¹² ã jiro masiinare masi namochm yoarohca tiro. ã jia tina sehe noano masiahca. Masieraina sehe mahanocã ti masipachũta tina sehere masierachm yoarohca tiro. ¹³ ã jicm quititi mehne buheja. Õ sehe jira. Mipm macaina ñũpahta, ñũeraina cjiri yoaro sehe tjuara. ã jia tũhopahta masierara. Tíre tũhoeraina yoaro sehe jira tina. ¹⁴ ã jiina jia Isaia cjirow panopm macariro to ni joariro seheta yoara tina. Õ sehe ni joaa tiha:

“Õ sehe nina Cohamacm: ‘Ym yare tũhonahca mũsa.

ã tũhopenahta, ne masisi mũsa.

¹⁵ Mũsa dapu bũtiina tjuara.

Tuhsũ, mũsa cahmo coparire bihara mũsa, “Tũhori”, nina.

Mũsa caparire wihmitjiahna mũsa, “Ñũri”, nina.

ã yoerana noano ñna masiboa mũsa.

ã yoa tũhona, masiboa mũsa.

Mũsa wacũarm noano masiboa.

ã masiina baro jina, mũsa tũhotumari cjirire tũhotu cohtota, yũhare macaboa.

Mũsa ã macachm ñno, yũhm sehe mũsa buhiri tiare cohãboa’, nina Cohamacm”,

ni joaha Isaia cjirow.

¹⁶ Mũsa sehe mũsa capari mehne ñna, masina. Mũsa cahmo mehne tũhona, masina. ã jina wahcheina jira mũsa.

¹⁷ Mũsare niita nija. Mipm mũsa ñhare mũsa tũhoare panopm macaina Cohamacm

yaina cjiri tuaro ñu duamaha. Cohamacu yare yahu m̄htaina cjiri c̄h̄u t̄re tuaro ñu duamaha. Wiho mejeta ne ñ̄eraha. Mip̄u m̄sa t̄hoa c̄h̄ure tuaro t̄ho duamaha tina. ã masi duapahta t̄re masieraha –ni yahure Jesu s̄are to buheinare.

Jesu wesere toari mas̄no quitire yahu pah̄ñoha

(Mr 4.13-20; Lc 8.11-15)

18 Baharo Jesu s̄are õ sehe ni yahu namore:

–T̄hoga m̄sa. Wesere toari mas̄no quitire m̄sare yahuihtja. Ȳh̄ure t̄hona, noano masiga. 19 Doca site c̄a yapari noaa buhea yoaro sehe jira. ã jia maha d̄ht̄u cahai boraa yapari noaa buhea yoaro sehe jira. Masa noaa buheare t̄hopahta ne masierara. Noaa buheare masa t̄i t̄hoch̄u ñ̄no wat̄no sehe ta, t̄i buheare noaa buheare masi dutierara masare. Minichahca t̄i yaparire ti dota nariro seheta yoara wat̄no. 20 ã yoa t̄a wapa buicã boraa yapari noaa buhea yoaro sehe jira. ã jia masa noaa buheare t̄ho, wahchea mehne d̄oihta t̄re t̄ho nana. 21 ã t̄ho napahta t̄a wapa buicã jia yuc̄u nahcori mariea yuc̄u yoaro seheta ahrina masa c̄h̄u tuaerara. ã tuaeraa ñ̄ano ȳhd̄u, ȳu yaina ti jiri buhiri paina tinare ti ñ̄ano yoach̄u ñ̄u ȳu ya sehere duhunocahna. Paina tinare ti ñ̄ano yoach̄u t̄re c̄no pjaeraa, ȳu yare duhunocahna. 22 ã yoa tja watoi boraa yapari noaa buhea yoaro sehe jira. ã jia masa noaa buheare t̄ho, ahri yahpa macaare pj̄iro cahya t̄hotua, niñerure cah̄na. Ti ã yoach̄u t̄i sehe noaa buheare d̄catara. Ti ã d̄catach̄u masa noaa sehere yoaerara. 23 ã yoa noari yahpai boraa yapari noaa buhea yoaro sehe jira. Masa noaa buheare t̄hoa, t̄re noano masina. ã masiina jia, Cohamacu to cahmano seheta noare yoara tina. C̄ina pj̄iro noare yoara cien yapari dicha tiro seheta. Paina doca curero noare yoara sesenta yapari dicha tiro seheta. Paina mahanocã noare yoara treinta yapari dicha tiro seheta –ni yahure Jesu s̄are.

Trigo watoi tja diari quitire yahuha

24 ã yoa pari turi to t̄hotua mehne piti dahre buhere Jesu:

–M̄ano macariro masa bui p̄htoro to s̄ho jiro õ sehe jira. Wese p̄ro to wese p̄ro noaa yaparire to toariro seheta jira m̄ano macariro masa bui p̄htoro to s̄ho jiro. 25 Wese p̄ro jipihtina tiro mehne macaina c̄h̄u t̄i car̄no watoi tirore ñ̄u tuhtiriro tara. ã taro trigore ti toariroi tjare toaha. Toa tuhs̄u wahaa wahaha. 26 Baharo trigo duha. ã jiro ti dicha tia cahach̄u waro diaa wahaha. 27 ã jia wese p̄rore dahra cohtaina tiro cahap̄u s̄u, yahua: “¿P̄htoro, noaa yapari dihtare m̄u wesere m̄u toapach̄ata, dohse yoa tja c̄h̄u diajari t̄i wesere?”, niha tina. 28 “Ȳh̄ure ñ̄u tuhtiriro jia t̄i tjare toaro”, niha wese p̄ro. “¿Tjare s̄a curech̄u cahmajari m̄h̄u?” nimaha tirore dahra cohtaina. 29 “Tjare curena tjiga, tjare curemahna ‘Trigo sehere cureri’, nina. 30 Trigo tja mehneta b̄uc̄uawahnosinijaro. Dicha ñ̄aini pja jich̄u, trigo dicha nainare õ sehe nihtja: ‘Tjare cure m̄htaga. Tuhs̄u m̄sa curerire j̄ga. Baharo trigore pahaga. Paha pah̄no, t̄re ȳu wihbori w̄h̄p̄u c̄ga’, nihtja tinare”, niha wese p̄ro –nire Jesu, quiti mehne yahuro.

Mostaza yapa quitire yahuha Jesu

(Mr 4.30-32; Lc 13.18-19)

31 ã yoa paye quiti mehne s̄are õ sehe ni buhere tjoa:

–M̄ano macariro masa bui p̄htoro to s̄ho jiro mostaza yapacã yoaro sehe jira. T̄i yapacã mahabiari yapacã jira. 32 T̄i yapacãre wese p̄ro to toari baharo, noano dura. ã jiro pji cured̄u wahara. ã wahach̄u minichahca peri t̄u d̄p̄rip̄u suhti suhara. (Tó seheta m̄ano macarirore mari p̄htoro masiina mahainacã ti ji m̄htapach̄ata baharop̄u tina paȳu wahahca) –ni yahure Jesu.

P̄o b̄uc̄uaro quitire yahuha Jesu

(Lc 13.20-21)

33 ã yoa paye quiti mehne s̄are õ sehe ni buhere tjoa:

–M̄ano macariro masa bui p̄htoro to s̄ho jiro p̄o b̄uc̄uaro yoaro sehe jira. T̄re numino c̄u wajuru trigo pohcare co mehne noano t̄re dahra morena p̄o b̄uc̄uatore.

To ã yoachũ pão bucuaro sehe trigore noano sahserũcu sũra. (Tó seheta pão bucuaro to sahserũcu sũro seheta mũano macarirore mari pũhtoro payũ masa jip- ihtiro macaina masiahca) —nire Jesu.

*Quiti mehne Jesu to buherire yahuha
(Mr 4.33-34)*

³⁴ Ahri jipihtiare buhero, quiti mehne yahure Jesu. Quiti marieno yahuerare tiro tinare. ³⁵ Āta yoare tiro Cohamacũ yare yahu mũhtariro cjiro to ni joariro seheta. Ō sehe ni joaa tiha panopũ:

“Quiti mehne yahuihtja.

Cohamacũ ahri yahpare to bajuamehneri baharo ne masare to yahuerari cjirore yahuihtja”,

ni joaa tiha Cohamacũ yare yahu mũhtariro cjiro.

Trigo watoi tja diari quitire yahu pahũoha

³⁶ Ā yoa masare coha siti, wũhũpũ sãa wahare Jesu. Ā jina sã to buheina tiro cahapũ sũ, sinitui sã:

—Trigo watoi tja diari quitire yahu pahũoga sãre —nii sã tirore.

³⁷ Jesu ō sehe ni yũhtire sãre:

—Wese pũro noaa yaparire toariro yoaro sehe jija yũhũ. Yũhũ masũno Cohamacũ warocariro jija. ³⁸ Wese sehe ahri yahpa yoaro sehe jira. Noaa yapari dua mũano macariro pũhtoro to sũho jiro pũ jihtina cjihti yoaro sehe jira. Tja sehe watĩno yaina yoaro sehe jira. ³⁹ Wese pũrore ñũ tuhtirore tjare toariro watĩno yoaro sehe jira. Tĩ ñaini pja sehe pihtiri dacho yoaro sehe jira. Ā jia trigore naina anjoa yoaro sehe jira. ⁴⁰ Tjare ti cure jũriro seheta pihtiri dacho jichũ watĩno yainare, pichacapũ jũ cohãahca tinare. ⁴¹ Yũhũ masũno Cohamacũ warocariro yũ anjoare warocaihtja. Yũ ã warocachũ anjoa sehe ñaare yoa dutiinare, ñaare yoainare pũhtoro yũ sũho jiro pũre jimarinare na wioahca. ⁴² Na wio tuhsũ pichacapũ cohãahca tinare. Tó pũ tina tuaro tii, cahyaa mehne bahca dihoahca. ⁴³ Ā jia Cohamacũ yaina ti Pũcũro pũhtoro to sũho jiro pũ jahca. Tó jia, sũ

dacho macariro yoaro sehe noano buhri- aahca tina. Ahrire noano tũhoga mũsa —ni yahure Jesu.

Noa yũhdũare to nũorire to bocari quitire yahuha

⁴⁴ Ā yoa paye quiti mehne ō sehe ni yahure tjoo:

—Mũano macariro masa bui pũhtoro to sũho jiro niñeru to nũori yoaro sehe jira. Masũno tíre wesepũ wacũeno boca, pari turi tíre nũo namona. Ā yoaro tuaro wahcheha tiro. Ā jiro to bocari cjirore nano taro, tí wesere nuchũ duaha. Ā nuchũ duaro to yare dua pahũo, tí wesere nuchũha. Mũano macariro pũhtoro to sũho jiro to bocari cjiro yoaro sehe jia. (To bocarire to cahma yũhdũariro seheta mũano macarirore masa bui pũhtoro noano ti masini baharo masa tuaro cahmana tirore) —ni yahure Jesu.

Wapa bũjũri yapa quitire yahuha

⁴⁵ Ā yoa paye quiti mehne ō sehe ni yahure tjoo:

—Mũano macariro masa bui pũhtoro to sũho jiro wapa bũjũri yaparire perla wama tia yaparire nuchũriro yoaro sehe jira. ⁴⁶ Tĩ yaparire macano noa yũhdũri yapare boca. Ā bocaro, tí yapare nuchũ duaro, jipihtia to yare dua pahũono wahaha. Ā dua tuhsũ tí yapare wapa bũjũri yapare nuchũra. (Tĩ yapare tuaro to cahmariro seheta mũano macarirore masa bui pũhtoro noano ti masini baharo masa tuaro cahmana tirore) —nire Jesu.

Wañũno quitire yahuha

⁴⁷ Ā yoa paye quiti mehne Jesu ō sehe ni yahure tjoo:

—Mũano macariro masa bui pũhtoro to sũho jiro wañũno ti docañodu yoaro sehe jira. Tũ wañũno mehne payũ wahi soro jĩinare ñahana. ⁴⁸ Tũ to wahpaa wahachũ wahi wajãina sehe tũre padũropũ waja maja, noaina wahire besera. Noainare ti pũhũsepũ bese sãana. Ñaina wahire cohãnocahna. ⁴⁹ Pihtiri dacho jichũ ō sehe jirohca. Anjoa sehe masare besahca. Ñainare na wioahca noaina cahapũ jimarinare. ⁵⁰ Na wio, tinare pichacapũ

cohãahca. Tóí tina tii, tuaro cahyaa mehne bahca dihoahca ñaina sehe —ni yahure Jesu.

Muna buheare, wahma buhea cãhare yahuha

⁵¹ To ã ni yahuri baharo tiro õ sehe ni siniture sãre:

—¿Ahri jipihtiare tãhojari musa? —ni siniture tiro.

—Tãhoja sã —ni yãhtii sã.

⁵² Sã ã nichu tiro yahure sãre:

—Judio masare buheina muno macariro masa bui puhtoro to suho jirore buhea, puaro buheare yahura. (Panopu ti buhea cãhare mipu ti buhea cãhare yahura.) Tina, Judio masare buheina wãhu puaro yoaro sehe jira. Tiro to wãhãi jiare noare na wioro, wahmaare, muna cãhare na wiora tiro —nire Jesu sãre.

Jesu Nazarepu wahaha
(Mr 6.1-6; Lc 4.16-30)

⁵³ Tí quitire to buheri baharo, wahai sã tiro mehne. ⁵⁴ Waha, to bucuari macapu suhi. Tópu su, judio masa mari buhea wãhusepu buhere tiro. To ã buhechu tãhoa, tãho caaa wahare tina.

—Cuenah, ¿ahriro nohopu tãhoari ahri buheare? ¿Dohsearo noano masi pahñojari ahriro? Cohamacu tuaa mehne yoa ñona tiro to basi. ⁵⁵ Ahriro taboa dahrari masuno macuno jimanaro. A yoa to pocoro María jimanaro. A yoa Santiago, José, Simo, Juda, to bahana jimanabu. ⁵⁶ Mipure to bahana numia ahri macai jira. A jiro tiro mari yoaro sehe jiriro tjira. ¿A jiparota nohopu tãhoari tiro ahri buheare? —ni durucure tina ti basi.

⁵⁷ A jia tina tirore cahmaerare. Ti ã cahmaerachu ñuno õ sehe nire Jesu tinare:

—Cohamacu yare yahu mahtarirore paina ño payora. Ti ã ño payopachata to ya maca macaina, to coyera tirore ño payoerara. A jina yãhure ño payoerara musa õi yu bucuariro jichu —nire tiro tinare.

⁵⁸ A jiro tirore ti wacũ tuaerachu ñuno “Cohamacu macuno jira”, ti ni duaerachu ñuno, tí macai Cohamacu tuaa mehne payu tahari yoa ñoerare Jesu.

14

João bautisariro cjiro to yariarire yahuha

(Mr 6.14-29; Lc 9.7-9)

¹ Tí pjare Herode Galilea macariro puhtoro Jesu to yoarire tãhorocaha. ² A tãhoro õ sehe nimaha:

—João masare bautisariro yariariro cjiro pari turi bajuaro nica. A jiro mipure to bajuari baharo ahri tuaare cuara tiro bajuamehneare yoaro —nimaha Herode to cahamacare. (Jesure “Joãota jira”, ni tãhotumaha tiro Joãore ti wajãri baharo.)

³⁻⁵ Joãore to wajã dutihtoro pano Herode to bahuro Felipe namonore namo tiha. To ã yoachu ñuno João bautisariro Herode sehere õ sehe nia timaha:

—Mu bahu namonore namo ticu Cohamacu dutiare yãhdurucãi nina mahu —nia timaha João.

To ã niri buhiri Herode tirore wajã duamaha. “João Cohamacu yare yahu mahtariro jira”, ni tãhotura judio masa” nino, tina sehere cuiha Herode. “Joãore yu wajãchu tina suaboca” nino, tinare cuiha. A cuiro Joãore wajã duaeramaha. A wajã duaeraparota Herode tirore ñaha dãhte duti, peresu yoaha. To namono Herodia to dutiro mehne ã yoaha. ⁶ A yoa Herode to masa bajuari dacho jichu bõse numu yoaha tiro. Tóí Herodia macono bõse numu wihiina ti ñurocaroi basa ñoha. To ã basa ñochu ñuno Herode wahcheha. A wahchero ticorore õ sehe niha:

⁷ —Cohamacu mehne potocã niita nija. Yãhure mu sinino purota waihtja yãhu mãhure —niha juna Herode sehe Herodia maconore.

⁸ To ã nichu tãhoro Herodia to maconore to sinihtore yahuha ticorore. To ã yahuchu to macono sehe õ sehe ni siniha Herodere:

—João masare bautisariro dapure cã ta dutiga. A yoacu waparo mehne tí dapure waga yãhure —niha ticoro.

⁹ To ã nichu tãhoro Herode tuaro cahyaha. Masa ti ñurocaroi “Waihtja mãhure”, niha tiro. A jiro tiro buo tiro “Mãhure to dapure waeraja”, ni masieraha ticorore. A jiro ticoro to dutiriro seheta Herode sehe to cahamacare Joãore wajã dutiha. ¹⁰ João dapure cã taroca dutiha

juna. ¹¹ Ñ cã ta tuhsu, waparo mehne to dapure na taha tina. Herodia maconore to dapure ti wachu, ticoro sehe to pocorore yuhdoha tjoa.

¹² Ti ã yoari baharo João buheina ta, to pjacure masa coparu na cãha. Ñ cã tuhsu, tina tíre Jesure yahua tare.

*Cinco mil bui masare chua waha Jesu
(Mr 6.30-44; Lc 9.10-17; Jn 6.1-14)*

¹³ Ti ã ni yahuchu tuhoro, Jesu sã mehne dohoriai samu, masa marienopu sũho wahare. Jesu tópu to wahachu tuhõa, masa ti ya macaripu jirina ta, mahapu tirore nunu ti wahcãre. ¹⁴ Tuhsu, sã wahã sũri baharo tiro payu masare ñũno, pja ñũre tinare. Ñ pja ñũno tina mehne macaina dohatiinare noaina wahachu yoare. ¹⁵ Ñamichahapu sã to buheina tirore õ sehe nii:

—Ñamichahapu jira. Õ masa marienopu jira. Ñ jicu macaripu masare ti chũhtire nuchu dutiga ti puhu tihti cjihtire —nimai sã tirore.

¹⁶ Jesu yũhtire sãre:

—Wahaea tjijaro tina. Mũsa basita chũare waga tinare —nire sãre.

¹⁷ —Cã wamomaca pihtia pão curi, puaro wahi mehne jira sãre. Tí dihtare cjuaja sã —ni yũhtii sã.

¹⁸ —Tíre yũhũre na tahga mũsa —nire sãre.

¹⁹ To ã nichu tuhõna na wahcãhi sã to cahai. Sã na sũri baharo tja bui masare tiro duji dutire juna. Ti dujichu cinco pão curire, puaro wahire na, mũanopu ñũ mũo, Cohamacure “Noana”, nire. Ñ ninota pão curire nuha, sãre to buheinare ware. To ã wachu sã sehe tíre masare witii. ²⁰ Ñ jia jipihitina noano chu, yapi yuhdũna wahare. Ti yapi wahyorire doce puhuse waro na cahmachu, wahpo dapoi sã to buheina. ²¹ Tói tíre chũrina mũa dihtare mari quihõchũ cinco mil mũa jire. Numia, macanacã cãhu jire.

*Jesu co bui ducu wahcãha
(Mr 6.45-52; Jn 6.16-21)*

²² Baharo sãre to buheinare Jesu bũcũpariro pa bũhũsehe coparu pahãyu dutire masare to coha sitiro watoi. ²³ Coha siti tuhsu, tũcũpu mũja, Cohamacure sinino wahaha. Ñamine tói tiro cãirota jiha. ²⁴ Tí

pjaihãta bũcũpariro dacho macai dohoria mehne pahãrucuna nimai sã. Wihnono tuaro ta, pahcõri bũjũa wahcã, dohoriare cã sãare. ²⁵ Wihnono tuaro to wãchu bohrea mũja tahto pano Jesu co bui ducu tare sã cahapu juna. ²⁶ Sã cahapu to tachu ñũna cui nii sã. Ñ cuina sañurucumai sã:

—Yariariro cjiro pjacu jira —ni sañurucumai sã.

²⁷ Sã ã cuichu ñũno Jesu õ sehe nire:

—Ne yũhũre ñũ cũaena tjiga. Yũhũta jija —nire sãre.

²⁸ To ã nichu tuhoro Pedro õ sehe nire tirore:

—Pũhtoro, potocãta mũhũta jicu, co bui yũhũre mũ cahapu ducu wahcã dutiga —nire tiro.

²⁹ —Taga —ni yũhtire tiro sehe.

To ã nichu Pedro dohoriapu jiro co bui ducu sũ Jesu cahapu ducu wahcãmare.

³⁰ Wihnono tuaro to tachu ñũno cuire tiro. Ñ cuiro diha boraa wahamare.

—Yũhũre yoadohoga pũhtoro —ni sañurucure tiro Jesure.

³¹ To ã nichũta to wamomacare ñaha:

—Mahanocã wacũ tuara mũhu yũhũre. ¿Dohseacu yũhũre wacũ tuaerajari mũhu? —nire tiro Pedrore.

³² To ã niri baharo dohoriapu samu tare tina. Ti ã samu tari baharo wihnono yũsu borare. ³³ Ñ jina sã to buheina dohoriapu jiina na tuhucua caha sũ, Jesure ño payoi:

—Potocãta mũhu Cohamacu macũnota jira —nii sã tirore.

Genesare macaina dohatiinare yuhdoha Jesu

(Mr 6.53-56)

³⁴ Ñ yoarina cjiri pahã, Genesare wama tiri yahpapu sũ. ³⁵ Tó macaina Jesure ñũ masire. Ñ masia tó cahai jiinare Jesu to wihirire yahu site pahõore. Ñ ti yahu sitechu tuhõina payu dohatiinare tiro cahapu na tare.

³⁶ —Mũ suhtiro dũhtu caha dihtare sãre ñaha ñũ dutiga —ni sinire tina Jesure. Ñ jia to suhtirore ñaha ñũinape tópeinata noaina wahare.

15

*Masa ñaina wahachu yoare yahuha Jesu
(Mr 7.1-23)*

¹ Ñ yoa Jerusalē macaina, fariseo curua macaina, marine judio masare buheina mehne Jesu cahapũ wihia, ò sehe ni siniture tirore:

² —¿Dohse yoa mari ñũchũsuma cjiripũ ti yoa dutiriro seheta yoaerajari mũ buheina sehe? Tina ti chũhto pano ti dutiriro seheta wamo cosaerara —nire tina Jesure.

³ Jesu ò sehe ni yũhtire tinare:

—¿Mũsa sehe dohse yoana Cohamacũ dutia sehere yoaerajari mũsa? ¿Dohse yoana mari ñũchũsuma cjiri panopũ macaina ya dutia dihtare yoajari mũsa sehe? ⁴ Ò sehe nina Cohamacũ: “Mũsa pũcũsumare ño payoga”, nina. “Cũiro to pũcũsumare ñaare quti dahreriro jiro tí buhiri paina ti wajãhtiro cjihto jirohca”, nina Cohamacũ.

⁵ To ã nipachũta ò sehe ni dutira mũsa sehe ti pũcũsumare yoadoho dutierana: Ti pũcũsumare ti waborire Cohamacũ sehere wa dutira mũsa. Ñ ni buhemana mũsa. ⁶ Ñ buhena ti pũcũsumare ño payochũ yoaerara mũsa. Mũsa ã yoana Cohamacũ dutiare yũhdũgũcana nina mũsa, mari ñũchũsuma cjiri panopũ macaina ya dutia dihtare yoana. ⁷ Masa ti baharo buhũsehei ñano yoa cohtaina jira mũsa. Cohamacũ yare yahu mũhtariro Isaia cjiro mũsare potocãta yahu joaa tiha panopũre:

⁸ “Ahrina masa yũhũre noano durucupahta ti tũhotuare yũhũre ne ño payoerara.

⁹ Ñ jia yũhũre ti ño payoa ne yaba cjihti jierara.

‘Cohamacũ ya dutia jira ahri’, ni mahño buhera ti ya buhea sehere”, ni joaa tiha Isaia cjiro —nire Jesu fariseo curua macainare, mari coyea judio masare buheina cũhũre.

¹⁰ Ñ ni tuhsũ to cahapũ paina cũhũre pjiroca, ò sehe nire:

¹¹ —Yũhũre tũhona taga. Tuhsũ, yũ niare noano tũho ñahaga mũsa. Mũsa dũserihi sãa sehe mũsa chũa sehe mũsare buhiri tichũ yoaerara. Mũsa ñaa durucua sehe mũsa dũseri wijaa sehe mũsare buhiri tichũ yoara —nire Jesu.

¹² To ã ni buheri baharo sã to buheina sehe tirore yahui:

—Mũ ã nichũ tũhoa fariseo curua macaina suaa nire —ni yahui sã tirore.

¹³ Tíre tũhoro, ò sehe ni yũhtire sãre:

—Tina fariseo curua macaina toaa yucũ yoaro sehe jira. Yũ Pũcũ mũano macariro jipihtia toaa yucũre to toaerari cjirire ñũhcori mehneta cure, cohãnohca. Ñta yoarohca tinare. ¹⁴ Tinare ã ñũnocahga mũsa. Tina capari ñũeraina ti ñũ masieraro seheta ne Cohamacũ yare masierara. Ñ jia pichacapũ wahaahca. Ñ masierapahta paina masierainare buhe duamana. Ñ jia tina, ti buheina cũhũ soro jia buheare cahmaahca, capari ñũeraina painare tũã wahcã, jipihtina copapũ ti borariro seheta —nire Jesu.

¹⁵ To ã nichũ tũhoro Pedro ò sehe nire:

—Ahri quitire masa ti dũseri wijaa quitire yahu namoga sãre tjoa —nire tiro Jesure.

¹⁶ Jesu ò sehe ni yũhtire:

—¿Ne, tũhoerasinijari mũsa? ¹⁷ Masa ti chũare chũchũ tí ti dũseroi sãahna. Ñ jia ti pjaropũ sãa sũ, yũhdũ wijaa wahara. Wiho waro jira. Mari chũa marine buhiri tichũ yoaerara, Cohamacũ to ñũchũ. ¿Ahrire masierajari mũsa? ¹⁸ Masa ti dũseroi wijaa, ti durucua sehe ti tũhotuapũ tara. Ti durucua sehe ñaa jia masare buhiri tichũ yoara.

¹⁹ Ñaa tũhotua, masare wajãa, pairo namono mehne ñano yoaa, ñano yoaa numia mehne ñano yoaa, yacaa, mahñoa, masare ñano quti dahrea masa ti tũhotuapũ tara.

²⁰ Tí ñaa sehe masare buhiri tichũ yoara. Wiho mejeta mari ñũchũsuma cjiri ti yoaa tiri cjiro seheta masa wamo cosaerapahta ti chũchũ tí masare buhiri tichũ yoaerara —nire Jesu.

Judio masono jieraricoro Jesure wacũ tuaha
(Mr 7.24-30)

²¹ Ñ ni buhe tuhsũ, sãre sũho wahare tjoa. Tiro wama tiri maca cahapũ Sidõ wama tiri maca cahapũ sui sã. ²² Sã tórpũ sũchũ Canaa yahpa macaricoro tói jiricoro Jesu cahapũ wihiro, sañurucure:

—Pũhtoro, Davi panamino masare yũhdũchũ yoah tiro, yũhũre pja ñũga mũhũ. Yũ macore yũhdũchũ yoabasaga mũhũ. Yũ maco watĩno to cohtotaricoro, ñabiario yũhdũra ticoro —ni sañurucure to pocoro.

²³ To ã nipachuta Jesu ticorore yuhtierare. To ã yoachũ ñũna sã to buheina sehe tire ò sehe nimai:

—Waha dutiga ticorore. Nu cariboro bisica —nimai sã.

²⁴ Sã ã nichũ tuhoro Jesu ò sehe ni yuhtire ticorore:

—Israe masare Cohamacũre masieraina dihtare yoadoho dutiro warocare yũ Pũcũ yũhũre —nire tiro.

²⁵ To ã nipachuta Jesu dahpori cahai na tuhcuca caha sũre ticoro tire ño payoro.

—Puhtoro, yoadohoga yũhũre —nire ticoro.

²⁶ Jesu ò sehe ni yuhtire ticorore:

—Ò sehe jira ahri: Wahmanore wũhũ pũro pohna ya chũare dieyacãre yũ wa mũhtachũ tó wahaerara. (Israe masa yare pa yahpa macainare yũ wa mũhtachũ tó wahaerara) —nire Jesu ticorore piti dahre yahuro.

²⁷ —Ã tjira puhtoro. Ã jipachuta dieyacã cũhũ wũhũ pũro mesa docai ti chũ site boroare chũ cohtara tinaçã cũhũ. (Pa yahpa macaricoro yũ jipachuta yũhũ cũhũre yoadoho masina mũhũ) —ni yuhtire ticoro.

²⁸ To ã nichũ tiro ò sehe ni yuhtire:

—Ne numino, mũhũ yũhũre tuaro wacũ tuara. Mũ cahmano seheta ã waharohca —nire Jesu ticorore.

To ã nichũta dóihta noaricoro wahare to macono.

Payũ dohatiinare noaina wahachũ yoaha Jesu

²⁹ Æ ni tuhsũ sãre sũho waha, Galilea wama tiri bũcũpariro dũhtũ cahapũ sũho sũre tjoa. Sũ, mahadũcã tũcũre mũja, tũ buipũ dujire. ³⁰ Tóí to jichũ payũ masa tini masierainare, capari ñũerainare, cũ bũhũsehe ñano dahporo tiinare, durucu masierainare, payũ paina dohatiinare tiro cahapũ na wihire masa. Na wihi tuhsũ Jesu dahpori cahai duhu cũre tina. Ti Æ duhu cũri baharo noaina wahachũ yoare Jesu tinare. ³¹ To ã yoachũ ñũna masa ñũ cũaa wahare. Durucu masieraina ti durucuchũ ñũna, cũ bũhũsehe ñano dahporo tiina noaina ti wahachũ ñũna, tini masieraina ti tinichũ ñũna, capari ñũeraina ti ñũchũ ñũna, cũaa wahare tina. Æ jia ò sehe nire:

—Israe masa mari puhtoro, Cohamacũ tuariro, noariro jira —ni ño payore tina Cohamacũre.

Cuatro mil masare chũare waha Jesu

(Mr 8.1-10)

³² To ã yoari baharo Jesu sãre to buheinare to cahapũ pjiroca, ò sehe nire:

—Ahrina masa yũhũ mehne tia dacho waro ji tuhsũra. Æ yoa tinare ti puhĩ mari-ahna. Ti puhĩ mariachũ ñũcũ tinare pja ñũja. “Tinapũ jũca baaina, mahai borari”, nicũ tinare chũa marieno ti wũhũsepũ waha duti duaeraja. Æ jicũ tinare puhĩ wa duaja —nire tiro.

³³ To ã nichũ sã to buheina tire sinitu ñũi:

—¿Dohse yoa mari òre masa marienopũre pãore boca wabocari mari? —nii sã tire.

³⁴ —¿Nohope curi pão curire cjuajari mũsa? —nire Jesu.

—Siete curi, wahi cũhũre mahainacã cjuaja —ni yuhtii sã.

³⁵ Sã ã nichũ tiro masare yahpai duji dutire. ³⁶ Tuhsũ siete pão curire, wahicã cũhũre na, Cohamacũre “Noana”, nire. Æ ninota pão curire nuha, sãre to buheinare ware. Æ jina sã sehe tí chũare masare witii. ³⁷ Æ jia masa tíre chũ, yapi yũhdũa wahare. Ti yapi wahyorire siete puhũse waro wahpo dapoi sã. ³⁸ Tóí chũrinare mũa dihtare mari quihõchũ cuatro mil waro mũa jire. Numia, macanacã cũhũ jire. ³⁹ Ti Æ chũ tuhsũchũ Jesu masare waha dutire. Æ ni tuhsũ dohoriapũ samu, Magadán wama tiri yahparũ sãre sũho sũre.

16

Fariseo curua macaina, saduceo curua macaina cũhũ Cohamacũ tuaa mehne Jesu to yoa ñochũ ñũ duamaha

(Mr 8.11-13; Lc 12.54-56)

¹ Æ yoa fariseo curua macaina, saduceo curua macaina mehne Jesu cahapũ wihire. To ñano yoachũ ñũ duamare tire yahusã duaa. Æ jia tina tire Cohamacũ tuaa mehne yoa ño dutimare to masierachũ ñũ duaa, “Cohamacũ warocariro jierara”, nia taa. ² Ti Æ yoa dutichũ Jesu ò sehe ni yuhtire tinare:

—Ñamichahapµ sũ sãachµ to noano sohãchµ ñµna “Noari ñami jirohca”, nina mµsa. ³ Tuhsµ, bohrearo ñichuri dacho to jichµ ñµna “Coro tarohca”, nina mµsa. Å noano masiina jipanahta Cohamacµ tuaa mehne mµsare yµ yoa ñochµ ñµpanahta ne tíre noano masierara mµsa. ⁴ Mipµ macaina ña yãhdµina Cohamacµre cahmaeraina Cohamacµ tuaa mehne yµ yoa ñochµ ñµ duamana. Yoa ñosi yãhµ. Cohamacµ yare yahu mµhtariro cjiro Jona cjiro to dohse waharirore masi tuhsµre mµsa. Tí dihtare ñoihtja mµsare —ni yãhtire Jesu.

Å ni yahu tuhsµ sũho wahaa wahare tjoa.

Fariseo curua macaina, saduceo curua macaina ti ñaa buheare yahuha Jesu

(Mr 8.14-21)

⁵ Bµcµparirore sã pahãna, pãore bo pahã tari jihti sã. ⁶ Å jiro Jesu sãre õ sehe ni yahure:

—Noano yoanohbµ. Fariseo curua macaina, saduceo curua macaina ti pão bµcµarore ñµna noano yoaga. Cua nina tí —ni yahure.

⁷ To ã nichµ tũhona tũho wisia wahana, sã basi tíre õ sehe ni durucui:

—Mari pãore mari na taerachµ ñµno ã nipµcµ tiro —nimai sã, sã basi.

⁸ Sã ã nirire masino, sãre õ sehe ni siniture:

—¿Dohse yoana pão sehere wacũjari mµsa? Mahanocã waro yãhµre wacũ tuara mµsa. ⁹ ¿Masierasinjari mµsa? ¿Cinco mil mµare cinco pão curire yµ nuha warire numia cãhµre yµ warire wacũerajari mµsa? ¿Ti yapi wahyorire doce pũhµse waro mµsa wahpo daporire wacũerajari mµsa?

¹⁰ ¿Å jicµ siete pão curire nuha, cuatro mil mµare yµ warire numia cãhµre yµ warire wacũerajari mµsa? ¿Nohope pũhµse waro mµsa wahpo daporire wacũerajari mµsa? ¹¹ ¿Å jina pão bµcµarore yµ yahuchµ dohse yoana noano tũhoerari mµsa? Å nicµ pão warore nicµ nieraja. Fariseo curua macaina, saduceo curua macaina ti pão bµcµarore ñµna noano yoaga. Cua nina tí —ni yahure sãre tiro.

¹² To ã ni yahuchµpµ sã masii. “Pão bµcµaro” nino, pão warore nino nierare. Å

nino fariseo curua macaina, saduceo curua macaina ti buheare nino niri jimare sãre. “Ti ya buheare tũhoena tjiga”, nino nire.

Jesu potocã Cristo to jiare Cohamacµ warocariro to jiare yahuha Pedro

(Mr 8.27-30; Lc 9.18-21)

¹³ Å yoa Jesu mehne wahana, Cesarea Filipino wama tiri maca cahai jia macaripµ sũi sã. Tuhsµ, macapµ sã sũri baharo Jesu sãre to buheinare siniture:

—¿Diro baro jicari yãhµ masa yãhµre ti tũhotuchµ? —ni siniture tiro.

¹⁴ —“João masare bautisariro jira”, nina mũhµre. Paina “Elia jira”, nina. Å yoa paina sehe tjoa, “Jeremía jiboca o paio Cohamacµ yare yahu mµhtariro cjiro jiboca”, nina —ni yãhtii sã tirore.

¹⁵ —¿Mµsa sehe mµsa tũhotuchµ diro baro jicari yãhµ? —ni sinitu ñµre tjoa.

¹⁶ Simo Pedro õ sehe ni yãhtire:

—Mũhµ Cristo Cohamacµ warocariro jira. Cohamacµ catiriro waro macµnota jira mũhµ —ni yãhtire Simo Pedro.

¹⁷ To ã nichµ tũhoro Jesu tirore õ sehe nire:

—Simo Jona macµno mũhµ wahcheriro jira. Õ sehe ni yãhµre mµ yãhtichµ masa ti ni yahuri jierara. Yµ Pµcµ mµano macariro sehe tíre mũhµre masichµ yoare. ¹⁸ Mũhµre niita nija. Mũhµ Pedro wama tirore jira. (Pedro nino, “tãca”, nino nina.) Ahri tãa wapa bui pjiri wãhµre yµ yoaboriro seheta yµ yaina sehere pjiri curua jichµ yoaihca yãhµ. Å jia watĩno to yaina mehne ne yµ yainare yãhdµrµcasi. Å jia yµ yaina ne pichacapµ wahasi. ¹⁹ Mµano macariro mari pũhtoro to sũho jiro macari sawire mũhµre waihtja. Å jicµ ahri yahpare ñaare mµ yoa dutierachµ mµanopµ cãhµre yoa dutisi. Ahri yahpare noaare mµ yoa dutichµ mµanopµ cãhµre yoa dutia jiahca —nire Jesu.

²⁰ To ã niri baharo sãre to buheinare õ sehe nire:

—Yãhµre “Cristo jira tiro”, ni yahu sitesiniena tjiga painare —ni dutire sãre.

Jesu to yariahtore, to masa wijahto cãhµre yahuha

(Mr 8.31-9.1; Lc 9.22-27)

21 Tí pjata Jesu sãre to buheinare noano yahu pahño dũcare:

—Jerusalẽrũ yũhũre waharo cahmana mipũre. Tõrũ mari coyea judio masa bũcũna, sacerdotea pũhto, marine judio masare buheina cãhũ yũhũre ñano yoaahca. Yũhũre wajãahca. Āta ñano yũhdũro cahmana yũhũre. Ā jicũ tia dacho wahaboroi masa wijaaihca —ni yahure sãre tiro. 22 To ã nichũ tũhoro Pedro sehe pa sehe curerocã Jesure narũcũ sũ, tirore õ sehe nire:

—Pũhtoro, mũ nino sehe ã wahaero tji-jaro. Mũhũre tina wajãea tji-jaro —nimare tiro Jesure.

23 To ã nichũ tũhoro Jesu majarerũca, tirore õ sehe nire:

—Satana yoaro sehe durucui nina mũhũ. Ā nii tjiga. Mũ tũhotua masa ya jira. Cohamacũ ya jierara. Ā jicũ yũ yoahtore dũcata duara mũhũ —nire Jesu Pedore.

24 To ã niri baharo sãre yahure:

—Cãiro yũ yairo ji duaro, to cahmano yoa duamarine duhunocanohca. Crusapũ yũ ñano yũhdũhtiro seheta yũ yairo to jiri buhiri ñano yũhdũparota yũhũre duhusi. Ā jiro yũ yare yoarucuriro jirohca. 25 Masũno yũhũre wacũno marieno to mũ sũro to cahmano seheta yoariro pichacapũ waharohca. Tuhsũ, masũno yũ yare ã yoarucuriro jipihtia dachoripe yũhũ mehne mũanopũ jirucurohca tiro. 26 ¿Cãiro masũno ahri yahpa macaare jipihtiare cjũariro Cohamacũre cahmaeraro pichacapũ waharo, yabare wapatajari tiro? Ā jiro ne wapataerara. Pichacapũ to wahachũ ne dohse wapa wiohto basioerara. 27 Yũhũ masũno Cohamacũ warocariro yũ yaina anjoa mehne ahri yahpapũ tjua tacũ yũ Pũcũ to si sitea mehne tjua tacũ jipihtina masare ti ñaa yoari buhiri buhiri dahreihca. Noaa sehere ti yoachũ noano yoaihtja tinare. 28 Potocã mũsare yahuihtja. Cãina mũsa õpũre jiina mũsa yariahto pano yũhũre yũ tachũ yũ pũhto sãachũ cãhũre ñnahca —ni yahure Jesu.

17

*Jesu to pjacũre cohtotaha
(Mr 9.2-13; Lc 9.28-36)*

1 Ā yoa seis dachori baharo Jesu Pedore, Santiagore to bahũro João cãhũre mũadũ tũcũpũ tina dihtare pji mũjare. 2 Mũanopũ ti sũri baharo ti ñũrocaroi to pjacũre cohtotaha. To wũhdũũ sũ dacho macariro yoaro sehe si siteha. Tuhsũ, to suhtiro buhriaro yoaro seheta yehsea tiha. 3 To ã cohtotachũ Jesu Moise cjiro, Elia cjiro mehne ti sũhũdũchũ ñũha tina tiaro Jesu buheina.

4 Ā jiro Pedro Jesure õ sehe nimaha:

—Pũhtoro, mari õi jichũ noa duara. Mũ cahmachũ tia wũhũcã yoaihtja. Mũ ya wũhũcã, Moise ya wũhũcã, Elia ya wũhũcã yoaihtja —nimaha tiro.

5 To ã nino watoi me curua noano si sitea me ti bui duji pja wihiha. To ã duji pja wihichũta, me curua watoi õ sehe nino coa taha:

—Ahriro yũ macũ yũ cahĩriro jira. Tiro mehne wahcheja. Tirore tũhoga —nino coa taha.

6 Ā nino coa tachũ tũhoa to buheina cũaa waha, yahpai doca caha sũha. 7 Ti ã wahari baharo Jesu tina cahapũ sũ, tinare bũa carerota, õ sehe niha:

—Wahcãrũcaga mũsa. Mipũre mũsa ñũrire, mũsa tũhori cãhũre cuiena tjiga —niha tiro tinare.

8 To ã nichũ tina ñũroca, Jesu dihtare ñũha. Ti ñũrina cjiri sehe marieraha jũna.

9 Ā jia tũcũpũ ti duji tachũ Jesu tinare tuaro mehne õ sehe niha:

—Michapucacã yũ ã waharire painare yahuena tjiga. Yũhũ masũno Cohamacũ warocariro yũ yaria masa wijaari baharo tíre painare yahuga mũsa —niha Jesu.

10 To ã niri baharo Pedro cãhũ tirore õ sehe ni sinituha:

—“Cristo masare yũhdohtiro to tahto pano Eliare ta mũhtano cahmana”, nina marine judio masa buheina. ¿Dohse jiro baro ã nijari tina? —ni sinituha tina tirore.

11 Jesu õ sehe ni yũhtiha:

—Potocã tjira. Eliare ta mũhta dutire Cohamacũ, jipihtiare cahno mũhtahtirore.

12 Õ sehe nicũ mũsare nii nija. Elia wihi tuhsũre. To ã wihipachũta tina tirore ne ñũ masierare. Ā jia ti dohse yoa duaro ñano yoari jire tirore. Āta yoaahca yũhũ cãhũre. Yũhũ masũno Cohamacũ warocariro jija. Ti ã yoachũ ñano yũhdũihca yũhũ —niha Jesu.

13 To ã ni yahuchu tina noano tuhoha. “Elia” nino, João bautisaritore nino niha. Tíre masiha tina.

Jesu ñama yaria munare dohatirirore yuhdoha

(Mr 9.14-29; Lc 9.37-43)

14 Æ yoa payu masa cahapu ti duji tachu ñuno cãiro muno Jesu cahapu su, na tuhcuca caha sure.

15 —Puhtoro, yu macucãre pja ñuga. Tiro ñama yaria munare dohatiriro jira. Æ jiro tiro ñabiaro yuhdura. Payu tahari pichacaru bora su caha mujana tiro. Cãa tahari diararu bora ñoja mujana. 16 Æ jicu mu buheina cahapu tirore na sumahi. Tina tirore noariro wahachu yoa masierare — nire tiro Jesure.

17 Jesu õ sehe ni yuhtire:

—Mipu macaina, musa ñaa buhiri tiina jira. Yuhure ne wacũ tuaerara. Yoabiaru pja musare buhemaja yuhu. ¿Noho puro yoari pja yuhure musa caribobocari? Tirore na tahga yuhure —nire Jesu.

18 Æ jiro watĩnore to tuhtichuta watĩno sehe masnocãre sãariro cjiro wahaa wahare. To ã wahari baharocãta noariro wahare tiro.

19 Baharo sã to buheina sã sahsero jina Jesure õ sehe ni sinitui:

—¿Dohse yoana sã sehe ahriro sehere watĩnore cohã masierari, mu tuhutuchu? —ni sinitui sã.

20 Jesu õ sehe ni yuhtire:

—Yuhure mahanocã wacũ tuara musa. Potocã musare yahuita nija. Mostaza yapacã mahari yapacã jiparota duroru pjidu wahara. To ã wahariro seheta Cohamacure wacũ tuana õ sehe wahachu yoa masinahca musa. Ahdu tãcure “Sohõru wahaga”, musa nichu, waharohca. Cohamacure tó seheta wacũ tuana, jipihitiare yoa masina musa. 21 [Wiho mejeta ahriro baro watĩnore musa cohã duana Cohamacure tuaro sinino cahmana musare. Æ yoa duana chu duhuro cahmana musare Cohamacure sinina tana] —nire Jesu sãre.

Pari turi Jesu to yariahtore, to masah-tore yahuha

(Mr 9.30-32; Lc 9.43-45)

22 Æ yoa Galilea yahpapu sã tinichu, Jesu sãre õ sehe ni yahure:

—Yuhu masuno Cohamacu warocariro jija. Masa yuhure ñaha, painapure yuhure waahca. 23 Æ ti wari baharo yuhure wajãahca tina. Æ ti wajãricu tia dacho wahaboroi masa wijaaahca —ni yahure tiro sãre.

To ã ni yahuchu tuhona tuaro cahyai sã.

Cohamacu wuhu macaa wapa cjihtire sinituha paina

24 Æ jina Capernaupu sã suchu, Cohamacu wuhu macaa cjihtire wapa na cohtaina Pedro cahapu su, tirore õ sehe ni sinitu ñure:

—¿Musare buheriro Cohamacu wuhu macaa wapa cjihtire wapajari tiro? —ni siniture tina.

25 —Wapara tiro —ni yuhtire Pedro.

To ã niri baharo wuhuru to sãachu Jesu õ sehe ni sinitu muhtare Pedroro:

—¿Simo, dohse ni tuhutujari muhu? ¿Ahri yahpa macaina puhtoa yabaina sehere wapa cahmajari, mu tuhutuchu? ¿Tina mehne macainare wapa cahmajari? ¿O pa yahpa macaina sehere wapa cahmajari, mu tuhutuchu? —ni siniture tiro Pedroro.

26 —Pa yahpa macaina sehere wapa cahmana —ni yuhtire Pedro.

To ã nichu Jesu õ sehe ni yahure:

—Æ jiro puhtoro to ya yahpa macainare wapa cahmaerara. 27 Æ jipachuta wapa na cohtainare suachu yoa duaeraja mari. Æ jina wapanahca tinare. Bucpariropu wahaga. Tõru su, yohgari canore doca ñoga. Æ yoacu wahi mähure churirore tuãga. To duseroru niñeru tare bocaihca muhu. Tí tu quihõno wapa tiri tu jirohca. Yuhure, muhu cãhure Cohamacu wuhu macaina ti wapa cahmachu noano quihõno mu surohca tí tu. Tí tare bocacu mari wapamonore wapai wahaga —nire Jesu Pedroro.

18

Jesu buheina tina mehne macarirore puhtoro sõ duaa nimaha

(Mr 9.33-37; Lc 9.46-48)

1 Tí pjare sã to buheina Jesu cahapu su, õ sehe ni sinitui tirore:

—¿Muanano macariro pũhtoro to sũho jiroprẽre sã mehne macariro diro baro sehe wahabocari pũhtoro? —ni sinitui sã.

² Sã ã nichũ Jesu nijinocãre pjiroca, tirocãre sã panoi duhu dapore. Duhu dapu tuhsũ, sãre õ sehe nire:

³ —Potocã musare yahu bahrañoihtja. Ahrina macanacã Cohamacũre ti pũhtoro waro tũhotura. ã jina musa cãhũ pano musa tũhotumari cjirire cohtotaerana, tinacã yoaro sehe tũhotuerana muano macariro pũhtoro to sũho jiroprẽre wahasi musa. ⁴ ã jiro muano macariro pũhtoro to sũho jiroprẽre niji siaroca yoariro painare yũhdũca duaerariro ahriri nijinocã yoaro sehe tũhoturirota paina bui pũhtoro wahara. ⁵ ã jina yũ yare yoana tana õ sehe jiinacãre cahmana, yũhũ cãhũre cahmana musa —ni yahure Jesu.

*Ñaare yoachũ cua nina
(Mr 9.42-48; Lc 17.1-2)*

⁶ ã ni yahu tuhsũ, tinare õ sehe ni yahu namore:

—Ahrirrocã sehe jiriro yũhũre wacũ tuarirocãre yahuihtja musare. Pairo ahrirrocã sehe jirirore ñaare yoa dutiro tiro ñabiaro yũhdũrohca. Cãirore to wamũare pjiria tãcare dũhte yo, pjiri mapũ tirore tí cohãchũ ñano wahaboa tiro. ã jiro ahrirrocã sehe jirirore ñaare yoa dutiriro tiro sehe pjiri mapũ tí cohãriro yũhdoro ñano yũhdũrohca. ⁷ Masare ñaare yoachũ yoaa jira. Tíre yoaa ahri yahpa macaina ñano yũhdũra. Ñaare yoarucura masa. Tí ã yoachũ tinare ñaare yoachũ yoaina sehe ñabiaro yũhdũhca.

⁸ 'Mũ wamomaca mehne ñano yoacũ tí wamomacare mũ dũte cohãboro seheta tí mũ ñaa yoaa sehere duhuga. Tíre duhueracũ pichacaprũ wahaihca. Tóprẽre ne pichaca yatierara. Mũ wamomacare mũ cohãchũ tí si dihta butiboa. Tuhsũ, mũhũ sehe ã si jipaihta baharo Cohamacũ mehne jiihca. Pũa wamomaca mehne pichacaprũ wahacũ mũ ã wahachũ ñaa yũhdũaboa mũhũre. ã jicũ tí mũ ñaa yoaa sehere duhuga.

'Mũ dahporo mehne ñano yoacũ tí dahporo cãhũre mũ dũte cohãboro seheta tí mũ ñaa yoaa sehere duhuga. Tíre duhueracũ

pichacaprũ wahaihca. Tóprẽre ne pichaca yatierara. Mũ dahporo mũ cohãchũ tí si dihta butiboa. Tuhsũ, ã si jipaihta baharo Cohamacũ mehne jiihca. Pũa dahporo mehne pichacaprũ wahacũ mũ ã wahachũ ñaa yũhdũaboa mũhũre. ã jicũ tí mũ ñaa yoaa sehere duhuga.

⁹ 'Mũ capariaca mehne ñano yoacũ tiare orewe mũ cohãboro seheta tí mũ ñaa yoaa sehere duhuga. Tíre duhueracũ pichacaprũ wahaihca. Tóprẽre ne pichaca yatierara. Tiare mũ cohãchũ tia dihta butiboa. Cũ bũhũsehe capariaca mariapaihta baharo Cohamacũ mehne jiihca. Pũa capariaca mehne pichacaprũ wahacũ mũ ã wahachũ ñaa yũhdũaboa mũhũre. ã jicũ tí mũ ñaa yoaa sehere duhuga —ni yahure Jesu.

*Oveja butiriro quitire yahuha Jesu
(Lc 15.3-7)*

¹⁰ ã ni tuhsũ, tinare õ sehe ni yahu namore:

—Ne, ahrinacãre macanacãre ñũ yabiena tjiga. Musare niita nija yũhũ. Tinacãre ñũ wihboina anjoa mũanoprũ jiina sehe yũ Pũcũ cahaprũ ã jirucura. ¹¹ [Yũhũ masũno Cohamacũ warocariro ahri yahpapũ pichacaprũ wahaborinare yũhdũchũ yoai tai nii yũhũ] —ni yahure Jesu.

¹² ã ni tuhsũ to tũhotua mehne õ sehe ni quiti dahre buhere sãre:

—Ovejare ñũ wihboriro cien ovejare cjũariro cãiro oveja butia wahachũ õ sehe yoarohca tinare ñũ wihboriro sehe. Paina ovejare noventa y nueve ovejare tí chũri campoprũ duhu dapu, butirirore macano waharohca. ¹³ Potocã niita nija musare. Tirore bocaro wahcherohca tiro. Paina noventa y nueve dũhsaina mehne wahchera tiro. Tinare to wahcheriro yũhdoro butiriro sehere bocaro tuaro wahcherohca. ¹⁴ Tó seheta ñũ wihboriro oveja to butichũ cahmaeraro seheta musa Pũcũ muano macariro ahrina wiho jiina cãhũre pichacaprũ tí wahachũ cahmaerara —ni yahure Jesu.

*Mũ coyeiro mũhũre ñano to yoachũ õ sehe
yoa dutiha Jesu
(Lc 17.3)*

¹⁵ ã ni tuhsũ õ sehe ni yahu namore:

—M_u coyeiro m_uhure ñano to yoach_u tiro mehne s_uh_udui wahaga. M_usa sahsero tíre s_uh_uduga. M_u ã yoach_u tiro m_uhure t_uhoboca. To t_uhoch_u “M_uhure ne pari turi õ sehe yoasi y_uh_u”, to nich_u m_u coyeirore pari turi piti tii nica m_uh_u.
 16 M_uhure to t_uho duaerach_u pinihta c_uiro mehne waha duac_u o p_uaro mehne waha duac_u tinare piti ti wahcã, pari turi tirore s_uh_uduna wahaga. M_usa ã yoach_u m_usare p_uaro o tiarore to t_uhoeraputiach_u ñ_una paina Jesu yainare tirore yahusãga, Cohamac_u yare ti joari p_u to niriro seheta.
 17 ã jina m_usa mehne macaina c_uhure to t_uho duaerach_u jipihtina Jesu yaina cahmachuinare yahusãna wahaga. ã jina Jesu yaina cahmachuinare to t_uho duaerasinich_u ñ_una Cohamac_ure cahmaerarirore m_usa yoaboriro sehe yoaga tirore. Wapa na cohtarirore m_usa yoaboriro sehe yoaga tirore.

18 'Potocã m_usare niita nija. Ahri yahpai m_usa Jesu yaina ñaare m_usa yoa dutierach_u m_uanop_u c_uhure yoa dutisi. Ahri yahpai m_usa noaare yoa dutich_u m_uanop_u c_uhure yoa dutia jiahca.

19 'Pari turi m_usare yahuihtja ahrire: M_usa p_uaro Cohamac_ure sinich_u, m_usa p_uaro m_usa sinirire c_uno potori m_usa t_uhotuch_u y_u P_uc_u m_uano macariro tíre yoarohca. 20 P_uaro o tiaro y_u yaina y_u yare yoah_utina cjihti ti cahmachuch_u y_uh_u tina mehne jija —ni yahure Jesu.

Cahamac_uno paio to wapamonore to bo duaerari quitire yahuha Jesu

21 Baharo Pedro Jesu cahap_u s_u, õ sehe ni siniture:

—¿P_uhtoro, y_u coyeiro m_u yairo pay_u tahari y_uhure ñano to yoach_u ñ_uc_u nohope tahari tíre boihcari y_uh_u? ¿Siete tahari boihcari y_uh_u? —ni siniture Pedro.

22 Jesu õ sehe ni y_uhtire:

—Siete tahari dihta m_uhure paio to ñano yoarire m_u boch_u tó wahaerara. Pay_u tahari m_uhure ñano to yoach_u c_uhure boga.

23 'M_uano macariro masa bui p_uhtoro to s_uho jiro ahri quiti yoaro sehe jira. Jipihtina masa bui p_uhtoro jiriro tirore dahra cohtainare tirore wapamoinare

wapa pahño duti dutimaha. 24 Ti wapamori cjirire to quihõ d_ucach_u, tirore dahra cohtaina sehe p_uj_uro wapamorirore tiro cahap_u na taha. Wapamoriro pjibiario wapamoha to p_uhtoro. 25 ã jiro tiro to wapa masierach_u ñ_uno to p_uhtoro tirore, to namonore, to pohnare cahamaca s_u, tinare painare dua dutimaha. ã yoa jipihtia to c_uh_ure dua duamaha, to wapamonore wapa dutiro. 26 To ã dua dutich_u p_uj_uro wapamoriro sehe na tuhcuca caha s_u, to p_uhtoro tuaro siniha: “P_uhtoro, y_uhure p_u ñ_uc_u cohtasiniga. M_uhure wapa pahñoihca”, niha tiro to p_uhtoro. 27 To ã nich_u t_uhoro, tirore p_u ñ_uno to wapamorirore ãta bonocaha.

28 To ã yoari baharo p_uj_uro wapamoriro cjiro sehe waha, paio dahra cohtarirore tirore mahanocã wapamorirore boca s_uha. ã boca s_uro wam_u ñahaha tirore. “Y_uhure m_u wapamonore wapa bahrañoga”, niha tiro tó mehne macarirore to yoaro sehe dahra cohtarirore. 29 To ã nich_u paio dahra cohtariro sehe na tuhcuca caha s_u, tirore tuaro sinimaha. “Y_uhure p_u ñ_uc_u mahanocã cohtasiniga. M_uhure wapa pahñoihca”, nimaha paio dahra cohtariro tirore. 30 To ã ni sinipach_uta tó mehne macariro tirore y_uhtieraha. Tuhs_u, tiro paio dahra cohtarirore peresu yoa dutiha. P_u to wapa pahñoich_up_u wiorohca tirore. 31 P_uj_uro wapamoriro cjiro mahanocã wapamorirore to ñano yoach_u ñ_u, susini, paina dahra cohtaina sehe ti p_uhtoro yahusãa wahaha. 32 Ti ã ni yahusãch_u t_uhoro ti p_uhtoro ti yahusãrirore pjiroca, õ sehe niha: “M_uh_u ñabiariro jira. M_u y_uhure tuaro sinich_u m_u wapamorirore bo pahñomahi y_uh_u. 33 M_uhure y_u ã yoapach_uta m_uh_u sehe m_uhure wapamorirore boerayuhti. M_u wapamoriro sehere y_u boriro seheta tiro m_uhure to wapamoriro c_uhure m_u boch_u noabiaboa. ¿Dohseac_u tirore p_u ñ_uerari m_uh_u ã yoac_u?” niha to p_uhtoro tirore. 34 ã nino tuaro sua, peresu yoaha tirore dahra cohtarirore. P_u to wapa pahñoich_up_u wiorohca —ni yahure Jesu.

35 ã ni tuhs_u, õ sehe ni ahri quitire yahu batoare:

—Tó seheta yoarohca y_u P_uc_u m_uano macariro m_usare. M_usa jipihtina m_usa coyea m_usare ti ñano yoarire noano m_usa bo pahñoerach_u tiro m_usare buhiri dahrerohca —nire Jesu.

19

*Ti namosãnumiare cohãare yahuha Jesu
(Mr 10.1-12; Lc 16.18)*

¹ Tíre to ã ni yahuri baharo tiro Galileai jiriho Judea yahpar_u sãre s_uho wahare. Jordão pa b_uh_usehe coar_u s_ui sã. ² Tó_u sã wahach_u pay_u masa sãre n_un_u ti wahcãre. Tina mehne macainare dohatiinare noaina wahach_u yoare tiro.

³ ã yoa cãina fariseo curua macaina Jesure yahusã duaa, ñano to durucuch_u t_uho duaa, tirore õ sehe ni sinitu ñ_ure:

—¿Mari cahmano seheta mari namore cohãch_u noabocari? ¿Mari dutia sehe tó seheta yoa dutijari, m_u t_uhotuch_u? —ni sinitu ñ_ure tina.

⁴ Jesu õ sehe ni y_uhtire:

—¿Cohamac_u yare ti joari p_ui ne ahrire buherasiniri m_usa? Õ sehe ni joaa tiha: “Wahmanop_ure ahri yahpare bajamehneriro m_uno, numino c_uh_ure yoaha”, ni joaha. ⁵ Tuhs_u õ sehe ni joa namoha: “M_uno to p_uc_us_umare cohã wija, to namono mehne jirohca. ã jia tina p_uaro jipahta c_u p_uac_u yoaro seheta jira”, ni joa namoa tiha. ⁶ ã jia tina p_uaro yoaro sehe jierara. Cã p_uac_u yoaro sehe jia nina. Cohamac_u to wamomaca d_uhte dutiina jira. ã jia tinare duhueraro cahmana —nire Jesu tinare.

⁷ To ã nich_u fariseo curua macaina õ sehe ni siniture tjoa:

—M_u ã ni yahupach_uta õ sehe ni joaa tiha Moise cjiro sehe: “M_u namore cohã duac_u papera p_ui tíre joaga. ã joac_u tí p_ure m_u namore m_u wari baharo ticorore cohã masina m_uh_u”, ni joaa tiha Moise cjiro. ¿M_u nino sehe jipach_uta Moise cjiro sehe dohsearo õ sehe ni joari? —ni sinitu namore tina tirore.

⁸ Jesu õ sehe ni y_uhtire tinare:

—Cohamac_ure m_usa ñ_uch_us_uma ti t_uho duaerach_u ñ_uno ti namosãnumiare ti cohãch_u, “Ata yoawahnojaro”, ninocaa tiha Moise. To ã nipach_uta wahmanop_ure ahri

yahpare ã jierare. ⁹ M_usare niita nija. Mas_uno to namono to ñano yoaerapach_uta ticorore cohãno, pacorore namo tiro, tiro pacoro mehne ñano yoaro nina. [Tuhs_u, ahriro to cohãricorore namo tiriro c_uh_u ticoro mehne ñano yoariro jira] —nire Jesu.

¹⁰ To ã nich_u t_uhona, sã to buheina sehe tirore õ sehe nii:

—Tó sehe m_uno to namono mehne ti cahma cohãerach_u mari sehere mari namo tierach_u noaboca —nii sã.

¹¹ Jesu õ sehe ni y_uhtire:

—M_usa nino seheta jira. ã jiro cãinare namo ti dutierara Cohamac_u. ¹² M_uare namo ti dutieraa cãa jira. Cãina m_ua numiare cahmaeraina masa bajuara. Paina m_ua masa ti wapãri t_uhoca ti warina sehe namo ti masierara. Paina m_ua m_uano macariro ti p_uhtoro yare yoadoho duaa, namo tierara. ã jia ahriina namo ti duaeraina ãta t_uhotunocaina, tó seheta ti ji sohtori tich_u noana —nire Jesu sãre.

Macanacã ya cjihtire Cohamac_ure sini payoha Jesu

(Mr 10.13-16; Lc 18.15-17)

¹³ ã yoa masa macanacãre Jesu cahar_u na wihire. ã na wihia, tina Jesure to wamomacare tinacã bui ña payo duti duamare. ã yoa tinacãre Cohamac_ure sini payo duti duamare Jesure. Ti ã yoach_u ñ_una sã to buheina tinare tuhtimahi. ¹⁴ Sã ã tuhtich_u ñ_uno, sãre Jesu õ sehe nire:

—Macanacã y_u cahar_u tajaro. “To cahai wahaena tjiga”, niena tjiga tinacãre. Tinacã Cohamac_ure ti p_uhtoro t_uhotura. p_uhtoro Cohamac_u to s_uho jiina ahriinacã yoaro sehe t_uhotuina baro dihta jira —nire Jesu sãre.

¹⁵ ã ninota to wamomacare tinacã bui ña payo tuhs_u, wahaa wahare.

Pache p_uro Jesure sinitu ñ_uha

(Mr 10.17-31; Lc 18.18-30)

¹⁶ To ã yoari baharo cãiro mas_uno Jesu cahar_u wihi, siniture tirore:

—¿Ne, buheriro, jipihtia dachoripe Cohamac_u mehne ã jirucu duac_u, noaare yoa duac_u di baro sehere yoabocari y_uh_u? —nire tiro.

¹⁷ —¿Dohse jiro baro y_uh_ure noaa barore ni sinitujari m_uh_u? Cohamac_u dihta noariro jira. Jipihtia dachoripe Cohamac_u

mehne ã jirucu duacu to dutiare yoaga – nire Jesu.

18 –¿Di baro dutia sehere nii nijari? –ni sinitu namore tiro.

Jesu õ sehe ni yuhtire:

–Masare wajãecu tjiga. Namu tiriropu paye numia manu tia numia mehne jiecú tjiga. Yacaecu tjiga. Mahñoa mehne painare yahusãecu tjiga. 19 Mu pucsumare ño payoga. Mu basi mu cahño sehetu mu cahai jiro cãhure cahña. Ahri dutiare yoaihca mahu –nire Jesu.

20 –Ahri dutiare ne yuhducaera tih yuhu. ¿Dohse yoa namoihcari yuhu jipihtia dachoripe Cohamacu mehne jirucu duacu? –nire tiro Jesure.

21 To ã nichu tuhoro Jesu õ sehe ni yahu namore:

–Mahu ñaa buhiri marieriro ji duacu mu ya jipihtiare duai wahaga. ã duacu jipihtia mu wapatari niñerure pjacuoinare waga. Mu ã yoachu payu mu wapataa manopu, Cohamacu cahapu jiyuahca. Mu ã yoari baharo yuhu mehne macariro cjihto taga –ni yahure Jesu.

22 To ã nichu tuhoro tuaro cahyare. Tiro payu pache cjaruro jiro, tíre pjacuoinare wa duaeraro, cahya, waha wahare.

23 To ã wahari baharo Jesu sãre to buheinare õ sehe ni yahu namore:

–Potocã musare niita nija. Pache puo puhtoro Cohamacu to sũho jiropu to waha duachu mijobiara. 24 Musare yahu namoihtja: Camello sehe awicã copapu to sãa nuhri wijaa duachu basioerara tirore. To ã jiro yuhdoro pache puo puhtoro Cohamacu to sũho jihropu to waha duachu mijobiara –nire tiro.

25 To ã nichu tuhona sã cuua waha, sã basi õ sehe nii:

–Cue, to nino sehetu jichu, ne cãiro masuno Cohamacu cahapu waha masieraboca –nii sã basi.

26 Sã ã nichu Jesu sãre ñuroca õ, õ sehe ni yahure:

–Masa ti basi ti mu sũro yuhdu masierara. Wiho mejeta Cohamacu sehe masare pichacapu wahaborinare yuhdo masina. Tiro jipihtiare noano yoa masi pahñoriro jira –nire tiro sãre.

27 To ã nichu Pedro tirore õ sehe nire:

–Tuhosiniga. Sã sehe sã ya jipihtiare cũnoaa tii mahu mehne wahana tana. ¿Sã õ sehe yoana, dohse jiare wapatanahcari sã? –nire tiro.

28 To ã nichu tuhoro õ sehe nire Jesu:

–Musare niita nija: Pihtiri dacho jichu jipihtia wahma dihta cohtotaahca. Tí pjapure yuhu masuno Cohamacu warocaruro yuhu puhtoro yu dujiroi si siteroi dujihca yuhu. Tói yu dujichu musa cãhu doce dujia pahtarihi puhtoa ti dujia pahtarihi dujinahca. ã jina Israe masare doce curuari macainare besenahca musa noaina, ñainare. 29 ã yoa yu yare yoana tana musa wuhusere, musa bahanare, musa pucsumare, musa pohñare, musa weserire cũnocarina jina, pjíro wapatanahca. Tuhsu, jipihtia dachoripe Cohamacu mehne jirucunahca. 30 Wiho mejeta mipure payu puhtoa jirina cjiri tí pjapure wiho jiina tjuanocaahca. Tuhsu, mipure payu wiho jiina jirina cjiri tí pjapure puhtoa cohtotaahca tjoa –ni yahure Jesu sãre to buheinare.

20

Se wesere dahraina quitire yahuha Jesu

1 ã yoa Jesu pari turi to tuhota mehne piti dahre õ sehe ni yahu namore tjoa:

–Mũano macaruro masa bui puhtoro jira. Wese puo quitu mehne puhtoro Cohamacu to sũho jirore yahuihtja musare. Tiro wese puo bohrea parĩcaroi to wesere dahrahtinare pjuro wahaha. 2 “Cũ tu niñeru tu wapaitja cã dachore”, niha tinare. “Jai”, niha dahrahtina. Tí ã nichu wesepu dahra dutiro warocaha tiro tinare.

3 ã yoa dachopu nueve hora jichu pache duaropu wahaha tiro. Tóru sũro, paina dahraerainare ñuha. 4 ã ñuno tinare õ sehe niha: “Musa cãhu yu wesere dahrana wahaga. Noano wapaitja”, niha tiro tinare. 5 To ã nichu tuhota, tina cãhu wesepu dahraa wahaha. ã yoa wese puo cohari pja jichu, ñamichapu tres hora jichu cãhure painare dahra dutiha. 6 ã yoa ñamichapu cinco hora jichu pache duaropu tiro wahaha tjoa. Tóru su, paina dahraerainare ñuno, tinare õ sehe niha:

“¿Ne yaba barore yoerapanahta cã dacho ñurucu nahñoajari m̄usa?” ni sinitu ñuha tinare. ⁷ “Ne, sãre dahraa mari-ahna”, ni yuhtiha tina. “M̄usa c̄uh̄u ȳu wesere dahrana wahaga”, niha tinare. Æ jia to niriro seheta to wesere dahraa wahaha. ⁸ Æ yoa ñamichahap̄u dahra duhuri p̄ja jich̄u wese p̄ro to yaina dahrainare cohtarirore õ sehe niha: “Dahrainare p̄jiga. Ti wihich̄u tinare wapaga. Ti baharop̄u ȳu dahra dutirinare wapa m̄htaga. Tinare wapa tuhs̄u, paina c̄uh̄u wapa tuhs̄u, ȳu dahra duti m̄htainare wapa batoaga juna”, niha tiro. ⁹ Æ yoa cinco hora jich̄u dahra d̄ucainare c̄u t̄u niñeru t̄u wapaha. ¹⁰ To ã wapach̄u ñha, “Sãre bui curero waparohca”, ni tuhotumaha to duti m̄htaina cjiri sehe. Tina c̄uh̄u c̄uno potori wapnocaha. ¹¹ Æ jia niñerure to wapach̄u ti p̄h̄toro mehne susinia ti basi õ sehe cahma niha: ¹² “Ahrina sã baharop̄u to dahra dutirina sehe c̄u horata dahrahe. Sã sehe c̄u dacho noano dahra nahñoamahi. Ñano s̄u sihre sãre. Sã ã yoari p̄ja dahrapach̄u sã baharop̄u dahra d̄ucaina c̄uh̄u c̄uno potorita wapanocahre tiro”, ni suaha tina ti basi. ¹³ C̄ūiro tina mehne macariro to ã nich̄u t̄uhoro, wese p̄ro yuhtiha tirore: “Ne coyero, ‘C̄u t̄u niñeru t̄ure wapaihtja’, nimahic̄u m̄sare. Ȳu ã nich̄u yuhtihre m̄usa. Æ jic̄u ȳu niriro seheta m̄sare wapahi ȳuh̄u. Quihõno wapahi m̄sare. Ne yacaerahi m̄sare. ¹⁴ Æ jic̄u ȳu waparire na, m̄u w̄h̄p̄u tjuahga. Ahriroro baharo ȳu dahra dutiriro c̄uh̄u m̄sare ȳu wapariro purota wapaihtja. ¹⁵ Ȳu ya niñeru jira ahri. Æ jic̄u ȳu cahmano seheta ahri mehne wapaihtja. ¿Painare ȳu noano wapach̄u ñu tuhtijari m̄h̄u?” niha tiro wese p̄ro —ni yahure tí quitire Jesu.

¹⁶ Æ nino, õ sehe ni yahu namore tiro:

—Ahri quiti ti nino seheta baharo macari curua wiho jiina yoaro sehe ya curua ji m̄htari curua p̄h̄toa ya curua jirohca m̄hanop̄u. Æ yoa ji m̄htari curua p̄h̄toa ya curua cjiro sehe ti baharop̄u macari curua wiho jiina ya curua tjuarohca m̄hanop̄u —ni yahure Jesu.

*Pari turi Jesu to yariahtore, to masa wi-
jaahcore yahuha*

(Mr 10.32-34; Lc 18.31-34)

¹⁷ Æ yoa Jerusalēp̄u wahana c̄unoihta waharucuma, sãre doce to buheinare p̄jiroca tuhs̄u, pa sehēp̄u sã dihtare naahre Jesu. Sã sahsero sã jich̄u sãre õ sehe ni yahure:

¹⁸ —T̄uhoga ȳuh̄u. Mip̄ure Jerusalēp̄u wahana nija mari. Tóp̄u ȳuh̄u mas̄unore Cohamac̄u warocarirore ñaha, painap̄ure ȳuh̄u waahca. Sacerdotea p̄h̄toare, mari coyera judio masare buheina c̄uh̄u ȳuh̄u waahca. Æ jia ȳuh̄u wajã dutiahca tina. ¹⁹ Æ wajã dutia, judio masa jieraina sehēre ȳuh̄u waahca. Ti ã wari baharo tina sehe ȳuh̄u baj̄upe, tjana, crusap̄u c̄jã puhaahca ȳuh̄u. Æ jii ȳu yariari baharo tia n̄m̄u wahaboroi masa wijaaic̄u —ni yahure Jesu sãre.

*Santiago, João mehne ti pocoro tinare
sinibasaha Jesure*

(Mr 10.35-45)

²⁰ Æ yoa Zebedeo namono p̄ro to pohna mehne Jesu cahap̄u s̄u, na tuhca caha s̄u tirore sinino taro:

²¹ —¿Dohse ȳu yoach̄u cahmajari m̄h̄u? —niha Jesu ticorore.

—M̄h̄u p̄h̄toro s̄ac̄u ȳu pohnare dutina sōga. Æ yoac̄u m̄u p̄j̄u b̄h̄useheri batoï dapoga tinare —ni siniha ticoro.

²² Jesu õ sehe ni yuhtiha:

—M̄usa ñano ȳuh̄d̄htore masierapanahta ã sinina m̄usa. ¿Mip̄ure ȳu ñano ȳuh̄d̄htõ seheta m̄usa c̄uh̄u ñano ȳuh̄d̄h̄na c̄uno p̄jabocari m̄usa? —niha Jesu ticoro pohnare.

—C̄uno p̄janahca —ni yuhtiha Santiago, João mehne.

²³ —Potocã tjira. Ȳu ñano ȳuh̄d̄htõ seheta ñano ȳuh̄d̄nahca m̄usa c̄uh̄u. Wiho mejeta ȳuh̄u mehne dutihtinare, ȳuh̄u mehne dujihtinare bese masieraja ȳuh̄u. Ȳu P̄uc̄u sehe cahno tuhs̄ure tíre. Æ jia to besetina dihta ȳu poto b̄h̄usehei ȳu cõ b̄h̄usehei dujahca —niha Jesu tinare.

²⁴ Æ jina sã paina diez to buheina sehe Santiago, João ahrina p̄ro mehne susinii sã. Jesure ti pocoro to sinibasarire t̄uhona susinii tina mehne. ²⁵ Sã ã susinich̄u ñano,

Jesu sãre jipihtina to buheinare pji cahmachu, õ sehe ni yahure sãre:

—Cohamacure masieraina puhto sehe ti masare dutia, purino mehne dutira.
²⁶ Musa sehe ne ã yoasi musa basi. Musa mehne macariro puhtoro ji duaro, jipihina tiro mehne macaina cahamacuno jiro cahmana tirore. ²⁷ Æ yoa jipihtinare dutiriro ji duariro paina cahamacuno jiro cahmana tirore. ²⁸ Tõ sehetã jiriro jija yuhu cãhu. Yuhu masuno Cohamacu warocariro ahri yahpapure masare yoadohocu tacu tai. Tuhsu, payu masa ya buhirire yariai tai nii. Æ yoa masare pichacaru wahaborinare yuhduchu yoai tai nii —nire Jesu sãre.

Puaro capari bajuerainare ñuchu yoaha Jesu

(Mr 10.46-52; Lc 18.35-43)

²⁹ Æ yoa Jericõpu jirina sã wahachu payu masa Jesure nunu tire. ³⁰ Ti ã nunu tichu Jesu to yuhduachu puaro capari ñueraina maha duhtu cahai dujiina tuhore. Æ tuhoa, õ sehe ni sañurucure:

—Sã puhtoro, Davi cjiro panamino masare yuhdohtiro, sãre pja ñuga —ni sañurucure.

³¹ Ti ã ni sañurucuchu masa sehe tinare tuhtire:

—Dihta mariahga —nire masa tinare.

Ti ã tuhtichu tuhoa, ti pano sañurucuriro yuhdo curero sañurucu namore tjõa:

—Sã puhtoro, Davi cjiro panamino, sãre pja ñuga —ni sañurucure.

³² Ti ã nichu tuhoro Jesu sãruca, tinare pjiroca, õ sehe ni sinitu ñure:

—¿Dohse musare yu yoachu cahmajari musa? —ni sinitu ñure.

³³ —Sã puhtoro, sãre ñuchu yoaga —ni yuhtire tina.

³⁴ Ti ã nichu Jesu tinare pja ñure. Æ pja ñuno ti caparire ña payore. To ã ña payochata tina sehe ñua wahare. Æ ñua, tirore nunu ti wahcãre.

21

Jerusalẽpu sãha Jesu

(Mr 11.1-11; Lc 19.28-40; Jn 12.12-19)

¹ Æ yoa Jerusalẽpu sã suhto pano Betfagẽ wama tiri macaru su muhtasini sã Jesu

mehne. Betfagẽ tãcu Olivo wama tidu cahai jire. Tõpu sãro, sã mehne macainare puaro to buheinare Jesu to pano waroca muhtare. ² Õ sehe ni yahure tinare:

—Sĩ macaru burroare nana wahaga. Tõpu sana, dõhta burrore to macunocã mehne ti duhte daporicorore boca sunahca. Tinare boca, yuta dare pjã, na tabasaga yuhure. ³ Musa pjãchu ñuno, cãiro dohse jiriro, “¿Dohseana tana burroare pjãjari musa?” to nichu tuhona õ sehe ni yuhtiga: “Mari puhtoro burroare cahmarocasini. Michapucacã tinare wiarohca tiro”, ni yuhtiga tirore —ni duti warocare Jesu to buheina puarore.

⁴ Æ yoare Cohamacu yare yahu muhtariro cjiro to ni joariro sehetã. Õ sehetã ni joaã tiha panopu:

⁵ “Jerusalẽ macainare õ sehe ni yahuga: Ænga musa.

Musa puhtoro musa caharu tara.

Tiro masa noariro jira.

Burro macunocã bui pisariro tarohca’, ni yahuga Jerusalẽ macainare”,

ni joaã tiha panopu.

⁶ Jesu to dutirocaina puaro tí macaru su, to dutiriro sehetã yoaha tina. ⁷ Burrore, to macunocã cãhure na ta, ti bui sãa suhtire tjuwe na, burrocã bui pjũpaha payore tina. Ti ã yoari baharo Jesu tirocã bui muja pjare waharo taro. ⁸ Muja pja tuhsu, tirocã bui Jerusalẽpu wahare. To tachu ñua masa payu ti bui macaã suhtire tjuwe na, saño cõ muhtare to wahahti mahai, Jesure ño payoa. Paina sehe pũri tia dupurire mahai duhu cõ muhta wahcãre tirore ño payoa.

⁹ Æ yoa to pano wahaina, to baharo nunu tiina mehne õ sehe ni sañurucure:

—Davi cjiro panaminore marine yuhdohtirore wahche payojihna. Ahriro Cohamacu to warocariro noano jijaro. Muano macarirore “Tuariro jira”, ni wahche payojihna —ni sañurucure masa.

¹⁰ Æ jia Jerusalẽpu ti suchu tõ macaina sehe ñu cãaa wahare.

—¿Cue, diro baro jijari ahriro? —ni cahma siniture tina.

¹¹ Paina masa õ sehe ni yuhtire:

—Ahriro Cohamacu yare yahu muhtariro Nazare Galilea yahpai jiri maca macariro

Jesu wama tiro jira –ni yahure tina masare.

*Cohamacu wuhupru ssha Jesu
(Mr 11.15-19; Lc 19.45-48; Jn 2.13-22)*

¹² Baharo Cohamacu wuhupru sure Jesu. Tí wuhupru su, sãa wahare. Tí wuhupru duainare, nuchina cãhure cohã wiore tiro. ã yoaro niñeru cohtotaa mesarire na majareroca doca cã mjure. Bujaare duaina ti dujia pahtari cãhure ãta yoare. ¹³ ã yoaro tinare õ sehe nire:

–Cohamacu yare ti joari pui õ sehe nina: “Yuh wuhuh Cohamacu mehne durucuri wuhuh wama tirohca”, nimare to joari pui. Mõsa sehe ahri wuhuh duana mõsa basi cahma yacara mõsa –nire tiro tinare.

¹⁴ To ã yoari baharo capari ñueraina, tini masieraina cãhuh Cohamacu wuhupru tiro caharu wihire. Ti ã wihichuh tinare noaina wahachuh yoare tiro. ¹⁵ ã noaare to yoachuh ñua, sacerdotia puhto, marine judio masare buheina cãhuh suare tiro mehne. ã yoa macanacã Jesure “Davi cjiro panamino masare yuhdohtiro, tuariro jira mũhuh”, ti ni ño payochuh tuhoa tó cãhure tina suare. ¹⁶ ã suaa õ sehe nire Jesure:

–¿Ti ã nichuh tuhoerajari mũhuh? ã niea tjiaro –ni tuhtire tina Jesure.

Ti ã tuhtichuh tuhoru Jesu tinare õ sehe ni yuhtire:

–Tina ti ã nichuh tuhoja. ¿Cohamacu yare ti joari pui ahrire ne buherari mõsa? “Macanacãre, wihãnacãre Cohamacure noano ño payochuh yoare mũhuh”, nina Cohamacu yare ti joari pui –nire Jesu (“Macanacã yuhure ti ño payochuh noana”, nino).

¹⁷ ã ni tuhsuh tinare cohã wahcã, Betania wama tiri macaru su, tí ñamine tói jire.

*Jesu higueraare yaria dutiha
(Mr 11.12-14, 20-26)*

¹⁸ Pa dachoi bohrearopru Jerusalẽpru tjuaroo, juca baare Jesu. ¹⁹ ã juca baaro, maha duhtuh cahai jiduh higueraare wama tidure ñno, tu dichare macano wahamare. Dicha mariahe tu sehe. Puri dihta jire. Tu ã jichuh ñno Jesu ture õ sehe nire:

–Ahduh ne pari turi dicha tisi –nire tiro.

To ã nichuta dóihta tu sehe ñaia wahare. ²⁰ Tu ã wahachuh ñna sã to buheina ñuh caa wahai.

–Cue, ¿dohsearo ahduh dóihta ñaia wahajari? –ni sinitui sã.

²¹ Jesu õ sehe ni yuhtire:

–Potocã nii nija mõsare. Cohamacure noano wacũ tuaga. “Potocã ã yoarohca tiro”, nina ahdure yuh yoariro seheta yoa masinahca mõsa cãhuh. Tuhsuh, ahdure yuh yaria dutiriro yuhdoro yoa masinahca mõsa. Ahduh tãcure “Duha na, pjiri mapu cohãdu jijaro”, mõsa nichuh duha cohãdu jirohca. ²² Cohamacure mõsa wacũ tuachuh, “Yuh siniriro seheta ã waharohca”, mõsa ni wacũchuh mõsa siniriro seheta ã waharohca –nire Jesu sãre.

*Jesure dutirirore sinituha paina
(Mr 11.27-33; Lc 20.1-8)*

²³ ã yoa Cohamacu wuhupru tju su, buhere tiro. To ã buhechuh sacerdotia puhto, mari coyua judio masa bucuna mehne tiro caharu wihi, õ sehe ni siniture:

–¿Dohseacu canure ã yoari mũhuh? ¿Noa mũhure tíre ã yoa dutiri? –ni siniture tina.

²⁴ Ti ã nichuh Jesu õ sehe ni yuhtire:

–Mõsa sehere sinitu mũhtaihtja. Noano yuhure mõsa quihõno yuhtichuh mõsare yahuihtja yuhuh cãhuh. ²⁵ ¿João masare to bautisachuh diro baro sehe tirore bautisa dutia tiari, mõsa tuhotuchuh? ¿O Cohamacu dutiera tiari? ¿O masa sehe dutia tiari, mõsa tuhotuchuh? –ni siniture Jesu tinare.

To ã nichuh tina sehe ti basi õ sehe nire:

–¿Dohse ni yuhtinahcari mari? “Cohamacu Joãore dutia tiri jire”, mari nichuh, “¿Dohseana Cohamacu Joãore to dutipachuta tirore tuho duaerari mõsa?” niboca Jesu marine. ã jina “Cohamacu Joãore dutia tiri jire”, ni yuhti masieraja mari. ²⁶ Ahriina masa sehe “Potocãta João Cohamacu yare yahu mũhtariro jire”, ni tuhotura tina. ã ni tuhotua “João to bautisachuh Cohamacu sehe tirore dutierari jire”, mari nichuh tuhoa masa suaboca mari mehne. ã jina tí cãhure yahu masieraja mari –nire tina ti basi.

²⁷ Ti ã niri baharo Jesure õ sehe ni yuhtire tina:

–Joãore bautisa dutirirore sã masieraja –nire tina.

Ti ã nichu tãhoro ò sehe nire Jesu:

—Tí pja pinihta yãhã cũhã mãsa sinitu mãhtarire yahueraja mãsare. Yu yoarire dutirirore yahueraja mãsare —nire tiro tinare.

Pãaro pũcũro quitire yahuha Jesu

²⁸ To ã niri baharo Jesu to tãhotua mehne paye quiti mehne piti dahre buhe namore tinare:

—¿Ne, dohse ni tãhotujari mãsa ahri quitire? Pãaro pũcũro jiha. Wahmino sehere ò sehe niha to pũcũro: “Macũ, wesepũ dahrai wahaga”, niha. ²⁹ “Wahaeraja”, ni yãhtimaha to macũno wahmanore. Æ niparota baharopãre wesepũ waha duaro jiha tirore. Æ jiro wahaha tiro. ³⁰ Tuhsũ, ti pũcũro to macũno dũhsariro cahapũ sũ, to wahminore to dutiriro seheta wesepũ waha dutimaha. “Jai”, nimaha dũhsariro sehe. Æ niparota wahaeraha tiro. ³¹ ¿Diro sehe to pũcũro to dutiriro seheta yoari? —ni siniture Jesu.

—To wahmino sehe yoaha —ni yãhtire tina.

Ti ã nichu Jesu ò sehe ni yahure:

—Mãsare niita nija. Wapa na cohtaina, mãã mehne ñano yoarucua numia ti buipũ waro mãsa sehe ñabiaina jira. Æ jia pãhtoro Cohamacũ to sũho jiropãre mãsa sũborirore tina sehe mãsare mã cõ sũ mãhtaahca. ³² João bautisariro buhero mãsare “Noano yoaga”, ni yahumare. Æ to yahuchũ dũhsariro to pũcũrore to yãhtierariro seheta tirore tãhoerare mãsa. Æ yoa tirore yãhtierare. Wapa na cohtaina sehe, mãã mehne ñano yoarucua numia cũhũ tirore tãhore. Ti ã tãhochũ ñãre mãsa. Mãsa ã ñãpanahta tirore ne tãho duaerare mãsa. Tuhsũ, tãhoerare mãsa —nire Jesu sacerdotea pãhtoare, mari coyea judio masa bũcũna cũhãre.

Ñaina dahra cohtaina quitire yahuha Jesu

(Mr 12.1-12; Lc 20.9-19)

³³ Æ yoa Jesu pari turi to tãhotua mehne ò sehe ni piti dahre tinare buhe namore:

—Ahri quitire tãhoga mãsa. Yahpa pãro jiha. Tiro to ya yahpai se dari cijhtire toaha. Toa tuhsũ, sahrĩnore dapo, sere

ti tã mãtohti copare saha, mãari wãhũcã dahreha.

Æ jiro tí wesere painare cũ bũhũsehe coa pahma cũha. Æ pahma cũno tí wesere tinare ñũ wihbo duti, pa yahpapũ wahaha tiro. ³⁴ Æ yoa se ñiri pja jichũ wese pãro tirore dahra cohtainare wesere ñũ wihboina cahapũ warocaha. Wese macaa to toaa dichare to ya coa macaa dichare na dutiro warocamaha. ³⁵ To ã warocachũ wesere ñũ wihboina sehe tirore dahra cohtainare ñano yoaha. Cũirore tuaro cjã, paioire wajã, paioire tãã mehne docaha. ³⁶ Baharo wese pãro pari turi tirore dahra cohtainare to waroca mãhtarina bui curero pãhtoa jiri curuare warocaha tjao. To ã warocachũ wesere ñũ wihboina tina cũhãre mãnanota yoaha tjao.

³⁷ Æ yoa to waroca batoariro to macũno jiha. “Yu macũ sehere ño payoahca”, nino tirore warocamaha. ³⁸ To ã ni tãhotupachũta wesere ñũ wihboina to macũno to tachũ ñãã, ò sehe niha: “Wese pãro macũno jira ahriro. Tirore wajãjihna mari. Mari ã wajãchũ ahri wese mari ya wese tjuarohca”, nimaha tina ti basi. ³⁹ Æ niata tirore ñãã, wese dũhtũ cahai na wahcã, wajãha tina tirore.

⁴⁰ ¿Ne, wese pãro taro dohse yoarohcari tiro wesere ñũ wihboinare, mãsa tãhotuchũ? —ni siniture Jesu sacerdoti pãhtoare, bũcũna cũhãre.

⁴¹ To ã nichu tina ò sehe ni yãhtire:

—Tiro painare wesere ñũ wihbohtinare cohtotarohca ji mãhtainare ñabiainare wajãno taro. Tirore quihõno dichare tju wahtina sehere ñũ wihbo dutirohca —ni yãhtire tina.

⁴² Ti ã nichũta Jesu yahu namore tinare:

—¿Cohamacũ yare ti joari pũi ahrire yãhãre to ni joari cjirire ne buherari mãsa? “Ahriro Cristo tãca yoaro seheta jira.

Tãcare wãhũ dahreina ti cohãno seheta masa tirore cohãahca.

Ti ã yoapachũta mipũre wãhũ dahreina wãhũre yoaa ti cũ mãhtari tãcare ti cũno seheta Cohamacũ tirore pãhto sõre.

Cohamacũ sehe ahrire yoare.

To ã yoachũ ñãã, ‘Noa yãhdũara’, ni tãhotuja mari”,

ni joaa tiha panopu. ¿Tíre ne buherari musa? ⁴³ Musare niita nija yuhu. puhtoro Cohamacu to suho jiro musa jihto cjihto jiboa. To puhtoro jirore paina sehere musa jiborirore warohca Cohamacu. Paina masa sehe to dutiro seheta yoaahca. ⁴⁴ [Jipihtina tia táca bui bora pjainare payu dihicã peri yihsorohca tia táca. Tuhsu, tia táca sehe masuno bui bora pjaro tahãnocanohca tirore. To pjacu cjirore daa manaricã wahachu yoarohca. (Tó seheta yuhure cahmaeraina yu buhiri dahrehtina ñano yuhduahca) –nire Jesu sacerdotea puhtoare, mari coyea judio masa bucuna cãhure.]

⁴⁵ Tí quitire to ã nichu tãhoa, “Sohõ to yahu mahtari quiti wesere ñu wihboina quiti mehne marine nino nica tiro”, ni tãhoture tina. ⁴⁶ ã ni tãhotua, tirore ñaha duamare. Masa sehe Jesure ño payo “Cohamacu yare yahu mahtariro jira tiro”, ni ina jia tiha tina. Tíre masia, sacerdotea puhtoa, bucuna mehne masare cuia, Jesure ñahaerare.

22

Pjiri bose numu macaa quitire yahuha Jesu

¹ ã yoa pari turi to tãhotua mehne paye quiti mehne tinare buhe dacare Jesu:

² –Mũano macariro puhtoro to suho jiro ahri quiti yoaro sehe jira. Cã yahpa macaina bui puhtoro jiha. ã yoa to macuno ya numu bose numu yoaha. To wamomaca duhteri bose numu jiha. ³ ã yoa puhtoro tirore dahra cohtainare bose numure ñua tahtinare pji dutiro warocamaha. Tina sehe ta duaeraha. ⁴ ã jiro painare pji dutiro warocamaha tjoa tirore dahra cohtainare. “Yu pjirocainare õ sehe ni yahuga. ‘Mari chãhtire dahre tuhsãhre. Wachãare, wachãacã dihi tiinacã cãhure wajã tuhsãhre. ã yoa jipihtiro bose numu macaa cjihtire cahno tuhsãhre. ã jina bose numu macaare chãna taga’, ni yahuga tinare”, ni warocamaha puhtoro tirore dahra cohtainare. ⁵ Dahra cohtaina ti ã yahuri baharo to pjirocarina cjiri ã tãhotunocaha. Bose numure ñua wahaeraha. Cãiro to wesepu wahaah wahaha.

Pairo to dahraare ñuno wahaha. ⁶ Paina sehe tirore dahra cohtainare ñaha, tinare ñano yoa, wajãnocaha juna. ⁷ Ti ã yoachu tãhoro, puhtoro sehe suaha. Sua, ti ã wajãri buhiri buhiri dahre dutiro to surarare warocaha. ã jia surara tinare wajã pahño, ti ya macare jãnocaha. ⁸ Ti ã yoari baharo, puhtoro tirore dahra cohtainare õ sehe niha: “Bose numu macaa cjihtire cahno tuhsãmahre. Wiho mejeta yu pjiroca mahtarina cjiri yu bose numure ñãborina jierara. Ñaina jira tina. ⁹ ã jina macare jia maharipu dohse jiina musa boca sãinare bose numure ñãhtinare pjiga”, niha tirore dahra cohtainare. ¹⁰ To ã nichu tirore dahra cohtaina maharipu waha, jipihtinare ti boca sãinare, ñaina, noaina cãhure yahuha. Ti ã pjiri baharo to cahapu sãha tina peri. Noano tí bose numu ti yoari tahtiare masa wahpata yuhduah wahaha.

¹¹ ‘Tói ti dujichu puhtoro sehe cãirore wamomaca duhteri numu macari suhtirore sãaerarirore ñua. ¹² “¿Ne coyeiro, dohse yoacu wamomaca duhteri numu macari suhtirore sãaerapaihta sã tari mũhu?” ni sinituha puhtoro. To ã sinituchu masuno sehe yãhtieraha. ¹³ To ã yãhtierachu ñuno tirore dahra cohtainare õ sehe niha: “Ahriroro to wamomacarine duhtega. To dahpori cãhure duhtega. Duhte tuhsu na wijaa, sopacapu cohãga tirore nahitianopu. Tópu tiro tuaro tii, cahyaro mehne bahca dihoroahca”, niha puhtoro –ni yahure Jesu.

¹⁴ To ã niri baharo õ sehe ni batoare tiro: –Ahri quiti jiro seheta Cohamacu payu masa to pjirocarina ti jipachuta mahainacã tiro mehne tjuaahca –ni yahu batoare Jesu.

Puhtoa ya wapare paina sinituha Jesure (Mr 12.13-17; Lc 20.20-26)

¹⁵ To ã niri baharo fariseo curua macaina waha, Jesure ti yahusãhtore ti basi durucuha tina. To ñano yãhtichu tãho duaa nimaha tirore yahusãa taa. ¹⁶ ã durucua tina mehne macainare, Herode ya curua macaina cãhure Jesure sinitu dutia warocaha. Tina sehe Jesu cahapu wihi, tirore mahño cã sinitu ñumare:

–Buheriro, potocã durucuriro mahñoa marieriro mu jichu masija sã. Cohamacu

yare quihõno m̄ yahuch̄ c̄h̄are s̄a masija. ã jic̄ c̄airo p̄h̄toro waro to jipach̄ata tiro c̄h̄are d̄óroero marieno potota yahura m̄h̄u. ¹⁷ ã jic̄ s̄are yahuga. ¿Roma macariro jipihtina bui p̄h̄toro jirirore gobierno macaare marine waparo cahmajari, m̄ t̄hotuch̄u? ¿Mari dutia tirore wapa dutijari? —ni siniture tina Jesure.

¹⁸ Ti ã nich̄ t̄horo tirore ti yahus̄a duaare masino õ sehe nire:

—Mahñopeina jira m̄sa. ¿Dohseana ȳ ñano durucuch̄ t̄ho duajari m̄sa?

¹⁹ Mip̄are niñeru t̄are p̄h̄toare wapahti t̄are na tahga. Tí t̄are ñ̄jihna —nire tiro.

To ã nich̄ t̄hoa niñeru t̄are na tare tina.

²⁰ Ti ã na tach̄ õ sehe ni siniture tiro tinare:

—¿Diro baro mas̄ wah̄jari ahri t̄are? ¿Diro baro wama wah̄jari? —ni siniture.

²¹ —César, masa bui p̄h̄toro mas̄, to wama c̄h̄u wah̄ana —ni ȳhtire tina.

Ti ã nich̄ t̄horo Jesu õ sehe ni yahure:

—Tí pja pini masa bui p̄h̄toro yare tiro sehere waga. Cohamac̄u yare Cohamac̄u sehere waga —nire Jesu.

²² To ã nich̄ t̄hoa, t̄ho c̄aa waha, waha wahare Herode ya curua macaina.

Saduceo curua macaina Cohamac̄u to masoare sinituha Jesure

(Mr 12.18-27; Lc 20.27-40)

²³ ã yoa tí dachoihta c̄aina saduceo curua macaina Jesu cahap̄ wihire. Saduceo curua macaina sehe “Cohamac̄u yariainare masosi”, ni t̄hotuina jire. ã jia õ sehe nire tirore tina:

²⁴ —Buheriro, õ sehe ni buhea tiha Moise cjiro: “C̄airo to wahmino namo tirore pohna mariaparota to yariach̄u to bah̄rore to wahmino namono cjirore n̄oano cahmana. ã yoaro to wahmino m̄nano to pohna tiboro seheta pohna tiro cahmana to bah̄rore. ã jia to pohna to wahmino m̄nano pohna yoaro sehe jahca”, ni joaa tiha Moise cjiro —nire tina saduceo curua macaina.

²⁵ Tíre ã ni yahu tuhs̄u ahri quitire yahu namore tina Jesure:

—C̄airo mas̄no jiha. Seis to bahana jiha. Ti wahmino sehe namo ti, pohna marieriro yariaa wahaha. Tuhs̄u, paio to

bah̄ro c̄h̄u to wahmino namono cjirore n̄oaha. ²⁶ To ã n̄oari baharo to wahmino yoaro seheta pohna mariaparota yariaa wahaha tjoa. ã yoa ahriro bah̄ro to wahmino m̄nano yoaro seheta pohna mariaparota yariaa wahaha. ã dihta wahaha c̄airo pohna waro. Ne pohna mariapahta yaria pihtia wahaha tina. ²⁷ Ti namono cjiro c̄h̄u ti baharota yariaa wahaha juna. ²⁸ ¿Ne, Cohamac̄u jipihtinare yariaina cjirore to masoch̄u diro baro namono jibocari ticoro? Tina jipihtina ticoro namo tirina cjiri jiha. ¿Á yoa diro namono sehe jibocari ticoro pototi? —ni siniture tina.

²⁹ Jesu õ sehe ni ȳhtire tinare:

—Cohamac̄u yare ti joari p̄re, to masia c̄h̄u ne masierara m̄sa. ã yoa m̄sa t̄hotua sehe ne potoc̄a jierara.

³⁰ Yariarina cjiri ti masa m̄jari baharo tina anjoa yoaro sehe jira. Tina namo marieina, man̄u mariea numia jira t̄p̄re.

³¹ Yariarina cjiri ti masa wijahto sehere m̄sare yahuihtja. ¿Cohamac̄u m̄sare to niri cjirore ne buherari m̄sa? Õ sehe niha tiro: ³² “Ȳh̄u Abrah̄a, Isaa, Jacobo ti p̄h̄toro tjija”, nina Cohamac̄u”, ni joaa tiha panop̄re. Ti yariari baharo “Ti p̄h̄toro tjija”, ni yahuha Cohamac̄u. ã niparota yariarina cjiri p̄h̄toro jierara Cohamac̄u. “Ti p̄h̄toro tjija”, to nia mehne catiina ti jich̄u masija mari. Tiro catiina p̄h̄toro jira —ni yahure Jesu tinare.

³³ To ã ni buhech̄u t̄hoa paȳu masa t̄ho c̄aa wahare.

C̄ano noa ȳhd̄aro to dutiare yahuha Jesu
(Mr 12.28-34)

³⁴ ã yoa saduceo curua macaina Jesure ti ȳhti masierach̄u t̄hoa, fariseo curua macaina sehe tiro cahap̄ cahmachure.

³⁵ Cahmachu, tina mehne macariro marine judio masare buheriro sehe Jesu to ñano nich̄ t̄ho duaro mahño c̄u sinitu ñ̄mare tirore.

³⁶ —¿Buheriro Cohamac̄u ya dutia noa ȳhd̄aro di baro sehe jijari, m̄ t̄hotuch̄u? —ni siniture tiro.

³⁷ Jesu tirore õ sehe ni ȳhtire:

—“Tuaro m̄sa yajeripohna mehne, m̄sa tuua mehne, noano m̄sa wac̄u

mehne Cohamacure cahĩga”, nina Cohamacu. ³⁸ Ahri dutiata paye dutia yuħdoro noa yuħdura. ³⁹ Ahri dutia baharo paye dutia noa yuħdura: “Mu basi mu cahĩno seheta mu cahai jiina cūhare cahĩga”, nina Cohamacu. ⁴⁰ Ahri puaro dutiare yoana, jipihtia paye dutiare yoa pahõona nija mari. Cohamacu yare yahu mahtaina cjiri panopu ti joari cūhare yoa pahõona nija mari –ni yahure Jesu.

*¿Diro baro coyeiro jijari Cristo?
(Mr 12.35-37; Lc 20.41-44)*

⁴¹ Ñ yoa fariseo curua macaina tói cahmachuina ti jichu ⁴² Jesu tinare õ sehe ni siniture:

–“Cristo, Mesia mari ni pisuriro Cohamacu to warocahtiro jira”, nina musa. ¿Diro baro jijari Cristo ñuchano cjiro panopu macariro, musa tuhotuchu? –nire tiro.

–Cristo Davi cjiro panamino jirohca –ni yuhtire tina.

⁴³ Jesu õ sehe ni yahure tinare:

–¿Cristo Davi cjiro panamino to jichu dohsearo Davi sehe puhtoro tiari Cristore? ¿Dohsearo ñ puhtoro ti dutiri Espiritu Santo tirore? Õ sehe niha Davi cjiro:

⁴⁴ “Cohamacu yu puhtorore õ sehe nire:

‘Õi yu poto buhusehei dujiga.

Ñ jichu muhare ñu tuhtiinare muhare yuħduru cabasaihca yuħu’, nire Cohamacu yu puhtorore”,

ni joaha Davi cjiro. ⁴⁵ Ñ ni joarota Davi cjiro puhtoro tiha Cristore. ¿Davi cjiro Cristo ñuchano cjiro jiro dohsearo tiro puhtoro tiari Cristore? (Cristo Davi cjiro puhtoro tjira) –ni yahure Jesu.

⁴⁶ To ñ ni yahuchu tina tirore ne yuhti masierare. Ñ jia tó purota sinitu duhunocare tina tirore. Tuhsu tirore cuia pari turi sinitu ñerare tirore juna.

23

*Judio masare buheina, fariseo curua macaina cūhu ti ñano yoaare yahuha Jesu
(Mr 12.38-40; Lc 11.37-54; 20.45-47)*

¹ Ñ yoa payu masare sã cūhare Jesu õ sehe ni yahure tjoa:

² –Marine judio masare buheina fariseo curua macaina cūhu Cohamacu dutia Moise cjimore to cūri cjirire yahuina jira tina. ³ Ti ñ yahuina jichu musare ti yahuriro seheta tíre yoa pahõoga musa. Ñ yoapanahata tinare ñu cūena tjiga musa. Ti buheriro seheta yoaerara tina. ⁴ Masare payu dutira tina. Ñ dutipahta ti dutiro sehe masa ti yoaerachu ñu tinare yoadohoerara. ⁵ Masa ti ñurocaro dihta noano yoa ñomana tina. Cohamacu yare ti joari pūre ti duhu sã caa pocacãre, buju curea caa pocacãre ti wuħduca poca bui duhte yohre tina masare ñu dutia. Ti yachuri cūhare duhte yohre. Ñ yoa ti suhtipu ti duhu yoa bocari bujubia bocari jira. Cohamacure ti ño payorire masa sehere yoa ñoa nimana tina. ⁶ Tuhsu, bose numuri jichu puhto ti dujiaru duji duara. Judio masa mari buhea wuħusepu cūhare noaa dujia pahtari dihtare jicoara tina. ⁷ Ñ yoa mahapu ño payoa mehne paina tinare ti noano piti bocasinichu cahmana tina. Tinare “Buheriro”, masa ti ni pisuchu cahmana.

⁸ Paina musare pisua “Buheriro”, niea tjijaro. Musa jipihtina cūno potori jina nina. Ñ yoa musare buheriro cãirota jija yuħu Cristo. ⁹ Ahri yahpa macainare “Mari puca”, nina tinare ño payona nica. Ne ñ niena tjiga. Muano macariro dihta mari Pucu jira. Tiro dihtare ño payoro cahmana marine. ¹⁰ Ñ yoa masanore “Puhtoro”, niena tjiga. Musa puhtoro yuħu Cristo sehe cãirota jija. ¹¹ Cahamacuno yoaro sehe musare yoadohoriro tiro tjica musa puhtoro jihtiro. ¹² Cãiro puhtoro ji duaro tirore wiho jiriro yoaro sehe jiro cahmana. “Wiho jiriro jija yuħu”, ni tuhoturiro painare yuħduca duaerariro tiro sehe puhtoro jirohca –ni yahure Jesu.

Judio masare buheina, fariseo curua macaina mehne ti mahõopeare yahuha Jesu

¹³ To ñ niri baharo tinare õ sehe ni yahu namore:

–Musa judio masare buheina, fariseo curua macaina cūhu ñano yuħduhca. Mahõopeina jira musa. Soro musa buhechu tuhoa musare tuhorina sehe puhtoro Cohamacu to suho jiropare wahasi. Musu

cũhũ tópurẽ wahasi. ã buhena tópurẽ waha duainare dũcatana nina mũsa.

¹⁴ [Mũsa judio masare buheina, fariseo curua macaina cũhũ ñano yũhdũnahca. Mahñopeina jira mũsa. Wapewahya numia ya wũhũsere manocahna mũsa tí numiare. Tuhsũ, yoari pja masa ti ñũrocaroi Cohamacũre sini ñomana mũsa masare. Mũsa ã yoari buhiri paina bui curero Cohamacũ pjíro buhiri dahrerohca mũsare.]

¹⁵ Mũsa judio masare buheina, fariseo curua macaina cũhũ ñano yũhdũnahca. Mahñopeina jira mũsa. Pjiri mapũ pahã, yoaro macaa yahparipũ wahara mũsa, mũsa dutiare yoahrtiõre macana tana. Mũsa dutiare yoahrtiõre boca, tiõre buhera. Mũsa ã yoachũ tiro sehe mũsa yũhgoro pichacarpũ wahahtiro jirohca.

¹⁶ Mũsa ñano yũhdũnahca. Capari ñũeraina ti ñũ masieraro seheta masieraina jira mũsa. ã jipanahta painare buhemana mũsa. Õ sehe ni buhemana mũsa: “ ‘Cohamacũ wũhũ mehne yũ nino seheta yoaihtja’, niriro to niriro sehe to yoerapachũta noanohca”, ni buhemana mũsa. “ ‘Cohamacũ ya wũhũ macaa uru mehne yũ nino seheta yoaihtja’, niriro tiro sehere to niriro seheta yoa sohtori tiro cahmana” ni, tí cũhũre buhemana mũsa.

¹⁷ Capari ñũeraina ti ñũ masieraro seheta masieraina jira mũsa. Tũho masieraina jira. ¿Di baro sehere ño payoro cahmajari? Urure ño payoeraro cahmana. Cohamacũ sehe tí uru to wũhũi jichũ noaa jichũ yoara tíre. ã jina to wũhũ sehere ño payoro cahmana mũsare. ã jia mũsa buhea sehe tó wahaerara. ¹⁸ Ahri cũhũre buhemana mũsa: “ ‘Cohamacũ wũhũ macari mesa mehne yũ nino seheta yoaihtja’, niriro to niriro seheta to yoerachũ noanohca”, ni buhemana mũsa. “ ‘Tí mesa bui jia mehne Cohamacũre ño payoa ti wari mehne yũ nino seheta yoaihtja’, niriro tiro sehere to niriro seheta yoa sohtori tiro cahmana”, ni buhemana mũsa. ¹⁹ Capari ñũeraina ti ñũ masieraro seheta masieraina jira mũsa. ¿Di sehe tí waro jijari, mũsa tũhotuchũ? Cohamacũre masũno to ño payoro to wari cjiri tí waro jiera curera. Tí mesa bui Cohamacũre to wachũ, noaa wahara tí mesa bui jia. ã jiro tí mesa sehe wiho

jiri mesa jierara. Cohamacũre ño payoa ti wari bui curero noari mesa jira. ²⁰ ã jiro “Cohamacũ wũhũ macari mesa mehne yũ nino seheta yoaihtja”, cũiro nino, tí mesa bui macaa to wari mehne tiro ã nino nica. ã jia mũsa buhea sehe tó wahaerara. ²¹ “Cohamacũ wũhũ mehne yũ nino seheta yoaihtja”, cũiro nino, potocãta Cohamacũ mehnetã ã ninota nica. Cohamacũ tí wũhũ macariõ jira. ²² ã jiro “Mũano mehne yũ nino seheta yoaihtja”, cũiro nino, Cohamacũ to jiroõ mehnetã ã nino nica. ã jiro Cohamacũ mehnetã ã nino nica. Tiro sehe tó macariõ jira. ã jia mũsa buhea sehe tó wahaerara.

²³ Mũsa judio masare buheina, fariseo curua macaina cũhũ ñano yũhdũnahca. Mahñopeina jira mũsa. Moa yoaro sehe jiare chũare coachũ yoare cjũana mahanocã wamana mũsa. Cohamacũre ño payona tana sacerdotiare wamana mũsa. Mahanocã wamana mũsa. Menta, anis, comina wama tia coachũ yoare wamana mũsa. ã wapanahtja noare yoerara mũsa. Tuhsũ, masare pja ñũerara mũsa. ã yoa Cohamacũre wacũ tuaerara mũsa. Toaa dichare mũsa narire mahanocã sacerdotiare mũsa wachũ noa nina. ã wana õ sehe yoa namoga: Noare yoaga. ã yoa pja ñũga masare. Tuhsũ, Cohamacũre wacũ tuaga. ²⁴ Capari ñũeraina ti capari ñũeraro seheta masieraina jira mũsa. Õ sehe yoara mũsa: Mũsa ya dutiare yoa dutina, wiho jia waro dutiare yoara mũsa. ã yoapanahta Cohamacũ to pototi to dutia warore yoerara mũsa.

²⁵ Mũsa judio masare buheina, fariseo curua macaina cũhũ ñano yũhdũnahca mũsa. Mahñopeina jira mũsa. Mũsa waparire, mũsa sihnia wahwarire bui mũsa cosaro seheta noare yoa ñomana mũsa buicã warohna. ã yoapanahta Cohamacũ yare quihõno yoerara mũsa. Paina yare maina, mũsa basi dihta bũjũare na duaina jina, ã dihta tũhotura mũsa. ²⁶ Capari ñũeraina ti ñũ masieraro seheta masieraina jira mũsa fariseo curua macaina. Ñaare mũsa tũhotuare cohtotaga. Mũsa ã yoana masa ti ñũrocaroi noaina jinahca mũsa.

²⁷ MUSA judio masare buheina, fariseo curua macaina cãhũ ñano yãhdũnahca. Mahñopeina jira mUSA. Masa copa, yehsea mehne ti wisõri copa yoaro sehe jira mUSA. Masa tí copare ti ñũchũ noari copa bajura. To ã bajupachũta, puhicha macariro baarirore, to cohãrine, ñaare ñuerara tina. ²⁸ Tó seheta mUSA cãhũ masa ti ñũrocaroi noaina sehe bajumana mUSA. ã noaina sehe bajuina mUSA jipachũta mUSA tãhotuapũ ñaa, mahñoa ji yãhdũara yariaina yoaro seheta –ni yahure Jesu.

Judio masare buheina, fariseo curua macaina cãhũre to buhiri dahrehtore yahuha Jesu

²⁹ ã ni tuhsũ õ sehe ni namore tinare:

–MUSA judio masare buheina, fariseo curua macaina cãhũ ñano yãhdũnahca. Mahñopeina jira mUSA. Cohamacũ yare yahu mãhtaina cjiri panopũ macaina ti masa coparire noano cahnomana mUSA. Tuhsũ, noano yoaina cjiri ti masa coparire noano cahnomana mUSA. ³⁰ ã yoana õ sehe nirucumana mUSA: “Panopũre sã ñũchũsuma cjiri ti yoariro sehe sã sehe yoeraboa. Tí pjarũ jiinare Cohamacũ yare yahu mãhtaina cjirire sã wajãeraboa”, nirucumana mUSA. ³¹ ã nina mUSA ñũchũsuma cjiri Cohamacũ yare yahu mãhtainare wajãrina cjiri ti jiri cjirire bajuro wana nica. Tinare wajãrina cjiri panamana ji turiaina mUSA jia cãhũre bajuro wana nica mUSA. ³² MUSA ñũchũsuma cjiri ti yoariro seheta yoa sohtori tiwahnoga.

³³ 'Agãa ñima tiina yoaro sehe ñabiaina jira mUSA. MUSA ñaa tãhotumari cjirire cohtota duaerana Cohamacũ mUSA ñaa buhirire pichacapũ mUSA to cohãhto pano duhti masierara mUSA. ³⁴ ã jii mUSA niita nija. Cohamacũ yare yahu mãhtainare, paina noano masiinare, paina mUSA buhehtinare mUSA cahai warocaihtja. Yũ ã warocachũ mUSA sehe cãina tinare wajãnahca. Painare crusapũ cã puhanahca. Painare mUSA buhea wãhũsepũ tjananahca. ã yoana macaripepũ tinare ñano yoa, mURoca nũnũ tinahca mUSA. ³⁵ MUSA ã yoana jipihtina ñaa marieinare mUSA wajãri

buhiri buhiri tinahca. Noariro Abe cjirore Caĩ to wajãri buhiri jipihtina mUSA cãhũ buhiri tinahca. Jipihtina to baharo jiiinare noainare ti wajãri buhiri cãhũre buhiri tinahca mUSA cãhũ. ã yoa Cohamacũ wãhũ cahai wahiquinare ti wari mesa cahai Zacariare wajãre tina. Tiro sehe Berequias macũno jire. ã jina Zacaria cãhũre ti wajãri buhiri buhiri tinahca mUSA cãhũ. ³⁶ Potocã mUSA yahuita nija. Tina jipihtinare ti wajãri buhiri mipũ macaina cãhũ mUSA buhiri tinahca –ni yahure Jesu.

Jerusalẽ macainare tuaro cahĩha Jesu (Lc 13.34-35)

³⁷ ã ni tuhsũ õ sehe ni namore:

–Cue, Jerusalẽ macaina, Cohamacũ yare yahu mãhtaina cjirire wajãrina jira mUSA. MUSA coyea panopũ macaina cjiri cãhũ ãta yoarina cjiri jiha. ã yoa mUSA cahai to warocaina cjirire tãa mehne doca wajãrina jira mUSA. Caracacoro to pohñare to cã mUSA dũpũri mehne to moha coãno seheta payũ tahari cahĩrucumahi mUSA. MUSA cahmamahi. MUSA sehe yũhũre ne cahmaerare. ³⁸ Mipũre mUSA ya maca cohãri maca cjiro jirohca. ³⁹ Potocã mUSA niita nija. Baharopũ taihtja yũhũ. ã yũ tachũ ñũna mUSA yũhũre “Cohamacũ tuua mehne tariro noano tajaro”, ninahca. Yũhũre mUSA tíre nihto pano yũ tjua tahto pano pari turi yũhũre ñũsi mUSA –nire Jesu tinare.

24

“Cohamacũ wãhũ cohãri wãhũ jirohca”, niha Jesu

(Mr 13.1-2; Lc 21.5-6)

¹ ã yoa Cohamacũ wãhũ jiro Jesu to wijaa wihihũ sã to buheina tí wãhũre tí wãhũ cahai jia wãhũse cãhũre ñũna:

–Ahri wãhũse jira. Ñũga mãhũ cãhũ –nii sã tirore.

² Jesu õ sehe ni yãhtire:

–Ahri wãhũsere mipũre ñũmana mUSA. MUSA yahuita nija. Ahri wãhũsere jipih-tia mUSA ñũri cjiri ahri wãhũse macaa tãa cãhũ cohõ pih-tia wahaahca. Ne cãria tãca tjuaasi –nire tiro sãre.

*Pihtiri dacho cjihtore yahuha Jesu
(Mr 13.3-23; Lc 21.7-24; 17.22-24)*

³ Baharo Olivo wama tidu tucupu su, topu dujire Jesu. Tói to dujichu sa to buheina sa sahsero tiro cahapu su, o sehe ni sinitu nuhi:

—Yahuga sare. ¿Dohse jichu a waharohcari mu niriro sehe waharo? ¿Pihtiri dacho panocare to jichu cuhure, mu tjua tahto cuhure dohse to waha ducachu nuhahcari sa? —ni sinitu nuhi sa.

⁴ Jesu o sehe ni yuhtire:

—Noano yoaga musa. Musare paina ti mahnoare tuhoena tjiga. ⁵ Payu masa “Cristo jija yahu”, ni mahnoina taahca. Ti a mahnochuh tuhoa payu masa Cohamacu yare duhuahca. ⁶ Musa cahacai masa paina ti cahma wajachu tuhonahca musa. Tuhsu, yoaropu cuhure ti cahma wajachu tuhorocanahca musa. A tuhopenahta ne tire pjiro tuhoutuena tjiga. A waharohca. Ti a yoachuh pihtiri dacho cjihto duhsasinohca mini. ⁷ Ti pjare cu yahpa macaina pa yahpa macaina mehne cahma wajahca. A yoa cuiro puhtoro yaina pairo puhtoro yaina mehne cahma wajahca. Tuhsu, payu masa juca mehne yariaahca. A yoa dohatia payu jahca. Tuhsu, pjaró yahpa nuhminohca. ⁸ To a wahachuh ahri yahpa macainare ti nano yuhdu namohto duhsasinina mini. Nano yuhdusinihca.

⁹ Ti pjare paina musare naha, nano yoa dutia waahcu musare paina puhtoapure. Ti a wachuh musare wajahca. Yu yaina musa jiri buhiri jipihtina musare nu tuhtiahca. ¹⁰ Ti pjare payu yu yaina jimarina cjiri yuhure cohahca. A jia tina mehne macainare tina nu tuhtiahca. A yoaa tina mehne macaina ti jipachuta tinare nano yoahinare waahca tina. ¹¹ Ti pjare payu “Cohamacu yare yahu muhtaina jija”, ni mahnoina jahca. A jia payu masa ti mahnoare tuhoahca. ¹² Ti pjare nabiaro yoahca masa. A yoaa tina mehne macainare cahí namosi. ¹³ A jina musa tuaina jina, ahri yahpai musa catisinino puro cano pjarucuna, yuhduhahca musa. ¹⁴ Tuhsu, ahri noaa buhea jipihtiropu ahri yahpapore ti yahua buhea jahca. Puhtoro Cohamacu to saho jiare yahuri buheare ti

yahu siteri jahca, jipihtina ti buheare ti masihto sehe. Ti a yahuri baharo pihtiri dacho ducarohca.

¹⁵ Cohamacu yare yahu muhtariro Daniel cjiro panopu macariro nabiarore Cohamacu yare nano yoarore yahua tiha panopure. Ti pjare tiro nariro sehe Cohamacu wuhupu to ducuchuh nuhahca musa. Ahri yu nirire noano masiga musa. ¹⁶ Tói to ducuchuh nuha, Judea yahpamu jiina sehe tuyucu cahapu muroca duhtijaro. ¹⁷ Soaro mehne muroca duhtijaro. Ti pjare ti wuhuseri bui macaa waparipu jiina wuhuh puhichapu jiare ti yare na wahaea tjijaro ti waha bahrañohto sehe. ¹⁸ Tuhsu, ti pjare paina ti weseripu jiina ti bui macaa suhti wuhupu jia suhtire na wahaea tjijaro ti waha bahrañohto sehe. ¹⁹ Ti pjare nijipocosanumia, ti pohnare pu numia cuhuh pjacuro wahaahca. ²⁰ A jina Cohamacure o sehe ni siniga: “Puhiro jichuh judio masa sa soa numari jichuh cuhure sa muroca duhtihti dacho jiero tjijaro”, ni siniga musa Cohamacure. ²¹ Ti dachorire masa nu nano wahaahca. Ahri yahpare to bajuamehneri baharo masa nano ti yuhduh jisia tiha. Ti a jipachuta jipihtia ti puria yuhdoro pihtiri dacho panocah nabiaro yuhduhahca masa. A nano ti yuhdari baharo pari turi to sehe nabiaro yuhdusi ahri yahpai juna. ²² Cohamacu ti dachorire mahaa dachoricah jisinichuh yoarohca. To a yoerachuh ne cuiro masano yuhdueraboca. A jiro to beserina ti yuhduhti cjihtire mahaa dachoricah a cusinohca Cohamacu. ²³ Ti pjare paina musare “Nuga. Oi jira Cristo”, ti nichuh tinare tuhoena tjiga. “Tói jira Cristo”, ti nichuh tinare tuhoena tjiga. ²⁴ “Cristo jija”, ni mahnoina, “Cohamacu yare yahu muhtaina jija”, ni mahnoina jahca ti pjare. A jia Cohamacu to beserinare mahnoa, tina bajuamehneare yoa noahca. Ti a yoa nochuh nuha, Cohamacu yaina cana tinare tuhoa “Potocah tjira” nia, Cohamacu yare pa tehe nia duhuboca. ²⁵ Ahri jipihtiare musare yahuyuja musare to a wahahto pano. A jina tuhoga musa. ²⁶ Paina masa musare “Nuga. Masa marienopu jira Cristo”, ti nichuh topure nuha wahaena tjiga. A yoa tina “Oi ahri tahti pocali jira

tiro”, ti nichu tinare tahoena tjiga. ²⁷ Yuhu masano Cohamacu warocariro wacuenoca tjua taihtja. Oroca sitero manore su muja taropu, su sanopu wacuenoca to oroca site-rocaro seheta wacuenoca tjua taihtja yuhu. ²⁸ Yucaare mari nuna, yariariro to pjacu cjiro jichu mari noano masinahca. (To seheta ahri musare yu yahuyurire musa nuna noano masinahca ahri yahpapu yu tjua tahto mahanoca to dhsachu cuhare) —ni yahure Jesu.

Cristo ahri yahpapu to tjua tahtore yahuha tiro

(Mr 13.24-37; Lc 21.25-33; 17.26-30, 34-36)

²⁹ A yahu tuhsuro tinare o sehe ni yahu namore:

—Ti dachori masa ti nano yuhdu dachori baharo su dacho macariro, nami macariro cuhu buhria duhua wahaahca. Ti a wahachu nahpichoha poca manopu jia poca bora wahaahca. Tuhsu, manano macaa yahpari tuaro nuhmiahca. ³⁰ Ti pjata yuhu masano Cohamacu warocariro manopu yu bajuamehnenore yu nochu nuhca masa. A nuh jipihtia curuari macaina tiiahca. Tuhsu, yu tuua mehne, yu si sitea mehne manano macaa me bui ahri yahpapu yu tjua tachu nuhca tina. ³¹ Corneta bisiro coa tarohca. To a coa tachu yu yaina anjoare jipihtiropu ahri yahpapu warocaihtja. Tuhsu, jipihtiropu yu yaina yu beserinare tina naahca.

³² Mipure higuera care tuhotuga musa. Tu quiti mehne musare piti dahre buhehtja. Tu yucacu puri tichu nuna, caha mahanoca to dhsachu masina musa. ³³ To seheta ahri jipihtia yu niri cjirire ti a wahachu nuna, yu tjua tahto mahanoca to dhsachu masinahca musa. ³⁴ Potoca niita nija musare. Ti pja macaina ti yariahto pano jipihtia yu niriro seheta a waharohca. Manano, ahri yahpa cuhu pihtia wahaahca. ³⁵ Manano cuhu ahri yahpa cuhu pihtia wahaahca. Yu durucua sehe ne cohtotasi. Jipihtia yu niriro seheta a waha sohtori tiarohca.

³⁶ Ti dachore yu tjua tahti dachore, ti ora cuhare masieraja yuhu. Anjoa cuhu tere masierara. Masa cuhu masierara. Yu Pucu dihta tere masina.

³⁷ Noe to jiri pja macaina ti jiro se-heta ahri yahpapu yu tjua tahto panocare to seheta jahca masa. ³⁸ Yahpa to minih-to pano masa chu, sihni, yoaha. Tuhsu, muh, numiare namo tiha. Noe cuhu ti dohoriapu ti samuhto pano a yoaa timaha masa. ³⁹ Dohta tuaro coro ta, wacuenoca yahpa minia wahaha. Masa cuhu mini pihtia wahaha. Wacuenoca to miniro se-heta yuhu masano Cohamacu warocariro ahri yahpapu wacuenoca tjua taihtja. ⁴⁰ Ti pjare wesepu puaro dahraina ti jichu curo yuhure cahmarirore naahca. A yo yuhure cahmaerariro toi tjuarohca. ⁴¹ Ti pjare puaro numia cunoi ti yore area numia jichu curo yuhure cahmaricorore naahca. A yo yuhure cahmaeraricoro toihta tjuarohca.

⁴² Noano wacu masi cohtaga. Yuhu musa puhtoro, yu tjua tahti dachore ne masierara musa. ⁴³ Ahrire wacuga musa. Yacariro to wuhupu to sa yacahto panore wuhu puo masino, ti namine tiro careraboa, yacarirore cohtaro taro. A yo yacarirore to wuhupu sa dutieraboa. Yuhu yacariro to wacuenoca to tariro seheta wacuenoca taihtja. ⁴⁴ A jina yu yare a yoarucuna yuhure cohtaga. Yuhu masano Cohamacu warocariro ahri yahpapu tjua tai wacuenoca taihtja —nire Jesu.

Dahra cohtariro to puhtorore no pay-orirore, no payoerariro cuhare yahuha
(Lc 12.41-48)

⁴⁵ A yo Jesu to tuhotua mehne o sehe ni piti dahre buhe namore tjoa:

—Dahra cohtariro to puhtorore no pay-oriro tuho masiro jira. To a jichu nuno paina dahra cohtaina bui cuna tirore to puhtoro sehe waharo taro. A tirore cu tuhsu waha wahara puhtoro. To a wahachu nuno, churi pja jichu dahra cohtariro painare chure witera. ⁴⁶ Baharo puhtoro to ya wuhai tju wihira. To tju wihichu nuno dahra cohtariro sehe to puhtoro to dutiro seheta yo pahnoriro jiro, wahcheriro jirohca. ⁴⁷ Potoca musare niita nija. To a noano dahrachu nuno to puhtoro jipihtia to yare nu wihbohtiro cunohca tirore. ⁴⁸⁻⁴⁹ Wiho mejeta nariro

dahra cohtariro sehe “Y_u p_uhtoro so bajuerara” nino, paina dahra cohtainare cjãpe, pjíro ch_u, sihni, cahaina mehne caharohca. ⁵⁰ Baharo to p_uhtoro wac_uenoca tjua tarohca. Tí dachore ne masierara dahra cohtariro. ⁵¹ P_uhtoro sehe tjua taro ñariro to yoarire t_uhoro, tirore tuaro buhiri dahrerohca. ã buhiri dahrero, masa ti baharo b_uh_usehei ñano yoa cohtaina ti waharop_u cohãnohca tirore. Tó_pure tiro tuaro tii, cahyaro mehne bahca dihorohca —ni yahure Jesu.

25

Diez nuhmia quti mehne buheha Jesu

¹ ã yoa Jesu pari turi to t_uhotua mehne ò sehe ni piti dahre buhe namore tjoa:

—M_uano macariro masa bui p_uhtoro to s_uho jia ahri quti yoaro sehe jira: Diez nuhmia jiha. C_u ñami tina ti sihãa poca mehne wamomaca d_uhtehtirore piti bocaahahaha. ² Tina mehne macaa numia cinco numia t_uho masiera numia jiha. Paye numia sehe cinco numia t_uho masia numia jiha. ³ T_uho masiera numia sehe ti sihãa pocare, posa tia pocare naamaha. Paye pocare se posa tia pocare ti pihtich_u ti pioborire naaeraha. ⁴ T_uho masia numia sehe ti sihãa poca se posa tia pocare naaha. Paye se poca c_uh_ure naaha. ⁵ ã jia wamomaca d_uhtehtiro to bajuerach_u tí numiare w_ujo purích_u caríã wahaha. ⁶ ã ti caríni baharo ñami dacho macai sañurucuro coa taha: “T_uhoga. Wamomaca d_uhtehtiro taro coa tara. Tirore piti bocana taga”, ni sañurucuro coa taha. ⁷ To ã nino coa tach_u t_uhoa tí numia wahcã, ti sihãa pocare cahnoha. ⁸ ã yoa t_uho masiera numia sehe paye numia t_uho masia numiare ò sehe niha: “Sã sihãa poca yatia nina. ã jina mahanocã m_usa ya sere waga sãre”, ni sinimaha tí numia. ⁹ Ti ã sinipach_uta t_uho masia numia ò sehe ni yaht_uha: “Sã ya se mari jipihtinare m_u s_ueraboca. ã jina se cj_uainare m_usa basi nuch_una wahaga”, ni yaht_uha t_uho masia numia sehe. ¹⁰ Ti ã nich_u t_uhoa, t_uho masiera numia sere nuch_uahahaha. Ti ã wahari baharo wamomaca d_uhtehtiro wih_uha. ã to wihich_u ñ_ua ti yare cahno tuhs_uri numia

t_uho masia numia tirore piti bocaahahaha. Piti boca, to wamomaca d_uhteri b_use n_um_up_u tiro mehne ñ_ua wahaha. Tuhs_u, b_use n_um_ure ti yoari w_uh_up_u paina mehne tí numia ti sãari baharo, sopacare bihanocaha. ¹¹ Baharop_u t_uho masiera numia sehe wihimaha. “P_uhtoro, sãre pj_oohga”, nimaha tí numia. ¹² “Potocã m_usare niita nija. M_usare masieraja y_uh_u”, niha tiro tí numiare.

¹³ ã jina t_uho masia numia ti yare ti noano cahno tuhs_u ti cohtariro sehet_u y_u tahtore noano cohtaga m_usa c_uh_u. Y_u tjua tahti dachore tí hora c_uh_ure ne masierara m_usa —ni yahure Jesu.

Niñeru t_uri uru t_uri quitire yahuha Jesu

¹⁴ ã ni yahu tuhs_u to t_uhotua mehne ò sehe ni piti dahre buhe namore tjoa:

—Tí p_u y_u tjua tahti p_u ahri quti yoaro sehe jirohca. W_uh_u p_uro jiha. Tiro pa seh_up_u tinino waharo taro, tirore dahra cohtainare pjiroc_uaha. ã yoaro tinare to yare cohta dutiha.

¹⁵ ã cohta dutiro ti wihbo masino puro tinare niñeru t_uri waha. C_uirore cinco t_uri wapa b_uj_ua t_uri uru t_uri waha. Pairore p_ua t_u waha. Pairore c_u t_u waha. Tinare wa tuhs_u, wahaa wahaha. ¹⁶ ã yoa cinco t_uri to wariro dóihta to wahari baharota tí t_uri mehne paye barore nuch_uha. To nuch_uire painare duaha. To duari wapa diez t_uri waro wapataha tiro. ã jiro diez t_uri cj_uaha. ¹⁷ ã yoa p_ua t_u to wariro dóihta to wahari baharota tí t_uri mehne paye barore nuch_uha. To nuch_uire painare duaha. To duari wapa pititia t_uri waro wapataha tiro. ã jiro pititia t_uri cj_uaha. ¹⁸ C_u t_ure to wariro sehe copa saha, tí t_ure yaha, tí copap_u n_uono.

¹⁹ Yoari p_u baharo ti p_uhtoro wih_uha. ã wihiro to niñeru t_uri mehne ti ñaha namorire quih_ono taro tirore dahra cohtainare pjiroc_uaha. ²⁰ ã to pirocach_u cinco t_uri to wariro cj_uiro to p_uhtoro cahap_u s_u, diez t_uri wiaha tirore. “Cinco t_uri y_uh_ure ware m_uh_u. Ñ_uj_uta. Tí t_uri mehne paye cinco t_uri ñaha namohi”, niha tirore. ²¹ “Noano yoari jire m_uh_u. M_uh_u noariro, y_u dutiriro sehet_u yoariro jira. Mahanocã mehne noano yoare m_uh_u.”

Æ jicũ mipũre mũhare pjĩro mũ dahrah-
 tore cũihtja. Æ jicũ yũhũ mehne wahchega
 mũhũ”, niha to pũhtoro. ²² Æ yoa pũa
 tare nariro cjiro to pũhtoro cahapũ sũ,
 yahuha tirore: “Pũa tũ yũhare ware mũhũ.
 Ñũjũta. Tĩ tũri mehne paye tũri pũa tũ
 ñaha namohi”, niha tiro. ²³ “Noano yoari
 jire mũhũ. Mũhũ noariro, yũ dutiriro sehe
 yoariro jira. Mahanocãre noano yoare
 mũhũ. Æ jicũ mipũre pjĩro mũ dahrah-
 tore cũihtja. Æ jicũ yũhũ mehne wahchega
 mũhũ”, niha to pũhtoro. ²⁴ Æ yoa cũ tare
 nariro cjiro to pũhtoro cahapũ sũ, yahuha
 tirore: “Pũhtoro, mũhũ paina sehere tuaro
 dahra dutiriro jira. Æ tuaro dahra dutiriro
 jicũ toaa maerariro jipaihta tĩ dichare
 mũhũ nana. ²⁵ Mũ ã jiriro jichũ mũhare
 cuihi. Æ cuicũ copa saha, tĩ copapũ mũ
 niñeru tare nũohi. Ñũjũta. Õi jira mũ niñeru
 tũ”, niha tiro. ²⁶ To pũhtoro to ã nichũ
 tũhoro tirore õ sehe niha: “Mũhũ ñariro,
 capa bũjũriro jira. Yũ toaa maerariro ji-
 paihta tĩ dichare yũ nariro jichũ masina
 mũhũ. ²⁷ Yũ ã jiriro jichũ ñũcũ ya tare
 niñeru wihbori wũhũpũ wihboboa mũhũ.
 Mũ ã wihbochũ tina tĩ tare wiaapũ paye
 niñeru wa namoboa tina”, niha pũhtoro
 tirore. ²⁸ Æ nino paina tirore dahra co-
 htainare dutiha tiro: “Niñeru tare maga
 tirore. Diez tũrire cjuariro sehere waga.
²⁹ Cjuainare wa namoihtja. Æ jia pjĩro
 cjuaaahca. Cjuaraina sehere mahanocã ti
 cjuapachũta tĩre maihtja. ³⁰ Ahriro dahra
 cohtariro yaba cjihti jierara. Nahitianopũ
 ñanopũ cohãnocahga tirore. Tópũ tiro tuaro
 tii, cahyaro mehne bahca dihorohca”, niha
 pũhtoro –ni yahure Jesu.

Buhiri dahrehtore yahuha Jesu

³¹ Æ yoa Jesu õ sehe ni yahu namore:

–Yũhũ masũno Cohamacũ warocariro
 jipihtina anjoa mehne pũhtoro jicũ tacũ, yũ
 pũhtoro dujiropũ yũ si sitea mehne duji-
 ihca. ³² Æ yũ dujichũ, ahri yahpa macaina
 jipihtina yũ cahai cahmachuahca. Ti ã cah-
 machuri baharo pũa curua tinare tju wai-
 htja. Ovejare ñũ wihboriro to ovejare, to
 cabra cũhare to tju wariro seheta masare
 tju wa dapoihtja. ³³ Æ tju wacũ oveja yoaro

sehe jiina noainare yũ poto bũhũsehei bese
 dapoihtja. Æ yoa cabra yoaro sehe jiinare
 ñainare yũ cõ bũhũsehei bese dapoihtja.
³⁴ Yũ ã yoari baharo yũhũ jipihtina bui
 pũhtoro sehe yũ poto bũhũsehei yũ bese
 dapoinare õ sehe ni yahuihtja: “Yũ Pũcũ
 mũsare noano yoare. Ahri yahpare ba-
 juamehnenopũ mũsa ya cjihtire pũhtoro
 to sũho jirore cahno basayu tuhsũre Co-
 hamacũ. Æ jina mipũre to cahnoriropũre
 jina taga. ³⁵ Yũ jũca baachũ mũsa sehe
 yũhare chũare ware. Yũ ñahma yapiochũ
 yũhare mũsa sihõre. Mũsa cahai yũ tinichũ
 yũhare ñũ masierapanahta yũhare noano
 piti bocare mũsa. ³⁶ Suhti maerariro yũ
 jichũ ñũna mũsa sehe yũhare suhti sãare.
 Dohatiriro yũ jichũ mũsa yũhare ñũna tare.
 Peresui yũ jichũ cũhare yũhare ñũna tare
 mũsa”, nihtja noainare. ³⁷ Yũ ã nichũ
 tũhoa tina yũhare sinituahca: “¿Pũhtoro
 dohse jichũ mũ jũca baachũ mũhare chũare
 wari sã? ¿Dohse jichũ mũ ñahma yapiochũ
 mũhare sihõri sã? ³⁸ ¿Dohse jichũ mũhare
 ñũ masierapanahta mũhare noano piti bo-
 cari sã? ¿Dohse jichũ suhti maerariro mũ
 jichũ mũhare suhti sãari sã? ³⁹ ¿Dohse jichũ
 mũ dohatichũ o peresui mũ jichũ cũhare
 mũhare ñũna sũri sã?” niahca yũhare. ⁴⁰ Ti
 ã ni sinituchũ tũhocũ yũhũ pũhtoro tinare
 yahuihtja. “Potocã mũsare niita nija. Ah-
 rina yũ yaina mehne macariro wiho jiriro
 to jipachũta, tirore mũsa tó seheta yoare.
 Æ jirirore ã yoana, yũhare yoaro seheta
 yoana nire mũsa tinare”, ni yahuihtja.

⁴¹ ‘Noainare yũ ã ni yahuri baharo yũ
 cõ bũhũsehei ducuinare yũhũ jipihtina bui
 pũhtoro õ sehe ni yahuihtja: “Cohamacũ to
 buhiri dahrehtina jira mũsa. Yũhũ mehne
 tjuarena tjiga. Pichacapũ wahaga mũsa.
 Tĩ pichaca ne yatierara. Watĩno, to yaina
 anjoa cũhũ ti jihtore tĩ pichacare yoare
 Cohamacũ. ⁴² Yũ jũca baachũ mũsa sehe
 yũhare chũare waerare. Yũ ñahma yapio-
 chũ mũsa yũhare sihõerare. ⁴³ Yũhare
 masierana mũsa yũhare piti bocaerare.
 Æ ñũnocaboare. Suhti maerariro yũ ji-
 pachũta, yũhare suhti sãerare mũsa. Do-
 hatiriro yũ jichũ peresui yũ jichũ cũhare
 ã ñũnocare mũsa yũhare”, ni yahuihtja
 tinare ñainare. ⁴⁴ Yũ ã nichũ tũhoa tina

yuhure sinituahca: “¿Puhctoro, m̄ j̄ca baach̄, m̄ ñahma yapioch̄, sã masierariro m̄ jich̄, suhti maerariro m̄ jich̄, dohatiriro m̄ jich̄, peresup̄ m̄ jich̄ dohse jich̄ sã sehe m̄hure yoadohoerari?” ni sinituahca yuhure. ⁴⁵ Ti ã ni sinituch̄ yuh̄ tinare õ sehe ni yahuihtja: “Potocã m̄sare niita nija. Ahrina ȳ yaina mehne macariro wiho jirirore m̄sa ne yoadohoerare. ã jirirore m̄sa yoadohoerana, yuhureta ã yoana nire m̄sa”, ni yahuihtja tinare. ⁴⁶ ã jiro tinare ã buhiri dahrerucurohca Cohamac̄. Tí buhiri dahrea ne pihtisi. ã yoa, noaina sehe jipihtia dachoripe noano jirucuahca –ni yahure Jesu.

26

Sacerdotea p̄htoa, judio masa b̄c̄na mehne Jesure wajã duaha

(Mr 14.1-2; Lc 22.1-2; Jn 11.45-53)

¹ Tí jipihtiare to buheri baharo Jesu sãre to buheinare õ sehe ni yahure:

² –P̄a dacho baharo pascua jirohca. Tíre m̄sa masina. Tí pjare yuh̄ masunore Cohamac̄ warocarirore ñahaahca. Ñaha tuhs̄, yuhure crusap̄ wajãahca –nire tiro sãre.

³ ã yoa sacerdotea p̄htoa, judio masa b̄c̄na c̄h̄ cahmachuha. Caifa sacerdotea bui p̄hctoro ya w̄h̄i cahmachuha tina. ⁴ Tóí cahmachu, ti mahñoa mehne Jesure ñaha ti wajãhtore cahma s̄h̄dua niha:

⁵ –Bose num̄ jich̄ tirore ñahaena tjijihna, “Masa suari”, nina –niha tina ti basi.

Numino me sitia se mehne Jesure pio payoha

(Mr 14.3-9; Jn 12.1-8)

⁶ Tí pjare Simo cami b̄c̄ baariro cjiro ya w̄h̄i jire Jesu. To jiri maca Betania wama tiri maca jire. ⁷ Tí w̄h̄i to ch̄ro watoi c̄coro numino me sitia na ta, Jesu dapu bui pio payore. Tí me sitia alabastro wama tiriai posa tire. Wapa b̄j̄na co jire. ⁸ To ã pio payoch̄ ñana sã Jesu buheina suahi.

–¿Dohsearo ahricoro ahri me sitia co wapa b̄j̄are ã yoa sitejari? ⁹ Tí me sitiare duabo. ã duaro pjíro wapa nabo. ã nano

tí niñerure pjac̄oinare waboa ahricoro –nii sã to buheina.

¹⁰ Sã ã ni suach̄ ñno, Jesu õ sehe ni yahure sãre:

–ã niena tjiga ticorore. Yuhure noano yoaro nina. ¹¹ Pjac̄oina sehe m̄sa mehne ã jirucuahca. ã jina tina sehere m̄sa wa masina. Yuh̄ sehe ahri yahpare m̄sa mehne ã jirucusi. ¹² Yuhure ti yahto pano ȳ pjac̄ure cahnoyuro, ticoro yuhure pio payore. ¹³ Potocã m̄sare niita nija. Jipihtiro ahri yahpap̄ noaa buheare ti yahurop̄ ahricoro m̄p̄re to yoirire yahuahca. Ti ã yahuch̄ t̄hoa ticorore masa paȳ wac̄ahca –ni yahure Jesu sãre.

Juda Iscariote Jesure ñ̄ tuhtiinare to ñohtore yahuha sacerdotea p̄htoare

(Mr 14.10-11; Lc 22.3-6)

¹⁴ Tí pjare c̄iro sã mehne macariro Juda Iscariote sacerdotea p̄htoa cahap̄ s̄ha.

¹⁵ S̄, tinare õ sehe ni sinituha:

–¿Jesure m̄sare ȳ ñoch̄ noho puro wapanahcari m̄sa? –ni sinituha tinare.

To ã nich̄ tina tirore treinta t̄ri plata t̄rire waha. ¹⁶ Ti ã wari baharo Juda sehe Jesure to ñohti ñamine cohtasiniha.

Jesu to buheina mehne to ch̄ batoari num̄ jiha

(Mr 14.12-25; Lc 22.7-23; Jn 13.21-30; 1Co 11.23-26)

¹⁷ B̄c̄aerari p̄ore ti ch̄a num̄ri d̄cari num̄i sã to buheina sehe õ sehe ni sinitu ñ̄hi Jesure:

–¿Mari pascua macaa ch̄htire noho baroi cahnoyuro dutirocaijari m̄h̄ sãre? –ni sinitu ñ̄hi tirore.

¹⁸ Sã ã nich̄ tiro õ sehe ni yahure sãre:

–Jerusalēp̄ wahaga. Tóí jirirore õ sehe ni yahuga: “Marine buheriro to ñano yuh̄d̄hti p̄a mahanocã dahsatjīyuh̄ti. Pascua jich̄ m̄ ya w̄h̄i Jesu sãre to buheinare s̄ho ch̄hto jiyuh̄ti”, ni yahuga tí w̄h̄ p̄rore –ni warocare Jesu sãre.

¹⁹ To ã ni warocach̄ sãre to dutiriro se-heta yoana, pascua jich̄ sã ch̄htore cahnoyui sã.

²⁰ ã yoa tí ñamine sã mehne doce to buheina mehne ch̄ro nire Jesu. ²¹ Sã ch̄ro watoi tiro sãre õ sehe ni yahure:

—Potocã m̄sare niita nija. Cãiro m̄sa mehne macariro ȳh̄ure ñ̄u tuhtiinare ñ̄onohca ȳh̄ure —ni yahure tiro sãre.

²² To ã nich̄u t̄hona tuaro cahyana, tirore sinitu ñ̄u d̄caĩ sã cãina jipihtina:

—¿P̄h̄toro, ȳh̄uta jijari m̄h̄ure ñ̄ohtiro? —ni sinitui.

²³ Sã ã ni sinituch̄u tiro õ sehe ni ȳhtire:

—Ȳu ch̄ri wapai ȳh̄u mehne soha ch̄rirota jira ȳh̄ure ñ̄u tuhtiinare ñ̄ohtiro.

²⁴ Panop̄u ȳh̄ure ti joariro seheta ȳh̄u mas̄no Cohamac̄u warocariro yariaihca. ã jiro ȳh̄ure ñ̄u tuhtiinare ñ̄oriro ñ̄ano ȳhd̄rohca. Tiro sehe to masa bajuerach̄u noa ȳhd̄eraboa. Ñ̄ano ȳhd̄eraboa —nire Jesu.

²⁵ To ã nich̄uta tirore ñ̄ohtiro Juda õ sehe ni siniture:

—Buheriro, ¿m̄h̄ure ñ̄ohtiro tjijari ȳh̄u? —ni siniture tiro.

Jesu õ sehe ni ȳhtire:

—Ëj̄u. M̄h̄uta jira —nire.

²⁶ ã ni yahu tuhs̄u sã to buheina mehne ch̄ro taro nire. ã yoa Jesu pãore na, Cohamac̄ure “Noana”, nire. ã ni tuhs̄u tíre nuha, sãre to buheinare witire.

—Ahr̄ire na, ch̄ga. Ahri ȳu pjac̄u jira —nire tiro.

²⁷ ã ni tuhs̄u tiro sihniri wahware na, Cohamac̄ure “Noana” ni, sãre ware.

—M̄sa jipihtina ahr̄ire sihniga. ²⁸ Ahri ȳu di jira. Paȳu masa ti ñ̄aa yoari buhirire cohãc̄u tac̄u yariaihca. ã yariac̄u ȳu dire cohãihca. Cohamac̄u “M̄sare ȳhd̄oihtja”, to ni c̄ũriro m̄u sach̄u ȳu ã ȳu yariaro mehne to niriro sohtori tiihca. ²⁹ M̄sare niita nija. Ȳu P̄sc̄u p̄h̄toro to s̄ho jirop̄u m̄anop̄u m̄sa mehne wahma co vinore sihnihtja. Mari ã sihnihto pano ahri co vinore sihni namosi ȳh̄u —nire Jesu sãre.

³⁰ ã jina Cohamac̄ure ñ̄o payo basana c̄n̄ore bas̄a tuhs̄una t̄c̄u Olivo wama tid̄p̄u s̄i sã.

Pedro Jesure to cohãhtore yahuha Jesu

(Mr 14.26-31; Lc 22.31-34; Jn 13.36-38)

³¹ Tóp̄u sã sach̄u Jesu sehe sãre õ sehe ni yahure:

—Micha ñ̄ami ȳh̄ure cohã wahcãnahca m̄sa. Õ seheta nina Cohamac̄u to yare ti joari p̄ui ȳh̄ure yahuro: “Ovejare ñ̄u

wihboriro yoaro sehe jirirore ȳh̄u Cohamac̄u cohãihtja. Ȳu ã cohãch̄u to yaina oveja yoaro sehe jiina duhti site wahcãa wahaahca”, nina Cohamac̄u to yare ti joari p̄ui. ³² ã yoa Cohamac̄u ȳh̄ure to masori baharo m̄sa pano Galileap̄u wahayuihca ȳh̄u —nire tiro.

³³ To ã nich̄u t̄horo õ sehe nimare Pedro:

—Ȳh̄u mehne macaina jipihtina m̄h̄ure ti cohã wahcãpach̄uta ȳh̄u sehe m̄h̄ure ne cohãsi —nimare Pedro tirore.

³⁴ Jesu õ sehe ni ȳhtire:

—Potocã niita nija m̄h̄ure. Micha ñ̄ami caraca to duhto pano “Ȳh̄u Jesure masieraja”, niihca m̄h̄u. Tia taha ã niihca m̄h̄u —nire tiro Pedore.

³⁵ To ã nipach̄uta Pedro õ sehe ni ȳhtire:

—M̄h̄u mehne ȳh̄ure ti wajã dua-pach̄uta “Jesure masieraja”, ne nisi ȳh̄u —ni ȳhtimare Pedro.

ã jina sã c̄h̄u paina to buheina Pedro to niriro seheta nimai sã Jesure.

Getsemaní wama tirop̄u Cohamac̄ure siniha Jesu

(Mr 14.32-42; Lc 22.39-46)

³⁶ ã yoa Getsemaní wama tirop̄u Jesu sã to buheina mehne waha, tóp̄u s̄u, sãre õ sehe nire:

—Õi dujiyusiniga. M̄sa õi dujiro wato sohõ curerop̄u Cohamac̄ure sinii wahai nija —nire tiro sãre.

³⁷ ã ni tuhs̄u, Pedore, p̄aro Zebedeo pohnare tina tiarore p̄ji wahcãre. P̄ji wahcã tuhs̄u, tiro tuaro cahya, ñ̄ano yajeripohna tiha. ³⁸ ã cahyaro tó mehne macainare to p̄ji wahcãrinare õ sehe niha:

—Tuaro ñ̄ano yajeripohna tija ȳh̄u. Ȳh̄ure tuaro pur̄no seheta t̄hotui nija michapucacã ȳu yariaboro seheta. Sohõ curero wahasinii nija. Õi tjuasiniga. ã yoa ȳu c̄no potori catiga m̄sa c̄h̄u —niha tiro tinare.

³⁹ ã ni tuhs̄u mahanocã waha namo, yahpai na tuhcuca caha s̄u, Cohamac̄ure õ sehe niha:

—Mai, ȳu ñ̄ano ȳhd̄htire yoa duaeracu yoai tjia. Ȳu ã nipach̄uta ȳu cahmano sehe yoai tjia. M̄h̄u sehe masina. M̄u cahmano seheta yoaga ȳh̄ure —ni siniha tiro Cohamac̄ure.

⁴⁰ Ñ ni tuhsu, tiaro to buheina cahapu wihimahno, carĩnare boca wihaha tiro. Ñ boca wihiro Pedrore õ sehe niha:

—¿Cũ hora waro yu cãno potori cati masierari muhu? ⁴¹ Noano yoaga musa. Musa mu sũro quihõno yoa duamana musa. Wiho mejeta musa basi tíre bihoerara. Ñ jina Cohamacure siniga ñano musa yoaer-ahto sehe —ni yahuha Jesu.

⁴² Ñ ni yahu tuhsu, pari turi waha, Cohamacure õ sehe ni siniha:

—Mai, yu ñano yuhdũhtire yoa duacu yoaga yuhure. Mu cahmano seheta yoaga —ni siniha tiro.

⁴³ Ñ ni tuhsu, to buheina tiaro buheina cahapu pari turi wihaha tjoa. Ñ wihiro carĩnareta boca wihaha tjoa. Wujo caha yuhdũhaha tina. ⁴⁴ Ñ jiro tinare cũnoca, pari turi waha, Cohamacure siniha. Tó pano to niriro seheta niha tjoa. ⁴⁵ Ñ ni tuhsu to buheina cahapu wihi, tinare õ sehe niha:

—¿Carĩ, sosinina nijari musa? Tó purota carĩga musa —niha tiro.

Ñ ni tuhsu, õ sehe ni namoha Jesu:

—Tũhosiniga. Michapucacã yuhu masunore Cohamacu warocarirore ñainare waahca yuhure. ⁴⁶ Wahcãga. Basa wahana. Ñũga. Yuhure ñu tuhtiinare ñohtiro õi tara —niha tiro.

Jesure ñu tuhtiina tirore peresu yoaha
(Mr 14.43-50; Lc 22.47-53; Jn 18.2-11)

⁴⁷ To ñ nino watoi sã mehne macariro cjiro Juda sehe wihire. Tiro mehne masa payu wihire. Tina sacerdotia pũhtoa, judio masa bucuna cãhu ti warocarina jire. Ñosaa pĩnine, yucu siri cãhure cjũare.

⁴⁸ Wahmanore Jesure ñu tuhtiinare ñohtiro masare õ sehe ni yahu quihõ tuhsuha:

—Yu wahsupu wihmirirota jirohca musa ñahahtiro. Tirore yu wihmiri baharo ñahaga tirore —niha Juda tinare.

⁴⁹ To ñ ni tuhsuri baharo wihiro, Jesu cahapu dói waha baharõre.

—Buheriro, ¿jimajari muhu? —ni tirore wahsupu wihmire.

⁵⁰ To ñ wihmichu Jesu õ sehe nire:

—Coyeiro, ¿michapucacã mu yoa duarire yoaga? —nire tiro.

To ñ ni tuhsuchu tina Jesure ñahare.

⁵¹ Ti ñ yoachu ñũno Jesu mehne macariro to ñosari pĩne tuãwe na, sacerdotia bui pũhoro cahamacunore to cahmonore dũte pahrẽnocare. ⁵² To ñ yoachu ñũno Jesu tirore õ sehe ni yahure:

—Mu ñosari pĩne wihboga. Painare mu ñosachu ti ñosa cahmachu yariaihca muhu.

⁵³ Yu Pũcure yuhure yu yoadoho dutichu tiro sehe payu anjoare doce curuarire yu cahai warocaboa tiro. ¿Tíre masierajari muhu? ⁵⁴ Ñ yoadohoboriro to jipachuta tirore yuhure yoadoho dutisi yuhure. Yu ñ dutierachu Cohamacu yare ti joari pũ to niriro seheta ñ waharohca —nire tiro.

⁵⁵ Ñ ni tuhsu masare õ sehe ni yahure tiro:

—¿Dohse jiro baro musa ñosaa pĩni mehne, yucu tiri mehne yacarirore ti yoariro seheta musa yuhure ñahana tajari? Dachoripe Cohamacu wũhũpu masare yu buhe dujichu, musa yuhure ne ñahaerare.

⁵⁶ Ñ jipachuta ahri jipihtia ñ waharo cahmana Cohamacu yare yahu mũhtaina cjiri ti ni joariro seheta —nire Jesu.

Tirore ti ñ ñahachu ñũna sã to buheina tirore cohã mũroca wahcãa waha sã.

Judio masa pũhtoa Jesure sinituha

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Ñ yoa tirore ñaharina cjiri sacerdotia bui pũhoro Caifa wama tiriro ya wũhũpu na sũha tirore. Tí wũhũhta marine judio masare buheina, bucuna cãhu cahmachuha. ⁵⁸ Tópu Jesure ti naachu Pedro yoaropu tinare ñu nũnu tiha. Ñ nũnu tiro Caifa ya wũhure dũcatari sahrĩnõre sũ, tí sahrĩno puhichapu sãa wahaha. Sãa sũ, tí wũhure cohtaina surara mehne dujiha. Jesure ti dohse yoachu ñũno taro niha.

⁵⁹ Ñ jia sacerdotia pũhtoa, mari coyey judio masa bucuna, paina pũhtoa mehne Jesure wajã duti duaa, tiro to quihõno yoaerarire ti yahusãhtire wacũ macamaha.

⁶⁰ Wiho mejeta tíre bocaeraha. To quihõno yoaerari mariapachuta, payu masa tirore ti cahmano yahusãmacanocaha. Ñ jia pũro ti baharo macaina tirore ⁶¹ õ sehe ni yahusãha tjoa:

—Ahriro õ sehe nire: “Cohamacu wũhure cohã masija. Ñ cohãcu tia nũmu wahaboroi

tí wuhure pari turi yoaihtja”, to nichu tuhohi sã —ni yahusãmacanocaha Jesure.

⁶² Ti ã niri baharo sacerdotea bui puhtoro wahcãruchu sã, Jesure õ sehe ni sinituha:

—¿Ahrina mähure ti yahusãpachata tinare yuhti cahmaerajari mähü? ¿Mähure ti yahusãrire dohse ni yuhti cahmajari mähü? —niha puhtoro.

⁶³ To ã nichu tuhparota Jesu ãta tuhhotunocaha. To ã yuhtierachu ñano sacerdotea bui puhtoro pari turi sinituha tjoa:

—Cohamacu catiriro wama mehne potocã niga mähü. Mu ã nierachu tiro mähure buhiri dahrerohca. Yahuga sãre. ¿Cristo Cohamacu macunota jijari mähü? —ni sinituha tjoa.

⁶⁴ To ã nichupata Jesu õ sehe ni yuhtiha:

—Tirota jija. Mäsare potocã yahuita nija. Baharo yuhü masuno Cohamacu warocariro yu Puchu jipihtina bui tuariro cahapu to poto buhuseheru yu dujichu ñanahca mäsã. Æ yoa mäsano macaa me bui yu tachu cãhure ñanahca mäsã —ni yuhtiha Jesu.

⁶⁵ To ã nichu tuhoro sacerdotea bui puhtoro, to basi to säari suhtirore tuhrënocaha painare “Sua yuhduara”, ni ñu masi dutiro. Æ tuhrënocahno õ sehe niha:

—Cohamacure pjíro ñano durucuro nina ahriro. Æ jina to ñano durucure tuho tuhsüja mari. Æ jia tó peinata yahusãjaro ahrirore. Õihta to ñano durucuchü tuhója mari. ⁶⁶ ¿Dohse yoanahcari mari mipare ahrirore? —ni sinituha tiro paina puhtoare.

—To ñari buhiri wajãnocano cahmana tirore —ni yuhtiha tina.

⁶⁷ Ti ã niri baharo to wuhduare chahcho puti sihõ müja, tirore cjãpe, dota müjaha tina. ⁶⁸ Tirore cjãpe tuhsü, õ sehe nipeha tirore:

—¿Diro sehe mähure cjãjari? Cristo jicu ñerapailta yahuga sãre —ni cjãpe dota müjaha tina.

“Tirore masieraja”, niha Pedro Jesure
(Mr 14.66-72; Lc 22.56-62; Jn 18.15-18, 25-27)

⁶⁹ Æ yoa tí wuhü cahai jiri wapai noari wapai Pedro sehe dujiha. To ã dujichu

ñano sacerdotea bui puhtoro cahamacono tiro cahapu sãro, õ sehe niha:

—Mähü cãhü Jesu Galilea macariro mehne jire —niha ticoro.

⁷⁰ To ã nichu tuhoro, Pedro õ sehe niha:

—¿Dohse nimacanocaco nijari mähü? Mu nirirore ne masieraja yuhü —niha Pedro ticorore jipihtina ti tuhhorocaroi.

⁷¹ To ã niri baharo tí wapa macari sahrño sopaca cahapu wahaha Pedro. Tóto to jichu pacoro cahamacono tirore ñano, tóto jiiinare õ sehe niha:

—Jesu Nazare macariro mehne jire ahriro cãhü —niha ticoro Pedore tjoa.

⁷² To ã nichu tuhoro Pedro õ sehe ni yuhtiha:

—Cohamacu mehne potocã nii nija. Tiro mu nirirore ne masieraja yuhü —ni yuhtiha Pedro.

⁷³ Æ yoa mahanocã baharota tóto ducuina Pedro cahapu waha, tirore õ sehe niha tjoa:

—Potocã tjira. Jesu yaina mehne macariro jira mähü cãhü. Tina yoaro seheta durucura mähü —niha tina Pedore.

⁷⁴ Ti ã nichu Pedro õ sehe ni yuhtiha:

—Potocã Cohamacu mehne nii nija mäsare. Yuhü potocã yu nierachu Cohamacu yuhure buhiri dahrejaro. Tirore mäsã nirirore ne masieraja yuhü —ni yuhtiha tiro tinare.

To ã nichuata caraca duha. ⁷⁵ To duchu tuhoro Jesu tirore to nirire wacüha. “Caraca to duhto pano ‘Jesure masieraja’, niihca mähü. Tia taha ã niihca mähü”, Jesu to niri cjirire wacüha Pedro. Æ wacüno, tí sahrño sopacare wijaa, tuaro tiha.

27

Pilato cahapu Jesure naaha
(Mr 15.1; Lc 23.1-2; Jn 18.28-32)

¹ Æ yoa bohrearopu sacerdotea puhtoa, mari judio masa bucuna cãhü Jesure ti wajã dutihtore cahma sãhduha. ² Ti ã yoari baharo tirore duhte, Pilato cahapu naa, tirore waha Pilatore. Pilato sehe tí yahpa macaina puhtoro jire.

Juda Iscariote yariaa wahaha

³ Æ yoa Jesure ti wajã dutichu ñano Juda sehe Jesure ñoriro tirore to ñori cjirire tuaro wacü cahyaha. Æ cahyaro treinta tãri to

ñahari niñeru tãrire wiaro waharo, sacerdotea pũtoa cahapũ, bucuna cahapũ sũ, õ sehe niha:

⁴ —Jesu mũsare yũ ñoriro ñaa marieriro to jipachũta tina wajã dutire tirore. ã jicũ mũsare tirore ñocu ñano yoai nihti yũhũ — ni yahuha Juda tinare.

To ã ni yahuri baharo tina õ sehe ni yũhtiha:

—Ãta yoawahnojaro. Sãre yaba cijhti jierara tí mũ ã nia. Mũhũ dihta ã ni tũhotura tíre —ni yũhtiha tina tirore.

⁵ Ti ã ni yũhtiri baharo Cohamacũ ya wũhũi Juda to niñeru tãrire doca site cũnocaha. Doca site cũnoca, wahaa wahaha. Waha, yuta dare dũhte yo, to basi wamũai tju suha, puroca yoja sũ, yariaa wahaha jũna.

⁶ ã jia sacerdotea pũtoa niñeru tãrire naa, õ sehe niha:

—Ahri niñerure Cohamacũ wũhũ macari caropũ niñeru wihbori caropũ mari cũ masieraja. Ahri niñeru mehnetã masũnore wajã dutire. ã jia mari dutia marine tó sehe jia niñerure wihbo dutierara —niha tina ti basi.

⁷ Ti ã niri baharo “Õ sehe yoajihna”, ti ni sũhũduri baharo dihi biatorire yoariro ya yahpare nuchũha. Tí tũri mehne nuchũha. Pa sehe macaina ti wihi ti yariachũ ti yahti yahpa cijhtore tí yahpare nuchũha. ⁸ ã jia tí yahpare “Di yahpa” wamoare masa. Mipũ cãhũre ãta wama tira. ⁹ Ahri jipihntia ã wahari jire Jeremía cjiro panopũ “ã waharohca”, to ni joariro seheta. Tiro Cohamacũ yare yahu mũhtariro cjiro jiha. Õ sehe ni joaa tiha tiro: “Treinta niñeru tãrire plata tãrire ‘Tó purota wapanahca tirore sã ñahahtore’, niahca Israe masa. ¹⁰ ã jia tí tũri mehne dihi biatorire yoariro ya yahpare nuchũahca tina. Õ seheta yũhũre yoã dutire Cohamacũ”, ni joaa tiha Jeremía panopũ.

Pilato Jesure sinituha

(Mr 15.2-5; Lc 23.3-5; Jn 18.33-38)

¹¹ ã yoã Pilatore ti wari baharo tiro sehe Jesure õ sehe ni sinituha:

—¿Potocãta judio masa ti pũhtorota jijari mũhũ? —ni sinituha Jesure.

—Mũ nino seheta tiro tjija —ni yũhtiha Jesu.

¹² ã ni yũhtiparota, sacerdotea pũtoa, bucuna cãhũ ti yahusãchũ yũhtieraha tiro.

¹³ To ã yũhtierachũ ñũno Pilato õ sehe ni sinituha:

—¿Ahri jipihntia mũhũre ti yahusãrire tũhoerajari mũhũ? —ni sinituha tiro Jesure.

¹⁴ To ã ni sinitupachũta Jesu ne cã dũsero yũhtieraha. To ã yũhtierachũ ñũno Pilato cãaa wahaha.

Jesure wajã dutiha

(Mr 15.6-20; Lc 23.13-25; Jn 18.38-19.16)

¹⁵ Cũhmaripe pascuaripe masa yairo cijhtore cãiro peresupũ jirirore Pilato ã wiobasa mũjaa tiha. Masa ti wio dutirirore wiobasa mũjaa tiha. ¹⁶ Tí pjare Barrabá wama tiriro peresupũ jiha. Tirore masia tiha payũ masa. ¹⁷ ã yoã ti ã cahmachuchũ Pilato sehe õ sehe ni sinituha tinare:

—¿Diro sehẽre mũsare wiobasabocari yũhũ? ¿O Barrabá sehẽre o Jesure Cristo ti nirirore wiobasabocari yũhũ? —ni sinituha tiro.

¹⁸ Jesure masa ti cahĩchũ ñũã judio masa mari pũtoa tirore ñũ tuhtiha. ã ñũ tuhtia tirore waha Pilatore. ã jiro masa ti cahĩri buhiri judio masa mari pũtoa ti ñũ tuhtirire masino Pilato Jesure wio duamaha.

¹⁹ ã yoã Pilato masare soro sehe yoainare to beseri pahtai to dujichũ to namono tirore quitĩ warocaha: “Micha ñamine Jesure cahãco, tuaro ñano yũhdũhi. ã jicũ tirore ñaa marierirore ne jiãpe yoã tjiga mũhũ”, ni yahurocaha to namono Pilatore.

²⁰ ã jia wahmanopũre sacerdotea pũtoa, bucuna cãhũ masare õ sehe ni duti tuhsũha. “Barrabá sehẽre wio duti, Jesu sehẽre wajã dutiga”, ni dutiha masare. ²¹ ã yoã Pilato masare õ sehe ni sinituha:

—¿Ahrina pũarore diro sehẽre mũsare wiobasabocari yũhũ? —ni sinituha.

—Barrabá sehẽre wiobasaga sãre —ni yũhtiha.

²² —¿Ahriro Jesu Cristo ti niriro sehẽre dohse yoãihcari yũhũ mũsa ã ni sañurucuchũ? —ni sinituha tiro.

—Crusap_u cjã puha wajãga tirore —ni y_uhtiha masa jipihtina.

²³ —¿Yaba barore ñaare yoari ahriro m_usa ã nich_u? —ni sinitu namoha tiro. To ã nich_u t_uhoa tina tuaro mehne sañurucuha:

—Crusap_u cjã puha wajãga tirore —ni sañurucuha masa tirore.

²⁴ Ti ã ni sañurucuch_u t_uhoro, tirore ti t_uho duaerach_u ñ_uno “Masa sua, cah-macheboca” nino, y_uhtirot_a ò sehe yoaha Pilato. Masa ti ñ_urocaroi tiro wamo cosaha. ã wamo cosaro ò sehe niha:

—Ahrirore ñaa marierirore wajãri buhiri ya buhiri jierara. M_usa ya buhiri jira —nino wamo cosaha.

²⁵ To ã nich_u t_uhoa jipihtina masa ò sehe niha:

—Ahrirore wajãri buhiri sã, sã pohna cãh_u sã ya buhiri jijaro —niha masa.

²⁶ Ti ã nich_u t_uhoro Pilato Barrabãre peresup_u jirirore wio dutiha masa ti cah-marirore. ã yoa tuhs_u Jesu sehere yuta dari mehne tjana duti, tirore crusap_u wajã dutiro wiaha surarare.

²⁷ To ã wiach_u Pilato ya w_uh_up_u to surara Jesure na s_uha. ã yoaa tina surara jipih-tina Jesu cahap_u cahmachuha. ²⁸ ã cah-machua to suhtire tjuwe na, p_uhtoro ya suhtiro sehe bajuri suhtirore tirore sãaha.

²⁹ ã sãa tuhs_u, pota sorore yoa tuhs_u, to dapu bui duhu payoha. ã duhu payo tuhs_u, w_uj_uc_ure pota b_uh_usehe sehe dahra suhaha. Dahra suha tuhs_u, na tuhcuca caha s_u, b_uj_upeha tirore:

—Noano tagã. Judio masa p_uhtoro noano tagã —ni b_uj_upeha tirore.

³⁰ ã niata tirore chahcho puti sihõ m_uja, ti dahra suhad_u cjirore tirore t_uãwe na, to dapure cjãha t_u mehnet_a. ³¹ Ti ã b_uj_uperi baharo ti sãari suhtirore tjuwe na, to ya suhti sehere sãaha tjoa. Sãa tuhs_u, crusap_u wajãa taa tirore na wijaaha.

*Tina Jesure crusap_u cjã puha, wajãha
(Mr 15.21-32; Lc 23.26-43; Jn 19.17-27)*

³² Tirore na wahcã, Simo wama tirirore Cirene macarirore piti boca, tirore Jesu to w_uari crusare w_ua wahcã dutire.

³³ W_ua wahcã, Gólgota wama tirop_u s_ure. Gólgota nino, “Dapu cohã”, nino nina.

³⁴ Tuhs_u, vinore s_uẽa co ñimaca macaa co

mehne ti morea core Jesure wamare tina. Tí core sihni ñ_u, sihnierare tiro.

³⁵ ã yoa to suhtire ti tjuwe nari baharo tirore crusap_u cjã puhare tina. ã cjã puha tuhs_ua, to sãa suhti cjirire ti basi cahma witia taa, “¿Noa yaro jirohcari ò?” ni masia taa, docapea poca mehne docape m_ujaha tina. [ã yoaa Cohamac_u yare yahu m_uhtariro cjiro to ni joariro seheta yoaa nire tina. Ò sehe ni joaa tiha tiro: “Y_u suhtire ti basi naa taa, ‘¿Noa yaro jirohcari ò?’ ni, docapea poca mehne docape m_ujaha tina”, ni joaa tiha panop_u.]

³⁶ Docape tuhs_u tirore ñ_u dujirucure tina. ³⁷ ã yoa Jesure “¿Yaba buhiri mehne yariabocari tiro?” ti ni masiht_o sehe, ò sehe ni ti joa òri p_uj_une crusap_u duhu òha tina. “Ahriro Jesu judio masa bui p_uhtoro jiriro jira”, ni joa òre tina tí p_uj_up_u. ³⁸ Baharo p_uaro yaca b_uc_una cãh_ure Jesu cahai paye crusari p_uj_uni_pu cjã puha dapore tina. Cãiro to pot_o b_uh_usehei, paio to cõ b_uh_usehei cjã puha dapore tina. ³⁹ Crusari cahai y_uhd_u wahcãina Jesure ñ_u, ti dapu pocare yureroca, tirore ñano durucure:

⁴⁰ —¿Cohamac_u w_uh_ure cohã, tia dacho wahaboroi pari turi tí w_uh_ure dahrehtiro jijari m_uh_u? Cohamac_u mac_uno jic_u m_u basi dujia taga. ã yoa m_u basi yoadohoga. ã jii y_uhd_u witiica m_uh_u —nire masa.

⁴¹ ãta ni b_uj_upere tirore. Sacerdotea p_uhtoa cãh_u, marine judio masare buheina cãh_u b_uc_una cãh_u tirore ã ni b_uj_upere:

⁴² —Tiro painare y_uhdoriro jiparota to basi y_uhd_o masierara. “Israe masa p_uhtoro jija”, nimana tiro. ã jina to basi to duji tach_u ñ_una tirore wac_u tuanahca. ⁴³ Tiro sehe Cohamac_ure wac_u tuamana. Tuhs_u, “Cohamac_u mac_uno jija”, nimana tiro. To ã jiriro jich_u Cohamac_u sehe tirore yoadohojaro —ni b_uj_upere tina.

⁴⁴ Yaca b_uc_una tiro cahai ti cjã puharina cjiri cãh_u tó seheta tirore b_uj_upe, ñano ni durucure tina cãh_u.

*Jesu yariaa wahaha
(Mr 15.33-41; Lc 23.44-49; Jn 19.28-30)*

⁴⁵ ã yoa cohari pja jich_u tia hora waro jipihtirop_u nahitiano jire. ⁴⁶ To nahitia duhuch_u waro Jesu tuaro sañurucure:

—Elí, Elí ¿lama sabactani? —nire tiro. Ñ nino ò sehe nino nire: “Y_u Cohamac_u, y_u Cohamac_u, ¿dohseac_u y_uh_ure cohãri m_uh_u?” nino nire.

⁴⁷ To ã nich_u t_uhoa cãina tói ducuina ò sehe nimare:

—Cohamac_u yare yahu m_uhtariro Elia cjirore pjirocaro niboca —nimare tina.

⁴⁸ Ti ã ni tuhs_uch_u cãiro tina mehne macariro wihmi nari s_uhtep_u vino s_uẽa core soha tuhs_u, na m_uroca, y_uch_u sohtoai d_uhte ò, Jesure wihmi dutimare. ⁴⁹ To ã yoach_u ñ_ua paina wihmi dutirirore ò sehe nimare:

—Dep_usinia. Elia wihi, ahrirore to na boroch_u ñ_usinijihna mari —nimare paina.

⁵⁰ Ti ã niri baharo pari turi sañurucu, Jesu sehe yariaa wahare. ⁵¹ To ã yariach_uta Cohamac_u w_uh_u macari suhtiro, ti d_ucatari suhtiro dacho macai bui sehe t_uhn_u bora ta, t_uhn_uroca yoja s_ua wahaha. Tuhs_u, yahpa c_uh_u ñ_uhmire. To ã ñ_uhmich_u tãa b_uj_ua poca wahtia wahare. ⁵² Ñ yoa masa coparire p_uõoch_u, pay_u Cohamac_u yaina cjiri panop_u yariarina cjiri masa wijaaha. ⁵³ Masa wijaa, Jesu sehe to masa wijaari baharo tí coparire cohãnoca, noari macap_u Jerusalêp_u wahare tina. Tóp_u ti wahach_u pay_u masa ñ_ua tiha tinare.

⁵⁴ Ñ jia yahpa to ñ_uhmich_u ñ_ua, pay_u paye ti ã wahach_u ñ_ua surara p_uhtoro to surara mehne c_uaa wahare. Tina Jesure crusap_u jirirore cohtaina jire. C_uaa waha, ò sehe nire:

—Potocã tjiri jimana. Ahriro Cohamac_u mac_unota jiri jimana —nire tina.

⁵⁵ Ñ yoa Galileap_u Jesu mehne tari numia cjiri tirore yoadohori numia cjiri yoarop_u tirore crusap_u jirirore ñ_urocarucua nire.

⁵⁶ Tí numia mehne María Magdalena jire. Pacoro María wama tiricoro c_uh_u jire. Ticoro sehe Santiago, José c_uh_u pocoro jire. Pacoro Zebedeo namono jire.

*Jesu pjac_ure masa copap_u c_uha José
(Mr 15.42-47; Lc 23.50-56; Jn 19.38-42)*

⁵⁷ Ñ yoa ñ_uamichap_u José Arimatea macariro pache p_uro tói s_ua tiha. Tiro Jesu buheriro jire. ⁵⁸ Ñ yoa Pilato cahap_u s_u, Jesu pjac_ure siniha. To ã sinich_u t_uhoro Jesu pjac_ure tirore wa dutiha Pilato. ⁵⁹ To ã dutiri baharo José sehe Jesu pjac_ure na

boro, noari suhtiro weti marieni suhtiro mehne to pjac_ure wahmaha. ⁶⁰ Wahma tuhs_u, José to ya masa copap_u siõ payoha to pjac_ure. Tí copa ti tãcai sahari copa wahma copa jire. Tí copap_u yo sãa duhu payo tuhs_u, p_ujiria tãcare t_u turẽ wahcãha tia mehne biharo taro. Biha tuhs_u, wahaa wahaha. ⁶¹ Ñ jia María Magdalena, pacoro María mehne tí copare ñ_u dujirucuha.

Jesure ti c_uri copare surara cohtaha

⁶² Ñ yoa pa dachoi, Pascua cjihtore ti cahnori dacho baharo, sabado jich_u sacerdotia p_uhtoa fariseo curua macaina c_uh_u Pilato cahai cahmachuha. ⁶³ Cahmachu tuhs_u ò sehe niha tina Pilatore:

—P_uhtoro, tiro mahñoriro Jesu catisinino ò sehe niha tiro: “Tia dacho wahaboroi masa wijaaic_u y_uh_u”, niha tiro. ⁶⁴ To ã niriro jich_u to buheina sehe to pjac_ure yacaboca. Ñ yacaa masare ò sehe niboca: “Jesu masa wijaare”, niboca tina. Tiro Jesu sehe masare mahñono nire. Wiho mejeta to buheina sehe “Tiro masa wijaare” nia, mahñoina jiahca tina. Ñ jiro Jesu to mahñoriro y_uh_udoro ti ya mahñoa sehe ñ_ua y_uh_uarohca. “Ñ yacari” nic_u, tia dacho waro to masa copare m_u surarare cohta dutiga —niha tina Pilatore.

⁶⁵ Pilato ò sehe ni y_uhtiha:

—Jai. Y_u yaina surara cohtajaro. Ñ yoa m_usa c_uh_u m_usa bihoro puro tí copare noano cohtaga —niha tiro tinare.

⁶⁶ To ã nich_u tina waha, tí copap_u bihari tãca mehnep_uta ñ_uahach_up_uta wihtã ñ_uahaha masa ti sãach_u ñ_u masia taa. Ñ yoa tuhs_u, surarare tí copare cohta dutiha.

28

*Jesu masa wijaaha
(Mr 16.1-8; Lc 24.1-12; Jn 20.1-10)*

¹ Ñ yoa judio masa mari sori dacho sabado dacho sehe to y_uh_uduri baharo domingo jich_u ñ_uami curero jich_u María Magdalena, pacoro María mehne Jesu masa copare ñ_ua wahaha. ² Tí p_uare dóihta yahpa tuaro ñ_uhmi bahrañoha. To ã ñ_uhmich_u mari p_uhtoro to yairo anjo m_uanop_u jiriro duji ta, masa copare bihari tãcare t_u turẽroca, tia bui dujiha. ³ Tiro anjo

orocasitero yoaro sehe noano si siteriro, to suhti yaja pjoa yoaro sehe noano yehsea suhti jiha. ⁴ To ã bajuach_u tí copare cohtaina surara cui y_uhd_ua, tetere, bui warohna yaria y_uhd_ua wahaha. ⁵ ã yoa tuhs_u anjo sehe tí numiare õ sehe niha:

—Y_uh_ure cuiena tjiga. Crusap_u ti cã puhariro, Jesure m_usa macach_u masija y_uh_u. ⁶ Wiho mejeta tiro sehe mip_ure õre mariahna. To niriro seheta tiro masa wijaa wahare. To pjac_ure ti duhu payoriro cjirore ñ_una taga. ⁷ ã ñ_u tuhs_una to buheina cahap_u ño duaro waha, õ sehe ni yahuna wahaga: “Jesu masa wijaare. ã jiro m_usa pano Galileap_u tiro wahayurohca. Tórp_u tirore ñ_unahca m_usa”, ni yahuna wahaga m_usa. Ahri y_u nirire wac_uga m_usa —niha anjo tí numiare.

⁸ To ã niri baharo tí numia masa copap_u jia numia soaro mehne wijaa, tirore cuipahta wahche y_uhd_ua mehne Jesu buheinare yahua wahaa, m_urocaha. ⁹ ã wahaa numiare Jesu piti boca, õ sehe niha:

—¿Noano jimajari m_usa? —niha tiro.

To ã niri baharo, tina sehe tiro cahap_u s_u, to dahporire ñaha, tirore ño payoha.

¹⁰ —Cuiena tjiga m_usa. Y_u buheinare “Galileap_u wahaga”, ni yahuna wahaga. Tórp_u y_uh_ure ñ_unahca tina —niha Jesu tinare.

Masa copare cohtaina surara ti ñ_urire yahuha

¹¹ To ã niri baharo tí numia ti waharo watoi cãina masa copare cohtaina mehne macaina surara, Jerusalēp_u sacerdotea p_uhtoare yahu pah_uoa wahaha. Jesu to masa copap_u wijaarire yahu pah_uonocaha. ¹² Ti ã ni yahuch_u sacerdotea p_uhtoa, judio masa mari b_uc_una mehne cahmachuha. Cahmachu, s_uh_uduha. ã jia surarare mah_uo dutia pay_u niñerure wapaha.

¹³ —Õ sehe niga m_usa masare: “Ñami sã car_uno watoi to buheina sehe masa copap_u wihi, to pjac_ure nanocari jire”, ni yahuga masare. ¹⁴ M_usa ã ni yahuch_u Pilato sehe m_usa car_u y_uhd_uarire t_uhorocaboca. To ã t_uhoch_u, “M_usare tuhtiri”, nina m_usare yahubasanahca sã tirore —niha tina surarare.

¹⁵ Ti ã niri baharo surara sehe niñerure ñaha, tinare ti mah_uo dutiriro seheta

masare yahua wahaha tina. ã jia tó sehe Jesu to masa copare wijaarire yahurucura judio masa. Mip_u c_uh_ure ãta ni yahura tina.

Jesu buhe dutiro to c_urinare dutiha

(Mr 16.14-18; Lc 24.36-49; Jn 20.19-23)

¹⁶ ã yoa sã Jesu buheina once buheina t_uc_up_u Galileai jid_up_u Jesu to waha dutid_up_u wahai sã. ¹⁷ Tórp_u s_u, Jesure ñ_una, ño payoi tirore. ã ño payoina jipanahta, sã cãina “Ahriro Cohamac_u mac_uno jieraboca”, ni t_uhotumai. ¹⁸ Sã ã ño payoch_u tiro sehe sã cahap_u wihi, õ sehe nire:

—Ahri yahpap_ure, m_uano c_uh_ure Cohamac_u jipihtinare dutiriro waro jich_u yoare y_uh_ure. ¹⁹ To ã yoach_u õ sehe dutija m_usare: Jipihtiro macainare y_u yare buhena wahaga. Y_u yaina ti wahahto sehe buhena wahaga. ã yoana y_u P_uc_u to wama mehne, y_u wama mehne, Espíritu Santo to wama mehne tinare bautisaga. ²⁰ ã jina m_usare y_u dutirire ti yoa pah_uohti cjihtire buhega tinare m_usa. ã yoana ahrire y_u nihtire wac_uga: Jipihtia dachoripe ahri yahpa to jiro puro m_usa mehne ã jirucuihca. M_usa mehne y_u ã jirucuhtore wac_uga m_usa —ni yahure sãre Jesu.

San Marcos

*João masare bautisariro buhe d#caha
(Mt 3.1-12; Lc 3.1-9, 15-17; Jn 1.19-28)*

¹ Ahri tjui Jesucristo Cohamacu macuno to yoaare noaa buheare yahu d#caja.

² Cohamacu yare yahu mahtariro cjiro Isaia to joariro seheta ahri yahua jira. Ō sehe ni joaha tiro:

“Cohamacu to macunore ō sehe niha:
‘M# pano m#h#re yahuyuhtirore warocai
nija.

³ Ā jiro tiro masa marienopu waharohca. Tirore tuhoinare yahuro sañurucurohca:
“Mari puhtoro to tahto pano m#sa
ña# tuhotuare cohtota, cahno
mahtaga m#sa”, ni sañurucurohca’,
niha Cohamacu”,
ni joaa tiha Isaia cjiro João cjihtore.

⁴ João masare bautisariro masa marienopu masare buhea tiha:

–“S# noaina jija”, ni m#sa tuhutumari cjirore duhu, m#sa ñaa buhirire cahya, Cohamacu sehere cahmaga m#sa. Ā jina bautisarina jiga. M#sa ā yoachu ñ#no Cohamacu m#sa ñaa buhirire borohca –ni buhea tiha tiro.

⁵ Ā yoa jipihtina Judea yahpa macari macaina, Jerusalē macaina mehne tiro cahapu ti s#chu ñ#no João sehe Jordão wama tiri mapu bautisaha tinare. Tinare to bautisahto pano tina sehe ti ñaa yoaire yahu y#hd#ha Cohamacu.

⁶ Tiro João sehe camello pjoari suhtirore s#ariro wahiquiro cahsaroreta tu# dihoriro jiha. Poreroare, macaroca macaina miquina mi c#h#re ch#ha tiha. ⁷ Ā yoa ō sehe ni buhea tiha:

–Y# baharo y# y#hdoro tuariro tarohca. Noa y#hd#ariro jira tiro. Tiro yoaare sehe jieraja y#h# sehe. Ā jicu tirore tuhotucu, “Wiho jirore jija y#h#”, ni tuhoutuja y#h#.

⁸ M#sare bautisacu co mehne yoamahi. Tiro sehe y# y#hdoro yoaarohca. Espiritu Santore m#sa mehne jirucuch# yoaarohca –ni buhea tiha João.

*João Jesure bautisaha
(Mt 3.13-17; Lc 3.21-22)*

⁹ Ā yoa tí pjare Jesu Nazarepu Galilea yahpai jiri macapu jirore Jordão wama tiri mapu s#ha. Tópu to s#chu João bautisaha tirore. ¹⁰ To ā bautisa tuhs#chu Jesu diapu ducuriro s#r#cu s#ro m#ano to par# m#aa wahachu ñ#ha tiro. To par# m#achuta Espiritu Santo buja yoaare sehe Jesu bui duji pja s#ha.

¹¹ To ā duji pja s#chu m#anopu durucuro coa taha:

–M#h# y# macu y# cah#iro jira. M#h# mehne tuaro wahcheja –nino coa taha m#anopu.

*Satana ñaare yoa dutimaha Jesure
(Mt 4.1-11; Lc 4.1-13)*

¹² Tí pjare Jesure masa marienopu Espiritu Santo naaha. ¹³ Tópu#re s#ro cuarenta dachori waro jiha. Watino sehe Jesu to ñaare yoachu ñ# duaro, ñaare yoa dutimaha tirore. Tuhs#, Jesu wahiquina n#cu macaina mehne jiha. Tóto to jich# ñ#aa anjoa sehe tirore yoadohoa, ch#are waha.

*Jesu Galilea yahpai buhe d#caha
(Mt 4.12-17; Lc 4.14-15)*

¹⁴ Ā yoa João#re peresupu ti biha dapori baharo Jesu sehe Galilea yahpapu noaa buheare puhtoro Cohamacu to s#ho jiare yahuro wahaha. ¹⁵ Ō sehe ni yahuha:

–Mip#re ō sehe jira. Puhtoro Cohamacu m#sare to noano s#ho jihto mahanoc# d#hsara. Ā jina “S# noaina jija”, m#sa ni tuhutumari cjirore duhuga. M#sa ñaa buhirire cahya, Cohamacu sehere cahmaga. Ahri noa buheare “Quihōnota jira”, ni tuhoga m#sa –ni buhea tiha Jesu tinare.

*Jesu pitiarore wahi waj#inare “Y#h# mehne macaina cjihti taga”, niha
(Mt 4.18-22; Lc 5.1-11)*

¹⁶ Tíre yahu tuhs#, Galilea wama tiri buc#pariro d#ht# cahapu sito wahc#mahno ñ#ha Simore, to baharo Andre mehne. Tina wahi waj#ina jiha. Ā jia ti wañ#yuc#re buc#pariropu doca ñoa niha.

¹⁷ Ā yoa Jesu tinare ō sehe niha:

–Y#h# mehne macaina cjihti taga m#sa. Y#h# mehne m#sa tach# m#sa wahire ñaha cahmachuina m#sa jiro seheta, Cohamacu yaina cjihtire masare pji cahmachuina cjihtire m#sare wahachu yoahtja. Y#h#

mehne masa tachu ã yoahina cjihtire cūihtja masare —niha Jesu tinare.

¹⁸ To ã nichu tuhōa ti wañuyucurire cūnocaa, tiro mehne wahaa wahaha.

¹⁹ ã yoa tina mahanocã yuhdu wahcã, Santiagore, to bahuro João mehne boca suha tjoa. Tina sehe Zebedeo pohna jiha. Ti yaria dohoriapu wañuyucurire cahnoa niha. ²⁰ ã yoa tiro to pjirocachu tina sehe ti pucurore, tiro mehne dahra cohtaina mehne dohoriapu cūnocaa, Jesu mehne wahaa wahaha.

Watia ti cohtotariro Jesure piti bocaha (Lc 4.31-37)

²¹ ã yoa tina Capernau wama tiri macapu suha. Tópu sūro Sabado jichu judio masa sã buheri wuhupu buhero sãaha tiro. ²² Sã judio masare buheina yoaro sehe jieraha tiro. Noano masi pahñoriro ji, noano waro buheha. To ã buhechu tí maca macaina tuhō cūaa wahaha. ²³ Tí pjare cūiro tí wuhui jiriro watia ti cohtotariro jiha. Tóji jiro ò sehe niha Jesure:

²⁴ —Muhu Jesu Nazare macariro cariboi tjiga sãre. ¿Dohse yoai tai nijari sãre? ¿Muhu sãre butichu yoai tai nijari? Cohamacu macuno buhiri tia marieriro mu jichu masija yahu —ni sañurucuha tiro Jesure.

²⁵ To ã nichu tuhoro Jesu tuhtiha watiare: —Dihta mariaha. Wijaaha tirore — niha Jesu.

²⁶ ã jia watia tirore yahrapu doca caha su tunuchu yoa, to tuaro sañurucuro watoihita wijaaha tirore. ²⁷ ã jia jipihtina tí wuhui dujiina ñu cūaa yuhdu wahaha.

—Cue, ¿wahma buhea jijari ahri? Tiro puhtoro yoaro seheta dutira watiare. To dutichu tina watia sehe yuhducaerara tirore —ni durucuha tí wuhui dujiina ti basi.

²⁸ ã jia mahaa dachoricã baharoihta dóihita jipihtina Galilea yahpa macaina tíre to yoirire tuhō sahsea wahaha.

Jesu Simo Pedro marechonore noaricoro wahachu yoaha (Mt 8.14-15; Lc 4.38-39)

²⁹ ã yoa Jesu cūhu judio masa mari buheri wuhupu jiina wijaaha. Ti ã wijaari baharo Jesu, Santiago, João, paina tina

mehne macaina cūhure Simo to bahuro Andre mehne ti ya wuhupu suho sãa suha.

³⁰ Tí pjare Simo marechono juaro mehne to dohatichu cama bui to coāchu yahuha Jesure. ³¹ Ti ã yahuchu tuhoro tiro sehe ticoro cahapu sūro, to wamomacare ñaha, ticorore waja wahcō dapoha. To ã waja wahcō dapochata ticorore juaro surua wahaha. To ã sururi baharo ticorota tinare chūare payoha.

Jesu payu dohatiinare noaina wahachu yoaha

(Mt 8.16-17; Lc 4.40-41)

³² ã yoa sū sãari baharo nahi borachupu masa payu dohatiinare, watia ti cohtotarinare Jesu cahapu na suha. ³³ ã jia jipihtina tí maca macaina cahmachurucu suha tí wuhu sopacai. ³⁴ ã jiro Jesu payu dohatiinare, payu soro jia dohatia cūainare noaina wahachu yoaha. Watia cūhure, masare sãamarinare payu cohã wioha. ã jiro watia Jesure ti masichu ñuno Jesu sehe tinare durucu dutieraha.

Jesu buhe tinino wahaha

(Lc 4.42-44)

³⁵ ã yoa ñami curerocã wahcã, nahitia curechata masa marienopu Cohamacure sinino wahaha Jesu. ³⁶ To ã wahari baharo Simo cūhu tirore macaa wahaha. ³⁷ Tina tirore boca su, ò sehe niha:

—Masa jipihtina mūhure macaa nihre — niha tina.

³⁸ Ti ã nichu tuhoro ò sehe niha Jesu tinare:

—Tinare buhe tuhsuhi. Pa sehupu ò cahacã macaa macaripu wahajihna mari. Ahri yahpa macainare yahu site pahñoi tahi. ã jicu yuhu paye macari macaina cūhure buheihitja —niha Jesu.

³⁹ ã ni tuhsu, jipihtia Galileai jia macaripu judio masa mari buhea wuhusepu buhero, watiare masare sãamarinare cohã wioha.

Jesu cami barirore noariro wahachu yoaha

(Mt 8.1-4; Lc 5.12-16)

⁴⁰ ã yoa paio dohatiriro cami bariro Jesure piti bocaro, na tuhcuca caha su ò sehe ni siniha:

—Muhu yuhure noariro wahachu yoa duacu yoaga —niha cami bariro.

⁴¹ To ã nichu tãhoro Jesu tirore pja ñaha. Ñã jiro to wamomacare siõroca, tirore ñã payoha. Ñã ñã payoro õ sehe niha:

—Tíre yoa duaja. Noariro jiga muhu —ni yahuha Jesu.

⁴² To ã nichuta dohatiriro to cami bari cjiro yati muua wahaha. Noariro wahaha tiro. ⁴³ To ã wahachu ñãno Jesu tirore tuaro mehne õ sehe ni yahuha:

⁴⁴ —Painare ahrire yahuecu tjiga. Ñã yahuerapaihta mu pjacure sacerdotere ñoga. Cohamacu dutia Moise cjirore to cãriro seheta yoaga. Ñã yoacu minichahcare waga sacerdotere noariro mu waharire mu ñohti cjihtire —niha Jesu. Ñã ni tuhsu “Wahaga”, niha tirore.

⁴⁵ To ã yahu dutierapachuta tiro waha, jipihtia macari macainare Jesu to yoirere yahuha. To ã yahuri baharo Jesu masa payu ti jiropure waha masieraha. Ñã jiro tiro mahainacã ti jiropu jiha. Tõpu to jichu payu macari macaina tiro cahapu suha.

2

Jesu pjacu bũharirore ducuchu yoaha (Mt 9.1-8; Lc 5.17-26)

¹ Mahaa dachori baharo Jesu Capernaupũ tjuaa wahaha. Wuhũ to jichu masa tãhoha. ² Ñã jia tõi masa payu cahmachu tí wuhure wahpata wijaa surucaha. Ñã jiro Jesu tinare noaa buheare yahuha. ³ To ã yahuro wato, pititiaro muua jipihtiri pjacu bũharirore na wihiha. ⁴ Ti masa payu jichu ñã Jesu cahapu sãa masieraha. Ñã jia tina wuhũ buipũ Jesu bui waroi mahanocã muji pahmare nawe, pjacu bũharirore to coãri cahsaro mehne duhu boroha Jesu cahai. “Jesu ahrirore to dohatiare yuhduchu yoarohca”, ni tãhotuha tina. ⁵ Ti ã ni tãhotuchũ masino Jesu sehe dohatirirore õ sehe ni yahuha:

—Macu, mu ñaa yoari buhiri tiare cohã tuhsuja —niha Jesu pjacu bũharirore.

⁶ To ã nichu tãhoa sã coyera judio masare buheina tõpũre dujiina ti basi õ sehe ni tãhotumaha: ⁷ “Ahriro ã ni durucuero tji-jaro. Cohamacure ñãno durucuro nina tiro.

Tiro masũno mari yoaro seheta jiriro jira tiro cãhu. Ñã jiro to ñaa yoari buhiri tiare cohã masierara. Cohamacu dihta masa ti ñaa yoari buhiri tiare cohã masina”, ni tãhotumaha tina. ⁸ Ti ã ni tãhotuchũ ñãno Jesu ti tãhotuare masino õ sehe niha:

—¿Dohse yoana musa ã ni tãhotujari?

⁹ “Mu ñaa yoari buhiri tiare cohã tuhsuja”, yu nichu “Mahñoriro jira”, yuhure nina musa masierapanaha. “Wahcãrucu, wahaga”, yu nichu to tinichu ñãna yu niri potocã jia jichu dóihta masinahca musa. ¹⁰ Yuhũ masũno Cohamacu warocariro ahri yahpũre masa ti ñaa yoari buhiri tiare cohã masija yuhũ. Ahrire musa masihto sehe õ seheta to wahachu yoaihtja —niha Jesu judio masare buheinare.

Tinare ã ninota pjacu bũharirore õ sehe niha:

¹¹ —Muhure niita nija. Wahcãrucaga. Mu coãri cahsarore na wahcãga mu ya wuhũpu —niha Jesu tirore.

¹² To ã nichuta pjacu bũharirore cjiro wahcãrucu su to coãri cahsarore na, jipihtina ti ñãrocaroi wijaa wahaha. To ã yoachu ñãa tina jipihtina ñũ cuu wahaha. “Cohamacu tuariro jira” ni, “Ne, mari õ sehe yoare ñãera tihĩ”, niha tina ti basi.

Jesu Levíre Mateo ti ni pisurirore “Yuhũ mehne macariro cjihto taga”, niha (Mt 9.9-13; Lc 5.27-32)

¹³ Ñã yoa pari turi Jesu bũcupariro duhtu cahapu wahaha tjoa. Tõpu sũro masa payu tiro cahai ti cahmachuchũ ñãno tiro buheha tinare. ¹⁴ Ñã yoa tuhsu tõpu jiriro wahamahno Levíre Alfeo macũnore to dahrari tahtiapũ boca suha. Paina mehne pũtoya ya cjihtire wapa na cohtaina jiha Leví cãhu. Tirore boca sũro õ sehe niha:

—Yuhũ mehne macariro cjihto taga muhu —niha Jesu Levíre.

To ã nichuta Leví sehe wahcã suruca, Jesu mehne wahaa wahaha.

¹⁵ Ñã yoa baharo Jesu sehe to buheina mehne Leví ya wuhũpu chũro niha. Jesu mehne wahaina sehe payu jiha. Cãina pũtoya ya cjihtire wapa na cohtaina, ã jichu paina masa “Ñãa dihtare yoara”, ti nina mehne payu mesa cahai duji, tina cãhu tiro mehne cãnoi sũho chũa niha. ¹⁶ Tõpu ti

dujiri baharo paina sã coyera judio masare buheina, fariseo masa ya curua macaina mehne Jesu to chũ dujichũ ñũha tina. Ñũha õ sehe ni sinituha:

—¿Dohsearo ñano yoaina, pũhtoa ya cjihtire wapa na cohtaina mehne chũjari Jesu? —ni sinituha judio masare buheina Jesu buheinare.

¹⁷ Ti ã nichũ tũhoro piti dahre buhea mehne õ sehe ni yũhtiha Jesu:

—Dohatieraina duhturure macaerara. Dohatiina dihta duhturure macana. Ñano yoaina dohatiina yoaro sehe jira. Ñ jicũ ñano yoainare yahui tai nihi yũhũ. Ti basi “Noaina jija sã”, ni tũhotuinare yahui tai nierahi yũhũ —niha tiro tinare.

*Chũ duhuare Jesure sinituha paina
(Mt 9.14-17; Lc 5.33-39)*

¹⁸ Tĩ pjare João buheina, fariseo curua macaina cũhũ Cohamacũre ño payoa taa, chũera tiha. Ñ jia masa Jesure õ sehe ni sinituha:

—João buheina, fariseo buheina cũhũ Cohamacũre ño payoa taa chũerara. ¿Dohse yoa mũ buheina sehe chũ duhuerajari? —niha tina Jesure.

¹⁹ Jesu to tũhotua mehne quitu dahre buhero tinare õ sehe ni yũhtiha:

—Õ sehe jira tí: Wamomaca dũhteriro bose nũmũ to jichũ tiro mehne macaina cahyaro mehne jierara. Tuhsũ, chũeraina jierara. Tó seheta yũ buheina cũhũ yũhũ mehne jia, chũ duhu masierara. ²⁰ Yũ Pũcũ Cohamacũ yũhũre to naari baharo pinihtare yũ buheina mehne jisi yũhũ. Ñ jia tí pjarũta yũ buheina cũhũ chũ duhuahca —niha Jesu.

²¹ Panopũ macaa buhea wahma buhea mehne ti buhe more duachũ ñũno õ sehe ni namoha Jesu tinare piti dahre buhero:

—Ne, wahma cahsaro suhtiro cahsaro mehne mũnano suhtirore sere õno cahmaerara. Mari ã yoachũ wahma cahsaro mari cosari baharo mũnano suhtirore waja cahmachu, pjibiario tũhnũchũ yoara.

²² Ñ yoa ne se co bisia core wahiquiro cahsaro wajuru mehne mũna wajuru mehne posaeraro cahmana. Mari ã yoachũ se co bisia pahmoapũ mũna wajurure tũhrẽnocahna. To tũhnũchũ se co cũhũ,

wajuru cũhũ cohõa wahara. Ñ yoa se co wahma core wahma wajurupũ posaro cahmana. Mari ã yoachũ se co cohõera, wajuru cũhũ cohõerara. (Tó seheta wahma buhea mũna buhea mehne buhe moreraro cahmana) —ni buheha Jesu tinare.

Sabado jichũ Jesu buheina trigo parorire pahaha

(Mt 12.1-8; Lc 6.1-5)

²³ Pa dacho Sabado jichũ Jesu cũhũ trigo wesepũ wahaha. To buheina sehe trigo parorire paha yũhdũ wahcãha. ²⁴ Ti ã yoachũ ñũha õ sehe ni tuhtiha fariseo curua macaina Jesure:

—Tũhosiniga sãre. ¿Dohse yoa tina Sabado mari sori nũmũ to jipachũta dahrajari? Marine dutiare yũhdũrũcaa nina —niha tina Jesure.

²⁵⁻²⁶ Ti ã nichũ tũhoro Jesu tinare yũhtiha. “Yũ buheina yũhdũrũcaa nierara”, nino taro õ sehe niha:

—Davi cjiro tiro mehne macaina mehne jũca baaro, Cohamacũ wũhũpũ sãa, Cohamacũ ya pãore chũha. Ñ chũro tiro mehne macaina cũhũre tí pãore waha. Tĩ pãore sacerdotia dihtare chũ dutira. Cohamacũ dutia ti joari tjuĩ painare tí pãore chũ dutierara. Tĩ pjare Abiata wama tiriro sacerdotia pũhtoro jia. ¿Davi cũhũ tíre ti yoari cjiire Cohamacũ yare ti joari tjuĩ buherari mũsa? (Tĩ pãore chũro Cohamacũre yũhdũrũcaro nieraha. Michare ahri yaparire chũ yũ buheina cũhũ Cohamacũre yũhdũrũcaa nierara) —niha Jesu tinare.

²⁷ Ñ ni tuhsũ õ sehe ni namoha:

—Ñ yoa Cohamacũ Sabado dachore ti sori nũmũ cũno masa ya dacho cjihto cũno nire dahra wahyarinare so dutiro. Tĩ dachore ño payohtina cjihtire cũno nierare masare Cohamacũ. ²⁸ Ñ jicũ yũhũ masũno Cohamacũ warocariro ahri dacho Sabado dachore masa ti yoahire yahurirota jicũ pũhtorota jija —niha Jesu tinare.

3

*Wamomaca bũhariro quitu jira
(Mt 12.9-14; Lc 6.6-11)*

¹ Ñ yoa Jesu sã judio masa buheri wãhũpũ sũro sãaha tjoa. Tí wãhũi cãiro wamomaca bũhariro dujiha. ² Sabado jichũ Jesu wamomaca bũharirore to noariro yoachũ ñũ duaha cãina tí wãhũi dujiina. To ã yoachũ ñũa tirore yahusã duamaha. “Mari sori nãmũi Jesu dahraro nina”, ni yahusã duamaha tina. Ñ jia Jesu to sãa tachũ ñũa, tirore yahusã duaina sehe tiro dihtare ñũroca õha. ³ Tirore ti ã ñũroca õpachũta Jesu sehe wamomaca bũharirore õ sehe niha:

—Wahcã sũrũcaga jipihtina ti ñũrocaroi —niha.

⁴ Ñ ni tuhsũ tí wãhũi dujiinare õ sehe ni yahuha:

—¿Sabado jichũ noaare yoachũ noaerajari? ¿O ñaare yoachũ sehere noajari, mũsa tũhotuchũ? Sabado jichũ masũnore masochũ noa nina. Masũnore wajãchũ sehere noaerara —ni yahuha Jesu tinare.

To ã nipachũta tina yũhtieraha. ⁵ Ti ã yũhtierachũ ñũno Jesu tina mehne suaha. Ti tũho duaerachũ ñũno Jesu cahyaha.

—Mũ wamomacare siõrocaga —niha tiro wamomaca bũharirore.

To ã nichũ tũhoro tiro to wamomacare siõrocaha. To ã yoachũta noari wamomaca wahaha. ⁶ To ã noari wamomaca wahachũ ñũa, fariseo curua macaina wijaa wahaha. Wijaa, Herode mehne macaina mehne cahmachu, “¿Dohse yoa Jesure wajãnahcari mari?” niha tina ti basi.

Masa payũ bũcũpariro dũhtũ cahapũ jiha

⁷⁻⁸ Ñ yoa pari turi Jesu to buheina mehne bũcũpariro cahapũ wahaha tjoa. Ti ã wahachũ ñũa Galilea macaina masa payũ to baharo sũha. Ñ jia Judea yahpa macaina, Jerusalẽ macaina, Idumea yahpa macaina, Jordão wama tiri ma sie coa macaina, Tiro wama tiri maca macaina, tó cahai jiina, Sidõ wama tiri maca macaina, tó cahai jiina mehne masa payũ jipihtina to yoarire tũhoa, tiro cahapũ sũha. ⁹⁻¹⁰ Tópũ sua, payũ masa jiha. Payũ dohatiinare noaina to yoachũ tũhoa, paina dohatiina cãhũ Jesure piha dua, tju bihsarũcũ sũha. Ti ã tju bihsarũcũ sũchũ ñũno, Jesu bũsocare cahnopohobasa dutiha to buheinare. ¹¹ Ñ yoa paina

watĩa ti cohtotarina sehe Jesure ñũa tiro cahai na tuhcuca caha sũha.

—Mũhũ Cohamacũ macũno jira —ni sañurucuha tina tirore.

¹² Ti ã sañurucuchũ tũhoro tinare Cohamacũ macũno to jiare tuaro mehne ni dutieraha Jesu.

Jesu to buheinare doce to warocahtinare bese dapoha

(Mt 10.1-4; Lc 6.12-16)

¹³ Ñ yoa Jesu tũcũpũ mũja, to cahmainare pjirocaha. To pjirocachũ tũhoa, tiro cahapũ mũja sũha tina. ¹⁴ Ti mũja sũri baharo doce mũare tiro mehne macaina cjihtire, paye macaripũre to yare buhe duti to warocahtinare, bese dapoha Jesu.

¹⁵ Ñ yoaro dohatiinare ti yũdohiti cjihtire, watĩare ti cohã wiohti cjihti cãhũre cũha tinare. ¹⁶⁻¹⁹ Ahrinare doce mũare Jesu bese dapoha: Simo, Santiago Zebedeo macũno, João to bahũro, Andre, Felipe, Bartolomé, Mateo, Toma, Santiago Alfeo macũno, Tadeo, Simo cananista ya curua macariro cjiro, Juda Iscariote, tina jiha to bese daporina. Jesu Simore Pedro ni wama pisuha. Santiagore, João mehne Boanerges ni wama pisuha. Boanerges “Wũpo yoaro sehe jiina tuaro bisiina jira”, nino nina. Juda Iscariote Jesure ñũ tuhtiinare ñohtiro jiha. Tinare bese dapo tuhsũ, dujiaa, Jesu to buheina mehne wãhũpũ sãa wahaha.

“Jesu watĩno tuaare cjũara”, ni yahusãha masa

(Mt 12.22-32; Lc 11.14-23; 12.10)

²⁰ Ñ yoa tói pari turi masa payũ cahmachua bihsa niha. Ti ã bihsachũ ñũno Jesu chũ masieraha. Tuhsũ, to buheina cãhũ chũ masieraha. ²¹ Ñ jia paina Jesu coyea tíre tũhoa, tiro cahapũ sua, tirore ñahamaha.

—Tiro tũho masierariro waharo nina —nimaha tina.

²² Paina õ sehe niha:

—Beelzebú tirore ã wahachũ yoaro nica. Tiro watĩare cohãno Beelzebú watĩa pũhtoro to tuua mehne tinare cohãna —niha Jerusalẽpũ tarina sã judio masare buheina.

²³ Ti ã nichũ tũhoro Jesu sehe tinare pjiroca, to tũhotua quitu mehne piti dahre yahuha tinare:

24 – Watĩno ya tuaa mehne watĩare cohãi nieraja. Watĩa ti basi cohã masierara. Cũ yahpa macaina ti basi cahma wajãa, tí yahpa macaina yaria pihtia wahaboa. 25 Cũ wuhũ macaina ti basi cahmachea tí wuhũ macaina waha pihtia wahaboa. 26 Tuhsũ, Satana watĩa puhtoro sehe watĩare cohãno ti basita cahmachea niboa. Å jia tina waha pihtia wahaboa.

27 Õ sehetã jira mari piti dahre buhechũ. Tuariro ya wuhũpu pairo sãa sũ yaca masierara. Tuarirore dũhteraro to ya wuhũpu sãa sũ yaca masierara. Tuarirore to dũhteri baharo sãa sũ yaca masina –ni yahuha Jesu. (Õ sehe ni yahuha watĩnore to yũhdũrucarire yahuro. Watĩno tuariro to jipachũta Jesu tirore yũhdũrucara watĩare cohãno.)

28 Å ni tuhsũ õ sehe ni yahu namoha Jesu: –Potocã niita nija mũsare. Jipihtia ñaare masa ti yoachũ ti durucuchũ cũhũre Cohamacũ bo masina. 29 Å boparota Espĩritu Santore ti ñano durucuchũ tí pinine ne bosĩ. Ti ã niri buhiri ã buhiri tirucuina jiahca –niha Jesu tinare.

30 Jesu Espĩritu Santo to tuaa mehne watĩare to cohãpachũta “Tiro watĩno to tuaa mehne watĩare cohãno nina”, nimaha masa. Ti ã nichũ tũhoro tí quitire Espĩritu Santo quitire yahuha Jesu tinare.

Jesu coyea tirore pjiha
(Mt 12.46-50; Lc 8.19-21)

31 Å yoa Jesu bahana to pocoro mehne wihia. Å wihia sopacapũ jia, painare pji dutiha tirore. 32 Å jia masa tiro cahapũ dujiina yahuha tirore:

–Mũ poco, mũ bahana mehne sopacapũ pjiã nina mũhũre –niha tina.

33 Ti ã nichũ tũhoro õ sehe niha Jesu tinare buhero taro:

–¿Noa jĩjari yũ poco, yũ bahana cũhũ, mũsa ñũchũ? –niha tiro tinare buhero taro.

34 Å nino to cahai dujiinare ñũno õ sehe niha:

–Ahrina jira yũ poco yũ bahana yoaro sehe jiina. Cohamacũ cahmaare yoara ahrina. 35 Tó sehetã yoaina yũ bahũ, yũ baho, yũ poco yoaro sehetã jira –ni buheha Jesu tinare.

4

Jesu wesere toari masũno quitire buheha
(Mt 13.1-9; Lc 8.4-8)

1 Å yoa pari turi bucupariro dũhtũ cahapũ Jesu masare buhe dũcaha tjoa. Å tópre buhe dũcaro masa payũ tiro cahapũ ti cahmachuchũ ñũno Jesu sehe dohoriapũ samu wijaa, pahsaha. Å jia masa sehe bucupariro dũhtũ cahai ducuha. 2 Å jiro Jesu payũ to tũhotua mehne quiti dahre yahuha tinare buhero taro:

3 –Ahri quitire tũhoga mũsa –niha tiro tinare.

–Toari masũno toaro, to toaa yaparire doca site cũno wahara. 4 To ã doca site cũ wahcãchũ paye yapari mahai bora caha sũha. Å bora caha sũare tí yaparire minichahca duji ta, chũnocaha. 5 Å yoa paye yapari sehe tãa wapa bui dihta se mininocã bui bora caha sũha. Tãa wapa buicã dihta mariea cureroi bora caha sũ, dói dumaha. 6 Å dói duri jipahta, nũhcori mariaa, sũ to tuaro sichũ, ñaia wahaha. 7 Paye yapari sehe tja watoi bora caha sũha. Tja sehe dia yũhdũa waha, toaa sehere wajãnocaha. Å jia tja watoi jiare dicha mariachũ yoaha. 8 Paye yapari sehe noari yahpai bora caha sũha. Noano du, noano dicha tiha. Paye yucũ treinta yapari, paye yucũ sesenta yapari, paye yucũ cien yapari dicha tiha. 9 Ahrire tũho duaina noano tũhoga mũsa –niha Jesu.

Jesu quiti mehne to buherire yahuha
(Mt 13.10-17; Lc 8.9-10)

10 Å yoa ti sahsero jia doce to buheina, paina Jesu mehne jiina cũhũ tí quitire masi duaa, Jesure sinitu ñũha. 11 Ti ã sinitu ñũri baharo Jesu õ sehe ni yahuha:

–Cohamacũ masa bui puhtoro masare to noano sũho jiare, panopũ paina ti masierari cjirire mũsare masichũ yoara Cohamacũ. Paina sehere ã yoerara tiro. Å jicũ tinare quiti mehne dihta buheihtja. 12 Å jia tina ñũpahta ñũeraina cjiri yoaro sehe tjuara. Å jia tũhopahta tũho ñaha masisi. Tina tũho ñahaina jia, ti ñaa yoarire cahya, Cohamacũre macaboa. Ti ã macachũ ñũno, tiro sehe ti ñaa yoari

buhirire bonocaboa. ã jipachata tina sehe ne tũho duaerara –niha Jesu.

Jesu wesere toari masũno quitire yahu pahũoha

(Mt 13.18-23; Lc 8.11-15)

¹³ To ã niri baharo õ sehe ni yahu namoha tinare:

–¿Ahri quitire tũhoerasinijari mũsa? ¿Mũsa ahri quitire tũhoerana, dohse paye quitire tũhonahcari mũsa? –niha Jesu tinare.

ã ni tuhsũ tiro õ sehe ni yahu tinare:

¹⁴ –Toari masũno toaro, to doca site cũa yapari noaa buhea yoaro sehe jira.

¹⁵ ã yoa mahai bora yapari noaa buhea yoaro sehe jira. Cãina noaa buheare ti tũhochũ ñũno Satana sehe ta, tí buhea noaa buheare ti tũho ñahamarire bochũ yoara tinare, minichahca tí yaparire ti chũro se-heta yoaro. ¹⁶ ã yoa tãa wapa bui dihta se mininocã bui bora yapari noaa buhea yoaro sehe jira. ã jia paina noaa buheare tũho, wahchea mehne dóihta tíre tũho nũnũ wahcãna. ¹⁷ ã tũho nũnũ wahcãpahta tãa wapa buicã jia yucũ nũhcori mariea yucũ yoaro sehe ahri na masa cãhũ yoari pja cãno pjaerara. ã cãno pjaeraa, yũ yare ti cahmari buhiri paina tinare ti ñano yoachũ, ñano yũhdũa, yũ yare duhunocahna. Paina tinare ti ñano yoachũ tíre cãno pjaeraa, yũ yare duhunocahna. ¹⁸ ã yoa tja watoi bora yapari noaa buhea yoaro sehe jira. ¹⁹ ã jia paina sehe noaa buheare tũhoa, ahri yahpa macaare wacũ nũnũ yũhdũara. Niñerure bũjũa cahma, paye baro cãhũre payũ cahma, tíre goa pja yũhdũara tina. Ti ã tũhtotuchũ tí sehe noaa buheare dũcatara. Ti ã dũcatachũ masa noaa sehene yoerara. Dicha maria yucũ yoaro seheta jira. ²⁰ ã yoa noari yahpai bora yapari noaa buhea yoaro sehe jira. ã jia paina sehe noaa buheare tũhoa tíre cahmana. Tíre masiina jia, Cohamacũ to cahmano seheta noaare yoara tina. Cãina mahnocã noaare yoara treinta yapari dicha tiro seheta. Paina bui curero noaare yoara sesenta yapari dicha tiro seheta. Paina pjĩro noaare yoara cien yapari dicha tiro seheta –ni yahuha Jesu tinare.

Jesu sihãria quitire buheha
(Lc 8.16-18)

²¹ ã ni tuhsũ õ sehe ni yahu namoha Jesu:

–Ne, sihãriare ti sihãri baharo tiare dihi biato docapũ cũerara. ã jia tiare coãri casario docapũ cũerara. Mũanopũ duhu payora noano buhria dutia. ²² Jipihti ti masierari cjirire baharo masa masiahca. Sihãria to buhriachũ mari ñũ masino se-heta panopũre ti masierari cjirire masiahca masa. ²³ Ahri noano tũhoga mũsa. ²⁴ Mahanocã masi duana mahnocã masinahca. Pjĩro masi duana pjĩro masinahca. ã jia mũsa tũhona noano tũho nũnũga. ²⁵ Noano tũho nũnũriro noano masinohca. Tũho nũnũerariro “Mahanocã tũhoja”, to nipachata tí sehe butia waharohca –niha Jesu tinare.

Jesu trigore toariro quitire buheha

²⁶ ã ni tuhsũ õ sehe ni yahu namoha:

–Cohamacũ masa bui pũhoro to sũho jia trigore toariro yoaro sehe jira. ²⁷ Toa tuhsũ bohrearo to toari duare ñũna tiro. “¿Dohse du wijaa ta bũcũajari tí?” ni ñũ masierara toariro to basi. ²⁸ Tí toari ti basi dicha tira. Pari pũca ji mũhtana. Baharo pari paro wijaa bũcũara. ²⁹ Tí parori bũcũa tuhsũchũ ñũno pahara. Pahari pja jira. (To toaa ti bũcũarire to masieraro seheta Cohamacũ yaina masa ti wahachũ cãhũre yahu pahũo masierara masa) –ni buheha Jesu.

Mostaza yapa quitire yahuha Jesu
(Mt 13.31-32; Lc 13.18-19)

³⁰ ã ni tuhsũ õ sehe ni buhe namoha Jesu piti dahre buhero:

–¿Ne Cohamacũ masa bui pũhoro to sũho jia yaba baro yoaro sehe jĩjari, mũsa tũhotuchũ? ¿Di quitire mehne tíre yahunahcari? ³¹ Mostaza yapacã yoaro sehe jira pũhoro Cohamacũ to sũho jia. Tí yapacã to toachũ mahabiari yapacã jira. ³² ã jiparota tí yapacã noano dura. ã jiro pjibiadũ wahara. ã jia tũ dũpũri bũjũa dũpũri bũcũachũ ñũna minichahca peri tũ dũpũripũ suhti suhara. (Pjibiadũ to wahariro seheta mũano macarirore mari pũhoro masiina mahainacã ti ji mũhtapachata baharopũ tina payũ wahaahca) –niha Jesu.

*Quiti mehne to buherire yahuha Jesu
(Mt 13.34-35)*

³³ Æ ni tuhsu, tí quiti ti niriro seheta payu quitire tuho ti cūno pjaro puro noaa buheare buheha tinare. ³⁴ Quiti marieno yahueraha tinare. Tuhsu, ti sahsero jiinare Jesu noano yahu pahñoha to buheinare.

*Jesu wihnonore yusu dutiha
(Mt 8.23-27; Lc 8.22-25)*

³⁵ Æ yoa tí dachoreta nahi borachupu Jesu to buheinare ò sehe niha:

—Basa, sie coapu pahñjihna —niha tinare.

³⁶ To ã nichu tuhoa Jesu to jiriapu dohoriapu samu, masare yahpapu ducuinare tóihata cū, to buheina dihta Jesure na pahña wahaha. Æ yoa paye buso mehne paina cūhu tinare piti ti pahña wahaha. ³⁷ Ti ã pahāchu wihnono tuaro taha. Æ taro dohoriare pahcōri tuaro cjã sãaha. Mahanocã dñhsamaha ti miniboro. ³⁸ To ã waharo watoi Jesu sehe dohoria oturopu suhti puti mehne to dapu ño tu tjiāhno carño niha. Æ jia tina tirore wahcōha.

—Buheriro, mari mini yariana tana nija. ¿Æ jica niera putiajari mñhu? —niha tina tirore.

³⁹ Ti ã nichuta Jesu sehe wahcã, wihnonore:

—Tó purota wã duhuga —niha. Æ ninota pahcōri cūhare:

—Yusua wahaga —niha bucuparirore.

To ã nichuta wihnono yuhduu wahaha. Æ jia pahcōri cūhu yusu boraa wahaha.

⁴⁰ —¿Dohse ni cuimacanocana nijari musa? ¿Musa yuhure wacū tuaerasinijari? —niha Jesu.

⁴¹ To ã yoachu ñua tina cūa yuhduu wahaha.

—Cue, ¿dohse jiri baro masuno jijari ahriro? Ahri wihnono, pahcōri cūhu to dutichu yuhduu caerara tirore —niha tina ti basi.

5

Watia ti cohtotarirore noariro wahachu yoaha Jesu

(Mt 8.28-34; Lc 8.26-39)

¹⁻² Æ yoa tina sie coapu Gerasa macaina ya yahpapu pahã suha. Pahã su, Jesu sehe dohoriapu sãariro maja sñucaha. To ã maja

sñucari baharocãta, watia ti cohtotariro tãa copari, masa copari watoi jiriro wija ta, tiro cahapu taha. ³ Tiro watia ti cohtotariro masa copari watoi jiriro jia tiha. Tirore ne cūiro coma da pjiri da mehne ñaha duhte cūno bihoeraha. ⁴ Payu tahari masa tirore dahpori wupōa sorori mehne comaa dari mehne duhte timaha. To wamomacari cūhare duhte timaha. Wiho mejeta tiro sehe comaa darire nuha, dahpori wupōa sorori cūhare nuha site mujaha. Æ jia tiro tuariro to jichu ñua masa sehe tirore cjuaa bihoeraa tiha. ⁵ Ñamine, dachore tū yucuripu jia copari tãa copari watoi ã sañurucua tiha tiro. Æ yoa tãa mehne to basi to pjacure cjāye mujaa tiha tiro. ⁶ Æ yoa Jesu to maja sñucachu yoaropu Jesure ñuroca, tiro cahapu muroca ta, na tuhcuca caha suha, tirore ño payoro taro.

⁷⁻⁸ —Watia wijaahga tirore —niha Jesu.

To ã nichu tuhoru watia ti cohtotariro ò sehe ni sañurucua:

—Jesu, Cohamacu Jipihtina Bui Jiriromacuno, ¿yabare yoai tai nijari mñhu yuhure? Cohamacu to ñurocaroi sinija yuhu mñhare. Yuhure ñano yoai tjiga —ni sañurucua watia ti cohtotariro Jesure.

⁹ —¿Yabariro wama tijari mñhu? —niha Jesu tirore.

—Sã payu jija. Æ jina “Payu watia”, wama tija. ¹⁰ Ahri dihtapu jiinare sãre pa yahpapu waha dutiecu tjiga —ni payu tahari siniha watia ti cohtotariro.

¹¹ Tí pjare ti cahacãi tãcu dahpotoi yesea nuina payu chu niha. ¹² Tóti ti churucuchu ñua ò sehe ni siniha watia:

—Sina yesea cahapu warocaga sãre ti pjacuripu sã sãahto sehe —ni siniha watia tirore.

¹³ Ti ã nichu tuhoru “Jai. Wahaga”, niha Jesu. To ã dutichu, watia masunopu jirina cjiri sehe wijaa, yesea pjacuripu sãaha. Tina yesea sehe payu waro jiha, dos mil. Æ yoa tinare ti sãari baharo, yesea jipihtina bucupariro duhtu cahapu pari cunapu muroca buha, tí taropu bora ñoja, mini yaria pihtia wahaha.

¹⁴ Ti ã mini yariachu ñua yeseare ñu wihboina sehe muroca wahcã, pjiri macapu cūhare, daa macaricãpu cūhare tíre yahu sitea wahaha. Ti ã yahuchu tuhoa, masa

sehe payu ti ã waharire ñua wahaha. ¹⁵ Ñ jia Jesu cahapu wihia, payu watia ti cohtotariro cjiro to suhti tiriro, tuho masiriro to dujichu ñua, cui niha. ¹⁶ Watia ti cohtotariro cjirore, yesea cūhure ti ã waharire ñuina sehe paina masa ti cahai wihiinare noano yahu pahñoha. ¹⁷ Ti ã yahu pahñochu tuhoa, Jesure tuaro mehne pa sehepu waha dutiha.

¹⁸ Ñ yoa dohoriapu Jesu to samuchu ñuno, “Muhu mehne waha duaja” ni, tuaro sinimaha watia ti cohtotariro cjiro sehe Jesure. ¹⁹ To ã nichuta Jesu tirore õ sehe ni yahuha:

—Yuhu mehne taecu tjiga. Mu ya wuhupu mu coyea cahapu yuhu mu puhtoro muhure yu yoarire yahui wahaga. Muhure yu pja ñurire yahuga tinare —niha tirore.

²⁰ To ã nichu watia ti sãanoriro cjiro sehe Decapoli wama tiropu jia macaripu Jesu tirore to yoari cjirore yahu ducaha. To ã ni yahuchu tuhoa jipihtina masa cãaa wahaha.

Jairo maconore yuhduchu yoa, cahã ñuricoro cūhure yuhduchu yoaha Jesu (Mt 9.18-26; Lc 8.40-56)

²¹ Ñ yoa pari turi Jesu to majare pahã sachu masa payu tiro cahapu bucupariro duhtu cahapu cahmachuha. ²² Ti ã cahmachuchu sã judio masa buheri wuhure ñu wihboriro Jairo wama tiriro wihi, Jesure ñu, to dahpori cahapu na tuhcuca caha sũro, ²³ õ sehe niha:

—Yu macocã yariaro nihre. Ñ jicu ticorore mu wamomaca mehne ña payo, noaricoro yoai taga. Mu ã yoachu ticoro masanohca —niha tiro Jesure.

²⁴ To ã nichu Jesu cūhu sehe tiro mehne wahaha. Mahai to wahachu payu masa tirore nuhu ti wahcã bihsaro sũrcu sũha tirore. ²⁵ To ã bihsaro wahachu numino doce cahmari waro dachoripe cahã ñurucuricoro tõi jiha. Tõ pano payu duhturuu ticorore ñano yuhduchu yoaha. ²⁶ Ñ yoa duhturuare jipihtia to niñeru mehne wapamaha ticoro co tiro. Ti ã yoapachuta ticoro mananota jirucuha. Ñ jiro ticoro tõi pano to jiriro yuhdoro ñano wahaha. ²⁷ To ã ñano yuhduricoro to jichu masia Jesu to yoarire tuhoa paina tĩre yahuha ticorore. Ñ

ti yahuchu tuho ticoro Jesu baharo masa payu watoi wihi, Jesu suhtirore ñaha ñua.

²⁸ “Yuhu to suhtiro dihtare ñaha ñuco noaricoro wahacohca”, ni tuhotuha. ²⁹ Ñ jiro ticoro to ñaha ñuri baharo to cahã ñuare duhuro to pjacure noari pjacu tuhotuha.

³⁰ Ñ jiro Jesu to tuua mehne dohatiare to cohãre masino, masa watoi majare ñua.

—¿Noa yu suhtirore ñaha ñuri? —niha tiro.

³¹ To ã nichu tuhoa to buheina õ sehe niha:

—Bihsa nina. Ñ jia masa payu muhure pihanocahna. “¿Noa yuhure ñaha ñuri?” nicu, ¿dohseacu ã nijari muhu? —niha tina sehe tirore.

³² Ñ jiro Jesu tirore ñaha ñuricorore macaha. ³³ To ã macano watoi ticoro sehe to pjacu noano wahachu tuhoturo cui, tetere na tuhcuca caha sũha to panoi tirore ño payoro. ³⁴ Ñ jiro ticoro poto yahu pahñoha tirore. To ã ni yahuri baharo Jesu ticorore õ sehe ni yahuha:

—Maco, yuhure mu wacũ tuua mehne noaricoro tjuara mipure. Wahchea mehne wahaga. Dohatia marienicoro jiga —niha Jesu ticorore.

³⁵ To ã ni durucuro watoi judio masare buheri wuhure ñu wihboriro ya wuhu macaina yahua wihiha:

—Mu maco yariaa wahahre. Ñ jicu buherirore pji tai tjiga —niha tina.

³⁶ Ti ã nipachuta ã tuhotunocahno, Jesu ñu wihborirore õ sehe ni yahuha:

—Cahya tuhotui tjiga. Yuhure wacũ tuaga. Tĩ dihtare yoaga —niha ñu wihborirore.

³⁷ Ñ ni tuhsu Santiago, to bahuro João, Pedro tina dihtare “Yuhu mehne taga”, niha Jesu. ³⁸ Ñ pji wahcãno sã judio masa buheri wuhure ñu wihboriro ya wuhupu sũha tina. Tĩ wuhupu masa payu ñano bisi, ñahacaha tĩa ti sañurucuchu ñua Jesu.

³⁹ —Ñano ni, ñahacaha tiiena tjiga musa. Maharicorocã musa ã ni tiichu yariaerara. Carĩno nina —niha Jesu tinare.

⁴⁰ To ã nichu tuhoa “Ñ nimacanocano nina ahriro”, ni bujaha tina sehe tirore. Ti ã yoachu tiro tinare sopacapu wio pahñonocaha. Ñ wio tuhsuro maharicorocã

puçusumare, tiro mehne macaina cãhure ticorocã cahapu naaha Jesu.

⁴¹ ã naa tuhsuro Jesu ticorocãre to wamomacare ñaha:

—Talita cumi —niha tiro. (“Talita cumi” nino, “‘Maharicorocã wahcãga’, nija yahũ”, nino nina.)

⁴² To ã nichuta ticorocã wahcãrucu su, tiniha. Doce cãmari cãmari cororo jiha ticoro. Ticorore to ã yoachu ñua tina cãa yahũna wahaha. ⁴³ Ti ã yoachu ñuno, Jesu tuaro mehne tíre to yoirire yahu site dutieraha. ã yoa tuhsu ticorore chãa wa dutiha.

6

Nazare macaina Jesure cahmaeraha (Mt 13.53-58; Lc 4.16-30)

¹ ã yoa tópu jiriho waha, Jesu to buheina mehne to ya dihtapu tju sãha. ² ã tju sãro Sabado jichu sã judio masa buheri wãhã buhe dũcaha Jesu. To ã buhechu masa payu tirore tãhoa, cãaa wahaha.

—Cue, ¿ahriro nohopu tãhoari ahri buheare? ¿Dohsearo noano masi pahñonocajari ahriro? Cohamacu tuua mehne yoa ñona tiro to basi. ³ Ahriro taboa dahrari masũno María macũno, Santiago, José, Juda, Simo ti wahmino jimanaro. ã yoa to bahana numia mari ya macai jisanimanabu. ã jiro tiro mari yoaro sehe jiriho tjira —niha tina Jesure tãhomarina.

ã jia Jesure ñu tuhtia, tirore cahmaeraha. ⁴ Ti ã cahmaerachu ñuno õ sehe niha Jesu:

—Cohamacu yare yahu mãhtarirore paina ño payora. Ti ã ño payopachuta to ya maca macaina, to coyea, to ya wãhã jiina ño payoerara tirore. ã jina yahũre ño payoerara m̃sa õi yu bũcũariho jichu —niha Jesu tinare.

⁵ ã jiro tí macai jiro Jesu Cohamacu tuua mehne yoa ño masieraha. ã yoeraparota cãina dohatiina bui to wamomacare duhu payo, noaina wahachu yoaha tiro. ⁶ ã jiro tó macaina Jesure ti quihõno tãhoerachu ñuno cãaa wahaha tiro. ã jiro Jesu tó cahai jia macaripu buhero wahaha.

Jesu doce buheinare buhe dutiro warocaha

(Mt 10.5-15; Lc 9.1-6)

⁷ ã yoa Jesu doce to buheinare pjiroca, puaro dihta warocaha tinare macaripure buhe dutiro. ã jiro to tuaare waha tinare watãre ti cohã wiohto sehe. ⁸ ã warocaro pãore, wajure, niñerure tiro naa dutieraha tinare. Ti tjuayucu dihtare naa dutiha. ⁹ ã ni tuhsu, dahpori tu cãa cahsarire sãa dutiha tinare. Cãnota suhtirore sãa dutiha tinare. Puaro sãa dutieraha. ¹⁰ ã jiro õ sehe ni yahuha tinare:

—Jipihtia macaripu m̃sare ti carĩno wachu tí wãhãihta tjuasiniga. Coã wãhanapu wijaahga tí wãhãre. ¹¹ ã jina pa maca macaina m̃sare ti cahmaerachu, ti tãho duaerachu tí macare yahũana dahpori macaa dihta pohcari mene wajã site cũga m̃sa tinare ti ya buhirire masichu yoana —ni yahuha Jesu tinare.

¹² ã jia tina doce buheina masare ti ñaa tãhotumari cjirire tãhotu cohtota duti, Cohamacure maca duti, buhea wahaha. ¹³ ã wahaa payu watãre cohã wio, dohatiinare se mehne wisõa, noaina wahachu yoaha.

João masare bautisariore paina wajãha (Mt 14.1-12; Lc 9.7-9)

¹⁴ ã yoa Jesure masa payu masiha. ã jiro to yoirire puhtoro Herode tãhorocaha. ã tãhorocarõ õ sehe ni tãhotumaha tiro paina mehne:

—João masare bautisariho yariariho cjiro pari turi bajuaro nica. ã bajuariho jiro to tuua mehne tíre yoaro nica —ni durucumaha Herode paina mehne. (“Jesu Joãota jira”, ni tãhotumaha.) ¹⁵ Paina sehe õ sehe ni tãhotumaha:

—Elia jira —ni tãhotumaha.

Paina sehe:

—Cohamacu yare yahu mãhtariro panopu macaina cjiri yoaro sehe jira tiro —ni tãhotumaha Jesure.

¹⁶ Ti ã ni tãhotupachuta Herode sehe Jesu to yoirire tãhoro õ sehe ni tãhotumaha:

—João dapure yu cãã ta dutiriro cjiro bajuaro nica —ni tãhotumaha.

¹⁷⁻¹⁸ Joãore ti wajãhto pano Herode tirore ñaha duti, peresu yoa dutiha. Tó pano

Herode to baharo Felipe namonore Herodiare namo tiha.

—M_u bah_u namonore namo tic_u Cohamac_u dutiare y_uhdur_ucai nica m_uh_u —ni yahumaha João Herodere.

To ã niri buhiri to namono Herodia João_u peresu ti yoach_u cahmaha. ¹⁹ ã jiro ticoro sehe João_u ñ_u tuhtiro, tirore wajã duti duamaha. ã yoa duaparota ticoro tirore wajã duti masieraha. ²⁰ Herode João_u cuiro, “João noaare yoariro, ñaa buhiri marieriro jira”, ni t_uhotuha. ã jiro Herodere cariboro yoaha João sehe tirore yahuro. ã to caribopach_uta tiro wahchea mehne t_uhomaha João_u. ²¹ To ã wahchea mehne t_uhopach_uta Herodia tirore to wajã dutihti dacho m_u s_uha. Tí pjare Herode to masa bajuari dacho jich_u tiro bose n_um_u dahreha. ã jia to gobierno macaina, to surara p_uhtoa, Galilea macaina p_uhtoa c_uh_u to ya bose n_um_ure ñ_uha wihaha. ²² Tí ã wihiri baharo Herodia macono bose n_um_u ñ_uno wihiro ti ñ_urocaroi basa ñ_uha. To ã basa ñ_uoch_u ñ_uha Herode to pjirocaina mehne wahcheha. ã jiro ò sehe niha Herode ticorore:

—M_u cahmaare siniga y_uh_ure. ã jic_u waihtja m_uh_ure m_u cahmaare. ²³ Cohamac_u mehne potocã nii nija m_uh_ure. M_u sinino puro y_u yare dacho macai waihtja m_uh_ure —niha tiro ticorore.

²⁴ To ã nich_u t_uhoro ticoro Herodia macono sehe to pocoro cahap_u waha, ò sehe ni sinituha:

—¿Yabare sinicohcari y_uh_u? —ni sinituha ticoro to pocorore.

—João masare bautisariro dapure siniga —niha to pocoro.

²⁵ To ã nich_uta ticoro Herodia macono ño duaro mehne p_uhtoro Herode cahap_u waha, siniha:

—João masare bautisariro dapure waparoro mehne waga y_uh_ure —niha ticoro.

²⁶ To ã nich_u t_uhoro p_uhtoro Herode sehe tuaro cahyaha. Masa ti ñ_urocaroi “Waihtja m_uh_ure”, ni tuhs_uha tiro. ã jiro b_uo tiro “M_uh_ure waeraja”, ni masieraha ticorore.

²⁷ ã jiro dóihta surarare peresup_u jiiinare cohtarirore João dapure cjã ta, na ta dutiha. ²⁸ To ã dutich_u t_uhoro surara sehe waha, to dapure cjã ta, waparoro mehne na

taha. Na ta tuhs_u, nuhminore Herodia maconore waha. To ã wach_u ticoro to dapure ñaha, to pocorore y_uhdoha.

²⁹ ã jia João buheina sehe tíre t_uhoa tó_ure waha, to pjac_u cjirore na wahcã, tãcap_u ti sahari copap_u na sãa duhu payoha.

Jesu cinco mil bui masare ch_ua waha (Mt 14.13-21; Lc 9.10-17; Jn 6.1-14)

³⁰ ã yoa Jesu to warocarina to cahap_u tju s_ua, ti yoarire ti buherire yahuha tirore.

³¹ Tí pjare masa pay_u ã majarerucua, tinare ch_uro waeraha. ã jiro ò sehe niha Jesu tinare:

—Masa marienop_u mari sahsero sosinina wahajihna —niha tinare.

³² ã jia tina ti sahsero dohoria mehne masa marienop_u wahaha. ³³ Tí ã wahach_u ñ_uha masa pay_u tinare masiha. ã masia pay_u macari macaina mahap_u waha, Jesu to s_uhtop_u tina masa sehe m_uroca wahcã s_u m_uhtaha. ³⁴ Tí ã s_uch_u Jesu wahã s_u, b_usocap_u sãariro majano, tiro masa pay_u jiiinare ñ_uha. Oveja p_ua marieina yoaro sehe jiha tina masa, to ñ_uch_u. ã jiro Jesu tinare pja ñ_uno, pay_u noaare buhea tiha tinare. ³⁵ Ñamichahap_u doce buheina Jesu cahap_u s_u ò sehe niha:

—Ò masa marienop_u jira. Ñamichahap_u jira. ³⁶ Ò cahacã jia macarip_u daa macaricãp_u, b_uj_ua macarip_u ti ch_uhtire nuch_u dutiga masare ti puh_u tihti cjihtire —niha tina Jesure.

³⁷ —Ch_uare waga tinare —nimaha Jesu to buheinare.

To ã nich_u ò sehe ni y_uhtiha:

—¿Dos cientos dachori dahrari wapa niñeru mehne ti ch_uhti pãore nuch_ubocari sã? —niha tina Jesure.

³⁸ —¿Nohope curiri pão curiri jijari? Ñ_una wahaga —niha tiro.

To ã nich_u tina sehe ch_uare boca ò sehe niha:

—C_u wamomaca pihtia curiri pão curiri, p_uaro wahi jira —niha tina.

³⁹ Tí ã nich_u t_uhoro Jesu sehe pja curuari tja bui duji dutiha masare. ⁴⁰ To ã duji dutiri baharo tina pja curuari dujiha. Cãa curuari cincuenta masa jiha.

Paye curuari sehe cien masa jiha. ⁴¹ Ti ã duji tuhsuchũ ñũno Jesu sehe cũ wamomaca pihia curiri pão curirire, pũaro wahi mehne na, mũanopũ ñũha. Æ ñũno Cohamacũre “Noana”, niha. To ã niri baharo pão curirire nuha, to buheinare masare witi dutiro waha. Æ yoa tuhsũ, pũaro wahire witi dutiha jipihtinare. ⁴² Æ jia jipihtina chũ, yapi yũhdũa wahaha. ⁴³ Ti yapi wahyorire doce pũhũse waro pãore, wahi cũhũre na cahmachu wahpo dapoha tina. ⁴⁴ Æ yoa pãore chũina mũa dihtare ti quihõchũ cinco mil mũa jiha. (Numia cũhũ, macanacã cũhũ tõi chũina jiha.)

Jesu co bui ducu wahcãha
(Mt 14.22-27; Jn 6.16-21)

⁴⁵ Tí pjata Jesu to buheinare dohoriapũ samu duti, sie coapũ Betsaidapũ to pano pahãyu dutiha. Æ jiro ti pahãri baharo Jesu sehe masare coha sitiha. ⁴⁶ Coha siti tuhsũ tũcũpũ Cohamacũre sinino wahaha. ⁴⁷ Baharo ñãmipũ dohoriai bũcũpariro dacho macai ti pahãrucuchũ Jesu cũirota ti pahã tariropũ jiha. ⁴⁸ Tópũ jiro, tina ñano yũhdũ ti wajachũ ti panoi wihnono tachũ ñũrocãha tiro. Æ jiro bohrea mũja tahto pano tina cahapũ waharo co bui ducu wahcãha. Tinare tiro yũhdũ wahcã duamaha. ⁴⁹ To yũhdũ wahcã duapachũta tirore co bui to tachũ ñũa, “Yariariro cjiro jiboca”, ni tũhotumaha tina. Æ ni tũhotua tina sañurucuha. ⁵⁰ Jipihtina tirore ñũa, ñũ cũa waha, sañurucuha. Ti ã ñũ cũachũ ñũno Jesu tinare õ sehe ni yahuha:

—Ne, yũhũre cuiena tjiga. Yũhũta jija — niha tinare.

⁵¹ Æ ni tuhsũ tiro tina mehne dohoriapũ samua wahaha. To samuri baharocãta wihnono yũhdũa wahaha. To ã wahachũ tina sehe cũa yũhdũa wahaha. ⁵² To pão payũ yoarire wacũeraha tina. Tua yũhdũariro to jiare noano tũho ñahaeraha.

Jesu Genesare macainare, dohatiinare noaina wahachũ yoaha
(Mt 14.34-36)

⁵³ Æ yoa tina pahã sũ, Genesare dihtapũ wahã sũ, tia dohoriare dũhte poho, dũhtũ cahapũ pahsaha. ⁵⁴ Æ yoa tina dohoriapũ jiina ti majachũta masa sehe Jesure ñũ

masiha. ⁵⁵ Æ ñũ masia jipihtiro ti ya yahpapũ mũroca maja, dohatiinare ti coãa cahsari mehne yo wahcã, sũha Jesu cahapũ. “Jesu tópũ jihre”, masa ti nichũ tũhoa to cahapũ sũha tina. ⁵⁶ Æ jia jipihtia macari to sũa macaripũ, bũjũa macaripũ, daa macaricãpũ, pache duaina cahapũ, masa dohatiinare ti cũnopũ Jesure to suhtiro dũhtũ cahare ñaha ñũ dua tuaro siniha tina:

—Mũ suhtiro dũhtũ caha dihtare sãre ñaha ñũ dutiga —ni siniha.

Æ jia to suhtirore ñaha ñũinape tópeinata noaina wahaa tiha.

7

Masa ñaina wahachũ yoaaare yahuha Jesu
(Mt 15.1-20)

¹ Æ yoa Jerusalẽpũ tarina sã coyeyã judio masare buheina, fariseo curua macaina cũhũ Jesu cahapũ cahmachuha. ²⁻⁴ Fariseo curua macaina jipihtina paina judio masa cũhũ ti ñũchũsuma cjiripũ ti yoa dutiriro seheta wamo cosaro marieno chũera tiha. Æ jia pache duaina cahapũ waha, sũ, majare tju wihiina cũhũ ti yoa dutiriro seheta wamo cosaro marieno chũera tiha. Payũ paye dutia cũhũre ti ñũchũsuma cjiripũ ti yoa dutiare yoaa tiha. Tasa waparire cosaa, dihi biatorire cosaa, comaa biatorire cosaa, yoaa tiha tina judio masa, “Cohamacũ ã cahmana”, nia. Æ jia sã coyeyã judio masare buheina, fariseo curua macaina cũhũ Jesu cahapũ cahmachua, Jesu buheina wamo cosaro marieno ti chũchũ ñũha. ⁵ Æ ñũ tuhsũa Jesure õ sehe ni sinituha:

—Mũ buheina chũa, mari ñũchũsuma cjiri ti yoa dutiriro cjiro seheta ti wamomacarine wamo cosaerara. ¿Dohse yoa mari dutiare yoajerari? —niha tina Jesure.

⁶ Ti ã nichũ tũhoro Jesu õ sehe ni yahuha tinare:

—Masa ti baharo bũhũsehei ñano yoa cohtaina jira mũsa. Panopũre Cohamacũ yare yahu mũhtariro cjiro Isaia potocãta yahuro niri jira mũsa yoaro sehe tũhoerainare. Õ sehe ni yahu, joaa tiha tiro:

“Ahrina masa yuhure noano durucupahta ti tãhotuapũ yuhure ne ño payoerara.

7 ã jia yuhure ti ño payoa yaba cjihti jierara. ‘Cohamacũ ya dutia jira ahri’, ni mahño buhera ti ya buhea sehere”, ni joaha Isaia cjiro. 8 Tí potocã tjira. Cohamacũ ya dutia sehere duhu, masa ti yoa dutia sehere cohtota yoa yuhdũrũcũ sũa tira mũsa. 9 Cohamacũ ya dutiare cohãna, mũsa coyea ya dutia sehere yoara mũsa. 10 Õ sehe yoana Cohamacũ ya sehere yuhdũrũcana nina mũsa: Panopũre õ sehe niha Cohamacũ Moise cjiro to joariro seheta: “Mũsa pũcũsumare ño payoga. Cũiro to pũcũsumare ñano quitu dahreriro jiro tí buhiri ti wajãhtiro cjihto jirohca”, niha Cohamacũ Moise cjirore to cũri dutiai. 11 To ã nipachũta õ sehe yoa dutira mũsa ti pũcũsumare yoadoho dutierana: Ti pũcũsumare ti waborire Cohamacũ sehere wa dutira mũsa. ã ni buhemana mũsa. 12 ã buhena ti pũcũsumare ño payochũ yoaerara mũsa tinare. 13 ã yoana Cohamacũ dutiare yuhdũrũcana nina mũsa mari ñũchũsuma cjiri ya dutia sehere yoana. Painare mũsa buhea dihtare tũho dutira mũsa. Payũ tó sehe jiare yoara mũsa –niha Jesu tinare.

14 ã ni tuhsũro paina cãhũre pjirocãhã tiro. Õ sehe niha tinare:

–Mũsa jipihtina yuhure tũhona taga. Tuhsũ yũ niare noano tũho ñahaga mũsa.

15 Mũsa dũserire sãa sehe mũsa chũa sehe mũsare buhiri tichũ yoaerara. Ñaare mũsa tũhotua sehe mũsare ñaina jichũ yoara. 16 [Yuhure noano tũhoga mũsa] –niha Jesu.

17 Tinare ã ni yahu tuhsũ Jesu masa cahapũ jirore cjiro waha, wũhũpũ sãa wahaha. ã to sãa sũchũ ñũa to buheina sehe to buherire sinitu ñũa. Tí ã sinitu ñũchũ tũhoro õ sehe niha tiro:

18 –¿Mũsa cãhũ ne tũho ñahaerasinijari tíre? Mũsa dũserire sãa sehe mũsa chũa sehe mũsare ñaina jichũ yoaerara, Cohamacũ to ñũchũ. 19 Tí mũsa tũhotuapũre sãaerara. Mũsa pjaropũ sãa sũ, yuhdũ wijaa wahara –niha Jesu.

ã nino “Jipihtia chũa noaa jira”, nino niha. 20 ã yoa õ sehe ni namoha tjoa:

–Mũsa ñaa durucua sehe mũsa dũseri wijaa sehe mũsare ñaina jichũ yoara, Cohamacũ to ñũchũ. 21-22 Ñano tũhotua, numia mehne ñano yoarucua, yacaa, masare wajãa, namo tiriropũ jiparota pacorore manũ tiricorore wũana tia, paio yare tuaro cjoa, ñano yoaa, mahñoa, bũo tiro marieno ñaa yoaa, paina ti cjuãare ñũ yabia, ñano quitu dahrea, “Painare yuhdũrũcãja”, ni tũhotua, tũho masieraina jia, tí jipihtia mũsare mũsa tũhotuapũ tara. 23 Jipihtia ahri ñaa mũsa tũhotuapũ taa, mũsare ñaina jichũ yoara, Cohamacũ to ñũchũ –niha Jesu.

Judio masono jieraricoro Jesure wacũ tuaha
(Mt 15.21-28)

24 ã ni tuhsũro Tiro wama tiri maca cahapũ, Sidõ wama tiri maca cahapũ sũro tó macari wũhũpũ sãa wahaha. ã sãahno painare to jiri wũhũre yahu dutieraha. ã yahu dutieraparota tinare tiro duhti masieraha. 25 Tí pjareta numino to macono watĩno to cohtotaricoro to cahai jiha. ã jia Jesu yoarire ñũa paina to pocorore yahuha. Tí ã yahuri baharo to pocoro sehe waha, Jesu dahpori cahapũ na tuhũca caha sũha tirore ño payoro. 26 Ticoro Sirofenicia wama tiri yahpa macaricoro jiha.

–Watĩnore cohã wiosiniga yũ macore –ni siniha ticoro Jesure.

27 To ã sinichũ tũhoro õ sehe niha Jesu:

–Wahmanore wũhũ pũro pohna ya chũare dieyacãre yũ wa mũhtachũ tó wahaerara. Israe masa yare pa yahpa macainare yũ wa mũhtachũ tó wahaerara –niha Jesu ticorore piti dahre yahuro.

28 –ã tjira pũhoro. ã jipachũta dieyacã cãhũ mesa docai tí pohna tí chũ site boroare chũ cohtara tinacã cãhũ. (Pa yahpa macaricoro yũ jipachũta yũhũ cãhũre yoadoho masina mũhũ) –ni yũhtiha ticoro.

29 –Mũ ã ni yũhtichũ mũ macore watĩno wijaa tuhsũhũre. Ñũco wahaga –niha Jesu ticorore.

30 To ã nichũ tũhoro majare tjuaa, to wũhũpũ tju sũro, to maconore watĩno marienicorore camapũ jiricorore ñũa.

Cahmono t̄hoerarirore, durucu masierarirore noariro wahach̄a yoaha Jesu

³¹ Tí pjare Jesu Tiro wama tiri maca cahap̄a jiriro waha, Sidō wama tiri macare s̄u ȳhd̄u wahc̄ā, Decapoli wama tirop̄a jia macarine s̄u ȳhd̄u wahc̄ā, Galilea wama tiri b̄uc̄parirop̄a s̄uha j̄na. ³² Ā jia cahmono t̄hoerarirore, noano durucu masierarirore Jesu cahap̄a na wihiha paina.

—M̄a wamomaca mehne ña payoga tirore —ni siniha tina tirore.

³³ Ti ã nich̄ata Jesu sehe t̄hoerarirore na wahc̄ā, masa marienop̄a s̄aho s̄uha. Ti sahsero jiha. Tuhs̄u, Jesu to wamo picari mehne t̄hoerariro cahmo coparire be s̄ōha. Ā yoa tuhs̄u, chahcho puti, to ñahmanore ña payoha.

³⁴ Ā yoa tuhs̄u m̄hanop̄a ñ̄u m̄ho, yajeri na, ò sehe niha:

—Efata —niha Jesu. (“Efata” nino, “Pjōohga”, nino nina. Ā nino tirore t̄ho dutiro niha. Ā nino noano durucu dutiro niha.)

³⁵ To ã nich̄ata tiro sehe t̄ho boca, to ñahmano bidaro wahach̄u t̄hoturo noano durucuha. ³⁶ Ā jiro Jesu tinare tíre painare yahu site dutieraha. To ã yahu site dutierach̄u t̄hopahta tina sehe painare yahu site namoha. ³⁷ Ā jia masa t̄ho c̄a ȳhd̄u waha, ò sehe niha:

—Jipihtiare tiro noano yoara. T̄hoerainar̄e sehe niha: noano t̄hoch̄u yoara. Durucu masieraina c̄h̄are noano durucuch̄u yoara Jesu —niha masa.

8

Cuatro mil bui masare ch̄are waha Jesu (Mt 15.32-39)

¹ Tí pjare pari turi masa paȳu ti cahmachuri baharo ch̄a maeraina ti jich̄u ñ̄no Jesu to buheinare pjirocaha:

² —Ahrina masa tia dacho waro ȳh̄u mehne ji tuhs̄ura. Ā yoa tinare puhi mariaha. Ti puhi maerach̄u ñ̄uc̄u tinare pja ñ̄ja ȳh̄u. ³ Paina tina mehne macaina yoarop̄a tahre. “Tinap̄a j̄ca baaina mahai borari”, nic̄u tinare ch̄a marieno ti w̄h̄usep̄u waha duti duaeraja. Ā jic̄u tinare puhi wa duaja —niha Jesu to buheinare.

⁴ —¿Dohse yoa mari òre masa marienop̄are p̄ore boca wabocari mari? —niha to buheina sehe Jesure.

⁵ —¿Nohope curiri p̄o curirire c̄h̄ajari m̄sa? —ni sinituha Jesu.

—Siete curiri jira —niha tina.

⁶ Ti ã ni ȳhtich̄u t̄horo, tiro masare yahpai duji duti, siete curirire p̄o curirire na, Cohamac̄u “Noana”, niha. Ā ni tuhs̄u, tí curirire nuha, to buheinare wa, masare witi dutiha. To ã dutiri baharo to buheina sehe p̄ore masare witiha. ⁷ Ā jia wahi c̄h̄are mahainac̄ā c̄h̄aha tina. Ā jiro tinare Cohamac̄u “Noana” ni, wahi c̄h̄are witi dutiha. ⁸ Ti witi tuhs̄uch̄u tina ch̄a, yapi ȳhd̄u wahaha. Ti yapi wahyore siete p̄h̄use waro wahpo dapoha tina. Tina cuatro mil bui masa jiha. ⁹⁻¹⁰ Ā yoa tuhs̄u Jesu masare coha sitiha. Coha siti tuhs̄u to buheina mehne dohoriap̄u samuha. Samu tuhs̄u Dalmanuta wama tiro cahap̄u wahaha.

Fariseo curua macaina Jesure Cohamac̄u tuua mehne yoa ño dutiha (Mt 16.1-4; Lc 12.54-56)

¹¹ Ā yoa fariseo curua macaina wihi, Jesu mehne cahma sayoha. Tina Jesure Cohamac̄u tuua mehne yoa ño dutia, to yoa ño masierach̄u ñ̄u duamaha. ¹² Ti ã dutich̄u t̄horo Jesu cahyaro mehne yajeri s̄ano, ò

—¿M̄sa mip̄u macaina dohse yoana m̄sa Cohamac̄u tuua mehne yoa ñoare ñ̄u duajari? Potoc̄ā niita nija m̄sare. Mip̄u macainare m̄sare Cohamac̄u tuua mehne ne yoa ñosi ȳh̄u —niha Jesu.

¹³ Ā ni tuhs̄u waha, pari turi dohoriap̄u samu, sie coap̄u pah̄a wahaha.

Fariseo curua macaina, Herode mehne macaina c̄h̄are ñaare ti buheare yahuha Jesu (Mt 16.5-12)

¹⁴ Ā wahaa, p̄ore boa waha, dohoriái c̄u curita p̄ore c̄h̄aha tina. ¹⁵ Ā yoa Jesu cuaro mehne yahuha tinare:

—Noano yoanohb̄u. Fariseo curua macaina, Herode mehne macaina c̄h̄u ti p̄o b̄uc̄arore ñ̄na noano yoaga. Cua nina tí —ni yahuha.

16 To ã nichu tuhoa tina to buheina sehe tĩre ti basi õ sehe ni durucuha:

—Mari pãore mari na taerachu ñuno ã nino nica ahriro —nimaha tina ti basi.

17 Ti ã nirire masino tinare õ sehe ni sinituha Jesu:

—¿Dohse yoana musa pão borire wacũjari musa? ¿Musa masierasiniari? ¿Tũho ñahaerasiniari? ¿Tũho duaerajari musa?

18 ¿Capari tiina jipanahta ñerajari musa? ¿Ã jina cahmori tiina jipanahta tuhoerajari musa?

¿Musa ahrire wacũerajari? 19 ¿Yũhu cũ wamomaca pihtia pão curirire nuha, cinco mil bui masare yũ warire wacũerajari musa? ¿Ti yapi wahyorire nohope pũhũsere pão curirire wahpo dapori musa? —niha Jesu tinare.

—Doce pũhũse —ni yũhtiha tina tirore.

20 —¿Ã yoa yũhu siete curirire pão curirire cuatro mil bui masare yũ wari baharo nohope pũhũsere pão curiri wahpo dapori musa? —niha Jesu.

—Siete pũhũse —ni yũhtiha tina tirore.

21 —¿Ã ñũpanahta noano tuho ñahaerasiniari musa? —niha Jesu tinare.

Jesu capari ñerarirore ñũchu yoaha

22 Æ yoa tina Betsaidaru ti sũchu ñũha, masa sehe capari ñerarirore na wihaha.

—Tirore ña payoga —ni, tuaro siniha tina Jesure.

23 Ti ã sinichu tuhoro, Jesu capari ñerariro wamomacare ñaha, tí maca duhtũ caharu tirore tuã wahcãha. Tõpu na sũ, to caparire chahcho puti, to wamomacari mehne tirore ña payoha.

—¿Mũ ñũchu bajujari? —ni sinituha Jesu.

24 To ã nichu tiro sehe ñũno, õ sehe niha:

—Mũare ñũja. Yũ ã ñũpachuta tina yucuri tinia yucũ yoaro sehe bajura —niha capari ñerariro cjiro.

25 To ã nichu tuhoro Jesu sehe to wamomacari mehne to caparire ña payoha tjoa. To ã ña payori baharo capari ñerariro cjiro tuaro to ñũchu to capari noano baja. Æ yoaro jipihtiare noano ñũha tiro.

26 To ã ñũ masichu ñũno, Jesu tirore to wũhũpu warocaha.

—Macaru pinihtare wahai tjiga —niha Jesu tirore.

“Jesu potocã Cristo, Cohamacũ to warocariro jira”, ni yahuha Pedro

(Mt 16.13-20; Lc 9.18-21)

27 Æ yoa Jesu to buheina mehne Cesarea Filipino wama tiri maca cahai jia macaripu waha namoha. Tõpu ti waharo wato, Jesu õ sehe ni sinitu ñũha to buheinare:

—¿Diro baro jicari yũhu masa yũhũre ti tuhotuchũ? —ni sinitu ñũha tiro tinare.

28 To ã sinitu ñũchu tuhoa õ sehe ni yũhtiha tina:

—“João masare bautisariro cjiro jira”, nina paina. Paina “Elia jira”, nina. Paina “Cohamacũ yare yahu mũhtaina cjiri mehne macariro jira”, nina mũhũre —ni yũhtiha to buheina tirore.

29 Ti ã ni yũhtiri baharo Jesu õ sehe ni sinitu namoha tinare:

—¿Musa sehe musa tuhotuchũ diro baro jicari yũhu? —ni sinitu ñũha tjoa.

—Mũhu Cristo Cohamacũ masare yũhdo duti to warocariro jira —ni yũhtiha Pedro.

30 To ã nichu tuhoro Jesu õ sehe niha:

—Yũhũre “Cristo jira tiro”, ni yahu sitesiniena tjiga painare —niha tinare.

Jesu to yariahtore, to masa wijaahto cũhũre yahuha

(Mt 16.21-28; Lc 9.22-27)

31 Tinare to ã ni sinitu ñũri baharo, õ sehe ni buhe ducaha tiro:

—Yũhũ masũno Cohamacũ warocariro jija. Æ jicũ tuaro ñano yũhdũcũhca. Æta waharo cahmana yũhũre. Mari coyca judio masa, bũcũna, sacerdotca pũhtoã, mari judio masare buheina yũhũre cahmaeraa, yũhũre wajã dutiahca. Ti ã wajãchu tia dacho wahaboroi masa wijaahtca —niha Jesu tinare.

32 Æ nino ne tuho wisiachũ yoaro marieno yahuro niha tinare. To ã nichu tuhoro Pedro sehe pa sehe curerocã Jesure narũcũ sũ, tirore ã ni dutieraha. 33 To ã ni dutierachũ tuhoro Jesu to buheinare majare ñũ, tuhtiha Pedore:

—Satana yoaro sehe durucui nina mũhũ. Æ nii tjiga. Mũ tuhotua masa ya jira. Cohamacũ ya jierara —niha tiro Pedore.

34 Æ ni tuhsũ masare to buheina mehne tiro caharu pjiroca, õ sehe niha:

—Cũiro yũ yairo ji duaro, to cahmano yoa duamarire duhunocanohca. Æ jiro

—Buheriro, yu macure watino to cohtotarirore mure na tamahi. Watino sehe tirore durucu dutierara. ¹⁸ Yu macure to nahachu yahpamu bora, bahca diho, buhaa wahaa tire tiro. A waharo sahpo tua tire. A jicu mu buheinare watinore cohã wio dutimahi. Yu a dutipachuta tina sehe cohã wio masierare watinore —ni yahuha Jesure.

¹⁹ To a nichu tuhoro Jesu o sehe niha tinare:

—Ne, yuhure wacu tuaerara musa. Yoabiari pja musare buhemaja yuhu. ¿Noho puro yoari pja yuhure musa caribobocari? Tirore na tahga yuhure —niha Jesu.

²⁰ To a nichu tuhoa watino to cohtotarirore Jesu cahai na taha. Ti na wihichu nuno watino sehe wahma wahma tarirore yahpamu doca caha su, tunu teterechu yoaha. A yoa sahpo tua wahaha.

²¹ —¿Noho puro yoari pja watino to cohtotarirore jijari ahriro? —ni sinituha Jesu sehe to puchore.

—Wihãrirocã jiroputa tiro watino to cohtotarirore jira. ²² A cohtotaro payu tahari watino sehe tirore pichacamu, coru cãhure cohã wajãmaha. A jicu muhu yoa masicu sare pja nu, yoadohoga —niha to puchoro Jesure.

²³ To a nichu tuhoro o sehe niha Jesu:

—¿Dohsea jiro baro “Muhu yoa masicu”, nijari muhu yuhure? Yuhure mu wacu tuachu nuno, Cohamacu jipihtiare yoa pahno masina mure yoadohobasaro —niha Jesu.

²⁴ To a nichuta wahma wahma tarirore puchoro o sehe ni sañurucuha:

—Mure wacu tuaja. Yu wacu tuaerachu nu yuhure yoadohoga mure yu noano wacu tuahto sehe —niha tiro.

²⁵ A jiro masa payu tina cahamu mroca ta, ti cahmachuchu nuno, Jesu watinore o sehe ni tuhtiha:

—Muhu durucu dutierariro, tuho dutierariro ahrirore cohtotarirore wijaaaha. A wijaacu tirore pari turi cariboi tjiga —niha Jesu.

²⁶ To a nichu tuhoro watino sañurucu, wahma wahma tarirore yahpamu doca caha su tunu teterechu yoa, wijaaaha. To a

wijaaachu wahma wahma tarirore yariariro yoaro sehe wahaha.

²⁷ —Tiro yariaa wahara —nimaha masa payu.

Ti a nipachuta Jesu sehe to wamomacare naha, tirore wahcõha. To a wahcõchu wahcãha tiro sehe. ²⁸ Baharo Jesu cãhu wuhumu ti sa sachu to buheina tirore o sehe ni sinitu nuha:

—¿Dohseana sa sehe watinore cohã wio masierari, mu tahotuchu? —ni sinitu nuha tina.

²⁹ —Ahriro baro watinore cohã wio duana Cohamacure tuaro sinino cahmana musare. [A yoa duana chu duhuro cahmana musare Cohamacure sinina tana] —ni yuhtiha Jesu tinare.

Pari turi Jesu to yariahtore, to masa wijaahtore yahuha

(Mt 17.22-23; Lc 9.43-45)

³⁰ A yoa topu jiina waha, Galilea yahpamu su, yuhduaha. Topu ti waharire paina ti masichu cahmaeraha Jesu to buheinare buhe duaro. ³¹ Topu saro to buheinare buhe tiha. O sehe ni buheha:

—Yuhu masuno Cohamacu warocariro jija. Masa yuhure naha, painapure yuhure waahca. Ti a wari baharo yuhure wajãahca tina. Ti a wajãricu tia dacho wahaboroi masa wijaaahca —niha tinare.

³² To a nichu tuhoa tina noano tuhoeraha. A jia cuia tirore tãre sinitu nu namoeraha.

Jesu buheina tina mehne macarirore puhtoro so duaa nimaha

(Mt 18.1-5; Lc 9.46-48)

³³ A yoa tina Capernaumu ti sari baharo wuhumu ti jichu Jesu sehe o sehe ni sinituha tinare:

—¿Mahapure tana, dohse ni durucu tana niri musa? —ni sinituha tinare.

³⁴ To a nichu tina yuhtieraha. Mahapure taa, cahma o sehe ni durucu taa niha:

—¿Mari mehne macarirore diro sehere mari puhtoro sõnahcari mari? —ni durucu niha mahai tarucua.

³⁵ A jia ti a nirire buo tia Jesure yuhtieraha. Ti a yuhtierachu nuno Jesu nuju su, to buheinare doce buheinare pjiroca o sehe niha:

—Musa puhtoa ji duana jipihtina masa ti cahamaca jiro cahmana musare. Tuhsu,

wiho jiina jipihtina docai jinahca m̄sa — niha Jesu tinare.

³⁶ Æ nino nijinocãre tina watoi duhu dapoha. Duhu dapo tuhs̄ tirocãre na w̄a, õ sehe ni yahuha:

³⁷ —Ȳ yare yoa duana ahrirocãre m̄sa cahmana, ȳh̄ c̄h̄re cahmana m̄sa. Æ yoa ȳh̄re cahmana, ȳh̄re warocariro mari P̄c̄ c̄h̄re cahmana m̄sa —niha Jesu tinare.

Marine ñ̄ tuhtiriro jieraro, mari mehne macariro jira

(Mt 10.42; Lc 9.49-50)

³⁸ Baharo João õ sehe niha Jesure:

—Buheriro, m̄ wama mehne m̄ tuaa mehne wat̄are cohã wiorirore sã ñ̄hi. Tiro mari mehne macariro to jierach̄ ñ̄na tíre tirore yoa dutiera tih̄i sã —niha tina.

³⁹ Ti ã nich̄ t̄horo Jesu tinare õ sehe ni yahuha:

—Æ niena tjiga m̄sa tirore. Cãiro ȳ wama mehne Cohamac̄ tuaa mehne yoaro, baharo ȳh̄re ñ̄ano ni durucu masierara. ⁴⁰ Marine ñ̄ tuhtiriro jieraro, tiro mari mehne macariro jira. ⁴¹ M̄sare potocãta nii nija. Ȳ yaina m̄sa jich̄ ñ̄na paina m̄sare ti yoadohoch̄ ñ̄no Cohamac̄ tinare noano yorohca. Core m̄sare ti sihõch̄ mahanocã ti wapach̄ta tinare noano yorohca Cohamac̄ ti ã yoari wapa —niha Jesu tinare.

Ñ̄aare yoach̄ cua nina

(Mt 18.6-9; Lc 17.1-2)

⁴² Æ yoa Jesu õ sehe ni yahu namoha:

—Ahrirocã sehe jirirore ȳh̄re wac̄ tua d̄carirore yahuihtja m̄sare. Pairo ahrirocã sehe jirirore ñ̄aare yoa dutiro tiro ñ̄abiaro ȳhd̄rohca. Cãirore to wam̄ap̄ pjiria tãcare d̄hte yo, pjiri map̄ tirore ti cohãch̄ ñ̄ano wahaboa tiro. Æ jiro ahrirocã sehe jirirore ñ̄aare yoa dutiriro tiro sehe pjiri map̄ ti cohãriro ȳhdoro ñ̄ano ȳhd̄rohca.

⁴³⁻⁴⁴ 'M̄ wamomaca mehne ñ̄ano yoac̄ tí wamomacare m̄ d̄te cohãboro seheta tí m̄ ñ̄a yoa sehere duhuga. Tíre duhuerac̄ pichacap̄ wahaihca. Tópr̄e ne pichaca yatierara. [Æ yoa dachoa ne yarierara.] M̄ wamomacare m̄ cohãch̄

tí si dihta butiboa. Tuhs̄, m̄h̄ sehe ã si jipaihta baharo Cohamac̄ mehne jiihca. P̄a wamomaca mehne pichacap̄ wahac̄ m̄ ã wahach̄ ñ̄a ȳhd̄aboa m̄h̄re. Æ jic̄ tí m̄ ñ̄a yoa sehere duhuga.

⁴⁵⁻⁴⁶ 'M̄ dahporo mehne ñ̄ano yoac̄ tí dahporo c̄h̄re m̄ d̄te cohãboro seheta tí m̄ ñ̄a yoa sehere duhuga. Tíre duhuerac̄ pichacap̄ wahaihca. [Tópr̄e ne pichaca yatierara.] M̄ dahporore m̄ cohãch̄ tí si dihta butiboa. Tuhs̄, ã si jipaihta baharo Cohamac̄ mehne jiihca. P̄a dahporo mehne pichacap̄ wahac̄ m̄ ã wahach̄ ñ̄a ȳhd̄aboa m̄h̄re. Æ jic̄ tí m̄ ñ̄a yoa sehere duhuga.

⁴⁷⁻⁴⁸ 'M̄ capariaca mehne ñ̄ano yoac̄ tiare orewe m̄ cohãboro seheta tí m̄ ñ̄a yoa sehere duhuga. Tíre duhuerac̄ pichacap̄ wahaihca. Tópr̄e ne pichaca yatierara. Æ yoa dachoa ne yarierara. Tiare m̄ cohãch̄ tia dihta butiboa. C̄ b̄h̄sehe capariaca mariapaihta baharo Cohamac̄ mehne jiihca. P̄a capariaca mehne pichacap̄ wahac̄ m̄ ã wahach̄ ñ̄a ȳhd̄aboa m̄h̄re. Æ jic̄ tí m̄ ñ̄a yoa sehere duhuga.

⁴⁹ 'Ahri yahpai jina ñ̄ano ȳhd̄nahca m̄sa. Pichacap̄ mari j̄ch̄ marine pur̄ño seheta ñ̄ano ȳhd̄nahca m̄sa. ⁵⁰ Moa noano coara. Moa coerach̄, coa yoah̄to basioerara. Moa coeraro tí moa ne noerara. Tí moare dohseah̄to basioerara. Moa noano to coaro seheta m̄sa c̄h̄ ji coaina jiga. Tuhs̄, paina mehne noano mehne jiga —ni yahuha Jesu tinare.

10

Ti namosãnumiare cohãare yahuha Jesu
(Mt 19.1-12; Lc 16.18)

¹ Æ yoa tiro tópr̄ jiriro waha, Judea yahpa cahap̄ s̄, Jordão wama tiri ma pa b̄h̄sehe coap̄ saha. Tópr̄ to s̄ch̄ ñ̄a masa paȳ tiro cahap̄ cahmachuha tjoa. Ti ã cahmachuch̄ ñ̄ano tó pano to buheriro seheta pari turi buheha tjoa. ² To ã buhero watoi fariseo curua macaina wihiha. Jesure ñ̄ano to durucuch̄ t̄ho duamaha tina tirore yahusã duaa. Æ t̄ho duaa tina Jesure õ sehe ni sinitu ñ̄a:

—¿Mari namore cohãchũ noabocari? ¿Mari dutia sehe tó seheta yoa dutijari, mũ tũhotuchũ? —ni sinitu ñũha tina.

³—¿Dohse yoa dutiri Moise cjiro mũsare? —ni yũhtiha Jesu.

⁴—“Mũ namore cohã duacũ papera pũi tíre joaga. ã joacũ tí pũre mũ namore mũ wari baharo ticorore cohã masina mũhũ”, ni joaa tiha Moise cjiro —ni yũhtiha fariseo curua macaina sehe.

⁵Ti ã nichũ tũhoro õ sehe ni yahuha Jesu:

—Cohamacũ dutiare mũsa yoa duaerachũ ñũno ã ni joaa tiha Moise cjiro.

⁶To ã ni joariro jipachũta ahri yahpare bajuamehneriro mũno, numino cũhũre yoaha. ⁷ã jiro mũno to pũcũsumare cohã wijaa, to namono mehne jirohca. ⁸ã jia tina pũaro jipahta cã pjacũ yoaro sehe jira. Tina pũaro yoaro seheta jierara. Cã pjacũ yoaro sehe jia nina. ⁹Cohamacũ to wamomaca dũhte dutiina jira. ã jia tinare duhueraro cahmana —niha Jesu tinare.

¹⁰ã ni tuhsũ tiro to buheina mehne wũhũpũ sãa wahaha. Wũhũpũ sãa sũa, ti namosãnumiare cohãare to buheina sinitu ñũha tjoa tirore. ¹¹Ti ã sinitu ñũchũ tiro õ sehe ni yũhtiha:

—To namonore cohãriro pacorore namo tiro, pacoro mehne ñano yoariro jira. ã jiro to cohãricorore ñano wahachũ yoaro nina. ¹²ã yoa numino sehe to manũnore cohãno, paioire manũ tiro, tiro mehne ñano yoaricoro jira —niha Jesu tinare.

Macanacã ya cjihtire Cohamacũre sini payoha Jesu

(Mt 19.13-15; Lc 18.15-17)

¹³ã yoa macanacãre Jesure ña payo dutia taa tinacãre Jesu cahapũ na taa tiha. Ti ã na tachũ ñũa to buheina sehe tinacãre na tainare tuhtiha. ¹⁴Ti ã tuhtichũ ñũno Jesu suaha tina mehne. ã suaro õ sehe niha tinare:

—Macanacã yũ cahapũ tajaro. “To cahai wahaena tjiga”, nienna tjiga tinacãre. Tinacã Cohamacũre ti pũhoro tũhotura. Pũhoro Cohamacũ to sũho jiina ahriacã yoaro sehe tũhotuina baro dihta jira.

¹⁵Potocã niita nija mũsare. Ahriacã Cohamacũ ti pũhoro cjihtore cahmana. Ti yoaro seheta mũsa cũhũ Cohamacũ mũsa

pũhoro cjihtore cahmaerana, pũhoro Cohamacũ to sũho jihtina ne jisi mũsa —niha Jesu.

¹⁶ã ni tuhsũ Jesu macanacãre na wũa tjiãhno, tinacãre ña payoro, õ sehe niha:

—Ahriacã noainacã wahajaro —ni sini payoha Cohamacũre.

Pache pũro Jesure sinitu ñũha
(Mt 19.16-30; Lc 18.18-30)

¹⁷ã yoa Jesu mahai to waharucuchũ paio sehe mũroca wihi, to dahpori cahapũ na tuhcuca caha sũha tirore ño payoro.

—¿Ne, noariro buheriro, yũhũ jipihtia dachoripe Cohamacũ mehne ã jirucu duacũ dohse yoacũhcarĩ yũhũ? —niha tiro Jesure.

¹⁸To ã nichũ Jesu õ sehe ni yũhtiha:

—¿‘Noariro’ ni pisujari mũhũ yũhũre? Noariro sehe Cohamacũ dihta jira. ¹⁹Ahri Cohamacũ dutiare masina mũhũ: Masare wajãena tjiga. Namu tiriro pũ paye numia mehne jiena tjiga. Yacaena tjiga. Mahũoa mehne paioire yahusãena tjiga. Paina yare mahũo naena tjiga. Mũsa pũcũsumare ño payoga. Ahri dutiare yoaihca mũhũ —ni yahuha Jesu tirore.

²⁰—Buheriro, yũhũ tí jipihtiare wahma wahmũa tariro jipũta yũhdũũcaera tihi yũhũ —niha tiro Jesure.

²¹To ã nichũ tũhoro Jesu sehe tirore cahĩa mehne ñũroca õre. ã ñũroca õno, õ sehe niha:

—Mahanocã dũhsara mũhũre mũ yoa pahũohto. Jipihtiare mũ yare duai wahaga. ã yoacũ jipihtia mũ wapatarĩ niñerure pjacũoinare waga. Mũ ã yoachũ payũ mũ ya noaa mũanopũ, Cohamacũ cahapũ jiyuahca. Mũ ã yoari baharo yũhũ mehne macariro cjihto taga —niha Jesu tirore.

²²To ã nichũ tũhoro tiro sehe payũ pache cjuariro jiro tíre pjacũoinare wa duaeraro, cahya, jicoaeraa, wahaa wahaha.

²³To ã cahyachũ ñũno Jesu majarerũcũ sũro, to buheinare ñũroca õ, õ sehe niha:

—Pache pũa pũhoro Cohamacũ to sũho jiro pũre ti waha duachũ mijobiara —niha tinare.

²⁴To ã nichũ tũhoa tina sehe tíre tũho cũaa wahaha. ã ni tuhsũ Jesu pari turi õ sehe ni yahu namoha tinare:

—Coyea, jipihtina [Cohamacure wacũno marieno “Mari m̄ s̄ro mari c̄j̄aa mehneta noano ȳhd̄nahca”, ni t̄hotuina pache p̄aa] p̄h̄toro Cohamacu to s̄ho j̄irop̄are ti waha duach̄u mijobiara.

²⁵ Camello sehe awicã copacãre to sãa nuhri wijaa duach̄u basioerara. To ã jiro ȳhd̄oro pache p̄ro p̄h̄toro Cohamacu to s̄ho j̄irop̄are to waha duach̄u nu mijobiara —ni yahuha Jesu tinare.

²⁶ To ã nich̄u t̄hoa tina sehe t̄ho c̄aa ȳhd̄na waha, ti basi õ sehe niha:

—Cue, to nino seheta potocã jich̄u ne c̄iuro mas̄nore ȳhdoeraboca Cohamacu —niha tina ti basi.

²⁷ Ti ã nich̄u t̄horo Jesu tinare ñ̄roca õ, õ sehe niha:

—Masa ti basi ti m̄ s̄ro ȳhd̄u masierara. Wiho mejeta Cohamacu sehe masare pichacap̄u wahaborinare ȳhdo masina. Tiro jipihtiare noano yoa masi pah̄oriro jira —niha Jesu tinare.

²⁸ To ã nich̄u Pedro tirore õ sehe niha:

—T̄hosiniga. Sã sehe jipihtia sã yare c̄nocaa tii m̄h̄u mehne tana —niha tiro Jesure.

²⁹ To ã nich̄uta Jesu õ sehe niha:

—Potocã niita nija m̄sare. Noaa buheare, ȳ yare yoana tana ȳh̄re ño payona tana m̄sa w̄h̄sere, m̄sa bahanare, m̄sa p̄cosãnumiare, m̄sa poh̄nare, m̄sa weserire c̄nocarina jina, p̄j̄iro wapatanahca m̄sa mip̄are. ³⁰ ã yoana m̄sa w̄h̄serire, m̄sa bahanare, m̄sa p̄cosanumiare, m̄sa poh̄nare, m̄sa weserire, tó pano m̄sa c̄j̄ariro ȳhd̄oro mip̄are paȳu c̄j̄anahca m̄sa. ã yoa paina m̄sare ñano yoaahca. ã jina baharop̄are pa turup̄u jipihtia dachoripe Cohamacu mehne jinahca. ³¹ Mip̄are paȳu p̄h̄toa jirina c̄j̄iri tí p̄j̄ap̄are wiho jiina t̄juanocaahca. ã yoa mip̄are paȳu wiho jiina jirina c̄j̄iri tí p̄j̄ap̄are p̄h̄toa cohtotaahca t̄joa —ni yahuha Jesu tinare.

*Pari turi Jesu to yariahtore, to masa wi-
jahtore yahuha*

(Mt 20.17-19; Lc 18.31-34)

³² ã yoa tina mahap̄u maja, Jerusalẽp̄u m̄j̄aa niha. Jesu ti panocã m̄ t̄aha. ã to m̄ t̄ach̄u ñ̄a to buheina ñ̄u c̄aa wahaha. ã

yoa ti baharo n̄n̄u tiina sehe cuiro mehne n̄n̄u tiha. ã yoa Jesu doce to buheinare ti sahsero naaha t̄joa. ã naa tuhs̄u, masa tirore ti dohse yoah̄t̄re Jesu yahu d̄caha tinare:

³³ —T̄hoga ȳh̄re. Mip̄are Jerusalẽp̄u wahana nija mari. Tórp̄u masa ȳh̄re mas̄nore Cohamacu warocarirore ñ̄aha, painap̄are ȳh̄re waahca. Sacerdotea p̄h̄toare, mari coyea judio masare buheina c̄h̄re ȳh̄re waahca. ã jia ȳh̄re wajã dutiahca tina. ã wajã dutia judio masa jieraina seh̄re ȳh̄re waahca.

³⁴ Ti ã wari baharo tina sehe ȳh̄re buj̄upe, chahcho puti sihõ, t̄jana, wajãahca. ã yoa ȳ yariari baharo tia n̄m̄u wahaboroi masa wijaaahca —ni yahuha Jesu tinare.

*Santiago João mehne Jesure siniha
(Mt 20.20-28)*

³⁵ ã yoa Santiago, João mehne Jesu cahap̄u s̄aa, siniha tirore. Tina Zebedeo poh̄na jia. ã jia õ sehe ni siniha:

—Buheriro, sã sinino seheta sãre yoaga m̄h̄u —niha tina Jesure.

³⁶ —¿Dohse ȳ yoach̄u cahmajari m̄sa? —niha Jesu tinare.

³⁷ —Jipihtina bui p̄h̄toro jic̄u sãre m̄h̄u mehne duji dutiga. C̄iuro m̄ poto buh̄sehei paio m̄ cõ buh̄sehei duji dutiga sãre, m̄h̄u mehne p̄h̄toa sã jihto sehe —niha tina Jesure.

³⁸ Ti ã nich̄u t̄horo õ sehe ni yahuha Jesu tinare:

—M̄sa ñ̄ano ȳhd̄uhtore masiera-panahta ã sinina ȳh̄re. ¿Mip̄are ȳ ñ̄ano ȳhd̄uhto seheta ñ̄ano ȳhd̄na c̄no p̄jabocari m̄sa c̄h̄u? —ni sinituha tinare.

³⁹ To ã sinituch̄u t̄hoa tina õ sehe ni ȳhtiha:

—C̄no p̄janahca —ni ȳhtiha tina.

Ti ã nich̄u Jesu õ sehe ni yahuha:

—Ȳ ñ̄ano ȳhd̄uhto seheta ñ̄ano ȳhd̄nahca m̄sa c̄h̄u. ⁴⁰ M̄sa ã ȳhd̄uhtina m̄sa jipach̄uta, ȳh̄u mehne dutihtinare, ȳh̄u mehne duj̄ihtinare bese masieraja ȳh̄u. Ahr̄ire ȳ P̄c̄u sehe cahno tuhs̄re. ã jia to besehtina dihta ȳ poto buh̄sehei ȳ cõ buh̄sehei duj̄iahca —niha Jesu tinare.

41 Æ jia paina diez buheina Santiago, João ahrina p̄aro mehne susiniha ti ã sinirire t̄hoa. 42 Ti ã susinich̄ ñ̄no Jesu to buheinare p̄iroca, õ sehe niha:

—Cohamac̄are masieraina p̄h̄toa sehe ti masare dutia, pur̄no mehne dutira. 43 M̄sa sehe ne ã yoasi m̄sa basi. Diro m̄sa mehne macariro m̄sa bui p̄h̄toro ji duaro, jipihtina tiro mehne macaina cahamac̄ano yoaro sehe jia tiro cahmana tirore. 44 Æ yoa diro m̄sa mehne macariro m̄sare dutiriro ji duariro m̄sa cahamac̄ano yoaro sehe jia tiro cahmana tirore. 45 Tó seheta jiriro jija ȳh̄ c̄h̄. Ȳh̄ mas̄no Cohamac̄a warocariro jipac̄ta ahri yahpap̄are ȳh̄re m̄sa yoadoh̄tire m̄sare sinii tai nierahi. M̄sa sehere yoadohoi tai nii. Æ yoac̄ paȳ masa ya buhirire yaria, wapabasai tai nii. Ȳ ã yariaro mehne paȳ masare pichac̄ap̄ wahaborinare ȳhd̄ch̄ yoai tai nii —niha Jesu tinare.

Bartimeore, capari ñ̄erarirore ñ̄ch̄ yoaha Jesu
(Mt 20.29-34; Lc 18.35-43)

46 Æ yoa baharo tina Jericó̄p̄ s̄ha. Jesu to buheina mehne, ã jich̄ paina masa paȳ mehne tí macai jiina ti wahach̄ tí macare ti ȳhd̄ wahc̄ch̄ waro, Bartimeo sehe ti wahari maha d̄ht̄ cahai dujiha. Tiro Timeo mac̄no capari ñ̄erariro jiro, masare niñeruc̄are ã sinirucuriro jiha. 47 Ti wahari maha d̄ht̄ cahai dujiro, “Jesu Nazare macariro tara”, ti nich̄ t̄horo, Bartimeo sehe õ sehe ni sañurucuha:

—Jesu, Davi cjiro panamino masare ȳhd̄ohtiro, p̄ja ñ̄uga ȳh̄re —ni sañurucuha Jesure.

48 To ã nich̄ t̄hoa masa paȳ Bar-timeore “Dihta mariaha”, ni tuhtiha tina tirore. Ti ã ni tuhtich̄ t̄horo Bartimeo tó pano to sañurucuriro ȳhd̄o curero sañurucu namoha tjoa:

—Jesu, Davi cjiro panamino masare ȳhd̄ohtiro, p̄ja ñ̄uga ȳh̄re —ni sañurucuha tiro.

49 To ã ni sañurucuch̄ t̄horo Jesu sehe tjuar̄c̄ s̄, “P̄jirocaga tirore”, niha. To ã nich̄ t̄hoa tina sehe capari ñ̄erarirore õ sehe ni yahuha:

—Wahchega. Wahc̄ar̄c̄aga. Tiro m̄h̄re p̄jira —niha tina Bartimeore.

50 Ti ã nich̄ t̄horo to bui macari suhtirore tjuwe c̄, pu wahc̄ar̄c̄ s̄, Jesu cahap̄ s̄r̄c̄ s̄ha. 51 Æ jiro, Jesu sehe õ sehe ni sinituha tirore:

—¿Dohse ȳ yoach̄ cahmajari m̄h̄? —niha Jesu tirore.

—Ȳ p̄h̄toro, ȳh̄re ñ̄ch̄ yoaga —niha capari ñ̄erariro Jesure.

52 —Wahaga m̄h̄. M̄h̄ ȳh̄re wac̄ tuac̄ noariro wahara —niha Jesu tirore.

To ã nich̄ta capari ñ̄erariro ñ̄a wahaha. Æ noariro waharo Jesu mehne mahap̄ waha wahaha.

11

Jerusalē̄p̄ s̄ha Jesu
(Mt 21.1-11; Lc 19.28-40; Jn 12.12-19)

1 Æ yoa tina Jerusalē̄p̄ ti s̄h̄to panoc̄ t̄c̄ Olivo wama tid̄ d̄ht̄ cahai jiri maca Betfagé wama tiri maca cahai, ã jich̄ Betania wama tiri maca cahai s̄ m̄htaha. Ti macari p̄a maca cahai Jesu s̄ro, to buheina p̄arore warocararo taro, õ sehe ni yahu quiñ̄õha:

2 —Sí macap̄ wahaga. Tó̄p̄ s̄na dóihta burroc̄are ti d̄hte daporiroc̄are boca s̄nahca. Tiro ne c̄iro ti pisamahnoerariroc̄a jica. Tiroc̄are bocana, yuta dare p̄jã, na tabasaga ȳh̄re. 3 M̄sa tiroc̄are p̄jãch̄ ñ̄no c̄iro dohse jiriro, “¿Dohse yoana tana burroc̄are d̄hte daporiro dare p̄jãjari m̄sa?”, to nich̄ t̄hona, õ sehe ni ȳhtiga tirore: “Mari p̄h̄toro burroc̄are cahmarocasinire. Michapucac̄ta wiarohca tiro”, ni yahuga tirore —ni yahu duti warocaha to buheina p̄arore.

4 To ã nich̄ waha, tí w̄h̄ sopaca cahai burroc̄are ti d̄hte daporiroc̄are boca. Boca, tiroc̄are p̄jãha. 5 Tiroc̄are yuta dare ti p̄jãch̄ ñ̄a tó̄ duc̄uina õ sehe ni sinituha tinare:

—¿Dohse yoana tana burroc̄are d̄hte daporiro dare p̄jãjari m̄sa? —ni sinituha tina.

6 Ti ã nich̄ t̄hoa, tina sehe Jesu to niriro seheta yahuha tó̄ duc̄uina. Ti ã ni yahuch̄ t̄hoa tó̄ duc̄uina sehe “Naahga”, niha tinare. 7 Æ jia tina burroc̄are Jesu cahap̄ na s̄ha. Ti na s̄ri baharo tiroc̄a bui

ti bui sãa suhtire ti pjũpaha payo tuhsũchũ ñũno, Jesu sehe tirocã bui mũja pja, wahaha. ⁸ Tirocã bui to wahachũ ñũa, masa payũ ti bui sãa suhtire tjuwe na, to wahahti mahai saño cũ mũhtaha, Jesure ño payoa. Paina sehe campopũ pũri tia dũpũrĩre yucũ dũpũrĩre dũte na ta, to wahahti mahai duhũ cũha.

⁹ ã jia to pano wahaina, to baharo nũnũ tiina mehne õ sehe ni sañurucuha:

—Ahrĩrore wahche payojihna. Ahrĩro Cohamacũ to warocarĩro noano jijaro.

¹⁰ Mari ñũchũ Davi cjiro pũhtoro to noano sũho jĩro sehetã, ahrĩro marine to sũho jihto cũhũ noano jijaro. Mũano macarĩro Cohamacũ, mũhũ tuarĩro waro jira —ni sañurucuha tina.

¹¹ Ti ã yoari baharo Jesu sehe Jerusalẽpũ sũha. Sũ, Cohamacũ ya wũhũpũ sãa sũro, tí wũhũi jiare jipihtiare ñũ pahñonocaha. Ñũ tuhsũ “Ñamichahapũ waro jira marine” nia, Jesu to buheina doce buheina mehne Betaniapũ wahaa wahaha.

Jesu higueraçũre yaria dutiha
(Mt 21.18-19)

¹² ã yoa pa dachoi tina Betaniapũ jiina wahaa wahaha. ã jiro Jesu sehe jũca baa, yoaropũ higuera wama tidũre noano pũri tidũre ñũno tũ dichare macano wahamaha.

¹³ Dicha mariaha. Dicha tiri pja jieraro pũri dihta jiha. ¹⁴ ã jiro dicha mariachũ ñũno õ sehe niha:

—Ahdũ dichare masa ne pari turi chũea tjijaro. Ne dicha tiero tjijaro —niha Jesu.

To ã nichũ to buheina sehe tũhoha.

Jesu Cohamacũ wũhũre Cohamacũ mehne durucuri wũhũre yoa dutiha
(Mt 21.12-17; Lc 19.45-48; Jn 2.13-22)

¹⁵ To ã yoari baharo tina Jerusalẽpũ sũha. Tópũ sũro, Jesu Cohamacũ ya wũhũpũ sãa sũro pache duainare, nuchũina cũhũre cohã wioha. ã yoaro niñeru cohtotaa mesarĩre yo wahcõ na majare cũ mũjaa tiha. Bujaare duaina ti dujia pahtari cũhũre ãta yoaha. ¹⁶ ã yoaro paye barore na sãa dutieraha masare. ¹⁷ Tõ sehe yoa tuhsũ, Jesu õ sehe ni buheha tinare:

—Õ sehe nina Cohamacũ yare ti joari pũi: “Yũ wũhũ Cohamacũ mehne durucuri wũhũ wama tirohca. ã jiro jipihtiro

macaina ya wũhũ cjihto jirohca”, ni joa tiha Cohamacũ yare ti joari pũi. To ã nipachũta mũsa sehe ahrĩ wũhũi duana, mũsa basi cahma yacara mũsa —ni buheha tinare.

¹⁸ To ã ni buhechũ jipihtina masa sehe tũho cũaa wahaha. ã jia sacerdotea pũhtoa, sã judio masare buheina mehne tirore cui niha. ã jia tina tirore ti wajãhti cjihtire wacũ macamaha. ¹⁹ Ti ã yoachũ ñamichahapũ Jesu to buheina mehne tí macapũ jirina cjiri wahaa wahaha.

Higueraçũ ñaia wahaha
(Mt 21.20-22)

²⁰ ã jia bohrearo mahapũ maja taa, higueraçũre ñũha. Tũ nũhcoripũ ñai dũca, ñaia wahaha tũ. ²¹ Tũre ñũno Pedro sehe wacũno õ sehe niha:

—Buheriro, ñũga. Higueraçũ mũ yaria dutidũ yaria wahari jira —niha Pedro.

²² To ã nichũta Jesu õ sehe ni yahuha tinare:

—Cohamacũre wacũ tuaga mũsa.

²³ Potocã niita nija mũsare. Ahdũ tũcũre pjiri mapũ mũsa cohã dutichũ mũsa niriro sehetã ã waharohca. Cohamacũre noano mũsa wacũ tuachũ “Yũ siniriro sehetã ã waharohca”, mũsa ni tũhotuchũ mũsa niriro sehetã ã waharohca. ²⁴ ã jicũ ahrĩre yahuihtja mũsare. Cohamacũ mehne durucuna, tirore sinina, “Yũ siniriro sehetã warohca yũhũre”, ni tũhotuga. Mũsa ã ni tũhotuchũ ñũno Cohamacũ mũsa siniare warohca. ²⁵ ã yoana Cohamacũ mehne mũsa durucuhto pano mũsare paina ti ñano yoachũ mũsa suari cjirire duhuga. Mũsa ã yoachũ ñũno Cohamacũ mũano macarĩro mũsa ñaa buhirire tiro cũhũ sua duhurohca. ²⁶ [Mũsare ñano yoainare mũsa sua duhuerachũ mari Pũcũ cũhũ mũano macarĩro mũsa ñaa buhiri sehere bosĩ tiro cũhũ] —niha Jesu.

Sacerdotea pũhtoa, judio masare buheina, bũcũna mehne Jesu mehne cahma sayoha

(Mt 21.23-27; Lc 20.1-8)

²⁷ To ã niri baharo tina Jerusalẽpũ wahaha tjoa. ã jia Jesu Cohamacũ wũhũi to tinichũ ñũa sacerdotea pũhtoa, sã judio masare buheina, bũcũna mehne tiro cahapũ sũa tirore õ sehe ni sinitu ñũha:

28 —¿Dohseacu canure ã yoari mũha? ¿Noa mũhure tíre ã yoa dutiri? —ni sinitu ñaha tina Jesure.

29 Ti ã nichu Jesu õ sehe ni yuhtiha:

—Musa sehere sinitu mũhtaihtja. Noano yuhure musa yuhtichu musare yahuihtja yuhu cūhu. 30 ¿João masare to bautisachu diro baro sehe tirore bautisa dutia tiari, musa tūhotuchu? ¿O Cohamacu dutiera tiari? ¿O masa sehe tirore dutia tiari, musa tūhotuchu? —ni sinituha tinare.

31 To ã nichu tina sehe ti basi õ sehe niha: “¿Dohse ni yuhtinahcari mari? ‘Cohamacu Joãoire dutia tiri jire’, mari nichu, ‘¿Dohseana Cohamacu Joãoire to dutipachuta tirore tūhoerari musa?’ niboca Jesu marine. 32 ã yoa, ‘João to bautisachu Cohamacu sehe tirore dutierari jire’, mari nichu masa sehe suaahca mari mehne”, niha tina ti basi. “Potocāta João Cohamacu yare yahu mũhtariro jira”, ni tūhotua tiha masa sehe. Ti ã ni tūhotuchu masia, Joãoire doca dahre duaeraha sacerdotea pūhtoa cūhu, “Masa suari”, nia. 33 ã jia tina Jesure õ sehe ni yuhtiha:

—Joãoire bautisa dutirirore sã masieraja —niha tina Jesure.

—Tí pja pinihta yuhu cūhu ahrire yu yoaare dutirirore yahueraja musare —niha Jesu tinare.

12

Ñaina dahra cohtaina quitire yahuha Jesu

(Mt 21.33-46; Lc 20.9-19)

1 ã yoa Jesu to tūhotua mehne õ sehe ni piti dahre buhe dūcaha tinare:

—Wese pūro se dari cjihtire toaha. Toa tuhsu, sahrĩnore dapo, sere ti tū mũtohti copare saha, mũari wūhucā dahreha tiro. Tuhsu, tí wesere painare cū būhusehe coa pahma cūno, tí wesere ñu wihbo dutiha. Ñu wihbo duti tuhsu, pa yahpau wahaha tiro. 2 Baharo se ñiri pja jichu wese pūro tirore dahra cohtarirore wese macaa to ya coa macaa dichare na dutiro warocamaha. 3 ã jia tí wesere ñu wihboina sehe tirore dahra cohtarirore ñaha, cjāha. ã yoa tuhsu tirore dahra cohtarirore se tōhōrine waerapahta tjuaa dutiha tirore. 4 ã jiro wese

pūro paio tirore dahra cohtarirore warocamaha tjoa. ã jia wesere ñu wihboina sehe tirore dahra cohtarirore dapure camí dahre, ñano yoaha tina tirore. 5 Tuhsu, paio sehere to warocachu ñu wihboina tirore wajāha. Payu paina cūhure ã dihta yoa mũjaha. Paina sehere cjā, paina sehere wajāha tina.

6 ‘ã jiro wese pūro macano dihta dūhsaha. Tiro to cahĩro jia. ã jiro to macanore warocaha jūna, “Yu macu sehere ño payoahca”, nino. 7 To ã ni tūhotupachuta tina ñu wihboina ti basi õ sehe ni durucuha: “Wese pūro macano baharo ahri wesere cjuhtiro jira ahriro. Tirore wajājihna mari. ã jiro ahri wese mari ya wese tjuarohca”, nimaha tina ti basi. 8 ã nia tirore ñaha, wajā, wese dūhtu cahapu na wahcā, cohānocahna tina tirore.

9 ‘¿Ne wese pūro taro dohse yoarohcari tiro wesere ñu wihboinare? Õ sehe yoarohca tinare: Tiro tinare wajāno, paina sehere wesere ñu wihbo dutirohca. 10-11 ¿Cohamacu yare ti joari pūre ahrire buherari musa? Õ sehe ni joaa tiha: “Ahriro Cristo tāca yoaro seheta jira. Tācare wūhu dahreina ti cohāno seheta masa tirore cohāhca.

Ti ã yoapachuta mipure wūhu dahreina wūhure yoaa tí cū mũhtari tācare tí cūno seheta Cohamacu tirore pūhto sōre.

Cohamacu sehe ahrire yoare.

To ã yoachu ñana, ‘Noa yūhdūara’, ni tūhotuja mari”,

ni joaa tiha panopu. ¿Tíre ne buherari musa? —niha Jesu tinare.

12 To ã nichu tūhoa sacerdotea pūhtoa, sã coyea judio masare buheina, būcūna mehne õ sehe ni tūhotuha: “Jesu wesere ñu wihboina quiti mehne marine tuhtiro nina”, ni tūhotuha. ã ni tūhotua Jesure ñaha duamaha. ã ñaha duapahta masare cui niha. ã cuia tirore cohā wahcāa wahaha.

Fariseo curua macaina, Herodeya curua macaina mehne gobierno macaa wapare sinituha Jesure

(Mt 22.15-22; Lc 20.20-26)

¹³ Waha, tina fariseo curua macainare, Herode ya curua macaina cūhare Jesure sinitu dutia warocaha tjoa. Jesu ñano to yūhtichu yoa duamaha tina, tirore yahusāa taa. ¹⁴ Ā jia Jesu cahapu sua, tirore mahño cū sinitu ñumaha:

—Buheriro, potocā durucuriro, mahñoa marieriro mu jichu masija sā. Cohamacu yare quihōno mu yahuchu cūhare masija sā. Ā yoa cūiro puhtoro waro to jipachata tiro cūhare dōrero marieno potota yahura mahu. Ā jicu sare yahuga. ¿Roma macariro jipihtina bui puhtoro jirirore gobierno macaare marine waparō cahmajari, mu tūhotuchu? ¿Mari dutia tirore wapa dutijari, mu tūhotuchu? —ni sinitumaha tina Jesure.

¹⁵ Ti ā sinituchu tūhoro ti yahusā duaare masino ō sehe ni sinituha tinare:

—¿Dohseana yu ñano durucuchu tūho duajari mūsa? Mipure niñeru tare na tahga. Tí tare ñūjihna —niha Jesu tinare.

¹⁶ To ā nichu tūhoa tina sehe cū tare na taha. Ti na wihichu Jesu ō sehe ni sinituha tinare:

—¿Diro baro masu wahājari ahri tare? ¿Diro baro wama wahājari? —ni sinituha tiro.

—César, masa bui puhtoro masu, to wama cūhu wahāna —ni yūhtiha tina.

¹⁷ Ti ā nichu Jesu ō sehe ni yahuha tinare:

—Tí pja pinihta masa bui puhtoro yare tiro sehere waga. Cohamacu yare Cohamacu sehere waga —ni yahuha Jesu.

To ā nichu tūhoa, tūho cūaa wahaha.

Saduceo curua macaina Cohamacu to masoare sinituha Jesure

(Mt 22.23-33; Lc 20.27-40)

¹⁸ Ā yoa cāina Saduceo curua macaina Jesu cahapu wihiha. Saduceo curua macaina sehe “Cohamacu yariainare masosi”, ni tūhotuina jimaha. ¹⁹ Ā jia tina ō sehe niha tirore:

—Buheriro, ō sehe ni buhea tiha Moise cjiro: “Cūiro to wahmino namo tiroro pohna mariaparota to yariachu ñūno to baharore to wahmino namono cjirore nūoano cahmana. Ā yoaro to wahmino mūnāno to pohna tiboro sehetā pohna tiro cahmana to baharore. Ā jia to pohna to wahmino mūnāno pohna yoaro sehe

jiahca”, ni joaa tiha Moise cjiro —niha tina Jesure.

²⁰ Tíre ni tuhsu, ahri quitireta yahu namoha Jesure:

—Cūiro masūno jiha. Seis to bahana jiha. Ti wahmino sehe namo ti, pohna maria-parota yariaa wahaha. ²¹ Tuhsu, paio to bahuro cūhu to wahmino namono cjirore cūamaha. To ā nūoari baharo to wahmino yoaro sehetā pohna mariaparota yariaa wahaha tjoa. Ā jiro ahriro bahuro to wahmino mūnāno yoaro sehetā pohna mariaparota yariaa wahaha tjoa. ²² Ā dihta wahaha cūiro pohna waro. Ne pohna mariapahta yaria pihtia wahaha tina. Ti namono cjiro cūhu ti baharota yariaa wahaha. ²³ ¿Ne, Cohamacu jipihtinare yariaina cjirore to masochu diro namono sehe jirohcari ticoro? Tina jipihtina ticorore namo tirina cjiri jiha. ¿Ā jiro diro namono sehe jibocari ticoro pototi? —ni sinituha tina.

²⁴ Jesu ō sehe ni yūhtiha tinare:

—Cohamacu yare ti joari pūre, to masia cūhare ne masierara mūsa. Ā jia mūsa tūhotua sehe ne quihōno jierara. ²⁵ Yariarina cjiri ti masa mūjari baharo tina anjoa yoaro sehe jira. Tina mūa namo tierara tōpūre. ²⁶ Yariarina cjiri ti masa wijaahito sehere mūsare yahuihtja: Tíre Moise cjiro noano yahu pahñoha. To mahaducā jūri quitire ō sehe ni yahuha tiro: “‘Yūhu Abrahā, Isaa, Jacobo ti puhtoro tjija’, ni yahure Cohamacu yūhare”, ni joaa tiha Moise cjiro to joari tju. ²⁷ Ti yariari baharo “Ti puhtoro tjija”, ni yahuha Cohamacu. Ā niparota yariarina cjiri puhtoro jierara Cohamacu. “Ti puhtoro tjija”, to nia mehne catiina ti jichu masija mari. Tiro catiina puhtoro jira. Ā jina “Yariaina masasi”, ni tūhotuna quihōno tūhotuerara mūsa —niha Jesu tinare.

Cūno noayūhduro to dutiare yahuha Jesu
(Mt 22.34-40)

²⁸ Ā yoa cūiro sā coyēa judio masare buheina mehne macariro tina cahapu wihi, ti cahma durucuchu tūhoha. Jesu to noano yūhtiare tūhoro ō sehe ni sinituha tirore:

—¿Cohamacu ya dutia noa yuhduaro di baro sehe jijari, ma t̄hotuch̄a? —ni sinituha tiro Jesure.

²⁹ Jesu tirore ò sehe ni yahuha:

—Ahri dutiata paye dutia yuhdoro noa yuhduara: “Israe masa t̄hoga. Cohamacu masa puhtoro yuh̄ c̄airota jija. ³⁰ Tuaru masa yajeripohnari mehne, noano masa wac̄ua mehne, masa tuaa mehne yuh̄re cah̄ga”, nina Cohamacu. ³¹ Ahri dutia baharo paye dutia noa yuhduara: “Ma basi ma cah̄no seheta ma cahai jiina c̄uh̄re cah̄ga”, nina Cohamacu. Ahri puaro dutia jipihtia paye dutia yuhdoro jira —ni yahuha Jesu tirore.

³² To ã nich̄a t̄horo judio masare buheriro ò sehe niha:

—Ã tjira. Buheriro, potocã nina mah̄a. Cohamacu c̄airota jira. Pairo tiro yoaro sehe jiro mariahna. Ma nia potocã tjira.

³³ Cohamacu tuaro mari yajeripohnari mehne, mari wac̄ua mehne, mari tuaa mehne tirore cah̄no cahmana marine. Yu cahai jiinare yu basi yu cah̄no seheta tina c̄uh̄re cah̄no cahmana yuh̄re. Wahiquinare wajã jã ma mari wari mehne mari ño payoch̄a noa nimana. Ahri yuhdoro Cohamacu masa c̄uh̄re mari cah̄a noa yuhduara. Ma ã nia potocã tjira —niha judio masare buheriro Jesure.

³⁴ To ã noano yuh̄tich̄a t̄horo Jesu ò sehe ni yahuha tirore:

—Mahanocã duhsara mah̄re Cohamacu noano masihto —niha tirore.

To ã nich̄a t̄hoa paina cuia, ne sinitu ñeraha tirore.

¿Diro baro coyero jijari Cristo?

(Mt 22.41-46; Lc 20.41-44)

³⁵ ã yoa Cohamacu wah̄i buhero ò sehe niha Jesu:

—“Cristo Davi cjiro panamino jira”, ni buhera mari coyera judio masare buheina. ¿Dohse yoa ã ni buhejari tina? ³⁶ Davi cjiro to basi Esp̄ritu Santo to dutiriro seheta ò sehe ni yahua tiha:

“Cohamacu yu puhtoro ò sehe nire: ‘Õi yu poto bah̄sehei dujiga.

ã jic̄a mah̄re ñu tuhtiinare mah̄re yuh̄duarucabasaihca yuh̄’, nire Cohamacu yu puhtoro”,

ni joaa tiha Davi cjiro. ³⁷ ã ni joaro Davi cjiro puhtoro tia tiha Cristore. ¿Davi cjiro Cristo ñuch̄ano cjiro jiparota dohsearo Davi sehe puhtoro tiari Cristore? Cristo Davi cjiro puhtoro jira —ni yahuha Jesu.

To ã ni buhech̄a payu masa wahchea mehne t̄hoha tirore.

Jesu judio masare buheina ti ñaare yahuha

(Mt 23.1-36; Lc 11.37-54; 20.45-47)

³⁸ ã yoa tiro buhe namono ò sehe niha:

—Mari coyera judio masare buheina ti ñaa yoare noano ñuga. ã jina ti yoaro sehe yoarena tjiga. Tina yoaa suhti sãa, masa ti ñurocaroi majarea, pache duaropu paina puhtoare noano ño payo ti sinino sehe ti piti bocasinich̄a cahmana tina. ³⁹ ã cahmana jia, mari judio masa buhea wuh̄sei noaa dujia dihtare duji duara. Tuhs̄a, bose nam̄a jich̄a tó c̄uh̄re noaa dujia dihtare cahmana tina. ⁴⁰ Tina wapewahya numia ya wuh̄sere ti ya c̄uh̄re mana tí numiare. ã yoaina jia, tina masa ti ñurocaroi yoari pja Cohamacu mehne durucumana masare ñu dutia. Ti ã yoari buhiri paina bui curero tinare Cohamacu pj̄iro buhiri dahrerohca —niha Jesu tinare.

Wapewahyoro to warire yahuha Jesu

(Lc 21.1-4)

⁴¹ ã yoa Jesu niñeru wihbore caro cahapu dujia. Tí caropu masa ti niñeru duhu sãach̄a ñu dujio niha. (Tí niñeru Cohamacu wuh̄re ti cahnoch̄a ti wapahti jia.) ã jia pache puã tí caropu pj̄iro duhu sãaha. ⁴² ã yoa wapewahyoro pjac̄oricoro tí caropu ta, puã tuc̄are duhu sãaha. Puã tu c̄u centavo posa jira. ⁴³ Tí t̄rre to duhu sãach̄a ñu to buheinare pjirocaha:

—Potocã niita nija masare. Ahricoro wapewahyoro pjac̄oricoro sehe niñeru wihbore caropu duhu sãano paina jipihtina ti wari yuhdoro wahre ticoro sehe. ⁴⁴ Paina pache puã pj̄iro ti wapachuta ti ya pj̄iro duhsara. Ahricoro sehe pjac̄oricoro jiparota jipihtia to ch̄t̄ire to nuch̄boacãre wa pah̄ohre —ni yahuha Jesu.

13

*“Cohamacu wuhu cohãri wuhu jirohca”,
niha Jesu*

(Mt 24.1-2; Lc 21.5-6)

¹ ã yoa Cohamacu wuhupure ti wijaachu cãiro buheina mehne macariro õ sehe niha:

—Buheriro, ñuga. Ahri wuhuse noaa tãa mehne ti yoaa wuhuse noacaa wuhuse jijiari —niha tiro.

² To ã nichu Jesu õ sehe ni yahuha tinare:

—Ahri jipihtia mari ñuri wuhuse cjiri, ahri tãa cãhu cohõ pihtia wahaahca. Ne cãria tãca tjuasi —niha Jesu tinare.

Pihtiri dacho cjihtore yahuha Jesu

(Mt 24.3-28; Lc 21.7-24; 17.22-24)

³ ã yoa Jesu Olivo wama tidu tãcuru Cohamacu wuhu potoi jiduru sãha. Tu bui dujiha. Tói Pedro, Santiago, João, Andre mehne ti sahsero jia, tina tirore õ sehe ni sinituha:

⁴ —Yahuga sãre. ¿Dohse jichu ã waharohcari mu niriro sehe waharo? ¿Pihtiri dacho panocã to jichu dohse to waha ducachu ñnahcari sã? —ni sinituha tina Jesure.

⁵ Jesu õ sehe ni yuhtia:

—Noano yoaga musa. Tuhsu, paina ti mahñoare tãhoena tjiga musa. ⁶ Payu masa “Cristo jija yahu”, ni mahñoina taahca. Ti ã mahñochu tãhoa payu masa Cohamacu yare duhuahca.

⁷ ‘Musa cahacãi masa paina ti cahma wajãchu tãhonahca musa. Tuhsu, yoaropu cãhure ti cahma wajãchu tãhorocanahca musa. ã tãhorocapanahca ne tíre pjíro tãhotuena tjiga. ã waharohca. Ti ã yoachu pihtiri dacho cjihto dũhsasininohca mini.

⁸ Tí pjare cã yahpa macaina pa yahpa macaina mehne cahma wajãahca. ã yoa cãiro pãhtoro yaina pairo pãhtoro yaina mehne cahma wajãahca. Tuhsu, pjaró yahpa ñuhminohca. ã yoa payu masa jãca mehne yariaahca. To ã wahachu ahri yahpa macainare ti ñano yãhdu namohto dũhsasinina mini. Ñano yãhdũsiniahca.

⁹ ‘To ã wahachu ñana musa basi noano yoaga. Paina musare ñaha, ñano yoa dutia waahca paina pãhtopure. ã yoa judio masa mari buhea wuhusei musare cããahca.

Ti ã yoachu bujua macari macaina pãhtoa, ti bui pãhtoa cãhu musare buhiri dahrea taa sinituahca musare. Yu yaina musa jiri buhirire paina musare yahusãhca. ã jina yare yahunahca musa tinare. ¹⁰ ã jia pihtiri dacho pano noaa buheare jipihitiro yahpari macainare yahua buhea jiaahca. ¹¹ ã jina musare buhiri dahre dutia, buhiri dahre dutiriro cahapu ti naachu tirore musa nihtire “Yahu masieraboca”, ni tãhotuena tjiga musa. Tí pjare musa nihtire musare Espiritu Santo yahurohca. To ã yahurire yahuga musa. Musa musuro durucusi musa. Espiritu Santo sehe musare durucubasarohca. ¹² Tí pjare cãiro to bahurore wajã dutiro warohca. Pairo sehe to wahminore wajã dutiro warohca. Ti pãcuro to pohnare wajã dutiro warohca. ã yoa ti pohna sehe ti pãcusumare wajã dutia waahca. ¹³ Yu yaina musa jiri buhiri musare masa jipihtina ñu tuhtiaahca. ã ñano yãhdũpanahca yu yare musa ne cohãerachu pihtiri dacho jichu musare yãhdohca.

¹⁴ ‘ã yoa ñabiarire Cohamacu yare ñano yoarire ñnahca musa. Cohamacu ya wuhui to ducuchu ñnahca. Tói tirore jieraro cahmana. [Panopu Cohamacu yare yahu mãhtariro Daniel cjiro tirore yahuro joaa tiha.] Tói to ducuchu ñua Judea yahpapu jiina tãyucuru duhti muroca mujaa wahajaro. Ahri yu nirire noano masiga musa. ¹⁵ Soaro mehne muroca duhtijaro. Tí pjare ti wuhuseri bui macaa waparipu jiina wuhu puhichapu jiare ti yare na wahaea tjijaro ti waha bahrañohto sehe. ¹⁶ ã jia tí pjare paina ti weseripu jiina ti bui macaa suhtire wuhuru jia suhtire na wahaea tjijaro ti waha bahrañohto sehe. ¹⁷ Tí pjare niji pocosanumia, ti pohnare pãa numia cãhu pjacuro wahaahca. ¹⁸ ã jina õ sehe ni siniga Cohacure: “Puhuro jichu ã wahaero tjijaro”, ni siniga tirore. ¹⁹ Tí dachorire masa nu ñano wahaahca. Ahri yahpare to bajuamehneri baharo masa ñano ti yãhdu jia tiha. Ti ã jipachuta jipihitia tí purã yãhgoro pihtiri dacho jichu masa ñabiaro yãhdũahca. ã ñano ti yãhduri baharo pari turi tó sehe ñabiaro yãhdusi

ahri yahpai juna. ²⁰ ã jiro Cohamacu tí dachorire mahaa dachoricã ti jichu yoarohca. To ã yoerachu ne cãiro masuno yuhderaboa. ã jiro to beserina ti yuhduhti cjihtire mahaa dachoricã ã cãsininohca Cohamacu.

²¹ Tí pjare paina musare “Ñuga. Õi jira Cristo”, ti nichu tinare tãhoena tjiga. “Tói jira Cristo”, ti nichu cãhure tãhoena tjiga. ²² “Cristo jija”, ni mahñoina, “Cohamacu yare yahu mũhtaina jija”, ni mahñoina jiahca tí pjareta. ã jia Cohamacu to beserinare mahñoa, tina bajuamehneare yoa ñoahca. Ti ã yoa ñochu ñua, Cohamacu yaina cãina tinare tãhoa “Potocã tjira” nia, Cohamacu yare pa tehe nia duhuboca. ²³ Ahrire yahuyuja musare to ã wahahto pano. ã jina noano yoaga musa —ni yahuha Jesu.

*Jesu yahpapure to tjua tahtore yahuha
(Mt 24.29-35, 42-44; Lc 21.25-36)*

²⁴ ã ni tuhsu õ sehe ni yahu namoha Jesu: —Tí dachori ti ñano yuhduri baharo sũ dacho macariro, ñami macariro cãhu buhria duhua wahaahca. ²⁵ Ti ã wahachuta ñahpichoha poca mũanopu jia poca boraa wahaahca. ã jia mũano macaa yahpari tuaro ñuhmiahca. ²⁶ Tí pjata yuhu masuno Cohamacu warocariro taihtja. Yu ã tachu mũanopu yu tuua mehne yu si sitea mehne mũano macaa me bui ahri yahpapure yu tjua tachu ñahca masa. ²⁷ ã jicu yu yaina anjoare jipihtiorpu ahri yahpapu warocaihtja. ã jia jipihtiorpu yu yaina yu beserinare tina naahca.

²⁸ Mipure higueraçure tãhotuga musa. Tu quti mehne musare piti dahre buheihitja. Tu yucucu pũri tichu ñua, cãhma mahanocã dũhsachu masina musa. ²⁹ Tó seheta ahri jipihitia yu niri cjiñire ti ã wahachu ñua, yu tjua tahto mahanocã dũhsachu masinahca musa. ³⁰ Potocã niita nija musare. Tí pja macaina ti yariahto panore jipihitia yu niriro seheta ã waharohca. ³¹ Mũano, ahri yahpa cãhu pihtia wahaahca. Yu durucua sehe ne cohtotasi. Jipihitia yu niriro seheta ã waha sohtori tiarohca.

³² Tí dachore yu tjua tahti dachore, tí hora cãhure masieraja yuhu. Anjoa cãhu

tíre masierara. Masa cãhu ne masierara. Yu Pucu dihta tíre masina.

³³ Mũsa cãhu tí dachore masierara. ã jina noano yoaga. Noano cohtaga. (Cohamacure siniga musa.) ³⁴ Õ sehe cohtaga musa. Ahri quti mehne musare piti dahre buheihitja. Wuhu puro yoaropu to tinino seheta jira ahri. Tiro to wahahto pano to cahamacare wuhure cohta dutiha. Cãinare ti dahrahtire cãha. ã jiro wuhure ñu wihborirore tirore to tjua tahtore cohta dutiha. ³⁵ ã jina musa cãhu noano wacũ masi cohtaga. Wuhu puro to tjua tahtore tina ti masieraro seheta yuhu musa puhtoro yu tjua tahti dachore masierara musa cãhu. Ñamichapũ, ñami dacho macapũ, caraca to duri pja jichu, bohrearopũ taboca. ³⁶ Yu ã wacũenoca yu wihitore masina, yu yare ã yoarucuina jiga musa. ã yoa yuhure noano cohtaga. ³⁷ ã jicu musare yu nino seheta jipihitina ã nija musare: Noano wacũ masi cohtaga —niha Jesu tinare.

14

*Sacerdotea puhto, judio masare
buheina mehne Jesure wajã duaha
(Mt 26.1-5; Lc 22.1-2; Jn 11.45-53)*

¹ ã yoa tí pjare pascua wama tiri bose namu cjihto bucãerari pãore ti chuhti namuri cjihto pu dacho dũhsasiniha. Tí pjare sacerdotea puhto, ã jichu sã coyeya judio masare buheina mehne dohse yoa ti mahñoa mehne Jesure ñaha ti wajãhtore cahma sũhũdua niha:

² —Mari bose namuri yuhdoro puro tirore ñahasiniena tjijihna, “Masa sua sañurucuri”, nina —niha tina ti basi.

*Numino me sitia se mehne Jesure pio
payoha
(Mt 26.6-13; Jn 12.1-8)*

³ ã yoa Jesu cãhu Betaniapũ, Simo cami bucu baariro cjiro ya wuhapu jiha. Tõpu ti churo watoi numino sehe alabastro mehne ti yoariare me sitia nardo wama tia sere posa tiriare na wihiha. Tí se sehe wapa buju niha. ã na wihiro, ticoro tiare poharoca, Jesu dapu bui pio payoha. ⁴ To ã yoachu ñua paina suaa waha, ti basi õ sehe niha:

—¿Dohse yoaro ahricoro ahri me sitia co wapa buhare ã yoa sitejari? ⁵ Tíre ticoro duaboa. Tíre duaro tres cientos niñeru pūrine wapataboa. Æ wapataro, tí niñerure pjacuoinare waboa ticoro —ni cohtaha paina sehe ticoro to ã yoachũ ñũa.

Æ jia tina ticorore tuhtiha.

⁶ Ti ã nichũ tũhoro Jesu tinare õ sehe ni yahuha:

—Æ niena tjiga ticorore. Yũhũre ticoro noano yoaro nina. ⁷ Pjacuoina sehe mũsa mehne ã jirucuahca. Æ jina mũsa cahmari pja tinare wa masina. Yũhũ sehe ahri yahpare mũsa mehne ã jirucusi. ⁸ To cjuaro puro mehne ticoro yũhũre ã yoahre. Yũhũre ti yahto pano yũ pjacure cahnoyuro, me sitiare pio payohre ticoro. ⁹ Æ jicũ potocã niita nija mũsare. Jipihtiro ahri yahpary noaa buheare ti yahuropũ ahricoro mipũre to yoarire yahuahca. Ti ã yahuchũ tũhoa ticorore masa payũ wacũahca —ni yahuha Jesu.

Juda Iscariote Jesure ñũ tuhtiinare to ñohtore yahuha sacerdotea pũhtoare (Mt 26.14-16; Lc 22.3-6)

¹⁰ Tí pjareta Juda Iscariote wama tiri doce to buheina mehne macariro Jesure to ñohtire yahuro wahaha tirore ñũ tuhtiinare, sacerdotea pũhtoare. ¹¹ To ã ni yahuchũ tũhoa, sacerdotea pũhtoã tíre tũhoa wahcheha.

—Mũhũre niñerure wanahtja —niha tina Judare.

Ti ã nichũ tũhoro, tiro Jesure ñũ tuhtiinare to dohse yoa ñohto cjihtore wacũ macaha.

Jesu to buheina mehne to chũ batoari nũmũ jiha

(Mt 26.17-29; Lc 22.7-23; Jn 13.21-30; 1Co 11.23-26)

¹² Bũcũaerari pãore ti chũa nũmũri dũcari nũmũ sehe oveja pascua macaina cjihtire ti wajãhti nũmũ jiha. Tí nũmũi to buheina sehe õ sehe ni sinitu ñũha Jesure:

—¿Mari pascua macaa chũhtire noho baroi cahnoyu dutirocaijari mũhũ sãre? —niha tina tirore.

¹³ Ti ã nichũta Jesu sehe pũaro to buheinare õ sehe ni yahu warocaha:

—Jerusalẽpũ wahaga. Tópũ mũsa sũchũ co situ wũariro mũsare piti bocarohca. To piti bocachũ tiro mehne wahaga. ¹⁴ Æ wahana tiro to sũho sãari wũhũpũ suna, tí wũhũ pũrore õ sehe niga: “ ‘¿Dí tahitai yũhũ yũ buheina mehne pascua macaa chũare chũnahcari?’ ni sinitu dutirocahre buheriro”, niga tí wũhũ pũrore. ¹⁵ Mũsa ã nichũ tũhoro, tópũ mũano macari tahitiare pjiri tahitiare, noano ti cahnoyuri tahitiapũre mũsare ñonohca wũhũ pũro. Tóbi mari chũhti cjihtire dahrega mũsa —niha Jesu tinare.

¹⁶ To ã nichũ tũhoa tina to buheina tí macapũ wahaha. Tópũ ti sũchũ tinare to niriro seheta ã wahaha. Æ jia tina pascua macaa chũare dahreha.

¹⁷ Æ yoa nahitia bora tachũ Jesu doce to buheina mehne tí wũhũpũre sũha. ¹⁸ Tí wũhũpũ ti sũri baharo, tina mehne mesapũ chũro Jesu tinare õ sehe ni yahuha:

—Potocã niita nija mũsare. Cũiro mũsa mehne macariro yũhũ mehne chũrirota yũhũre ñũ tuhtiinare ñonohca yũhũre —ni yahuha Jesu tinare.

¹⁹ To ã nichũ tũhoa tina sehe cahyaha.

—¿Yũhũta jijari mũhũre ñohtiro? —ni sinitu pihtiaha tina cãina jipihtina Jesure.

²⁰ —Mũsa mehne macarirota jira tiro. Yũ chũri wapai yũhũ mehne soha chũriro tjira yũhũre ñũ tuhtiinare ñohtiro. ²¹ Panopũ yũhũre ti yahu joariro seheta yũhũ masano Cohamacũ warocariro yariaihca. Yũhũre ñũ tuhtiinare ñoriro pjacũoro yũhdũrohca. Tiro to masa bajuerachũ noaboa —niha Jesu tinare.

²² Æ ni yahu tuhsũ, to buheinare sũho chũro, Jesu pãore na, Cohamacũre “Noana”, niha. Æ ninota, tí curire nuha, witiha tinare.

—Ahrire na chũga. Ahri yũ pjacũ jira —niha tiro tinare.

²³ Æ ni tuhsũ tiro sihnia posa tiri wahware na, Cohamacũre “Noana” ni tuhsũ, waha tinare. To wachũ tina jipihtina tíre sihni pihtiaha.

²⁴ —Ahri yũ di jira. Payũ masa ti ñaa yoari buhirire cohãcũ tacũ yariaihca. Æ yariacũ yũ dire cohãihca. Cohamacũ “Mũsare yũhdoihtja”, to ni cũriro mũ sũchũ yũ Æ yariaro mehne to niriro sohtori tirohca.

25 Potocã niita nija mäsare. Mipäre ahri co, se core ne sihni namosi yahh. Pü pühtoro Cohamacu mäsare to saho jichupü ahrire coã pari turi sihniihca tjoa —niha Jesu tinare.

*Pedro Jesure to cohãhtore yahuha Jesu
(Mt 26.30-35; Lc 22.31-34; Jn 13.36-38)*

26 To ã ni tuhsuchu tina Cohamacure ño payoa cãno basaare basaha. Ti basa pahñori baharo, tücu Olivo wama tidupü tina wahaa wahaha. 27 Tópu sãho sãro Jesu tinare õ sehe ni yahuha:

—Mipäre mäsã jipihtina yuhure cohãnahca. Õ seheta nina Cohamacu yare ti joari püi yuhure yahuro: “Ovejare ñu wihboriro yoaro sehe jirirore Cohamacu cohãnohca. ã to cohãchu to yaina oveja yoaro sehe jiina duhti site wahcãa wahaaahca”, nina Cohamacu yare ti joari püi. 28 ã yoa Cohamacu yuhure to masori baharo mäsã pano Galileapü wahayuihca yuhü —niha Jesu tinare.

29 To ã nichu Pedro sehe õ sehe niha:

—Yuhü mehne macaina jipihtina ti cohã wahcãpachuta yuhü sehe mähure ne cohãsi —nimaha Pedro tirore.

30 Jesu õ sehe ni yuhtiha:

—Potocã niita nija mähure. Micha ñami pinihtare caraca pua taha to duhto pano “Yuhü Jesure masieraja”, niihca mähü. Tia taha ã niihca mähü —niha Jesu Pedrorre.

31 To ã nipachuta Pedro õ sehe ni tuaro bisiro yuhtiha:

—Mähü mehne yuhure ti wajã dua-pachuta “Jesure masieraja”, ne nisi yuhü —ni yuhtimaha tiro Jesure.

Pedro to ã nichu tãhoa tiro mehne macaina cãhü ã dihta ni yuhtiha.

*Getsemaní wama tiropü Jesu Cohamacure siniha
(Mt 26.36-46; Lc 22.39-46)*

32 ã yoa tina Getsemaní wama tiropü wahaha. Tópu sãro, õ sehe niha Jesu:

—Cohamacure yu sinino watoi õi dujiyusiniga mäsã —niha to buheinare.

33 ã ni tuhsu Pedrorre, Santiagore, Joãore tina tiarore pji wahcãha. Tinare ã pji wahcãno, pjíro tãhotu ducaha tiro. ã yoa ñano yajeripohna tiha.

34 ã cahyaro tó mehne macainare to pji wahcãinare õ sehe niha:

—Yuhü ñano yajeripohna tii nija. Ñano purínore tãhotui nija. Tí mehne yariahto cua yuhduaro coa taca yuhure. Õi tjuaga. Yu cãno potoriga catiga mäsã cãhü —niha Jesu tinare.

35-36 ã ni tuhsu tiro tópu mahanocã waha namo, yahpai caha sãro, Cohamacure õ sehe niha:

—Mai, mähü jipihtiare yoa masina. ã jicu yu ñano yuhduhtire yoa duaeracu yoi tja. Yu ã nipachuta yu cahmano sehe yoi tja. Mähü sehe masina. Mä cahmano seheta yoaga yuhure —ni siniha tiro Cohamacure.

37 ã ni tuhsu, tiaro to buheina cahapü wihiro, carñinare boca wihaha tiro. Tinare ñano Pedrorre õ sehe niha:

—Simo, ¿carñi nijari mähü? ¿Cã hora waro yu cãno potori cati masierari mähü?

38 Noano yoaga mäsã. Mäsã mü sãro quihõno yoa duamana mäsã. Wiho mejeta mäsã basi tíre bihoerara. ã jina Cohamacure siniga ñano mäsã yoaerahto sehe —niha Jesu Pedrorre.

39 ã ni yahu tuhsu pari turi waha, Cohamacure siniha. Tó pano to siniro se-heta siniha tjoa. 40 ã sini tuhsuro pari turi tina cahapü wihaha tjoa. ã wihiro carñinare boca wihaha tjoa. Wãjo caha yuhduaha tina. ã jia tina Jesure dohse ni masieraha. 41 ã yoa pari turi Cohamacu mehne to durucuro sãri baharo tina cahapü wihi, tinare õ sehe niha:

—¿Carñi, sosinina nijari mäsã? Tó puro carñiga mäsã. Michapucacã yuhure Cohamacu warocarirore ñano yoainare ti wahti pja mü sã tuhsura. 42 Wahcãga. Basa wahana. Ñuga. Yuhure ñu tuhtiinare ñohtiro õi tara —niha Jesu tinare.

*Jesure ñu tuhtiina tirore peresu yoaha
(Mt 26.47-56; Lc 22.47-53; Jn 18.2-11)*

43 To ã nino watoihta Juda, doce buheina mehne macariro cjiro wihaha. Tiro mehne masa payu ñosaa pjñi, yucu siri cjuaina cãhü wihaha. Sacerdotea pãtoã, sã judio masare buheina, ã jichu bucuna, ti warocarina jiha masa sehe. 44 Wahmanore Jesure ñu tuhtiinare ñohtiro sehe tiro

mehne tahtinare õ sehe ni yahu quihõ tuhsuha:

—Y_u wahsupu wihmiriro tirota jirohca m_{usa} ñahahtiro. Tirore y_u wihmiri baharo ñahaga tirore. Æ yoana tirore noano ñahaga to duhtierahto sehe —ni yahu quihõ tuhsuha Juda sehe.

⁴⁵ Æ yahu quihõ tuhsuro wihirota Jesu cahap_u dóihta waha bahrañoa.

—Y_u p_uhtoro —ninota wahsupu wihmiha tirore.

⁴⁶ To ã yoach_u ñ_ua tina Jesure ñahaha.

⁴⁷ Ti ã yoach_u ñ_uno cãiro Jesu cahap_u ducuina mehne macariro to ñosari p_jine tãawe naroca, sacerdotea bui p_uhtoro cahamac_uno to cahmonore d_ute pahr_unocaha.

⁴⁸ To ã yoach_u Jesu õ sehe niha:

—¿Dohse jiro baro m_{usa} ñosaa p_jini mehne, yuc_u tiri mehne tajari? ¿Yaca b_uc_urore m_{usa} ñahano seheta y_uh_u cãh_ure ñahana tana nijari? ⁴⁹ Dachoripe Cohamac_u w_uh_up_u m_usare y_u buhe dujich_u, m_{usa} y_uh_ure ne ñahaerare. M_{usa} ã ñahach_u ahri jipihtia ã waharo nina Cohamac_u yare ti ni joariro seheta —niha Jesu masare.

⁵⁰ To ã ni tuhs_uch_u, Jesu buheina tirore cohã wahcã, jipihtina m_uroca site wahcãa wahaha.

⁵¹ Æ yoa cãiro wahm_uno suhti marieriro cãno coma yosaro dihta comariro Jesu baharo ñ_u n_un_u timaha. To ã ñ_u n_un_u tich_u ñ_ua tirore ñahamaha. ⁵² Tirore ti ñahach_u ñ_uno to coma yosarore cohãnoca, suhti marieriro m_urocaa wahaha.

P_uhtoa cahap_u naaha Jesure

(Mt 26.57-68; Lc 22.54-55, 63-71; Jn 18.12-14, 19-24)

⁵³ Æ yoa sacerdotea bui p_uhtoro cahap_u Jesure na wahcãa. Ti na s_uri baharo sacerdotea p_uhtoa, b_uc_una, sã coyea judio masare buheina cãh_u jipihtina cahmachuha. ⁵⁴ Tiro Pedro sehe Jesu baharo yoarop_u n_un_u tiha. Æ n_un_u tiro sacerdotea bui p_uhtoa ya w_uh_u cahap_u s_uha. Æ s_uro tiro tí w_uh_ure cohtaina surara mehne pichaca d_uht_u cahai sohma dujiha.

⁵⁵ Sacerdotea p_uhtoa, jipihtina paina p_uhtoa cãh_u Jesure wajã dutia taa, Jesu

to quihõno yoarerare ti yahusãhtire wacũ macamaha. Wiho mejeta tíre bocaeraha.

⁵⁶ Æ wacũ bocaerapahta pay_u masa tirore ã yahusãmacanocaha. Ti ã yahusãa potocã jieraha. Pairo soro ni, paio soro niha. ⁵⁷ Æ yoa paina wahcãr_uc_u s_u, Jesure õ sehe ni yahusãha tjoa:

⁵⁸ —Ahriro õ sehe nire: “Y_uh_u ahri w_uh_ure Cohamac_u w_uh_ure masa ti dahreri w_uh_ure cohãihtja. Æ cohãc_u tia n_um_u w_uhaboroi tí w_uh_ure pari turi yoaihtja. Tí w_uh_u masa ti dahreri w_uh_u jisi”, to nich_u sã tãhohi —niha tirore yahusãina.

⁵⁹ Ti ã ni yahusãpach_uta ti yahusãa cãh_u potocã jieraha. Pairo soro ni, paio soro niha tjoa.

⁶⁰ Ti ã nich_u tãhoro sacerdotea p_uhtoro ti watoi ducuriro wahcãr_uc_u s_u, Jesure õ sehe ni sinituha:

—¿Ahriina m_uh_ure ti yahusãpach_uta tinare y_uhti cahmaerajari m_uh_u? ¿M_uh_ure ti yahusãrire dohse ni y_uhti cahmajari m_uh_u? —niha tiro Jesure.

⁶¹ To ã nich_u tãhoparota Jesu ãta tãhotunocaha. To ã y_uhtierach_u ñ_uno sacerdotea bui p_uhtoro tirore sinituha tjoa:

—Cristo, ¿Cohamac_u warocarirota jijari m_uh_u? ¿Noariro Cohamac_u mac_uno warota jijari m_uh_u? —niha tiro Jesure.

⁶² —Tiro tjija. Æ jina y_uh_ure mas_uno Cohamac_u warocarirore y_u P_uc_u jipihtina bui jiro to poto b_uh_usehei y_u dujich_u ñ_unahca m_{usa}. Æ yoa m_uno macaa me watoi y_u tach_u cãh_ure ñ_unahca m_{usa} —niha Jesu tirore.

⁶³⁻⁶⁴ To ã nich_uta sacerdotea bui p_uhtoro sehe to sãari suhtirore to basi tãhr_unocaha painare “Sua y_uhd_uara”, ni ñ_u masi dutiro.

—Cohamac_ure ñ_uno durucuro nina ahriro. To ñ_uno durucure tãho tuhs_uja mari. Æ jia tópeinata yahusãjaro ahrirore. ¿Æ jina dohse yoanahcari mari mip_ure ahrirore? —niha sacerdotea bui p_uhtoro paina p_uhtoare.

—Cohamac_ure to ñ_uno durucuri buhiri wajãnocano cahmana tirore —ni y_uhtiha paina p_uhtoa.

⁶⁵ Æ ni y_uhti tuhs_u, cãaina tina mehne macaina Jesure chahcho puti sihõ m_uja,

to caparire d̄hte d̄cata, tirore cjã, dota m̄jaha. Cjã tuhs̄ ò sehe ni b̄j̄peha:

—¿Noa jijari m̄h̄re dotaro? Ñ̄erapaihta yahuga s̄re —ni b̄j̄peha tina.

Ti ã cjã dotari baharo p̄htoro yaina surara sehe tirore na wahcã, tina c̄h̄u tirore ti wamomacari mehne ñ̄ano cjã namoha.

“Tirore masieraja”, niha Pedro Jesure

(Mt 26.69-75; Lc 22.56-62; Jn 18.15-18, 25-29)

⁶⁶ Æ yoa w̄h̄u cahai jiri wapai noari wapai Pedro to jich̄u sacerdotea bui p̄htoro cahamacono wihiha. ⁶⁷ Ticoro Pedro to sohmach̄u ñ̄ano tiro dihtare ñ̄arucuha.

—Nazare macariro mehne, Jesu mehne m̄h̄u c̄h̄u jihre —niha ticoro Pedore.

⁶⁸ To ã nich̄u t̄horo tiro ò sehe niha:

—¿Dohse nimacanocaco nijari m̄h̄u? M̄u nirirore ne masieraja ȳh̄u —niha Pedro ticorore.

To ã niri baharo Pedro sahr̄no sopaca macari mahap̄u wahaha. Tói to ducuch̄u caraca duha. ⁶⁹ Tói to jich̄u ñ̄ano cahamacono sehe ticoro cahap̄u ducuinare yahurocaha tjoa.

—Ahr̄ro c̄h̄u Jesu buheina mehne macariro jira —niha ticoro.

⁷⁰ To ã nich̄u t̄horo Pedro pari turi ò sehe niha tjoa:

—Tirore masieraja ȳh̄u —niha tjoa.

Baharo curero tói ducuína Pedore ò sehe niha:

—Potocã tjira. M̄h̄u Galilea macariro jira. Æ jich̄u tina mehne macarirota jira m̄h̄u —niha tina tirore.

⁷¹ Ti ã nich̄u t̄horo tiro ò sehe ni ȳhtiha:

—Potocãta Cohamac̄u mehne nii nija m̄sare. Potocãta ȳu nierach̄u Cohamac̄u ȳh̄u buhiri dahrejaro. Tirore m̄sa nirirore ne masieraja ȳh̄u —ni ȳhtiha Pedro tinare.

⁷² To ã nich̄u caraca duha tjoa. To ã duch̄u t̄horo Jesu tirore to nirire wac̄uha: “Caraca p̄u taha to duhto pano m̄h̄u ȳh̄u ‘Jesure masieraja’, niihca m̄h̄u. Tia taha ã niihca m̄h̄u”, Jesu to nirire wac̄uha Pedro sehe. To ã nirire wac̄uho, tuaro tiirucuha Pedro.

15

Pilato Jesure sinituha

(Mt 27.1-2, 11-14; Lc 23.1-5; Jn 18.28-38)

¹ Æ yoa bohrearop̄u sacerdotea p̄htoa, b̄c̄na, sã judio masare buheina, jipih̄tina paina p̄htoa mehne cahmachu, durucuha Jesure ti yoah̄tire masia taa. Tirore ti wajãhtore durucu cahno tuhs̄, Jesure d̄hte, na wahcã, Pilatore waha tirore. ² Tirore ti na s̄u wach̄u ñ̄ano Pilato tirore ò sehe ni sinituha Jesure:

—¿Potocãta judio masa ti p̄htoro tjijari m̄h̄u? —ni sinitu ñ̄uha tiro Jesure.

—Æja. M̄u nino seheta tirota jija —ni ȳhtiha Jesu.

³ Æ yoa sacerdotea p̄htoa paȳu ni yahusãha tirore. ⁴ Ti ã ni yahusãch̄u t̄horo Pilato tirore ò sehe ni sinituha tjoa:

—Ahr̄na m̄h̄re paȳu yahusãa nina. ¿Ti ã yahusãpach̄u dohse yoac̄u ne ȳhtierajari m̄h̄u tinare? —niha tiro.

⁵ To ã nipach̄u Jesu ne pari turi ȳhti namoeraha. Æ jiro Pilato c̄aa wahaha.

Jesure wajã dutiha

(Mt 27.15-31; Lc 23.13-25; Jn 18.38-19.16)

⁶ C̄h̄maripe pascuaripe masa yairo c̄j̄htore c̄iuro peresup̄u jirirore, masa ti wio dutirirore Pilato ã wiobasa m̄jaa tiha.

⁷ Tí pjare Barrabá wama tiriro peresup̄u jiha. Tiro p̄htoare cohã duaina, masare wajãina mehne macariro jiha. ⁸ Æ jia masa paȳu Pilato cahap̄u s̄u, tirore ò sehe ni siniha:

—C̄h̄maripe s̄re m̄u yoarucuriro seheta yoaga s̄re. C̄iuro peresup̄u jirirore s̄re wiobasaga —niha tina.

⁹ Ti ã nich̄u Pilato tinare ò sehe ni sinitu ñ̄uha:

—¿Ahr̄ro Jesure m̄sa judio masa p̄htorore ȳu wiobasach̄u cahmajari m̄sa? —ni sinitu ñ̄uha masare Jesure wio duaro.

¹⁰ Jesure masa ti cah̄ich̄u ñ̄u sacerdotea p̄htoa c̄h̄u tirore ñ̄u tuhtiha. Æ ñ̄u tuhtia tirore waha Pilatop̄re. Æ jiro masa ti cah̄iri buhiri sacerdotea p̄htoa ti ñ̄u tuhtirire ti peresu yoa dutich̄u masino Jesure wio duamaha Pilato. ¹¹ To ã wio dupach̄u sacerdotea p̄htoa masare Jesu

mehne suach_u yoaha. Õ sehe ni dutiha tinare: “Jesu wijaach_u cahmaeraja. Barrabá sehere wioga”, ni dutiha masare. ¹² Æ jiro Pilatore Barrabáre ti wio dutiri baharo Pilato sehe tinare ò sehe ni sinituha tjoa:

—¿Ahriri judio masa ti puhtoro m_usa niriro sehere dohse yoahcari y_uh_u m_usa ã nich_u? —ni sinituha tiro.

¹³ —Crusap_u cjã puha wajãga tirore —ni sañurucuha masa.

¹⁴ —¿Yaba barore ñaare yoari ahriri m_usa ã ni sañurucuch_u? —ni sinitu namoha tinare.

To ã nich_u tãhoa tina sañurucu namoha tjoa:

—Crusap_u cjã puha wajãga tirore —ni sañurucuha tina.

¹⁵ Ti ã ni sañurucuch_u tãhoro Pilato sehe masare wahchech_u yoa duaro Barrabáre peresup_u jirirore wio dutiha masa ti wio dutirirore. Tirore to wio dutiri baharo, Jesu sehere ñano tjanaye dutiha. Tirore ti tjanayeri baharo, tirore surarare wiaha, crusap_u cjã puha wajã dutiro.

¹⁶ Æ yoa surara Pilato ya w_uh_u puhichap_u pretorio wama tiri w_uh_u puhichap_u tirore na sãa s_uha. Na sãa s_u tuhs_u, tina mehne macaina surarare pjiroca, cãnoi cahmachu dutiha. ¹⁷ Cahmachu tuhs_u, tina puhtoro ya suhtiro yoaro sehe bajuri suhtirore Jesure sãa, pota sorore yoa, tí sorore to dapu bui duhu payoha. ¹⁸ Æ yoa tuhs_u ò sehe ni buj_upeha tina tirore:

—Noano tagã. Judio masa puhtoro noano tagã —ni buj_upeha.

¹⁹ Æ niata yuc_uc_u mehne to dapure cjã m_uja, tirore chahcho puti sihõ m_ujaha tina. Tuhs_u, cua pisaro yoaina yoaro seheta tirore na tuhcuca caha s_u, ño payoro sehe yoaa, buj_upeha tirore. ²⁰ Æ yoa buj_upe tuhs_u ti sãari suhtirore tjuwe naroca, to ya suhti sehere tirore sãa, tirore crusap_u cjã puha wajãa waha, naa wahaha tina.

*Tina Jesure crusap_u cjã puha, wajãha
(Mt 27.32-44; Lc 23.26-43; Jn 19.17-27)*

²¹ Jesure ti ã naano watoi, tói wahariro Simo Cirene macariro campop_u s_uriro, tina cahap_u to wihich_u ñ_ua surara sehe tirore Jesu to w_uari crusare w_ua wahcã

dutiha. Alejandro, Rufo puaro pu_uaro jiha Simo sehe.

²² Baharo, Gólgota wama tirop_u Jesure na s_uha. Gólgota nino, “Dapu cohã”, nino nina.

²³ Tóp_u tirore ti na s_uri baharo, se core, mirra wama tid_u co mehne ti morea core Jesure wamaha. Wiho mejeta tiro sehe tí core sihni duaeraha. ²⁴ Baharo tina Jesure crusap_u cjã puha dapoha. Cjã puha dapu tuhs_u, to sãa suhti cjirore ti basi cahma witia taa, “¿Noa yaro jirohcari ò?” ni masia taa, docapea poca mehne docape m_ujaha tina.

²⁵ Jesure crusap_u ti cjã puhach_u tia hora waro d_uhsasiniha cohari pja to s_uhto. ²⁶ Æ yoa crusap_u ò sehe ni joari pj_une duhu õha tina tirore ti yahusãrire yahu duaa. “Ahriri judio masa bui puhtoro jiriro jira”, ni joaha tina tí pj_une. ²⁷ Æ yoa puaro yaca bu_uc_una Jesu cahai paye pj_uni_u crusarip_u ti cjã puha daporina jiha tina. Cãiro to pota buh_usehei, paio to cõ buh_usehei cjã puha dapoha tina cãh_ure. ²⁸ [Ti ã yoach_u panop_u Cohamac_u yare ti yahu joariro seheta ã waharo niha. Õ sehe ni joaa tiha: “ ‘Dutiare y_uhd_uru_ucaina mehne macariro jira’, ni tãhoture masa tirore”, ni joaa tiha panop_u.]

²⁹ Æ yoa crusari cahai y_uhd_u wahcãina Jesure ñ_u, ti dapu pocare yurer_uca, tirore ñano ni durucuha:

—Noana. Noana. ¿Cohamac_u w_uh_ure cohã, tia dacho wahaboroi pari turi tí w_uh_ure dahrehtiro jijari m_uh_u? ³⁰ Æ jiriro jic_u, m_u basi dujiaga. Æ jic_u m_u basi yoadohoga. Æ jii y_uhd_u witi_uhca m_uh_u —ni buj_upeha tina.

³¹ Ti yoaro seheta sacerdotea puhto cãh_u sã judio masare buheina cãh_u tirore ã ni buj_upeha. Æ ni buj_upea ò sehe niha ti basi:

—Tiro painare y_uhdoriro jiparota to basi y_uhd_u masierara: ³² “Cristo, Cohamac_u warocariro Israe masa puhtoro jija”, ni mana tiro. Æ jina to basi to duji tach_u ñ_una tirore wac_u tuanahca —ni buj_upeha tina.

Æ yoa yaca bu_uc_una tiro cahai ti cjã puha õrina cjiri cãh_u tó seheta tirore ñano ni buj_upeha tina cãh_u.

*Jesu yariaa wahaha**(Mt 27.45-56; Lc 23.44-49; Jn 19.28-30)*

³³ ã yoa cohari pja jichu tia hora waro jip-
ihtiropu nahitiano wahaha. ³⁴ To nahitia
duhuchu waro Jesu tuaro sañurucuha:

—Eloi, Eloi, ¿lama sabactani? —niha tiro.

ã nino õ sehe nino niha. “Yuh Cohamacu, yuh Cohamacu, ¿dohseacu yuhure cohãri muhu?” nino niha.

³⁵ To ã nichu tuhõa cãina tõi ducuina õ
sehe nimaha:

—Tuhõga musa. Cohamacu yare yahu
muharitore Elia cjirore pjirocaro nina —
nimaha tina.

³⁶ ã jiro cãiro tina mehne macariro
wihmi nari suhtere vino suẽa core to sohari
suhtere na muroca, yuchacu sohtoapu duhte
õ, Jesure wihmi dutiha. ã wihmi dutiro, õ
sehe nimaha:

—Depusinia. Elia cjiro wihi ahrirore
to na bororo tachu ñasinijihna mari —
nimaha tiro painare.

³⁷ To ã niri baharo Jesu sehe tuaro
sañurucu, yariaa wahaha. ³⁸ To yariachuta
Cohamacu wuhu macari suhtiro tõe to jiri
tahtia waropu ti ducataro suhtiro dacho
macai bui sehe tuhnu bora ta, puca cahsaro
tuhnuroca yoja sua wahaha. ³⁹ To ã yari-
achu ñuno surara puhtoro Jesu to wahãno
potoi ducuriro õ sehe niha:

—Potocã tjiri jimana. Ahriro Cohamacu
macunota jiri jira —niha tiro.

⁴⁰ ã yoa yoaropu ducua numia cãhu
Jesure ñurocarucua niha. Tí numia mehne
María Magdalena jiha. Pacoro María
wama tiricoro cãhu jiha. Ticoro sehe José,
to baharo Santiago ti pocoro jiha. Pacoro
Salomé jiha. ⁴¹ Tí numia Jesu yahuare
quihõno tuhõa numia jia, Galilea yahpai
to jisnichu tirore piti ti, yoadohõa tiha.
Tí numia mehne payu paye numia cãhu
Jerusalẽpu Jesu to saho tarina numia jiha.

*Jesu pjacure masa copapu cãha**(Mt 27.57-61; Lc 23.50-56; Jn 19.38-42)*

⁴²⁻⁴³ ã yoa tí dacho to yariari dacho
Sabado pano judio masa sã sori numu pano
jiri dacho jiha. ã yoa Pascua macaa cji-
htire ti cahnori dacho jiha. Tí ñamihta José
Arimatea macariro cuiro marieno Pilato
cahapu suha Jesu pjacure sinino saro. José

judio masa sã puhtõa mehne macariro,
puhtõa ti cua pisaro ñuroro waro jiha. Tiro
puhtoro Cohamacu masare to saho jhtore
cohtaro niha. ⁴⁴ ã yoa José Pilatore to ã
sinichu tuhõro, tuhõ cuaa wahaha Pilato
sehe. “¿Jesu yaria tuhsuari?” ni tuhõturo,
cuaa wahaha. ã jiro surara puhtoro
pjiroca õ sehe niha tirore:

—¿Potocãta Jesu yariaa wahari? —ni sini-
tuhõ tirore.

⁴⁵ To ã nichu surara puhtoro õ sehe ni
yuhõtiha:

—ãja. Yariaa wahahre —niha.

To ã nichu tuhõro, Pilato Jesu pjacure wa
dutiha Josere. ⁴⁶ To ã wa dutiri baharo José
noari suhtirore nuchabasaha. Nuchabasa
tuhsu, Jesu pjacu cjirore na boro, suhtiro
mehne wahma, masa copapu tãcai ti sa-
hari copapu to pjacure siõ sãa payõha. Siõ
sãa payõ tuhsu, tí copa cahai jiria tãcare
pjiria tãcare tju turẽ wahcã, tí copare biha
dapõha. ⁴⁷ María Magdalena, ã jichu María
José pocoro Jesure ti na sãa duhu pay-
orirore ñuha.

16*Jesu masa wijaaha**(Mt 28.1-10; Lc 24.1-12; Jn 20.1-10)*

¹ ã yoa Sabado dacho yuhõuri baharo,
sũ sãari baharo, María Magdalena, Salomé,
ã jichu María Santiago pocoro, tina tiaro
numia wisõa me sitia core nuchaha Jesu
pjacure wisõa taa. ² ã jia domingo bohrea
maja tachu Jesure ti duhu payori copapu
ñua wahaha tina. ³ Tí copa cahapu waharu-
cua, õ sehe niha tina ti basi:

—¿Tí copare bihari tãcare noa marine
pjõobasarõhcaro na? —niha tí numia ti basi.

⁴ Baharo tí copa cahapu sua, tí copare
bihari tãcare, pjiria tãcare ti nawe cãriare
ñuha tina. ⁵ ã ñua tí copapu sãa wa-
haha. Tõpu sua, cãiro wahmunore ti
poto buhusehei dujirirore, yehseri suhtiro
sãarirore ñua, cuaa wahaha tina. ⁶ Ti ã
cãachu ñuno, tiro sehe õ sehe niha tí numi-
are:

—Yuhure ñu cãaena tjiga. Jesu Nazare
macariro, crusapu ti cã puha wajãro
cjirore musa macana nimana. Wiho
mejeta tiro sehe masa wijaa tuhsahre.

Õre mariahna. Tirore ti duhu payoro cjirore ñuga. ⁷ “Tiro m̄sa pano Galileap̄m̄ wahuhto jiyuhti. Tóí to niriro seheta m̄sa tirore ñuhtina jiyuhti”, ni yahuna wahaga to buheinare, Pedro c̄hure –ni yahu dutiha wahm̄no tí numiare.

⁸ To ã nich̄m̄ t̄ho tina cui, tetere, masa copa cahai jirina m̄rocaa wahaha. ã cuia painare yahueraha.

Jesu María Magdalenare bajuaha
(Jn 20.11-18)

⁹ [ã yoa Jesu sehe domingo ñamicunucã to masa wijaari baharo, María Magdalenare to siete wat̄ia to coh̄nohricorore tiro bajua m̄uhtaha. ¹⁰ Jesu mehne macaina cjiri sehe to yariach̄m̄ ñ̄a, tuaro cahya, tiia niha. ã ti tiiro watoi, María Magdalena sehe Jesure to ñ̄urire tinare yahuro s̄maha. ¹¹ “Jesu catihre. Ñ̄hi ȳh̄m̄”, ni yahumaha ticoro. To ã ni yahupach̄ta, tina sehe ticorore ne t̄ho duaeraha.

Jesu to buheinare bajuaha
(Lc 24.13-35)

¹² Baharo p̄aro tina mehne macaina masa marienop̄m̄ ti tinich̄m̄ Jesu soro bajiuro tina c̄hure bajuaha tjoa. ¹³ To ã bajuach̄m̄ ñ̄a tina tjua waha, paina Jesu yainare tíre yahuha. Ti ã ni yahupach̄ta tina c̄hure t̄ho duaeraha.

Jesu to yare buhe dutiro warocaha to buheinare
(Mt 28.16-20; Lc 24.36-49; Jn 20.19-23)

¹⁴ Baharo to buheina oncere mesa cahap̄m̄ ti ch̄m̄ dujiro wato, tinare bajuaha tjoa Jesu. Tirore ñ̄urinare ti yahuch̄m̄ ti t̄ho duaerari buhiri, tirore ti noano wac̄u tuaerari buhirire masino, tiro tuhtiha tinare.

¹⁵ ã tuhti tuhs̄m̄, tinare õ sehe niha:

–Ahri yahpa jipihtirop̄m̄ are ahri ȳm̄ ya quiti noaa buheare jipihtina ahri dacho macainare noano yahu site pah̄õna wahaga. ¹⁶ Ȳh̄m̄ are wac̄u tuainare ti bautisarinare pichacap̄m̄ wahaborinare ȳhdorohca Cohamac̄m̄. Tuhs̄m̄, ȳh̄m̄ are wac̄u tuaeraina Cohamac̄m̄ to buhiri dahrehtina pichacap̄m̄ wahahtina jahca.

¹⁷ ã jia ȳh̄m̄ are wac̄u tuaina ȳm̄ tuaa mehne õ sehe yoaahca: Ȳm̄ tuaa mehne, ȳm̄ wama mehne wat̄iare coh̄ã wioahca. Tuhs̄m̄,

wahmaa d̄serire durucuahca. ¹⁸ ã yoa aḡare ti ñahach̄m̄, jipihtia ñ̄ima dohse jia ñ̄imare ti sihnich̄m̄, tinare ne pur̄isi. ã yoa dohatiina bui ti wamomacarine ti ñ̄a payoch̄m̄ tina noaina wahaahca –ni yahuha Jesu to buheinare.

Jesu m̄anop̄m̄ m̄j̄aa wahaha
(Lc 24.50-53)

¹⁹ ã ni yahu tuhs̄m̄ mari p̄h̄toro Jesu m̄anop̄m̄ m̄j̄aa wahaha. Tópm̄ s̄ro Cohamac̄m̄ poto buh̄sehei dujiha tiro mehne p̄h̄toro jiro. ²⁰ ã jia tina jipihtirop̄m̄ noaa buheare Cohamac̄m̄ masare to ȳhd̄ch̄m̄ yohti buheare buhea wahaha. Ti ã buhech̄m̄ mari p̄h̄toro tinare yoadohoha. To tuaa mehne yoa ñ̄o masich̄m̄ yoaha tinare, masare to ya buheare t̄ho dutiro. Tó puro tjira.]

San Lucas

1-3 Puhutoro Teófilo, ahrire m̄ buhehti cjihtire m̄h̄re joarocai nija. Jesu s̄a mehne jisninino to yoari cjihtire paȳa paina joa d̄ca tuhs̄re. Wahmanop̄re Jesure ñ̄ina cjihtire, to yare buheina cjihtire ti ni yahuriro seheta paina tíre joa d̄ca tuhs̄re. ã jic̄a ahri jipihtiare noano masi pah̄ño duac̄a buhei. ã jic̄a ȳh̄ c̄h̄a tíre noano joa duaja m̄ buhehti cjihtire yoac̄a tac̄a. 4 Jesu yare yahuina m̄h̄re buhe tuhs̄re. Tíre noano m̄ masi namohto sehe ahri tjure m̄h̄re joarocai nija.

João masare bautisahtiro to masa bajuhtire anjo yahuha

5 Herode Judea yahpa macaina puhutoro to jich̄a c̄airo sacerdote Zacaria wama tiroiro jia tiha. ã jiro Zacaria to ya curua macaina sehe sacerdotia curua Abías cjiro ya curua jiha. Zacaria namono c̄h̄a sacerdote Aarõ cjiro panamañono ji turaricorop̄a jiha. Ticoro Elisabe wama tiroiro jiha. 6 Tina p̄aro Cohamac̄a dutiare noano yoa pah̄ñoina ti jich̄a ñ̄ino, “Ah-rina ȳ cahmano seheta ã jia tirucura”, ni ñ̄ha Cohamac̄a tinare. 7 Ticoro Elisabe ne pohna marienicoiro jiha. ã jia tina p̄aro ne pohna marieina ji, b̄c̄ana waro jiha.

8 ã yoa sacerdotia ti dahraare dahraa taa, õ sehe yoaa tiha: Dahra m̄htari curua cjiro pa curua mehne cahma cohtota m̄jaa tiha. ã jia Zacaria ya curua macaina dahrahti dachori jich̄a, tina dachoripe sacerdotia ti dahraa tirucuriro seheta Cohamac̄a ya w̄h̄p̄a dahraa taa niha. 9 Sacerdotia Cohamac̄a ti ño payori mesap̄a inciensore me sitia pohcare jãhtiro cjihtore besea taa, docapea mehne besea tiha. ã yoa ti quihõri dacho jich̄a Zacaria ya curua macaina me sitiare jãhtirore besea taa docapeha. ã docapea Zacariare beseha. ã jiro tiro puhutoro Cohamac̄a ya w̄h̄p̄a s̄a wahaha me sitiare jãno waharo. 10 Tí w̄h̄p̄a tíre to jãno watoi jipihtina masa sehe sopacap̄a Cohamac̄a sinia tiha. 11 Tí pjare Cohamac̄a yairo anjo Cohamac̄a ño payori mesa

poto b̄h̄sehei bajuar̄c̄a s̄ha Zacariare. 12 To ã bajuach̄a ñ̄no Zacaria tirore ñ̄ c̄a ȳh̄d̄a wahaha. 13 To ã c̄ach̄a ñ̄no anjo tirore õ sehe ni yahuha:

—Zacaria, cuii tjiga. Cohamac̄a m̄ sinirire t̄hore. ã jina mip̄re m̄sa pohna tinahca. M̄sa mac̄a cjihtore masa bajuarohca. To bajuach̄a “João” ni wama pisuga tiroc̄a. 14-17 “Tiro ȳ tuaa mehne paȳa noaare yoarucuriro jira”, ni ñ̄nohca Cohamac̄a m̄ mac̄a. Tiro to masa bajuari baharo vinore, sihbiore c̄h̄a seh̄nisi. ã jiro tiro to masa bajuahto pano Espíritu Santo to niriro sehe yoariro jirohca tiro. Espíritu Santo tirop̄re s̄ar̄c̄a s̄ tuhs̄ ã baju yoarucurohca tiro mehne. ã yoa paȳa Israe masare Cohamac̄a mari puhutorore cahmaeraina cjihtire noano cahmach̄a yoarohca m̄ mac̄a. Mari puhutoro to tahto pano Elia cjiro Cohamac̄a yare yahu m̄htariro to buheriro seheta Espíritu Santo to yoadohoro mehne Cohamac̄a to tuaa mehne m̄ mac̄a c̄h̄a buherohca. ã buhero ti p̄c̄s̄ma ti pohna mehne ñ̄no jimarinare ti noano cahma cah̄i jich̄a yoarohca. ã yoa Cohamac̄a ȳh̄d̄h̄c̄a cjihtire c̄h̄a noano ño payoa mehne ȳhtich̄a yoarohca. ã buhero mari puhutoro Cohamac̄a yaina cjihtire yoarohca tiro. ã jic̄a to masa bajuari baharo m̄h̄ wahcheihca. Paȳa paina c̄h̄a wahcheahca —niha anjo Zacariare.

18 To ã nich̄a t̄horo Zacaria sehe õ sehe ni sinituha anjore:

—S̄a b̄c̄ana jija. ¿ã jic̄a m̄ niri potoc̄a jich̄a dohse masic̄h̄ari ȳh̄? —niha tiro.

19 To ã nich̄a anjo sehe tirore õ sehe ni yahuha:

—Ȳh̄ Gabriele wama tiroiro jija. Cohamac̄a cahamac̄ano to cahai ducuriro jija ȳh̄. Cohamac̄a ahri noaa quitire yahu dutiro, m̄ cahai ȳh̄re warocare. 20 Ȳ yahuriro seheta potoc̄a waharohca. Ȳ ã nipach̄ata ȳh̄re m̄h̄ potoc̄a t̄hoerare. ã jic̄a mip̄re m̄h̄ durucu masierariro wahaihca. M̄ mac̄a to bajuari baharo durucuihca tjoa —niha anjo Zacariare.

21 Sopacap̄a jiina masa Zacariare cohtaa niha. “¿Dohse jiro baro tiro Cohamac̄a

wahupu jiro, so wijaa taerajari?” ni, cohtaa niha masa tirore. ²² Tuhsu, tiro wahupu jiro wijaa wihi, tina mehne durucu masieraha. “Tiro Cohamacu wahu bajuaare ñno niboca”, ni tūhotu masiha tina. Ñ jiro tiro durucu masierariro jiro to wamomacari mehne yoa cayoha masa ti masihtō sehe.

²³ Cohamacu wahu to dahraa pihtichu, tiro to namono mehne tjuaa wahaha ti wahupu. ²⁴ Ti ã tju sūri baharo to namono Elisabe niji pocoro jiha. Ñ jiro ticoro cinco sūri waro masa cahai wahaeraha. ²⁵ Õ sehe ni tūhotuha ticoro: “Mipure yuhure Cohamacu yoadohore juna. Pohna marienico jico buobiaro yuhdahi yahu. Cohamacu to yoadohoro mehne mipure nijinocāre boca ja yahu”, ni tūhotuha ticoro.

Jesu to masa bajuahtore yahuha anjo

²⁶⁻²⁷ Elisabe cinco sūri niji pocoro to ji wahcāchu waro Cohamacu sehe anjore Gabrie wama tirirore nuhmino, ne muu mehne jieraricoro cahapu warocaha. Ticoro María wama tiricoro Nazarei Galilea yahpai jiri macai jia tiha. José wama tiriro jiha to manano cjihto. Tiro panopu macariro Davi cjiro panamino jiti turiariroru jiha. ²⁸ Ñ to warocachu María cahapu sūro, anjo ñ sehe ni yahuha:

—María, ¿jimajari muu? Cohamacu muhure yoadohoro nina. Muhure noano yoaro nina —niha anjo ticorore.

²⁹ To ã nichu tūhoro, ticoro tuaro wacū tūhotuha. Anjo to yahurire tūhoturo “¿Dohse nino baro yuhure ã nicari?” ni wacūha ticoro. ³⁰ To ã ni tūhotuchu masino anjo ñ sehe ni yahu namoha ticorore:

—María, Cohamacu muhure tuaro cahina. Ñ jico muhure yu yahuhtire tūho caeco tjiga. ³¹ Noano tūhoga. Cāiro nijinocāre pohna ticohca muhu. Tirocā to masa bajuari baharo, “Jesu” ni wama pisucohca muhu tirocāre. ³²⁻³³ Tiro tua yuhduariro jirohca. Ñ jia tirore “Cohamacu Jipihtina Bui Jiro macanota jira”, ni masiahca masa. Mu macu ñuchano mananopu Davi cjiro Israe masa ti puhtoro to jia tiriro cjiro seheta mu macu cjihto cāhure cūnohca Cohamacu. Ñ jiro jiphtia dachoripe tiro

Israe masare dutirohca. Puhtoro to jihtō ne pihtisi —niha anjo.

³⁴ To ã nichu tūhoro María sehe ñ sehe ni sinituha:

—¿Dohse yuhu manu mariapacohca pohna tibocari yuhu? —niha ticoro.

³⁵ To ã nichu tūhoro anjo ñ sehe ni yuhtia:

—Espíritu Santo to tuua mehne muhure nijinocāre bocachu yoarohca. Ñ jiro Cohamacu Jipihtina Bui Jiro to tuua muhure to masuhca caharo seheta bajuaeraparota tarohca muhure. Ñ jia “Cohamacu macuno, ñaa buhiri tia marieriro jira”, niahca masa mu macure. ³⁶⁻³⁷ Cohamacu jipihtiare yoa masina. Ñ jiro mu coyeacoro Elisabe cāhu bucoro waro jiparota mipure niji pocoro jira ticoro. Ticoro pohna tirohca munocāre. Masa ticorore “Nijinocā boca masienico jira”, ti nirocō cjiro mipure nijinocāre to bocari baharo seis sūri waro wahara —niha anjo Maríare.

³⁸ To ã nichu María ñ sehe ni yuhtia:

—Yuhure tūhoga. Mari puhtoro to cahamacono jija yuhu. Mu nirocō seheta yuhure ã wahajaro —niha ticoro.

To ã niri baharo anjo wahaa wahaha.

María Elisabere ñno wahaha

³⁹ To ã niri baharo María tūyucari jiri yahpau Judea yahpai jiri macapu ño duaro wahaa wahaha. ⁴⁰ Tōpu sūro, Zacaria ya wahupu sāano, “¿Jimajari?”, niha ticoro Elisabere. ⁴¹ To ã nichu Elisabe to tūhochata, to macuno sehe niji suhtiropu jirocā ñuhmiha. Elisabe Espiritu Santo to dutirocō seheta yoa pahñoricoro jiro, to tuaare cjaricoro jiha. ⁴² Ñ jiro tuaro wahchea mehne ticoro bisiro durucuha:

—Jiphtia numia yuhdoro muhure noano yoahre Cohamacu. Mu macu cāhure noano yoahre Cohamacu. ⁴³ Cue, yu puhtoro pocoro yu cahai mu tachu noano yoara yuhure Cohamacu. ⁴⁴ Mu yuhure “¿Jimajari?” mu nichu yu macu sehe niji suhtiropu jirocā wahchea mehne ñuhmihti yuhure. ⁴⁵ Cohamacu to nirocō seheta yoarohca. Ñ jico to yahurire tūhoricoro jico wahchericoro jira muhu —niha Elisabe Maríare.

⁴⁶ To ã nichu María ñ sehe ni yuhtia:

“ ‘Cohamacu noariro, tuariro jira’, nija. Yuhu noano yajeripohna tija.

47 Cohamacu yuhure pichacaru wahaboricorore yoadohoriro jira.

Ã jiro mipure yuhure noano wahchea mehne jichu yoara.

48-49 Tiro yuhure to cahamaconore wacuri jira. Cohamacu tua yuhduariro noaa dihtare yuhure yoadohohre.

Ã jia mipure ‘Ticorore Cohamacu noano yoahre’, jipihtina masa ã ni, durucuahca yuhure.

Cohamacu ñaa marieriro jira.

50 Jipihtia dachoripe jipihtina tirore ño payoinare tiro pja ñariro jira.

51 Cohamacu to tuaa mehne yoaha. ‘Painare yuhdurucaja’, niinare yuhdurucaha tiro.

52 Puhtoare cohãha tiro. Ã jiro cahamaca sehere tiro puhtoa yoaro seheta cãha tinare.

53 Juca baaina cjirire tiro noaa chure waha. Tuhsu, payu cãaina cjirire paye baro cãaeraina yoaha tiro.

54-55 Mari ñuchusuma cjirire to yahu cãiro seheta yoa pahnoha Cohamacu.

To cahamaca Israe masare tiro yoadohoha. Abrahã cjirire mari ñuchusuma cjirire jipihtina to coyea to baharo jiina cãhure Cohamacu jipihtia dachoripe ã pja ñarurucuriro jia tiha.

Tinare to yahu cãire boeraha Cohamacu”, niha María.

56 Tia sã waro Elisabe mehne jiha ticoro. Tó puro to jiri baharo to ya macaru tjuaa wahaha María.

João masa bajuaha

57 Elisabe to niji wahcõri baharo to macuno masa bajuaha. 58 Ã jia Cohamacu ticorore to ã noano yoachu to ya maca macaina to coyea cãhu ticoro mehne wahcheha. 59 Ocho dachori to masa bajuari baharo, to pucsuma tirocãre mahanocã to pjacu cahsarocãre yihso dutia taa niha. Ã jia tina mehne macaina ti caharu sãha ti yihsochu ñha taa. Tina mehne macaina Zacaria to pucuro wamare tirocãre wamoa duamaha. 60 Ti ã wamoa duapachuta to pocoro õ sehe niha:

—To pucuro wamare wamoeraja. João wamoanahca tirocãre —niha ticoro.

61 —Mu coyea ne cãiro João wama tiriro mariahna —niha tina ticorore.

62 Ã jia ti wamomacari mehne yoa ño, Zacariare õ sehe ni sinitu ñaha tina:

—¿Muhu waro dohse wamoa duajari mu macure? —ni sinitu ñaha tirore.

63 Ti ã nichu tiro sehe johti pjine siniroca, ñaha, joaha: “Yu macu João wama tirohca”, ni joaha Zacaria. To ã ni joachu tina sehe cãaa wahaha. 64 To ã ni joari baharo tirore durucuchu yoaha Cohamacu. Ã jiro tiro durucua wahaha juna:

—Cohamacu tuariro, noariro jira —niha tiro.

65 To ã ni durucuchu tãhoa tó macaina cãaa wahaha. Ã jia ahri jipihtiare Judea yahpa macainare tãyucu watoi jinare masa yahu siteha. Ã jia masa tó macaina noano masi pihtia wahaha. 66 Jipihtina tãre tãhoa wacãha. “Cohamacu tuaare ahrirocã cãara. Ã jiro wiho jiriro jierara ahrirocã”, ni tãhotuha masa.

Zacaria Cohamacure ño payoha

67 Ã yoa to pucuro Zacaria sehe Espiritu Santo to dutiriro seheta yoa pahnoriro jiro to tuaare cãariro jiro Cohamacu yare õ sehe ni yahuha:

68 “Mari Israe masa Cohamacure, mari puhrore wahche payojihna mari. To yaina jija mari.

Ã jiro tiro mari caharu wihiro, marine yoadoho, noano yuhdachu yoaro taro nina.

69 Cohamacu marine, pichacaru wahaborinare yuhdachu yoahitirore, tua yuhduarirore warocara.

Ahriro marine yuhdachu yoahitiro cjihto sehe Cohamacure dahra cohtariro Davi cjiro panamino ji turiariro jira.

70 Panopure to yaina waro, to yare yahu mãhtaina cjirire ahri õ sehe wahahto cjihtore yahu cã mãhta tuhsu tiha.

71 ‘Musare ñu tuhtiinare, jipihtina musare ñano yoainare ducataihtja’, ni cãha Cohamacu marine.

72 Mari ñuchusuma cjiripure ‘Musare pja ñu, yoadohoihtja.

Məsare yu yahu cūrire wacūihtja', niha Cohamacu.

Tí pjarure to ni cūriro seheta mipure marine sohtori tiro taro nina.

⁷³⁻⁷⁵ Panopure õ sehe ni cūa tiha Cohamacu Abrahāre: 'Potocā niita nija mūhure.

Mu coyea baharopu ji nunuhtinare paina tinare ti űu tuhtichu, yuhu sehe tinare ducataihtja.

Ā jia mu coyea sehe ne cuiro marieno yu dutiare yoa, yuhure űo payoahca.

Tina ti catiro puro yu űurocaroi buhiri marieno, quihōno jia tiina jirucuahca', ni yahu cūa tiha Cohamacu mari coyeiro Abrahā cjirore",

niha Zacaria. Ā ni tuhsu tiro to macu cūhure õ sehe niha tjoa:

⁷⁶⁻⁷⁷ "Macu, mūhure õ sehe niahca masa: 'Cohamacu Jipihtina Bui Jiriro yare yahu mūhtarirota jira', ni masiahca mūhure.

Mūhu mari puhtoro Cristo to tahto panore masare yahuyui wahaihca.

Ā yahuyui wahacu, õ sehe ni yahuyuihca tinare: 'Mari puhtoro tarohca.

Tiro musa űaa yoari buhiri tiare cohā, pichacapu wahaborinare yuhdorohca məsare', ni yahuihca mūhu.

Ā ni yahucu, mari puhtoro to tahtore cahnoyu dutii niihca mūhu tinare.

⁷⁸ Cohamacu sehe marine tuaro pja űuriro ji, marine noano yoariro jitjiāno, tiro marine pichacapu wahaborinare yuhduchu yoa duara.

Ā jiro tiro Cristore buhriaro yoaro sehe jirirore mari cahapu warocara.

⁷⁹ Tiro mari cahai wihiro marine pichacapu wahaborinare nahitiano waropu jimarinare buhriaro marine to noano űu bocachu yoaro seheta Cohamacu ya potocā ni yahuaire masichu yoarohca tiro.

Ā yoa mari tiro mehne cūno mehne mari noano ji masihtu cjihto cūhure yahurohca marine", niha Zacaria.

⁸⁰ Ā yoa Zacaria macu noano pjacu tiriro bucuaha. Ā bucuaro, Cohacure tuaro űo payoriro jia. Tuhsu, yoari pja

masa marienopu jia tiha. Israe masare buhe ducaro tóputa to jiriro cjiroi jia tiha.

2

Jesu masa bajuaha (Mt 1.18-25)

¹ Tí pjare jipihtia yahpari macaina bui puhtoro Augusto jia tiha. Ā jiro jipihtinare quihō dutiha. ² Ahrina masare ti coā quihō ducachu Siria yahpa macaina puhtoro Cirenio wama tiriho jia. ³ Ā jia jipihtina ti űuchusuma panopu macaina ya macaripu ti wamare joa õa wahaha. ⁴ José cūhu Nazarepu Galilea yahpai jiri macapu jina waha, Judea yahpapu Belē wama tiri macapu sūha. Puhtoro Davi cjiro panopu macariro to masa bajuariro jia Belē. José Davi cjiro panamino ji turiaro jiro puhto masare to quihō dutichu tuhoro Belēpu to wamare joa õ dutiro wahaha. ⁵ Ā jiro tiro María to namono cjihto mehne tópu to wamare joa õ dutiro sūha. Ticoro sehe wihārirocāre cjuaro caharicoro jia. ⁶ Ā jiro Belēpu sūro ticoro niji wahcōha. ⁷ Tópure masa ti cariri wūhu ne mu sūeraha tinare. Ā jiro ticoro pohna ti tuhsu, tirocāre suhtiro mehne coma, wachūa ti chūri wahwai, tja bui tirocāre duhu payoha. Tirocā wahma to pohna ti mūhtarirocā jia.

Anjoa ovejare űu wihboinare bajuaha

⁸ Tí űamine campopu ovejare űu wihboina ti yaina ovejare űu wihboa niha. ⁹ Tópu ti jichu Cohamacu warocariro anjo tinare bajuaha. To ā bajuachu Cohamacu to si sitea tinare buhriaha. To ā si sitechu űūa, ovejare űu wihboina cuia wahaha. ¹⁰ Ti ā wahachu anjo tinare õ sehe ni yahuha:

—Noaa quitire məsare yahui taja. Jipihtinare masare wahchecu yoarohca ahri quti. Ā jina yuhure cuiena tjiga musa.

¹¹ Micha űamine puhtoro cjiro Davi ya macapu məsare pichacapu wahaborinare yuhdohtiro, Cristo Cohamacu warocariro mari puhtoro masa bajua tuhsūhre.

¹² Suhtiro mehne comariro wachūa chūri wahwa bui ti duhu payoriro musa űuhtiro tiro tjirohca —ni yahuha anjo tinare.

¹³ To ã nichuta payu muanano macaina ji muntariro anjo mehne Cohamacure wahche payoha. O sehe ni wahche payoha tina:

¹⁴ “Cohamacure muanano macarirore ño payojihna.

Ã jia Cohamacu to cahina cuiro marieno cahmacheno marieno noano jijaro”, ni wahche payoha anjoa peri.

¹⁵ Ã ni wahche payo tuhsu muanopu ti mujari baharo ovejare ñu wihboina sehe ti basi cahma durucuha:

—Ahrire Cohamacu marine to yahurire Belẽpu basa ñujihna —niha tina ti basi.

¹⁶ Ã nia ño duaro waha wahaha tina. Maríare, Josére boca su, wihãrirocãre wachua chãri wahwai ti duhu payorirocãre ñuha tina. ¹⁷ Ovejare ñu wihboina tirocãre ñu tuhsu anjo wihãrirocãre to yahurire yahu turiaha painare. ¹⁸ Ti ã ni yahu turiachu jipihtina tinare tuho cuaa wahaha. ¹⁹ Ahri jipihtiare Maríia wacũ tuhoturucuha. ²⁰ Ã yoa ovejare ñu wihboina sehe anjo to yahuriro seheta jichu ñua, “Cohamacu tuariro jira”, ni wahcheha. Ã ni wahche, majare tjuaa wahaha.

Cohamacu wuhupu Jesu pucsuma tirocãre naaha

²¹ Cũ somana baharo wihãrirocã to pjacure mahanocã cahsarocãre yihso na tuhsu tirocãre tina Jesu wamoaha. Jesure wahma to bocahto pano anjo sehe “ ‘Jesu’ ni wama pisuga tirocãre”, ni yahu tuhsuha. Ã jia tirocãre “Jesu” ni wama pisuha.

²² Cohamacu dutia Moise to yahuriro seheta yoaa taa José, Maríia mehne Jerusalẽpu wahaha. Tõpu wahaha Maríia to pohna tiri baharo to noaricoro to wahari baharo to ã waharire ñono taro. Ã waha, tina Jesucãre naa wahaha. Tirocãre Cohamacure “Ahrirocã m uairo cjihto jira”, ni ñoa wahaha. ²³ O sehe yoaha Cohamacu yare ti joari pũi to yoa dutiriro seheta. “Jipihtina msa pohna wahma bajua muntainacãre Cohamacure ñoga. ‘Ahrirocã m uairo cjihto jira’, ni ñoga”, ni dutia tiha Cohamacu.

²⁴ Ã ño tuhsu Cohamacu to yoa dutiriro seheta tina minichahcare waa wahaha Cohamacure ño payoa. O sehe dutia tiha

Cohamacu: “Bujaa puaro waga yuhure. O tina mariachu urítua wihãinacã puaro waga yuhure ño payona”, ni dutia tiha Cohamacu. To yoa dutiriro seheta yoaha tina ticoro pjacu noari pjacu to waharire ñoa taa.

²⁵ Jerusalẽi Simeo wama tiriro jiha. Tiro quihõno yoariro, Cohamacure ño payoriro jiro, Cohamacu Israe masare to yoadohotire cohtariro jiha. Tiro Espiritu Santo to nino sehe yoariro jiha. ²⁶ Ã jiro tiro to yariahto pano Cohamacu to warocahtirore Cristore to ñuhti cjihtire tó pano yahu tuhsuha Espiritu Santo tirocãre Simeore. ²⁷ Ã jiro Espiritu Santo tirocãre to dutichu Cohamacu wuhupu sãa wahaha. To sãa sãri baharo Jesu pucsuma ti macnocãre na sãaha. Cohamacu to dutiriro seheta yoaa niha. ²⁸ Simeo sehe tirocãre wua na, Cohamacure ño payo, “Noana” ni, tiro mehne durucuha.

O sehe niha tiro Cohamacure:

²⁹⁻³² “Mipu pinihtare puhtoro, m u niriro seheta jipihtina masare pichacapu waborinare yuhduchu yoahitiro cjihtore warocahre mhu.

Tiro judio masa jierainare buhero mhu noano masichu yoarohca tinare.

Masare yuhdohtiro Israe masunore mhu cõha.

Sã coyero Israe masunore m u cõchu jipihtina masia, ‘Israe masare noano yoara Cohamacu’, niahca masa.

Ahrirocã sãre yuhduchu yoahitiro jira.

Ã jicu ahrirocãre ñu tuhsu, mipure noano wahcheriro yarialhca”,

niha Simeo.

³³ Simeo tirocãre to ã nichu Jesu pucsuma sehe tuho cuaa wahaha. ³⁴ Ã jiro Simeo tinare “Noano jiga msa” nino, tiro Maríia Jesu pocorore o sehe ni yahuha:

—Cohamacu ahrirocãre beseha. To ã beseiro to jipachuta judio masa payu tirocãre yuhducaahca. Ã yoaa tina pichacapu wahaahca. Judio masare payu yuhdohtirore Cohamacu beseha tirocãre. Tiro Cohamacu yare yahuriro to jipachuta masa payu tirocãre ñano ni yahu wajaahca. ³⁵ Ti ã yoachu paina ti ñano wacũare masiahca. Ã jico mhu tuaro cahyacohca —niha Simeo Maríiare.

³⁶ Tóí Cohamacu yare yahu mahtaricoro Ana wama tiricoro jiha. Ticoro Fanuel macono jiro, Aser cjiro ya curua macaricoro jiha. Burocoro waro jiha. Ticoro nuhmino jiro manu tiha. ã yoa siete cūmari to manno mehne jiha. Tó puro to jiri baharo to manno variaha. ³⁷ ã jiro ochenta y cuatro cūmari waro wapewahyoro jia tiha ticoro. ã jiro ticoro dachopu cūhure ñamipū cūhure Cohamacu yare yoaro taro chūaeraro, Cohamacu mehne durucu, Cohamacu wūhure ne wijaaera tiha. ³⁸ Simeo to durucuro watoi ticoro tina cahai wihiro, wahchero Cohamacure “Noana”, niha. ã jiro Jerusalē macainare pichacapu waha-borinare yūhdohtirore cohtainare ticoro Jesucāre yahuha tina jipihtinare.

José, María, Jesu mehne Nazarepu tjuaa wahaha tjoa

³⁹ Cohamacu to dutiriro seheta yoa tuhsu, tina ti ya macapu Nazarepu tjuaa wahaha. Galilea yahpai jiha tí maca Nazare. ⁴⁰ Jesu sehe noano būcūa, tuariro wahaha. ã jiro tiro noano tūho masiriro būcūaha. Cohamacu tirore noano yoaha.

Jesu wahma wahmūa tariro jiro, Cohamacu ya wūhūi judio masare buheina mehne sūhūduro niha

⁴¹ Cūmaripe Jesu pūcūsuma Jerusalēpu pascua nūmūrine bose nūmūrine yūhdoa wahaa tiha. ⁴² ã jia Jesu doce cūmari to cūachū waro tí yoarucuriro seheta tina jipihtina Jerusalēpu bose nūmūrine yūhdoa wahaha tjoa. ⁴³ Tí macapu sū, tí bose nūmūrine yūhdo tuhsū tina ti ya macapu majare tjuaa wahaha tjoa. Wiho mejeta Jesu sehe ti ã majare tjuaapachūta, Jerusalēpu tjuanocaha. To pūcūsuma sehe tíre to tjuarire masieraha. ⁴⁴ “Paina mari mehne macaina mehne taca mari macu”, ni tūhotumaha tina. ã jia tina cū dacho waro noano Jesu marieno waharucumaha. Tí dacho pihtichū waro tina Jesure tí coyēa watoi ã jichū tí ñū masina watoi cūhure macamaħa. ⁴⁵ Wiho mejeta ne bocaeraha. ã jia tina pari turi Jerusalēpu majare tjuaa wahaha tjoa, tirore macaa wahaa.

⁴⁶ Tia dacho baharo Cohamacu wūhū wijaroi tirore boca sūha. Tóí Jesu judio masare buheina watopū duji, tinare tūho, tinare sinituro niha. ⁴⁷ Tina jipihtina Jesure to quihōno yūhtichū tūhoa noano masirirocā to jichū ñūa, tina cūaa wahaha. ⁴⁸ Jesu pūcūsuma cūhū tirore ñūa, tina cūhū cūaa wahaha. ã jiro to pocoro tirore ō sehe niha:

—Macu, ¿dohseacu ã yoari mūhū sāre? Sā mū pūcūsuma pjiro tūhotu, cahya, macana nihi mūhūre —niha ticoro to macūnore.

⁴⁹ To ã nichū tūhoro tiro to pūcūsumare ō sehe ni yūhtiha:

—¿Dohseana yūhūre macari mūsa? Yū Pūcū waro ya wūhūi ji to dutiriro seheta yoai nija. ¿Tíre masierajari mūsa? —niha tiro tinare to pūcūsumare.

⁵⁰ To ã ni yahupachūta tina to yahuare tūho ñahaeraha.

⁵¹ ã yoari baharo, Jesu to pūcūsuma mehne Nazarepu tjuaa wahaha. Tju sū, to pūcūsumare ne yūhdūrcāerariro jia tiha tiro. Ahri jipihtia to yoarire ñūno María noano tūhotu, wacūrucua tiha. ⁵² ã yoa Jesu būcūa, noano tūho masiriro wahaha. Tó sehe jiriro to ji būcūachū ñūno, Cohamacu sehe tirore noano ñū ji coa, tuaro cahūa tiha. Masa cūhū tirore tó seheta noano ñū ji coa, tuaro cahūa tiha.

3

João masare bautisariro masare Cohamacu yare yahuha

(Mt 3.1-12; Mr 1.1-8; Jn 1.19-28)

¹ Tí pjare ti bui pūhtoro jiriro Tiberio wama tiriro to pūhtoro jiri baharo quince cūmari wahaha. Tuhsū, Poncio Pilato wama tiriro sehe Judea yahpa macaina pūhtoro jiha. ã yoa Herode wama tiriro sehe Galilea yahpa macaina pūhtoro jiha. To bahūro Felipe sehe Iturea yahpa macaina, Traconite yahpa macaina cūhū ti pūhtoro jiha. Tuhsū, Lisanas wama tiriro Abilinia yahpa macaina pūhtoro jiha. ² Tí pjare Ana, Caifa mehne jipihtina sacerdotea bui pūhtoa jiha. Ahrina jipihtina ti jiri pjare João Zacaria macūno masa marienopū jirirore Cohamacu sehe tirore to yare buhe dutiha. ³ ã jiro Jordāo wama

tiri ma dũhtũ cahai jiri yahpai jipihtiropũ João buhero wahaha:

–“Noaina jija sã”, ni mũsa tũhotumari cjrĩre tũhotu cohtota, Cohamacũre cahmaga mũsa. ã yoana tíre mũsa yoarĩre ñona tana, bautisaina jiga. Mũsa ã cohtotachũ ñũno Cohamacũ mũsa ñaa buhirĩre borohca –ni buhea tiha tiro.

⁴ Isaia cjiro panopũ macarĩro Cohamacũ yare yahu mũhtarĩro to joarĩro seheta ahriro João yoaro niha. Õ sehe ni joaa tiha Isaia cjiro João to buhehtore:

“Masa marienopũ durucu sañurucurĩro ò sehe ni buherohca: ‘Mari pũhtoro to tahto pano “Noaina jija sã”, ni mũsa tũhotumari cjrĩre tũhotu cohtota, Cohamacũre cahmaga mũsa.

⁵ Pja wũhtũri, pja buri cũhũre noari wapa mari yoarĩro seheta, tuhcuaharine potoa mahari mari yoarĩro seheta, ñaa maharine noaa maharine mari yoarĩro seheta, wetere mũsa cosarĩro seheta mũsa ñaa tũhotuare cohtota, cahno mũhtagaga mũsa.

⁶ Mũsa ã yoachũ Cohamacũ mũsare pichacapũ wahaborĩnare to yũhdũchũ yoachũ ñũahca jipihti ahri yahpa macaina’, ninohca tiro sañurucu yahurĩro sehe”,

ni joaa tiha Isaia cjiro panopũre.

⁷ Masa payũ João cahai wĩhia tiro tinare bautisachũ cahmaha tina. ã jiro tiro tinare ò sehe ni yahuha:

–Agãa ñĩma tiina yoaro seheta masare dojomehneina, cui duhti duaina jira mũsa. Mũsa ñaa yoarĩre mũsa cahya, duhu duaerari buhiri Cohamacũ to buhiri dahrehto pano duhti masierara mũsa. ⁸ Potocãta mũsa ñaa tũhotumarĩne cohtotaina jina, Cohamacũre cahmaina jina, tíre mũsa yoaa mehne ñoga. Õ sehe ni tũhotu wisiena tjiga. “Panopũ macarĩro Abrahã mari ñũchũ cjiro jia tiha. ã jina to panamana jina mari Cohamacũ yaina jija”, ni tũhotu wisiena tjiga mũsa. Mũsare niita nija. Abrahã panamana mũsa jiina jimana mũsa. Mũsa ã jipachũta tí mũsa ã jia yaba cjihti jierara. Cohamacũ sehe ahri tãa mehne Abrahã coyeare dahre masina. ã jiro Abrahã coyea mũsa jia wiho waro jira

tãa ti wiho waro jiro seheta. ⁹ Õ sehe jira: Masa yucũri yoaro seheta jira. Cohamacũ sehe coma mehne yucũrĩre cjã cohãrĩro yoaro sehe jira. ã jiro noaa dicha maria yucũre nũhcõri mehneputa cjã cohãnohca tiro. Tíre to cjã cohãri baharo, pichacapũ jũ cohãnohca tiro. (ãta yoaro taro nina masa cũhũre tireore cahmaerainare) –ni yahuha João masare.

¹⁰ To ã nichũ tũhoa masa sehe tireore ò sehe ni sinitu ñũha:

–¿Dohse yoanahcari sã? –niha tina Joãore.

¹¹ –Pũa suhtiro cjuarĩro suhti mari-erĩrore cũno waga. ã yoa mũsa chũa cjuana paina cũhũre waga –niha João.

¹² Mahainacã pũhtoa ya cjihtire wapa na cohtaina cũhũ tinare to bautisachũ cahmaha. ã jia João cahai wĩhia, tireore ò sehe ni sinituha:

–¿Buherĩro, sã sehe dohse yoanahcari sã? –niha tina tireore.

¹³ –Mũsa pũhtoa ti wapa na dutiro purota masare wapa naga. Mahño na namoena tjiga –ni yahuha João tinare.

¹⁴ Paina surara tireore ò sehe ni sinituha tjoa:

–¿Sã sehe dohse yoanahcari? –niha tina tireore tjoa.

–Masa ti niñerure maena tjiga. ã yoana mahñoa mehne ti niñerure naena tjiga. Mũsare ti waparo purota wahchega –ni yahuha João.

¹⁵ Masa Cristore Cohamacũ to warocahĩrore cohtaa niha. ã jia ò sehe ni tũhotu dũcaha tina Joãore. “Ahriro João sehe Cristo jiboca”, ni tũhotumaha tina.

¹⁶ Ti ã nichũ tũhoro João jipihtĩnare ò sehe ni yahuha:

–Yũ baharo yũ yũhdoro tuarĩro tarohca. Noa yũhdũarĩro jira tiro. Tiro yoaro sehe jieraja yũhũ sehe. ã jicũ tireore tũhotucũ, “Wiho jiriro jija yũhũ”, ni tũhotuja yũhũ. Yũhũ sehe mũsare bautisacũ co mehne yoamahĩ. Tiro sehe yũ yũhdoro yoarohca. Espĩritu Santore masa mehne ã jirucuchũ yoarohca. Wiho mejeta paina sehere ti ñaare tũhotumari cjrĩre tũhotu cohtota du-aeraina sehere tiro pichaca mehne buhiri dahrerohca. ¹⁷ Yũ baharo tariro cahsarĩre cohãrĩro yoaro sehe jira. Cahsarĩre

cohãriro to batiro mehne jipihtia to trigo yapari cahsarire putiwera. ã yoa tuhsu trigo sehere to wihbori wuhui cũnohca. Tó sehetã yoarohca ti tirore cahmainare yu baharo tariro. To putiwea cahsari sehere tiro jũnohca. Tí cahsarire to jũri pichaca ne yatisi. (Ãta yoarohca tiro yu baharo tariro tirore cahmaerainare) –ni yahuha João.

¹⁸ Payu to ã ni yahua mehne masare noaa buheare yahuha João. ¹⁹ Tuhsu, puhtoro Herode sehe to baharo Felipe namonore to namo tiri buhiri, pjiro ñaare to yoari buhiri cãhare João tirore yahumaha. ²⁰ To ã ni yahuri buhiri Herode sehe ñaare yoa namoha, Joãoere peresu yoaro.

João Jesure bautisaha
(Mt 3.13-17; Mr 1.9-11)

²¹ Joãoere ti peresu yoahito pano paina masare João sehe bautisaro niha. Tinare bautisaro Jesu cãhare bautisaha. To ã bautisachu, Jesu diapu ducuriro Cohamacure to sinino watoí mũano parí mũa wahaha. ²² To parí mũari baharo Espiritu Santo buja yoaro sehe Jesu buipũ duji taha. To ã duji tachũ mũanopũ durucuro coa taha:

–Mũhu yu macũ yu cahĩriro jira. Mũhu mehne wahcheja –nino coa taha mũanopũ.

Jesu coyeyã panopũ macainare yahua jira ahri
(Mt 1.1-17)

²³ Jesu to buhe dũcari cãhmare treinta cãhmari cjuaha tiro. “Tiro José macũno jira”, ni tahotumaha masa. José sehe Elí macũno jiha. ²⁴ Elí Matat macũno jiha. Matat Leví macũno jiha. Leví Melqui macũno jiha. Melqui Jana macũno jiha. Jana José macũno jiha. ²⁵ José Matatías macũno jiha. Matatías Amós macũno jiha. Amós Nahum macũno jiha. Nahum Esli macũno jiha. Esli Nagai macũno jiha. ²⁶ Nagai Maat macũno jiha. Maat Matatías macũno jiha. Matatías Semei macũno jiha. Semei Josec macũno jiha. Josec Joiadá macũno jiha. ²⁷ Joiadá Johanán macũno jiha. Johanán Resa macũno jiha. Resa Zorobabe macũno jiha. Zorobabe Salatí macũno jiha. Salatí Neri macũno jiha. ²⁸ Neri Melqui macũno jiha. Melqui Adi

macũno jiha. Adi Cosam macũno jiha. Cosam Elmodam macũno jiha. Elmodam Er macũno jiha. ²⁹ Er Josué macũno jiha. Josué Eliezer macũno jiha. Eliezer Jorim macũno jiha. Jorim Matat macũno jiha. ³⁰ Matat Leví macũno jiha. Leví Simeo macũno jiha. Simeo Juda macũno jiha. Juda José macũno jiha. José Jonan macũno jiha. Jonan Eliaquim macũno jiha. ³¹ Eliaquim Melea macũno jiha. Melea Mená macũno jiha. Mená Matatá macũno jiha. Matatá Natán macũno jiha. ³² Natán Davi macũno jiha. Davi Jesé macũno jiha. Jesé Obed macũno jiha. Obed Booz macũno jiha. Booz Sélah macũno jiha. Sélah Nahasón macũno jiha. ³³ Nahasón Aminadab macũno jiha. Aminadab Admín macũno jiha. Admín Arní macũno jiha. Arní Esrom macũno jiha. Esrom Fares macũno jiha. Fares Juda macũno jiha. ³⁴ Juda Jacobo macũno jiha. Jacobo Isaa macũno jiha. Isaa Abrahã macũno jiha. Abrahã Taré macũno jiha. Taré Nahor macũno jiha. ³⁵ Nahor Serug macũno jiha. Serug Ragau macũno jiha. Ragau Péleg macũno jiha. Péleg Éber macũno jiha. Éber Sélah macũno jiha. ³⁶ Sélah Cainán macũno jiha. Cainán Arfaxad macũno jiha. Arfaxad Sē macũno jiha. Sē Noé macũno jiha. Noé Lame macũno jiha. ³⁷ Lame Matusalē macũno jiha. Matusalē Enoco macũno jiha. Enoco Jared macũno jiha. Jared Mahalaleel macũno jiha. Mahalaleel Caina macũno jiha. ³⁸ Caina Eno macũno jiha. Eno Sete macũno jiha. Sete Adão macũno jiha. Adão Cohamacũ to yoariro jiha.

4

Watĩno ñaare yoa dutimaha Jesure
(Mt 4.1-11; Mr 1.12-13)

¹ Jesu Espiritu Santo to dutiro sehetã yoa pahñoriro jiro, tiro Jordão wama tiri mapũ jiro tjuaa wahaha. To ã tjuaa wahachu Espiritu Santo sehe tirore masa marienopũ naaha. ² Tópũ sũro cuarenta dachori waro jiha. Tópũ to jiro wato watĩno sehe Jesure ñaare yoachu cahmamaha. ã jiro ñaare yoa dutimaha tirore. Tí dachorire Jesu chũeraha. ã jiro tí dachori pihtichũ waro tiro jũca baaha.

³ To ã juca baachu ñano watino õ sehe nimaha Jesure:

—Muhu Cohamacu macuno jicu, ahria tâcare chuã dojomehnega —nimaha Jesure.

⁴ Jesu õ sehe ni yuhtiha:

—Yoeraja. Cohamacu yare ti joari pui õ sehe nina: “Masare chuã mehne dihta catieraro cahmana. [Jipihtia Cohamacu ya yahua mehne jiro cahmana]”, nina Cohamacu —ni yuhtiha Jesu watinore.

⁵ To ã niri baharo watino sehe tirore tãcu mhadu buipru na mija surota jipihtia macari perire ño bahrañoã Jesure. ⁶ Ñõno Jesure õ sehe ni yahuha:

—Jipihtia ahri macari yuhure to wari cjiri jira. Ñ jicu yu cahmarirore wa masija. Ñ jicu ahri macarine, ti chuã mehne mähure waihtja. (Yu ã wachu ahri macari macainare mähutiica.) ⁷ Yuhure mu ño payochu ahri macari jipihtia macarine mähure waihtja —niha watino Jesure.

⁸ Jesu õ sehe ni yuhtiha tirore:

—Mähure ño payoeraja. Ñ sehe nina Cohamacu yare ti joari pui: “Mu puhtoro Cohamacu dihtare ño payoga. To ya dutia dihtare yoaga”, ni joaa tiha Cohamacu yare —niha Jesu watinore.

⁹⁻¹¹ To ã niri baharo Jerusalëru watino sehe tirore na wahcã, Cohamacu wahu bui na sãha tirore. Na su tuhsu tirore õ sehe nimaha:

—Cohamacu yare ti joari pui õ sehe nina: “Cohamacu yaina anjoare mähure ñu wihbo dutirohca. Ñ jia tina sehe mähure ñu wihboahca, ‘Mähuru tâcaru ruha tu mähari’ nia”,

ni joaa tiha Cohamacu yare ti joari pui. To ã niri quihõno jichu mähuh Cohamacu macuno jicu, yahparu pju bora ño ñujata yuhure. Mähure yoadohochu ño ñujata yuhure —niha watino Jesure.

¹² Jesu pju bora ño duaeraro õ sehe ni yuhtiha tirore:

—Cohamacu yare ti joari pui õ sehe nina: “Musa puhtoro Cohamacu to niri cjirire ‘¿Potocã tjijari?’ ni masi duana, Cohamacure yoa ño duti macaena tjiga”, nina Cohamacu yare ti joari pui —niha Jesu watinore.

¹³ Ñ jiro watino jipihtia ñaare Jesure yoa dutimaha. Ñ duti tuhsuro mahanocã duhu wahcãsiniha.

Galilea yahpai Jesu buhe dũcaha
(Mt 4.12-17; Mr 1.14-15)

¹⁴ Baharo Jesu Galilearu tjuaa wahaha. Ñ jiro, tiro Espiritu Santo tuã mehne yoaha. Tói jipihtiropu masa tirore quititiha. ¹⁵ Judio masa buhea wahu sei tiro buhea tiha. Ñ jia jipihtina masa tirore noano durucuha.

Nazare macaina Jesure ne cahmaeraha
(Mt 13.53-58; Mr 6.1-6)

¹⁶⁻¹⁷ Baharo Nazarepu Jesu to bucuariropuã tju sãha. Tõru tju sãro, Sabado jichu to ã yoarucuriro seheta tiro judio masa ti buheri wahu sãã sãha. Tói tiro Cohamacu yare ti joari pũre buhero taro ducuha. To ã ducuchu ñuã tó macaina sehe Cohamacu yare yahu muhtariro Isaia cjiro to joari pũre tirore waha. Tí pui Jesu ahri yahua bocaro buheha:

¹⁸ “Cohamacu to Espiritu yuhu mehne jiro, yuhure dutira.

Tiro pjacuoinare noaa buheare yahu dutiro warocare yuhure.

Ñ yoa peresupu jiina cãhure tinare to yuhdohtore yahu dutiro warocare yuhure.

Capari ñueraina ti noano ñuhto cjihtore, painare ti ñano ti yoapeinare wiohtiro cjihtore yuhure warocare.

¹⁹ Mari puhtoro Cohamacu to yainare pichacapu wahaborinare to yuhdohtore yuhure yahu dutiro warocare”,

ni buheha Jesu.

²⁰ Ñ ni buhe tuhsu Jesu ti pũre noari tia turënoca, wahu macarirore wia tuhsu, dujiha. To dujichu ñuã tói jiina jipihtina tiro dihtare ñuã. ²¹ Tí ã yoachu tiro tinare õ sehe ni yahu dũcaha:

—Ahri michapucacã yu buheriro seheta Cohamacu to niriro mu suro nina —niha Jesu.

²² To ã nichu tuhoa “Ahriro noariro jira”, ni tuhotuha tina. Ñ jia tina to noano buhechu tuhoa, cuãã wahaha. Ñ cuãã waha, õ sehe niha tina ti basi:

—Cuenah, ¿José macuno jierajari ahriro? —niha tina ti basi.

23 Ti ã nichu masino Jesu õ sehe ni yahuha tinare:

—Yu buheare tuho duaerana, õ sehe ni tuhotura musa yuhure: “Duhturu dohatiro to basi co ti masina duhturu waro to jiare ñono. Muhu cãhu duhturu to yoa ñono se-heta ma niriro sehe jiri jicu Cohamacu tuua mehne yoa ñoga sãre. Capernaupure Cohamacu tuua mehne yoa ñoyuhti mahu. Sã cãhure ã yoa ñoga, ma buheare ‘Potocã tjira’, sã ni masihto sehe”, ni duara musa yuhure.

24 Ahrire yahuihtja musare. Cohamacu yare yahu mahtarirore to ya maca macaina cahmaerara. ã jina yuhure cahmaerara musa õi yu bucuariro jichu. 25 Yuhure tuhoga mipure. Panopu Elia to jiri pjapure tia cãhma noano pa cãhma dacho maca waroi ne coro taeraha. ã jiro jipihtiroputa ne chãa mariaha. Tí pjare payu wapewahya Israe yahpamu ti jipachuta Cohamacu Elia cjirore tinare yoadoho dutiro warocaeraha. (Eliare, Cohamacu ya cãhure ti cahmaerachu ñuno tinare yoadoho dutiro warocaeraha.) 26 To ya macare ã yoa dutieraparota pa yahpai Sidõ cahai jiri macai Sarepta wama tiri maca macaricoro wapewahyorore yoadoho dutiro Elia cjirore warocaha Cohamacu.

27 Baharo Cohamacu yare yahu mahtariro Eliseo cjiro to jiri pjapure Israe yahpamu payu cami baina ti jipachuta cãiro Israe masunore ne noariro wahachu yoeraha Eliseo cjiro. To ya yahpa macainare yoeraparota Naaman wama tirirore Siria yahpa macariro dihtare noariro wahachu yoaha tiro. ã yoaro Israe masare yoadohoeraro, Israe masuno jierariro sehere yoadohoha Cohamacu — niha Jesu tinare.

28 To ã nichu tuhoa jipihtina tí wuhai jiina sua yuhduu wahaha. 29 ã jia tina wahcãruca, Jesure na wijaa, tí maca duhtu cahai jiri canupmu tirore tjuroca boro duamaha. 30 Tí ã yoa duapachuta Jesu ti watoihta wahaa wahaha.

Watino to cohtotariro Jesure piti bocaha (Mr 1.21-28)

31 Baharo Jesu Galilea yahpai jiri macapu Capernau wama tiri macapu su, Sabado jichu masare buheha. 32 Tiro noano masi pahñoriro to buhechu tuhoa masa tuho cuua wahaha. 33 Tí wuhai watino to cohtotariro jiro, õ sehe ni tuaro sañurucuha:

34 —Muhu Jesu Nazare macariro sãre cariboi tjia mahu. ¿Dohse yoai tai nijari sãre? ¿Muhu sãre butichu yoai tai nijari? Yuhu masija Cohamacu macuno, ñaa mari-eriro ma jiare —ni sañurucuha Jesure.

35 To ã nichu tuhoru Jesu tuhtiha watinore:

—Dihta mariaha. Wijaahga tirore — niha Jesu.

To ã niri baharo masunore watino sehe yahpamu doca caha su tunuchu yoaro, tirore wijaaha. To ã yoari baharo tiro sehe noariro tjuaha. 36 Tóí jiina jipihtina to ã wahachu ñu cuua wahaha. ã jia ti basi õ sehe ni durucuha:

—¿Yaba baro buhea jijari ahri ã wahachu yoaa? Cuenah. Tuaru mehne puhtoro yoaro seheta ahriro watĩare dutira. ã jia to dutiro seheta tina masare wijaara —ni durucuha tina ti basi.

37 To ã yoachu ñua tí yahpamu jipihtiropu masa Jesu yoarire yahu siteha.

Jesu Simo Pedro marechonore noaricoro wahachu yoaha

(Mt 8.14-15; Mr 1.29-31)

38 Judio masa ti buheri wuhure wijaa, Simo ya wuhupmu sãa suha Jesu. Tóí Simo marechono dohati, tuaro juaro tiha. ã jia tina ticoro to dohatichu yahuha Jesure.

39 Tí ã yahuri baharo tiro ticoro cahai su, juarore suru dutiha. To ã suru dutiri baharo ticorore juaro surua waha, dóihta noaricoro wahaha. Ticoro ã waharo wahcã nuju su, tinare chãare payoha.

Payu dohatiinare noaina wahachu yoaha Jesu

(Mt 8.16-17; Mr 1.32-34)

40 Sã sãari baharo jipihtina masa tó ca-hai jiina dohatiinare Jesu cahapu na suha. Dohatiina payu soro jia dohatiare cjuaha. ã jiro Jesu to wamomacari mehne tina bui ña payo, jipihtinare ti dohatiare noano yuhduchu yoaha. 41 Watia cãhure Jesu to

wijaa dutichu tina wijaa wahaa, õ sehe ni sañurucuha:

—Muhu potocãta Cohamacu macano jira —niha tina Jesure.

Jesu Cohamacu warocariro to Cristo to jichu watia masiha. ã jiro Jesu tinare durucu dutieraha, “ ‘Cristo jira’, ni yahu si-teri”, nino.

Galilea yahpai buheha Jesu

(Mr 1.35-39)

⁴² Bohrea maha tachu Jesu tí macai jiro waha, masa marienopu suha. To ã suri baharo masa tirore maca, boca suã õ sehe niha:

—Sã ya macai tjuaga. Wahai tjiga —nimaha tina Jesure.

⁴³ Ti ã nipachuta tiro sehe õ sehe ni yuhtiha:

—Cohamacu masare puhtoro to noano suho jiare noaa buheare paye macaripu cãhure buhero cahmana yuhure. Cohamacu yuhure warocare tíre yahuhtirore —niha Jesu tinare.

⁴⁴ ã ni tuhsuro judio masa ya yahpa macaa wuhusei, judio masa ti buhea wuhusei tiro buhe tiniha.

5

Jesu to buheinare payu wahire bocachu yoaha

(Mt 4.18-22; Mr 1.16-20)

¹ Pa namu Jesu Genesare wama tiri bucupariro duhtu cahapu suha. Tói to jichu ñha payu masa Cohamacu yare tãho duaa tirore nunu ti suha. Noano wahpa tarucu suha masa peri. ² Puaria buso paduroi pahsaa busore Jesu ñha. Tí buso macaina wahi wajãina maja suruca, ti wañuyucurire cosaa niha. ³ ã jiro Jesu Simo yariapu samua wahaha. Samu tuhsu tia dohoriare dia duhtu cahai coãriare siõ buhu dutiha. Tuhsu, dohoriapu duji, masare buheha.

⁴ Buhe tuhsu, Jesu Simore õ sehe niha:

—Dacho maca cureroi siõ wioga. ã jina mahu mehne macaina mehne musa wañuyucure doca ñoga wahi ñahana —niha Jesu.

⁵ To ã nichu tãhoro Simo Jesure õ sehe ni yuhtiha:

—Puhtoro, wahi maca bohreamahi sã micha ñamine. Bohreapanahta ne cãirocã

wajãerahti sã. ã wajãerapanahta mu dutiro sehetã doca ño ñanahtja —ni yuhtiha Simo.

⁶ ã ni tuhsu tina doca ñoha. ã ti doca ñochu ti wañuyucure payu wahi sãaha. Payu ti sãachu wañuyucu tuhna wahamaha. ⁷ ã wahachu ñha tina paria macainare tina mehne macainare pjirocãha:

—Musa cãhu yoadohona tagã sãre —ni pjirocãha Simo cãhu.

Tina ti ã yoadohori baharo puaria buso noano minipahro bocaã wahire. ⁸ Simo Pedro ã wahi payu ti sãachu ñano, Jesu panoi na tuhcuã cãha su, tirore õ sehe ni yahuha:

—Yu puhtoro, mahu mehne jiboriro jieraja yuhu. Ñariro jija yuhu. ã jicu mu cahai ji masieraja —niha Simo Pedro Jesure.

⁹ Tiro, jipihtina tiro mehne macaina cãhu payu wahi sãachu ñha, cãaa wahaha tina cãhu. ¹⁰ Puaro Simo Pedro mehne macaina Zebedeo pohna Santiago to bahuro João mehne, tina cãhu ñha cãaa wahaha. Ti ã cãachu ñano Jesu Pedore õ sehe ni yahuha:

—Cuaecu tjiga. Mipure mahu wahire ñaha cahmachuriro mu jiro sehetã Cohamacu yaina cjihtire pji cahmachuriro jiihca mahu —niha Jesu Simo Pedore.

¹¹ To ã niri baharo tina ti busore bucupariro duhtu cahapu waja mo cãnoca, ti ya jipihtiare tõihta cãnoca, Jesu mehne wahaa wahaha.

Jesu cami bariore noariro wahachu yoaha

(Mt 8.1-4; Mr 1.40-45)

¹² ã yoa Jesu pa macai to jichu cami bariro tirore piti bocaã. ã piti bocaro tiro Jesure ñha, na tuhcuã cãha su, õ sehe ni tuaro siniha:

—Puhtoro, mahu yoa duacu yuhure noariro yoa masina mahu —ni siniha.

¹³ To ã niri baharo Jesu tirore ña payoro õ sehe niha:

—Tíre yoa duaja. Mipure noariro jiga mahu —niha.

To ã nichuta to cami bari cjiro yati maha wahaha. ¹⁴ ã jiro Jesu tirore õ sehe ni dutiha:

—Ahri yu õ sehe yoirire painare yahui tjiga. Sacerdote cahai wahaga mipure. ã

jicū mū pjacūre noari pjacū to waharire ñoga tirore. Cohamacū dutia Moiserē to cūri to niriro seheta yoaga. Ā yoacū sacerdotere puaro minichahcare waga noariro mū waharire sacerdotēare ñoi tai —niha camī bariro cjirore.

¹⁵ “Yahui tjia”, to nipachūta jipihtiropū masa tirore yahu site namoha. Ti ā yahu sitechū tūhoa masa payū tiro cahapū sūha. Dohatiina noaina waha duaa, tina cūhū tiro cahapū sūha. ¹⁶ Ti ā sūpachūta Jesu masa marienopū Cohamacūre sinino wahaha.

Jesu pjacū buharirore noariro wahachū yoaha

(Mt 9.1-8; Mr 2.1-12)

¹⁷ Pa dachoi Jesu to buhechū fariseo curua macaina, judio masare buheina cūhū tói dujiha. Tina jipihtina Galilea yahpai jia macari macaina, Judea yahpai jia macari macaina, Jerusalē macaina jiha. Ti ā jichū ñūno Jesu Cohamacū tuaa mehne dohatiinare noaina wahachū yoaha. ¹⁸ Mahainacā mūa pjacū buharirore to coāri cahsaro mehne yo wūa wihīha. Ā jia tirore Jesu cahai cū duaa, wūhūpū yo sūa duamaha tina tirore. ¹⁹ Ā sūa dua- pahta masa payū jichū tina tirore yo sūa masieraha. Ā jia tirore wūhū buipū yo mūjaha. Yo mūja sū, mahanocā muji pahmare nawe, tí copai pjacū buharirore to coāri cahsaro mehnetā duhu boroha Jesu cahai jiina watoi. ²⁰ “Jesu ahrirore to dohatiare yūhdūchū yoarohca”, ni tūhotuha tina. Ti ā ni tūhotuchū masino Jesu pjacū buharirore ō sehe ni yahuha:

—Coyeiro, mū ñaare yoari buhiri tiare yūhū cohā tuhsūja —niha Jesu tirore.

²¹ To ā nichū tūhoa fariseo curua macaina, judio masare buheina cūhū ti basi ō sehe ni tūhotumaha: “Ahriro ā ni durucuero tjijaro. Tiro masūno mari yoaro sehe jiro, ñaare to yoari buhiri tiare cohā masierara. Cohamacū dihta masa ti ñaare yoari buhiri tiare cohā masina”, ni tūhotumaha tina.

²² Jesu ti ā ni tūhotuare masino, ō sehe niha:

—¿Dohse yoana ā ni tūhotujari mūsa?

²³ “Mū ñaa yoari buhiri tiare yūhū cohā tuhsūja”, yū nichū, “Mahñoriro jira”,

yūhūre nina mūsa noano masierapanahca. “Wahcārūca wahaga”, yū nichū yū niri potocā jia jichū dóihta masinahca. ²⁴ Yūhū masūno Cohamacū warocariro ahri yahpai ti ñaare yoari buhiri tiare cohā masija yūhū. Masa ti ñaare yoari buhiri tiare cohāhtiro cjihtore cūre Cohamacū yūhūre. Yū ā cohārine mūsa masihtō sehe ō seheta yoa ñoihtja mūsa ñūhti cjihtire —niha Jesu.

Ā ni tuhsū pjacū buharirore ō sehe niha:

—Mūhūre niita nija. Wahcārūcaga. Mū coāri cahsaro na wahcāga mū ya wūhūpū —niha tirore.

²⁵ To ā nichū tūhorota jipihtina ti ñūrocaroi wahcārūca, to coāri cahsaro na, to ya wūhūpū tjuaa wahaha. Ā waharo tiro Cohamacūre ño payoro, wahchea mehne noano durucuha. ²⁶ To ā yoachū ñūa masa sehe jipihtina cūaa wahaha. Tina cūaa waha, Cohamacūre ño payoa, wahchea mehne noano durucuha:

—Michare soro jiare ñūhi sū —niha tina.

Jesu Levíre piha

(Mt 9.9-13; Mr 2.13-17)

²⁷ Ā yoa tuhsū waha, Leví wama tirirore to dahrari tahtiapū jirirore boca sūha Jesu. Leví sehe puhtoā ya cjihtire masare wapa na cohtariro jiha. Ā boca sūro tirore ō sehe niha:

—Yūhū mehne macariro cjihto taga mūhū —niha tiro Levíre.

²⁸ To ā nichū Leví sehe jipihtia to dahraare duhunoca, Jesu mehne wahaa wahaha.

²⁹ Baharo Leví ya wūhūi bōse nūmū Jesure yoa payoro niha. Tói payū wapa na cohtaina, paina cūhū Leví mehne dujiha. ³⁰ Tina mehne Jesu cūhū ti dujichū ñūa mahainacā fariseo curua macaina, judio masare buheina mehne sua, Jesu buheinare ō sehe ni sinitu ñūha:

—¿Dohseana ñāno yoaina, wapa na cohtaina mehne chūjari mūsa? —ni tuhtiha tina.

³¹ Ti ā nichū tūhoro Jesu yūhtiha tinare. Ō sehe ni piti dahre buheha:

—Dohatieraina duhturure macaerara. Dohatiina dihta duhturure macana. Ñaare yoaina dohatiina yoaro sehe jira. ³² Ā jicū ñaare yoainare yahui tai nihi yūhū Cohamacūre cahma duticū. Ti basi “Noaina

jija sã”, ni tãhotuinare yahui tai nierahi yũhũ –niha Jesu.

*Chũ duhuare Jesure sinituha paina
(Mt 9.14-17; Mr 2.18-22)*

³³ ã yoa mahainacã masa Jesure õ sehe ni sinitu ñũha:

–João buheina payũ tahari Cohamacũre ño payoa taa chũ duhura. ã yoaa, tina payũ tahari Cohamacũre sinina. Fariseo buheina cãhũ ti yoaro seheta yoara. Ti ã yoapachũta mũ buheina sehe Cohamacũre ño payoa taa chũ duhuerara. ¿Dohse yoa ã yoajerajari tina? –niha tina Jesure.

³⁴ Ti ã nichũ Jesu to tãhotua mehne quti dahre buhero taro tinare õ sehe ni yũhtiha:

–Õ sehe jira ti: Wamomaca dũhteropũ ti pjirocaina wamomaca dũhteriro mehne jia, chũ duhu masierara. Tó seheta yũ buheina cãhũ yũhũ mehne jia, chũ duhu masierara. Yũhũ wamomaca dũhteriro yoaro sehe jija. Wamomaca dũhteriro bose nũmũ to yoachũ tiro mehne macaina chũeraina jierara. ³⁵ Yũ Pũcũ Cohamacũ yũhũre to naari baharo pinihtare yũ buheina mehne jisi yũhũ. ã jia tí pjarũta yũ buheina cãhũ chũ duhuahca –niha Jesu.

³⁶ Panopũ macaa buhea wahma buhea mehne ti buhe more duachũ ñũno õ sehe ni namoha Jesu tinare piti dahre buhero:

–Ne wahma suhtirore mahari cahsarocã tãhrẽ na, mũnãno suhtirore sere õno cahmaerara. Mari ã sere õna wahma cahsarore tãhrẽ cohãna nija. ã yoa wahma cahsaro mũnãno suhtiro mehne cãno potori bajuerara. (Tó seheta mũna buhea wahma buhea mehne piti dahre buheraro cahmana.)

³⁷ ã yoa ne se co bisia core wahiquiro cahsaro wajuru mehne mũna wajuru mehne posaeraro cahmana. Mari ã yoachũ se co bisia pahmoapũ mũna wajurure tãhrẽnocahna. To tãhnũchũ se co cãhũ, wajuru cãhũ cohõa wahara. ³⁸ ã yoa se co wahma core wahma wajurupũ posaro cahmana. Mari ã yoachũ se co cohõera, wajuru cãhũ cohõerara. (Tó seheta wahma buhea mũna buhea mehne buhe moreraro cahmana.) ³⁹ Mũna core masa ti sihniri baharo, wahma core cahmaerara tina. Õ sehe nia tire masa: “Mũna co wahma co

bui curero noaa jira”, nia tire masa –niha Jesu tinare.

6

*Sabado jichũ Jesu buheina trigo parorire paha yũhdũ wahcãha
(Mt 12.1-8; Mr 2.23-28)*

¹ Pa dacho Sabado jichũ Jesu cãhũ trigo wesepũ sũha. Tórupũ sũ, to buheina sehe trigo parorire paha, tí pohcarire sahã site boro, tí yaparire chũ wahcãa niha. ² Ti ã yoachũ ñũ mahainacã fariseo curua macaina tinare õ sehe ni sinituha:

–¿Dohse yoana mũsa Sabado mari sori nũmũ to jipachũta dahrajari? Marine dutiare yũhdũrucana nina mũsa –niha fariseo curua macaina Jesure.

³⁻⁴ Ti ã nichũ tãhoru Jesu tinare yũhtiha, (“Yũ buheina yũhdũrucãa nierara”), nino taro:

–Davi cjiro tiro mehne macaina mehne jũca baaro, Cohamacũ wũhũpũ sãa, Cohamacũ ya pãore chũha. ã chũro tó mehne macaina cãhũre tí pãore chũ dutiro waha. Tí pãore sacerdotia dihtare chũ dutira. Cohamacũ dutia tí pãore painare chũ dutierara. ¿Davi cjiro tíre to yoari cjirire buherari mũsa? (Tí pãore chũro Cohamacũre yũhdũrucaro nieraha. Michare ahri yaparire chũ yũ buheina cãhũ Cohamacũre yũhdũrucãa nierara.) ⁵ Yũhũ masũno Cohamacũ warocariro ahri dacho Sabado dachore masa ti yohtire yahurirota jicũ pãhtorota jija –niha Jesu.

*Wamomaca bũhariro quti jira
(Mt 12.9-14; Mr 3.1-6)*

⁶ Pa dacho Sabado jichũ Jesu judio masa ti buheri wũhũpũ sãa sũro, buheha masare. Tóti wamomaca poto bũhũsehe bũhariro jiha. ⁷ Mahainacã judio masare buheina, fariseo curua macaina cãhũ Jesure yahusã duamaha. “Sabado dachoi masũno noariro wahachũ yoaboca Jesu” ni, ñũ nũnũ yahusã duamaha tina Jesure. ⁸ Jesu ti tãhotuare masino, bũharirore õ sehe niha:

–Wahcã sũrucãga jipihtina ti ñũrocaroi –niha tirore.

To ã niri baharo bũhariro sehe wahcãrucũ sũ, tóti ducua. ⁹ ã jiro Jesu tinare õ sehe ni sinituha:

—Músare sinituihtja: ¿Sabado jichu yabare yoa dutijari Cohamacu dutia? ¿Noaare yoachu noerajari? ¿O ñaare yoachu sehere noajari, musa tūhotuchu? Sabado jichu masunore masochu noa nina. Sabado jichu masunore wajāchū sehere noerara —niha Jesu tinare.

¹⁰ Ñ nino Jesu tinare ñuroca ò pahño, buharirore ò sehe niha tjoa:

—Mū wamomacare siōrocaha —niha tiro.

To ã nichuta buhariro sehe siōroca, noari wamomaca wahaha. ¹¹ To ã yoachū ñua tina Jesu mehne tuaro suaha. Ñ sua ò sehe niha:

—¿Dohse yoanahcari mari ahrirore? — niha tina ti basi.

Jesu to buheinare doce to warocahtinare bese dapoha

(Mt 10.1-4; Mr 3.13-19)

¹² Tí dachorire Jesu tūcupu Cohamacure sinino mūjaa wahaha. Tópu jiro, ñamine Cohamacu mehne durucu bohreaa. ¹³ Bohrearopu to buheinare to cahapu pjirocaha. Pjiroca tuhsu, tina mehne macainare doce waro to warocahtinare bese dapoha. ¹⁴⁻¹⁵ Ahriina jiha Jesu to bese daporina: Simo jiha. Simore Pedro ni pisuha Jesu sehe. Simo bahuro Andre, Santiago, João, Felipe, Bartolomé, Mateo, Toma, Santiago jiha. Santiago sehe Alfeo macano jiha. Ñ jia Simo cananista ya curua macariro cjiro, ¹⁶ Juda Santiago macano, Juda Iscariote tina jiha to bese daporina. Juda Iscariote sehe Jesure ñu tuhtiinare ñohtiro jiha.

Jesu payu masare buheha

(Mt 4.23-25)

¹⁷ Ñ yoa Jesu to buheina mehne tūcupu buipū jirina duji taa, payu paina to buheina mehne duji wihirūca, noari wapai ducuha tina. Jipihtiro Judea yahpa macari macaina, Jerusalē macaina, Tiro wama tiri maca macaina, Sidō wama tiri maca macaina, pjiri ma dūhtu cahai jia macari macaina masa payu tiro cahapu wihaha. ¹⁸ Tina Jesu buheare tūhoa taa, ti dohatiare cohāchū cahmaha tina. Watīa ti cohtotarina cūhu tiro cahapu wihi, noaina wahaha. ¹⁹ Jesu to tuua mehne noaina

wahachū yoaha tinare. Ñ jia tina jipihtina tirore dahra ñua taha.

Jesu wahcheare, cahyaa cūhure buheha
(Mt 5.1-12)

²⁰ Baharo Jesu to buheinare ñu, ò sehe ni yahuha:

—Mūsa pjacūoina, puhtoro Cohamacu to sūho jiropu wahanahca musa. Ñ jina musa wahchenahca.

²¹ 'Mipure musa jūca baaina yapiina jinahca. Ñ jina wahchenahca.

'Mipu tiina jina, baharo musa bujanahca. Ñ yoa musa wahchenahca.

²² 'Yūhu masuno Cohamacu to warocariro jija. Ñ jina yu yare yoaina musa jiri buhiri paina musare ti ñu tuhtipachuta wahcheina jira musa. Musare ti cohāpachuta wahchenahca. Musare ti ñano durucupachuta “Ñaina jira”, musare ti nipachuta musa sehe wahchenahca.

²³ Musare ti ã yoachū ñano mūanopu musa sūchū pjiro noano yoarohca Cohamacu musare. Ñ jina tuaro wahcheina jiga. Noano yajeripohna tiina jiga. Musare ñu tuhtiina ti coyea panopu macaina tó sehetā ñano yoaha Cohamacu yare yahu mūhtaina cjiri cūhure.

²⁴ 'Ñ yoa musa mipu payu cūhaina ahri yahrapu musa noano jinoca tuhsure. Ñ jina ñano yūhdūina jinahca musa.

²⁵ 'Mipu yapiina musa jūca banahca. Mūsa ã jina ñano yūhdūnahca.

'Mipure musa bujūina jina baharopu musa cahya, tiinahca. Ñ jina musa ñano yūhdūnahca.

²⁶ “Cohamacu yare yahu mūhtaina jija”, ni mahñoinare “Noaina jira”, nimaha payu panopu macaina. Ñ nimarina ti coyea mipu macaina cūhu āta “Noaina jira”, niboca cūina musa mehne macainare. Ti ã nimarina musa jina ñano yūhdūnahca musa cūhu —ni buheha Jesu.

Músare ñu tuhtiina ti jipachuta tina cūhure cahīga

(Mt 5.38-48; 7.12)

²⁷ Ñ yoa ò sehe ni buhe namoha Jesu:

—Yūhure tūho duainare, musareta nii nija. Musare ñu tuhtiina ti jipachuta tina cūhure cahīga. Musare ñu tuhtiinare noano

yoaga. ²⁸ Músare “Ñano yúhdújaro”, niina ti jipachúta noa dutiga tinare. Músare ñano yoaina ti jipachúta “Tina cūhú noano jijaro”, ni sini payoga Cohamacúre. ²⁹ Cūiro mūsa wahsupure to cjāchú, pa bñhúsehe cūhúre cjā dutiga tirore. Mūsa bui macari suhtirore to machú mūsa camisa cūhúre ā wanocahga tirore. ³⁰ Músare sinirirore to sinino purota waga tirore. Mūsa yare to nachú tirore sinituena tjia pari turi tíre. ³¹ Paina músare ti noano yoachú cahmana mūsa. Tinare mūsa noano yoachú cahmano seheta mūsa cūhú noano yoaga tinare. Músare ti noano yoaerapachúta mūsa sehe tinare noano yoaga.

³² Músare cahñina dihtare mūsa cahíchú tí ne yaba cjihti jierara paina sehere mūsa cahíerachú. Ñaina cūhú tinare cahñina dihtare cahñina. ³³ Á jina músare noano yoaina dihtare mūsa noano yoachú tí cūhú ne yaba cjihti jierara paina sehere mūsa noano yoaerachú. Tíre ñaina cūhú yoaa tire. ³⁴ Á yoa “Yúhúre wiaa tire”, mūsa niina dihtare mūsa wasochú ne tí yaba cjihti jierara. Ñaina cūhú painare “Yúhúre wiaa tire”, ti niinare wasoa tire. ³⁵ Á jina mūsa sehe músare ññ tuhtiina cūhúre cahíga. Á yoa, tinare noano yoaga. Pairore wasona “Yúhúre ne wiasi ahríro”, ni túhotuenata tirore wasoga. Cohamacú sehe tirore ji coaeraina cūhúre, ñaina cūhúre noano yoara. To yoaro seheta yoaga mūsa cūhú. Mūsa ā yoachú Cohamacú pjíro noano yoarohca músare. Mūsa ā yoana Cohamacú tua yúhdúaríro mūano macaríro pohna jinahca. ³⁶ Mari Púscú mūano macaríro to pja ññiríro seheta mūsa cūhú masare pja ññga –ni yahuha Jesu.

Paina cūhúre “Ñaina jira”, niena tjiga (Mt 7.1-5)

³⁷ Á yoa tinare ò sehe ni yahu namoha:

–Painare “Ñaina jira”, niena tjiga mūsa. Mūsa ā nierachú Cohamacú mūsa cūhúre “Ñaina jira”, nisi. Paina músare ti ñano yoaríre ti ñano niri cūhúre boga mūsa. Mūsa ā bochú ññno Cohamacú mūsa cūhúre mūsa ñaa yoari buhirire borohca. ³⁸ Paye barore cjuana painare waga. Mūsa ā wachú Cohamacú músare warohca. Á

waro noano quihóno músare pjíro warohca. Wahpa yúhdúaro warohca. Painare mūsa waríro purota Cohamacú mūsa cūhúre warohca –niha Jesu tinare.

³⁹ Á ni tuhsú Jesu quití mehne piti dahre buhero ò sehe ni yahu namoha:

–Capari ññeraina sahsero ti basi noano túā wahcā masierara. Á túā wahcā, tina pñaro doca wahā sú bora sāa wahaa hca copapú. (Tó seheta Cohamacú yare masieraina painare buhe masierara. Á jia tina jipihtina pichacapú wahaa hca.) ⁴⁰ Buheina tinare buherirore masi yúhdúcaerara. Á jipahta jipihtina buheina ti noano buhe pahñori baharo tinare buheriro yoaro seheta jahca –niha Jesu.

⁴¹ Á ni tuhsú paye quití mehne yahu namoha:

–Mari piti dahre buhechú ò sehe yoaina jira mūsa: Mūsa coyeiro to capariacapú mahari pohcarocā to sñachú tí pohcarocāre noano ññna mūsa. Mūsa ya capariacare pjiri pjí to jipachúta tí pjíne ne ññerara mūsa. (Mahari pohcarocāre mūsa ññno seheta mūsa coyeiro to ññano yoaa sehere noano ññna mūsa. Mūsa basi mūsa ññare tuaro yoapanahta tíre masierara mūsa pjiri pjíne mūsa ññeraro seheta.) ¿Dohse jíro baro ā jijari mūsa? ⁴² Ó sehe niina yoaro sehe jira mūsa: “Coyeiro, mñhú ññare yoai nica mñhú. Á jicú tíre duhuga”, niina yoaro sehe jira mūsa. Á niina jipanahta pjíro ññare yoara mūsa sehe. ¿Dohseana mūsa ññare yoapanahta tíre masierajari mūsa? Masa ti baharo bñhúsehei ññano yoa cohtaina jira mūsa ā yoaina. Pjiri pjíne mūsa capariacai jiri pjíne mūsa na mñhtaboriro seheta mūsa ññaa yoaa sehere duhu mñhtaga. Mūsa ā yoari baharo mūsa coyeiro to ññano yoaaare duhuchú yoa masiboca mahari pohcarocāre mūsa naboro seheta –ni buheha Jesu.

Masa ti durucuaré túhona ti jia tiare masija mari

(Mt 7.17-20; 12.34-35)

⁴³ Á yoa piti dahre buhero ò sehe ni yahu namoha tinare:

–Noadú yucúscú ññare dicha tierara. Á yoa ññadú noaaare dicha tierara. ⁴⁴ Yucúscú

dichare masina ture masina. Pota tidu higuera pocare dicha tierara. Ñ yoa agã potacu se tãhorine dicha tierara. ⁴⁵ Tó se-heta jira masa cãhu. Noariro to tãhotuapã noaa jira. Ñ jiro tiro noaare yoara noadu to noano dicha tiro seheta. Ñariro to tãhotuapã ñaa jira. Ñ jiro tiro ñaare yoara ñadu ñaare to dicha tiro seheta. Mari tãhotuapã marine ti jiro seheta durucuja mari –ni yahuha Jesu.

*Pãa wãhu yoaina quitire yahuha Jesu
(Mt 7.24-27)*

⁴⁶ Ñ yoa tinare õ sehe ni yahu namoha:

–Musa yãhure “Pãhtoro”, nina. Ñ nipanahta yã dutia sehere yoerara musa. ¿Dohse jiro baro ñ yoajari? ⁴⁷ Jipihtina yãhure cahmaina yã yahuare tãhora. Ñ jia yã dutiare yãhdãcaerara. Ñ seheta jira yãhure yãhdãcaeraina: ⁴⁸ Wãhu dahreriro yoaro sehe jira tina. Tiro cããa coparire tãa wapai to sãchãru saha, wãhure noano dapu dãcaha. Tí wãhu noano to yoari wãhu jiro dia to minichã tuaro to cotiãpachãta tí wãhu noano tjuaha. ⁴⁹ Ñ jia yã dutiare tãhopahta yãhdãcaina sehe wãhure noano yoerariro yoaro sehe jira. Tí wãhure buicã dapu, noano dahre dãcaeraha. To ñ cãri wãhu jiro dia minino to cotiãchã dóihta tí wãhu burãa wahaha. Ñ jiro tí wãhu tuaro bora sã cahaa wahaha –niha Jesu.

7

*Surara pãhtoro cahamacãnore to dohatichã Jesu noariro wahachã yoaha tirore
(Mt 8.5-13)*

¹ Tí quitire masare yahu tuhsã Jesu cãhu Capernaupã sãha. ² Tó jiro cien surara pãhtoro to cahamacãnore tuaro cahãha. To cahamacãno sehe dohatiriro jiro, yariaro cahariro jimaha. ³ Ñ jiro Jesu to yoaare tãhoro, judio masa bucãnare Jesu cahapã warocaha pãhtoro sehe.

–Dohatirirore noariro wahachã yoai taga –ni yahu dutiro warocaha pãhtoro bucãnare.

⁴ Tina Jesu cahapã sãa, õ sehe ni tuaro mehne yahuha tirore:

–Surara pãhtoro sãre warocahre. To cahamacãnore dohatirirore to yãhdãchã cahmahre tiro. Tiro pãhtoro sehe noariro jira. To ñ jichã yoadohoga tirore. ⁵ Mari ya maca macainare tiro cahãna. Ñ jiro tiro sã buheri wãhure ti yoari wapa wapare –niha bucãna Jesure.

⁶ Ti ñ ni yahuchã tãhoro Jesu sehe tina mehne wahaha. Surara pãhtoro ya wãhu cahacãi to sãro cahachã pãhtoro sehe tiro mehne macainare Jesure õ sehe ni yahu dutiro warocaha:

–Pãhtoro, noanohca. Tai tjiga. Noariro jieraja yãhu. Ya wãhu mãhure sãa ta dutiboriro jieraja yãhu. ⁷ Ñ jicã mã cahai waheraja. Yã ñ jipachãta mã masia mehne noariro wahachã yoaga mãhu tirore. Mã ñ yoachã yã cahamacãno noariro waharohca. ⁸ Yãhure yã bui jiina paina pãhto dutira. Ñ jicã yãhu cãhu surarare dutija. Cãirore “Wahaga”, yã nichã tiro wahara. Pairore “Taga”, yã nichã tiro tara. Yã cahamacãnore “Ahrire yoaga”, yã nichã tíre tiro yoara. (Mãhu cãhu dutirota jira. Ñ jiro mã dutiriro seheta tiro dohatiriro yãhdãrohca) –ni yahu dutiha surara pãhtoro.

⁹ To ñ nichã tãho cãaa waharo, payã masa tiro mehne jinare majarerãcã sã, õ sehe ni yahuha:

–Mãsare niita nija. Tiro surara pãhtoro Israe masãno jierariro Cohamacãre tuaro wacã tuara. To cahamacãnore yã noariro wahachã yoahire masi tuhsãra. Israe masare ne ahriro yoaro sehe jinare ñãerasinija –niha Jesu.

¹⁰ To ñ niri baharo surara pãhtoro Jesu cahai to warocarina sehe ti pãhtoro ya wãhãpã tjuaa wahaha. Tju sã dohatiriro to noariro jichã ñãha tina.

Jesu wapewahyoro macãnore masoha

¹¹ To ñ yoari baharocã Nai wama tiri macapã Jesu to buheina mehne payã masa mehne wahaha. ¹² Tí macare sãari sopaca cahai to sãchã yariarirore masa na wijaa taa niha. Yariariro pocoro wapewahyoro jiha. Cãirota jiro yariaha. Ñ jia tó macaina masa payã ticoro mehne wahaha.

13 To ã wahachu ñuno Jesu ticorore pja ñuha.

—Tiieco tjiga —niha Jesu ticorore.

14 Ñ nino yariariro to masa putihi ña payoha. To ã ña payochu ñua tí putire wainaina sehe sarucaha.

—Macu, yuhu mähure õ sehe nija. Wahcã nuju sãga —niha Jesu.

15 To ã niri baharo yariariro cjiro wahcã nuju su, durucuha. Ñ jiro Jesu tirore to pocorore waha. 16 To ã yoachu ñua tina jipihitina cuia wahaha. Ñ jia tina Cohamacure ño payoa, õ sehe niha:

—Cohamacu yare yahu mæhtariro masi yuhduariro mipu pinihtare mari watoi jira —niha tina.

—Cohamacu marine to yainare yoadohoro wihi tuhsahre —niha paina.

17 Ñ jia jipihtina Judea yahpa macainare tó dæhtu cahai jia macari macainare Jesu to yoarire masa yahu site pahñoha.

João masare bautisariro to buheinare Jesure sinitu dutiha

(Mt 11.2-19)

18-19 Ñ yoa Jesu to yoarire ñua Joãoore yahuha to buheina. Ñ ti yahuchu tãhoro pæarore tiro cahai pjiroca, Jesure sinitu dutiro warocaha João. Õ sehe ni sinitu dutiha:

—¿João “Yu baharo paio tarohca”, to niriro tjijari mæhu? ¿To niriro mu jierachu paioire cohtanahcari sã? —ni sinitu dutiha João pæaro to buheinare.

20 Ñ yoa tina Jesu cahai su, sinituha tirore:

—João masare bautisariro mæhure sinitu dutiro warocahre sãre. ¿João “Yu baharo paio tarohca”, to niriro tjijari mæhu? ¿To niriro mu jierachu paioire cohtanahcari sã? —ni sinituha tina Jesure.

21 Tí pjata payu dohatiinare, watia ti cohtotainare, capari ñærainare noaina wahachu yoaha Jesu. 22 Ñ jiro João warocainare Jesu õ sehe ni yæhtiha:

—Mipure mæsa ñærire mæsa tãhorire Joãoore yahuna wahaga: Õ sehe niga: “Capari ñærainaina ñuna. Tini masieraina tinina. Cami bæcu baaina noaina wahara. Tãho bocaeraina tãhoa wahara. Yariaina masaa wahara. Tina jipihtinare noaina

wahachu yoahi yuhu. Ñ yoa pjacæoinare noaa buheare yahuja. 23 Yuhure tãhoriro ‘Potocã tjira’, niriro tiro wahcheriro jira”, Joãoore ni yahuna wahaga —niha Jesu.

24 João buheina ti wahari baharo Jesu sehe João to jia tiare yahu dæcaha payu masare:

—Masa marienopu sãna tjare wihnono to wãroca cohtotachu yoariro sehetã to buheare cohtota mæjarirore ñuna sæerare mæsa. Ñ yoariro jierare João. 25 “Noa suhti tirirore ñuna wahajihna”, nierare mæsa masa marienopu wahana. Noaa suhti tiina wapa bæjæare cjuaina pæhtoã ya wuhæsepæ jira. Masa marienopu jierara. 26 Masa marienopu sãna Cohamacu yare yahu mæhtarirore ñuna sãhre mæsa. Potocã tjira. João Cohamacu yare yahu mæhtariro jira. Paina Cohamacu yare yahu mæhtaina yuhdoro jiriro jira tiro. 27 Panopu Cohamacu yare ti joari pui Joãoore õ sehe ni yahu joaa tiha:

“Mari Pæcu to macænore õ sehe niha: ‘Mu pano mæhure yahuyuhtirore warocai nija’, niha Cohamacu”,

ni yahu joaa tiha panopure Joãoore. 28 Mæsarẽ potocã niita nija. Paina jipihtina bui jira João. Ahri turupure to ã jipachuta mæanopure Cohamacu masare pæhtoro to noano sãho jiropure jipihtina docapæ jiriro pinihta João bui jira —niha Jesu masare.

29 To ã nichu tãhoa jipihtina masa, pæhtoã ya cjihtire wapa na cohtaina mehne João to bautisarina jia õ sehe ni tãhotuha Cohamacure. “Cohamacu quihõno yoariro jira”, ni tãhotuha tina.

30 Fariseo curua macaina sehe judio masare buheina cãhu João to bautisanohrina ji duaeraha. Ñ jia tinare Cohamacu to yaina to yoa duachu cahmaeraha.

31 Ñ yoa Jesu pari turi õ sehe ni yahuha:

—¿Mipæ macaina masa yabaina yoaro sehe jijari tina, mæsa tãhotuchu? 32 Tina macanacã yoaro sehe jira. Paina ti cahmano sehe ti yoærachu tó wahaerara tinacãre. Pache duaropæ pape dujia, õ sehe ni pisurucura tinacã ti basi: “Mæsa basahti cjihtire sã putipemahi. ¿Dohseana mæsa basaerari sã tíre putipechu? Sã tuaro ñahacaha tiipe, sañurucumahi. ¿Mæsa

sehe dohseana sã mehne tiiperari?” niru-
cuina yoaro seheta jira mipu macaina
cũhu. (Mipu macaina ti cahmano seheta sã
yoaerachu ñua tó wahaerara tina cũhure.)
³³ João bautisariro Cohamacure ño payoro
taro ne chueraro, vinore sihnierare. To
ã sihnierachu ñuna “Watño to cohtotariro
jira”, nimahre musa tirore. ³⁴ Yuhu masuno
Cohamacu warocariro jicu, yuhu chu sih-
nija. Yu ã yoachu ñuna õ sehe nina musa
yuhu sehere. “Ñuga. Ahriro pjíro churiro,
cahariro jira. Pũhtoa ya cjihtire wapa na
cohtaina, ñano yoaina cũhu ti piti tiroro
jira ahriro”, nina musa yuhure. ã nina
macanacã yoaro sehe durucuina jira musa.
(Musa cahmano sehe sã yoaerachu tó wa-
haerara musare. Ne wahcherara musa.)
³⁵ ã masierapanahta sã yoa ñorire ñuna, Co-
hamacu yare sã masichu masinahca musa
—ni yahuha Jesu.

*Simo wama tiroro fariseo curua
macariro ya wũhũi jiha Jesu*

³⁶ Fariseo curua macariro to wũhũpu chu
dutiropjiha Jesure. To ã pjichu Jesu to ya
wũhũpu su, ti churi mesa cahai nuju suha.
³⁷⁻³⁸ Tí macapure ñaare ñaare yoarucuri-
coro cjiro jiha. Jesu fariseo curua macariro
ya wũhũpu to dujichu ticoro tũhoha. ã tũho
tuhsu alabastro mehne yoariare me sitia
posa tiriare na ta, Jesu baharo bũhũsehei
wihitũca, tiha. ã tiro Jesu dahporire
to yahco co mehne wayo, to pjoari mehne
pahã cohãha. To dahpori wũachu ñu ticoro
to dahporire wihmi, me sitia mehne pio
payoha. ³⁹ To ã yoachu ñuno fariseo
curua macariro Jesure pjiriro to basi õ
sehe ni tũhotumaha: “Ahricoro tirore ñaha
ñuricoro ñaare yoarucuricoro jira. Ahriro
Jesu Cohamacu yare yahu mũhtariro jiro
tíre masiboa”, ni tũhotumaha. ⁴⁰ To ã ni
tũhotuare masino Jesu õ sehe ni yahuha
tirore:

—Simo mipu pinihtare mũhure yahu du-
aja —niha Jesu.

—Buheriro, ¿yuhure dohse ni yahu dua-
jari mũhu? —ni yũhtiha Simo.

⁴¹ To ã nichu Jesu õ sehe ni piti dahre
buhe yũhtiha:

—Pũhtorore pũaro wapamoina jiha.
Cãiro wapamoriro quinientos ñũneru

tũrire wapamoha. Pairo sehe cincuenta
ñũneru tũrire wapamoha. ⁴² ã jia tina
ti wapamoare ti wapa bihoerachu ñuno
pũhtoro ti wapamoare wapa dutieraha.
¿Mipu pinihtare diro sehe wapamoriro
sehe to pũhtorore cahĩ yũhdũrohcarĩ? —ni
sinituha Jesu.

⁴³ Simo õ sehe ni yũhtiha:

—Bũah, pjíro wapamoriro mahanocã
wapamoriro yũhoro to pũhtorore cahĩ
yũhdũboca —niha Simo.

—Potocã ni yũhtihre mũhu yũhure —niha
Jesu.

⁴⁴ ã ni tuhsu tirore pio payoricorore
majare ñu, Jesu Simore õ sehe ni yahu
namoha:

—Ahricorore ñuga mũhu. Mu ya wũhũpu
yu sãa wihiri baharo yu dahporire cosahti
core yũhure waerare mũhu. Ahricoro sehe
to yahco co mehne yu dahporire wayo,
to pjoari mehne pahã cohãhure yũhure.

⁴⁵ Mũhu sehe yũhure piti boca wihmierare.
Ahricoro sehe õi yu dujiro puro yu dah-
porire wihmihure. ⁴⁶ Mũhu sehe yu dapure
se mehne pio payoerare. Ticoro sehe yu
dahporire me sitia mehne pio payohure.

⁴⁷ ã nicu mũhureta yahui nija. Ahricoro
to ñaa yoari cjiro payũbia jira. ã jiricoro
jiparota ticoro tuaro cahĩhure yũhure. ã
jicu ñaare to yoari buhirire cohãhi. ã
jia ñaare ti yoari buhirire mahanocã yu
cohãnohrina mahanocã cahĩna yũhure —
niha Jesu Simore.

⁴⁸ ã ni tuhsu tiro ticorore õ sehe ni
yahuha:

—Mipu pinihtare ñaare mu yoari buhirire
boja —niha Jesu.

⁴⁹ To ã nichu tũhoa Jesu mehne dujiina ti
basi õ sehe ni durucuha:

—¿Dohse jiriro baro jijari ahriro ñaa
buhirire boriro? —niha tina ti basi.

⁵⁰ ã ni tuhsu, Jesu numinore õ sehe ni
yahuha:

—Yũhure mu wacũ tuachu mũhure
pichacapu wahaboricorore yũhdoja. Cuiro
marieno mu wũhũpu tjuua wahaga —niha
Jesu ticorore.

8

Numia Jesure yoadohoha

¹ Baharo bujua macaripua daa macaricãpua cãhure sua, Cohamacua masare puhtoro to noano suho jiare noaa buheare yahuha Jesu. Doce to buheina sehe tiro mehne jiha. ² ã yoa numia cãhua watia ti cohtotari numia cjiri, dohatia numia cjiri Jesu noaa numia to yoari numia tiro mehne tiniha. “María”, ti nimaricorore “Magdalena”, ni pisua tiha ticorore. Ticorore siete watiare Jesu cohã wioha tó pano. ã jiro ticoro cãhua Jesu mehne tiniha. ³ Cuza wama tiriro Herodere dahra cohtaina puhtoro cjiro namono Juana cãhua Jesu mehne tiniha. Susana wama tiricoro cãhua paye numia mehne payu ti cjuaa mehne tirore yoadohoha.

Jesu wesere toari masano quitire yahuha
(Mt 13.1-9; Mr 4.1-9)

⁴ ã yoa payu macari macaina Jesu cahapua cahmachuha. Ti ã cahmachuri baharo Jesu to tuhota mehne quti dahre tinare õ sehe ni yahuha buhero taro:

⁵ —Toari masano toaro, to toaa yaparire doca site cãno wahaha. To ã doca site cã wahcãchua paye yapari mahai bora caha suha. Ti ã bora caha suchua paye yaparire masa tu diho cãhua. ã jia paye yaparire minichahca duji ta, chunocaha. ⁶ ã yoa paye yapari sehe tãa wapa bui dihta se mininocã bui bora caha suha. Tí yahpapu co mariaha. ã jia tí yapari du wija tarucuma ñaia wahaha. ⁷ Paye yapari sehe tja watoi bora caha suha. Tja sehe tí toaa mehne duha. Tja sehe dia yuhdua waha, toaare wajãnocaha. ⁸ Paye yapari noari yahpai bora caha suha. Noano dua jia noano dicha tiha. ã jia payu dicha tiha —niha Jesu.

ã ni tuhsu õ sehe tuaro ni namoha:

—Ahrire tuho duaina noano tuhoga musa —niha tiro.

Jesu quti mehne to buherire yahuha
(Mt 13.10-17; Mr 4.10-12)

⁹ Baharo to buheina tí quitire masi duaa, Jesure õ sehe ni sinituha:

—¿Ahri quti mehne dohse ni yahui nijari muhu? —ni sinituha tina.

¹⁰ Ti ã nichu Jesu õ sehe ni yuhtiha:

—Cohamacua masa bui puhtoro to noano suho jiare panopua paina ti masierari cjirire

musare masichu yoarohca Cohamacua. Paina sehere ã yoerara tiro. Tinare quti mehnetu buheihitja. Yu ã yoachua tina yu buheare tuhopahta masisi —niha Jesu to buheinare.

Jesu wesere toari masano quitire yahu pahnoha

(Mt 13.18-23; Mr 4.13-20)

¹¹ ã ni tuhsu tinare õ sehe ni yahu namoha:

—Õ sehe ni yahura ahri quti: Toaa yapari noaa buhea yoaro sehe jira. ¹² ã yoa maha duhtu cahai bora yapari sehe noaa buhea yoaro sehe jira. Cãina masa noaa buheare ti tuhochu ñano watino sehe ta, tí buheare masi dutierara masare, minichahca tí yaparire ti chu cohãno sehetu yoaro. To ã yoerachu tina Cohamacua wacũ tuaboa. Ti ã wacũ tuachu ñano Cohamacua sehe tinare pichacapua waborinare yuhdoba. ¹³ ã yoa tãa wapa bui dihta se mininocã bui bora yapari noaa buhea yoaro sehe jira. ã jia masa noaa buheare tuho, wahchea mehne tíre tuho nunu wahcãna. ã tuho nunupahta tãa wapa buicã jia yucu nuhcori mariea yucu yoaro sehetu ahrina masa cãhua yoari pja cãno pjaerara. ã cãno pjaeraa yu yare ti cahmari buhiri paina tinare ti ñano yoachu ñua yu yare duhunocahna. ¹⁴ ã yoa tja watoi bora yapari noaa buhea yoaro sehe jira. ã jia masa noaa buheare tuhopahta, ahri yahpa macaare wacũ nunu yuhduara. Niñerure bujua cahma, paye baro cãhure payu cahma, tíre goa pja yuhduara tina. Ti ã yoachu tí sehe noaa buheare ducataru. Ti ã ducatachu masa noaa sehere yoerara. Dicha maria yucu yoaro sehetu jira. ¹⁵ ã yoa noari yahpai bora yapari noaa buhea yoaro sehe jira. ã jia masa noaa buheare tuhoa, noano mehne tí buheare yuhducaerara. ã jia yucucu dicha tiro sehetu noaa buheare tuhoina sehe Cohamacua to cahmano sehetu noare yoara —niha Jesu.

Jesu sihãria quitire buheha

(Mr 4.21-25)

¹⁶ ã ni tuhsu paye quti mehne piti dahre buheha tiro:

—Ne sihãriare ti sihãri baharo tiare dihi biato docai cõerara masa. Æ yoa tiare coãri casario docai cõerara. Mhãnopu tiare duhu payora wuhupũ sãa taina ti noano ñũ sãahto sehe. ¹⁷ Jipihti ti masierari cjirire baharo masa masiahca. Sihãria to buhriachũ mari ñũ masino seheta panopũ ti masierari cjirire masiahca masa.

¹⁸ Æ jina mũsa tuhona noano tuho nũnũga. Noano tuho nũnũriro, noano masinohca. Tuho nũnũerariro “Mahanocã tuhoja”, to nipachũta tí sehere boa waharohca —niha Jesu.

Jesu coyea tirore pjiha
(Mt 12.46-50; Mr 3.31-35)

¹⁹ Baharo Jesu bahana ti pocoro mehne tiro cahapũ wahaa nimaha. Masa payũ jichũ to cahapũ sũeraha. ²⁰ Æ jiro cãiro Jesure õ sehe ni yahuha:

—Mũ poco mũ bahana mehne sopacapũ ducuhre. Mũhũre ñũa taa niyuhti —niha tiro Jesure.

²¹ To ã nichũ Jesu õ sehe ni yahuha jipihinare:

—Cohamacũ ya buheare tuhoina, tíre yũhdũũcaeraina tinata yũ poco yũ bahana yoaro sehe jira —niha Jesu tinare.

Jesu wihnonore yũsũ dutiha
(Mt 8.23-27; Mr 4.35-41)

²² Pa dachoi Jesu to buheina mehne dohoriapũ samu:

—Basa, pahãjihna —ni, tina jipihtina tia mehne bũcũpariropũ pahãa wahaha.

²³ Æ pahãno carĩa wahaha Jesu. Ti ã pahãrucuchũ waro tuaro wihnono taha. Wihnono to tachũ bujũa pahcõri wahcã, tinare mionocamaha. Æ to wahachũ minihito cua yũhdũaha tinare. ²⁴ Æ wahachũ ñũa Jesu cahai waha, tirore wahcõha.

—Buheriro, mari mini yariana tana nijã —niha tina.

Ti ã nichũ Jesu sehe wahcã, wihnonore “Tó purota wã duhuga”, niha. Æ ninota pahcõri cãhũre “Yũsũa wahaga”, niha. To ã nichũta wihnono yũhdũa wahaha. Æ yoa pahcõri cãhũ yũsũ boraa wahaha. ²⁵ Æ wahari baharo Jesu tinare õ sehe niha:

—¿Mũsa yũhũre wacũ tuaerasinijari? —niha tiro.

To ã nichũ tina sehe cui, cũaa waha, ti basi õ sehe ni durucuha:

—Cue, ¿dohse jiro baro masũno jijari ahriro? Ahri wihnono, pahcõri cãhũ to dutichũ yũhdũũcaerara tirore —niha tina ti basi.

Watĩa ti cohtotarirore noariro wahachũ yoaha Jesu

(Mt 8.28-34; Mr 5.1-20)

²⁶ Æ yoa tina sie copapũ Gerasa macaina ya yahpapũ pahã sũha. Tí yahpa Galilea yahpa potoihta jiha. ²⁷ Tói Jesu to maja sũrũcũ sũchũ waro tó macariro watĩa ti cohtotariro tiro cahapũ taha. Tiro yoari pja suhti marieriro jiro, to wuhupũre ne jieraha. Æ yoa masa copari tãa copari watoi jia tiha tiro. ²⁸⁻²⁹ Æ jia payũ tahari watĩa tirore ñahaha. Æ jiro tiro peresui to jichũ to wamomacarine dahporire comaa dari mehne dũhteriro jiparota, tiro tí darire nuha mũjaha. Æ yoa watĩa sehe tirore masa marienopũ na wahcãa tiha. Æ yoa tiro Jesure ñũroca õ tuaro sañurucu, Jesu panoi na tuhcuca caha sũha. To ã yoachũ ñũno Jesu sehe tirore õ sehe ni dutiha:

—Watĩa, duhuga ahrirore —niha Jesu.

To ã nichũ tuhoro watĩa ti cohtotariro tuaro sañurucu, õ sehe ni sinituha Jesure:

—Jesu, ¿Cohamacũ jipihtina Bui jiro macũno yabare yoai tai nijari mũhũ yũhũre? Yũhũre, ñãno yoai tjiga —niha watĩa ti cohtotariro.

³⁰ To ã nichũ Jesu sehe õ sehe ni sinituha tirore:

—¿Yabariro wama tijari mũhũ? —niha.

Payũ watĩa tiro mehne jiha. Æ jiro õ sehe niha watĩa ti cohtotariro:

—Watĩa payũ wama tija sã —ni yũhtiha watĩa ti cohtotariro tiro.

³¹ —Cũãri copapũ sãre waha dutiecũ tjiga —ni, tuaro siniha watĩa sehe.

³² Tí pjare tói tũcũ dahpotoi yesea payũ chũa niha. Ti tói chũchũ ñũa watĩa õ sehe ni siniha Jesure:

—Sina yesea cahapũ warocaga sãre ti pjacũripũ sã sãahto sehe —ni siniha watĩa.

Ti ã sinichũ tuhoro “Jai. Wahaga”, niha Jesu. ³³ To ã dutichũ, watĩa masũno mehne jirina cjiri sehe wahaa, yesea pjacũripũ sãa wahaha. Æ yoa tinare ti sãari baharo, yesea jipihtina bũcũpariro dũhtũ cahapũ

pari cunupm muroca buha, tí taropm bora ñoja, mini yaria pihtia wahaha.

³⁴ Yeseare ñu wihboina yesea ti ã minichu ñua, cui, murocaa wahaha. Æ muroca wahcã pjiri macapm cãhure, daa macaricãpm cãhure tíre ti ñarire yahu sitea wahaha. ³⁵ Ti ã yahuchu tãhoa, masa sehe payu ti ã waharire ñua wahaha. Æ jia Jesu cahai sm, watia ti cohtotariro cjirore to suhti tiriro, tãho masiriro to dujichu ñua tina. Tí jipihtiare ñua, tina cui niha. ³⁶ Watia ti cohtotariro cjiro noariro to waharire ñuina, ti ñarire painare noano yahu pahñoa. ³⁷ Tí pjata Gerasa yahpa macaina payu Jesure tuaro cuia, tirore pa seheru waha dutiha. Ti ã waha dutichu Jesu dohoriapm samu, waharo taro niha. ³⁸ Watia ti cohtotariro cjiro Jesu to wahahto pano tuaro siniha tirore:

—Mum mehne waha duaja —ni sinimaha.

³⁹ To ã nichuta Jesu tirore õ sehe ni yãhtiha:

—Mu ya macapm wahaga. Æ wahacu Cohamacu mähure to yoarire yahuga painare —niha Jesu.

To ã niri baharo waha to ya macapm smro watia ti cohtotariro cjiro sehe Jesu tirore to yoarire jipihtina to ya maca macainare yahuha.

Jairo maconore yãhdũchũ yoa, cahã ñuricoro cãhure yãhdũchũ yoaha Jesu (Mt 9.18-26; Mr 5.21-43)

⁴⁰ Pari turi Jesu tí bucupariropm pahãa wahaha tjoa. To pahã tariroputa masa payu tirore cohtaa niha. Æ cohtaa, tirore piti bocasiniha wahchea mehne. ⁴¹⁻⁴² Tói judio masa buheri wãhũ pãhtoro Jairo wama tiriro Jesu cahai sm, to dahpori cahai na tuhcuca caha sãha tirore ño payoro. To macono yariaro niha. Ticoro cãcorota jiricoro doce cãhmari cãharicoro jiha. Æ jiro tiro to ya wãhũpm Jesure pji wahcãha. “Jai” ni, tiro mehne wahaha Jesu cãhũ.

Mahai ti ã wahachu payubia masa tirore numu ti wahcã, bihsaro smrucu sãha tirore. ⁴³ To ã bihsaro wahachu numino doce cãhmari waro ã cahã ñurucuricoro tói jiha. Tó pano duhturuare jipihtia to niñeru mehne wapamaha ticoro co wa dutiro. Ti

ã co wapachuta mananota jirucunocaha ticoro. ⁴⁴ Æ jiro ticoro Jesu baharo masa payu watoi wihi, Jesu suhtirore to ñaha ñuchuta to cahã ñua pihtia wahaha. ⁴⁵ To ã ñaha ñuchu tãhoturo Jesu õ sehe ni sini-tuha:

—¿Noa yu suhtirore ñaha ñuri? —niha tiro. Jipihtina “Yoaerahi”, niha. Æ jia Pedro cãhũ õ sehe niha:

—Buheriro, bihsa nina. Æ jia masa payu mähure pihanocahna. ¿Dohseacu ã ni sini-tujari mähũ? —niha tina Jesure.

⁴⁶ Ti ã nichu Jesu õ sehe ni yãhtiha:

—Michapucacã yãhũ noaricoro wahachu yoahi cãcorore. Æ jicu yãhure to ñaha ñuchũ masija —niha tiro.

⁴⁷ To ã nichu tãhoro ticoro duhti masieraro, teterericoro Jesu cahai na tuhcuca caha sãha tirore ño payoro. Æ jiro jipihtina masa ti tãhoro to dohatiare, Jesure to ñaha ñarire to noaricoro to waharire yahuha ticoro. ⁴⁸ To ã ni yahu tuhsũchũ Jesu ticorore õ sehe ni yahuha:

—Maco, yãhure mu wacũ tuua mehne noaricoro tjuara mipure. Wahchea mehne wahaga —niha ticorore.

⁴⁹ To ã nino watoi Jairo ya wãhũ jirore yahuro wihiha:

—Mu macocã yariaa wahahre. Æ jicu buherirore pji tai tjiga —niha tiro.

⁵⁰ To ã nichu tãhoro, Jairore õ sehe ni yahuha Jesu:

—Cahya tãhotui tjiga. Yãhure wacũ tuaga. Tí dihtare yoaga. Mu ã yoachu ticorocã masaa waharohca —niha Jesu.

⁵¹ Æ ni tuhsũ to wãhũpm sm, Pedro, João, Santiago, dohatiricoro pãcũsũma tópeinata na sãaha. Paina sehere Jesu sãa dutieraha. ⁵² Tói jipihtina masa ti ñahacaha tiro watoi sãa sãha Jesu.

—Tiena tjiga. Ticorocã yariaerare. Carĩno nica —niha tiro.

⁵³ To ã nichu tãhoa tina sehe ticoro yariaricoro to jichu masia, Jesure bujũha. “Æ nimacanocano nina”, ni bujũha. ⁵⁴ Æ yoa Jesu ticorocã wamomacare ñaha, õ sehe ni pisuha:

—Maharicorocã wahcãga —niha.

⁵⁵ To ã nichuta yariaricoro masaa waha, tí pjata wahcãrucu sãha ticorocã. To

wahcãri baharo Jesu ticorore chũare wa dutiha. ⁵⁶To ã masachũ ñũa to pũcũsũma ñũ cũaa wahaha. Æ jiro Jesu tíre painare yahu dutieraha.

9

Jesu doce to buheinare buhe dutiro warocaha

(Mt 10.5-15; Mr 6.7-13)

¹ Æ yoa Jesu doce to buheinare pjiroca, to tuaare waha tinare. Watĩare ti cohãhti cjihtire, dohatiinare noaina ti yoahiti cjihtire to tuaare waha tinare. ² Æ yoa tuhsũ tinare Cohamacũ masare pũhtoro to noano sũho jiare buhe dutiro, dohatiinare noaina wahachũ yoa dutiro warocaha tinare. ³ Õ sehe ni dutiha Jesu tinare:

—Mũsa wahana paye barore naaena tjiga. Tjuadũre, wajure, chũare, niñerure naaena tjiga. Mũsa sãano dihtare sãa wahcãga. Paye suhtire naaena tjiga. ⁴ Jipihtia macaripũ masare ti carĩno wachũ tí wũhũihta jinocasiniga. Coã wahanapũ wijaahga tí wũhũre. ⁵ Paye macari macaina mũsare ti cahmaerachũ ñũna tí macarine yũhdũ wahcãa wahaga. Æ wahana mũsa dahpori macaa dihta pohcari mene wajã site cũga mũsa tinare ti ya buhirire masichũ yoana —niha Jesu.

⁶To ã niri baharo to buheina sehe waha, jipihtia macaripẽpũ noaa buheare yahu tinia tiha. Æ yoa dohatiinare noaina wahachũ yoaa tiha.

Jesu to yoarire Herode tũhoha

(Mt 14.1-12; Mr 6.14-29)

⁷ Æ yoa Herode Galilea yahpa macaina pũhtoro Jesu yoarire tũhorocaha. “¿Diro baro jijari tiro Jesu?” niparota ne masieraha. Cãina õ sehe nimaha Jesure: “João masare bautisariro cjiro pari turi bajuaro nica. Æ jiro ‘Jesu’, ti niriro tiro tjira”, nimaha cãina. Ti ã nichũ tũhoro Herode Jesure dohse ni masieraha. ⁸ Paina “Tiro Elia cjiro mipũ bajuaro nina”, nimaha. Paina sehe “Cohamacũ yare yahu mũhtaina panopũ macaina mehne macariro cjiro mipũ bajuaro nica”, nimaha Jesure. ⁹ Ti ã ni durucupachũta õ sehe ni tũhotuha Herode sehe: “João dapure dũte ta duti tuhsũhi yũhũ. ¿Mipũre jiriro masa ti

yahuriro diro baro jibocari tiro sehe?” ni tũhoturo tiro Jesure ñũ duamaha.

Jesu cinco mil bui masare chũa waha

(Mt 14.13-21; Mr 6.30-44; Jn 6.1-14)

¹⁰ Æ yoa Jesu to warocarina tiro cahapũ tju sũa, ti yoarire yahuha Jesure. Ti yahu tuhsũchũ Jesu tina dihtare Betsaida wama tiri macapũ sũho wahamaha. ¹¹ Ti waharire masia, masa payũ tinare nũnũ ti wahcãha. Jesure ti mũ sũchũ ñũno piti bocasiniha Jesu tinare. Æ jiro tiro Cohamacũ masare pũhtoro to noano sũho jiare tinare yahu, dohatiinare noaina wahachũ yoaha.

¹² Ñamichahapũ doce to buheina tiro cahapũ sũ, Jesure õ sehe ni yahuha:

—Õ masa marienopũ jira. Õ majano macaa macaripũ, daa macaricãpũ cũhũre ahrina masare warocaga. Carĩa ti chũhti cjihtire maca dutiga tinare —niha tina Jesure.

¹³⁻¹⁴ Ti ã nichũ Jesu õ sehe ni yũhtiha tinare:

—Å nienata chũare waga tinare —niha.

To ã nichũ tũhoa tina õ sehe ni yũhtiha:

—Cũ wamomaca pihtia pão cuririri, pũaro wahi tó purocãta cjuaja mari. ¿Ahrina payũ masa ti chũhti cjihtire nuchũbocari sã? —niha to buheina.

Payũ masa ti jichũ ñũa ã niha to buheina. Tópũre cinco mil mũa jiha. (Numia, macanacã cũhũ jiha.) Æ jiro Jesu õ sehe ni yahuha to buheinare:

—Cincuenta masare cã curuai duji dutiga. Paye curuari cũhũre tópeinata duji dutiga —niha Jesu to buheinare.

¹⁵ To ã nichũ to buheina to dutiriro seheta yoa, jipihtina masare duji dutiha.

¹⁶ Duji duti tuhsũ Jesu cã wamomaca pihtia pão curirire pũaro wahi mehne na, mũanopũ ñũha. Æ ñũno Cohamacũre “Noana”, niha. To ã niri baharo pão curirire nuha, to buheinare masare witi dutiro waha. ¹⁷ Ti ã witi tuhsũchũ, tina jipihtina masa chũ, yapi yũhdũa wahaha. Ti yapi wahyorire doce pũhũse waro wahpo dapoha to buheina.

Jesu potocã Cristo to jiare Cohamacũ warocariro to jiare yahuha Pedro

(Mt 16.13-19; Mr 8.27-29)

¹⁸ Cã dacho Jesu cãirota jiro, Cohamacure sinino niha. To ã sinino watoi to buheina tiro cahapũ sãha. ã jiro Jesu õ sehe ni sinitu ñũha tinare:

—¿Diro baro jicari yũhũ masa yũhũre ti tũhotuchũ? —ni sinitu ñũha.

¹⁹ To ã sinituchũ tũhoa to buheina õ sehe ni yũhtiha:

—“João masare bautisariro jira”, nina mũhũre. Paina “Elia cjiro jira”, nina. Paina “Panopũ macariro Cohamacũ yare yahu mũhtariro cjiro masa wijariro cjiro jira”, nina mũhũre —ni yũhtiha to buheina sehe tirore.

²⁰ Ti ã niri baharo Jesu tinare õ sehe ni sinitu ñũha tjoa:

—¿Mũsa sehe mũsa tũhotuchũ diro baro jicari yũhũ? —ni sinitu ñũha tjoa.

—Mũhũ Cristo Cohamacũ warocariro jira —ni yũhtiha Pedro.

Jesu to yariahto cjihtore yahuha
(Mt 16.20-28; Mr 8.30-9.1)

²¹ ã yoa Pedro “Cristo jira mũhũ”, to nirire painare Jesu yahu site dutieraha to buheinare. ²² ã ni yahu site dutiera tuhsũ õ sehe ni namoha:

—Yũhũ masũno Cohamacũ warocariro tuaro ñano yũhdũihca. ãta yũhdũro cahmana yũhũre. ã jia mari coyera judio masare buheina, bũcũna, sacerdotera pũhtoa mehne yũhũre cahmaeraa, yũhũre wajãahca. Ti ã wajãri baharo tia dacho wahaboroi masa mũjaihca —niha Jesu tinare.

²³ Baharo jipihtinare õ sehe ni yahuha Jesu:

—Cãiro yũ yairo ji duaro, to cahmano yoa duamarine duhunocanohca. ã yoa crusapũ yũ ñano yũhdũhtiro seheta yũ yairo to jiri buhiri ñano yũhdũparota yũhũre duhusi. ã jiro yũ yare yoarucuriro jirohca. ²⁴ Masũno yũhũre wacũno marieno to mũ sũro to cahmano seheta yoiro pichacapũ tiro waharohca. ã jiro yũ yare ã yoarucuriro jipihtia dachoripe yũhũ mehne mũanopũ jirucurohca. ²⁵ ¿Cãiro masũno ahri yahpa macaare jipihtiare cjariro Cohamacure cahmaeraro pichacapũ waharo yabare wapatajari tiro? ã jiro ne wapataerara. ²⁶ Cãina yũhũre, yũ buheare bũo tiboca. Ti ã yoachũ ñũcũ yũhũ

cãhũ yũhũre ã yoainare bũo tisãaihca. Yũhũ masũno Cohamacũ warocariro noaina anjõa ti si sitea mehne, yũ si sitea mehne, yũ Pũcũ to si sitea mehne tjua tacũ tinare bũo tisãaihca. ²⁷ Potocã niita nija mũsare. Mipũre cãina mũsa õpũre jiina mũsa yari-ahto pano Cohamacũ jipihtina bui pũhtoro noano to sũho ji dũcachũ ñũnahca —niha Jesu tinare.

Jesu pjacũ cohtotaha
(Mt 17.1-8; Mr 9.2-8)

²⁸ ã yoa ocho dachori tíre to yahuri baharo Jesu Pedroro, Joãoore, Santiagore tina dihtare pjiha. ã yoa waha, Cohamacure sinia waha, tũcũpũ mũjaa wahaha tina. ²⁹ Cohamacure to sinino watoi Jesu wũhdũa cohtotaha. To ã cohtotachũ to suhtiro minoari suhtiro noano yehseri suhtiro wahaha. ³⁰ To ã waharo watoi pũaro mũa tiro mehne durucua niha. Durucua sehe Elia cjiro, Moise cjiro jiha. ³¹ Tina mũano macaa si sitea mehne bajuaha. Jesu baharocãta Jerusalẽpũ to yariahtore tina Jesu mehne durucua niha. ³² Pedro cãhũ wũjo caha yũhdũaha. ã carĩpahta cũa wahcã wihi Jesu to si siteare ñũa, pũaro tiro mehne ducua cãhũre ñũha. ³³ Moise cjiro cãhũ ti wahahto panocã Pedro Jesure õ sehe nimaha:

—Pũhtoro, mari õre jichũ noa duara. Tia wũhũcã yoanahtja. Mũ ya wũhũcã, Moise ya wũhũcã, Elia ya wũhũcã yoanahtja —nimaha Pedro.

ã niparota to nirire ne masieraha. ³⁴ To ã ni durucuro watoi tinare me curua duji boro pja sũha. To ã duji boro pja sũchũ ñũa tina cuia wahaha. ³⁵ Tuhsũ, me curua puhichapũ õ sehe ni durucuro coa taha:

—Ahriro yũ macũ, yũ beseriro jira. Noano tũhoga tirore —nino coa taha me curua puhichapũ.

³⁶ To ã nino coa tari baharo Jesu dihtare ñũha tina. Baharo ti ñũrire painare yahueraha. Ne cãirore yahueraha.

Jesu watĩno to cohtotarirocãre noariro wahachũ yoaha
(Mt 17.14-21; Mr 9.14-29)

³⁷ Pa dachoi tina tũcũpũ ti duji tachũ payũ masa Jesure piti bocaha. ³⁸ ã jiro tina mehne macariro Jesure õ sehe ni pisuha:

—Buheriro, mähure tuaro ahrire sini du-
aja yuh. Yuh macu cãirota jira. Ā jicu tirore
ñabasaga mäh. ³⁹ Watino tirore ñaha,
sañurucuch yoa, tunu teterech yoa, sahpo
tua wahach yoa tihre. Ā yoaro watino
yuh macure ñano yuhdich yoa, ne duhu du-
aerara. ⁴⁰ Mäh buheinare watinore cohã wio
duticu tuaro sinimahi. Yuh Ā sinipachata
tina sehe tirore cohã wio masierare —niha
tiro Jesure.

⁴¹ To Ā nichu Jesu sehe õ sehe niha:

—Mipuh macaina mäsã ñaina jira. ¿Yuhure
ne wacũ tuaeraputijari? Yoabiari pja
mäsare buhemaja yuh. ¿Noho puro yoari
pja yuhure mäsã caribobocari? —ni tuhtiha
Jesu.

Ā ni tuhsu watino ti cohtotariro pucurore
õ sehe niha:

—Mäh macure na tahga —niha.

⁴² To Ā niri baharo to macuno Jesu ca-
hapuh to taro watoi watino sehe tirore yah-
papuh doca caha su, tunu teterech yoa.
To Ā yoachuh Jesu watinore wijaa dutiha. To
Ā wijaa dutichuh watino säarirocã noariro
wahaha. Ā jiro Jesu sehe tirocãre wiaha
to pucurore. ⁴³ Cohamacu tuua mehne
noariro to wahachuh ñaha, jipihtina masa
cuua wahaha.

*Pari turi Jesu to yariahtore, to masah-
tore yahuha*

(Mt 17.22-23; Mr 9.30-32)

Masa Jesu to yoarire ti ñuh, cuua wahachuh
Jesu sehe to buheinare õ sehe ni yahuha:

⁴⁴ —Michapucacã yuh yahuhtire boena
tjiga mäsã. Yuhure Cohamacu to waro-
carirore paio yuhure ñaha dutiro warohca
masare —niha Jesu.

⁴⁵ To Ā nipachata tina sehe to yahuare
noano tuho ñahaeraha. To yahurire tinare
masihto basioeraha. Tí pjata Cohamacu
tinare tíre tuho ñaha dutierasiniha. Ā jia
tina cuia, tíre tirore sinitu ñeraha.

*Jesu buheina tina mehne macarirore
puhtoro sõ duamaha*

(Mt 18.1-5; Mr 9.33-37)

⁴⁶ Baharo Jesu buheina durucu sayoa
niha:

—¿Mari mehne macariro diro sehe
puhtoro ti cohtotacari? —ni sayoa niha tina
ti basi.

⁴⁷ Ti Ā nichu Jesu sehe ti tuhotuare
masino, nijinocãre to cahai duhu dapo, to
buheinare õ sehe ni yahuha:

⁴⁸ —Yuh yare yoana tana ahrirocãre cah-
mana yuhuh cãhure cahmana mäsã. Ā
yoa yuhure cahmana, yuhure warocariro
cãhure cahmana mäsã. Mäsã mehne
macariro mäsã cahamacuno jiro tiro cãhuh
puhtoro tjirohca —niha Jesu.

*Marine ñuh tuhtiro jieraro, mari mehne
macariro jira*

(Mr 9.38-40)

⁴⁹ Baharo João Jesure õ sehe ni yahuha:

—Buheriro, mäh wama mehne watĩare
cohãrrore sä ñahi. Tiro mari mehne
macariro to jierachuh ñaha tíre tirore yoa
dutiera tihi sä —niha João Jesure.

⁵⁰ To Ā nichu Jesu Joãoire paina buheina
cãhure õ sehe ni yahuha:

—Ā niena tjiga mäsã tirore. Marine
ñuh tuhtiro jieraro, tiro mari mehne
macariro jira —niha Jesu to buheinare.

Jesu Santiagore, João cãhure tuhtiha

⁵¹ Tí pjare Jesu manopuh to wahahto
panocã, “Jerusalẽpu wahahtja”, niha tiro.
Ā nino tópu waharo niha. ⁵² Ā jia Jesu
to panoi warocaina waha, Samaria yahpa
macari macapuh su, tói Jesu to jihtore cahno
duamaha. ⁵³ Jesu Jerusalẽpu waharo taro
niha. Tópu wahahtiro to jichuh tuhoa, tó
macaina tirore cahmaeraha. ⁵⁴ Tíre tuhoa
Santiago, João mehne õ sehe ni yahuha
Jesure:

—Puhtoro, mäh cahmachuh manano macari
pichaca mehne tinare wajã dutinahca —
niha tina tirore.

⁵⁵ Ti Ā nichu Jesu majare ñuh, tuhtiha tina
puarore.

[—Espíritu Santo yaina jira mäsã.
Mipuh mäsã tuhoturo sehetã tiro sehe
tuhotuerara. Yuhuh masuno Cohamacu
warocariro ahri yahpapuh tacuh pichacapuh
wahaborinare yoadohohtiro tai. Masare
butichuh yoacuh tacuh nierahi —ni yahuha
Jesu.]

⁵⁶ Ā tuhti tuhsuh, pa macapuh Jesu cãhuh
waha wahaha.

Paina Jesu mehne wahamaha

(Mt 8.19-22)

⁵⁷Tina mahai ti wahach_u, mas_uno Jesure ò sehe ni yahuha:

—M_uh_u mehne waha duaja nohoi m_u waharoi —niha tiro.

⁵⁸To ã ni tuhs_uch_u Jesu ò sehe ni y_uhtiha:

—Cãina macaroca macaina wahiquina ti copari c_uhara. Minichahca cãh_u ti suhti c_uhara. Y_uh_u mas_uno Cohamac_u warocariro sehe y_u carĩri w_uh_u maeraja —niha Jesu.

⁵⁹Baharo pairore Jesu pjiha:

—Y_uh_u mehne macariro cjihto taga —niha.

To ã nich_u tiro ò sehe ni y_uhtiha Jesure:

—P_uhtoro, y_u p_uc_u to yariach_u yasinii wahaihtja. Æ ya tuhs_uc_u pinihta m_uh_u mehne wahaihtja —niha tiro.

⁶⁰To ã nich_u Jesu ò sehe ni yahuha:

—Y_uh_ure cahmaeraina yariaina yoaro seheta jira. Tina sehe yariainare yajaro. Æ jic_u m_uh_u sehe Cohamac_u masare p_uhtoro to noano s_uho jiare noaa buheare buhei taga —niha Jesu tirore.

⁶¹Æ yoa paio Jesure ò sehe niha:

—P_uhtoro, m_uh_u mehne wahaihtja. Wahmanore y_u coyeare coha sitisinii wahaihtja —niha tiro Jesure.

⁶²To ã nich_u Jesu ò sehe ni yahuha tirore:

—Wach_u sahari pji_une tãã puriro mehne dahrariro noari dare saha duara. Æ dahrariro to baharo b_uh_usehere majare ñ_uno, noano potori da saha masierara. (Tó seheta Cohamac_u yare yoaro taro, dahrariro tó pano to jia tiare tuaro wac_uboca tíre duhu duaeraro, dahrariro to majare ñ_uno seheta.) Æ wac_uriro Cohamac_u mari p_uhtoro yare dahraboriro jierara —niha Jesu.

10

Jesu setenta y dos buheinare buhe dutiro warocaha

¹Baharo Jesu paina buheinare setenta y dos buheinare bese, macaripep_u to wahalto pano warocayuha. Cãa macarip_ure p_uaro dihta warocaha tiro. ²Æ warocaro ò sehe ni yahuha tinare piti dahre buhero:

—Trigo pay_u ti b_uc_ua tuhs_uch_u pay_u jich_u dahraa pjíro jira. Wiho mejeta dahraina

sehe mahainacã jira. Tó seheta noaa buheare t_uhohtina pay_u jich_u pjíro jira mari dahraa. To ã jipach_uta mahainacã dahrari masa yoaro seheta noaa buheare buhehtina cãh_u mahainacã jira. Æ jina noaa buheare buhehtinare painare to warocah-tore siniga Cohamac_ure m_usa. ³Wahaga m_usa. M_usare y_u warocach_u m_usa oveja pohna yaya watoi ti jiro seheta m_usa cãh_u ñaina suaina watoi jinahca. ⁴Niñeru wajure, b_uj_uwawac_ua waju cãh_ure, dahpo suhtire naaena tjiga. M_usa mahai tinina painare boca s_u durucuena tjiga. Poto wahaga. ⁵Jipihtia m_usa sãa w_uh_usep_u sãahna “Ahri w_uh_u macaina noano jijaro”, ni m_uhtaga. ⁶Tí w_uh_u macaina noano mehne jiina cahmachea marieina ti jich_u, tíre niga tinare. Noano mehne ti jierach_u ñ_una tí w_uh_u macainare ã niena tjiga. ⁷Cã w_uh_ui sãa s_ur_ucana ti noaina jich_u tí w_uh_uihta tjuaga. Tóti ti duhu payorire ch_u, sihnituga. Dahrainare ti wapataare nano cahmana. Æ jina ti wapataare ti nano seheta ti duhu payorire naga m_usa cãh_u. Æ jina cã w_uh_uihta m_usa s_uri w_uh_uihta jina, tí maca macaa w_uh_usep_u ji tiniena tjiga. ⁸Macap_ure m_usa s_una tó macaina sehe m_usare ti cahmaina jich_u ti ch_ua ti duhu payorire ch_uga. ⁹Tó macaina dohatiinare noaina wahach_u yoaga. Æ jina ò sehe niga tinare: “Cohamac_u mip_ure mari p_uhtoro noano to s_uho jihtore yahuna nija m_usare”, niga tinare. ¹⁰Pa macap_u m_usa s_uch_u tina sehe m_usare cahmaeraboca. Ti ã cahmaerach_u ñ_una tí maca dacho macap_u waha, ò sehe niga tinare. ¹¹“Ahri maca macaa dihta pohcari mene wajã site c_una nija sãre m_usa cahmaerari buhiri ñona. Æ jina ahrire wac_uga. Cohamac_u mari p_uhtoro mip_ure to noano s_uho jihtore yahuna nija m_usare”, niga tinare. ¹²M_usare potocã niita nija. Sodoma macaina ñabiaina jiha. Ti ã jipach_uta pihtiri dacho jich_u Cohamac_u to buhiri dahreri dacho jich_u Sodoma macaina y_uhdoro m_usare cahmaeraina sehere buhiri dahrerohca —niha Jesu.

Paye macari macaina Cohamac_ure y_uhd_ur_ucaina jira (Mt 11.20-24)

13 Baharo Jesu ò sehe niha macari macainare:

—Corazĩ macaina, m̄sa ñano ȳhd̄nahca. Betsaida macaina, m̄sa c̄h̄ ñano ȳhd̄nahca. M̄sa ya macarip̄re Cohamac̄ tuaa mehne yoa ñomahi. Tiro wama tiri macare, Sidõ wama tiri maca c̄h̄re to tuaa mehne ȳ yoa ñoch̄ ñ̄a tó macaina sehe ti ñaare cahyaboa. Æ yoa “Noaina jija”, ni ti t̄hotumari cjirire t̄hotu cohtotaboa. Dóih̄ta tina duji, cahyaa suhtire s̄a, ti basi niti pohcare ti bui dahra site payoboa ti ñaare cahyaare ñoa. 14 Cohamac̄ to buhiri dahreri dacho jich̄ Tiro macaina, Sidõ macaina ȳhd̄oro ñaa buhiri tiina m̄sa jiri buhiri m̄sare ñano waro buhiri dahrerocha tiro. 15 Capernau macaina, m̄sa m̄ s̄ro m̄anop̄ waha duamana. M̄sa ã waha duapach̄ta m̄sa ñaa buhiri tiina m̄sa jiri buhiri m̄sare Cohamac̄ pichac̄p̄ coh̄nohca —niha Jesu.

16 Æ ni tuhs̄ Jesu to buheinare ò sehe ni yahuha:

—M̄sare t̄hoina ȳh̄ c̄h̄re t̄hora. M̄sare cahmaeraina, ȳh̄ c̄h̄re cahmaerara. Æ jia ȳh̄re cahmaeraina, tina ȳh̄re warocariro c̄h̄re cahmaerara —niha Jesu tinare.

Setenta y dos buheina tju wihia

17 Baharo setenta y dos buheina wahchea mehne tju wihia:

—P̄htoro, m̄ wama mehne m̄ tuaa mehne wat̄are s̄a dutich̄ tina sehe s̄are ȳhd̄ar̄caerare —niha tina Jesure.

18 Ti ã nich̄ Jesu ò sehe ni ȳht̄iha tinare:

—M̄anop̄ to oroca site bora taro seheta, wat̄ino to bora tach̄ ñ̄hi. 19 Noano t̄hoga. M̄sare ȳ tuaare wahi ȳh̄. Æ jina aḡare, pichõno soroare, wat̄nore marine ñ̄ tuhtirirore m̄sa ȳhd̄ar̄caht̄ire wahi ȳh̄. Æ jia tina m̄sare ñano yoa masierara. 20 Ȳ ã wapach̄ta wat̄a m̄sare ti ȳhd̄ar̄caerach̄ ñ̄na tí dihtare wahchena t̄jiga. Ahri sehene wahchega. M̄anop̄ Cohamac̄ yaina ti wamare to joa õri t̄jui m̄sa wamare to joa õch̄ ñ̄na, tí sehene wahchega m̄sa —niha Jesu tinare.

Jesu wahcheha

(Mt 11.25-27; 13.16-17)

21 Tí pjare Esp̄ritu Santo Jesure tuaro wahchech̄ yoaha. Æ jiro Jesu ò sehe niha:

—Mai, m̄h̄ m̄anop̄ c̄h̄re yahpap̄ c̄h̄re p̄htoro jira. Masi ȳhd̄ar̄cu s̄inare m̄ yahuerari cjirire wiho jiina sehene yahure m̄h̄. M̄ ã yoach̄ ñ̄cu “Noa ȳhd̄ara”, nija. Æ tjira, Mai. M̄ yoa duariro seheta, m̄ cahmariro seheta tinare m̄ yare yahure —niha Jesu.

Æ ni tuhs̄ painare ò sehe niha:

22 —Ȳ P̄cu jipiht̄iare ȳh̄re ware. Ȳ P̄cu dihta ȳh̄re masina. Ȳh̄ c̄h̄re tirore masija. Ȳ beserina c̄h̄re tirore masina, ȳ masi dutiina jia. Tópeinata ȳ P̄cure masija s̄a —niha Jesu.

23 To ã niri baharo ti sahsero ti jich̄ Jesu to buheinare ò sehe niha:

—Ahri jipiht̄iare m̄sa ñ̄na wahcheina jira. 24 Potoc̄a tjira. Paȳ Cohamac̄ yare yahu m̄ht̄aina cjiri, yahpari macaina p̄htoa c̄h̄re mip̄ m̄sa ñ̄re ñ̄ duamaha tina c̄h̄re. Æ jia m̄sa t̄hori c̄h̄re t̄ho duamaha —niha Jesu.

Noariro Samaria macariro quitire yahuha Jesu

25 Tí pjata judio masare buheriro Jesu cahai wihi, Jesure ñano to durucuch̄ yoa duamaha tirore yahus̄a duaro:

—¿Buheriro, ȳh̄ jipiht̄ia dachoripe Cohamac̄ mehne ji duac̄ dohse yoaih̄cari ȳh̄? —ni sinituha tiro Jesure.

26 To ã nich̄ Jesu ò sehe ni ȳht̄iha tirore:

—¿Dohse ni yahujari Cohamac̄ yare ti joari p̄i? ¿Cohamac̄ to ni joari cjirire dohse ni t̄hotujarita m̄h̄? —niha Jesu tirore.

27 To ã nich̄ tiro ò sehe ni ȳht̄iha:

—Ò sehe niha Cohamac̄: “Tuaro m̄sa yajeripohnari mehne, noano m̄sa tuaa mehne, m̄sa wac̄a mehne Cohamac̄re cah̄ga. Æ yoa m̄ basi m̄ cah̄no seheta m̄ cahai jiina c̄h̄re cah̄ga” —niha tiro Jesure.

28 To ã nich̄ Jesu ò sehe ni yahuha:

—Quih̄no nire m̄h̄. Tíre yoaga. Æ yoac̄ jipiht̄ia dachoripe Cohamac̄ mehne jiih̄ca m̄h̄ —niha tirore.

29 “Ahriro Cohamac̄ dutiare yoa pah̄oriro jira”, masa tirore ti ni t̄hotuch̄

cahmaha judio masare buheriro. ã cahmano tiro Jesure õ sehe ni sinituha:

—¿Yabariro baro jicari yuhure mu cahĩ du-tiro? —niha tiro.

³⁰ To ã nichu Jesu õ sehe ni piti dahre quiti mehne yuhtiha:

—Cũ dacho Jerusalẽpu tariro Jericõpu wa-hariro mahai to tinichu yacaina tirore ñahaha. ã ñahaa, to suhtirore tjuwe na, tirore tuaro cjãha. ã tuaro cjãa, ma-hano to yariaro cahachu waro duhuha tina tirore. ³¹ Tí pjata sacerdote tí mahapu

taha. ã taro ti cjãriro cjirore ñuparota maha pa buhusehe duhtu cahai do yuhdu wahcã, yuhdu wahaha. ³² ã yoa Co-hamacu wuhũ dahrariro cãhu pjacõriro cahai su, tirore ñu, maha pa buhusehe coai do yuhdu wahcã wahaha. ³³ ã yoa Samaria macariro sehe tõi waha, yoa curerõpu pjacõrirore ñu, tirore pja ñuha.

³⁴ ã pja ñuno, tiro pjacõriro cahai su, se, vino mehne morea core to camine pio sihõha. Pio sihõ tuhsu suhtiro cah-saro mehne duhteha to camine. Tuhsu, pjacõrirore to burro bui duhu payo, carĩni wuhupu na suha tirore. Tõi jiro, Samaria macariro noano ñu wihboha tirore. ³⁵ Pa dachoi tiro carĩni wuhu purõre puã tu niñeru turire wa, õ sehe niha: “Ahrirõre ñu wihboga. Ahri mu suerachu pari turi tjua tacu wapa pahõihtja”, niha Samaria macariro wuhu purõre —niha Jesu.

³⁶ ã ni tuhsu judio masare buherirore õ sehe ni sinituha Jesu:

—¿Ahrina tiaro muã diro sehe jijari pjacõrirore cahĩro? —niha Jesu.

³⁷ To ã nichu tuhorõ buheriro sehe Jesure õ sehe ni yuhtiha:

—Pjacõrirore yoadohõro jica tirore cahĩro —niha tiro Jesure.

—Wahaga. Mũhu cãhu masare tõi seheta yoai wahaga —niha Jesu buherirore.

Marta, María cãhu cahai Jesu tiniha

³⁸ ã yoa Jesu to buheina mehne ti wa-hachu, pa macapu ti tinichu, Marta wama tiricõro tinare to wuhũ sãa ta dutiha. ³⁹ To bahõro María to dahpori cahai duji, to bu-heare tuhõha. ⁴⁰ To ã yoachu ñuno Marta to dahraa pjõro jichu suaha. ã jiro ticõro Jesure õ sehe ni sinituha:

—Puhtõro, ¿yuhũ cãcõro yu dahrachu yuhure yu baho to yoadohõrachu muhure noajari, mu ñuchu? Ticõrore yuhure yoad-ohõ dutiga —niha Marta Jesure.

⁴¹ To ã nichu Jesu õ sehe ni yuhtiha:

—Marta, dahraa pjõro cjãaco pjõro tuhotura muhu. ⁴² Cohamacu to yare tuho dutira. María noaare yoaro taro tõe cahmahre. ã jicu yuhure to tuhochu “Dahradohõco wahaga”, nieraja ticõrore —niha Jesu Martare.

11

Jesu Cohamacure siniare buheha (Mt 6.9-15; 7.7-11)

¹ Cũ dacho Jesu Cohamacure sinino niha. To sini tuhsuachu, cãiro to buheina mehne macariro tirore õ sehe niha:

—Puhtõro, João to buheinare to buheriro seheta Cohamacure siniare sã cãhure buhega muhu —niha tiro Jesure.

² To ã nichu tuhorõ Jesu tinare õ sehe ni yahuha:

—Õ sehe ni Cohamacure siniga:

“Sã Pucũ, muhu ñaa marieriro ã jirucura. Mipure jipihtina bui puhtõro jiga.

³ ã yoa dachõripe sã chuhtire warucuga sãre.

⁴ Paina sãre ti ñano yoarire sã boja.

ã jicu muhu cãhu sã ñaa yoarire boga.

Tuhsu, sã ñaare yoa duana sã goa pjachu ñucũ tõe sãre yoa duaerachu yoaga”, ni siniga Cohamacure —niha Jesu tinare.

⁵ Baharo Jesu quiti mehne to buheinare õ sehe ni buheha:

—Cũiro ñami dacho macai to coyeyiro ya wuhupu waha, tirore õ sehe ni siniha: “Coyeyiro tia curi pãõ curi waga yuhure.

⁶ Pairo yu coyeyiro tinino tariro michapucacãta ya wuhũ wihihre. ã yoa tirore yu chuã waboa mariaha”, niha tiro to coyeyirore. ⁷ To ã nichu to coyeyiro wuhu puhichapu jirore yuhtiha: “Yuhure cariboĩ tjiga. Sopa pahma bihariro jira. Yuhũ yu pohna mehne carĩna nija. Wahcãno pjaeraca yuhure. Mũhure chuãre waboricu jieraja”, niha to coyeyiro. ⁸ ¿Dohse waharõhcarĩ sinirirore? Potocã niita nija musare. To coyeyiro jiparota, chuã waboriro wahcã duaeraha. Wahcã duaeraparota chuã

siniriro sehe b̄o tiro marieno to yoari pja sinirucuch̄a t̄horo jipihtia to siniriro sehet̄a warohca. ⁹ Ā jic̄a ahrire m̄sare ni yahui nija: Cohamac̄are siniga. Ā sinina m̄sa sinirire ñahanahca. M̄sa sinirire bocanahca. Tirore ã sinirucuga. M̄sa ã yoach̄a tiro m̄sare warohca. ¹⁰ Jipihtina Cohamac̄are siniina ti sinirire naahca. Ā yoa ti sinirire bocaahca. Ā jiro jipihtina Cohamac̄are ã sinirucuinare tiro tinare warohca.

¹¹ ¿M̄sa pohna m̄sare wahire ti sinich̄a agã sehere wabocari m̄sa tinare? ¹² ¿M̄sa pohna caraca diecare ti sinich̄a pichõno soro sehere wabocari m̄sa tinare? Ne wasi. ¹³ M̄sa ñaina jipanahta m̄sa pohna noaare wa masina m̄sa. Ā yoa Cohamac̄a sehe m̄sa wari ȳhgoro noaare wara m̄sare. Tiro mari P̄c̄a m̄ano macariro to Esp̄ritu Santore warohca tirore siniinare –niha Jesu to buheinare.

“Jesu wat̄no tuaare cj̄ara”, ni yahusãha masa

(Mt 12.22-30; Mr 3.19-27)

¹⁴ Tí pjare Jesu wat̄nore cohã wioro niha. Wat̄no sehe durucu masierariro jich̄a yoaha mas̄nore. Ā jiro wat̄no mas̄nore to duhuri baharo mas̄no sehe durucu d̄caha. To durucuch̄a t̄hoa masa paȳa c̄aa wahaha. ¹⁵ Tí ã c̄apach̄ata paina sehe õ sehe niha:

–Ahr̄iro Jesu wat̄are to cohã wioch̄a Beelzebú wama tiriro wat̄a p̄horo sehe tirore yoadohora –niha paina.

¹⁶ Paina “¿Jesu Cohamac̄a to warocariro jijari?” ni masi duaa tirore Cohamac̄a tuaa mehne yoa ño dutimaha. ¹⁷ Tí ã dutich̄a t̄horo “Wat̄no tuaa mehne wat̄are cohã wiora”, ni ti t̄hotuare masino, tinare õ sehe ni yahuha Jesu:

–Wat̄no ya tuaa mehne wat̄are cohã wioi nieraja. Cũ maca macaina ti basi cahma wajãa, tí maca macaina yaria pihtia wahara. Ā jia cã w̄h̄ macaina ti basi cahmachea, tí w̄h̄ macaina waha pihtia wahara. ¹⁸ Ā yoa wat̄no yaina wat̄a ti basi cahmachea, tina wat̄a c̄h̄ waha pihtia wahaboa. Cũ curua j̄i masieraboa. M̄sa ȳh̄re õ sehe nina. “Tiro wat̄no tuaa mehne wat̄are cohã wiora”, m̄sa ȳh̄re nina nica. ¹⁹ ¿Ȳh̄re m̄sa niri

potocã jich̄a m̄sa mehne macaina wat̄are cohã wioa, wat̄no tuaa mehnet̄a cohã wiojari tina c̄h̄, m̄sa ñ̄ch̄? M̄sa mehne macaina wat̄are cohã wioa, wat̄no tuaa mehne cohã wioa nierara. Ahrire masina wat̄no to tuaa mehne wat̄are ȳ cohã wioerach̄a masinahca m̄sa. ²⁰ Ā jic̄a ȳh̄ sehe wat̄are cohã wioch̄ Cohamac̄a tuaa mehne cohã wioja. Ahrire masina, Cohamac̄a m̄sa p̄horo to noano s̄ho j̄i d̄caare masinahca m̄sa.

²¹ Tuar̄iro to wamoa mehne to w̄h̄re to ñ̄ wihboch̄a to yare paina na masierara. ²² To ã ñ̄ wihbopach̄ata paio tua ȳh̄r̄iro tiro mehne cahmache, tirore ȳh̄r̄ca, to wamoare manoca, to yare manocahna. (Õ sehet̄a yoa ȳh̄r̄caro cahmana wat̄are.) ²³ Cãiro ȳh̄re cahmaeraro, ȳh̄re ñ̄ tuhtiriro jira. Cãiro ȳh̄re yoadohoeraro ȳh̄re ñ̄ano yoaro nina –ni buheha Jesu.

Wat̄no pari turi mas̄nore to sãari quitire yahuha Jesu

(Mt 12.43-45)

²⁴ Ā yoa to t̄hotua mehne õ sehe ni piti dahre buheha tinare:

–Wat̄no mas̄nore duhuro tiro co marieni yahpai tinino, to sohto cj̄htore macamaha. Bocaeraro, õ sehe ni t̄hotuha: “Mas̄no ȳ duhur̄iro mehne pari turi j̄i wahaihtja”, ni t̄hotuha tiro. ²⁵ Ā nino tiro tjua waha, mas̄nore bocaha. Ā to bocach̄a mas̄no sehe noar̄iro jimaha. ²⁶ Tuhs̄, wat̄no paina s̄ete wat̄are tiro bui ñ̄aa ȳh̄dinare nano wahaha. Na wihi, tina jipihtina wat̄a mas̄no mehne jiha. Ā jiro mas̄no sehe tó pano cãiro wat̄nore cj̄aro, ñ̄ar̄iro jimaha. Mip̄ sehere paȳa wat̄a ti cohtotar̄iro jiro, tó pano to jir̄iro ȳh̄goro ñ̄a ȳh̄r̄ar̄iro jiha –niha Jesu.

Jesu wahcheare yahuha

²⁷ Tíre to ã nich̄a masa watoi jir̄icoro numino Jesure õ sehe ni yahuha:

–M̄h̄re pohna tir̄icoro, m̄h̄re p̄ricoro wahcher̄icoro jira –niha Jesure.

²⁸ To ã ni tuhs̄ch̄a t̄horo Jesu ticorore õ sehe ni ȳhtiha:

–Cohamac̄a durucuare t̄hoina to duht̄are yoaina tina tjica wahcheina –niha Jesu ticorore.

Masa ñaina Jesure Cohamacu tuaa mehne yoa ño dutiha

(Mt 12.38-42; Mr 8.12)

²⁹ Ña yoa payu masa Jesu cahai ti wihichu, tiro tinare õ sehe ni yahu namoha:

—Mipuc macaina nu ñaina jira. Cohamacu tuaa mehne yu yoa ñochu ñu duamana. Ti ña ñu duapachuta Jona panopu macariro Cohamacu tuaa mehne to yari dihtare ñonohca Cohamacu tinare.

³⁰ Jona Cohamacu yare yahu mahtariro jiro, tiro Nínive macainare Cohamacu yare to masichu yoariro seheta yuh masuno Cohamacu warocariro masichu yoaja mipu macainare.

³¹ Buhiri dahrehti dacho jichu puhtorocoro sur macaricoro panopu macaricoro ducu, mipu macainare “Ñaina jira”, ni yahusãnohca ticoro. Ticoro Salomo panopu macariro to masiare tuho duaro yoaropu ahri yahpa pa shepuc jiricoro Salomore tuhoro taha. Ña yoaro noano yoaro niha mipu macaina yuhdoro. Ña jiro ticoro yahusãnohca mipu macainare. Ña nicu musare potocã niita nija. Mipu musare yu buhea Salomo to buheri yuhdoro jira.

³² Buhiri dahrehti dacho jichu Nínive macaina cãhu ducu, mipu macainare “Ñaina jira”, ni yahusãahca tina. Jona tinare Cohamacu yare to yahuchu tuhoa, ti ñaare tuhotumarire tuhotu cohtota Cohamacure cahmaha tina sehe. Ña cahmaa noano yoaa niha mipu macaina yuhdoro. Ña jia tina cãhu mipu macainare “Ñaina jira”, ni yahusãahca. Musare potocã niita nija. Mipu musare yu buhea Jona to buheri yuhdoro jira —ni yahuha Jesu.

Masa ti tuhoturo seheta yoara

(Mt 5.15; 6.22-23)

³³ Ña ni yahu tuhsu, piti dahre buhero õ sehe ni yahu namoha tinare:

—Masa sihãriare sihãa nuoerara. Tiare sihãa dihi biato docapu duhu dapoerara. Tiare manuoi duhu payora wuhupu sãa taina ti noano ñu sãahto sehe. ³⁴ Sihãria to noano buhriachu mari noano ñu masino seheta noaare tuhotua mehne noaare yoa masinahca musa. Musa tuhoturo seheta yoara musa. Noaare tuhotuna noaare yoara musa. Noaare tuhotuerana ñaare yoara musa. ³⁵ Ña jina noano yoaga. Musa

tuhotuapu ñaa jiero tjijaro. Ñaare goa pjaena tjiga. ³⁶ Tuhsu musa tuhotuapu noaa jichu, ñaa ne mariachu noaa dihtare tuhotunahca —ni buheha Jesu.

Fariseo curua macaina, judio masare buheina cãhare Jesu tuhtiha

(Mt 23.1-36; Mr 12.38-40; Lc 20.45-47)

³⁷ Jesu to buhe tuhsuchu ñu fariseo curua macariro tirore to ya wuhupu chu dutiro pjiha. Ña jiro Jesu tiro ya wuhupu sãa su, ti churoi tina mehne nuju sãha. ³⁸ To ña nuju sãchu fariseo curua macariro sehe Jesure ñu nuano judio masa ti wamo cosarucuro seheta to wamo cosaerachu ñuno õ sehe ni tuhotuha: “Cuenah. ¿Ahriro dohsearo wamo cosaerajari mari yoaro sehe?” ni tuhotuha. ³⁹ To ña ni tuhotuchu masino Jesu tirore õ sehe ni yahuha:

—Musa fariseo curua macaina sihnia wahwarire, wapari cãhare bui sehe dihtare musa cosaro seheta noaare yoa ñona musa buicã warohna. Ña yoapanahca Cohamacu yare quihõno yoerara. Paina yare maina jina, ñaa dihtare tuhotura musa. ⁴⁰ Tuho masieraina jira musa. Cohamacu musa pjacurire yoariro musa tuhotuhti cãhare yoaha. ¿Tíre masierajari musa? ⁴¹ Ña jina musa yare pjacuinare waga musa. Musa ña yoana noaare tuhotuina jinahca.

⁴² Musa fariseo curua macaina ñano yuhdunahca. Moa yoaro sehe jiare chure coachu yoare cãana mahanocã wamana musa. Cohamacure ño payona tana sacerdoteara wamana musa. Ña wapanahca noaare yoerara musa. Ña jina masare pja ñuerara musa. Ña yoa Cohamacure ño payoerara musa. Toaa dichacãre musa narire mahanocã Cohamacure musa wachu noa nina. Ña wana õ sehe yoa namoga: Noaare yoaga. Ña yoa pja ñuga musa masare. Tuhsu, Cohamacure ño payoga musa.

⁴³ Musa fariseo curua macaina ñano yuhdunahca. Buheri wuhupu jina, noaa dujia dihtare duji duara musa. Pache duaropu masa musare puhtoare noano ño payo ti sinino sehe ti piti bocasinichu cahmana musa.

⁴⁴ Ñano yuhdunahca musa. Masa copa nuori copa yoaro seheta jira musa. Tí

copa cahai masa jia, puhicha macariro baarirore ñherara tina. Tó seheta masa m̄sa cahai jia, m̄sa t̄hotuap̄ ñaa jiare masierara tina —niha Jesu tinare.

⁴⁵ To ã nich̄ t̄horo judio masare buheina mehne macariro Jesure ò sehe ni yahuha:

—Buheriro, tíre nic̄ sã c̄hure ñano nii nica m̄h̄ —niha tiro Jesure.

⁴⁶ To ã nich̄ Jesu ò sehe ni ȳhtiha:

—Potocã tjira. Judio masare buheina m̄sa c̄h̄ ñano ȳhd̄nahca. M̄sa painare ti bihoeraare yoa dutira tinare. ã dutipanahta m̄sa sehe tinare ne mahancã yoadohoerara tí dutiare ti yoah̄to sehe.

⁴⁷ ã jina m̄sa ñano ȳhd̄nahca. Cohamac̄ yare yahu m̄htaina panop̄ macaina ti masa coparire noano cahnomana m̄sa tinare ño payoro sehe yoana. M̄sa ã yoapach̄ta panop̄ macaina m̄sa coyea sehe tinare wajãha. ⁴⁸ Tina sehe Cohamac̄ yare yahu m̄htaina cjirire ti wajãriro seheta m̄sa c̄h̄ yoaboa. ã jina mip̄re ti masa coparire cahnomana m̄sa. ã cahnona m̄sa coyea tinare ti wajãri cjirire wac̄u bajuro wana nica m̄sa. ã ti wajãrire wac̄una “Noa nina”, nina nica m̄sa.

⁴⁹ Cohamac̄ to masia mehne ò sehe ni yahuha: “Ȳ yare yahu m̄htaina c̄h̄re ȳ buhe duti c̄rina c̄h̄re warocaihtja tinare. ã jia tina ȳ warocainare painare wajã, painare ñano yoahca”, niha Cohamac̄. ⁵⁰⁻⁵¹ Ahri yahpare Cohamac̄ to bajuamehneri baharo Caĩ sehe Abere wajãha. Tuhs̄, Cohamac̄ yare yahu m̄htaina cjirire Abe baharo jiina c̄h̄re ñaina wajãha. Baharo Zacariare Cohamac̄ w̄h̄i Cohamac̄re ño payori mesa cahai m̄sa coyeata wajãha. Jipihtina tinare ti wajãri buhiri mip̄ macainare Cohamac̄ buhiri dahrerohca. ã tjira. M̄sareta nii nija. Jipihtina tinare ti wajãri buhirire mip̄ macainare Cohamac̄ buhiri dahrerohca.

⁵² M̄sa judio masare buheina, ñano ȳhd̄nahca. Cohamac̄ masiare ti joaa p̄rine c̄j̄apanahta painare yahuerara m̄sa. M̄sa basi Cohamac̄ yare t̄hoerara. Tuhs̄, paina to yare ti t̄ho

duapach̄ta tíre m̄sa tinare t̄ho dutierara —niha Jesu tinare.

⁵³⁻⁵⁴ To ã nich̄ t̄hoa judio masare buheina fariseo curua macaina c̄h̄ tiro mehne sua tirore ñano ni durucuha. ã jia Jesu to ñano ni ȳhtich̄ t̄ho duaa, tina paȳ mah̄no c̄u sinitu ñumaha tirore, tirore yahusã duaa.

12

Fariseo curua macaina ti ã mah̄norucurire Jesu yahuha

¹ ã yoa Jesu cahai masa paȳ cahmachua, bihsa ȳhd̄aha. Tóí Jesu to buheinare ò sehe ni yahu d̄caha:

—Noano wac̄u masiga m̄sa. Fariseo curua macaina ti p̄o b̄c̄arore ñuna noano wac̄u masiga. Ti mah̄norucurire nii nija “P̄o b̄c̄aro”, nic̄. ² Jipihtia ñaare paina ti masierari cjirire baharo masiahca. ³ ã yoa ñamip̄re ti p̄jiroca durucuri cjirire buhriaroi to bajuro waro seheta masiahca jipihtina. Bihari tahtiap̄ paire yaro ca ti nimari cjirire masa paȳ masiahca —ni yahuha Jesu.

Masa ti cuihtirore yahuha Jesu (Mt 10.28-31)

⁴ ã ni tuhs̄ Jesu ò sehe ni yahu namoha tinare:

—Potocã niita nija m̄sare. Masa wajãina wajã tuhs̄ pari turi ti wajãrina cjirire ñano yoa namo masierara. ã jina m̄sare wajã duainare cuiena tjiga. ⁵ Mip̄re m̄sa cuihtirore m̄sa ño payohtirore yahuihtja. Cohamac̄ sehere cui, ño payoga. Tiro m̄sa yariari baharo pichacap̄ cohã masina m̄sare. ã tjira. Potocã nii nija. Cohamac̄ sehere cui, ño payoga.

⁶ Cinco siripia wapa mariahna. Ti ã wapa mariapach̄ta c̄irocãre Cohamac̄ ne boerara. ⁷ ã yoa m̄sa p̄oarire ne c̄u p̄joa da d̄hsaro marieno masi pah̄ona Cohamac̄. Tó seheta m̄sa jia tia c̄h̄re masi pah̄ona Cohamac̄. ã masino m̄sare ñu wihborucura. Siripiare to cah̄no ȳh̄doro m̄sa sehere cah̄na Cohamac̄. ã jina tirore ño payona cuiena tjiga m̄sa —niha Jesu.

*Jesu yaina m̄sa jiare yahuga masare
(Mt 10.32-33; 12.32; 10.19-20)*

⁸ ã yoa Jesu õ sehe ni yahu namoha:

–M̄sare niita nija. C̄airo “Jesu yairo jija”, masare to nich̄u ñ̄ūc̄u, ȳh̄u mas̄no Cohamac̄u warocariro “Tiro ȳu yairo jira”, ni yahuihtja Cohamac̄u yaina anjoare. ⁹ C̄airo “Jesu yairo jija”, masare nierariro sehere ȳh̄u “Tiro ȳu yairo jierara”, ni yahuihtja Cohamac̄u yaina anjoare.

¹⁰ ‘C̄airo ȳh̄ure ñ̄ano to ni durucuch̄u tí ñ̄aa buhirire Cohamac̄u bo masina. ã boparota c̄airo Esp̄iritu Santo sehere to ñ̄ano ni durucuch̄u tí ñ̄aa buhirire ne Cohamac̄u bosi.

¹¹ ‘Mari judio masa buheri w̄h̄ur̄u p̄h̄toa cah̄ai p̄aina m̄sare na s̄aa yahus̄ahca. Tí ã yahus̄ach̄u m̄sa ni d̄ucatahti cjihtire “Cue, masieraboca”, ni t̄hotuena tjiga. ¹² Tí p̄jaihta Esp̄iritu Santo m̄sa yahuhti cjihtire yahurohca –niha Jesu.

Pache p̄uro quitire yahuha Jesu

¹³ ã yoa masa mehne macariro Jesure õ sehe ni yahuha:

–Buheriro, s̄a p̄uc̄u to yariari baharo to ya cjiri s̄are tjuara. ã jic̄u ȳu wahmine tíre ȳh̄u c̄h̄ure quih̄ono tju wa dutiga –niha tiro Jesure.

¹⁴ To ã nich̄u Jesu õ sehe ni ȳh̄tiha:

–Ne tí barore tju waboric̄u jieraja ȳh̄u –niha Jesu tirore.

¹⁵ ã ni tuhs̄u Jesu jipihtinare õ sehe ni yahuha:

–Noano yoaga m̄sa. Pachere, paye baro c̄h̄ure cah̄ena tjiga. Paȳu c̄h̄apanah̄ta tí mehmeta wahche tuhs̄eraja mari –niha Jesu.

¹⁶ ã ni tuhs̄u Jesu q̄uiti mehne õ sehe ni yahuha tinare:

–Pache p̄uro noari yahpare c̄h̄aha. ã jia tí yahp̄ur̄u to toaa noano d̄icha tiha.

¹⁷ ã jiro tiro to basi õ sehe ni t̄hotumaha: “D̄icha wihboa w̄h̄use ne m̄u s̄erara.

¹⁸ Mip̄ure õ sehe yoaihtja: Mip̄u ȳu wihboa w̄h̄usere coh̄anoca, m̄una w̄h̄use cjiri ȳh̄doro wahma w̄h̄use yoaihtja. Tí w̄h̄usei ȳu toaa dichare, jipihtiare ȳu yare wihboihtja. ¹⁹ Ȳu ã yoari baharo, õ sehe ni t̄hotuihtja ȳu basi: ‘Ȳh̄u jiare c̄h̄ariro

jija. Noano soihtja. ã jic̄u ch̄u, sihni, wahcheihtja’, ni t̄hotuihtja ȳu basi”, ni t̄hotumaha tiro. ²⁰ To ã ni t̄hotuch̄u Cohamac̄u tirore õ sehe ni yahuha: “M̄h̄u ne t̄ho masierariro jira. Micha ñ̄amihta m̄h̄u yariaihca. M̄u ã wahach̄u m̄u ya m̄u cah̄iri butia wahaahca”, niha Cohamac̄u tirore –niha Jesu masare.

²¹ Tíre nino, masare õ sehe ni yahuha Jesu:

–ãta wahaahca pache p̄ua Cohamac̄ure wac̄ueraina. Paȳu pachere, niñerure to ya cjihti dihtare wihboriro, Cohamac̄ure wac̄eraro tiro p̄jac̄oriro jirohca, Cohamac̄u to ñ̄uch̄u. ã jiro Cohamac̄u tirore ñ̄u jicoaerara –niha Jesu.

*Cohamac̄u to poh̄nare ñ̄u wihbora
(Mt 6.25-34)*

²² ã yoa Jesu to buheinare õ sehe ni yahuha:

–Ahr̄ire m̄sare nii nija: M̄sa ch̄hti cjihtire, m̄sa suhti s̄ahtire p̄j̄iro cah̄ya t̄hotuena tjiga. ²³ Cohamac̄u m̄sare bajuameh̄neno, ch̄htina cjihti dihtare yoeraha m̄sare. Tuhs̄u, suhti s̄ahtina cjihti dihtare yoeraha tiro m̄sare.

²⁴ Minichahca perire Cohamac̄u to ñ̄u wihboare masiga. Tina weseri maeraina jira. ã jia ch̄h̄are ti wihboa w̄h̄use tinare mariahna. Tí ã jiina jich̄u ñ̄uno tinare Cohamac̄u ti ch̄htire wara. Minichahca ȳh̄doro m̄sa sehere cah̄ina Cohamac̄u.

²⁵ P̄j̄iro m̄sa t̄hotua mehne c̄u hora waro m̄sare cati namoch̄u yoa masierara m̄sa. ã jiro m̄sa p̄j̄iro t̄hotua yaba cjihti jierara.

²⁶ ¿ã yoa p̄j̄iro m̄sa t̄hotua ti yaba cjihti jierapach̄ata dohse yoana m̄sa ch̄htire, m̄sa sihnihtire, m̄sa s̄ahtire p̄j̄iro cah̄ya t̄hotujari?

²⁷ ‘Macaroca macaa cohore t̄hotuga. Tí cohor̄i ti basi suhtire yoerara. ã yoerapahta noaa suhti tiina yoaro sehe noaa bajura tí cohor̄i. Salomo cjiro noaa suhtire s̄ariro to jipach̄ata tí cohor̄i sehe tiro ȳh̄doro noabiaa cohor̄i waro jira. ²⁸ Cohore noaa cohor̄i yoara Cohamac̄u sehe. To ã yoapach̄ata cohor̄i sehe mahaa dachoric̄a jirucuma ñ̄ai boraah̄a wahara. Mahanoc̄a j̄i, pa dachoi pichac̄ur̄u j̄u wahara. Tí ã jipach̄ata cohore noaa

cohorì jichu yoara Cohamacu. Ì jiro Cohamacu cohorire to noaa cohorì to yoarìro yuhdoro musa cùhure noano yoarohca. Suhtire warohca. Mahanocã Cohamacure wacũ tuara musa. ²⁹ Ì jina musa chùhtire, musa sihnihtire pjìro cahya tùhotuena tjiga. ³⁰ Cohamacure cahmaeraina sehe ahri yahpa macaina sehe tíre ã macarucua nina. Mari Pucù muanò macarìro jipihtia musa cahmaare masina. To ã masichu pjìro cahya tùhotuena tjiga. ³¹ Cohamacu musa pùhtoro to jìhto cjihtore cahma mùhtaga. Jipihtia paye baro yuhdoro tirore cahmaga musa. Mùsa ã yoarì baharo Cohamacu sehe musa cahmaa dùhsachù warohca –ni yahu namoha Jesu.

*Muanopu mari payu cjuã masija
(Mt 6.19-21)*

³² Ì ni tuhsu, tinare ò sehe ni yahu namoha:

–Yu cahìina, mahainacã jipanahta, cuiena tjiga musa. Cohamacu musa pùhtoro to noano sùho jìropure tiro mehne musa jichu cahmana tiro. ³³ Ì jina musa yare dua pahñoga. Tíre duanoca tí niñerure na, pjacùoinare waga. Tó sehe musa yoachù muanò macaa musa wapataa ne pihtisi. Muanopu musa ya jia ne pihtierara. Tópure musa yare na masierara yacarìro. Ì yoa machu cùhu tíre tua masierara. ³⁴ Muanopu musa ya jichu muanò macaa dihtare tùhotunahca musa –niha Jesu.

Jesu to tjua tahtore cohta dutiha to yainare

³⁵⁻³⁶ Ì ni tuhsu tinare ò sehe ni yahu namoha:

–Musa yare cahnoyu tuhsuina yoaro sehe yu yare ã yoarucuina jina cohtaga yuhure. Dahra cohtaina ti pùhtoro wamomaca dùhteri bose namupu to wahachu to tjua tahtore tina cohtara. Tina ti ã cohtarìro seheta yu tjua tahtore cohtaga musa cùhu. Pùhtoro to wuhupu wihi, sopacare to dotachu tùhoa tina dóihta pjõ sõhna tirore. ³⁷ Dahra cohtaina ti pùhtoro to wihichu to cahmano seheta yoarucuina jia, wahcheina jahca. Ti ã yoachù ñno pùhtoro sehe dahra cohtarìro yoaro sehe cohtotarohca. Ì yoaro dahra cohtainare

duji dutiro, tiro ti chùare duhu payorohca. ³⁸ Tiro to wihihti pja ñami dachò macapu, o bohrearopu to jipachuta dahra cohtaina sehe to wihihti pjare tirore noano cohtaina jia, wahcheina jahca tina. ³⁹ Ahrire wacũga musa. Yacarìro wuhupu to wihihto pano tí wuhu puero masierara. Wuhu puero yacarìro to wihihtore masino, tiro yacarìrore sãa dutieraboa. Ì jiro wacũenoca tara yacarìro. ⁴⁰ Ì jina musa cùhu cohtaga. Yuhu masuno Cohamacu warocarìro wacũenoca taihca. Ì jina yu yare ã yoarucuina jina cohtaga musa –niha Jesu tinare.

*Dahra cohtarìro to pùhtoro ño payorìrore, ño payoerarìro cùhure yahuha
(Mt 24.45-51)*

⁴¹ To ã nichu Pedro sehe ò sehe ni sinìtuha Jesure:

–¿Ahri quitire yahucu sãre nii nijari? ¿O jipihtinare ã nii nijari? –niha Pedro.

⁴² To ã nichu Jesu to tùhotua mehne ò sehe ni piti dahre buheha tinare:

–Dahra cohtarìro to pùhtoro ño payorìro tùho masirìro ò seheta jira. Pùhtoro tinino waharo, dahra cohtarìrore to wuhure cùna. To cùrìro sehe dutirìro jirohca. Ì jiro tiro chùri pja jichu paina dahra cohtainare chùare wìtira. ⁴³ Baharo pùhtoro to wihichu dahra cohtarìro sehe to pùhtoro to dutirìro seheta yoa pahñorìro jiro, tiro wahcherìro jirohca. ⁴⁴ Potocã niita nija musare. To ã yoachù to pùhtoro jipihtia to yare ñu wihborìro cùnohca tirore. ⁴⁵ To ã cùpachuta dahra cohtarìro “Yu pùhtoro yoari pja bajuerara”, niboca. Ì nino paina dahra cohtainare mure, numia cùhure cjãpe, payu chu, sihni, cahaboca. ⁴⁶ To ã yoari baharo wacũenoca to pùhtoro wihirohca. Ì wihiro tirore ñano buhiri dahrerohca. Ì jiro Cohamacure yuhdùrcainare to cohãriropu tirore cohãnohca.

⁴⁷ Ì yoa dahra cohtarìro to pùhtoro cahmaare masirìro jiparota tíre to yoerachù, tiro to noano dahraerachù to pùhtoro sehe tirore yuta da mehne tuaro tjananohca.

⁴⁸ Pairo sehe dahra cohtarìro to pùhtoro cahmaare masierarìro jiro to noano yoerachù ñno to pùhtoro sehe pjiroca

dero tirore tjananohca. Cohamacu to cahmaare masichu yoara masare. ã jiro masirirore yuhtiro cahmana. Tuhsu, noano masirirore noano yuhtiro cahmana –niha Jesu.

*Jesu masare cahma tju wachu yoara
(Mt 10.34-36)*

⁴⁹ ã ni tuhsu Jesu tinare õ sehe ni yahuha tjoa:

–Pichaca to jüwero seheta yuhu ahri yahpape Cohamacu tirore cahmaerainare to buhiri dahrehtore tinare masichu yoai tai nii. Mipu pinihta tîre ti masichu tuaro cahmaja yuhu. ⁵⁰ Yuhu ñano yuhduihca. Yu ã ñano yuhduhtire cohtacu, ñano yajeripohna tija yuhu. ⁵¹ ¿Dohse ni tuhotujari musa yuhare? “Tiro masare to buheri baharo paina tinare ñu tuhtisi”, ¿ni tuhotujari musa yuhare? ã jierara. Masare yu buheri baharo cãina yu yare tuhoahca. Paina sehe tinare ñu tuhtiahca. Cãno potori waro jisi masa. Musare nii nija. Masa yu buheare tuhoa, pu curua cahma tju waahca. ⁵² Mipure cã wuhu macaina cinco masa yu buheare tuhoa, pu curua ti basi cahma tju waahca. Cã curua tiaro, pa curua puaro jiahca. ⁵³ To puaro to macunore ñu tuhtirohca yu yairo to jiri buhiri. Tuhsu, paio macuno cãhu to puaro ñu tuhtirohca to puaro yu yairo to jiri buhiri. ã yoa to pocoro to maconore ñu tuhtirohca yu yacoro to jiri buhiri. Tuhsu, pacoro macono cãhu to pocoro ñu tuhtirohca to pocoro yu yacoro to jiri buhiri. ã yoa to marechono to macu namonore ñu tuhtirohca yu yacoro to jiri buhiri. Tuhsu, pacoro macu namono cãhu to marechonore ñu tuhtirohca yu yacoro to jiri buhiri. ãta waharohca, yu buheare ti tuhochu –niha Jesu.

*Noari dacho cjihtore, ñari dacho cjihtore
masa ti masiare yahuha Jesu
(Mt 16.1-4; Mr 8.11-13)*

⁵⁴ ã yoa Jesu masare õ sehe ni yahuha tjoa:

–Ahrie sehenu coro siterire ñana, dóihta “Coro tarohca”, nina musa. Musa ã niri baharo coro tara. ⁵⁵ ã yoa surpu wihnono tachu “Siri dacho jirohca”, nina musa ahri

yahpai jiina. Musa ã niri baharo dacho sira. ⁵⁶ Musa mahñoperucuina jira. Musa ahri yahpare musano cãhure ñana, noari dacho cjihtore, ñari dacho cjihto cãhure masina musa. ¿ã jina mipu macaa dachore masipanahta dohseana ahri yahpa macaina mipure musa dohse wahahtore masierajari musa? –niha Jesu.

*Musare ñu tuhtiro mehne musa cahmacherire cahma pjãga
(Mt 5.25-26)*

⁵⁷ ã ni tuhsu õ sehe ni yahu namoha:

–¿Muhu quihõno mu yoahtere masierajari muhu mipu? ⁵⁸ Pairo muhare yahusãno waharo buhiri dahre dutiri wuhupu waha dutiboca. Tõpu wahana “Pari turi muhare ã yoasi”, nicu cahma pjãga. Mu ã cahma pjãerachu tiro buhiri dahre dutiro cahpu naaboca muhare. Tuhsu, buhiri dahre dutiro sehe muhare surarare to wachu, muhare surara peresu yoaahca. ⁵⁹ Muhare nii nija. Tõpu jisiniihca muhu. Pu ti wapa dutire mu wapa pahñoi pu wijaaihca muhu –niha Jesu.

13

*“Noaina jija”, ni musa tuhotumarine
tuhotu cohtota, Cohamacure cahmaga*

¹ Tí pjare mahainacã masa Jesure õ sehe ni yahuha tiha:

–Galilea macaina wahiquirore wajã jü muo Cohamacure ti ño payoro watoí Pilato sehe tinare wajãha. To ã wajãchu wahiquiro di mehne masa di moreha –ni yahuha tina Jesure.

² Ti ã ni yahu tuhsuchu Jesu õ sehe ni yahuha:

–¿Galilea macaina Pilato to wajãrina cjirire dohse ni tuhotujari musa? ¿Ti ã yariachu paina Galilea macaina yuhdoro ñaina ti jiri buhiri ã yoa dutiri Cohamacu tinare, musa tuhotuchu? ³ Jierara. Musare niita nija. Musa sehe “Noaina jija” ni, musa tuhotumari cjirire tuhotu cohtotaerana, Cohamacure cahmaerana, musa cãhu yariana pichacaru wahanahca. ⁴ ã yoa sohõ jirina diez y ocho masa Siloé wama tiri wuhu muari wuhu ti bui bora pja wajã pahñoha. ¿ã waha yariaa, paina Jerusalẽ macaina yuhdoro ñaina jiri tina,

musa t̄hotuch̄u? ⁵ Jierara. Musare niita nija. Musa ñaa t̄hotumari c̄jirire t̄hotu cohtotaerana, Cohamac̄ure macaerana, musa c̄h̄u yarianahca. Ā jina pichac̄ap̄u wahanahca –niha Jesu tinare.

Higuerac̄u dicha maried̄u quitire yahuha Jesu

⁶ Ā ni tuhs̄u quiti mehne piti dahre yahuha tinare:

–Wese p̄uro to wesep̄u higuerac̄ure c̄j̄aha. Ā jiro tiro t̄u dichare macano wahamaha. Bocaeraha. ⁷ Bocaeraro tiro wese dahrarir̄ore yahuha. “T̄uhoga ȳh̄ure. Tia c̄h̄ma waro higuerac̄u dichare macamaja. Dicha mariahna. T̄u dicha mariach̄u t̄ure c̄j̄ā coh̄nocahga. T̄u ȳu wesei jich̄u pad̄ure ȳh̄u toa masieraja. Ȳu wesei jiri yahpa macaare wiho waro nana t̄u”, niha wese p̄uro tirore dahra cohtarir̄ore. ⁸ To ā nich̄u t̄uhoro dahra cohtarir̄o õ sehe niha: “P̄uhtoro, ah̄d̄u c̄ū c̄h̄ma waro duc̄usinijaro. T̄u dahpotoi ȳh̄u sahaihtja. Tuhs̄u, wahiquire t̄u mehne t̄i copare yaihtja. ⁹ Ȳu ā yoari baharo t̄u pa c̄h̄mai dicha tiboca. T̄u dicha tierach̄u m̄h̄u c̄j̄ā coh̄ā dutīihca”, niha dahra cohtarir̄o wese p̄urore –ni yahuha Jesu.

Sabado dachoi Jesu dohatir̄icorore noaricoro wahach̄u yoaha

¹⁰ T̄i p̄jare Sabado dachoi Jesu judio masa buheri w̄h̄u buhero niha. ¹¹ T̄oi wat̄ino to cohtotaricoro jiha. Wat̄ino sehe diez y ocho c̄h̄mari waro dohatich̄u yoaha ticorore. Ā jiro pari muti ducuricoro jiro, poto duc̄u masieraha. ¹² To ā jich̄u ñ̄no Jesu ticorore ñ̄u, õ sehe ni pisuha:

–Numino, m̄u dohatia pihtia wahahre –ni pisuha Jesu.

¹³ To ā pisuri baharo ticorore to ñ̄a payoch̄u d̄oihta ticoro noano poto ducuricoro wahaha. Ā waharo “Cohamac̄u tuarir̄o, noarir̄o jira”, ni ñ̄o payoha ticoro. ¹⁴ Jesu ticorore Sabado dachoi to noaricoro yoach̄u ñ̄no judio masa buheri w̄h̄u p̄uhtoro sehe tiro mehne suaha. Ā suaro tiro masare õ sehe niha:

–Seis dachori jira mari dahraa dachori. Ā jina musa dohatiinare noaina wahach̄u yoa duana, t̄i dachorire t̄ire yoaga. Sabado

dachore mari sori dachore t̄ire yoaena tjiga –niha w̄h̄u p̄uhtoro.

¹⁵ To ā nich̄u Jesu õ sehe ni ȳhtiha:

–Musa ā mah̄norucuina jira. Musa wach̄ure, burro c̄h̄ure c̄j̄ana Sabado dachoi ti d̄h̄teri dare p̄j̄ā, tinare na buha, sihni dutiboa. ¹⁶ Mip̄u ahricorore Abrah̄ā c̄j̄iro coyeacorore wat̄ino diez y ocho c̄h̄mari waro ticorore dohatich̄u yoahre. ¿Sabado dachoi ticorore noaricoro wahach̄u yoa dutierajari musa? –niha Jesu.

¹⁷ To ā nich̄u t̄uhua, tina buoro wahaha. Ā jia paina sehe jipihtina Jesu yoarire ñ̄u, wahcheha.

Mostaza yapa quitire yahuha Jesu (Mt 13.31-32; Mr 4.30-32)

¹⁸ Ā yoa Jesu quiti mehne piti dahre buheha masare:

–¿Ne Cohamac̄u masa bui p̄uhtoro to noano s̄ho jia yaba baro yoaro sehe jijari, musa t̄hotuch̄u? Ahri quiti mehne t̄ire p̄uhtoro to s̄ho jiare yahuihtja ȳh̄u. ¹⁹ Mostaza yapac̄ā yoaro sehe jira. T̄i yapac̄āre toari mas̄no to wesei toaha. To toari baharo t̄i yapac̄ā duha. Ā jia t̄u b̄uc̄ach̄u minichahca peri t̄u d̄p̄rip̄u suhti suhaha. (T̄o sehet̄a m̄ano macarir̄ore mari p̄uhtoro masiina mahainac̄ā ti ji m̄htapach̄uta baharop̄u tina paȳu wahaahca) –niha Jesu.

P̄ao b̄uc̄aro quitire yahuha Jesu (Mt 13.33)

²⁰ Ā ni tuhs̄u, pari turi Jesu õ sehe ni piti dahre buheha:

–¿Ne Cohamac̄u masa bui p̄uhtoro to noano s̄ho jia yaba baro yoaro sehe jijari, musa t̄hotuch̄u? ²¹ P̄ao b̄uc̄aro yoaro sehe jira. T̄ire numino c̄ū wajuru trigore co mehne noano t̄ire dahra morena p̄ao b̄uc̄ah̄tore. To ā yoach̄u p̄ao b̄uc̄aro sehe trigore noano sahser̄uc̄u s̄ra. (To sahser̄uc̄u s̄ro sehet̄a m̄ano macarir̄ore mari p̄uhtoro paȳu masa masiahca) –niha Jesu.

Mahari sopacac̄ā quitire yahuha Jesu (Mt 7.13-14, 21-23)

²² Ā yoa Jesu b̄j̄ua macarip̄u, daa macaric̄āp̄u c̄h̄ure buhe wahc̄ā, Jerusal̄ēp̄u s̄ro

taro niha. ²³ To ã waharo watoi cãiro Jesure õ sehe ni sinituha:

—Pũtoro, ¿mahainacã masare pichacaru wahaborinare yũhdorohcari Cohamacu? —ni sinituha tiro Jesure.

To ã nichu Jesu piti dahre buhero õ sehe ni yahuha:

²⁴ —Payu masa Cohamacu caharu waha duaa, sãa duamana. Mahari sopacacãre m̄sa sãa duachu mijo curera. Tó se-heta Cohamacu caharu m̄sa waha duachu mijo nina. Masa ã sãa duapahta sãa masierara. ã jina m̄sa sehe mahari sopacacãre m̄sa tuaro sãa duaboro se-heta Cohamacu sehere tuaro masiga. ²⁵ Õ sehe yoarohca Cohamacu payu masare. Tiro wũhu pũro yoaro sehe jira. Wũhu pũro wahcã, sopacacãre biharohca. To ã yoachu sopacacãru ducuna, sopa pahmare dotanahca. ã dotana õ sehe ninahca: “Pũtoro, sopa pahmare pjõhga”, m̄sa nichu wũhu pũro sehe õ sehe ni yũhtirohca. “M̄sare ne masieraja yũhu. Nohoi m̄sa tariro cãhure masieraja”, ni yũhtirohca. ²⁶ To ã nichu m̄sa õ sehe ni yũhtinahca: “Mũhu mehne sã chu, sihnihi. Sã ya macai buhere mũhu”, ninahca m̄sa. ²⁷ M̄sa ã nichu tiro sehe õ sehe ni yũhtirohca: “M̄sare ne masieraja. Nohoi m̄sa tariro cãhure masieraja. Jipihtina m̄sa ñaa buhiri tiina yũ cahai taena tjiga”, ninohca wũhu pũro. ²⁸ ã yoa Abrahã cjirore, Isaa cjirore, Jacobo cjirore, jipihtina Cohamacu yare yahu mũhtaina cjirore Cohamacu masare pũtoro to noano sũho jirore ti jichu ñana, m̄sa sehe sopacaru cohãrina jina tuaro tiinahca. ã tiina jina, m̄sa tuaro cahyaro mehne piri bahca dihonahca. ²⁹ Tí pjare jipihtiro macaina pũtoro Cohamacu to noano sũho jirore sũ, tiro mehne chu dujiahca. ³⁰ Mipũre wiho jiina jirina cjiri tí pjare pũtoa jiahca. ã jia mipũre pũtoa jirina cjiri tí pjare wiho jiina jiahca —niha Jesu.

*Jerusalẽ macainare tuaro cahũha Jesu
(Mt 23.37-39)*

³¹ Tí pjare mahainacã fariseo curua macaina Jesu caharu sũa, tirore õ sehe ni yahuha:

—Herode mũhare wajã duara. ã jicu pa sehẽru wahaga mũhu —niha tina tirore.

³² Tí ã nichu Jesu sehe õ sehe ni yũhtiha:

—Herode mahũoa payũriro jira tiro. Õ sehe ni yahuga tirore: “Jesu watiare cohã wioro nina. Tuhsũ, dohatiinare noaina wahachu yoaro nina. Tíre michare, ñamichaca cãhure yoarohca. Ñamichaca bohrearo dahra batoarohca”, ni yahuga Herodere.

³³ ã jicu michare waha, ñamichaca cãhure waha, ñamichaca bohrearo cãhure waha, Jerusalẽru sũihca. Cohamacu yare yahu mũhtarirore yũhure wajãhca masa. Cohamacu yare yahu mũhtainare ti wajãchu Jerusalẽru jiro cahmana tinare. ã jicu yũhu cãhure Jerusalẽru jiro cahmana.

³⁴ 'Cue Jerusalẽ macaina. M̄sa Cohamacu yare yahu mũhtaina cjirore wajã, m̄sa cahai to warocainare tãa mehne doca wajãre m̄sa. M̄sa coyera panopũ macaina cãhu ãta yoarina cjiri jiha. Caracoro to pohare to cãru dũpũri mehne to moha coãno sehta payu tahari m̄sare cahũrucumahi. M̄sare cahmamahi. M̄sa sehe yũhure ne cahmaerare. ³⁵ Mipũre m̄sa jiro cohãri maca jirohca. Potocã nita nija m̄sare. Cohamacu mari pũtoro to tuua mehne taihca yũhu. Yũ ã tachu ñana m̄sa yũhure “Cohamacu tuua mehne tariro noajaro”, ninahca. Yũhure m̄sa tíre nihto pano pari turi yũhure ñusi m̄sa —niha Jesu tinare.

14

Dohatirirore noariro wahachu yoaha Jesu

¹ Pa dacho Sabado dacho jichu fariseo curua macaina pũtoa mehne macariro ya wũhũru Jesu chũro wahaha. Tí wũhũ jina tiro dihtare ñũroca õha. ² Tí ã ñũroca õno watoi yachũri wipiriro, ñũchũa wipiriro tiro caharu sũha. ³ ã jiro Jesu judio masare buheinare, fariseo curua macaina cãhure õ sehe ni sinituha:

—¿Sabado dachore dohatirirore noariro wahachu yoa dutijari Cohamacu yare ti joari pũi? —ni sinituha Jesu.

⁴ To ã ni sinitupachũta tina yũhtieraha. Tí yũhtierachu ñano Jesu dohatirirore noariro wahachu yoa, “Wahaga”, niha

tirore. ⁵ Ñ yoa tuhsuro, tinare õ sehe ni sinituha tjoa:

—“¿Cãiro mûsa mehne macariro to macuno Sabado dachoi mari sori dachoi coparu to bora sãachu na wioerabocari?” mûsa ã nina. “¿To wachu cãhure na wioerabocari?” mûsa ã nina —niha Jesu.

⁶ To ã nipachuta tina to sinituare yuhti masieraha tjoa.

Wamomaca dũhteropu pjirocainare yahuha Jesu

⁷ Fariseo curua macariro ya wũhũ jiro tí wũhũ macariro to pjirocaina noaa dujiare ti besechũ ñũha Jesu. Ñ ñũ tuhsũ õ sehe ni yahuha jipihtinare:

⁸ —Wamomaca dũhteri bõse nũmũ mûsare to pjirocachũ, noaa dujiare bese dujiena tjiga. Mûsa yũhoro cua pisainare pjirocaboca ahri wũhũ pũro. ⁹ To ã yoachũ mûsa noaa dujiai dujichũ, “Ahrina cua pisainare mûsa dujiare waga”, niboca wũhũ pũro mûsare. To ã nichũ mûsa sehe buo tina, ñaa dujiai dujiboca. ¹⁰ Ñ jina wũhũ pũro mûsare to pjirocachũ, ñaa dujiai duji mũhtaga. Mûsa ã yoachũ wũhũ pũro mûsare “Noaa dujia sehere dujina taga”, ninohca mûsare tiro. Mûsa ã wahachũ paina to pjirocaina sehe mûsare ño payoa mehne ñũahca. ¹¹ Cãiro to basi “Pũhtoro tjija”, ni tũhoturiro cahamacũno jirohca. Pairo “Cahamacũno jija”, ni tũhoturiro painare yũhdũrũca duaerariro tiro sehe pũhtoro jirohca —niha Jesu tinare.

¹² Ñ ni tuhsũ Jesu wũhũ pũrore õ sehe ni yahuha:

—Mũhũ bõse nũmũ dahrecũ mũ cahai jĩinare, mũ bahanare, mũ coyeare, pache pũare pjiesũ tjiga. Mũ tinare pjichũ mũhũ cũhũre tina cũhũ pji cahmaahca tjoa. Ñ pji cahmaa mũhũre ti wapamoare wapaahca. ¹³ Mũhũ bõse nũmũ dahrecũ pjacũoinare, tini masierainare, cã bũhũsehe dahporo dojori tiinare, capari ñũerainare pjirocaga. ¹⁴ Mũ ã yoachũ ñũno Cohamacũ mũhũre noano yoarohca. Tina sehe mũhũre ti wapamoare wapa masierara. Ñ jiro noaina yariaina ti masa mũjari pja jichũ Cohamacũ sehe noaare mũ yoari wapa mũhũre noano yoarohca —niha Jesu wũhũ pũrore.

Pjiri bõse nũmũ quitire yahuha Jesu

¹⁵ To ã nichũ tũhoro paio chũri mesa cahai dujiriro, Jesure õ sehe ni yahuha:

—Cohamacũ masare pũhtoro to noano sũho jiroi to chũri mesa cahai dujiina tuaro wahcheina jahca —niha tiro Jesure.

¹⁶ To ã nichũ Jesu ahri quitire yahuha tirore:

—Pjiri bõse nũmũ dahreriro payũ masare pjirocaha. ¹⁷ To pjirocari baharo bõse nũmũ dachoi to cahamacũnore to pjirocainare yahu dutiro warocaha. “Ma, jipihtiare bõse nũmũ macaa cjihtire cahno tuhsũhre. Ñ jiro mûsare pjirocahre”, ni yahu dutiha to cahamacũnore. ¹⁸ To cahamacũno to ã ni yahupachuta, to pjirocaina sehe “Waha masieraja”, niha tina. To pjiroca mũhtariro õ sehe ni yahuha to cahamacũnore: “Michapucacã yahpare nuchũhi. Ñ jicũ tí yahpare ñũ wahi tai nija. Ñ yoacũ waha masieraja. Ño payo curea yũhũre. Yũhũre basioerahca”, niha to pjiroca mũhtariro sehe to cahamacũnore. ¹⁹ Pairo sehe õ sehe niha: “Wachũare pũa wamomaca pihtinare michapucacãta nuchũhi. Ñ jicũ wachũare buhe cayõ ñũ wahi tai nija ti waja wahcãhtore. Ñ yoai wahaeraja. Yũhũre basioerahca”, niha tiro cũhũ. ²⁰ Pairo sehe õ sehe niha: “Yũhũ michapucacã wamomaca dũhtehi. Ñ jicũ bõse nũmũrũ waha masieraja”, niha tiro to cahamacũnore. ²¹ To ã nichũ to cahamacũno sehe tjua waha, to pũhtoropũre tí niri cjiire yahu pahũoha. To ã ni yahuchũ to pũhtoro tuaro susini, õ sehe niha to cahamacũnore. “Macari macaa maharipũ pjacũoina ti ducua maharipũ wahaga. Ñ jicũ pjacũoinare, tini masierainare, capari ñũerainare, cã bũhũsehe dahporo dojori tiinare cjero na tahga tinare”, niha pũhtoro. ²² Baharo curero to cahamacũno yahuha to pũhtoro: “Pũhtoro, mũ dutiriro seheta yoahi. Yũ ã yoapachuta paina cũhũ mũ sũahca”, niha to cahamacũno. ²³ To ã nichũ pũhtoro tirore õ sehe ni dutiha: “Campopũ wahaga. Tõi bũjũa maharipũ jĩinare, daa maharicãpũ jĩina cũhũre masare yũ wũhũrũ ta dutiga, ya wũhũ to noano wahpahto cjihto sehe. ²⁴ Potocã nii nija

máhuare. Ahrina yu pjiroca máhtarina yu chháre ne mahanocá chási”, niha púhtoro –ni yahuha Jesu.

Jesu mehne wahachu mijo nina

²⁵ Tí pjare payu masa Jesu mehne wahaha. Á jiro Jesu tinare majare ñu, õ sehe ni yahuha:

²⁶ –Cáiro yu buheriro ji duaro painare to cahíiro yúhdoro yúhu sehere cahíno cahmana. To púcurore, to pocorore, to namonore, to pohinare, to bahanare, to pjacu cáhure to cahíiro yúhdoro yúhu sehere cahíno cahmana. Á yoaeraro yu buheriro ji masierara. ²⁷ Cáiro yu buheriro ji duaro yu yare á yoarucuriro jirohca. Á yoa crusaru yu ñano yúhdúhtiro seheta yu yairo to jiri buhiri ñano yúhdú duaeraro yu buheriro ji masierara. ²⁸ Ahrire masiyuro cahmana músare. Ó sehe jira tí: Wúhu dahreriro to múari wúhure yoahto pano wúhu wapa tihtire quihõ cū máhtana. Á yoa to wúhure to pahñohtore masina tiro. ²⁹ Wapa tihtire quihõeraro to wúhure yoahto pahñoeraboa. Á jia tirore ñuina bújupreboa. ³⁰ “Ahriro to wúhure yoahto bihoerare”, ni bújupreboa. ³¹ Púhtoro paio púhtoro yaina mehne ti cahma wajáhto pano, to yaina surarare to cahma wajá dutihto pano, to surarare quihõnohca. “¿Yúhu diez mil surara mehne paio veinte mil surara cjaru mehne cahma wajácu bihobocari yúhu?” ni túhoturo quihõnohca tiro. ³² Á quihõno, to bihoeratore masinohca. Á masino paio púhtoro to surara mehne cahma wajáno taru yoaropu to jichúta, bihoeraruro sehe “Cahma wajáena tjijihna”, ni duturo warocaboa dahra cohtaruro. ³³ Á jina yu buheina ji duana, músa yoahtire músare masino cahmana. Músa yoa duari sehere cohá duaerana, yu buheina ji masierara –ni yahuha Jesu.

Moa coerarore yahuha Jesu (Mt 5.13; Mr 9.50)

³⁴ Á ni tuhsu tinare õ sehe ni yahu namoha:

–Moa noano coara. To coerachu coa yoahto basioerara. ³⁵ Moa coerachu tí moa ne noaerara. Tí moare dohseahito

basioerara. Tí á jichu tí moare coháno cahmana. Ne yaba cjihti jierara ti cohóa. (Tí yaba cjihti jieraro seheta jiena tjiga músa. Moa noano to coaro seheta músa cúhu ji coaina jiga. Tuhsu, paina mehne noano mehne jiga.) Ahrure noano túhoga músa –niha Jesu.

15

Oveja butiruro quitire yahuha Jesu (Mt 18.10-14)

¹ Á yoa pa dachoi payu púhtoa yare wapa na cohtaina paina “Ñaaare yoaina”, ti niina mehne Jesure túhoa taha. ² Tí á yoachu ñu fariseo curua macaina, judio masare buheina cúhu Jesure ñu túhtia, õ sehe niha ti basi:

–Ahruro ñainare piti tira. Á jiruro jirota tina mehne chúra –ni durucuha tina ti basi.

³ Tí á ni durucuchu Jesu to túhotua mehne õ sehe ni piti dahre buheha tinare:

⁴ –¿Cien oveja púro cáiro oveja butichu ñano dohse yoaohcari tiro? Ó sehe yoaohca. Tiro noventa y nueve ovejare tí chúri campopu cū, butirurore macano waharohca. Ovejare bocaropu duhurohca. ⁵ Tirore bocaro wahcherohca. Á jiro to comapariaca buipú tirore cjá payo, to wúhupu na tjuaa waharohca. ⁶ Na tju su, to cahai jiuinare, to coyeare pji cahmachunohca. “Yúhu oveja butirurore boca tuhsuhi. Á jina yúhu mehne wahchega”, ninohca tiro tinare. ⁷ Potocá niita nija músare. Noventa y nueve oveja payu tí jiruro seheta, payu masa õ sehe ni túhotura: “Ñano yoaeraja. Á jicu yu ñaaare cahya, yu túhotumari cjirire túhotu cohtotasi yúhu”, ni túhotura payu masa. Tí á ni túhotuchu ñu múano macaina Cohamacu cahai jiuina wahcherara. Pairo sehere wahchera. Butiruro oveja cáiroto to butiruro seheta to púro tirore to bocaruro seheta cáiro ñaruro to ñaaare cahyachu, “Ñano yoaeraja”, ni to túhotumari cjirire túhotu to cohtotachu, Cohamacure to cahmachu ñu, Cohamacu cahai jiuina tuaro wahchera –niha Jesu.

Niñeru tu butiruro quitire yahuha Jesu

⁸ Æ ni yahu tuhsu, paye quitu mehne piti dahre yahu namoha tjoa:

—¿Diez niñeru tæri cjuaricoro cū tu butichu ñano dohse yoarohcari ticoro? Õ sehe yoarohca ticoro. Sihãriare sihã, wuhure coha, noano maca pahñonohca. Tí tære bocaropu duhurohca. ⁹ Tí tære boca tuhsu, to cahai jiiinare, to coyeare pji cahmachunohca. “Niñeru tu ya tu yuhure butiri tære bocahi. Æ jina yuhu mehne wahchega”, ninohca ticoro. ¹⁰ Potocã niita nija musare. Tó seheta cūiro ñariro to ñaare cahyachu, “Ñano yoaeraja”, ni to tæhotumari cjiire tæhotu to cohtotachu Cohamacure to cahmachu Cohamacu yaina anjoa sehe tuaro wahcheahca —niha Jesu.

To macuño butiri quitire yahuha Jesu

¹¹ Æ ni yahu tuhsu Jesu paye quitu mehne piti dahre yahu namoha tjoa:

—Bucuro pohna puaro mua jiha. ¹² Dæhsariro sehe õ sehe niha to puarore: “Mai, mu yariari baharo yuhure mu wahtire yuhure wa bahrañoga”, niha tiro to puarore. To ã nichu ti puaro puaropureta to pohmare witira to cjuari cjiire. ¹³ Mahaa dachoricã baharo dæhsariro to yare jipihitiare na, yoaropu pa yahpapu wahaa wahaha. Tópu suro tæho masierariro seheta yoa, to niñerure to yare yoa site pahñonocaha. ¹⁴ To yoa site pahñori baharo tí yahpapure ne chua marieni pja ji dæcaha. Æ jiro tiro juca baaha. ¹⁵ Æ jiro tí yahpa macaa dahraare macaha. To bocachu to puatoro yesea cohtariro sõha tirore. ¹⁶ Æ jiro tiro yeseare nu, ti chure chu duamaha. To ã chu duapachata tí chure tó macaina waeraha tirore. ¹⁷ Æ yoa tirore tói wacua taha juna. “Yu puare dahra cohtaina sehe bujua chure chua. Ti chu dæhaa cūhu bujua dæhsaca. Ti ã noano yæhdæro watoi yuhu sehe õi jicu, juca yariai nija. ¹⁸ Mipure yu puca cahapu tjuaihtja. Yu puca cahapu sucu õ sehe nihtja tirore: ‘Mai, Cohamacure ñano yoahi. Mūhu cūhure ñano yoahi. ¹⁹ Ñariro jija. Mu macu jiboriro jieraja yuhu. Mūhure dahra cohtaina seheta yoaga yuhure’, nihtja yu puare”, ni tæhotuha tiro. ²⁰ Æ ni tæhoturota wahcæruca, to puaro cahapu

tjuaa wahaha. Tópu to sūriro tjua tachu to puaro sehe yoaropureta to macuore ñaha.

“To ã wihichu ñano to macuore pja ñaha. Æ pja ñano to cahai mæroca wahcã tirore cã suhsu mua, to wahsupui wihmiha to puaro to macuore. ²¹ “Mai, Cohamacure ñano yoahi. Mūhu cūhure ñano yoahi. Ñariro jija yuhu. Mu macu jiboriro jieraja yuhu”, niha tiro to puarore. ²² To ã nichu tæhoro to puaro sehe dahra cohtainare pjiha: “Cjero, noa yæhdæri suhtirore na tahga. Æ jina yu macure sãaga. Sãa tuhsu, to wamomaca sãari sorore sãa, to dahporire dahpo suhti cūhure sãaga. ²³ Sãa tuhsu, dihi tærirocã wachæcære wajæga. Bose numu yoajihna. ²⁴ Ahriro yu macu yariariro seheta wahare. Æ wahaparota mipure catira tiro. To butiboriro seheta jirore mipure bocahi. Æ jina bose numu yoajihna”, niha to puaro. To ã niri baharo bose numu dahre dæcaha tina.

²⁵ Tí pjare to wahmino sehe wesepu jiha. Wesepu jiro coha tjua taro wahu cahai suro, ti basaare tæhorocaha tiro. ²⁶ Æ tæhorocaró, cūiro dahra cohtarirore pjiroca, tirore sinitu ñaha tiro: “¿Dohse yoa basaa niri?” ni sinitu ñaha tiro dahra cohtarirore. ²⁷ “Mu bahu tju wihihre. Tiro noariro, catiriro to tju wihichu mu puca dihi tirore wachæcære wajæ dutihre”, ni yæhtiha dahra cohtariro. ²⁸ To ã ni yahuchu to wahmino sehe tuaro suaro, wæhpu sãa taeraha. To sãa taerachu ñano to puaro sopacapu wijaa ta, “Sãa taga” ni, tuaro pjimaha to macuore. ²⁹ “Tæhoga, Mai. Yoari pja mūhure dahra cohtariro seheta mūhure yoadohomahi. Æ jicu mu dutiare ne cū taha yæhdærucaera tih. Yu mūhure dahra cohtapachata yuhure ne waerare mūhu. Ne cūiro wahiquirocære ne waera tire mūhu yuhure yu piti tiina mehne yu bose numu dahrehti cjihtire. ³⁰ Wiho mejeta ahriro mu macu sehe ñaina numia mehne mu yare yoa site pahñoyuhti. Tære yoa site pahño tuhsu, tiro wæhpu to tju wihichu dihi tærirocære wachæcære wajæ dutiyuhti mūhu to chæhtiro cjihtore”, niha to wahmino to puarore. ³¹ “Macu, yuhu mehne jipihiti dachoripe mu jichu jipihiti ya mu ya cūhu jira. ³² Mu bahu sehe

yariariro seheta wahare marine. Ā yoa mipare tiro catiro jira. Tiro butiboriro seheta jire. To ā wahari baharo mipare tirore bocahi. Ā jina to tju wihichu mari bose namu yoa wahchechu noana”, niha tiro to macunore –niha Jesu tinare.

16

Niñeru ñu wihbo cohtariro taho masiro quitire Jesu yahuha

¹ Ā yoa ahri quitire to buheinare õ sehe ni yahuha Jesu:

–Pache puro ya niñerure ñu wihbo cohtariro niñerure noano to ñu wihboerachu ñuno paiorõ sehe yahusãha pache purore: “Tiro mu niñerure yoa sitero nina”, ni yahusãha tirore. ² To yahusã tuhsari baharo niñeru ñu wihbo cohtarirore pjirocaha. Ā pji tuhsu, to wihichu ñuno, tirore puroto õ sehe niha: “Paio yu niñerure mu yoa siterire yuhure yahure. Ā jicu mipare yu yare ñu wihboriro jisi muhu. Ā jicu yu yare mu yoiari cjirore yahu pahõ joaga. Mũhure cohã nija”, niha to puroto tirore. ³ To ā niri baharo õ sehe ni tãhotuha ñu wihboriro to basi: “Yu puroto yuhure cohãno taro nica. Yuhu tuaeraja. Ā jicu tuaro dahraare bihoeraja. Tuhsu, painare yuhu niñerure sinicu buobiaro yuhduboca yuhu. ¿Dohse yoahcari yuhu? ⁴ Mipare pinihtare yu yoahcure masija yuhu juna. Õ sehe yu yoachu yu dahraa maerachu yu puroto wapamoina yuhure cahãhca. Ā jia ti wuhusepu sãa dutiahca yuhure”, ni tãhotuha tiro. ⁵ Ā ni tãhoturo tiro jipihina to puroto wapamoinare pjirocaha. Pjiroca tuhsu, cohtaha. Ā cohtaro wihõ mãhtarirore õ sehe ni sinituha tiro: “¿Yu puroto noho puro wapamojari muhu?” niha tiro. ⁶ To ā nichu wapamoro sehe õ sehe ni yãhtihã: “Cien tambores sere olivo dicha mehne ti yoiari sere wapamoja tirore”, ni yãhtihã tiro. To ā ni yahuchu niñeru ñu wihboriro sehe õ sehe ni yahuha: “Õi jira mu wapamonore joa õri pu. Dujiga. Ā jicu mu wapamonore dacho macai na, dacho macai joa cahnoga”, niha ñu wihboriro wapamoroire. ⁷ Ā ni tuhsu paiorõ wapamoroire

sinituha tiro: “¿Mũhu waro, noho puro wapamojari?” niha tjoa. “Cien waju trigo yapari wajure wapamoja yuhu”, niha wapamoroire niñerure ñu wihborirore. “Õi jira mu wapamonore joa õri pu. Mu wapamonore ochenta joa cahnoga”, niha ñu wihboriro. ⁸ To ā noano mahõ mihnichu ñuno “Ahri mahõro noano masiro jica”, ni tãhotuha to puroto niñerure ñu wihborirore. Ahri dacho macaina, Cohamacure cahmaeraina ti yare cahnorire ti niñeru ti ñu wihborire Cohamacu yaina yuhdoro masica tina –niha Jesu.

⁹ Ā ni tuhsu Jesu õ sehe ni yahu namoha:

–Ahri quitire ā ni yahucu, musare õ sehe niita nija. Mũsa cjuare, pjacuoinare mũsa wachu, tina sehe musare cahãhca. Mũsa ā yoachu mũsa cjuaa pihtiarõ baharo mũsa muanopu sachu musare cahãhca tãpore.

¹⁰ ‘Wiho jina ya dahraare quihõno yoana, puroto ya dahraa cãhure quihõno yoanahca. Wiho jina ya dahraare quihõno yoerana, puroto ya dahraa cãhure quihõno yoasi mũsa. ¹¹ Ā jina ahri yahpai mũsa cjuaa mehne mũsa noano yoerana Cohamacu musare to yoa dutia cãhure noano yoasi mũsa. ¹² Ā jiro paiorõ yare mũsa noano yoabasaerachu ñuno mũsa ya cjihtire wasi musare.

¹³ ‘Cãiro Cohamacu sehere wacũno, tuabiaro niñeru sehere wacũerara. Niñeru sehere tuabiaro wacũno Cohamacu sehere wacũerara. Niñeru dihtare cahmariro jiro Cohamacure wahchechu yoerara. Cohamacu cãhure, niñeru cãhure purore cahma yuhdũcahto basioerara musare. Niñerure cahma yuhdũariro Cohamacure noano ño payo masierara –niha Jesu.

¹⁴ To ā nichu tãhoa fariseo curua macaina sehe tirore bujũpeha. Tina sehe niñerure cahãha. Ā jia bujũpeha. ¹⁵ Ti bujũpechu tãhoro Jesu tinare õ sehe ni yahuha:

–Masa ti ñurocaroi mũsa noano yoamana. Mũsa ā yoachu “Noaina, quihõno yoaina jira”, nimana masa musare. Cohamacu sehe mũsa tãhotuare masina. Masa “Noa yuhdũara”, ti nirire Cohamacu sehe soro ni tãhotu, tãre ñu yabira –niha Jesu.

Cohamacu to dutiare, puhtoro to suho jiare yahuha Jesu

¹⁶ Æ ni tuhsu õ sehe ni namoha Jesu:

—João masare bautisariro to jihto pano Moiserere to cūri dutia mehne Cohamacu marine dutire. Cohamacu yare yahu mahtaina cjiri ti joari cjiri mehne cūhare marine dutire. Mipū sehere João to buhe ducari baharo noaa buheare, Cohamacu masare puhtoro to noano suho jia cūhare masi ducara masa. Æ masia masa ti mu sūro ti tuaa mehne Cohamacu masare puhtoro to noano suho jirore sãa duamana.

¹⁷ Moiserere to cūri dutiai Cohamacu to niriro seheta yoa pahñonohca tiro. Cohamacu yare yahu mahtaina cjiri ti joari cjiripū cūhare to niriro seheta yoa pahñonohca tiro. Muanano cūhu ahri yahpa cūhu ti pihtia wahapachuta Cohamacu to niriro seheta yoa pahñonohca —niha Jesu.

Namonore cohãare yahuha Jesu (Mt 19.1-12; Mr 10.1-12)

¹⁸ Æ ni tuhsu õ sehe ni namoha Jesu:

—Masano to namonore cohãno, pacorore namo tiro, tiro ticoro mehne ñano yoaro nina. Tuhsu, masano paio to cohãricorore namo tiro, tiro cūhu ticoro mehne ñano yoaro nina —niha Jesu.

Pache puero cūhare, Lázaro cūhare to yahuri quitire buheha Jesu

¹⁹ Æ yoa paye quitu mehne piti dahre yahuha Jesu:

—Tí pjarure pache puero jiha. To suhti sehe wapa bujubiaha. Tuhsu, dachoripe tiro noaa dihtare churo, payu cjuaaha tiro.

²⁰ Æ yoa tí pjare paio pjacuroro, Lázaro wama tiriro jia tiha. Tiro to pjacu payu camí tiriro jiha. To Æ jiriro jichu paina sehe tirore pache puero ya wuhuru na suha.

²¹ Æ jiro pjacuroro sehe pache puero to churi mesa docai yahpai dujuro to chu site boroare chamaha. “To chu site boroare chucu yapicuhca yuhu”, ni tūhotumaha tiro.

Æ jia dieya to camine nehnea taa tiha. ²² Baharo pjacuroro to yariaa wahachu, Abrahã caharu paraíso wama tiropu anjoa tirore naa mujaha. Pache puero cūhu to baharocãta yariaa wahaha. To yariachu tirore yaha. ²³ Æ yoa pache puero tuaro pichaca jūha. To

ã tuaro jūchu, pichacaru jiro muanopu jirirore Abrahãre ñaha. Lázaro cūhare ñaha. ²⁴ Ñu tuhsu, tiro Abrahãre pisurocaha: “Coyeiro Abrahã, pja ñuga yuhure. Pichacaru yuhu ñano yuhdai nica. Yu Æ wahachu Lázarore yuhure warocaga. Tiro core to wamo picaru soha, yu ñahmanore co mehne nehojaro. Tóre yusojaro tiro”, niha pache puero. ²⁵ To Æ nichu Abrahã tirore õ sehe ni yahuha: “Coyeiro, catiriro jicu jipihtiare muhu noaare cjuahe. Lázaro sehe dachoripe ñano yuhduhre. Mipū sehere muhu ñano yuhduchu tiro sehe õpūre wahchea mehne jinocahno nina. ²⁶ Æ yoa mari watoi cūari copa jira. Æ jia õre jina tópure waha masierara. Tuhsu tóre jiina õpu ta duaina ta masierara”, niha Abrahã pache puero. ²⁷ To Æ nichu pache puero õ sehe ni namoha: “Coyeiro, tuaro sinija muhare. Lázarore yu pucu ya wuhuru warocaga. ²⁸ Yuhu cū wamomaca pihtiina bahana tija. Lázaro tinare yahujaro. Tina õre ñano yuhdurupure taea tjjaro”, niha tiro. ²⁹ To Æ nichu Abrahã sehe õ sehe ni yuhtiha: “Cohamacu dutiare Moise marine to cūri cjirire, Cohamacu yare yahu mahtaina ti joari cjirire cuara mu bahana. Æ jia mu bahana tíreta tūhojaro”, niha Abrahã. ³⁰ To Æ nichu pache puero sehe yuhtiha: “Coyeiro Abrahã, tíre cuapahta noano tūhosi. Lázaro yariariro masariro tina caharu to sūchu ñaha tina sehe ti ñaare cahya, noaare cohtotaahca. Æ jia noaare yoaahca yu bahana sehe”, niha pache puero cjuro. ³¹ To Æ nichu Abrahã sehe õ sehe ni yahuha: “Mu bahana Moise to cūri pū to yahuare, Cohamacu yare yahu mahtaina cjiri ti yahuare tūhoeraina jira. Æ jia Lázaro yariariro cjuro masariro to jipachuta tina Cohamacure tūho duasi”, niha Abrahã —ni yahuha Jesu.

17

Ñaare yoachu cua nina (Mt 18.6-7, 21-22; Mr 9.42)

¹ Æ yoa Jesu õ sehe ni yahuha to buheinare:

—Masare ñano yoachu yoaa payu jira. Æ jia masa ñaare yoara. Ti Æ jipachuta masanore ñaare yoachu yoariro sehe

ñabiaro yũhdũrohca. ² Masũnore to wamũai pjiria tãca dũhte yo, pjiri mapũ tirore ti cohãchũ ñano wahaboa tiro. Pairo sehe ahrinacã mehne macarirocãre ñaare yoachũ yoaro pjiri mapũ ti cohãriro yũhgoro ñano yũhdũrohca. Tirore tuaro buhiri dahrero cahmana. ³ Noano yoaga mũsa. Mũsa coyeiro ñano to yoachũ ñũna “Yoai tjiga”, niga tirore. Æ jina tiro to ñaare cahyachũ, noaare to cohtotachũ mũsa sehe to ñaa yoare boga. ⁴ Æ yoa mũsa coyeiro cũ dachoihta siete tahari mũsare ñano to yoachũ tũpe tahari mũsare, “Yũ ñaare cahyaja. Pari turi Æ yoasi”, to nichũ tũpe taharita to ñaa yoare boga –niha Jesu.

Cohamacũre wacũ tuaare yahuha Jesu

⁵ Æ yoa Jesu buhe duti to cũina tirore õ sehe niha:

–Cohamacũre sãre noano wacũ tua namochũ yoaga –niha tina Jesure.

⁶ Ti Æ nichũ Jesu õ sehe ni yũhtiha:

–Mostaza yapacã mahari yapacã jiparota duropũ pjidũ wahara. To Æ wahariro seheta Cohamacũre pjiro wacũ tuana, õ sehe wahachũ yoa masinahca mũsa. Ahdũ sicómoro wama tidũre õ sehe ni masina: “Mũhũ yucũcũ mũ basidũtu wahcã, pjiri mapũ bora ñojaga”, ni masina mũsa. Mũsa Æ nichũ tũ yucũcũ sehe mũsa dutiro seheta waharohca –niha Jesu.

Dahra cohtariro to dahraare yahuha Jesu

⁷ Baharo õ sehe ni buheha Jesu:

–Mũsare dahra cohtariro jiro wesepũ tjana, ovejare ñũ wihbora. ¿Dahra cohtariro to tju wihichũ dohse nibocari mũsa tirore? “Cjero taga. Mũ chũ ãi jira”, ¿nibocari mũsa? ⁸ Æ nierara mũsa. Tirore õ sehe nina mũsa: “Yũ chũare doha cahnoga. Æ jicũ yũ chũ sihnichũ yũhũre cohtaga. Yũ baharo mũhũ cãhũ chũ sihniga”, nina mũsa dahra cohtarirore. ⁹ Dahra cohtariro mũsa dutiare to yoachũ tirore “Noana”, nierara mũsa. To dahraa dihtare yoaro nica tiro. ¹⁰ Mũsa cãhũ tiro yoaro sehe tjira. Cohamacũ to dutiriro seheta yoa pahũona õ sehe ni tũhotuga mũsa: “Sã cãhũ dahra cohtaina dihta jija. Wiho jiina jija sã. Sã dahraa dihtare yoaja sã”, ni tũhotuga mũsa –niha Jesu to buheinare.

Diez cami baainare noaina wahachũ yoaha Jesu

¹¹ Pa dacho Jerusalẽpũ Jesu waharo niha. Tũpũ waharo Samaria yahpa, Galilea yahpa dacho macai yũhdũ wahcãha.

¹²⁻¹³ Pa macapũ wahari mahapũ to tinichũ diez cami baaina sehe tirore piti boca. Æ jia tina yoa cureropũ ducuata pisuha:

–Jesu, pũhtoro, sãre pja ñũga –niha tina.

¹⁴ Ti Æ nichũ tinare ñũ, õ sehe ni yahuha Jesu:

–Sacerdotere mũsa pjacũrire noaa pjacũri ti waharire ñona wahaga –niha tinare.

To Æ niri baharo ti waharo watoi tina ti pjacũri noaina wahaha. ¹⁵ Æ jiro cũiro tina mehne macariro noano to pjacũ wahachũ ñũno, Jesu cahapũ majare tjuaha. Æ tjuaro tuaro mehne Cohamacũre ño payoha. “Cohamacũ tuariro, noariro jira”, tuaro ni, ño payoha tiro. ¹⁶ Æ nino tiro Jesu dahpori cahai na tuhcuca caha sũ, “Noana”, niha tiro. Tiro sehe Samaria macariro jiha. ¹⁷ To Æ yoari baharo Jesu õ sehe ni yahuha:

–Diez jihre masa noaina wahaina. ¿Paina nueve dũhsaina sehe nohopũ jicari tina? ¹⁸ Ahriro pa yahpa macariro dihta Cohamacũre “Noana”, nino taro tjuatahre. ¿Dohse yoa paina taerari? –niha Jesu.

¹⁹ Æ ni tuhsũ Jesu õ sehe ni yahuha na tuhcuca caha sũrirore:

–Wahcãrũcaga. Wahaga. Mũhũ Cohamacũre wacũ tuacũ, noariro wahahre mũhũ –niha Jesu tirore.

Cohamacũ masare pũhtoro to noano sũho jĩhtore yahuha Jesu

(Mt 24.23-28, 36-41)

²⁰ Tĩ pjare mahainacã fariseo curua macaina Jesure õ sehe ni sinituha:

–¿Dohse jichũ pũhtoro Cohamacũ masare sũho ji dũcarohcari? –niha tina.

Ti Æ nichũ Jesu õ sehe ni yũhtiha:

–Cohamacũ masare pũhtoro to noano sũho ji dũcachũ masa ñũ masierara.

²¹ “Cohamacũ masare pũhtoro to noano sũho jia õi jira”, ni masierara. “Sohõpũ jira”, ni masierara. Cohamacũ masare pũhtoro to noano sũho jia masa ti tũhotuapũ jira –niha Jesu fariseo curua macainare.

²² Ñ ni tuhsu Jesu to buheinare ò sehe ni yahuha:

—Baharo yuhu masuno Cohamacu warocariro ahri yahpapu yu tjua tahtore tuaro cahmanahca masa. Cũ dachoihta yuhure ñu duapanahta yuhure ñusi masa. Masa yuhure ã ñu duapachuta tí pjare tasi yuhu. ²³ Paina musare ò sehe niahca: “Tirore ñuga. Tiro Cristo jira. Ahrirore ñuga. Ahriro Cristo jira”, niahca musare. Ti ã nipachuta tinare tũhoena tjiga. ²⁴ Oroca sitero wacũenoca to oroca sitero seheta yuhu cãhu masuno Cohamacu warocariro wacũenoca tjua taihca. ²⁵ Ñ yu tjua tahto pano yuhu tuaro ñano yuhduihca. Ñ jia yuhure mipu macaina cahmasi. ²⁶ Noé to jiri pja macaina ti jiriro seheta yuhu masuno Cohamacu warocariro yu tjua tachu tó seheta jiahca masa. ²⁷ Noé to jiri pjare jipihtina masa ã churucua tiha. Ñ yoa sihnirucua tiha. Ñ jia mna numiare namo tia tiha. Noé pjiria dohoriapu to samuhto pano Cohamacu tinare to miohto pano tí jipihtiare masa yoarucua tiha. Tó seheta jirohca pari turi yu tjua tachu cãhure. ²⁸ Lote to jia tiri pja macaina ti jiriro seheta yu tjua tachu jiahca masa. Lote to jia tiri pjare masa chu, sihni, nuchu, dua, weserire toaa, wuhuse yoaha. ²⁹ Ti ã yoaro watoi Sodoma wama tiri macai jiriro Lote to wahari dachoi mnaano macaa pichaca, picha sohãa poca tãa peri cãhu coro taro seheta tina bui bora ta, tinare wajã pahñonocaa tiha. ³⁰ Yuhu masuno Cohamacu warocariro wacũenoca yu tjua tachu tina yoaro seheta yoaina jiahca masa tí pjare.

³¹ “Tí pjare cãiro to wuhu bui macari warapu jiriro wuhu puhichapu to ya jichu tíre nano sãaeno tjiaro to waha bahrañohto sehe. Tuhsu, wesepu jiriro cãhu tí pjare to wuhupu piha taero tjiaro to waha bahrañohto sehe. ³² Lote namono to waharire wacũga masa. ³³ Masuno yuhure wacũno marieno to mu suro to cahmano seheta yoaro pichacapu waharohca. Yu yare ã yoarucuro sehe jipihtia dachoripe yuhu mehne manopu jirucurohca.

³⁴ “Tí ñamine puaro cã casario bui carĩnare cãiro yuhure cahmarirore naai-

hca. Tuhsu, yuhure cahmaerariro tó tjuarohca. ³⁵ Tí pjare puaro numia cãnoi ti trigore arẽa numiare cãcoro yuhure cahmaricorore naaihca. Tuhsu, yuhure cahmaeraricoro tóihca tjuarohca. ³⁶ [Ñ yoa wesepu puaro dahraina ti jichu cãirota naihca. Cãiro tó tjuarohca] —niha Jesu.

³⁷ To ã nichu to buheina sehe ò sehe ni sinituha tirore:

—¿Nohopu ã waharohcari? —ni sinituha tina.

Ti ã nichu Jesu ò sehe ni yuhtihca:

—Yucaare mari ñana, yariariro to pjacu cjiro jichu mari noano masinahca. (Tó seheta ahri musare yu yahuyurire masa ñana noano masinahca ahri yahpapu yu tjua tahto mahanocã to dahsachu cãhure) —niha Jesu.

18

Wapewahyoro to buhiri dahre dutia quitire yahuha Jesu

¹ Ñ yoa Jesu tinare Cohamacure siniare yahuro ò sehe niha:

—Musa Cohamacure sinina, cohtaga to yuhtihore. Yoari pja cohtapanahta cahyaena tjiga. Tirore sinina duhuena tjiga —niha Jesu.

² To ã nirire buhero taro ahri quitu mehne piti dahre yahuha tinare:

—Pa macapu ti buhiri dahre dutiriro jiha. Tiro Cohamacure ño payoeraha. Ñ yoa masa cãhure ño payoeraha.

³ Wapewahyoro cãhu tópu jiha. Ticoro tiro cahapu suroca majareno ò sehe niha: “Yuhure ñu tuhtirirore buhiri dahre dutiga mhu. Yuhure ni ducataga”, ni sinirucua ticoro tirore. ⁴ To ã nichu payu tahari tiro “Yoasi yuhu”, nimaha ticorore. To ã nipachuta ticoro payu tahari ã sinirucuro tirore caribobiaro yoaha. To ã caribochu, tiro ò sehe niha to basi: “Yuhu Cohamacure, masa cãhure ño payoeraja. ⁵ Yu ã ño payoerariro yu jipachuta ahricoro sehe yuhure caribobiara. Yuhure ã cariboro yuhure pomea wahachu yoarohca ticoro. To ã ni yahusãrucuchu ticorore ñu tuhtirirore buhiri dahre dutihtja”, niha buhiri dahre dutiriro —niha Jesu.

6 Ñ nino Jesu tinare õ sehe ni yahu namoha:

—Ñ niha tiro ñariro buhiri dahre dutiro. To niri cjirire wacũga m̄sa. 7 Tiro yũdoro Cohamacũ sehe to yainare to be-seinare ñamipũ cũhure, dachopũ cũhure tirore sinirucuinare yũtiro, yoadohorohca. 8 M̄sare niita nija. Cohamacũre ti siniriro seheta dõicãta tinare yoadohorohca. ¿To ã yũhtiriro to jipachũta yũhũ masũno Cohamacũ warocariro ahri yahrapũ tjua tacũ Cohamacũre wacũ tuainare bocabocari yũhũ? —niha Jesu.

P̄aro Cohamacũre ti sinia quitire yahuha Jesu

9 Ñ yoa pari turi piti dahre buhero õ sehe ni yahuha Jesu: “Sã sehe noaina jija. Paina sehe ñano yoaina jira”, ni tũhotuina barore Jesu õ sehe ni yahuha:

10 —Cohamacũ ya wũhũpũ p̄aro m̄sa Cohamacũre sinia wahaha. Cãiro fariseo curua macariro jiha. Pairo pũhtoa yare wapa na cohtariro jiha. 11 Ñ yoa fariseo curua macariro sehe wahcãrũcũ sũ, õ sehe ni yahuha Cohamacũre: “Cohamacũ, yũhũ paina yare mahñopea mehne nariro, ñano yoiriro, paina namosãnumia mehne wũana tiriro ne jieraja. Paina yoaro sehe ñariro jieraja. Ahriro wapa na cohtariro yoaro sehe ñariro ne jieraja yũhũ. Ñ jicũ m̄hũre ‘Noana’, nija Cohamacũ. 12 Yũhũ somanaripe p̄a dachore ne chũeraja, m̄ yare yoacũ tacũ. Tuhsũ jipihtia dohse jiape yũ wapataa cũhũre mahano (diezmo) wa m̄jaja yũhũ m̄hũre ño payocũ”, niha fariseo curua macariro Cohamacũre. 13 Ñ yoa wapa na cohtariro sehe yoa cureropũ muhri yo dũcũ sũ, m̄anopũre ñũ m̄oeraha. Ñ ñũ m̄oeraro, to p̄ebuhui cjãroca õ, õ sehe ni siniha Cohamacũre: “Cohamacũ, yũhũ ñaare yoiriro jija. Ñ jicũ m̄hũ p̄ja ñũga yũhũre”, niha tiro Cohamacũre. 14 M̄sare niita nija. Ahriro wapa na cohtariro sehe Cohamacũ to ñũchũ buhiri marieriro to ya wũhũpũ tjuaa wahaha. Wiho mejeta pairo fariseo curua macarirore “Mũ ñaa buhirire cohãhi”, nieraha Cohamacũ. “Yũhũ noariro waro jija”, ni tũhoturirore Cohamacũ bũoro dahrerohca. Wiho mejeta “Yũhũ ñaare

yoiriro jija. Ñ jicũ tíre tuaro cahyaja” nirirore Cohamacũ wahchechũ yoarohca tiro sehere —niha Jesu.

Macanacã ya cjihire Cohamacũre sini payoha Jesu

(Mt 19.13-15; Mr 10.13-16)

15 Ñ yoa masa ti pohare wihãinacãre Jesure ña payo dutia ta, to cahapũ na wihimaha. Ti ã yoachũ ñũa Jesu buheina tinacãre na wihĩinare tuhtihã. 16 Ti ã tuhtichũ ñũno Jesu wihãinacãre p̄jirocaha to cahapũ. P̄jiroca tuhsũ õ sehe niha tiro to buheinare:

—Macanacã yũ cahapũ tajaro. “To cahai wahaena tjiga”, niẽna tjiga tinacãre. Tinacã Cohamacũre ti pũhtoro tũhotura. Pũhtoro Cohamacũ to sũho jiina ahrinacã yoaro sehe tũhotuina baro dihta jira. 17 Potocã niita nija m̄sare. Ahrinacã Cohamacũ ti pũhtoro cjihire cahmana. Ti yoaro seheta m̄sa cũhũ Cohamacũ m̄sa pũhtoro cjihire cahmaerana, pũhtoro Cohamacũ to noano sũho jihina ne jisi m̄sa —niha Jesu.

Pache p̄aro Jesure sinitu ñũha

(Mt 19.16-30; Mr 10.17-31)

18 To ã niri baharo judio masa pũhtoa mehne macariro Jesure õ sehe ni sinitu ñũha:

—¿Ne noariro, buheriro, jipihtia dachoripe Cohamacũ mehne ji duacũ, dohse yoaihcarĩ yũhũ? —niha tiro.

19 To ã nichũ Jesu õ sehe ni yũhtihã:

—¿“Noariro”, ni pisujari m̄hũ yũhũre? Noariro sehe Cohamacũ dihta jira. 20 Ahri Cohamacũ dutiare masina m̄hũ. “Numia mehne ñano yoacũ tjiga. Masare wajãecũ tjiga. Yacaecũ tjiga. Mahñoa mehne pairore yahusãecũ tjiga. M̄ p̄cũsũmare ño payoga”, ni dutira Cohamacũ —niha Jesu.

21 To ã nichũ tiro Jesure õ sehe ni yũhtihã:

—Tíre jipihtiare yũ wahma wahmũa tariro jipũta yũdũrũcaera tihĩ yũhũ —niha tiro.

22 To ã nichũ tũhorõ, Jesu tirore õ sehe ni yahuha:

—Mahanocã dũhsara m̄hũre m̄ yoa pahñõhto. Jipihtiare m̄ yare duai wahaga. Ñ yoacũ jipihtia m̄ wapatarĩ niñerure p̄jacũoinare waga. Mũ ã yoachũ p̄jiro

m_u wapataa m_uanop_u, Cohamac_u cahap_u jiyuahca. M_u ã yoari baharo y_uh_u mehne macariro cjihto taga —niha Jesu tirore.

²³ To ã nich_u t_uhoro tiro sehe pay_u pache cjuariro jiro t_ire p_jac_uoinare wa duaeraro, tuaro cahya, wahaa wahaha. ²⁴ To ã cahy-ach_u ñ_uno Jesu ò sehe ni yahuha painare:

—Pache p_ua Cohamac_u masare p_uhtoro to noano s_uho jiro p_ure ti wahach_u basioera curera. ²⁵ Camello sehe awicã copacãre to sãa nuhri wijaa duach_u basioerara. To ã jiro y_uh_uoro pache p_uro p_uhtoro Cohamac_u noano to s_uho jiro p_ure to waha duach_u nu mijobiara —niha Jesu.

²⁶ To ã nich_u tirore t_uhoina ò sehe niha:

—Cue, m_u nino seheta potocã jich_u, ne c_uiro mas_uno Cohamac_u cahap_u waha masieraboca —niha tina Jesure.

²⁷ Ti ã nich_u Jesu ò sehe ni y_uhtiha:

—Masa ti basi ti m_u s_uro y_uh_u masierara. Wiho mejeta Cohamac_u sehe masare pichacap_u wahaborinare y_uh_udo masina. Tiro jipihtiare noano yoa masi pahñoriro jira —niha Jesu tinare.

²⁸ To ã nich_u Pedro tirore ò sehe niha:

—T_uhosiniga. Sã sehe jipihtia sã yare c_unocaa tii m_uh_u mehne wahana —niha tiro Jesure.

²⁹ To ã nich_u Jesu ò sehe niha:

—Potocã m_usare niita nija. M_usa Cohamac_u yare yoana tana m_usa w_uh_usere, m_usa namosãnumiare, m_usa bahanare, m_usa p_uc_us_umare, m_usa pohnare c_unocarina jina, p_jiro wapatanahca m_usa mip_ure. ³⁰ M_usa c_uriro y_uh_uoro wapatanahca. ã jina m_usa yariari baharo jipihtia dachoripe Cohamac_u mehne jirucunahca m_usa —niha Jesu tinare.

Pari turi Jesu to yariahtore, to masa wi-jahtore yahuha

(Mt 20.17-19; Mr 10.32-34)

³¹ ã yoa Jesu doce to buheinare ti sahsero naaha. ã naano tinare ò sehe ni yahuha:

—T_uhoga y_uh_ure. Mip_ure mari Jerusalēp_u wahana nija. Tōp_u y_uh_ure mas_uno_ure Cohamac_u warocarirore Cohamac_u yare yahu m_uhtaina cjiri panop_u ti yahuriro cjiro seheta paina ã yoahca y_uh_ure. ³² Tōp_u masa y_uh_ure ñahaa, judio masa jieraina sehere waahca y_uh_ure.

Y_uh_ure ti wari baharo tina y_uh_ure buj_upe, ñano ni, y_uh_ure chahcho puti sihōahca.

³³ Tuhs_u, yuta dari mehne tjana tuhs_u wajāahca y_uh_ure. Ti ã wajāri baharo tia dacho wahaboroi masa wijaaahca y_uh_u —niha Jesu tinare.

³⁴ To ã nich_u to buheina to yahuare noano t_uho ñahaeraha. Cohamac_u t_ire tinare noano t_uho ñahach_u yoaerasiniha.

Capari ñ_uerarirore ñ_uch_u yoaha Jesu (Mt 20.29-34; Mr 10.46-52)

³⁵ ã yoa Jesu c_uh_u Jericó wama tiri maca cahacāp_u s_uha. Tó_i capari ñ_uerariro maha d_uht_u cahai duji, niñ_uerure sinino niha.

³⁶ ã jiro masa pay_u to cahai ti y_uh_uch_u t_uhoro tiro sinituha tinare:

—¿Dohse yoaa pay_u masa y_uh_uujari? —ni sinituha tiro.

³⁷ —Jesu Nazare macariro waharo nina —ni yahuha paina tirore.

³⁸ Ti ã ni yahuch_u t_uhoro tiro ò sehe ni sañurucuha:

—Jesu, Davi cjiro panamino masare y_uh_udohtiro, y_uh_ure p_ja ñ_uga —ni sañurucuha Jesure.

³⁹ To ã nich_u to pano waha m_uhtaina sehe, “Dihta mariahga”, ni tuhtiha tirore. Ti ã ni tuhtipach_uta tó pano to sañurucuriro y_uh_udo curero sañurucu namoha tjoa:

—Davi cjiro panamino masare y_uh_udohtiro, y_uh_ure p_ja ñ_uga —ni sañurucuha tiro.

⁴⁰ To ã ni sañurucuch_u t_uhoro, Jesu sehe tjuar_uch_u s_u, “Pjirocaga tirore”, niha. To ã nich_u tina sehe capari ñ_uerarirore p_ji wahcāha. Ti ã p_ji wahcāch_u tiro Jesu cahap_u to s_uch_u Jesu sehe tirore ò sehe ni sinituha:

⁴¹ —¿Dohse y_u yoach_u cahmajari m_uh_u? —niha Jesu tirore.

—Y_u p_uhtoro, y_uh_ure ñ_uch_u yoaga —ni y_uhtiha capari ñ_uerariro.

⁴² —Ñ_uga. Y_uh_ure wac_u tuac_u, noariro wahara m_uh_u —niha Jesu tirore.

⁴³ To ã nich_uta capari ñ_uerariro ñ_ua wahaha. ã noariro waharo, tiro Jesu mehne waha, “Cohamac_u tuariro jira”, niha tiro. ã jia masa pay_u capari ñ_uerariro to ñ_uch_u ñ_ua “Cohamac_u noariro, tuariro jira”, niha tina c_uh_u.

19

Zaqueo Jesure piti boca

¹ Æ yoa Jesu Jericóꝑꝑ sꝑ, tí macapꝑ yꝑhꝑ wahcãno taro niha. ² Pache pꝑro Zaqueo wama tirore pꝑhtoa ya cjihtire wapa na cohtaina pꝑhtoro tói jiha. ³ Æ jiro tiro Jesure “¿Diro baro jicari?” ni ñꝑ masino taro Jesure ñꝑ duamaha. Æ to ñꝑ dua-pachꝑta yahparirocã to jichꝑ masa payꝑ tirocãre dꝑcataha. ⁴ Æ jiro tiro masare mꝑroca yꝑhꝑna waha, sicómoro wama tidꝑ yꝑcꝑcꝑꝑ mꝑjaha Jesure ñꝑno taro. Baharo curero tꝑ cahai Jesu yꝑhꝑaro taro niha. Æ jiro Zaqueo tꝑi cohtaro niha. ⁵ To Æ cohta pisaro watoi Jesu sehe tꝑ dahpotoi sꝑꝑca, Zaqueore ñꝑroca mꝑo, tirore ò sehe niha:

–Zaqueo mipꝑre mꝑ wꝑhꝑi tjuasinihtja yꝑhꝑ. Æ jicꝑ cjero duji taga –niha Jesu tirore.

⁶ To Æ nichꝑ Zaqueo sehe soaro mehne duji ta, tuaro wahchea mehne to wꝑhꝑꝑ pji wahcãha Jesure. ⁷ To Æ ni piti bocachꝑ ñꝑa, jipihtina masa ti basi ò sehe ni durucuha:

–Ahroro Jesu ñaare yoaroro ya wꝑhꝑꝑ tinino waha duara –ni durucuha jipihtina ti basi.

⁸ Zaqueo sehe piti boca tuhsꝑ tói ducu, Jesure ò sehe ni yahuha:

–Pꝑhtoro tꝑhoga yꝑhꝑre. Jipihtia yꝑ yare dacho macai pꝑacꝑoinare waihtja. Æ jicꝑ yꝑhꝑ paioire cien niñeru tꝑre mahño maroro jicꝑ, cuatro cientos niñeru tꝑre wapa bui payoihtja tirore –niha Zaqueo Jesure.

⁹ To Æ nichꝑ Jesu sehe ò sehe ni yahuha tirore:

–Michare mꝑhꝑre mꝑ wꝑhꝑi jiina cꝑhꝑre pichacapꝑ wahaborinare Cohamacꝑ yꝑhꝑo tuhsꝑra. Mꝑhꝑ cꝑhꝑ Abrahã cjiro coyero jira. ¹⁰ Yꝑhꝑ masꝑno Cohamacꝑ warocaroro pichacapꝑ wahaborinare macai tai nii. Tópꝑ wahaborinare noano yꝑhꝑoi tai nii –niha Jesu Zaqueore.

Niñeru tꝑri uru tꝑri quitire yahuha Jesu (Mt 25.14-30)

¹¹ Æ yoa tirore tꝑhoinare Jesu paye quiti mehne piti dahre yahuha. Mahanocã dꝑhsaha Jerusalẽꝑꝑ to sꝑhto. Æ jia tirore

tꝑhoina ò sehe ni tꝑhotuha: “Pꝑhtoro Cohamacꝑ mipꝑre sꝑho ji dꝑcaro taro nina”, ni tꝑhotuha tina. ¹² Ti Æ ni tꝑhotuchꝑ Jesu ò sehe ni yahuha tinare:

–Cãiro pꝑhtoro sãhtiro to ya yahpa macaina bui pꝑhtoro jihtiro yoaropꝑ waharo taro niha. Tópꝑre to sꝑchꝑ ñꝑno ti bui pꝑhtoro tirore pꝑhtoro sõno taro niha. Pꝑhtoro sãhtiro ya maca macaina bui pꝑhtoro sõno taro niha tirore. Baharo to ya wꝑhꝑꝑ tju wihiro taro niha.

¹³ Wahmanore to wahahto pano pꝑhtoro diez dahra cohtinare pjirocãha. Æ pjirocãro, tiro tinare cãinare típe tꝑri niñeru tꝑri wapa bꝑjua tꝑri uru tꝑre waha. Wa tuhsꝑ, ò sehe ni yahuha tinare: “Yꝑhꝑ yꝑ mariachꝑ ahri niñeru mehne mꝑsa wapata namohtire macaga”, niha tiro dahra cohtinare. ¹⁴ Pꝑhtoro sãhtiro to jipachꝑta to ya maca macainata tirore cahmaeraha. Æ cahmaeraa, ti warocahtinare tirore pꝑhtoro sõhtirore yahu dutia warocãha. “Ahroro sã pꝑhtoro jichꝑ cahmaeraja sã”, niha tina ti yahu duti warocaina sehe.

¹⁵ Æ ti cahmaerapachꝑta baharo ti pꝑhtoro sãaha tiro. Æ pꝑhtoro sãa tuhsꝑro tiro to wꝑhꝑꝑ tju taha. Æ tju wihiro tiro dahra cohtinare to niñeru mehne ti wapata namoare masino taro, tinare pjirocãha. ¹⁶ To pjirocãro baharo, wihi mꝑhtaroro tirore yahuha: “Pꝑhtoro mꝑ niñeru tꝑ, yꝑhꝑre mꝑ wari tꝑ mehne diez tꝑri wapata namohi yꝑhꝑ”, niha dahra cohtaroro to pꝑhtoro. ¹⁷ “Noano yoari jire mꝑhꝑ. Mꝑhꝑ noaroro dahra cohtaroro jira. Mꝑhꝑ mahanocã mehne yꝑ dutiro sehta yoa pahñoro jicꝑ mipꝑ diez macari macaina ti pꝑhtoro cjihto wahaihca mꝑhꝑ”, niha pꝑhtoro dahra cohtaroro. ¹⁸ To baharo wihiro tiro mehne macaroro ò sehe niha: “Pꝑhtoro, mꝑ niñeru tꝑ, yꝑhꝑre mꝑ wari tꝑ mehne cinco tꝑri wapata namohi yꝑhꝑ cꝑhꝑ”, ni yahuha to pꝑhtoro. ¹⁹ “Cinco macari macaina pꝑhtoro cjihto wahaihca mꝑhꝑ”, niha pꝑhtoro tirore. ²⁰ To Æ niri baharo paio dahra cohtaroro wihi, ò sehe ni yahuha: “Pꝑhtoro, mꝑ niñeru tꝑ òi jira. Suhtiro cahsaro mehne coma, tí tꝑre wihbohi. ²¹ Mꝑhꝑ tuaro dahra dutiro jira. Paina yare mana mꝑhꝑ. Tuhsꝑ, tuaro

dahra dutiriro jicu dahraerariro jipacata mahu paina ya dahrari wapare nana. A yoa toaerariro jipaihta dichare nariro jira mahu. A jicu mahure cui nihi”, niha to puhtorore “Wapataerahi yuhu”, ni yahuro. ²² “Mahu a nicu niano yoariro jira mahu. Yuhure mu a niri buhiri mahure buhiri dahreihitja yuhu. Yuhu mahure tuaro dahra dutiriro yu jichu masina mahu. Paina yare yu nachu toaerariro jipai dichare nariro yu jichu masina mahu. ²³ Yu a jiriro jichu nupacata ya tare niñeru wihbori wuhuru cuerare mahu. Tire ti wasori wapa wapata namoboa mahu. ¿Dohseacu a yoaerari mahu? Tire mu yoachu tju wihicu wapata namoboa yuhu”, niha ti puhtoro. ²⁴ A ni tuhsu tiro cahai ducuinare dutiha: “Niñeru tare maga tirore. Diez tare cjuariroro waga”, niha puhtoro. ²⁵ To a nichu tina sehe o sehe ni yahuha tirore: “Puhtoro, diez tari cjuariro payu cjuu tuhsura”, niha tina. ²⁶ Ti a nichu puhtoro o sehe ni yuhtiha: “Musare niita nija. Jipihtina cjuainare wa namoihtja. Cjuarariro sehere mahanoca to cjuapachata tire maihtja. ²⁷ Mipru pinihta yuhure nu tuhtiinare yuhure ti puhtoro ji dutierainare yu cahai na tahga. A yoana yu nuocaroi wajaga tinare”, niha puhtoro dahra cohtainare —ni buheha Jesu.

*Jerusalēru sūha Jesu
(Mt 21.1-11; Mr 11.1-11; Jn 12.12-19)*

²⁸ A ni tuhsu Jesu paina pano Jerusalēru wahaha. ²⁹ A yoa tina Jerusalēru ti suhto panoca tūcu Olivo wama tidu dūhtu cahai jiri maca Betfagé wama tiri maca cahai, a jichu Betania wama tiri maca cahai su mūhtaha. Tí macari puu maca cahai Jesu sūro, to buheina puarore warocaro taro, o sehe ni yahu quihōha:

³⁰ —Sí macaru burrocāre nana wahaga. Tōru suna, burrocāre ti dūhte daporirocāre boca sanahca. Tiro ne cāiro ti pisamahnoerarirocā jica. Tirocāre bocana, yuta dare pjā, na tabasaga yuhure. ³¹ Tirocāre musa pjāchu nūno, cāiro dohse jiriro “¿Dohse yoana tana burrocāre dūhte daporiri dare pjājari musa?” to nichu tūhona o sehe ni yuhtiga tirore: “Mari puhtoro burrocāre

cahmarocasinire”, ni yahuga tirore —ni yahu duti warocaha to buheina puarore.

³² To a nichu tina puaro sehe to niriropu sūha. Ti a sūchu jipihtia Jesu to niriro sehetā wahaha. ³³ A jia tina tirocāre ti pjāchu nūna tirocā puu tinare o sehe ni sinituha:

—¿Dohse yoana tana burrocāre dūhte daporiri dare pjājari musa? —ni sinituha tina.

³⁴ —Mari puhtoro burrocāre cahmarocasinire —ni yuhtiha tina.

³⁵ A ni yahu tuhsu tirocāre Jesu caharu na sūha. Na su tuhsu ti bui sūa suhtire tirocā bui pjūpaha payo tuhsūchu nu, Jesu sehe tirocā bui to mūja pjāchu yoadohoha tina.

³⁶ Jesu tirocā bui to pisachu to wahahto pano masa ti bui sūa suhtire tjuwe na, to wahahti mahai saño cū mūhtaha, Jesure nū payoa. ³⁷ Tina Jerusalē cahacāru su, Olivo wama tidu dujari maharu sūha. Tōru Jesu to buhechu tūhoina payu jipihtia Cohamacu tuua mehne to yoa nūrire, noaa to yoarire ti nūri cjuirire wacūa, Cohamacure “Noariro, tuariro jira”, ni sañurucuha. A yoa Cohamacure nū payoa, o sehe ni sañurucuha:

³⁸ —Ahriro Cohamacu to warocariro, mari puhtoro noano jijaro. Mūano macaina noano jijaro. Mūano macariro Cohamacu, mahu tuariro waro jira —ni nū payoha tina.

³⁹ Ti a nichu tūhoa fariseo curua macaina mahainacā ti watoi jūina Jesure o sehe ni yahuha:

—Buheriro, mu buheinare dihta mariea dutiga —niha tina.

⁴⁰ —Musare niita nija. Tina ti sañurucuerachu tūa peri sehe sañurucuboa —niha Jesu fariseo curua macainare.

⁴¹ A ni tuhsu Jesu Jerusalē cahacāru su, tí macare nūocaroi, tūha. ⁴² O sehe niha tiro:

—Jerusalē macaina mipru pinihtare musare pichacaru wahaborinare Cohamacu to yūhdohtore musa masichu noa yūhduaboa. A jipachata mipure musa tire ne tūho duaerare. A jiro Cohamacu tire musare masi dutierare.

⁴³ Musare nu tuhtiina musa jiri macare soroahca. A yoaa musare tina wijaaro wasi. ⁴⁴ Tí pjata tina musa ya macare cohā pahñohca. Musā cūhure wajāhca.

M̄sare ñ̄ tuhtiina noano cohã pahñoahca m̄sa ya macare. Cohamacu pichacaru wahaborinare m̄sare to ȳhdohtore m̄sa masi duaerare. M̄sa masi duaerari buhiri m̄sare ñ̄ tuhtiinare Cohamacu m̄sare cohã dutirohca —niha Jesu Jerusalẽ macainare.

Cohamacu w̄h̄p̄u Jesu s̄ha
(Mt 21.12-17; Mr 11.15-19; Jn 2.13-22)

⁴⁵ Æ yoa Jerusalẽp̄u s̄ro, Jesu Cohamacu w̄h̄p̄u s̄a wahaha. Æ yoaro pache duainare tí w̄h̄p̄u j̄inare boca s̄ro, tinare cohã wionocaha. ⁴⁶ Õ sehe niha tiro tinare: —Õ sehe nina Cohamacu yare ti joari p̄i: “Ȳ w̄h̄ Cohamacu mehne durucuri w̄h̄ wama tirohca”, niha to yare ti joari p̄i. To ã nipach̄ta m̄sa sehe ahri w̄h̄i duana, m̄sa basi cahma yacara m̄sa —niha Jesu.

⁴⁷ Æ yoa dachoripe Cohamacu w̄h̄p̄u Jesu buheha. Æ jia sacerdotea p̄h̄toa, judio masare buheina, masa p̄h̄toa c̄h̄ tirore ti waj̄hti cj̄htire wac̄ macaha. ⁴⁸ Masa j̄ihtina tirore ã t̄horucua, to buheare noano t̄ho n̄n̄ina jiha. Ti ã noano t̄ho n̄n̄ch̄ ñ̄a, Jesure waj̄ duaina sehe tirore ti waj̄htire bocaerasiniha.

20

Sacerdotea p̄h̄toa, judio masare buheina, b̄c̄na mehne Jesure sinitu ñ̄ha
(Mt 21.23-27; Mr 11.27-33)

¹ Pa dachoi Cohamacu w̄h̄i Jesu masare noaa buheare buhero niha. To ã buhech̄ sacerdotea p̄h̄toa, judio masare buheina, b̄c̄na mehne tiro caharu w̄hia, tirore õ sehe ni sinitu ñ̄ha:

² —Yahuga s̄re. ¿Dohseacu can̄re ã yoari m̄h̄? ¿Noa m̄h̄re tíre ã yoa dutiri? —niha tina Jesure.

³ Ti ã nich̄ Jesu õ sehe ni ȳhtiha tinare: —M̄sa sehere sinitu m̄htaihtja. Yahuga ȳh̄re. ⁴ ¿João masare to bautisach̄ diro baro sehe tirore bautisa dutia tiari, m̄sa t̄hotuch̄? ¿O Cohamacu dutiera tiari? ¿O masa sehe dutia tiari, m̄sa t̄hotuch̄? —ni sinituha Jesu tinare.

⁵ To ã nich̄ tina sehe ti basi õ sehe niha: —¿Dohse ni ȳhtinahcari mari? “Cohamacu João dutia tiri jire”, mari nich̄, “¿Dohseana Cohamacu João to dutipach̄ta

tirore t̄ho duaerari m̄sa?” niboca Jesu marine. Æ jina “Cohamacu João dutia tiri jire”, ni ȳhti masieraja mari. ⁶ Ahrina masa sehe “Potocãta João Cohamacu yare yahu m̄htariro jira”, ni t̄hotura tina. Æ ni t̄hotua “João to bautisach̄ Cohamacu tirore dutierari jire”, mari nich̄ t̄hoa marine t̄a mehne docaboca masa. Æ jina tí c̄h̄re yahu masieraja mari —ni durucuha tina ti basi.

⁷ Æ ni durucu tuhs̄a tina Jesure õ sehe ni ȳhtiha:

—João dutira dutirirore s̄ masieraja —niha tina.

⁸ Ti ã nich̄ Jesu õ sehe ni ȳhtiha:

—Tí p̄a pinihta ȳh̄ c̄h̄ m̄sa sinitu m̄htarire yahueraja m̄sare. Ahrire ȳ yoarire dutirirore yahueraja m̄sare —niha tiro tinare.

Ñaina dahra cohtaina quitire yahuha Jesu

(Mt 21.33-44; Mr 12.1-11)

⁹ Æ yoa Jesu to t̄hotua mehne piti dahre õ sehe ni buhe d̄c̄aha masare:

—Wese p̄ro se dari cj̄htire toaha. Toa tuhs̄, tí wesere painare c̄ b̄h̄sehe coa pahma c̄ha. Pahma c̄no tí wesere tinare ñ̄ wihbo dutiha. Æ duti tuhs̄ pa yahp̄u waha, yoari p̄a bajueraha. ¹⁰ Tuhs̄, se ñ̄ri p̄a jich̄ wese p̄ro to cahamac̄nore wesere ñ̄ wihboina caharu warocaha. Wese macaa to toaa dichare to ya coa macaare na dutiro warocamaha. Æ jia ñ̄ wihboina sehe to cahamac̄nore wiho piti boca cj̄nocaha tirore. Æ cj̄nocaa, tina tirore dichare waerapahta t̄jaa dutiha tirore.

¹¹ Æ jiro wese p̄ro paio to cahamac̄nore tí wese macaa toaa dichare na dutiro warocamaha t̄joa. Æ jia wesere ñ̄ wihboina tiro c̄h̄re cj̄, ñ̄ano yoaha. Æ yoa tuhs̄ tirore tí dichare waerapahta t̄jaa dutiha t̄joa.

¹² Tirore ti ã yoari baharo wese p̄ro paio cahamac̄nore warocamaha t̄joa. To ã warocach̄ ñ̄a, wesere ñ̄ wihboina sehe tiro c̄h̄re cami dahre, tí wese d̄ht̄ cahai coh̄nocaha tirore.

¹³ Ti ã yoari baharo wese p̄ro õ sehe ni t̄hotumaha: “¿Dohse yoaihcari ȳh̄? Õ sehe yoaihtja. Ȳh̄ ȳ mac̄re ȳ cah̄irirore warocaihtja. Tina tirore ñ̄o payoboca”, ni

tahotumaha wese p̄uro sehe. ¹⁴ ã jia to macunore to warocarirore to s̄ach̄ũ ñ̄ũ ñ̄ũ wihboina sehe ti basi õ sehe ni durucuha: “Ahr̄iro wese p̄uro macuno jira. Baharo ahri wesere c̄j̄ahtiro jira. Tirore waj̄ãjihna. Mari ã yoach̄ũ ahri wese mari ya wese tjuarohca”, nimaha tina ti basi. ¹⁵ ã ni tuhs̄ũ wese p̄uro macunore wese d̄uht̄ũ cahai cohã, waj̄ãnocaha tirore. ¿Ti ã yoach̄ũ ñ̄ũno dohse yoarohcari wese p̄uro wesere ñ̄ũ wihboinare? —niha Jesu.

¹⁶ —Tiro wesere ñ̄ũ wihboinare waj̄ãno taro, paina sehere wesere ñ̄ũ wihbo dutirohca —ni yuhtiha Jesu to basi.

To ã nich̄ũ t̄uhoa masa sehe õ sehe niha: —Marine ã wahaero t̄j̄jaro —niha tina.

¹⁷ Ti ã nich̄ũ Jesu sehe tinare õ sehe ni sinituha:

—¿Cohamac̄ũ yare ti joari p̄ũre õ sehe ni durucua, dohse nino nijari, m̄usa tahotuch̄ũ?:

“Ahr̄iro Cristo t̄ãca yoaro seheta jira.

T̄ãcare w̄h̄ũ dahreina ti cohãno seheta masa tirore cohãahca.

Ti ã yoapach̄uta mip̄ũre w̄h̄ũ dahreina w̄h̄ũre yoaa ti c̄ũ m̄ahtari t̄ãcare ti c̄ũno seheta Cohamac̄ũ tirore p̄ahto s̄õhre”,

ni joaha. ¹⁸ Jipihtina tia t̄ãca bui bora pjainare paȳũ dihicã peri yihsorohca tia t̄ãca. Tuhs̄ũ, tia t̄ãca masuno bui bora pjaro, tahãnocanohca tirore. ã tahãno to pjac̄ũ c̄j̄irore daa manaricã wahach̄ũ yoarohca. (Tó seheta ȳh̄ũre cahmaeraina, ȳũ buhiri dahrehtina ñ̄ũno ȳh̄d̄ũahca) —niha Jesu.

P̄uhtoa ya wapare paina sinituha Jesure
(Mt 21.45-46; 22.15-22; Mr 12.13-17)

¹⁹ To ã nich̄ũ t̄uhoa judio masare buheina sacerdot̄ea p̄uhtoa c̄ãh̄ũ, “Jesu wesere ñ̄ũ wihboina quit̄i mehne marine tuhtiro nina”, ni tahotuha tina. ã ni tahotua tina Jesure ñ̄aha duamaha. ã ñ̄aha duapahta tina masare cui niha. ²⁰ ã cuia, Jesure ti ñ̄ahaht̄i pjare cohtasiniha tina. ã jia tina quihõno yoaina yoaro sehe ji mahõno dutiha painare. To ñ̄ãno ni yuhtich̄ũ yoa duaã nimaha tirore yahusã duaã. ã jia Jesure sinitu dutia warocaha mahõoinare. Jesu ñ̄ãno to ni durucuch̄ũ t̄uhoa tí yahpa macaina bui p̄ahtoro peresu yoa dutia

taa nimaha. ²¹ ã jia tina Jesure mahõno c̄ũ õ sehe ni sinitu ñ̄ũmahã:

—Buheriro, potocã durucur̄iro, mahõoa marieriro m̄ũ jich̄ũ sã masija. ã jic̄ũ wiho j̄iinare, p̄uhtoa c̄ãh̄ũre c̄ãno p̄otori yoara m̄ũh̄ũ. M̄ũh̄ũ Cohamac̄ũ yare potocã m̄ũ buhech̄ũ c̄ãh̄ũre sã masija. ²² Yahuga sãre. ¿Ne, Roma macarirore jipihtina bui p̄ahtorore gobierno macaare marine wapa cahmajari, m̄ũ tahotuch̄ũ? ¿Mari dutia wapa dutijari, m̄ũ tahotuch̄ũ? —ni sinituha tina Jesure.

²³ Ti ã nich̄ũ t̄uhooro Jesu ti ñ̄ãno yoa duare masino, tinare õ sehe ni yuhtiha:

²⁴ —Mip̄ũre niñ̄eru t̄ũre na tahga. Tí t̄ũre ñ̄ũjihna —niha.

Tí t̄ũre ti na wihich̄ũ ñ̄ũno õ sehe niha Jesu:

—¿Diro baro masũ wahãjari ahri t̄ũre? ¿Diro baro wama wahãjari? —niha Jesu tinare.

—César, masa bui p̄ahtoro jiriro ya masũ, to wama c̄ũh̄ũ wahãna —ni yuhtiha tina.

²⁵ Ti ã nich̄ũ Jesu õ sehe ni yahua:

—Tí p̄ja pinihta masa bui p̄ahtoro yare tiro sehere waga. Cohamac̄ũ yare Cohamac̄ũ sehere waga —niha Jesu tinare.

²⁶ ã to noano yuhtich̄ũ, masa ti ñ̄ũrocaroi Jesure ñ̄ãno ni durucuch̄ũ yoa masieraha tina. ã jia Jesu yuhtiare t̄uhoa, tina c̄ũaa waha, dihta mariea wahaha.

Saduceo curua macaina Cohamac̄ũ to masoare sinituha Jesure

(Mt 22.23-33; Mr 12.18-27)

²⁷ ã yoa mahainacã saduceo curua macaina Jesu cahap̄ũ wihia. “Cohamac̄ũ yariainare masosi”, ni tahotuina jiha saduceo curua macaina. ã jia tina õ sehe niha tirore:

²⁸ —Buheriro, õ sehe ni buhea tiha Moise c̄j̄iro: “Cãiro to wahmino namo t̄ihiro pohna mariaparota to yariach̄ũ ñ̄ũno to bah̄ũrore to wahmino namono c̄j̄irore n̄ũoano cahmana. ã yoaro to wahmino m̄ũn̄ãno to pohna tiboro seheta pohna tiro cahmana to bah̄ũrore. ã jia to pohna to wahmino m̄ũn̄ãno pohna yoaro sehe jahca”, ni joaa tiha Moise c̄j̄iro —niha tina.

²⁹ T̄iire ni tuhs̄ũ ahri quitire yahu namoha t̄j̄oa Jesure:

—Cãiro masano jiha. Seis to bahana jiha. Ti wahmino sehe namo ti, pohna mari-eriro yariaa wahaha. ³⁰ ã jiro pairo to baharo cãhũ to wahmino namono cjirore nõoaha. To ã nõoari baharo to wahmino yoaro seheta pohna mariaparota tiro cãhũ yariaa wahaha. ³¹ ã jiro ahiro baharo cãhũ to wahmino mnanano yoaro seheta pohna mariaparota yariaa wahaa. ã dihta wahaha cãiro pohna waro. Ne pohna mariapahta yaria pihtia wahaha. ³² Ti namono cjiro cãhũ ti baharota yariaa wahaha. ³³ ¿Ne Cohamacũ jipihtinare yariaina cjirore to masochũ diro namono sehe jibocari ticoro pototi? Tina jipihtina ticorore namo tirina cjiro jiha. ¿ã jiro diro baro namono jirohcari? —ni sinituha tina.

³⁴ Ti ã nichũ Jesu õ sehe ni yãhtihã:

—Mipũ macaina wamomaca dãhtera.

³⁵ Ti ã dãhtepachũta paina sehe pa turu macaina sehe ã jierara. Paina mãare, numia cãhũre to yainare Cohamacũ ñaa marieina jichũ yoarohca. Tina ti yariari baharo masa mãjaahca. ã yoa tina tãpũ wamomaca dãhterara. ³⁶ ã jia tina anjoa yoaro seheta ne yariasi. Tina Cohamacũ to masorina jia, Cohamacũ pohna jira. ³⁷ Mipũre yariarina cjiro ti masa wijaahũto sehere mãsare yahuihtja. Tĩre Moise cjiro noano yahu pahũoa tiha. To mahadũcã jãri quitire õ sehe ni yahua tiha tiro: “ ‘Yũhũ Abrahã, Isaa, Jacobo ti pãhtoro tjija’, ni yahure Cohamacũ yũhũre”, ni joaa tiha Moise cjiro. ³⁸ Ti yariari baharo “Ti pãhtoro tjija”, ni yahua tiha Cohamacũ. ã niparota yariarina cjiro pãhtoro jierara Cohamacũ. “Ti pãhtoro tjija”, to nia mehne catiina ti jichũ masija mari. Tiro catiina pãhtoro jira. Jipihtina masa catira Cohamacũ to ñãchũ —niha Jesu tinare.

³⁹⁻⁴⁰ To ã nichũ tina sehe pari turi Jesure sinitu duaeraha. ã jia mahainacã judio masare buheina õ sehe niha:

—Buheriro, mãhũ noano yãhtihre —niha tina Jesure.

*¿Diro baro coyero jijari Cristo?
(Mt 22.41-46; Mr 12.35-37)*

⁴¹ Baharo Jesu õ sehe ni yahua tinare:

—“Cristo Davi cjiro panamino jirohca”, ni buhera paina. ¿Dohse yoa tina ã ni buhejari? ⁴² Davi cjiro to basi Salmopũ to joari tjupũ õ sehe ni joaa tiha:

“Cohamacũ yũ pãhtoro õ sehe nire: ‘Õi yũ potõ buhũsehei dujiga.

⁴³ ã jicũ mãhũre ñũ tuhtiinare mãhũre yũhdũrucabasaihca yũhũ’, nire Cohamacũ yũ pãhtoro”,

ni joaa tiha Davi cjiro. ⁴⁴ ã ni joaro Davi cjiro pãhtoro tiha Cristore. Davi cjiro Cristo ñũchũno cjiro jiparota Cristore pãhtoro tiha. ¿Davi cjiro Cristo ñũchũno cjiro jiparota dohse jiro baro tiro pãhtoro tiari Cristore? —ni yahua Jesu. (Cristo sehe Davi cjiro pãhtoro jira.)

Judio masare buheina ti ñaa yoaare yahua Jesu

(Mt 23.1-36; Mr 12.38-40; Lc 11.37-54)

⁴⁵ Masa payũ Jesure ti tãhoro watoĩ Jesu sehe to buheinare õ sehe ni yahua:

⁴⁶ —Mari judio masare buheina ti ñaa yoaare ñũna noano wacũ masiga. ã jina ti yoaro sehe yoaena tjiga. Tina yoaã suhti sãã, masa ti ñũrocaroi majarea, pache duaropũ paina pãhtoare noano ñõ payõ ti sinino sehe ti piti bocasinichũ cahmana tina. ã cahmana jia, tina mari judio masa buhea wũhũsei noaa dujia dihtare bese duji duara. Tuhsũ, bose namũ jichũ tã cãhũre noaa dujia dihtare cahmana. ⁴⁷ Tina wapewahya numia ya wũhũsere ti ya cãhũre mana tí numiare. ã yoaina jia, tina masa ti ñũrocaroi yoari pja Cohamacũre sinimana masare ñũ dutia. Ti ã yoachũ tinare Cohamacũ pjĩro buhiri dahrerohca —niha Jesu tinare.

21

Wapewahyoro Cohamacũ wũhũi to warire yahua Jesu

(Mr 12.41-44)

¹ ã ni yahu tuhsũ niñeru wihbori caroi pache pũã ti niñerure ti duhu sãachũ ñũ dujĩro niha Jesu. Tĩ niñeru Cohamacũ wũhũre ti cahnochũ ti wapahti jiha. ² ã ñũno wapewahyoro pjacũoricoro to pũã tũcãre to duhu sãachũ cãhũre ñũha. ³ Tĩre ñũ tuhsũ õ sehe ni yahua:

—Potocã niita nija m̄sare. Ahricoro wapewahyoro p̄jac̄oricoro sehe niñeru wihbori carop̄ duhu s̄ano paina jipihtina ti wari ȳhdoro wahre ticoro sehe. ⁴ Paina pache p̄a p̄j̄ro ti wapach̄ta ti ya p̄j̄ro d̄hsara. Ahricoro sehe p̄jac̄oricoro jiparota jipihtia to ch̄htire to nuch̄boac̄are wa pahñohre —ni yahuha Jesu.

“Cohamac̄ w̄h̄ cohãri w̄h̄ jirohca”, niha Jesu

(Mt 24.1-2; Mr 13.1-2)

⁵ ã yoa paina Cohamac̄ w̄h̄are õ sehe ni ñ̄a niha:

—Noaa t̄aa mehne yoari w̄h̄, noacari w̄h̄ j̄jari. Masa Cohamac̄ ya w̄h̄ c̄j̄htire ti wari c̄jiri c̄h̄ t̄i w̄h̄p̄are noaca c̄̄ri jira —ni durucua niha.

Ti ã nich̄ Jesu õ sehe ni yahuha tinare:

⁶ —Ahri jipihtia mari ñ̄ri c̄jiri w̄h̄se, ahri t̄aa c̄h̄ cohõ pihtia wahaahca. Ne c̄̄ria t̄aa t̄jasi —niha Jesu tinare.

Pihtiri dacho c̄j̄htore yahuha Jesu

(Mt 24.3-28; Mr 13.3-23)

⁷ To ã nich̄ t̄h̄oa tina sehe õ sehe ni sinituha tire:

—Buheriro, ¿dohse jich̄ m̄ niriro sehe waharo ã waharohcari? ¿Pihtiri dacho panocã jich̄ dohse to waha d̄c̄ach̄ ñ̄nahcari sã? —ni sinituha tina Jesure.

⁸ Jesu õ sehe ni ȳhtiha tinare:

—Noano yoaga m̄sa. ã jina m̄sare paina ti mahñoare t̄hoena t̄jiga. Paȳ masa “Cristo j̄ja ȳh̄”, niina taahca. ã n̄ia, “M̄p̄are pihtiri dacho c̄j̄hto mahanocã d̄hsara”, n̄iaha. Ti ã nich̄ tinare t̄hoena t̄jiga. ⁹ ã yoa paina “Cahma wajãa nina”, m̄sare n̄iaha. “M̄p̄are p̄h̄toare masa cohãa nina”, n̄iaha. M̄sa t̄ire t̄h̄ona cuiena t̄jiga. Pihtiri dacho pano õ sehe waha m̄htanohca. To ã wahach̄ pihtiri dacho c̄j̄hto d̄hsasininohca mini —niha Jesu.

¹⁰ ã ni tuhs̄ õ sehe ni yahu namoha:

—C̄a yahpa macaina pa yahpa macaina mehne cahma wajãahca. ¹¹ Tuhs̄, t̄aro yahpa ñ̄hmi, masa paȳ j̄ca mehne yaria, jipihtiro macaina dohatiahca. ã yoa m̄ano macaa bajuamehneare masa ñ̄a, ñ̄ c̄aa wahaahca.

¹² Ahri jipihtia ti ã wahahto pano, paina m̄sare ñ̄aha, ñ̄ano yoaahca. Tuhs̄, mari judio masa buhea w̄h̄sei tina m̄sare yahusã, peresu yoaahca m̄sare. Ti ã yoach̄ yahpari macaina p̄h̄toa panoi, macari macaina p̄h̄toa panoi ducunahca m̄sa ti yahusãhtina. Ȳ yaina m̄sa jiri buhiri ã yoaahca. ¹³ Ti ã yahusãch̄ m̄sa sehe noaa buheare tinare yahunahca. ¹⁴ T̄i p̄jare m̄sare ti yahusãch̄ p̄htorore m̄sa ȳhtihtore “Yahu masieraboca”, ni t̄hotuena t̄jiga m̄sa. ¹⁵ Ȳh̄ m̄sare yahubasait̄ja. M̄sare ã yoadohoc̄ t̄ho masiare, noaa durucua c̄h̄are m̄sare yahuch̄ yoait̄ja. M̄sa ã yoach̄ m̄sare ñ̄ tuhtiina sehe m̄sa durucua t̄ho, “T̄i potocã jierara”, ni ȳhti masisi. ¹⁶ T̄i p̄jare m̄sa p̄c̄s̄ma, m̄sa bahana, m̄sa coyea, m̄sa mehne macaina c̄h̄ m̄sare ñ̄ tuhtiinare wahca m̄sare ȳ yaina m̄sa jiri buhiri. Ti ã yoach̄ m̄sare ñ̄ tuhtiina m̄sa mehne macinare painare wajãahca. ¹⁷ ã yoa ȳ yaina m̄sa jich̄ ñ̄a, jipihtina m̄sare ñ̄ tuhtiahca. ¹⁸ M̄sare ã ñ̄ tuhtipahta ne mahanocã m̄sare ñ̄ano yoasi. ¹⁹ ã jina Cohamac̄are wac̄ tuaina jiga m̄sa. M̄sa ã yoana, Cohamac̄ mehne ã jirucunahca.

²⁰ ã yoa paȳ surara Jerusal̄p̄ ti soroach̄ ñ̄a, Jerusal̄ne ti cohãhto to mahanocã d̄hsach̄ masinahca m̄sa. ²¹ Ti ã yoach̄ ñ̄a Judea yahpai j̄ina t̄yuc̄ cahap̄ m̄roca duhtijaro. ã yoa Jerusal̄i j̄ina wahajaro. ã yoa campoi j̄ina Jerusal̄p̄ wahaea t̄jigaro ti waha bahrañoh̄to sehe. ²² T̄i dachorihi buhiri dahrea dachorihi jipihtia Cohamac̄ yare ti joari p̄ to niriro c̄j̄ro seheta ã waharohca. ²³ Jipihtirop̄ ahri yahpai ñ̄ano ȳhd̄ahca. To ã wahach̄, n̄iji wahc̄õa numia, ti poh̄nare p̄ina numia c̄h̄ p̄jac̄oro wahaahca. ²⁴ Paina ahri maca Jerusal̄ macaina mehne cahma wajãahca. ã cahma wajãa, paina ahri maca macinare jipihtia yahparip̄ na wahcã, peresu yoaahca. ã j̄ia judio masa jieraina Jerusal̄ne ñ̄ano yoa, tinare ȳhd̄r̄caahca. Judio masa jieraina ya dacho to pihtich̄p̄ Jerusal̄ macinare ñ̄ano yoa duhuahca —ni yahuha Jesu.

Jesu yahpapu to tjua tahtore yahuha
(Mt 24.29-35, 42-44; Mr 13.24-37)

²⁵ Ā ni yahu tuhsu, tinare õ sehe ni yahu namoha:

—Tí pjare sũ dacho macariro, ñami macariro, ñahpichoha cũhu cohtotaahca. Jipihtina ahri yahpa macaina “Cue, yari-anahca”, ni tuhotuina pjiri ma macaa pahcõri cuaro choro ti bisiro coa tachu tuhoa tuaro cuiahca. ²⁶ Tí pjare muano macaa yahpari, ñahpichoha cũhu tuaro ñuhmiahca. Ti ã wahachu ñua, masa sehe ahri yahpa to pihtihore cohtaa, tuaro cuiahca. ²⁷ Tí pjata yuhu masuno Cohamacu warocariro Cohamacu tuaa mehne to si sitea mehne yu tachu ñuahca masa. ²⁸ Ahri ti ã waha ducachu ñua, wacũ tuaina jiga. Ā jina muanopu ñuga. Tí pjare Cohamacu musare pichacapu wahaborinare to yuhdohto mahanocã dũsarohca —niha Jesu.

²⁹ Ā ni tuhsu ahri quti mehne piti dahre buheha Jesu:

—Higueracure, paye yucu cãhure tuhotuga musa. ³⁰ Tí yucari pũri tichu ñua, cãhma cjihto to mahanocã dũsachu masina musa. ³¹ Tó seheta ahri jipihtia yu niri cjirire ti ã wahachu ñua, Cohamacu masare puhtoro to noano sũho jihti pja mahanocã dũsachu masinahca musa.

³² Musare potocã niita nija. Tí pja macaina ti variahto pano jipihtia yu niriro seheta ã waharohca. ³³ Muano, ahri yahpa cãhu pihtia wahaahca. Yu durucua sehe ne cohtotasi. Jipihtia yu niriro seheta ã waha sohtori tiarohca.

³⁴ Yu tjua tahti dachore ne masierara musa. Ā jina noano yoaga. Bose numurine bujua yoarucuena tjiga. Ā jina cahaena tjiga. Ahri yahpa macaare pjiro tuhotuena tjiga. Musu yu niriro seheta yoana, wacũenoca ahri yahpapu yu tachu musa ne cãsi. ³⁵ Wahiquirore yurida wahiquirore wacũenoca to tuã suharo seheta wacũenoca taihca yuhu. Jipihtina ahri yahpa macaina ti masieraro watoi tí dachoi wacũenoca ã waharohca. ³⁶ Noano wacũ masi cohtaga. Ā jina Cohamacure ahri ã sinirucuga: “Ahri pihtiri dachore ã wahachu yuhure yoadohoga. Tuare

waga yuhure ahri noano yu yuhduhti cjihtire. Tuhsu, Cristore mu warocariro cuiro marieno yuhure piti bocachu yoaga”, ni siniga Cohamacure —niha Jesu.

³⁷ Ā yoa tí dachore Cohamacu wuhui Jesu buheha tiha. Ñaminipe buhe tuhsuro Olivo wama tidu tũcãpu waha, tópu ji bohrea tiha. ³⁸ Bohrea taharipe jipihtina masa Cohamacu wuhupu tirore tuhoa waha tiha.

22

Sacerdotea puhtoa, judio masare buheina mehne wajã duaha Jesure

(Mt 26.1-5, 14-16; Mr 14.1-2, 10-11; Jn 11.45-53)

¹ Ā yoa tí pjare bucaerari pãore ti chuhti bose numuri mahanocã dũsaha. Tí bose numuri pascua wama tiha. ² Ā jia sacerdotea puhtoa, judio masare buheina mehne Jesure wajã duaa, ti wajãhtore wacũ macaha. Jesure wajã duapahta, masa sehere cuiha, “Suari”, nia.

³ Ā yoa watino Juda Iscariotere ñano to yoa dutichu Juda sehe yuhtiha tirore. Juda doce buheina mehne macariro jimaha. ⁴ Ā yoa tiro sacerdotea puhtoare, Cohamacu wuhu macaina surara puhtoa mehne cãhure sũhũduro wahaha. Ti cahapu su, tinare Jesure to ñohtore sũhũduha tina mehne. ⁵ To ã nichu tuhoa, tina wahche, “Muhure niñerure wapanahaja”, niha tina Judare. ⁶ Ti ã nichu Juda “Jai, tirore musare ñoihtja”, ni masa ti ñueraro watoi Jesure ñu tuhtiinare to ñohti ñamine cohtasiniha.

Jesu buheina mehne to chu batoari numu jiha

(Mt 26.17-29; Mr 14.12-25; Jn 13.21-30; 1Co 11.23-26)

⁷ Bucaerari pão bose numuri ti ji ducari dacho jiha. Ā jiro pascua macaina cjihtire ovejare ti chuhtinare ti wajãhti numu jiha. ⁸ Tí pjata Pedrore, João cãhure Jesu õ sehe ni yahuha:

—Bose numui mari chuhtire cahnoyuna wahaga —niha Jesu tinare.

⁹ —¿Mari pascua macaa chuhtire noho baroi cahnoyu dutirocaijari muhu sãre? — ni sinituha tina tirore.

¹⁰ Ti ã nichu Jesu õ sehe ni yuhtiha:

—Jerusalẽp̄m̄ m̄sa s̄ch̄m̄ co situ w̄ariro m̄sare piti bocarohca. To piti bocach̄m̄ tiro mehne wahaga. ¹¹ ã wahana tiro to s̄ho s̄ari w̄h̄p̄m̄ s̄na tí w̄h̄m̄ p̄rore õ sehe ni yahuga. “¿Dí tahtiai ȳh̄m̄ ȳm̄ buheina mehne pascua macaa ch̄are ch̄nahcari?” ni sinitu dutirocahre buheriro”, niga tí w̄h̄m̄ p̄rore. ¹² M̄sa ã nich̄m̄ t̄horo, tópm̄ m̄ano macari tahtiare pjiri tahtiare, noano ti cahnoyuri tahtiap̄re m̄sare ñonohca w̄h̄m̄ p̄ro. Tói mari ch̄hti cjihtire dahrega m̄sa —niha Jesu tinare.

¹³ To ã nich̄m̄ tina tí macap̄m̄ wahaha. Tópm̄ ti s̄ch̄m̄ tinare to niriro seheta wahaha. ã jia tina pascua macaa ch̄are dahreha.

¹⁴ Ti ch̄ri p̄ja jich̄m̄ Jesu doce to buheina mehne ch̄m̄ dujia. ¹⁵⁻¹⁶ Tópm̄ ti ch̄rop̄m̄ dujiro Jesu tinare õ sehe ni yahuha:

—M̄sare niita nija. Ahri pascua bose n̄m̄rine mari dahreja Cohamac̄m̄ to yainare to ȳh̄dohtore wac̄na. Baharo Cohamac̄m̄ masare p̄htoro to noano s̄ho jiropm̄ to yainare ȳh̄do tuhs̄rohca. To ã ȳh̄dohto pano ahri n̄m̄ri baro macaare pari turi ch̄eraja ȳh̄m̄. ã jic̄m̄ mip̄re ñano ȳh̄d̄m̄, ȳm̄ yariahto pano ahri pascua macaa ch̄are m̄sa mehne tuaro ch̄m̄ dua tih̄ —niha Jesu.

¹⁷⁻¹⁸ ã ninota Jesu sihniri wahware na, Cohamac̄m̄re “Noana”, ni sini, tinare õ sehe ni yahuha:

—M̄sare niita nija. Cohamac̄m̄ jipihtina bui p̄htoro to noano s̄ho jihto pano ahri vinore ne pari turi sihnisi ȳh̄m̄. ã jina ahri vinore na, m̄sa basi witi, sihniga —niha Jesu.

¹⁹ ã ni tuhs̄m̄ p̄o curire na, Cohamac̄m̄re “Noana”, niha. ã ninota, tí curire nuha, witiha tinare. Tí curire witirota, tinare õ sehe ni yahuha:

—Ahri ȳm̄ pjac̄m̄ jira. Ȳm̄ pjac̄m̄ ȳh̄m̄re ñm̄ tuhtiinare tí wari pjac̄m̄ jirohca. M̄sa ñaa yoari buhirire cohãc̄m̄ tac̄m̄ yariaihca ȳh̄m̄. ã jina ȳh̄m̄re m̄sa wac̄hti cjihtire ahrire ch̄m̄ga —niha Jesu.

²⁰ ã ch̄m̄ tuhs̄m̄ tó seheta tiro tinare sihniri wahwa c̄h̄m̄re waha. ã waro, tinare õ sehe ni yahuha:

—M̄sa ñaa buhirire cohãc̄m̄ tac̄m̄ yariaihca. ã yoac̄m̄ ȳm̄ dire cohãihca. Cohamac̄m̄ “M̄sare ȳh̄doihtja”, to niriro m̄ s̄ch̄m̄ ã ȳm̄ yariaro mehne to niriro sohtori tirohca.

²¹ M̄ip̄re t̄hoga m̄sa. Ȳh̄m̄re ñm̄ tuhtiinare ȳh̄m̄re ñohtiro mip̄re ȳh̄m̄ mehne õi dujira. ²² Cohamac̄m̄ to dutiriro seheta ȳh̄m̄ mas̄no Cohamac̄m̄ waro-cariro yariaihca. To ã yaria dutipach̄ta ȳh̄m̄re ñm̄ tuhtiinare ñoriro pinihta ñabiaro ȳh̄d̄rohca —niha Jesu tinare.

²³ To ã nich̄m̄ tina sehe ti basi õ sehe ni sinituha:

—¿Jesure ñm̄ tuhtiinare ñohtiro mari mehne macariro diro baro jicari na? —ni durucuha tina ti basi.

“¿Mari mehne macariro diro sehe jicari na p̄htoro?” ni durucuha Jesu buheina ti basi

²⁴ Baharo Jesu buheina õ sehe ni durucuha:

—¿Mari mehne macariro diro sehe jicari na p̄htoro? —ni durucuha ti basi.

²⁵ Ti ã ni durucuch̄m̄ t̄horo Jesu tinare õ sehe ni yahuha:

—Cohamac̄m̄re cahmaeraina p̄htoa sehe ti masare dutia, pur̄no mehne dutira. ã jia p̄htoare “Tina masare yoadohoina jira”, nimana paina masa tinare. ²⁶ M̄sa sehe tó sehe yoasi m̄sa basi. M̄sa mehne macariro m̄sa wahmi sehere to baharo yoaro sehe jiro cahmana. M̄sa mehne macariro p̄htoro ji duaro cahamac̄m̄no yoaro sehe jiro cahmana tirore. ²⁷ ¿Diro jijari p̄htoro? ¿Ch̄m̄ dujiriro sehe p̄htoro jijari? ¿O ch̄are duhu payoriro sehe p̄htoro jijari? Ch̄m̄ dujirirota jica p̄htoro. To ã jipach̄ta ȳh̄m̄ sehe cahamac̄m̄no yoaro seheta m̄sare yoadohoi tai.

²⁸ M̄sa ȳh̄m̄re ti ñano yoapach̄ta m̄sa sehe ȳh̄m̄re duhuerare. ²⁹ ã jic̄m̄ ȳm̄ p̄c̄m̄ ȳh̄m̄re to p̄htoro s̄oriro seheta m̄sa c̄h̄m̄re p̄htoa s̄ohtja ȳh̄m̄. ³⁰ Ȳh̄m̄ p̄htoro ȳm̄ jich̄m̄ ȳm̄ ch̄ri mesai m̄sa c̄h̄m̄ ch̄m̄, sihninahca. ã yoana m̄sa p̄htoa dujiare dujinahca. M̄sa tói dujina Israe masare doce curuari macainare besenahca m̄sa ñaina, noainare —niha Jesu to buheinare.

Pedro Jesure to cohãhtore yahuha Jesu (Mt 26.31-35; Mr 14.27-31; Jn 13.36-38)

31 Æ ni tuhsu Pedrore Jesu õ sehe ni yahuha:

—Simo Pedro yuhure tuhoga. Musare jipihinare yuhure cohachu yoa duara watino. Trigo wese puro to trigore to wã site cohãriro seheta musare jipihtinare watino ñano yoa duara “Ñaaare yoajaro”, nino. Æ yoa duaro, Cohamacure sinihre. 32 To ã sinichu ñucu yuhu sehe Cohamacure sini payohi mähure. Yuhure mu wacũ tua duhuerahiti cjihtire sini payohi mähure. Æ jicu mähü yuhu mehne macariro pari turi jicu mu coyeare yu yainare yoadohoga mähü —niha Jesu Pedrore.

33 To ã nichu Pedro õ sehe ni yuhtiha:

—Puhtoro, yuhure ti peresu yoapachuta, yuhure ti wajã duapachuta mähü mehne macariro jiihtja —nimaha Pedro.

34 Jesu õ sehe ni yuhtiha:

—Pedro mähure niita nija. Micha ñami caraca to duhto pano “Jesure masieraja”, niihca mähü painare. Tia taha ã niihca mähü —niha Jesu Pedrore.

Jesure ti ñano yoa dũcahto mahanocã dũhsaha

35 Æ ni tuhsu Jesu to buheinare õ sehe ni yahuha:

—¿Sohõ jiri pja masa niñeru wajuru marieina, pjiri wajuru marieina, dahpo suhti marieina musare yu warocachu paye baro dũhsari musare? —ni sinitu ñuha Jesu.

—Ne sãre yaba dũhsaerare —ni yuhtiha tina.

36 —Tí pjare musare dũhsaerapachuta mipu sehene niñeru wajurure cjuana tíre naga. Pjiri wajurure cjuana cãhu naga. Æ jina musare ñosari pjĩ mariachu masa suhtire duana tí pjĩne nuchuga. 37 Ahrire musare nii nija. Cohamacu yare ti joari pũi ti niriro seheta yuhure ã waharo cahmana. Õ sehe niha tí pũi: “ ‘Tiro dutiare yuhũrucaina mehne macariro jira’, niahca masa”, ni joaa tiha —niha Jesu.

38 —Ñũga puhtoro. Pua pjĩ ñosaa pjĩnine cjuaja sã —niha to buheina.

—Tó puro tjica —ni yuhtiha Jesu.

Getsemaní wama tiropu Jesu Cohamacure siniha
(Mt 26.36-46; Mr 14.32-42)

39 Æ yoa Jesu to ã yoarucuriro seheta Olivo wama tidu tũcũpu wahaha. To ã wahachu to buheina tiro mehne wahaha. 40 Tõpu sũro tiro tinare õ sehe ni yahuha:

—Cohamacure siniga ñano masa yoaer-ahto sehe —niha Jesu tinare.

41 Æ ni tuhsu tiro to sahsero mahanocã waha namo, na tuhcuca caha su, 42 Cohamacure õ sehe ni siniha:

—Mai, yu ñano yuhũhtire yoa duaeracu yoai tjia. Yu ã nipachuta yu cahmaa sehene yoai tjia. Mähü sehe masina. Mu cahmano seheta yoaga yuhure —ni siniha Jesu Cohamacure.

43 [To ã sinichu manopu duji tariro anjo Jesure bajua, yoadohoha tirore. 44 Tuhsu, Jesu ñano yajeripohna ti, tuaro mehne Cohamacure siniha. Æ jia to so witia di yahpari yoaro sehe jia tirore wijaa, yahpupu bora caha sũha.]

45 Cohamacure sini batoa wahcãrucu su, tiro to buheina cahapu wihiha. Æ to wihihu to buheina tuaro cahyaina jia, carĩa niha. 46 Æ jiro Jesu tinare õ sehe ni yahuha:

—¿Dohseana carĩa nijari masa? Wahcãga. Cohamacure siniga ñano masa yoaer-ahto sehe —niha Jesu tinare.

Jesure ñu tuhtiina tirore peresu yoaha
(Mt 26.47-56; Mr 14.43-50; Jn 18.2-11)

47 To ã ni durucuro watoi masa payu wihiha. Juda doce buheina mehne macariro cjiro masare mu tã tariro jiha. Æ jiro tiro Jesu cahai wihi, wahsupu wihmiha tirore. 48 To ã wihmichu Jesu tirore õ sehe ni sinituha:

—Judá, ¿yuhu masunore Cohamacu warocarirore yuhure ñu tuhtiinare ñocu yuhure wahsupu wihmijari mähü? —niha Jesu.

49 To ã niri baharo Jesu buheina masa Jesure ti ñahahtire masia, tirore sinituha:

—Puhtoro, ¿sã ñosaa pjĩni mehne tina mehne cahmachema? —niha tina.

50 Ti ã niri baharo cãiro Jesu buheina mehne macariro sehe sacerdotea bui puhtoro cahamacunore to ñosari pjĩ mehne to cahmonore poto buhusehei jiri cahmonore cã pahrẽnocaha. 51 To ã yoachu ñano Jesu tirore õ sehe niha:

—Æ yoai tjiga —niha.

Ni, cahamacuno cahmono jiriro cjiroi ña payoha. To ã ña payochuta cahmono

mānano seheta jiha tjoa. ⁵² Ā yoa tuhsu sacerdotea pūhtoare, Cohamacu wūhū macaina surara pūhtoare, būcūna cūhūre tirore űaha tainare Jesu ō sehe ni sinituha:

—¿Dohse jiro baro mūsa űosaa pūűni, yucu tiri mehne yacarirore ti yoariro seheta mūsa yūhūre űahana tajari? ⁵³ Dachoripe Cohamacu wūhūpū mūsa mehne yū jichū, mūsa yūhūre ne űahaerare. Ā jipachūta mipare mūsa ya dacho yūhūre mūsa űano yoahiti dacho jira. Mipū watūno to űano yoahiti dacho cūhū jira —niha Jesu.

“Tirore masieraja”, niha Pedro Jesure
(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Tina Jesure űaha tuhsu sacerdotea bui pūhtoro ya wūhūpū naaha tina tirore. Ti tōpū naachū Pedro yoaropū tinare űū nūnū tiha. ⁵⁵ Pūhtoro wūhūpū sū, tōi wūhū cahai jiri wapai, noari wapa dacho macai pichaca wijāha paina. Ti ā wijāchū űūno Pedro pichaca cahai dujiina mehne dujiha. ⁵⁶ To ā dujiri baharo cūcoro cahamacono tirore noano űū, painare ō sehe ni yahuha: —Ahrīro cūhū tiro mehne jihre —niha ticoro.

⁵⁷ To ā nichū tūhoro Pedro ō sehe ni yūhtiha:

—Numino, tirore ne masieraja yūhū —nimaha tiro.

⁵⁸ Ticoro to ā niri baharocāta paio Pedore űū, ō sehe niha tjoa:

—Mūhū cūhū tina mehne macariro tjira —niha tiro.

—Ne jieraja —nimaha Pedro.

⁵⁹ Cū hora baharo paio painare ō sehe ni yahuha:

—Potocā tjira. Ahrīro Galilea macariro jira. Ā jiro potocāta Jesu mehne jihre ahrīro cūhū —ni yahuha tiro painare.

⁶⁰ To ā nichū Pedro ō sehe ni yūhtiha:

—Ne, mū nirirore masieraja yūhū —ni yūhtiha Pedro.

To ā ni durucuro watoi caraca duha. ⁶¹ To ā duchūta Jesu wūhū cahai jiro Pedro majare űūrocāha. To ā yoachū Pedro sehe Jesu to yahurire wacūha. “Micha űami caraca to duhto pano, ‘Yūhū Jesure masieraja’, niihca mūhū. Tia taha ā niihca mūhū”, Jesu to niri cjirire wacūha Pedro. ⁶² Ā

wacūno Pedro tōpū jirore wijaa ta, tuaro tiirucuha.

Jesure bujūpe, cjāha tina
(Mt 26.67-68; Mr 14.65)

⁶³ Ā jia Jesure cohtaina surara tirore bujūpe, cjā mūjaha. ⁶⁴ Ā cjā mūja, to caparire dūhte dūcata, tirore ō sehe ni sinituha:

—¿Diro mūhūre cjājari? űūerapāihta yahuga sāre —ni sinitu, bujūpeha tina.

⁶⁵ Ā jia payū űano ni durucuha tina tirore.

Jesure pūhtoā sinituha
(Mt 26.59-66; Mr 14.55-64; Jn 18.19-24)

⁶⁶ Bohrearo iudicio masa būcūna, sacerdotea pūhtoā, iudicio masare buheina cūhū cahmachuha. Ti ā cahmachūno iudicio paina tina cahapū Jesure na taha.

⁶⁷ —Yahuga sāre. ¿Cristota jijari mūhū? —ni sinituha tina Jesure.

Ti ā nichū Jesu ō sehe ni yūhtiha:

—Mū sare yū yahuchū, yūhūre tūhosi mūsa. ⁶⁸ Mū sare yū sinituchū yūhūre yūhtisi mūsa. ⁶⁹ Mūsa yūhtierapachūta baharo curero jipihtia dachoripe yūhū masūno Cohamacu warocariro Cohamacu tua yūhdūariro to poto būhūsehei dujihtja —niha Jesu.

⁷⁰ To ā nichū tina jipihtina sinituha tjoa pari turi:

—¿Ā nicū Cohamacu macūnota jijari mūhū? —niha tina.

—Tirota jija mūsa nino seheta —ni yūhtiha Jesu tinare.

⁷¹ To ā nichū tūhoa, tina ō sehe ni durucuha ti basi:

—Ahrīro Cohacūre pūiro to űano durucuchū mari basi tūhohi. Ā yoa ahrīrore yahusāina tōpeina tjiaro. (Tōpeina mehne tirore mari wajā duti masija) —niha tina ti basi.

23

Pilato Jesure sinituha
(Mt 27.1-2, 11-14; Mr 15.1-5; Jn 18.28-38)

¹ Ā ni tuhsū tina jipihtina wahcārūca, Jesure Pilato cahapū naaha. ² To cahapū na sūa, Jesure yahusā dūcaha:

—Ahrīro mari ya yahpa macainare to űano yoa dutichū sā tūhohi. Mari bui pūhtoro ahrīro wapa dutierara.

Tuhsu, tiro “Puhtoro jija. Cristo masare yuhdohtiro jija yahu”, ni durucure to basi —ni yahusaha tina Jesure.

³ Ti a ni yahusari baharo Pilato Jesure o sehe ni sinituha:

—¿Judio masa puhtorota jijari muhu? — niha tiro Jesure.

—Mu nino sehetu tiro tjija —ni yuhtiha Jesu.

⁴ To a nichu Pilato sacerdotia puhtoare, masa cuhare o sehe ni yahuha:

—Ahriri yaba buhiri mariaha —niha tiro.

⁵ To a nipachata tina tuaro yahusa namoha:

—Tiro to buhea mehne masare cahmachechu yoara. Galilea yahpai tiro ture yoa ducare. A yoa ducatuhsu jipihtiro Judea yahpamu ture tiro yoare. Mipmu opru cuhare ture yoaro taro nina —ni yahusaha tina.

Herode Jesure sinituha

⁶ Ti a ni yahusachu tuhoro Pilato sehe o sehe ni sinituha:

—¿Ahriri Galilea macariro jijari? —niha tiro.

⁷ —To macariro tjira —ni yuhtiha paina.

Ti a ni yuhtichu tuhoro Pilato sehe Jesu to jiri yahpare masino puhtoro Herode ya yahpa macariro Jesu to jichu masiha. Ture masino Jesure Herode cahai warocaha. Ti pjare Herode Jerusalai jia tiha. ⁸ To panomu Herode Jesure tuhoa tiha. To a tuhori baharo yoari pja baharo tirore nu duaha. Jesu Cohamacu tuua mehne to yoa nochu nu duamaha tiro. A jiro tiro Jesure nuho, wahcheha. ⁹ A jiro payu tahari sinituha Jesure. To a sinitupachata Jesu ne yuhtieraha tirore. ¹⁰ Sacerdotia puhtoa, judio masare buheina chu Herode cahai wahcaruca, tuaro Jesure yahusaha. ¹¹ Ti yahusari baharo, Herode to surara mehne bujape, Jesure nino yoaha. A bujapea, noari suhtirore puhtoro to saari suhtiro yoaro sehe bajuri suhtirore saha tina Jesure. A bujape tuhsu, tirore Pilato caharu warocaha tjoa. ¹² Ti dachore Herode, Pilato mehne noano ti basi cahma yoaina ji ducaha. To panore ti basi cahma nu tuhtiina jisinimaha.

Masa Jesure wajaduhtiha

(Mt 27.15-26; Mr 15.6-15; Jn 18.39-19.16)

¹³ A yoa Pilato sacerdotia puhtoare, paina puhtoare, masa cuhare to pjirocachu, cahmachuha. ¹⁴ Ti cahmachu pitichu nuho o sehe niha Pilato tinare:

—Ahrirore yuhure na tana, “Tiro masare nuho yoa dutira”, nimahre masa yuhure. Mipmu masa nuhocaroi ahrirore noano sinitu pahohi tjoa. Yu a sinituri baharo masa tirore a yahusarucuchu tirore naa buhiri ne mariaha, yu nuhu. ¹⁵ Herode chu tirore “Ne, naa buhiri mariaha”, nihre. A nino ahrirore pari turi sare wa majare tjuhre tjoa. A jina ahrirore to naa buhiri mariachu tirore masa wajaduhti duti masierara. ¹⁶ A jicu tirore yuta dari mehne tjana dutiuhca yuhu. A ti tjanari baharo tirore wiohtja —nimaha Pilato masare.

¹⁷ [Cuhmaripe pascua bosa numarine masa yairo cjihtore cairo peresupu jirirore Pilato wiohasa mujaa tiha.] ¹⁸ A jia Pilato “Jesure wiohtja”, to nichu tuhoa jipihtina masa o sehe ni sahurucuha:

—Tirore Jesure wajaduhti. Sa yairo cjihtore Barraba sehere sare wiohasaga —ni sahurucuha masa.

¹⁹ Ti pjare Barraba wama tiriro Jerusalai puhtoare cohduaina mehne macariro, masnore wajariro peresupu jia. A jia tirore masa wio dutia niha. ²⁰ Pilato Jesu sehere wio duamaha. A jiro tiro masare sinitu nuha tjoa. ²¹ To a wio duapachata tina tirore o sehe ni sahurucuha tjoa:

—Crusapu cja puha wajaduhti tirore. Wajaduhti tirore —ni sahurucuha tina.

²² Ti a nichu Pilato tia taha waharoi o sehe nimaha tinare:

—¿Yabare nuho yoari tiro masa a ni sahurucuchu? Ne tirore naa buhiri mariaha. A jicu tirore wajaduhti duti masieraja. Tirore yuta da mehne tjana dutiuhca. To purota yoa dutiuhca. A yoacu wiohca tirore —niha Pilato.

²³ To a nipachata tina tuaro mehne sahurucu namo, Jesure crusapu wajaduhti. Ti a ni sahurucuchu tuhoro ti cahmariro sehetu Pilato yoaha. ²⁴ Tirore ti siniriro sehetu Pilato Jesure wajaduhti. ²⁵ A dutiro tiro peresupu jirirore

masare cahmachech_u yoarirore, masare wajãrirore masa ti siniro sehta Pilato Barrabá sehere wioha. Tuhs_u, Pilato Jesure crusap_u wajã dutiha.

Tina Jesure crusap_u cjã puha, wajãha
(Mt 27.32-44; Mr 15.21-32; Jn 19.17-27)

²⁶ To ã wajã dutich_u tina Jesure wajãha waha, naaha. Tí pja ti ã yoaro watoi Simo wama tirore Cirene macariro campop_u suriro wihiha. Jerusalēp_u to wihih_u ñ_u Jesure naaina tirore piti boca, ñaha, Jesu to w_uari crusare tirore w_uahcã dutiha Jesu baharo.

²⁷ Æ yoa masa pay_u Jesure ñ_u n_un_u tiha. Æ jia masa watoi jia numia tirore ti ã yoach_u ñ_u tuaro tiiha. ²⁸ Tí ã tiich_u t_uhoro, tí numiare Jesu majare ñ_u, ò sehe niha:

—Jerusalē macaa numia, y_uh_ure tiiena tjiga. M_usa basi, m_usa pohna m_usa ñ_uno y_uhd_uhtire masina, tiibasaga. ²⁹ Paye dachori jich_u ñ_ubiaro y_uhd_unahca m_usa. Tí pjare masa ò sehe niahca: “Pohna mariea numia, pohna tierari numia, p_uera numia mip_u mari jich_u noabiaboa”, niahca masa. ³⁰ Tí pjare tãc_ure ò sehe ni durucuahca masa. “M_uh_u tãc_u sã buip_u bora pjaga. Sãre d_ucatahga”, niahca masa cuia. ³¹ Masa buhiri marierirore y_uh_ure ò sehe ti yoach_u, ñ_uaa buhiri cj_uaina sehe ñ_ubiaro wahaahca —niha Jesu.

³² Paina p_uaro, dutiare y_uhd_uracaina ti jich_u tina cãh_ure Jesu mehne ti wajãhtinare naaha tina. ³³ Tinare naa, “Dapu cohã”, wama tirop_u s_u, crusap_u Jesure cjã puha òha. P_uaro y_uhd_uracaina cãh_ure pairore to poto b_uh_usehei, pairore to cõ b_uh_usehei cjã puha òha. ³⁴ [Tí ã yoach_u Jesu ò sehe niha:

—Mai, ahrina mip_u ti ñ_uaa yoarire boga tinare. Tina ti dohse yoarire masierara. Æ jic_u ti ñ_uaa yoari buhirire boga —niha Jesu.]

Æ yoa Jesu suhtire cahma witia tina docapeha. To suhti cjirire “Noa yaro jirohcari ò”, ni cahma docapeha tina. ³⁵ Tuhs_u, masa tói ducuína ti ñ_urucuro watoi judio masa p_uahtoa Jesure ò sehe ni b_uj_upeha:

—Tiro paina masare variaborinare yoadohoyumahtiro. Æ jiro tiro Cristo Cohamac_u to beseriro jiro, mip_u variaboriro jiro, to basi yoadohojaro —ni b_uj_upeha tina.

³⁶ Surara cãh_u tirore b_uj_upeha. Jesu cahai s_ua, tina tirore ñ_uaa co vinore wamaha.

³⁷ Tíre waa, ò sehe niha tina:

—M_uh_u judio masa ti p_uahoro jic_u m_u basi yoadohoga. Æ jii y_uhd_u witiuhca m_uh_u —ni b_uj_upeha tina.

³⁸ Æ yoa tiro bui ti cjã puha òri pjine ò sehe ni joaha: “Ahroro judio masa bui p_uahoro jiro jira”, ni joaha. (Griego ya mehne, Roma macaina ya mehne, judio masa ya mehne ã ni joaha.)

³⁹ Pairo tiro mehne ti cjã puha daporiro y_uhd_uracariro sehe ò sehe ni, ñ_uno durucua Jesure:

—¿M_uh_u Cristo masare y_uhdoriro jierajari? M_u basi, sã cãh_ure yoadohoga —niha tiro Jesure.

⁴⁰ To ã nich_u t_uhoro pairo y_uhd_uracariro Jesu poto b_uh_usehei ti cjã puha daporiro sehe tirore ò sehe niha:

—Mari cãh_ure cãno potori buhiri dahrera tina. ¿Dohseac_u Cohamac_ure ne ñ_uo payoerajari m_uh_u? ⁴¹ Marine ñ_uaa buhirire yoaa, quihõno yoaa nina tina. Ñ_uare mari yoari buhiri marine buhiri dahrera tina. Ahroro sehe ñ_uare yoaerare —niha tiro pairo y_uhd_uracarirore.

⁴² Æ nino, tiro Jesure ò sehe niha:

—Jesu, m_uh_u p_uahoro jic_u, tjua tac_u, y_uh_ure wacũga —niha tiro Jesure.

⁴³ To ã nich_u t_uhoro, ò sehe niha Jesu:

—M_uh_ure ahrire nii nija. Michare paraíso wama tirop_u m_uh_u y_uh_u mehne jiihca —niha Jesu tirore.

Jesu yariaa wahaha

(Mt 27.45-56; Mr 15.33-41; Jn 19.28-30)

⁴⁴ Æ yoa cohari pja jich_u s_u si duhua wahaha. Æ jiro jipihtiro tí dihtap_ure tia hora waro noano nahitiano jiha. ⁴⁵ Nahitiano to jiro watoi, Cohamac_u w_uh_u macari suhtiro, d_ucatarí suhtiro dacho maca waroi bui sehe tãhn_u bora ta, p_ua cahsaro tãhn_uroca yoja s_ua wahaha. ⁴⁶ Æ jiro Jesu ò sehe ni tuaro sañurucuha:

—Mai, y_u catiare m_uh_ure wiaja m_u ñ_u wihbohto cjihtore —ni sañurucuha Jesu.

Æ ni tuhs_u yariaa wahaha.

⁴⁷ To ã yariach_u ñ_uno, surara p_uahoro sehe “Cohamac_u tuariro jira”, nino:

“Ahriri Jesu cjiro potocāta noariro jiri jimana”, niha surara p̄h̄toro.

⁴⁸ Ā jia ti wajāch̄u ñ̄u tarina Jesu to yariach̄u ñ̄u, ti w̄h̄usep̄u tjuaa wahaha. Tjuaa waha, ti ñ̄a yoarire cahyaa mehne ti p̄buhui c̄jā ò wahcāha. ⁴⁹ Jipihtina Jesu yaina tiro mehne macaina, Galileap̄u tiro mehne tari numia c̄h̄u Jesure yoarop̄u ñ̄urocarucua niha.

Jesu pjac̄ure masa copap̄u na s̄a duhu payoha

(Mt 27.57-61; Mr 15.42-47; Jn 19.38-42)

⁵⁰⁻⁵¹ Tí pjare José wama tiroto tói jiha. Judea yahpai jiri maca Arimatea wama tiri maca macariro jiha. Tiro noariro, quihōno yoariro jiro, Cohamac̄u to p̄h̄toro j̄i d̄cahtore cohtariro jiha. Ā jiro tiro judio masa p̄h̄toa mehne macariro jiparota Jesure ti wajā dutich̄u cahmaeramaha tiro.

⁵² Ā jiro Pilato cahap̄u s̄u, Jesu pjac̄ure siniha. ⁵³ Sini tuhs̄u, Jesu pjac̄ure na boro, noari suhtiro mehne to pjac̄ure wahmaha. Ā wahma tuhs̄u, masa copap̄u tācai ti sahari copap̄u na s̄a duhu payoha to pjac̄ure. Tí copare ne paina yariainare duhu payoerasiniha mini. ⁵⁴ Tí dacho Sabado dacho macaa c̄j̄ihtire ti cahnoyuri dacho jiha. Sabado judio masa ti sori ñ̄m̄m̄ c̄j̄ihto mahanoçā d̄hsaha.

⁵⁵ Ā jia Galileap̄u Jesu mehne tari numia masa copap̄u José mehne wahaha. Masa copap̄u s̄u, tí copare ñ̄u, Jesu pjac̄ure ti duhu payorire ñ̄u. ⁵⁶ Baharo ti w̄h̄usep̄u tjuaa waha, me sitia mehne wisōa co mehne cahnoha tina. Tuhs̄u, Sabado jich̄u Cohamac̄u to dutiare Moise cjirore to c̄uri to dutiriro seheta tina soha.

24

Jesu masa wijaaaha

(Mt 28.1-10; Mr 16.1-8; Jn 20.1-10)

¹ Domingo jich̄u bohrearop̄u tí numia ti me sitia ti cahnoyumarire Jesu masa copap̄u na wahcāmaha. ² Tí copap̄u s̄u, tí copare bihari tāca pjōo ti duhu c̄uri tācare ñ̄u. ³ Ā ñ̄u tina tí copap̄u s̄a wahaha. Jesu pjac̄ure bocaeraha tina. ⁴ To pjac̄ure bocaeraa, “¿Dohse wahap̄j̄u?” ni t̄hotuha tina. Ti ã ni t̄hotu durucu coāno watoi p̄aro m̄u si sitea suhti tiina tina cahai

ducuha. ⁵ Tói ti ducuch̄u ñ̄u, numia cuia na tuhcuca caha s̄u. Tuhs̄u, m̄u sehe tí numiare ò sehe ni yahuha:

—¿Dohseana yariariro to jiriro cjirore tirore macajari m̄u? Mip̄ure tiro catiriro jira. ⁶ Tiro òre mariaha. Masa wijaa tuhs̄ure. ¿Sohō jiri pjare Galileap̄u m̄u mehne jiro m̄uare to niri cjirore wac̄jari m̄u? ⁷ “Ȳh̄ure Cohamac̄u waroçarirore paio warohca ñ̄ainare. To ã wari baharo ȳh̄ure crusap̄u c̄jā puha wajāhca tina. Ā jic̄u ȳu yariari baharo tia dacho wahaboroi masa wijaaahca ȳh̄u”, ¿m̄uare to niri wac̄jari m̄u? —niha m̄u sehe.

⁸ Ti ã nich̄u t̄hoa, numia sehe Jesu to niri wac̄u. ⁹ Ti ã niri baharo tina tjuaa waha, once buheinare paina c̄h̄ure tíre yahu pahñoa. ¹⁰ Tí numia sehe María Magdalena, Juana, María Santiago pocoro jiha. Tí numia mehne paye numia c̄h̄u jiha Jesu buheinare yahua numia. ¹¹ Ti ã ni yahupach̄uta Jesu buheina sehe “Potocā nia nieraca. Mahñoep̄a nica ahri numia”, ni t̄hotumaha. Ā jia tí numiare t̄ho du-aeraha.

¹² Ti ã nich̄u t̄horo, Pedro sehe masa copap̄u m̄roca wahcā, ñ̄no wahaha. Tí copap̄u s̄u, tiro muhri caha, ñ̄roca sōha. Jesure ti wahmari suhtiro dihtare ñ̄u. “¿Dohse wahari na?” ni t̄hotu, tiro w̄h̄up̄u tjuaa wahaha.

Emau wama tiri macap̄u wahari mahap̄u Jesu bajuaha

(Mr 16.12-13)

¹³ Tí dachoihta p̄aro Jesu buheina mehne macaina Emau wama tiri macap̄u wahaa niha. Jerusalē once kilómetro yoaro jira Emaup̄u s̄h̄to. ¹⁴ Emaup̄u wahaa, jipihtia Jerusalēi tí pjare to ã waharire Jesure tí ñ̄ano yoarire durucu wahcā niha. ¹⁵ Ti ã ni durucuro watoi Jesu sehe ti cahap̄u s̄u, tina mehne wahaha. ¹⁶ Tirore ñ̄upahta tina tirore “Jesu jira”, ni ñ̄u masieraha.

¹⁷ —¿Dohse ni cahya durucu wahcāna nijari m̄u? —ni sinituha Jesu.

¹⁸ To ã nich̄u t̄hoa tina cahyaro mehne s̄r̄ca, Cleofa wama tirore sehe Jesure ò sehe ni ȳhtiha:

—¿Mipure Jerusalēi tiniriro jipaihta m̄h̄u dihta ti yoari c̄jirire masierajari? — ni sinituha tiro.

¹⁹—¿Dohse wahari Jerusalēi? —niha Jesu.

To ā nich̄u tina ō sehe ni ȳh̄tiha:

—Jesure Nazare macarirore ti yoarire nina nija. Tiro Cohamac̄u yare yahu m̄h̄tariro jimahre. Ā jia to durucurire t̄h̄oa to yoari c̄h̄ure ñ̄u, “Tuariro jira”, ni t̄hotuhre masa. Cohamac̄u c̄h̄u āta ni t̄hotuca. ²⁰ Mari sacerdotēa p̄h̄toa, paina p̄h̄toa mehne tirore wajā dutia, painare wahre. Ti ā wach̄u paina sehe tirore crusap̄u c̄jā puha wajāhre. ²¹ “Roma macainare coh̄htiro Israe masa p̄h̄toro c̄j̄hto jira”, ni t̄hotumah̄i s̄a tirore. Micha mehne tia dacho wahara tiro to yariari baharo. ²²⁻²³ Mahainac̄a numia s̄a mehne macaa numia s̄are c̄h̄ach̄u yoahre. Bohrearop̄u Jesu to masa copap̄u t̄i numia s̄u, to p̄jac̄ure bocaerayuhti. To p̄jac̄ure bocaeraa, tina t̄ju wihi yahuhre. “S̄are anjoa bajuahre. Jesu catiyuhti”, ni yahuhre numia sehe. ²⁴ Ti ā nich̄u paina s̄a mehne macaina t̄i copap̄u s̄u, numia ti niriro se-heta ñ̄uyuhti. Tina c̄h̄u Jesure ñ̄erayuhti —niha tina Jesure.

²⁵ Ti ā niri baharo Jesu ō sehe ni yahuha tinare:

—M̄usa ne t̄ho masiera cureina jira. ¿Cohamac̄u yare yahu m̄h̄taina c̄jiri ti nirire noano t̄hoerari m̄usa? ²⁶ Cristore to p̄h̄toro j̄hto pano m̄hanop̄u to m̄jahto pano tirore ñ̄ano ȳh̄d̄uro cahmare. ¿T̄ire masieras̄inijari m̄usa? —niha Jesu tinare.

²⁷ Ā nino Cohamac̄u Cristore to ni yahu ti joari c̄jirire Jesu yahu pah̄ñonocaha tinare. Moise c̄j̄ro to joari c̄jirire Jesu yahu d̄ucaha. Tuhs̄u, j̄pihtina Cohamac̄u yare yahu m̄h̄taina c̄jiri Cristore ti joari c̄h̄ure yahu pah̄ñonocaha tiro.

²⁸ Tina ti wahari macap̄u ti s̄ua cahach̄u, Jesu sehe tinare ȳh̄d̄u wahc̄ano sehe yoaro nimaha. ²⁹ To ā yoapach̄ata tina tirore waha dutieraha:

—S̄a mehne t̄juaga. Ñ̄amichahap̄u jira. Nahinop̄u nina —niha tina tirore.

Ā jiro Jesu tina mehne w̄h̄p̄u s̄a wahaha. ³⁰ W̄h̄p̄u s̄a s̄u, tiro tina mehne ti ch̄ari mesap̄u nuju s̄u, p̄ore na, Cohamac̄ure “Noana”, niha. Ā nino t̄i p̄ore

nuha na, tinare waha. ³¹ To ā yoach̄u ñ̄u tina Jesure ñ̄u masiha. Ti ñ̄u masi m̄hari baharo tiro buti m̄ua wahaha. ³² To ā buti m̄ua wahach̄u ñ̄u tina ti basi ō sehe ni durucuha:

—Mahai tiro marine to durucuro watoi Cohamac̄u to joari c̄jirire to yahuro watoi tuaro mari wac̄u t̄hotua mehne noano wahchea mehne t̄hotuhi mari —niha tina ti basi.

³³ Ā ni tuhs̄u tina d̄oc̄ata Jerusal̄p̄u majare t̄juaa wahaha t̄joa. T̄op̄u s̄ua, once buheinare paina mehne cahmachuinare bocaha. ³⁴ Ā ti s̄ch̄u, once buheina ō sehe niha:

—Potoc̄ata mari p̄h̄toro masa wi-jaayuhti. Simo Pedro tirore ñ̄uyuhti —niha once buheina.

³⁵ Ti ā nich̄u p̄aro Emau macaina mahai Jesure ti ñ̄arire yahuha:

—Jesu to p̄ore to nuhach̄u s̄a ñ̄u masihi tirore —ni yahu pah̄noha tina painare.

Jesu to buheinare bajuaha

(Mt 28.16-20; Mr 16.14-18; Jn 20.19-23)

³⁶ Ti ā ni yahuro watoi ti cahai j̄i tuhs̄uha Jesu sehe.

—¿Jimajari m̄usa? Noano j̄iga m̄usa —niha tiro tinare.

³⁷ To ā nich̄u t̄h̄oa tina “Mari yariariro c̄j̄rore ñ̄u nija”, ni t̄hotua, tuaro cuiha.

³⁸ Ti ā cuich̄u ñ̄ano tiro tinare ō sehe ni yahuha:

—¿Dohseana cuijari m̄usa? ¿Dohseana “Ahri potoc̄a jierara”, nijari m̄usa? ³⁹ Ȳu wamomacarine, ȳu dahpori c̄h̄ure ñ̄uga. M̄usa ȳh̄ure ñ̄u, ñ̄u masinahca. Ȳh̄ure ñ̄aha ñ̄uga. Ñ̄aha ñ̄u, masinahca m̄usa. Yariariro c̄j̄rop̄u p̄jac̄u mariahna. Ȳh̄u sehe p̄jac̄u t̄ja —niha Jesu.

⁴⁰ Ā nino to wamomacari c̄h̄ure, to dahpori c̄h̄ure ñ̄oha tinare. ⁴¹ To ā ñ̄opach̄ata tina tuaro wahche, c̄uaa waha, “Ahri potoc̄a jieraca”, ni t̄hotusinimaha. Ti ā t̄hotuch̄a masino Jesu tinare sinitu ñ̄u:

—¿Ōi ch̄u j̄jari? —niha tiro.

⁴² To ā nich̄u t̄h̄oa wahi doharirore mi c̄h̄ure waha tirore. ⁴³ T̄ire na, ti ñ̄urocaroi Jesu ch̄u. ⁴⁴ Ch̄u tuhs̄u, Jesu yahuha tinare:

—Soh̄o j̄ri p̄a m̄usa mehne j̄ic̄u m̄sare ȳu yahuriro se-heta mip̄u ȳh̄u ā wahahi. Cohamac̄u dutia Moise c̄j̄ro marine to c̄uri

cjiri to ã ni joariro seheta yãhure ã wahahre. Cohamacu yare yahu mũhtaina cjiri, Salmo joari tjure joaina cãhu panopu yãhure ti ni yahuriro seheta mipare yãhure ã wahahre. Æta waharo cahmahre –niha Jesu.

⁴⁵ Æ ni tuhsu Cohamacu yare ti yahu joari cjiire to buheinare masichu yoaha Jesu:

⁴⁶ –Cohamacu yare ti joari cjiri õ sehe niha: “Cristore ñano yãhũro cahmana. Æ jiro tia dacho wahaboroi to yariari baharo tiro masa wijaarohca. ⁴⁷ To masa wijaari baharo jipihtia yahparipu to yaina Cristo yare yahuahca. Masa ti ñaa yoarire ti cahyahti cjihtire, “Ñano yoaeraja” ni, ti tãhotumarire ti cohtotahti cjihtire, Cohamacu ti cahmahti cjihtire, ti ñaa buhiri tiare to cohãhti cjihtire yahuahca to yaina. Æ yahua taa, Jerusalẽpu yahu dũcaahca”, niha Cohamacu yare ti joari pũi –niha Jesu.

⁴⁸ Æ ni tuhsu õ sehe ni yahu namoha:

–Mũsa sehe ahri jipihtiare ñũrina jira. Æ jina painare yahunahca. ⁴⁹ Cohamacu “Tirore mũsare warocaihtja”, to nirirore yãhu sehe mũsare warocaihtja. Æ jina Jerusalẽpu ahri mũano macaa tuua mũsare to wihitore cohtaga mũsa –niha Jesu to buheinare.

Jesu mũanopu mũjaa wahaha

(Mr 16.19-20)

⁵⁰ Æ ni tuhsu Jesu tinare Jerusalẽi jinare Betania cahapu naaha. Tõpu su, Jesu to wamomacari mehne ñui mũo, “Noano jiga”, niha tinare. ⁵¹ Æ ni tuhsu, tinare cũ, mũanopu mũjaa wahaha. ⁵² To mũjari baharo tina tirore ño payo, Jerusalẽpu tuaro wahchea mehne tjuaa wahaha. ⁵³ Tõi jia, dachoripe tina Cohamacu wãhũi Cohamacu mehne durucu, “Noana”, ni ño payoha tina tirore.

San Juan

Cohamacu ya duserore yahuriro masunota ji ducaha

¹ Dóiputa ahri yahpa to jihto panoputa Cohamacu ya duserore yahuriro Cristo masare yuhduchu yoah tiro dóihta ji tuhsu tiha. Tiro Cohamacu mehne jiha. ² Dóiputa wahmanoputa Cristo Cohamacu mehne jiha. ³ *Á* yoa wahmanopure ne mariahri cjiire bajuamehneha. Ahri yahpare, manore, jipihtiare, jipihtina cūhure bajuamehne dutiha Cohamacu tirore. *Á* jiro ahrire bajuamehne pahñoha tiro. Ahrire mipure mari ñare, mari ñera cūhure to bajuamehnerachu ne mariaboa. ⁴ Cristo catiare wariro jiro nina. Buhriaro marine to noano ñu masichu yoaro seheta tiro to Pucuro manano macarirore noano masichu yoara. *Á* yoaro to Pucuro manano macarirore masichu yoara masare. ⁵ Ahri yahpa macaina ñare ti wacū ti goa pjaah nahitiano yoaro sehe jia nina. Cohamacu ya duserore yahuriro buhriaro noano marine to ñu masichu yoaro seheta masare masichu yoara. *Á* yoa nahitiano buhriarore to yuhducaeraro seheta Cristore ñaa ne yuhducaerara.

⁶⁻⁷ Cohamacu João wama tirore sehere warocaha, Cristore buhriaro yoaro sehe jirirore masare yahu mahta dutiro. To *á* warocachu João sehe masare yahuro tare to yahurirore Cristore jipihtina ti wacū tuahti cjihtire. ⁸ João sehe Cristo jierare. *Á* jieraro tiro Cristo sehere masare yahu mahtano tare. ⁹ Cristo buhriaro yoaro sehe jiriro jipihtina masare Cohamacu masichu yoah tiro sehe ahri yahpapu tari jire. Potocā tjira ahri. Tiro buhriaro yoaro sehe jiriro waro tjira.

¹⁰ Cristo ahri yahpai jia timare. Ahri yahpare bajuamehneriro jiri jimare. To *á* jipachata ahri yahpa macaina sehe tirore ne masierare. ¹¹ To ya yahpai tiro masa bajuari jimare. To ya yahpai masa bajuariro to jipachata to ya yahpa macaina sehe

ne tirore cahmaerare. ¹² Ti *á* cahmaerapachata, tirore cahmaina sehere, tirore wacū tuaina sehere Cohamacu to pohna jichu yoari jire. ¹³ Tina Cohamacu pohnata jia nina. *Á* jia masa ti masa bajuariro seheta jierara, Cohamacu pohna ti wahachu. Tuhsu, masa ti cahmariro seheta jierara, Cohamacu pohna ti wahachu.

¹⁴ *Á* jiro Cristo masu no to ji ducari baharo mari mehneta jire tiro. To *á* jichu ñana masare cahñiro, potocā jiare yahuriro to jichu sã masii. Tiro dihta Cohamacu macu no jiro tuariro noariro jire. To *á* jiriro jichu sã masii. ¹⁵ João Cristore yahu mahtano *ó* sehe ni sañurucure masare yahuro:

–Siro tara yu *ó* sehe ni yahuriro: “Tiro yu baharo tariro jira. *Á* jiparota tiro yu yuhdoro tuariro jira. Tiro yu masa bajuah to panoputa ji tuhsu. *Á* jiro tiro yu yuhdoro tuariro jira”, musare yu ni yahuriro ahriro tjira –nire João Cristore masare yahuro.

¹⁶ Tiro Cristo sehe noariro tuaro masare cahñiro jiro marine jipihtinare noano yoarucure. ¹⁷ Cohamacu dutiare Moise cjiro sehe cūbasa mahtaa tiha marine. Jesucristo sehe Cohamacu masare to cahñare buhero tare. Cohamacu to potocā durucua cūhure buhero tare tiro. ¹⁸ Masa ne Cohamacu ñerara. Tirore mari ñerapachata to macu no to tuaro cahñiro cãirota jiriro sehe to Pucurore marine masichu yoare.

Paina João masare bautisarirore sinituha

(Mt 3.11-12; Mr 1.7-8; Lc 3.15-17)

¹⁹ Sã coyeha judio masa puhto Jerusalēi jiiinare sacerdotiare, Cohamacu wuhui dahraina cūhure João cahpu warocari jire. “¿Diro baro jijari mahu?” ni sinitu dutia warocari jire tinare. Ti *á* ni sinituchu *ó* sehe ni yahure João sehe. ²⁰ Ne yaro marieno yahure. Potota yahure:

–Yuhu Cristo Cohamacu masare yuhduchu yoa dutiro to warocariro jieraja –nire tiro.

²¹ To *á* nichu tina sehe tirore pari turi siniture tjoa:

–¿Mahu Cristo jieracu, Elia sehe jijari mahu? –nire tina.

—Jieraja yuhũ —nire tiro.

—¿Sã cohtariro Cohamacũ yare yahu mãhtariro sehe jijari mãhũ? —nire tina.

—Tiro jieraja yuhũ —nire João sehe.

²² To ã nichũ tina tirore pari turi õ sehe ni siniture tjoa:

—Sãre sinitu dutiinare sã noano yahuhto sehe poto sãre yahu bahrañoga. ¿Diro baro sehe jijari mãhũ? ¿Mũ basi mãhũ sehe dohse jiriro baro “Jija yuhũ”, nijari mãhũ? —nire tina João.

²³ Ti ã nichũ õ sehe ni yũhtire tiro:

—Masa marienopũ õ sehe ni sañurucuriro jija yuhũ Cohamacũ yare yahu mãhtariro Isaia cjiro to ni yahuriro seheta: “Mari pũhtoro to tahto pano mãsa ñaa tũhotuare cohtota, cahno mãhtaga mãsa”, ni masare yahu sañurucuriro jija yuhũ —nire João tinare.

²⁴ João sinituina fariseo curua macaina ti warocarina jire. ²⁵ ã jia tina João õ sehe ni siniture tjoa:

—¿Mũhũ Cristo, Elia, Cohamacũ yare yahu mãhtariro sã cohtariro jierapacũta dohseacũ masare bautisajari mãhũ? —nire tina.

²⁶ Ti ã nichũ tũhoro õ sehe ni yũhtire tiro:

—Yuhũ co mehne masare bautisaja. Pairo sehe mãsa masierariro mãsa watoi ji tuhsũra. ²⁷ Tiro sehe yũ baharo tariro yũ yũhdoro tuariro jira. Noa yũhdũariro jira. Tiro yoaro sehe jieraja yuhũ sehe. ã jicũ tirore tũhotucũ, “Wiho jiriro jija yuhũ”, ni tũhotuja yuhũ —nire João tinare.

²⁸ ã ni durucure tina, Betaniapũ Jordão wama tiri ma pa bũhũsehe coapũ, João masare to bautisaripũ.

Jesu Cohamacũ to warocariro to oveja yoaro sehe jiriro jira

²⁹ Pa dachoi Jesu João cahai cahacã curero to tachũ João tirore ñũno õ sehe nire:

—Ñũga. Ahriro Cohamacũ to warocariro to oveja yoaro sehe jiriro jira. Ovejare mari wajãriro seheta masa ahriro cũhũre wajãahca. ã yariaro ahri yahpa macainare ti buhiri tiare cohãnohca tiro. ³⁰ Ahrirota jira yũ õ sehe niriro: “Yũ baharo tariro yũ yũhdoro tuariro jira. Yũ masa bajuahto pano tiro ji tuhsũha. ã jiro tiro yũ yũhdoro

tuara”, yũ niriro ahrirota jira. ³¹ Yuhũ sehe ahrirore noano waro masiera tihi. ã masierapaihta co mehne bautisai tai nii yũ coyera Israe masa ahrirore ti masihto sehe —nire João.

³² ã ni tuhsũ João to ñũri cjirire õ sehe ni yahu namore tjoa:

—Espíritu Santo mãanopũ buja yoaro sehe ðuji ta, Cristo mehne to tjuachũ ñũhi.

³³ Cohamacũ yũhũre to yahuerachũ tirore ne masieraboa yuhũ. Wiho mejeta tiro yũhũre masare co mehne diapũ bautisa duti warocariro Cohamacũ sehe õ sehe ni yahu mãhta tuhsũre yũhũre: “Espíritu Santo ðuji ta to bui to tjuarũcũ sũriro tũrota jirohca. Tiro sehe Espiritu Santore to yaina mehne ã jirucuchũ yoarohca”, nire Cohamacũ yũhũre. ³⁴ Mipũ pinihtare to ã ni yahurirore ñũ tuhsũhi yuhũ. ã ñũcũ “Ahriro potocãta Cohamacũ macũno jira”, ni yahuja yuhũ mãsare —ni yahure João sãre.

Jesu buheina to pji mãhtaina jira

³⁵⁻³⁶ Pa dachoi João mehne sã pũaro to buheina sã ducuchũ, Jesu sã cahai yũhdũ wahcãno nire. To ã yũhdũ wahcãchũ João tirore ñũno, pari turi õ sehe nire sãre:

—Ñũga. Ahriro Cohamacũ to oveja yoaro sehe jiriro jira —nire João.

³⁷ To ã nichũ sã pũaro to buheina sehe tíre tũhona Jesu baharo wahahi. ³⁸ Sã ã wahachũ ñũno Jesu sãre majare ñũ, õsehe ni siniture:

—¿Nohopũ wahajari mãsa? —nire tiro.

To ã nichũ sã cũhũ õ sehe ni sinitu ñũni tirore:

—Rabi, ¿nohopũ jijari mãhũ? —nihi sã tirore. (Rabi sã ya mehne nina “buheriro”, nina nija.)

³⁹ —Yuhũ mehne tatjiãhna ñũna taga —nire Jesu sãre.

To ã nichũ sã sehe to jiropũ ñũna wahai. Tí pjare ñamichahapũ cuatro hora jire. ã jina tí dachore tiro mehne tjuai sã.

⁴⁰ Sã pũaro João tũhoina, Jesure nũnũ ti wahcãina yũ piti Andre mehne jii. Andre sehe Simo baharo jire. ⁴¹ ã jiro tiro dóihta to wahminore Simore maca, boca, tirore õ sehe ni yahua:

—Mesiare Cohamacu marine yuhduchu yoa dutiro to warocarirore sã bocahi — niha Andre Simore. (Mesia sã ya mehne nina “Cristo”, nina nija.)

⁴² ã ni tuhsu tiro Simore Jesu cahai naahre. To cahai ti sũchu ñũno Jesu sehe Simore ò sehe nire:

—Mũhu Simo wama tiriro, Jona macũno jira. Mipũre mũhũre Cefa ni wama pisuihtja —nire Jesu Simore. (Cefa sã judio masa ya mehne nina “Pedro”, nina nija.)

Felipere, Natanae cãhũre pjiha Jesu

⁴³ Pa dachoi Jesu Galilea yahpapu waha duare. ã jiro to wahahto pano tiro Felipere piti boca, ò sehe nire:

—Yũhu mehne macariro cjihto taga — nire Jesu.

⁴⁴ Felipe sehe Betsaida macariro jire. Tiro, Andre, Pedro mehne cã maca macaina jire tina. ⁴⁵ ã yoa Felipe Natanaene maca, tirore bocaro ò sehe ni yahure:

—Cohamacu dutiare Moise cjiro to joari pũpu to yahurirore paina Cohamacu yare yahu mãhtaina cjiri cãhu ti yahurirore sã bocahi. Jesu Nazare macariro, José macũno tjira —nire tiro Natanaene.

⁴⁶ —Nazarepũre ne cãiro noariro mari-ahna —nire Natanae.

—Ñũi taga mũhu —nire Felipe.

⁴⁷ ã yoa Jesu cahai to sũchu ñũno Jesu sehe ò sehe nire Natanaene:

—Ahriri mipu tariro potocãta noariro judio masũno waro jira. Tirore mahũoa ne mariahna —nire Jesu Natanae sehere.

⁴⁸ To ã nichu tũhoro Natanae sehe tirore ò sehe ni siniture:

—¿Dohseacu yũhũre noano masijari mũhu? —nire.

—Felipe mũhũre to pjihto pano, higueraçu docai mu jichu ñũhi yũhu mũhũre —nire Jesu.

⁴⁹ To ã nichu Natanae sehe tirore ò sehe nire tjoa:

—Buheriro, potocãta mũhu Cohamacu macũno jira. Mũhu Israe masa sã Pũhtoro cjihto jira —nire Natanae.

⁵⁰ To ã nichu tũhoro ò sehe ni yũhtire Jesu:

—Higueraçu docai mũhũre yũ ñũrire masicũ yũhũre “Cohamacu macũno jira”, ni

wacũ tuara mũhu. ¿Tita mũhũre ã masichu yoajari? Ahri mũhũre yũ ñũri yũhoro Cohamacu tuaa mehne yoa ñoihca yũhu. Yũ ã yoa ñochu ñũihca mũhu —nire Jesu Natanaene.

⁵¹ ã ninota ò sehe ni yahu namore:

—Potocãta mũhũre niita nija. Yũhu masũno Cohamacu warocariro tjija. Mũanopu parĩ mũachu Cohamacu to yaina anjoa yũ bui ti duji tachu, ti mũjachu cãhũre ñũihca mũhu —nire Jesu tirore.

2

Caná wama tiri macapu ti wamomaca dũhteropu Jesu wahaha

¹ Tia dacho baharo Canái Galilea yahpai jiri macai wamomaca dũhteri bose nũmu jire. ã jiro Jesu pocoro tí wũhũre jire. ² Jesu mehne sãre to buheina cãhũre wamomaca dũhteropu pjirocare tina. ³ Ti bose nũmu macaa vino pihtichu Jesu pocoro tirore ò sehe ni yahure:

—Mipũre vino pihtia wahare —nire ticoro Jesure.

⁴ To ã nichu tũhoro Jesu ò sehe nire:

—Iñõ, ¿dohseaco taco tíre yũhũre yahu- jiri mũhu? Masa yũhũre ti masihto dũhsasinina mini —nire Jesu to pocorore.

⁵ To ã niri baharo to pocoro sehe ti cahamacare ò sehe ni dutire:

—Yũ macu to dutiriro seheta yoaga —nire ticoro.

⁶ Tí pjarũre sã coyera judio masa Cohamacu yare yoaa taa masare ti pjacũre ã cosarucunoca dutia tire. ã yoa tí wũhũ seis situ pari tãa mehne ti yoaa situ pari co posa tia situ pari jire. Tí situ pari Cohamacu yare yoaa taa ti cosaa co posa tia pari cjiri jire. Tí situ parire cincuenta a setenta litro posa mu sũre. ⁷ Tói ti jichu ñũno tí wũhu macaina cahamacare ò sehe ni dutire Jesu:

—Ahri situ parire co mehne pio sãa namoga wahpaa pari ti wahahto sehe — nire Jesu.

To ã nichu tina sehe noano wahpo dapu pahũnocare ti parire.

⁸ Ti ã yoari baharo Jesu tinare ò sehe ni dutire tjoa:

—Mipũre tí core wa na, wũhu macarirore waga —nire.

To ã nichu tãhoa tí core wa na, wuhu macarirore ware.

⁹ Ti ã wachu tiro sehe tí core vino to wahachu yoaa core sihni ñure. Tí core nohoi to tarirore masierare tiro. To ã masierapachuta to cahamaca tí core waina sehe masire. Wuhu macariro ã masieraro wamomaca dũhterirore pjiroca, ¹⁰ õ sehe ni yahure:

—Paina masa noaa core vinore wa mũhtana. Masa ti noano sihniri baharo ña curea core wara tina. Muhu sehe noaa core wihbo, baharo curero tí core ware sãre —nire wuhu macariro wamomaca dũhterirore.

¹¹ Canái Galileai jiri macai Jesu core vino to wahachu yoari cjiri coã to bajuamehne dũcari jire. A yoaro painare to tuaare ñore Jesu. To ã ñori baharo sã to buheina tirore wacũ tuai.

¹² Baharo Jesu to pocorore, to bahanare, sãre to buheina cãhure Capernaupũ sũho sũre. Tõpũ sũna, mahaa dachoricã tjuasinii sã.

Jesu Cohamacu wuhũpũre sũha
(Mt 21.12-13; Mr 11.15-18; Lc 19.45-46)

¹³ Pascua jichu judio masa sã bose numũri cjihti mahanocã dũhsatjiãhre. A jiro Jesu Jerusalẽpũ sũre. ¹⁴ Tõpũ sũro tiro Cohamacu wuhũpũ sãa sũro, wachũare, ovejare, bujaare duainare boca sũre. Tuhsũ, niñerure cohtotaina ti mesaripũ ti dujichu tina cãhure boca sũre. ¹⁵ A boca sũro yuta dari mehne tjanari da yoa, tinarã jipihtinare sopacapũ tjana nũnũ wionocare. Oveja, wachũa cãhure tjana nũnũ wionocare tiro. A yoa niñeru cohtotaina ti mesarire na majareroca doca cũnocare. Ti niñeru tũri cãhure doca sitenocare. ¹⁶ A yoa tuhsũ bujaare duainare õ sehe nire:

—Mũsa bujaare na wijaahga. Yu Pũcu ya wuhũre pache duari wuhu yoarena tjiga — nire Jesu tinarã.

¹⁷ To ã yoachũ ñũna sã to buheina sehe Cohamacu yare ti joari pũi to niri cjirire wacũi: “ ‘Cohamacu, mũ wuhũre tuaro cahĩja. A cahĩcu mũ wuhũre ñano ti yoachũ ñũcu tuaro cahyaja yuhũ’, ni joaa tiha Cohamacu yare ti joari pũi”, ni wacũi sã Jesu buheina.

¹⁸ Jesu to ã yoari baharo sã coyera judio masa pũhũa tirore õ sehe ni siniture:

—¿Dohseacu mũhũ ahrinare Cohamacu wuhũpũre jinarã cohã wiori? Cohamacu mũhũre tíre yoa dutiriro to jichu Cohamacu tuaa mehne yoa ñoga mũhũ sã ñũhti cjihtire —nire tina Jesure.

¹⁹ Ti ã nichu Jesu õ sehe ni yũhtire:

—Ahri wuhũre mũsa cohãchũ tia dacho wahaboroi tuhsũihtja yuhũ —nire Jesu tinarã.

²⁰ —Tia dacho mehne ahri wuhũre tuhsũsi mũhũ. Cuarenta y seis cũhmari waro ti yoari wuhu jira ahri wuhu —nire tina Jesure.

²¹ To ã nichu tina tirore noano tãhoerare. Jesu “Ahri wuhũre” nino, to pjacãre nino niri jimare.

²² A yoa to yariari baharo, to masa wi-jaari baharo sã to buheina sehe to niri cjirire wacũna, Cohamacu yare ti joari pũre Jesu to yahuri cãhure “Tí potocã tjira”, ni wacũi sã.

Jipihtina ti wacũare Jesu masina

²³ Pascua bose numũri jichu Jesu Jerusalẽpũ jire. Tõi to jichu masa payũ Cohamacu tuaa mehne to yoa ñochũ ñũa tirore wacũ tuare. ²⁴ Ti ã wacũ tuapachuta Jesu masa ti wacũare noano masino, “Yuhũre ã wacũ tuarucuahca”, ni tãhotueraha. ²⁵ Tiro masa ti tãhotuare noano masire. A masino masa ti tãhotuare painare ne sinitu ñũerare.

3

Jesu Nicodemore yahuha

¹ Tí macai Nicodemo wama tiriro, judio masa pũhũa mehne macariro jire. Tiro fariseo curua macariro jire. ² Cũ ñami tiro Jesu cahai ta, tiro mehne õ sehe ni sũhũduri jire:

—Buheriro, mũhũ Cohamacu to buhe du-tiro to warocariro mũ jichu sã masija. Mũhũ payũ tahari Cohamacu tuaa mehne yoa ñona. Cohamacu mũhũre to yoadoho-erachũ, mũhũrã sehe to tuaa mehne ne ã yoa ñoaeraboa —niri jire Nicodemo Jesure.

³ To ã nichu tãhoro Jesu sehe õ sehe ni yahuri jire:

—Potocã mũhũre niita nija. Pari turi masa bajariro yoaro sehe wahariro dihta mari pũhũto Cohamacu mehne ji masina —niha Jesu.

4—Cuenah. ¿Bucaro sehe dohse yoa pari turi masa bajuabocari tiro? To pocoro niji suhtirop_u majare sãa, pari turi bajua masieraboca tiro —niri jire Nicodemo.

To ã nich_u tãhoro Jesu õ sehe ni yãhtiri jire tjoa:

5—Potocã niita nija mãhure. Co mehne, Espiritu Santo to tuaa mehne pari turi masa bajuariro dihta mari puhtoro Cohamac_u mehne ji masina. 6 Numia ni jipocosanumia jia, macanacãre masa bajuach_u yoara. Espiritu Santo sehe masare Cohamac_u pohna jich_u yoara. 7 “Pari turi masa bajuariro yoaro sehe wahariro dihta mari puhtoro Cohamac_u mehne ji masina”, y_u nich_u, tãho wisiec_u tjiga. 8 Espiritu Santo masare Cohamac_u pohna to yoach_u wihnono yoaro sehe jira. Wihnono to tarirop_u tara. To taro coa tach_u mari tãhoja. Æ tãhopanahta to tarirore, to waharirore ne masieraja. Tó seheta yoara Espiritu Santo masare Cohamac_u pohna jich_u yoaro —niri jire Jesu Nicodemore.

9—M_u niare noano masieraja —niri jire Nicodemo.

10 To ã nich_u tãhoro õ sehe niri jire Jesu:

—M_uh_u judio masare buheriro jipaihta, ¿dohseac_u y_u niare tãhoerajari? 11 Potocã mãhure niita nija. Sã masirire, sã ñurire sã yahuja. Sã ã yahupach_uta ne m_usa sã coyera judio masa ne tãho duaerare. 12 Ahri yahpa macaa mehne masa ti masa bajuari mehne mãhure piti dahre y_u buhe mãhtarire “Potocã tjira”, nierara m_usa. Æ nierana piti dahre buhero marieno Cohamac_u yare y_u yahuch_u cãhure “Potocã tjira”, nisi m_usa.

13 Ne cãiro mãanop_u Cohamac_u cahap_u wahariro ne pari turi tjua tasi. Y_uh_u masano Cohamac_u warocariro yãh_u dihta mãanop_u jiriro ahri yahpap_u tahi. (Æ jic_u yãh_u dihta Cohamac_u yare m_usare yahu masija.) 14 Panop_ure masa marienop_u Moise cjiro bronca wama tiri comaa mehne ti yoarirore agãre yuc_uch_u ti dapod_u sohtoap_u duhu õ dapoha. Yãh_u cãhure masano Cohamac_u warocarirore tiro agãre to duhu õ daporiro seheta yãh_u cãhure duhu õ dapoahca. 15 Yãhure ti ã yoari baharo jipihtina yãhure wac_u tuaina

jipihtia dachoripe Cohamac_u mehne ã jirucuahca —niri jire Jesu.

Cohamac_u jipihtinare cahãna

16 Æ ni tuhs_u õ sehe ni namori jire Jesu:

—Cohamac_u jipihtina ahri yahpa macainare tuaro cahãna. Æ jiro yãhure to mac_uno cãirota jiriore Cohamac_u warocare jipihtina yãhure wac_u tuaina pichacap_u ti wahaerahto cjihtore. Æ jia Cohamac_u ya catia mehne ã catirucuahca tina. 17 Cohamac_u yãhure to mac_uno masare buhiri dahre dutiro warocaerare ahri yahpap_ure. Masare pichacap_u waha-borinare yãhd_uch_u yoah_utiro cjihto sehene yãhure warocare.

18 Yãhure Cohamac_u mac_uno wac_u tuainare ne buhiri dahresi Cohamac_u. Yãhure wac_u tuaeraina pinihtare Cohamac_u buhiri dahre duti tuhs_ure. Masa yãhure Cohamac_u mac_uno cãirota jiriore ti wac_u tuaerari buhiri buhiri dahrerohca tinare. 19 Yãh_u Cohamac_u mac_uno ahri yahpap_u tac_u buhriro to noano marine to ñ_u masich_u yoaro seheta Cohamac_u yare noano masich_u yoaja. Y_u ã masich_u yoapach_uta, yãhure wac_u tuaeraina sehe yãhure cahmaerara. Ti ñaa yoaa sehene noano cahmana. Ti ã cahmari buhiri tinare buhiri dahre duti tuhs_ure. 20 Jipihtina ñaare ã yoarucuina baro ti ñaa yoare duhu duaerara. Æ jia buhriro to bajuro dahrero seheta ti ñaa yoarire “Bajuro dahreri” nia, yãhure cahmaerara tina. 21 Quihõno yoaina sehe yãhure, y_u buhea cãhure cahmana. Cohamac_u yoadohoro mehne to yare ti yoare y_u noano bajuro dahrech_u b_uo tierara tina. Æ jia yãhure buhriro yoaro sehe jiriore cahmana —ni yahuri jire Jesu.

Pari turi João masare bautisariro Jesure yahuha

22 Baharo Jesu sãre to buheinare Judea yahpap_u sãho wahare. Tóp_u s_uro tó macaina mehne mahaa dachoricã tjua, tinare bautisare. 23 João cãh_u masare bautisaro niha Enón wama tiri macai. Enón Salim wama tiri maca cahai jire. Tói dia jire. Tói dia jich_u João bautisaro niha masare. 24 Tirore ti peresu yoah_uto pano Enóni masare bautisaro niha João.

²⁵ Tí pjare João buheina mehne macaina mahainacã judio masano mehne bautisaa macaare durucua niha. ²⁶ ã jia tina João cahapua, tirore õ sehe ni yahuha:

—Buheriro, Jordão sie coapua maha mehne jiriro “Tiro tjica”, ma niriro sehe mipare masare bautisaro nina. To ã yoachua jipihtina tiro cahapua dihta wahara —niha tina João.

²⁷ Ti ã nichua tãhoro João õ sehe ni yuhtiha:

—Tiro tuariro to jichua Cohamacua sehe tirore ã jichua yoariro jira. ²⁸ “Cristo jieraja”, yua nichua tãhore musa. ã jierapaihta to pano to waroca mahtariro jija yuhua. ²⁹ Cristo mehne masa ti wahachua ñucua tuaro wahcheja. Õ sehe jira tí: Wamomaca dũhtericoro to manano mehne jiro wahara. Wamomaca dũhtehtirore cohtariro sehe dũhtehtiro to namo tichua ñuno to durucuchua tãhoro tuaro wahchera. ã jicua yuhua wamomaca dũhtehtirore cohtariro to wahcheriro seheta Cristo mehne masa ti wahachua ñucua tuaro wahcheja. ³⁰ Cristo sehere wacũ tuaro cahmana masare. Yuhua sehere wacũ tuaeraro cahmana masare —ni yuhtiha João.

Cohamacua macanore manopua tariro jira

³¹ ã ni tuhsaro õ sehe ni namoha João:

—Manopua tariro jipihtina yãhdoro tuariro jira. Ahri yahpapua jina jina ahri yahpa macaina jija mari. ã jina ahri yahpa macaare durucuja mari. Manopua tariro sehe jipihtina yãhdoro tuariro jira. ³² To ñuri cãjire, to tãhori cãjire tiro yahura. To ã yahupachuta to yahua masa sehe ne tãho duaerara. ³³ Manopua tariro to yahua masa tãhoa, tíre cahmaa, “Cohamacua potocã niriro jira”, nia nina tina. ³⁴ Ahriro Cristore Cohamacua warocarirore Espiritu Santo ya tuaare cã pahõna Cohamacua. ã jiro tiro Cohamacua ya durucua yahura. ³⁵ Cohamacua to macanore tuaro cahina. ã jiro jipihtina bui ti pãhtoro ji dutire to macanore. Jipihtia pãro ji dutire tirore. ³⁶ Cohamacua macanore wacũ tuaina sehe Cohamacua catia mehne ã catirucua. To macanore cahmaeraina sehe Cohamacua catia mehne jisi. ã jiro Cohamacua tinare tuaro buhiri dahrerohca —niha João.

4

Jesu Samaria macaricoro mehne durucua

¹ Jesu João yãhdoro payua buheinare to cãachua João yãhdoro masare to bautisachua fariseo curua macaina tãhorocaha. ² Ti ã tãhorocapachuta Jesu sehe to basi masare bautisaerare. Sã to buheina sehe masare bautisahi. ³ Fariseo curua macaina ti ã masichua tãhoro Jesu sehe Judea yahpai jiriro Galilea yahpapua sãre sãho tjuaa wahare.

⁴ Tõpua wahana Samaria yahpare sua yãhdua wahcãna tana nihi sã. ⁵ ã yãhdua wahcãna Samaria yahpai jiri macapua Sica wama tiri macapua sãhi. Tí maca cahai panopua macariro Jacobo cãjro to macano José cãjrore to wari yahpa jire. ⁶ Tõi Jacobo cãjro co to naari copa jire. ã yoa Jesu sehe yoaropua tariro cãjro jiro, tiro wahya yãhdũaro tí copa dũhtua cahai nuju sare. Tí pã to so nuju sãri pã cohari pã waro jire. ⁷⁻⁸ Sã to buheina sehe macapua chãre sã nuchana wahari baharo cãirota tiro tõi tjua nuju sare. ã so nuju sãro Samaria macaricoro tí copapua co waro to wihichua Jesu ticorore core siniha:

—Core waga yãhãre —niha.

⁹ —Maha judio masano jira. Yuhua sehe Samaria macaricoro jija. ¿Dohseacu yãhãre core sinijari maha? —niha ticoro Jesure. Judio masa Samaria macainare ñu tuhtiina jira. ã jiro ticoro ã niha.

¹⁰ To ã niri baharo Jesu ticorore õ sehe ni yahuha:

—Maha Cohamacua to yoadoho duarire masico, maha core sinirirore masico, maha yuhua sehere siniboa. Ma ã sinichua paye co sehere waboa yuhua. Tí co sehe catichua yoara —niha Jesu ticorore.

¹¹ To ã nichua tãhoro ticoro õ sehe ni yuhtiha tirore:

—Ne maha situ mariaha. Wiho mejeta ahri copa cãri copa jira. ¿ã jicua ahri catichua yoaa core nohopua wabocari maha? ¹² Mari ñuchua cãjro Jacobo panopua macariro ahri copare marine cãa tiha. Tiro, to pohna, to nuina cãhua ahri core sihnia tiha. “Paye core waboa yuhua” nicua, ¿Jacobu yãhdoro masiriro jãjari maha, ã ni tãhotucua? —niha ticoro.

¹³ To ã nichua Jesu õ sehe ni yuhtiha:

—Jipihtina ahri core sihniina, pari turi ñahma yapioahca. ¹⁴ Ya co sehere sihniina ne pari turi ñahma yapiosi. Ñ jia ya core sihniina Cohamacu mehne ñ jirucuahca. Ma pohtapu co to ñ wijaarucuro seheta ya co ne pihtisi —niha Jesu.

¹⁵ To ñ nichu tãhoro numino sehe õ sehe niha:

—Ne pari turi yu ñahma yapioerahto sehe tí core waga yuhure. Ñ jico pari turi ne õpũre co wasi —niha ticoro.

¹⁶ To ñ nichu Jesu ticorore õ sehe ni yahuha:

—Tí pja pinihta mu manũre pjico wahaga. Pji tuhsu õpu taga tiro mehne —niha Jesu ticorore.

¹⁷⁻¹⁸ —Manu marienicoro jija yuhu —niha ticoro.

—Potocãta nimana mahu. Muhu cinco tahari manu ti tuhsũmare. Tuhsu, mipũre mahu mehne jiriho mu manu jierara. Ñ yoa “Manu marienicoro jija” nico, potocãta nimana mahu —niha Jesu ticorore.

¹⁹ To ñ nichu tãhoro õ sehe niha ticoro:

—Ne, Cohamacu yare yahu mahtariho jira mahu, yu tãhotuchu. ²⁰ Sã ñuchusama cjiri ahdu tũcũpu Cohamacũre ño payoa tiha. Ñ jina musa sehe judio masa “Jerusalẽi Cohamacũre ño payoro cahmana masare”, nia tire musa judio masa —niha ticoro.

To ñ nichu Jesu õ sehe ni yuhtiha:

²¹ —Numino yuhure tãhosiniga. Baharopu ahdu tũcũi, Jerusalẽpu cũhure mari Pũcũre ño payosi musa. ²² Musa sehe musa ño payorirore masierara. Masare yuhduchu yoahtho judio masũnota jira. Ñ jina sã judio masa sehe sã ño payorirore masija. ²³ Mipũre baharopu cũhure Cohamacũre potocã ño payoina ti noano tãhotua mehne tirore ño payoahca. Tó sehe mari ño payochu cahmana Cohamacu. ²⁴ Cohamacu pjacu marieriro to jichu masa tirore ñerara. Ñ jia tirore ño payoa, ti noano tãhotua mehne tirore noano potocã ño payoro cahmana masare —niha Jesu.

²⁵ To ñ nichu tãticoro õ sehe ni yuhtiha:

—Mesia, “Cristo” ti niriro sehe masare yuhduchu yoahtho, to tahti cjihtire masija yuhu. Tiro taro, marine jipihtiare buhe pahũonohca —niha ticoro.

²⁶ —Yuhata jija Cristo —niha Jesu ticorore.

²⁷ To ñ ni yahuchu waro wihina sã to buheina sehe Jesu numino mehne to durucuchu ñuna, cãaa wahi. Ñ cãpanahta “¿Dohse cahmajari mahu? ¿Dohse nii nijari mahu ticorore?” ni sinitu ñerahi. ²⁸ Ñ jiro numino to suture tói duhu daponoca, macapu waha, masare yahuro, õ sehe niha:

²⁹ —Yu yoari cjirire yahu pahũorirore ñuna taga musa. Tiro potocãta Cristo jiboca pa tehe nino —niha ticoro.

³⁰ To ñ nichu tãhoa tí maca macaina sehe Jesure ñua taa nire. ³¹ Tí pjare sã Jesu buheina sehe tirore tuaro chu dutimai:

—Buheriro, chuga —nimai sã.

³² —Soro jia chũare cãaja yuhu. Tíre musa masierara —nire tiro.

³³ To ñ nichu tãhona sã basi õ sehe ni durucui:

—¿Paina tirore chũare wa tuhsũari? —nii sã basi.

Sã ñ nichu Jesu õ sehe ni yahure:

³⁴ —Masa sehe chu ji coara. Yuhure warocariro to cahmaare yoacu ji coaja yuhu sehe to yoa dutiriro seheta yoa pahũocu tacu. ³⁵ “Cuatro sãri dũhsara dicha naahtho”, wese puero to niriro seheta musa sehe ni tãhotuena tjiga. “Cohamacu yare sã yahuhto dũhsasinina”, ni tãhotuena tjiga. Potocã niita nija musare. Mipũ pinihtare masare ñuga. Dicha tichu musa naari pja to jiriho seheta, mipũ pinihta masa yu buheare ti tãhohti pja jiro nina. ³⁶ Toaa dichare naainare ti wapariho seheta yu yaina cjihti naainare yu yare buheinare ti ñ yoari wapa tinare noano yoaihtja yuhu. Ti ñ buhechu tãhoa yu buheare tãhoina yu yaina sehe Cohamacu mehne jipihtia dachoripe jirucuahca. Ñ jia tinare buhe mahtaina, baharo yu yaina jichu yoaina cũhu cũno potori wahcherucuahca.

³⁷ “Cãiro toa mahtariho jira. Pairo sehe toaa dichare nariro jira”, nia tiha panopu. Tí potocã tjira. Ti ñ niriro seheta cãina yu yare yahu mahtaina jira. Paina sehe yu yare buhea yu yaina jichu yoaina jira.

³⁸ Wese puero to yaina dahraina toeraina ti jipachata to toaa dichare tinare naa dutiro warocara. Tó seheta masare buhe mahtaeraina musa jipachata yu yaina

cjihiti yoa dutic̄a warocaja m̄sare. Paina sehe tinare buhe m̄hta tuhs̄re. Ti buherinap̄re pari turi buhe namona, ȳa yaina jich̄a yoanahca m̄sa sehe. ã jina buhe m̄htaina sehe ti yoadohoro mehne painare ȳa yaina jich̄a yoanahca m̄sa – nire Jesu.

³⁹ Tí pjare Samaria macaricoro “Ȳa yoari c̄jirire tiro yahu pah̄ore”, to ã nich̄a t̄hoa Samaria macaina paȳa Jesure wac̄u tua, tirore cahmaha. ⁴⁰ ã jia Samaria macaina Jesu cahai s̄a, “Sã mehne t̄jasiniga”, nire tirore. Ti ã nich̄a sã c̄h̄a tiro mehne p̄a dacho tóí t̄jasinii. ⁴¹ Paina c̄h̄a paȳa Jesure t̄hoa cahmare tirore. ⁴² Õ sehe nire masa numinore:

–Wahmanop̄re m̄ yahurire t̄hona, Jesure cahmahí. Mip̄a pinihtare Jesu to durucuare t̄hona tirore wac̄u tuana, tirore cahmaja. ã jina tiro sehere t̄hona ahri yahpa macainare pichacap̄a wahaborinare ȳhd̄ch̄a yoariro potocã to jich̄a mip̄a sã masija –nire masa Samaria macaricorore.

P̄h̄toro mac̄nore dohatirirore noariro wahach̄a yoaha Jesu

⁴³ P̄a dacho baharo Jesu sãre Galilea yahpap̄a s̄ho wahare. ⁴⁴ Wahmanop̄re ò sehe nia tire tiro: “Cohamac̄a yare yahu m̄htarirore to ya yahpa macaina tirore ño payoerara. ã jia ȳh̄re ño payoerara ò macaina òi ȳa b̄ch̄ariro jich̄a”, nia tire Jesu. ⁴⁵ ã jia Galileap̄a to s̄ch̄a tó macaina tirore noano piti bocare. Tó pano Jerusal̄i bose n̄m̄i Jesu Cohamac̄a tuaa mehne to yoach̄a ñ̄rina jire tina.

⁴⁶ ã yoa Canár̄p̄a Galileai jiri macap̄a core vino to wahach̄a yoari macap̄a wahaa wahai sã tiro mehne. Caná cahai jiri macai Capernau wama tiri macai jipihtina bui p̄h̄toro docai jiriro p̄h̄toro mac̄no dohatiro niha. ⁴⁷ Tuhs̄, Jesu Judeap̄a jiriro Galileap̄a to s̄ch̄a p̄h̄toro t̄hoha. Tíre t̄horo Jesu cahap̄a wihire:

–Ȳa mac̄a yariaro nihre. ã yoa tirore noariro wahach̄a yoai taga –ni tuaro mehne pjire tirore.

⁴⁸ To ã nich̄a t̄horo Jesu ò sehe ni ȳhtire:

–Cohamac̄a tuaa mehne ȳa yoach̄a ñ̄erana, ne ȳh̄re wac̄u tuaerara m̄sa –nire Jesu tirore.

⁴⁹ To ã nich̄a p̄h̄toro sehe ò sehe nire:

–P̄h̄toro, ȳa mac̄a to yariahto pano taga –nire tiro Jesure.

⁵⁰ –T̄juaahga. M̄a mac̄a catica –nire Jesu.

To ã nich̄a t̄horo, “To niriro seheta catirohca ȳa mac̄a” nino, p̄h̄toro t̄juaa wahare. ⁵¹ ã t̄juaarucirirore to cahamaca tirore piti boca, ò sehe ni yahuha:

–M̄a mac̄a catihre –ni yahuha tina tirore.

⁵² –¿Noho waroi sã jich̄a noariro wahari tiro? –ni sinituha tiro to cahamac̄a.

–Can̄re cohari p̄a baharocã juaro suruhre tirore –niha tina.

⁵³ Ti ã nich̄a t̄horo ò sehe ni t̄hotuha tiro: “Jesu ȳh̄re to ã ni yahuri p̄jaita juaro surua wahari jire”, ni t̄hotuha p̄h̄toro sehe. “Potocãta nino niri jira ȳh̄re” nino, tiro jipihtina to coyea mehne Jesure wac̄u tuaha.

⁵⁴ Jesu Judea yahpap̄a jiriro Galilea yahpap̄a to s̄ri baharo p̄h̄toro mac̄nore noariro to waharire mari quih̄ch̄a p̄a taha Cohamac̄a to tuaa mehne yoa ño tuhs̄re Jesu.

5

Tini masierarirore noariro wahach̄a yoaha Jesu

¹ Baharo judio masa Cohamac̄a sã ño payori bose n̄m̄ari jich̄a Jesu Jerusal̄ep̄a s̄re t̄joa. ² Tóí oveja wama tiri sopaca cahai cuhs̄ari copa jihre. Sã judio masa ya mehne nia Betesda wama tiri copa jihre. Tí copa cahai cinco tihamahnoera tahti poca jihre. ³ Tí tahti pocai paȳa dohatiina coãre. Capari ñ̄eraina, c̄a b̄h̄usehe dahporo ñ̄aina, p̄jac̄a b̄h̄aina tina tí copa cahai jia, [co ñ̄uhmi m̄a m̄janore cohtaa nire. ⁴ Tóp̄a buharo tí copa macaa core cãa tahari ñ̄uhmich̄a yoa m̄jare anjo. Tí copa macaa co ñ̄uhmiri baharo ña mio m̄htariro sehe dohse jiare dohatiare c̄mariro noariro wahare.] ⁵ ã yoa tóí treinta y ocho c̄hm̄ari waro dohatiriro jire. ⁶ Tóí to coãch̄a ñ̄ano to ã yoari p̄a dohatiriro jich̄a masire Jesu tirore. ã masino tirore ò sehe ni siniture:

—¿Pjacu dohatia marieriro ji duajari mahu? —nire Jesu.

⁷ To ã nichuta dohatiriro õ sehe ni yuhtire:

—Tí co to ñuhmichu yuhure co jiri coparu naboriro mariaha. Tí coparu yu ña mio duapachuta paina sehe yu pano ã ña mio maharucura —nire tiro Jesure.

⁸ —Wahcãrucaga. Mu coãri cahsarore naa, wahaga —nire Jesu tirore.

⁹ To ã nichuta dohatiriro sehe to coãri cahsarore naa, ducu ducare. Tí dacho Sabado judio masa sã sori namu jire. ¹⁰ Tí dachoi Jesu to ã yoachu ña judio masa sã puhto sehe dohatiriro cjirore õ sehe ni yahuha:

—Michare Sabado dacho mari sori namu jipachuta mu coãri cahsarore naahna mahu. ã yoacu mari dutiare yuhdurucai nina mahu —niha tina tirore.

¹¹ —Yuhure yu dohatiare cohãriro sehe õ sehe nire yuhure: “Mu coãri cahsarore na, wahaga”, nire tiro yuhure —ni yuhtiha dohatiriro cjiro.

¹² —¿Tíre mahu ã niriro sehe diro baro jijari tiro? —ni sinituha tina.

¹³ Tóí masa payu ti jichu ñano Jesu sehe waha tuhsaha. ã jiro dohatiriro cjiro sehe tirore noariro wahachu yoarirore to wamare masieraha. ¹⁴ Baharo Cohamacu wahuí Jesu tirore piti boca, õ sehe ni yahure:

—Tuhosiniga mahu yuhure. Mipure noano pjacu tira mahu. Ñaare yoa namoi tjiga. Pari turi ñaare yoa namocu mu dohatiriro yuhdoro wahaihca mahu —nire Jesu tirore.

¹⁵ To ã niri baharo dohatiriro cjiro sehe sã judio masa puhto tirore sinituina cjiro caharu suro, õ sehe ni yahuha tinare:

—Jesu wama tiriro yuhure noariro wahachu yoahre —ni yahuha tiro.

¹⁶ ã yoa Sabado jichu Jesu dohatirirore to dohatiare to cohãchu masia judio masa sã puhto sehe tirore ñu tuhtia, yahusãa dua ducare.

¹⁷ ã tirore ti yahusãa duachu masino Jesu sehe õ sehe ni yahure tinare:

—Yu Pucu mipure dahrasinina. Yuhu cãhu dahrasinii nija —ni yahure tirore yahusãa duainare.

¹⁸ To ã nichu judio masa sã puhto sehe tiro mehne tuaro suaa, tó pano ti niriro yuhdoro tirore wajã duare. Sabado dachore sã sori namure cãirore to noariro yoachu ña tina suare. ã suaa tiro Cohamacure “Yu Pucu” to nichu tuhoa, tina sehe tó pano ti niriro yuhdoro sua namoha tjoa. “ ‘Yuhu Pucu’ nino, Jesu to basi ‘Cohamacu mehne cãno potori jija’, ni wacũca tiro”, ni tuhoture judio masa sã puhto.

Jesu Cohamacu to warocariro jira

¹⁹ ã yoa Jesu tinare õ sehe ni yahure:

—Potocã musare niita nija. Yuhu, Cohamacu macano, yu mu suro yoaeraja. Yu Pucu to yoarire ñuch, tíre yoaja. ²⁰ Yu Pucu yuhure, to macunore, cahina. ã jiro to yoarire yuhure ño pahõna. Ahri mipu to tuua mehne yu yoari yuhdoro tiro payere yoa dutirohca yuhure. To ã yoa dutichu to tuua mehne yoa ñoihca yuhu. ã jina ñu cyanahca musa. ²¹ Yu Pucu yariarinare to masoriro seheta yuhu cãhu yu cahmainare masoihtja. ²²⁻²³ Ne yu Pucu sehe masa ti ñaa buhirire buhiri dahreriro jierara. Yuhu sehere tíre ti ñaa buhirire buhiri dahretirore cãre yu Pucu. Jipihtina masa tirore ti ño payoriro seheta yuhu cãhure ti ño payohti cjihtire buhiri dahretirore cãre yuhure. Yuhure to macunore ño payoerana yu Pucu cãhure ño payoerara musa. Tiro jira yuhure warocariro —nire Jesu.

²⁴ ã ni tuhsu õ sehe ni yahu namore:

—Potocãta musare nii nija. Yu durucuare tuhoina yuhure warocarirore wacũ tuaina jipihtia dachoripe manoru ã jirucuahca. ã jicu tinare buhiri dahresi yuhu. ã jia tina pichacaru wahaborina yuhduahca. ²⁵ Potocã musare niita nija. Pichacaru wahahtina yuhure Cohamacu macunore ti tuhohti pja mipu jira. Baharoru cãhure yuhure tina tuhoahca tjoa. ã tuhoa tuho nunina sehe Cohamacu mehne ã jirucuahca. ²⁶ Cohamacu yu Pucu sehe ã jirucuchu yoariro jira. ã jiro yuhure to macunore ã jirucuchu yoahiro ji dutire tiro yuhure. ²⁷ ã jicu yuhu masano Cohamacu to warocariro yu jichu tiro masare buhiri dahretirore cãre yuhure. ²⁸ Ahrire tuhona, tuho cãaena tjiga musa.

Pa dachopure jipihtina yariaina masa coparipm̄ jiina ym̄ durucuchm̄ tũhoahca. ²⁹ Æ tũhoa, noaare yoaina cjiri jipihtia dachoripe Cohamacm̄ mehne jihtina cjihti masa m̄jaahca. Ñaare yoaina cjiri sehe ñaare ti yoari buhiri pichacarm̄ wahaahca –ni yahure Jesu.

³⁰ Æ ni tuhs̄m̄ õ sehe ni yahu namore:

–Ym̄m̄ ym̄ m̄ s̄m̄ro ne yoaeraja. Ne ym̄ basi ym̄ cahmano yoa duaeraja. Ym̄h̄ure warocariro to dutiriro seheta yoa duaja. Æ jicm̄ to niriro seheta buhiri dahreja. Tuhs̄m̄ ym̄h̄ure masare buhiri dahrecm̄ quihõnota yoaja. ³¹ “Ym̄h̄ure tuariro jija”, ym̄ ni yahuchm̄ “M̄ yahua ne quihõno jierara”, ni masiboca m̄sa. ³² Pairo jira ym̄h̄ure yahuriro. Tiro João sehe masare yahure ym̄h̄ure. Masare ym̄h̄ure to yahuri cjiri quihõno tjira. Tíre ym̄h̄ure noano masija. ³³ M̄sa paina sehene João pure ym̄h̄ure sinitu dutina warocare. Æ jiro potocãta yahure tiro m̄sare. ³⁴ “Cohamacm̄ mac̄no jira ahriro”, ym̄h̄ure ni yahuhtinare macaeraja. Æ macaerapac̄ta João mas̄no to jipach̄ta ym̄h̄ure “Cohamacm̄ mac̄no jira”, to ni yahurire yahui nija. M̄sa ym̄h̄ure wac̄u tuahti cjihtire, m̄sa pichacarm̄ wahaborina m̄sa ym̄h̄ure cjihtire ym̄h̄ure João to yahurire yahui nija. ³⁵ Sihãria mahaa dachoricã to ñm̄ masichm̄ yoaro seheta João m̄sare buhe m̄htano mahanocã to catiro puro m̄sare masichm̄ yoare. To Æ buhechm̄ tũhona mahaa dachoricã wahchere m̄sa. ³⁶ Ym̄ jia tiare to Æ buhepach̄ta Cohamacm̄ sehe ym̄ jiare noano yahura. To Æ yahuchm̄ João ym̄ jiare to yahua ym̄h̄oro jira Cohamacm̄ ya yahua. Æ jicm̄ Cohamacm̄ to tuaa mehne ym̄h̄ure to yoa dutiri cjirire mipm̄ yoai nija. Ahriro ym̄ yoachm̄ ñm̄na potocãta Cohamacm̄ to warocariro ym̄ jiare masina m̄sa. ³⁷ Æ yoa ym̄ P̄m̄c̄m̄ ym̄h̄ure warocariro to basi “Tiro ym̄ warocariro jira”, ni yahura m̄sare. To Æ ni yahupach̄ta to durucua ne tũhoerare m̄sa. Æ jina m̄sa tirore ne masierare. ³⁸ Ym̄h̄ure Cohamacm̄ warocarirore m̄sa ne tũho duaerare. Æ jina m̄sa Cohamacm̄ yare ne cahmaerare. ³⁹ Cohamacm̄ yare ti joari pũre m̄sa buhena, “Mari ahri pũre buhena

jipihtia dachoripe Cohamacm̄ mehne Æ jirucunahca”, nina m̄sa. Tí pũita ym̄h̄ure yahura. ⁴⁰ Tí pũ ym̄h̄ure to yahupach̄ta m̄sa sehe ym̄h̄ure cahmaerara. Jipihtia dachoripe Cohamacm̄ mehne m̄sa Æ jirucuti cjihtire ym̄h̄ure sini duaerara m̄sa –ni yahure Jesu.

⁴¹ Æ ni tuhs̄m̄ õ sehe ni namore:

–Ym̄h̄ure m̄sa ño payoerachm̄ ñm̄c̄m̄ suaeraja ym̄h̄ure sehe. ⁴² M̄sa sehe Cohamacm̄ m̄sa cah̄erachm̄ masija ym̄h̄ure. ⁴³ Cohamacm̄ ym̄ P̄m̄c̄m̄ ym̄h̄ure to dutiriro seheta ym̄ tapach̄ta m̄sa ym̄h̄ure cahmaerare. Pairo sehene Cohamacm̄ tirore warocaerariro to jipach̄ta to m̄ s̄m̄ro to tapach̄ta tiro sehene cahmanahca m̄sa. ⁴⁴ Paina masa m̄sare ti ño payochm̄ cahmana m̄sa. Cohamacm̄ m̄sa mehne to ji coachm̄ cahmaerara m̄sa. Tiro dihta Cohamacm̄ waro jira. Æ cahmaerana ym̄h̄ure tũhoerara m̄sa. Ym̄h̄ure wac̄u tuaerara. ⁴⁵ M̄sare ym̄ P̄m̄c̄m̄ pure ne yahusãsi ym̄h̄ure. Tíre masiga m̄sa. Moise cjiro to joari pũ sehe m̄sare yahusãnohca. “Tí pũ macaa dutiare mari yoa pah̄õna, Cohamacm̄ cahai wahanahca”, m̄sa niri pũ sehe m̄sare yahusãnohca. ⁴⁶ Moise cjiro to joari pũi ym̄h̄ure sehene yahua. Æ jina tí pũre “Potocã tjira” nina, ym̄ yahua cãh̄ure “Potocã tjira”, niboia m̄sa. ⁴⁷ Moise cjiro to joari pũre “Potocã tjira” nierana, ym̄ ya durucua cãh̄ure “Potocã tjira”, nisi m̄sa –nire Jesu tinare.

6

*Cinco mil bui masare ch̄na waha Jesu
(Mt 14.13-21; Mr 6.30-44; Lc 9.10-17)*

¹ Æ to buheri baharo yoa cureri pja baharo Galilea wama tiri b̄c̄m̄pariro pa buhusehe coarm̄ sã to buheinare Jesu s̄ho pahãa wahare. Tí taro pjiri taro pa wama Tiberia wama tire. ² Tó pano Galilea yahpai Jesu Cohamacm̄ tuaa mehne yoa ño, dohatiinare ti dohatiare to cohãchm̄ masa ñm̄na tire. Æ jia Jesu to pahãchm̄ ñm̄na, masa paym̄ tirore n̄m̄m̄ ti pahãre. ³ Æ yoa baharo tí taro d̄m̄ht̄m̄ caharm̄ Jesu sãre s̄ho pahã s̄m̄, t̄c̄m̄p̄m̄ m̄ja, t̄m̄ buipm̄ sãre s̄ho dujire. ⁴ Tí dachore Pascua wama tiri b̄ose n̄m̄m̄ cjihto, sã judio masa ya b̄ose n̄m̄m̄ s̄hti

dacho cjihto mahaa dachoricã dũhsare. ⁵⁻⁶ Tópũ dujiro, Jesu payũ masa to cahapũ ti tarucuchũ ñũre. Æ ñũno Felipere õ sehe ni sinitu ñũre:

—¿Ahrina masa ti chũhti cjihtire nohopũ nuchũnahcari mari? —nire Felipere.

Jesu to basi to yoahdire masiparota Felipere ã sinitu ñũre “¿Dohse ni yũhtirohcari?” nino. ⁷ To ã sinitu ñũchũ tãhoro Felipe sehe õ sehe ni yũhtire:

—Ocho sũri posa dahra wapataa niñeru mehne chũare mari nuchũpachũta masare cãinare daacã chũare mari witipachũta ne mũ sũsi —nire Felipe Jesure.

⁸ Æ yoa paio, sã mehne macariro Andre, Simo Pedro bahũro sehe Jesure õ sehe ni yahure:

⁹ —Ahriri wahma wahmũa tariro cinco pão curirire, ã jichũ wahi pũarocã cãhũre cjũara. Wiho mejeta masa sehe payũbia jira. Æ jiro ahri mahanocã chũa ne mũ sũsi —nire Andre.

¹⁰ To ã niri baharo:

—Masare duji dutiga mũsa —nire Jesu sã to buheinare.

Tói daacã tja jiro jire. Sã duji dutichũ masa nuju sũ pihtiare tja bui. Tina mũa dihtare sã quihõchũ cinco mil wahtaroi jire. ¹¹ Ti ã nuju sũchũ ñũno Jesu sehe pãore na, Cohamacũre “Noana”, nire. Æ ni tuhsũrota sãre to buheinare witi dutire. To ã dutichũ sã sehe tói dujiinare witi wahcãi. Tuhsũ, pũaro wahi cãhũre witihi tinare. Jipihinare noano ti chũ duaro puro chũare tinare witihi. ¹² Baharo masa sehe yapi yũhdũa wahare. Ti ã yapi yũhdũachũ ñũno Jesu sãre õ sehe ni yahure:

—Ti chũ dũharire noano saa cahmachu pahũoga. Æ yoana ti chũ dũhaare ne bosì —nire.

¹³ To ã nichũ tũhona sã sehe cinco pão curiri dũhsarire sã saa cahmachuchũ doce pũhũse waro wijare. ¹⁴ Æ jia Jesu tũre to tuua mehne to yoa ñochũ ñũa, masa sehe õ sehe nire:

—Potocãta jira. Ahriri Cohamacũ yare yahu mũhtariri ahri yahpapũ “Tarohca”, ti niriro mari cohtariri tjira —nire tina.

¹⁵ Æ jia tina Jesure ti pũhtoro jihtiro cjih-tore ñaha sõ duamare. Jesu ti ã ni tũhotuare

masino pari turi cãirota tũcupũ wahaa wahare.

Jesu co bui ducu wahcãha
(Mt 14.22-27; Mr 6.45-52)

¹⁶ Æ namichahapũ sã to buheina bucupariropũ buhai. ¹⁷ Tópũre buhu sũ, dohoriapũ samu, Capernau wama tiri macapũ majare pahãi. Tí pjare sã majare pahãri pjare ñamipũ jire. Jesu sehe sã cahapũ tju wihierasire mini. ¹⁸ Sã ã majare pahãno watoi wihnono tuaro sãre tachũ, pahcõri bujũa pahcõri wahcãre. ¹⁹ Sã cinco kilómetro sũboro waroi sã sũchũ waro Jesu sãre mũ sũre. Co buipũ to tachũ ñũi sã. Æ sã cahai to tachũ ñũna, sã sehe cũa yũhdũa wahacũũ. ²⁰ Sã ã cũa yũhdũachũ ñũno tiro sãre õ sehe ni yahure:

—Cuiena tjiga. Yũhũta jija —nire Jesu.

²¹ To ã nichũ tũhona sã wahchea mehne tirore piti boca samu dutihi. To samuri baharocãta wacũenoca sã wahari yahpapũre pahã sũ tuhsũhi.

Masa sehe Jesure macaha

²² Æ yoa tí ñamine masa bucupariro pa buhũsehe coapũ tjuaina sehe sã yaria buşoca, sã pahãhtia cũria to jichũ ñũre. Tia mehne sã sahsero sã pahã wahachũ cãhũre ñũre tina. Tuhsũ Jesu sã mehne to pahãerachũ ñũre tina. Æ jia pa dachoi tirore tói cohtaa niri jimare tina. ²³ Ti ã cohtaroi watoi, paye buşo, Tiberia wama tiri macapũ taa buşo Jesu Cohamacũre “Noana”, to niriro cahacã cureropũ, masare to chũa witiro cahacã cureropũ wahã sũri jire tí buşo. ²⁴ Æ yoa sãre Jesu to sũho jimarirore to mariachũ ñũa, masa tí buşopũ samu, Capernaupũ sãre nũnũ ti pahã tari jire, Jesure maca taa.

Jesu catichũ yoaa chũa yoaro sehe jiriro jira

²⁵ Ti pahã wihiri baharo, Jesure boca wihi, tina masa õ sehe ni sinitu ñũre tirore: —Buheriro, ¿dohse jichũ tari mũhũ õpũre? —ni sinitu ñũre tina.

²⁶ Ti ã ni sinitu ñũchũ, Jesu tinare õ sehe ni yahure:

—Potocã niita nija mũsare. Yũhũ mũsare Cohamacũ tuua mehne yũ yoa ñopachũta yũhũre sehere wacũ tuaerara mũsa. Yũhũre wacũ tuaerapanahta yũhũre

macana m̄sa. Ȳh̄u mehne b̄j̄na ch̄u, m̄sa yapirina cjiri jina ȳh̄ure maca tari jira m̄sa. ²⁷ Wiho mejeta ch̄u ne ã jirucuerara. Baharop̄u pihtia wahara. Æ jina tíre ã macarucuena tjiga m̄sa. Paye baro ch̄u soro jia ch̄ure macaga m̄sa. Tí soro jia ch̄ure bocana jipihtia dachoripe Cohamac̄u mehne jirucunahca. Æ jia tí ch̄u pinihta ne pihtisi. Tí ch̄ure ȳh̄u mas̄no Cohamac̄u warocariro m̄sare waihtja. Cohamac̄u ȳ P̄sc̄u ȳh̄ure tí baro ch̄ure wa dutiriro jira. Tirota to warocariro ȳ jiare ño tuhs̄ure m̄sare – nire Jesu.

²⁸ To ã nich̄u t̄h̄oa tina õ sehe ni sinitu ñ̄ure tirore:

–¿Cohamac̄u to yoa dutiare yoana tana dohse yoanahcari sã? –ni sinitu ñ̄ure tina.

Jesu sehe ti ã nich̄u t̄h̄oro, õ sehe ni ȳhtire tinare:

²⁹ –Cohamac̄u m̄sare õ sehe dutira. To warocarirore m̄sa noano t̄h̄o, wac̄u tuach̄u cahmana tiro –ni ȳhtire Jesu.

³⁰ To ã nich̄u t̄h̄oa tina õ sehe nire tjoa:

–Cohamac̄u warocariro jic̄u tiro to tuaa mehne yoa ñoga s̄are m̄h̄ure sã noano wac̄u tuahto cjihtore. ¿Yaba barore yoa ñobocari m̄h̄u? ³¹ Mari ñ̄ch̄us̄uma cjirip̄u panop̄u macaina masa marienop̄u maná wama wama tiare ch̄u tiha. Cohamac̄u yare ti joari p̄p̄u õ sehe ni yahura: “Tiro tinare m̄ano macaa ch̄ure waa tiha ti ch̄hti cjihtire”, ni joaa tiha Cohamac̄u yare ti joari p̄p̄u. ¿To ã yoiriro seheta yoaihcaro m̄h̄u c̄h̄u? –nire tina.

³² Tí ã nich̄u t̄h̄oro õ sehe ni yahure Jesu tinare:

–Potocã m̄sare niita nija: Moise cjiro m̄ano macaa ch̄ure waera tire m̄sare. Ȳ P̄sc̄u sehe m̄ano macaa ch̄ure potocã jia ch̄ure m̄sare wariro jira. ³³ Cohamac̄u to ch̄u m̄anop̄u duji ta, jipihtiro yahpa macainare catich̄u yoa masina –nire Jesu tinare.

³⁴ –P̄h̄toro, dachoripe tí baro ch̄ure ã warucuga s̄are –nire tina.

³⁵ Tí ã nich̄u t̄h̄oro, Jesu sehe õ sehe ni yahure tinare tjoa:

–Ȳh̄u sehe catich̄u yoaa ch̄u yoaro sehe jiriro jija. Mari ya ch̄ure mari ch̄uri baharocãta dóicãta j̄ca baa wahaja mari tjoa. Sihnia c̄h̄ure mari sihniri baharocãta

ñ̄ahma yapioa wahaja tjoa. Wiho mejeta diro ȳh̄ure cahmariro, ȳh̄ure wac̄u tuariro, ne j̄ca baaerariro yoaro seheta to wahchea sehe tirore ne pihtisi. ³⁶ M̄sa sehe ȳh̄ure ñ̄panahta ȳh̄ure wac̄u tu-aerasinina mini. Tíreta m̄sare yahumahi ȳh̄u. ³⁷ Jipihtina ȳ P̄sc̄u ȳ yaina cjihtire ȳh̄ure to c̄rina sehe ȳh̄ure cahmaahca. Æ jii ȳh̄ure cahmainare ne cohãsi ȳh̄u. ³⁸ M̄anop̄u tac̄u ȳ cahmano yoai tai nierahi. Ȳh̄ure warocariro to cahmariro seheta yoai tai nii ȳh̄u. ³⁹ Ahrita jira ȳh̄ure warocariro to cahmaa waro: Jipihtina ȳ yaina cjihti ȳh̄ure to warina cjirire ȳ boerach̄u cahmana ȳh̄ure warocariro pihtiri dachoi ti masa m̄jahto cjihtore. ⁴⁰ Jipihtina ȳh̄ure Cohamac̄u mac̄nore ñ̄ina, ȳh̄ure wac̄u tuaina jipihtia dachoripe tiro mehne ti jirucuch̄u cahmana ȳ P̄sc̄u. Æ jic̄u pihtiri dachoi tinare masoihtja –nire Jesu.

⁴¹ “Ȳh̄u m̄anop̄u taa ch̄u yoaro sehe jiriro jija”, to nich̄u t̄h̄oa judio masa sã p̄h̄toa sehe tiro mehne sua, ⁴² ti basi Jesure ñ̄ano ni durucure:

–¿Ahriro Jesu José mac̄no jierajari? To p̄sc̄uro, to pocoro c̄h̄ure mari masija. Tuhs̄u mari yoaro sehe p̄jac̄u tiriota jira. ¿Æ jiparota dohsearo “M̄anop̄u tahi”, nijari tiro? –ni suare tina.

⁴³ Tí ã nich̄u t̄h̄oro Jesu õ sehe ni yahure tinare:

–M̄sa ȳh̄ure ñ̄ano ni durucuena tjiga.

⁴⁴ Ȳ P̄sc̄u ȳh̄ure warocariro sehe masare ȳh̄u sehere cahmach̄u yoara. To ã yoerach̄u masa sehe ȳ yaina ji masieraboa. Pihtiri dachoi ȳ yainare masoihca ȳh̄u. ⁴⁵ Cohamac̄u yare yahu m̄htaina cjiri sehe õ sehe ni joaa tiha: “Cohamac̄u tinare buherohca”, ni joaa tiha Cohamac̄u yare yahu m̄htaina cjirip̄u. Jipihtina ȳ P̄sc̄u to buheare t̄h̄oina, tirore ȳhtiina ȳh̄ure cahmana. Æ jia ȳ yaina jira.

⁴⁶ Ȳ P̄sc̄u ne c̄iro mas̄no ñ̄erare. Ȳh̄u Cohamac̄u warocariro dihta ȳ P̄sc̄u ñ̄ahi. ⁴⁷ Potocã niita nija m̄sare. Ȳh̄ure wac̄u tuariro jipihtia dachoripe ȳ P̄sc̄u mehne ã jirucurohca. ⁴⁸ Ȳh̄u catich̄u yoaa ch̄u yoaro sehe jiriro jija. ⁴⁹ M̄sa ñ̄ch̄us̄uma cjiri masa marienop̄u

manáre chaa tiha. ã tíre chupahta yariaa wahaa tiha. ⁵⁰ Mhanopu taa chaa yu nia chaa masano churo, ne pichacaru wahasi. ⁵¹ Yuhu mhanopu taa chaa catichu yoaa chaa yoaro sehe jiri jija. Ahri chaa churi jipihia dachoripe yu Pucu mehne ã jirucurohca. Ahri chaa catichu yoaa chaa yoaro sehe jia yu pjacuta jira. Jipihiri yahpa macaina Cohamacu mehne ti ã jirucuhti cjihtire yu pjacure waihtja. ã wacu yariaihca —nire Jesu.

⁵² To ã nichu tuhoa sã coyea judio masa sehe tíre õ sehe ni durucure ti basi:

—¿Ahri dohse yoa to pjacure chuhti cjihtire warohcari? —nire tina ti basi.

⁵³ Ti ã nichu tuhoro Jesu õ sehe ni yahure:

—Potocã niita nija musare. Yuhu masano Cohamacu warocariro jija. Yu pjacure chuerariro, yu dire sihnierariro Cohamacu ya catia mehne ã jirucusi. ⁵⁴ Yu pjacure churi, yu dire sihniriro yu ya catia mehne ã jirucurohca. ã jicu pihiri dachoi tirore masoihtja. ⁵⁵ Yu pjacu potocãta chaa waro yoaro sehe jira. Yu di potocãta sihnia waro yoaro sehe jira. ⁵⁶ Yu pjacure churi yu dire sihniriro yuhu mehne wahchea mehne jirucura. Yuhu cãhu tiro mehne wahchea mehne jirucuja. ⁵⁷ Yu Pucu yuhure warocariro ã jirucura. ã jirucuro, yuhu cãhure ã jirucuchu yoara. ã jia yuhure ã jirucurire masa chaa, Cohamacu mehne mhanopu ã jirucuahca tina cãhu. ⁵⁸ Ahrita jira mhanopu taa chaa. Mari ñuchusuma cjiri maná wama tia ti churi cjiri yoaro sehe jierara ahri chaa. Tina sehe tí chaa chupahta yariaa wahaa tiha. Ahri chaa sehere churi mhanopu ã jirucurohca —nire Jesu.

⁵⁹ Capernaupu judio masa sã buheri wahu Jesu buhero, ãta ni yahure.

Jesu buheare tuhona mhanopu ã jirucunahca mari

⁶⁰ Payu Jesure cahmaina to ã ni buheare tuhoa, õ sehe ni durucure:

—Ahri buhea nucu mijona. ã jina mari tuho duaera cureja —ni durucure tina ti basi.

⁶¹ Ti ã nichu Jesu sehe ti durucure masire. ã masino tiro õ sehe ni siniture tinare:

—¿Ahri buheare tuhona suajari musa? ⁶² ¿Yuhu masano Cohamacu warocariro mhanopu yu tjuaa wahachu ñana dohse ni tuhotubocari musa? ⁶³ Espiritu Santo masanore catichu yoara. Masa sehe ti basi catichu yoerara. Espiritu Santo masare to catichu yoariro seheta yu buhea sehe musare Cohamacu mehne ã jirucuchu yoara. ⁶⁴ Cãina musa mehne macaina ne yuhure wacu tuaerara —nire Jesu.

Wahmanopure Jesu tirore wacu tu-aerainare masire. Tirore ñu tuhtinare ñohtiro cãhure masi tuhure. ã tirore wacu tuaerainare masino “Cãina musa mehne macaina yuhure wacu tuaerara”, nire Jesu.

⁶⁵ ã ni tuhu õ sehe ni namore:

—Õ sehe ni yahumahi musare: “Yu Pucu sehe masare yuhu sehere cahmachu yoara. To ã yoerachu masa sehe yu yaina ji masierabo”, musare nii nimahi —nire Jesu.

⁶⁶ To ã ni buhechu tuhoa payu Jesure cahmamarina cjiri tirore cohã, tiro mehne pari turi wahaerare. ⁶⁷ Ti ã yoachu ñano Jesu sãre doce to buheinare õ sehe ni siniture:

—¿Musa cãhu yuhure cohãnahcari? —ni siniture sãre.

⁶⁸ To ã nichu Simo Pedro õ sehe ni yuhtire tirore:

—Puhtoro, sãre paio buheriro mari-ahna. Mu ya buheare tuhona Cohamacu mehne ã jirucunahca sã. Mu ya buhea dihta tíre yahura sãre. ⁶⁹ ã jina sã mähure wacu tuaja. ã yoa mähno noariro, Cohamacu macano to warocariro mu jichu sã masija. ã jina mähure cohãsi sã —nire Simo Pedro Jesure.

⁷⁰ To ã nichu tuhoro Jesu õ sehe ni yahure sãre:

—Yuhu sehe musare doce besehi. Wiho mejeta cãiro musa mehne macariro watino yairo cjihto jira —nire sãre to buheinare.

⁷¹ ã nino Judare Simo Iscariote macanore nino niri jire. Juda sehe doce buheina sã mehne macariro Jesure ñu tuhtinare ñohtiro jire.

7

Jesu bahana tirore “Cohamacu macano jira”, ni masieraha

¹ Baharo Jesu Galilea yahpai tinino wahare. Judea yahpai judio masa tirore wajã duare. Ti ã wajã duach_u masino tiro tí yahpap_u wahaerare. ² Judio masa daa w_uh_usecã sã yoah_uti n_um_uri b_use n_um_uri mahanocã d_uhsatjiãhre. ³ ã jia Jesu bahana tirore õ sehe ni yahure:

—Judeap_u wahaga. Tó_i m_u yainare Cohamac_u tuaa mehne m_u ñohtiro cjihto wahaga m_uh_u. ⁴ Masare yoa ño duac_u yaeraro cahmana m_uh_ure. Yoa ñono cahmana. Potocãta Cohamac_u tuaa mehne yoariro jic_u tíre masare ñoga —nimare tina.

⁵ To bahana jipahta Jesure “Cohamac_u mac_uno jira”, nierare. ã jia, ã nire tina tirore. ⁶ Ti ã niri baharo Jesu õ sehe ni yahure tinare:

—Masa y_uh_ure ti noano masihti pja d_uhsasinina mini. M_usa sehe ñ_u duana b_use n_um_uri jich_u waha masina. ⁷ Ahri yahpa macaina m_usare ñ_u tuhtierara. Y_uh_u ti ñaa buhirire y_u yahuch_u tina y_uh_u sehere ñ_u tuhtira. ⁸ Bose n_um_u jich_u wahaga m_usa sahsero. Y_uh_ure y_u wahahto d_uhsasinina mini. ã jic_u y_uh_u sehe b_use n_um_urine ñ_ui wahaerasinija —nire Jesu tinare.

⁹ ã nino tiro Galileai tjuare.

Jesu daa w_uh_usericã ti yoari n_um_uri b_use n_um_uri jich_u wahaha

¹⁰ Bose n_um_urip_u Jesu bahana ti ñ_u wahari baharo Jesu c_uh_u ti baharo wahare. ã waharo masa ti ñ_ueraro watoi wahare. ¹¹ Bose n_um_urihi jiina judio masa sã p_uh_utoa tirore macare:

—¿Nohop_u jicari tiro? —ni sinituha tina.

¹² ã jia masa c_uh_u Jesure pay_u yahuwajaha. Paina “Tiro noariro jira”, niha. Paina sehe “Tiro ñariro jira. Masare mahñoriro jira”, ni yahuwajaha tina.

¹³ ã nipahta judio masa sã p_uh_utoare cuia, masa ti ñ_uerarop_u Jesure yahuwajaha.

¹⁴ Bose n_um_uri dacho macai Cohamac_u w_uh_urip_u Jesu sãa s_uro, buhere. ¹⁵ To ã buhech_u sã coy_uea judio masa t_uho c_uaa waha, õ sehe nire:

—¿Ahriro buherop_u buhemahnoerariro jiparota dohsearo noano masi pahñonocajari? —nire tina tirore.

¹⁶ Ti ã nich_u Jesu õ sehe ni yahure tinare:

—Y_u buheri cjiri y_u ya durucua jierara. Y_uh_ure warocariro ya durucua sehe jira ahri buhea. ¹⁷ Cohamac_u cahmaare yoa duaina y_u buhea sehere Cohamac_u ya durucua ti jich_u masiahca. Y_u m_u s_uro y_u buherach_u c_uh_ure masiahca tina. ¹⁸ Cãiro to m_u s_uro to masia mehne buheriro jiro “Y_uh_u dihtare ño payoga”, niriro jira tiro. Wiho mejeta y_uh_ure warocariro sehere m_usa ño payoch_u cahmaja y_uh_u sehe. Y_u ã nich_u t_uhona “Potocã durucuriro jira tiro. Ne mahñoerara”, ni masinahca m_usa.

¹⁹ Cohamac_u dutiare Moise cjiro sehe c_uã tiha m_usare. To ã c_upach_uta m_usa jipihtina tí dutia sehere ne y_uhtierare. ¿Dohseana y_uh_ure wajã duajari m_usa? —nire Jesu sã coy_uea judio masare.

²⁰ —M_uh_u t_uho masierariro, wat_uño to cohtotariro jira. M_uh_ure wajã duaina mari-ahna —ni y_uhtire tina Jesure.

Ti ã nich_u Jesu õ sehe ni y_uhtire:

²¹ —Sori n_um_u Sabado jich_u c_u tahata Cohamac_u tuaa mehne dohatiriro to dohatiare y_u cohãch_u m_usa ñ_u c_uaa wahare.

²² Mari ñ_uch_us_uma cjiri panop_u macaina sehe ti pjac_ure mahanocã cahsarocãre yihsoina ti yoariro seheta Moise cjiro yihso dutiha. To ã dutich_u Sabado mari sori n_um_u jipach_uta mas_uno_ure to pjac_ure mahanocã cahsarocãre yihso_ura m_usa.

²³ Sabado jich_u mas_uno_ure to pjac_ure mahanocã cahsarocãre yihso_ura m_usa, Moise cjiro dutiri cjirire yoana tana. ¿M_usa c_uh_u Sabado dachoi tíre yoapanah_uta tí dachoi dohatirirore jipihtia to pjac_ure noariro y_u yoach_u ñ_una dohseana y_uh_u mehne suari m_usa? ²⁴ Y_u yoarire m_usa noano masierapanah_uta, y_uh_ure ñ_uno t_uhotuena tjiga. M_usa noano masiri baharo y_uh_ure m_usa t_uhotua potocã tjahca —nire Jesu.

Jesu wahmanop_u to tarirore yahuha

²⁵ To ã ni yahuri baharo mahainacã Jerusalē macaina tirore õ sehe ni yahuwajare:

—¿Ahriro judio masa p_uh_utoa ti wajã duariro jierajari? ²⁶ ã tirore ti wajã duapach_uta jipihtina panoi masare buhero nina tiro. Wiho mejeta tirore wajã duaina jipahta ã ñ_unocahna. “Tiro potocãta Cristo jira”, ¿ni t_uhotubocari p_uh_utoa

sehe? ²⁷ Wiho mejeta ahriro Jesu to tarirore sã masija. Cristo sehe masare yuhduchu yoah tiro to tachu to tariro sehere masimahnoerara. Æ jiro masare yuhduchu yoah tiro Cristo waro jierara Jesu –ni yahuwajare tina Jerusalẽ macaina.

²⁸ Ti ã niare masino, Jesu õ sehe ni tuaro sañurucu buhere Cohamacu wahu:

–Yuhure õ sehe ni tuhutura musa: “Tirore masija. Æ jina to tariro cãhure masija”, ni tuhutumana musa. Musa ã ni tuhutupanahta yuhure warocarirore ne masierara musa. Yuhure warocariro potocã niriro, potocã yoariro jira. Tirore ne masierara musa. ²⁹ Tirota yuhure warocare. Æ jicu tiro cahapãta tahi. Æ jicu yuhure sehe tirore masija –nire Jesu judio masare.

³⁰ To ã nichu tuhõa tirore ñaha duamare. Ti ã ñaha duapachãta Jesu to ñano yuhduhti pja duhsasinire. Æ jia tina tirore ñaha masierare. ³¹ Paina masa sehe payu tirore wacũ tua, õ sehe nire:

–Ahriro Jesu sehe payu tahari Cohamacu to tuua mehne yoa ño tuhsure. Jipihtina paina yuhdoro Cohamacu tuua mehne yoa ñohna tiro. Æ yoarota Cristo Cohamacu to warocariro tjira ahriro Jesu –nire Jesure wahma wacũ tua ducaina.

Fariseo curua macaina Jesure peresu yoa dutiha

³² Masa Jesure ti ã ni durucuchu tuhõa sacerdotea puhto, fariseo curua macaina mehne Jesure ñaha dutia warocaha surarare.

³³ Æ jiro Jesu judio masare õ sehe nire:

–Mahaa dachoricã musa mehne jisinihca. Æ jicu baharocãta yuhure warocariro cahapu wahaihca. ³⁴ Yu jihõpu musa waha masierara. Æ jina yuhure macapanahta ne bocasi musa –nire Jesu judio masare.

³⁵ To ã nichu tuhõa tina ti basi õ sehe ni durucure:

–¿Ahriro ã nino nohopu wahabocari, musa tuhõtuchu? ¿Griego masa cahai judio masa waha siteina ti jia macari cjiropu griego masapure buhero wahabocari ahriro? ³⁶ “Yu jihõpu musa waha masierara. Æ jina musa yuhure macapanahta ne bocasi”, to nichu ¿dohse nino baro ahriro ã nijari? –ni durucure judio masa ti basi.

Caticu yoaa marine yahuha Jesu

³⁷ Bose namari pihtiri dacho tí dacho waro jiro nire. Tí dachoi Jesu tói ducuro, tuaro mehne sañurucu õ sehe ni yahure:

–Ñahma yapiõina core ti tuaro cahmano seheta jipihtia dachoripe Cohamacu mehne musa jihtire tuaro cahmaina yuhure siniga. Musa ã sinichu Cohamacu yaina musare ji dutihtja. ³⁸ Yuhure wacũ tuainare õ sehe ni joaa tiha Cohamacu yare ti joari tju: “Mári pohtaripu caticu yoaa co to ã wijaarucuro seheta Cohamacu yaina mehne caticu yoariro ã jirucurohca”, ni joaa tiha Cohamacu yare ti joari tju –ni yahure Jesu judio masare.

³⁹ Æ caticu yoarirore wama payo yahuro “Yuhure wacũ tuainare Espiritu Santo sãarucu su maa waharõhca”, nino nire Jesu. Tiro manõpu to mjaerasinichu Espiritu Santo sehe wihierasiniha.

Judio masa puã curua tju waha

⁴⁰ Jesu to ã nichu tuhõa, masa payu õ sehe ni durucure:

–Ahriro potocãta Cohamacu yare yahu muhtariro mari cohtariro jira –nire masa.

⁴¹ Õ sehe nire paina sehe:

–Ahriro Cristo marine yuhduchu yoah tiro jira –nire.

Paina sehe õ sehe nire tjõa:

–Cristo taro, Galilea yahpa macariro jisi tiro. Ahriro Jesu sehe tó macariro tjira. ⁴² Cristo Davi cjiro panamino ji turariro jirohca. Æ jiro Davi ya maca cjiroi Belẽi Cristo masa bajuarõhca. Õ seheta ni yahura Cohamacu yare ti joari pu. Ahriro Jesu sehe Belẽi masa bajueraha. Æ jiro tiro Cohamacu to warocariro Cristo waro jierara –nire tina.

⁴³ Æ jia Jesure tuhõmarina cjiri tju ware ti basi puã curua. ⁴⁴ Mahainacã masa sehe Jesure ñaha duamare. Æ ñaha duapahta tirore ñahaerare.

Judio masa puhto Jesure ne wacũ tuaeraha

⁴⁵ Æ yoa surara sacerdotea puhto cahapu fariseo curua macaina cahapu tjuaa wahaha. Ti tju sachu ñaa tina surarare sinituha:

—¿Dohseana Jesure ñahaerari m̄usa? —ni sinituha tina sehe.

⁴⁶ —Tiro noaputiaro durucuro jhre. Paina tiro yoaro sehe durucuina ne mari-ahna —ni yuhtiha surara tinare.

⁴⁷ Ti ã nichu fariseo curua macaina sehe õ sehe ni yahua:

—¿Musare to mahñochu “Potocã nino nica”, niri m̄usa c̄hu? ⁴⁸ Mari puhto Jesure wacũ tuaeraina jia ne tirore cahmaerare. Sã c̄hu ã jina tirore cahmaeraja. ⁴⁹ Ahrina masa sehe Cohamacu dutiare Moise cjirore to c̄ure masierara. Æ masieraina jia Jesure wacũ tuaina jia tirore cahmana. Ti ã cahmari buhiri tinare Cohamacu buhiri dahrerohca —niha fariseo curua macaina.

⁵⁰ Fariseo curua macariro Nicodemo Jesure s̄huro s̄riro cjiro tói jiha tina mehne. Ti ã nichu t̄horo õ sehe niha tiro c̄hu tinare:

⁵¹ —Jesu to ñano yoarire masieraja mari. Æ masierana tiro marine to yahuhto pano tirore buhiri dahre masieraja mari. Æ masierapanahca tirore buhiri dahrena, mari ya dutiare ȳh̄ucana nija mari —niha Nicodemo tinare.

⁵² To ã nichu t̄hoa õ sehe ni yuhtiha tina: —¿M̄hu c̄hu tiro yoaro seheta Galilea macariro tjijari? Cohamacu yare ti joari tjure buhe pahñoa. Æ buhec̄u, “Cohamacu yare yahu m̄htaina ne c̄uro mariaha Galileare”, ni buhe masīhca m̄hu. Æ jiro ã nimacanocano nina Jesu —ni yuhtiha tina Nicodemore.

⁵³ [Ti ã niri baharo ti ya w̄h̄sep̄u tjuaa wahaha.

8

M̄no mehne ñano yoaricorore judio masa puhto wacũenoca s̄u p̄jaha

¹ Jesu t̄cup̄u Olivo wama tid̄up̄u wahare. ² Æ yoa pa dachoi bohrearo jichu Cohamacu w̄h̄up̄u tiro sare tjoa. To ã s̄uch̄u ñhu masa paȳu tiro cahai cahmachure. Ti ã cahmachuch̄u ñno tiro sehe d̄ujitjiãhno tinare buhe d̄ucare. ³ To ã buhero watoi sã coyera judio masa buheina, fariseo curua macaina mehne tí w̄h̄up̄u numinore na tare. Ticoro m̄no mehne to ñano yoach̄u waro wacũenoca s̄u p̄jaha tina ticorore.

Æ s̄u p̄jaha s̄u ticorore Cohamacu w̄h̄up̄u na sãre tina. Na sã s̄u tuhs̄u jipihtina panoi ticorore duhu dapo, ⁴ õ sehe nire:

—Buheriro, ahricoro m̄no mehne ñano to yoach̄u waro wacũenoca ticorore s̄u p̄jaha s̄hi. ⁵ Cohamacu dutiare Moise cjirop̄u marine to c̄uri õ sehe nina: “M̄no mehne ñano yoaricorore tãa mehne doca, wajãga”, nia tiha Cohamacu dutia. M̄hu waro, ¿dohse ni t̄hotujari ahrire? —ni siniture tina Jesure.

⁶ Jesu to ñano nichu t̄ho duaa nimare tina tirore yahusã duaa. Ti ã sinitupach̄uta Jesu sehe puh̄sa nuju s̄u, yahpap̄u to wamo pica mehne joare. ⁷ Æ jiro ã ti ni siniturucuch̄u Jesu sehe wahcãr̄uca, tinare õ sehe ni yahure:

—M̄usa mehne macariro ñano yoarariro sehe ticorore tãa mehne doca m̄htajaro —nire Jesu.

⁸ Æ ni tuhs̄u pari turi tiro puh̄sa nuju, yahpap̄u joare tjoa. ⁹ T̄re t̄hoa ti ñaa yoarire wacũa, ti wahmis̄uma sehe wijaa m̄htare. Ti baharo tina mehne macaina c̄hu wijaa p̄htia wahare. Æ ti wijaa p̄htiaro baharo numino tói ducuricoro Jesu mehne tjuare. ¹⁰ Æ jiro Jesu wahcã nuju s̄u, ticorore õ sehe ni sinitu ñure:

—¿Nohop̄u wahari tina? ¿M̄hure buhiri dahre duamarina mariajari mip̄ure? —nire ticorore.

¹¹ —Mariahna, puhtoro —ni yuhtire ticoro.

—Ȳh̄u c̄hu buhiri dahreraja m̄hure. Wahaga. Æ jico ñaare yoa namoeco tjiga —nire Jesu ticorore.]

Buhriaro marine to ñhu masich̄u yoaro seheta Jesu ahri yahpa macainare Cohamacure masich̄u yoara

¹² Pari turi Jesu tí w̄h̄up̄u jiinare õ sehe ni yahure:

—Buhriaro marine to ñhu masich̄u yoaro seheta ȳh̄u ahri yahpa macainare Cohamacure masich̄u yoaja. Ȳh̄ure wacũ tuariro jipihtia dachoripe Cohamacu mehne ã jirucurohca. Æ jiro tiro noare wacũnohca. Æ yoa tiro ñaare wacũ duasi —ni yahure Jesu.

¹³ To ã nichu tirore fariseo curua macaina õ sehe nire:

—Muhū mū basi mū jia tiare ā ni durucui nina. Ā jia mū ō sehe ni, mū mū sūro mū nimacanocachū tí yaba cjihti jierara —nire tina Jesure.

¹⁴ Ti ā nichū Jesu ō sehe ni yūhtire:

—Yū tarirore masija yūhū. Yū wahahto cūhūre masija yūhū. Mūsa sehe ne tíre masierara. Mūsa ō sehe nipachūta yū jia tiare mūsare yū yahuri potocā tjira. ¹⁵ Mūsa mū sūro mūsa űūri dihtare masina mūsa. Ā jina noano masierara mūsa. Ā masierapanahta yūhūre űāno ni durucura mūsa. Yūhū sehe yū mū sūro masare ne ā nieraja. ¹⁶ Ā jicū masa ti jia tiare űū masicū yū mū sūro űū masieraja. Yūhū pini yū Pūcū yūhūre warocariro mehne űū masija. Ā jicū masa ti jia tiare yū űū masia tí potocā tjira. ¹⁷ Mūsare dutia ti joari pūi ō sehe ni yahura: “Pūaro masa cūno potori ti yahuchū ti yahua potocā tjira”, ni yahu joari jira. ¹⁸ Yūhūre yahuriro mehne sā pūaro tjija. Yūhū yū jia tiare yahuja. Tuhsū, yū Pūcū cūhū yahura yūhū sehere. Tirota jira yūhūre warocariro —nire Jesu.

¹⁹ —¿Nohopū jicari mū Pūcū? —ni siniture tina.

—Yūhūre mūsa masierara. Yū Pūcū cūhūre masierara mūsa. Yūhūre masina, yū Pūcū cūhūre masiboa mūsa —ni yūhtire Jesu tinare.

²⁰ Jesu tinare buhero ā ni durucure Cohamacū wāhūi ti niñeru duhu sāa caa poca cahaí. To űāno yūhdūhti pja dūhsasinire. Ā jia tina mehne to jipachūta tina tirore űāhaerare.

“Yū wahahtopūre mūsa sehe waha masisi”, niha Jesu

²¹ Pari turi Jesu tinare ō sehe ni yahure tjoa:

—Yū tariropū wahaíhca. Yū wahari baharo yūhūre macanahca mūsa. Ā jina mūsa űāa buhiri tiina yarianahca. Yū wahahtopūre mūsa sehe waha masisi —ni yahure Jesu.

²² —“Yū wahahtopūre mūsa sehe waha masisi”, ¿to nichū tūhoa ahriro to basi wajā yariarohcari ā nino? —nire sā coyēa judío masa ti basi.

²³ Ti basi ti ā nichū masino ō sehe ni yahure Jesu tinare:

—Mūsa sehe ahri yahpa macaina jira. Yūhū sehe mūano macariro jija. Ahri yahpai bajarina jira mūsa sehe. Mūanopū tariro jija yūhū sehe. ²⁴ Mūsa yū jia tiare yū nirire “Potocā jierara” nina, mūsa űāa buhiri tiina yarianahca mūsa. Ā jicū “Mūsa űāa buhiri tiina yarianahca mūsa”, nimahi mūsare —nire Jesu tinare.

²⁵ —¿Noa baro jijari mūhū? —ni siniture tina.

—Wahmanopūre yū nirucuriro se-heta jija yūhū. ²⁶ Mūsare yū yahuhti pjiro dūhsasinina. Tuhsū, mūsa űāno yoari buhirire mūsare yū yahuhto cjihto pjiro dūhsasinina mini. Ā jicū yūhūre warocariro to yahuri cjirire ahri yahpa macainare yahuja. To yahuri potocā tjira —nire Jesu tinare.

²⁷ “Yūhūre warocariro”, to nichū tūhoa “Mari Pūcū jica”, ni tūhotuerare tina. ²⁸ Ti ā ni tūhotuerachū űāno Jesu ō sehe ni yahure tinare:

—Yūhūre masūnore Cohamacū warocarirore mūsa yucūcū taño mehne wahcō daponahca. Mūsa ā yoana, “Tiro Cohamacū warocariro tjira”, ni masinahca. Ā jina yū mū sūro yū yoerariro yū jia tiare masinahca mūsa. Ā jina yū Pūcū yūhūre to buheri dihtare yahuriro yū jia cūhūre masinahca mūsa. ²⁹ Yūhūre warocariro sehe yūhū mehne jira. To cahmaare jipihtia dachoripe yoarucuja. Ā jiro yūhūre tiro ne cohāerara —nire Jesu tinare.

³⁰ To ā nichū tūhoa, tirore masa payū wacū tuare.

Cohamacū pohñare, űāare yoaina cūhūre yahuha Jesu

³¹ Ā jia paina judío masa Jesure wacū tuare. Ā jiro Jesu tinare ō sehe ni yahure:

—Yū dutiare yoa pahñoina jina, potocāta yū buheina jira mūsa. ³² Ā jina potocā masinahca mūsa. Potocā jiare masina, űāa yoaare duhu masinahca. Ā jina cahamaca yoaro sehe ji namosi mūsa —nire Jesu tinare.

³³ To ā nichū tūhoa tina ō sehe ni yūhtire:

—Sā sehe panopū macariro Abrahā cjiro panamana ji turiaina jija. Ā jina ne paina ti cahamaca jieraja sā. Ā jicū “Cahamaca

yoaro sehe ji namosi” nicu, ¿dohse jiro baro sãre ã nijari mahu? —ni siniture tina Jesure.

³⁴ Ti ã nichu tũhoro õ sehe nire tiro:

—Potocã musare niita nija. Jipihtina ñaare yoaina sehe ti ñaa yoare duhu masierara. Æ jia tí ñaa sehe ti puhtoro yoaro sehe jira. Æ jiina jia cahamaca yoaro sehe jira tina. ³⁵ Cahamacuño sehe to puhtoro ya curua macariro jipihtia dachoripe jirucuerara. Æ jiro painare dutiro jierara. Tí wahu macariro sehe to macuño sehe jipihtia dachoripe potocãta tí curua macariro jira tiro. (Yuhu sehe Cohamacu macuño jija. Æ jicu dutiro jija. Musa ñaa yoare duhu dutihtja.) ³⁶ Æ jina yuhu Cohamacu macuño ñaare yu duhuchu yoarina jina potocãta ñaare duhurina jira musa. (Æ jina tí ñaa cahamaca yoaro sehe ji namoerara musa.) ³⁷ Abrahã cjiro panamana ji turiaina musa jichu masija. Æ jipanahta yu yahua sehere tũho duaerara musa. Æ jina yuhure wajã duara musa. ³⁸ Yu Pucu yuhure to masichu yoari cjirire yahuja musare. Yu ã yahupachuta musa pucu watĩno musare to dutiare yoara musa cãhu —nire Jesu tinare.

³⁹ —Abrahã cjiro panopu macariro sã ñichu cjiro jia tiha. Æ jiro watĩno sã pucu jierara —ni yuhtire tina.

Ti ã nichu Jesu õ sehe ni yuhtire:

—Abrahã panamana jina, to yoariro se-heta yoaboa musa. ⁴⁰ Cohamacu yuhure potocã to yahua musare yu yahupachuta yuhure wajã duara musa. Abrahã cjiro sehe ne ã yoera tiha. ⁴¹ Musa pucu to yoariro sehta yoara musa —nire Jesu tinare.

To ã nichu tina õ sehe ni yuhtire:

—Wamomaca duhtemahnoeraina pohna jieraja sã. Cãirota jira sã Pucu. Tirota jira Cohamacu —nire tina.

⁴² Ti ã nichu Jesu õ sehe ni yuhtire:

—Cohamacu mehne macariro jicu, õpũre tahi. Æ jina Cohamacu musa Pucu to jichu yuhure cahĩboa musa. Yu mu sũro taerahi yuhu pinihta. Cohamacu to warocachu tahi õpũre. ⁴³ ¿Dohseana yu durucua-

tũhoerajari musa? Yu yahua tũhona bihoerara musa. Æ jina tũho duaerara musa.

⁴⁴ Musa pucu sehe watĩno jira. Æ jina watĩno cahmaa sehere yoa duara musa. Ahri yahpa wahmanopu to ji ducachupu, mipu cãhure tiro masare wajãrucuriro jira. Tirore potocã durucua mariahna. Æ jiro tiro potocã ne durucuerara. Tiro wahmanopure mahño mũhta ducariro jia tiha. Æ jiro tiro ã mahñorucuriro jiro, mahñoare yahura. ⁴⁵ Yuhu sehe musare potocã yahuja. Æ yu yahuchu yuhure tũhoerara musa. ⁴⁶ “Muhu ñano yoariro jira”, yuhure ni masierara musa. ¿Potocã musare yu yahupachuta dohseana tũhoerajari musa? ⁴⁷ Cohamacu pohna sehe to durucua tũhora. To pohna jierana, to durucua tũho duaerara musa —nire Jesu tinare.

Abrahã cjiro to jihto pano Cristo sehe ji mũhta tuhsu tiha

⁴⁸ To ã nichu tũhoa judio masa tirore õ sehe nire:

—“Muhu Samaria macariro jira. Æ jicu tũho masierariro watĩno to cohtotariro jira mahu”, sã niri potocã tjira —nire tina Jesure.

⁴⁹ Ti ã nichu tũhoro õ sehe ni yuhtire Jesu:

—Tũho masierariro, watĩno to cohtotariro jieraja yuhu. Yu Pucure ño payoja. Musa sehe yuhure ño payoerara. ⁵⁰ Yuhure masa ti ño payohtire macaeraja yuhu. Yu Pucu sehe masare yuhure ño payo dutira. Tiro pinihta yu jia tiare noano ñu masino, ãta ño payo dutira. Tuhsu, yuhure ti cahmaerari buhiri buhiri dahreriro jirohca tiro. ⁵¹ Potocãta musare nii nija. Yu dutiare yoariro jipihtia dachoripe Cohamacu mehne ã jirucurohca —nire Jesu.

⁵² To ã nichu tũhoa õ sehe nire tina:

—Mipu pinihtare tũho masierariro, watĩno to cohtotariro mu jichu sã noano masija. Abrahã cjiro yariaa wahaha. Cohamacu yare yahu mũhtaina cjiri cãhu yaria pihtia wahaha. Æ jicu “Yu dutiare yoariro jipihtia dachoripe Cohamacu mehne ã jirucurohca” nicu, ¿dohse nicu ã nijari mahu? ⁵³ ¿Sã ñichu cjiro Abrahã yũhoro tuajari mahu? Tiro cjiro, Cohamacu yare yahu mũhtaina cjiri cãhu yariaa wahaha. ¿Muhu sehe diro baro jijari

mahu ã ni durucucu? Mhu ã niboriro jierara –nire tina.

⁵⁴ Ti ã nichu tuhoro Jesu õ sehe ni yahu namore:

–Yuhu yu basi “Tuariro jija yuhu” nicu, tuariro jieraboca yuhu. Yu Pucu sehe “Tiro tuariro jira”, nina yuhure. “Sã yairo Cohamacu”, musa niriro sehe yu Pucu tjira.

⁵⁵ Musa sehe yu Pucure ne masierara. Yuhu sehe tirore masija. “Tirore masieraja” nicu, musa yoaro seheta mahnoa payuriro jiboa yuhu. Potocãta tirore masija. ã jicu to dutiare yoaja. ⁵⁶ Ahri yahpamu yu tahtore mari ñachu cjiro Abrahã cjiro masia tiha. ã masino tiro wahchea tiha –nire Jesu.

⁵⁷ To ã nichu tina õ sehe ni yuhtire:

–Mhu cincuenta cuhmari cjaerasinica. Abrahã cjiro panopu macariro jira. ¿Mipure tiro cjirore mhu dohsea masiboari? –nire judio masa Jesure.

⁵⁸ –Potocã musare niita nija. Abrahã to jihto pano yuhu sehe ji mhta tuhsu tii –nire Jesu tinare.

⁵⁹ To ã nichu thoa tina sehe tãare na, tirore doca duamare. Ti ã doca duapachata Jesu sehe Cohamacu wuhi jiriro duhti wijaa wahare.

9

Capari ñerarirore ñachu yoaha Jesu

¹ ã yoa Jesu sã to buheina mehne mahai wahana paire capari ñerarirore boca sui. Tiro wahma masa bajaroputa capari ñerariro jia tiha. ² Sã cãhu tirore ñana, õ sehe ni sinitu ñhi Jesure:

–¿Buheriro, ahriro dohsearo capari ñerariro masa bajua tiari? ¿Ñare yoaa tiari ã waharo? ¿O to pucsuma sehe ñare yoaa tiari to ã wahachu? –ni sinitu ñhi sã sehe Jesure.

³ Sã ã nichu tuhoro õ sehe ni yuhtire tiro:

–Ahriro to ñare yoari buhiri capari ñerariro wahaerare. To pucsuma cãhu ñare ti yoari buhiri capari ñerariro wahaerare. Cohamacu sehe tirore capari ñerachu yoare tirore ñachu yoaro taro masare to ñohtire. ⁴ Yuhure warocariro to cãure mipure yoaro cahmana yuhure. Ñamipu mari dahra masieraro seheta baharopu yuhure warocariro to cãure yoa

masieraja yuhu. ⁵ Ahri yahpamu buhriaro marine to ñu masichu yoariro seheta jiriro jicu ahri yahpa macainare Cohamacu yare masichu yoaja yuhu –nire Jesu.

⁶ ã ni tuhsurota yahpamu chahcho puti cãre. To ã chahcho puti cãure dahra more, capari ñerarirore to caparire wisore. ⁷ ã wisõno õ sehe nire Jesu:

–Siloé wama tiri copai cuhsari copai mu caparire cosai wahaga –nire Jesu. (Siloé sã ya dusero mehne nia “Warocari copa”, nia nire.)

Jesu to caparire cosa dutiriro sehe waha, cosa, capari ñerarirore tju wihire. ⁸ To tju wihichu tiro cahai jiina tirore ñure. Tõ pano niñeru siniriro cjiro to jichu ñarina tirore õ sehe nire ti basi:

–¿Ahriro sohõ jiriro niñeru siniriro cjiro jierajari? –nire tina.

⁹ –Tirota jira wiho –nire paina sehe.

–Tiro jierara. ã jieraparota tiro yoaro sehe bajuriro jira –nire paina.

Ti ã nichu tuhoro capari ñerariro cjiro sehe õ sehe nire:

–Tiro tjija yuhu –nire tinare.

¹⁰ To ã nichu masa tirore õ sehe ni siniture:

–¿Capari ñerariro cjiro jicu dohse waha ñari mhu? –ni siniture tina tirore.

¹¹ –Jesu wama tiriro dihta sohãare dahra more, yu caparire wisore. Yuhure wisõ tuhsu “Siloé wama tiri copamu mu caparire cosai wahaga”, to nichu cosai sãhi yuhu. Yu ã cosari baharo yu capari noano bajure yuhure –ni yahure tiro masare.

¹² –¿Muhure ã yoariro nohopu jicari tiro? –nire tina.

–Buh. Nohoi jiro jica –nire tiro.

Capari ñerariro cjirore fariseo curua macaina sinituha

¹³ ã ni durucu tuhsu tina capari ñerariro cjirore fariseo curua macaina cahapu naahre. ¹⁴ Tí dacho Jesu dihta sohãare dahra more capari ñerarirore noariro to yoari dacho Sabado dacho jire. Tí dacho sã sori numu jire. ¹⁵ ã jia fariseo curua macaina sehe tirore õ sehe ni sinituha tjao:

–¿Dohse yoa mhu ñari? –ni sinituha tina.

—Dihta sohãa mehne yu caparire wisõhre. ã jicu yu caparire yu cosari baharo ñu ducahi yuhu —ni yahuha tiro tinare.

¹⁶ —Tiro Sabado dacho mari sori numui mari dahra dutierari numui dahrahre. ã jiro tiro Cohamacu yairo jierara —niha paina fariseo curua macaina sehe.

Paina sehe õ sehe niha:

—Ñaaare yoariro õ sehe noariro wahachu yoa masierara. ã jiro tiro noariro jiboca —niha paina.

ã jia tina pu curua ti basi tju waha. ¹⁷ ã jia pari turi tina capari ñuerariro cjirore õ sehe ni sinituha tjoa:

—¿Muhare ma caparire noano yoarirore mahu waro dohse ni tahotujari Jesure? —niha tina tirore.

—Tiro potocãta Cohamacu yare yahu mahariro jira —niha capari ñuerariro cjiro.

¹⁸ Wahmanopure judio masa õ sehe ni tahotumaha: “Ahriro capari ñuerariro cjiro jierara”, ni tahotumaha tina. ã ni tahotua capari ñuerariro cjiro pucsumare pjirocaha tina. ¹⁹ Pjiroca tuhsu, to pucsumare õ sehe ni sinituha fariseo curua macaina puhto:

—¿Ahriro potocãta masa macu jijari? ¿Dõihata tiro capari ñuerariro masa bajuari? ¿Potocãta capari ñuerariro cjiro jiparota dohsearo ñujari mipure? —ni sinituha tina to pucsumare.

²⁰ —Ahriro sã macuta jira. ã yoa dõihata capari ñuerariro masa bajua tire tiro.

²¹ Tíre masipanahta to ñure, tirore ñuchu yoariro cõhure masieraja sã. Sã macure sinituga. Bucuro jira tiro. Tiro to basi yahu masina —niha to pucsuma.

²² Judio masa sã puhtoah wahmanopure õ sehe nia tiha:

—“Jesuta Cristo Cohamacu warocariro jira”, niinare mari buhea wuhsepu sã dutisi sã —nia tiha judio masa puhtoah.

Ti ã nichu tuhoa capari ñuerariro cjiro pucsuma sehe judio masa puhtoahre cui niha. ²³ ã cuia, “Bucuro jira tiro. Tiroreta sinituga”, niha tina judio masa puhtoahre.

²⁴ Baharo judio masa sã puhtoah pari turi capari ñuerariro cjirore pjirocaha tjoa. Pjiroca tuhsu, õ sehe niha tirore:

—Cohamacu mehne poto yahuga mahu. Jesure mahñoriro to ñaa yoariro jichu sã masija. ã jicu poto yahuga sãre —niha judio masa capari ñuerariro cjirore.

²⁵ Ti ã nichu tuhoõ õ sehe ni yuhtiha tiro:

—Jesure to ñaa yoariro to jichu masieraja yuhu. Cõnota masija yuhu. Panopure capari ñuerariro jia ticuru yuhu. Mipu sehene ñuja yuhu. Tí dihtare masija yuhu —ni yuhtiha capari ñuerariro cjiro tinare.

²⁶ —¿Dohse yoari muhare tiro? ¿Mu capari ñuhto cjihtore dohse yoari tiro muhare? —ni sinituha tina tjoa.

²⁷ —Tíreta musare yahu tuhsumahicu yuhu. Yu ã ni yahupachuta masa ne tuho duaerare yuhure. ¿Dohse yoa duana pari turi yu yahuchu tuho duajari masa? ¿Musa cõhu to buheina ji duajari? —niha tiro tinare.

²⁸ To ã nichu tuhoa tina tuhtiha tirore:

—Mahu Jesu buheriro jira. Sã sehe Moise cjiro buheina jija. ²⁹ Potocãta Cohamacu Moise cjirore durucua tiha. Jesu to tarirore sã masieraja —niha tina capari ñuerariro cjirore.

³⁰ Ti ã nichu õ sehe ni yuhtiha tiro:

—¿Tiro to tarirore masa masierachu yuhure ñuchu yoariro jiro Cohamacu warocariro jierabocari tiro? ³¹ Cohamacu ñaa yoainare ti siniare tuhoerara. Tí pinihtare mari masija. Tinare tuhoeraparota Cohamacure ño payorirore, to dutiare yoarirore to siniare tuhora Cohamacu. ³² Wahmanopure ahri yahpa to ji ducachupure ne coã masa bajuaropu capari ñuerarirore ne cõiro baro ñuchu yoariro mariea tiha. ³³ ã jiro Jesu Cohamacu warocariro jieraro yuhure ñuchu yoeraboa tiro —niha tiro tinare.

³⁴ —Mahu dõihata ñariro jia tiha. ¿ã jipacuta sãre buhe duajari mahu? —niha judio masa sã puhtoahre.

ã ni tuhsuata tina tirore cohã wionocaha.

Jesu yare cahmaeraina capari ñueraina ti ñu masieraro seheta Cohamacure masierara

³⁵ ã yoa capari ñuerariro cjirore ti cohã wiorire Jesu tuhore. ã tuhoõ capari

ñherariro cjirore boca saro, tirore õ sehe ni siniture:

—¿Masunore Cohamacu warocarirore wacũ tuajari mahu? —nire Jesu.

³⁶ —¿Puhtoro, noa jijari tiro? Tirore masicu wacũ tuaihtja tirore —nire capari ñherariro cjiro Jesure.

³⁷ —Tirore ñu tuhsure mahu. Mipure mahu mehne durucuriro tiro tjija yuhu —nire Jesu capari ñherariro cjirore.

³⁸ —Puhtoro, mahure wacũ tuaja —nire capari ñherariro cjiro.

Á ninota tiro Jesu panoi na tuhcuca caha su, tirore ño payore.

³⁹ To ã ño payochu ñuno õ sehe nire Jesu:

—Noaina, ñaina cahu ti yoarire masichu yoai tai ahri yahpare tahi. Capari ñheraina ti ñu masieraro seheta tina yoaro sehe jiina yu Pucure masierara. Á masierainare yu Pucure masichu yoai tai tahi yuhu. “Sã noano masija”, ni tshotumarina noano ti masierarire masichu yoai tai tahi yuhu —nire Jesu.

⁴⁰ To ã nichu tãhoa mahainacã fariseo curua macaina tirore õ sehe nire:

—“Capari ñheraina ti ñu masieraro seheta noano masierara musa cahu”, ¿nii nijari mahu sare? —nire fariseo curua macaina Jesure.

⁴¹ Ti ã nichu Jesu õ sehe nire:

—Capari ñheraina ti ñu masieraro seheta potocã musa noano masierachu, musare buhiri mariaboa. “Sã noano masiina jija”, musa niri buhiri buhiri tiina jisina musa mipare —nire Jesu tinare.

10

Ovejare ñu wihboriro quitire yahuha Jesu

¹ Baharo quitu mehne piti dahre buhero taro õ sehe nire Jesu:

—Potocãta nii nija musare. Ovejare wihbori sahrino sopacai saerariro, sopaca marienopu saariro sehe yaca bucuro jira.

² Sopacai saariro sehe ovejare ñu wihboriro jira. ³ Sopacare cohtariro sopacare pjõhna ovejare ñu wihboriro to sahto sehe. Ovejare ñu wihboriro to durucuchu tãho tara to nuina oveja peri. Tinare pjirocaro, ti wama mehne pisurocarucura tiro. Á

yoaro tinare sahrinopu jiinare pji wiorucura sopacaru. ⁴ To yainare jipihtinare pji wio tinare mu tãrucura. Oveja sehe to durucuar masia, to baharo nunu tirucura. ⁵ Pairoro ti masierarirore nunu tierara tina. Á jia paina ti durucuar tãhoa, cui murocaa wahara —nire Jesu tinare.

⁶ Ahri quitire to ã yahupachata to yahuare tãho ñahaerare tina.

Jesu ovejare noano ñu wihboriro yoaro seheta to yainare noano ñu wihbora

⁷ Pari turi Jesu tinare õ sehe ni yahure tjoa:

—Potocãta musare nii nija. Ovejare wihbori sahrino saari sopaca yoaro sehe jija yuhu. ⁸ Jipihtina yu pano tarina quihõno yu durucuar buheraina, ovejare ñu wihbo mahõina yacaina yoaro sehe jira. Ti ã jipachata yu yaina sehe oveja yoaro sehe jiina painare ne tãho wahcãerara. ⁹ Yuhu ovejare wihbori sahrino saari sopaca yoaro sehe jija. Ti sopacai saaina yoaro sehe tjira yuhure wacũ tuaina. Á jicu yuhu tinare pichacaru wahaborinare yuhdachu yoaihtja. Oveja sehe tinare ñu wihboriro mehne ti cahmaare bocaro yoaro seheta yu yuhdachu yoaina cahu yuhu mehne ti cahmaare bocaahca. Yuhu tinare noano ducata, noano ñu wihboihca —nire Jesu.

¹⁰ Á ni tuhsu õ sehe ni namore:

—Musare mahõoare buheina, ovejare ñu wihbo mahõina sehe ovejare yacaina yoaro sehe jira. Yaca taa, wajãa taa, dojomehnea taa tara tina. Wiho mejeta yuhu sehe yu yainare, oveja yoaro sehe jiinare, tuaro waro ti wahchea mehne ã catirucuchu yoai tahi. ¹¹ Ovejare noano ñu wihboriro yoaro sehe jija yuhu. Ovejare noano ñu wihboriro tinare noano ducata, to yariahtore ne cuierara. Tó yoaro seheta yuhu cahu yainare noano ducata, yariahca, tinare ne soro wahaerato sehe. ¹² Oveja puro cahamacuno sehe potocã ovejare ñu wihboriro jierara. Á jia oveja to yaina jierara. Á jiro yairo ovejare to churo tachu ñuno to cahamacuno sehe ovejare cohã cunoca, murocaa wahara. To ã cohã cãri baharo, yairo ovejare to ñahachu ñua oveja peri muroca site wahcãa wahara.

¹³ To cahamacuno sehe to wapataa dihtare

cahmana. Æ jiro tiro ovejare noano ñu wihbo ji coerara –nire Jesu.

¹⁴ Æ ni tuhsu õ sehe ni namore:

–Ovejare noano ñu wihboriro yoaro sehe jija yuhu. Æ jicu yu yainare masija yuhu. Æ jia yu yaina sehe yuhure masina.

¹⁵ Tó seheta yu Pucu cãhu yuhure masina. Æ jicu yuhu cãhu yu Pucure masija. Oveja yoaro sehe jiina yu yaina Cohamacu mehne ti ã jirucuhti cjihtire yariaihca yuhu. ¹⁶ Paina oveja pa sahrino macaina yoaro sehe jiina paina masa cãhu yu yaina jiahca. Tina cãhure naaihca. Æ jia yu durucuchu tãho wahcãahca tina cãhu. Æ jia yu yaina jipihtina cã curuata jiahca. Æ jicu yuhu dihta yu yainare ñu wihboihca –nire Jesu.

¹⁷ Æ ni tuhsu õ sehe ni namore:

–Yu yaina Cohamacu mehne ti ã jirucuhti cjihtire yariaihca. Yu yariari baharo masa mujaihca. Yu ã yoah tiro jichu yu Pucu yuhure cahina. ¹⁸ Yu wajã dutierachu yuhure wajã masieraboa tina. Yu cahmano seheta yuhure wajãahca. Æ jicu yu yaina Cohamacu mehne ti ã jirucuhti cjihtire yariaihca. Yaria masija yuhu. Æ yoa masa muja masija. Yu Pucu yuhure tíreta yoa dutire –nire Jesu.

¹⁹ To ã nichu tãhoa judio masa pua curua tju ware. Paina soro tãhotu, paina cãhu soro tãhoture:

²⁰ –Tiro watino to cohtotariro jira. Æ jiro tãho masierariro jira. ¿Dohseana tirore pari turi tãhojari masa? –nire paina payu judio masa.

²¹ Paina sehe õ sehe nire:

–Watino to cohtotariro jiro ã ni durucueraboa. Capari ñerarirore ñuchu yoa masierara watino to cohtotariro. Æ jiro jiro tiro watino to cohtotariro jierara –nire paina judio masa.

Judio masa Jesure cahmaeraha

²² Pa dachoi sã coyea judio masa Jerusalëi bose numari yoaa nire pari turi. Cohamacu wuhure panopu tirore ti wari cjihtire ti wacũhti dachori jire. Tí pjare puhiro jire. ²³ Tí dachoi Salomo wama tiri tahtiapu Cohamacu wuhuri jiri tahtiapu Jesu ñu tinino nire. ²⁴ Tí tahtiapu to jichu ñua sã

coyea judio masa tiro cahapu cahmachu, tirore õ sehe ni siniture:

–Yoaputiaro pja sãre noano yahueraca muhu. Poto sãre noano yahu bahrañoga muhu. ¿Cristo Cohamacu to warocariro tjijari muhu? –nire tina Jesure.

²⁵ Ti ã nichu tãhoro õ sehe ni yuhtire Jesu:

–Musare yahu tuhsu majacu yuhu. Yu ã yahupachata yuhure tãho duaerare masa. Yu Pucu yuhure to dutiriro seheta to tuua mehne yoa ñoja. Æ yoacu yu Cristo jiaeta musare ñoi nija. ²⁶ Yu ã ñopachata yuhure tãho duaerara masa. Musa sehe yu yaina jierara. Æ jina paio yaina oveja yoaro sehe jiina jina, yuhu sehere tãhoerara masa. ²⁷ Ovejare ñu wihborirore to yaina ti tãhoriro seheta yuhu cãhure yu yaina tãhora. Æ jicu yu yainare masija yuhu. Æ jia tina yuhu mehne wahara. ²⁸ Æ jicu jipihtia dachoripe Cohamacu mehne ã catirucuchu yoaja tinare. Æ jia tina sehe pichacapu ne wahasi. Æ jia yu yainare yu ñu wihbochu paina sehe ne cãirore yuhure ma masierara tinare. ²⁹ Æ yoa yu Pucu yu yainare yuhure wariro jipihtina yuhoro tuariro jira. Æ jiro yu Pucu sehe yu yainare to ñu wihbochu, ne cãiro tiro cãhure ma masierara tinare. ³⁰ Yuhu yu Pucu mehne cãirota jija –nire Jesu judio masare.

³¹ To ã nichu tãhoa judio masa sehe tirore ti doca wajãhti tãare pari turi namare tjoa.

³² Ti ã yoachu ñuno Jesu õ sehe ni siniture tinare:

–Yu Pucu ya tuua mehne payu tahari yoa ñomahi musare. ¿Di baro sehere yu yoari buhiri yuhure tãa mehne doca wajã duajari masa? –ni siniture Jesu.

³³ To ã nichu tãhoa õ sehe nire tina:

–Cohamacu tuua mehne mu yoa ñori buhiri muhure tãa mehne doca wajã duaeraja sã. Cohamacure mu ñano durucuri buhiri muhure tãa mehne doca wajã duaja sã. Masuno jipaihta “Cohamacu jija yuhu”, mu nia buhiri mehne muhure tãa mehne doca wajã duaja sã –ni yuhtire tina.

³⁴ Ti ã ni yuhtichu tãhoro Jesu tinare õ sehe ni yahure:

–Musa cãhure “Cohamana”, ni pisure Cohamacu. Æta ni joaa tiha to dutiare ti joari pui. ³⁵ Cohamacu yare ti joari pu

quihõno to jichu mari masija. “Mahñoa jira”, tí püre ni masieraja mari. Æ jiro to yare masiinare potocãta tiro “Cohamana”, ni pisura. ³⁶ Cohamacu yuhure besetjiãhno, ahri yahpapure warocare. Æ jicu yuhu “Cohamacu macuno jija”, yu niri buhiri “Cohamacure ñano durucuro nina Jesu”, nina musa yuhure. ¿Dohseana yuhure ã nijari musa? ³⁷ Yu Pucu to cahmariro seheta to tuaa mehne yu yoa ñoerachu pinihtare yu buherire “Potocã tjira”, nieraboca musa. ³⁸ Yu Pucu to tuaa mehne yu yoa ñopachuta yuhu sehere tuho duaeraboca musa. Æ tuho duaerapanahta to tuaa mehne yu yoa ñochu ñuna yu yoarire “Potocã tjira”, niga musa. Musa ã nina, yu Pucu mehne sã cãno potori sã jichu masinahca musa. Æ jina yuhu yu Pucu mehne cãno potori yu jichu masinahca musa. Æ jina tuho ñahanahca musa –nire Jesu tinare.

³⁹ To ã nichu tina pari turi tirore ñaha duamare. Ti ã ñaha duachu ñano tiro duhti wijaa wahare.

⁴⁰ Æ wijaariroputa João masare to bautisa mahtariroru Jordão sie sehempu pari turi wahare tjoa. Tõpu saro tjuanocare tiro. ⁴¹ Æ jia masa payu tirore ñua sare. Õ sehe nire tina ti basi:

–João sehe Cohamacu tuaa mehne yoa ñoerare. Æ to yoa ñoerapachuta jipihtia Jesure to yahuri cjiri sehe potocãta jira –nire masa ti basi.

⁴² Æ jia tõpüre masa payu wacũ tua ducare Jesure.

11

Lázaro wama tiriro yariaa wahaha

¹ Æ yoa cũiro Lázaro wama tiriro to wahmiosãnumia María, Marta cãhu mehne Betania wama tiri macai jia tire. Tiro cãnumu dohatia wahari jire. ² Tiro wahmiono María sehe baharo Jesu to dahporire me sitia wisõ, to pjoari mehne tirore pahã cohãhticoro jiri jire. ³ Æ yoa to dohatia wahachu ñua, to wahmiosãnumia sehe painare Jesure yahu dutirocari jire:

–Puhtoro, mu cahĩriro dohatiro nina –ni yahu dutirocari jire Lázaro wahmiosãnumia.

⁴ Tí quitire tuho õ sehe nire Jesu:

–Mipure Lázaro to dohatia to yariahti cjihti jierara. Cohamacu tuaare masare ñohti cjihtire mipure tiro dohatira. Æ jia yuhu to macuno tuariro yu jia cãhure ñuahca masa –nire Jesu.

⁵ Jesu Martare, to bahoro cãhure, Lázaro cãhure tuaro cahãa tire. ⁶ Æ nino Lázaro dohatiriro to jichu tuhoparota tõi Jesu sehe puu dacho tjuasinire. ⁷ Puu dacho baharo Jesu õ sehe nire sãre to buheinare:

–Pari turi Judea yahpapu tjuaa wahajihna tjoa –nire sãre.

⁸ –Buheriro, canupucãta judio masa tó macaina mahure tãa mehne doca wajã duamare. ¿Dohseacu tõpu pari turi tjuaa waha duajari mahu? –nihi sã to buheina.

⁹ Sã ã nichu tuho, tirore ti wajã masierasininore yahuro, piti dahre buhero sãre õ sehe nire:

–Pjõro tuhotuena tjiga. Cã dachore doce horari waro jira. Sã dacho macariro to jisnichu, noano ñaja mari. Æ jina dachore tinina ne puha tu muu boraeraja mari. ¹⁰ Wiho mejeta nahitianoi tiniina sehe puha tu muu boraa wahara. Sã dacho macariro mariachu noano ñerara tina –nire Jesu. (Æ nino õ sehe nino niri jimare: “Mipure yu Pucu yare yu yahu pahñohto duhsasinina. Æ jia yuhure wajã masierasininina”, nino niri jimare.)

¹¹ Æ nino sãre õ sehe ni yahu namore tjoa:

–Mari mehne macariro Lázaro, carĩno nica. To ã carĩpachuta yuhu tirore wahcõi wahaihtja –nire sãre.

¹² –Puhtoro, Lázaro carĩriro jiro, yuhdurohca –nimahi sã.

¹³ Sã ã nipachuta Jesu “Carĩno nica” nino, “Yariaa wahaca”, nino niri jimare. To ã nichu tuhona “Lázaro soro nica”, ni tuhotumai sã sehe. ¹⁴ Sã ã ni tuhotuchu masino Jesu poto yahure sãre:

–Lázaro yariaa wahaca. ¹⁵ Yu marieno to yariachu, noa nina. Æ jina musa yuhure wacũ tua namonahca. Musu yu jia tiare masi namo, musa yuhure wacũ tua namohti cjihti jiahca ahri. Æ yoana basata. Mari ñuna wahajihna to cahapu –nire Jesu.

¹⁶ Toma sãhũduariro wama tiriro õ sehe nire sãre:

—Mari cãhũ Jesu mehne wahajihna. Tirore wajãa, mari cãhũre wajãjaro —nire Toma.

Jesu ã jirucuchũ yoariro masare masoriro jira

¹⁷ ã yoa sã tópurẽ sã suna cahachũ waro tó macaina õ sehe ni yahure Jesure:

—Pititia dachori wahara Lázaro cjirore masa copapũ ti siõ sãari baharo —ni yahuha tirore.

¹⁸ Betania wama tiri maca sehe Jerusalẽ cahacãi tia kilómetro yoaro jire. ¹⁹ ã jia Lázaro to yariari baharo, payũ Jerualẽ macaina sã coyẽa judio masa Martare, María cãhũre ñahacaha tiia taa tari jire.

²⁰ Tópurẽ sã suna cahachũ tũhoro, Marta sehe sãre piti bocaro wihire. Wiho mejeta to bahoro María sehe to ya wãhũpũ tjuari jire. ²¹ Marta sehe Jesure piti boca wihi, õ sehe nire tirore:

—Pũhtoro, yũ bahũ to yariahto pano mũ õi jichũ, tiro yariaeraboa. ²² Mipũ cãhũre Cohamacũre mũ sini payochũ, tiro mũ sinino seheta yoarohca —nire Marta Jesure.

²³—Mũ bahũ masa wijaarohca —nire Jesu ticorore.

²⁴—Ãja. Ahri yahpa to pihtiri dachoi yariarina cjiri ti masa wijaahiti dachoi to masa wijaahitore masija yũhũ —nire ticoro sehe.

²⁵ To ã nichũ Jesu õ sehe ni yahure tjoa:

—Yũhũ masa wijaachũ yoariro jija. Yũhũ ã jirucuchũ yoariro jija. Yũhũre wacũ tuariro yariaparota ã catirucurohca. ²⁶ ã jia jipihtina Cohamacũ mehne ã catirucuína, yũhũre wacũ tuaina pichacapũ ne wahasi. ¿Ahrire masijari mũhũ? —nire Jesu ticorore.

²⁷—Pũhtoro, masija yũhũ. Cristo Cohamacũ macũno, masare yũhdũchũ yoariro “Ahri yahpapũ tarohca”, ti niriro mũ jichũ masija yũhũ —nire Marta Jesure.

Lázaro to masa copa cahai Jesu tiia

²⁸ Marta ã ni tuhsũ to bahoro Maríare pjiro wahare:

—Marine buheriro mari ya macai taro nina. Mũhũre pjihre —ni yaroca yahuri jire Maríare.

²⁹ To ã nichũ tũhoro María ño duaro wahcãrũca, sã cahapũ tari jire Jesure ñũno

taro. ³⁰ Ti ya macapũ sũerasinihi sã. Marta sãre to piti bocaroihita jisinihi sã. ³¹ Judio masa tí wũhũi Maríare ñahacaha tiia niha. ã jia ticoro to wahachũ ñũa, tina ticorore nũnũ ti tari jire. “To wahmino cjirore ti siõ sãari copapũ tiro waharo nina ticoro”, ni tũhoturi jimare tina. ã ni tũhotua ticorore nũnũ ti tari jire.

³² ã yoa María sã cahapũ wihiro, Jesure ñũ, to dahpori cahai na tuhcuca caha sũre.

—Pũhtoro, yũ bahũ to yariahto pano mũ õi jichũ tiro yariaeraboa —nire ticoro Jesure.

³³ ã jiro ticoro judio masa ticoro mehne tarina cãhũ ti tiichũ ñũno Jesu sehe tuaro cahya ñano yajeripohna tire.

³⁴—¿Lázaro cjirore nohopũ siõ sãari mũsa? —ni siniture Jesu.

—Ñũi taga —ni pji wahcãre tina.

³⁵ Ti ã nichũ tũhoro Jesu tiia wahare.

³⁶—Lázaro cjirore Jesu tuaro cahĩri jira —nire judio masa ti basi.

³⁷ Wiho mejeta paina tina mehne macaina sehe õ sehe nire:

—Capari ñũerarirore ñũchũ yoariro jira ahriro Jesu. ¿ã jiro Lázaro cãhũre to yariaborore yũhdũchũ yoaeraboari ahriro? —nire tina ti basi.

Lázaro masa wijaaha

³⁸ ã jiro pari turi Jesu tuaro cahya namore. ã jina sã jipihtina to masa copapũ sũhi. Tí copa tãcapũ ti sahari copa jire. Tí copapũ to pjacũ cjirore siõ sãa, tãca pjiria mehne tju biha cũri jire tina.

³⁹—Tãcare na pjõohga —nire Jesu.

To ã nichũ tũhoro Marta yariariro cjiro wahmiono õ sehe nire:

—Pũhtoro mipũ pititia dachori waha tuhsũra to yariari baharo. ã jiro to pjacũ cjiro urĩbiahca —nire Jesure.

⁴⁰—“Yũhũre wacũ tuaco Cohamacũ tu-aare ñũcohca”, mũhũre nimahi —nire Jesu Martare.

⁴¹ To ã niri baharo tina tãcare na pjõohre. ã ti na pjõori baharo Jesu sehe mũanopũ ñũ, Cohamacũre õ sehe nire:

—Mai, yũhũre mũhũ tũho tuhsũhre. Tíre mũ yoachũ masicũ wahcheja mũhũre. ⁴² ã yoa yũhũre mũhũ dachoripe ã tũhorucura.

Tíre masija. Ñ masipaihta y_uh_u m_u waro-cariro y_u jiare òre ðucuina ti masihti cjihtire m_uh_ure ã nii nija. Tíre “Potocã tjira”, ti nihti cjihti c_uh_ure ã nii nija –nire Jesu to P_uc_urore.

⁴³ Ñ ni tuhs_u Jesu tuaro sañurucure:

–Lázaro, wijaa tagá –ni sañurucure tiro.

⁴⁴ To ã nich_u yariariro cjiro to wamomacarine to dahpori c_uh_ure suhti cahsari mehne ti wahmariro cjiro, to dapure suhtiro mehne ti wahmariro cjiro, masa copap_u wijaa tare j_una.

–Ti wahmari cjirore pjãga –nire Jesu.

Judio masa p_uh_utoa sehe Jesure ñaha duamaha

(Mt 26.1-5; Mr 14.1-2; Lc 22.1-2)

⁴⁵ To ã masoch_u ñ_ua, pay_u judio masa Mariãre ñ_ua tarina mehne macaina Jesure wac_u tuare. ⁴⁶ Wiho mejeta paina sehe, tina mehne macaina sehe fariseo curua macaina cahap_u waha, s_u, Jesu to yoarire yahuri jire tinare. ⁴⁷⁻⁴⁸ Ñ jia sacerdotea p_uh_utoa, fariseo curua macaina p_uh_utoa c_uh_u cahmachu, ti basi ò sehe ni durucuha:

–Jesu pay_u tahari Cohamac_u tuaa mehne yoa ño m_ujana. To ã yoa ñoare mari tirore ã ñ_uanoca mari ðacataerach_u, jipihtina masa tirore wac_u tua, tiro mehne waha pihtiaboca. Ñ yoa tiro Jesure ti p_uh_utoro cjihto ti s_och_u ñ_ua, Roma macaina p_uh_utoa sehe “Marine cohãa nina”, ni sua, ñ_uano yoaahca marine. Tuhs_u, Cohamac_u w_uh_ure cohã duti warocaahca ti yaina surarare. Mari ya dihta c_uh_ure maahca tina. ¿Ñ jina dohse yoanahcari mip_ure? –ni durucuha tina ti basi.

⁴⁹ Ti ã nipach_uta pairo Caifa wama tiriro, tí c_uh_umare sacerdotea bui p_uh_utoro jiriro tinare ò sehe ni yahuha:

–M_usa sehe ne masierara. ⁵⁰ Judio masa jipihtina mari ya cjihtire c_uiro mas_uno to yariach_u noana. To yariaerach_u mari jipihtina judio masare cohã pah_uñonocaboa. Tíre m_usa masierara –niha Caifa tinare.

⁵¹ Ñ nino to m_u s_uro ã nino nieraha. Sacerdotea bui p_uh_utoro to jich_u judio masa ya cjihtire Jesu to yariahtore Cohamac_u sehe Caifare ã ni yahu dutiha. ⁵² Jesu yariaro judio masa dihtare y_uhd_uch_u yoaro taro nierare. Ñ yariaro jipihtina Cohamac_u

pohna ahri yahpap_u ji siteina c_uh_u c_u ruata ti jihti cjihtire yariahtiro jire Jesu. ⁵³ Ñ jia tí dachoihta tina “¿Jesure dohse yoa wajãnahcari mari?” ni durucuha, tirore wajã taa nimaha.

⁵⁴ Tirore ti ã wajã duach_u masino Jesu pay_u judio masa watoi pari turi tinino wahaerare. Ñ jiro masa marieno cahacãi Efraï wama tiri macap_u sãre s_uho wahare. Sãre tí macai s_uho tjuasinire Jesu.

⁵⁵ Tí pjare pascua bose n_um_uri sã judio masa sã bose n_um_uri cjihto mahanocã ð_uhsatjiãhre. Ñ jia bose n_um_uri panocã masa pay_u paye macari macaina Jerusalëp_u cahmachure. Pascua macaare ti ch_uhto pano Cohamac_u yare yoa taa ti ñ_ua buhiri cosaa taa nire. ⁵⁶ Tí pjare tina Jesure macaa niri jire. Ñ jia Cohamac_u w_uh_up_u jiina ò sehe ni durucuha:

–¿Bose n_um_urine ñ_uno taerabocari Jesu, m_usa t_uhotuch_u? –ni durucuha tina ti basi.

⁵⁷ Ñ jia sacerdotea p_uh_utoa, fariseo curua macaina c_uh_u ò sehe ni yahu dutiha masare:

–Jesu to jirore m_usa masina, yahuga sãre. Tirore ñahana tana nija –niha p_uh_utoa masare.

12

María Jesu dahporire me sitia mehne pio payore

(Mt 26.6-13; Mr 14.3-9)

¹ Jesu sã to buheina mehne Betaniap_u sã s_uri baharo pascua dachori seis dachori waro ð_uhsasinire. Lázaro Jesu to masoriro cjiro tí maca macariro jire. ² Sã s_uri baharo Jesu c_uh_u ya ch_ua cjihtire yoare paina. Ñ yoa Lázaro, Jesu, sã mehne mesai nuju s_uhi. Sã ã nuju s_uri baharo Marta ch_uare payore sãre. ³ Tuhs_u, María me sitia sere nardo wama tid_u macaa sere cã kilo dacho macai na ta, Jesu dahporire pio payore. Pio payo tuhs_u to pjoari mehne tju cosare. To ã pio payori baharo tí w_uh_u noano me siti sahsea wahare. ⁴ Sã mehne macariro, Jesure ñ_u tuhtiinare ñohtiro Juda Iscariote sehe ò sehe nire:

⁵ –¿Dohse yoaro ahricoro ã yoa sitejari? Tíre ticoro duaboa. Ñ duaro tres cientos dachori posa dahrari wapa wapataboa. Ñ

jiro ticoro tí niñerure pjacuoinare waboa – nire tiro.

⁶ Juda sehe pjacuoinare yoadoho duaerare. Tiro sã niñerure wihbobasariro jiparota yacariro jire. Tuhsu, tiro sã niñerure cãa tahari na mujare. ã jiro “Tí niñerure naihtja” nino, ã nire Mariare tiro.

⁷ To ã nichu tuhoro õ sehe nire Jesu:

– ã niecu tjiga ticorore. To me sitiare yuhure to duharire yuhure pio payore, yuhure masa copapu ti siõ sãahto pano yu pjacure cahnoyuro. Pjacuoina sehe musa mehne ã jirucuahca. ã jina tinare wa masina musa. ⁸ Yuhu sehe ahri yahpapure musa mehne ã jirucusi – nire Jesu.

Sacerdotea puhtoa Lázarore wajã duaha

⁹ ã yoa Jesu Betaniapu to jichu tuhoa sã coyua judio masa payu tirore ñua tare. Tiro dihtare ñua taa nierare. Lázarore yariariro cjirore Jesu to masorirore tiro cãhure ñua taa nire. ¹⁰ Ti ñua surire masia sacerdotia puhtoa Lázarore cãhure wajã duare. ¹¹ Lázarore yariariro cjiro Jesu to masorirore jichu ñua payu masa Jesure wacũ tuare. To ã masochu ñua payu judio masa ti sacerdotia ya buhea sehere duhunocari jire. ã ti duhuchu ñua sacerdotia puhtoa sehe sua yuhduha Lázarore wajã duare.

Jerusalẽpu suha Jesu

(Mt 21.1-11; Mr 11.1-11; Lc 19.28-40)

¹² Pascua bõse numurine ti yoachu payu masa Jerusalẽpu ñua wahari jire. Pa dachoi Jerusalẽpu Jesu to tahto cjihtore masa tuhori jire. ¹³ ã jia pja pũ sahnarine na wahcã, tirore piti boca wahare. ã piti boca õ sehe ni sañurucure tina:

– Ahrirore wahche payojihna. Ahriro Cohamacu to warocariro noano yuhdujaro. Ahriro Israe yahpa macaina mari puhtoro tjira – ni sañurucure tina.

¹⁴ Jesu burrocã to bocariro bui pisare. “Õ sehetã yoarohca”, ni joa tiha Cohamacu yare ti joari tjui:

¹⁵ “Jerusalẽ wama tiri maca macaina, cuiena tjiga musa.

Ñuga. Musã puhtoro burrocã bui pisa tara”, ni yahuha Cohamacu yare ti joari tjui.

¹⁶ “To ã ni joari Jesure nino nica” ni, sã to buheina noano masierasinihi. ã

masierasinihana muanopu Jesu to mujari baharo sã ti joari cjirore wacũ boca tuho ñaha masihi. Õ sehe ni tuhohu: “Cohamacu yare ti joari tju sehe Jesure yahuro nimaha. ã jia Cohamacu yare ti joari tju to niriro sehetã yoare masa Jesure”, ni tuhohu, sã masihi.

¹⁷ Lázarore ti siõ sãari copapu jiriore Jesu to pisochu tirore to masochu ñurina cjirore yahure masare. ¹⁸ ã jia Lázarore Jesu masorire ti tuhori baharo masa payu Jesure ñua tare. ¹⁹ Ti ã tachu ñua fariseo curua macaina ti basi õ sehe niri jire:

– Jipihtina Jesu yaina dihta wahã nina mipure. ã jina mari dohse yoa masieraja tinare – niri jire fariseo curua macaina ti basi.

Mahainacã griego masa Jesure maca taha

²⁰ ã yoa bõse numuri Cohamacure ño payoa taina mehne macaina mahainacã griego masa jire. ²¹ ã jia tina Felipe cahapu wihiri jire. Felipe sehe Betsaida wama tiri maca Galilea yahpai jiri maca macariro jire. ã jia tiro cahapu wihirina õ sehe niri jire tirore:

– Jesure ñu duaja sã – niri jire tina.

²² Ti ã nichu tuhoro Felipe Andrepare tíre yahuro wahari jire. ã jia tina puaro Jesure yahure. ²³ Ti ã yahuri baharo Jesu tinare õ sehe ni yahure:

– Yuhu masano Cohamacu warocariro jija. Yuhure jipihtina ti ño payohti pja mipure jirota nina. Mipure yu yariahti pja jirota nina. ²⁴ Potocãta musare yahui nija. Toari yapare yahpapu mari yaerachu, tí yapare mari toerachu cũ yapata tjuarohca. ã jiro tí yapare mari yari baharo dicha tirohca. (Tõ sehetã yu yariari baharo yuhure masa copapu ti siõ sãari baharo payu masare Cohamacu mehne ã jirucuhina jichu yoaihca yuhu.) ²⁵ Ahri yahpai musa jiare pjíro tuhohu boca musa. ã tuhohuna Cohamacure wacũerana, pichacapu wahanahca musa. Ahri yahpai musa jiare ã tuhohunocahna, Cohamacu mehne ã jirucunahca. ²⁶ Yu yare yoa duana, yu buheare noano tuhoga musa. Musã ã yoana musa cãhu yu jiptopure jinahca. Yu yare

yoaritore yu Puc̄u sehe wahchea mehne ñ̄nohca —nire Jesu.

Jesu to yariahtore yahuha

²⁷ Æ ni tuhs̄u õ sehe ni namore:

—Mip̄ure yuh̄u ñ̄ano yajeripohna tija. ¿Yu Puc̄ure dohse nihcari yuh̄u? “Mai, yu ñ̄ano yuh̄duhtore yoai tjia yah̄ure”, ¿nibocari yuh̄u? Tíre nieraja yuh̄u. Ñ̄ano yuh̄duhtiro cjihtota ahri yahpap̄ure tahi. Æ yoa yu ñ̄ano yuh̄duhti pja mip̄ure jiro nina —ni yahure Jesu s̄are to buheinare.

²⁸ Æ yoa õ sehe nire to Puc̄urore:

—Mai, mu tuariro jiare mip̄ure ñ̄oga masare —nire Jesu to Puc̄urore.

To ã nich̄u m̄anop̄u durucuro coa tare:

—Tuariro yu jiare masare ñ̄o tuhs̄u. Mip̄ure ã jic̄u pari turi ñ̄oihca masare —nino coa tare.

²⁹ To ã nino coa tach̄u t̄ho t̄oi ducuina masa paȳu õ sehe nire:

—W̄po jica ã coa taro —nire masa.

—Anjo Jesure yahuro nire —nire paina masa.

³⁰ Õ sehe nire Jesu sehe:

—M̄anop̄u yah̄ure t̄ho dutiro ã nino coa taerare. M̄sa sehere t̄ho dutiro ã nino coa tare. ³¹ Mip̄ure ahri yahpa macaina ti ñ̄ano yoari buhirire buhiri dahrerohca tinare. Ahri yahpa macaina ti p̄htorore wat̄nore coh̄nohca Cohamac̄u. ³² Æ jic̄u yah̄ure crusap̄u ti wahc̄o dapoch̄u paȳu masare yuh̄u mehne macaina ti wahach̄u yoaihca yuh̄u —nire Jesu.

³³ Æ nino “Crusap̄u to yariahtore”, yahuro nire Jesu masare. ³⁴ To ã nich̄u t̄ho masa sehe tirore õ sehe nire:

—Cohamac̄u yare ti joari t̄jui õ sehe nina: “Cristo jipihtia dachoripe jirohca”, ni joaa tiha. ¿To ã ni joach̄u m̄h̄ure mas̄nore Cohamac̄u warocaritore dohse jiro baro m̄h̄ure crusap̄u wahc̄o dapoahcari masa? ¿Mas̄no Cohamac̄u warocariro noa jijari tiro? —ni siniture tina.

³⁵ Ti ã nich̄u õ sehe ni yuh̄tire Jesu:

—Buhriaro to ñ̄a masich̄u yoaro seheta jic̄u masare Cohamac̄u yare noano masich̄u yoaja yuh̄u. Baharo curerocã m̄sa mehne jisi yuh̄u. M̄sare yu buhech̄u mip̄ure t̄hoga ñ̄aare m̄sa yoaerahti cjihtire Cohamac̄u mehne m̄sa ã jirucuhti cjihtire. Yu buheare t̄hoeraina nahitianoi

tiniina yoaro seheta ti wahahtore masierara. ³⁶ Yuh̄u buhriaro yoaro sehe jirore tjia. Æ jic̄u m̄sare buhec̄u Cohamac̄u yare noano masich̄u yoaja m̄sare. Mip̄ure yu wahahto pano yah̄ure wac̄u tuaga. Æ wac̄u tuana yu yaina jinahca m̄sa —nire Jesu.

Æ ni yahu tuhs̄u duhti wahc̄a wahare.

Judio masa Jesure cahmaeraha

³⁷ Paȳu tahari Cohamac̄u tuua mehne tinare Jesu to yoa ñ̄opach̄ta judio masa paȳu tirore ne t̄ho duaerare. ³⁸ Cohamac̄u yare ti joari t̄jui Isaia c̄jro to joariro seheta ã yoaa nire tina. Õ sehe ni joaa tiha Isaia c̄jro:

“Cohamac̄u, mu buheare s̄a yahuch̄u masa t̄ho duaerare.

Mu tuaare tinare mu yoa ñ̄opach̄ta, tíre ‘Potocã jierara’, nire tina”, ni joaa tiha Isaia c̄jro.

³⁹ Ti ã t̄ho duaerach̄u ñ̄ano Cohamac̄u tinare masierach̄u yoare. Tí c̄h̄ure Isaia c̄jro õ sehe ni joaa tiha t̄joo:

⁴⁰ “Capari ñ̄eraina yoaro sehe jiina jich̄u yoaa tiha Cohamac̄u tinare.

Æ yoa to yare masierach̄u yoaa tiha tinare.

Æ jia to tuaare ñ̄upahta tina ti ñ̄arire t̄ho ñ̄ahaerara.

Æ jia to buheare t̄hopahta tíre t̄ho ñ̄ahaerara tina.

Cohamac̄u ya buheare masia, ti ñ̄aa yoari buhirire cohã dutiboa.

Æ jiro tinare yuh̄duch̄u yoaboa tiro”,

ni joaa tiha Isaia c̄jro Cohamac̄u yare ti joari t̄jui. ⁴¹ Æ ni joaro Isaia c̄jro Cristo tu-aare masino to niriro seheta Cristore yahu joaa tiha t̄joo.

⁴² Paina Jesure ti cahmaerapach̄ta judio masa, s̄a p̄h̄toa mehne macaina c̄h̄u paȳu Jesure wac̄u tuua, tirore cahmare. Æ cahmapahta tina fariseo curua macainare cuia painare “Jesu mehne s̄ahi”, ni yahu duaerare. Tíre ti yahuch̄u t̄ho Jesure ti cahmari buhiri judio masa s̄a buheri wuh̄p̄u tinare s̄a dutieraboa fariseo curua macaina sehe. ⁴³ Cohamac̄ure wahchech̄u yoa duapahta tí yuh̄doro fariseo curua macaina sehere wahchech̄u yoa duare Jesure cahma d̄ucaina. Æ jia tina “Jesu yaina wahahi”, ni painare yahu duaerare.

Jesu yahuare ti tũho duaerari buhiri masa buhiri tiahca

⁴⁴ Å yoa Jesu tuaro sañurucu, õ sehe ni yahure:

–Yũhũre wacũ tuariro, yũhũ dihtare wacũ tuaerara. Yũhũre warocariro cũhũre wacũ tuara tiro. ⁴⁵ Tuhsũ, yũhũre masina yũhũre warocariro cũhũre masina.

⁴⁶ Buhriaro to ñũ masichũ yoaro seheta ahri yahpapũ Cohamacũ yare masichũ yoai tai nihi yũhũ. Å jicũ Cohamacũ yare masare masichũ yoaja. Nahitianoi wahariro yoaro sehe jiriro ñaare yoarucura. Yũhũre wacũ tuariro tiro yoaro sehe yoasi. Yũhũre wacũ tuariro quihõno tũhorohca.

⁴⁷ Paina yũ yahuare tũhopahta yũ niriro seheta yoerara. Ti å yoerapachũta yũ yahuare ti yoerari buhirire buhiri dahresi yũhũ sehe tinare. Ahri yahpapũre buhiri dahrei tai nierahi yũhũ. Ahri yahpa macainare pichacapũ waha-borinare yũhdũchũ yoahrtiro cjihto tai nihi yũhũ. ⁴⁸ Yũhũre cahmaerainare, yũ yahua cũhũre cahmaerainare buhiri dahrea jia-hca. Tina yũ yahuare ti tũhoerari buhiri ahri yahpa pihtiri dachoi buhiri tiahca.

⁴⁹ Yũhũ yũ mũ sũro yahueraja. Yũ Pũcũ yũhũre warocariro sehe yũhũre yahu dutire. Å jia yũ yahua sehe to ya durucua jira.

⁵⁰ To ya durucua “Quihõno jira” nina, Cohamacũ mehne å jirucunahca mũsa. Å jicũ yũ Pũcũ to yahu dutiriro seheta yahuja mũsare –nire Jesu.

13

Jesu to buheina dahporire cosaha

¹ Å yoa pascua bõse nãmari panocã ahri yahpare to cohã wahcãhto cjihtore to Pũcũro cahapũ to wahahto cjihtore masire Jesu. Tuhsũ, ahri yahpa macainare to yainare tiro tuaro cahĩre tina mehne to jiro puro. Å cahĩrucura to yainare.

² Tí ñamine Jesu sã to buheina mehne sã chũchũ Juda Iscariotere Simo macũnore Jesure ñũ tuhtiinare ño duti tuhsũri jire watĩno sehe. ³ Tuhsũ, to Pũcũro Cohamacũ Jesure jipihtina bui to pũhtoro sõrire masire Jesu. Å yoa Cohamacũ cahapũ to tari cjirire, baharo mũanopũ to mũjahti cũhũre masire. ⁴ Å masino wahcãrũca,

to suhtiro bui macanore tjuwe na, tóre cũ tuhsũ, suhtiro cahsaro mehne to pjaro yũjũi dũhtere. ⁵ Dũhte tuhsũ, waparoi core pio sãa, sã to buheinare sã dahporire cosa dũcare. Sãre cosa tuhsũ to dũhteri cahsaro mehne pahã cohãre sã dahporire.

⁶ Paina buheinare cosa wahcã, Simo Pedropũre sũre. To dahporire to cosahto pano Pedro sehe tirore õ sehe nire:

–Pũhtoro, ¿yũ dahporire cosai tai nijari mũhũ? –nire Jesure Pedro.

⁷ –Michapucacã mũhũre yũ yoahrtire masierara mũhũ. Å masierapacũta baharo masiĩhca mũhũ –nire Jesu.

⁸ –Yũ dahporire ne cosasi mũhũ –nire Pedro.

–Mũhũre yũ cosaerachũ yũ yairo jisi mũhũ –nire Jesu.

⁹ –Pũhtoro, yũ dahpori dihtare cosai tjiga. Yũ dahporire, yũ wamomacarine, yũ dapu cũhũre cosaga –nire Pedro.

¹⁰ To å nichũ Jesu piti dahre buhero õ sehe nire:

–Cũiro masũno cuhsũro to pjacũre noano tju cosa pahõna. Å jiro pari turi tirore tju cosaro cahmaerara. To dahpori dihtare cosaro cahmana. Jipihtina mũsa ñaa yoari buhirire cosarina cjiri mũsa jipachũta cũiro mũsa mehne macariro to ñaa yoari buhirire cosamahnoerariro jira –nire Jesu.

¹¹ Jesu tirore ñũ tuhtiinare ñohtirore masire. Å masino “Cũiro mũsa mehne macariro to ñaa yoari buhirire cosamahnoerariro jira”, nire.

¹² Sã dahporire cosa tuhsũ, to suhtirore sãa tuhsũ, nuju sũre to dujiriroihta.

–¿Michapucacã mũsare yũ yoarire tũho ñahajari mũsa? ¹³ Mũsa yũhũre “Buheriro”, ni pisuna, “Pũhtoro”, ni pisuna potocãta nina nica yũhũre. Mũsare buheriro, mũsa pũhtoro potocãta jija yũhũ. ¹⁴ Å jina yũhũ mũsare buheriro, mũsa pũhtoro jipaihta mũsa dahporire cosariro yũ jichũ ñũna mũsa cũhũ mũsa mehne macaina dahporire cosaga. ¹⁵ Michapucacã mũsare cosacũ, baharo mũsa yoahiti cjihtire mũsare ñoi nija. Mũsa mehne macainare mũsa yoadohohtire ñoi nija. Mũsare yũ yoariro seheta mũsa cũhũ yoaga. ¹⁶ Potocã mũsare niita nija. Mũsa yũ cahamaca

yoaro sehe jiina y_u bui jierara. M_usare buhe duti y_u warocarina jira m_usa. ã jina y_u bui jierara m_usa. ã jic_uta “Y_u yoariro seheta yoaga”, nihi m_usare. ¹⁷ Ahrire masina, y_u dutiare yoana, wahcheina jinahca m_usa.

¹⁸ M_usare jipihtinare ã nieraja. Y_u beserinare masija y_uh_u. Cohamac_u to yare ti joari tjui to ni joariro seheta ã waharohca. “Y_uh_u mehne ch_urirota y_uh_ure wajã duare”, ni joaa tiha Cohamac_u yare ti joari tjui. ¹⁹ To ã yoah_uto pano ahrire yahuyui nija m_usare. Y_uh_ure to ã yoari baharo “Jesuta Cristo Cohamac_u warocarirota jira”, m_usa nihti cjihtire ahrire m_usare yahuyui nija y_uh_u. ²⁰ Potocã m_usare niita nija. Y_u warocainare cahmariro y_uh_u c_uh_ure cahmana tiro. Tuhs_u, y_uh_ure cahmariro y_uh_ure warocariro c_uh_ure cahmana tiro – nire Jesu sãre to buheinare.

Juda Jesure ñ_u tuhtiinare to ñohtore yahuha Jesu

(Mt 26.20-25; Mr 14.17-21; Lc 22.21-23)

²¹ ã ni yahu tuhs_u Jesu tuaro cahyare. ã cahyaro ò sehe ni yahure tiro sãre:

–Potocãta m_usare nii nija. Cãiro m_usa mehne macariro y_uh_ure ñ_u tuhtiinare y_uh_ure ñonohca –nire Jesu.

²² To ã nich_u tãhona Jesure ñohtirore masierana, sã basi cahma ñ_uroca òi. ²³ Cãiro Jesu to buheina mehne macariro y_uh_u, Jesu to cahãriro sehe to pari wahpa dujihi. ²⁴ Y_u ã dujich_u ñ_uno Simo Pedro y_uh_ure to wamomaca mehne yoa ño, siniture:

–¿Jesure ñohtirore diro sehere nino nibocari Jesu? Yahuga sãre –ni to wamomaca mehne yoa ño, sinitu ñ_ure Pedro.

²⁵ To ã nich_u y_uh_u sehe Jesu cahacã dujiriro jic_u sinitu ñ_uhi tirore:

–Pãhtoro, ¿dirore nii nijari m_uh_u? –ni sinitu ñ_uhi y_uh_u.

²⁶ –Ahri pãore dahra waha na, soha y_u wahtiro sehe tirota jira y_uh_ure ñohtiro – nire Jesu.

ã ni tuhs_u ti pão to dahra waha narirore soha tuhs_u tíre Judare Simo Iscariote macunore ware. ²⁷ ã yoa pãore to ñahari

baharo watño sehe Judare ñano yoa dutiri jire. ã jiro Jesu tirore ò sehe nire:

–M_u yoah_uto cjihtore cjero yoa bahrañoga m_uh_u –nire Jesu Judare.

²⁸ To ã nich_u tãhona sã mesap_u dujiina, Jesu Judare to nirire noano tãh_u ñahaerahi.

²⁹ Cãina ò sehe ni tãhotumahi: “Judã sã niñerure wihboriro jira. ã jiro bose n_um_ui sã ch_uhti cjihtire nuch_u dutiro warocare Jesu Judare. O pjac_uoinare niñerure wa dutiro niboca Jesu”, ni tãhotumahi sã cãina.

³⁰ ã yoa Juda tí pãore ñaha tuhs_u, wijaa wahare. To wijaari pja ñami jire.

Wahma dutiare yahuha Jesu

³¹ To ã wijaari baharo ò sehe nire Jesu:

–Mip_u pinihtare y_uh_u mas_uno Cohamac_u warocariro y_u tuariro y_u jia tiare ñonohca Cohamac_u masare. ã jic_u Cohamac_u to tuariro to jiare ñoihca y_uh_u sehe. ³² ã jiro Cohamac_u to tuaare y_u ñoch_u tiro sehe y_u ya tuaa cãh_ure mip_u pinihtare ñono taro nina. ³³ Y_u pohna y_u cahãina, y_uh_ure tãhoga. Mahaa dachoricã m_usa mehne jisinihca. Y_u wahari baharo y_uh_ure macanahca m_usa. ã jic_u mari coyea judio masare y_u niriro seheta m_usa cãh_ure nija. “Y_u wahahtore m_usa sehe waha masierara”, tinaare y_u niriro seheta m_usa cãh_ure ã ni yahuja. ³⁴ Wahma dutiare m_usare yahuihtja. M_usa mehne macainare cahãga m_usa. M_usare y_u cahãriro seheta, m_usa mehne macainare cahãga.

³⁵ ã jina m_usa mehne macainare m_usa cahãch_u ñ_u y_u yaina m_usa jiare masiahca paina –nire Jesu sãre.

“Jesure masieraja”, Pedro to nihto cjihtore yahuha Jesu

(Mt 26.31-35; Mr 14.27-31; Lc 22.31-34)

³⁶ To ã nich_u Simo Pedro Jesure ò sehe ni sinitu ñ_ure:

–Pãhtoro, ¿nohop_u wahaih_u cari m_uh_u? – nire Pedro.

–Y_u wahahtop_ure mip_ure y_uh_u mehne waha masierara m_uh_u. Mip_ure waha masierapaihta baharo y_u cahai wahac_uhca –nire Jesu Pedore.

³⁷ –Pãhtoro, ¿dohseac_u mip_ure m_uh_u mehne waha masierabocari y_uh_u? Y_uh_ure

ti wajã duapachata mähure ne duhusi yuhü —nire Pedro Jesure.

³⁸ —¿Ã tjjari? ¿Mähure ti wajã duapachata, mähü yuhüre duhueraihcarì? Potocãta mähure nii nija. Caraca to duhto pano “Jesure masieraja”, niihca mähü painare. Tia taha ã niihca mähü —nire Jesu Pedrore.

14

Jesu Cohamacü cahapü wahari maha yoaro sehe jira

¹ Baharo Jesu säre õ sehe ni yahure:

—Ne cahya pjíro tãhotuena tjiga. Cohamacüre wacü tuaga. ã jina yuhü cãhüre wacü tuaga. “Cohamacü mehne yuhdñahca”, ni tãhotuga tirore. Yuhü cãhüre ãta ni tãhotuga mäsä. ² Yü Pücü to jiropüre payü wãhüse jira. Mäsä jihto cjihtore cahnoyui wahai nija. Tí potocã tjira. ã jicü müsare tíre yahuja. ³ ã jicü müsä jihto cjihtore cahno tuhsü, õpüta pari turi majare tjua taihtja yuhü. ã jina tói yü jiroita müsä cãhü jinahca tjoa. ⁴ Mipüre yü sãhtopüre wahari mahare masi tuhsüra müsä —nire Jesu säre to buheinare.

⁵ —Pãhtoro, mü sãhtore masieraja sä. ¿Ã jina dohse yoa mü wahari mahare masinahcari sä? —ni sinitu ñüre Toma Jesure.

⁶ To ã ni sinituchü tãhoro Jesu sehe õ sehe ni yãhtire:

—Yuhü Cohamacü cahapü wahari maha yoaro sehe jiro jija. Cohamacü cahapü wahachü yoariro, potocã yahuriro, ã catirucuchü yoariro jinocaita nija yuhü. ã jia yü yaina dihta yü Pücü cahapü wahaahca. ⁷ Panopü yuhüre masina, yü Pücü cãhüre masiboa müsä. Mipüre tirore ñüre müsä. ã jina tirore masi tuhsüra müsä —nire Jesu säre.

⁸ To ã nichü Felipe sehe õ sehe nire:

—Pãhtoro, mari Pücüre ñoga säre. Tó purota ñü duaja sä —nire tiro.

⁹ To ã nichü Jesu õ sehe ni yahure:

—Felipe, ¿yoari pja yuhü mehne jipaihta, mähü masierasinihari yuhüre? Yuhüre ñüriro yü Pücü cãhüre ñü tuhsüre. ã jicü “Mari Pücüre ñoga säre” nicü, ¿dohseacü ã nijari mähü yuhüre? ¹⁰ Yuhü yü Pücü mehne

pãaro jipanahta cãirota jija. ¿Tíre “Potocã jierara”, niimeje nijari mähü? Mäsare yahucü yü müsüro yahui nieraja. Yü Pücüre yahubasai nija. ã jiro tiro yuhü mehne jiro to tuaa mehne yoa ñona. ¹¹ Yuhü yü Pücü mehne pãaro jipanahta cãirota jija. Tíre “Potocã tjira”, ni wacüga müsä. Tíre “Potocã tjira” nierana, Cohamacü tuaa mehne yü yoa ñoare wacüna, yü Pücü mehne yü cãirota jiare “Potocã tjira”, ni wacüga müsä. ¹² Potocãta müsare nii nija. Yuhüre wacü tuariro yü yoariro seheta yoarohca. ã yoa tiro yü yãhgoro yoarohca. Yü Pücü cahapü tjuaai tai nija mipüre. ã jiro yuhüre wacü tuariro yü yãhgoro Cohamacü tuaa mehne yoa ñonohca. ¹³ ã jicü yuhüre wacü tuaina ti sinino purota yoaihca. ã yoacü yü Pücü to tuariro jiare ñoihca. ¹⁴ Yuhüre wacü tuaina müsä jichü müsä sinino purota yoaihtja —nire Jesu.

“Espíritu Santore müsare warocaihtja”, ni yahuha Jesu

¹⁵ ã ni tuhsü õ sehe ni namore:

—Yuhüre müsä cahüna, yü dutiare noano yoanahca. ¹⁶ Yü Pücüre sinibasaihtja. Yü ã sinibasachü yü Pücü sehe paire mü sare yoadohohtiore müsare warocarohca. ã jiro tiro müsare yoadohohtiro sehe jipihitia dachoripe müsä mehne ã jirucurohca. ¹⁷ Tiro potocãta yahuriro Espíritu Santo tjira. Ahri yahpa macaina yuhüre cahmaeraina sehe tirore masierara. ã jia tirore cjuä masierara. Tirota müsä mehne ã jirucurohca. ã jina tirore masina müsä.

¹⁸ Mäsare cohãsi yuhü. Mäsä mehne jihtiro cjihto tjua taihca yuhü tjoa. ¹⁹ Wiho mejeta mahanocã dãhsara yü wahahto cjihto. Yü wahari baharo ahri yahpa macaina yuhüre wacü tuaeraina yuhüre pari turi ñüsi. Mäsä sehe yuhüre ñünahca. Yü catiriro jichü müsä cãhü jipihitia dachoripe Cohamacü mehne catirucunahca. ²⁰ Tí dachoi yü tjua tahti dachoi yuhü yü Pücü mehne cãirota sä jichü masinahca müsä. ã jina yuhü mehne macaina müsä jichü müsä mehne macariro yü jichü cãhüre masinahca müsä. ²¹ Yü dutiare yoariro yuhüre cahürirota jira. ã jiro yuhüre cahürirore yü Pücü sehe cahünohca. ã jicü yuhü cãhü yü

dutiare yoaritore cahñihca. Ñ yoa yu jia tiare noano masichu yoaihca tirore –nire Jesu sare to buheinare.

²² Sã mehne macariro paio Juda wama tirore jire. Juda Iscariote Jesure ñu tuhtinare ñohtiro jierare tiro. Paio Juda jire. Ñ jiro tiro Jesure õ sehe ni siniture:

–Pahtoro, ¿dohse yoajari mahu tinare ã nicu? ¿Ahri yahpa macainare mahure masichu yoeracu, dohse yoacu sã dihtare mahure masichu yoahcari mahu? –ni siniture Juda.

²³ To ã nichu tuhoro Jesu tirore õ sehe ni yahure:

–Yuhure cahñina, yu dutiare noano yoa nina. Ti ã yoachu yu Pucu sehe tinare cahñohca. Ñ jina tina mehne jina tanahca sã. ²⁴ Yuhure cahñerario yu dutiare yoerara. Tuhsu, yu yahua musa tuhori cjiri sehe yu ya yahua jierara. Yuhure warocariro ya yahua sehe jira. Tiro yu Pucu tjira.

²⁵ 'Musa mehne jisinicu ahrire musare yahusini nija. ²⁶ Baharo yu sinibasachu yu Pucu Espiritu Santore warocarohca musare. Tiro Espiritu Santo sehe musare yoadohtiro jiro, musare buhe pahñohca tiro. Ñ yoa musare yu yahuri cjirire musare wacũchu yoarohca tiro.

²⁷ 'Musare noano jichu yoaihca yuhu. Yuhu yu noano jiriro seheta noano jichu yoaihca musare. Ahri yahpa macaina ti mahñoperiro seheta yoasi yuhu musare. Yuhu pinihta potocãta noano jichu yoaihca musare. Cahya pjiro wacũena tjiga musa. Ñ jina cuiena tjiga musa. ²⁸ “Yuhu wahai-hca. Ñ jicu musa mehne jihtiro cjihto tjua taihtja tjoa”, musare yu ã ni yahuchu tuho tuhsure musa. Tíre tuhona, wahcheboa musa. Yuhure musa potocã cahñina jina, wahcheboa musa. Yu Pucu sehe yu yuhdoro tuara. Ñ jina tiro cahpu yu wahahto cjihtore musa masiri baharo yuhure cahñina, wahcheboa musa. ²⁹ Yuhure musa wacũ tuahti cjihtire yu wahahtore yahuyui nija musare.

³⁰ 'Ahri yahpa macaina pahtoro watino sehe tara mipure. To ã tachu yuhu musa mehne yu durucu batohti pja mahanocã duhsara. Tiro sehe yuhure yuhduruca masierara. ³¹ Wiho mejeta yuhure yu

Pucu to dutiriro seheta yoaja yuhu. Ñta yoaja yuhu yu Pucure yu cahñare ahri yahpa macaina ti masihtu cjihtire. Wahcãrucaga. Basa wahana –nire Jesu sare to buheinare.

15

Jesu secu yoaro sehe jiriro jira

¹ Baharo piti dahre buhero sare õ sehe nire Jesu:

–Yuhu potocãta secu yoaro sehe jiriro jija. Yu Pucu sehe secure ñu wihboriro yoaro sehe jiriro jira. ² Yu yaina secu dũpuri yoaro sehe jiina yuhu mehne macainata jira. Dicha mariea dũpurire secure ñu wihboriro to paha cohãiro seheta yu Pucu to cahmaare yoerainare cohãna. Dicha tia dũpurire secure ñu wihboriro to cahnoriro seheta yu Pucu to cahmaare yoainare yoadohorohca tiro “Yu cahmaare yoa namojaro”, nino. ³ Yu yahuare tuhona, “Potocã tjira”, nire musa. Ñ jiro yu Pucu musa ñaa yoari buhirire cohã tuhsure. ⁴ Yuhu mehne macaina jiga musa. Ñ jii musa mehne jihca. Secu dũpuri secu mehne wahã sũera dũpuri jia, tí dũpuri sehe dicha mariaha. Tó seheta yuhu mehne macaina jierana yu Pucu cahmaare yoa masierara musa.

⁵ 'Yuhu secu yoaro sehe jiriro jija. Musa sehe tu dũpuri yoaro sehe jiina jira. Yuhu mehne macariro mehne yu jichu dicha tia dũpuri yoaro sehe tiro yu Pucu cahmaare yoara. Yuhu mehne macaina jierana yu Pucu cahmaare yoa masierara musa. ⁶ Ñaa dũpurire to cohãboriro seheta yuhu mehne macaina jierainare yu Pucu cohãnohca. Tí dũpuri ñaia wahachu secure ñu wihboriro tí dũpurire na cahmachu pichacapu jũ cohãnohca. Ñta yoarohca Cohamacu yuhu mehne macaina jierainare.

⁷ 'Yuhu mehne macaina jina, yu buheare boeraboca musa. Ñ boerana, musa cahmano purota siniga. Ñ jicu musa sinino purota yoabasaihtja. ⁸ Yu Pucu cahmaare yoaina musa jichu ñna “Jesu yaina jira ahri-ri”, ni masiahca masa. Ñ jia musare ñna yu Pucure ño payoahca. ⁹ Yu Pucu yuhure to cahñiro seheta musare yuhu cũhu cahña tih. Yu cahñina jirucuga musa. ¹⁰ Yu cahñina jirucaina yu dutiare yoara. Yu Pucu to

dutiare yoaja yuhũ. Ñ yoacu to cahĩro jirucuja yuhũ. Tó seheta m̄sa c̄hũ yũ dutiare yoana yũ cahĩna jirucunahca m̄sa.

11 'Ahrire m̄sare yahuhi yuhũ mehne m̄sa noano wahchehto cjihtore. Ñ jina tuaro wahchenahca m̄sa. 12 Õ sehe dutija m̄sare: M̄sare yũ cahĩro seheta m̄sa mehne macaina c̄hũre cahĩga. 13 C̄airo masũno tiro mehne macariro yaro jiborirore yariaro tiro mehne macarirore tuaro cahĩna, paina ti cahĩro yũdoro. 14 Ñ jina yũ dutiare yoana yuhũ mehne macaina jira m̄sa. 15 Potoc̄ata yuhũ mehne macaina waro jira m̄sa. M̄sa ã jiina jichũ jipihtia yũ yoarire yahuja m̄sare. Cahamacũno to p̄htoro yoarire masierara tiro. Ñ jicũ “Yũ cahamaca wiho jiina jira m̄sa”, m̄sare nieraja. Yũ P̄scũ yuhũre to yahurire m̄sare yahu pah̄ohi. Ñ yahucũ “Yuhũ mehne macaina jira m̄sa”, m̄sare nija mip̄ure. 16 M̄sa sehe yuhũre ne beserare. Yuhũ sehe m̄sare besei yũ P̄scũ cahmaare m̄sa yoahina cjihtire. M̄sa ã yoachũ m̄sa yoaa ne wiho waro jisi. Ñ jia m̄sa yoaa ã jirucuahca. M̄sa ã yoachũ yuhũre m̄sa wacũ tuachũ yũ P̄scũre m̄sa sinino purota tiro m̄sare warohca. 17 Ahrire m̄sare dutija yuhũ: M̄sa mehne macainare cahĩga m̄sa –ni yahure Jesu.

Jesure to yaina c̄hũre ahri yahpa macaina ñũ tuhtira

18 Ñ yoa tiro õ sehe ni yahu namore:

–Ahri yahpa macaina m̄sare ti ñũ tuhtichũ ñũna ahrire wacũga m̄sa: M̄sare ti ñũ tuhtihto pano yuhũ sehene ñũ tuhti d̄care tina. 19 Cohamacũre cahmaeraina m̄sa jisnichũ, tina mehne macainare ti cahĩro seheta m̄sa c̄hũre cahĩboa tina. Ahri yahpa macaina m̄sa jisnichũ m̄sare besei. Ñ jina mip̄ure ahri yahpa macaina waro jierara m̄sa. M̄sa ã jierachũ ñũna ahri yahpa macaina m̄sare ñũ tuhtira. 20 “Yũ yaina jina m̄sa yũ bui jierara”, m̄sare yũ niri cjihtire wacũga m̄sa. Ñ yũ docai jiina jina yũ ñano yũd̄ariro seheta ñano yũd̄nahca m̄sa c̄hũ. Yuhũre ñano yoarinata m̄sa c̄hũre ñano yoahca. Yũ buhechũ yũhtirinata m̄sa buhechũ c̄hũre yũhtiahca tina.

21 Ahri yahpa macaina yuhũre warocarirore masierara. Ñ jia yuhũre wacũ tuaina m̄sa jichũ ñũna tina ñano yoahca m̄sa c̄hũre.

22 ‘Tinare yũ buhei taerachũ yuhũre ti cahmaerari buhiri buhiri mariaboa. Mip̄ure tinare yũ buheri baharo “Ñaa buhiri mariaha s̄are”, ni masierara tina. 23 Yuhũre ñũ tuhtiriro yũ P̄scũ c̄hũre ñũ tuhtira. 24 Cohamacũ to tuaa mehne paina ti ne yoerarire yoa ñohi. Ñ yoa tinare tíre yũ yoa ñoerachũ tinare ñaa buhiri mariaboa. Cohamacũ tuaa mehne yũ yoa ñoare ti ñũri baharo yuhũre yũ P̄scũ c̄hũre ñũ tuhtira tina. 25 Ñ ñũ tuhtia Cohamacũ yare ti joari tjuí dóip̄uta to ni joariro seheta yoaa nire tina. Õ sehe ni joaa tiha: “Tinare yũ ñano yoerapachũta yuhũre ñũ tuhtire tina”, ni joaa tiha dóip̄uta Cohamacũ yare ti joari tjuí.

26 ‘Yũ baharop̄m̄ m̄sare yoadohohtiro, yũ P̄scũ mehne jiriro m̄sare yũ warochahtiro Esp̄ritu Santo tjira. Tiro potoc̄ata yahuriro jira. Ñ jiro tiro taro yũ jia tiare yahurohca m̄sare. 27 Masare yũ buhe d̄cach̄p̄uta m̄sa c̄hũ dachoripe yuhũ mehne ã jirucure. Ñ jina m̄sa c̄hũ yũ jia tiare yahurahca painare –ni yahure Jesu.

16

1 Ñ ni tuhsũ s̄are õ sehe ni yahu namore:

–Baharo yũ buheare yuhũ c̄hũre m̄sa coh̄erahti cjihtire ahrire jipihtiare yahuhi m̄sare. 2 Judio masa mari buhea wuh̄sep̄m̄ m̄sa s̄aa duachũ s̄aa dutisi m̄sare yũ yaina m̄sa jiri buhiri. Ñ jia pa tehep̄m̄ m̄sare waj̄aa, “Cohamacũ cahmaare yoana nija”, ni t̄hotuahca paina. 3 Yũ P̄scũre, yuhũ c̄hũre tina masierara. Ñ masieraa m̄sare ñano yoahca tina. 4 Ñ jina m̄sare ñano ti yoachũ ñũna, “Ti õ sehe yoahto panota Jesu yahu tuhs̄are s̄are”, ni wacũnahca m̄sa. M̄sa ã ni wacũhti cjihtire mip̄ure ahrire yahu m̄htai nija m̄sare –ni yahure Jesu.

Esp̄ritu Santo to yoahtire yahuha Jesu

Ñ ni tuhsũ õ sehe ni yahu namore Jesu:

–Wahmanop̄ure m̄sa mehne jicũ ahrire m̄sare yahuerahi. 5 Mip̄ sehere yuhũre warocariro cahap̄m̄ wahaihca wahai tai

nija. “¿Nohorꝑ wahaihcarĩ mꝑhꝑ?” yꝑhꝑre ni, ne cãiro barota sinitu ñerara mꝑsa. ⁶ ã sinitu ñerapanahca yꝑ wahahtore mꝑsare yꝑ yahu mꝑjachꝑ mꝑsa ñano yajeripohna tira. ⁷ Mꝑsare potocãta yahui nija. Yꝑ wahari baharo mꝑsare noanocanoꝑca. Yꝑ mꝑanorꝑ wahaerachꝑ mꝑsare yoadohohtiro sehe taeraboa. Wahacꝑ mꝑsare tirore warocaihtja yꝑhꝑ. ⁸ Yꝑ ã warocachꝑ tiro tarohca. ã wihiro ahri yahpa macaina ñaa yoaina ti ñaa buhiri tiare tinare masichꝑ yoarohca tiro. Noano jia tia cꝑhꝑre buherohca tiro masare. Tuhsꝑ, Cohamacꝑ masare to buhiri dahrehto cꝑhꝑre masichꝑ yoarohca masare yoadohohtiro sehe. ⁹ Yꝑhꝑre wacũ tuaeraina jira ahri yahpa macaina. ã jiro yoadohohtiro sehe masa ñaa yoaina ti ñaa buhiri tiare tinare masichꝑ yoarohca. ¹⁰ Yꝑ Pꝑcꝑ caharꝑ wahaihca. Yꝑ ã wahari baharo mꝑsa yꝑhꝑre ne ñhsinisi. ã jiro noano jia tia cꝑhꝑre masichꝑ yoarohca yoadohohtiro sehe. ¹¹ Ahri yahpa macaina pꝑhtoro watĩnore Cohamacꝑ buhiri dahre duti tuhsꝑre. ã jiro Cohamacꝑ masare, watĩno mehne macainare to buhiri dahrehti cꝑhꝑre masichꝑ yoarohca yoadohohtiro sehe.

¹² Pjĩro jira mꝑsare yꝑ yahuhti cjihti. Wiho mejeta mꝑsa sehe yꝑ yahu pahñoꝑhꝑ, tuho ñaha pahñoeraboa. ¹³ ã jiro potocã jiare yahuriro Espĩritu Santo sehe mꝑsare quihõno jiare yahu pahñoono tarohca. Tiro to mꝑ sꝑro mꝑsare yahusi. Yꝑ Pꝑcꝑ tirore to yahu dutirire tiro yahurohca mꝑsare. ã yoa “Baharorꝑ õ sehe waharohca”, ni yahuyurohca tiro sehe mꝑsare. ¹⁴ ã yoa yꝑ yare mꝑsare tiro yahurohca. ã yahuro yꝑhꝑre ño payochꝑ yoarohca mꝑsare. ¹⁵ Jipihtia yꝑ Pꝑcꝑ ya yꝑ ya cꝑhꝑ jira. ã jicꝑ “Espĩritu Santo sehe yꝑ yare yahurohca mꝑsare”, nihi mꝑsare –ni yahure Jesu.

“Cahyaina jipanahta baharo wahchenahca mꝑsa”, ni yahuha Jesu

¹⁶ ã ni tuhsꝑ õ sehe ni yahu namore:

–Mahanocã baharo yꝑhꝑre ñhsĩ mꝑsa. ã jina baharocãta mꝑsa yꝑhꝑre ñnahca tjoa –nire Jesu sãre to buheinare.

¹⁷ To ã nichꝑ tuhona, sã sehe mahainacã õ sehe ni durucui sã basi:

–“Mahanocã baharo yꝑhꝑre ñhsĩ mꝑsa. ã jina baharocãta mꝑsa yꝑhꝑre ñnahca tjoa” nino, ¿dohse nino ã niri marine? ã yoa “Yꝑ Pꝑcꝑ caharꝑ wahaihca” nino, ¿dohse jiro baro marine ã niri tiro? ¹⁸ “Mahanocã” nino, ¿dohse nino ã niri tiro? To yahurire noano tuho ñahaeraja mari –ni durucui sã basi.

¹⁹ Sã ã ni durucuchꝑ Jesu tirore sã sinitu duarire masino, sãre õ sehe ni yahure:

–“Mahanocã baharo yꝑhꝑre ñhsĩ mꝑsa. ã jina baharocãta yꝑhꝑre ñnahca tjoa”, ¿yꝑ niri cjiire sinitu duajari mꝑsa? ¿Tĩre yꝑ nĩre tuho ñahaerajari mꝑsa? ²⁰ Potocãta mꝑsare nii nija. Yꝑ yariachꝑ ñna mꝑsa tiinahca. Tuhsꝑ, tuaro cahyanahca. ã jia yꝑhꝑre ño payoeraina sehe wahcheahca. Mꝑsa sehe cahyaina cjiri jipanahta, baharo wahchenahca mꝑsa. ²¹ Õ sehe jira tí: Numino niji wahcõno, to ñano yꝑhdũhto pano jira. ã jiro ticoro tuaro cahyara. ã cahyaparota to pohna tiri baharo ticorore purĩre wacũerara ticoro. Wihãrirocã ahri yahpꝑ to masa bajuachꝑ ticoro wahchera. ã jiro ticorore purĩre wacũerara ticoro. ²² Tó seheta mꝑsa mipꝑre cahyanahca. Baharo mꝑsare ñhĩhca tjoa. Yꝑhꝑre ã ñna mꝑsa tuaro wahchenahca. Mꝑsa ã wahchechꝑ paina mꝑsare cahyachꝑ yoa masisi.

²³ Tĩ dachoi yꝑhꝑre mꝑsa ñari dachoi yꝑhꝑre sinitu ñhsĩ mꝑsa. Masi tuhsꝑrinapꝑ jinahca. Potocãta mꝑsare nii nija. Yꝑhꝑre mꝑsa wacũ tuachꝑ ñno yꝑ Pꝑcꝑre mꝑsa siniare tiro mꝑsare warohca. ²⁴ Yꝑhꝑre wacũ tuaina jina, Cohamacꝑre sini masina mꝑsa. Ahri dacho panoĩ tirore ã sinierasinire mꝑsa. Yꝑhꝑre wacũ tuatjiãhna Cohamacꝑre siniga. Mꝑsa ã sinichꝑ mꝑsa sinirire mꝑsare warohca, mꝑsa wahche pahñohti cjihtire –nire Jesu sãre.

Ñainare Jesu yꝑhdũrꝑcaha

²⁵ ã ni tuhsꝑ õ sehe ni namore:

–Quitĩ mehne mꝑsare yahua tihi. ã yahupaihta baharo mꝑsare quitĩ mehne yahusi yꝑhꝑ. ã yahueracꝑ yꝑ Pꝑcꝑ sehere

noano poto yahuihtja m̄sare. ²⁶ Tí da- chore m̄sa ya cjihtire ȳ P̄sc̄are sini payosi ȳh̄h̄. Ȳh̄h̄re wacū tuana, m̄sa basi tirore sininahca. ²⁷ M̄sa ȳh̄h̄re cahīna. Ā jina ȳ P̄sc̄u cahap̄ ȳ tariro jich̄h̄ “Potocā tjira”, nina m̄sa. Ā niina m̄sa jich̄h̄ ñ̄no, ȳh̄h̄re cahīna m̄sa jich̄h̄ ñ̄no ȳ P̄sc̄u sehe m̄sare cahīna. To ā cahīch̄h̄ tirore m̄sa sininahca. ²⁸ Ȳ P̄sc̄u cahai jiriro jic̄h̄ ahri yahpap̄re tai ȳh̄h̄. Ā jic̄h̄ mip̄re ahri yahpap̄re jiriro jisinic̄h̄ ȳ P̄sc̄u cahap̄re wahaihca –nire Jesu.

²⁹ To ā nich̄h̄ s̄a to buheina ò sehe nii:

–Mip̄re pinihta quit̄i marieno durucui noano poto yahui nina m̄h̄h̄ s̄are. ³⁰ M̄h̄h̄ noano masi pahñ̄oriro m̄h̄h̄ jich̄h̄ mip̄re pinihtare s̄a masija. Ā jia paina m̄h̄h̄re buhe masierara. Tíre mip̄re s̄a noano masija. S̄a noano masiina jina, Cohamac̄u cahap̄re tariro m̄h̄h̄ jich̄h̄ “Potocā tjira”, nija s̄a –nii s̄a Jesure.

³¹ S̄a ā nich̄h̄ Jesu ò sehe ni ȳh̄htire s̄are:

–¿Mip̄re “Potocā tjira”, nijari m̄sa j̄na? ³² Baharo curero j̄pihtina m̄sa w̄h̄h̄sep̄re waha siteina jina, ȳh̄h̄re cohānahca m̄sa. M̄sa ā cohāpach̄ta ȳ P̄sc̄u sehe ȳh̄h̄ mehne jira. Ā jic̄h̄ ȳh̄h̄ c̄airota jieraja. ³³ Ahrire m̄sare yahu m̄htahi, ȳh̄h̄re m̄sa wacū tuaa mehne m̄sa noano jihto sehe. Cohamac̄ure cahmaeraina cahap̄re m̄sa jich̄h̄ ñ̄ano yoaaahca m̄sare tina. Ti ā yoapach̄ta wahchega m̄sa. Ahri yahpa macaina ñ̄aa buhiri tiinare, ti p̄htoro wat̄ino c̄h̄h̄re ȳh̄d̄ar̄ucar̄iro jija ȳh̄h̄. Ā jina ȳh̄h̄re wacū tuana wahchega m̄sa –nire Jesu s̄are to buheinare.

17

Jesu to buheina ya cjihtire Cohamac̄ure sini payoha

¹ Ā ni yahu tuhs̄ Jesu m̄anop̄re ñ̄roca m̄o, Cohamac̄ure ò sehe ni durucure:

–Mai, mip̄re m̄h̄h̄ yahu quih̄oriro seheta ȳh̄h̄re ñ̄ano ti yoah̄ti p̄ja m̄h̄h̄ s̄urota nina. Ȳh̄h̄re m̄h̄h̄ mac̄ure masare ñ̄o payoch̄h̄ yoaga. M̄h̄h̄ ā yoach̄h̄ m̄h̄h̄re masare ñ̄o payoch̄h̄ yoaihca ȳh̄h̄ c̄h̄h̄. ² J̄pihtina bui p̄htoro ȳh̄h̄re c̄ure m̄h̄h̄. Ā jic̄h̄ ȳh̄h̄re m̄h̄h̄ warinare m̄h̄h̄ mehne ā jirucuch̄h̄

yoaihca ȳh̄h̄. Tuhs̄, m̄h̄h̄re masare ñ̄o payoch̄h̄ yoaihca ȳh̄h̄. ³ M̄h̄h̄ dihta Cohamac̄u waro jira. Ȳh̄h̄ Jesucristo m̄h̄h̄ warocar̄iro jija. Ā jia j̄pihtina m̄h̄h̄re masiina, ȳh̄h̄ c̄h̄h̄re masiina m̄anop̄re mari mehne ā jirucuahca –nire Jesu.

⁴ Ā ninota ò sehe ni namore Cohamac̄ure: –Ahri yahpap̄re m̄h̄h̄ yoa dutiri c̄jirire yoa pahñ̄oja ȳh̄h̄. Ā yoac̄h̄ m̄h̄h̄re masare ñ̄o payoch̄h̄ yoaja ȳh̄h̄. ⁵ Ahri yahpa to jihto pano m̄h̄h̄ mehne ȳh̄h̄ jich̄h̄ j̄pihtina ȳh̄h̄re ti ñ̄o payo m̄htar̄iro seheta mip̄re ȳh̄h̄re ti ñ̄o payoch̄h̄ yoaga tjoa.

⁶ ‘Ahri yahpai j̄inare ȳh̄h̄re m̄h̄h̄ warinare m̄h̄h̄re masich̄h̄ yoahi. M̄h̄h̄ warina m̄h̄h̄ yaina jira. Ā jic̄h̄ tinare ware m̄h̄h̄ ȳh̄h̄re. Ā jia m̄h̄h̄ dutiare yoare tina. ⁷⁻⁸ Ȳh̄h̄re m̄h̄h̄ yahurire tinare buhehi. Ȳh̄h̄ ā buhech̄h̄ tuhoa ȳh̄h̄ buheare cahmare tina. Ā jia potocāta m̄h̄h̄ cahai tariro ȳh̄h̄ jich̄h̄ masina tina. Tuhs̄, m̄h̄h̄ warocar̄iro ȳh̄h̄ jich̄h̄ “Potocā tjira”, ni tuhotura tina. Ā yoa j̄pihtia ȳh̄h̄ ya m̄h̄h̄ ya ti jich̄h̄ masina tina.

⁹ ‘Ti ya cjihtire m̄h̄h̄re sini payoi nija. Paina ya c̄jhti seh̄re sini payoi nieraja ȳh̄h̄. Ȳh̄h̄re m̄h̄h̄ warina m̄h̄h̄ yaina jira. Ā jic̄h̄ ti ya cjihtire sini payoi nija m̄h̄h̄re.

¹⁰ Tina j̄pihtina m̄h̄h̄ yaina jira. Ā jia m̄h̄h̄ yaina sehe ȳh̄h̄ yaina jira. Ȳh̄h̄re wacū tuaa ȳh̄h̄ tuar̄iro j̄iare masich̄h̄ yoara tina masare.

¹¹ ‘Mip̄re ahri yahpap̄re t̄juasi ȳh̄h̄. M̄h̄h̄ cahap̄re wahai tai nija. Ȳh̄h̄ ā waha- pach̄ta mip̄re ȳh̄h̄re m̄h̄h̄ warina ahri yahpare t̄juaahca. Mai, m̄h̄h̄ noar̄iro jira. Ȳh̄h̄re m̄h̄h̄ warinare m̄h̄h̄ tuaa mehne ñ̄h̄ wihbobasaga. M̄h̄h̄ ā ñ̄h̄ wihboch̄h̄ mari c̄airota mari jiro seheta tina c̄h̄h̄ c̄u- ruata jahca. ¹² Tina mehne jic̄h̄ m̄h̄h̄ tuaa mehne tinare noano ñ̄h̄ wihbohi. C̄airo pinihta p̄chacap̄re waharohca m̄h̄h̄ yare ti joari t̄jui to yahur̄iro seheta.

¹³ ‘Mip̄re m̄h̄h̄ cahai wahai tai nija. Ā jic̄h̄ ahri yahpai ahri j̄pihtiare ȳh̄h̄ yainare yahuja ȳh̄h̄ mehne ti noano wahchehto c̄jhtore. ¹⁴ M̄h̄h̄ yare yahuhi tinare. Tina ȳh̄h̄ yoaro seheta ahri yahpai j̄i dojahtina jierara. Ā jia ahri yahpa macaina sehe tinare ñ̄h̄ tuhtira. ¹⁵ “Ahri yahpai j̄inare, ȳh̄h̄ yainare naaga”, nieraja. Ā nierapaihta

tinare noano ñu wihboga “Watĩno ñaare yoa dutiri”, tinare nicu. ¹⁶ Ahri yahpa macariro jieraja. Tina cãhu yu yoaro seheta ahri yahpai ji dojahtina jierara. ¹⁷ Yu yainare mu buhea mehne noaina wahachu yoaga tinare. Mu yahua sehe potocã tjira. ¹⁸ Ahri yahparure yuhure mu warocariro seheta yahu sehe yu yaina cãhure mu yare buhe duticu warocahi. ¹⁹ Mu cahmaare yoahrtiro cjihtore yariahtiro jicu yu pjacure waja. Æ waja yuhu yu yaina cãhu mu cahmaare potocã ti noano yohti cjihtire.

²⁰⁻²¹ “Yu yaina mipure jiina dihtare yoadohoga”, ni sini payoeraja yuhu. Yu yaina painare yu yare ti buheri baharo paina cãhu yuhure wacũ tuaahca. Tina cãhure yoadohoga, yu yaina jipihtina cã curuai ti jihto cjihto sehe. Yuhu muhu mehne mari purao jipanahta cãiro tjija. Mari cãirota mari jiro seheta tina cãhu mari mehne cã curuaihta jijaro. Cã curuaita jijaro mu warocariro yu jiare jipihtina masa “Potocã tjira” ti nihto sehe.

²² Yuhure mu masichu yoariro seheta yu yainare yu jia tiare masichu yoi. Tinare yu Æ masichu yoachu cãirota mari jiro seheta tina cãhu cã curuaita jahca. ²³ Yuhu tina mehne jija. Tuhsu, muhu yuhu mehne jira. Mari Æ jiina jichu yu yaina potocãta cã curuaita noano jahca. Cã curuaita ti jichu ñu mu warocariro yu jiare ahri yahpa macaina masiahca. Tuhsu, yuhure mu cahĩriro seheta yu yaina cãhure mu cahĩare masiahca masa.

²⁴ Mai, ahri yahpa to ji dcahto pano yuhure cahãa tire muhu. Æ cahĩcu yu masi pahĩriro, si siteriro yu jichu ñore muhu. Æ jicu yuhure mu warina yuhu mehne ti jichu cahmaja masi pahĩriro, si siteriro yu jichu ti masihti cjihtire. ²⁵ Mai, muhu noariro jira. Ahri yahpa macaina ñaina muhure masierara. Yuhu sehe muhure masija. Æ jia mu warocariro yu jichu masina yu yaina. ²⁶ Muhure tinare masichu yoi. Baharopu cãhure muhure tinare masichu yoaihtja yuhure mu cahĩriro seheta painare ti cahĩhti cjihtire. Æ jicu yu yaina mehne jiihca –nire Jesu Cohamacure.

Jesure peresu yoaha

(Mt 26.47-56; Mr 14.43-50; Lc 22.47-53)

¹ To Æ niri baharo Jesu sã cãhu to buheina Cedrõ wama tiri mare pahã, olivo wama tia yucari ti toari wesepu sui. ² Payu tahari tí wesei, tí yucu docai sã Jesu mehne cahmachua tii. Æ jiro Juda Jesure ñu tuhtiinare ñohtiro tí wesere masire. ³ Æ masino puru curua surarare mu tã tare tí wesepu Jesure ñono taro. Cã curua surara waro jire. Pa curua surara Cohamacu wuhure cohtaina jire. Tina sacerdotia puru, fariseo curua macaina ti warocaina jire surara, Cohamacu wuhure cohtaina mehne. Æ taa sihãa pocare, sihãa yucari cãhure sihãa tare. Ti wamoa cãhure cjuare tina. ⁴ Tí wesepu ti wihiri baharo Jesu to ñano wahahtore masino, tinare piti boca, õ sehe ni siniture:

–¿Noare macana nijari musa? –nire Jesu.

⁵ –Jesu Nazare macarirore macaja sã –ni yuhtire tina.

–Tiro tjija yuhu –nire Jesu.

Juda sehe, Jesure ñaha dutiro ñoriro tina mehne jire. ⁶ Æ jia “Tiro tjija yuhu”, Jesu to nichuta tina sehe caaa waha, yahpuru du siti mu bora caha sure. ⁷ Ti Æ wahachu ñano tinare pari turi õ sehe ni siniture Jesu:

–¿Noare macana nijari musa? –nire.

–Jesu Nazare macarirore macana nija sã –ni yuhtire tina tjoa.

⁸ –“Tiro tjija”, ni tuhsu mahicu yuhu musare. Æ jina yuhure ñahana, ahrinare yuhu mehne macainare peresu yoena tjiga musa –nire Jesu.

⁹ Æ sãre cahĩno ne cãirore butichu yoerare. Æ yoaro tó pano Cohamacure to niriro seheta yoaro nire tiro. “Yuhure mu warinare ne cãirore boerahi”, to niriro seheta yoaro nire Jesu. ¹⁰ Æ yoa Simo Pedro ñosari pjine cjuaro, tí pjine tuã we naroca, sacerdotia bui purtoro cahamacano Malco wama tirore cahmonore cã pahreñocare. To poto buhusehe macari cahmonore cã pahreñocare. ¹¹ Æ to cã pahreñochu ñano Jesu tirore õ sehe nire:

–Mu ñosari pjine wihboga. Yu Puru yuhure to ñano yuhdu dutiriro seheta ñano yuhduhtja yuhu –nire Jesu Pedore.

Sacerdotea bui p̄htoro cahap̄u Jesure naaha tina

(Mt 26.57-58; Mr 14.53-54; Lc 22.54)

¹² To ã ni tuhs̄ch̄ta surara, ti p̄htoro mehne, Cohamac̄u w̄h̄ure cohtaina surara c̄h̄u Jesure ñaha, tirore d̄htere. ¹³ D̄hte tuhs̄u Ana cahap̄u naa m̄htare tina. Ana sehe Caifa marech̄no jire. Caifa sehe tí c̄h̄mare sacerdotea bui p̄htoro jire. ¹⁴ “Judio masa ya c̄jhtire c̄airo mas̄no yariach̄u noana”, niriro c̄jiro jire Caifa sehe.

“Jesure masieraja”, niha Pedro

(Mt 26.69-70; Mr 14.66-68; Lc 22.55-57)

¹⁵ Æ jina ȳh̄u Simo Pedro mehne Jesure yoa curerop̄u ñ̄u nun̄u tii. Ȳh̄u sehe sacerdotēa bui p̄htoro to ñ̄u masiriro jic̄u Jesu baharo p̄htoro w̄h̄u jiri sahr̄nop̄u s̄ã wahai. ¹⁶ Ȳu ã s̄ãch̄u Pedro sehe sahr̄no sopacai t̄juar̄c̄u s̄ure. Æ jic̄u majare wijaa ta, sopacare cohtaricorore sinitu ñ̄u “Ahr̄iro Pedro s̄ã ta masijari”, nic̄u. Ȳu ã sinitu tuhs̄ch̄u ticoro Pedrose s̄ã ta dutire. To s̄ã ta dutiri baharo ȳh̄u Pedrose na s̄ã wahai. ¹⁷ Ȳu ã na s̄ãch̄u ñ̄no sopacare cohtaricoro sehe Pedrose ò sehe ni siniture:

—¿Jesu buheina mehne macariro jierajari m̄h̄u? —nire ticoro Pedrose.

—Jieraja ȳh̄u —ni ȳhtire Pedro sehe.

¹⁸ S̄ã s̄uhto pano tó macaina cahamaca, surara mehne ti sohmahti pichacare wijã tuhs̄uri jire. Ȳus̄a nire. Æ jia tina tí pichaca d̄ht̄u cahai ducua, sohmaa nire. Ti ã sohmach̄u ñ̄no, Pedro c̄h̄u waha, sohmare.

Sacerdotea p̄htoro Jesure sinituha

(Mt 26.59-66; Mr 14.55-64; Lc 22.66-71)

¹⁹ Æ yoa sacerdotea bui p̄htoro Jesu buherire, s̄ãre to buheina c̄h̄ure sinitu ñ̄uri jire Jesure. ²⁰ To ã sinituch̄u Jesu sehe ò sehe ni ȳhtiri jire tirore:

—Jipihtinare buhec̄u ti panoi ducuhi. Æ buhec̄u judio masa mari buhea w̄h̄usei Cohamac̄u w̄h̄u c̄h̄ure ã buherucuhi. M̄sa ñ̄eno buherahi ȳh̄u. ²¹ ¿Dohseac̄u ȳh̄ure sinitujari m̄h̄u? Sinitu duac̄u ȳu buheinare sinitu ñ̄uga. Ȳu buherire tina masina —ni ȳhtiri jire Jesu.

²² To ã nich̄u t̄h̄oro tó ducuriro surara sehe to wamomaca mehne Jesure c̄j̄ari jire.

—Æ nii tjiga sacerdotea bui p̄htorore —niri jire surara sehe Jesure.

²³ To ã nich̄ta Jesu ò sehe niri jire:

—Ñano ȳu ni durucurire yahuga ȳh̄ure. ¿Potoc̄ãta m̄sare ȳu yahupach̄ta, dohseac̄u ȳh̄ure c̄j̄ari m̄h̄u? —niri jire Jesu surarare.

²⁴ Baharo Ana Jesure paina ti d̄hterirore Caifa sacerdotea bui p̄htoro cahap̄u warocari jire.

“Jesure masieraja”, pari turi niha Pedro

(Mt 26.71-75; Mr 14.69-72; Lc 22.58-62)

²⁵ Æ yoa Simo Pedro pichaca d̄ht̄u cahai ducuro, sohmano nire. Æ to sohmarucuch̄u ñ̄u, tó macaina tirore ò sehe ni siniture:

—¿M̄h̄u c̄h̄u Jesu buheina mehne macariro jierajari m̄h̄u? —nire tina Pedrose.

—Jieraja ȳh̄u —ni ȳhtire Pedro.

²⁶ Tuhs̄u, sacerdotea bui p̄htoro cahamaca mehne macariro, Pedro to cahmono c̄j̄ã pahr̄iro coyeyiro sehe Pedrose ò sehe ni siniture:

—¿Jesure ti ñ̄ahari wesei ȳu jich̄u m̄h̄u c̄h̄u tiro mehne jierapahte? —ni siniture tiro Pedrose.

²⁷ —Ȳh̄u tiro mehne jierahi —nire Pedro. To ã nich̄ta caraca dure.

Jesure Pilato sinituha

(Mt 27.1-2, 11-14; Mr 15.1-5; Lc 23.1-5)

²⁸ Ñamiwac̄ũnu jich̄u Caifa ya w̄h̄up̄u jirina Jesure naa wijaa, tí maca macaina p̄htoro Pilato ya w̄h̄up̄u naa wahare tina. Æ wahapahta to ya w̄h̄up̄u s̄ãerare. Pascua dachori jich̄u tina tí bose n̄m̄ari macaare ch̄htina jia ò sehe nire: “Judio mas̄no jierara Pilato. To ã jiriro jich̄u to ya w̄h̄ure s̄ãana, mari dutiare ȳhd̄r̄c̄ana niboca. Æ jina mari s̄ãch̄u marine bose n̄m̄ari macaa ch̄are ch̄u dutierahca”, nire tina. Æ nia p̄htoro Pilato ya w̄h̄ure s̄ãerare Jesure naahrina sehe. ²⁹ Ti ã s̄ã taerach̄u ñ̄no Pilato tina cahap̄u, w̄h̄u sopacap̄u s̄r̄c̄u s̄ro, tinare ò sehe ni siniture:

—¿Yaba buhirire ahr̄irore yahusã duajari m̄sa? —nire Pilato tinare.

³⁰ —Ahr̄iro to noariro jich̄u m̄h̄ure s̄ã waeraboa. Ñariro jira tiro —ni ȳhtire tina.

³¹ Ti ã nich̄u Pilato ò sehe nire:

—Musa sehe tirore naahga. Ñ jina musa ya dutia ti niriro seheta tirore buhiri dahrega —nire Pilato tinare.

—Musa Roma macaina ya dutia sehe sãre masunore wajã dutierara —nire tina Pilatore.

³² Ñ nia Jesure judio masa ti wajã duarire masichu yoaa nire. Jesu sehe crusapu to yariahtore tó pano to yahuriro seheta ñ waharo nire. ³³ Ti ñ ni durucuri baharo Pilato sehe wuhuru majare sãa, Jesure pjirocari jire. Pjiroca tuhsu, tirore õ sehe ni sinituri jire:

—¿Judio masa ti puhtoro tjjari muhu? —ni sinituri jire Pilato.

³⁴ —¿Mhu mu surota ñ sinitui nijari muhu yuhure? ¿O paina sehe yuhure ti yahusãri baharo tíre sinitu ñujari muhu? —niri jire Jesu Pilatore.

³⁵ —Judio masuno jieraja yuhu. Mhu ya yahpa macaina, sacerdotea puhtoa cãhu mähure ware sãre. ¿Yabare ñano yoari muhu ti ñ buhiri dahre duachu? —niri jire Pilato.

³⁶ —Ahri yahpa macariro puhtoro jieraja yuhu. Ahri yahpa macariro puhtoro yu jichu yu buheina yuhure yoadohoboa. Judio masare yuhure ñaha dutieraboa. Yu puhtoro jia ahri yahpa macaa jierara —niri jire Jesu Pilatore.

³⁷ —¿Ñ jicu puhtoro jijari muhu ñ nicu? —niri jire Pilato.

—Mhu nino seheta puhtoro tjija. Masa ti puhtoro jihtiro cjihto masa bajuai yuhu. Ñ jicu ahri yahpau tai ti puhtoro jicu tacu, potocã jiare yahucu tacu. Jipihtina potocã jiare tuho duaina, yu yahuaire tuhora —niri jire Jesu.

³⁸ —¿Yaba baro jijari potocã jia? Potocã jiare masihto basioerara —niri jire Pilato.

*Judio masa Jesure wajã dutiha
(Mt 27.15-31; Mr 15.6-20; Lc 23.13-25)*

Ñ ni tuhsu Pilato judio masa cahai majare tjua waha, tinare õ sehe ni yahure:

—Ahriro Jesure yaba buhiri mariaha.
³⁹ Cuhmaripe pascua jichu cãiro perei jirirore musa wio dutirucura. ¿Ñ jicu ahriro Jesureta musa puhtoro cjihto masare wiobasabocari yuhu? —nire Pilato judio masare.

⁴⁰ To ñ nichu tuhoa judio masa õ sehe ni sañurucure:

—Tirore wioi tjiga. Barrabá sehere sãre wiobasaga —ni sañurucure judio masa Pilatore.

Barraba sehe yaca bucuro jire.

19

¹ Ti ñ ni sañurucuri baharo Pilato Jesure tjana dutiri jire. To ñ dutichu to mhu sehe tirore tjanari jire. ² Tjana tuhsu tina pota soro dahre tuhsu, Jesu dapu bui duhu payori jire. Duhu payo tuhsu, puhtoa ya suhti barore tirore sãa, payu tahari tiro cahacãi suruca, õ sehe ni bujuperi jire tina:

³ —Noano tagã. Judio masa puhtoro noano tagã —ni bujupere, Jesu wuhduahi cjã mujari jire.

⁴ Ñ yoa pari turi Pilato judio masa cahapu waha, tinare õ sehe ni yahure:

—Tuhoga musa. Ahrirore ñaa buhiri mariaha. Ñ jicu tíre musa masihti cjihtire musa cahai tirore na tai tai nihi —nire tiro.

⁵ To ñ ni tuhsuchata Jesu pota soro pisariro, puhtoa ya suhti barore sãariro, wuhui jiriro wijaa tare. To ñ wijaa tachu Pilato tinare õ sehe nire:

—Ñuga. Ahriro tjira tiro —nire Pilato.

⁶ To ñ ni tuhsuchu tuhoa, sacerdotea puhtoa, Cohamacu wuhu cohtaina surara cãhu Jesure ñua, sañurucure:

—Crusapu cjã puha wajãga tirore. Crusapu cjã puha wajãga tirore —ni sañurucure tina.

—Tirore ne ñaa buhiri mariaha. Ñ jina musa basita tirore naaga. Ñ jina musata tirore crusapu cjã puha wajãga —nire Pilato tinare.

⁷ —Tiro to basi “Cohamacu macuno jija”, nia tire. Tíre to ñ nichu sã dutia sehe tirore wajã dutira —nire tina Pilatore.

⁸ Ti ñ nichu tuhora tó pano to cuiriro yuhdoro cuia wahare Pilato sehe. ⁹ Ñ jiro pari turi to wuhupere majare sãa, Jesure õ sehe ni sinituri jire tjoa:

—¿Noho macariro jijari muhu? —niri jire Pilato Jesure.

To ñ ni sinitupachata Jesu tirore yuhtierari jire.

¹⁰ To ñ yuhtierachu ñuno Pilato tirore õ sehe ni sinitu namori jire:

—¿Yuhure yuhtierajari mahu? Yuhu mahure peresui jirirore wio masija. Ñ yoa mahure crusapu cã puha wajã duti masija yuhu. ¿Tíre masierajari mahu? —niri jire Pilato Jesure.

¹¹ —Cohamacu mahure to dutierachu yuhure ñano yoape dutieraboa mahu. Yuhure ñu tuhtiinare ñoriro sehe mu yuhdoro ñano buhiri tira —niri jire Jesu Pilatore.

¹² To ã nichu tuhoro Pilato sehe tirore wio duari jimare. To ã wio duapachata pari turi judio masa õ sehe ni sañurucure:

—Jesu “Puhtoro jira” nino, mari jipihtina bui puhtoro jirirore Roma macarirore ñu tuhtiriro jira tiro. Ñ jicu tirore wiocu mahu cãhu mari bui puhtoro jirirore ñu tuhtiriro jiihca —ni sañurucure judio masa Pilatore.

¹³ Ti ã nichu tuhoro Jesure wuhai jirirore na wijaa ta, buhiri dahre dutiro taro to dujiri pahtai nuju sare Pilato sehe. Tói to buhiri dahre dutiri wapa, tãa mehne ti yoari wapa judio masa sã ya mehne Gabatã wama tire. ¹⁴ Tí dacho pascua dacho bose numu sã chuhti cjihtire sã cahnori dacho jire. Tí pjare cohari pja waro jire. Nuju su tuhsu Pilato masare õ sehe ni yahure:

—Ahriri tjira masa puhtoro —nire tiro.

¹⁵ To ã nichu tãhoa judio masa õ sehe ni sañurucure:

—Yariajaro tiro. Yariajaro tiro. Crusapu cã puha wajãga tirore —ni sañurucure tina.

—¿Musa puhtoro to jipachata tirore crusapu cã puha wajã dutijari masa? —nire Pilato.

To ã nichu tãhoa õ sehe ni yuhtire sacerdotea puhtoa:

—Mari jipihtina bui puhtoro Roma macarirota sã puhtoro jira. Pairo puhtoro sãre mariahna —ni yuhtire sacerdotea puhtoa.

¹⁶ Ti ã ni durucuri baharo Pilato Jesure crusapu cã puha wajã dutiro, tirore ware tinare, tirore wajãhtinare.

Jesure cã puha wajãha tina
(Mt 27.32-44; Mr 15.21-32; Lc 23.26-43)

¹⁷ Ñ jia tina Jesure naa wijaare. Ti naa wijaachu Jesu sehe to crusare to basi wãna naa, dapu cohã wama tiropu sare. Sã judio masa ya mehne dapu cohã Gólgota

wama tire. ¹⁸ Tópu sua tina Jesure cã puha õre. Tuhsu, paina puarore cãiro to poto buhusehei, pairo to cõ buhusehei cã puha dapore tina. Ñ jiro Jesu ti dacho macai jire. ¹⁹ Ti cã puha tuhsuchu, Pilato taboa pjine joa, Jesure ti cã puha õri crusai cã puha õ dutire tí pjine. Õ sehe ni joare tiro: “Ahriri Jesu Nazare macariro, judio masa bui puhtoro jira”, ni joare Pilato tí pjine. ²⁰ Tí pjine joaro judio masa ya dusero mehne, Roma macaina ya dusero mehne, griego masa ya dusero mehne joare tiro.

Ñ yoa Jesure crusapu ti cã puha daporiro maca cahacã jire. Tó cahacã jiina payu judio masa Pilato joarire ñu, buhere. ²¹ Ñ buhe tuhsu judio masa sã sacerdotea puhtoa õ sehe nire Pilatore:

—“Ahriri judio masa puhtoro jira”, ni joai tjiga. Sã puhtoro jierara ahriri. Ñ jicu õ sehe ni joa cahnoga mahu. “Ahriri ‘Judio masa puhtoro jira’, ni cãirota to basita ã ni tuhoturiro jira”, ni joa cahnoga —nire sacerdotea puhtoa.

²² —Yu joa muhtariro seheta jirohca —nire Pilato tinare.

²³ Jesure ti cã puhari baharo pititiaro surara sehe Jesu suhtire ti basi witire. Ti ã witi duapachata cã suhtirota yoari suhtiro dohori marieni suhtiro jire. Tí suhtiro suhari suhtiro jire. ²⁴ Tí suhtiro to ã jichu õ sehe nire tina ti basi:

—Ahri suhtirore tuhrëna tjijihna. Ahri suhtirore nahtiro cjihtore masi duana, docapejihna mari —nire tina ti basi.

Ñ docapea, Cohamacu yare ti joari tjui ti ni joariro seheta yoaa nire tina. “Yu suhtire tina ti basi witire. Ñ jia yu suhtire nahtiro cjihtore masi duaa, docapere tina”, ni joaa tiha Cohamacu yare ti joari tjui. To ã ni joariro seheta ã yoaa nire tina.

²⁵ Surara ti ã yoachu Jesu pocoro, Jesu muno, María Cleofa namono, María Magdalena mehne Jesu crusa cahacã ñurucure tina. ²⁶ Ñ jiro to pocoro yuhu to cahiro cãhu to cahacã sã ducuchu ñno to pocorore õ sehe ni yahure Jesu:

—Mipare ahriri mu macu cjihto jira —nire Jesu to pocorore.

²⁷ Ñ ni tuhsu, yuhure õ sehe ni yahure tiro:

—Mipure ahricoro ma poco cjihto jira — nire Jesu yuhure.

To a niri baharo Jesu pocorore ya ya wuhuru ji dutii.

Jesu yariaa wahaha

(Mt 27.45-56; Mr 15.33-41; Lc 23.44-49)

²⁸ To a ni yahuri baharo o sehe ni tãhotu masiri jire Jesu: “Jipihtia Cohamacu yuhure dahra dutiro to cõrre yoa pahõhi”, ni tãhotu masiri jire Jesu. A masino Cohamacu yare ti joari tjui to ni yahuriro seheta o sehe nire Jesu:

—Ñahma yapioca yuhure —nire Jesu.

²⁹ A yoa tõi vino suẽa core posa tiri situ dujire. A jiro tõi jirihi wihmi nari suhtere suẽa co mehne ti sohari suhtere yucucu hisopo wama tidu sohtoai dũhte õre. Dũhte o tuhsu, Jesu dũseroi siõ muo, siõ õre. ³⁰ Tĩ core Jesu wihmi tuhsu o sehe nire:

—Tõ puro tjica —ninota to dapure muhriruca, yoja su, yariaa wahare.

Surara Jesu patipahma batoi ñosaha ñosadu mehne

³¹ Tĩ dacho pascua bose numu pano jire. Tĩ bose numu macaare sa chũhti cjihtire sa cahnori numu jire. A jia pa dacho Sabado jichu tĩ bose numu jichu crusaripu ti wajãrĩnare cõ duaerare judio masa. Tĩ dacho Cohamacure ti ño payori dacho bose numu jire. A jia tĩ dachoi ti cã puharina cjihtire crusapu ti jichu cahmaerare tina. A jia ti cã puharina cjihtire ti ñuchua cohãrine cã nuha dutia taa judio masa siniha Pilatore, ti yaria mũrocahto cjihto sehe. Ti a yoari baharo ti pjacari cjihtire na boro bahraõoa taa nire. ³² Ti a dutichu surara sehe crusari cahapu su, cãiro yacariro cjiro ñuchua cohãrine cã nuhare. Pairo cãhure aãta yoare tina. ³³ A jia Jesu ñuchua cohãrine cã nuha tamaa, to yariariro jichu ñua, cã nuhaerare.

³⁴ A cã nuhaeraa cãiro surara to patipahma batoi ñosadu mehne ñosare. To a ñosachu dõihã to di, co mehne wijaare. ³⁵ To a wahachu ñui yuhu. Yuhu ahri tjure joariro musare potocã yahuja. Potocã ya yahua jichu masija yuhu. Musare yahuja musa cãhu Jesure musa wacũ tuahto sehe.

³⁶ Cohamacu yare ti joari tju to niriro se-heta a wahare: “To cohãrine ne cã cohãre cã nuhaerare”, to ni joariro seheta Jesu ñuchua cohãrine ne cã cohãre cã nuhaerare. ³⁷ A yoa pa tju Cohamacu yare ti joari tjui o sehe nina: “Tĩrore ti ñosariro cjirore ñuahca tina”, ni joaa tiha Cohamacu yare ti joari tjui.

Jesu pjacure masa copapu cõha

(Mt 27.57-61; Mr 15.42-47; Lc 23.50-56)

³⁸ To yariari baharo Josã Arimatea macariro Jesu pjacu cjirore na bororo taro, Pilatore siniri jire. Josã sehe paina judio masare cuiro, Jesure wacũ tuariro to jiare yahu duaerari jire. To pjacu cjirore to siniri baharo Pilato sehe to pjacure naa dutiri jire. To a na dutichu Josã crusa cahai su, Jesu pjacu cjirore naa wahari jire. ³⁹ Nicodemo cõhu me sitiare yucucu di pohca, mirra wama tia me sitia yucucu pohca mehne dahra moreare na tari jire. Jesu pjacu cjirore masa copapu ti siõ sãahto pano ti cahnõhti jiri jire tĩ me sitia. Ti na tari cjiri treinta kilo nacuri jire. Nicodemo sohõ jiri pja Jesu mehne to coã durucuri pja ñamipũ Jesu cahai sũriro jiri jire. ⁴⁰ A jia tina puaro Jesu pjacu cjirore naa, judio masa sa yariainare sa yoarucuriro seheta to pjacu cjirore me sitia mehne suhtiro cahsaro mehne wahmari jire. ⁴¹ Crusapu Jesure ti wajãno cahai wese jire. Tĩ wesepũ masa copa tãcapũ wahma ti sahari copa jire. Tĩ copai ne yariariro cjirore siõ sãaerasinire. ⁴² Pascua dacho bose numu judio masa sa bose numu sa chũhti cjihtire sa cahnori dacho jire. To a jiri dacho jichu tĩ copa cahacã to crusa jichu, tõi siõ sãari jire tina Jesu pjacu cjirore.

20

Jesu masa wijaaha

(Mt 28.1-10; Mr 16.1-8; Lc 24.1-12)

¹ Domingo ñami curero jichu, bohreahto panocã Marĩa Magdalena Jesu masa copapu sũri jire. Tõpu sũro tĩ copare ti tju bihari tãcare ti pjõo cõria tãcare ñuri jire ticoro. ² A ñuricoro jiro sa cahapu mũrocaa tare ticoro. Simo Pedro mehne yuhu sa puaro jii. Wihi, o sehe ni yahure sãre ticoro:

—Mari puhtoro pjacu cjirore naanocari jihre. Ñ jina tiro cjirore ti cūrire mari masieraja —nire ticoro sāre.

³ To ã nichu tuhona, Pedro mehne masa coparu ñuna wahai sã. ⁴ Ñ ñuna wahana sã puaro muroca wahcãi. Ñ murocana, yuhu Pedrore muroca yuhdu wahcãcu masa coparu su mūhtai. ⁵ Tópu sūcu muhri caha ñuroca sōi tí coparu. Muhri caha ñuroca sōcu tirore ti wahmari suhtiro cjiro dihtare ñni. Ñ jii tí copare sāerahi. ⁶ Yu ã ñuri baharopu Simo Pedro yu baharo wihire. Wihi, masa coparu sãa, to pjacu cjirore ti wahmari suhtiro cjirore ñure tiro. ⁷ Jesu dapure ti wahmari cahsaro cūhure ñure tjoa. Tí cahsaro soro coãno to turēri cahsaro jire. ⁸ Ñ jicu yuhu cūhu masa coparu su mūhtariro tí coparu sãai. Jesure to ã mariachu ñucu “Potocãta Jesu masa wijaari jira”, ni tuhoutu yuhu. ⁹ Tí coparu sã wahahto pano Cohamacu yare ti joari tjui Cristo to variahtore yahurire, to masa wijahtore yahuri cūhure sã noano tuho ñahaerasinimai. Tí copare yu ñuri baharo, “Potocãta Jesu masa wijaari jira”, ni tuhoutu yuhu. ¹⁰ Ñ ñu tuhsuna sã wuhusepu tjuaa wahai.

Jesu María Magdalenare bajuaha (Mr 16.9-11)

¹¹ Ñ yoa masa coparu María majare tjuata tí copa sopacaru wihi, ducuro, tiro niri jire. Ñ tiiparota ticoro muhri caha ñuroca sōri jire masa coparu. ¹² Ñ ñuroca sōno puaro anjoare, yehsea suhti tiinare Jesu cjiro to coãriro cjiropu ti dujichu ñuri jire ticoro. Cãiro to dapu coãriro cjiroi dujiri jire. Pairo to dahpori coãriro cjiroi dujiri jire. ¹³ Tinare to ñuchu tina sehe ticorore ò sehe ni sinituri jire:

—Numino, ¿dohse jiro baro tiico nijari mūhu? —niri jire tina.

—Yu puhtoro pjacu cjirore naanocari jihre. Ñ jico to pjacu cjirore ti cūrire masieraja yuhu —niri jire ticoro.

¹⁴ Ñ ni tuhsu, majarerucu samahno Jesure tói ducurorore ñuri jire ticoro. Ñ ñiparota Jesure ñu masierari jire ticoro.

¹⁵ —Numino, ¿dohse jiro baro tiico nijari mūhu? ¿Noare macaco nijari? —niri jire Jesu ticorore.

“Ahriri ahri wesere ñu wihboriro jira”, ni tuhutumari jire ticoro Jesure. Ñ ni tuhuturo, ò sehe niri jire ticoro:

—Mūhuta to pjacu cjirore naariro jicu to pjacure mu cūrirorore yahuga yuhure. Mu yahuri baharo to pjacu cjirore naaco waha-cohtja —niri jire ticoro tirore.

¹⁶ To ã niri baharo Jesu ò sehe niri jire:

—María —niri jire.

To ã ni pisuchu tuhoro majare ñuroca, ticoro hebreo ya mehne sã judio masa ya mehne ò sehe niri jire:

—Raboni —niri jire ticoro Jesure. (Raboni nino “Buheriro”, nino nina.)

¹⁷ —Yu Puacu caharu mūjaerasinija yuhu. Yu ã mūjaerasinichu yuhure ñahaeco tjiga. Tuhsu, paina yu yaina caharu wahaga. Tí caharu sūco ò sehe ni yahuga tinare: “Yu Puacu caharu wahai tai nija. Mūsa Puacu cūhu jira tiro. Yu yairo Cohamacu caharu wahai tai nija. Mūsa yairo Cohamacu cūhu jira tiro”, nihre Jesu”, ni yahuga tinare —niri jire Jesu Mariare.

¹⁸ To ã niri baharo María Magdalena sã Jesu buheina caharu wihi, yahure sāre:

—Mari puhtorore ñhi yuhu —ni, Jesu ticorore to yahu dutirire yahure sāre ticoro.

Jesu to buheinare bajuaha

(Mt 28.16-20; Mr 16.14-18; Lc 24.36-49)

¹⁹ Tí dacho domingo ñamichahai sã Jesu buheina sã coyera judio masare cuina, wuhupu biha sãa, dujii sã. Sã ã dujichu Jesu sã watoi bajarucu sūro, sāre ò sehe nire:

—¿Jimajari mūsa? Noano jiga mūsa —nire.

²⁰ Ñ ni tuhsu, to wamomacarine, to patipahma bato cūhure sāre ñore. Ñ jina sã tirore sã puhtorore ñuna, wahchei. ²¹ Pari turi Jesu sāre ò sehe nire:

—Noano jiga mūsa. Yu Puacu yuhure to warocariro seheta, mūsa cūhure yu ya buheare buhehtinare warocaja —nire Jesu sāre.

²² Ñ ni tuhsu tiro sāre puti sāare. Ñ puti sãano Espiritu Santo sāre to sãarucu su mūa wahahtore ñono nire sāre. Ño tuhsu ò sehe nire:

—Mip̄u Esp̄iritu Santore ñahaga m̄usa, m̄usa mehne j̄ihtirore. ²³ Paina ti ñaa yoarire m̄usa boch̄u, āta jiahca. Ā jia paina ti ñaa yoarire m̄usa boerach̄u tí bori jisi — nire Jesu s̄āre to buheinare.

Jesure masa wijaarore Toma ñ̄uha

²⁴ Jesu s̄ā watoi to bajuach̄u Toma s̄uhduariro ti ni pisuriro s̄ā mehne mari-ahre.

²⁵ To ā mariach̄u s̄ā mehne macaina tirore yahumare:

—Mari p̄ah̄torore s̄ā ñ̄uhi —ni yahumai s̄ā Tomare.

S̄ā ā ni yahupach̄uta ō sehe nire Toma:

—To wamomacarine ti cj̄ā puhaa coparire ñ̄erac̄u tí coparire ȳu wamo pica mehne be ñ̄erac̄u, “Potoc̄āta masa wijaari jira”, nisi ȳuh̄u. Ā yoa to patipahma batoi jiri copare ȳu wamomaca mehne siō s̄ōerac̄u, “Potoc̄āta masa wijaari jira”, nisi ȳuh̄u tirore —nire Toma.

²⁶ Ocho dachori baharo pari turi s̄ā to buheina s̄ā w̄uh̄u j̄ii. Tí pjare Toma s̄ā mehne jire j̄una. Tí w̄uh̄u bihari w̄uh̄u jire. Bihari w̄uh̄u to jipach̄uta Jesu w̄uh̄u s̄ā taro, s̄ā watoi bajuar̄uc̄u s̄aro ō sehe nire:

—¿Jimajari m̄usa? Noano jiga —nire.

²⁷ Ā ni tuhs̄u, tiro Tomare ō sehe ni yahure:

—Ñ̄uga ȳu wamomacarine. Ā yoa m̄u wamo pica mehne ȳu wamomacarine ti cj̄ā puhaa coparire be ñ̄uga. Tuhs̄u, m̄u wamomaca mehne ȳu patipahma batoi jiri copare siō s̄ō ñ̄uga. “Potoc̄ā jierara”, nii tjiga. “Potoc̄ā tjira”, niga m̄uh̄u, —nire Jesu Tomare.

²⁸ To ā niri baharo Toma ō sehe ni ȳuh̄u:

—M̄uh̄u ȳu p̄ah̄toro jira. M̄uh̄u ȳu yairo Cohamac̄u jira —nire Toma Jesure j̄una.

²⁹ —Ȳuh̄u m̄u ñ̄uñ̄u baharo ȳuh̄u wac̄ū tuara m̄uh̄u. Paina sehe ȳuh̄u ñ̄uñ̄u rapah̄ta ȳuh̄u wac̄ū tuaahca. Ā jia tina m̄u ȳuh̄u doro wahcheahca —nire Jesu Tomare.

Jesure masa ti masihti cjihtire ahri tjure joaha Joã

³⁰ Ā yoa paȳu paye c̄uh̄u Cohamac̄u to tuaa mehne yoa ñ̄ore Jesu s̄ā mehne jiro. Tíre to yoarire ahri tjui joa pah̄noerati

ȳuh̄u. ³¹ Ā joa pah̄noerapah̄ta ahri tjui ȳu yahure joahi “Jesuta Cristo Cohamac̄u to warocariro jira. Tiro potoc̄āta Cohamac̄u mac̄uño jira”, m̄usa ni masihti cjihtire. Ā jina m̄usa tirore wac̄ū tuaina Cohamac̄u mehne m̄usa ā jirucuhti cjihtire joahi ahri tjure.

21

Jesu siete to buheinare bajuaha

¹ Baharo Tiberia wama tiri b̄uc̄u pariro d̄uh̄tu cahai s̄āre to buheinare Jesu pari turi bajuare tjoa. S̄āre bajuaro ō sehe yoare tiro tjoa. ² Simo Pedro, Toma s̄uhduariro ti niriro, Natanae Galilea yahpai jiri maca Caná wama tiri maca macariro, Zebedeo pohna s̄ā p̄aro, paina p̄aro buheina s̄ā ōpeinata cahmachui.

³ S̄ā ā cahmachuri baharo Simo Pedro s̄āre ō sehe nire:

—Wahi waj̄ai wahai nija —nire tiro.

—S̄ā c̄uh̄u m̄uh̄u mehne wahanah̄tja —nii s̄ā tirore.

Ā ni tuhs̄u buhaa wahai. Ā jina dohoria mehne wahai. Wiho mejeta tí ñ̄amine s̄ā noano maca bohreapanahta ne c̄airo wahi waj̄erah̄i. ⁴ Bohrea par̄i cahach̄u Jesu pad̄uroi to ducuch̄u tirore ñ̄uñ̄u s̄ā. Ā ñ̄upanahta tirore “Jesu jira”, ni ñ̄u masierahi s̄ā. ⁵ Ā jiro s̄āre tiro ō sehe ni siniture:

—¿Ne, wahi waj̄ari m̄usa? —nire Jesu.

—Ne waj̄eraputiati s̄ā —ni ȳuh̄u s̄ā.

⁶ —Dohoria poto b̄uh̄u sehe sehe doca ñ̄oga. Tie sehe doca ñ̄ona wahi waj̄annahca m̄usa —nire s̄āre.

To ā nich̄u t̄uh̄ona s̄ā to niriroih̄ta doca ñ̄oi. S̄ā doca ñ̄o tuhs̄uch̄u paȳu wahi s̄āre. Paȳu wahi s̄āch̄u wañ̄unore dohoriap̄u waja s̄āana bihoerahi s̄ā. ⁷ Ā jic̄u ȳuh̄u Jesu cah̄iriro Pedore ō sehe ni yahui:

—Mari p̄ah̄torota jira siro pad̄uroi ducuriro —nii Pedore.

Ȳu ā nich̄u t̄uh̄oro Jesuta to jich̄u masino, Simo Pedro to suhtirore s̄āre. Wahi waj̄ano taro to suhtirore tjuweriro jisinire. To suhtirore s̄ā tuhs̄u, diap̄u pjuroca ñ̄ojare. ⁸ S̄ā paina buheina dohoriai jina, cien metro yoaro diap̄u pah̄sai s̄ā. Ā jina wañ̄unore wahi paȳu s̄ādure dohoria mehne waja n̄ujai s̄ā. ⁹ D̄uh̄tu cahai wah̄a s̄ana pichaca niti dihta si c̄oñ̄u pichaca bui

Jesu to p̄hō cūriore wahire ñ̄i sã. Pão cãh̄ure ñ̄i sã.

¹⁰ Sã ã ñ̄ich̄ ñ̄no Jesu sãre õ sehe nire:

—Michapucacã m̄sa wajãrinare ma-hainacã na tahga —nire sãre.

¹¹ To ã nich̄ Simo Pedro sehe Jesu mehne jiri dohoriap̄ samu, wañ̄nore, b̄j̄ina wahi ciento cincuenta y tres wahi sãadure waja majare. Paȳ wahi sãapahta wañ̄nore tãhr̄ere.

¹² —Ch̄sinina taga —nire Jesu sãre.

“¿Noa baro jijari m̄h̄?” ni sinitu ñ̄erahi sã tirore. Sã p̄h̄to to jich̄ masii sã. ¹³ ã yoa Jesu pichaca cahap̄ s̄ro, pãore na, sãre witire. Wahi cãh̄ure witire.

¹⁴ ã jiro Jesu to masa wijaari baharo pad̄roi bajuaro tia taha sãre to buheinare bajuaro nire.

Jesu Simo Pedro mehne s̄h̄duha

¹⁵ Sã ch̄ri baharo Jesu Simo Pedore õ sehe ni siniture:

—Simo Jona mac̄no, ¿ahrinare m̄ cah̄iro yãdoro yãh̄re cah̄jari m̄h̄? —nire Simo Pedore.

—P̄h̄to, m̄h̄re cah̄ja yãh̄. M̄h̄re yã cah̄ich̄ masina m̄h̄ —ni yãhtire Simo Pedro.

—ã jic̄ ovejacãre ti nuriro seheta yã yainare buhega m̄h̄ —nire Jesu.

¹⁶ ã ni tuhs̄ pari turi tiro Simo Pedore õ sehe ni siniture:

—Simo Jona mac̄no, ¿yãh̄re cah̄jari m̄h̄? —nire Jesu.

—P̄h̄to, m̄h̄re cah̄ja yãh̄. M̄h̄re yã cah̄ich̄ masina m̄h̄ —ni yãhtire Simo Pedro.

—Ovejare ñ̄ wihboriro ovejare to noano ñ̄ wihboriro seheta, yã yainare noano buhe ñ̄ wihboga —nire Jesu Pedore.

¹⁷ ã ni tuhs̄ pari turi tiro Simo Pedore õ sehe ni siniture:

—Simo Jona mac̄no, ¿potocãta yãh̄re cah̄jari m̄h̄? —nire Jesu tjoa.

Tia taha ã ni to sinituch̄ tãhoro Simo Pedro tuaro cahyare.

—P̄h̄to, m̄h̄ masi pah̄ona. M̄h̄re yã cah̄ich̄ masina m̄h̄ —ni yãhtire Simo Pedro.

—Ovejare ti nuriro seheta yã yainare buhega m̄h̄. ¹⁸ Potocã m̄h̄re niita nija. M̄h̄ wahm̄no jic̄ m̄ suhtire sãa,

m̄ cahmariorp̄ tinia tiri jire m̄h̄. ã jiric̄ m̄ jipach̄ta baharo m̄ b̄s̄ro jich̄, m̄ wamomacarine m̄ siõrocach̄ paio m̄h̄re suhtire sãanohca. Tuhs̄, m̄ waha duaerarop̄ m̄h̄re naanohca —nire Jesu Simo Pedore.

¹⁹ ã nino Simo Pedore dohse waha to yariahtore yahuro nire. ã jiro Simo Pedro yariaro Cohamac̄re “Noariro, masi pah̄oriro jira”, masa ti nich̄ to yoah̄to yahuro nire Jesu. ã Pedro mehne s̄h̄du tuhs̄ro õ sehe ni namore Jesu tirore:

—Quih̄no yã buheriro seheta yoaga m̄h̄ —nire Jesu Pedore.

Jesu to cah̄iro buheriro ahri tjure joariro jira

²⁰ To ã nich̄ta Pedro sehe majare ñ̄roca, yãh̄re Joãore Jesu to cah̄iro buherirore tinare yã n̄n̄ tich̄ ñ̄no Pedro Jesure siniture. Yãh̄ sehe to ñ̄riro tó pano õ sehe niriro jii: “P̄h̄to, ¿m̄h̄re ñ̄ tuhtiinare ñ̄htiro sehe diro baro jicari tiro?” ni, Jesure sinitu ñ̄riro jii yãh̄. Tí pjare Jesu to pari wahpa ch̄ dujii yãh̄ sehe. ²¹ ã jiro yãh̄re ñ̄no Pedro Jesure õ sehe ni siniture:

—P̄h̄to, ¿ahriro sehe dohse waharo-hcari? —ni siniture.

²² —Tíre m̄h̄re yahueraja. Ahri yahpap̄ yã tjua tahto pano ahrirore jirucuch̄ yã yoach̄ tíre masierara m̄h̄. ã jic̄ m̄h̄re yahueraja. Quih̄no yã buheriro seheta yoaga m̄h̄ —nire Jesu Pedore.

²³ Tíre to yahurire jipihtina Jesu yaina ti basi yahu sitemare. Tíre yahu sitea õ sehe nimare tina sehe: “Jesu to cah̄iro buheriro yariasi”, ni yahu sitemare yãh̄re Jesu yaina ti basi. Ti ã nipach̄ta “Tiro yariasi”, nino nierari jimare Jesu. “Ahri yahpap̄ yã tjua tahto pano ahrirore jirucuch̄ yã yoach̄ tíre masierara m̄h̄. ã jic̄ m̄h̄re yahueraja”, nire Jesu Pedore.

²⁴ Jesu buheriro ahrire yahuriro, ahri tjure joariro jija yãh̄. ã jina ahri yã yahua quih̄no jich̄ masija mari.

²⁵ Paȳ paye cãh̄re Jesu yoare. To yoirire mari joa pah̄och̄ tí tjuri joaa tjuri paȳbia wahaboa. ã jia tí tjurire mari wihboch̄ m̄ s̄eraboa ahri yahpa. Wahpaa

уаһдһа wahaboa, уа тһhotuchһ. Тó puro
tjira.

Hechos

“Espíritu Santo tarohca”, niha ahri tjure joariro

1-2 Teofilo, ahri quitire mähure joarocai nija. Pano yu joa mähitari püre Jesu to yoaae, to buheare mähure yahu tuhsai. Pu mahanopu to mujarire yahu batoai. To mujahito pano Jesu Espiritu Santo mehne dutiha to bese cürinare. ³ Ä yoa Jesu crusapu to yariari baharo payu tahari pjacu tiriro bajua mujaha to cürinare, tina “Potocãta tiro catira”, ti ni masihto sehe. Cuarenta dachori waro tiro bajua mujaha tinare. Ä bajuaro tiro to basi to catiriro jiare ñono niha tinare. Ä bajuaro puhtoro Cohamacu to sũho jiare yahuha tinare.

⁴ Jesu to cürina mehne jisino tinare õ sehe ni yahuha:

—Jerusalẽita jisiniga mipure. “Espiritu Santore musare warocaihtja”, yu Pucu to nirirore cohtasiniga. Tíre to nirire musare yahui yuhu. ⁵ João musare bautisaro co mehne yoamare. Yuhu sehe tí yuhdoro yoaihtja musare. Maha dachoricã baharo yuhu sehe Espiritu Santore musa mehne jirucuchu yoaihtja musare —niha Jesu.

Jesu mahanopu mujaa wahaha

⁶ Ä yoa tina tũcu Olivo wama tidupu Jesu mehne cahmachuina sehe õ sehe ni sinitu ñuha tirore:

—Puhtoro, ¿mipure sare Israe yahpare pari turi cũ, mari coyea warore puhto sõihcari mähũ? —ni sinitu ñuha to yaina.

⁷ Ti ä nichu tuhoro Jesu õ sehe niha:

—Musa puhto sãhti pjare yahu quihõriro, ä wahachu yoariro yu Pucu dihta jira. Musa sehere tíre ne masihto basioerara. ⁸ Wiho mejeta musare Espiritu Santo to wihichu Cohamacu ya masiare cjuanhca musa. Tí masiare musa cjuana Jerusalẽ macainare, jipihtina Judea yahpa macainare, Samaria yahpa macainare, ä yoa jipihtina ahri dacho mu sũro macainare noaa buheare buhenahca musa. Yu yariarire, yu masa mujarire tinare buhenahca musa —ni yahuha Jesu tinare.

⁹ To ä ni tuhsari baharota, Cohamacu Jesure mahanopu mujachu yoaha juna. Tina tirore ti ñu nũnu mũochuta me curua watopu sãa, buti mujaa wahaha. ¹⁰ To ä buti mujari baharota tina Jesu to mujarirore ti ñu mũono watoi puaro anjoa yehsea suhti tiina Jesu to cürina watoi bajuaruca sũha.

¹¹ Ä bajuaruca su, tinare õ sehe niha:

—Musa Galilea macaina, ¿dohse jiro baro ñu mũorucuna nijari musa? Ahriro Jesu, musa mehne jirore cjirota, Cohamacu mahanopu to mujachu yoarirota, mipure to mujachu musa ñuhiro seheta, pari turi duji tarohca tjoa —ni yahuha anjoa tinare.

Jesu to cürina Juda cjirore cohtotahtirore beseha

¹² Ä yoa Jesu yaina tũcu Olivo wama tidupu jiina duji taa, Jerusalẽpu tju sũha. Tu tũcu cã kilómetro bui curero yoaro jira Jerusalẽ duhtu cahapure. ¹³ Tju su, tina mahanopu ti jiri tahtiapu mujaa wahaha. Ahriro jia: Pedro, João, Santiago, Andre, Felipe, Toma, Bartolomé, Mateo, Santiago, Simo, Juda jia. Santiago sehe Alfeo macano jia. Simo sehe cananista wama tiri curua macariro jimaha. Juda sehe Santiago macano jia. ¹⁴ Payu tahari ahriro jipihtina, to cürina, ä jichu numia, María Jesu pocoro, ä yoa Jesu bahana mehne cãhu noano cahmachu, Cohamacu ä sinirucua tiha.

¹⁵ Ä yoa tí dachorire masa payu cahmachu. Ciento y veinte jia jiboa. Ä jiro Pedro sehe tiro mehne macaina Cristo yaina watoi ducu, õ sehe ni yahuha tinare:

¹⁶ —Yu coyea, Cohamacu panopu to niriro seheta ä waharo nihre. Tíre Espiritu Santo Davi cjirore yahu dutiha Juda cjirore. Juda cjiro Jesure ñahahtinare ñoriro jihre.

¹⁷ Ä yoahitiro jiparota mari mehne Jesu yare yoariro jimahre. Ä jiro sã mehne macarirota jimahre —niha Pedro.

¹⁸ Juda cjiro sehe Jesure ño dutia ti waparire to wiari baharo to basita wajã yariaha. Ä yoaro boraa waha, to tu misida tuhnua waha, yariaa wahaha. To wiari cjiri mehne paina mahanocã yahpare nuchaha. ¹⁹ Jipihtina Jerusalẽ macaina masi pihtinocari jire Juda cjiro to ñano yoarire. Ä masia ti ya dũsero mehne to

niñeru mehne ti nuchari yahpa cjirore Acéldama wamoari jire. Acéldama nia, “Di yahpa”, nia nina. ²⁰ Baharo ò sehe ni namoha Pedro:

—Panopu to joariro seheta ã wahahre Juda cjiro. Salmo to joari tjui ò sehe ni joaa tiha:

“Tiro to jiri wahu masa marieni wahu tjuarohca.

Ne noa jisi tí wahuare”,

ni joaa tiha. Ò cūhare ò sehe ni joaa tiha:

“Pairo to dahraa cjirore cohtotariro jirohca”,

ni joaa tiha Salmopu.

²¹⁻²² ã jina mari cūiro besejihna. João masare bautisariro cjiro masare to buhero watoi cāina Jesu yaina mari mehne wahare. Tina mehne macarirore cūiro bese nano cahmana mari mehne macariro cjihto. Jesu mehne mari jichu mari mehne ã jirucirirore besero cahmana. ã mari beseri baharo Jesu to masa mūjarire mari mehne buherohca —ni yahuha Pedro to coyeare Cristo yainare.

²³ To ã nichu tūhoa pūarore bese dapoha tina. Cūiro José Justo wama tirirore beseha. Tiro Barsaba ti ni pisuriro jiha. Bese tuhsu, pairore Matia wama tirirore beseha. ²⁴⁻²⁵ Tinare bese dapo tuhsu, tina Cohamacure ò sehe ni siniha:

—Muhu sã puhtoro jipihtina masa ti tūhotuare masina. Ahrina pūaro sã beseina jira. Juda cjirore cohtotatirore diro mu cahmarirore besega. Jesure cohātjiāhno Juda cjiro sehe pichacapu wahaha. Tirore cohtotatiro Jesu to cūriro jirohca. ã jiro sã mehne noaa buheare buherohca —ni siniha tina Cohamacure.

²⁶ ã niata tãa mehne doca mūjaha besea taa. Matia yaro to noano quihōno wijachu, tiro sehe Jesu to cūrina once cūrina mehne macariro tjuaha.

2

Espíritu Santo Jesuyaina mehne ji dūcaha

¹ ã yoa Pentecoste wama tiri dacho jichu tina jipihtina cū wūhūi cahmachuha.

² Tí pjareta wihnono to tuaro taro seheta mūanopu bisiro coa taha. To ã bisiro coa tachu tūhoha jipihtina tí wūhūpu jiina. ³ ã

yoa picha pohna yoaro sehe jia tina jipihtina dapu poca bui bajuaha. Tí picha pohnaricã ñahmanoricã yoaro sehe bajuaha.

⁴ ã yoa Espíritu Santo tinapure sāarucu sua wahaha. Tinapure to sāarucu sua wahachu, paina ya durucuare to durucuchu yoaa mehne tina sehe paina ya durucuare noano durucuha.

⁵ Tí dachorire Jerusalēpu payu judio masa, cū curua macaina masa jipahta, paró paye yahpari macaina jiha. Cohamacure ño payoina jiha. ⁶ ã yoa mūanopu coa tachu tūhoa tina Jesu buheina cahapu payu cahmachu wahcāha. Cahmachuina masape ya durucuare Jesu buheina ti durucu pahñochu tūhoa, tina tūho cūaa wahaha.

⁷⁻⁸ —Cuenah. ¿Dohse yoaa ahrina Galilea macaina jipahta mari ya durucuare noano durucujari? Tina mari ya yahpapu taina yoaro seheta durucua nina —niha tina sehe.

⁹⁻¹⁰ —Jipihtina mari durucuare mipure durucua nina: Ōpe yahpari macaina mari ōre cahmachuina jija: Partia macaina, Media macaina, Elam macaina, Mesopotamia macaina, Judea macaina, Capadocia macaina, Ponto macaina, Asia macaina, Frigia macaina, Panfilia macaina, Egipto macaina, Libia yahpai Cirene cahapu jiina, Romapu taina jija mari. Cāina judio masa waro jija mari. Paina judio masa dojoina jija mari. ¹¹ Creta macaina cūhu, Arabia macaina cūhu jira mari mehne. Mari payu paró macaina soro durucua tiina mari jipanata ahrina sehe mari masape curuari macaina durucuare ti durucuchu tūhoja mari. Tina mari ya durucua mehne Cohamacu tuaa mehne to yoirire yahua nina —ni durucuha masa ti basi.

¹² ã niata tina cūaa waha, ti ñuri cūhare ti tūhori cūhare noano tūho ñahaeraha.

—¿Ahrina dohse jiro baro paina ya mehne Cohamacu yare ã noano durucujari, mūsa tūhotuchu? —ni cahma sinitu ñūha tina ti basi.

¹³ Wiho mejeta paina Jesu yaina ti durucuchu tūhoina mehne macaina sehe tinare ò sehe ni būjūpeha:

—¿Dohse ahrina sihbiori sihni cahaa ni-jari? —ni būjūpeha paina tinare Jesu yainare.

Pedro masare yahuha

¹⁴ ã jiro Pedro once Jesu to cūrina mehne wahcāruc̄u s̄u, tuaro durucutjiāhno masare õ sehe ni yahuha:

—M̄usa Judea yahpa macaina, jipihtina Jerusalēp̄u jiina, ahrire masiga m̄usa. Ȳu yahuch̄u t̄uhoga m̄usa. ¹⁵ M̄usa t̄uhotua quihōno jierara. Nueve hora jira mip̄uta. Mari ch̄u sihnini hora jierasínica. ã jia ahriina cahaina jierara. ¹⁶ Ahriina Cohamac̄u panop̄u to niriro seheta yoaa nina. Tí p̄jap̄ure Joere Cohamac̄u yare yahu m̄uhtariro cjirore, ahrire yahu dutia tiha Cohamac̄u sehe:

¹⁷ “Sohtori tia dachori jich̄u õ sehe jirohca: ‘Ȳu yairo Esp̄iriture masare jip̄ihtinare warocaihtja.

ã jia m̄usa pohnap̄u ȳu yare yahuahca.

ã yoa m̄usa mehne macaina wahma yapia bajuamehneare ñ̄ahca.

ã jia m̄usa mehne macaina buc̄una cahānop̄u cahāahca.

¹⁸ ã jic̄u ȳu cahamacare, m̄hare, numia c̄uh̄ure ȳu yairo Esp̄iriture warocaihtja.

ã jia tina ȳu yare yahuahca.

¹⁹ Tuhs̄u, ȳu tuaa mehne bajuamehneare yoa ñ̄oihca m̄uānop̄u.

Yahpap̄u c̄uh̄ure ȳu bajuamehneare ñ̄oihca: Dire, pichacare, mene ñ̄oihca.

²⁰ Tuhs̄u, s̄u dacho macariro nahitianore cohtotarohca.

Ñ̄ami macariro di yoaro sehe sohāriro cohtotarohca.

Õ sehe waharohca Cristo m̄usa p̄uhtoro to tahti dacho, ȳu niri dacho panoi.

Tí dachoi ñ̄u c̄uaa wahaahca masa.

ã jiro wiho jiri dacho jisi.

Tí dacho noari dacho jirohca.

²¹ ã jiro õ sehe jirohca.

Jipihtina masa Cristore ti ñ̄aa buhirire cohā duti siniinare tiro tinare pichacap̄u wahaborinare ȳuhdorohca’, nina Cohamac̄u”,

ni joaha Joe.

²² M̄usa Israe masa ȳu yahuch̄u t̄uhoga: Jesu Nazare macariro sehe Cohamac̄u to warocariro jihre. Jesure to warocarire masa ti masihto sehe Jesu to P̄uc̄uro ya tuaa mehne yoa ñ̄ohre m̄usare. M̄usa t̄ire

masina. ²³ Jesure wajã dutina judio masa jierainare wahre m̄usa. Cohamac̄u panop̄u to cahmariro seheta, “ã waharohca”, to niriro seheta ã yoahre. ã jina m̄usa Jesure crusap̄u wajã dutihre Cohamac̄u dutiare c̄juaerainare. ²⁴ M̄usa ã yoapach̄uta Cohamac̄u sehe Jesure yariariro cjirore masohre. Pari turi ne yariasi tiro. Tiro yaria dojoaerara. ã catirucuhtiro jira. ²⁵ Õ sehe nia tiha Davi cjiro panop̄u macariro Cristo to ni durucuboriro seheta:

“Ȳu p̄uhtoro ȳuh̄u mehne jira m̄uh̄u.

Jipihtia dachoripe Cohamac̄u ȳu p̄uhtoro ȳu cahai m̄u jich̄u ñ̄ua tihi ȳu cuierahto sehe.

²⁶⁻²⁷ M̄uh̄u Cohamac̄u ȳuh̄ure yariaina ti jirop̄ure ne cohāsi.

Ȳuh̄ure m̄u cah̄irirore ñ̄anop̄u cohāsi m̄uh̄u.

Ȳuh̄u m̄u cahamac̄uño m̄uh̄ure ñ̄o payoriro jija.

Ȳu p̄jac̄ure baa dutisi m̄uh̄u.

ã jic̄u tuaro wahcheja.

Wahchea mehne durucuja.

ã jic̄u m̄uh̄ure Cohamac̄ure noano wac̄u tuariro jic̄u ñ̄aa buhiri marieriro jic̄u cuiro marieno noano jinocaja.

²⁸ Ȳuh̄ure pari turi catich̄u yoaihca m̄uh̄u.

Ȳuh̄u mehne m̄u jich̄u tuaro wahcheja”, ni joaa tiha Davi cjiro Cristo to ni durucuboriro seheta.

²⁹ ‘Coyea, õ sehe noano yahuihtja m̄usare Davi cjirore mari coyeiro, panop̄u macarirore. Tiro yariaa wahaha. ã jiro tiro to masa copa mip̄ure jisinina. (ã jiro “Ȳu p̄jac̄ure baa dutisi m̄uh̄u”, ni joaro to basi wama payo yahuro nieraha.)

³⁰⁻³¹ Panop̄u Cohamac̄u Davi cjirore õ sehe niha: “Potocā nii nija. M̄u panamana ji turiana mehne macariro m̄u yoaro seheta ahri yahpa macaina bui p̄uhtoro jirohca”, nia tiha Cohamac̄u Davi cjirore. Davi Cohamac̄u yare yahu m̄uhtariro cjiro jiha. ã jiro Cristore Cohamac̄u to p̄uhto s̄ohtore masino, Cristo to masa m̄ujahtore yahu m̄uhta tuhs̄uha Davi sehe. Õ sehe niha: “Tiro yariaina ti jirop̄ure ji dojoasi. To p̄jac̄u t̄oi baasi”, nia tiha Davi cjiro.

³² Ahriro Jesureta Cohamac̄u masohre. Sã jipihtina tirore ñ̄uhi. ³³ Mip̄ure Cohamac̄u poto buh̄usehep̄u jira dutiriro jiro. Tó

panopu to Pucuro “Espíritu Santore mu yainare warocaihtja”, to ni cūriro seheta wari jire Jesure. Ā jiro Jesu sehe ahrinare Espiritu Santore warocari jira. Ā jina mipare Espiritu to yoaare musa ñu, tūhona nina. ³⁴ Davi cjiro sehe Jesu to mujariro seheta manopu mujaeraa tiha. Ā jiro tiro to basi õ sehe nia tiha:

“Cohamacu õ sehe nire yu puhtorore: ‘Yu potu buhusehei dujiga muhu.

³⁵ Mūhure ñu tuhtiinare mūhure cūihtja mu cahamaca yoaro sehe jihtinare’, nire Cohamacu yu puhtorore”, nia tiha Davi cjiro.

³⁶ Ā jina jipihtina Israe masa ahrire noano masiga musa: Ahriro Jesure musa crusapu wajāriro cjirore musa puhtoro sōhre Cohamacu sehe. Tirore musare yūhdohtirore Cristore cūre Cohamacu –ni yahuha masare Pedro.

³⁷ To ā nichu tūhoa tuaro cahya, pjīro tūhotua, masa sehe Pedro cūhure õ sehe ni sinitu ñuha:

—¿Sā coyea, dohse yoanahcari sā? —ni sinitu ñuha tina.

³⁸ Ti ā ni sinitu ñuchu õ sehe ni yūhtiha Pedro:

—Musa ñaa yoari buhirire cahyaga. Musa ñaa tūhotumari cjirore tūhotu cohtota, “Ā tjiri jira” ni, Cohamacureta maca, tūhoga. Ā yoa Jesu yaina jina, bautisarina jiga musa jipihtina. Jesure musa wacū tuachu ñūno, musa ñaa yoari buhirire borohca Cohamacu. Tó sehe musa yoachu Espiritu Santore warohca musare. ³⁹ Musare, musa pohnare, musa panamana ji turainare, yoaro macainare, ā yoa jipihtina Cohamacu mari puhtoro to beserinare, “Potocāta yūhdoihtja musare”, ni cūha Cohamacu –niha Pedro.

⁴⁰ Tuhsu, tuaro mehne õ sehe ni yahu quihōha tinare:

—Ahri yahpa macaina, Cohamacure ji coerainare buhiri dahrerohca Cohamacu. Wiho mejeta musa sehe, tina watoi jiina, Cohamacu yahurire, “Ā tjira”, ni bahrañoga musa yūhduhto sehe —yahu quihōha Pedro masare.

⁴¹ To ā nichu tūhoa tina payu to yahuare noano tūhoha. Ā jiro tinare tiro bautisa dutiha. Tí dachore Cohamacu yaina mehne macaina tres mil masa waha namoha. ⁴² Ā yoa tina masa Cristo to cūrina mehne dachoripe cahmachu, tí buheare tūho nūnu, tíre yūhti mujaa tiha. Tina pāore nuha, cahma witi, Cohamacure sini, Cristo to cūrina mehne noano jinocaa tiha.

Jesu yaina wahma ji dūcaina ti jia tiare yahuha

⁴³ Ā yoa Cohamacu to tuaa mehne yoa ño mujaha to cūrina. Ti ā yoachu ñua masa jipihtina ñu cūaa waha tiha. ⁴⁴ Jipihtina Jesure wacū tuaina cahmachu, noano jinocaa tiha. Ā jia ti yare cahma witi tiha. ⁴⁵ Ti yare dua, jipihtinare paye baro maerainare cāina ti cahmaare waa tiha tina. ⁴⁶ Ā jia dachoripe tina Cohamacu wūhu wijaaroi cahmachua tiha. Ā yoa cāa wūhuse, ti ya wūhusepu cūhure nohopeina cahmachu, pāore nuha, wahchea mehne tina cūnoi chūa tiha. ⁴⁷ Ti ā cahmachuno watoi “Cohamacu noariro jira”, ni ño payoa tiha. Paina masa tinare ji coa yūhduha tiha. Ā yoaro dachoripe Cohamacu painare to yaina to yūhdohtina wahachu yoaa tiha.

3

Tini masierarirore noariro wahachu yoaha Cohamacu

¹ Cū nūmu ñamichahapu tres jichu Cohamacu mehne durucuri pja jichu Pedro, João mehne Cohamacu wūhupu waha niha. ² Dachoripe tí wūhure ti sahrī sāari sahrīno taa mehne ti yoari sahrīno macari sopaca cahai paina cūiro masunore na ta duhu dapoa tiha. Tí sopaca noari sopaca wama tiha. Tiro masuno sehe wahma masa bajaroputa dojori wahiro jiro tini masierariro jiha. Ā jiro tiro tí sopaca cahai niñerure sini dujia tiha tí sopacai sāainare. ³ Ā yoa Pedro, João mehne tí sopacare ti sāa cahachu tini masierariro sehe tinare ñu, niñerure siniha. ⁴ Ā jia tina puaroputa tirore ñu, Pedro sehe õ sehe niha:

—Sāre ñuga muhu —niha Pedro tirore.

⁵ To ā nichu tūhoro “Ahrina mahanocā yūhure niñerure waahca”, ni tūhoturo ñuroca õ tūhoha tinare. ⁶ To ā ni

tahotupachata Pedro tirore õ sehe ni yahuha:

—Niñerure cjueraaja yahu. Cjuerapaihta, ahrire yoaitja mahure. Jesucristo Nazare macariro to tuaa mehne wahcârûca, tiniga mahû —niha Pedro tini masierarirore.

⁷ Æ ninota to wamomacare potu buhusehe macari wamomacare ñaha, tirore waja wahcõ dapoha. To ã yoachata tini masierarirore to ñuchûa tuaa wahaha. ⁸ To ã wahachata tiro wahcârûca purûcu sû, tini ducaha. Æ tini ducaro tiro waha, pu tini “Cohamacû noariro jira”, to ni wahcheriro mehne tina mehne Cohamacû wûhû macari sahrîno puhichapû sâa wahaha. ⁹ To ã tinichû “Cohamacû noariro jira”, to nichû masa jipihtina tirore ñaha. ¹⁰ Æ jia masa tirore ñû masiha. Tiro Cohamacû wûhû macari sahrîno tâa mehne to yoari sahrîno macari sopaca noari sopaca cahai niñerure to sini dujirire masiha masa. Æ jia tiro to tinichû ñûa, ñû cûaa wahaha.

Cohamacû wûhûi Pedro masare buheha

¹¹ Æ yoa tini masierariro cjiro Pedro cûhure to siõ suha mûjano watoi, masa jipihtina ñû cûaa waha, noari wapapû Salomo wama tiri wapapû mûroca wahcã, cahmachuha. ¹² Ti ã cahmachurûcu sûchû ñûno, Pedro sehe õ sehe ni yahuha tinare:

—Mûsa Israe masa, ¿dohseana ahrirore ñû cûajari? ¿Dohseana sãre mûsa ñû nûnûjari? Sã sehe sã ya tuaa mehne noaina sã jia tia mehne sã mû sûro ahrirore tinichû yoerahi sã. Jesu sehe tíre yoahre.

¹³ Abrahã, Isaa, Jacobo mari ñûchûsuma, panopû macaina ti yairo Cohamacû sehe to cahamacûno Jesure jipihtina Bui Jiriro cûhre. Wiho mejeta mûsa sehe tó sehe jirirore tirore ñû tuhtiinare wahre. Baharo pûhtoro Pilato tirore to wio duapachata, mûsa sehe tirore to wiochû cahmaerare.

¹⁴ Pilato tirore wio duamahre. Wiho mejeta mûsa Jesure ñaa buhiri mari-erirore, quihõno yoarirore cahmaerana, paire masa wajãriro sehere wio dutihre mûsa.

¹⁵ Æ yoana Jesure marine catichû yoarirore wajãchû yoare mûsa sã coyea judio masa. To yariachû Cohamacû tirore masohre. Tíre sã ñûhi. ¹⁶ Æ jina Jesu pjiriro to jia tiare wacû tuaina jija. Tirore sã ã wacû tuachû ñûno ahrirore mûsa mipû

ñûrirore mûsa ñû masirirore Jesu sehe to tuaa mehne tinichû yoahre.

¹⁷ Yû coyea, mûsa pûhtoa mehne Jesure noano masierapanahata tirore wajãchû yoare mûsa. Tíre masija yahu. ¹⁸ Wiho mejeta panopû macaina Cohamacû yare yahu mûhtaina cjiri Cohamacû tinare to yahu dutiriro seheta, yahua tiha tina. “Cristo ñano yûhdû, yariarohca”, ni yahua tiha tina. Ti ã ni yahuriro seheta ã wahahre mipûre. ¹⁹ Æ jina mûsa ñaare yoari buhirire cahyaga. Mûsa tahotumari cjirire tahotu cohtota, ñaare mûsa goa pjarire duhu, Cohamacûreta majarerûca, to ya sehere quihõno tahoga. Mûsa tirore majarerûca, quihõno tahochû ñûno, Cohamacû mûsa ñaare yoari buhirire borohca. Æ boro, mûsare wahchehti dachorire cû, mûsare noano yajeri sãachû yoarohca tiro. ²⁰ Æ yoa tiro mûsa pûhtoro cjihtore to beseriro Cristore mûsare warocarohca tjoa. Tiro Cristo sehe Jesuta jira. ²¹ Cohamacû cahapû jisninohca Jesu, pu Cohamacû ahri yahpapû jipihtiare wahma to cohtota pahñochûpû. To ã cohtota pahñohtore Cohamacû yare yahu mûhtaina cjiri, to yaina waro panopû yahu quihõ tuhsûa tiha. ²² Moise cjiro tíre yahuro õ sehe ni mûhtaha: “Cûiro mari mehne macarirore mari coyeiroreta Cohamacû yare yahu mûhtahtiro cjihtore Cohamacû mari pûhtoro warocarohca mûsare. Yûhure to warocariro seheta warocarohca tiro cûhure. Æ jina mûsare to yahuchû tahona, ‘Jai’, ni yûhti pihtinocaga mûsa. ²³ Õ sehe jirohca. Jipihtina tirore yûhtieraina to cohãhtina jiahca. Cohamacû yaina mehne macaina jisi tina”, ni mûhtaa tiha Moise cjiro.

²⁴ Jipihtina Cohamacû yare yahu mûhtainape Samue, ã yoa to baharo jiina cûhû mipû jia dachori cjihtire yahu mûhtaa tiha. ²⁵ Mari ñûchûsuma cjirire, Cohamacû yare yahu mûhtaina cjiri cûhure panopû macainare yahua tiha Cohamacû. Mari cûhure ã ni yahuro nia tiha. Abrahãre to niriro seheta mari cûhure ni yahuro nia tiha. Õ sehe ni yahua tiha Cohamacû Abrahãre: “Jipihtiro ahri yahpa macainare noano yoaitja. Õ sehe tíre yoaitja:

M_u coyeyiro baharo jiri ro sehe masare noano yoabasarohca y_uh_ure”, nia tiha Cohamac_u Abrahãre. ²⁶ Cohamac_u to mac_uno_ure masa wijach_u yoaro mari cahap_u waroca m_uhtare mari ñaa yoaare duhuch_u yoah_utirore. Æ yoaro marine tiro noano yoare –niha Pedro tinare.

4

Pedro, João mehne p_uhtoa mehne s_uh_uduha

¹⁻³ Pedro, João cãh_u masa mehne ti durucuro watoi sacerdotea, Cohamac_u w_uh_ure cohtaina surara p_uhtoro, saduceo curua macaina cãh_u tinare t_uhoha. Õ sehe ni buheha Pedro João mehne masare:

–Jesu to yariari baharo masa m_ujaa wahahre. To ã masa m_ujarire ñ_una mari cãh_u baharo to yaina mari masa m_ujahtore masija mari –ni yahuha Pedro cãh_u.

Ti ã nich_u t_uhoa p_uhtoa sehe tina mehne suaha. Æ suaa nahi cahach_u ñ_una tina Pedrore, João cãh_ure ñaha, peresu yoaha. ⁴ Æ tinare peresu ti yoapach_uta pay_u ti yahuare t_uhoina sehe “Potocãta jira”, ni t_uhotuha. Æ jia Jesu yaina pay_u waha, tí dachoi wahma to yaina ji d_ucaina, ã yoa tó panop_u Jesure wac_u tua tuhs_urina mehne m_usa sahserore mari quihõch_u, cinco mil masa s_uro cahai jiha.

⁵ Æ yoa pa dachoi tí maca macaina p_uhtoa, b_uc_una, ã yoa judio masa buheina cãh_u Jerusalëp_u cahmachuha. ⁶ Ti ã cahmachunoi sacerdotea bui p_uhtoro, Ana wama tiri ro cãh_u tói jiha. Æ yoa to coyeyã cãh_u jiha. Caifa, João, Alejandro, paina mehne Ana coyeyã cãh_u jiha. To coyeyã to dahraare dahrainã jiha tina cãh_u. ⁷ Æ jia tina Pedro cãh_ure ti cahmarocach_u, surara sehe p_uhtoa watop_u tinare naa wihi dapoha. Ti ã na wihi dapocho, tina p_uhtoa ò sehe ni sinitu ñ_uha Pedro cãh_ure:

–¿Noa ya tuua mehne m_usa tirore noariro yoari? ¿Noa jijari m_usare tíre yoa dutiri ro? –ni sinitu ñ_uha tina.

⁸ Ti ã nich_u t_uhoro Espiritu Santo to yoa dutiri ro seheta to tuua mehne yahuha Pedro tinare:

⁹ –M_usa p_uhtoa, ¿m_usa b_uc_una, sã dohse yoa ahri ro tini masierari rore sã tinich_u

yoarire masi duana, sãre sinitu ñ_una nijari m_usa? ¹⁰ Tí pja pini ahri re masiga m_usa jipihtina, Israe masa. Jesucristo Nazare macariro, m_usa crusap_u wajãri ro, Cohamac_u to masoriro tiro sehe ahri ro tini masierari rore noariro wahach_u yoahre. Æ jina ahri rore mip_ure m_usa ñ_urocaroi to tinich_u ñ_una m_usa. Õ sehe nina Cohamac_u yare ti joari p_ui Jesu cjihtore yahuro: ¹¹ “Ahri ro tãca yoaro sehe jiri ro jira. Tãcare w_uh_u dahreina wiho jiri are ti cohãri ro seheta m_usa judio masa tirore cohãre. M_usa ã yoapach_uta mip_ure w_uh_u dahreina w_uh_ure yoaa ti c_u m_uhtari tãcare ti c_uri ro seheta Cohamac_u tirore p_uhtoro sõhre. Tiro Cristo mariach_u Cohamac_u yaina wahaeraboa masa. (To ã wiho jiri ro jierapach_uta m_usa mari p_uhtoa mehne tirore cahmaerare. M_usa ã cahmaerapach_uta Cohamac_u sehe tirore mari p_uhtoro sõhre)”, ni joaha panop_u. ¹² Ne, pai ro masare pichacap_u wahaborinare y_uhdori ro ne mariahna. Ahri yahpap_ure Jesu dihta masare y_uhdori ro jira. Ne paina tiro yoaro sehe jiina mariahna –ni yahuha Pedro tinare.

¹³ To ã ni yahuri baharo Pedro, João mehne buhemahnoeraina jipahta cui ro marieno ti buhech_u ñ_uha, p_uhtoa, b_uc_una, judio masa buheina mehne ñ_u c_uaa wahaha. Æ jia Jesu yoaro sehe ti buhech_u ñ_uha, ò sehe masiha tina: “Potocã Jesu mehne macaina tjira ahri na”, ni masiha tina. ¹⁴ Æ yoa tini masierari ro cji ro Pedro cãh_u mehne jiha. Tiro to noariro jich_u ñ_uha p_uhtoa, b_uc_una, judio masa buheina mehne. Æ jia tina Pedro cãh_ure “Ñano yoaa nina”, ni yahusã masieraha. ¹⁵ Æ yahusã masieraa p_uhtoa ti cahmachuri tahtiap_u jiinare Pedro cãh_ure wijaa dutiha. ¹⁶ Ti wi jaari baharo p_uhtoa sehe ti basi ò sehe ni s_uh_uduha:

–¿Ahri nare dohse yoanahcari mari? –ni durucuha tina ti basi.

Õ sehe ni durucu namoha:

–Pedro, João Cohamac_u tuua mehne tini masierari rore tinich_u yoari jire. Æ jia Jerusalë macaina jipihtina ti ã yoarire masica. Æ jina mari sehe “Æ yoaerare tina” ni masieraja mari. ¹⁷ Æ jina Jesu to

buhari cjiire painare buhe dutiena tjijihna tinare, “Paina tí buheare cahmari”, nina –ni durucuha tina ti basi.

¹⁸ Æ ni durucu tuhsua Pedro cãhare pjiroca, õ sehe niha:

–Jesu to buhari cjiire ne buhena tjiga painare. Tíre ne durucu namoena tjiga –ni yahumaha tinare.

¹⁹ Ti ã ni yahuchu tãhoa tina Pedro João mehne õ sehe ni yãhtiha tinare:

–Musa õ sehe ni dutichu musare yãhtina, Cohamacu sehere yãhdurucana niboca sã. ¿Diro ya sehere sã yoachu quihõno jijari Cohamacu to ñurocarore? ¿Musa ya sehere sã yoachu quihõno jijari? ¿Cohamacu ya sehere sã yoachu quihõno jierajari, musa tãhotuchu? ²⁰ Sã sehere sã ñurire, sã tãhorire sãre yahto basioerara –ni yãhtiha Pedro, João mehne.

²¹ Ti ã nichu tãhoa pãhtoa sehe pari turi dutimaha tjoa tinare:

–Jesu to buherire musa buhari buhiri ñano yãhdunahca musa –niri jimare pãhtoa tinare.

“João, Pedro mehne ñano yoaa nina”, ni masierari jire tina. Æ jia masa sehe tini masierariro to noariro wahachu ñua, “Cohamacu potocãta noariro jira”, niha masa. Ti ã nichu tãhoa pãhtoa sehe Pedro cãhare ti dohse yoa buhiri dahreboare bocaeraa, tinare wioha. ²² Tini masierariro, noariro ti yoariro cuarenta cãhmari bui cãariro jiha.

Jesu yaina ti cuierahto cjihtore siniha Cohamacure

²³ Æ yoa, Pedro João mehne ti wiori baharo tina mehne macaina caharu su, sacerdotea pãhtoa, bucãna jipihtia tinare ti niri cjiire yahuha. ²⁴ Ti ã ni yahuchu tãhoa tina jipihtina cãno potori Cohamacure siniha:

–Sã pãhtoro mũhu mũanore, yahpare, mári cãhare yoariro jipihtina catiinare bajuamehneriro jira mũhu. ²⁵ Mũ Espiritu Santo sã ñuchu cjirore Davire mũ cahamacunore ahrire yahu dutia tiha mũ niriro seheta:

“¿Dohse yoa Israe masa jieraina suajari? ¿Dohse yoa Cohamacure ti yãhdurucãhtire wiho waro durucujari tina?”

²⁶ Payu yahpari macaina pãhtoa cahmachu, mari pãhtoro Cohamacure, to pãhtoro sãriro Cristo cãhare ñu tuhti, ñano yoa duara tinare”,

ni yahua tiha Davi cjiro mũ ni dutiriro seheta.

²⁷ Æ tjira. Ahri macai Herode, Poncio Pilato, judio masa jieraina, ã yoa judio masa cãhu cahmachuhre, mũ beserirore Jesure noariro mũ cahamacunore wajãa taa. ²⁸ Tí pja mũ cahmariro seheta “Æ waharohca”, mũ niriro seheta yoahre tina. Mũ masia mehne ã ni yahua mũhu. ²⁹ Æ jicu mipure sã pãhtoro, tina sãre purino mehne mũ jia tiare ti yahu namo dutierachu wacũ payoga mũhu. Sãre mũ cahamacare cuiro marieno mũ buheare yahuchu yoaga sãre. ³⁰ Mũhu mũ tuua mehne dohatiinare noaina yoaga. Æ jicu mũ buheare cuiro marieno yahu dutiga sãre. Æ yoa Jesu noariro mũ cahamacuno to tuua mehne yoa ño masichu yoaga sãre. Æ jicu dohatiinare noaina sã waha dutichu to tuua mehne yoadohoga sãre –ni siniha tina Cohamacure.

³¹ Ti ã ni siniri baharo, ti cahmachuri wũhu ñuhmi mũaa wahaha. To ã ñuhmichuta Espiritu Santo to tuua mehne wacũ tua namoina wahachu yoaha tinare. Tinare ã wahachu Espiritu Santo to dutiriro seheta yoaa, cuiro marieno Cohamacu yare yahu namoha tjoa tina.

Jesu yaina ti yare tju waa tiha

³²⁻³³ Æ jia Cohamacu to tuua mehne tina Jesu to cãrina õ sehe ni yahua tiha masare: “Jesu yariariro to masarire sã ñuhi”, ni yahua tiha tina masare. Æ jiro tinare jipihtinare Cohamacu noano yoadohoru-cua tiha. Æ yoa Jesure wacũ tuaina payu jia, tina cãno potori tãhotuina jia tiha. Æ jia tina ti yare ti cãaare “Yu ya dihta jira”, ne niera tiha. Tina jipihtina ti yare paye baro maerainare tina mehne macainare tju waa tiha. ³⁴ Æ jia tina mehne macaina pjacũoina mariea tiha. Tina mehne macaina yahpari cãuina, wãhuse cãuina ti yare duaa tiha. ³⁵ Æ duaa ti wapa narire tina na ta, Jesu to cãrinare waa tiha. Æ jia tina sehe tíre tina mehne macainare

tju waa tiha. Jipihtina cjuærainare tju waa tiha. ³⁶ Tí pjare cãiro tina mehne macariro José wama tiriro jiha. Jesu to cûrina Josére Bernabé ni wama pisuha. To wama Bernabé “Masare wahchech_u yoariro jira”, nia nina. Tiro Leví ya curua macariro Chipre n_uco macariro jiha. ³⁷ ã jiro tiro yahpare cjuariro jiro tíre duaha. ã duaro to wapa narire Jesu to cûrinare waha tiro painare witi dutiro.

5

Anania to namono Safira mehne mahñoa

¹ Paina cãh_u Bernabé yoaro sehe yoaa timaha. Tina Anania wama tiriro, to namono Safira wama tiricoro jiha. Ti ya yahpare duaha tiro. ² ã duaparota tiro to wapatarire to basi naha. To namono cãh_u to ã yoarire masiha. ã jiro ti wapataa ti d_uharire na ta, Jesu to cûrinare waha Anania sehe. ã waro “Wa pahñoi nija”, nimaha tiro. ³ To ã yoach_u ñ_uno Pedro tirore õ sehe ni yahuha:

—Anania, watíno m_uh_ure mahño dutiri jire Espíritu Santore. ã jic_u m_u ya yahpare dua, m_u wapatarire m_u basi nari jire m_uh_u. ⁴ M_u duahto pano m_u ya yahpa jihre. ã jiro m_u duari baharo m_u ya wapataa jihre. ¿ã yoac_u dohse jiro baro ã mahñori m_uh_u? M_uh_u sã dihtare mahñoerare. Cohamac_u cãh_ure mahño_ure m_uh_u —niha Pedro tirore.

⁵ To ã nich_u tãhorota, Anania sehe doca caha s_u, yariaa wahaha. ã jia jipihtina tiro to ã wahach_u masia, tuaro cuiha. ⁶ To yariari baharo wahma yapia ta, to pjac_ure suhtiro cahsaro mehne wahma, sopac_ure na wijaa, masa copap_u cohãnocaha tirore.

⁷ ã yoa tia hora baharo Anania m_unano namono, to yariarire masieraro Pedro cahap_u sãaha. ⁸ ã jiro Pedro ticorore õ sehe niha:

—¿M_usa ya yahpare duatjiãhna noho puro wapatarire m_usa? —niha tiro.

ã jiro ticoro to man_uno m_unano to niriro purota, “Tó purota wapatahi sã”, ni y_uhtimaha ticoro.

⁹ To ã ni y_uhtich_u tãhorota Pedro õ sehe ni yahuha ticorore:

—¿Dohse yoana m_usa cãno potori Cohamac_u Espíriture mahño duajari? “¿Potocãta marine buhiri dahrebocari?” nina. Tãhoga mip_ure. M_u man_u cjirore yarina tara. M_uh_u cãh_ure m_u pjac_ure naa taa nina —niha Pedro.

¹⁰ To ã ni yahuch_uta ticoro doca caha s_u, yariaa wahaha. ã jia wahma yapia tí wãh_ure sãa wihi, ticoro pjac_ure na wijaa wahaha. Na wijaa, to man_uno m_unano pari wahpa ticoro pjac_ure masa copap_u cohãha. ¹¹ ã jia Jesu yaina jipihtina paina tíre tãhoa cui y_uhd_ua wahaha.

Jesu to cûrina Cohamac_u tuaa mehne yoa ñoha

¹² ã yoa masa watoi Jesu to cûrina pay_u tahari Cohamac_u tuaa mehne yoa ñoa tiha. ã yoa tina Salomo wama tiri tahtiap_u tihamahnoeni tahtiap_u cahmachua tiha.

¹³ ã jia paina Jesu yaina jieraina sehe cui curea, tina cahap_u wahaera tiha. ã cuipahta tinare Jesu yaina warore “Noaina jira ahrina”, nia tiha masa. ¹⁴ ã jia m_ua, numia pay_u Jesure wac_u tua d_ucaa tiha.

¹⁵ ã jia tina dohatiinare na ta, coma yosaa mehne pj_upaha duhu cãa tiha mahap_u tinare. ã yoaa Pedro tinare to ña payoch_u cahmaha tinare na taina sehe dohatiina ti noaina wahach_u cahmaa. Tinare to ña payoerach_u Pedro ti bui mas_uca cãch_u cahmaha tina. Tí dihtare cahmaa tiha ti noaina wahahto sehe. ¹⁶ ã jia Jerusalê cahai jia macari macaina cãh_u dohatiinare, watí ti sãaina cãh_ure na tãa tiha. Ti ã na tach_u tina jipihtina ti pjac_uri noaina wahaha.

Jesu to cûrinare paina ñano yoaa tiha

¹⁷ Ti ã yoach_u ñ_ua sacerdotia bui puhtoro, tiro mehne macaina mehne Pedro cãh_ure ñ_u tuhtiha. Sacerdotia puhtoro mehne macaina saduceo curua macaina jiha. ¹⁸ ã ñ_u tuhtia tina sua y_uhd_ua Jesu to cûrinare ñaha, peresu yoaha.

¹⁹ ã jiro ñamip_u Cohamac_u yairo anjo pjõoha tinare peresui dujiinare. ã yoa tinare wijaa ta dutiro õ sehe ni yahuha anjo:

²⁰ —Cohamac_u wãh_ure wahaga. Tí wãh_ure jina Cohamac_u to masorire ahri

noaa buheare yahuga masare –niha anjo tinare.

²¹ To ã nichu tãhoa, ñamiwacũnu jichu Cohamacu wãhũpũ sãa, masare buhea tiha tina. Tí dachoihta sacerdotia pãhtoro, tiro mehne macaina, Israe masa pãhtoa mehne cahmachu, Jesu to cũrinare peresupũ jĩinare na ta dutimaha surara pãhtoare.

²² Wiho mejeta surara pãhtoa peresu ti yoari wãhũpũ waha, ñũmaha. Tinare bo-caeraha. Bocaeraa tjuaa wahaha. Tju sũ õ sehe ni yahuha ti pãhtoare:

²³ –Peresupũ jia pahmari bihaa pahmari jihre. ã jia tí pahmari cahai ti peresu yoarinare cohtaina ti ducuchũ ñũhi sã. Wiho mejeta pjõo sãa, sã ñũchũ, ti peresu yoarina mariahere –ni yahuha tina.

²⁴ Tí ã nichu tãhoa, surara Cohamacu wãhũre cohtaina pãhtoro, sacerdotia pãhtoa mehne tíre tãho, cãaa waha, “¿Dohse waha sohtori tiahcũ tina ã yoaa?” ni tãhotuha tina. ²⁵ ã jiro tina cahapũ paio sũ, tinare õ sehe ni yahuha:

–Mũsa peresu yoarina Cohamacu wãhũpũ jihre. Ñũna wahaa wiho. Tí wãhũpũ masare buhea nihre tina –ni yahuha.

²⁶ To ã nichu tãhoro, surara pãhtoro, to surara mehne waha, Jesu to cũrinare pari turi ñaha taha tjoa. Wiho mejeta tinare surara tuhtieraha. ã jia tinare cjãborina jipahta, masare cuia cjãeraha tinare. “Ahrinare mari cjãchũ paina masa sehe tãa mehne docaahca marine”, ni tãhotuha tina surara sehe. ²⁷ ã jia tinare na ta, pãhtoa panoi duhu dapoha tina. Tí ã na wihĩ dapochũ sacerdotia pãhtoro tinare õ sehe ni tuhtiha:

²⁸ –Mũsare sã tuaro dutimahi. “Jesu yare buhena tjiga”, nimahi sã mũsare. Sã ã nipachũta mũsa sehe jipihtina Jerusalẽ macainare buhehere mũsa. Jesu to yariari buhiri, sãre buhiri tichũ yoa duana nica mũsa –niha pãhtoro sehe.

²⁹ To ã nichu tãhoro Pedro sehe paina Jesu to cũrina mehne õ sehe ni yũhtiha:

–Cohamacu to dutiri sehere yoa mũhtanahtja. ã jina baharo Cohamacu cahmachũ masa ti dutiare yoanahtja.

³⁰ Cohamacu, mari coyera panopũ macaina

pãhtoro, Jesure masori jire. Tirota jira mũsa crusapũ cjã puha wajã dutiro. ³¹ Jesure “Noariro jira” ni, to poto bũhũsehei duji dutihre Jesure Cohamacu sehe. ã jiro Jesu masa pãhtoro, masare masoriro jiro, Israe masare ti ñaa yoarire cahyaina jĩ dutiro, ti ñaa yoari buhirire cohã duara Jesu. ³² ã jina sã sehe Jesu to yoarire ñũrina jina tíre yahuja sã. Espĩritu Santo tíre ñũriro jiro yahura tiro cãhũ. Tirore Espĩritu Santore Cohamacu warocahre. Jipihtina Cohamacu dutiare yoainare tiro Espĩritu Santore wahre –ni yahuha tinare.

³³ To ã nichu tãhoa pãhtoa sehe sua yũhdũaha. ã suaa, tina Jesu to cũrinare wajã duamaha. ³⁴ Wiho mejeta Gamalie, fariseo curua macariro tói jiro tinare wajã dutiro taro nieraha. Tiro pãhtoa mehne macariro, dutiare buheriro to jichũ, masa tirore ño payoa tiha. Tiro Jesu to cũrinare mahanocã cohta dutiro pa sehẽpũ tinare naa wahcã dutiha surarare. ³⁵ Tí ã naari baharo tiro õ sehe ni yahuha masare:

–Mũsa Israe masa, ahrinare mũsa yoahire noano tãhotuga “Mũsapũ wajãri”, nina. ³⁶ Wacũga Teuda cjirore. Tiro to basi “Masare yũhdũũcariro jija yũhũ”, nire masare. To ã yoachũ ñũa, masa payũ cuatro cientos masa tiro mehne macaina tjuare. Baharo paina sehe tirore wajãri jire. To buheare buherina cjiri sehe waha sitea wahari jire. ã jia tina cjiri mipũre mariahna. ³⁷ Baharo masare ti quihõri pja jichũ Galilea macariro Juda wama tĩrore cjiro masare to buhechũ tiro mehne masa payũ tjuare. Tiro cãhũ yariaa wahari jire. ã yoa to yaina jipihtina waha sitea wahari jire. ³⁸ ã nicũ mũsare mipũ ahrire nii nija. ã ñũnocahga ahrinare Jesu yare yahuinare. ã yoa ahri buhea, ahri tĩ ya buhea Cohamacu ya buhea jieraa, pihtia wahaahca Teuda cãhũ ti ya buhea ti pihtiro sehetã. ³⁹ Wiho mejeta ahri Cohamacu ya buhea jia, ne pihtisi. Ahri buhea Cohamacu ya jichũ ne ahrire butichũ yoa masierara mũsa. Mũsa ahrire butichũ yoa duana Cohamacu mehne cahmachena niboca mũsa –niha Gamalie tinare.

⁴⁰ To ã ni yahuchu tãhoa, “Potocã tjira”, ni tãhotuha masa. ã jia tina Jesu to cõrinare pjiroca, ti wihichu ñua, tinare tjanaha. “Jesu yare buhe namoena tjiga musa”, ni tuhsu, tinare waha dutiha. ⁴¹ Ti ã waha dutichu tãhoa tina puhtoah cahapu jirina cjiri wahaa wahaha. Jesu yare ti yoari buhiri ñano yãhdũa tuaro wahcheha Jesu to cõrina. ⁴² ã jia dachoripe Cohamacu wãhu cahai jia waparihi, ti ya wãhũse i Cristo yare buhea, yahua tiha tina.

6

Siete yoadohinare beseha Jesu yaina

¹ Tĩ dachoripe Jesu yaina payu wahaha. Wiho mejeta ti ã waharo wato, cã curua macaina judio masa jipahta, pa sehepu masa bajuaina griego ya durucuina jiha. ã jia tina tõita masa bajuaina hebreo ya durucuinare õ sehe ni tãhotu, nureha: “Dachoripe masare yoadohoare ti witichu, mari griego ya durucuina wapewahya numia sehere daacã waro wara”, ni tãhotu, nure cohtaha. ² Ti ã nurechu masia, Jesu cõrina, doce jiina sehe jipihtina Jesu yainare ti cahapu pjiroca, õ sehe ni yahuha tinare:

—Sã Cohamacu yare buheina jija. Tĩre duhu, masare yoadohoare witiborina sã jirucuchu tã wahaerara. ³ Mũsa sã coyeyã, siete mũare, paina noaina ti niinare Espĩritu Santo to dutirire yoainare, noano tãho masiinare macaga. Tinare ahri dahraare cõga musa. ⁴ Wiho mejeta sã sehe dachoripe Cohamacu sine mũja, Cohamacu yare painare buhenahca —ni yahuha tina Jesu to cõrina.

⁵ Ti ã nichu tãhoa, “Jai. ãta yoajihna”, niha tina jipihtina Jesu yaina. Baharo Estebãre Cristore wacũ tuarirore, Espĩritu Santo to dutiare yoarirore beseha tina. ã jichu Felipere, Prõcorore, Nicanore, Timore, Parmenare, Nicola cãhũre Jesu yainare yoadohohtinare beseha tina. Nicola sehe Antioquĩa macariro, judio masũno jierariro, judio masa ya buheare cahmano, tina mehne sãariro jiha. ⁶ Tinare bese tuhsu, ti beserinare Jesu cõrina cahai na wihiha tina. Ti ã na wihichu ñua, tina Jesu cõrina sehe tinare Cohamacu

sini payo tuhsu, ti dapu poca bui ti wamomacarine duhu payoha.

⁷ ã yoa Jesu yaina painapũre Cohamacu yare yahu site pahõoa wahaha. ã jia Jerusalẽpu jiina paina Jesu yaina payu waha namoha. Sacerdotea cãhu payu Jesu yaina wahaha.

Paina Estebãre ñahaha

⁸ ã yoa cãiro masare yoadohoare witi cohtariro Estebã sehe Cohamacu to noano yoariro ji, Cohamacu tuaare cãariro jiha. ã jiro tiro Cohamacu tuaa mehne yoa ño mũjaha masa ti ñũrocaroi. ⁹ Wiho mejeta judio masa buheri wãhu macaina tirore ñu tuhti, to yahuchu, tirore soro ni cohtaha. Tina soro ni cohtaina “Cahamaca ji, wijarina cjiri”, wama tiri curua macaina sehe jiha. ã jia Cirene macaina, Alejandrĩa macaina, Cilicia macaina, ã jichu Asia macaina cãhu jiha tina. ¹⁰ Tirore soro ni cohtapahta, Espĩritu Santo to masia mehne Estebã to durucu mihnichu, tina to buheare ti dohse soro ni yãhtiboare wacũ bocaeraha. ¹¹ Ti soro ni yãhtiboare wacũ bocaeraa, tina painare mahõo dutia, wapaha tinare. Ti ã mahõo dutichu õ sehe ni yahusãmaha tina:

—Ahriro Cohamacu, ã jichu Moise cjirore Cohamacu to cõri dutia cãhũre to ñano durucuchu sã tãhohi —ni yahusãmaha tina mahõoina Estebãre.

¹² Ti ã nichu tãhoa masa, judio masa buheina, bucũna cãhu tiro mehne suaha. ã jia tina Estebãre ñaha, ti puhtoah cahapu naaha tirore. ¹³⁻¹⁴ ã yoa tina painare mahõo dutiha:

—Ahriro dachoripe Cohamacu wãhũre, to dutia cãhũre ñano durucuriro jira. Tãhohi sã tirore to õ sehe nichu: “Jesu Nazare macariro Cohamacu wãhũre cohã, ã yoa Moise dutiri cjiri, marine to yahu cõri cjirire cohtotarohca”, nihre Estebã sã tãhochu —ni mahõo yahusãmaha tina.

¹⁵ ã jia jipihtina tõi dujiina Estebãre noano ñũroca õ, to wãhdũare ñua tina. Anjo yoaro sehe bajuha to wãhdũa.

7

Estebã Jesu yare yahuha

¹ Æ yoa sacerdotea bui puhtoro ò sehe ni sinitu ñuha Estebãre:

—¿Ahrina ti nia potocã tjjari? —ni sinitu ñuha tiro Estebãre.

² To ã nichu tuhoro, Estebã sehe tinare ò sehe ni yuhtiha:

—Coyea, bucuna sã puchsuma tuhoga. Abrahã mari ñuchu cjiro panopu macariro Mesopotamiapu to jisinichu, Harãpu to jhto pano, Cohamacu tuariro si siteriro sehe tirore Abrahãre bajuaa tiha. ³ Æ bajuaro, Cohamacu ò sehe ni yahua tiha tirore: “Mu ya yahpare, ã jichu mu coyea potocãhure duhunoca, wahaga. Pa yahpa, yu mahure ñohti yahpare wahaga”, nia tiha Cohamacu Abrahãre. ⁴ To ã nichu tuhoro Abrahã cãhu Caldea yahpai jiina wijaa, Harãpu su, jisinia tiha. Abrahã pucuro to yariari baharo, tiro cãhu tí macai wijaa, ahri yahpa, mipu musa jiri yahpare Cohamacu yoadohoro mehne taa tiha. ⁵ Cohamacu Abrahãre òpu suho na taparota, tirore dói “Ahri yahpare ro jiga”, ni cãerasinia tiha. Ne mahanocã ahri yahpare, “Pu tãga mahu”, ni dutierasinia tiha tiro. Wiho mejeta Abrahã pohna mari-eriro to jipachuta, Cohamacu sehe tirore ò sehe ni yahu mahua tiha. “Mahure ã jichu mu panamana, pa tjuru macainapu cãhure ahri yahpare waihtja”, nia tiha Cohamacu Abrahãre. ⁶ Æ ninota ò sehe ni yahu namoa tiha Cohamacu. “Mu panamana pa tjuru macaina pa yahpare waha, tópu paina cahapu jia, ti cahamaca jahca tina. Tuhsu, cuatro cientos cahmari waro tó macaina ñano yoapeahca mu panamanare.

⁷ Æ jicu tó macainare ti ã yoari buhiri buhiri dahrehtja yuhu. Yu ã yoari baharo mu panamana ji turiaina ahri yahpare wihí, yuhure ño payohtina jahca tina”, nia tiha Cohamacu Abrahãre. ⁸ To ã ni yahu cãure ti noano wacũrucuhto sehe, ò sehe yoa turia wahcã dutiha tirore. Munu pjacure mahanocã cahsarocãre yihso na dutia tiha tirore. Æ jiro ocho dachori to macuno Isaare to pohna tiri baharo, mahanocã cahsarocãre yihso naa tiha tiro Isaa pjacure. Baharo Isaa Jacobore pohna ti, to pjacure cãhure mahanocã cahsarocãre yihso naa tiha. Baharo Jacobo cãhu doce to pohna ã dihta yoaa tiha ti pjacure. Tina

doce mu sehe tópe curuari, mari masa curuari dahpoto macaina cjihti jia tiha.

⁹ Æ yoa baharo, tina Jacobo pohna, mari ñuchsuma cjiri, ti baharo Josére pahsu tia, paina ti cahamacuno cjihtore duanocaa tiha Egiptopu wahainare. Ti ã yoapachuta, Cohamacu Josére yoadohoa tiha. ¹⁰ Jipihti tí to ñano yuhdure Cohamacu tirore noano yuhduru yoaa tiha. Cohamacu tirore noano tuhó masichu yoaa tiha. Æ yoa faraõ Egipto macaina puhtoro sehere Josére ñu ji coachu yoaa tiha. Æ jiro faraõ sehe Josére puhto sãa tiha, tiro mehne masare dutihtiro cjihtore. Tirore faraõ ya wahu cãhure puhtoro cãa tiha.

¹¹ Æ yoa tí pjapure Egiptopu, Canaapu cãhure paró ne coro taeraa, yahpa sehe wuaa sãa wahaa tiha. To ã wua sãa wahachu, masa ti toamari cãhu ñai pihtia wahaa tiha. Æ jia mari ñuchsuma cjiri ñano yuhdu, ti chũboare ne bocaeraa tiha.

¹² Wiho mejeta Egiptopu “Trigo jiyuhca”, ti nichu tuhoro, Jacobo sehe to pohna, mari ñuchsuma cjirire tópu coã warocaa tiha. ¹³ Baharo pari turi to warocarina cjiri Egiptopu ti sachu tjoa, José to wahmisumare “Musa bahuta jija yahu”, ni yahu, tinare masichu yoaa tiha. Tí pja puhtoro faraõ sehe José coyeare coã ñuno nia tiha. ¹⁴ Baharo José to wahmisumare, ti pucuro Jacobore, ã jichu jipihtina ti coyea cãhure cahmarocaa tiha. To coyea setenta y cinco masa jia tiha. ¹⁵ To macuno to pjirocachu tuhoro Jacobo cjiro wahaa tiha Egiptopu to macuno cahapu. To macuno cahapu jiro, tiro yariaa wahaa tiha. Æ yoa to pohna, mari ñuchsuma cjiri cãhu tópu yaria pihtia wahaa tiha. ¹⁶ Tina ti yariari baharo, ti coyea ti pjacure cjirire Siquẽ wama tiropu naa tiha. Tópu na su, tãa coparipu Abrahã Hamor pohna niñeru mehne to nuchuri yahpare tina ti pjacure cjirire cãa tiha.

¹⁷ Æ yoa Cohamacu Abrahãre “Canaa yahpare waihtja mahure”, to ni cãuro cjiro mu suro cahachu, Abrahã panamana, Israe masa, Egiptoi jisinia payu wahaa tiha. ¹⁸ Ti ã payu wahari baharo, paio faraõ, Egipto masa puhtoro José cjirore masierariro sãa tiha. ¹⁹ Tiro mari coyeare mahño, ñano

yoa, ti pohnare m̄ua pohnare wajã dua, cohãnocã dutia tiha tinacãre. Wahma bajuainacãre cohã dutia tiha “Tinacã yarijaro”, nino. ²⁰To ã yoaro watoi Moise cjihto sehe masa bajuaa tiha. Tirocã noariro, Cohamacu to noano ñu jicoariro jia tiha. Tia sũ waro to p̄uc̄usuma tirocãre noano ñu wihboa tiha. ²¹Ã jiro Moisere n̄uo namo masieraa, diap̄u tirocãre p̄uh̄uoi comape mehne ti bihari p̄uh̄uoi poho b̄uroha. Ti ã yoach̄u faraõ macono tirocãre ñu boca, na maja, to mac̄unore yoaro seheta c̄juaa tiha tirocãre. ²²Ã jia tina Egipto macaina, noano masiina ya jipihtiare Moisere buhe b̄uc̄uoa tiha. Baharo, ne cuiro marieno durucuriro, p̄uhtoã jia tia c̄h̄ure mihni ȳhd̄ur̄uc̄u s̄ur̄iro wahaa tiha Moise.

²³’Ã yoa tiro cuarenta c̄hmari c̄juaaro to coyea Israe masare ñu duaro ti cahap̄u ñu no wahaa tiha. ²⁴Tóru ñu no s̄uro, Egipto macariro c̄uro Moise coyeirore to ñano yoach̄u ñua tiha. Tiro to ñano yoaborirore d̄ucata duaro, Egipto macariro sehere wajã cohãnocã tiha. ²⁵Ã wajã cohãno, Moise õ sehe ni t̄hotua timaha. “Ȳu coyea ti coyeirore ȳu yoadohoch̄u ñua ‘Cohamacu marine noano ȳhd̄uch̄u yoa dutiro warocare ahrirore’, ni t̄hotuahca ȳu coyea”, ni t̄hotua timaha Moise. Wiho mejeta tina sehe ne ã ni t̄hotueraa tiha. ²⁶Pa dachoi Moise to coyeare p̄uaro ti basi cahmacheinare boca s̄ua tiha. ã boca s̄uro, tinare yahu duaro tinare õ sehe ni yahua timaha: “¿M̄usa basi jipanahta cahmachejari m̄usa?” ni yahua timaha Moise tinare. ²⁷To ã ni yahuch̄u t̄horo, c̄uro to coyeirore ñano yoariro sehe Moisere tjurocaa tiha. “M̄uh̄u sã p̄uhtoro jierara. Sãre yahuboriro jierara m̄uh̄u. ²⁸¿Can̄ure Egipto macarirore m̄u wajãriro seheta ȳuh̄u c̄h̄ure wajã duacu nijari m̄uh̄u?” nia tiha tiro Moisere. ²⁹To ã nich̄u Moise t̄ho c̄uaa waha, m̄urocaa duhti wahcã, Madiã yahpap̄u wahaa wahaa tiha. Tóru re pa sehe macariro jiparota, numino boca, p̄uaro pohna tia tiha.

³⁰’Ã yoa Moise cuarenta c̄hmari waro tói to jiri baharo, Sinaí wama tid̄u t̄c̄u cahai masa marienop̄u to jich̄u anjo tirore bajuaa tiha. Anjo sehe mahad̄ucã j̄uri picha

pohnai bajuaa tiha. ³¹Tu yuc̄uc̄uc̄ãru to j̄urucuch̄u ñu no, Moise ñu c̄uaa wahaa tiha. Tí pichacare cahacã noano to ñu wahcãch̄u waroi Cohamacu to durucuch̄u t̄hoã tiha. ³²“Cohamacu jija ȳuh̄u. M̄u ñuch̄usuma cjiri, Abrahã cjiro, Isaa cjiro, Jacobo cjiro ti ño payoriro jija”, nia tiha Cohamacu Moisere. To ã nich̄u t̄horo Moise sehe tetere, ne ñu wahcõeraa tiha. ³³Cohamacu õ sehe ni durucu namoa tiha tirore. “Ȳuh̄u ñaa marieriro ȳu õi jiro wato, m̄u ducuri yahpa sehe wiho jiri yahpa jierara. ã jicu m̄u dahpo suhtire tjuwe c̄uga. ³⁴Ã yoa ȳu yaina masa Egiptop̄u ti ñano ȳhd̄uch̄u ñuja. Ti tiich̄u t̄hoja. ã jicu õp̄ure wihija ȳuh̄u, tinare ȳhd̄u witich̄u yoai tai. Ti ã wahach̄u, ñuc̄u wahaga m̄uh̄u c̄h̄u. Egiptop̄u m̄uh̄ure warocaihtja. Tinare na wioi wahaga”, nia tiha Cohamacu Moisere.

³⁵’Tó panop̄u tina sehe mari coyea, Israe masa Moisere cahmaeraa tiha. “M̄uh̄u sã p̄uhtoro jierara. M̄uh̄u sãre yoadohoboriro jierara”, ni tuhtia tiha tina tirore. Wiho mejeta baharo, Cohamacu ti ã niriro cjirore Egiptop̄u warocaa tiha, mari coyea Israe masare ȳhd̄u witich̄u yoahitiro, ã jich̄u ti p̄uhtoro jihtiro cjihtore. ã yoa anjo, tirore j̄ud̄ur̄u bajuariro sehe to ã yoahitire yahua tiha tirore. ³⁶Moise jia tiha mari coyea, Israe masare Egiptop̄u jiiinare na wioriro. Tinare na wioro, Egiptop̄u Cohamacu tuua mehne tiro sehe yoa ño d̄ucã tiha tóru jiiinare. Pjiri ma sohãri map̄u ãta yoa ñoa tiha tjoa. Baharop̄u masa marienop̄u c̄h̄ure cuarenta c̄hmari waro Cohamacu tuua mehne yoa ño m̄ujaa tiha tiro to masare. ³⁷Ã yoa Moise cjiro jia tiha mari coyea, Israe masare õ sehe ni yahuriro: “Cohamacu c̄uro m̄usa coyeiro, to yare yahu m̄uhtahtiro, ȳu yoaro sehe jirirore warocarohca m̄usare”, nia tiha Moise tinare. ³⁸Moise masa marienop̄u mari coyea Israe masa mehne jia tiha. Tuhs̄u, Sinaí wama tid̄u t̄c̄ur̄u ti cahmachuch̄u tirore yahuriro anjo mehne jia tiha. ã yoa mari ñuch̄usuma panop̄u macaina cjiri mehne jia tiha tiro. Cohamacu to dutiare c̄ur̄iro jia tiha Moise.

³⁹⁻⁴⁰’Ã jia tí dutiare t̄c̄u Moisere to c̄uno watoi mari ñuch̄usuma cjiri Egiptop̄u

tjua duaa Moiserere yuhdurúca tija. Tina tirore cahmaeraa tija. ã cahmaeraa tina Moise cjiro wahminore Aarô wama tirore cjirore ô sehe nia tija: “Paina cohamanare yoaga mari yaina cjihti. Tina mari wahahti mahare marine sũho naahca. ¿Wiho mejeta marine Egiptopũ jijnare na tariro Moise dohse wahari tiro? Masieraja sã”, nia tija tina. ⁴¹ ã jia tí dachorire tina wachũ masũre uru mehne yoaa tija. ã yoa tuhsũ, tina wahiquinare wajã, ti yoariro cjiro cahai na ta, ño payoa tija tirore. ã jia tina ti yoariro cjirore wachũre ñũ, wahche, bose numũ yoaa tija. ⁴² Wachũre ti ño payochũ ñũno, Cohamacũ tinare cohã wahcãa wahaa timaha. “Yuhũre cohã, mũanopũ bajuaa, sũ dacho macariro, sũ ñami macariro, ã yoa ñahpichoha poca cũhũre ño payowahnojaro”, nino cohã wahcãa wahaa timaha. Cohamacũ yare yahu mũhtaina cjiro ã ni joaa tija:

“Mũsa Israe masa, yuhũre nu ñano yoare. Masa marienopũ cuarenta cũhmari waro jina wahiquinare mũsa wajãinare mũsa wajã, jũ wa mũopanahta, yuhũre mũsa ño payoboriro seheta yoamare mũsa.

Wiho mejeta yuhũ sehere mũsa ño payoerare.

⁴³ ã jina mũsa Molo wama tiri masũre ño payoina jina, tí masũre ño payori wuhũre cjuare mũsa.

ã yoa paio cohamacũ ñahpichohaca Refã wama tiria to masũre mũsa yoariare mũsa cjuare tjoa.

Tí masũrine mũsa yoarire mũsa ño payore. Mũsa ã yoari buhiri mũsare Babilonia sie sehẽpũ cohãrocãhtja yuhũ”, ni yahu joaa tija Cohamacũ yare yahu mũhtaina cjiro.

⁴⁴ ã jia masa marienopũ Cohamacũ masa mehne to jiri wuhũre wahiquina cahsari mehne ti yoari wuhũre cjuaa tija mari ñũchũsuma cjiro panopũ macaina. Tí wuhũ Cohamacũ masa mehne to durucuri wuhũ jia tija. Tí wuhũpũ Cohamacũ dutia to joaa pjĩni tãa pjĩni jia tija. Tí wuhũre Cohamacũ Moiserere to ñoriro seheta, “Õ sehe yoaga”, to ni yoa dutiriro seheta yoaa, tí wuhũre cjuaa tija tina. ⁴⁵ ã yoa ti panamanapũ cũhũ cju

turia nunũ tia tija tí wuhũre, wahiquina cahsari mehne ti yoari wuhũre. Baharo mari ñũchũsuma cjiro Josué mehne Cohamacũ mari coyera Israe masare to cũhti yahpũre, ahri yahpũre pũ tia taha. Ti pũ tia tachũ ahri yahpai ji mũhtaina cjirore Cohamacũ cohãnoaa tija. Tí pjare Cohamacũre ti ño payori wuhũre na taa, cjuaa tija tina ahri yahpũ, mipũre mari jiri yahpũ. Pũ Davi cjiro to jiri tjurupũ cjuã batoa tija tí wuhũre. ⁴⁶ Tiro Davi cjiro sehe Cohamacũre wahchechũ yoariro jia tija. Cohamacũ ya wuhũ cjihtore pa wuhũ tiro yoa duaro, sinia timaha Cohamacũre. ⁴⁷ To ã sinipachũta Salomopũ Cohamacũ ya wuhũ sehere yoaa tija. ⁴⁸ To ã yoapachũta Cohamacũ Jipihtina Bui Jiriro sehe masa ti yoari wuhũpũre jierara. Õ sehe nia tija Cohamacũ yare yahu mũhtariro cjiro:

⁴⁹ “Mũano yũ dujiri jira.

Tói dujicũ dutija yuhũ.

ã jiro yahpa sehe yũ dahporire duhu payoro yoaro sehe jira.

Yuhũ tua yuhdurũro jija.

Yũ ya wuhũ cjihtore yoaa masierara mũsa.

Cohamacũ yũ jichũ yũ jihti wuhũre mũsa yoaa masierara.

⁵⁰ Yũ basi ahri yahpare jipihtiro yoahi yuhũ’, ni durucua tija Cohamacũ”, ni joaa tija Cohamacũ yare yahu mũhtariro cjiro.

⁵¹ Mũsa Cohamacũ yare tũhopanahta, tirore yũhti duaerara. Cohamacũre masieraina yoaro sehe tũhotuina baro jira mũsa. Espĩritu Santore yuhdurũca yuhdurũra mũsa. Mũsa ñũchũsuma cjiro ti yoariro cjiro seheta yoara mũsa cũhũ.

⁵² Mũsa ñũchũsuma cjiro jipihtina Cohamacũ yare yahu mũhtaina cjirore ñano yoaa tija. Tina Cohamacũ yare yahu mũhtaina cjiro “Baharo cũiro ñaa buhiri Marieriro tarohca”, ti ni yahu quihõ mũhtachũ tũhoa, mũsa ñũchũsuma cjiro sehe tinare wajãa tija. ã yoa mipũ cũhũre tiro “Ñaa buhiri Marieriro”, tó panopũ ti niyuriro sehe õpũ to wihichũ, “Mũhũ mehne macaina jija”, ni ji mahũo, tirore wajãhre. ⁵³ Cohamacũ dutiare anjoa sehe yahu turia timaha mũsare. Ti ã yahu turiachũ mũsa tí dutiare cjuamaha. Wiho

mejeta tí dutiare yuhdurucara m̄sa —niha Estebã.

Tina Estebãre tãa poca mehne doca wajãha

⁵⁴To ã nichu tũhoa tina sehe tuaro suaha. ã tuaro suaa, cuaina wahaha. ⁵⁵Ti ã sua-pachata Estebã sehe Espiritu Santo mehne wacũ tuariro to tuaa mehne m̄anopu ñũroca m̄o, Cohamacu si siteare ñũha. ã yoaro Cohamacu poto buhusehei Jesu to ducuchu cũhare ñũha tiro. ⁵⁶ ã ñũroca m̄ono, õ sehe niha:

—Ñu m̄oga m̄sa. M̄anopu mahanocã to tjuwe m̄achu, Jesu Cohamacu to warocariro Cohamacu poto buhusehei to ducuchu ñũja yuhu —niha Estebã tinare.

⁵⁷To ã nichu tũhoata tina tuaro sañurucu, ti cahmo coparire bihanoca, cãno potori tiro cahapu m̄roca wahcã, tirore ñahaha.

⁵⁸Ñaha tuhsu, tirore na wahcã, tí maca duhtu cahapu cohãha tirore. ã jia tãa poca mehne doca wajãha tirore. Ti ã wajãhto pano tirore yahusãrina tirore tãa poca mehne docahtina ti bui sãa suhtire tjuwe na, wahmunore Saulo wama tirirore ti suhtire cj̄abasa dutiha. ⁵⁹Estebãre ti tãa docaro watoi, sinino sehe õ sehe niha tiro:

—Jesu, yu pũthoro yu catiare naga —niha tiro.

⁶⁰Ni tuhsu, tiro na tuhcuca caha su, õ sehe ni tuaro sañurucuha:

—Pũthoro Jesu, ahrina mipu yuhure ti wajãri buhiri tinare buhiri dahrei tjia —ni sañurucuha Estebã.

ã ni sañurucu batoarota, yariaa wahaha tiro.

8

Saulo Jesu yainare ñano yoaha

¹Estebã to ã yariachu ñũno, “Noana”, niha Saulo sehe.

Tí dachoreta Jesu yainare Jerusalẽ macainare ñano yoa dũcaha Saulo mehne macaina sehe. Ti ã yoa dũcachu Jesu yaina Judea yahpau, Samaria yahpau yoaropu duhti site wahcãa wahaha. Ti pũthoa, Jesu to cũrina dihta wahaeraha. ²ã yoa paina Cohamacure ño payoina Estebã pjacu cjirore tãca copapu, duhu sãa, tiro cjirore tuaro tii payoha tiro cjirore tina.

³Wiho mejeta Saulo sehe Jesu yainare

ñabiaro yoaa timaha. Tiro ti wuhusepu sãa, m̄are, numiare ñaha wahcã, peresupu biha dapoa tiha.

Samariai Jesu yare buheha Felipe

⁴ã yoa yoaropu waha siteina cjiri nohoi ti waharoi Jesu yare buhea tiha. ⁵Cũiro tina mehne macariro Felipe cũ maca, Samaria wama tiri yahpai jiri macapu su, Cristo masare yuhdoriro ya quitire buheha tí maca macainare. ⁶To ã buhechu, tó macaina sehe tirore tũho cahmachu, Cohamacu to tuaa mehne to yoa ñochu ñũha tina. ã jia tina jipihtina cãno potori to yahure noano tũho nũna tiha. ⁷Payu masa watã sãanohrina tiro cahai ti wiwichu ñũno, watã sehere tiro wijaa dutia tiha masapu jirinare. To wijaa dutichu, tina watã sehe tuaro sañurucu, wijaa wahaha. Tuhsu payu pjacu buhainare, pari yuri tiniina cũhare pjacu noaina wahachu yoaa tiha.

⁸To ã yoa ñochu ñũa tí maca macaina payu masa wahchea tiha.

⁹Tí pjare Simo wama tiriro tí maca macariro yairo jiha. ã jiro yaya ti yoarire yoa ñoa tiha Samaria macainare. To ã yoa ñochu ñũa, tó macaina ñũ cãaa waha, tirore cua pisaro ñũina jiha.

—Yuhu masi pahñoriro jija —nimaha Simo sehe tinare.

¹⁰To ã yoachu ñũa masa sehe õ sehe nia timaha:

—Ahriro Cohamacu ya tuaare cj̄ariro jira. Cohamacu yoaro sehe tuariro jira —nia timaha tirore masa, pũthoa mehne. Tina jipihtina noano tũho nũna tirore.

¹¹Tiro yaya ti yoaa mehne yoari pja yoa ñoa tiha tinare. To ã yoa ñochu ñũa tina cãaa wahaha. ã cãaa waha, tina tirore ño payoa tiha. ¹²Wiho mejeta ti ã ño payopachata Felipe sehe pũthoro Cohamacu to sũho jiare, Jesucristo yare noaa buheare yahuha. To ã yahuchu tina tirore noano tũhoha. Ti ã noano tũhochu ñũno m̄are, numia cũhare bautisaha Felipe. ¹³ã jiro Simo cũhu Felipere noano tũhoa tiha. ã jiro tiro cũhare bautisaha. To ã yoari baharo Felipe mehne tjuaa tiha tiro. Felipe sehe Cohamacu tuaa mehne to yoa ñochu ñũno Simo ñũ cãaa waha tiha.

14 Æ yoa Samaria yahpa macaina Cohamacu yare ti tuaro cahmachu tuhoa Jerusalēpu jiina tuhorocaa tiha tinare. Æ ti cahmachu tuhoa Pedrore, João cūhare warocaa tiha Samaria yahpamu. 15 Tópu sua Pedro cūhu Cohamacure siniha: “Ahrina Samaria yahpa macaina mūhare ño payoinare mu Espiritu Santo sãajaro”, ni sini payoha tina Cohamacure. 16 Tina Samaria yahpa macaina Jesucristo yaina jia to bautisarina jiha. Tí dihtare masiha tina. Æ jiro Espiritu Santo tinare sãerasiniha. 17 Æ jia Pedro, João mehne Samaria yahpa macainare ti wamomacarine ti dapupoca bui ti duhu payori baharo Espiritu Santo tinare sãari jire.

18 Æ yoa Pedro cūhu ti wamomacari mehne ti duhu payochu ñuha Simo. Espiritu Santo tinare to sãachu cūhare ñuha tiro. Æ ñuriro jiro, tí tuaare cahmano niñeru mehne wapa duamaha. 19 Õ sehe nimaha Simo:

—Yuhu cūhare waga ahri tuaare. Yuhu cūhu yu wamomacari mehne masa dapupoca bui duhu payoi tai nija Espiritu Santo tinare to sãahto sehe. Æ jicu ahri yu yoahiti wapare wapa duaja —nimaha Simo tinare.

20 To ã nichu tuhoru Pedro õ sehe niha:

—Mūhu niñeru mehne Cohamacu ya tuaare mu nuchu duari buhiri mu niñeru mehneti pichacamu wahaga mūhu. Cohamacu mu tuhotuare masina. Mūhu ñariro jisinina. 21 Æ jicu ahrire sã yoaare yoa masierara mūhu. Ahri mu yoa baro jierara. 22-23 Paina ti cjuare ñucu suariro jira mūhu. Æ jicu ñaa yoaare ne duhu masierara mūhu. Æ jicu ahrire mu ñaa yoarire cahyaga mūhu. Cohamacure mu ñaa tuhotuare to bohto sehe siniga mūhu. Mu ã yoachu ñuno tiro mu ñaa buhirire boboca, pa tehe nino —ni yahuha Pedro tirore.

24 To ã nichu tuhoru Simo õ sehe ni yuhtiha tirore:

—Yuhure sini payoga musa Cohamacure mu niriro sehe yu wahaerahto sehe. Tí buhiri pichacamu waha duaeraja yuhu —niha Simo tirore.

25 Baharo Pedro João mehne Cohamacu yare yahuha: “Jesu to masa mujachu ñahi sã”, ni payu Samaria yahpai jia macari

macainare noaa buheare buheha. Tinare Cohamacu yare buhe tuhsu, Jerusalēpu tjuaa wahaha.

Felipe Etiopía yahpa macarirore buheha

26 Æ yoa Cohamacu yairo anjo Felipere õ sehe ni yahuha:

—Mipure sur sehempu wahaga. Jerusalē cahai jiri mahapu Gazapu wahari mahapu, masa marienopu jiri mahapu wahaga —ni yahuha anjo Felipere.

27 To ã nichu tuhoru tiro sehe tí mahapu wahaa tiha. Baharo tí mahapu cūiro masunore piti bocaro taro niha. To piti bocahtiro jiha Etiopía yahpa macariro puhtoro. Tiro numiare cahmaerariro eunuco masuno jiha. Æ jiro Candace wama tiricoro Etiopía macaricoro puhtorocoro yare niñerure jipihtiare ñu wiñboriro jiha. Wiho jiriro jieraha. Tiro Jerusalēpu Cohamacure ño payoro waha tuhsu. 28 To ya macapu tunuria mehne tjua taro tiapu wahaparota buhero niha. Cohamacu yare yahu muhtariro Isaia cjiro to joari pūre buhero niha. 29 Æ jiro Espiritu sehe Felipere õ sehe ni yahuha tiha:

—Siro tunuriapu wahariro cahapu wahaga —niha Espiritu tirore.

30 To ã nichu tuhoru Felipe sehe tunuria cahapu mūroca wahcã, Isaia cjiro to joarire Etiopía macariro to buhechu tuho. Æ tuhoru Felipe õ sehe ni sinituha tirore:

—¿Mu buheare tuho ñahajari mūhu? —niha tiro.

31 To ã nichu tuhoru Etiopía macariro õ sehe ni yuhtiha:

—Pairo yuhure yahu yuhdoriro mariachu noano masieraja yuhu. Õi yuhure yahu dujii taga yu pari wahpa —ni yuhtiha tiro Felipere.

—Jai —ni nuju suha to cahai.

32 Æ yoa Cohamacu yare Etiopía macariro to buheri pū õ sehe niha:

“Ovejare ti ñaha wajãriro seheta tiro cūhare ñaha wajãhca masa.

Æ jiro ovejacã to pjoare ti sachu to sañuruçueraro seheta tiro masuno cūhu dihta marieriro jirohca.

33 Tirore tina bujupeahca.

Æ jia tiro to ñano yoaerapachata tina sehe ñano yoaahca tirore.

Tiro ahri yahpapu to jichu tina tirore wajãahca.

Ã jiro tiro pohna marieriro yariaa waharohca”, ni joaha tí pũpũre.

³⁴ Tí pũ to ã ni yahuchu ñũno, Etiopía macariro õ sehe ni sinituha:

—Yahuga yũhũre. ¿Õ sehe Isaia cjiro to niriro diro baro jicari ahriro? ¿Isaia cjiro to basi yahuro nicari? ¿O pairore yahuro nicari? —ni sinituha Etiopía macariro.

³⁵ To ã ni sinitu ñũchũ tũhoro Felipe sehe tí pũre ñũ, Jesu yare yahuha Etiopía macarirore. ³⁶ ã yoa tina tia mehne waha, mácapũ sũha.

—Ñũga, õi máca jira. Ahri mácapũ yũhũre bautisaga —niha Etiopía macariro.

³⁷ [—Jesure mũ noano wacũ tuachu ñũcũ mũhũre bautisaihtja —niha Felipe tirore.

—Jesure wacũ tuaja yũhũ. Tiro Cristo Cohamacũ macũno jira. Tíre noano masija yũhũ —niha Etiopía macariro.]

³⁸ ã ninota tiro tunuria uturirore yũsũo dutiha. Tia to yũsũ caha sũri baharo wijaa tina. Wijaa, tí mácapũ sũ, ñũmurũcũ sũha tina. Tói ñũmurũcũ sũ, Felipe sehe tirore bautisaha. ³⁹ Bautisa tuhsũ ti maja sũrũcũ sũchũ Cohamacũ to Espĩritu Felipere naa wahaha. To ã wahari baharo Etiopía macariro noano wahcheriro to ya yahpapũ tjuaa wahaha. To ã yoari bato tichũ ne pari turi Felipere ñũeraha. ⁴⁰ ã yoa tuhsũ Azotopũ sũha Felipe sehe. Tuhsũ, payũ macarine noaa buheare buheha masare. Pũ Cesareapũ buhe batoa tiha.

9

Saulo Jesucristore ñũno tirore wacũ tuacaha

(Hch 22.6-16; 26.12-18)

¹ Wiho mejeta tí pjare Saulo Jesu yainare ã ñũ tuhtirucusinino, “Tinare wajãihtja” nino, tiro sacerdotea pũhtoro cahapũ wahaha. ² Tópũ sũro tiro joaa pũrine õ sehe ni siniha sacerdotea pũhtoro:

—Joaa pũrine waga yũhũre yũ tuahti pũri cjihtire. Tí pũripũ mũ wama mũ joa payochũ, yũhũ sehe tí pũri mehne, mũ dutiro mehne Damascopũ wahaihtja. Tópũ sũ, judio masa mari buhea wũhũsepũ Jesu yaina

mũa, numia cãhũre boca sũcũ, tinare ñaha dũhte, õpũ Jerusalẽpũ na majare tjuaa taihtja —ni siniha Saulo sacerdotea pũhtoare.

³ Ti pũrine na tuhsũ, tiro waha, Damasco cahai to sũro cahachũ waro mũanopũ wacũenoca si siteroca boroha tirore. ⁴ Wacũenoca to ã si siteroca borochũta tiro yahpapũ bora caha sũro, õ sehe ni durucuchũ tũhoha:

—Saulo, Saulo, ¿dohseacũ mũhũ yũhũre ñano yoajari? Mũhũ yũhũ mehne suacu yũhũre yũhtieracũ, mũ basita ñano yũhdũra —nino coa taha.

⁵ —Pũhtoro, ¿diro baro jijari mũhũ? —ni sinitu ñũha Saulo sehe.

—Yũhũta jija Jesu, mũ ñano yoarucuriro —niha Jesu Saulore. ⁶ [To ã nichũ õ sehe ni sinituha Saulo:

—Pũhtoro, ¿dohse yũ yoachũ cahmajari mũhũ? —niha Saulo.]

—Wahcãrũcaga mũhũ. Macapũ wahaga. Tí macapũ mũ sũchũ tó macariro mũ yohtire yahurohca mũhũre —niha Jesu Saulore.

⁷ To ã nichũ Saulo mehne macaina sehe to durucua dihtare tũhoha. Wiho mejeta Jesu sehere ñũeraha. To ã wahachũ ñũa, cuia, tina durucu masieraha. ⁸ ã jiro Saulo yahpapũ coãriro wahcãrũca, to ñũchũ to capari bajueraha. ã jia tina to wamomacare ñaha, Damascopũ tuã wahcãa wahaha tirore. ⁹ Tópũ sũro, tiro tia dacho waro ne ñũera, chũera, ne sihniera tiha.

¹⁰ ã yoa cãiro Jesu to buheriro Anania wama tiriro Damascoi jiha. ã jiro Jesu bajua tiha Ananiare. ã bajuario õ sehe ni pisuha tirore:

—Anania, ¿jimajari mũhũ? —niha Jesu.

—Jimajã —ni yũhtiha Anania tirore.

¹¹ To ã nichũ Jesu sehe õ sehe ni yahuha tirore:

—Potori Maha wama tiri mahapũ wahaga. ã wahacũ Juda ya wũhũpũ cãiro Tarso macariro Saulo wama tirirore macaga. Tiro Cohamacũre sinino nica.

¹² Tiro cahãnopũre tirore mũ yohtire ño tuhsũhi yũhũ. Õ sehe jiare ñũhũre tiro: Mũhũ mũ wamomacarine tiro bui duhu payo, to capari noaa wahachũ ñũhũre tiro to cahãnopũre —niha Jesu Ananiare.

¹³ To ã nichũ tũhoro Anania sehe õ sehe ni yũhtiha:

—Puhoro, tiro m̄ yainare, noainare Jerusalē macainare nu ñano yoa m̄jayuhti. Paȳ masa yuh̄re ā ni yahure. ¹⁴ Ā yoa ō cūh̄re tiro jipihtina m̄h̄re cahmainare peresu yoaro taro niyuhti. Sacerdotea puh̄toa tirore ā yoa dutiyuhti —ni yuh̄tiha Anania Jesure.

¹⁵ To ā nich̄u Jesu sehe ō sehe ni yahuha tirore:

—Tiro Saulo sehe ȳu beseriro jira. Tiro ȳu ya buheare judio masa jierainare, ti puh̄toare, ā jich̄u Israe masa cūh̄re buherohca. Ā jich̄u wahaga m̄h̄u. ¹⁶ Paȳu tahari ȳu yare yoaro tiro ñano yuh̄durohca. Tíre tirore masich̄u yoaihtja —niha Jesu Ananiare.

¹⁷ To ā niri baharo Anania sehe waha, s̄u, Saulo to jiri wuh̄p̄u s̄āha. S̄ā s̄u, to wamomacarine Saulo bui duhu payo, ō sehe ni yahuha tirore:

—Coyeiro Saulo, m̄u capari m̄u ñuh̄to sehe, Esp̄iritu Santo m̄h̄u mehne to jihto sehe, to dutiriro sehta m̄u yoah̄to sehe, mari puh̄toro Jesu sehe mahap̄u m̄h̄re bajariro yuh̄re warocahre —ni yahuha Anania Saulore.

¹⁸ To ā nich̄uta to caparire wahi nut̄uri yoaro sehe bajua to caparip̄u wah̄ā pahna borach̄u ñ̄ha Saulo. To ā ñ̄u tuhs̄uri baharo to wah̄c̄ar̄uc̄u s̄uch̄u paio sehe tirore bautisaha. ¹⁹ Tirore to bautisa tuhs̄uch̄u, tiro sehe ch̄u, tuariro wahaha.

Saulo Damascoi Jesu yare buhe d̄ucaha

Ā yoa Saulo mahaa dachoricā Damasco macaina Jesu yaina mehne jiha.

²⁰ Dói tí dachorita tiro judio masa buhea wuh̄seper̄u s̄u, Jesu Cohamac̄u mac̄ano to jiare yahu d̄ucaha masare. ²¹ To ā yahuch̄u ñ̄ha jipihtina tirore tuh̄oina c̄uaa wahaha.

—Cho, ahriro Jerusalēp̄ure Cohamac̄u yainare Jesure cahmainare ñano yoariro cjiro jira. Ā yoa tirota jimana ō macaina Jesure cahmaina cūh̄re ñaha, d̄uh̄te, sacerdotea puh̄toare wiaboriro. Ā yoa duaro ōp̄ure tari jimahre tiro —niha masa tirore tuh̄oina.

²² Wiho mejeta Saulo sehe cui tuh̄oturo marieno buhe mihni wah̄c̄ā tiha. “Ahriro Jesu potoc̄āta Cristo, marine yuh̄dohtiro jira”, to ni yahu mihnich̄u, tó macaina

judio masa ti ni yuh̄ti yuh̄d̄ur̄ucaborirore bocaeraha.

²³ Ā jia paȳu dachori baharo judio masa tirore wajā duaa, ti basi durucua tiha.

²⁴ Wiho mejeta Saulo tirore ti wajā duach̄u masiha to basi. Tina tí macare sahr̄ino t̄āa mehne ti yoari sahr̄ino macaa sopacarire dachop̄ure ñamip̄u cūh̄re cohtaa tiha tirore wajā duaa. ²⁵ Ti ā wajā duach̄u ñ̄ha ñamip̄u Saulo buheina tirore puh̄uro pjiri puh̄i na s̄āa, tí maca macari sahr̄ino baharo buh̄usehei duhu boroha tirore. Tó sehe ti yoach̄u yuh̄d̄uha tiro.

Saulo Jerusalēi jiha

²⁶ Ā yoa Saulo Jerusalēp̄u s̄uro, tóp̄u Jesu yaina mehne tiro ji duamaha. Wiho mejeta tina tirore “Jesu buheriro jierara ahriro” nia, tirore cui niha. ²⁷ Ti ā cuipach̄uta Bernabé sehe tirore na wah̄c̄āha Jesu to cūrina cahap̄u. Ā jiro Saulo mahai Jesure to ñ̄urire, Jesu Saulore to durucurire, ā jich̄u Damascop̄u cuiro marieno Jesu yare to buhe d̄ucarire yahuha Bernabé sehe. ²⁸ To ā ni yahuri baharo Saulo sehe tina mehne s̄āano, Jerusalēp̄u tina mehne jia tiha. ²⁹ Tiro cuiro marieno judio masare Jesu yare yahu yuh̄d̄ur̄ucaro niha. Tina judio masa griego masa yare durucuina jiha. Ā yoa Saulo to ā yahu yuh̄d̄ur̄ucach̄u, tina tirore wajā duamaha. ³⁰ Ti ā wajā duach̄u ñ̄ha, Saulo mehne macaina Jesu yaina sehe tirore Cesareap̄u na duhti wah̄c̄āa wahaha. Tóp̄u tirore s̄aho jirucuma Tarsop̄u warocaha tirore.

³¹ Ā yoa jipihtior̄p̄u, Judea yahp̄ap̄u, Galilea yahp̄ap̄u, Samaria yahp̄ap̄u cūh̄re Cohamac̄u yaina noano jia tiha. Tí pjare ne masa ñano yoaera tiha tinare. Ā jia noano buheha tina. Tina Cohamac̄u yare buhe, tirore masi namo, noano yuh̄tia tiha. Ā yoa Cohamac̄ure cua pisaro ñ̄ha tiha. Esp̄iritu Santo tinare to yoadohoch̄u tina sehe paȳu wahaa tiha.

Pedro Eneare noariro wahach̄u yoaha

³² Ā yoa Pedro jipihtia macarip̄u waharo, Jesu yaina Lida macaina cahap̄u cūh̄re s̄aha tiro. ³³ Tóp̄u s̄uro Enea wama tirirore boca s̄aha. Enea pjac̄u buhariro jiro, ocho

cūhmari waro ti pūpaha cūriro coāa tiha.
³⁴ Ā jiro Pedro sehe tirore ō sehe niha:

—Enea, Jesucristo māhure noariro wahachū yoara. Wahcārūcaga. Mū pūpaha coāri cahsarore cahnoga —niha Pedro tirore.

To ā nichūta tiro wahcārūcaha. ³⁵ Ā jia jipihtina Lida macaina, Sarón macaina tirore űna, tina ti űna yoaare duhu, Jesure wacū tuaa tiha.

Dorca wama tiricorore masoha Pedro Jesu to tuaa mehne

³⁶ Ā yoa Jope wama tiri macai Jesure űno payoricoro Tabita wama tiricoro jiha. To wama Tabita griego ya dūsero mehne Dorca jira. Ticoro noaare yoaro payū waa tiha pjacūoinare. ³⁷ Ā jiro tí pjare ticoro dohati wahcō, yariaa wahaa tiha. To yariachū űna, tina ticorore noano cosa, mūano macari tahtiapū cūa tiha ticorore. ³⁸ Lida wama tiri maca Jope cahai jire. To ā jichū Jesu buheina Jope macaina Pedro Lidapū to jichū tūhorocaa tiha. Ā tūhorocaa, pūaro warocaha Pedro cahapū. Tiro cahapū sūa Pedrore ō sehe ni yahuha tina:

—Soaro mehne sā jiropū wahaga —ni yahuha tina.

³⁹ Ti ā nichū tūhorō tina mehne wahaa wahaha tiro. Tópū tirore ti na sūri baharo mūano macari tahtiapū na mūjaa wahaha tirore. Ā jia jipihtina wapewahya tiro cahai sūrucā, tiia tiha. Tabita tina mehne jisininopū payū suhtire yoaa tiha. Ā jia tina to yoari suhti cjirire űoha Pedrore. ⁴⁰ Wiho mejeta Pedro tinare tí tahtiapū jiiinare wijaa dutiha. Ti wijaari baharo tiro na tuhcuā caha sū, Cohamacūre ticorore sini payoha. Ā jiro to pjacū cjirore majare űna:

—Tabita wahcāga —niha tiro.

To ā nichūta ticoro sehe űna wahcō, Pedrore űna, wahcā nuju sūha. ⁴¹ To wahcā nuju sūchū űna, tiro to wamomacare űaha, tūā wahcō dapoha ticorore. Ā jiro tiro tó macainare Jesu yainare, wapewahyare pjiroca, ticorore catiricorore wiaha tinare. ⁴² To ā yoari baharo jipihtina Jope macaina tíre masia, payū masa Jesure wacū tua dūcaa tiha. ⁴³ Baharo Jopepū Simo

wahiquina cahsarire cahnoriro mehne payū dachori Pedro tiro mehne jia tiha.

10

Pedro Corneliore Jesu yare yahu dūcaha

¹ Ti pjare Cesareapū cūiro Cornelio wama tiriro jiha. Tiro cien surara pūhtoro jiha. Tina surara sehe ti ya curua Italiano wama tiha. ² Cornelio to ya wūhū macaina mehne judio masa jieraina jipahta, Cohamacūre űno payoia, cua pisaro űuina jiha. Tiro judio masa pjacūoinare yoadohoro payū waha. Ā yoa dachoripe tiro Cohamacūre siniha. ³ Cū nūmū űamichapū tres jichū Cohamacū yairo anjo tirore bajuaha. Ā bajuaro Cornelio cahapū sāaha.

—Cornelio —niha anjo tirore.

⁴ To ā nichū tūhorō Cornelio tirore űna, cuiro ō sehe niha:

—Pūhtoro, ¿yabare cahmajari mūhū? —niha tiro.

—Masa pjacūoinare mū warire, Cohamacūre mū sinirire Cohamacū noano űūno nina. ⁵ Ā jicu Jopepū mū mūare warocaga. Tópū Simo Pedro wama tiriro jira. Tirore na ta dutiga mū mūare. ⁶ Tiro paio Simo wahiquina cahsari cahnoriro cahai, pjiri ma dūhtū cahai jiri wūhūi jira —niha anjo Corneliore.

⁷ Anjo ā ni tuhsū, wijaa wahaha. To wi-jaari baharo Cornelio pūaro tirore dahra cohtainare, ā yoa cūiro to surara mehne macarirore pjirocaha. Surara sehe Cohamacūre űno payoriro jiro, dachoripe Corneliore yoadohoa tiha. ⁸ Ā jiro Cornelio tinare anjo to yahuri cjirire yahu pahūo, Jopepū warocaha tinare.

⁹ Ā yoa pa dachoi Jopepū ti waharo watoi cohari pja jichū Pedro sehe wūhū buipū Cohamacūre sinino wahaha. ¹⁰ To mūja sūri baharocā tirore jūca purīchū chū duaha. Wiho mejeta paina to chūare ti dahrero watoi, tiro sehe ō sehe bajuachū űūha. ¹¹ Mūanore parī mūachū, pjiri cahsaro pititia sohtoarire dūhteri cahsaro to duji tachū űūha. ¹² Tí cahsaro puhichapūre payū wahiquina būa tiniina, chihchōina, wūina peri cūhū jiha. ¹³ Tíre to űūri baharo, Pedro durucuro coa tachū tūhoha:

—Pedro, wahcãrucaga. Ahrinare wajã chuga —nino coa taha tirore.

¹⁴ To ã nipachuta Pedro õ sehe niha:

—Pãtoro, ne tina barore chueraja yũhũ. Ñainare, Cohamacũ to chũ dutierainare ne chũera tihĩ yũhũ —niha Pedro.

¹⁵ To ã niri baharo Pedro pari turi durucuro coa tachũ tũhoha:

—Cohamacũ “Noaina jira”, to nirinare “Ñaina jira”, nii tjia mũhũ tinare —nino coa taha Pedore.

¹⁶ Ñ yoa tia taha ti ã ni durucuri baharo tí cahsaro mũanopũ mũjaa wahaha tjoa.

¹⁷ To ã mũjaa wahari baharo, Pedro tuaro wacũ “¿Dohse ni duaro nijari ã bajuaro?” ni tũhotuha tiro to basi. To ã ni tũhoturo watoĩ Cornelio mũa to warocaina sehe Simo ya wũhũpũ sũha. “¿Simo ya wũhũ nohopũ jijari?” ni, ti sinituri baharo to ya wũhũpũ sũha tina. ¹⁸ Sũ, tina sinitu ñũ bahrañoha. “¿Simo Pedro wama tiriro ahri wũhũĩ jĩ-jari?” ni sinitu ñũha tina. ¹⁹ Ñ jiro Pedro to tũhoturo watoĩ Espĩritu Santo tirore õ sehe ni yahuha:

—Ñũga. Tiaro mũa mũhũre macaa nina.

²⁰ Wahcãrucaga. Dujiaga. Tina mehne wahaga. Jiape ni tũhotuecuta wahaga noano mehne. Yũhũ sehe tinare õpũre warocahi —niha Espĩritu Santo Pedore.

²¹ To ã nichũ tũhoro Pedro ti cahapũ dujia wahaha.

—Ñũga. Õi jija yũhũ mũsa maca tariro. ¿Dohse yoana tana niri mũsa yũ cahai? —niha Pedro tinare.

²² To ã nichũta tina sehe õ sehe niha:

—Cornelio cien surara pãtoro, noaare yoariro, Cohamacũre cua pisaro ñũriro, jipihtina judio masa “Noariro”, ti niriro mũhũre pji ta dutiro warocahre sãre. Cohamacũ yairo anjo Corneliore mũhũre pji dutiyuhti. Õ sehe niyuhti: “Pedrore mũ wũhũpũ na ta dutiga mũ mũare. Ñ yoa tiro mũhũre to yahuchũ, noano tũhoga tirore”, ni pji dutiyuhti anjo Corneliore —ni yahuha Cornelio Pedore to pji dutirina sehe.

²³ Ti ã nichũ Pedro sehe tinare sã ta duti, chũa wa, to jiri wũhũpũ carĩ dutiha tinare. Pa dachoi Pedro wahcã, tina mehne wahaa wahaha. Ñ yoa paina Cristo yaina Jope macaina Pedore piti ti wahcãha.

²⁴ Pa dachoi tina Cesareapũ sũha. Ti sũhto panocã Cornelio sehe to coyeare, tiro mehne macaina cũhũre pji cahmachu, Pedore cohtaa niha. ²⁵ Ñ jiro Pedro Cornelio ya wũhũ cahapũ to tachũ ñũno Cornelio sehe tirore piti boca wijaa, to dahpori cahai caha sũha. ²⁶ Wiho mejeta Pedro tirore na wahcõ õ sehe niha:

—Ducuga mũhũ. Yũhũ cũhũ mũ yoaro seheta jiro jija —niha Pedro tirore.

²⁷ To ã ni tuhsũri baharo Cornelio tirore na sãa wahaha to ya wũhũpũ. Tõpũ sãa sũro masa peri tí wũhũpũ cahmachu tirore cohtainare ñũha Pedro. ²⁸ Tinare ñũno õ sehe ni yahuha tinare:

—Judio masũno jipaihta pa curua macaina mũsa mehne jicũ, mũsa wũhũsepũ sãacũ, judio masa sã dutiare yũhdũrucãĩ nija yũhũ. Tĩre noano masina mũsa. Wiho mejeta pa curua macainare “Ñaina jira”, yũhũre ni dutierare Cohamacũ. Tĩre ni yahuhre yũhũre tiro. ²⁹ To ã nichũ tũhocũ õpũre mũsa cahapũre tahi. Mũsa yũhũre pjirocachũ “Ne wahaeraja”, nierahi. ¿Dohse jiro baro yũ õpũ tachũ cahmari mũsa? —niha Pedro tinare.

³⁰ To ã nichũ tũhoro Cornelio sehe õ sehe niha:

—Pititia dachori wahara, Cohamacũ yairo anjo yũhũre to bajuari baharo. Tĩ dachore tres jichũ, ahri hora waroihta Cohamacũre yũ sinino watoĩ anjo minoa suhti tiriro yũ cahai ducuhre. ³¹ Ñ ducuro tiro yũhũre õ sehe nihre: “Cornelio, mũhũ Cohamacũre mũ sinichũ tiro tũhohre. Ñ yoa pjacũoinare ti cahmaare mũ wachũ noano masino, Cohamacũ mũhũre yoadohorohca. ³² Ñ jicũ Joperũ mũ mũare warocaga, Simore, Pedro wama tirirore mũ cahapũ ti na tahto sehe. Tiro paio Simo wahiquina cahsari cahnoriro ya wũhũĩ, pjiri ma dũhtũ cahai jiri wũhũĩ jira tiro. Mũ cahapũ wihiro mũhũre yahurohca”, ni yahuhre yũhũre tiro. ³³ To ã nichũ tũhocũ dóicãta yũ mũare mũhũre na ta duticũ warocahi yũhũ. Ñ jicũ noano yoacũ tari jira mũhũ sã cahapũre. Ñ jina sã jipihtina õre Cohamacũ to ñũrocaroi jina nija sã. Jipihtiare Cohamacũ mũhũre to yahu dutirore tũho duana, cohtahi sã —niha Cornelio Pedore.

Pedro Jesu yare yahuha

³⁴ To ã nichu tuhoro, Pedro õ sehe ni yahuha:

—Mipũ masija. Potocã tjira. Cohamacũ cãno potori noano yoara marine. ³⁵ ã jiro jipihitia macari macaina Cohamacũre cua pisaro ti ñũchũ, noaare ti yoachũ Cohamacũ sehe tinare ñũ wahchẽra. ³⁶ Cohamacũ sã judio masa cahai Jesucristo noaa buheare yahuhtirore warocare. Masa Cohamacũ mehne noano ji masica Jesu to yaria masa mũjano mehne. Tí buheare mũsa masina. Jesucristo sehe jipihitina masa pũhtoro jira. ³⁷ João bautisariro masare, “Mũsa ñaa yoari buhiri tiare masiga”, ni yahu, to bautisari baharo, Galileapũ noaa buheare Jesu sehe yahu dũcare. Baharo Judea yahpapũ cũhũre tí buheare yahu pahũore. ³⁸ Ahriro Jesu Nazare macarirore Cohamacũ sehe to tuaare Espĩritu Santo mehne to yoa masihtire ware Jesure. ã jiro Jesu noano yoaro wahare. ã waharo watĩa sãanohrinare, ñano yũhdũinare jipihitinare noaina wahachũ yoare. Cohamacũ Jesu mehne jiri jire. ³⁹ Judea yahpai, Jerusalẽ cũhũre jipihitia to yoarire sã ñũhi. Baharo tina crusapũ cã puha wajãhre tirore. ⁴⁰ Wiho mejeta tia dacho wahaboroi Cohamacũ tirore masori jire. Maso, Jesure sãre bajuachũ yoari jire Cohamacũ. ⁴¹ Tí pjare Jesure jipihitina ñũerare. Sã dihtare bajuahre tiro. Cohamacũ to cahmainare, Jesure ñũ, painapũre yahuhtinare panopũ sãre beseha. Sã sehe Jesu to masari baharo tiro mehne chũ, sihnihi. ⁴² ã jiro tiro sãre õ sehe ni dutihre. “Masare õ sehe ni yahuga. Yũhũ Jesu jipihitina catiinare, yariaina cjiri cũhũre ti ñaa yoari buhiri tiare yahuhtiro buhiri dahrehtiro yũ jichũ yoare yũhũre Cohamacũ. ã jina tíre masare yahuga”, ni dutihre Jesu sãre. ⁴³ Dohse jiina baro Jesure ti wacũ tuachũ ñũno Cohamacũ ti ñaa yoari buhiri tiare borohca. Tíre jipihitina Cohamacũ yare yahu mũhtaina cjiri panopũ macaina yahuyuha —ni yahuha Pedro.

Judio masa jierainapũ cũhũre Espĩritu Santo sãarũcũ sũa wahaha

⁴⁴ Tí jipihitiare to ã ni yahuro watoi, jipihitina tíre tuhoinapũre Espĩritu Santo sãarũcũ sũa wahaha. ⁴⁵⁻⁴⁶ Tinapũre to sãarũcũ sũa wahachũ, tuhũ mahnoeraa dũseri mehne wahchea mehne durucu dũcaha tina. Tí dũseri mehne Cohamacũre “Tuariro, noariro jira mũhũ”, nia niha. Tí ã nichũ tuhoha Pedro mehne tarina judio masa, Jesu yaina. ã tuhõa Espĩritu Santo judio masa jierainapũ cũhũre to sãarũcũ sũ yoadohochũ ñũa, judio masa sehe cũaa wahaha. ã jiro Pedro õ sehe ni yahuha judio masare:

⁴⁷ —Mari yoaro seheta Espĩritu Santore cũara ahriina cũhũ. ã jina tina bautisa duaa ti sinichũ, tinare, dũcataena tjijihna —niha Pedro tinare.

⁴⁸ ã ni tuhsũ judio masa jierainare Jesu yaina ti jiare ñõhto sehe bautisa dutiha Pedro. Tí ã yoari baharo “Sã mehne mahaa dachoricã tjuasiniga”, niha tina Pedro cũhũre.

11

Pedro Jerusalẽ macainare Jesu yainare yahuha

¹ ã yoa judio masa jieraina cũhũ Cohamacũ yare ti noano cahmachũ Jesu to cũrina sehe ti coyẽa Judeapũ jiina mehne tuhõrocaha. ² ã jia Pedro Jerusalẽpũ to tju sũchũ ñũa judio masa Jesu yaina mahainacã tirore õ sehe ni tuhtiha:

³ —¿Judio masa jierainare dohse jiro baro ñũhi sũri mũhũ? ¿Dohse jiro baro tina mehne chũri mũhũ? —ni tuhtiha Pedrore tina.

⁴ Tí ã nichũ tuhoro Pedro to yoari cjirire yahu pahũõha tinare. Õ sehe ni yahuha:

⁵ —Yũhũ Jopẽpũ jicũ Cohamacũre sinii nihi. ã jiro yũhũre õ sehe bajuahre. Pjiri cahsaro pititia sohtoarire dũhteri cahsaro mũanopũ yũ cahai to duji tachũ ñũhi.

⁶ ã jicũ tí cahsarore noano ñũhi “¿Yaba baro tí cahsaropũre jjari?” nicũ. ã jicũ ñũhi tí cahsaropũre jiinare: Tí cahsaro puhichapũre payũ wahiũquina, bũa tiniina, chihchõina, wũina peri cũhũ jire. ⁷ ã jicũ yũhũre to durucuchũ tuhõhi. “Pedro, wahcãrũcaga. Wajã chũga ahriinare”, nino coa tahre yũhũre. ⁸ To ã nichũ tuhõcũ õ sehe nihi yũhũ: “Pũhtoro, ne tina barore

chæeraja yuhũ. Ñainare, Cohamacũ to chu dutierainare ne chæera tihĩ yuhũ”, nihi yuhũ. ⁹ Wiho mejeta mũanopũ pari turi yuhũre durucuro coa tahre tjoa. “Cohamacũ ‘Noaina jira’ to niinare, ‘Ñaina jira’, nii tjia mũhũ”, nino coa tahre yuhũre. ¹⁰ ã jiro tia taha sã ã ni durucuri baharo tí cahsaro mũanopũ mũjahre tjoa. ¹¹ Yũ ã ñũno watoi tiaro mũa sã jiri wuhũpũ sũri jihre. Tina Cesarea macariro to warocarina jiri jihre. ¹² ã jiro Espĩritu Santo sehe yuhũre tina mehne waha dutiro, “‘Tina ñaina jira’, nii tjia tinare”, ni yahuhre yuhũre tiro. ã jia ahrina seis mehne yũ coyea Jesu yaina mehne Cesarea macariro ya wuhũpũ sãahi sã. ¹³ ã jiro tiro sãre õ sehe ni yahuhre: “Anjo yũ wuhũi ducuchũ ñũhi yuhũ. Õ sehe ni yahuhre yuhũre: ‘Jopere Simore Pedro wama tirirore na ta dutiga. ¹⁴ Tiro mũhũre mũ coyea mehne mũsare jipihtinare pichacapũ wahaborina mũsa yuhũhtore yahurohca’, nihre anjo yuhũre”, ni yahuhre Cesarea macariro yuhũre. ¹⁵ ã yoa yũ durucuro watoi Espĩritu Santo sehe tinapũre sãarũcũ sũahre, marine to yoa mũhtariro seheta. ¹⁶ ã jicũ Jesu to yahurire wacũhi yuhũ. Õ sehe ni yahuhre tiro: “João mũsare bautisaro, copũ yoamahre. Yuhũ sehe tí yuhũdoro yoaihtja mũsare. Baharo Espĩritu Santore mũsa mehne jirucuchũ yoaihtja mũsare”, ni yahuha. ¹⁷ ã jiro Jesucristo mari pũhtoro mari wacũ tachũ ñũno Cohamacũ to Espĩritu Santore wahre marine. ã jiro Cohamacũ marine to Espĩritu Santore to wariro seheta judio masa jieraina cũhare tiro wahre. Cohamacũ to ã yoachũ ñũcũ tirore yuhũdũrũca masieraja yuhũ —niha Pedro tinare, judio masare Jesu yainare.

¹⁸ To ã nichũ tũhoa, tina tirore ne ni namoeraha. ã ni namoeraa, Cohamacũre wahche payo, tina õ sehe niha:

—Tĩ pja pini judio masa jieraina cũhare Cohamacũ cahĩri jira. Ti ñaa yoari buhiri tiare masi, Cohamacũre cahma, tina cũhũ Cohamacũ mehne ã catirucuahca —niha tina.

Antioquíai paina Jesu yaina jiha

¹⁹ ã yoa Estebãre ti wajãri baharo masa Jesu yainare ñano yoaha. Ti ã yoachũ ñũa Jesu yaina duhti sitea wahaha. ã jia tina Feniciapũ, Chiprepũ, Antioquíapũ cũhare waha site, tóprũ judio masa dihtare Cohamacũ yare yahua timaha tina. ²⁰ Wiho mejeta paina Jesu yaina mehne macaina Chipre macaina, Cirene macaina, Antioquíapũ sũ, judio masa jierainare Jesu yare buheha Cohamacũ tinare to yuhũdohto sehe. ²¹ Ti ã buhechũ, Cohamacũ tinare yoadohoha. ã jia masa payũ Cohamacũre cahma dũca, mari pũhtoro Jesure wacũ tuaha.

²² ã yoa “Antioquía macainapũ Jesure cahmaca”, ni tũhorocaha Jerusalẽ macaina Jesu yaina. Ti ã tũhorocari baharo Jerusalẽ macaina Bernabé wama tirirore Antioquíapũ warocaha. ²³ Tóprũ sũro, Cohamacũ yoadohoa mehne judio masa jieraina to yaina ti wahachũ ñũno, tuaro wahcheha. Tuaru wahche, tiro tó macainare õ sehe ni yahuha:

—Jesure ã wacũ tuarucuga. To yare ne duhuena tjiga —ni yahuha tiro jipihtina tinare.

²⁴ Bernabé noariro jiro, Espĩritu Santo dutiare yoariro Jesure noano wacũ tuaha tiro. ã jia to buheri baharo Jesure wacũ tuaina payũ waha namoha tjoa.

²⁵ Baharo tiro Tarso wama tiri macapũ Saulore macano wahaha. ²⁶ Tóprũ tirore boca sũha. To boca sũri baharo Antioquíapũ na majare tjuaaha Saulore. Tóprũ tí sũri baharo cã cũhma waro tina Cohamacũ yaina mehne cahmachu, payũ masare buheha tina. ã jia Antioquíapũ Cristo yaina Cristiano wama ti dũcaha.

²⁷ Tĩ pjare Cohamacũ yare yahu mũhtaina Jerusalẽpũ jiina cjiri waha, Antioquíapũ sũha. ²⁸ ã ti sũri baharo tina mehne macariro Agabo wama tiriro Jesu yaina watoi ducuro, Espĩritu Santo to tuua mehne yahuha tinare. “Jipihtiro yahpapũre tuaro jũcaro waharohca”, ni yahuyuha tiro. Tĩ pjare chũa marieni pja jichũ jipihtina bui pũhtoro Claudio jiha.

²⁹ ã jia Cristo buheina, jipihtina ti cũaro puro ti coyeare wa duaa ti basi cahma durucuha. “Judea yahpa macaina Jesu yainare niñerure warocajihna”, niha tina

ti basi. ³⁰ Ti ã niri baharo Bernabé Saulo mehne tí niñerure na wahcãbasaha. Tópu súa Judea yahpa macainare Jesu yaina puhtoare waha tí niñerure pja cœoinare tju wa dutia.

12

Pedrore peresu yoaha

¹ Tí pjare puhtoro Herode cãinare Jesu yainare ñano yoa ducaha. ² Tiro João wahminore Santiago sehere yoari pjĩ mehne to wajã dutichu pairo sehe tirore wajãha. ³ Santiagore to wajãchu judio masa wahcheha. Ti wahcheare Herode masino, “Ã dihta cahmana tina”, nino Pedro cãhure peresu yoaha. Tí dachorire bucœaerari pãore ti chuhti bose namari pascua jiha.

⁴ ã jiro Herode Pedrore ñaha, peresu yoaha. Peresu yoa diez y seis surarare cohta dutiha tirore. Pititiaro surara cohtaha tirore. Baharo pititiaro ti cohtotaina tirore cohta mɔjaa tiha. ãta yoaha tina diez y seis surara. Herode sehe pascua baharo Pedrore peresupu jirirore masa panoi duhu dapo duamaha tirore wajã dutiro taro. ⁵ ã jiro Pedro peresupu jiha. Tópu to jichu Jesu yaina sehe Cohamacœre tuaro sini payorucua niha tirore.

Cohamacœ peresupu jirirore Pedrore wioha

⁶ ã yoa ñamine Pedro puaro surara mehne comaa dari mehne ti duhteriro jiha. ã ti duhteriro jiro, ti watoi carĩno niha. ã yoa paina surara sopacai cohtarucua niha tirore. Tí ñami bohrearo Herode Pedrore judio masa panoi duhu dapo duamaha tirore wajã dutiro taro. ⁷ Wacũenoca Cohamacœ yairo anjo Pedro cahai to ducuchu to peresu jiri tahtia buhria pihia wahaha. ã jiro anjo Pedro cahai ducuro Pedro patipahmai be careha, tirore wahcœno.

—Cjero wahcœrucaga —niha tiro Pedrore.

To ã nichuta to wamomacarine ti duhtea dari comaa dari parĩ site boraa wahaha.

⁸ ã yoa anjo tirore õ sehe ni yahuha:

—Tuã dihoga mu tuã dihori dare. Mu dahpo suhti cãhure sãaga —niha tiro.

To ã nichu Pedro sehe to niriro seheta yoaha.

—Mu bui macari suhtirore sãa, yuhu mehne wahaga —niha anjo.

⁹ To ã nichu tí tahtiapu jiriro wijaa, anjo baharo wahaa wahaha tiro. ã wahaparota õ sehe ni tuhotumaha tiro. “¿Ahri potocã jieracari? ¿Cahãi nicari yuhu?” ni tuhotumaha tiro. ¹⁰ ã yoa tina to jiri tahtia sopacai ducuína surarare yuhdu wahcã, paina yoawacũno ducuína cãhure yuhdu wahcã, pjiri sopacapu sãha. Tí sopa pahma, comaa pahma macapu wahari mahare ducatarí pahma jiha. Tí sopa pahma to mu saro parĩchu tina wijaa wahaha. Wijaa waha, tina mahapu mahano wahachuta, anjo sehe buti mu wahaha. ã jiro Pedro cœirota tjuaha. ¹¹ ã tirore anjo to wahari baharo to yoirire Pedro masiha. Õ sehe ni tuhotuha tiro. “Potocã tjira. Anjo Cohamacœ to warocaríro peresupu jirirore yuhure wíoro wíihre. Mípu tíre masija to ã yoirire. Judio masa sehe yuhure ti ñano yoaborire Cohamacœ sehe tinare yoa dutierare. ã jiro yuhure, Herode to peresu yoirirore wíohre”, ni tuhotuha Pedro.

¹² To ã ni tuhoturi baharo María João pocoro ya wuhupu sãha Pedro. João sehe pa wama Marco wama tira. Tí wuhupu masa payu cahmachu, Cohamacœre sinia niha. ¹³ Tí wuhupu saro, Pedro sopa pahmare dotaha. Cœcoro ti cahamacono Rode wama tiricoro to dotachu tuhoro, ñano sãha ticoro. ¹⁴ ã yoaro Pedro ticorore to pisuchu tuhoro to durucuaru tuho masi, tuaro wahche, sopa pahmare pjõoboricoro pjõoeraha. Pedro tói to ducuchuta ticoro majareruca mœroca sãa wahaha painare yahuro waharo.

—Pedro sopacapu wíihre —ni yahuro sãaha.

¹⁵ To ã nichu tuhoa, tí wuhui jiina sehe:

—ã ninocaco nica muhu —niha tina ticorore.

—Potocã tjira. Potocã nicota nija —niha ticoro.

To ã nichu tuhoa:

—Tiro jieraca. To yairo anjo wíhíro nica —nimaha tina sehe.

¹⁶ Ti ã nino watoi Pedro sopa pahmare ãta dotarucuro niha. To ã yoachu tuhoa, tina sopacare pjõo, tirore ñu, cœaa wahaha.

¹⁷ Ñ jiro tiro Pedro to wamomaca mehne “Dihta mariahga” ni, Cohamacu peresupu tirore to wiorire yahuha tinare:

—Ahrire yahuga musa puhtoro Santiagore, paina Jesu yaina cūhare —niha tiro.

Ñ ni yahu tuhsu tiro pa sehepu yuhdu wahcāa wahaha.

¹⁸ Ñ yoa bohrea bora tachu surara Pedro to dohse yoa wijaarire ne masieraha. Ñ masieraa cūaa wahaha. ¹⁹ Ñ jiro Herode Pedrore maca dutimaha. Ñ dutiro tiro surarare peresu cohtainare to sinituri baharo tinare wajā dutiha Herode sehe. Ñ jiro Herode Judeapu jiro waha, Cesarepu jiro wahaha.

Herode yariaa wahaha

²⁰ Ñ yoa Tiro wama tiri maca macaina mehne, Sidō macaina mehne Herode sehe suaha. To ñ suachu ñua tí macari macaina sehe Herode tina mehne to suarire cahnoa waha, tiro mehne durucua wahaha. Ñ jia to docai jiro puhtoro Blasto wama tirirore piti tiha. Ñ jia tina Blasto to yoadohoro mehne Herode cahapu suha. Tiro cahapu sua, ñ sehe niha:

—Mari noano jijihna. Mari basi ñu tuhtiena tjijihna —ni siniha tina Herodere.

Tina ya yahpa macaina Herode ya yahpai chūare boca tiha. Ñ jia Herode tinare ñu tuhtichu cahmaeraha tina. ²¹ Ñ yoa Herode to quihōri dachoi, puhtoro to sãa suhti noaa suhtire sãa tiha tiro. Ñ sãano tiro to dujiroi dujitjiāhno, masare durucu ñoa tiha. ²² To ñ durucu ñochu tūhoa masa sehe ñ sehe ni sañurucuha:

—Ahiri durucuro masano jierara. Cohamacu jira —ni sañurucu payomaha tina Herodere.

²³ Ti ñ nichuta Cohamacu yairo anjo Herodere dohatichu yoaha. Cohamacu ño payoeraro, “Cohamacu jieraja yuhū”, ne nieraha Herode. To ñ nierari buhiri anjo tirore dohatichu yoaha. To ñ dohatichu tirore dachoa chu wajānocaha.

²⁴ Ñ yoa Jesu yaina payu masare Jesu ya buheare buhea tiha.

²⁵ Ñ jia Bernabé, Saulo mehne buhe tuhsu, Jerusalēpu tjuaa wahaha. Ñ jia João Marco wama tirirore tina na wahcāa tina mehne.

13

Jesu yaina Bernabé Saulo cūhare Cohamacu yare buhe dutia warocaha

¹ Tí pjare Antioquiapu Cohamacu yaina mehne macaina Cohamacu durucua yahu turiaina jiha. Ñ yoa Cohamacu to joa na dutiri cjirire, Jesu yaina ti yoaa tiare yahuina cūhu jiha. Bernabé, Simo Negro wama tiriro, Lucio Cirene macariro, Menahem, Saulo mehne tina jiha. Menahem sehe puhtoro Herode cjiro mehne tina puaro cūno potori bucuaina jimaha. ² Cū namu tina Jesu yaina chu duhu, Cohamacu yare ti buhero watoi Espiritu Santo ñ sehe ni yahuha tinare:

—Bernabé, Saulo mehne cūga yu cahmano sehe yoahinare. Tíre yoahinare bese cūi nija tinare —niha Espiritu Santo.

³ To ñ nichu tina sehe chu duhu namo, Cohamacu sini, Bernabé dapu bui Saulo dapu bui ti wamomacarine duhu payoha. Ñ duhu payoa tinare buhe dutia warocaha.

Chiprepu Jesu to cūrina buheha

⁴ Ñ jia tina Espiritu Santo to warocaina jia, Seleuciapu su, tí macare dohoriapu samu, Chipre wama tiri nacopu pahāha tina. ⁵ Ñ pahāa, Salamina wama tiri pitamahapu wahā suha. Tí macai judio masa buhea wuhusepu, Cohamacu yare yahu dūcaha tina. Ñ yoa João Marco cūhu tina mehne jiro, tinare yoadohoha.

⁶ Tuhsu, tina tí nūco sohtoai maja, tí nūco topai jiri macapu Pafu wama tiri macapu sua, yairore boca suha tina. Tiro judio masano, Barjesu wama tiriro jiha. Barjesu griego ya mehne nia Elima ti ni pisuriro jiha. “Cohamacu yare yahu muhtariro jija yuhū” ni, masare mahñoperucuro jiha tiro. ⁷ Ñ yoa tiro Sergio Paulo wama tiriro mehne macariro jiha. Sergio Paulo sehe tí nūco macaina puhtoro masi pahñoriro jiha. Ñ jiro Cohamacu yare tūho duaro tinare Bernabé, Paulo mehne pjirocaha tiro. ⁸ Wiho mejeta Elima yairo sehe tinare buhe dutieraha. Tiro Sergio Paulo Jesu yare to ño payochu cahmasāeraha yairo sehe. Ñ jiro Sergio Paulore Cohamacu yare cohā dutiro nimaha. ⁹⁻¹⁰ To ñ dutipachuta

Saulo, Paulo ti niriro Espiritu Santo dutiare yoariro jiro yairore noano ñu diho cū tirore õ sehe ni yahuha:

—Mũhũ mahñoa payũriro, ñariro, watĩno to dutiare yoariro, noaare ñũ yabiriro jira mũhũ. ¿Dohseacũ Cohamacũ yare “Ñaa jira. Mahñoa jira”, ã nirucujari mũhũ? ¹¹ Mũhũ ã yoariro jicũ Cohamacũ mũhũre to pihachũ capari bajuerariro jiihca mũhũ. ã jicũ mahaa dachoricã mũhũ ahri dachore ñũsinisi —niha Paulo.

To ã nichũta tiro yairo sehe me yoaro sehe jiare ñũ mũhtano, baharo nahitiano dihtare ñũha. ã jiro tirore tũãhtirore macaha tiro. ¹² To ã wahachũ ñũno, Sergio Paulo sehe Jesu yare “Potocã tjira”, ni masiha. Mari pũhtoro yare tiro tũho, cũaa waha, Jesure wacũ tua dũcaha.

Paulo Bernabé mehne Antioquíai Pisidia yahpai jiri macai jiha

¹³ ã yoa Paulo cũhũ Pafopũ jiina dohoria mehne pahã turia waha namo, Pergepũ sũha. Perge Panflia yahpũpũ jira. Tópũ sũ, João Marco tinare cohã wahcã, Jerusalẽpũ majare tjuaa waha. ¹⁴ To ã wahapachũta tina sehe Pergepũ jiina waha namo, Antioquíapũ sũha. Antioquíai Pisidia yahpũpũ jira. Tópũ sũ, Sabado dacho jichũ tina judio masa buheri wũhũpũ sãa sũ, tópũ dujiha. ¹⁵ Tí wũhũ macaina pũhtoa Cohamacũ dutiare, Moise cjiro masare to cũrire, ã yoa Cohamacũ yare yahu mũhtaina cjiri ti joari cjirire ti buhe ñori baharo tina pjirocã Paulo cũhũre:

—Coyea, ¿masare wahchechũ yoahti cjihti mũsa yahu dua jijari? Tíre yahu duana, yahuga michapucacã —niha tí wũhũ macaina pũhtoa.

¹⁶ Tí ã nichũ tũhoro, Paulo wahcãrũcũ sũ, “Durucuenta tjiga”, nino to wamomaca mehne cjã tuha. Tí dihta mariachũ ñũ, tiro õ sehe niha:

—Israe masa, ã yoa mũsa Israe masa jieraina, Cohamacũre ño payoina, tũhoga mũsa. ¹⁷ Mari ñũchũsũma cjiri Cohamacũre ño payoa tiha. Tina cjirire Cohamacũ besea tiha. ã jia mari ñũchũsũma cjiri yoari pja Egiptopũ jia tiha paina jipahta. Tópũ tí jichũ Cohamacũ noano yoaa tiha tinare. ã jia payũ masaputia tiha tina.

Õ sehe yoaa tiha tinare. Tinare Egiptopũ jiinare to tuaa mehne wioa tiha Cohamacũ. ¹⁸ To ã wiori baharo tina cuarenta cũhmari waro masa marienopũ tinia tiha. Tópũ tirore ti yũhdũrũcachũ Cohamacũ ãta tũhotunocaa tiha. ¹⁹ Tuhsũ, Canaa wama tiri yahpũpũre siete curuari macainare cohã tuhsũ, Cohamacũ tí yahpare waa tiha Israe masa sehere. ²⁰ Israe masa Egiptoi ti ji dũcachũ, pũ Cohamacũ ahri yahpare to wachũpũ cuatrocientos cincuenta cũhmari waro yũhdũa tiha. Baharo Israe masare dutihtinare cũa tiha Cohamacũ tinare. Pũ, Cohamacũ to cũrina Samue to jichũpũ ji batoa tiha. Samue sehe Cohamacũ yare yahu mũhtariro cjiro jia tiha.

²¹ Baharo Israe masa sehe ti pũhtoro cjihtore macaa tiha. ã jia Cohamacũre sinia tiha. Tí ã sinichũ ñũno Cohamacũ Saulo cjirore cũa tiha tinare. Saulo cjiro Cis macũno jiro, Benjami ya curua macariro jia tiha. ã yoa cuarenta cũhmari waro ti pũhtoro jihtiro cjihtore cũa tiha Cohamacũ tiro cjirore. ²² Cohamacũ Saulo cjirore to cohãri baharo Davi cjirore cũa tiha tiro. Õ sehe nia tiha Cohamacũ Davi cjirore: “Davi Jesé macũnore boca hi yũhũ. Tiro mehne wahcheja yũhũ. Tiro yũ cahmaare yoarohca”, nia tiha Cohamacũ. ²³ Ahriro Davi cjiro to panamino ji turiariro jira Jesu. Cohamacũ Jesure cũri jire Israe masare yũhdohtiro cjihto. “Masare noano yoaihca”, niha Cohamacũ. To niriro seheta yoare tiro. ²⁴ To ã yoahto pano Jesu to tahto pano João cjiro õ sehe ni buheri jire: “Mũsa ñaa tũhotumari cjirire tũhotu cohtota, Cohamacũre macaga. ã yoana bautisarina jiga”, ni buheri jire João cjiro jipihtina Israe masare. ²⁵ João cjiro to buhe batoahto pano, to yariahto pano õ sehe ni yahua tiri jire: “¿Diro baro jijari yũhũ, mũsa tũhotuchũ? Cristo jieraja yũhũ. Pairo jija. ã jipachũta tũhoga yũhũre. Yũ baharo yũ yũhgoro tuariro tarohca. Tiro noa yũhdũariro jira. Tiro yoaro sehe jieraja yũhũ”, ni yahuha João cjiro masare.

²⁶ Coyea, Abrahã panamana, jipihtina Cohamacũre cua pisaro ñũina marine ahri to yũhdohtore yahua buheare warocari jire Cohamacũ. ²⁷ Jerusalẽ macaina ti

puhtoa mehne Sabado dachori jichu Cohamacu yare yahu mautaina cjiri ti joarire buhepahta noano tuho nahaerari jire. A tuho nahaera, Jesu tinare yuhdohtiro to jichu cature masierari jire. Tina a masierapahta Jesure wajã dutiha. A yoaa Cohamacu yare yahu mautaina cjiri ti joariro seheta yoaa niha. ²⁸ Tirore ti wajãhto pano tina Jesure yahusãma. Wiho mejeta to ñaa yoerapachuta tina Pilatore Jesure wajã dutia taa, siniha. ²⁹ A yoaa, panopu ti joariro seheta Jesure yoa tuhsu, tirore crusapu jirirore na boro, masa copapu tãcai ti sahari copapu na sãa, duhu payoha tirore. ³⁰ Tirore ti a wajãpachuta tiro to yariari baharo Cohamacu masori jire tirore. ³¹ A jia Galileapu taina Jerusalẽpu tiro mehne suina payu dachori tirore yaria masa bajuarirore ñaa tiri jire. A jia mipare tirore ti ñurire masare yahuhre tina.

³²⁻³³ A jina noaa buheare yahuja sã musare. Cohamacu mari ñuchusuma cjirire “Masare noano yoaihca”, panopu to niriro seheta mipare marine tinare ji nunu ti turianare yoahre. Tíre to yahuri cjirire õ sehe yoahre tiro. Cohamacu Jesure masori jire. A jina Jesure to masorire yahuja musare. Salmo capítulo dosre panopu to joariro seheta a wahari jire: “Muhu yu macu jira. Michare mure yhu m Pucu jiare masichu yoahi’, nina Cohamacu to macunore”, ni joaa tiha panopu. ³⁴ A jiro Cohamacu Jesure to masohtire pari turi to yariaerahtore yahuyuro õ sehe ni yahu joaa tiha Salmo joariro. “Davire yu pja ñuriro seheta tirore yu niriro seheta potocãta noano yoaihtja musa cature’, nire Cohamacu”, ni joaa tiha. ³⁵ Tuhsu, pa Salmo cature õ seheta ni yahua tiha: “Cohamacu mu yairo ñaa buhiri marieriro to pjacure baa dutierara mahu”, ni joaa tiha. ³⁶ A jiro Davi Cohamacu to cahmariro seheta to jisiniri pja macainare yoadohoha. Baharo tiro yariaa wahaha. To yariari baharo to pucsumare ti yoariro seheta masa copapu siõ sãaha tiro cature. A jiro tiro baa wahaha. ³⁷ To a baapachuta ahriro, Cohamacu to masoriro sehe ne baaerare. ³⁸ A jina musa yu coyea ahriro

masiga: Jesu to yariaro mehne Cohamacu mari ñaa yoari buhiri tiare to cohãhtore musare yahuja sã. ³⁹ A jiro Jesure wacũ tuainare Cohamacu ti ñaa ñano yoaa, buhiri tiare bonocanohca. Wiho mejeta Moise cjiro to cãri dutiare musa yoari mehne musa ñaa yoari buhiri tiare ne cohãsi Cohamacu. ⁴⁰ A jina noano yoaga. Musa noano yoerachu Cohamacu yare yahu mautaina cjiri ti joariro seheta musare wahaboca. O sehe ni joaa tiha:

⁴¹ “Tuhoga musa.

Cayoa payuina, yure ñu tuhtiina jira musa.

Yu õ sehe yoachu cuiga musa.

A jina pichacapu wahaga.

Musa jia dachorire musare yoa ñoihtja.

Yu a yoa ñochu ñupanahta ‘Potocã tjira’, nisi musa.

Pairo tíre musare to noano yahupachuta ‘Potocã tjira’, nisi musa”,

ni joaa tiha Cohamacu yare yahu mautariro cjiri –ni yahuha Paulo tinare.

⁴² To a ni yahuri baharo judio masa buheri wuhupu ti wijaari baharo, masa sehe tinare õ sehe ni siniha:

–Pa somanapu Sabado jichu sãre ahriro buhega tjoa –ni siniha tina Paulore.

⁴³ A yoa tí wuhupu jirina wijaa, judio masa payu, judio masa jieraina cahu Paulo cahu mehne wahaha. Judio masa jieraina sehe judio masa yare Cohamacu warore ti ño payoa tiare buheina jiha. Ti a wahachu Paulo, Bernabé mehne noano yahuha tinare: “Cohamacu musare cahina. A jina tirore ño payoina, wacũ tuaina a jirucuga musa”, ni buheha tina.

⁴⁴ A yoa pa somanare Sabado jichu jipitina Jesu yare tuho duaina cahmachuha.

⁴⁵ Wiho mejeta judio masa sehe payu masare Jesu yare tuho duainare ñaa pahsu tia wahaha. A pahsu tia tina soro ni durucu, Paulore ñano quiti dojomehneha. “Musare to buhea potocã jierara”, niha tina. ⁴⁶ Ti a nichu tuhoa, Paulo, Bernabé mehne tinare quiti dojomehnerinare cuiro marieno õ sehe ni yahuha:

–Cohamacu to dutiriro seheta musare buhe mautamahi sã. Wiho mejeta musa sehe tíre cahmaera tuhsuhre. Cohamacu catia mehne a catirucua cature cahmaera

tuhshre masa. Ñ jina sã sehe judio masa jieraina sehere buhe ducanahca. ⁴⁷ To joa dutiri cjiri mehne õ sehetã dutiha Cohamacu sãre:

“Musa judio masa jierainare buhena tinare yu yare noano masichu yoanahca masa.

Ñ jicu ahri yahpa mu sãro macainare masa buhechu, noano yuhure wacũ tuaina sehere pichacaru wahaborinare yuhdoihca yuhu”,

ni yahu dutiha sãre Cohamacu –ni yahuha Paulo, Bernabé mehne.

⁴⁸ Ti ã nichu tãhoã judio masa jieraina sehe wahcheha. “Cohamacu ya sehe noaa jira”, niha tina. Tõpeina Cohamacu to cahmaina, to catia mehne ã catirucua to wa duarina Jesure wacũ tua ducaha.

⁴⁹ Ñ jia mari puhtoro Cristo yare tí yahpãre yahu site pahõoha. ⁵⁰ Ti ã yahu site pahõochu ñua judio masa ji coeraha. Ñ jia tina Paulo cãhure ñano durucuha. Tõpu Cohamacu ño payoa numia, masa ti cua pisaro ñua numia jiha. Ñ jia judio masa Paulo cãhure ñano durucuha. Ti ã ni durucuchu tãhoã tí numia Paulo mehne, Bernabé mehne cãhure suaha. Ñ yoa tí maca macaina puhtoa cãhu tina mehne suaha. Ñ suaa tó macaina ñano yoaha Paulo cãhure. Ti ã yoari baharo Paulo cãhure ti ya yahpai jiinare cohã wioha. ⁵¹ Ti ã yoachu ñua Paulo, Bernabé mehne ti dahpori macaa dihta pohcarire cjã site boro cãhu tí maca macaina ti ñaa yoari buhiri tiare ñoa. Ñ yoa tuhsu tina Iconiõpu wahaa wahaha. ⁵² Ñ yoa tina Jesu yaina pjõro wahchea, Espõritu Santo dutiare yoaina jiha.

14

Paulo, Bernabé mehne Iconioi jiha

¹ Ñ yoa Iconiõpu su, Paulo Bernabé mehne judio masa buheri wuhuru sãa, Jesu yare noano durucu mihnia mehne yahuha. Ñ jia payu masa Jesure wacũ tua ducaha, judio masa cãhu, judio masa jieraina cãhu. ² Wiho mejeta judio masa Jesure cahmaeraina cãhu tina mehne jiha. Tina judio masa jierainare Jesu yaina mehne ti suachu yoaha tjõa. Ti ã yoachu judio masa jieraina ñano tãhotuha Jesu

yainare. ³ Ti ã tãhotuchu ñua Paulo, Bernabé mehne tõpu yoari pja jia, cuiro marieno mari puhtoro Jesu yare noano buheha. Cohamacu masare to cahãre buheha. Ñ buhea Cohamacu to tuaa mehne yoa ñoha tina, “Ahri buhea potocã tjira”, ñia. ⁴ Wiho mejeta tí maca macaina dacho macai judio masa ya buheare cahmaina tjuaaha. Dacho macaihta Jesu ya buheare cahmaina cãhu tjuaaha. Tina puã curua tjuaaha. ⁵ Ñ jia judio masa jieraina, judio masa ti puhtoa mehne Jesu to cõrinare ñano yoa duama, tãa mehne doca wajã duamaha tinare. ⁶ Ti ã yoa duarire masia, Paulo Bernabé mehne Licaonia yahpã duhti wahcãa wahaha. Tí yahpai jia macaripu Lистра, ã yoa Derberu sãha. ⁷ Tõpu suã, noaa buheare buheha tjõa tí macari macainare, tó cahai jiina cãhure.

Listrai Paulore tãa mehne docaha

⁸ Ñ yoa Listrai tini masierariro jiha. Tiro wahma masa bajuarõpãtã tini masierariro jiro ne tineraa tiha. ⁹⁻¹⁰ Ñ jiro tiro Paulo to buhechu tãhoã. To tãhoro watõi Paulo sehe tiro dihtare ñua.

–Ahriro Jesure wacũ tuara. Ñ jiro tiro noariro waha duara –ni tãhotuha.

Ñ ni tãhoturo tuaro mehne durucutjiãhno õ sehe niha Paulo tirore:

–Wahcãrucaga –niha Paulo tirore.

To ã nichu tãhorõta tini masierariro sehe pu sãrucu su, wahaa wahaha. ¹¹ Paulo to ã yoachu ñua masa ti ya mehne, Licaonia ya mehne õ sehe ni sañurucuha:

–Ahriina cohamana, mua yoaro sehe bajuina manõpu jiina mari caharu duji tari jira –ni sañurucuha tina.

¹² Ñ jia tina cohamanare ti ni pisua wamari mehne tinare ni wama pisuha. Tina Bernabé “Zeus”, ni pisuha. Ñ yoa Paulo buhe mãhtariro to jichu ñua, “Hermes”, ni pisuha tina tirore. ¹³ Ñ jiro Zeusre ño payõina ya wãhu tí maca dãhtã cahai jiha. Ñ jiro Zeus yaina ti sacerdote sehe wachãare cohõri mehne macaru sãa tari sopaca caharu na taha. Zeusre ño payo duaro to wachãare jũ mono, Paulore, Bernabé wa duamaha tiro, to masa mehne. ¹⁴ Ti ã yoachu ñua Paulo, Bernabé mehne ti basi tí ya suhtire tãhrõcõca ti cahyaare masare

ñoa. Tũhrẽroca tuhsũ masa watoi mũrocaa, õ sehe ni sañurucu wahcãha tina:

¹⁵ —Mũsa õ sehe yoaena tjiga. Sã cãhu mũsa yoaro seheta masa jija. Õ sehe mũsa yoaa ne yaba cjihti jierara. ã jina mũsare buhena tahi mũsa õ sehe yoaa duhu dutina tana. Ahri cohamaña mũsa niare, mũsa yoaa, wiho jia masũri jira. Tí masũrine cohãga. ã jina Cohamacũre catiriro sehere ño payoga. Cohamacũ sehe mũanore, yahpare, pjiri mare, jipih-tiare yoariro jira. ¹⁶ Panopũre tiro jipih-tia macari macaina ti yoarire ã ñnocaha. ¹⁷ Wiho mejeta tiro to jia tiare ñona masare. Tiro masare noaare yoa, coro tachũ yoa, dichare wa, masare chũare ã warucura. To ã wachũ masa wahchera. Tó seheta tiro to jia tiare ñona masare —niha Paulo, Bernabé mehne.

¹⁸ Wiho mejeta ti ã nichũ tũhopahta masa wachũare wajã jũ mũo tinare ño payo duamaha. Tó sehe ti ño payo duachũ ñũa tinare ã yoa dutieraha Paulo cãhũ. Ti ã yoaa duhu duaerapahta duhuha tó macaina sehe.

¹⁹ ã yoa paina judio masa Antioquí macaina, Iconio macaina cãhũ Listrapũ sũha. Tórpũ sũa, Paulore ñano durucuha tjoa judio masa. Ti ã ni durucuchũ tũhoa masa tiro mehne suaha. ã suaa tãa mehne docaha tirore. Tãa mehne tirore doca tuhsũ “Ahriro yariaa wahara” nia, tí maca dũhtũ cahapũ tirore waja sũ cũnoca, wahaa wahaha. ²⁰ Ti ã yoari baharo Jesu yaina Paulore ñũa wahaha. Tiro cahai tí cah-machurũcũ sũchũ waro Paulo wahcãrũca, tina mehne macapũ wahaa wahaha. ã yoa pa dachoi tiro Bernabé mehne Derberũ wahaha.

²¹ Tórpũ sũ, tina noaa buheare tó macainare ti yahuri baharo, payũ masa Jesure wacũ tuaina ji dũcaha. ã yoa baharo tina ti sũa macaripe Litra, Iconio, Antioquíapũ majare tjuaa wahaha. ²² Tí macaripũ sũa tí macari macainare Jesu yainare noaa buheare yahua, tinare noano yajeripohna tichũ yoaha. ã Jesure wacũ tuarucu dutia õ sehe ni yahua tinare:

—Cohamacũ to jiropũre mari sũhto pano, tuaro marine ñano yũhdũro cahmana —ni yahua.

²³ ã jia macaripe macainare Jesu yainare ti pũhtoa cjihtire cũha Paulo Bernabé mehne. Cũ tuhsũ, ti chũ duhuri baharo Cohamacũre õ sehe ni sini payoha:

—Pũhtoro, ahrina mũ yainare ñũ wih-boga —ni sini payoha tina Cohamacũre ti wacũ tuarirore.

Paulo Bernabé mehne Antioquíapũ ti jia mũhtari macapũ tjuaa wahaha

²⁴ Ti ã yoari baharo tina Pisidia yahpapũ jirina cjiri wahaa wahaha Panfilia yahpapũ. ²⁵ Tórpũ sũ, Pergepũre tina buhe tuhsũ Atalia wama tiri macapũ wahaa wahaha. ²⁶ Tí macapũ sũ, Antioquíapũ tjuaa, dohoria mehne pahãa wahaha. Tí macaihta panopũ ti jisnichũ Jesu yaina Cohamacũ yare buhe dutia Paulo cãhũre warocaha. ã warocaa:

—Cohamacũ mũ cahã mehne ahrinare ñũ wihboga —ni warocaha tina.

ã tju sũa tinare ti buhe dutirire buhe tuhsũha Paulo, Bernabé mehne.

²⁷ Antioquíapũ ti tju sũri baharo Jesu yaina mehne cahmachu, Cohamacũ to tuua mehne ti yoarire yahu pahñoha tina. Judio masa jieraina cãhũ Cohamacũ yaina ti waharire yahua tina. ²⁸ ã jia Paulo cãhũ tórpũre Jesu yaina mehne yoari pja jiha.

15

Jerusalẽpũ Jesu yaina cahmachuha

¹ ã yoa Judea yahpa macaina mahainacã Antioquíapũ sũa, Jesu yainare õ sehe ni buhe dũcaha tina:

—Cohamacũ to dutiare Moise cjirore cũno õ sehe ni cũha. Jipih-tina ti pjacũre mahari cahsarocãre ti yihsohtore yahu cũha Moise cjirore. Mũsa tíre yoerachũ Cohamacũ mũsare yũhdosi —ni buheha tina tó macainare.

² Ti ã ni buhechũ tũhoa Judea yahpa macaina sehe cahma sayoha Paulo cãhũre Bernabé mehne. Ti ã cahma sayori baharo Jesu yaina sehe Paulore, Bernabére paina tó macaina cãhũre Jerusalẽpũ warocaha. Judea yahpa macaina ti buherire Jesu to cũrinare Jesu yaina pũhtoa cãhũre sinitu ñũ dutia warocaha Paulo cãhũre.

³ ã jia Jesu yaina tinare ti warocachũ waha, Fenicia yahpare sũ, yũhdũ wahcã, Samaria yahpapũ sũha. Tí macaripũ sũa,

judio masa jieraina Cohamacu yare ti cahma ducarire yahuha tina tó macainare. Ti ã yahuchu tuhoa tó macaina Jesu yaina tuaro wahcheha.

⁴ Æ yoa tina Jerusalēpu ti suchu ñua tó macaina Jesu yaina, Jesu to cūrina, to yaina puhtoah mehne wahcheha mehne noano piti bocaha tinare. Ti ã piti bocachu Paulo, Bernabé mehne Cohamacu to tuaa mehne ti yoarire yahuha tina Jerusalē macainare.

⁵ Wiho mejeta tópu fariseo curua macaina Jesu yaina mahainacã jiha. Æ jia tina tópuare wahcãruca, õ sehe ni yahuha:

—Tinare judio masa jierainare ti pjacure mahari cahsarocãre yihsoro cahmana. “Cohamacu Moise cjirore to dutirire yoaga mûsa cãhu”, nino cahmana tinare —niha tina fariseo curua macaina cãhu.

⁶ Ti ã nichu tuhoa Jesu to cūrina, to yaina puhtoah mehne ti ã nirire cahnoa taa, cahmachuha. ⁷ Æ cahmachua tina payu ti durucuri baharo Pedro wahcãruca, õ sehe ni yahuha tinare:

—Coyea, panopu yuhure mûsa mehne jirirore Cohamacu õ sehe yoa dutiro yuhure cûre. Tiro yuhure noaa buheare judio masa jierainare yahu dutiro cûre. Tinare Jesure wacû tua dutiro yuhure tinare buhe dutire. ⁸ Cohamacu masa ti tuhotuare masina. Æ jiro tiro judio masa jierainare to yaina to yoarire ñono taro tiro Espiritu Santore ware tinare, marine to yoariro seheta. ⁹ Æ waro tiro marine tina cãhure cãno potori noano yoare. Tina tirore ti wacû tuachu ti ñaa buhirire bore tiro. ¹⁰ Mari sehe Cohamacu Moise cjirore to cûri dutiare cãno pjaeraja. Mari ñuchusuma cjirore cãhu cãno pjaeraha. ¿Æ mari cãno pjaerapachuta dohse yoana Jesu yainare judio masa jierainare tîre yoa duti duajari mûsa? Æ yoa dutina Cohamacu tinare to yoarire “Quihõno wahaerara”, nina nica mûsa. ¹¹ Wiho mejeta õ sehe sã tuhotuja. Mipure judio masa jieraina yoaro seheta mari cãhure mari puhtoro Jesu cahia mehne Cohamacu yuhdorohca. Dutiare mari yoaa mehne marine yuhdosi —niha Pedro tinare.

¹² To ã nichu tuhoa jipihtina dihta mariea wahaha. Ti ã dihta mariachu Paulo, Bernabé mehne judio masa jieraina watoi Co-

hamacu tuaa mehne ti yoa ñorire yahuha tinare. ¹³ Æ ti yahu tuhsari baharo Santiago õ sehe ni yahuha:

—Coyea, tuhoga yuhure. ¹⁴ Cohamacu judio masa jierainare to yaina cjihtire to coã yoarire yahu tuhsahre Pedro. ¹⁵ Panopu macaina Cohamacu yare yahu mahtaina cjirore ti yahuriro seheta ã wahahre judio masa jierainare. Õ sehe ni Cohamacu yare joaa tiha tina:

¹⁶ “Panopu Davi cjirore ya curua macaina ti puhtoah jirore cjirore pihtia wahare.

Baharo tjua taihca yuhu.

Æ jicu pari turi to ya curua macarirore puhtoro sõihca.

¹⁷ Yu ã yoari baharo jipihtina paina judio masa jieraina yuhure puhtoro tiaha tina.

‘Yu yaina jiga’, yu ni pjirocarina sehe yuhure cahmaahca.

¹⁸ Æta nina mari puhtoro.

Panopu tiro ahrire masare yahu tiri jire”, ni joaa tiha Cohamacu yare yahu mahtaina cjirore.

¹⁹ Æ jicu õ sehe ni tuhotuja yuhu. Judio masa jierainare Cohamacu yare wahma cahma ducainare payu yoa dutiena tjijihna mari. ²⁰ Wiho mejeta tinare joa, warocajihna mari. Õ sehe ni joarocajihna: “Ñaa chure, ‘Cohamacu jira’, ti nia masurine ti waa chure churena tjiga. Tuhsu, numia mehne ñano yoaena tjiga. Numia cãhu mûsa mehne ñano yoaena tjiga. Æ yoa wamua ti ñaha wajainare wahiquinare churena tjiga. Dire sihniena tjiga”, ni yahu joarocajihna. ²¹ Yoari pja judio masa buhea wuhusepu Sabado jichu Cohamacu Moise cjirore to cûri dutiare buhea tire masa. Æ yoa jipihtia macaripu Moise cjirore to yahuare buhea tire. (Æ jina yu niriro seheta judio masa jierainare Jesu yainare joarocajihna, judio masa sehe tina mehne “Suari”, nina) —niha Santiago.

²² Tí pjare Jesu to cūrina, Jesu yaina puhtoah, jipihtina Jesu yaina mehne puaro tina mehne macainare beseha ti warocahinare. Antioquiapu Paulo, Bernabé mehne ti wahachu wahahinare tinare bese warocaha. Æ jia tina Judare, Sila mehne warocaha. Juda sehe Barsaba

p̄aro wama wama tiha. Ti coyea Jesu yaina tinare ño payoha. ²³ Tinare ti beseri baharo Jesu yaina joarocari p̄ure warocaha tina mehne. Õ sehe ni joaha tina:

“Jesu to cūrina, to yaina p̄ahtoa, m̄sa coyea Jesu yaina mehne sã noa dutija m̄sare. Jipihtina judio masa jierainare Antioquíap̄, Siriap̄, Ciliciap̄ jiinare m̄sare Jesu yainare noa dutija sã. ²⁴ Sã mehne macaina m̄sa cahap̄ s̄a, m̄sare paȳ dutiare yoa dutiyuhti. ã yoa m̄sare cariboyuhti. Tina Cohamac̄ dutiare Moise cjirore to cūri cjirop̄ure, mahari cahsarocãre yihsoa c̄h̄ure yoa dutiyuhti. Wiho mejeta sã sehe tinare tíre buhe dutina warocaerahi. ²⁵⁻²⁶ ã jina sã jipihtina cãno potori m̄sa cahap̄ warocahtinare sã besehi. Mari cahĩinare Paulo, Bernabé mehne Cristo Jesu mari p̄ahoro yare cuiro marieno ti buhech̄ paȳ tahari paina tinare wajãmoñoha. Ti ã wajãmoñoch̄ mahanocã mehne yuhduha tina. Tina mehne sã beserinare mip̄ure warocaja. ²⁷ ã jina Judare, Sila mehne m̄sa cahap̄ warocaja. Sã joarocarire tina sehe m̄sare yahuahca. ²⁸ Espíritu Santo to wacūno seheta sã c̄h̄ t̄hotuja. Õ sehe jira tí: Paye dutiap̄ure cūeraja m̄sare. Ahri dutia dihtare cūnahca m̄sare: ²⁹ Ñaa ch̄are, ‘Cohamac̄ jira’, ti nia masurine ño payo ti duhu payoa ch̄are ch̄ena tjiga. Dire sihniena tjiga. Wam̄are ti ñaha wajãinare wahiquinare ch̄ena tjiga. ã jina numia mehne ñano yoaena tjiga. Numia c̄h̄ m̄a mehne ñano yoaena tjiga. Ahri ȳ yoa dutierare yoaerana noare yoana nica m̄sa. Tó puro tjira m̄sare sã yahu duaa”, ni joarocaha Jesu yaina Jerusalēp̄ jiina.

³⁰ Tí p̄ure joa tuhs̄, waha Antioquíap̄ wahainare. Ti wari baharo waha, Antioquíap̄ s̄a. Ti tórp̄ s̄ri baharo paȳ masare cahmachu duti, ti joari p̄ure wiaha tinare. ³¹ Tí p̄ure ti buheri baharo tina yajeri sãa, noano wahcheha. ³² ã jia Juda, Sila mehne Cohamac̄ yare yahu m̄htaina jia, yoari pja Jesu yainare Cohamac̄ yare yahuha. Ti ã yahuch̄ t̄hoa, Jesu yaina sehe wahche, noano t̄hotuha. ³³ ã jia Juda, Sila mehne tórp̄ mahaa dachoricã

ti jiri baharo Jerusalēp̄ ti tjuaa wahach̄ tó macainare ti coha sitich̄, “Noano wahaga m̄sa”, niha Antioquía macaina. ã jia Juda c̄h̄ure warocarinare noa dutirocaha. Ti ã niri baharo Juda sehe tjuaa wahaha. ³⁴ [Wiho mejeta Sila sehe tórp̄ta tjuanocaha Antioquíap̄ta.] ³⁵ ã jia Paulo Bernabé c̄h̄ mahaa dachoricã tjuasiniha tí macai tjoa. Tóti tina paina paȳ mehne Jesu yare buheha.

Pari turi Paulo noaa buheare buhe tinino wahaha

³⁶ ã yoa mahaa dachoricã baharo Paulo ò sehe ni yahuha Bernabére:

—Jipihtinare mari buhe d̄carinare “¿Dohse jijari tina?” ni, ñ̄na wahajihna tjoa —niha Paulo c̄h̄ ti basi.

³⁷ ã ni tuhs̄, Bernabé sehe João Marcore tina mehne naa duamaha. ³⁸ To ã naa duapach̄ta tó pano tiro tina mehne Panfiliap̄ s̄ro tina mehne tjuaeraha. Ti yoaare c̄no pjaeraro tjuaa wahaha. ã jiro Paulo pari turi tirore naa duaeraha. ³⁹ To naa duaerach̄ ñ̄no Bernabé Paulo mehne p̄aro ti basi cahma durucu cahno masieraa, soro dihta waha wahaha. Bernabé sehe Chipre wama tiri n̄cop̄ Marcore na pahãa wahaha. ⁴⁰ Paulo sehe Silare piti ti wahcãa wahaha. Ti buhea wahahto pano Jesu yaina tinare waroca, “Cohamac̄ m̄sare noano ñ̄ wi-hbojaro”, niha. Ti ã niri baharo Paulo Sila mehne waha wahaha. ⁴¹ ã waha, Siria yahp̄ap̄, Cilicia yahp̄ap̄ c̄h̄ure s̄a, tórp̄ Jesu yainare noano yajeripohna ti, Jesure wacū tua namoch̄ yoaha tinare.

16

Timoteo Paulo mehne wahaha

¹ Ti ã yoari baharo Paulo c̄h̄ Derberp̄, Listrap̄ s̄a, Timoteore boca s̄a. Timoteo Jesu yairo jiro, judio masono mac̄no jiha tiro. To pocoro c̄h̄ Jesu yacorota jiha. To p̄c̄ro sehe griego mas̄no jiha. ² ã jia Listra macaina, Iconio macaina Jesu yaina, “Timoteo masa noariro jira”, ni yahua tiha. ³ ã jiro Paulo Timoteore naa duaha. Wiho mejeta tí yahpa macaina judio masa sehe Timoteo p̄c̄ro griego mas̄no to jich̄ masiha. ã jiro Paulo judio masare “Suari”

nino, Timoteo pjacure mahari cahsarocã yihso naha. Judio masa ti dutia ti niriro seheta yoaha. ⁴ To ã yoari baharo tina ti sua macari macainare ti joarocari pũ macaare yahuha. Tí pũ Jesu to cūrina, to yaina puhtoah mehne Jerusalēpu jiina ti joarocari pũ jiha. ã jia tí dutiare noano yahu turiaha tó macainare Jesu yainare. ⁵ Ti ã yahuchũ tuhoa Jesu yaina sehe Jesure wacũ tua namoha. ã yoa Jesure wahma wacũ tua dũcaina dachoripe payũ waha namoha.

Paulo cahãnopũ Macedonia macarirore ñũha

⁶⁻⁷ ã yoa Asia yahpapũ sehere noaa buheare buhe dutieraha Espĩritu Santo tinare. ã jia tina Frigia yahpare yũhdũa Galacia yahpare yũhdũa, Misia yahpa dũhtũ cahai suha. Tópu su, Bitinia yahpa sehe waha duamaha tina. Wiho mejeta Espĩritu Santo sehe tinare tópuure waha dutieraha. ⁸ To ã niri baharo tina sehe Misia yahpare yũhdũa, Tróadepũ buhtũ wihire. ⁹ Tópu ti buhtũ wihiri baharo, tí ñamine õ sehe cahãri jire Paulo. Macedonia yahpa macariro to cahai ducuchũ ñũri jire tiro. “Sãre Macedonia yahpa macainare yoadohoi taga” ni, pjiri jire tiro Paulore. ¹⁰ To cahãri baharo wahcã wihi, sã yare cahno tuhsũ, Macedoniapũ waha waha waha sã. “Cohamacũ tí yahpapũre noaa buheare buhe dutiro nina marine”, ni tuhotui sã.

Paulo, Sila mehne Filipopũ jiha

¹¹ ã jina sã Tróadepũ jiina dohoria mehne Somatracia wama tiri nũcopũ pahã sui sã. ã yoa pa dachoi Neapolipũ pahãa waha sã. ¹² Tí macare yũhdũana, Filipopũ Roma macaina ya macapũ sui sã. Tí maca Macedonia yahpai jiri maca jire. Wiho jiri maca jierare. Tópuure mahaa dachoricã sã jii. ¹³ Tópu jina Sabado jichũ sã tí maca dũhtũ cahapũ, dia dũhtũ cahapũ sui. Tóti Cohamacũ mehne ti durucuro jire. Tóti dujina tóti cahmachua numia mehne suhũdui sã. ¹⁴ Cãcoro sãre tuhoricoro Tiatira wama tiri maca macaricoro Lidia wama tiricoro jire. Ticoro noaa suhti wapa tia suhtire duaricoro, Cohamacũre ño payoricoro jire. ã jiro Paulo to yahuaire noano tuhochũ

yoare Cohamacũ ticorore. ¹⁵ To quihõno tuhochũ ñũno ticorore to wũhũ macaina mehne bautisare Paulo. To ã bautisari baharo õ sehe nire ticoro:

–“Jesu yacoro tjira mũhũ cũhũ”, nina mũsa yũhũre. ã jina ya wũhũi sãa tasinia mũsa. Yũhũ mehne tjuasinia –nire ticoro sãre.

To ã nichũ tuhona to wũhũi tjuasinii sã.

¹⁶ Pa dacho Cohamacũ mehne ti durucuropũ sã wahachũ watĩno to cohtotaricoro piti bocare sãre. Ticoro paina cahamacono jire. Ticoro watĩno yoadohoro mehne masare “Õ sehe waharohca mũsare”, ni yahuyuricoro jire. ã yahuro pjiro wapatabasare to puhtoare. ¹⁷ ã jiro Paulo mehne sã wahachũ, sãre nũnũ ti, sañurucure ticoro:

–Ahrina Cohamacũ Jipihtina Bui Jiro to yoadohoina jira. Cohamacũ marine to noano yũhdohtire yahura tina –ni sañurucure ticoro.

¹⁸ Payũ dachori ã ni cariborucure Paulore. To ã ni sañurucuchũ Paulo majare ñũ, õ sehe nire watĩnore:

–Jesucristo tuaa mehne dutija mũhũre. Ticorore wijaahga. Waharisa mũhũ –nire Paulo.

To ã nichũta watĩno sehe waha waha waha.

¹⁹ To ã wahari baharo ticoro puhtoah sehe niñeru to wapataeraricoro to wahachũ ñũa, tina Paulore, Sila cũhũre ñahare. Ñaha tuhsũ, tinare naahre tí maca dacho macapũ jiina puhtoah cahapũ. ²⁰ ã naa wahcã, buhiri tiare cahnoina cahapũ tinare cũre tina.

–Ahrina judio masa mari ya macare cariboa nina. ²¹ Tina mari dutiare cohã dutia, paye buheare buhea nina. Mari ya dutiare yũhdũrcachũ yoa duaa nina. Mari Roma macaina jina ahrina ti yahua sehere yoa masieraja mari. ã jina ti buheare mari cahmaeraja –nire ticoro puhtoah buhiri tiare cahnoinare.

²² Ti ã nichũ tuhoa masa payũ Paulo cũhũ mehne sua yũhdũa waha. ã jia buhiri tiare cahnoina sehe Paulo cũhũ suhtire ti tuhrẽ cohãri baharo, yucũri wasõri mehne tjana dutire tinare. ²³ Tuaro tjana tuhsũ peresu yoare tinare. Ti ã peresu yoari baharo peresure cohtariroro noano ñũ wihbo dutiha tina. ²⁴ Ti ã dutiri baharo tinare

cohtariro sehe tí wuhu puhicha macari tah-tiapu tinare cū, taboa pahtari mehne ti dahporire biha dapoha.

²⁵ Nami dacho macai Paulo, Sila mehne Cohamacure sini, tirore basa payoha. Ti ā basachu tuhoha paina peresupu jiina. ²⁶ Ti ā ni basachuta tí wuhu tuaro ñuhmiha. To ā ñuhmichu cūno potori jipihtia sopa pah-mari parī m̄na, peresupu jiiinare ti duhtea dari comaa dari nuhnu site boraa wahaha. ²⁷ To ā wahachu tí wuhure cohtariro sehe wahcā wihi, “Peresu jiina duhti tuhsari jire”, ni tuhutumaha. Ā ni tuhuturo to ñosari pjīne naroca, to basi ñosamaha. ²⁸ To ā yoachu ñano Paulo tirore tuaro sañurucu ō sehe niha:

—M̄na basi ñano yoai tjiga. Jipihtina ōre jija sã —niha tiro tinare cohtarirore.

²⁹ To ā nichu tuhoro tinare cohtariro sehe sihã buhria duti, tina cahapu m̄roca wahcã Paulo, Sila ti dahpori cahapu tetere, caha s̄ha tiro. ³⁰ Tuhsu, tiro tinare tí tahtiapu jiiinare na wijaa, sinituha tinare:

—¿Dohse yoaicari yuhu Cohamacu yairo ji duacu, to yuhdohtiro ji duacu? —ni sinituha tiro.

³¹ —Jesucristore wacū tuaga m̄hu. M̄na coyea c̄hu tirore wacū tuajaro. M̄na ā yoachu m̄sare pichacapu wahaborinare Cohamacu yuhdorohca —ni yahuha tina.

³²⁻³³ Ti ā niri hora ñami dacho maca baharocã jiha. Ti ā niri baharo tinare cohtariro to ya wuhuru naaha tinare. To ya wuhuru na s̄ ti camine cosaha tiro. To ā cosa tuhsari baharo to coyea mehne Cohamacu yare buheha Paulo c̄hu. Ti buheri baharo bautisaha tinare. ³⁴ Ti bautisa tuhsari baharo tinare cohtariro cjiro Paulo c̄hure ch̄are payoha. Ā jia tiro to coyea mehne noaa buheare ti tuhori baharo tuaro wahcheha, Cohamacure masi d̄caa.

³⁵ Bohrea parī cahachu ñna puhtoa sehe surarare peresupu warocaha Paulo c̄hure wio dutia. ³⁶ Ti ā wio dutiri baharo tí wuhure cohtariro Paulo c̄hure yahuha:

—Puhtoa m̄sare wio dutire. Ā jina cuenata wijaaaha —niha tiro Paulo c̄hure.

³⁷ Ti ā wio duapachuta Paulo ō sehe ni yahuha surarare:

—Sã ñano yoaerahi. Ā jina sã ne buhiri c̄jaeraja. Wiho warota tina puhtoa sehe

masa ti ñurocaroi yucari wasōri mehne tjanahre sãre, Roma macaina sã jipachuta. Tjana tuhsu peresu yoahre sãre. Ā jia mipu masa ti ñueraroi wio duara sãre, sãre ñano ti yoarire “Buro yuhduri”, nia. Puhtoa ti basita ta, wioa tajaro sãre —niha Paulo surarare.

³⁸ To ā nichu tuhoha surara sehe puhtoare yahua wahaha. Ti ā ni yahuri baharo Paulo, Sila mehne Roma macaina ti jichu masia puhtoa sehe cui niha. ³⁹ Ā jia tina Paulo c̄hu cahai s̄, ō sehe niha:

—Ñano yohti sã m̄sare. Ne pari turi ā yoasi —niha puhtoa Paulo c̄hure.

Ā ni tuhsu puhtoa tinare peresupu jiiinare wio, tinare pa sehenu waha dutiha. ⁴⁰ Ti ā niri baharo Paulo, Sila mehne peresupu jiina wijaa, Lidia wama tiricoro ya wuhuru wahaha. Tí wuhuru ti sari baharo Jesu yainare piti bocaha. Ā jia tina Jesu yainare noano buhea, noano yajeripohna tichu yoaha tinare. Ti ā yoari baharo Paulo, Sila mehne wahaa wahaha.

17

Tesalónica macaina suaha Jesu yaina mehne

¹ Ā yoa tina Anfipolipu s̄, yuhd̄na, Apoloniapu s̄, yuhd̄na, Tesalonicapu s̄ha tina. Tóí judio masa buheri wuhu jiha. ² Somanaripe to yoariro seheta Paulo buheri wuhuru wahaa tiha. Tóru s̄, tia so-mana waro sabado dachoripe tiro panopu macaa ti joari cjirire Cohamacu yare masare buhe, tíre tina mehne s̄h̄dua tiha Paulo. ³ Ā yoaro tiro Cohamacu yare ō sehe ni yahuha:

—Judio masa, m̄na puhtoro m̄na cohtariro Cristo tari jire ñano yuhduhtiro. Cohamacu to ni c̄riro cjiro seheta tiro yariaa wahaha masa m̄jano taro. Ā jiro ahriro Jesu, yu yahuriro, tiro Cristo warota jira marine yuhdohtiro. Tirota jira m̄na cohtariro. Ō seheta nina Cohamacu yare ti joari pū —ni yahuha Paulo.

⁴ To ā nichu tuhoha, c̄ina tóí jiina “Potocã tjira”, niha. Ā jia tina Paulo c̄hu mehne wahaha. Ā jia paina c̄hu griego masa payu Cohamacure ño payoina sehe Paulore quihōno tuhoha, ā yoa tina mehne macaa

numia cūh_u pay_u pūhto_a numia masa ti cua pisaro ñ_ua numia cūh_u tirore quihōno tūho_a Jesu yaina tjuaha. ã jia tina cūh_u Paulo cūh_u mehne wahaha. ⁵ Wiho mejeta judio masa sehe ti ã wahach_u ñ_ua, pahsu tiha. ã jia tina ñ_uaina dahraerainare pay_u pji cahmachu ō sehe ni dutiha: “Ahrina ñ_uano yoaa nina”, ni sañurucu dutiha tinare. ã sañurucua jipihtina tí maca macainare suach_u yoaha Paulo cūh_u mehne. ã jia judio masa Jasō ya wūh_up_u sãa, Paulo cūh_ure macamaha, tinare masap_ure waa taa. ⁶ Wiho mejeta tinare bocaeraha. ã jia Jasōre, paina Jesu yaina cūh_ure ñ_uaha, waja wijaa wahaha tinare. Pūhto_a cahap_u na s_u ō sehe ni yahusãha tina:

—Paulo cūh_u masare jipihtirop_ure caribobiara. ã jia mip_ure tina mari ya macare wihi tuhs_uhre. ⁷ ã jiro ahriro Jasō tinare to ya wūh_up_u sãa ta dutihre. Tina jipihtina mari bui pūhtoro Roma macariro to dutiare yūhd_ur_ucara. “Pairo m_usa pūhtoro jira. Jesu tirota jira” nia, mari pūhtoro dutiare yūhd_ur_ucara tina —ni yahusãha judio masa sehe pūhto_are.

⁸ Ti ã ni yahusãch_u tūho_a, jipihtina masa, pūhto_a cūh_u sua, tuaro sañurucuha. ⁹ Wiho mejeta pūhto_a Jasōre, tiro mehne macaina cūh_ure, niñerure wapa duti, wioha.

Paulo Sila mehne Bereap_u sūha

¹⁰ Tí pjata ñ_uamip_u Paulo cūh_ure Jesu yaina n_uo warocaha Bereap_u. Tórp_u s_ua tina judio masa buheri wūh_up_u sãa wahaha. ¹¹ Berea macaina sehe Tesalónica macaina yūhdoro Jesu yare noano tūho_a jia. ã jia tina Jesu yare ti tūhori baharo “¿Potocã tjiari?” ni masi duaa, dachoripe Cohamac_u yare ti joari pūre ã buherucua tiha tina. ¹² ã jia tina pay_u Jesure wacū tua d_ucaha. Griego masa cūh_u, m_ua, pūhto_a numia mehne Jesure wacū tuaina jia. ¹³ Wiho mejeta Paulo Bereap_u Cohamac_u yare to buhech_u cūh_ure tūhorocaa Tesalónica macaina judio masa tórp_u s_uha. Tórp_u s_ua, Berea macainare quití dojomehnea, Paulo cūh_u mehne suach_u yoaha tina. ¹⁴ Ti ã yoach_u ñ_ua Jesu yaina Paulore soaro mehne pjiri ma dūht_u cahap_u warocaha. Wiho mejeta Sila,

Timoteo mehne Bereap_u tjuaha. ¹⁵ Paina sehe Paulore Atenap_u na wahcã soha. Tirore so tuhs_u majare tjuaa wahaha Bereap_u tjoa.

—Soaro mehne waha, piti tina wahaga Paulore —ni yahuha Silare, Timoteo cūh_ure.

ã ni yahu dutiha Paulo tinare.

Paulo Atenai jia

¹⁶ ã jiro Paulo Atenap_u cohtaro niha Sila, Timoteo cūh_ure. Tinare cohtaro Atena macaina ti “Cohamana jira”, ti nia mas_urine pay_u ti cjuach_u ñ_uno Paulo tuaro cahyaha tina mehne. ¹⁷ ã cahyaro, judio masa buheri wūh_up_u judio masa mehne, ã yo_a judio masa jieraina mehne cūh_ure durucuha tiro. Judio masa jieraina sehe Cohamac_ure ñ_uo payoina jia. ã yo_a Paulo tí maca dacho macai dachoripe tiro cahap_u ã tini majare sãaina mehne durucuha. ¹⁸ Paina Epicureo yare buheina, Estoico yare buheina cūh_u Paulo mehne durucuha:

—¿Ahriro durucua pihtierariro dohse ni durucuro nijari tiro? —niha tina.

Paulo Jesu yare, to masa m_ujarire to yahuch_u tūho_a ō sehe ni tūhotumaha masa: “Tiro paina cohamanare yahuro nica”, ni tūhotumaha tina. ¹⁹ Ti tūhori baharo tina Areópago wama tirop_u Paulore naaha.

—Ahri buhea, wahma buheare m_u mip_u yahurire masi duaja sã. ²⁰ M_u buhea soro sehe jira. ã jina sã tíre masi duaja —niha tina Paulore.

²¹ Jipihtina Atena macaina, ã yo_a paye yahpari macaina cūh_u Atenap_u jiina dachoripe wahma buheare durucurucu duaha. ã jia Paulo to yahuare tūho duaha tina.

²² ã jiro Paulo Areópago wama tiroi wahcãr_uca ō sehe ni yahuha:

—Atena macaina, pay_u m_usa cohamanare m_usa tuaro ñ_uo payoina m_usa jich_u masija yūh_u. ²³ Ahri maca m_usa ya macare cohamanare m_usa ñ_uo payo_a altarire ñ_u tinihi yūh_u. ã ñ_u tinicu yūh_u cã altar_up_u, cohamanare ñ_uo payona m_usa waare m_usa cūnoi ahri_ure buhehi. “Cohamac_u, mari masimahnoerariro ya

altar jira”, ni joari jire m_{usa} tíre m_{usa} cūnoi. M_{usa} tirore masierapanahta tirore ño payori jire m_{usa}. Tiroreta m_{usa} masierarirore yahu potoi nija y_{ah} m_{usare}.

²⁴ Cohamac_u jipihtiri yahpare, jipihtiare bajuamehneriro jira. Tiro m_{anore}, yahpare p_{ah}toro jiro, tiro masa ti yoaa w_{ah}usei jierara. ²⁵ ã jiro tiro mari jiare, mari yajeri naare, jiphtia marine paye barore wariro jiro, mari yoadohoare cahmaerara. Tiro p_{ac}oriro jierara.

²⁶ Tiro c_{airo} m_{anore} yoaa d_{ucaha}. Tiro mehneta jiphtia yahpari macaina cjihtire masare yoaha. ã masare yoaro jiphtiro yahpare marine c_{uha} tiro. “Õ puro yoari p_{ja} õp_{ure} jahca”, nino quihõ c_{uha} marine. ²⁷ “Tina y_hre maca, bocaboca”, ni t_{ah}otuha Cohamac_u. Wiho mejeta Cohamac_u yoarop_u jierara. Mari mehneta jira. Õ sehe ni joaa tiha paina: ²⁸ “Marine jich_u yoara tiro. Mari masapere catiina, ñuhmiina jich_u yoara tiro”, ni joaa tiha. M_{usa} mehne macaina panop_u macaina basaare noano joaina quiti yahuina cjiri ti joariro seheta nii nija. “Mari c_{uh} Cohamac_u pohna jija”, ni joaa tiha tina.

²⁹ ã jina mari to pohna jina õ sehe ni t_{ah}otuenta tjiga m_{usa}. Masarine, uru, plata, t_{aa} mehne m_{usa} m_u s_{uro} m_{usa} yoari masarine “Cohamana jira”, ni t_{ah}otuenta tjiga m_{usa}. ³⁰ Panop_u masa ti masieraina jisinch_u ti ñaare yoapach_{ata} Cohamac_u ã ñ_{an}ocasiniha. Wiho mejeta mip_{ure} jipihtiri yahpa macainare ti ñaa yoari buhiri tiare masi, cahya dutira Cohamac_u. ³¹ Baharo Cohamac_u to quihõri dachoi jiphtiri yahpa macainare potocã beserohca noaina, ñainare. Tiro to bese duti to c_uriro Jesu sehe beserohca. Jesure yariarirore masoha tiro. ã masono “Ahriro y_u c_uriro jira” ni, ñono niha Cohamac_u masare –ni yahuha Paulo Atena macainare.

³² To ã nich_u masa m_ujarire to durucuch_u t_{ah}oa paina tirore b_uj_upeha. Wiho mejeta paina sehe õ sehe niha:

–Pari turi ahrire m_u yahuch_u sã t_{ah}o duaja –niha tina Paulore.

³³ Ti ã niri baharo Paulo wahaa wahaha.

³⁴ To ã wahach_u, c_{aina} tiro mehne waha, Jesure wac_u tua d_{ucaha}. Dionisio Areópago

macariro p_{ah}toa mehne macariro Jesure wac_u tua d_{ucaha}. ã yoaa Damari wama tiricoro c_{uh}, paina mehne Jesure ãta wac_u tua d_{ucaha}.

18

Paulo Corinto wama tiri macai jiha

¹ ã yoaa, Paulo Atenap_u jiro waha, Corinto wama tiri macap_u s_{uha}. ² Tórp_u s_{uro}, judio masano Aquila wama tirirore boca s_{uha} tiro. Jiphtina bui p_{ah}toro Claudio wama tiriro judio masare Romap_u j_{in}are to coh_{ach} Aquila sehe to namono Priscila mehne waha, Corintop_u s_{uha}. Aquila sehe Ponto wama tiri yahpai masa bajuariro jiha. ã jia tina Corintoi ti jich_u, Paulo tina cahap_u s_{uha}. ³ Aquila c_{uh} suhti w_{ah}sere yoaina jiha. Paulo c_{uh} suhti w_{ah}sere yoarirota jiha. ã jiro tiro tina mehne dahra, tói tjuaha. ⁴ ã jiro Paulo sabado jich_u somanaripe judio masa ti buheri w_{ah}p_u judio masare, judio masa jieraina c_{uh}re Cohamac_u yare yahuha. To ã ni yahuch_u t_{ah}oa, “Potocã tjira”, niha tina c_{aina}.

⁵ ã yoaa Sila, Timoteo mehne Macedoniar_u j_{in}ina, Paulo cahap_u s_{uha}. Tórp_u ti s_{uri} baharo Paulo sehe jiphtia dachoripe judio masare noano buhea tiha.

–Jesu, Cristo masare y_hdohtiro mari cohtariro jira –ni yahua tiha.

⁶ To ã ni buhepach_{ata}, judio masa sehe tirore t_{ah}o duaeraha. ã jia tina ñano ni quiti dojomehneha tirore. Ti ã yoach_u Paulo tinare to tuhtiboriro seheta, to suhti macaa mene cjã siteroca c_{uha}.

–M_{usa} ya buhiri pichacap_u wahanahca. Cohamac_u to dutiriro seheta m_{usare} buhemahi y_h. Wiho mejeta m_{usa} y_hre t_{ah}o duaerare. Mip_{ure} judio masa jieraina sehene buhei wahaihtja –niha Paulo judio masare.

⁷ To ã niri baharo tiro tórp_u jiro waha, Ticio Justo wama tiriro ya w_{ah}p_u s_{uha}. Justo Cohamac_ure ño payoriro jiha. To ya w_{ah} sehe judio masa buheri w_{ah} cahai jiha. ⁸ ã jia Crispo wama tiriro buheri w_{ah} p_{ah}toro, to namono, ti pohna c_{uh} Jesure wac_u tuaina jiha. ã yoaa paina Corinto macaina pay_u Cohamac_u yare t_{ah}oa,

Jesure wacũ tuaha. Ti ã wacũ tuaina jichũ tinare bautisaha. ⁹⁻¹⁰ Cũ ñami Cohamacũ cahãnopũ õ sehe ni yahuha Paulore:

—Mũhũ mehne jija. Ahri maca macaina yũ yaina masa payũ jira. ã jia paina masa mũhũre ñano yoa masierara. ã jicũ cuiecũ tjiga mũhũ. Wiho mejeta yũ yare tuaro yahu namoga mũhũ. Yahu duhucũ tjiga — ni yahuha Cohamacũ Paulore.

¹¹ ã yoa cũ cũhma noano, pa cũhma dacho maca waroi Paulo Corintopũ ji, tó macainare Cohamacũ yare buhea tiha.

¹² To ã buhero watoi Galiõ wama tiro Acaya yahpa macaina pũhtoro to jichũ, judio masa jipihtina cãno potori Paulore yahusãa taa, tirore buhiri tiare cahnoina cahapũ naaha tina.

¹³—Ahriro Paulo masare Cohamacũre ño payo dutiro ahri yahpa macaa dutia sehere cohã dutiro nina —ni yahusãha judio masa buhiri tiare cahnoinare.

¹⁴ Ti ã ni yahusãchũ tãhoro Paulo sehe tinare yahu duamaha. Wiho mejeta Galiõ sehe judio masare õ sehe ni yahuha:

—Ahriro sã Roma macaina ya dutiare yũhdũrcariro to jichũ, mũsare yũhtiboa yũhũ. ¹⁵ Wiho mejeta mũsa judio masa ya dutia sehere ahriro yũhdũrcariro to jichũ mũsa basi ahrire cahnoga. Ahrire masieraja yũhũ mũsa mehne —ni yahuha tiro judio masare.

¹⁶ ã ninota tinare judio masa Paulore yahusãmarina cjrيره to ya tahtiapũ jĩinare cohã wioha tiro. ¹⁷ To ã cohã wiori baharo jipihtina tí wũhũ jĩina Sostenere judio masa buheri wũhũ pũhtoro Jesu yairore ñaha, buhiri tiare cahnoina cahapũ cãha tirore. Ti ã cãchũ ñano Galiõ ã ñnocaha.

Paulo Antioquíapũ tjuaa wahaha

¹⁸ ã yoa Paulo Corintoi yoari pja jiro cjiro “Wahai nija”, ni coha sitiha tiro Jesu yainare. To ã niri baharo tiro Priscila, Aquila mehne Siria yahpapũ pahãa taa niha. Ti pahãhto pano Cencrea wama tiri macapũ sũ, tórpũ jisino Paulo Cohamacũre “Õ sehe mũhũre yoabasaihtja”, to nirire yoa tuhsũriropũ jija. ã jiro tó sehe yoaina judio masa ti yoarucuriro seheta to pjoarire waha pahõo dutiha. ¹⁹ Tíre to yoari baharo tina Efeso wama tiri macapũ

pahã sũ, Priscilare, Aquila cũhũre cũ, judio masa ti buheri wũhũpũ wahaha Paulo. Tí wũhũpũ sũ, Cohamacũ yare yahuha. ã yahuro judio masa mehne sũhũduha. ²⁰ To ã sũhũduri baharo tirore tina mehne tjua dutimaha.

—Tjuaeraja mũsa mehne. ²¹ Wiho mejeta Cohamacũ cahmachũ, pari turi tjuaa taihtja —niha tinare Paulo.

ã ni tuhsũ, Efesopũ jiro cjiro pahãa wahaha tiro.

²² Pahãa, Cesareapũ pahã sũ, yũhdũ wahcã, Jerusalẽpũ sũha. Tórpũ sũ, tó macaina Jesu yainare “¿Ne jimajari mũsa?” ni, tinare ñũ yũhdũha Antioquíapũ sũha.

²³ Tóí mahaa dachoricã jija. Tóí jiro cjiro yũhdũha. Galacia yahpai jia macaripũ, Frigia yahpai jia macaripũ pari turi sũ, tí macari macainare Jesu yainare buhero, Jesure wacũ tua namo wahchechũ yoaha tiro.

Apolo wama tiro Efesoi buheha

²⁴ Tí pjare, judio masũno Apolo wama tiro, Alejandría macariro Efesopũ sũha. Tiro noano yahu mihniro jija. ã jiro tiro Cohamacũ to joari cjrيره noano masiha.

²⁵ Pairo tirore Cohamacũ yare yahu tuhsũa tiha. ã jiro tiro João masare bautisariro to buhea dihtare masiha. ã jiparota tiro tuaro wahchea mehne Cohamacũ yare noano buheha.

²⁶ ã jiro judio masa ti buheri wũhũpũ tiro cuiro marieno tinare buhe dũcaha. To ã buhechũ tí tãhori baharo Priscila, Aquila mehne tirore tina mehne naaha. Cohamacũ yare to quihõno yahu pahõoerachũ ñũ quihõno yahu pahõoha tina tirore. ²⁷⁻²⁸ ã jia tiro Apolo sehe Acaya yahpapũ to waha duachũ Jesu yaina tirore “Noano wahaga”, ni joaa pũrine waha tirore. Tí pũri Acayapũ jĩina Jesu yainare Apolore noano piti boca dutia pũri jija. ã jiro Apolo tórpũ sũro, tó macainare noano yoadohoha. Tó macaina Cohamacũ cahĩa mehne Jesure wacũ tuaina jija. Judio masare tí macai jĩinare õ sehe ni yahuha:

—Cohamacũ to warocariro mũsa cohtariro jira Jesu. Cristo waro jira tiro —ni yahuha Apolo judio masare paina masa tí ñarocaroi.

Cohamacu yare ti joari cjiri mehne to noano quihõno yahuchu tũhoa tina “Potocã jierara”, ni masieraha.

19

Paulo Efesopu wahaha

¹ Corintopu Apolo to jiro watoi, Paulo sehe täyucupu mija yũdũa, Efesopu sũha. Tõpu sũro cãina Jesu yainare boca. ² Tinare boca sũro tiro tinare õ sehe ni sinitu ñũha:

—¿Musa Jesure wacũ tuari baharo musa sehe Espiritu Santore cjuã dũcari? —ni sinitu ñũha Paulo.

To ã nichu tũhoa tirore õ sehe ni yahuha tina:

—“Espiritu Santo jira”, ni yahuerare sãre —ni yahuha tina.

³ Ti ã ni yahuri baharo Paulo tinare õ sehe ni sinitu ñũha tjoa:

—¿Noa ya buheare musa tũhori baharo bautisari musare? —niha tiro tjoa.

—João ya buheare sã tũhori baharo bautisahre sãre —ni yahuha tina.

⁴ Ti ã nichu tũhoro õ sehe niha Paulo:

—Masa ti ñaa yoarire cahya, tũre ti duhuchu ñũno bautisaha João. ã jiro to bautisari cjiri sehe ti ñaa yoarire ti duhurire masare ti ñohti cjihti jira. Wiho mejeta paye baro cũhare yahu namoha João. “Yũ baharo tariro sehere wacũ tuaga musa”, ni yahuha tiro. ã nino Jesure yahuro niha —ni yahuha Paulo tinare.

⁵ To ã nichu ti tũhori baharo, Jesu wama mehne to tuua mehne bautisaha tinare.

⁶ ã to bautisachu, Paulo tina cãina bui to wamomaca to duhu payochu, Espiritu Santo sehe wihaha tinapũre. To ã wihiri baharo tina sehe tũhomahnoera dũseri mehne durucu, Cohamacu yare yahuha.

⁷ Tina jipihtina doce mua jia jiboa.

⁸ Baharo Paulo judio masa ti buheri wũhũpu sãa, tia sũ waro cuiro marieno pũhoro Cohamacu to sũho jiare yahu, durucuha tina mehne. Tirore ti ã tũhori baharo “Ahri potocã jira”, niha tina.

⁹ Wiho mejeta paina sehe tũho duaeraha. ã jia tina masa ti tũhoro noaa buheare ñãno ni ñoha. Ti ã nichu tũhoro Paulo sehe Jesu yainare pji wijaa, pa sehẽpu wahaha. Waha, Tirano wama tiriro to buheri

wũhũpu dachoripe masare Cohamacu yare yahuha Paulo. ¹⁰ Pũa cũhma waro buhea tiha tinare. To ã buhechu jipihtina Asia yahpa macaina judio masa, judio masa jieraina mehne mari pũhoro Jesu yare tũhoha. ¹¹ ã yoa Cohamacu tuua mehne Paulo masare ñũ cũa yũhdũachu yoaa barore yoa ñoha. ¹² Masa sehe suhti cahsari Paulo to pjacũre pihaa cahsari cjirire, ã yoa tirore pihaa suhti cũhare naa, dohatiinare pihoha masa. Tĩ suhtire dohatiinare ti pihochu noaa wahaha. ã jichu watĩa tinapũre jirina cjiri wijaa wahaha, tĩ suhtire ti pihori baharo.

¹³ Wiho mejeta paina judio masa, ã tinirucuina, watĩare cohãina jiha. ã yoa pũhoro Jesu wama pisuro mehne watĩare cohã duamaha. ã jia watĩare õ sehe ni dutimaha tina:

—Paulo to yahuriro Jesu to wama mehne dutija musare. Wijaahga. Ahriro mehne pari turi jiena tjiga —nimaha tina watĩare warocaa.

¹⁴ Esceva wama tiriro siete to pohna sehe ãta yoamaha. Esceva sehe judio masũno sacerdotea pũhoro jiha. ¹⁵ To pohna watĩnore ti wijaa dutiri baharo, watĩno sehe õ sehe niha tinare:

—Jesure masija. Paulo cũhare masija. ã masipacũta musa sehere masieraja —niha watĩno tinare.

¹⁶ To ã nichuta watĩno to cohtotariro sehe tuaro mehne tinare ñaha muaa wahaha. Tinare ñaha, ñaabiario yoa, yũhdũrucanocaha. To ã yoachu Esceva pohna sehe suhti marieina, cami tiina mũroca wijaa wahaha tina tĩ wũhare. ¹⁷ Ti ã yoari baharo jipihtina Efeso macaina, judio masa, judio masa jieraina mehne tũre tũhoa, cui yũhdũaha tina. ã jia pũhoro Jesu yare bũjũpero marieno durucuha masa sehe.

¹⁸ ã yoa masa payu Jesure wacũ tuaina ti ñãno yoari buhirire yahu yũhdũa taha.

¹⁹ Tina mehne macaina payu yaya puti siteina jiha. ã jia tina ti joaa tjurire yaya ti yoare yahua tjurire tõpu na ta, masa ti ñũrocaroi tĩ tjurire jũ cohãnocaha tina. Tĩ tjuri ti wapa tirire tina ti quihõchu, jipihtia tjuri cincuenta mil tũri plata mehne ti yoaa tũri posa waro wapa timaha tĩ tjuri. ²⁰ ã jia

Cohamacu yare cahmaina payu wahaha. Cohamacu tuua mehne to yaina wahaha.

²¹ Ti ã wahari baharo Paulo õ sehe ni tuhoutuha: “Macedonia yahpamu su mahta, ti yahpare yuhduu Acaya yahpare suihtja. Ti yahpare yu sari baharo Jerusalēpu wahaihtja. Ti macare yu sari baharo Romapu wahaihtja”, ni tuhoutuha Paulo. ²² Puro tirore yoadohinare to pano waroca mahtaha Macedonia yahpamu. Timoteo, Erasto cūhu jiha tina. ã jiro Paulo sehe cāirota tjua nūnu tisiniha Asia yahpamu.

Efeso masa sua, sañurucuha

²³ Ti pjare Efeso Jesu yare paina cahmaeraa, Paulo cūhure payu masa tuhti, sañurucuha. ²⁴ Cāiro platare dahrariro Demetrio wama tiroro plata mehne cohamaaco Artemisa wama tiricoro ya wūhu masari yoariro jiha. ã jiro tiro paina plata dahraina mehne ti masarine dua, pjiro wapataha tina. ²⁵ ã jiro Demetrio paina plata dahrainare pji cahmachu õ sehe ni yahuha tinare:

—Tuhoga musa. Ahri dahraa mehne pjiro mari wapatarire masina musa. ²⁶ Ahriro Paulo to yoarire to buheri cūhure masina musa. Õ sehe ni buhera tiro: “Cohamana masari masa ti yoari catiina jierara”, ni yahua tire tiro. To ã nichu tuhoa payu Efeso macaina, jipihtiroi paina Asia yahpa macaina cūhu ti buheare “Potocã tjira”, nia tire. ²⁷ ã nia mari dahraare masa ñano durucuhto cua yuhduara. A yoa masa mari cohamaaco Artemisa ya wūhure “Wiho jiri wūhu jira”, ni cohāboca. Ti ã cohāchū ticoro jipihtina Asia yahpa macaina, jipihtiri yahpa macaina ti ño payoricoro to jipachuta to tuua butiarohca. ã jia masa baharopu jiina ticorore masieraboca —niha Demetrio tinare.

²⁸ To ã nichu tuhoa tina sehe tuaro sua, sañurucuha:

—Artemisa Efeso macaina mari yacoro cohamaaco tuaricoro jira —ni sañurucuha tina.

²⁹ ã jia Efeso macaina jipihtina sañurucu yuhduu, tuho masia pihtia wahaha. ã wahaa, Gayore, Aristarco cūhure ñaha, masa ti cahmachunopu tinare waja

wahcāha. Gayo, Aristarco mehne Macedonia macaina jia, Paulo mehne tiniina jia tiha. ³⁰ ã jia Paulore masa cahai to waha duachu, Jesu yaina sehe tirore waha dutieraha. ³¹ ã jia paina ti yahpa macaina puhto, Paulo mehne macaina jia, ti cahamacare yahu dutiha Paulore:

—Masa ti cahmachunopu wahai tjiga —ni yahu dutiha puhto Paulore.

³² ã jia tói cahmachuina mehne macaina sehe payu “¿Dohseana tana mari cahmachuna nijari?” ni masieraha. ã jia tina sañurucu namoha. Ahrie sehēpu jiina soro ni, sañurucuha. Paina cūhu soro ni sañurucuha. ³³ ã jia judio masa sehe Alejandro wama tirore masare yahu dutimaha. ã jiro Alejandro “Dihta mariaha”, nino to wamomaca mehne cjātuha. “Ahrina sare judio masare tuhtia nina”, ni tuhuro judio masare ducata duaro, durucumaha. ³⁴ Wiho mejeta tiro judio masano to jichu ñua masa jipihtina cāno potori puu hora waro sañurucuha:

—Artemisa, Efeso macaina mari yacoro cohamaaco tuaricoro jira —ni sañurucuha tina.

³⁵ Ti ã ni sañurucuchū ñano, Efeso macaina puhtoare yoadohoriro masare, “Dihta mariaha”, ni yahuha tinare.

—Musa Efeso macaina tuhoga. Efeso macaina tuaricoro cohamaaco Artemisa ya wūhu cohtaina mari jichu jipihtia yahpari macaina masina. ã jia manopu bora tari masare ñu wihboina mari jichu cūhure masina masa. ³⁶ ã jia paina “Ahri potocã jierara”, ni masierara. ã jina suaena tjiga musa. Noano tuhutuga musa. ³⁷ Ahrina musa ñaha taina mari cohamaaco ñano ni durucuerare. ã yoa tina cohamaaco wūhusepare sãa, yacaerare. ã jina noano yoaga musa. ³⁸ ã jia Demetrio, plata dahraina mehne ahrinare musa ñahainare yahusã duaa, buhiri tiare cahnoina sehere yahusãjaro tina. ³⁹ Pari turi cahmachuina noano mehne cahmachuga. Musu yoariro sehe yoena tjiga. ⁴⁰ Michare musa sua, sañurucurire mari puhto tuhoa, “Marine cohā nica”, ni tuhutuahca tina. ã jina musa ni sañurucurire tinare noano potu

yahu masieraja mari —niha p̄h̄toare yoadohoriro masare.

⁴¹ Ñ ni yahu tuhs̄, “Tó puro tjira. Wahaga”, niha tiro masare.

20

Macedonia yahpap̄ c̄h̄re, Grecia yahpap̄ c̄h̄re Paulo s̄ha

¹ Ti ã wahari baharo, Paulo sehe Jesu yainare p̄ji cahmachu yahu quihōha. Yahu quihō tuhs̄, tinare wahchech̄ yoa, tinare coha sitiha. Coha siti tuhs̄, Macedonia yahpap̄ waha wahaha. ² Tórp̄ s̄ buhe, tí yahpai jia macari macainare Jesu yainare wahchech̄ yoaha tiro. Tinare buhe tuhs̄, Grecia yahpap̄ s̄ha tiro. ³ Tói tiro tia s̄ waro jiha. Tói jirucuma, Siria yahpap̄ pahãa waha duamaha. Wiho mejeta judio masa cohtamaha tirore ñaha duaa. Ñ jiro Paulo pa mahap̄, Macedoniar̄ wahari mahap̄ mananop̄ta majare tjuaa wahaha tjoa.

⁴ Ñ waharo Asiap̄ta s̄ha. Tói Berea macariro Sópatro wama tiriro Pirro mac̄no Paulore piti ti wahcãha. Ñ yoa Tesalónica macaina Aristarco, Segundo c̄h̄ tirore piti ti wahcãha. Tuhs̄, Derbe macariro Gayo wama tiriro Timoteo c̄h̄ tiro mehne wahaha. Asia macaina Tíquico, Trófimo c̄h̄ Asiap̄ tirore piti ti wahcãha. ⁵ Tiro mehne macaina to pano waha, Tróade wama tiri macap̄ tirore cohtari jire. ⁶ Ti ã cohtach̄ buc̄aerari p̄ore ti ch̄a bōse n̄m̄ri baharo s̄a sehe Filipoi jiina dohoría mehne waha, cinco dachori pahã, Tróadep̄ s̄a tinare m̄ s̄i. Siete dachori waro jii tórp̄re.

Tróadep̄ Paulo tinino wahaha

⁷ Domingo jich̄ Jesu yaina cahmachu p̄ore duhu payore Santa Cena yoaa taa. Ti ã yoah̄to pano Paulo tinare buhere. Ñ yoaro Paulo pa dachoi wahahtiro jiro yoari p̄ja tiro buhere. Ñami dacho macap̄ buhe duhuro taro nimare. ⁸ Ñ jina m̄ano macari tahtiai paȳ poca sihãa poca jiri tahtiai cahmachui s̄a. ⁹ Paulore to t̄horo watoi, c̄airo wahm̄no Eutico wama tiriro mahari sopaca cahai m̄ja p̄ja dujire. Duji, Paulo tinare yoari p̄ja to buhe namoch̄

wahm̄nore w̄jo tare. W̄jo ta, tiro carĩ m̄a, tia casario buip̄ dujiriro majare boraa wahare. Boraa waha, yaria ȳhd̄a wahare. To yariari baharo tina tirore yariariro c̄jirop̄re na wahcō dapore. ¹⁰ Ti ã yoach̄ ñ̄no Paulo dujia, wahm̄nore c̄jã suhs̄ure. To ã yoari baharo Jesu yainare ñ̄ sehe ni yahure tiro:

—Yajeripohna ñ̄aena tjiga. Yarierara ahr̄iro. Catira —nire Paulo sehe.

¹¹⁻¹² To ã nich̄ wahm̄no yariariro c̄jiro masaa wahare. To ã masach̄ ñ̄a tina wahche ȳhd̄are. Ñ wahchea m̄ano macari tahtiap̄ m̄ja, p̄ore duhu payore Santa Cena yoaa taa. Ti ã yoari baharo yoari p̄ja Paulo tinare buhe namore tjoa. P̄ bohreahto panoc̄p̄ tinare buhe duhure. To buhe tuhs̄ch̄ waha wahai s̄a.

Paulo Tróadep̄ jiriro waha, Miletop̄ s̄ha

¹³ Paulo pano dohoría mehne Asōrp̄ s̄a sehe s̄ m̄htai. Paulo sehe mahap̄ waha duare. Paulo to niriro seheta Asōrp̄ tirore s̄a piti bocai. ¹⁴ Tirore s̄a piti bocach̄, s̄a mehne tiro samure dohoriap̄. Tia mehne waha, Mitilenep̄ s̄a s̄i. ¹⁵ Tórp̄re s̄ ȳhd̄a pa dachoi Quío wama tiri n̄core ȳhd̄ai s̄a. Pa dachoi Samop̄ s̄i s̄a. Pa n̄m̄ sehere Miletop̄ s̄i s̄a. ¹⁶ Paulo Pentecoste dacho waroi Jerusalērp̄ s̄ duare. Ñ jiro Asia yahpap̄ yoari p̄ja ji duaerare. Ñ jiro Efesore poto ȳhd̄a, Miletop̄ wahã s̄i s̄a.

Paulo Efeso macainare Jesu yainare p̄h̄toare yahuha

¹⁷ Ñ jiro Paulo Miletop̄ jiro, Efeso macainare Jesu yaina p̄h̄toare p̄jirocare tiro. ¹⁸ Ñ to p̄jirocari baharo tina Paulo cahap̄ wihire. Ti wihich̄ ñ̄no tinare Paulo ñ̄ sehe ni yahure:

—Asiap̄ coã wihich̄ m̄sa mehne yu yoarire masina m̄sa. ¹⁹ M̄sa mehne jicu ne soro nino marieno Jesu, mari p̄h̄toro yare yoaa tii ȳh̄. Ñ yoac̄ m̄sare p̄ja ñ̄i. “M̄sare ȳhd̄ar̄caja”, nierahi ȳh̄. Judio masa ȳh̄re ñ̄no ti yoapach̄ta Cohamac̄ yare yoaa tii ȳh̄. ²⁰ M̄sa noano wahahtore cahmac̄ m̄sare buhe pah̄onocai ȳh̄. Masa ti ñ̄rocaroi, ã

yoa m̄sa w̄h̄usep̄u c̄h̄ure buhei ȳh̄u. ²¹ Ā yoa judio masare, judio masa jieraina c̄h̄ure c̄no potori buhei ȳh̄u. “M̄sa ñaa yoari buhiri tiare masi, Cohamac̄u mehne tjuaahga. Ā yoa Jesu mari p̄h̄torore wac̄u tuaga”, ni yahui ȳh̄u. ²² Ā yoa mip̄ure Esp̄iritu Santo to dutiro seheta Jerusal̄ep̄u wahai nija. Ȳh̄u t̄op̄u wahac̄u ȳ dohse wahahtore masieraja ȳh̄u. ²³ Esp̄iritu Santo to yahuri dihtare masija. Ō sehe nihre Esp̄iritu Santo ȳh̄ure: “Nohoi m̄saa macariper̄u m̄h̄u ñano ȳh̄d̄ih̄ca. Ā jia m̄h̄ure peresu yoaaahca”, nihre Esp̄iritu Santo ȳh̄ure. ²⁴ To ā nipach̄ata noaa buheare, Cohamac̄u masare to cah̄ia buheare yahuhtiro cjihto jija. Jesu mari p̄h̄toro to yoa dutire yoa pah̄no duaja. Ahrire yoariro jic̄u, ȳ variahtore cuieraja ȳh̄u.

²⁵ M̄sa mehne jic̄u p̄h̄toro Cohamac̄u to s̄ho jiare yahua tii ȳh̄u m̄sare. Mip̄ure ne m̄sare pari turi ñ̄si ȳh̄u. Ahrire masija ȳh̄u. ²⁶⁻²⁷ Ā masic̄u michare ahrire yahuja m̄sare. Jipihtia Cohamac̄u yare yahui ȳh̄u m̄sare. Ā jiro jipihtina m̄sa mehne macaina Cohamac̄u yare cahmaeraina ti jic̄u ya buhiri jierara. ²⁸⁻²⁹ M̄sa basi noano yoaga. Ā jina Jesu yainare Esp̄iritu Santo m̄sare to ñ̄h̄ wihbo dutinare ñ̄h̄ wihboga. Ovejare ñ̄h̄ wihboina ovejare ti ñ̄h̄ wihboro seheta Jesu yaina c̄h̄ure ñ̄h̄ wihboga m̄sa. Cohamac̄u mac̄no to yariaro to di coh̄ano mehne Cohamac̄u tinare to yaina cjihti yoare. Ȳ ōre wahari baharo paina ñ̄aina sehe yairo ovejare to ch̄u coh̄ano seheta Jesu yare m̄sa yoaborire dojomehneahca. Ā jina Jesu yainare noano ñ̄h̄ wihboga. ³⁰ Baharop̄ure paina m̄sa mehne macaina sehe Jesu yainare mah̄no, paye buheare t̄ho dutiahca. T̄i ā dutich̄u tina t̄hohto cua ȳh̄d̄ara. ³¹ Ā jina noano yoaga m̄sa. Tia c̄hma waro dachoripe, ñ̄aminipe p̄ja ñ̄ha mehne buhei ȳh̄u m̄sa jipihtinare. T̄ire noano wac̄uga m̄sa.

³² Mip̄ure ȳ wahari baharo, Cohamac̄u m̄sare ñ̄h̄ wihborohca. Masare to cah̄ia buheare m̄sa basi cahma buhena, noano jinahca m̄sa. Cohamac̄u to buhea mehne m̄sare wac̄u tua namoch̄u yoarohca. Baharop̄ure to yainare “Noano yoaitja”, to

niriro seheta m̄sa c̄h̄ure noano yoarohca. ³³ M̄sa niñerure, m̄sa suhti c̄h̄ure “Ȳh̄ure waga”, nierahi m̄sare. ³⁴ Ȳ basi dahra wapatai ȳ ya cjihtire. Ā yoa ȳ cahmaare, ȳh̄u mehne macaina ti cahmaa c̄h̄ure ȳ dahraa wapatai mehne nahi. Ȳ ā yoarire masina m̄sa. ³⁵ Mari ō sehe tuaro dahrana paye baro c̄maerainare yoadohoro cahmana marine. Ahrire m̄sare yoa ñ̄oi ȳh̄u. Jesu mari p̄h̄toro to niri c̄jirire wac̄uga m̄sa. “To wach̄u ñ̄ahariro ȳh̄d̄oro wariro sehe wahchera”, niri jire Jesu to basi –ni yahure Paulo Jesu yainare.

³⁶ Ā ni batoa Paulo tina mehne na tuhca caha s̄u, Cohamac̄u sinire. ³⁷ To ā sini batoach̄u tina jipihtina Paulore c̄j̄a suhsu, wahsupu wihmi, tihre. ³⁸ “M̄sare pari turi ñ̄si ȳh̄u”, pano to nich̄u t̄ho tuaro cahyare tina. Ā jia tirore tju n̄n̄u ti buhare p̄ pitamahap̄u. T̄op̄u s̄are ñ̄u n̄n̄u tire s̄a wahach̄u.

21

Paulo Jerusal̄ep̄u pari turi wahaha

¹ Jesu yainare “Wahana nija” ni, dohoria mehne Cos wama tiri n̄cop̄u poto waha, pah̄a s̄i s̄a. Pa dachop̄u Roda wama tiri n̄cop̄u pah̄a s̄u, ȳh̄d̄ua, P̄tara wama tiri macap̄u s̄i s̄a. ² P̄tarai jina, Feniciap̄u wahahtiare, dohoriare bocai s̄a. Ā jina tia mehne wahai s̄a. ³ Ā wahana Chipre wama tiri n̄core poto ñ̄h̄ ȳh̄d̄uai s̄a. C̄o buh̄usehe sehe jire t̄i n̄co. T̄i n̄core ȳh̄d̄ua, Siria wama tiri yahpap̄u s̄i s̄a. Ā jina dohoria macaa pachere dohoria macariro Tiro wama tiri macai to dure moch̄u, t̄oi pahsasini. ⁴ T̄oi Jesu yainare ñ̄na, sietē dachori waro tjuasini s̄a t̄i macai. Ā jia t̄o macaina Jesu yainare Esp̄iritu Santo to yahuri seheta tina Paulore Jerusal̄ep̄u waha dutieramare. ⁵ T̄i ā nipach̄ata t̄i macare sietē dachori s̄a jiri baharo, wahai s̄a. S̄a wahahto panoc̄a jipihtina Jesu yaina, ti namos̄anumia mehne, ti pohna mehne, t̄i maca d̄ht̄u cahai s̄are ñ̄u tjuaa wahare. Ā jina jipihtina s̄a pad̄roi s̄u, na tuhca caha s̄u Cohamac̄u sinii. ⁶ S̄a ā siniri baharo, “Wahana nija” ni, tinare c̄j̄a suhsu batoa, wahai s̄a. S̄a wahach̄u ñ̄h̄

nũnũ ti, tina sehe majare majaa wahare ti ya wũhũsepu.

⁷ Tiro wama tiri macai jiina wahana Tolemaidapu wahã sui sã. Tóihã pjiri mare waha batoai sã. Tí macai su, Jesu yainare “Coyea, ¿jimajari?” ni, cũ dacho sã tina mehne jisinii. ⁸ ã yoa pa dachoi tjoa Cesarea wama tiri macapu sui sã. Tópu su, noaa buheare yahuriro Felipe wama tiriro ya wũhũpu sui. ã jina tiro mehne tjuai sã. Felipe Jesu yaina ti siete beseina mehne macariro jire. ⁹ Tuhsũ, tiro pititiaro numia puũro jire. Tí numia sehe Cohamacũ yare yahua numia jire. Nuhmia jire. ¹⁰ Tópu sã mahaa dachoricã sã jiri baharo, Agabo wama tiriro Cohamacũ yare yahu tuririro Judeapu jiriro sãre ñũno wihire. ¹¹ ã wihiro tiro Paulo ya dare tũã dihori dare na, to basi to dahporire, to wamomacarine dũhte cayõ sehe ni yahure:

—Õ sehe nire Espiritu Santo: “Ahri dare cjuariro Jerusalẽpu to sũchũ, judio masa ãta dũhteahca tire. Dũhte tuhsũ, judio masa jierainare waahca tina tire”, nire Espiritu Santo —ni yahure Agabo.

¹² To ã nichũ tũhona, sã Cesarea macaina mehne Paulore tuaro cahĩ sã. Tire Jerusalẽpu waha dutieramai. ¹³ Sã ã nichũ Paulo sehe õ sehe ni yũhtire:

—¿Dohse ni tiina nijari mũsa? Yũhũ sehere cahyachũ yoaca mũsa. Tina yũhũre peresu ti yoachũ noanohca. Yũhũ Jerusalẽpu Jesu mari puhtoro yare yũ yoari buhiri yũ yariachũ noanohca —nire Paulo sãre.

¹⁴ “Wahaeraja”, to nichũ tũho duana nimai sã. To “Wahaihtja” to nichũ, ã tũhotunocahi sã. Õ sehe nii:

—Mari puhtoro to cahmano seheta yoajaro —nii sã.

¹⁵ Tíre sũhũdu batoa, sã yare cahno, waha wahaĩ sã Jerusalẽpu wahana. ¹⁶ Tópu sã wahachũ mahainacã Cesarea macaina Jesu yaina sehe sã mehne wahare. ã yoa tina mehne macariro Chipre macariro Mnasõ wama tiriro ya wũhũpu sui sã. Tiro yoari pja Jesu buheriro jire. ã jiro to ya wũhũ sã carĩhti wũhũ jire. Tí wũhũ sã carĩni baharo, Jerusalẽpu sui sã.

Paulo Santiagoore ñũno wahaha

¹⁷ Jerusalẽpu sã sũchũ, tó macaina Jesu yaina sehe “¿Wihimajari?” ni, wahchea mehne piti bocare sãre. ¹⁸ Pa nũmũ Paulo sã mehne Santiagore ñũno sũre. Sã tópu sũchũ tó jipihtina Jesu yaina puhtoa jire. ¹⁹ Tó ti jichũ ñũno Paulo tinare to wamomaca ñahari baharo judio masa jierainare to buherire yahu pahõore Jesu yainare. Cohamacũ to yoadohoa mehne to yoarire yahu pahõore. ²⁰ To ã ni yahuchũ tũhoa, “Cohamacũ noariro, tuariro jira”, ni ño payore tina sehe. ã ni tuhsũ tina Paulore õ sehe ni yahure:

—Coyeiro, mipũre payũ judio masa Jesure wacũ tuaina jira. Tíre masina mũhũ. ã jia tina õ sehe ni tũhotura: “Cohamacũ to dutiare, Moise cjiropũ marine to cũrire marine yoa pahõono cahmana”, nia nina. ²¹ Õ sehe ni namona tina. “Pa sehẽpu jĩinare judio masa jieraina watoĩ jĩinare judio masare Cohamacũ Moise cjirore to cũri cjirore cohã dutiha Paulo”, nimare õ macaina judio masa mũhũre. “Paulo judio masa pohnare mahari cahsarocãre yihso na dutierara”, nimare mũhũre tina. “Judio masa ti yoaa tiare Paulo duhu dutira”, ni ahri cãhũre ni yahuwajara mũhũre. ²² ã jia mũ õre wihichũ tũhoa tina cahmachuahca mũhũre tuhtia taa. ã jicũ õ sehe yoaro cahmana mũhũre. ²³ Mũhũre sã dutiro seheta yoaga. Mipũre õre pititiaro mũ Cohamacũre wacũina “Õ sehe yoanahtja”, niina jira. ²⁴ Tina mehne wahaga. ã jia Cohamacũ Moise cjirore to dutiriro seheta ti basi Cohamacũ yare yoaa taa ti dutiare yũhdũrũcaare cosaa nina. Mũhũ cãhũ ãta yoaga. ã yoacũ ti ã yoahiti wapare wapaga mũhũ sehe. Mũ ã wapari baharo ti pjoarire waha duti masina tina. Mũ ã yoachũ ñũa masa mũhũre ti nia mahõori jichũ masiahca jipihtina. Cohamacũ Moise cjirore to cũri dutiare yoariro mũ jichũ masiahca tina. ²⁵ Wiho mejeta judio masa jieraina Jesu yaina sehere sã joari pũre waroca tuhsũ. Õ sehe ni, joai sã. “‘Cohamacũ jira’, ti nia masũrine ño payo ti duhu payoa chũare, dire, wamũa ti ñaha wajãinare wahiquinare chũena tjiga mũsa. ã jina numia mehne ñano yoarena

tjiga. Numia cūh_u m_ua mehne ñano yoaena tjiga”, ni yahu joahi sã joari pūp_ure —nire tina Paulore.

Cohamac_u w_uh_up_u judio masa Paulore ñahaha

²⁶ Ti ã ni durucuri baharo pa dacho Paulo sehe pititiaro m_ua mehne ti basi Cohamac_u yare yoaa taa ti dutiare y_uhd_ur_ucaare cosaa taa, Cohamac_u w_uh_up_u sãa wahaha. Tí w_uh_up_u sãa s_uro, tinare yahuha Paulo: “Õpe dachori d_uhsara m_usa cosahto”, ni yahuha tiro pititiarore. Æ jia ti cosa batoari dachoi tina cãina Cohamac_ure wahiquinare ti wahti dacho jire.

²⁷ Æ yoa ti cosa pahñoboriro mahanocã d_uhsach_u waro Cohamac_u w_uh_up_u Paulo to jich_u Asia yahpa macaina judio masa sehe ñ_uha tirore. Æ ñ_uha Paulore quiti dojomehne, tí w_uh_up_u jiina jipihtinare tiro mehne suach_u yoaha tina. Æ suaa judio masa Paulore ñ_uha, ²⁸ õ sehe ni sañurucuha:

—M_usa sã coyeyã Israe masa sãre yoadohona taga. Ahriri jira marine dojomehneriro. Ahriri Cohamac_u Moise cjirore to cūri dutiare ahrí w_uh_u cūh_ure “Wiho jia jira”, ni buhe sito tara jipihtinare. Æ yoa tiro Cohamac_u w_uh_up_ure judio masa jieraina cūh_ure na sãare. Æ yoaro ahrí w_uh_ure ñ_uaa marieni w_uh_ure tiro dojomehnere —ni sañurucuha judio masa Asia yahpa macaina tó macainare.

²⁹ Tó pano Jerusalēi Paulo Tróximo wama tiriro mehne to jich_u judio masa ñ_uha tiha. Tróximo sehe Efeso macariro judio mas_uno jierariro jire. To ã jich_u masia õ sehe ni t_uhotuha tina: “Paulo Tróximore Cohamac_u w_uh_ure na sãano nica”, ni t_uhotumaha judio masa.

³⁰ Masare ã ni yahu ti sañurucuri baharo tí maca macaina pay_u tuaro suaha. Pay_u m_uroca ta, Cohamac_u w_uh_ui jirirore Paulore ñ_uha waja wijaa wahaha. Æ wijaa tuhs_u, tí w_uh_u sopacarire bihaha tina.

³¹ Æ yoaa tina tirore wajãa taa nimaha. Ti ã yoach_u ñ_uha paina sehe “Jipihtina Jerusalē macaina sua, sañurucua nire”, ni yahua wahaha surara p_uhtorore. ³² Ti ã nich_u t_uhoro surara p_uhtoro sehe to surarare, ti dutiina cūh_ure cahmachuroca,

tina mehne Paulore wajã duaina cahap_u m_uroca wahcã, s_uha. Surara ti s_uch_u ñ_uha Paulore cjãmaina cjã duhunocaha. ³³ Æ jiro surara p_uhtoro Paulo cahap_u s_u, tirore ñ_uha, p_ua da comaa dari mehne tirore d_uhte dutiha. Ti d_uhte tuhs_uch_u ñ_u, surara p_uhtoro Paulore cjãmainare sinitu ñ_uha:

—¿Diro baro jijari ahriri? ¿Yaba buhiri tirore ã yoari m_usa? —ni sinitu ñ_uha tiro tinare.

³⁴ To ã sinituch_u t_uhoã masa sehe “Õ sehe yoare tiro” ni, paina cūh_u soro ni sañurucu, yahuha surara p_uhtorore. Æ ni ti sañurucuch_u surara p_uhtoro noano t_uhoeraha. Æ jiro tiro surara ya w_uh_up_u Paulore naa dutiha. ³⁵ Tí w_uh_up_u s_u, Paulo m_ujari escadai to m_ujano cahach_u masa sehe tirore cjã duaa nimaha. Ti ã yoach_u surara sehe tirore na w_ua, na m_ujaa wahaha. ³⁶ Masa tinare pay_u n_un_u ti, sañu n_un_u tihaa:

—Tirore wajãnocahga —ni sañurucuha tina Paulore.

Paulo “Ne masare ñano yoaerajay_uh_u”, ni yahuha

³⁷ Æ yoa Paulore tí w_uh_up_u ti peresu yoah_uto pano, Paulo sehe surara p_uhtorore õ sehe ni siniha:

—Y_uh_u m_uh_u mehne s_uh_udu duaja —ni siniha Paulo.

—¿M_uh_u griego masa yare durucujari? ³⁸ ¿Sohõ jiriro, Egipto macariro jierajari m_uh_u? Tiro masare ti p_uhtoare cohã dutiro, cuatro mil p_uhtoare cohã duaina sehere masa marienop_u naari jire. ¿Tiro jierajari m_uh_u? —niha surara p_uhtoro Paulore.

³⁹ To ã nich_u t_uhoro Paulo õ sehe ni y_uhtiha:

—Tiro jieraja y_uh_u. Judio mas_uno jija. Tarsoi Cilicia yahpai jiri macai masa bajuai y_uh_u. Wiho jiri maca macariro jieraja y_uh_u. Y_uh_u ahrina masa mehne durucu duaja y_uh_u —niha Paulo tirore.

⁴⁰ To ã nich_u t_uhoro surara p_uhtoro sehe tirore durucu dutiha masa mehne. Æ jiro Paulo m_ujari escadai ducuro to wamo macari mehne “Dihta mariahga”, niha masare. To ã yoach_u ñ_uha, dihta mariea pihtia wahaha. Ti dihta marieach_u ñ_u, Paulo judio masa ya mehne yahuha tinare.

22

¹ —Y_u coyea, y_u yoarire yahuihtja m_usare. Y_u yahuch_u t_uhoga m_usa —niha Paulo.

² To ã nich_u Paulo judio masa ya mehne to durucuch_u t_uho_a masa sehe dihta marieina tjuaha. Æ jiro Paulo tinare õ sehe ni yahuha:

³ —Y_uh_u judio mas_unota jija. Tarso wama tiri macai, Cilicia yahpai jiri macai masa bajuai y_uh_u. Wiho mejeta ahri maca Jerusal_uihta b_uc_uai y_uh_u. Tuhs_u, y_uh_ure Gamalie wama tiriro buhea tire. Æ jic_u y_uh_u mari ñ_uch_us_uma cjiri dutiare noano buhei. Mip_ure Cohamac_ure m_usa yoaro se-heta y_uh_u c_uh_u ño payoa timai. ⁴ Æ jic_u Jesu yainare ñano yoaa tic_ug_u y_uh_u. C_uina tinare waj_uã tic_ug_u y_uh_u. M_uare, numia c_uh_ure ñaha, peresu yoaa tii y_uh_u. ⁵ Sacerdotea bui p_uhtoro, judio masa b_uc_una mehne y_u tuahti p_uri cjih_utire Jesu yainare ñaha dutia p_urine y_uh_ure joabasare. Mari coyeare Damasco macainare tí p_urine ñoi tai nimai Jesu yainare ñahai tai. Tinare ñaha, na ta peresu yoai tai nimai. Jerusal_uep_u tinare na ta duamai buhiri dahrei tai. Õ sehe y_u nich_u sacerdotea bui p_uhtoro, judio masa b_uc_una c_uh_u noano masina —ni yahuha Paulo.

Paulo Jesu yairo to waha d_ucarire yahuha

(Hch 9.1-19; 26.12-18)

⁶ Æ ni tuhs_u õ sehe ni yahu namoha:

—Æ yo_a cohari pja jich_u, Damascop_u y_u s_ui cahach_u waro m_uanop_u wac_uenoca si siteroca boroa tire y_uh_ure. ⁷ To ã si siteroca boroch_uta y_uh_u yahp_uap_u bora caha s_uai y_uh_u. Y_u bora caha s_uri baharo durucuro coa tare y_uh_ure. “Saulo, Saulo ¿dohseac_u y_uh_ure ñano yoajari?” ni durucuro coa tare y_uh_ure. ⁸ “P_uhtoro, ¿diro baro jijari m_uh_u?” ni sinitui y_uh_u. “Y_uh_u Jesu Nazare macariro, m_u ñano yoariro jija y_uh_u”, ni y_uhtire y_uh_ure tiro. ⁹ Y_u ã wahach_u y_uh_u mehne macaina buhriarore ñ_ure. Wiho mejeta y_uh_u mehne to durucuch_u t_uhoerare tina. ¹⁰ “P_uhtoro, ¿dohse yoaih_ucari y_uh_u?” ni sinitui Jesure. “Wahc_uar_ucaga. Damascop_u wahaga. Tó

m_u wahach_u, m_uh_ure jipihtia y_u yo_a dutihtire paio yahurohca m_uh_ure”, nire tiro y_uh_ure. ¹¹ Tuaro to minoa siterocach_u, y_u capari wapoa wahare y_uh_ure. Æ jia, y_uh_u mehne macaina y_u wamomacare ñaha, Damascop_u t_uã wahc_uare y_uh_ure.

¹² Tóí Anania wama tiriro, Cohamac_ure ño payoriro, marine Cohamac_u dutiare yo_a pah_uñoriro jire. Tó macaina judio masa jipihtina ti ño payoriro jire. ¹³ Æ jiro tiro y_u cahai wihi tar_uca y_uh_ure yahure. “Coyeiro Saulo, ñ_uga pari turi tjoa”, nire tiro. To ã niri baharo pari turi ñ_ui y_uh_u. Æ ñ_u d_ucac_u tirore ñ_ui y_uh_u. ¹⁴ Y_u ã ñ_uch_u tiro Anania y_uh_ure yahure: “Cohamac_u to cahmaare noano masihtirore panop_u bese tuhs_uyuhti m_uh_ure. Æ jiro ‘Y_u mac_u noarirore ñ_u, t_uhorohca’, ni yahuyuhti m_uh_ure Cohamac_u panop_u. Tiro jira mari ñ_uch_us_uma m_una ti ño payoriro. ¹⁵ Æ jic_u m_uh_u m_u ñ_urire, m_u t_uhorire yahuihca m_uh_u jipihtinare. ¹⁶ Æ jina mip_ure yoari pja jiena tjijihna. Wahc_uar_ucaga. Æ jic_u bautisariro jiga. Jesure m_u sinich_u m_u ñaare yoari buhirire coh_unohca”, nire y_uh_ure tiro —niha Paulo.

Paulo judio masa jierainare to buherire yahuha

¹⁷ Æ ni tuhs_u Paulo õ sehe ni yahu namoha:

—Æ yo_a tuhs_u y_uh_u Jerusal_uep_u tjua ta, Cohamac_u w_uh_up_u Cohamac_ure sinii s_ui. ¹⁸ Y_u tóí jich_u Jesu y_uh_ure bajua tire. Æ bajuaro y_uh_ure yahure. “Jerusal_u macaina y_u yare m_u yahuch_u t_uho duaerara. Æ jic_u cjero pa seher_u wahaga”, nire Jesu y_uh_ure. ¹⁹ To ã nich_u t_uhoc_u yahui tirore: “P_uhtoro, m_u yainare judio masa buhea w_uh_usei jinare y_u ñaha, cj_uri cjirire masina Jerusal_u macaina. ²⁰ Æ jic_u m_uh_ure yahurirore Esteb_uã sehere ti waj_uch_u ñ_uc_u ‘Noano yo_a waj_una’, nimai. Tirore ti waj_uch_u ti suhtire cj_uabasai y_uh_u. Tí c_uh_ure masina ahri maca macaina. Æ jia y_u yahuch_u t_uhoboca y_uh_ure”, ni yahui y_uh_u Jesure. ²¹ Y_u ã nich_u t_uhoro Jesu y_uh_ure õ sehe ni yahure: “Yoarop_u judio masa jierainare buhehtirore warocaihtja m_uh_ure. Æ jic_u

wahaga m̄h̄u”, nire ȳh̄ure ȳh̄ p̄h̄toro – niha Paulo masare.

Surara p̄h̄toro Paulo mehne durucuha

²² To yahu m̄h̄tari dihtare noano t̄h̄omaha masa. Wiho mejeta judio masa jieraina cahai Jesu Paulore to warocahtire to yahuch̄u t̄h̄oa tina sañurucu d̄ucaha tjoa:

–Ahr̄iro mip̄u pinihtare yariawahno-jaro –ni sañurucuha tina.

²³ ã jia tina sañurucu namo, sua mehne ti suhtire wahba siteruca, dihta mehne docaha. ²⁴ Surara p̄h̄toro surara ya w̄h̄ur̄u Paulore na s̄aa dutiha to surarare. ã jiro surara p̄h̄toro “¿Dohse yoa Paulo mehne sua ã ñaca sañurucu nijari masa?” ni sinitu duamaha. Paulore tíre sinituro taro, yuta dari mehne tjana dutimaha tirore. ²⁵ Wiho mejeta tirore ti d̄h̄teri baharo, tiro cahai jirirore surara p̄h̄torore ò sehe ni yahuha Paulo:

–Ȳh̄u Roma macar̄iro jija. ã jina “Ñano yoar̄iro jira ahr̄iro”, ȳh̄ure ni yahus̄a masierara m̄sa. ã yahus̄a masierana yuta dari mehne ȳh̄ure tjana masierara m̄sa –niha Paulo tirore.

²⁶ To ã nich̄u t̄h̄oro surara p̄h̄toro, to bui p̄h̄torore ò sehe ni yahuro wahaha:

–Ahr̄iro Roma macar̄iro jira. ã jic̄u noano yoaga tirore –ni yahuha tiro to p̄h̄torore.

²⁷ To ã niri baharo surara bui p̄h̄toro sehe Paulore sinituro wahaha:

–¿Potoc̄ata m̄h̄u Roma macar̄iro jijari? Yahuga ȳh̄ure tíre –niha tiro.

–Tiro tjija ȳh̄u –ni ȳh̄tiha Paulo.

²⁸ To ã nich̄u t̄h̄oro surara bui p̄h̄toro sehe tirore ò sehe ni yahuha:

–Ȳh̄u Roma macar̄iro ji duac̄u niñeru pj̄iro wap̄ai –niha tiro.

–Ȳh̄u Roma yahpa macari macar̄u masa bajuai. ã jic̄u Roma macar̄iro jija –niha Paulo.

²⁹ To ã nich̄u t̄h̄oa tirore tjanaborina wahaa wahaha.

ã jiro Paulo Roma macar̄iro to jiriro jich̄u masino, tirore comaa dari mehne ti d̄h̄teri cjirire wac̄uno, cui niha surara p̄h̄toro sehe.

Paulo judio masa p̄h̄torore yahuha

³⁰ ã yoa surara p̄h̄toro judio masa Paulore ti yahus̄aire noano masi duaha. ã masi duaro pa dachop̄u comaa darire tirore to pj̄a dutiri baharo, sacerdotea p̄h̄toare, judio masa b̄uc̄na mehne cahmachu dutiha surara p̄h̄toro. To ã cahmachu dutiri baharo tiro t̄op̄u Paulore na wahc̄a, ti pano duhu dapoha tirore.

23

¹ ã jiro Paulo judio masa b̄uc̄nare ñu piti boca, ò sehe ni yahuha:

–Coyea, Cohamac̄u to ñurocaroi jipihtia dachoripe noano yoarucuja ȳh̄u –niha Paulo.

² To ã nich̄u t̄h̄oro jipihtina sacerdotea bui p̄h̄toro jiriro Anania sehe Paulo d̄userore cj̄a dutiha. ³ To cahai ducuinare cj̄a dutiha. Tirore ti cj̄ari baharo Paulo Ananiare tuhtia:

–Masa ti ñurocaro dihtare noano yoar̄iro jira m̄h̄u. Masa ti baharo b̄h̄usehei ñano yoa cohtar̄iro jira m̄h̄u. “Cohamac̄u dutiare ȳh̄d̄ur̄cai nina”, ȳh̄ure nipaihta ȳh̄ure cj̄a dutira m̄h̄u. ã cj̄a dutic̄u m̄h̄u sehe dutiare ȳh̄d̄ur̄cai nica –niha Paulo tirore.

⁴ To ã nich̄u t̄h̄oa Paulo cahai ducuína ò sehe niha tirore:

–Cohamac̄u to beser̄iro sacerdotea bui p̄h̄torore ñano durucuí tjiga m̄h̄u –niha tina Paulore.

⁵ Ti ã nich̄u t̄h̄oro Paulo ò sehe ni namoha tjoa:

–Coyea, tiro to sacerdotea bui p̄h̄toro to jiare masierahi ȳh̄u. ã jii ã nimacanocati ȳh̄u. Cohamac̄u yare ti joari cjiri ò sehe ni yahura tirore: “M̄u ya maca macaina p̄h̄torore ñano ni, durucuí tjiga”, ni joa tiha –niha Paulo tinare pj̄ano.

⁶ ã yoa t̄oi p̄a curua macaina jiha. C̄u curua saduceo curua macaina jiha. Pa curua sehe fariseo curua macaina jiha. P̄a curua ti jich̄u masino, Paulo judio masa b̄uc̄nare tuaro sañurucu ò sehe ni yahuha:

–Coyea, ȳh̄u fariseo curua macar̄iro jija. Fariseo curua macar̄iro mac̄no tjija ȳh̄u c̄h̄u. “Yariaina masa m̄j̄aahca”, ȳu ã niri buhiri ȳh̄ure ñano yoa duara m̄sa –niha Paulo.

⁷ To ã nich̄u t̄h̄oa fariseo curua macaina, saduceo curua macaina ti basi cahma

tuhtiha. ã jia ti basi p_{na} curua tju waha. ⁸ Saduceo curua macaina õ sehe niina jiha: “Yariaina masa m_{ajasi}. Espiritua, anjoa c_hne mariahna”, niina jiha. Wiho mejeta fariseo curua macaina sehe tina yoaro sehe nieraha. ã jia Paulo “Yariaina masa m_{ajaahca}” to nich_u tina ti basi cahma tuhtiha. ⁹ ã cahma tuhtia, tuaro sañurucuha. ã yoa fariseo curua mehne macaina judio masa buheina wahc_{ar}uca, tuhti, õ sehe ni yahuha:

—Ahriri Paulo ñano yoaerare. ã jiro esp_{iritu} o anjo, potocã tiro mehne durucuro jiboca. [ã jina ahriroro buhiri dahrena, Cohamac_{re} ñ_u tuhtiina jiboca mari. ã yoaina jiena tjiga m_{usa}] —niha tina.

¹⁰ Ti ã niri baharo, tina jipihtina cahma tuhti, tuaro suaha. “Ti basi cahma sua sayo, tirore waj_{aboca}”, ni cuisãaha surara p_{uhtoro} sehe. ã jiro Paulore, masa watoi ducuriroro na wio, to ya w_hu_p na ta dutiro warocaha to surarare.

¹¹ Pa ñamih_i p_{uhtoro} Jesu Paulo cahai ducuro, õ sehe ni yahuha tirore:

—Wac_u tuaga. Mip_{ure} õre Jerusal_{ei} y_u ya buheare yahure m_{uh}u. Tó seheta Romap_u c_hh_{ure} yahui wahaihca m_{uh}u —niha p_{uhtoro} Jesu Paulore.

Judio masa Paulore wajã duamaha

¹²⁻¹³ Pa dacho bohrearoi judio masa cahmachu, ti basi õ sehe ni cahma durucuha:

—Õ sehe yoajihna. Paulore waj_{ajihna}. Cohamac_{re} õ sehe ni yahu c_{ujihna}. Ne mari sihnisi. Ne ch_usi, p_u tirore mari waj_{ari} baharop_u. Tirore mari waj_{erach}u, mari sehere Cohamac_u buhiri dahrejaro —niha tina ti basi.

Tina cuarenta bui curero judio masa jiha. ¹⁴ Ti ã niri baharo tina sacerdot_{ea} p_{uhtoro}, b_{uc}na c_hh_{ure} yahua wahaha:

—Paulore sã waj_{ah}to pano ch_uare sã ch_ueraja. “Tirore sã waj_{erach}u Cohamac_u sã sehere buhiri dahrejaro”, nihi sã.

¹⁵ ã jina m_{usa}, b_{uc}na mehne õ sehe ni p_{jirocaga}. “Paulore pari turi sinitu duaja”, niga surara bui p_{uhtoro}. M_{usa} ã niri baharo surara bui p_{uhtoro} na ta dutiga Paulore. Wiho mejeta Paulo to õre to

wihiro cahach_u waro tirore waj_{anahca} sã —niha tina sacerdot_{ea} p_{uhtoro}.

¹⁶ Wiho mejeta Paulo p_{jacamac}no ti ã ni durucuch_u t_{uho}ha. Ti ã nich_u t_{uho}ro waha, surara ya w_hu_p Paulore yahuro sãaha. ¹⁷ To ã yahuri baharo Paulo sehe c_{airo} surarare p_{jiroca}, õ sehe ni yahuha tirore:

—Ahriri wahm_uno_{re} p_{uhtoro} cahap_u naahga. Ahriri m_u p_{uhtoro}re yahu duaro nina —niha Paulo.

¹⁸ To ã nich_u t_{uho}ro surara sehe Paulo p_{jacamac}no_{re} to p_{uhtoro} cahap_u na s_u, õ sehe ni yahuha:

—Peresup_u jiri_{ro} Paulo sehe y_uh_ure p_{jiroca}, ahriri wahm_uno_{re} m_u cahap_u naa dutihre. Ahriri m_uh_ure yahuro taro nihre —niha surara to p_{uhtoro}.

¹⁹ To ã nich_u t_{uho}ro p_{uhtoro} sehe wahm_uno to wamomacare ñaha t_uã wahc_ã, masa marienop_u tirore sinitu ñ_uha:

—¿Dohse nii tai niri m_uh_u y_uh_ure? —niha tiro Paulo p_{jacamac}no_{re}.

²⁰ To ã sinituch_u t_{uho}ro õ sehe ni yahuha:

—Judio masa c_{ano} potori, “Õ sehe yoajihna” ni, ñamichacap_u judio masa b_{uc}na cahap_u m_uh_ure Paulore naa dutiahca. “B_{uc}na Paulore pari turi sinitu duara”, ni mah_{no}ahca. ²¹ Wiho mejeta cuarenta bui curero m_uu tirore waj_ã duaina b_{uc}ca caha duara. Tina tirore ti waj_{ah}to pano ch_uare ch_usi. ã yoa sihnisi. “Tirore mari waj_{erach}u, Cohamac_u mari sehere buhiri dahrejaro”, nire tina ti basi. ã jia mip_u m_uh_ure Paulore na ta dutia tina sehe duhti cohta tuhs_uh_ure, Paulore waj_ã taa. ã jic_u ti yahua wihich_u tinare y_uhtii tjiga m_uh_u —ni yahuha wahm_uno surara p_{uhtoro}.

²¹ Wiho mejeta cuarenta bui curero m_uu tirore waj_ã duaina b_{uc}ca caha duara. Tina tirore ti waj_{ah}to pano ch_uare ch_usi. ã yoa sihnisi. “Tirore mari waj_{erach}u, Cohamac_u mari sehere buhiri dahrejaro”, nire tina ti basi. ã jia mip_u m_uh_ure Paulore na ta dutia tina sehe duhti cohta tuhs_uh_ure, Paulore waj_ã taa. ã jic_u ti yahua wihich_u tinare y_uhtii tjiga m_uh_u —ni yahuha wahm_uno surara p_{uhtoro}.

²² To ã nich_u t_{uho}ro surara p_{uhtoro} õ sehe niha:

—Y_uh_ure m_u yahurire painare yahui tjiga —ni yahuha wahm_uno_{re}.

ã ni tuhs_u wahm_uno_{re} “Wahaga”, niha tiro.

Paulore p_{uhtoro} Feli wama tiriro cahap_u warocaha

²³ ã ni tuhs_u, surara p_{uhtoro} p_{uaro} to surarare p_{ji} wahc_ã, tinare õ sehe ni dutiha:

—Dos cientos surarare, setenta cawaloo bui pisainare, dos cientos doca yuc_u

cjainaina mehne ti yare cahno dutina wahaga. Micha ñami nueve jichu Cesarearu wahanahca masa. ²⁴ Paulore cawaloare to pisahtinare cahnobasaga. Cesarearu puhtoro Feli caharu, noano ñu nuñu sogatirore —niha surara puhtoro.

²⁵ Ña ni tuhsu papera joaro, õ sehe ni joaha tiro:

²⁶ “Yuhu Claudio Lisia mure tuariro puhtoro Felire noa dutija. ²⁷ Judio masa ahriro Paulore ñaha, wajãmare. Ña jichu tiro Roma macariro to jichu masicu, yu surara mehne tirore yoadohoi shi. ²⁸ Ña jichu tirore ti yahusãrire masi duacu judio masa bucuca cahai nahi tirore. ²⁹ Ña jichu tirore judio masa ya dutia dihtare to yuhducaacu mari ya dutiare to yuhducaerachu ñacu, tirore peresupu cu duaerahi. Yaba buhiri yariaro mariaha tirore. ³⁰ Ña jiro judio masa tirore wajã dua, ti bucuca cahachu tuhoro pairo yahure yuhure. To ña yahuri baharo Paulore mipure ma caharu warocai nija. Ña jichu tirore yahusãrinare to ñaa yoirire mure yahu duti tuhsu yuhu”, ni joaha surara puhtoro.

³¹ Ña yoa surara ti puhtoro to dutiriro seheta yoaha. Tí ñamine Antipatri wama tiri macaru Paulore na sha. ³² Pa dachoi paina surara cawaloa bui pisaeraina tí macai tjua taha ti ya macaru. Paina surara cawaloa bui pisaina dihta tirore na yuhdu wahcãha. ³³ Pu Cesarearu na sha Paulore. Ña jia surara puhtoro to warocari pũre puhtoro Felire waha. Ña jia Paulore na sha puhtoro caharu. ³⁴ Ti ña wari baharo puhtoro tí pũre to ñari baharo tiro painare sinitu ñaha:

—¿Di yahpa macariro jijari ahriro Paulo? —ni sinitu ñaha tiro.

—Cilicia yahpa macariro jira —ni yahuha tirore.

³⁵ Tinare sinitu tuhsu, Feli Paulore õ sehe ni yahuha:

—Mure yahusãrina õre ti wihichu ma yahuchu tuhohitja —niha Feli Paulore.

To ña niri baharo Herode ya wuharu tirore cãha. Ña jiro to mare tirore cohta dutiha puhtoro.

24

Paulo “Ñano yoerahi yuhu”, ni yahuha Felire

¹ Cinco dachori baharo, Anania sacerdotea bui puhtoro, paina judio masa bucuca, dutiare mihniro Tértulo wama tirore mehne Cesarearu sha. Ña jia tina Paulore yahusã dua, puhtoro Feli caharu sha. ² Ña jiro Paulore tũpũre ti na sari baharo Tértulo tirore yahusã ducaha. Ña yahusã ducaõ sehe ni yahusãha Felire:

—Mure noano masiriro, sã puhtoro ma noano dutichu sã ahri yahpa macaina noano jinocaja sã cahmacheño marieno. Ma dutia mehne noaa sehere cohtotaro nina ahri yahpa. ³ Ña jina sã noano jinocahna wahcheja. Ña jina mure mehne noano wahcheja. ⁴ Mipure mahanocã mure caribohitja yuhu. Mahanocã mure mehne shudu duaja. Sãre tuhocasina mure. ⁵ Ahriro sãre caribobiara. Jipitia yahpari macainare judio masare ti sua sañurucuhu yoara ahriro. Ña jiro masa ti basi cahma tuhtichu yoara ahriro. Ña jiro nazareno wama tiri curua puhtoro jira. ⁶ Ña jina Cohamacu wure ñano to yoa duachu ñana sã ñahahi ahrirore. [Sã ñahari baharo sã ya dutiare to yuhducariro jichu tirore buhiri dahre duamahi sã. ⁷ Wiho mejeta surara puhtoro Lisia wama tirore tirore sãre tuaro mehne manocahre. ⁸ Baharo tirore yahusãrinare ma caharu waha dutihre Lisia. To ña nichu tuhona tahi sã.] Mure pinihta ahrirore sinitucu, jipitiare to ya buhirire masicuhca mure —niha Tértulo Felire.

⁹ To ña niri baharo paina judio masa “Tértulo to niriro seheta potocã tjira”, niha tina cãhu. ¹⁰ Ti ña ni yahusãri baharo puhtoro Feli Paulore yahu dutiha. Õ sehe ni yahuha Paulo:

—Payu cãmari ahri yahpa macainare ma dutirire masija yuhu. Ña jichu yu yoirire mure yahucu wahcheja. ¹¹ Doce dachorita wahara Jerusalẽru Cohamacu yu ño payori baharo. Mure ahri potocã ti jichu masi duacu painare sinitu ñaga. ¹² Judio masa yuhure Cohamacu wuharu boca ti ñahachu masare ñano ni sañurucui nierahi. Ña yoa masare sua

sañurucuchu yoai nierahi. Ñ yoacu judio masa buhea wuhusere, ti ya maca cãhure ne ti nino sehe ñano yoaerahi. ¹³ Ñ jia yuhure yahusãrina sehe ti yahusãri cjirire “Õ sehe yoare ahriro”, ni yahu masierara mähure. ¹⁴ Mipru yu yoarire yahuihtja mähure. Dóihra sã ñuchusuma ti ño payorirore Cohamacure ño payoja yuhu cãhu. Ñ jicu to yare yoaja Jesu ya noaa buhea ti nino sehetã. Ahriina “Jesu ya mahñopea jira”, ni durucura ahriina judio masa. Wiho mejeta Cohamacu dutia, Moise cjiropure to cãri cjirire tí cãhure ño payoja yuhu. Cohamacu yare yahu mähaina cjiri ti joari cãhure ño payoja yuhu. ¹⁵ Ahriina paina judio masa ti tãhoturo sehetã Cohamacu jipihtina masare yariainare noaina, ñaina mehne ti masa mähajachu yoarohca. Yuhu cãhu ãta ni tãhotuja. ¹⁶ Ñ jicu buhiri mariaja yuhu. Cohamacu yuhure tíre masina. Ñ yoa masa cãhu tíre masina. Ñ jii potocãta yahuja yuhu mähure. Ñ jicu noano tãhotunocaja.

¹⁷⁻¹⁸ ‘Paye cãhmarine pa sehẽpu tiniriro jicu Jerusalẽne tju wihi, yu coyeare judio masa pjacõoinare niñerure wai tai nihi. Tju wihi Cohamacure ño payoi tai to ya wuhupru samahi. Ñ jicu Cohamacu to cosa dutiriro sehetã yu basi yu yuhdãrãcarire yu cosari baharo wahiquirore wa duamahi tirore ño payoi tai. Tõpru yu jichu ahriina judio masa yuhure bocahre. Ti bocachu paina yuhu mehne mariahare. Sua, sañurucuina mariahare. ¹⁹ Wiho mejeta paina judio masa Asia yahpa macaina tõi jihre. Tina yu ñano yoachu ñãrina jia yahusãa tajaro. ²⁰ Ahriina õpru jiina sehe judio masa bucuna mehne yu jichu ñãina yu ñano yoarire masia, tina cãhu yahusãjaro. ²¹ Cãnocã pinihtare yuhure tina yahusã masina: Pano tina mehne jicu õ sehe ni tuaro sañurucuhí yuhu: “ ‘Yariaina masa mähajacha’, yu niri buhiri, buhiri dahrera musa”, nihi tinare — ni yahuha Paulo Felire.

²² To ã ni yahuri baharo Feli õ sehe ni yahuha Paulore:

—Mipru tõi puro tjira. Surara pãhtoro Lisia tõi wihiri baharo mähure yu yoahore masiihca yuhu —niha Feli Paulore.

Feli sehe Jesu yaina ti yoarire noano masi pahñoriro jiha.

²³ Ñ ni tuhsu, Paulore cohtariro surarare Feli noano ñu nanu dutiha “Peresupu jiriro duhtiri”, nino. Wiho mejeta mahanocã ware to tinihtore. Paulo mehne macainare tirore peresupu jirirore yoadoho dutiro ã dutiha Feli.

²⁴ Mahaa dachoricã baharo Feli to namono Drusila wama tiricoro mehne ta, Paulore pjiha. Feli namono sehe judio masono jiha. Paulore ti pjiri baharo, Jesucristore to wacũ tuaare Paulo sehe yahuha tinare. ²⁵ Ñ yahuro quihõno yoare, ñaare yoa duaparota yoaeraare, pihtiri dacho jichu Cohamacu masare to buhiri dahrehtore yahuha Paulo. To ã ni yahuchu tãhoro Feli cuiro, Paulore õ sehe ni yahuha:

—Mipure waharisa. Baharo yuhure dahraa mariachu mähure pjiihtja tjõa —niha Paulore.

²⁶ Ñ nino Paulo to niñeru wachu cahmamaha Feli. Ñ jiro tiro niñerure cahmano, payu tahari Paulore pji, tiro mehne durucua timaha Feli. ²⁷ Pã cãhma baharo Porcio Festo wama tiriro pãhtoro Felire cohtotariro jiha. Wiho mejeta Feli sehe judio masare tiro mehne wahchechu yoa duaha. Ñ jiro pãhtoro Feli to pãhtoro wijaahõto pano, tiro Paulore peresui ji dutisiniha.

25

Paulo Festore to yoarire yahuha

¹ Ñ yoa Festo tí yahpãru tia dacho to jiri baharo, Cesareapru jiriro waha, Jerusalẽpu sãha. ² Tõi to jichu sacerdotia pãhtõa, judio masa pãhtõa mehne Paulore ti yahusãrire yahuha Festore. ³ Paulo to mahapru wahachu tirore bucua caha, wajã duaa nimaha tina. Ñ jia tina Festore tuaro sinimaha:

—Paulore Jerusalẽpu warocaga —ni sinimaha tina Festore.

⁴ Ti ã nichu tãhoro, Festo õ sehe ni yahuha tinare:

—Mipure Paulo Cesareapru peresu jira. Yuhu tõpru wahai tai nija. ⁵ Paulo to ñano yoariro jichu, musa pãhtõa Cesareapru yuhu mehne waha, tirore yahusãga —niha Festo.

⁶ Ñ jiro Festo ocho o diez dachori tina mehne to jiri baharo Cesareap_u tjuaa wahaha. Pa dachoi tiro buhiri tiare cahnor_i w_uh_ui dujiro, Paulore na ta dutiha. ⁷ Ñ jia Paulo Festo cahap_u to wihich_u, judio masa Jerusalēp_u tarina sehe Paulo cahai ducu, tirore tuaro mehne yahusã d_ucaha. Ñ yahusãpahta “Ahr_iro to ñano yoach_u ñ_uhi”, ni yahu masieraha. ⁸ Ti ñ ni yahusãri baharo Paulo to yoarire yahuha:

—Judio masa ti dutiare, Cohamac_u w_uh_u macaa dutiare, Roma p_uhtoro to dutiare y_uhd_ur_ucaerahi —niha Paulo.

⁹ Festo sehe judio masare wahchech_u yoa duaro, Paulore ò sehe ni sinituha:

—¿Jerusalēp_u waha duajari m_uh_u? M_u yoarire y_uh_ure tórp_u yahuihca m_uh_u —niha Festo Paulore.

¹⁰ To ñ nich_u t_uhoro Paulo ò sehe ni yahuha:

—Jipihtina bui p_uhtoro César to ya w_uh_ui buhiri tiare cahnor_i w_uh_ui jija mip_ure. Ahri w_uh_u baroi y_u yoarire t_uhoga. Judio masare y_u ñano yoarerire noano masina m_uh_u. ¹¹ Dutiare y_uhd_ur_ucariro y_u jich_u, y_uh_ure wajãch_u noaboa. Wiho mejeta ahrina ti yahusãri sehe mah_uña ti jich_u y_uh_ure yahusãrinare y_uh_ure wiho waro wia masierara m_uh_u. Y_u yoarire jipihtina bui p_uhtoro César yahu duaja. Tiro sehe y_u buhiri tiare to cahnoch_u cahmaja —niha Paulo.

¹² To ñ nich_u t_uhoro Festo sehe noano masi yahuinare sinitu tuhs_u, ò sehe ni yahuha Paulore:

—M_uh_u jipihtina bui p_uhtoro m_u yoarire m_u yahu duach_u, tiro cahap_u warocanahtja sã m_uh_ure —niha Festo Paulore.

Paulo p_uhtoro Agripare to yoarire yahuha

¹³ Baharop_u p_uhtoro Agripa, Berenice wama tiricoro mehne Cesareap_u Festore ñ_ua suha.

—¿Ne, wihimari m_uh_u c_uh_u? —niha tina Festore piti bocasinia.

¹⁴ Tóí pay_u dachori ti jiri baharo Festo ò sehe ni yahuha Agripare Paulore:

—Õre Feli to peresu yoariro jira. ¹⁵ Ñ jia Jerusalēp_u y_u wahach_u judio masa ti sacerdotea p_uhtoa, ti b_uc_una mehne ahriroro

yahusãhre. “To ya buhirire wajãga tirore”, ni sinihre tina y_uh_ure. ¹⁶ Ti ñ nich_u t_uhoc_u y_uh_u tinare ò sehe ni yahuihca: “Roma macaina sehe peresu ti yoainare masare waerara. Ñ jic_u tirore waeraja m_usare. Sã ñahariroro tirore yahusãrinare to ñ_uhto pano tirore buhiri dahre masieraja sã. To basi to yoarire to yahuerasinich_u tirore buhiri dahre masieraja sã”, nihi tinare. ¹⁷ Ñ jic_u tina òre ti wihich_u ñ_uc_u yoari pja yoaerahi y_uh_u. Wiho mejeta pa dachoi buhiri tiare cahnor_i w_uh_ui dujic_u, ti yahusãriroro pjirocahi. ¹⁸ Ñ jia tí w_uh_ui to wihich_u ñ_ua tirore ñ_u tuhtiina wahcãr_ucare. Ti ñ wahcãr_ucach_u ñ_uc_u “Ñabiaro ni yahusãhca”, ni t_uhotumahi y_uh_u tinare. Tirore yahusã duapahta yahusã masierare tina. ¹⁹ Wiho mejeta ahriroro Cohamac_u yare to yahuri buhiri judio masa tirore tuhtihre. Jesu wama tiro yariariro cjiro to masa m_ujarire to yahuri buhiri yahusãhre ahriroro. Ahri dihtare yahusãhre. ²⁰ Ahrire masierac_u tirore noano sinitu ñ_uhi. “¿Jerusalēp_u waha duajari y_uh_u mehne? Tórp_u yahuga m_u yoarire y_uh_ure”, nimahi tirore. ²¹ Wiho mejeta tiro waha duaerare. “Y_u yoarire jipihtina bui p_uhtoro César yahu duaja”, nire tiro y_uh_ure. To ñ niri baharo òihta tirore cohta dutihi jipihtina bui p_uhtoro cahai tirore y_u warocahto pano —niha Festo Agripare.

²² —Y_u basi t_uho duaja tirore —niha Agripa Festore.

—Ñamichacap_u tirore t_uhoga m_uh_u —ni y_uhtiha Festo.

²³ Pa dachoi Agripa, Berenice mehne ti buhiri tiare cahnor_i w_uh_ur_u s_u, “P_uhtoa jija sã”, nia cua pisaro yoa ñoha tina, surara p_uhtoa, tí maca macaina p_uhtoa mehne. Tó sehe yoa sãa tiha tí w_uh_ur_u sãa. Ti sãa s_uri baharo Paulore pjirocaha Festo. ²⁴ Ñ jiro Festo ò sehe ni yahuha:

—P_uhtoro Agripa, m_usa jipihtina ahri w_uh_ure cahmachuina t_uhoga. Õre ahr_iro pay_u judio masa ti yahusãriro jira. Jerusalēp_u, Cesareap_u cãh_ure tina tirore yahusãhre. “Tirore wajãga”, ñ nirucua nina tina. ²⁵ Ti ñ nipach_uta ò sehe t_uhotuja y_uh_u. Ahr_iro ne ñano yoariro jierara.

¿Yaba buhiri wajãbocari mari tirore? ã jicũ jipihtina bui pãhtorore César Augstore ahriro to yoarire to yahu duachũ jipihtina bui pãhtoro cahapũ warocaihtja tirore. ²⁶⁻²⁷ ã jicũ ahriro to yoarire noano masierasiniya yũhũ. ã masierasinicũ mari pãhtorore yahu joa masieraja. ã jicũ mũsare to yahuchũ tũho dutii nija mipũre. Pãhtoro Agripa mipũ pinihtare ahriro jira mũ sinitu ñũhtiro. Mũ sinitu ñũ tuhsũchũ mari masiri baharo ahriroro ti yahusãrire noano yahu joaihtja. Ahriro to ñano yoarire yũ masierapachũta mari pãhtoro cahapũ tirore yũ warocachũ noaerara. ã jicũ mipũre ti yahusãrire noano masi duai nija —niha Festo tinare.

26

Paulo Agripare to yoarire yahuha

¹ To ã niri baharo Agripa Paulore õ sehe ni yahuha:

—Mũ basita yahuga —niha tiro Paulore.

To ã niri baharo Paulo sehe, “Dihta mari-ahga”, nino to wamomacarine wahcãrucã, to yoarire yahuha:

² —Pãhtoro Agripa, yũhũre judio masa ti yahusãrire, yũ yoarire mũhũre yahucũ, mipũre noano yajeripohna tija. ³ Mũhũ judio masa sã yoaa tiare, sã buhea cãhũre mũ noano masichũ pinine wahcheja yũhũ. ã jicũ mũhũ yũhũre noano tũhoga —ni dũcaha Paulo.

Paulo Jesu yairo to jihito pano to jia tirire yahuha

⁴ ã ni tuhsũro õ sehe ni namoha tiro:

—Wahmũno yũ jia tia cjirire jipihtina judio masa masina. Jipihtia dachoripe yũ masa bajuari baharo yũ ya dihtapũre, Jerusalẽpũ cãhũre yũ jiri cjirire masina tina. ⁵ Fariseo curua macaina paina yũhũdoro sã dutiare yũhdũrucã dutieraina jira. Wahmanopũre fariseo curua macariro jimai. ã jicũ fariseo curua macaina ti dutiare, ti yoaa barore yoa pahũoriro yũ jichũ tina masina. Tina mũhũre yahu duaa, tíre yahu masina tina.

⁶ Ahri buhirita yũhũre yahusã mũjana. Sã ñũchũsũma cjirire “Yariainare masoihtja”, Cohamacũ to ni cũrire “Potocã tjira”, yũ niri buhiri ahrina yũhũre yahusã mũjana. ⁷ Yũ

coyea judio masa jipihtina doce curuari macaina Cohamacũ maşare to masohtore wahche cohtarucura. ã yoa Cohamacũre ño payorucura. ã cohtarucuina jia sã yoaro seheta yoara tina. Pãhtoro Agripa, ã cãno potori yoaina sã jipachũta tina sehe to masohtore yũ cohtari buhiri yũhũre yahusã mũjana judio masa. ⁸ ¿Dohse yoana Cohamacũ to masorire sã yahuchũ tũho duaerajari mũsa judio masa? —ni yahuha Paulo.

Paulo Jesu yainare to ñano yoari cjirire yahuha

⁹ ã ni tuhsũ õ sehe ni yahu namoha:

—Jesure Nazare macariroro ñũerasinicũ, ñaa dihtare yoa duamai to yainare. ¹⁰ ã jicũ Jerusalẽpũ ã yoaa timai yũhũ. Sacerdotea pãhtoa yũhũre ti dutiri baharo payũ Jesu yainare peresu yoaa tii. ã jicũ pãhtoa tinare ti wajã dutichũ, wajã dutii yũhũ cãhũ. ¹¹ Payũ tahari jipihtia judio masa buhea wũhũsei Jesu yainare ñano yoa dutia tii. ã yoacũ Jesu yaina Jesure ti cohãchũ yoa duai nimai. Tina mehne tuaro suai yũhũ. ã jicũ paina masa ya macaripũ cãhũre tinare ñano yoai sũa tihĩ yũhũ —ni yahuha Paulo.

Paulo Jesu yairo to waharire yahuha

¹² ã ni tuhsũ õ sehe ni yahu namoha:

—Damascopũ Jesu yainare ñano yoa duacũ sũmai. Tinare ñano yũ yoa duachũ ñũa sacerdotea pãhtoa yũhũre waha dutire. ¹³ Õ sehe jire pãhtoro Agripa: Cohari pja jichũ waroi mahai yũ wahachũ mũano macaa si sitea, sũ dacho macariro yũhũdoro, yũhũre yũhũ mehne wahaina cãhũre si sitero. ¹⁴ Sã jipihtina yahpapũ bora caha sũ, judio masa ya mehne yũhũre to durucuchũ tũhoi. “Saulo, Saulo, ¿dohseacũ mũhũ yũhũre ñano yoajari? Mũhũ yũhũ mehne suacũ yũhũre yũhtieracũ, mũ basi ñano yũhdũra”, nire yũhũre. ¹⁵ “Pãhtoro, ¿diro baro jijari mũhũ?” ni sinitui. “Yũhũ Jesu, mũ ñano yoariro jija. ¹⁶ Wahcãrucãga mũhũ. Mũhũre yũ cahamacũno cjihito yoai tai mipũ bajuaja yũhũ. Michare yũhũre mũ ñũrire, baharo mũhũre yũ ñohti cãhũre painare yahuihca mũhũ. ¹⁷ Judio masare judio masa jieraina cãhũre mũhũre buhe duticũ, warocaihtja. Ti

cahai m̄ jich̄, m̄h̄re ti ñ̄ tuhtich̄ m̄h̄re yoadohoihtja. ¹⁸ Ȳ yare tinare masich̄ yoaga m̄h̄. ã jic̄ nahitianop̄ tiniina yoaro sehe j̄inare ti ñ̄aare duhuch̄ yoaga. Buhriarop̄ tiniina yoaro sehe noaa sehere cohtotach̄ yoaga tinare. Wat̄nore cahmaerach̄ yoaga m̄h̄. ã yoac̄ Cohamac̄ ya sehere yuhtich̄ yoaga m̄h̄ tinare. M̄ ã yoach̄ tina yūh̄re wac̄ tuaahca. Ti ã wac̄ tuach̄ ñ̄c̄ ti ñ̄aa yoari buhirire boihca. ã jia tina Cohamac̄ to beserina mehne macaina jiahca. To wahtire c̄uhtina jiahca tina”, nire Jesu yūh̄re –ni yahuha Paulo.

Paulo to yoirire to dahraare yahuha

¹⁹ ã ni tuhs̄ ò sehe ni yahu namoha:

–P̄htoro Agripa, m̄ano macaa ȳ t̄hoare yūhd̄caerahi. ²⁰ Damascoi buhe m̄htai. Baharo Jerusal̄i buhei tjoa. Baharo Judea yahpai, judio masa jieraina cahap̄ c̄h̄re masare “Ñ̄aano yoaeraja s̄”, ni ti t̄hotumari c̄jirire t̄hotu cohtota duti, Cohamac̄ yare cahma dutii. “Noaare m̄sa yoach̄ ñ̄a ‘Noaina jija s̄’ ni, m̄sa t̄hotumari c̄jirire m̄sa t̄hotu cohtotarire paina masiahca” nic̄, tinare noaare yoa dutic̄ buhei. ²¹ Cohamac̄ ya w̄h̄i ȳ jich̄ ȳ ã ni yahuri buhiri judio masa yūh̄re ñ̄a, waj̄ duamare. ²² Wiho mejeta dachoripe Cohamac̄ to yoadohoro mehne ã buherucuja. ã jic̄ mip̄re m̄sa jipihtina p̄htoare wiho j̄ina c̄h̄re to yare yahui nija. Panop̄ macaina Cohamac̄ yare yahu m̄htaina c̄jiri, Moise c̄jiri mehne ti yahu m̄htariro seheta yahuja yūh̄ c̄h̄. Ò sehe ni yahu m̄htaa tiha tina: ²³ “Cristo Cohamac̄ warocariro sehe ñ̄ano yūhd̄rohca. ã jiro yariaro masa m̄ja m̄htariro waharohca tiro. ã jiro masare to yūh̄dohtore judio masare, judio masa jieraina c̄h̄re masich̄ yoarohca”, ni yahu m̄hta joaa tiha panop̄ macaina c̄jiri. Yūh̄ c̄h̄ ti yoaro seheta yahuja –ni yahuha Paulo Agripare.

Paulo Agripare Jesu yairo c̄jhto yoa duamaha

²⁴ To ã ni yahuri baharo Festo tirore tuaro sañurucu ò sehe ni durucuha:

–Paulo, m̄h̄ t̄ho masierariro jira. M̄h̄ paȳ buhec̄ t̄ho masierariro wahara –ni sañurucuha tiro Paulore.

²⁵ To ã nich̄ t̄horo Paulo ò sehe ni yūhtiha Festore:

–P̄htoro t̄ho masierariro jieraja yūh̄. Ȳ yahua potoc̄ã tjira. ã jic̄ yūh̄ ahrire cua pisaro mehne nija. ²⁶ P̄htoro Agripa sehe, ahri ȳ yahurire noano masina. ã jic̄ yūh̄ tirore cuiro marieno yahuja. Ahri yahuare jipihtina masa masina. ã jic̄ jipihtia ahrire ȳ nirire p̄htoro Agripa to masich̄ masija yūh̄ –niha Paulo Festore.

ã ni tuhs̄ ò sehe niha Agripare:

²⁷ –P̄htoro Agripa, Cohamac̄ yare yahu m̄htaina c̄jiri ti yahuri c̄jirire t̄horo m̄h̄. Ti yahuare m̄ t̄hoch̄ masija yūh̄ –niha Paulo Agripare.

²⁸ –¿Ahrire yūh̄re yahuc̄ mahanoc̄ã m̄ yahua mehne Jesu yairo ȳ wahach̄ yoa duai nijari m̄h̄? –niha Agripa Paulore.

To ã nich̄ Paulo ò sehe ni yūhtiha:

²⁹ –Mahanoc̄ã durucuc̄ o yoari p̄ja durucuc̄ m̄sa, jipihtinare “Ȳ jiro seheta Jesu yaina jijaro”, ni sini payoja Cohamac̄re. Wiho mejeta ȳ yoaro sehe peresup̄ m̄sa jich̄ cahmaeraja yūh̄ –niha Paulo Agripare.

³⁰⁻³¹ To ã niri baharo Agripa, Festo, Berenice jipihtina paina mehne wahc̄r̄ca, wijaa, ti basi ò sehe ni durucuha:

–Ahr̄iro to yoari buhiri ne peresu yoa masieraja mari. ¿ã jina mari yaba buhiri tirore waj̄bocari? –ni durucuha tina ti basi.

³² –Ahr̄iro “Jipihtina bui p̄htorore C̄sare ȳ yoirire yahu duaja”, to nierachu mari wioboa tirore peresup̄ jirirore –niha Agripa Festore.

27

Paulo tirore ti yahus̄irire Romap̄ yahuro wahaha

¹ Paulore Italiap̄ dohoria mehne warocaa taa, tirore paina mehne ti peresu yoirina mehne Julio wama tirirore c̄re tina. Julio cien surara p̄htoro jiro, to ya curua “C̄sar yaina surara”, wama tire. ² ã jina Adramitio wama tiro macaria dohoriai samui s̄. Tia Asiap̄ wahah̄tia jire.

Samu tuhsu, tia mehne wahai. Aristarco Tesalónica wama tiri maca macariro sã mehne wahare. Tesalónica Macedonia yahpai jira. ³ Pa dachoi sã Sidõru sui. Tõru sãro Julio Paulore noano yoare. ã yoaro Paulore tó mehne macaina caharu ñno waha dutire. ã jiro Paulo mehne macaina tirore to cahmaare ti wachu “Noanohca”, nire Julio. ⁴ Dohoria mehne sã pahãchu tuaro wihnono sãre pa seheru wãroca pjohõre. ã jina Chipre wama tiri nãco ducataroi poto buhusehei wahai sã. ⁵ Ru Ciliciare yuhduu, Panfilia cãhure yuhduu, Mira wama tiri macaru Licia yahpai jiri macaru wahã sui.

⁶ Tõru suna, Alejandriaru tariare, Italiaru wahahtiare dohoriare bocai. ã jiro sãre tiaru surara ruhtoro naare. ⁷ Payu dachori pjiro dero waha, “Nu waruoca” ni, waha, Gnido wama tiri maca potoi sui sã. Tõru su yuhduu, wihnono tuaro wã, sã waha duarroi sãre wãrocaerare. ã jina sã cõ buhuseheru majare paa wahai. ã jina Creta wama tiri nãco to ducataro pahre sehe sã pahãa waha, Salmo wama tiri ñoacare yuhduu sã. ⁸ Tõru yuhdu, ti nãco duhtu cahai waha, “Nu waruoca” ni, waha, Noari Pitamaha wama tiropu wahã sui. Pitamaha Lasea wama tiri maca caharu jira.

⁹ Tõru yoari pja sã jiri baharo, sã wahahto sehe cuabiare. ã jiro ti chu duhuri dacho bose numu yuhduu baharo, Paulo tinare õ sehe ni yahure:

¹⁰ —Tuhoga musa. Chu duhuri dacho bose numu baharo mari wahachu marine minihto cuabiara. Ahria dohoria, dohoria macaa, musa pache cãhu mari mehne macaina cãhu mari butiboca wahana — nire Paulo.

¹¹ Wiho mejeta surara ruhtoro dohoria ruore tuhoro, oturiro cãhure tuhoro, Paulo to yahua sehere tuho duaerare waha duaro. ¹² Ti pahsari pitamaha noari pitamaha puhiro jichu ti pahsari pitamaha jierare. To ã jiri pitamaha jichu dohoria macaina payu waha dua, Feniceru yoja duamare. Fenice Creta wama tiri nãco macari pitamaha jiro, wihnono to tariropu sã mija taro seheru cõ buhuseheru, poto buhuseheru cãhure ñuroca, wihnono tachu

noano ducataro maca jire. To ã jiri pitamaha jichu masia tina tõru cã puhiro ji duamare.

Pjiri mapu wihnono, coro pjiro taha

¹³ ã yoa sur sehe pjiroca wihnono ta ducare. “Michare noari dacho mari wahahti dacho jira”, ni tuhutumaha tina. ã ni tuhutua tina comaa tañore tuã wahcõ, Creta nãco duhtu caha cahai yojai sã. ¹⁴ Wiho mejeta baharo curero wihnono noreste wama tiri wihnono tuaro wãre. ¹⁵ ã jiro dohoriare wihnono tuaro wahã wihire. Wihnono to wãrucarore waha masierana, majare paha, wihnono mehne wahai sã. ¹⁶ Cauda wama tiri nãcocã caharu sur seheru waha, ti nãcocã sãre mahanocã ducatare. “Marine nu waruoro wahara”, nina tóre pjiria dohoria macaria mahariacã busocare noano waja payo duhte sã. ¹⁷ Tiare dohoriari sã waja payo duhteri baharo pjiria dohoriaru pjiri da mehne tina wahma ñaha payore. Sirte wama tiri padure “Dohoria doca wahã sari”, nia cui nire tina. ã jia tina co turre ti duhu miori baharo dohoria dihtare wihnono wãrocare. ¹⁸ Wihnono, coro mehne tuaro tare. Pa dacho cãhure wihnono mananota tjoa to tachu ñua tina ti pachere diaru dureroca ño tuhsu pahãa wahai sã. ¹⁹ Pa dacho dohoria macaare diaru cohãre tina ti basi. ²⁰ Payu dachori ñichua dachori jichu, sã dacho macariro ñahpichoha poca cãhu ne bajuerare. ã jiro tuaro wihnono tare. ã jina “Minia wahaja mari. ã jina yariaa wahanahca”, ni tuhutumai sã.

²¹ ã jia tina yoari pja ti chu duhuri baharo Paulo ti pano ducu, õ sehe ni yahure tinare:

—Pano musare yu yahuchu tuhoerare musa. “Cretaru jiina mari wahachu cua nica”, yu nichu tuhoerare musa. Yuhure tuhona, ahria macaa jipihtiare boeraboa musa. ²² Wiho mejeta mipu musare yahuja. Cuiena tjiga. Jipihtina mari yuhduhahca. Ahria dohoria dihta marine wahtibasarahca. ²³ Micha ñamine Cohamacu yairo anjo yuhure bajuahre. Cohamacu yairo jija yuhu. ã jicu tirore dahra cohtariro jija yuhu. Anjo sehe yu cahai taro, õ sehe ni yahure: ²⁴ “Paulo, cuiecu tjiga. Jipihtina

bui p̄h̄torore m̄a yoari cjirire m̄h̄are yahuro cahmana. Cohamac̄u noariro jira. Ā jiro tire m̄a siniriro seheta mip̄are m̄h̄u mehne macaina c̄h̄are yoadohorohca”, nihre ȳh̄are anjo. ²⁵ Ā jina cuiena tjiga m̄asa. Anjo ȳh̄are to n̄iriro seheta waharohca. Cohamac̄ure wac̄u tuaja ȳh̄u. Ā jic̄u to yahuriro seheta “Potoc̄a tjira”, ni t̄h̄otuja ȳh̄u. ²⁶ Wiho mejeta marine n̄acop̄u wihnono w̄aroca, coh̄ānohca —ni yahure Paulo tinare.

²⁷ C̄u ñami p̄a somana baharo pjiri ma Adriático wama tiri mai wihnono s̄are tuaro w̄are. Tí pjare ñami dacho macai dohoria macaina m̄a sehe “D̄h̄t̄u cahap̄u jija mari”, ni t̄h̄oture tina. ²⁸ Ā ni t̄h̄otua n̄ac̄ari taño comaa tañore yuta da mehne d̄h̄te, duhuroca mio, quih̄ore. Treinta y seis metro waro c̄ūare. Mahanoc̄a waha, quih̄ore tjoa. Tí pjare veintisiete metro waro c̄ūare. ²⁹ Ā jia t̄are “Doca wah̄a s̄ari”, nia dohoria otuor̄u pititia tañori comaa tañorine yuta dari mehne d̄h̄te, duhuroca miore diap̄u. Ā jia “Cjero bohreajaro” ni, tuaro sinire tina. ³⁰ Dohoria macaina m̄a sehe duhtimare. Tina mahariac̄are dohoria macariare diap̄u waja boro, dohoria queno comaa tañorine ti boroboriro seheta yoare tina mahariac̄are “Marine ñari”, nia. ³¹ Wiho mejeta Paulo surara p̄h̄torore, to surara mehne yahure:

—Ahrina m̄a mahariac̄a b̄socai ti wahach̄u m̄asa yarianahca —nire Paulo.

³² To ã nich̄u t̄h̄oa surara sehe mahariac̄are d̄h̄te darire yihso ta, tiare coh̄are.

³³ Bohreahto panoc̄a Paulo tinare tuaro ch̄u dutire.

—P̄a somana waro ne ch̄erare m̄asa.

³⁴ Ā jina mip̄are ch̄una taga. Tuaro m̄asare ch̄u dutija. M̄asa cati duana ch̄uga. Jipihtina m̄asa ȳh̄d̄nahca —nire Paulo tinare.

³⁵ To ã niri baharo Paulo p̄ore na, jipihtina ti pano Cohamac̄ure “Noana” ni, duhu payo, tíre ch̄u d̄care tiro. ³⁶ To ã ch̄uch̄u ña tina cuiro marieina waha, jipihtina tina c̄h̄u ch̄are. ³⁷ S̄a jipihtina doscientos setenta y seis masa dohoriap̄u jii s̄a. ³⁸ Tina jipihtina yapia waha “Ahrina dohoria n̄ac̄u nica” ni, payu trigo ch̄are diap̄u coh̄are.

Dohoria pad̄uor̄u doca p̄a s̄aha

³⁹ Bohreach̄u dohoria macaina m̄a n̄acore ña, “Ō sehe wama tiri n̄aco jira ahri n̄aco”, ni ñu masierare. Wiho mejeta tina pari tuc̄i pad̄uro jich̄u ña, “Mari tí tuc̄ip̄u wahana, t̄op̄ure doca p̄a s̄aboca pad̄uroi”, nire tina. ⁴⁰ Ā nia, comaa tañorine d̄h̄te darire yihso taroca mioha. Oturi pj̄i d̄h̄te dari c̄h̄are yihso tanocare tina. Tí ã yoari baharo dohoria queno macari suhtirore wahc̄o dapore poto wihnono w̄arocach̄u cahmaa. ⁴¹ Wiho mejeta dohoria queno sehe pa pad̄uor̄u caha s̄u, n̄aja masierare. Ā jiro oturore tuaro pahc̄ori c̄j̄a wahc̄och̄u tia oturo wahtia wahare. ⁴² To ã wahach̄u ña ō sehe nire surara:

—Ahrina minich̄u mari peresu yoaina d̄h̄t̄u cahap̄u ba wah̄a s̄u duhtinocaahca. Ā jina tinare waj̄a pah̄onocajihna —nire surara.

⁴³ Wiho mejeta surara p̄h̄toro sehe Paulore waj̄a duaeraro, jipihtina peresu j̄inare waj̄a dutierare. Ā jiro jipihtina ba masiinare surara p̄h̄toro poto d̄h̄t̄u cahap̄u ba wah̄a s̄u dutire. ⁴⁴ Ā jia paina dohoria macaa pj̄ini wahti sitea pj̄ini mehne bora ñoja, tí pj̄ini bui pisa ba n̄jare. S̄a tó sehe yoana s̄a jipihtina d̄h̄t̄u cahai wah̄a s̄u.

28

Paulo Malta wama tiri n̄acoi jiha

¹ Ā yoa tí n̄acop̄u s̄a jipihtina maja s̄uruc̄u s̄una tí n̄aco wamare masii. Malta wama tiri n̄aco jire. ² Tí n̄aco macaina masa s̄are noano yoare. Ā jina s̄a coro waari baharo ȳh̄s̄u ȳh̄d̄are s̄are. Ā jia tó macaina sehe pichaca wij̄a tuhs̄u, s̄are sohma dutire. ³ Paulo pichare na ta, na tīare. To na tīari baharo tí picha puhichap̄u s̄ariro aḡa tuaro sich̄u t̄h̄oturo wijaa taro, Paulo wamomacai bahca w̄aha s̄are yahawero marieno. ⁴ To bahca wah̄a s̄uch̄u ña tí n̄aco macaina ti basi ō sehe ni durucure:

—Ahr̄iro masa waj̄ar̄iro jiboca. Ā yoaro tuaricoro buhiri dahrerico m̄ano macaricoro tire buhiri dahrero, cati dutierara. Tiro pjiri map̄u minino ȳh̄d̄u tuhs̄ari jimare. Mip̄are ticoro sehe tire cati dutierara —nimare tina ti basi.

⁵ Wiho mejeta Paulo agãre pichacapu wajã siterocare. Tirore agã purierare. ⁶“Wipirohca” nia, cohtamare tina. Ne wipierare tirore. “Tiro yariaa waharohca” nia, tina cohtamare. Tirore purierare. Yoari pja baharo to wipierachu ñua, to purierachu ñua, soro tãhoture tina. “Ahriri cohamana mehne macariro jiboca”, nimare tina.

⁷Ti ba wahã suri cahacãi Publio wama tiriyo ya weseri jire. Tiro tí nũco macariro puhtoro jire. ã jina tiro sãre to noano yoachu, tia dacho waro to ya wãhã jii sã. ⁸Publio puẽro yojaro ti, juaro tiriyo jire. ã jiro tiro camai coãre. ã jiro Paulo dohatiriyo ya tahtiapu sãa, Cohamacure sini, to wamomacarine tiro bui duhu payo, noariro wahachu yoare tirore. ⁹To noariro wahachu ñua jipihtina paina tí nũco macaina dohatiinare Paulo cahapu na tare. Ti ã na tachu ñũno Paulo noaina wahachu yoare tina cãhure. ¹⁰Baharo tina payu sãre wapa marieno ware. Sã wahahto panocã jipihtia sã cahmaare, sã wahana sã chãhtire dohoriapu dure sãare tina.

Paulo Romapu suha

¹¹Tia sã tí nũcopu sã jiri baharo dohoria mehne wahai sã. Tia dohoria queno i puẽro cohamana Cástor, Pólux wama tiina tí masu ducure. Alejandriapu taria jire tia. Puhiro puro tí nũcopu tia dohoria pahsare. ¹²Waha, Siracusa wama tiri macapu suna, tia dacho waro tí macare jii sã. ¹³Tí macare wijaa, waha, Regio wama tiri macapu sã sui. Pa dachoi surpu wihnono ta, sãre wãrocure. Puẽ dacho baharo Puteoli wama tiri macapu sui. ¹⁴Tópu Jesu yaina mahainacã sãre piti bocare.

—Cã somana waro sã mehne tjuaga — nire tina sãre.

Ti ã nichu tuhona cã somana waro tina mehne tjuasinii. Baharo mahai maja, Romapu sui sã. ¹⁵Tó macaina Jesu yaina sehe Romapu sã suhtire tuhõa, Apio wama tiropu pache duaropu sãre piti bocare. Paina Jesu yaina Tia Wãhu wama tiropu sãre piti bocare. Ti ã piti bocachu ñũno Paulo wahchea mehne Cohamacure “Noana” ni, noano yajeri sãa wahare. ¹⁶Romapu sã suri baharo ti peresu ti yoinare tó macarirore peresu cohtaina puhtoro yahure. Wiho mejeta Paulo

sehere cãirota cãre tó macaina puhto. ã jiro tirore cãirota surara cohtare.

Paulo Romai buheha

¹⁷Tia dacho baharo Paulo judio masa puhto mehne cahmachuno taro, tinare pjire. Ti cahmachuri baharo tiro tinare õ sehe ni yahure:

—Coyea, mari coyeare soro yoaerahi yãhu. ã yoa mari ñũchusuma cjiri ti yoaa tirire, marine ti buheri cãhure yãhdurucãerahi yãhu. ã yu yãhdurucãerapachata Jerusalẽpu yãhure ñahare judio masa. Ti ñahari baharo Roma macainare yãhure peresu yoa dutihre tina.

¹⁸Ti ã yoachu Roma macaina yãhure sinitu, yu ñano yoaerariyo yu jichu yãhure “Buhiri tiriyo jira”, ni masierare. “¿Ne yaba buhiri wajãbocari mari tirore?” nihre yãhure tina. ã jia yãhure sinituina sehe yãhure wio duamahre. ¹⁹Wiho mejeta judio masa sehe yãhure wiochu cahmaerare. Yu coyeare judio masare yãhure ti yoirire yahusã duaeraja. Wiho mejeta yãhure ti wio duaerachu ñũcu, “Jipihtina bui puhtoro Césare yu yoirire poto yahu duaja yãhu”, ni sinihi. ²⁰ã jicu masare ahire yahu duacu pjih. Cristo marine yãhdohtiro judio masa mari cohtariro to yare yu yahuri buhiri yãhu peresupu jija. ã jicu tire masare yahui tai pjih —nire Paulo judio masa puhtoare.

²¹To ã nichu tuhõa tina sehe tirore õ sehe ni yahure:

—Judea yahpa macaina Judio masa mũhure quiti yahua pũrine sãre ne waro-caerare. ã yoa tópu tarina cãhu mari coyea sãre mũ ã waharire yahuera tire. Tina “Tiro ñano yoiriro jira” ni, mũhure yahuera tire. ²²Wiho mejeta Jesu yare mũ yahuri curua macainare jipihtiropu masa ñano ti durucuchu sã masija. ã masina mũ buheare mũ yahuchu tuhõ duaja sã —nire tina tirore.

²³ã ni tuhsu, “Pa dachopu jijihna”, nire tina. Pa dachopu Paulo mehne cahmachu mũhtaina yãhoro masa payu to jiropu wihire. Ñami curerocã puhtoro Cohamacu to sãho jiare noaa buheare tiro buhe dũca, pu,

ñamip_u Moise cjirore Cohamac_u to cūri dutiare, ã yoa Cohamac_u yare yahu m_uhtaina cjiri ti joari cjiri c_uh_ure buhere. ã buhero, tinare Jesure “Tiro tjica mari cohtariro”, ni masich_u yoa duaro nimare Paulo. ²⁴ C_uina to buherire noano mehne t_uhore. Wiho mejeta paina sehe t_uho duaerare. ²⁵ ã jia tina ti basi p_ua curua tju wa, wahaa taa nire. Ti wahahto pano Paulo Isaia cjiro to durucuri cjirore tinare yahure. Õ sehe nire tinare:

—Isaia Cohamac_u yare yahu m_uhtariro cjiro to yahuri potoc_uta jira. Mari ñ_uch_us_uma cjirore yahuro taro Esp_uritu Santo Isaia cjirore ò sehe ni yahu joa dutiha:

²⁶⁻²⁷ “Ahrire ahrinare yahui wahaga:

‘Dapu b_utiina jira m_usa.

Y_u yare t_uho duaerara m_usa.

Cahmo copari susueraina yoaro seheta t_uho duaerara m_usa.

ã jina y_u yare t_uhopanahta t_uho ñahasi m_usa.

M_usa ã jieraina jina, noano t_uho ñahaboa m_usa.

ã jina y_uh_ure cahmaboa m_usa.

ã jic_u m_usare pichacap_u wahaborinare y_uhdoboa y_uh_u’, niha Cohamac_u Isaia cjiro to joari tjup_u”

—nire Paulo tinare. ²⁸ ã ni tuhs_u, Paulo ò sehe ni yahu namore:

—Ahrire masiga m_usa. Cohamac_u ya buheare masare to noano y_uhdoare judio masa jierainare buhenahca sã. Tina sehe t_uhoahca —nire Paulo judio masare.

²⁹ [To ã nich_u t_uhoa judio masa tíre ti basi tuaro cahma sayo, wijaare.]

³⁰ P_ua c_uhma waro Paulo to ã waparucuri w_uh_up_u jire. Tóí jiro, jipihtina to w_uh_up_u wihiinare wahchea mehne piti bocare tiro. ³¹ ã jiro tiro cuiro marieno p_uhtoro Cohamac_u to s_uho jiare, p_uhtoro Jesucristo ya c_uh_ure buhea tire. To ã buhech_u ne paina tirore “Buhei tjiga”, nierare.

Romanos

Paulo Roma macainare Jesu yainare joarocaha

¹ Yuhũ Paulo m̄sare Roma macainare joarocaja. Yuhũ jija Jesucristo cahamacũno. Tiro yuhũre beseri jire. To ya noaa buheare buhe duti warocahtiro cjihtore yuhũre cũri jire tiro.

² Tí buheare noaa buheare panopũ Cohamacũ “Yahui tai nija”, nia tiha. To ã ni yahuriro seheta to yare yahu m̄htaina cjiri panopũ macainare to yahuhtire to ya pũi joa dutiha. ³ Tí buheata to macũnore yahua jira. Tiro masũno waro jiro taro, Davi cjiro panamino ji turiariro jiha tiro. ⁴ Jesucristo mari p̄htoro Cohamacũ macũno ñaa buhiri marieriro to jiare õ sehe ñori jire Cohamacũ. To yariari baharo Cohamacũ to tuaa mehne tirore masa wijaachũ yoari jire. ã yoaro Jesucristo potocãta Cohamacũ macũno to jiare ñori jire Cohamacũ masare. ⁵ Tirota sãre p̄ja ñũno sãre to yare buhe dutiro warocare jipihtina Jesucristore wacũ tua ti ño payohti cjihtire. ⁶ ã jiro m̄sa c̄hũre Jesucristo yaina cjihtire beseha tiro.

⁷ M̄sare, Cohamacũ to cahĩinare, Roma macainare, to yaina cjihti yoare m̄sare tiro. M̄sare jipihtinare ahri pũre joarocaja. ã jicũ Cohamacũ mari P̄cũ, mari p̄htoro Jesucristo mehne m̄sare noa dutija. Tina ti yoadohoa mehne noano jiga m̄sa.

Paulo Romap̄re ñũno waha duaro nimaha

⁸ Ahrire yahu m̄htaihtja m̄sare: Jipihitia macari macaina Jesucristore m̄sa wacũ tuarire masa yahuhre yuhũre. Ti ã ni yahuchũ t̄hocũ “Noana”, nija Cohamacũre. Jesucristo to yoadohoro mehne ã nija tirore. Cohamacũre sini payocũ m̄sa ya cjihti c̄hũre ã sini payorucuja.

⁹ Tiro yuhũre to dutichũ to macũno ya buheare noaa buheare tuaro buhecũ to cahamacũnota jija yuhũ. ã jiro m̄sa ya cjihtire Cohamacũre yũ ã sini payorucuchũ tiro masina. ¹⁰ ã sini payocũ Cohamacũ cahmachũ mipũ pinihtare m̄sa cahapũ yũ

ñũ wahahto cjihto c̄hũre sinija. Yoari p̄ja m̄sare ñũ duacũ yũ wahahtore cohtai yoanocamaja yuhũ. ¹¹ Espĩritu Santo yuhũre to buheri cjirire m̄sare buhe turia duaja Jesure m̄sa wacũ tua namohto cjihto sehe. ã jicũ m̄sare tuaro ñũ duaja yuhũ. ¹² Jesure wacũ tuaja mari. ã jicũ m̄sare ñũ duaja Jesure mari wacũ tuaa mehne p̄ buhũseheri mari cahma wahchechũ yoahito cjihto sehe.

¹³ Yũ coyea, ahrire m̄sa masichũ cahmaja. Noaa buheare yũ buheri baharo paye macari macaina m̄sa coyea judio masa jieraina c̄hũ Jesure wacũ tuare. ã jicũ payũ tahari m̄sa cahapũ waha duamahi tina, Jesure ti wacũ tuariro seheta m̄sa mehne macaina c̄hũ ti wacũ tuahto cjihto sehe. ã waha duapaihta waha masiera tihĩ yuhũ. ¹⁴ Jipihtinare noaa buheare buhero jiro nina yuhũre. Buheinare, buhemahnoeraina c̄hũre, masiinare, masieraina c̄hũre buhehtiro cjihto jii nija yuhũ. ¹⁵ ã jiro jicũ m̄sare Roma macainare noaa buheare tuaro buhe duaja.

Noa buheare masa t̄hoa Jesure wacũ tua d̄cara

¹⁶ Noaa buheare t̄hoa Jesure wacũ tua d̄cara masa. ã jiro jipihtinare Jesure wacũ tuainare Cohamacũ to tuaa mehne pichacapũ wahaborinare yuhdora. Ti ã yuhdũchũ masichũ ahri buheare noaa buheare buo tiro marieno yahuja. Ahri buheare judio masa t̄ho m̄htari jire. Ti baharo, judio masa jieraina c̄hũ t̄ho turiari jire. ¹⁷ Ahri buhea õ sehe ni yahura: Jesure wacũ tuainare “Ñaa buhiri marieina, noaina jira”, ni ñũna Cohamacũ. Tirore wacũ tuaina dihtare ã ni ñũna Cohamacũ. Ahri panopũ ti ni joariro seheta jira: “‘Noaina jira’, to ni ñũina Cohamacũre wacũ tuaina dihta jira. ã wacũ tuaa, to ya catia mehne ã catirucuahca tina”, ni joaa tiha.

Masa ti ñaa yoari buhirire yahuha Paulo

¹⁸ Cohamacũ m̄hanopũ jiriore masa ti yuhdũrcarire, ti ñaa yoari c̄hũre ñũno, ti ã yoari buhiri tina mehne suara. Tó sehe jiina barore to buhiri dahrehtore masichũ yoara tiro. Masa ti ñaa yoaa mehne painare

noaa buheare t̄hoerach̄u yoara tina sehe. ¹⁹ Cohamac̄u to basi to jia tiare masich̄u yoaha. To ā yoach̄u Cohamac̄ure masich̄u mijoerara masare. ²⁰ Cohamac̄ure mari ñ̄erapach̄uta m̄ano macariro to jia tiare, tuariro to jia c̄h̄ure to basi masich̄u yoara tiro. Ahri yahpare to bajuamehneri baharo jipihtia to bajuamehnerire ñ̄ua “Cohamac̄u to yoari cjiri jira ahri” nia, Cohamac̄u to jia tiare masina masa. Ā jia masa Cohamac̄ure masipahta ā ñ̄aare yoarucua, buhiri tira. “M̄h̄ure masierahi. Ā jic̄u ñ̄aare yoahi”, ni masisi Cohamac̄ure. ²¹ Ā jia Cohamac̄u to jia tiare masipahta tina tirore ñ̄o payoerara. Ā jia tiro tinare to noano yoapach̄uta tina sehe “Noana”, nierara tirore. Ā t̄ho masieraina jia, wiho jia macaare, ñ̄aa dihtare t̄hoturucua baro jira tina. ²² “T̄ho masiina jija”, nipahta t̄ho masieraina wahara tina. ²³ Ā wahaa Cohamac̄ure ā jirucurirore tina ñ̄o payoerara. Ā ñ̄o payoeraa, ti ñ̄o payoboriro sehere cohtota, wiho jia mas̄uri sehere “Cohamac̄u jira”, ti nia mas̄uri sehere ñ̄o payora. Wiho jia mas̄uri sehere yariahtina masa mas̄urine, ā yoa minichahca mas̄urine, chihch̄õina mas̄urine, wahiquina mas̄uri c̄h̄ure “Cohamac̄u jira”, ni ñ̄o payora tina.

²⁴ Ti ā yoach̄u ñ̄uno “Ti m̄u s̄uro ñ̄aare goa pja, yoawahnojaro”, nino Cohamac̄u coh̄ānocare tinare. To ā coh̄āri baharo tina ñ̄abiaro, pj̄iro buoro wahach̄u yoaare cahma yoarucura ti basi. ²⁵ Ā jia Cohamac̄u ya sehere cahmaeraa, mah̄ñoa sehere noano t̄hora tina. Cohamac̄u ya sehere mah̄ñoa yoaro sehe jich̄u yoara tina. Potoc̄āta Cohamac̄u warore jipihtiare bajuamehnerirore jipihtia dachoripe noano ñ̄o payoro cahmana. Wiho mejeta tina sehe tirore ñ̄o payoerara. Ā tirore ñ̄o payoeraa, Cohamac̄u to bajuamehneri cjiri, wiho jia sehere ñ̄o payora tina.

²⁶ Ti ā ñ̄o payoch̄u ñ̄uno “Ti m̄u s̄uro goa pja, yoawahnojaro”, nino Cohamac̄u coh̄ānocare tinare. Ā jia tina numia m̄ua mehne man̄u tiboina cohtota, ti basi numia dihta ñ̄ano yoara ti pjac̄uri mehne. ²⁷ Ti yoaro seheta jiina m̄ua c̄h̄u numia mehne

namo tiboina jipahta, tíre cohtota, m̄ua ti basita ti pjac̄uri mehne ñ̄abiaro yoara. Ā yoaa, ti basita ti ñ̄ano yoari buhiri ti pjac̄uri sehe ñ̄ano ȳhd̄ura.

²⁸ Ā Cohamac̄ure ti cahmaerari buhiri Cohamac̄u tinare coh̄āre. To ā coh̄āch̄u tina sehe ñ̄ano wac̄urucu, ñ̄ano yoarucura. ²⁹ Ā jia tina tuaro ñ̄ano yoarucura. Numia mehne ñ̄ano yoarucua, m̄ua mehne ñ̄ano yoarucua numia, ñ̄aare goa pjarucua, paina yare tuaro cahmaina, painare ñ̄ano yoarucua, paina paye baro ti cj̄ach̄u ñ̄ua goa pjaina, masare waj̄aina, cahma sayoina, mah̄ñoina, masare ñ̄u tuhtiina, ñ̄aa q̄uiti dahreina, ³⁰ paina ti yoerapach̄uta ñ̄ano ni yahuwajaina, Cohamac̄ure ñ̄u tuhtiina, painare pur̄ño ȳhtiina, “S̄a sehe masi ȳhd̄uruc̄u s̄aja”, ni t̄hotuina, painare ā ni yahuina, paye ñ̄aare yoa d̄ucaina, ti p̄uc̄us̄umare ȳhtieraina, ³¹ t̄ho masieraina, ti nino seheta yoeraina, masare ne cah̄eraina, ti basi cahma susini duhueraina, ne pja ñ̄eraina jira tina. ³² Ā ñ̄ano yoarucuinare Cohamac̄u pichac̄ap̄u coh̄ānohca. To ā coh̄āhtire masipahta tina tí ñ̄aare ā yoarucura. Ā jia paina tinare ñ̄u c̄u ti yoaro seheta ñ̄ano ti yoach̄u ñ̄ua, “Mari yoaro seheta ñ̄ano yoara”, ni wahchera tina.

2

Masare buhiri dahre dutiro tíre quih̄õno yoarohca Cohamac̄u

¹ “Tina ñ̄abiaina jira”, ni yahuwajaena tjiga painare. M̄usa c̄h̄u ti yoaro seheta yoara. “Ñ̄aare yoeraja s̄a. Ā jina buhiri maeraja”, ni masierara m̄usa. M̄usa yahu wajaina yoaro seheta ñ̄aare yoana, m̄usa c̄h̄u m̄usa basita buhiri dahre dutina nica. ² Tó sehe yoainare Cohamac̄u to buhiri dahrech̄u potoc̄āta quih̄õno to buhiri dahrech̄u masija mari. ³ Painare “Buhiri tiahca”, ni yahu waja ti yoaro seheta m̄usa yoach̄u, m̄usa c̄h̄ure buhiri dahrerohca. Ā jina “S̄āre buhiri dahresi”, ni t̄hotuboca m̄usa. Jierara. M̄usa c̄h̄ure buhiri dahrerohca tiro. ⁴ M̄usa ñ̄ano yoapach̄uta Cohamac̄u m̄usare pja ñ̄uno, dói waro buhiri dahrerara. Ā jina “Cohamac̄u ȳh̄u mehne suasi”, ni t̄hotuboca m̄usa. Jierara.

Cohamacu musare pja ñano, dói waro buhiri dahrerara musa ñaa buhiri tiare cahyachu ñu duaro, tirore musa yuhtichu cahmano. ⁵ Ñ buhiri dahre duaeraparota, musa Cohamacure yuhti duaerachu, musa ñaa buhiri tiare musa cahyaerachu, buhiri dahrerohca musare. Tó pano musare to buhiri dahreboriro yuhdoro tí to buhiri dahrehti dacho waropure ñano, tuaro waro musare buhiri dahrerohca Cohamacu. Quihõno buhiri dahrerohca. ⁶ Cãinare ti yoa wapataro seheta yorohca Cohamacu. ⁷ Cãina noaare yorucuina jira. Tina Cohamacure noano wahchechu yoa duaina, jipihtia dachoripe Cohamacu mehne ji duaina jira. Tina pinihtare dachoripe tiro mehne jirucuchu yorohca Cohamacu. ⁸ Wiho mejeta paina sehe tina yoaro sehe jierara. Tina ti mu sũro jia ti, ñaare goa pja yorucuina baro jira. Cohamacu ya warore cahmaerara. Tina mehne Cohamacu tuaro sua, buhiri dahrerohca. ⁹ Jipihtina ñano yoaina ñano yuhdũahca. Judio masare ãta waha muhtanohca. Tuhsu, judio masa jieraina cũhare ãta waharohca. ¹⁰ Jipihtina noaare yoaina sehene Cohamacu “Noana”, ninohca. Ñ jia masa tinare ño payoahca. Ñ jiro tinare noano jichu yorohca Cohamacu. Judio masare ãta waha muhtanohca. Tuhsu, judio masa jieraina cũhare ãta waharohca.

¹¹ Cohamacu judio masare, ã jichu judio masa jieraina cũhare jipihtinare cãno sehe ñũna. Mari yoirire ñũno, quihõno besera jipihtinare, ñaina, noaina cũhare. ¹² Paina Cohamacu Moise cjirore to dutia cjirore masieraina sehe buhiri tiare ti yoachu, to dutiare ti masierapachata tinare buhiri dahrerohca Cohamacu. Ñ yoa tí dutiare masiina cũhare buhiri tiare ti yoachu, tí dutiare ti yuhdũũcari buhiri buhiri dahrerohca Cohamacu. ¹³ Cohamacu dutiare tuhopahta yuhtierainare “Buhiri marieina, noaina jira ahrina”, ni ñũerara Cohamacu. To dutiare yoaina sehene “Noaina jira”, ni ñũna tinare Cohamacu. ¹⁴ Judio masa jieraina Cohamacu Moise cjirore to cũri dutia maerapahta, ti mu sũro noaare yoaa, Cohamacu dutiare yoaa nina. Ñ yoaa Moise cjirore to dutiare

joari pũre cjuerapahta tina ti mu sũro to dutiare masina. ¹⁵ Ñ jia to dutiare ti tuhotuapu potocãta cjuara tina. Ñ cjuaa ñaare yoaa dóicãta ti ñaa yoirire masina tina. Ñ jiro ñaare yoiriro “¿Dohse jiro baro ñaare yoiri yũhu?” ni tuhotura tiro. Ñ jiro noaare to basi to yoiri cũhare masina tiro. ¹⁶ Ñ jiro Cohamacu Jesucristore to warocahti dachoi masa ti yoirire ti yahu duaerarire Jesucristo masi pahõno, tiro tinare beserohca noaina, ñaina cũhare. Tó sehe yorohca tiro noaa buhea to nino seheta. Ahrita jira masare yu buhea.

Cohamacu Moise cjirore to dutirire yahuha Paulo

¹⁷ Musu sehe judio masa jina, Cohamacu Moise cjirore to dutiare ño payoaina jina, “Cohamacu to yaina jija”, ni tuhotumana musa. ¹⁸ Ñ jina Cohamacu dutiare masiina jina, to cahmaare masina musa. Ñ masiina jina, “Noaare sã yoahore bese masija sã”, ni tuhotumana musa. ¹⁹ Ñ ni tuhotuna õ sehe ni tuhotu namona musa: “Painare ne masierainare noano masichu yoaja sã. Tinare sã buherachu ne Cohamacure masieraboa tina. Ñ jia ñaare duhueraboa”, ni tuhotumana musa. ²⁰ Ñ jina “Tuho masierainare noaare yoa dutiina, macanacã cũhare buheina jija sã”, ni tuhotumana musa. Ñ jina “Cohamacu dutiare cjuana, potocã jiare masi pahõoja sã”, ni tuhotumana musa. ²¹ ¿Ñ jina painare buheina jipanahta, dohse yoana musa sehe musa buheriro sehe yoajari? ¿Painare yaca dutieraina jipanahta dohseana musa sehe yacajari? ²² ¿Pairo namono mehne ñano yoa dutieraina jipanahta dohseana musa sehe pairo namono mehne ñano yoajari? “Cohamacu jira”, ti nia masurine ñu yabiina jira musa. ¿Ñ ñu yabiina jipanahta dohseana tí masurine ti ño payoa wũhũsepũ sãa yacajari musa? ²³ “Cohamacu Moise cjirore to dutiare cjuaja sã”, niina jipanahta to dutiare yuhdũũcara musa. Ñ yuhdũũcana Cohamacure ño payoerachu yoana nica musa painare. ²⁴ Ñta nina Cohamacu yare ti joari pũi: “Cohamacu dutiare musa yuhdũũcari buhiri judio masa jieraina

sehere Cohamacure ti ñano durucuchu yoara masa judio masa”, ni joaa tiha Cohamacu yare ti joari pui.

²⁵ “Cohamacu yaina jija”, ni tūhotura cāina judio masa mahanocā cahsarocāre yihsoina. Cohamacu yare ti yoachu judio masa ti jichu noa nina. To yare ti yoerachu judio masa ti jia tia yaba cjihti jierara. Yihsoina ti jia tia cūhu yaba cjihti jierara. ²⁶ ã jiro judio masa jieraina mahanocā cahsarocāre yihsoeraina ti jipachuta, Cohamacu dutiare ti yoachu ñuno “Yū yaina masata jira”, ni ñuna Cohamacu tinare. Judio masa sehere to ã ni ñaboriro seheta judio masa jieraina sehere ã ni ñuna. ²⁷ Payu judio masa Cohamacu Moise cjirore to dutiare cjuapahta tíre yoerara tina. ã jia paina judio masa jieraina sehe mahanocā cahsarocāre yihsoeraina jipahta to dutiare yoara. ã yoaina jia judio masa ti ñano yoarire masichu yoaa nina. ²⁸ Mipure judio masuno waro to jiare yahuihtja musare. To pjacure mahanocā cahsarocāre yihsoeraro jiparota Cohamacure ño payoeraro potocāta judio masuno waro jierara. ²⁹ Cohamacu yairo Espiriture cjuariro tirore yūhtiriro tiro tjira judio masuno waro. ã yoa to pjacure mahanocā cahsarocāre to yihso cohāriro seheta to ñaa yoaaare duhura tiro. To musaro dutiare yoariro jieraparota Espiritu Santo to yoadohoa mehne to ñaa yoaaare duhura. Tó sehe yoarirore “Noariro jira”, ni ñuna Cohamacu sehe. Masa sehe tirore ti ã nierapachuta, ã nina Cohamacu sehe.

3

¹ ¿Yū ã nichu judio masa ti jia tia wiho waro jijari, masa tūhotuchu? Ne wiho waro jia nierara. ¿Cohamacu judio masare to dutiriro seheta ti pjacurire mahanocā cahsarocāre ti yihso cohāa wiho waro jijari, masa tūhotuchu? Ne wiho waro jia nierara. ² Judio masa ti jia tia wiho waro jierara. Cohamacu yare ti joari pūre judio masare cū mūhtaha. ã jia judio masa ti jichu noa nina tinare. ³ ã jia cāina judio masa Cohamacure ti tūhoerapachuta to niri cjiri potocāta jira. ã jiro to ni cūriro seheta yoarohca tiro. ⁴ ãta jira.

Jipihtina masa mahñoina ti jipachuta Cohamacu sehe ne mahñerara. Panopu to yare yahu mūhtariro cjiro to ni joariro seheta ne mahñerara Cohamacu. Õ sehe ni joaa tiha:

“Potocā niriro jira mūhu Cohamacu.

Mūhure ã jia masa ‘Cohamacu quihōno yoerara’, ni masierara mūhure”, ni joaa tiha panopu.

⁵ Õ sehe ni tūhotuboca masa: “Mari ñaaare yoana Cohamacu noaare to yoariro jichu masichu yoaja. ã jiro ñaaare mari yoachu noa nina. ¿To ã noaa jipachuta dohsearo tiro mari ñaaare yoari buhiri buhiri dahremacanocajari?” ni tūhotuboca masa. Masa ti tūhotuboriro seheta ã nii nija. ⁶ Tó jierara ti ã ni tūhotuchu. Mari ñaa yoari sehe noaa jichu Cohamacu mari ñaaare yoari buhiri buhiri dahre masieraboa.

⁷ Masa sehe mahñoina jira. Cohamacu sehe ne mahñerara. ã jina masa ti mahñochu ñuna Cohamacu sehe ne mahñerario to jichu noano ñu masija mari. ã jia masa mahñoa, Cohamacu to mahñerario to jiare ñoa niboca tina. ãta ni tūhotumana cāina. ã ni tūhotua ò sehe ni tūhotu namomana tina: “Sā mahñoa mehne Cohamacu to mahñerario jiare ñona nija. ã ñona noano yoana nija. ã jia sā mahñoa noa nina. ¿Sā mahñoa noaa nichu dohse jiro baro sā mahñori buhiri sāre buhiri dahremacanocabocari Cohamacu?” ni tūhotumana cāina masa. ⁸ ã jia ò sehe ni mahñona cāina sāre: “ ‘Ñano yoana Cohamacu to noariro jichu ñona nica. ã jina ñano yoajihna’, nihre Paulo cūhu”, ni mahño yahusāna sāre cāina. Ti ã niri buhiri tinare Cohamacu buhiri dahrerohca. ãta yoaro cahmana tinare.

Jipihtina buhiri tiina jija mari

⁹ ¿ã yoa dohse ni tūhotujari masa? ¿Mari judio masa paina yūhdoro noaina jijari mari? Jieraja mari. Judio masa, judio masa jieraina cūhu ñaa buhiri tia cjuaina dihta jija mari. ã jina jipihtina buhiri tiina jija mari. ãta jira. Jipihtinare yū buheriro seheta jira. ¹⁰ Panopu to ni joariro seheta jira ahri: Õ sehe ni joaa tiha:

“Ne cãiro masuno noariro mariahna, Cohamacu to ñuchu.

¹¹ Jipihntina masa tũho ñahaeraina dihta jira. Tuhsu, jipihntina masa ne Cohamacure macaeraina jia, tirore wacũ payoerara.

¹² Tina Cohamacu yare cohãa jipihntina ñaare yoaina wahare.

Ne cãiro noaare yoariro pinihta mariahna.

¹³ Ti duseri masa copari ti pjõo dapori yoaro sehe jira.

Ti durucuchu, masa copari urĩa wijaaro sehe mahñoa dihta ti duserire wi-jaara.

Ã durucua agã duseroi to ñima purĩa wi-jaaro seheta purĩno ti durucua wi-jaara ti duserire.

¹⁴ Tina painare ñano durucuina, purĩno durucuina jira.

¹⁵ Ã jia sua ñaina dóicãta masare wajãina jira.

¹⁶ Nohoi ti waharoi tina masare ñano yoa, ñano yũdũchu yoara tinare.

¹⁷ Tó sehe jia paina masa mehne tina noano jierara.

¹⁸ Ã yoa Cohamacure ne ño payoerara”, ni joaa tiha panopure.

¹⁹⁻²⁰ Cohamacu jipihntiare to joa na dutiri cjirire sãre judio masare cũha. Ã jiro tó sehe to ni joariro cjiro mari cãhure dutisinina. “Buhiri mariahna sãre”, ni masieraja mari. Ã jina mari jipihntiro macaina judio masa, ã jichu judio masa jieraina cãhu to buhiri dahrehtina mari jia tiare masija mari. Ã jina buhiri tiina mari jiare masina, “Noaina jija sã”, ni masieraja Cohamacure. Cohamacu to yoa dutia sehere ne mari yoaeraja. Ã jiro to dutia sehe buhiri tiina mari jia tiare masichu yoara marine. Ã masina, õ sehe ni masieraja mari: “Cohamacu dutiare yoa pahñohi. Ã jiro Cohamacu marine ‘Noaina jira’, ni ñana”, ne ni masieraja mari jipihntiro macaina.

Cohamacure noano mari wacũ tuana to yaina wahaja mari

²¹ Wiho mejeta mipure Moise cjirore to dutiri cjirire yoa pahñono marieno masare ti ñaa buhirire to cohãire masichu yoara marine Cohamacu. Moise cjiro to joari cjiri mehne, Cohamacu yare yahu mũhtaina

cjiri ti joari cjiri mehne yahu cũ mũhta tuhsuha ahrire. ²² Jipihntina Jesucristore wacũ tuainare, tirore tũhoinare “Noaina jira”, ni ñana Cohamacu. Tó sehe cãno potori ñana tiro jipihntina dohse jiina Jesucristore wacũ tuainare. ²³ Mari jipihntina ñaare yoaina buhiri tiina dihta jija. Ã jina Cohamacu to cahmano sehe mari jiboriro dũhsa yũdũhara. ²⁴ Mari ã jiina jipachuta Cohamacu marine pja ñana. Ã jiro Jesucristo sehe mari ñaa buhirire wapabasari jire. To ã wapabasaro mehne “Buhiri marieina noaina jira”, ni ñana Cohamacu marine. ²⁵ Panopu macaina cjiri buhiri tiina ti jipachuta Cohamacu dóicãta buhiri dahreraha tinare. Ã buhiri dahreraro ti buhiri tiare wiho waro ã tũhotunocano nieraha. Baharo tiro Jesucristore warocari jire mari ñaa buhiri yariahtiro cjihtore, to di mehne mari ñaa yoarire wapabasahtiro cjihtore. Jesucristore mari wacũ tuachu Cohamacu sehe mari ñaa yoari buhirire borohca. Ahrire yoaro, quihõno yoariro to jia tiare masichu yoaro niha. ²⁶ Ã yoa mipu cãhure quihõno yoariro to jia tiare masa ti masichu cahmana tiro. Quihõno yoariro jira tiro. Ã jiro Jesure warocari jire masa ti ñaa buhiri yariahtiro cjihtore. Ã jiro Jesure wacũ tuainare, “Buhiri marieina, noaina jira”, ni ñano, quihõno yoaro nica.

²⁷ ¿Mipure “Noaina jija mari”, ni masicari mari mũsa tũhotuchu? Tíre ne ni masieraja mari. ¿Dohseana ã ni masieracari mari? ¿Cohamacu to dutiare yoana, “Noaina jija”, ni masibocari mari? Jierara. Tí cãhure ni masieraja mari. Mari ã ni masierapachuta Jesure mari wacũ tuachu “Noaina jira”, ni ñanohca marine Cohamacu. ²⁸ Õ sehe masija mari: Jesure mari wacũ tuachu ñano marine ñu jicoara Cohamacu. Ã jiro marine “Buhiri marieina, noaina jira”, ni ñana tiro. To dutiare mari yoari wapa ã ni ñuerara. Tirore mari wacũ tuachu ã ni ñana.

²⁹ Tuhsu, Cohamacu judio masa pũtoro dihta jierara. Judio masa jieraina pũtoro cãhu jira tiro. ³⁰ Ã jiro Cohamacu cãirota jiro jiro, jipihntina bui pũtoro jira. Ã jiro jiro judio masare, ã jichu judio masa jieraina cãhure Jesure ti wacũ tu-

achu, tinare cãno potori “Buhiri marieina, noaina jira”, ni ñuhocha Cohamacu. ³¹ ¿Ã jina Jesure wacũ tuana Cohamacu Moise cjirore to dutiare cohãna nibocari mari? Cohãeraja mari tíre. Jesure wacũ tuaina jina, Cohamacu dutiare yoa pahõona nija mari.

4

Abrahã Cohamacure to wacũ tuarire yahuha Paulo

¹ Mari ñuchu cjiro panopu macariro Abrahã cjirore Cohamacu õ sehe yoaha: ² Abrahã cjiro noaare to yoapachuta “Noariro jira”, ni ñueraha Cohamacu tirore. ã jiro noaare yoaparota ñariro jisino “Yuhu pini noariro jija”, ni masieraha Abrahã, Cohamacu to ñuchu. ³ Cohamacu yare ti joari pũ õ sehe nina: “Abrahã Cohamacu to nirire to quihõno tũho ñaha, tirore to wacũ tuachu ñuno Cohamacu tirore ‘Potocãta noariro jira’, ni ñuha”, ni yahura Cohamacu yare ti joari pũi. ⁴ Puhtoro dahrainare waparo, wiho waro to pja ñua mehne waparo nierara. Ti dahrari wapa tinare waparo nina. ⁵ Wiho mejeta Cohamacure wacũ tuainare dahrainare ti waparo sehe yoerara Cohamacu. Cohamacure wacũ tuarirore “Noariro jira”, ni ñuna Cohamacu. To ã ni ñuchu tí noaa to yoari wapa jierara. Cohamacu sehe tirore cahmaeraina cjirore tirore ti cahmachu ñuno buhiri marieina, noaina wahachu yoara. ã jiro masuno Cohamacure to wacũ tuachu ñuno “Noariro jira”, ni ñuna Cohamacu tirore. ⁶ ãta niha panopu macariro Davi cjiro. Masuno noaare to yoapachuta Cohamacu tirore “Noariro jira”, ni ñueraca. Tirore to wacũ tuachu ñuno pini Cohamacu tirore “Noariro jira”, ni ñuna. Cohamacu to ã ni ñuriro wahcheare yahuha Davi cjiro. Õ sehe niha: ⁷ “Cohamacu ti ñaa yoarire to cohãchu masina sehe tuaro wahchera. ⁸ ‘Noaina jira. Mũsa buhiri tiare wacũsi yuhu’, to nichu tũhoina tuaro wahchera”, niha Davi cjiro. ⁹ ¿Judio masa ti pjacure mahanocã cahsarocãre yihsorina dihtare ti ñaa yoarire

boari Cohamacu? Jierara. Judio masa jieraina yihsoeraina cãhure ti ñaa yoarire bora tiro. Pari turi Abrahãre wacũga mũsa. Tiro Cohamacure to wacũ tuachu ñuno “Noariro jira”, ni ñuha Cohamacu. ¹⁰ ¿Dohse jichu ã yoari Abrahã, mũsa tũhotuchu? To pjacure mahanocã cahsarocãre to yihsohto panoputa tirore “Noariro jira”, ni ñuha Cohamacu. ã jiro yihsoero, to ñaa yoarire cohã tuhsuriropu yihsoha. ¹¹ ã jiro dóihtu Cohamacure wacũ tua mũhtaha Abrahã. To ã wacũ tuachu ñuno “Noariro jira”, ni ñuha Cohamacu tirore. ã to wacũ tuaare, to yairo to jiare to ñohto cjihtore Cohamacu tirore to pjacure mahanocã cahsarocãre yihso dutiha. ã jiro Abrahã to yihsohto pano Cohamacu sehe “Noariro jira”, ni ñu tuhsuha tirore. Tiro to yihsohto pano to ã ni ñuriro sehetu jipihtina Cohamacure wacũ tuainare judio masa jieraina yihsoerainare “Noaina jira”, ni ñuna Cohamacu. To ã ni ñuina ti jichu Abrahã ti ñuchuno cjiro waro yoaro sehe wahara. ¹² Tí yoaro sehetu masa, yihsoina Cohamacure ti wacũ tuachu ti ñuchuno cjiro waro jia tiha Abrahã. Tiro to yihsohto pano Cohamacure wacũ tuaha. ã jia tiro yoaro sehetu wacũ tuaina judio masa Abrahã panamana ji turiaina jira.

Cohamacu Abrahãre to ni cũrire “Potocã tjira”, niha Abrahã

¹³ Panopu õ sehe niha Cohamacu Abrahãre: “Ahri yahpare mũhure, mũ panamana ji turiainapu cãhure waittja”, ni yahu cũha Cohamacu Abrahãre. To dutiare to noano yoari wapa ã nieraha Cohamacu tirore. Abrahã Cohamacure to wacũ tuari wapa sehere ã niha Cohamacu tirore, “Noariro jira”, tirore to ni ñuri baharo. ¹⁴ “Cohamacu Moise cjirore to cũri dutia dihtare yoaro cahmana”, nina judio masa. Tó sehe niina Cohamacure wacũ tuaro marieno ahri yahpa jipihtirore na duara. Wacũ tuaro marieno ti nachu mari sehe Cohamacure mari wacũ tuua yaba cjihti jierabo. ã jiro Cohamacu marine to ni cũri cjiri yaba cjihti jierabo. ¹⁵ Moise cjirore to cũri dutia sehere yoerara masa. ã jiro to dutiare ti yuhdurucari buhiri masare buhiri dahrerohca Cohamacu.

Wiho mejeta to dutia mariach_u to dutiare y_hd_ur_ucaro c_uh_u mariaboa.

¹⁶ ã yoa Cohamac_ure wac_u tuaina dihta to wahtore naahca. Abrahã cjiro Cohamac_ure wac_u tuaha. ã jiro jipihtina tiro yoaro sehe Cohamac_ure wac_u tuaina ti ñ_uch_uno waro yoaro sehe tjuara Abrahã cjiro. ã jiro “Ahrire m_usare waihtja”, Cohamac_u nino jipihtinare tirore wac_u tuaina pinihtare nino niha. ã jia Cohamac_u Moise cjirore to dutiri cjirore yoaina Cohamac_ure wac_u tuaina Cohamac_u to wahtore naahca. Tina dihta nasi. Jipihtina Abrahã cjiro yoaro sehe Cohamac_ure wac_u tuaina c_uh_u tinare to wahtore naahca. ¹⁷ Tíre Abrahã cjirore to niriro seheta joaa tiha panop_ure: “Pay_u macari macaina ti ñ_uch_uno cjihto c_uhi m_uh_ure”, ni c_ua tiha Cohamac_u Abrahã cjirore”, ni joaa tiha panop_u. ã jiro tiro Cohamac_ure wac_u tuaa tiha. ã to wac_u tuach_u mari ñ_uch_u cjiro yoaa tiha Cohamac_u tiro cjirore. Cohamac_u sehe yariainare masoriro, jipihtinare, jipihtia c_uh_ure bajuamehneriro jira.

¹⁸ “Pay_u yahpari macaina m_u panamana ji turiaina jiahca”, Cohamac_u to ã ni c_uch_u Abrahã cjiro sehe pohna marieriro jiparota, “Potocãta jira”, ni t_uhotua tiha. ã ni t_uhoturo pay_u yahpari macaina mari ñ_uch_u cjiro yoaro sehe wahaha tiro Cohamac_u tirore to ni c_uriro seheta.

¹⁹ ã jiro cien c_uhmari c_uariro jiparota “B_uc_uro waro jija”, ni t_uhotuparota, Sara to namono ne pohna marienicoro to jipach_uta “Pohna ti masieraja sã”, ni t_uhotueraa tiha Abrahã cjiro. ã jiro Cohamac_u to ni c_uriro “Potocãta jira”, nia tiha Abrahã cjiro. ²⁰ “To niriro seheta yoeraboca”, ne ni t_uhotueraa tiha Abrahã cjiro. ã jiro tiro Cohamac_u to ni c_uriro noano t_uhoa tiha. To ã niare t_uhotjiãhno “Cohamac_u tuariro jira”, ni ño payoro nia tiha. ã jiro Cohamac_ure wac_u tua namoa tiha tiro. ²¹ “Cohamac_u to niriro seheta noano bihorohca”, ni t_uhotu noano masia tiha Abrahã cjiro. ²² To ã masich_u Cohamac_ure to wac_u tuach_u Cohamac_u sehe “Noariro jira”, ni ñ_ua tiha Abrahã

cjirore. ãta ni joaa tiha Cohamac_u yare ti joari p_ui.

²³ ã yoa Abrahã cjiro dihtare ã ni joaeraa tiha. ²⁴ Tíre mari masihti cjihtire mari c_uh_ure ã ni joaa tiha. ã jiro Cohamac_ure mari wac_u tuach_u “Noaina jira”, ni ñ_unohca mari c_uh_ure Cohamac_u. Tiro pini mari p_uhtoro Jesu to yariach_u masori jire tirore. ²⁵ Jesu sehe mari ñ_ua buhiri yariari jire. To yariari baharo masa wijaari jire tiro Cohamac_u marine “Noaina jira”, to ni ñ_uhto cjihtore.

5

“Noaina jira”, Cohamac_u to ni ñ_uch_u ò sehe waharohca marine

¹ Jesucristore mari wac_u tuach_u ñ_uno “Buhiri marieina, noina jira”, ni ñ_una marine Cohamac_u. To ã ni ñ_uch_u Cohamac_u mehne macaina marine jich_u yoara mari p_uhtoro Jesucristo. ² ã jina mari tirore wac_u tuach_u ñ_uno Cohamac_u marine cah_uno, pichacap_u wahaborinare y_hdore tiro mehne mari jihto sehe. Cohamac_u pinihta noa y_hd_uariro jira. ã jiro tiro yoaro seheta jiina wahach_u yoarohca marine tiro. To ã yoah_uti cjihtire noano masi, wahcheja. ³ ã yoa ñ_uno y_hd_una c_uh_u wahcheja mari. ñ_uno y_hd_una, tíre cãno pja masija mari. ã cãno pjana, ñ_uno y_hd_upanahta noano Cohamac_ure wac_u tuaina waha namoja mari. ã jina Cohamac_u yare duhueraja mari. ⁴ Mari ã yoach_u ñ_uno “Noana”, ni ñ_unohca Cohamac_u marine. ã jina marine to y_hdohtore noano masi, wac_u cohtana nija mari. ⁵ Ne wiho waro wac_u cohtana nieraja. Cohamac_u marine to Espíritu Santore warocare mari mehne jihtirore. ã jiro Espíritu Santo sehe mari mehne jiro Cohamac_u marine to ã cah_urucua_ure masich_u yoara. To ã masich_u yoach_u marine to y_hdohto noano waro jiro nina. Potocãta y_hd_unahca mari.

⁶ Tó pano mari ñ_ua yoarire mari basi mari y_hd_u masierach_u ñ_uno, to quih_uriro m_u s_uch_u, Cohamac_ure cahmaeraina mari jipach_uta, Cristo sehe mari ñ_ua buhirire yariabasaha. ⁷ C_uiro mas_uno noariro jiparota yariahtiro to jich_u paio_uro sehe to

yariaborirote cohtota, to yariabasa du-achu mijo yuhduara. Noaa dihtare yoariro yaro jiborirote paio yariabasaboca pa tehe nino. ⁸ Wiho mejeta Cohamacu sehe õ sehe yoara. Buhiri tiina mari jisinipachuta mari yaro jiborirote Cristo yariaha. To ã yoachu Cohamacu marine to tuaro cahãare masija mari. ⁹ Mari yaro jiborirote to ñano di wijaa, yariachu Cohamacu sehe marine “Buhiri marieina, noaina jira”, ni ñuna. To ã ni ñuri baharo mipu pinihtare marine pichacapu wahaborinare yuhdorohca Jesu. Marine to yaina wahachu to yoari baharo marine buhiri dahresi pichacapu Cohamacu. ¹⁰ Cohamacure ñu tuhtiina mari jipachuta, to macuno sehe yariaro, mari ñaa buhiri tiare cohãno, Cohamacure mari ñu tuhtirire duhuchu yoare. To ã yoaro mehne Cohamacu mari buhiri tiare bora. Tuhsu marine to yaina wahachu yoara. Mipu pinihtare tí yuhdo curero yorohca marine. To yaina mari jichu Jesu to masa mujari mehne marine pichacapu wahaborinare noano yuhdorohca tiro. ¹¹ Æ jina baharopu mari yuhduhtore masina wahcheja mari. Mipure ahri cãhure wahcheja. Mari puhtoro Jesucristo mari ñaa yoari buhirire to yariari baharo Cohamacu yaina jija mari. Æ jina wahcheja.

Adãore, Cristore yahuha Paulo Roma macainare

¹² Adão cjiro Cohamacure to yuhduarucari baharo ahri yahpare ñaa buhiri tia ji ducaha. Ñaa buhiri tia ji ducaro mehne masa yaria ducaha. Jipihtina mari ñaare buhiri tiare yoaja. Æ jina jipihtina ñaina mari jiri buhiri yariaja. ¹³ Cohamacu to dutiare Moise cjirore to cũhto pano potocãta ahri yahpa macaina ñaa buhiri tiare yoaa tiha. Ti ã yoapachuta to dutia mariachu to dutiare ti yuhduarucari buhiri buhiri dahre masieraha. ¹⁴ To ã buhiri dahre masierapachuta Adão cjiro cãhu to baharo jiina cãhu tí dutia mariasinipachuta yariaa tiha. Moise cjiro to jihto pano tí dutia mariasinipachuta masa yariaa tiha. Paina ñano yoaa Adão cjiro ñano to yoariro sehe waro yoera timaha. Æ jipahta tina cãhu yariaa tiha. Æ jiro Adão cjiro ñaare to yoa ducariro

seheta yoari pja baharopu ahri yahpapu tariro noaare yoa ducari jire.

¹⁵ Adão cjiro to yuhduarucari Cohamacu masare to pja ñua yoaro sehe jierara. Cohamacu to pja ñua sehe noa yuhduara. Adão cjiro cãirota jiparota ñaare to yoa ducari buhiri payu masa yariaa tiha. Cohamacu sehe marine pja ñuno, Jesucristore warocari jire. To ã warocachu tiro cãirota jiriro pichacapu wahaborinare masare payu yuhdora. ¹⁶ Æ jiro Cohamacu masare to pja ñua Adão cjiro to yuhduarucari yoaro seheta jierara. Adão cjiro sehe cãirota jiriro ñaare to yoari buhiri jipihtina masa ñaa buhiri tiina jira. Æ ti buhiri tiina jipachuta masa pjiro ti ñaare yoapachuta mipure masare pja ñuno Cohamacu ti ñaare bora. Æ boro “Noaina jira”, ni ñuna tiro tinare. ¹⁷ Adão cjiro cãirota jiriro ñaare to yoa ducachu jipihtina masa yariarucura. Tí potocã tjira. To ã jipachuta ahri sehere wahchenahca mari. Mipure Cohamacu masare pja ñuno Jesucristo cãirota jiriro to yariaro mehne ti ñaare boro, tinare “Noaina jira”, ni ñuna. Æ jia jipihtina to ã ni ñaina manopu Cristo mehne puhtoa jahca.

¹⁸ Adão cjiro cãirota to jipachuta to yuhduarucari buhiri jipihtinapu buhiri tiina waha ducaha. Æ jia Cohamacu to buhiri dahrehtinapu tjuaha tina. Tó yoaro seheta Jesu cãhu cãirota jiparota noano yoaro jipihtina ti buhiri tiare cohã masina. Ti buhiri tiare to cohãchu, “Buhiri marieina, noaina jira”, ni ñuna tinare Cohamacu. Æ jia to ya catiare cãuaa, ã catirucuahca tina.

¹⁹ Adão cjiro cãirota Cohamacure yuhduarucaha. To ã yuhduarucachu, payu masa ñaa buhiri tiina wahaha. Tó yoaro seheta Jesu cãhu cãirota Cohamacure yuhtiha. Æ yuhtiro, payu masa ti buhiri tiare cohã masina tiro. To ã cohãchu “Ñaare ti yoari buhiri tia mariena, noaina jira”, ni ñuna Cohamacu tinare.

²⁰ Cohamacu to dutiare Moise cjirore cãu tiha tí mehne jipihtina masa ti ñaa buhiri tiare ti noano masihto cjihtore. Æ jia masa ti ñaa buhiri tiare masia tí yuhdoro Cohamacu tinare tuaro to cahã tia cãhure masiahca. Tiro marine cahã yuhduara.

²¹ Buhiri tiina ti jiri buhiri masa variahtina jira. Ti yariari baharo, pichacapu waahaaca. Wiho mejeta Cohamacu masare cahĩ yuħduara. Ā tuaro cahĩno, mari puħtoro Jesucristo masare to yariabasaro mehne masare “Buhiri marieina, noaina jira”, ni ñuna. To ã ni ñuina sehe to ya catia mehne ã catirucuahca.

6

Yariaina cjiri ti ñaare yoaeraro seheta Cristo yaina cãhu ñaare yoaerucuerara

¹ ¿Dohse yoanahcari mari mipure, musa tuhotuchu? Cãina õ sehe niboca: Ñaare mari yoachu ñuno Cohamacu mari ñaa buhirire borohca. ¿Cohamacu marire to cahĩ namochu ñu duana ñaare yoa namobocari mari? ² Jierara. Ñaare yoaena tjijihna mari. Yariaina cjiri ñaare ti yoaeraro seheta Cristo yaina jina mari cãhu ñaare yoaerucuerara mari. ³ Jesu yaina mari jia tiare masa ti ñu masihtu cjihtore copu bautisare marine paina. Ā jina mari puħtoro Jesucristo to yariachu, mari cãhu tiro mehne yariaina seheta wahahi. ¿Tíre masierajari musa? ⁴ Ā bautisarina wahaana Cristo pjacure masa copapu ti siõ sãa payo cohãriro seheta pano mari ñaa yoaerire duhuja. Ā jina Cohamacu to tuaa mehne Cristo to masa mujariro seheta mari cãhu to tuaa mehne mari jia tia cãhure, mari tuhotua cãhure cohtotaja. Ā cohtotana to yare wahma yoaerucaina wahaja mari.

⁵ Cristo yaina jina, tiro mari puħtoro mehne yariaina seheta jina, to masa mujariro seheta mari cãhu masa mujanahca. Tí potocãta jira. ⁶ Cristo yaina ji ducana crusapu tiro mehne yariaina seheta wahai pari turi mari ñaare yoaerucuerahito sehe. Ā waharina jina ñaare yoaerucuerahito jina namo duasi mari. Tíre mari masija. ⁷ Yariariro cjiropure ñaare goa pjaa mariaha. Ā jiro tiro cjiro ñaare to yoa duhuriro seheta tí ñaa sehe tirore to dutipe namoeraboro seheta tí ñaare duhura tiro. ⁸ Cristo mehne yariaina yoaeraro sehe jina, to masa mujariro seheta mari cãhu masa mujanahca. “Tí potocã tjira”, ni tuhotuja mari. Ā jina tíre mari masa mjahtire wacũ cohtaja mari. ⁹ Cristo to yaria masa mujari

baharo ne pari turi yariasi. Ā catirucuriro jira tiro. Tíre mari masija. ¹⁰ Ā jiro Cristo cã tahata yariaro, masa ti ñaa yoaer buhirire cohãno taro yariaha. To masa mujari baharo Cohamacu to cahmano seheta yoaerucuerahito jira tiro. ¹¹ Tiro yoaeraro seheta musa cãhu õ sehe ni tuhotuga: “Yariaina cjiri ti yoaeraro seheta mari cãhu ñaare yoa duaeraja. Jesu yaina jina Cohamacu to cahmano seheta yoahtina cjihtita jina nija mari cãhu”, ni tuhotuga musa.

¹² Ā jina musa variahtina jina ñaare yoaerucuerahito jina tjiga. Ā jina musa ñaa yoaer goa pjapanahca tíre ã tuhotunocahga. ¹³ Ñaare yoaer jina tjiga. Musare pichacapu wahaborinare Jesu to yuħdorina jira musa. To ã yoaer jina Cohamacu cahmaa dihtare yoaer jiga musa. Ā jina noaer yoaer jiga musa. ¹⁴ Mipure Cohamacu Moise cjirore to dutia mehne marine dutierara. Cohamacu marine cahĩno tiro sehe marine dutira. Ā jina to yoadohoro mehne ñaare yoa duasi mari.

Musa ñaare yoaerucuerahito tí ñaa musa puħtoro yoaer sehe jira

¹⁵ ¿Yu ã nichu dohse ni tuhotujari musa? ¿Cohamacu sehere yuhtihina jina Moise cjirore to dutiare yuhtihina jierana, ñaare yoaerucubocari mari? Jierara. ¹⁶ ¿Ahrire masierajari musa? Musa noano yuhtiriro musa puħtoro jira. Ā jina to cahamaca jira musa. Musa ã yuhti musa puħtoro tiriro seheta ñaare yoaerucuerahito musa jichu tí ñaa yoaer musa puħtoro yoaer sehe jira. Ā jina ñaare duhu masierara musa. Ā jiina jina pichacapu wahahtina jira musa. Cohamacure noano ño payoer jina pinihta, to cahamaca jira musa. Ā jina to yaina noaina jira musa. ¿Tíre masierajari musa? ¹⁷ Panopu ñaare yoaerucuerahito musa jichu tí ñaa yoaer musa puħtoro yoaer sehe jimare. Mipure sehere noaer buheare tuhona Jesure wacũ tuana Cohamacure noano ño payoer wahare musa. Musa ã wahachu ñuna Cohamacure “Noana”, nija. ¹⁸ Ā wahaana mipure ñaa ti dutiriro cjiro seheta yoaerara musa. Ā jina Cohamacu cahamaca jina noaer sehere yoaer musa. ¹⁹ Cahamaca

ti p̄ahtoare ti noano ño payoare masi pah̄ñona m̄usa. Ñ jic̄u tí m̄usa masiri mehne tí mehne piti dahre buhehi m̄usare ahri buheare noano masieraina m̄usa jich̄u ñ̄uc̄u. Panop̄u ñaare yoarucuina jimare m̄usa. M̄usa ã yoarucuriro seheta mip̄u sehere noaare yoarucuina jiga m̄usa. Ñ jina Cohamac̄u cahmaa dihtare yoanahca m̄usa.

²⁰ Panop̄u ñaa dihtare yoaina jina, noaa sehere yoaera tire m̄usa. ²¹ ¿Tí p̄jap̄ure ñaa dihtare yoana dohse jirore wapatarí m̄usa? Tí m̄usa ñaa yoarire wac̄una mip̄ure b̄uo tica m̄usa. Tí ñaare m̄usa yoari buhiri pichacap̄u wahaboa m̄usa. Ñ jina ñaare yoana ne wapataerara. ²² Mip̄u sehere m̄usa ñaa yoarire duhuna Cohamac̄u cahmaca wahare m̄usa. Ñ jina Cohamac̄u cahmaa dihtare yoaina jinahca. Ñ jina jipihtia dachoripe Cohamac̄u mehne jirucunahca. ²³ Ñaare mari yoari buhiri pichacap̄u wahahtina jija jipihtina mari. Mari ã jipach̄uta mari p̄ahtoro Jesucristore mari wac̄u tuach̄u ñ̄uno, jipihtia dachoripe tiro mehne marine jirucuch̄u yoarohca. Mari ã jirucuh̄tore ã wanocanohca.

7

Cohamac̄u Moise cjirore to dutiare yahu namoha Paulo tjoa

¹ Ȳu coyea, Cohamac̄u Moise cjirore to dutirire noano masina m̄usa. Mas̄uno to catisinich̄u tí dutiare ȳhd̄ur̄ca dutierara. To yariari baharo pinihtare tí dutiare yoaro mariahna. Tí c̄uh̄re masina m̄usa. ² Õ sehe jira: Numinore to man̄no to catiro puro tiro mehne dihta ji dutira Cohamac̄u Moise cjirore to dutiri sehe. To ã dutipach̄uta to man̄no to yariari baharo ticoro sehe pairore man̄u ti masina. Ticoro tí dutia mehne ji namoerara. ³ Ñ jiro to man̄no to jipach̄uta ticoro pairore man̄u tiro, ñano yoaricoro jira. Wiho mejeta to man̄no to yariari baharop̄u pairore man̄u tiro, Cohamac̄u dutiare ȳhd̄ur̄caerara ticoro ã yoaricoro. Ñ yoaro ñano yoaricoro jierara ticoro.

⁴ M̄usa c̄uh̄u ȳu coyea Jesu yaina wahaana, Jesu to yariach̄u, m̄usa c̄uh̄u tiro

mehne yariaina seheta wahare. Ñ jina yariaina cjirore dutia ti marieno seheta Moise cjirore to dutia to c̄uri cjiri m̄usa c̄uh̄re mariahna. Tí dutia m̄usare dutierara. To man̄no to yariari baharo, pairore man̄u tiricoro yoaro seheta m̄usa c̄uh̄u panop̄u m̄usare dutimarire duhu, Cristo mehne jira, ticoro paio mehne to jiro seheta. Ñ jina mip̄ure to yaina jira m̄usa. Tiro sehe to yariari baharo masa m̄ajari jire Cohamac̄u cahmaare mari yoah̄to cjihtore. ⁵ Panop̄u ñaare mari m̄u s̄uro yoaa timai. Ñ jina Cohamac̄u Moise cjirore to dutirire mari masiri baharo tí dutiare ȳhd̄ur̄ca duamai. Tí dutia mariach̄u ȳhd̄ur̄ca duaeraboa. Ñ jina tí dutiare mari masiri baharo ñaare tuaro yoamai mari. Ñ mari ñaare yoana mari pichacap̄u wahahtinata jia timai. ⁶ Ñ wahahtina jipanahta Cristo yaina jina mip̄ure tí dutia mehne jieraja mari. Ñ jiro Esp̄iritu Santo mari mehne jiro marine noaa sehere cohtotach̄u yoara. To ã yoach̄u panop̄u macaa dutia m̄una dutia to joari cjiri tí mehne jieraja mari mip̄ure.

To ñaa yoari cjirore yahuha Paulo

⁷ ¿Ñ jina Cohamac̄u Moise cjirore to dutirire dohse nibocari mari? ¿Tí to dutia ñaa jicari, m̄usa t̄hotuch̄u? Jierara. Tí ȳh̄ure to dutiri mehne ñaare masii. Ñ jic̄u to dutia mariach̄u ñaare masieraboa ȳh̄u. To dutia ò sehe jira. “Paina yap̄ure tuaro cahmaena tjiga”, niha to dutia. Ti ã nierach̄u paina yap̄ure tuaro ti cahmari ti ñaa jich̄u masieraboa ȳh̄u. ⁸ Ñ jic̄u tí dutiare ȳu masiri baharo paina yap̄ure tuaro cahmaa tii ȳh̄u. Tí dutiare masierasinic̄u paina yap̄ure tuaro ȳu cahmari ti ñaa jich̄u masieraboa ȳh̄u. ⁹ To dutiare ȳu noano masihto pano ã t̄hotunocai. To dutiare ȳu masiri baharo pinihta tuaro ñaare yoa duamai. Ñ jic̄u pichacap̄u ȳu wahahtore masia tii. ¹⁰ Ñ jia Cohamac̄u dutiare ȳhd̄ur̄caeraa masa tiro mehne noano jirucuboa. Ñ jia tí dutia sehe noano jirucuch̄u yoabori dutia jipahta ȳu ȳhd̄ur̄cari buhiri ȳh̄ure pichacap̄u waha dutimare. ¹¹ Ñ jic̄u ñaare yoac̄u Cohamac̄u Moise cjirore to dutiare ȳhd̄ur̄ca duamai. Ñaare goa p̄jariro

jic̄a noaare masierahi. Tí ñaa yuh̄are do-
jomehnere. Ñ jic̄a noano masierahi. Ñ
masierac̄a Cohamac̄a dutiare yuh̄dur̄ac̄ai.
Ñ jic̄a to dutiare yu masiri baharo yu
ñaa buhirire pichac̄ap̄a yu wahabori-
rore masii. To dutia mehne ã masii.

¹² Ñ jia Moise cjirore Cohamac̄a to c̄uri
dulia noata jira. Ñ jia quih̄õno jiata nina
tí dutia. ¹³ ¿Ñ jipahta marine tí noaa dutia
sehe pichac̄ap̄a wahach̄a yoajari? Jierara.
Tóp̄a wahach̄a yoaerara. Mari ñaa yoaa
sehe marine pichac̄ap̄a wahach̄a yoara.
To dutiare mari masiri baharo tí dutiare
yuh̄dur̄ac̄ana ñaare yoana masija mari. Ñ
jina mari ñaina mari jiare masina mari
pichac̄ap̄a wahahto c̄uh̄are masija mari. Ñ
jina to dutiare masina mari yuh̄dur̄ac̄arire
tí ñaa yuh̄d̄ua jich̄a masija mari.

¹⁴ Cohamac̄a to dutiare Moise cjirore
c̄uha. Tí to c̄ua noaa tí jich̄a masija mari.
Wiho mejeta yuh̄a sehe paina yoaro seheta
ñariro jija. Ñ jic̄uta ñaare yoaruc̄uca yuh̄a.
¹⁵ ¿Dohse waharo nijari yuh̄are? Ne noano
masieraja yu yoaare. Yu yoa duaa sehere
ne yoaera, yu tuaro yoa duaeraa sehere
yoaja yuh̄a. ¹⁶ Ñaare yoa duaerap̄aihta
ñaare yoaja yuh̄a. Tíre yoac̄a Cohamac̄a
dulia noaa dutia tí jich̄a masija yuh̄a. ¹⁷ Ñ
jic̄a mip̄are yuh̄a waro tí ñaare yoaeramaja.
Wiho mejeta yu tuh̄otuar̄a jia ñaa tí sehe
yuh̄are ñaare yoach̄a yoara. ¹⁸ Noaare tu-
aro yoa duap̄aihta ne bihoeraja. Ahri
yahpa macariro jic̄a yu tuh̄otuar̄a ñaa dihta
jira. Ne noaa mariap̄utiara. Ñ jic̄a noaare
tuaro yoa duap̄aihta ne bihoeraja. Ñaa
sehe yuh̄are dojomehne m̄jana. ¹⁹ Noaa
yu yoa duaa sehere yoaeraja yuh̄a. Ñaare
yu yoa duaeraa sehere yoaja. ²⁰ Yu yoa
duaeraare yoac̄a mip̄are yuh̄a waro tíre
yoaeramaja. Yu tuh̄otuar̄a jia ñaa tí sehe
yuh̄are ñaare yoach̄a yoara.

²¹ Ñ jiro yuh̄are õ sehe wahara: Noaare
yu yoa duap̄ach̄uta yu tuh̄otuar̄a ñaa jira.
Ñ jic̄a noaa sehere ne yoa masieraca.
²² Cohamac̄a Moise cjirore to dutirire yu
tuh̄otua mehne tuaro cahma, quih̄õno yoa
duamaja. ²³ Ñ jic̄a yuh̄a ahrire yu basi
masija: Yu tuh̄otua mehne noaare Co-
hamac̄a dutiare yoa duaja. Ñ yoa duap̄ai-

hta yu basi ñaare tuaro yoa duaca. Yu m̄
s̄aro ñaare duhu masieraja yuh̄a.

²⁴ Ñ ñaare duhu masierac̄a pjac̄oriro jija
yuh̄a. Ñaare yoac̄a pichac̄ap̄a wahaih̄ca
yuh̄a. Cuenah. ¿Yuh̄are pichac̄ap̄a waha
dulia ñaare noa yuh̄are yuh̄dobasabocari?
²⁵ Jesucristore yu wac̄u tuach̄a tiro sehe ñaa
yu yoari buhirire yuh̄dobasarohca. To ã
yoach̄a Cohamac̄are “Noana”, nija yuh̄a. Ñ
jic̄a mip̄are yuh̄a yu basi yu tuh̄otua mehne
Cohamac̄a dutiare quih̄õno yoa duamaja.
Ñ yoa duariro jipac̄uta yu pjac̄a mehne yu
m̄ s̄aro ñaare duhu masieraja.

8

*Esp̄iritu Santore c̄uaina tí jia tiare
yahuha Paulo*

¹ Mip̄are Jesucristo yainare tí buhiri
tiboro mariahna. ² Ñ jiro Jesucristo
yairo yu jich̄a Esp̄iritu Santo ã catiruc̄uch̄a
yoariro ñaare yuh̄dur̄ac̄ach̄a yoara yuh̄are.
Ñaare yuh̄are yuh̄dur̄ac̄ach̄a yoaro yuh̄are
pichac̄ap̄a wahabori-rore yuh̄dore tiro.
³ Cohamac̄a Moise cjirore to dutiare mari
m̄ s̄aro ne yoa pah̄õsi. Ñ yoa pah̄õerana
yuh̄dur̄ac̄aina jija mari. Ñ jina tí dutia
yoaa mehne ne yuh̄d̄asi mari. Mari ã
jiina jipach̄uta õ sehe Cohamac̄a marine
yuh̄dorohca. To mac̄nore mari yoaro
seheta pjac̄a tihtirore warocaha, mari
buhiri tiare buhiri tihtiro cjihtore, marine
yariabasahtiro cjihtore. Ñ jiro mari
tuh̄otuar̄a jia ñaare tiro duhuch̄a yoari
jire. ⁴ Ñta yoare Cohamac̄a dutiare to tuaa
mehne mari bihohto cjihtore. To dutiare
bihoina jina mari m̄ s̄aro jieraja. Esp̄iritu
Santo to yoadohoa mehne to dutiro seheta
yoaja mari.

⁵ Ñaare yoa duaina, tí dihtare goa p̄ara.
Esp̄iritu Santo to dutiro seheta yoaruc̄uina
sehe tí to dutia dihtare wac̄u n̄n̄a, yoa
duara tina. ⁶ Ñaa dihtare goa p̄aa, wac̄u
n̄n̄aina pichac̄ap̄a wahaahca. Esp̄iritu
Santo to cahmano seheta tuaro yoa du-
aina sehe jipihtia dachoripe Cohamac̄a
mehne ã catiruc̄uahca. Ñ jia tina Co-
hamac̄a mehne noano jinocaahca. ⁷ Ñaa di-
htare goa p̄a, wac̄u n̄n̄aina Cohamac̄are

ñu tuhtira. Tina Cohamacu dutiare ne yuhtierara. To dutiare yuhti duaerara. Yuhtia cãhu bihoeraboa tina. ⁸ ã jia ti mũsũro yoaina Cohamacure wahchechu yoa masierara.

⁹ Wiho mejeta mũsa sehe mũsa tuhotuapũ jia ñaare yoerara. Espĩritu Santo mũsa mehne to jichũ to cahmano seheta yoara mũsa. ã jia Espĩritu Santore cãueraina sehe Cristo yaina jierara.

¹⁰ Mũsa sehe to yaina jira. Mũsa ñaa buhirita mũsa pjacũri yariara. ã mũsa pjacũri yariahtina jipanahta Cristo mũsa mehne to jichũ tiro mehne to ya catia mehne ã catirucunahca mũsa. Cohamacu mũsare “Buhiri marieina, noaina jira”, to ni ñũchũ mũsa tiro mehne ã jirucunahca.

¹¹ Cohamacũta Jesure masori jire. ã masoriro jiro Espĩritu Santo mari mehne to jirucuchũ mari yariari baharo Cohamacu mari cãhũre masonohca. ã masono wahmaa pjacũri wahachũ yoarohca marine. Jesure to masoriro seheta masonohca mari cãhũre.

¹² Yu coyea, to ã yoachũ ñũna ñaa mari goa pjarire yoarena tjijihna. ¹³ Mari ñaare yoaina jina, pichacapũ wahahtinata jinocanata nija. Espĩritu Santo to yoadohoa mehne ñaa yoare duhuna, jipihtia dachoripe Cohamacu mehne jirucunahca.

¹⁴ Jipihtina Espĩritu Santore yuhtiina Cohamacu pohna jira. ¹⁵ Espĩritu Santo mari mehne to ji dũcachũta Cohamacu pohna ji dũcai. Wiho mejeta tiro marine dutipe, dahrachũ yoahrtiro jierara. ã jina panopũ mari cuiriro sehe mipũ sehere mari cuieraja. To pohna jina, Espĩritu Santo to yoadohoa mehne mipũre “Yu Pũcu”, nija mari Cohamacure. ¹⁶ ã jiro Espĩritu Santo mari wacũapũ marine õ sehe ni masichũ yoara: “Potocãta Cohamacu pohna jija mari”, ni masichũ yoara. ¹⁷ ã jina to pohna jina, Cohamacu jipihtiare to pohnare “Waihtja”, to nirire mari sehe cãuanahca. Jesucristo cãhu cãua, mari cãhu cãuanahca tĩre. Cristo yare mari yoari buhiri ñano yũhdũina jina mari tiro mehne mũanopũ noano wahchea mehne jinocanahca. ã jina Cohamacu to pohnare to “Waihtja”, to nirire cãuanahca mari Cristo mehne.

¹⁸ Mipũre ahri yahpai ñano yũhdũsinija mari. Baharopũre mari mũanopũ noano jinocanahca. ã jina mipũre ñano yũhdũna, pjĩro cahya tuhotuena tjijihna. Ahri mari ñano yũhdũa wiho waro jira. Baharo noano jinocanahca Cohamacu mehne. ã jina tuaro wahchenahca. Ahri pini wiho waro jierara. ¹⁹ Cũ nũmũ Cohamacu to pohnare cohtotarohca. Buhiri marieina, yariaerahtina, noaina waro jichũ yoarohca marine. Mari ã wahachũ jipihtia Cohamacu to bajuamehneri cjiri cãhu wahma dihta cohtota pihtia wahaahca. ²⁰ Jipihtiropũre to bajuamehneri noaa ti jiborire dojomehneha masũno ñano yoa dũcaro. Ti mũsũro ã wahaeraha. Masũno Cohamacure to yũhdũrucaro mehne to bajuamehneri ã waha. ã jiro Cohamacu to bajuamehneri cjirire ãta ñano ji dutisiniha. Baharo to bajuamehneri cjirire noaa wahachũ yoarohca tjoa tiro. ²¹ ã jiro Cohamacu to bajuamehneri cjirire baa pihtiborire noaa wahachũ yoarohca tjoa. Cohamacu pohnare noaina to wahachũ yoariro seheta, tinare noano to yũhdoriro seheta noaa wahachũ yoarohca Cohamacu to bajuamehneri cjirire cãhũre. ²² Jipihtia Cohamacu to bajuamehneri cjiri ñano ti ji dũcari baharo ñano yũhdũa tiha. Numino niji wahcõno to ñano yũhdũro seheta to bajuamehneri cãhu dachoripe ñano yũhdũrucura. Tĩre mari masija. ²³ ã yoa mari cãhu to bajuamehneri cjiri yoaro seheta ñano yũhdũja. To yaina mari wahachũ, Cohamacu to yairo Espĩritu Santore dóihta ware marine. ã jina “Waihtja”, to niriro seheta sohtori tirohca”, ni masija mari. ã jina noaa sehere marine to cohtotahtore tuaro waro cohtaja. ã yoa to pohna mari tiro mehne mari noano jihto cãhũre tuaro cohtaja mari. Tuhsũ, wahma pjacũre marine to wahto cãhũre tuaro cohtaja. ²⁴ Mari ã cohtaina jichũ, tirota marine pichacapũ wahaborinare yũhdore. Tiro cahapũ jirina jina tiro cahapũre mari wahahtore cohtaeraboa mari. Marine to yũhdo tuhsũri baharo tĩre cohta namoeraboa. ²⁵ ã jina to wahtire ñũerapanahta Cohamacu marine

to yuhdohtore cohtana, noano mehne ã cohtarucuja.

²⁶ Æ yoa Cohamacure wacũ tuaera cureina to cahmaare noano masieraina jija mari Æ jina tirore quihõno siniina cũhũ jieraja mari. Wiho mejeta mari ã jiina jipachuta, Espiritu Santo sehe marine yoadohora. Marine tuaro pja ñũno mari ya cjihtire durucuro marieno to tũhotua mehne tiro Cohamacure tuaro sini payobasara. ²⁷ Cohamacu to cahmano seheta mari Jesu yaina ya cjihtire sini payobasara tiro Espiritu Santo. To ã sini payobasachũ Cohamacu mari tũhotuare masi pahñoriro jiro, Espiritu Santo to sini payobasaare masina.

Cristo to tuaa mehne ñaa yoaare yuhduhũcanahca mari

²⁸ Ahrire yũ yahutire masija mari: Jipihitina Jesure cahĩna mari jichũ to cahmaare yoahinare besere marine tiro. Æ jiina mari jichũ ñũno Cohamacu ã yoadohorucura marine. Æ jina mari ñano yuhduhũpanahta ñano yuhduhũrucu dojoaeraja. Æ jina Cohamacu yoadohoro mehne noano jinahca mari. ²⁹ Cohamacu marine to yaina cjihtire dóirũta masi, bese tuhsaha. Æ besero to macũno Jesu to yoaro seheta jihtina cjihtire marine cũha, payũ masa to macũnore mari wahmi tihto cjihtore. ³⁰ Panopũ to yaina to ji dutirina mari jichũ, to pohna mari jihtina cjihti cũhũre beseha marine. Æ jiro marine to beserinare tiro “Buhiri marieina, noaina jira”, ni ñũre. Marine to ã niinare tiro yoaro sehe jihtina cjihtire tiro mehne mũanopũ noano jichũ yoarohca Cohamacu.

³¹ Tíre masina õ sehe tũhotuja mari: Cohamacu marine to cahĩinare ne paina ñũ tuhtia bihosi. ³² Cohamacu mari ya buhirire yariahtirore to macũnore warocaha. “Yũ macũre cahĩja. Æ jicũ tirore warocaeraja”, nieraha tiro. Marine ã tuaro yoadohoriro jiro, jipihtia marine duhsarire wa pahñonohca. ³³ Cohamacu to beseina mari jichũ, tiro marine “Ñaa buhiri marieina, noaina jira”, ni ñũre. Mari ã jiina jichũ paina marine “Ñaina jira”, ne ni yahusã masierara. ³⁴ Cristo

mari ya buhirire yaria masa mũajaha. Mipũre Cohamacu poto buhũsehe sehei jira pũhtoro jiro. Æ jiro tiro mari ya cjihtire potocãta sini payoro nina Cohamacure. Æ jia paina sehe marine ne buhiri dahre duti masierara Cohamacure. ³⁵ Cristo marine to tuaro cahĩchũ paina tirore “Cahĩ tija”, ne ni masierara. Cahĩ duhusi tiro. Mari ñano yuhduhũpachuta, mari cuipachuta, paina marine ti ñano yoapachuta, mari jũca baapachuta, suhti marieina mari jipachuta, nu cuaroi mari jipachuta, marine ti wajãpachuta Cristo marine ã cahĩrucurohca. ³⁶ Cohamacu yare ti joari pũi mari ñano yuhduhtore yahuro, õ sehe nina: “Mũ yaina sã jichũ masa ñũ jicoaeraa, ti wajãhtina ã jirucunata nija.

Oveja ti wajãhtina ti jiriro seheta sã cũhũre ã wahara”, ni joaa tiha Cohamacu yare ti joari pũi.

³⁷ Æ jina mari ñano yuhduhũpanahta Cristo marine cahĩiro to yoadohoro mehne tí jipihtiare yuhduhũ witinahca. Æ yuhduhũna to yare ne duhusi mari. ³⁸⁻³⁹ Jesucristo yaina mari jichũ ñũno Cohamacu sehe marine tuaro cahĩna. Æ jiro tiro marine ne cahĩ duhusi. Mari yariachũ cũhũre, mari catichũ cũhũre, mipũre, baharopũ cũhũre, tiro marine cahĩ duhusi. Æ yoa anjoa, watĩa pũhtoa, ahri yahpa macaina pũhtoa, mũano macaina, ahri yahpa macaina cũhũ marine Cohamacure “Mũ yainare cahĩ tija”, nia bihosi tina. Cohamacu to ba-juamehneri cjihipũre tirore marine ne cahĩ duhuchũ yoaa mariahna. Marine ne tiro cahĩ duhusi.

9

Israe masa Cohamacu to beserina jira

¹⁻² Yũ coyeyã Israe masare wacũcu tuaro cahyaja. Cristore cahmaerara tina. Æ jicũ ñano cahya yajeripohna tija yuhũ. Tí yũ ã ni yahua potocãta jira. Yuhũ Cristo yairo tjija. Æ jicũ mũsare “Cahyaja”, yũ nia sehe potocãta jira. Mũsare ã nicũ mahñoi nieraja. Espiritu Santo yũ ã mahñoeachũ masino, yuhũre “Quihõno mũ cahyarire yahure mũhũ” ni, yuhũre masichũ yoare. ³ Israe masa yũ coyeyã yũ ya yahpa macaina pichacapũ wahaahca. Cohamacure tinare

yuhdo duti duacu õ sehe ni duamaca yuh sehe: “Ti ya buhirire yuh sehe pichacaru wahaihtja. ã jiro ti yaro jiborirore yuh sehere buhiri dahrejaro Cristo”, ni duamaca yuh. ⁴ Tina yu coyea Israe cjiro panamana ji turiaina jira. Tinare to pohna cjihtire cūha Cohamacu. Tuhsu, to si sitea mehne ti watoi jia tiha. Tinare jipihtinare to noano wahachu yoaa cūhare yahu cū mūhtaa tiha. Tuhsu, Moise cjirore to dutiri cūhare dóiputa tinare Israe masareta cū mūhtaa tiha. Tirore ti ño payohti macaa cūhare tinareta cū mūhtaa tiha. Tuhsu, masare to yuhdohto cūhare yahu cūa tiha tinare Cohamacu. ⁵ Sã ya curuari waro doce curuari waro jira. Sã ñuchusuma ji mūhtarina cjiropu ti panamana jia tiha. Ti panamana ji turiainaru jija sã Israe masa. ã jiro mari yoaro sehe pjacu tiriro taro, sã coyeiro Israe masano waro jire Cristo. Tiro Cohamacuta jira. ã jiro tiro jipihtina bui pūhtoro jira. Jipihtia dachoripe tirore noano ño payojihna mari. ã ño payorucujihna.

⁶ Paina Israe cjiro panamana ji turiaina jipahta Cohamacu yaina waro jierara. ã jina tina to yaina ti jierachu ñuna õ sehe ni tūhotuboca mūsa: “ ‘Israe masare yu yaina jichu yoaihtja’, niparota cāinare Cohamacu to niriro seheta yoerara”, ni tūhotuboca mūsa. ã ni tūhotuena tjiga. ⁷ Õ sehe jira: Paina Abrahã panamana ji turiaina ti jipachuta “Abrahã panamana ji turiaina waro jira”, ni ñerara Cohamacu tinare. ã jiro õ sehe nia tiha Cohamacu: “Mu macu Isaa panamana ji turiaina tina pinihta potocãta mu panamana ji turiaina waro jiahca”, ni yahu cūa tiha Cohamacu Abrahãre. ⁸ To ã ni yahu cūchu ahrire masinahca mari: Abrahã cjiro panamana jipihtina waro Cohamacu pohna jieraca. Cohamacu to ni cūrire noano tūhoina tirore wacū tuaina sehe tinata jica Cohamacu pohna. ã jia tinata jira Abrahã cjiro panamana ji turiaina waro.

⁹ Õ sehe niha Cohamacu Abrahã cjirore: “Pa cahma ahri pja baroihta yu tjua tachu mu namo Sara wihãrirocãre cjarohca mu macure”, nia tiha Cohamacu Abrahã cjirore. ã nino Cohamacu Abrahã cjiro

macano to masa bajuahtore yahu cūyuro nia tiha.

¹⁰ Baharo Isaa cjiro namono Rebeca wama tiricoro pūaro pohna tia tiha. Ti pūcuro Isaa sã ñuchu cjiro jia tiha. ¹¹⁻¹² ã jia ti pohna ti masa bajuerasinipachuta, noaare, ñaa cūhare ti yoerasinipachuta Cohamacu ti pocoro cjihtore õ sehe nia tiha: “To baharo sehe to wahminore dutirohca. ã jiro to pūhtoro jirohca”, nia tiha ticorore. Cohamacu to cahmano seheta besera tiro. ã jiro jiro cãirocãre besero ticorore ãta ni yahua tiha. ã jiro masa ti yoare ñeraparota to cahmano seheta tiro to yaina cjihtire besera. ¹³ ãta ni joaa tiha to yare ti joari pūi: “ ‘Jacobó sehere cahãa tihi. Esaú sehere cahãera tihi’, niha Cohamacu”, ni joaa tiha panopu.

¹⁴ ¿Tíre wacūna dohse ni tūhotubocari mari? ¿Ti yohtire ñeraparota cãirore ã besero Cohamacu quihõno yoaro nierabocari, mūsa tūhotuchu? Jierara. ¹⁵ Õ sehe nia tiha Cohamacu Moise cjirore: “Diro yu pja ñu duarirore pja ñuihtja”, nia tiha tiro Moise cjirore. ã jiro cãirore ã besero quihõno yoaro niha Cohamacu. ¹⁶ ã jina mari mu sūro mari cahmano sehe Cohamacure marine pja ñuchu yoeraja mari. Tuhsu, ne mari noaare mari yoari wapa cūhare marine pja ñerara tiro. To mu sūro to pja ñu duaina sehere pja ñuna. ¹⁷ Egipto macaina pūhtoro faraõ cūhare to cahmano seheta yoaa tiha tiro. Õ sehe nia tiha Cohamacu faraõre: “Egipto macaina pūhtoro cjihtore cūi nii mūhare yu tuare jipihtinare yu ñohto cjihtore. Tuhsu, jipihtia yahpari macaina yūhare ti masihto cjihtore pūhtoro sõi nii yuh mūhare”, nia tiha Cohamacu faraõre. Tó seheta nina Cohamacu yare ti joari pūi. ¹⁸ ã jiro to pja ñu duainare to mu sūro pja ñuna tiro. Tuhsu, paina sehere to mu sūro yūhtierachu yoara tiro. To cahmano seheta yoara tiro.

¹⁹ To ã yoariro jichu ñuna yuh sehere õ sehe niboca mūsa: “Cohamacu marine to cahmano seheta to yoachu mari sehe tirore yūhdurucana bihosi. ¿Mari ã yūhdurucana bihoerapachuta dohse jiro baro marine buhiri dahre duajari tiro?” ni susini sinituboca mūsa yūhare. ²⁰ Tíre õ sehe ni

yũhtija m̄sare: ¿Masa wiho jiina jipanahta Cohamac̄re tuhtijari m̄sa? Dihi biato dahrerirore “¿Dohseac̄u yũh̄ure õ sehe jiri biato yoari m̄h̄u?” tí biato to ni sinitu-boriro seheta nina nica m̄sa Cohamac̄re. Tó sehe ni masierara m̄sa. ²¹ Dihi biato dahreriro dihi mehne to yoa duaro seheta yoara. ã yoaro c̄uria dihica mehne noaare c̄ũhti biatore yoa masina tiro. Tia dihica mehmeta wiho jiare c̄ũhti biato c̄h̄ure yoa masina tiro. Tiro yoaro seheta Cohamac̄u c̄h̄u to yoa duaro seheta yoara.

²² ã jiro Cohamac̄u pichac̄ap̄u to cohãhtinare ti ñaa yoarire to ñu yabiare, to tuaa c̄h̄ure ñono taro, tinare dói buhiri dahre duamaha. ã dói buhiri dahre duaparota, yoari pja ti ñaa yoaare ã ñnocasiniha. ã jiro tinare buhiri dahrerasiniha. ²³ ãta yoaha Cohamac̄u noabiariro to jiare, to tuaa c̄h̄ure mari masihto cjihtore. Panop̄u marine to pja ñina cjihtire tiro beseri jire jipihtia to tuaare to noaa c̄h̄ure mari c̄h̄ahto cjihto sehe. ²⁴ ã jina mari sehe to beserina jinata nija. ã jia to beserina sehe c̄aina judio masa dihta jierara. C̄aina judio masa jieraina c̄h̄u jira to beserina. ²⁵ ãta nina judio masa jierainare Cohamac̄u yare Osea cjiro to joariro seheta:

“Pano yu yaina jieraina cjiri c̄h̄ure baharop̄u tinare ‘Yu yaina jira’, nihtja.

ã yoa pano yu cah̄eraina cjiri c̄h̄ure baharop̄u tinare ‘Yu cah̄ina jira m̄sa’, nihtja”, nia tiha Cohamac̄u.

²⁶ “ ‘Yu yaina jierara m̄sa’, Cohamac̄u to nia yahpari macaina tina Cohamac̄u catiriro pohnata jiahca”,

ni joaa tiha Osea cjiro panop̄ure. ²⁷ Tuhs̄u, panop̄u macariro Isaia cjiro c̄h̄u Israe masare õ sehe ni yahua tiha: “Pjiri ma macaa pad̄u yaparic̄are mari quihõna bihoeraja. Israe masa tí yaparic̄a peri paȳu ti jiro sehe jiina ti jipach̄ata mahainac̄ã Cohamac̄u yũhdorohca tinare. ²⁸ Cohamac̄u ahri yahpa macainare paȳu masare to nino seheta cjero mehne potoc̄ãta buhiri dahre bahrañonohca”, nia tiha Isaia cjiro. ²⁹ ã yoa pari turita Isaia cjiro õ sehe ni joaa tiha tjoa:

“Mari p̄htoro jipihtina bui p̄htoro mahainac̄ã mari mehne macainare yũhdoeraro, marine judio masare jipihtinare butich̄u yoaboa tiro.

Sodoma macainare, Gomorra macaina c̄h̄ure to butich̄u yoariro seheta mari c̄h̄ure butich̄u yoaboa tiro”, ni joaa tiha Isaia cjiro yu coyera Israe masare.

Judio masa noaa buheare cahmaeraha

³⁰ ã tjira. ã jina ahrire masi namoga m̄sa: Judio masa jieraina Cohamac̄ure macaerapahta tirore bocare. Jesucristore ti wac̄u tuach̄u ñno, “Buhiri marieina, noaina jira”, ni ñure tinare Cohamac̄u.

³¹ Wiho mejeta judio masa sehe “Cohamac̄u dutiare mari yoach̄u tiro marine yũhdorohca”, nia Cohamac̄u Moise cjirore to dutiare yoapahta, bihoerare. Ti ã bihoerach̄u ñno, Cohamac̄u “Noaina jira”, ni ñerare tinare. ã jia noaina ji duapahta bihoerare. ³² Õ sehe yoaa, tina bihoerare: Tina Cohamac̄ure wac̄u tuaro marieno ti m̄ s̄uro Moise cjirore to dutirire yoa duamare, to yaina ji duaa. Mari piti dahre buhech̄u Cristo tãca yoaro sehe jiriro jira. Ti m̄ s̄uro yoainare Cristo p̄ha tu borach̄u yoari tãca yoaro sehe jiriro jira. M̄roca wahc̄ãriro sehe tãcap̄u p̄ha tu, bora s̄u caharo to wac̄u wahc̄ãnop̄ure ne s̄erara. (P̄ha tu borariro yoaro seheta tina Cristore tãca yoaro sehe jirirore cahmaeraina Cohamac̄u cahap̄u ne s̄si.)

³³ ãta ni joaa tiha Cohamac̄u yare ti joari p̄i:

“Jerusalẽ wama tiri macai p̄ha tu borach̄u yoari tãca yoaro sehe jirirore c̄ja.

Mari piti dahre buhech̄u õ sehe jira: M̄roca wahc̄ãriro tãcap̄u doca wahã s̄u bora s̄u caharo to wac̄u wahc̄ãnore s̄erara.

Tãca yoaro sehe jirirore cahmaeraina sehe tiare p̄ha tu bora, ti wac̄u wahc̄ãnop̄ure ti s̄eraro seheta Cohamac̄u cahap̄u s̄si.

Wiho mejeta tirore wac̄u tuaina sehe tiro mehne ã wahcherucuahca”, ni joaa tiha.

10

¹ Y_u coyeya, Israe masare pichacap_u wahaborinare Cohamac_u to y_uhdohtore, tuaro y_u yajeripohna mehne cahmas_uamaja y_uh_u. ² Ā jic_u Cohamac_u tinare to y_uhdohto cjihtore sini payoja y_uh_u. ³ Tuhs_u, tinare Cohamac_u to noaina wahach_u yoaborire tina t_uho ñahaerare. Ā t_uho ñahaeraa, ti m_u s_uro noaare yoa duapahta bihoerare. Ti ã yoach_u tinare Cohamac_u to wac_u tua dutiriro seheta ti yoerach_u ñ_uno, tiro sehe tinare “Noaina jira”, ni ñ_uerare. ⁴ Wiho mejeta Cristore wac_u tuaina sehere “Noaina jira”, ni ñ_una Cohamac_u. Ā jina dutia yoa mehne y_uhd_ueraja mari. Cristo mehne y_uhd_uja.

⁵ Moise cjiro panop_u macariro ò sehe ni joaa tiha: “Cohamac_u to dutirire ne c_uno d_uhsaro marieno mari yoa pah_uñoch_u Cohamac_u y_uhdorohca marine”, ni joaa tiha tiro. ⁶⁻⁷ To ã ni joapach_uta mip_ure masa Cristore ti wac_u tuach_u ñ_uno Cohamac_u tinare “Noaina jira”, ni ñ_una. Tí buhea noaina ti wahach_u yoari buhea ò sehe ni yahura: Cristo to basi ahri yahpap_u wihi tuhs_uri jire. Tuhs_u, masa m_uja tuhs_uri jire. Ā jina ò sehe ni t_uhotuena tjiga m_usa: “¿Diro sehe m_uanop_u Cristore na tabasaro wahabocari marine to y_uhdohto sehe? ¿Diro sehe yariaina cahap_u Cristore masoba_u na tabocari? Tirore na taboriro mariaha”, ni t_uhotuena tjiga m_usa. ⁸ Ā sehe ni yahura Cohamac_u yare ti joari p_ui: “Cohamac_u ya buheare mari macach_u to buhea òi jira. To buheare masi tuhs_ura m_usa. Ā yoa to buheareta durucua tire m_usa”, ni joaa tiha. Tí buheare Cristore wac_u tuaa buheare masare yahuja s_u. ⁹ Tí buhea ò sehe ni yahura: “Jesu mari p_uhtoro jira”, ni mari yahuch_u, “Cohamac_u Jesure yariariro cjirore potoc_uta masore”, ni mari wac_u tuach_u, Cohamac_u marine pichacap_u wahaborinare y_uhdorohca. ¹⁰ Jesure mari wac_u tuach_u Cohamac_u sehe marine “Noaina jira”, ni ñ_unohca. Jesure mari wac_u tuaare painare mari yahuch_u tiro marine pichacap_u wahaborinare y_uhdorohca.

¹¹ Ā sehe nina Cohamac_u yare ti joari p_ui: “Cohamac_ure wac_u tuaina tirore ti wac_u tuaa mehne ne cahyasi”, niha Cohamac_u yare ti joari p_ui. ¹² Judio masare, judio masa jieraina c_uh_ure Cohamac_u c_uno potorita yoadohora. Mari p_uhtoro jipihtina bui p_uhtoro jira tiro. Ā jiro tirore to yoadohoare siniinare jipihtinare noano waro yoadohorohca tiro tinare. ¹³ Ā sehe ni joaa tiha panop_ure: “Y_u buhiri tiare coh_uabasa, y_uh_ure y_uhdoga’, ni mari p_uhtorore masa ti sinich_u tinare pichacap_u wahaborinare mari p_uhtoro y_uhdorohca”, ni joaa tiha Cohamac_u yare. ¹⁴ Wiho mejeta masa sehe Cristore wac_u tuaeraa, tirore ã ni sini masierara tina. Tuhs_u, to buhea c_uh_ure t_uhoeraa, tirore wac_u tua masierara. Ā yoa to buheare yahuriro mariach_u c_uh_ure t_ure tina masisi. ¹⁵ Tuhs_u, to buheare yahuhtinare Cohamac_u sehe to warocaerach_u to buheare yahu masierara. Ā ni joaa tiha Cohamac_u yare ti joari p_ui: “Noa buheare yahuhtina ti tach_u noano wahcheja mari”, ni joaa tiha panop_ure.

¹⁶ Tí ã ni joari jipach_uta masa pay_u noaa buheare t_uho duaerara. Āta ni joaa tiha Isaia cjiro: “Y_u p_uhtoro, tinare mari yahurire tina ne t_uho duaerare”, ni yahua tiha Isaia cjiro Cohamac_ure. ¹⁷ Ā jia masa noaa buheare t_uho Cristore wac_u tuare. Ti t_uho sehe noaa buhea sehe Cristo ya buhea waro jira.

¹⁸ Ā jic_u ahrire ò sehe ni sinitu ñ_u duaja m_usare: ¿Israe masa Cohamac_u yare t_uhoerari, m_usa t_uhotuch_u? Potoc_uta tina t_uho waro t_uhomare. Āta nina Cohamac_u yare ti joari p_u c_uh_u:

“Cohamac_u noa putiariro to jia tiare yahuina jipihtirop_u yahu sitea wahare.

Ā jia jipihtiro macainap_u to yare t_uho sahseare”,

ni joaa tiha panop_ure. ¹⁹ Pari turi m_usare ò sehe ni sinitu ñ_u duaja tjoa: ¿Israe masa t_uhopahta noano masierari tina, m_usa t_uhotuch_u? Masia timaha tina. Ahrire yahu namoc_u Moise cjiro to nirire yahu m_uhtaihtja. Ā sehe ni joaa tiha tiro:

“Ā sehe ni yahura Cohamac_u Israe masare: ‘T_uho masieraina, ñ_una jira”, ni

musa ñina sehere yu yaina cjihti wahachu yoaihtja.

Yu ã yoachu musa sehe tina mehne sua, tinare ñu tuhtinahca.

Ã yoacu musare suachu yoaihtja yuhu', ni yahure Cohamacu Israe masare Israe masa jierainare to yaina jichu yoaro taro",

ni joaa tiha Moise cjiro. ²⁰ Tuhsu, Isaia cjiro cãhu cuiro marieno õ sehe nia tiha:

"Õ sehe nina Cohamacu: 'Yuhure macaeraina sehe yuhure bocahre.

Ã jicu yuhure cahmaerainare tinare yuhure masichu yoahi yuhu', nire Cohamacu",

ni joaa tiha Isaia cjiro judio masa jierainare. ²¹ Tuhsu, Israe masa sehere õ sehe ni joaa tiha Isaia cjiro: "Õ sehe nina Cohamacu: 'Tina yuhure yuhdurucaina, yuhure cahmaeraina jira. Ã jicu tinare ti ñaare cahya duticu "Yu yaina wahaga", ã nirucumai tinare. Wiho mejeta tina sehe yuhure ne yuhti duaerare', nire Cohamacu", ni joaa tiha Isaia cjiro.

11

Mahainacã Israe masare pichacapu waborinare yuhdorohca Cohamacu

¹ ¿Ã jiro Israe masare Cohamacu to beseina cjirire cohãno niri tiro, musa tuhutchu? Jierara. Tinare cohãerare tiro. Yuhu cãhu Israe masano, Abrahã panamino ji turiaropu jija. Benjami ya curua macariro jija yuhu. ² Panopure Israe masare to ya curua macaina cjihtire Cohamacu besea tiha. To ã beserinare cohãerare. Cohamacu yare ti joari pui Elia cjiro ya quitire yahura. ¿Elia cjiro Cohamacure sinino, Israe masare to yahusãre masierajari musa? Õ sehe ni yahusãha tiro: ³ "Yu puhtoro Cohamacu, tina Israe masa mu yare yahu muhtainare wajãre. Tuhsu, tinata paina muhure ño payoa taa, wahiquinare wajã ju muoa tuhuri cãhure cohãre. Ã jicu yuhu dihta mu yairo duhsaja mipure. Yu ã jichu tuhoa yuhu cãhure wajã duara tjoa, mipure", niha Elia cjiro Cohamacure. ⁴ To ã nichu tuhoru Cohamacu sehe õ sehe ni yuhtiha Elia cjirore: "Siete mil waro mu yaina jira

mipure. Tinare wihboi yuhu. Tina yu yaina sehe Baal wama tiri masure ne ño payoera tire tina. Ã jicu cuii tjiga muhu", nia tiha Cohamacu Elia cjirore panopure. ⁵ Ti pjare Elia cjiro to jia tiri pjarure to yaina masare to beseriro seheta mipu cãhure mahainacã Israe masare to yaina cjihtire besere Cohamacu. Cohamacu tinare cahmano tinare pja ñano besere. ⁶ Noaare ti yoari wapa tinare besero nierare. Tinare ã cahmano, pja ñano besere. "Noaare musa yoari wapa musare beseihtja" nino, tiro tinare potocãta pja ñano nieraboa.

⁷ Ã yoa õ sehe jira: Israe masa Cohamacu tinare "Noaina jira", to ni ñuchu yoa duapahta tina cãno pjaerare. Wiho mejeta Cohamacu to basi to beserina sehe noaina to yaina wahare. Tirore cãno pjaeraina sehe to yare tuho duaerare. ⁸ Ãta nia tiha Cohamacu yare ti joari pui:

"Cohamacu tirore cahmaerainare to yare tuho ñahaerachu yoare.

Ã jiro potocã jiare ti tuhopachuta tinare ne noano tuho ñahaerachu yoare Cohamacu.

Ãta jirucura tina mipu cãhure",

ni joaa tiha panopure. ⁹ Ã yoa panopu macariro Davi cjiro Israe masa Cohamacure ti cahmaerari buhiri õ sehe nia tiha Cohamacure:

"Tina Israe masa ti bese numuri, ti wahchea numuri ti yuhdoro wato, yurica ñahñoriro to ñano yuhdoro seheta tina cãhure ñano yuhduru yoaga.

Tó sehe yoainare tinare ñano buhiri dahrega muhu.

¹⁰ Tuhsu, mu yahuare tinare ne tuho ñahaerachu yoaga muhu.

Ã buhiri tirucuina ji, ã cahyarucuina jijaro tina",

nia tiha Davi cjiro Cohamacure.

Judio masa jierainare pichacapu waborinare yuhdorohca Cohamacu

¹¹ ¿Judio masa Cristore ti cahmaerachu ñano, Cohamacu tinare cohãno warota nibocari, musa tuhutchu? Cohãsi tinare. Æ cohãeraparota tina Cristore ti cahmaerachu mipure judio masa jieraina sehere Cohamacu yuhdorohca. Mipure tinare

to yaina jichu yoare Cohamacu. To ã yoachu ñua cãina judio masa sehe tina mehne sua sayo, Cohamacu yainata ji du-aahca. ¹² Judio masa ti yuhdurucachu ti noano yoerachu paina sehere ahri yahpa macainare cãinare Cohamacu yuhdore. To ã yuhdochu tina sehere noano wahare. To ã yoariro yuhdoro, baharo judio masa sehe Cristore ti noano wacũ tua ducachu pinihtare ahri yahpa macainare jipihtiroputare noaputiaro waharohca.

¹³ Mipare musare judio masa jierainare yahui tai nija. Cristo cũre yuhure judio masa jierainare buhehtiro cjihtore. Æ jia yu dahraa sehe wiho jia jierara. ¹⁴ To cũriro seheta yuhu musare buheja, yu coyea judio masa sehere musare ti ñu cũchu yoa duacu. Cohamacu yuhdorina musa jichu ñua tina cãhu Cristore cahmaa, to yuhdoina wahaboca. ¹⁵ Judio masare cohãbo curero, judio masa jieraina sehere noaa buheare Cohamacu yahu dutire. Tí buheare ti tũhori baharo Jesure ti wacũ tuari baharo cãina judio masa jieraina, jipihtiro ahri dacho macaina Cohamacu yaina wahare. Æ jiro judio masare to cohãbo curechu noano wahare paye yahpari macaina sehere. To ã yoariro yuhdoro judio masa to cohãbo cureina cjrire pari turi to yaina cjihti to yoachu pinihtare jipihtinapare ahri yahpa macainare noaputiaro waharohca. To yaina cjihti pari turi ti wahachu, jipihtinapare to yaina yariaina cjiri sehe pari turi ti masaboro seheta jirohca.

¹⁶ Õ sehe jira: Trigo yubu mehne wahma pãoca ti yolaria Cohamacu yaria cjihto Cohamacure ti wachu, tiare ti yoa dahari yubu cãhu to yariata jira. Tuhsu, yucucu nuhcori cãhu Cohamacu ya nuhcori cjihti jia, tu dũpuri cãhu Cohamacu yata jira. Õ sehe mari ni piti dahre buhechu Abrahã sã ñuchu cjiro Cohamacu yairo to jiriro seheta to panamana ji turianapare cãhu Cohamacu yaina jahca Cristore wacũ tuaina jia. Yoa dahari yubu cãhu to yariata jica. Tuhsu yucucu nuhcori cãhu Cohamacu ya nuhcori cjihti jia, tu dũpuri cãhu Cohamacu yata jica. Õ sehe mari ni piti dahre buhechu, Abrahã sã ñuchu cjiro Cohamacu yairo to jiriro seheta to panamana ji turianapare

cãhu Cohamacu yaina jira, Cristore wacũ tuaina jia.

¹⁷ Ti ã jihtina jipachuta cãinare ti coyea sehere judio masare Cohamacu cohãre. Olivo wama tidu dũpuri cãa dũpuri to dute cohãboro seheta cãina judio masa sehere Cohamacu cohãre. Æ yucucu dũpuri cohãno to cohãri dũpuri jiriro cjiroi paye dũpuri nucu macadu olivocu dũpuri cohtota duhu õhre. Tó yoaro seheta Cohamacu musare judio masa jierainare Abrahã panamana ji turianina cohtotare musare, musa cãhure yuhdoro taro. ¹⁸ Musare to ã cũchu “Judio masa yuhdoro noaina jija sã”, ni tũhotuena tjiga. Ahrire yu yahutire wacũga musa: Judio masa sehere bese muhtaha Cohamacu. Æ besero ti coyeiro cjihtore cãha Cristore, musare yuhdoro taro. Æ jina “Judio masa yuhdoro noaina jija”, ni tũhotuena tjiga musa.

¹⁹ Musa judio masa jieraina sehe õ sehe niboca: “Cãa ñaa dũpuri to cohãboro seheta Cohamacu cãina judio masare cohãre. Paye dũpuri cohtota to õno seheta to yaina marine cũno taro Æ cohãre tinare”, niboca musa judio masare yuhduruca duana. ²⁰ Tí musa nia potocãta jira. To Æ jipachuta tina Jesure ti wacũ tuaerari buhiri Cohamacu cohãre tinare. Æ jiro musa cãhure Jesure musa wacũ tuaerachu to yaina cjihti musare cũeraboa. Æ jina “Judio masa yuhdoro noaina jija sã”, niena tjiga musa. Æ nieranata “Cohamacu cua pisariro jira”, ni tũhotuga musa. ²¹ Olivocu ji muhtaa dũpuri waro yoaro sehe judio masa sehe Cohamacu yaina ji muhtaha. To cohtotaa dũpuri to õboro seheta Cohamacu to yaina musa sehere cohtota cãha. Wiho mejeta to yaina ji muhtaina judio masa tirore ti wacũ tuaerachu, cãinare cohãre. Tinare to cohãriro seheta musa cãhure cohãnohca, tirore musa wacũ tuaerachu. ²² Cohamacu musare noano yoariro to jichu masiga musa. Tuhsu, cua pisaro mehne buhiri dahreriro to jichu cãhure masiga musa. Tirore ño payoerainare tiro buhiri dahrerohca. Æ jiro tirore musa ño payoerachu olivocu dũpuri warore to cohãriro cjiro seheta musa cãhure cohãnohca Co-

hamacu. ²³ Æ yoa judio masa to cohãbo curerina cjiri Cristore ti wacũ tua ducachu ñño, olivocu dũpũri warore pari turi to duhu õno seheta Cohamacu to yaina cjihti yoarohca tinare. Cohamacu to ã yoa masihtu cjihtireta tuaare cjuara tiro. Æ jiro tiro tinare cãinare to yaina cjihti yoarohca. ²⁴ Mũsa judio masa jieraina jina, nũcu macadu olivocu dũpũri yoaro sehe jira mũsa. Æ jiina mũsa jipachu olivocu toadũ nũcu macaa dũpũrire to na ta õboro seheta, Cohamacu mũsare to yaina cjihti yoahre. To ã yoachu, ne mijoerare tirore. Judio masa Cohamacu to bese mũhtarina jira. Olivocu toadũ dũpũri waro yoaro sehe jira tina. Æ jiro ti jidũ waro cjiropũre pari turi to duhu õboro seheta to yaina cjihti pari turi judio masare to yoachu, ne mijoerara tirore.

Baharo judio masare pichacapũ wahaborinare yũhdorohca Cohamacu

²⁵ Yũ coyea, ahrire masa ti masieraare mũsare yahuihtja. “Mipũre sã dihtare besere Cohamacu. Cohamacu sã masi yũhdũrucu sũchu ñño, tiro sãre besere”, mũsa ni tũhotuerahto sehe ahrire yahuihtja mũsare. Õ sehe jira: Mipũre payũ judio masa Cohamacure tũho duasi. Wiho mejeta payũ judio masa jierainare Cohamacu to quihõriro puro to yaina to yoari baharo judio masa cũhu tirore cahma dũcaahca. ²⁶ Ti ã cahmachũ judio masa payũ warore pichacapũ wahaborinare Cohamacu yũhdorohca. Cohamacu yare ti joari pũi ãta ni yahu joaa tiha:

“Jerusalẽ wama tiri macai judio masa ya macai tinare yũhdohtiro tarohca.

Jacobo panamana ji turiainare ti ñaa yoari buhirire tiro cohãnohca.

²⁷ Tinare yũhdocu panopũ tinare yũ ni cũriro seheta yoai nija’, nire Cohamacu”,

ni joaa tiha Cohamacu yare ti joari pũi.

²⁸ Mipũre tina judio masa Cristo yare ño payoeraina Cohamacure ñũ tuhtira. Ti ã yoachu mipũre mũsa sehe judio masa jieraina Cristore wacũ tua dũcare. Judio masa sehere Cohamacu bese mũhtari jire. Judio masa ñũchũsũma cjiri to beserina ti jichũ mipũ jiina judio masa cũhũre tiro

cahũna. ²⁹ Cohamacu to ni cũriro seheta tinare to beseriro seheta quihõno yoarohca tiro. To nirire ne bosu tiro. ³⁰ Panopũre mũsa cũhu Cohamacure yũhdũrucari jire. Mipũre judio masa Cohamacure ti yũhdũrucachu ñño tiro mũsa sehere pja ñño yũhdore. ³¹ Mipũre judio masa tirore yũhdũrucare. Ti ã yoapachũta Cohamacu mũsare to pja ñũriro seheta tina cũhũre baharopũre pja ñũnohca. ³² Õ sehe jira: Jipihtina masare “Yũhũre yũhdũrucaina jira”, nina Cohamacu. Æ jiro jipihtina tirore yũhdũrucaina ti jichũ ñño jipihtinare pja ñũ masina tiro.

³³ Cohamacu tua yũhdũrucu sũriro jira. Noano masi pahõriro jira tiro. Æ jiro to tũhotuare, to yoarire marine noano masihtu basioerara. ³⁴ Õ sehe ni joaa tiha Cohamacu yare: “Cohamacu mari pũhtoro to tũhotuare ne masa noano masierara. Æ jia masa tirore ‘Õ sehe yoaga’, ni masierara. ³⁵ Æ jia masa Cohamacure paye barore ti wari baharo ‘Tiro marine wapamona’, ni masierara masa”, ni joaa tiha panopũre. ³⁶ Cohamacu jipihtiare yoaa tiha. Tuhsũ, to tuua mehne jipihtiare jisinchũ yoara tiro. Æ jia jipihtia to ya jira. To ã jiriro jichũ jipihtia dachoripe tirore ño payojihna mari. Æta yoarucujihna.

12

Cohamacu cahmaare marine yoarucu dutiha Paulo

¹ Cohamacu marine tuaro pja ñũre. To ã pja ñũriro to jichũ ñũna, yũ coyea, mũsa sehe oveja noarirore ti jũ wa mũoriro seheta Cohamacure ti ño payoriro seheta mũsa cũhu tirore ño payorucuga, to yare mũsa noano yoarucuhto sehe. Mũsa ã yoachu, tiro wahcherohca. Æta yoaro cahmana marine, Cohamacure quihõno ño payona tana. Æ jicũ mũsare tíre tuaro yoa dutija. ² Ahri yahpa macaina ñaa yoina yoaro sehe yoena tjiga mũsa. Æ yoa mũsa tũhotuapũre Cohamacu noaa tũhotua sehere to cohtota, cũchu, yũhtiga mũsa. Æ yũhtina, noaa sehere tũho cohtotarina jinahca mũsa. Æ yoana noaare, Cohamacu

cahmaare, ñaa mariare, potocã jiare masinahca m̄sa.

³ Cohamac̄u ȳh̄ure to yare yoa masich̄u yoariro buhe dutiro beseri jire ȳh̄ure. ã jic̄u jipihtina m̄sare õ sehe ni t̄hotu dutieraja ȳh̄u. “Noabiaina ji ȳhd̄ur̄caja sã”, ni t̄hotuena tjiga. ã t̄hotunocahga. Jesure m̄sa wac̄u tuari baharo, Cohamac̄u m̄sa cãinare noaare yoa masihtire to c̄uch̄u, “To yoadohoro mehne ahri noaare yoaja”, ni t̄hotuina jiga m̄sa.

⁴ Õ sehe ni yahu namoihtja ȳh̄u m̄sare. Mari wamomacari, mari dahpori, mari capari jipihtiro mari pjac̄u jia paȳu jira. Mari pjac̄u jia c̄u pjac̄u jiparota soro jia dahraa c̄j̄ara. ⁵ Tí jiro seheta soro sehe jia dahraare c̄na Cohamac̄u marine. ã jina paȳu masa jipanahta Cristore wac̄u tuaina jina, to pjac̄u c̄u pjac̄u yoaro seheta c̄u curuata jija mari.

⁶ Cohamac̄u marine to yoadohoro purota to tuaa mehne yoa dutira. ã yoaro marine cãinare soro jia mari yoah̄t̄ire c̄na tiro. To ã yoach̄u marine to c̄ir̄ire mari sehe noano yoajihna. ã jia Jesu yaina õ sehe yoajaro. Cãinare Cohamac̄u to yare yahuhtinare c̄na. ã jia tina Cristore ti wac̄u tuaro puro to yare noano yahujaro. ⁷ Cãinare Cohamac̄u m̄sare yoadohohtinare c̄na. ã jia tina m̄sare noano mehne yoadohojar̄o. Cãinare Cohamac̄u m̄sare buhehtinare c̄na. ã jia tina m̄sare noano buhejar̄o. ⁸ ã yoa paina c̄h̄u m̄sare s̄ho wahchech̄u yoah̄t̄ina jia, m̄sare noano s̄ho wahchech̄u yoajaro. Tuhs̄u, paye barore wahtina jia, ti wahtire noano mehne yajeripohna ti, wajaro. ã yoa paina c̄h̄u m̄sare s̄ho ji m̄htahtina jia, noano mehne s̄ho jijaro. ã yoa pjac̄uoinare yoadohohtina jia, wahchea mehne yoadohojar̄o.

Jesu yaina jina õ sehe yoaina jiga

⁹ “Sã basi cahma cah̄ja”, ni mah̄ñōno marieno m̄sa basi cahma cah̄ga. ã yoana ñaare ñ̄u yabiina jiga m̄sa. Tuhs̄u, noaa sehere ã cahmarucuga. ¹⁰ Tuhs̄u m̄sa bahana warore m̄sa cah̄no seheta Jesu yainare m̄sa mehne macainare cah̄ga. ã

yoana m̄sa basi noano cahma ñ̄o payoga m̄sa.

¹¹ Cohamac̄u cahmaare yoana, ne caparo marieno yoaga. ã yoana mari p̄h̄toro to dutiro seheta noano wahchea mehne yoaga.

¹² Cohamac̄u m̄sare pichacap̄u waha-borinare to ȳhdorinap̄u jira m̄sa. ã jiro m̄sa wahahto noaputiario jira. Tíre masina wahchega m̄sa. ã yoa ñ̄ano ȳhd̄una, c̄no pjaga “Cristo yare duhuri”, nina. Tuhs̄u, Cohamac̄u ã sinirucuga.

¹³ Paye baro Jesu yainare d̄hsach̄u waga tinare. ã yoa m̄sa ya w̄h̄sep̄u c̄h̄ure masa ti s̄ch̄u noano yajeripohna tiro mehne tinare piti bocaga.

¹⁴ M̄sare ñ̄ano yoainare “Noano waha-jaro tinare”, ni sini payoga. Tinare ã sini payona, “Tina ñ̄ano ȳhd̄uwahnojaro”, niena tjiga.

¹⁵ ã yoa paina wahcheina mehne jina, m̄sa c̄h̄u tina mehne wahchega. Tuhs̄u paina ñ̄ano cahyaro mehne tiina mehne jina, m̄sa c̄h̄u cahya, tiidohoga tinare.

¹⁶ M̄sa mehne macaina mehne noano jiga m̄sa. ã jina “Paina ȳhdoro noaina jija”, ni t̄hotuena tjiga. Õ sehe ni t̄hotuga: “Wiho jiina jija”, ni t̄hotuga. ã jina “Masi ȳhd̄ur̄caina jija sã”, ni t̄hotuena tjiga.

¹⁷ Paina m̄sare ti ñ̄ano yoapach̄ta, tinare ñ̄ano yoa cahmaena tjiga. Noaa sehere yoaga, noaina m̄sa jia tiare jipihtina masa ti masihti c̄j̄htire. ¹⁸ M̄sa bihoro puro jipihtina mehne noano jinocahga m̄sa. ¹⁹ M̄sa ȳu cah̄ina, ȳu coyeya paina m̄sare ti ñ̄ano yoapach̄ta tina yoaro sehe ñ̄ano yoa cahmaena tjiga. Cohamac̄u sehe m̄sare ti ñ̄ano yoari buhiri buhiri dahrejaro tinare. Cohamac̄u yare ti joari p̄i ãta ni joaa tiha: “Ȳh̄u sehe m̄sare ti ñ̄ano yoari buhiri buhiri dahreriro jija. ã jic̄u potocãta buhiri dahrehtja’, nina mari p̄h̄toro”, ni joaa tiha panop̄ure. ²⁰ ã jina õ sehe yoaga m̄sa: M̄sare ñ̄u tuhtiriro to j̄ca baach̄u ñ̄na nuga tirore. To ñ̄ahma yapioch̄u c̄h̄ure ñ̄na tirore sihõga. M̄sa ã yoach̄u ñ̄no m̄sare to ñ̄ano yoari buhiri b̄o tirohca. ²¹ ã jina paina m̄sare ti ñ̄ano yoapach̄ta m̄sa sehe tinare ñ̄ano yoa cahmaena tjiga. Tinare noaa sehere yoaga

musa. Æ yoana ñaa sehere cahmaerana nica musa.

13

¹ Jipihtina musa bui pũtoa cjihtire Cohamacu dihta bese cũna. Ne cũiro pũtoro Cohamacu to bese cũerariro mari-ahna. To ã cũrina ti jichu ñuna jipihtina musa tinare noano yũhtiga. ² Mari pũtoare noano yũhtierana Cohamacu to bese cũrinare yũhdurucana nija mari. Æ yũhdurucainare Cohamacu sehe buhiri dahrerohca. ³ Noainare cuichu yoahntina jierara pũtoa. Ñaare yoaina sehere cuichu yoahntina jira tina. Noaare yoaga musa pũtoare musa cuierahto cjihto sehe. Æ yoana cuisu musa. Noaare musa yoachu pũtoro sehe “Noaare yoare musa”, musare ni ñunohca. ⁴ Musa pũtoa Cohamacu to cũno seheta musare yoadohohtinata jira musa noano jinocahto cjihto sehe. Wiho mejeta musa ñaare yoana pini tinare cuiga. Tina musare buhiri dahrehtina cjihtita jira. Jipihtina ñaare yoainare buhiri dahre dutiro Cohamacu tinare besere. ⁵ Ti ã buhiri dahrehtina ti jichu ñaare yoana musa pũtoare cuiga. Æ jina ño payoa mehne “Noaare yoaro cahmana yũhare”, ni tuhuro mehne noano yũhtijihna. ⁶ Musa pũtoa ti dahrahti cjihtire Cohamacu cũre. Æ jina ti dahraare ti yoachu ñuna musa pũtoare wapa nabasainare wapara musa.

⁷ Jipihtinare musa pũtoare noano yũhtiga. Tuhsu, pũtoare wapa nabasaina cũhare wapaga musa. Æ yoa pũtoa sehe payere ti wapa dutichu cũhare wapaga. Æ jina jipihtina pũtoare noano ño payoga. ⁸ Tuhsu, paina masare wapamoena tjiga. Tinare cahĩno cahmana. To cahai jĩnare cahĩro Cohamacu dutiare yoa pahũo tuhsuro jira. Æ jina musa cahai jĩna cũhare cahĩga. ⁹ Õ sehe nina Cohamacu dutia: “Pairo namonore wũana tiena tjiga. Numia cũhu pacoro manũnore wũana tiena tjiga. Masare wajãena tjiga. Yacaena tjiga. Paina yare goa pjaena tjiga”, ni yahura to dutia. Paye dutia cũhu jira. Ti ã jipachata cũno dutiare musare yahui tai nija. Tĩ dutia cũno dutia to jipachata

tĩ dutiare yoana Cohamacu dutiare yoa pahũona nija mari. Tĩ dutia õ sehe nina: “Mu basi mu cahĩno seheta mu cahai jĩna cũhare cahĩga”, nina. Tĩ dutiare yoana Cohamacu dutiare yoa pahũoina jina nina. ¹⁰ Musa cahai jĩnare cahĩna, tinare ñano yoasi. Æ jina tinare cahĩna, Cohamacu dutiare yoa pahũoinata jira musa.

¹¹ Æ jina carĩna yoaro sehe jiena tjiga musa. Noano wacũ masiga. Jesure noano wacũ cohtaga. Jesu marine to tjua ta naahto mahanocã dũhsatjiãna. Tirore mari coã wacũ tua dũcachu Jesu marine to yũdoro tahto mahanocã dũhsamare. Mipũ pinihtare cahacã waro jira to tahto. Ahri yũ nirire masina musa. ¹² Mipũre ñaina ya dacho jira. To tahto mahanocã dũhsara. Tĩre masina, buhiri tichu yoare, nahitiano yoaro sehe jiare duhu pahũojihna mari. Æ jina Cohamacu cahmaa sehere yoajihna mari. Æ Cohamacu yare yoana, ñaare duhu pahũonahca mari. Ahri dachore payu ñaa baro jichu, ñami yoaro sehe jira. Wiho mejeta Cristo to tachu, ñami yoaro sehe jiro pihtia waha, pa dacho, buhria mũja taro yoaro sehe waharohca. Surara coma suhtiro to sãa dũcataro seheta Cohamacu ñaare to dũcataare noano cjuã pahũojihna mari. Æ tĩre cjuana ñaare duhu, Cohamacu cahmaa sehere mari yoajihna. ¹³ Æ jina Jesu to tahtore wacũ cohtaina jina, noaa sehere yoajihna. Bose numarine yoana ñano yoarena tjijihna. Tuhsu, cahaena tjijihna. Æ jina numia mehne ñano yoaina, paina mehne ñano yoaina, cahma sayoina jiena tjijihna. Musa numia cũhu mua mehne ñano yoarena tjiga. ¹⁴ Wiho mejeta Jesucristore pũtoro tina, tirore yũhtiga musa. Æ yũhtina to jiro seheta jiga musa. Æ jina ñaare musa goa pjaã sehere yoarena tjiga.

14

Musa coyare Jesu yainare “Ñano yoa nina”, ni yahuwajaena tjiga

¹ Jesure wacũ tuarirore to noano wacũ tuaro dũhsasinichu ñuna tirore ji coaro mehne cahmaga. To ã jiriro jichu ñuna “Ne masierara mũhu” ni, tiro mehne cahmasayoena tjiga. ² “Jipihtiare

ch_u masija y_uh_u”, ni t_uhotura paina. Paina sehe Jesu yare noano masierasinia wahiquinare ch_ueraina, toaa dicha dihtare ch_ura. ³ Jipihtiare ch_uina sehe toaa dicha dihtare ch_uinare ñ_u tuhtiea tjijaro. Á yoa toaa dicha dihtare ch_uina c_uh_u jipihtiare ch_uinare “Ñano yoaa nina”, ni cahma yahuwajaea tjijaro. Jipihtiare ch_uina sehe Jesure wac_u tuaina ti jich_u Cohamac_u tinare to yaina yoa tuhs_ure. To yaina ti jich_u ñ_u wahiquinare ch_ueraina sehe tinare yahuwajaea tjijaro. ⁴ Jesure wac_u tuaina Cohamac_ure dahra cohtaina dihta jira. Ti ã jich_u ñ_una m_usa tinare yahuwaja masierara. Jesure wac_u tuaina to cahmano sehe ti quih_ono yoaerach_u ñ_uno tiro dihta ti p_uhtoro jiro, t_ure yahu pototo masina. To cahmaare quih_ono ti yoach_u c_uh_ure t_ure yahu masina tiro. Á jiro tiro sehe to yainare “Ñano yoare m_uh_u”, ni yahuhtiro jirohca. Á jiro tirore dahra cohtainare noaa dihtare yoarucu masich_u yoariro jira Cohamac_u.

⁵ C_uina c_ua dachori cua pisaro mehne Cohamac_ure ti ño payohti dachori cjihtire cj_uara. Paina sehe, “Dohse jiri dachore Cohamac_ure ño payoch_u, noana”, ni t_uhotu, ño payoia jira. Tina c_uno potori ã yoaeraina jipahta jipihtina ò sehe ni t_uhotujaro: “Jesu to cahmano seheta noano yoana nija”, ni t_uhotu masijaro. ⁶ C_uiro c_ua dachori cua pisaro mehne Cohamac_ure ti ño payoa dachorihi Cohamac_ure ño payoro, tiro c_uh_u quih_ono ño payoro nina. Tuhs_u jipihtiare ch_uriro ch_urota, Cohamac_ure “Noana”, ni wahche payora tiro. Á jiro tiro c_uh_u Cohamac_ure ño payorota nina. Á yoa paio sehe c_ua ch_uare ch_uerara, Cohamac_ure ño payoro. Tiro c_uh_u Cohamac_ure “Noana”, ni wahche payora.

⁷ Tuhs_u, mari cahmaa dihtare yoaina ne ji masieraja mari. Cristo jira mari p_uhtoro. Á jiro mari catich_u mari yariach_u c_uh_ure mari p_uhtorota jira. ⁸ Mip_ure mari catisinino puro Cristo yare yoah_utina jija mari. To yaina jija. Mari yariari baharop_u c_uh_ure to yainata jinahca. Á jiro mari catich_u mari yariach_u c_uh_ure Cristo mari p_uhtoro jira. ⁹ Áta jira. Cristo yaria masa

m_ujaha catiinare, ã jich_u yariaina c_uh_ure ti p_uhtoro jiro taro.

¹⁰ ¿Dohseana tana m_usa coyeirore Jesu yairore “Ñano yoaro nina”, ni yahuwaja duajari m_usa? ¿Dohseana tana m_usa coyeirore t_u diho c_u duajari m_usa? Mari jipihtina Cristo panoi mari ducuch_u tiro sehe mari yoirire masi pah_uonoriro jiro, marine beserohca noainare, ñainare. To ã besehtiro to jich_u m_usa coyeirore “Ñariro jira”, ni yahuwajaena tjiga. ¹¹ Cohamac_u yare ti joari p_ui ò sehe ni joaa tiha:

“Ò sehe nire mari p_uhtoro: ‘Y_uh_u catiriro jija.

Á jic_u ò sehe ni quih_ono warota yahuja m_usare.

Jipihtina y_u panoi na tuhcuca caha s_uahca.

Á na tuhcuca caha s_u, “Noariro, tuariro jira m_uh_u” ni, y_uh_ure ño payoahca’, nire mari p_uhtoro”,

ni joaa tiha. ¹² Á jiro jipihtina mari yoirire Cohamac_u siniturohca marine. “¿Dohse yoana ã yoari?” ni siniturohca. To ã sinituch_u y_uhtiro jica marine.

M_usa coyeirore ñano yoach_u yoarena tjiga m_usa

¹³ Á jina mari mehne macainare “Ñaina jira m_usa”, ni cahma yahuwajaena tjijihna. Á yoana mari coyeirore Jesu yairore dojomehnena tjijihna “Jesure wac_u tua duhuri”, nina. ¹⁴ Y_uh_u Jesucristo yairo jic_u, ahri y_u nihtire noano masija y_uh_u. Y_uh_u sehe jipihtia ch_uare y_u ch_uch_u y_u ch_uri buhiri, buhiri mariahna. Wiho mejeta paio sehe “Ahri ch_uare ch_uc_u buhiri tii nica y_uh_u”, ni t_uhoturiro sehe ch_uro, potoc_uta buhiri tiriro jira. ¹⁵ Tí potoc_u tjira. Paina ti sio, ch_uera barore m_usa ch_uch_u ñ_uno, m_usa coyeiro ñ_u c_u ch_uro, “Cue, ñano yoai nica y_uh_u”, ni p_uj_uro t_uhotuboca tiro. Tirore ã ñ_u c_u ch_uch_u yoana, tirore cah_una nieraca m_usa. To sio, ch_uera barore m_usa ch_uch_u, tiro c_uh_u ñ_u c_u ch_uboca. Á ch_uro “Ñano yoai nija”, ni t_uhoturo Cristore duhuboca. M_usa coyeiro yaro jiboriro c_uh_ure yariari jire Cristo. Á jina “Cristore duhuri”, nina tirore ñ_u c_u ch_uch_u yoarena tjiga. ¹⁶ Á jia “Ahri s_u yoari noa nica”, m_usa ni t_uhotuch_u paina m_usare yahuwajaboca. Ti ã yahuwajach_u ñ_una m_usa ã yoirire

yoa namoena tjiga, “Yahuwaja namori”, nina. ¹⁷ Cohamacu sehe mari puhtoro jira. To ã jichu mari chu, mari sihnia cãhu ã jinocaa nina. Wiho warota jira. Æ jia mari puhtoro to dutiare, noaa cãhure mari yoachu tí waro jia nina. Paina mehne mari noano jinocachu cãhure noaa waro jia nina. Tuhsu, Espiritu Santo yoadohoa mehne mari wahchechu noaa waro jia nina. ¹⁸ Tó seheta Cristo yare yoarirore ñua Cohamacu, masa cãhu “Noano yoare mahu”, niahca.

¹⁹ Tó seheta yoajihna mari pinihta noano mari jinocahto cjihtore, mari basi mari cahma yoadohohto cjihtore. Æ yoana Jesure wacũ tua namonahca. ²⁰ Pairo Jesu yairo to chu dutierari cjirire musa chuchu ñno tiro sehe ñu ji coarero Cohamacu yare cohãboca. Æ jina tíre chüena tjiga. Potocãta jipihtia chu noaa chuata jira. Tí ã jipachata paye barore mari chuchu pairo “Ñaa chu jica ahri”, niriro jiparota ñu cü chuboca. Æ churo ñano yoaro nica tiro. Æ jina marine to ñu cü chuchu, mari cãhu ñano yoana nija. ²¹ Wahiquina dihire musa chuchu ñno, vinore musa sihnichu ñno, pairo Jesu yairo “Tíre chucu ñano yoai nica yuhu”, ni tuhoturiro jiparota tiro cãhu ñu cü, chu sihniboca. Æ ni tuhoturiro pinihta chu sihnino ñano yoaro nina. Æ jina tiro to ñano yoerahto sehe Jesure to wacũ tua duhuerahito sehe wahiquina dihire, vino cãhure musa sehe musa duhuchu noa nina. ²² “Jipihtiare chu masija”, ni tuhotuna, tíre Cohamacu dihtare yahuga. Ñaare yoerariro, “Noano yoai nica yuhu”, ni tuhoturiro wahcheriro jira. ²³ Pairo sehe “Ahri chüare chucu ñano yoai niboca yuhu”, ni tuhoturiro jiparota tí chüare churo, buhiri tiriro jira tiro. “Ahrire chucu potocãta noaare yoai nija”, ni tuhotuerara tiro. Æ ni tuhotueraro tíre churo, to churi buhiri buhiri tira tiro. “Noaare yoai nija”, ni tuhotueraro tíre yoaro, buhiri tira tiro.

15

Mari cahai jijnare noano yoajihna

¹ Mari Cohamacure noano wacũ tuaina sehe wacũ tuaera cureinare yoadohojihna. Æ yoana mari ya cjihti dihtare yoaena tjijihna. ² Æ jina mari cahai jijnare Jesu yainare noano yoajihna ti noano jinocahto cjihtore, Cohamacure ti noano wacũ tua namohto cjihtore. ³ Cristo sehe to ya dihtare yoeraha. Æta nina Cohamacu yare ti joari pui. Õ sehe ni joaa tiha: “Cristo õ sehe nire Cohamacure: ‘Mahu sehere ñano durucuborina yuhu sehere ñano durucure’, nire Cristo Cohamacure”, ni joaa tiha panopure. Æ ñano ti durucuriro jiro Cristo to Pucuro ya sehere yoaro niha. ⁴ Panopu Cohamacu yare ti joari pui tina joaa tiha mari noano buhehto cjihtore. Æ jina tí püre buhena wahcheja. Æ buhena mari ñano yuhduna cãno pjana, noano mari yuhduhtore cohtanahca. ⁵ Cohamacu musare tuachu yoariro wahchechu yoariro musare jipihtinare cãno potori noano jichu yoajaro, Cristo to cahmano seheta. ⁶ Æta yoajaro tiro musa jipihtina cãno potori Cohamacure mari puhtoro Jesucristo Pucurore “Noariro, tuariro jira”, ni musa ño payohto cjihtore.

Judio masa jierainare noaa buheare yahu ducaha

⁷ Cristo marine to yoariro seheta musa mehne macainare noano cahma piti bocaga. Musã ã yoachu ñua “Potocãta Cohamacu noariro jira”, ni ñuahca masa sehe. ⁸ Musare ahrire niita nija: Judio masare yoadohohtiro cjihto taha Cristo. Cohamacu tirore warocaró judio masa sã ñuchusuma cjiripure to ni yahuriro cjiro seheta yoaro niha. Tíre to yoari cjirire masare masichu yoahitiro cjihto taha Cristo. ⁹ Masare Cristo to yoadohochu Cohamacu pja ñno nire tinare. To ã pja ñuchu judio masa jieraina cãhu Cohamacure “Noariro, tuariro jira” ni, ño payora mipure. Tina cãhure to yaina jichu yoaro taha Cristo. Cohamacu yare ti joari pui ãta ni joaa tiha:

“Cristo õ sehe niha Cohamacure: ‘Judio masa jieraina cahai mahure “Cohamacu noariro, tuariro jira”, ni ño payoihtja.

Ã jic tina cahai basac m ya cjihtire ba-saihtja', niha Cristo Cohamacre", ni joaa tiha panopre. ¹⁰ Tuhs, õ sehe ni joaa tiha tjoa:

"Cohamac to beserina judio masa mehne cahma wahchega msa ch judio masa jieraina",

ni joaa tiha panopre. ¹¹ Tuhs, õ sehe ni joaa tiha tjoa:

"Judio masa jieraina jipihtina Cohamacre ño payojaro.

Ã jia jipihtiro macaina tirore 'Noariro, tu-ariro jira', ni ño payojaro",

ni joaa tiha. ¹² Ã yoa Isaia cjiro ch õ sehe ni joaa tiha:

"Jesé panamino ji turiariro tarohca.

Ã taro judio masa jieraina bui phtoro jiro-hca tiro.

Ã jia tina sehe tirore wac tuaa, tinare pichacap wahaborinare to yhdohtore masiahca tina",

ni joaa tiha panopre.

¹³ Cohamac marine baharop to yhdohtore wac cohtach yoariro noano msare wahchech yoajaro. Tuhs, msare Jesure wac tuainare noano jinocach yoajaro tiro. Msare to ã yoach msare to yhdohtore Espritu Santo to tuaa mehne wahchea mehne wac cohta namoch yoajaro.

¹⁴ Ahrire msare y yahuhtire noano masija. Msa sehe noaina jira. Tuhs, Jesu yare noano masina msa. Ã masina msa basi noano cahma yahu, buhe masina msa. ¹⁵ Msa ã masiina msa jipachta ca tahari ahri ppre msare cuiro marieno noano yahu paho joahi tíre msa boerahto sehe. Cohamac yhre cahno msare buhe dutiro cre yhre. Ã jic to criro seheta yoaja, msa tíre boerahto sehe. ¹⁶ Yhre to ã cch, sacerdote to yoaro sehe yoaja yh. Ã yoac, Jesucristo yare noaa buheare judio masa jierainare buheja yh. Y ã buhech thoa, tina Jesure wac tuara. Tina Jesure wac tuainare yh sehe sacerdote wahiquinare waj j mo Cohamacre y waboriro seheta, tinare "M yaina jira", nija Cohamacre. Y ã niinare Espritu Santo sehe tinare Cohamac yaina

cjihti jich yoara. Ti ã jiina jich ñno, Cohamac sehe ji coaro mehne tinare ñahanohca.

¹⁷ Cohamac to buhe duti criro jic Jesucristo to yoadohoa mehne y yoari cjirire wahchea mehne yahuja msare.

¹⁸⁻¹⁹ Tuhs, ahri pinihtare msare pototi yahu duahi. Y yahua y m sro y yahua ne jierara. Paina judio masa jierainare Cristo to yoadohoa mehne tinare y buhech thoa, y yoarire ña, ã jia Jesu tuaa mehne y yoa ñorire ña, Espritu Santo to tuaa mehne tina Cristore wac tuare. Jerusalp wahma y buhe dcari baharo jipihtia macaripep buhe wahchi. P Ilirico yahpap chre Cristo ya buhea noaa buheare buhei si. ²⁰ Cristo yare masieraina dihtare noaa buheare tuaro buhe duahi, yh mehne macaina ti buherinapre buhe duaerac. ²¹ Ãta ni joaa tiha Cohamac yare ti joari pi:

"Panop tirore ne thoeraina cjiri tirore masiahca.

Ã yoa tirore ne thoeraina cjiri to yare noano thoahca",

ni joaa tiha Cohamac yare ti joari pi.

Paulo Romap to wahahtore yahuha

²² Ã jic jipihtiro macainare buheriro jic pay tahari msa cahai waha dua-paihta waha masiera tihi. ²³ Mip pinihtare ahri yahparipre y dahraa pihtia wahahre. Ã jic pay chmari msa cahap waha duariro jic msa cahap wahaihtja. ²⁴ Espaap wahac, msare ti ñ yhdaihtja. Ã yoac msa mehne wahcheihtja. Tuhs, msa mehne mahanoc y jiri baharo yhre msa yoadohoa mehne Espaap yhd wahcihtja. ²⁵ Mipre Jerusalp wahasinii tai nija. T macainare Jesu yainare y coyeare niñerure naasinii wahi nija. ²⁶ Macedonia yahpa macaina, Acaya yahpa macaina ch noano mehne Jesu yainare Jerusalp jiinare pjacoinare niñerure warocahre tinare yoadohoa. Ã jic tinare tíre wai wahi nija. ²⁷ T niñerure waa, noano mehne wahre tina. Ti ã yoach noa nina, y thotuch. Tinare judio masa jierainare judio masa sehe Cohamac yare

buhe m̄htare. ã jia tinare to ȳhdohto c̄h̄re buhe m̄htare judio masa. Ti ã buhech̄ ñ̄c̄ Macedonia macaina Acaya macaina mehne judio masare ti yoadohoch̄ noa nina ȳh̄re. Tinare ti buheri wapa yoaro sehe jira tí, ȳ t̄hotuch̄. ²⁸ ã jic̄ Jerusalẽ macainare tí niñerure wa tuhs̄c̄ Españār̄ wahihtja. Tó̄p̄r̄ wahac̄ m̄sare ñ̄ ȳhd̄aihtja. ²⁹ ã yoa m̄sa cahap̄ ȳ wahach̄ Cristo yare m̄sare ȳ buhech̄ tiro m̄sare noano yajeripohna tich̄ yoarohca.

³⁰ Ȳ coyeya, mari p̄htoro Jesucristore wac̄ tuara m̄sa. ã yoa Esp̄ritu Santo to tuaa mehne painare cah̄na m̄sa. ã jiina jina ȳh̄ c̄h̄re tuaro sini payoga Cohamac̄re. ³¹ Õ sehe ni sini payoga: Judea yahpa macaina Jesure ño payoeraina ȳh̄re ti ñano yoa duach̄ Cohamac̄ ȳh̄re to ñ̄ wihbohto sehe sini payoga. Tuhs̄, Jerusalẽ macaina Jesu yainare niñerure ȳ wabasach̄ tina tíre wahchea mehne ti ñahahto sehe sini payoga. ³² M̄sa ã sinich̄ Cohamac̄ cahmach̄ wahchea mehne m̄sa cahap̄ wahihtja. ã jic̄ m̄sa mehne jic̄ wahchea mehne soihtja. ³³ Cohamac̄ marine noano jinocach̄ yoariro m̄sa mehne jirucujaro.

16

Paulo noa dutiha

¹ Mari coyecoro Febe wama tiricoro m̄sa cahap̄ waharo taro nina. Ticoro Cencrea wama tiri macai Jesu yainare cahmachuinare yoadohoricoro jira. ² ã jiro paȳre yoadohoricoro ȳh̄ c̄h̄re yoadohoricoro jihre ticoro. Tuhs̄, mari p̄htoro Jesu yacoro jira. ã jina ticorore noano mehne m̄sa mehne ji dutiga. Tó seheta yoaro cahmana marine Jesu yainare. ã yoana ticorore paye baro to maerach̄ ñ̄na ticorore waga m̄sa.

³ Aquila, to namono Priscila c̄h̄ noajaro. Jesucristo yare ȳ buhech̄ tina c̄h̄ ȳh̄ mehne dahrare. ⁴ Tinare mahano wajãmoñore paina ȳh̄re ti wajã duach̄ ti yoadohori buhiri. ã jic̄ tina mehne wahcheja ȳh̄. Tuhs̄, judio masa jieraina Jesu yaina jipihtina tina c̄h̄ tina

mehne wahchera. ⁵ Aquila ya w̄h̄i cahmachuina c̄h̄ Jesu yaina noajaro. Ȳ cah̄iro Epeneto c̄h̄ noajaro. Tiro Asia yahpa macariro tói jiro Cristore wac̄ tua m̄htariro jire. ⁶ María c̄h̄ noajaro. Ticoro m̄sa mehne tuaro dahrahe. ⁷ Ȳ coyeya Andrónico, Junia c̄h̄ noajaro. Peresui ȳ jich̄ tinata ȳh̄re piti tiina jihre. ã jia ȳ pano Cristore wac̄ tua m̄htare tina sehe. Paina Jesu to c̄rina sehe tinare “Potocãta noaina jira”, ni durucura.

⁸ Ampliato c̄h̄ ȳ cah̄iro Jesu yairo jira. Tiro noajaro. ⁹ Urbano c̄h̄ noajaro. Tiro c̄h̄ mari mehne Cristo yare dahrahe. ã yoa ȳ cah̄iro Estaqui noajaro. ¹⁰ Apele c̄h̄ noajaro. Tiro potocãta noano Jesure wac̄ tuara. To yoarire ñ̄na tíre masija mari. Tuhs̄, Aristóbulo ya w̄h̄ macaina jipihtina to namono to pohna c̄h̄ noajaro. ¹¹ Ȳ coyeyiro Herodiõ noajaro. ã yoa Narciso ya w̄h̄ macaina Jesu yaina noa pihtinocajaro. ¹² ã yoa Trifena, Trifosa c̄h̄ noajaro. Tí numia mari p̄htoro Jesu ya dahraare yoara. Mari cah̄ricoro Péside c̄h̄ noajaro. Ticoro mari p̄htoro yare tuaro yoara. ¹³ Rufo mari p̄htoro Jesure noano wac̄ tuariro, to yare noano yoariro noajaro. To pocoro c̄h̄ noajaro. Ticoro ȳ poco yoaro sehe jiricoro jira. ¹⁴ Asíncrito, Flegonte, Herme, Patroba, Herma, paina Jesu yaina tina mehne macaina c̄h̄ noajaro. ¹⁵ Tuhs̄, Filólogo, Julia, Nereo, to bahoro c̄h̄, Olimpa, paina tina mehne macaina c̄h̄ Jesu yaina noajaro.

¹⁶ ã yoa m̄sa mehne macainare piti bocana, noano mehne piti bocaga. Jipihtina Jesu yaina jipihtiro macaina m̄sare noa dutira.

¹⁷ Ȳ coyeya, m̄sa mehne macaina c̄ina m̄sare cahma ñ̄ tuhti, cahma tju wach̄ yoaina jira. ã jia m̄sare Jesu ya buheare dojomehnena. ã jina tó sehe yoainare ñ̄na noano yoanohb̄, “Dojomehneri”, nina. ã yoainare piti tiena tjiga. ¹⁸ Tó sehe yoaina mari p̄htoro Jesucristo yare yoaerara. Ñaare ti goa pja dihtare yoara. Tuhs̄, noano t̄ho ji coaro dero mahño buhera noano masierainare. Ti ã mahñoch̄ tinare noano t̄hora. ã jina ã yoainare piti tiena

tjiga musa. ¹⁹ Musa sehe Jesure noano yuhtiina jira. Tíre jipihtina masina. ã noano yuhtiina musa jichu wahcheja yuhu. ã jicu noano musa yoahore musa masichu cahmaja yuhu. ã yoa ne ñaare yoaeraina musa jichu cãhure cahmaja yuhu. ²⁰ ã jiro Cohamacu marine noano jinocachu yoariro mahanocã baharo watino Satanare yuhdurucachu yoarohca musare. ã yoa mari puhtoro Jesucristo musare noano wahachu yoajaro.

²¹ Timoteo yu piti musare noa dutira. Yu coyea judio masa cãhu, Lucio, Jasõ, Sosípatro musare noa dutira.

²² Yuhu Tercio ahri pũre Paulore joabasariro jija. Yuhu Jesu yairo jicu musare Jesu yainare noa dutija.

²³ Gayo ya wuhai jinocai nija yuhu Paulo. To ya wuhai Jesu yaina cahmachuna. Tiro cãhu musare noa dutira. ã yoa Erasto ahri maca macaina puhtoare niñerure ñu wihbobasariro musare noa dutira. Mari coyeiro Jesu yairo Cuarto cãhu musare noa dutira.

²⁴ [Yu coyea mari puhtoro Jesucristo musare jipihtinare to cahã mehne noano yoajaro. ãta yoajaro.]

Paulo Cohamacure ño payoro joa batara

²⁵⁻²⁷ Mari puhtoro Jesucristo ya buhea mehne noaa buhea mehne Cohamacu musare tirore wacũ tua namochu yoa masina. Panopure tí buhea noaa buhea ne masare yahuerari buhea jimaha. Mipure Cohamacu yare yahu mahtaina cjiri ti joari cjiri mehne tí buheare yahua jira. Yuhu cãhu tíreta buheja. Tí buheare Cohamacu ã jirucuriro to yahu site dutiro seheta jipihtiro macainaru mipure masina. Tí buheare tirota yahu dutiha masa tirore yuhti, ti wacũ tuahto cjihto sehe. ã jina tirore “Potocãta noariro, tuariro jira mahu”, ni wahche payojihna. Tiro cãirota Cohamacu dihta noano masi pahñoriro jira. Jesucristo to yoadohoa mehne Cohamacure ã ño payorucujihna mari. ãta yoarucujihna.

1 Corintios

Paulo Cohamacu yainare Corinto macainare joarocaha

¹⁻² Yuhu Paulo, Jesucristo yare buhe duti to cūriro jija. Cohamacu to cahmano seheta Jesu to cūhtiro cjihtore beseri jire yuhure tiro. Sostene wama tiro mehne musare Cohamacu yainare Corinto macainare joarocaja sā. Ahriro cūhu mari coyero Jesu yairo jira. Jesucristo mehne macaina musa jichu Cohamacu yaina cjihti beseri jire Jesu musare. Ā yoa jipihtina paina mari puhtoro Jesucristore siniina jia, tina cūhu Cohamacu yainata jira. Ti ā jichu Jesucristo sehe mari jipihtina puhtoro jira. Ā jina musare jipihtinare joarocaja sā. ³ Ā yoa Cohamacu mari Pucu mehne, mari puhtoro Jesucristo mehne musare noa dutija. Cohamacu to yoadohoa mehne noano jiga musa.

Jesucristo sehe musare noano yoabasaha Cohamacure

⁴ Jesucristo yaina musa jiri baharo tiro sehe musare noano yoabasari jire Cohamacure. To ā yoabasachu űucu, Cohamacure “Noana”, nirucuja yuhu dachoripe. ⁵ Cristo yaina musa jichu űuno Cohamacu sehe musare noano jichu yoari jire. Tuhsu, to yare musare painare noano yahuhtina cjihtire yoari jire tiro. Ā jiro tiro to yare noano masichu yoari jire musare. ⁶ Cristo yare musare sā buheriro seheta ā yoari jire musare, Cristo yaina musa wahachu. ⁷ Ā yoa Cohamacu musare noano yoadoho pahñonocanhca. Mari puhtoro Jesucristo ahri yahpau to tjua tahtore musa cohtaro watoi Cohamacu musare ā yoadohorucurohca. ⁸ Cohamacu musare yoadohorohca to yare musa ne duhuerahito sehe. To ā yoachu musa sehe dachoripe, ahri dacho pihtichupu cūhure űaa buhiri marieina jirucunahca, Cohamacu to űuchu. Ā jina Jesucristo mari puhtoro to tjua tachupure űaa buhiri marieina jinahca musa. ⁹ Tíre Cohamacu to niriro seheta tiro yoara. Tiro to macuno mari puhtoro Jesucristo yaina cjihtire

marine beseri jire. To ā beserinare Jesu yaina jichu yoare marine.

Jesu yaina Corinto macaina cahmachua cahma sayoha ti basi

¹⁰ Yu coyera, mari puhtoro Jesucristo to dutiro mehne musare tuaro mehne yahui tai nija ahrire: Musa basi cahma sayoena tjiga. Ā yoa musa basi cahma tju wa dapo jiena tjiga. Cū curuaihta jiga musa. Ā jina jiape ni durucuena tjiga musa basi. Ā yoana musa yoahito cjihtore tūhotuna, cūno pоторita yoaga musa. ¹¹ Yu coyera, musa basi cahma sayona niyuhca musa. Ā ni yahure cāina Cloé ya wuhu macaina yuhure.

¹² Cāina musa mehne macaina ō sehe ni cahma sayoyuhca: “Paulo ya curua macaina jija sā”, ni cahma sayoyuhca cāina musa. Ā yoa paina “Apolo ya curua macaina jija sā”, niyuhca tina cūhu. Paina sehe tjoa “Pedro ya curua macaina jija sā”, niyuhca tina cūhu. Paina sehe tjoa “Cristo ya curua macaina jija sā”, niyuhca tina cūhu. ¹³ Musa ā nipachuta Cristo yaina cū curuaihta jija mari. Mari basi cahma tju wa dapo masieraja mari. Cū curuaihta jija mari. Yuhu Cristo jieraja. Tiro yoaro sehe musa ya buhirire crusapu yariariro cjiro jieraja. Tuua maeraja. Ā jicu wiho jiro jija. Ā yoa musare paio bautisaro, Cristo yaina musa jichu musare bautisari jire. Yu yaina musa jichu sehere musare bautisaerari jire. (Ā jina yuhu sehere űu wahāena tjiga musa.)

¹⁴ Musare, musa mehne macaina cūhure bautisaerahi yuhu. Crispore, Gayo cūhure tina dihtare bautisahi. Paina sehere bautisaerariro yu jichu noana, yu tūhotuchu. ¹⁵ Payu masare bautisariro yu jichu “Paul yaina sā jichu bautisare sāre”, ni űu wahāboa musa yuhure. Ā jicu tíre musa yoachu cahmaeraja. ¹⁶ Estéfana ya wuhu macaina cūhure bautisahi yuhu. Tópeinata bautisahi yuhu. Yu bautisarinare painare wacūeraja yuhu. ¹⁷ Cristo yuhure warocaro, masare bautisahtirore cūerare yuhure tiro. Noaa buheare buhehtiro sehere yuhure cūre. Cristo crusapu to yariarire mari buhechu tí buhea marine noaina wahachu

yoara. To ã yoapachuta noaa buheare yu mu sũro yu buhechu yũhu sehere ñu wahãboa mũsa. Mũsa ã ñu wahãna noaa buhea sehere ño payoeraboa mũsa. Tuhsu noaina wahaeraboa. ã jicu Jesu ya buheare buhesu yu mu sũro yu masia mehne buheraja yũhu.

Cohamacu to tuaa cãhure to masia cãhure cãhariro jira Cristo

18 Pichacapu butihtina sehe Cristo crusapu to yariarire mari yahuri buheare “Tũho masieraina ya buhea jira tí”, nimana butihtina sehe. Mari sehe Cristo to yũhdũchu yoahntina cjihti jina õ sehe nija: “Crusapu to yariarire mari yahuri buhea tí waro jia nina. Tí buhea Cohamacu to tuaare yahura marine”, nija mari.

19 Cohamacu sehe to yare ti joari pũi õ sehe nina: “Ahri yahpa macainare ‘Noano masiina jira’, ti niinare ti masia yaba cjihti jierachu yoaihca yũhu”, nia tiha Cohamacu to yare ti joari pũi.

20 ã jia ahri yahpa macaina noano masiina ti masia yaba cjihti jierara. Sã coyea judio masare buheina cãhu ti masia yaba cjihti jierara. Mipũre ahri yahpa macaare durucu sayo mihniina cãhu ti masia yaba cjihti jierara. Ahri yahpa macaina noano masiina ti jipachuta quihõno masieraina ti jirire masichu yoare Cohamacu. 21 Cohamacu pinihta noano masiro jira. To ã jichu ahri yahpa macaina ti ya masia mehne Cohamacure ne masierara tina. Cohamacu to masi dutieraro seheta ã wahare tinare. Cohamacure cahmaeraina sehe õ sehe nina noaa buhea warore: “Tũho masieraina ya buhea jira”, nimana. ã jia noaa buheare “Tũho masieraa buhea”, ti nia buheare tũhoa Cristore masi dũcara masa. Ti ã masi dũcachu Cristore ti wacũ tuachu ñũno tinare pichacapu wahaborinare yũhdũchu yoara Cohamacu.

22 Judio masa Cohamacu to tuaa mehne to yoa ñõrõre ñu duaa nina. ã yoa griego masa judio masa jieraina sehe noano ti masihti cjihtire macaa nina. 23 Mari sehe Cristo crusapu to yariarire yahuri buheare buheja mari. Tí buheare judio masa

sehe ñu yabira. ã yoa tí buheare judio masa jieraina sehe “Tũho masieraina ya buhea jira”, ni tũhotura. 24 Ti ã ni tũhotupachuta Cohamacu to yaina cjihti to beserina sehe tí buheare õ sehe nina. “Cristo ya buhea Cohamacu to tuaare, to noano masiare masichu yoara marine”, nina tina ahri buheare. Tina judio masa, judio masa jieraina jipahta, ã nina Jesu yaina. 25 Cohamacu masi pahõoriro jira. “Tiro tũho masierariro jira”, masa ti ni tũhotupachuta ahri yahpa macaina yũdoro noano masi pahõoriro jira tiro. Tuhsu Cohamacure “Tuaerariro jira”, masa ti ni tũhotupachuta ti bui tua yũhdũchu sũro jira tiro.

26 Yu coyea, Cohamacu mũsare to yaina yoachu mũsa payu wiho jiina mũsa jirire wacũga mũsa. Ahri yahpa macainare “Noano masiina”, ti niinare mahainacã Jesu yaina cjihtire beseri jire Cohamacu. Tuhsu pũtoa cãhure mahainacã Jesu yaina cjihtire beseri jire tiro. ã yoa pũtoa pohna cãhure pache pũa pohna cãhure mahainacã Jesu yaina cjihtire beseri jire tiro. 27 “Tũho masieraina jira”, ti niinare Cohamacu beseri jire “Noano masiina jira”, ti niina ti bũoro wahahto cjihto sehe. Tuhsu “Yaba cjihti jierara”, ti niinare Cohamacu beseri jire, “Wiho jiina jierara”, ti niina ti bũoro wahahto cjihto sehe. 28 Masa ti ñu yabiinare “Yaba cjihti jierara”, nina masa. Ti ã nirinare Cohamacu to yaina cjihtire beseri jire tinare. ã besero “Pũtoa waro jira”, ti niinare wiho jiina ti jiare masichu yoari jire Cohamacu tinare. 29 To ã yoachu ñu ahri yahpa macaina ne cãiro “Tuariro, noano masiro jija”, ne ni yũhdũchu masierara, Cohamacu to ñũchu.

30 Cohamacu sehe marine Jesu yaina jichu yoare. To yaina jina marine to yũhdũchu yoari baharo jipihtia dachoripe Cohamacu mehne jirucunahca mari. Jesu-cristo sehe Cohamacu yare noano masichu yoara marine. Tuhsu mari ñaa buhirire cohãna. ã yoaro mari ñaa yoari buhirire cosaro, marine “Noaina jira”, to ni ñũchu yoara Cristo Cohamacure. ã yoaro marine pichacapu wahaborinare yũhdũchu yoara. 31 To ã yoachu Cohamacu yare ti joari pũi

to ni joariro seheta ã wahara: “Y_u m_u s_uro masi pahñoriro jija’, niriro tíre nieno tjijaro. Õ sehe nijaro: ‘Mari p_uhtoro Cristo sehe marine y_uhd_uch_u yoariro jira’, nijaro tiro”, nina Cohamac_u yare ti joari p_ui.

2

Cristo crusap_u to yariarire sã yahuri buhea jira ahri

¹ Y_u coyea, m_usa cahap_u s_uch_u “Noano masi pahñoja”, m_usare ni buherahi. Cohamac_u yare m_usare buhec_u, tó sehe ni buhec_u nierahi. ² “Õ sehe ni buheih_tja”, nic_u m_usa mehne jic_u Jesucristo ya dihtare crusap_u to yariari dihtare wac_uch_u, tí buheare buhei y_uh_u. ³ Tuhs_u, m_usa mehne jic_u wiho jiriro yoaro sehe jii y_uh_u. ã jic_u Cohamac_u yare quih_ono buhe duariro jic_u cuiriro tetereriro yoaro sehe jii y_uh_u. ⁴ ã jic_u Cohamac_u yare buhec_u, “Masi pahñoja”, ni buherahi. Mijoa durucua mehne y_u m_u s_uro buherahi. To yare y_u buhech_u Espíritu Santo to tuaa mehne y_u buhech_u ñ_ure m_usa. ⁵ Õ seheta ni buhei y_uh_u m_usare masa ti m_u s_uro ti buhea sehere m_usa cahmaerahto sehe. Cohamac_u sehere m_usa wac_u tuahtore ã ni buhei y_uh_u.

Espíritu Santo sehe Cohamac_u to jia tiare buhera marine

⁶ ã jina Cohamac_u ya buheare m_usare Jesure noano masiinare yahuja sã. Masa ti m_u s_uro ti buhea yoaro sehe jierara ahri m_usare sã buhea. Ti p_uhtoa ya buhea c_uh_u jierara. Tina sehe pihtia wahaahca. ⁷ Paina ti masierari cjirire Cohamac_u ya durucua cjirire yahuja sã sehe. Panop_ure ahri buheare Cohamac_u yaina cjiri noano masi pahñorari jire. Ahri yahpa to jihto pano ahri buhea ti niriro seheta “Áta wahajaro”, ni tuhs_ua tiri jire Cohamac_u. Marine pichacap_u wahaborinare to y_uhd_uch_u yoah_to cjihtore, tiro mehne mari jirucuhto cjihtore, tiro yoaro seheta mari wahahto cjihto c_uh_ure. “Áta wahajaro”, nia tiri jire tiro. ⁸ To ã nich_u Cohamac_ure cahmaeraina p_uhtoa ne to buheare t_uho dueraa, masierari jire. Tíre noano masia, mari p_uhtoro Cohamac_u mac_uno

warore crusap_u c_uã puha wajãeraboa tina. ⁹ Cohamac_u yare ti joari tjui ã sehe nina:

“Jipihtina Cohamac_ure cahñina ya cjihtire Cohamac_u noano cahnobasa tuhs_uha.

Noa y_uhd_uara tí to cahnobasari.

Tí to cahnobasarire mari ne ñ_uerana, t_uhoerahi.

ã jina ‘Õ sehe yoarohca Cohamac_u’ ni, dohse masiyu pahñohto basioerara marine”,

nina Cohamac_u yare ti joari p_ui. ¹⁰ To ã nipach_uta Espíritu Santo Cohamac_u yare masich_u yoare marine. Jipihtia Cohamac_u yare Espíritu Santo masi pahñona. ã masino tiro marine tíre masich_u yoara.

¹¹ Ne paina sehe mas_uno to masiare masierara. Wiho mejeta mas_uno sehe to basi to wac_uap_u to t_uhotuare masina. Tó seheta paina Cohamac_u to masiare ne masierara. Cohamac_u to Espíritu Santo dihta to masiare masina, mas_uno to basi to t_uhotuare to masino seheta. ¹² ã yoa mari sehe Jesu yaina jina masa ti m_u s_uro ti buheare c_uãeraja. Cohamac_u to Espíritu ware marine masich_u yoaro taro. Tiro marine to noano yoah_tore masich_u yoara Espíritu Santo sehe. ¹³ Cohamac_u yare m_usare buhena, masa ya masia mehne sã m_u s_uro buheraja sã. Espíritu Santo to buhea sehere m_usare buheja. ã buhena Espíritu Santore c_uãainare Cohamac_u yare noano buheja sã.

¹⁴ Espíritu Santore c_uãaeraina sehe Espíritu Santo yare ne cahmaerara. “To ya wiho warota jira”, nimana tina. Espíritu Santo to yoadohoro marieno ne to yare masihto basioerara masare. ã jia tina to yare ne masierara. ¹⁵ Espíritu Santore c_uãaina sehe Cohamac_u yare noano masina. ã jia jipihtiare noano bese masina. Paina sehe tina “Noaina jira. Ñaina jira”, ni bese masierara Espíritu Santore c_uãainare. ¹⁶ Õ sehe nina Cohamac_u yare ti joari p_ui: “Mari p_uhtoro Cristo to t_uhotuare masiina ne mariahna. ã yoa tirore masa ne ‘Õ sehe yoaga’, ni masierara”, nina to yare ti joari p_ui. Mari sehe Cristo yaina jina, Cristo yoaro seheta masija mari.

3

*Jesu yaina cãno potori Cohamacu
dahra cohtaina jira*

1-2 Y_u coyea, m_usare buhec_u Espíritu Santore noano y_uhtiinare y_u buheriro seheta buhe masierahi m_usa sehere. Cristo yaina jipanahta, wihãinacã ti wahiquire dihirore ti ch_u masierariro seheta Cohamac_u yare noano masierare m_usa. Mip_u cãhure noano masierasiniyuhca m_usa. ã jina wihãinacã pẽchore ti pũno seheta mijoera curea buhea dihtare tãhoyuhca m_usa. ã jic_u tó sehe jia buhea dihtare buhei m_usare. Cristo yaina jipanahta wihãinacã ti ch_u masierariro seheta Cristo yare noano masierayuhca m_usa. 3 M_usa sehe m_usa mehne macainare ti noano wahach_u ñ_una ñ_u tuhtina, cahmachena, m_usa basi cãa curuari tju war_uc_u s_una, Espíritu Santore cãaeraina yoaro sehe yoana niyuhca m_usa. ã yoana ahri yahpa macaina Cristore cahmaeraina yoaro sehe yoayuhca m_usa. 4 Õ sehe niyuhca m_usa: “Paulo mehne macaina jija sã”, niyuhca cãina m_usa. ã jia paina m_usa mehne macaina sehe “Apolo mehne macaina jija sã”, niyuhca. M_usa ã ni durucuna Espíritu Santore cãaeraina yoaro sehe ni durucuna nica m_usa.

5 ¿Y_uh_u Paulo, Apolo mehne dohse yoahina cãhti jijiari sã, m_usa tãhotuch_u? Õ sehe yoahina jina nija sã: Cohamac_u to dutiriro seheta tirore dahra cohtaina wiho jiina jija sã. ã jina m_usare sã buhech_u tãhona Jesucristore wacũ tua dũcare m_usa. 6 Noaa buheare buheina wesep_u dahraina yoaro sehe jira mari piti dahre buhech_u. Wese p_uro to toa m_uhtariro seheta y_uh_u cãh_u m_usare buhe m_uhtahi. Tuhs_u, paio wesere to cure n_un_u tiriro seheta Apolo sehe y_u baharo m_usare buhe namo n_un_u tire. Sã ã buhepachata wese macaa toaare b_uc_ua namoch_u to yoariro seheta Cohamac_u sehe m_usare to yare masi namoch_u yoahre. 7 ã jic_u y_uh_u buhe m_uhtariro jipaihta wiho jiriro jija. ã jiro Apolo y_u baharo buhe n_un_u tiriro cãh_u wiho jirirota jira. Cohamac_u pinihta toaare to b_uc_ua namoch_u yoariro seheta to yainare tirore masi namoch_u yoara. ã jiro

Cohamac_u sehe wiho jiriro jierara. 8 Toa m_uhtariro, baharo cure n_un_u tiriro cãno potori dahra cohtaina wiho jiinata jimana tina. ã jia ti dahrariro purota wapata tina. Tó seheta jija sã, Apolo mehne. 9 ã jina sã Cohamac_u yare dahra cohtaina jija. ã yoa Apolo y_u piti jira. Sã ã jich_u m_usa sehe Cohamac_u ya wese yoaro seheta jira. M_usa ã jich_u Cohamac_u wese macaa toaare to b_uc_ua namoch_u yoariro seheta m_usare to yare masi namoch_u yoarohca tiro.

ã yoa Cohamac_u m_usare to yainare noari curua yoaro nina. ã jina tãa mehne ti yoari w_uh_u yoaro sehe jira m_usa to ya curua macaina mari piti dahre buhech_u. 10 M_usa ã jich_u Cohamac_u y_uh_ure to dutiriro seheta y_uh_u sehe w_uh_u dahre mih-niriro tãare to cũ m_uhtariro seheta Jesucristo yare m_usare buhe m_uhtai. ã jiro tí tãa bui paio to yoa namo m_ujariro seheta paio y_u baharo buhe namo n_un_u tiro nina. ã buhe namono noano yoaro cahmana. Ne papero marieno noano buhejaro tiro. Cristo ya dihtare buhejaro tiro. 11 W_uh_ure ti dahre d_uca ti cũ m_uhtari tãa yoaro sehe Cristo jira. ã jina tí tãare sã noano cũ m_uhtariro seheta Cristo yare buhe tuhs_u. Pairo ya buhea sehere mari buhech_u tó wahaerara. 12-15 Uru mehne, plata mehne, wapa b_uj_ua tãa mehne mari yoari w_uh_ure mari jã ñ_uch_u jũerara. Tó seheta Jesucristo yare mari noano yoari baharo pihtiri dacho jich_u Cohamac_u mari yoarire to jã ñ_uno seheta yoarohca mari yoarire masino taro. Tó sehe to yoach_u noari w_uh_u to jũerariro seheta mari yoarire ti noaa jich_u masinohca. ã yoaro mari noano yoarina mari jich_u masich_u yoarohca tiro. Noaare mari yoari wapa noano yoarohca marine. Yuc_uri mehne, tja mehne, ñaia pũri mehne mari yoari w_uh_ure mari jũ ñ_uch_u jũa waharohca. Tó seheta Jesucristo yare mari noano yoareri baharo pihtiri dacho jich_u, Cohamac_u mari yoarire jũ ñ_uno sehe yoarohca mari yoarire masino taro. Tó sehe to yoach_u ñari w_uh_u to jũa wahariro seheta mari yoarire ñaa ti jich_u tiro masinohca. ã yoaro mari noano yoaraina mari jich_u marine masich_u yoarohca tiro.

Noano yoaeraina mari jichu ñano noaare mari yoamari wapare noano yoasi. Tó sehe jiiinare Cohamacu yuhduchu yoarohca. To ã yuhduchu yoapachuta tó sehe noano yoaeraina mahanocã cohõbo cure yuhduahca.

¹⁶ MUSA sehe Jesu yaina Cohamacu ya wuhu yoaro sehe jira. MUSA ã jichu ñano tí wuhu to jiboro sehetá Espíritu Santo sehe mUSA mehne jira. ¿Tíre masierajari mUSA?

¹⁷ Cohamacu ya wuhu ñaa marieni wuhu jira. Æ jina mUSA cãhu tí wuhu yoaro sehe jina to yaina warota jira. Æ jiro to yainare cãiro to dojomehnechu Cohamacu pichacaru cohãnohca tiro sehere.

¹⁸ Mahñoare tãhotuena tjiga mUSA. “Mipũ macaina ya masiare noano masija”, ni tãhoturiro mUSA mehne macariro jiro Jesu ya sehere noano masijaro. To ã masichu ñaa paina tirore “Tãho masierariro jira”, niahca. Æ jiro Jesu yare masino, potocãta noano masiriro waharohca. ¹⁹ Masa ti mũ sũro ti basi ti masiare “Wiho warota jira”, ni tãhotura Cohamacu. Æta nina Cohamacu yare ti joari pũi: “Ti mũ sũro masiina ti masia yaba cjihti jierara Cohamacu to ñũchu. Æ jiro ti yoa duaare dũcatara tinare”, nina Cohamacu yare ti joari pũi. ²⁰ Æ yoa pa pũpu õ sehe nina: “Masa ti mũ sũro masi pahñoina ti tãhotua yaba cjihti ti jierachu masina mari pũtoro Cohamacu sehe”, nina Cohamacu yare ti joari pũi. ²¹⁻²² Æ jina “Sã mũ sũro yoahi”, ni masieraja mari masa jina. Æ jina yuhũ Paulo, Apolo, Pedro mehne sã jipihtina Cohamacu mUSAre to yoadoho dutiina jina, mUSAre dahra cohtaina jija sã. Jipihtia mUSA ya jira. Cohamacu to bajuamehnerire, catia cãhure ware mUSAre. Tuhsũ, pichacaru wahaerachu yoarohca mUSAre. Mipũ jiare baharopũ jhti cãhure mUSAre warohca. Æ jia jipihtia mUSA ya jira. ²³ Æ yoa mUSA sehe Cristo yaina jira. Cristo sehe Cohamacu yairo jira.

4

Cristo to yare buhe duti to cũrina ti dahraare yahuha Paulo

¹ Õ sehe ni tãhotuga mUSA yuhure Apolo cãhure: “Tina sehe Cristore dahra cohtaina jira. Æ jia masa ti masierari cjirire Cohamacu yare buheina jira”, ni tãhotuga mUSA sãre. ² Dahra cohtaina ti pũtoro to dutiro sehetá yoa cohtara. ³ Wiho mejeta yuhure mUSA yahuwajapachuta ã tãhotunocaja yuhũ. Paina pũtoá yuhure ti yahuwajachu cãhure Æ tãhotunocaja yuhũ. Yu yoaare ñana “Ahri noaa jira. Ahri ñaa jira”, ni masierara mUSA. Yuhũ cãhu masũnota jija. Æ jicu yũ yoaare noano masi pahñoeraja yuhũ cãhu. ⁴ “Cristo yare yũ yuhdũrucari yuhure mariahna”, ni tãhotumaja yuhũ. Yu õ sehe ni tãhotupachuta buhiri tia jisiboca yuhure. Mari pũtoro Cristo dihta yũ yoaare ñano, noano masina. ⁵ Æ jina mari pũtoro to tjua tahto pano masare ñano ni yahuwajaena tjiga mUSA. Tiro tjua taro masa ti yoarire, panopũ paina ti masierari cjirire Cristo masichu yoarohca. Æ jiro mari yoa duarire, mari tãhotuare tiro masichu yoarohca. Æ yoaro to yare yoainare Cohamacu “Noano yoare mUSA”, ninohca.

⁶ Yu coyera, yuhũ Apolo mehne sã buheri cjirire yahuhi yuhũ mUSAre buhecu tacũ, sãre mUSA ñũ cũhto sehe. Æ yahuhi yuhũ Cohamacu to yare ti joari pũi to niriro sehetá quihõno mUSA yoarucuhto sehe. Æ yoana mUSA mehne macainare cãno potori ño payoga. Cãiroreta ño payoena tjiga. ⁷ MUSA sehe paina yuhdoro noaina jierara. Masi yuhdũrucaina jierara mUSA. Cohamacu mUSAre to wari cjiri dihtare cjuara mUSA. Æ cjuana mUSAre to yahuri cjiri dihtare masina mUSA. ¿MUSA mũ sũro cjuaina, mUSA mũ sũro masiina jierapanahca, dohse yoana “Masi pahñoina jija”, nijari mUSA? Æ nina “Sã mũ sũro masija sã”, niborina sehetá yoara mUSA.

⁸ MUSA sehe “Cohamacu yare masi pahñoja sã. Sãre yaba waro dũhsaerara”, nimana mUSA. Tuhsũ, mUSA cahai sã jierachu mUSA õ sehe ni tãhotumana: “Pũtoá yoaro sehe masiina jija sã”, ni tãhotumana mUSA. Potocãta Cohamacure masi pahñoina pũtoá yoaro sehe masiina mUSA jichu mUSAre noabiaboa. MUSA Æ

jichu musa mehne sã cãhu pãhtoa yoaro sehe masiina jiboa.

⁹ Õ sehe ni tãhotuja yũhũ pinihta: Sãre Jesu to yare buhe dutiro cũno, masape doca macari curua cũre sãre. Paina ti wajãhtina yoaro sehe ñũna masa sãre. Ahri yahpa macaina masa, anjoa cãhu wapanañoina yoaro sehe ñũna sãre. ¹⁰ Cristo yare sã buhechu ñũna “Tuho masieraina jira”, ni ñũna masa sãre. Æ jia Cristo yare sã yoachũ ñũna, sãre ñũ tuhtira. Musa sehere ñũna, “Noano masiina jira”, ni tãhotumana masa. “Cohamacũre wacũ tuaeraina jira”, ni tãhotumana masa sãre. Musa sehere ñũna, “Noano wacũ tuaina jira”, ni tãhotumana tina. Musa sehere masa ño payora. Sã sehere tina ne ño payoerara. ¹¹ Sã sehe mipũre ñãno yũhdũina, jũca baaina, ñãhma yapioina, ñãno suhti maeraina, wũhũse maeraina jija. Tuhsũ, paina sãre ño payoeraa, sãre ñãno yoara. ¹² Æ yoa sã tuaro dahraja. Tuhsũ, paina sãre ñãno ni ti durucupachũta sã sehe tinare “Noano jiga”, nija sã. Æ yoana paina sãre ñãno ti yoapachũta Æ tãhotunocaja sã. ¹³ “Ñãno yoaina jira”, sãre ti nipachũta sã sehe noano mehne tinare yoaja. Panopũ, mipũ cãhũre ñãa weti tiina yoaro sehe masape curuari doca macari curua yoaro sehe ñũna masa sãre.

¹⁴⁻¹⁵ Mũsare noaa buheare buhe mũhtacu mũsa pũcu yoaro seheta wahai yũhũ. Payũ mũsare Cristo yare buheina ti jipachũta mũsare buhe mũhtariro cãirota jija yũhũ. Æ jiro jicu mũsare bũo tichũ yoai tai ahrire joai nieraja yũhũ. Yũ pohna warore, yũ cahĩinare yũ dutiboriro seheta mũsare noano mehne duticu tacũ ahrire joaja yũhũ. ¹⁶ Æ jicu ahrire mũsare tuaro mehne dutii tai nija yũhũ. Yũhũre ñũ cũga mũsa.

¹⁷ Ahrire yoa duticu tacũ mũsa cahai Timoteore warocahi. Tiro yũ cahĩiro mari pãhthora Jesu yairo jira. Æ jiro Cristo yare yoarucura tiro. Cristo yare mari yoahire jipihtina Jesu yaina cahapũ buhei yũhũ. Timoteo tire mũsare wacũrucuchũ yoarohca. Æ jicu Cristo yare yũ yoariro seheta mũsa ñũ cũhto sehe Timoteore warocahi yũhũ. ¹⁸ Timoteore yũ warocachũ

cãina mũsa mehne macaina pãhtoa ji duaina õ sehe nimana: “Paulo marine cuiro, mari cahapũ tasi”, ni tãhotumana tina. ¹⁹ Cohamacũ cahmachũ mũsa cahapũ michapucacãta sũihca. Æ sũcu pãhtoa ji duainare mũsa mehne macainare ti durucua quihõno jichũ masihtja yũhũ. Æ yoa Cohamacũ tuaare potocãta ti cãmachũ cãhũre masihtja yũhũ. ²⁰ “Cohamacũ sã pãhthora jira”, mari ni yahupachũta to yare mari yoerachũ tí mari Æ nimari cjiri yaba cjihti jierara. Cohamacũ to tuaa mehne to cahmano sehe yoa masija. Tí pinihta wiho waro jierara. ²¹ ¿Mũsa cahapũ mũsare buhiri dahrehtiro mũsare tuhtihtiro yũ wahachũ cahmajari mũsa yũhũre? ¿O mũsare cahĩiro mũsare wahchehtiro yũ wahachũ cahmajari mũsa yũhũre? ¿Dohse jiro yũ wahachũ cahmajari mũsa?

5

Corinto macaina ti wũana tirire yahuha Paulo

¹ Potocãta õ sehe quiti tira sãre paina: Cãiro mũsa mehne macariro to pũcũro namonore wũana tiyuhca. Æta ni yahura masa sãre. Paina Cohamacũre cahmaeraina jipahta tina sehe tó sehe yoaina jierara. ² Musa mehne macariro to Æ yoapachũta mũsa sehe “Quihõno yoana nija sã”, ni tãhotumana. ¿Dohse yoana to ñãa yoarire masipanahta cahyaerajari mũsa? Æ jina Æ ñãno yoarirore mũsa mehne Jesu yaina mehne jirore cohã wioboa mũsa. ³ Yũhũ mũsa mehne jierapaihta yũ wacũapũ mũsa mehneti jija yũhũ. Æ jicu mũsa mehne jicu yũ niboriro seheta ñãno yoarirore to Æ ñãno yoari buhiri buhiri dahre duti tuhsũja yũhũ. ⁴ Jesu to dutiro mehneti Æ yoa dutija. Æ jina mũsa cahmachuna yũ wacũa mehnerũ mũsa mehne yũ jichũ to pũcũro namono mehne ñãno yoarirore cohã wiona, mari pãhthora Jesu to tuaa mehne õ sehe niga ñãno yoarirore: ⁵ “Watĩno to cahmano seheta mũhũre yoawahnojarõ”, niga tirore. Æta niga tirore ñãare to goa pjari cjirire to duhuhto sehe. Musa Æ cohãchũ tiro ñãno yũhdũrohca. Mari pãhthora Jesu to tjua tari

dachoi ñano yoiro cjiro Jesu mehne to noano yuhduhto sehe mipure tirore ã niga.

⁶ “Quihõno yoana nija sã”, nipanahta ñano yoana nica musa. Ñano yoirore musa ã ñanocahna, tí ñaare musa jipihina piha pihtia wahanahca. Pão bũcũaro trigore to noano sãarũcũ sũriro seheta tí ñaa musare piha, noano sãarũcũ sũa waha-rohca. ¿Tíre masierajari musa? ⁷ Yũ coyeyã judio masa pascua jichũ ovejare wajã, jũ mũo, Cohamacũre ño payora. Tó seheta oveja to yariariro seheta Cristo mari ñaa buhirire yariari jire. To ã waha-rire masina, musa sehe ñano yoirore musa mehne macarirore cohã wioga tí ñaa musare to pihaerahto sehe. Musa ñaa yoiro buhirire cohã tuhsũre Cristo. ã jina ñano yoirore cohã wioga “Tí ñaare pihari”, nina. ⁸ Pão bũcũaro trigore to sãarũcũ sũriro seheta panopũ ñaare ñũ cũ yoa pihtiina jimai mari. ã jina pascua bose numũrihi pão bũcũaro marieno pãore ti chũriro seheta mari cũhũ ñaare goa pjarõ marieno ñano yoiro marieno jijihna. Panopũ mari ñaare mari yoa tiriro sehe yoaena tjijihna. ã yoana potocã noano tãhotua mehne, noano yoina jijihna.

⁹ Musare yũ joarocari pũpũre Jesu yairo jiparota ã wũana tirucurirore ne piti ti dutieramahi. ¹⁰ ã nicũ numia mehne ñano yoinare, mũa mehne ñano yoa numiare, paina yare goa pjainare, yacainare, “Cohamacũ jira”, ti nia masũrine ño payoinare Jesu yaina ti jierachũ “Tina mehne jiina tjiga”, nieraja. Ahri yahpai tó sehe jiina marieno Jesure cahmaeraina marieno mari dihta ji masieraja. Jipihitropũ jira tina sehe. ¹¹ ã jicũ musare joarocacũ õ sehe yoa dutimahi: Mũsa mehne macariro “Jesu yairo”, ti niriro to jipachũta numino mehne ñano yoiro, paye barore goa pjarõ, “Cohamacũ jira”, ti nia masũrine ño payoriro, ñano quitũ dahrerucuriro, cahariro, yacariro to jichũ tirore piti tiena tjiga. ã jina tó sehe yoiro mehne pinihtare chũena tjiga. ¹² Jesu yaina jierainare ti ñaa yoiro buhirire ne buhiri dahre dutiriro jieraja yũhũ. Tó sehe buhiri dahre dutiriro jira Cohamacũ sehe. Yũ ã nipachũta mũsa mehne cahmachuina Jesu

yaina mũsa basi mũsa yoirore ñũna masino cahmana mũsa sehere. ã tãhotunocaeraro cahmana. ã jina mũsa sehe tina ti ñano yoiro ñũna buhiri dahrega tinare. ¹³ Jesu yaina jieraina sehere Cohamacũ sehe buhiri dahrerohca. ã jina mũsa sehe mũsa mehne macarirore ñano yoirore cohã wioga.

6

Jesu yainare ti basi ti yahusaãire yahuha Paulo

¹ ¿Mũsa basi cahma ñũ tuhti yahusã duana dohse jiro baro Jesu yaina jieraina cahapũ mũsa coyeyã Jesu yainare yahusãna wahajari? Jesu yainare mũsa mehne macainare yahusã duana paina Jesu yaina sehere tíre yahuro cahmana musare. ã jia Jesu yainapũ besejaro. ² Pihtiri dacho jichũ mari Jesu yaina sehe masa jipihina ti yoirore ñũna “Ahri ñaa jira. Ahri noaa jira”, besenahca mari tinare. ¿Tíre masierajari musa? ã jina pihtiri dacho jichũ masa jipihinare besehtina jina, mipũ cũhũre bese masija mari. ã jina mipũre wiho jiacã buhiri cũhũre bese masija mari. ³ Anjoa ti yoirore ñũna tina cũhũre besenahca mari. ¿Tíre masierajari musa? Mari ã besehtina jina potocãta tí yũhgoro mipũ cũhũre Jesu yaina ti yoirore ñũna bese masija mari. ⁴ ¿ã jina dohse yoana mũsa mehne macainare yahusã duana mari mehne jieraina cahapũ Jesu yainare yahusãna wahajari musa? ⁵ Ahrire nii nija mũsa quihõno yoirore mũsa cahyahto cjihtore. ¿Mũsa mehne macainare mũsa cahma sayochũ musare yahuhtiro mũsa mehne macariro noano masiriro mariajari? Jira. ⁶ To ã jipachũta mũsa mehne macariro Jesu yairo paio Jesu yoirore yahusã duaro Jesure cahmaerainare yahusãno wahara.

⁷ Masare beseina pũhtoare mũsa mehne macainare yahusãna Jesu yaina jipanahta quihõno yoirore mũsa. Paio mũsa mehne macariro musare ñano to yoirore ñũna ñanocahna mũsa. Jesure cahmaerainare mũsa yahusãhto pano mũsa coyeyã mũsa ã ñanocachũ noabiaboa. Jesu yairo musare to yacachũ tirore mũsa yahusãhto

pano tiro to yacarire m̄sa ã ñanocachu noabiaboa. ⁸ ã yoaborina jipanahta paina m̄sa mehne macaina Jesu yaina ti jipachuta tinare ñano yoaina, yacaina jira m̄sa.

⁹⁻¹⁰ Tó sehe yoaina p̄htoro Cohamacu to s̄ho jirop̄re m̄anop̄re waha masierara. ¿Tíre masierajari m̄sa? Mahñoare t̄hotuena tjiga m̄sa: W̄hana tiina, “Cohamacu jira”, ti nia masurine ño payoina, numia mehne ñano yoaina, m̄sa mehne ñano yoaa numia, m̄sa sahsero ti p̄jaciari mehne ñano yoaina, numia sahsero ti p̄jaciari mehne ñano yoaa numia, yacaina, paina yare goa pjaina, cahaina, masare ñano tuhtipeina, masa ti c̄juaare maina baro ne P̄htoro Cohamacu to s̄ho jirop̄re m̄anop̄re waha masierara. ¹¹ Panop̄re m̄sa c̄h̄u tó sehe yoaina tjimahre. ã yoamarina m̄sa jipachuta mip̄re m̄sa ñano yoari buhirire cosa tuhsari jire Jesucristo sehe. ã to cosarina m̄sa jich̄u to yaina c̄jhtire yoare Cohamacu m̄sare. ã yoaro “Noaina jira”, ni ñana m̄sare tiro. ãta yoare m̄sare mari p̄htoro Jesucristo, Esp̄ritu Santo c̄h̄u ti tuaa mehne.

Mari p̄jaciari Cristo ya p̄jaciari jia nina

¹² “Ȳu cahmano sehe yoa masija ȳh̄u”, niyuhca c̄aina m̄sa. Tí potocã to jipachuta tíre yoacu noano jieraboca ȳh̄u. Ȳu cahmano sehe yoa masija. ã yoa masipaihta c̄aa tahari ã yoariro jicu tíre duhu masieraboca ȳh̄u. ã jicu tíre pari turi yoasi ȳh̄u, “Tíre duhu masieraboca”, nic̄u. ¹³ Õ sehe nina m̄sa: “Jipih̄tia ch̄ua mari p̄jaro macaa c̄jhti jira. Tuhs̄u mari p̄jaro ch̄ua posa tihti p̄jaro jira”, nina m̄sa. Tí potocã tjira. ã jiparota baharo Cohamacu sehe mari ch̄uare mari p̄jaro c̄h̄uare ti pihtia wahach̄u yoarohca. ã jia mari ch̄ua wiho warota jia nina. Ch̄ua mari p̄jaro macaa c̄jhti jira. ã jiparota mari p̄jaciari numino mehne ñano yoah̄ti p̄jaciari jierara. Mari p̄jaciari sehe mari p̄htoro Cristo ya p̄jaciari c̄jhti jia nina. ã jiro mari p̄htoro sehe mari p̄jaciari noano yoah̄tiro c̄jhti jira. ¹⁴ Cohamacu to tuaa mehne mari p̄htoro

Cristore masori jire. ã to yoariro seheta mari c̄h̄uare masonohca tiro.

¹⁵ ¿ã jina m̄sa p̄jaciari Cristo ya p̄jaciari ti jich̄u masierajari m̄sa? ¿Ti ã jich̄u Cristo ya p̄jacu mehne ñano yoaricoro mehne mari ñano yoach̄u noajari, m̄sa t̄hotuch̄u? Noaerara. ¹⁶ Ñano yoaricoro ñahariro to p̄jacu sehe ticoro ya p̄jacu mehne jiro, c̄u p̄jacu yoaro seheta jira. ¿Tíre masierajari m̄sa? ãta ni joaa tiri jire Cohamacu yare ti joari tjui: “Tina p̄uaro jipahta c̄u p̄jacu yoaro sehe wahara”, ni joaa tiri jire. ¹⁷ Mari p̄htoro to yaina mehne jira. ã jiro Jesu yairo Jesu mehne p̄uaro jipahta c̄ano potori t̄hotuina c̄airota ti jiboro seheta jira.

¹⁸ ã jina numia mehne ñano yoaaare, m̄sa mehne ñano yoaaare goa p̄jaena tjiga. Tíre m̄sa yabiro seheta tíre yoaena tjiga. Paye ñaare mari yoana mari p̄jacuare dojomehneraja. Numino mehne ñano yoariro sehe to p̄jacuare ñano dojomehnera. ¹⁹ Esp̄ritu Santore marine ware Cohamacu. ã jiro mari mehne jiro nina Esp̄ritu Santo sehe. ¿Tíre masierajari m̄sa? ã jia m̄sa p̄jaciari m̄sa catia c̄h̄u m̄sa ya c̄jhti waro jierara. Cohamacu yaina c̄jhti waro jira m̄sa. ²⁰ M̄sa ñaa buhirire buhiri dahre tuhs̄uare Cristore. ã jina to yaina c̄jhti waro jira m̄sa. To yaina jina m̄sa p̄jaciari mehne Cohamacu to cahmano sehe yoaga. ã yoana Cohamacuare ño payona nina m̄sa.

7

Namo tiare yahuha Paulo

¹ Mip̄re ȳh̄uare m̄sa sinitu m̄sa joaricari c̄jirire ȳh̄u c̄h̄u ȳh̄ti cahmai tai nija: Mas̄no namo tierach̄u c̄h̄uare, noanocahna, ȳu t̄hotuch̄u. ² Tí ã jipachuta m̄sa sehe namo tijaro paina numia mehne ti ñano yoaerahto sehe. ã jia numia c̄h̄u man̄u tijaro paina m̄sa mehne ti ñano yoaerahto sehe. ³⁻⁴ Man̄u tiricoro to p̄jacu to ya p̄jacu dihta jierara. To man̄u no ya p̄jacu c̄h̄u jira. To man̄u no c̄h̄u to p̄jacu to ya p̄jacu dihta jierara. To namono ya p̄jacu c̄h̄u jira. ã jina m̄sa m̄sa sehe m̄sa namos̄anumiare noano c̄juga. ã yoa m̄sa numia c̄h̄u m̄sa man̄us̄mare “Ȳu

pjacure pihaecu tjiga”, niena tjiga. ⁵ Wiho mejeta Cohamacure puaro musa sini duana “Mahaa dachoricã mari basi jiena tji-jihna. Cohamacure sinijihna”, cãno potori ã nina, musa basi wahã duhu masina musa. Musa ã duhuri baharo musa jiro sehetã jirucuga tjõa, Satana ñano musare to yõa dutierahto sehe. “Paina mehne ñano yõabõca” nina, musa basi piti ti duhuena tjiga. Musa jiro sehetã jirucuga tjõa.

⁶ Ahrire musare mipu yu niri cjiire yahucu musare dutia warõ mehne nieraja. ã yahuta nija musa yõahtõre musa masihto sehe. ⁷ Jipihtina musa yu yõaro sehetã namõ tieraina musa jichu noabõa yahure. ã ji duapanahãta mari jipihtina cãno potori jieraja. Cãinare marine namõ ti dutira Cohamacu. Cãinare namõ ti dutierara.

⁸ ã yõa namõ marieinare, manu marieinare, wapewahya cãhure õ sehe nija: Namõ marieina, manu marieina ji masina, ãta jinõcahga musa yu yõaro sehetã. ⁹ ã ji masierana tuaro ñaare goa pjana, potõta namõ tiga. ã yõa numia cãhu manõ tiga. Ñaare musa goa pjachu noaeraputiara musare. Musa ã goa pjana musa namõ tichu pinihta noa nina. ã yõa musa manõ tichu cãhure noana.

¹⁰ Musa namõ tiinare, manõ tia numiare õ sehe dutija. Yu ã nipachuta ya dutia warõ jierara ahri. Mari puhtõro Cristo ahrire dutira: Musa numia sehe musa manõsumare cohãena tjiga. ¹¹ Musa manõsumare cohãna, manõ mariea numia sehe tjuaga. ã tjuaerana pari turi tjõa musa manõsuma mehne noano jiga tjõa. ã yõa musa cãhu msa msa namõsumiare cohãena tjiga.

¹² ã yõa musa cãhure painare õ sehe nija yuhu. Mari puhtõro to dutia jierara ahri. Yuhu sehe õ sehe nija musare: Cãina musa mehne macaina Jesu yaina sehe Jesure cahmaeraa numiare namõ tina jira. ã jina musa namõsumia msa mehne ti tjua duachu tí numiare cohãena tjiga msa. ¹³ ã yõa cãina msa mehne macaa numia Jesu yaina numia Jesure cahmaerainare manõ tia numia jira. ã jina msa manõsuma msa mehne ti tjua duachu tinare cohãena tjiga. ¹⁴ Musa

manõsuma Jesure cahmaeraina jipahta Jesu yaina numiare tí namõ tichu, Cohamacu noaina yõaro sehe ñhna tinare. ã yõa msa msa sehe Jesu yaina msa jichu msa namõsumia Jesure cahmaeraa numia jibõca. Ti ã jipachuta msa mehne tí numia manõ tichu Cohamacu noaa numia yõaro sehe ñhna tí numia cãhure. To ã ñherachu msa pohna Jesure cahmaeraina pohna yõaro sehe ñhboã Cohamacu. Wiho mejeta tí pohna cãhure noaina yõaro sehe ñhna Cohamacu. ¹⁵ ã yõa msa msa sehere msa namõsumia Jesure cahmaeraa numia musare cohã duaã, ãta yõajaro. Musa manõsuma cãhu ã cohã duaã, ãta yõajaro. Noano mari jichu cahmana Cohamacu. ã jiro tí numia musare tí cohã duachu “Tí numia mehne jisõniga”, ni dutierara Cohamacu. ¹⁶ Ti namõsumia Jesu yaina numia sehe noano tí yõachu ñhã baharõpu tí manõsuma sehe Jesure cahmabõca. ã ti cahmachu Cohamacu tinare pichacapu wahaborinare yuhduchu yõarõhca. ã yõa tí manõsuma Jesu yaina sehe noano tí yõachu ñhã baharõpu tí namõsumia Jesure cahmabõca. Ti ã cahmachu Cohamacu tí numiare pichacapu wahabori numiare yuhduchu yõarõhca. ã Jesure cahmaborina tí jipachuta potõta Jesure tí cahmahtõre masiyuhto basioerara musare.

¹⁷ ã jina jipihtina msa mari puhtõro Cristo musare to ji dutiõro sehetã yõaga. ã yõana Cohamacu musare to cõri cjiire yõaga msa. Tíre jipihtina Jesu yainare ã yõa dutiõrucuã yuhu. ¹⁸ Jesu yaina msa jihõto pano circuncisiõre yõarina cjiõri jina, ãta jirucuga. Tuhsu, Jesu yaina msa jihõto pano circuncisiõre yõaeraina cjiõri jina mipu cãhure ãta jirucuga. ¹⁹ Mipure circuncisiõre yõarina msa jichu yabã cjihti jierara. Tíre yõaeraina msa jichu cãhure yabã cjihti jierara. Wiho mejeta Cohamacu dutiare mari yõachu tí pini wiho warõ jierara. ²⁰ ã yõana Cohamacu Jesu yaina musare to cõri pja msa jiro sehetã tjuaga. ²¹ Jesu yairo msa ji dõcahto pano masõnore dahra cohtarõro msa jichu noanõhca. ãta tjuasiniga. Mõ puhtõro mshure to wio duachu sehere wijaga

mũhũ. Mũ wijachũ noanohca mũhũre. ²² Mari pũhtoro Jesu yairo cũiro jiro masũnore dahra cohtariro jiparota Jesu to yũhdũchũ yoariro jira. Āta paio mari pũhtoro Jesu yairo jiro, masũnore dahra cohtariro jieraparota Jesure dahra cohtariro jira tiro cũhũ. ²³ Mari ñaa buhirire buhiri ti tuhsũri jire Cristo. Ā jina tiro dihtare “Yũ pũhtoro waro jira”, ni tũhotuga mũsa. Paina mũsare tíre ti ã ni tũhotu dutierachũ tinare tũhoena tjiga. ²⁴ Ā jina yũ coyeyea, Jesu yaina cjihti Cohamacũ mũsare to cũri pja mũsa jiriro seheta tjuaga. Ā tjuana Cohamacũ mehne macaina jiga.

²⁵ Mipũre namo marieinare, manũ maria numia cũhũre yahu duaja mũsare. Mari pũhtoro ahrire “Õ sehe niga”, nierare yũhũre. Yũhũre to pja ñũchũ yũhũre to yoadohochũ to cahmano seheta yoarucuriro jija yũhũ. Ā jiriro jicũ ahrire noano yahuihtja mũsare. ²⁶ Mipũre mũsa ñano yũhdũna nica. Ā jiomahchũ mũsa namo marieina cũhũ manũ maria numia cũhũ mũsa tjuachũ noanohca, yũ tũhotuchũ. ²⁷ Namu tiina, manũ tia numia mũsa jina āta tjuaga. Ā yoa namo marieina, manũ maria numia mũsa jina āta tjuaga. ²⁸ Namu tina ñano yoaerara mũsa. Ā yoa mũsa nuhmia manũ tina ñano yoaerara mũsa cũhũ. Wiho mejeta namo tiina, manũ tia numia mũsare wapũoro tjuarohca ahri yahpahi masa ti ñano yũhdũro seheta mũsa ñano yũhdũchũ. Ā jicũ mũsare “Ā wapũ tiri” nicũ, “Namo marieina, manũ maria numia tjuaga”, nihi yũhũ.

²⁹ Yũ coyeyea, ahrire mũsare yahui nija. Cristo ahri yahpapũ to tjua tahto mahano cã dũhsara. Ā jia mipũre namo marieina Cohamacũ to cahmano sehe ti noano yoa masino seheta noano yoaro cahmana namo tiina cũhũre. Ā yoa manũ tia numia cũhũre āta Cohamacũ to cahmano sehe noano yoaro cahmana. ³⁰⁻³¹ Ahri yahpa to mipũ jiro seheta baharocãta pihtia waharohca. Ā pihtihti yahpa to jicũ mipũre mari ñahacaha tiia, mari wahchea, mari cjuaa pihtia wahaa hca. Ā jia tí wiho waro jira. Cohamacũ yare yoaa sehe wiho waro jierara. Ā jia

ahri yahpa macaare cjuaina, cjueraina yoaro sehe jijaro. Ahri yahpa macaare pjíro tũhotuea tjijaro. Ahri yahpa to mipũ jiro seheta baharocãta pihtia waharohca.

³² Mũsa ñano yũhdũerachũ cahmaja yũhũ. Pjíro mũsa tũhotuerachũ cũhũre cahmaja. Namu marieriro Jesu yairo jiro Jesu yare wacũrucura. Ā wacũrucuro Jesu cahmaare tuaro yoa duara. ³³ Namu tiriro sehe to namono cahmaa sehene tuaro yoa duara. Ā jiro ahri yahpa macaare pjíro tũhotura. ³⁴ Ā jiro tiro pũaro macaare yoa duara. Jesu cahmaa cũhũre, to namono cahmaa cũhũre tiro yoa duara. Ā yoa bũcoro manũ marienicoro jiro, ticoro mari pũhtoro Jesu cahmaare tuaro yoa duara. Nuhmino cũhũ āta yoa duara. Ā yoa duaro to pjacũ mehne, to wacũa mehne cũhũre ticoro tuaro Cohamacũ yacoro ji duara. Manũ tiricoro sehe ahri yahpa macaa sehene to manũno cahmaa sehene tuaro yoa duara. Ā jiro ahri yahpa macaare pjíro tũhotura.

³⁵ Ahrire mũsare nii nija mũsare yoadohocũ tacũ. Wapũoa dutiare mũsare cũ duaeraja. Ā cũ duaerapaihta noano mũsa yoachũ cahmaja. Jesu mari pũhtoro yare mũsa tuaro yoa duachũ cahmaja yũhũ.

³⁶ Mũsa mehne macariro to sũhduricoro to bũcoro curero to wahachũ ñũno namo tijaro tiro ticorore. “Āta yoaro cahmana ticorore”, ni tũhoturo to niriro seheta yoajaro tiro ticorore. Ticorore namo ti masina. Ā yoaro tiro ñano yoaerara. ³⁷ Pairo sehe to sũhduricorore namo ti duaeraro, to cahmano seheta yoajaro tiro ticorore. “Ticorore namo tieraja yũhũ”, ni tũhoturo to cahmano seheta yoa duaro, tó seheta yoajaro. Ā yoariro noano yoara. ³⁸ Ā yoa to sũhduricorore namo tiriro cũhũ noano yoara. Tuhsũ, to sũhduricorore mipũre namo tierariro sehe paio yũhdoro noano yoaro nina.

³⁹ Manũ tiricorore to manũno cohã dutierara Cohamacũ. To ã cohã dutierapachũta to manũno to yariari baharo ticoro paio mehne to cahmariro mehne manũ ti masina. Ticoro to manũ tirirore Jesu yairo jiro cahmana tirore. ⁴⁰ Ticoro manũ marienicoro tjuaro, manũ tiricoro yũhdoro noano wahchericoro jirohca

ticoro. Ñta ni tãhotuja yũhũ sehe. Cohamacũ to Espiritu Santore cjãariro jija. (Yũ ã jiriro jichũ masina ahri yũ yahurire masiga mũsa.)

8

“Cohamacũ jira”, ti nia masũrine ño payo ti duhu payoa chũare yahuha Paulo

¹ Mipũre “Cohamacũ jira”, ti nia masũrine ño payo ti duhu payoa chũare yahu duaja. Jipihtina mũsa tí barore “Masija”, ni tãhotura mũsa. Ñ ni tãhotuna “Painare masi yãhdũrucaja”, ni tãhotumana cãina. Ñ ni tãhotua painare yoadoherara tina. Painare cahãa tinare yoadohora. Ñ yoa masia yãhdoro painare cahãa sehe wiho waro jierara. ² “Masi pahñonocaja”, ti mũ sũro niina jia, Cohamacũ noaare to masi dutiare masierasina tina. ³ Wiho mejeta Cohamacũre ti cahĩchũ tinare masina tiro. (Ñ jia to yaina jira tina.)

⁴ Ñ yoa “Cohamacũ jira”, ti nia masũrine ño payo ti duhu payoa chũare ahrireta yahuihtja: Tí masũri ne yaba cjihti jierara. Potocãta tí masũri yajeripohna mariaha. Cohamacũ sehe cãirota jira. Paina cohamana mariaha. Ahrire mari masija. ⁵⁻⁶ “Payũ cohamana jira. Tina mari pãhtoa jira”, ni tãhotumana masa. Ñ yoa mũanopũ, ahri yahpapũ cãhũre “Cohamana”, ti niina jipachũta mari sehere cãirota jira Cohamacũ. Tiro mari Pũcũ jipihtiare bajuamehneriro jira. Ñ yoaro to yaina cjihti yoari jire tiro marine. Ñ jiro mari pãhtoro Jesucristo cãirota jira. Tiro jipihtiare mari Pũcũre yoabasariro jira. To yaina cjihtire yoari jire tiro marine. Ñ jina tiro mehne ã jirucunahca mari.

⁷ Yũ niriro sehe ã jipachũta paina Jesu yaina tíre masierara. Panopũ tina “Cohamacũ jira”, ti nia masũrine “Catiina jira”, ni tãhoturucumaha. Tí pjarũre ã yoarina jia mipũ cãhũre tí masũrine ño payo ti duhu payoa chũare “Cohamana ya chũa jira”, ni tãhotumana. Ñ yoaa tí chũare chũa, “Mari ñano yoana nija cohamana ya chũare chũa”, ni tãhotumana. Tíre ti yoarire noano masieraa, ã ni tãhotumana.

Ñ jia tina ñano yoaa nina, ti tãhotuchũ. ⁸ Tí chũare mari chũchũ mari chũerachũ cãhũre Cohamacũ marine “Noaina jira”, ni ñũerara. Ñ yoa tí chũare mari chũchũ wiho warota jinocahno nina tí chũa. Mari tíre chũna ñano yoajeraja. Tí chũare mari chũerachũ cãhũre wiho warota jinocahno nina. Ti duhu payoa chũare mari chũerana paina yãhdoro noaina jieraja mari cãhũ. ⁹⁻¹⁰ Wiho mejeta noano yoaga mũsa. Tí chũare chũrina cjiri mũsa jichũ paina mũsare, “Masija” niinare, ñũ cũ chũboca. Ñ ñũ cũ chũa ti yoarire noano masieraa, “Ñano yoana nija mari”, ni tãhotuahca tina cãhũ. Ti ã ni tãhotuchũ tina sehere ñano yoachũ yoana nica mũsa. Ñ jina noano yoaga mũsa. ¹¹ “Mari tí chũare mari chũchũ noanohca marine”, mũsa ni tãhotuina jina paina noano masieraina cjirire ñano yoachũ yoaboca mũsa, mũsare ti ñũ cũchũ. Tina ya cjihti cãhũre yariari jire Cristo. Ñ yoana Cristo yainare mũsa coyeare ñano yoachũ yoana niboca mũsa. ¹² Noano masierainare Cristo yainare mũsa ñano yoachũ yoana, Cristo cãhũre ñano yoana nica mũsa. ¹³ Ñ jicũ tí masũrine ño payo ti duhu payoa chũare yũhũ chũcũ Cristo yainare ñano yoachũ yoai niboca yũhũ. Cristo yaina ti ñano yoachũ cahmaeraja. Ñ jicũ “Yũhũ tinare ñano yoachũ yoari” nicũ, tí chũare ne pari turi chũsi yũhũ.

9

Paulo Jesu to cũriro to jia tiare yahuha

¹ Jesu to yare buhe dutiro to cũriro jija. Ñ jicũ paina to cũrina ti yoaro seheta yoa masija yũhũ cãhũ. Mari pãhtoro Jesure ñũriro tjija yũhũ cãhũ. Ñ jina Jesu yare yũ buhechũ mũsa sehe tíre noano tãhorina jina to yaina wahare mũsa. Ñ to yaina waharina jina Jesu to cũriro yũ jichũ masi tuhsũra mũsa. ² Paina yũhũre yahuwajaa “Tiro Jesu to cũriro jierara”, niboca. Ti ã nipachũta mũsare yũ buheri baharo Jesu yaina wahana, “Jesu to cũriro jira” ni, yũhũre masi tuhsũra mũsa. Ñ jina paina ti yahuwajapachũta mũsa sehe to cũriro yũ jia tiare masina.

3 Yuhure yahuwajainare õ sehetä ni yuhtihtja: 4 Músare yu buheri baharo yu chuhtire yu sihnihti cūhare yuhure waboa mūsa yu buheri wapa. 5 Ā jicu namo tiriŕo jicu yu namo Jesu yacoro to jichu ticoro mehne tini masiboa yuhū. Paina Jesu to cūrina, Jesu bahana, Pedro cūhu ti namosānumia mehne ti tiniriŕo sehetä yuhū cūhu tini masiboa. 6 Yuhū Bernabé mehne músare noaa buheare sã buhepachūta sãre ne paye barocã waerare mūsa. Ā jina sã basita sã chuhti cjihtire dahra wapatai sã. ¿Sã dihtare wapataro marieno buhero cahmajari, mūsa tuhotuchū? 7 Ahrina yu yahuhtina sehe ti dahrari wapa wapatarä. Cūiro surara to dahrachū to puhtoä tiriŕo wapara. To basi wapaerara. Chuare toariŕo cūhu to toari dicha tichū tíreta chu masina. Ā yoa ovejare ñu wihboriŕo to nuina pēchore sihni masina tiro. 8 “Ti dahrari wapare waparo cahamana”, nicū masa ti dutia dihtare músare yaueraja. Cohamacū to dutiapū to niri cjiŕi cūhare músare yahui nija. 9 Moise cjiŕore to cūri dutiare to yare ti joari pūi õ sehe ni yahura: “Wachu trigo yaparire to dahpori mehne suhtiweriŕore to chu duachu to dūserore dūcataena tjiga”, nia tiri jire Cohamacū dutia. 10 Ā dutiŕo wachūare nino nierari jire. Ā dutiŕo marine nino niri jire marine buhero taro. Wesere sahariŕo cūhu tí dichare narina cūhu ti dahrari baharo dicha tiri pja jichū ti wapatahtore cohtara tina. (Ā jina dahrainare ti dahrari wapare waro cahmana marine.)

11 Músare Cohamacū yare noaa buheare buhei sã. ¿Sã ã buhechū mūsa sehe sãre chuare waeraro cahmajari, mūsa tuhotuchū? Waro cahmana. Mūsa wachu noaboa sãre. 12 Ā waerarina jipanahta paina chuare músare ti sinichū mūsa tina sehere wara. Tina músare ti chuare sinichū sã sehe tina yuhdoro músare chuare siniborina jimaja.

Ā wa dutiborina jipanahta sã sehe “Sãre waga”, ne nierahi. “Cristo ya buheare músapū cahmaeraboca” nina, sãre chuä mariapachūta músare ne sinierahi. 13 Cohamacū wuhūi dahrainä tí wuhūihtä ti chuare nana. Ā yoa Cohamacūre ti ño payori mesai cohtaina wahiŕore ti

jūriŕore mahanocã na chūra tina cūhu. ¿Tíre masierari mūsa? 14 Tó sehetä ti yoariŕo sehetä noaa buheare buheinare ti buheri wapare ti chuhtire tinare waro cahmana músare. Āta yoa dutire mari puhtoro Jesu. 15 Ā jicu músare siniboriŕo jipaihta yuhū ne paye barore sinierahi músare. Ā jicu ahrire mipūre joacu paye barore wapa cahmai tai joai nieraja. Músare ne wapa cahma duaeraja. Yariahtiro jipaihta ne wapa cahmasi yuhū músare. Wapa marieno buhecū ji coa yuhduaja. Ā jicu músare yu buheri wapa ne wapata chūsi.

16 Noaa buheare buhe dutiŕo yuhure cūre Cohamacū. Tíre buheri masūno jinocaihta nija yuhū. Noaa buheare buheracu pjacūŕiŕo jiboa yuhū. Ā jicu tí buheare buhecū “Painare masi yuhdūrucaja”, niboriŕo jieraja yuhū. 17 Noaa buheare yu mū sūro buhecū yu buheri wapa wapaa naboa yuhū. Cohamacū yuhure to yare buhe dutiŕo cūre yuhure. Ā jicu yu mū sūro buheraja. 18 ¿To yare ã buhecū yaba barore wapatajari yuhū? Ō sehe jira yu wapataa: Noaa buheare buhecū músare ne paye barore sinieracu wapa marieno tí buheare buheja músare. Yu ã niriŕe masicu wahcheja. Yu wahcheata jira yu wapataa.

19 Ne masare dahra cohtariŕo jierapaihta jipihtinare dahra cohtariŕo yoaro sehe jija yuhū payū paina masa Jesu yaina ti wahahto sehe. 20 Ā jicu yu coyea judio masa mehne jicu, ti yoaro sehetä yoaja yuhū Jesu yaina ti wahahto sehe. Cohamacū to dutia cjiŕire Moise cjiŕore to cūri cjiŕire ño payoriŕo jierapaihta, tí dutia dihtare ño payoina mehne jicu tí dutiare ño payoriŕo baro yoaro sehetä jija yuhū. Āta yoaja yuhū tina Jesu yaina ti wahahto sehe. 21 Ā jicu Cristo yairo jicu Cohamacū dutiare Moise cjiŕore to cūri cjiŕire yuhdūrucä duaeraja. Tí dutiare yuhdūrucä duaerapaihta tí dutia marieina mehne jicu tí dutia marieriŕo yoaro sehetä jija. Āta yoaja yuhū tina cūhu Jesu yaina ti wahahto sehe. 22 Jesure noano masieraina mehne jicu ti yoaro sehetä jija. “Masi pahñoriŕo jija”, nieraja yuhū. Āta yoaja yuhū tina cūhu Jesu yaina ti wahahto sehe. Ā jicu jipihtina masa ti jiriŕo sehetä

jija yũhũ cãina tina Jesu yaina to yũhdũchũ yoaina ti wahahto sehe. ²³ Ahrire yoaja noaa buheare jipihtina ti tũhohto cjihtore. Yũ ã yoachũ ñũno Jesu to buheriro seheta tiro yũhũ cãhũre noano yoara. (Ã jicũ masa ti jia tiro seheta jija.)

²⁴ Õ seheta jira mari piti dahre buhechũ. Mũrocapeina mũrocaa tina jipihtina mũrocarã. Ti ã mũroca pihtipachũta mũroca yũhdũrũcariro sũ mũhtana. ã sũ mũhtariro wapataara. ã jina ti mũrocariro seheta mũsa cãhũ Cohamacũ cahmaare yoaga mũsa wapatahto sehe. ²⁵ Jipihtina mũrocaina ti pjacũre dojomehneare duhunoca noano mũrocapora ti mũroca tuahto sehe. Tuhsũ, ti noano mũrocahto cjihtore quihõno chũa, quihõno carĩa, noano yoara tina. ãta yoara tina mũroca sũ, ti wapatahto sehe. ã jia ti ã yoa wapataa pũri mehne ti yoari soro jira. Tí soro ñaco baaerara. Mari sehe Cohamacũ yare noano buheja to yare mari wapatahto sehe. Tí wapataa pinihta ne baaerara. ²⁶ ã jicũ yũhũ pa sehe mũrocariro yoaro sehe yoeraja. Potori da mũrocariro yoaro sehe yoaja yũhũ. Tuhsũ, cahmacheperiro pa sehe dota moñoroca mũjariro yoaro sehe yoeraja. ã yoa duaeracũ Cristo yare quihõno yoa duaja. ²⁷ ã jicũ mũrocapeina, cahmachepeina cãhũ ti pjacũre ti buheriro seheta ti noano quihõno ti yoariro seheta yũhũ cãhũ yũ pjacũ mehne noaa dihtare yoaroja. ã yoeracũ painare buheriro jipaihta yaba cjihti jieraboa yũhũ sehe.

10

“Cohamacũ jira”, ti nia masũrine ño payo dutieraha Paulo

¹ ã yoa yũ coyeyã, ahrire masiga mũsa. Sã Israe masa ñũchũsũma cjiri panopũ macaina jipihtina Cohamacũ to me curuare ñũ nũnũ ti wahcãa, waha tiri jire. ã wahaã sohãri mare co watoi jiri mahai wũa cahari mahai pahã tinia wahari jire. ² ã wahaã tina jipihtina me curua mehne sohãri ma macaa co mehne bautisarina yoaro sehe wahari jire. Bautisarina wahaãna Cristo yaina mari jiare ñona nija. Tó

seheta tina sohãri mare bautisarina yoaro sehe wahaã, Moise cjiro yaina ti jiare ñoa nia tiri jire. ³ ã yoa tina jipihtina mũano macaa chũare chũa tiri jire Cohamacũ to waare. ⁴ ã chũa tina jipihtina Cohamacũ to waa co cãhũre sihnia tiri jire. Tí pjapũre tí core Cohamacũ to cũri tãcai wijaa core sihnia tiri jire tina. Tia tãca yoaro sehe jiro, tinare co wariro Cristo jiri jire. ⁵ Tina ã waharina ti jipachũta paina tina mehne macaina ñano ti yoachũ ñũno Cohamacũ sehe payũ tina mehne macainare ñũ ji coerari jire. ã jiro tinare masa marienopũ yariachũ yoari jire Cohamacũ. ã yoaro masa marienopũ ti pjacũre cohã sitea wahari jire.

⁶ ãta yoari jire Cohamacũ tinare marine buhero taro. ã jiro tinare ñũ cũ ñaare mari goa pjaerahto cjihtore Cohamacũ ã yoari jire tinare. ⁷ ã jina “Cohamacũ jira”, ti nia masũrine ti ño payoriro seheta yoena tjiga mũsa sehe. Tí masũrine ti ño payorire Cohamacũ yare ti joari pũi yahuro õ sehe nina: “Tina chũ duji sihni tuhsũ, wahcãrũcũ sũ, bose nũmũ yoa dũcari jire wachũ masũre ño payoa taa”, ni joaa tiri jire panopũre. ⁸ Baharo paina sehe Israe masa numia mehne ñano yoari jire. Ti yoariro seheta yoeraro cahmana marine. Tina ti ñano yoari baharo cã dachoihta tina veintitrẽs mil masa yariaa wahari jire. ⁹ Ti ã wahari baharo pari turi paina Israe masa sehe Cohamacũre tina mehne suachũ yoari jire. “Marine buhiri dahresi”, nia ñaa warore yoari jire. ã yoaã tirore suachũ yoari jire. Ti ã yoari buhiri Cohamacũ agãa mehne bahca wajãri jire tinare tjoa. ã jina tina yoaro sehe Cristore yoena tjiga mũsa “Marine buhiri dahresi”, nina. ¹⁰ Pa tehe tjoa paina ñaa quiti dahre ti tuhtichũ anjo masare wajãriro tinare wajãri jire. ã jina tina yoaro sehe yoena tjiga.

¹¹ ã wajã dutiri jire tinare Cohamacũ marine buhero taro. Mari sehe pihtiri dacho panocã jiina jija. Mari ã jiina jichũ panopũ macaina ti ã waharire Cohamacũ joa dutiri jire marine noano buhero taro. ¹² ã jina “Noaina jija sã, Cohamacũ to ñũchũ”, ni tũhotuina jina, noano yoaga

musa “Ñaaare yoari”, nina. ¹³ Mari jipihtina cãiro duhsaro marieno cãa tahari ñaaare wacũja. Æ wacũna tí ñaaare yoa duaja. Mari Æ yoa duapachuta Cohamacu marine yoadohorucuriro jira. Æ jiro tí ñaa wacũare musa bo masierachu tiro sehe musare yoadohorohca. Æ jiro tí ñaaare musa yoa duachu ñuno Cohamacu tí ñaaare musare yoa duaerachu yoarohca. To Æ yoachu tí ñaaare yoa duasi musa.

¹⁴ Æ jina yu cahĩina yuhure tuhoga. “Cohamacu jira”, ti nia masurine ne ño payoena tjiga. ¹⁵ Musa noano masiina jichu musare yahuja. Æ jina yu nihti cjihtire quihõno ti jichu masiga musa basi. ¹⁶ Cristore ti ñahari ñamine vinore to sihnihto pano Cohamacure “Noana”, niri jire. To niriro seheta mari cãhu tí core sihnina Cohamacure “Noana” nina, mari ya buhiri Cristo to yariarire masichu yoana nija. To di wijaarire masichu yoana nija. Tuhsu, to yaina mari jia tia cãhure masichu yoana nija mari. Æ yoa pãore mari Cristo yaina nuha, chũna, mari ya cjihtire to pjacu crusapu to yariarire masichu yoana nija. Tuhsu, to yaina mari jia tia cãhure masichu yoana nija. ¹⁷ Æ jina payu masa jipanahta cã curi pão curire chũna jipihtina mari Cristo yaina cã curuata jija.

¹⁸ Israe masa ti yoarire wacũga musa: Tina wahiquirore wajãa, jũ muo waa, Cohamacure ño payora. Æ ti wari baharo cã curuaihta ti wariro cjirore chũra. Æ chũa Cohamacure ti ño payoare masichu yoara tina. ¹⁹ Cohamacure ti waa chũare yahucu “‘Cohamana jira’, ti nia masurine ti waa chũa sehe tí waro jira”, nii nieraja. Tí chũa pinihta wiho waro jia nina. Tí masuri cãhu wiho waro jia nina. ²⁰ Tí chũa ti yaba cjihti jierapachuta tí chũare chũeraro cahmana. Æ sehe jira tí. Cohamacure cahmaeraina wahiquirore wajã, jũ muoa, Cohamacure ño payoa nierara. Æ yoaa watãa sehere ño payora tina. Ti Æ ño payoina jichu tina mehne chũna watĩno yaina yoaro sehe yoana nica musa cãhu. Musa Æ yoachu pinihtare ne cahmaeraja. ²¹ Santa Cenare mari yoari dachoi mari puhtoro Jesure wacũna tana sihnija. Mari Æ sihniina jina, watãa

sehere ño payo masieraja mari. Æ yoa Jesure wacũna tana pãore chũja. Mari Æ chũina jina, watãa sehere ño payo masieraja mari. ²² ¿Jesure musa mehne suachu yoa duajari musa, puarore musa ño payona? ¿Tiro yuhdoro tuaina jijari musa? Jierara. (Æ jina noano yoaga musa.)

Cohamacu to cahmaa dihtare yoaga

²³ Æ sehe nina cãina: “Sã cahmano seheta yoa masija sã”, nina. Musa yoari cjiri ñaa ti jierapachuta tíre yoana painare yoadohoeraboca musa. Tuhsu, tíre yoana Jesure wacũ tua namochu yoeraboca musa painare. ²⁴ Musa cahmaa dihtare yoana tjiga. Paina sehere noano yoadohoga musa.

²⁵⁻²⁶ Chũa duaropure chũare nuchũna “¿Ahri chũa masurine ti duhu payoa chũa jijari?” ni sinitu ñũena tjiga. “Ñaaare yoari” nina, sinitu ñũboca musa. Æ ni sinitu ñũena tjiga. Ahri yahpa, ahri yahpai jia cãhu Cohamacu ya jira. Æ jina tí chũare “¿Ñaa chũa jijari?” niena tjiga.

²⁷ Jesure cahmaerariro musare chu du-tiro to pjirocachu waha duana wahaga. Æ wahana musare to duhu payoare chũga. “¿Ahri chũa masurine ti duhu payoa chũa jijari?” ni sinitu ñũena tjiga. ²⁸ Æ jina paio Jesu yairo “Ahri chũa masurine ti duhu payoa chũa jira”, musare to ni yahuchu tí chũa pinihtare chũena tjiga. Musare Æ ni yahuriro “Ñaa chũare chũra ahrina”, musare to ni tuhoturerahto sehe chũena tjiga musa. Musa cãhu Æ ni tuhutori nina tí chũare chũena tjiga. ²⁹ Æ chu dutieracu musa ya cjihtire Æ nierahi. Musare ahrire yahuriro ya cjihti sehere tí chũare chu dutieraja. Tiropu musare “Ñaa chũare chũra ahrina”, niboca. “Æ niri” nina, tí chũare chũena tjiga.

“Chũena tjiga”, yu nichu Æ sehe ni sinitu yuhtiboca musa yuhure: “¿Dohse jiro baro paiore ‘Soro tuhutori’ nina, chũerabocari sã? ³⁰ ¿Cohamacure ‘Noana’, sã niri baharo sã chũchu dohsearo tíre sã chũri buhiri paio sãre yahuwajabocari?” ni sinitu yuhtiboca musa yuhure. ³¹ Ahri jipihtiare yahucu Æ sehe nii nija musare: Dachoripe Cohamacu to dutiriro seheta

wahchea mehne ch_u, sihnija, Cohamac_ure masa ti ño payohto sehe. ã jina jipih-tiare noano yoarucuga Cohamac_ure masa ti ño payohto sehe. ³² Ne judio masare, judio masa jierainare, Cohamac_u yaina cãh_ure ñano yoach_u yoaena tjiga m_usa tinare. ³³ Õ seheta yoaja y_uh_u sehe. Masa jipihtinare yoadoho duaja. ã yoac_u ya cjihti waro sehere pj_uro tãhotueraja. Y_u ñano y_uhd_uch_u noanohca. Pay_u masa sehere yoadohoja tinare pichac_ure waha-borinare Cohamac_u to y_uhd_uch_u yoah_uto sehe.

11

¹ ã jina Cristore y_u ñ_u cãr_ure y_u yoach_u m_usa cãh_u y_uh_ure ñ_u cãga.

Corinto macaina ti cahmachunoi numia ti yoah_uto yahuha

² M_usare y_u buhe turiari cji_ure y_u yoari cãh_ure wac_u pah_uñoyuhca m_usa. ã wac_una m_usare y_u yoa dutiriro seheta yoayuhca m_usa. ã yoana noano yoara m_usa. ³ ã yoaina m_usa jipach_uta ahri cãh_ure m_usa masich_u cahmaja: Jipihtina m_ua ti pãh_uto, Cristo jira. Tuhs_u, to namono pãh_uto to man_uno jira. ã jich_u, Cristo pãh_uto to P_uc_uro jira. ⁴ Cohamac_ure siniriro to dapure mohariro sinino, to pãh_uto Cristore ño payoeraro seheta yoaro nina. Cohamac_u yare yahuriro cãh_u to dapure mohano ãta yoaro nina tiro cãh_u. ⁵ Tuhs_u, to dapure mohaeraricoro Cohamac_ure sinino, to man_uno ño payoeraro seheta yoaro nina. Cohamac_u yare yahuricoro cãh_u to dapure mohaeraro ãta yoaro nina ticoro cãh_u. ã yoaro to pjoarire wãha pah_uñoricoro yoaro seheta yoara ticoro. ⁶ To dapure moha duaeraro ticoro to pjoarire saa pah_uño dutijaro. To ã yoari baharo to dapure b_uo tiro, ticoro mohajaro to dapure. ⁷ M_ua sehe Cohamac_u noariro, tuariro to jia tiare ñona tina sehe. ã jia ti dapupure mohaeraro cahmana tinare. Numia sehe m_ua ti pãh_uto jia tiare ñona. ã jia tina numia sehe ti dapupure mohajaro. ⁸ Cohamac_u m_uno yoaro, numino ya pjac_u macano mehne m_uno yoerari jire. Numino

sehere yoaro, m_uno ya pjac_u macano mehne ticorore yoari jire. ⁹ Tuhs_u, m_uno yoaro, numino yairo cjihtore yoerari jire. Numino sehere yoaro m_uno yacoro cjihtore yoari jire Cohamac_u ticorore. ¹⁰ ã jia numia ti dapupure mohajaro anjoa cãh_u m_ua ti pãh_uto ti jirire ti masihto sehe. ¹¹⁻¹² Cohamac_u numino yoaro, m_uno pjac_u macano mehne yoari jire. ãta mip_ure m_uno masa bajuaro, numino pjac_u masa bajuara. Tuhs_u, jipihtinare Cohamac_u sehe yoari jire. ã jiro m_uno to ji mãhtaerach_u numino mariaboa. ã yoa numino to mariach_u m_uno cãh_u mariaboa.

¹³ ¿M_usa basi dohse tãhotujari? ¿Numino to dapu mohaeraricoro, Cohamac_ure to sinich_u noajari, m_usa tãhotuch_u? Noeraputiara. ¹⁴ Tuhs_u, m_uno pjoa nahmo m_uriro to jich_u ñaa nica. Jipihtina masa ti m_u s_uro tíre masina. ¹⁵ ã yoa numino to pjoa nahmo to dapure mohari cãh_uro yoaro sehe jira. Ticoro pjoa nahmo m_uricoro jiro noaricoro bajura ticoro. Tí cãh_ure jipihtina masina. ¹⁶ M_usa mehne macariro ahrire y_u yahurire to tãho duaerach_u, ò sehe ni yahuihtja tire: “Y_u ni yahuriro seheta mari yoaa tia jira. Paina Jesu yaina cãh_u ãta yoarucura tina cãh_u. Sã ã yoarina jich_u ñ_uch_u y_u ni yahuriro seheta yoaga m_uh_u cãh_u”, ni yahuihtja y_u yahurire tãho duaerariroro.

Santa Cenare ti ch_uro watoi do-jomehneha Corinto macaina

¹⁷ Mip_ure m_usare ahrire yahui tai, “Noano yoaina jira”, nieraja y_uh_u m_usare. M_usa cahmachuna noano yoerara. ñano yoara m_usa. ¹⁸ Õ sehe ni yahu mãhtaihtja m_usare: M_usa cahmachunop_u cahma sayona m_usa basi cãa curuari tju wayuhca m_usa. Paina tíre y_uh_ure ti yahuch_u “Potocã tjica”, ni tãhotu cureja y_uh_u. ¹⁹ ãta yoayuhca m_usa. M_usa ã tju warina m_usa jich_u ñ_una baharo Jesu yaina waro jiina sehere masinahca mari. ²⁰ M_usa basi ã ñ_u tuhtiina jina m_usa cãnoi cahmachu ch_uch_u tó wahaerara. Potocãta Santa Cena waro yoana nierayuhca. ²¹ M_usa cahmachuna cãina m_usa sahsero ch_u mãhconca, paina sehere j_uca baach_u yoana niyuhca m_usa.

Tuhsu, sihni muhtaina sehe cahaa wahayuhca. ²² ¿Musare musa wuhuse mari-ajari? Musa wuhusepata chu, sihni. Mipure Cohamacu yaina ti cahmachunore dojomehnena niyuhca musa to yaba cjihti jieraboro seheta. Tuhsu, paina Jesu yaina pjacuoinare chu maeraina sehere musa sehe buoro yuhduchu yoayuhca. ¿Dohse ni yahuihcari yuhu musare? “Noano yoana nina musa”, nieraja yuhu.

Santa Cenare yoaa taa, ti churire yahuha Paulo

(Mt 26.26-29; Mr 14.22-25; Lc 22.14-20)

²³ Mari puhtoro Jesu to chu batoarire yahure yuhure. A to yahuri baharo yuhu sehe musare tire yahu turiahi. Ti o sehe jira: Tirore nu tuhtiinare Juda to nohti namihi mari puhtoro Jesucristo paore na, Cohamacure “Noana”, niyuhti. ²⁴ To a niri baharo ti paore nuha, to buheinare witiyuhti. A witiro o sehe niyuhti: “Ahrire chuga. Ahri yu pjacu jira. Musa yaro jiborirore yariaihca. Yuhure musa wacuhti cjihtire ahrire chuga”, niyuhti Jesu mari puhtoro. ²⁵ A ti churi baharo tiro sih-niri wahware na wahcāno o sehe niyuhti: “Musa naa yoari buhirire cohacu tacu yariaihca. A yoacu yu dire cohāihca. Cohamacu ‘Musare yuhduchu yoaihtja’, to niriro musachu yu yariaro mehne to niriro sohtori tiarohca. Ahri wahwai posa tiare sihni, yu di cohāire wacūnahca. Ahrire sihni, yuhure musa wacuhti cjihtire sihni”, niyuhti Jesu. ²⁶ A yoa Santa Cena macaa paore musa chu, sihniare sihni, Jesu mari puhtoro mari ya buhirire to yariarire noa nina musa. A norucunahca musa pu ahri yahpau to tjua tachpu.

“Santa Cenare chu sihni o sehe yoaga”, ni yahuha Paulo

²⁷ Santa Cenare chu, sihni, Jesu no payoro marieno yoana, cua pisaro yoerana, to pjacure to di cohāri chure bujupero sehe yoana nija mari. A yoana Jesu bujupena nija mari. To sehe yoana buhiri tiina jira. ²⁸ A jina mari yoirere, mari jia tiare noano wacūjhna. A wacūna Santa Cenare chu, sihni masija mari. ²⁹ Mari

puhtoro mari ya cjihtire to pjacu to yariarire wacūno marieno Santa Cenare chu, sihni mari buhiri tinahca. ³⁰ O sehe dihta yoayuhca payu musa mehne macaina. A yoa tina cāina tuaeraina, dohatiina wahayuhti. Tuhsu, paina ti a yoari buhiri yariaa wahayuhti. ³¹ Wiho mejeta Santa Cenare mari chu, sihni, mari yoirere, mari jia tiare noano wacūna, mari naa yoirere duhuna ti buhirere buhiri tisi mari. ³² Mari puhtoro sehe marine tuhtira, ti buhirere marine buhiri ti dutieraro. Paina naa Jesu no payoeraina buhiri tihtina dihta jira. Tina yoaro sehe marine buhiri tichu cahmasāerara mari puhtoro.

³³ A jina yu coyea, Santa Cenare chu tana cahmachuna, cohtasiniga musa coyeare. ³⁴ Tuhsu, musa mehne macaina jua baa, ti ya wuhusepu chusinijaro. A yoana Santa Cenare chu tana cahmachuna, cua pisaro yoeraina ya buhiri buhiri tisi musa. Paye barore yahu duamahi musare. Baharo yu basi supu musare yahuihtja tire.

12

Cohamacu yare mari yoahore cūno marine yoa masichu yoara Espiritu Santo

¹ Yu coyea, ahrere yahu duaja musare. Cohamacu yare mari yoahore cūno marine jipihtinare yoa masichu yoara Espiritu Santo. A jicu tire musa noano masichu cahmaja.

² Jesu yaina jierasini soro jia buheare tuho nana jina, musa sehe “Cohamacu jira”, ti nia masine, durucuera masine no payosinimare. Tire masina musa. ³ A jina musa jirina jicu mipure o sehe ni yahuihtja musare: “Jesu nano wahajaro”, niina Cohamacu yairo Espiritu to tuaa mehne a nia nierara. Espiritu Santo warore cuaerara tina. Tuhsu, “Jesu mari puhtoro jira”, niina Espiritu Santo to tuaa mehne a niina jira tina.

⁴ Cohamacu yare yoa masia payu jira. Ti a jipachuta marine yoa masichu yoirere sehe cairota jira. Tiro Espiritu Santo jira. ⁵ A yoa Cohamacu yare yoahina payu jina, to yare soro sehe mari yohti chu payu jira. Ti a jipachuta mari

p̄h̄toro Jesu sehe c̄airota jira. ⁶ ã yoa Cohamac̄u yare yoaa c̄h̄u paȳu jira. Tí ã jipach̄uta Cohamac̄u marine yoa masich̄u yoariro sehe c̄airota jira. ⁷ Marine Jesu yainare Esp̄iritu Santo yoadohoro Cohamac̄u tuaare ñono nina. Õ seheta yoadohora tiro Jesu yainare jipihtinare mari noano yoadohohto sehe. ⁸ C̄ainare noano masi, yahuch̄u yoara Esp̄iritu Santo. Tuhs̄u, painare Cohamac̄u yare noano buhe masich̄u yoara tiro Esp̄iritu Santo pinihta. ⁹ ã yoa painare Cohamac̄u noano wac̄u tuach̄u yoara tiro. ã yoaro painare Cohamac̄u tuaare wara tiro. Tí tuaa mehne tina sehe dohatiinare noaina wahach̄u yoara. Esp̄iritu Santo c̄airota jiriro tí tuaare wara. ¹⁰ Tuhs̄u, tiro painare Cohamac̄u tuaa mehne yoa masich̄u yoara tiro. ã yoaro painare Cohamac̄u yare noano yahu masich̄u yoara tiro tinare. ã yoaro paina Jesu yainare buheare noano bese masich̄u yoara tiro. ã masia wat̄ino ya buhea ti jich̄u masina tina. Esp̄iritu Santo waro ya buhea c̄h̄u ti jich̄u masina tina. Tuhs̄u, painare t̄homahnoeraa d̄userire ti durucu masich̄u yoara tiro. ã yoa t̄homahnoeraa d̄userire durucuina ti nino seheta yahu ȳh̄do masich̄u yoara tiro painare. ¹¹ Esp̄iritu Santo c̄airota jiriro to cahmano seheta marine c̄ainare ahri jipihtiare ȳu yahuriro seheta yoa masich̄u yoara. C̄ainare soro yoa masich̄u yoara. Paina c̄h̄u soro yoa masich̄u yoara.

Cristo yaina jina c̄u curuata jija mari

¹² Õ sehe jira ahri mehne mari piti dahre yahuch̄u: Mari p̄jac̄u c̄u p̄jac̄u to jipach̄uta wamomacari, capari, dahpori, cahmori tí pinihta paȳu jira mari p̄jac̄u jia. ãta jija mari Cristo yaina c̄h̄u. Cristo yaina to p̄jac̄u yoaro sehe c̄u curuata jira. ¹³ ã jina Cristo yaina jina, to p̄jac̄u yoaro sehe c̄u curuata jija mari. Judio masa, judio masa jieraina, dahra cohtaina, dahra cohtaina jieraina, paȳu curuari jipanahta c̄airota jiriro to p̄jac̄u yoaro sehe c̄u curuata jija mari. Esp̄iritu Santo c̄airota jiriro to tuaa mehne bautisarina jija mari. ã jina c̄airoreta Esp̄iritu Santore c̄u jija mari, Cristo ya curua macaina jina.

¹⁴ Mari p̄jac̄u c̄u p̄jac̄u to jipach̄uta wamomacari, capari, dahpori, cahmori tí mari p̄jac̄u jia paȳu jira. ¹⁵ M̄u dahporo durucuri dahporo jiro, ò sehe niboa m̄h̄u soro ni duaro: “Wamomaca jieraja ȳh̄u. ã jic̄u p̄jac̄u macariro jieraja ȳh̄u”, niboa. M̄u dahporo ã niparota p̄jac̄u macano jirota nina. ¹⁶ M̄u cahmono durucuri cahmono jiro ò sehe niboa m̄h̄u soro ni duaro: “Capariaca jieraja ȳh̄u. ã jic̄u p̄jac̄u macariro jieraja ȳh̄u”, niboa. M̄u cahmono ã niparota p̄jac̄u macano jirota nina. ¹⁷ ¿Mari p̄jac̄u capariaca dihta jich̄u dohse t̄h̄obocari mari? Basioeraboa. ¿ã jina mari p̄jac̄u cahmono dihta jich̄u dohse wij̄i t̄h̄otubocari mari? Basioeraboa. ¹⁸ Tó sehe jierara mari p̄jac̄u. Õ sehe jira. Mari p̄jac̄u jiare Cohamac̄u to cahmano seheta c̄uri jire mari p̄jac̄u. ¹⁹ ¿Mari p̄jac̄u jia mariach̄u dohse wahaboari mari p̄jac̄u? ²⁰ Mari p̄jac̄u ò seheta jira: C̄u p̄jac̄u to jipach̄uta mari p̄jac̄u jia paȳu jira.

²¹ “M̄u yoadohoch̄u cahmaeraja”, m̄u capariaca ni masierara m̄u wamomacare. ã jich̄u, m̄u dapu m̄u dahporire “M̄u yoadohoch̄u cahmaeraja”, ni masierara. ²² Paye mari p̄jac̄u jiare “Wiho jia curea jira”, mari nia sehere pototi cahmaja mari paye mari p̄jac̄u jia ȳh̄doro. ²³ Paye mari p̄jac̄u jiare “Soro jira”, mari ni t̄hotupanahta tíre mari p̄jac̄u jiare noano yoaja. Tuhs̄u, paye mari p̄jac̄u jiare mari b̄uo tiare suhti mehne n̄uaja mari. ²⁴ Paye mari p̄jac̄u jiare n̄ueraja mari. Tí pinine ñona, b̄uo tieraja. Õ sehe ji dutiri jire Cohamac̄u mari p̄jac̄u. Mari ñoeraare mari p̄jac̄u jiare mari noano ño payoa mehne c̄u jija. ãta yoa dutiri jire Cohamac̄u. ²⁵ ã jia mari p̄jac̄u jia ti basi cahma yoadohora, c̄u p̄jac̄u to noano jihto sehe. ²⁶ ã jia mari capari ñano ȳh̄d̄uch̄u paye mari p̄jac̄u jia c̄h̄u ñano ȳh̄d̄ura. Tuhs̄u, mari capari noaa wahach̄u mari p̄jac̄u jia c̄h̄u wahcheina masa yoaro seheta noano t̄hotura.

²⁷ ã jic̄u ò sehe nii nija m̄sare: M̄sa sehe Cristo to p̄jac̄u yoaro sehe c̄u curuata jira. ã jina jipihtina m̄sa to p̄jac̄u jia yoaro sehe to yaina jira. ²⁸ ã jiro Jesu

yainare mari yoadohohti cjihtire cūri jire Cohamacu marine. Ō sehe cūri jire tiro marine. Cāinare marine buhe dutiro to cū mūhtainare cūri jire tiro. Painare to yare yahuhtinare cūri jire. Painare masare buhehtinare, painare Cohamacu tuaa mehne yoahhtinare, painare dohatiinare ti yūhdūchu yoahhtinare, painare masare yoadohohtinare, painare masa pūhtoa jihtinare, painare tūhomahnoeraa dūserire durucuhtinare cūri jire Cohamacu marine. ²⁹ Ā to cūchu jipihtina cāno potori to cūrina jieraja mari. Paina Cohamacu yare yahuhtina jierara. Paina Cohamacu buhe dutiro to cūrina jierara. Tuhsu, paina masare buheina jierara. Paina Cohamacu tuaa mehne yoaina jierara. ³⁰ Tuhsu, paina dohatiinare yūhdūchu yoaina jierara. Paina sehe tūhomahnoeraa dūserire durucuina jierara. Tuhsu, paina tūhomahnoeraa dūseri durucuare yahu yūhdoina jierara. Ā jiro cāinare mari yoahhtire cūri jire tiro. ³¹ Wiho mejeta Cohamacu yare yoa masi duana noa yūhdūa sehere tuaro cahmaga mūsa. Jipihtia ahri yu niri yūhdoro mūsa cahmahti cjihtire mipure yahuihtja mū sare yūhu.

13

Painare noano ti cahīhtire yahuha Paulo

¹ Masa ya dūserire durucu masipanahta, anjoa ya dūserire durucu masipanahta, painare cahīerana yaba cjihti jieraja mari. Mari durucua cūhu yaba cjihti jierara. Painare cahīerana mari durucuna, wiho waro durucuna nija. ² Cohamacu yare noano yahu masipanahta, masa ti masierari cjihtire Cohamacu yare ti buheri cjiri cūhure masi pahñopanahta, painare cahīerana yaba cjihti jieraja mari. “Ahdū tūcu pa sehēpu wahajaro”, mari nichu, “Potocāta mari siniro sehetā Cohamacu yorohca”, ni mari tūhotuchū āta yorohca. Cohamacure ā ni tūhotuina jipanahta painare cahīerana, yaba cjihti jieraja mari. ³ Jipihtia mari yare pjacuoinare wapanahahta painare mari cahīerachū tí mari wari yaba cjihti jierara. Tuhsu, Cohamacu yare yoana tana mari

pjacure mari jā dutipachūta, painare mari cahīerachū marine yaba cjihti jierara.

⁴ Suaeraja painare cahīna. Tinare cahīna noano yoaja tinare. Tuhsu, painare cahīna tinare pahsu tieraja. Mari cahīriro mehne jina “Mū yūhdoro jiro jija”, niina jieraja mari. Painare cahīna “Mū sare masi yūhdūcaja”, ni tūhotueraja mari tinare. ⁵ Ā yoa painare cahīna tinare ño payoro mehne yoaja mari. Painare cahīna “Sā cahmano sehe yoaja. Mūsa cahmano sehe yoaeraja”, nieraja mari. Tuhsu, tinare cahīna suaeraja mari tina mehne. Painare cahīna marine ñano ti yoachū cūhure tina mehne ā suarucueraja mari. ⁶ Painare cahīna ñaare ti yoachū ñūna wahcheraja mari. Noaa sehere quihōno ti yoachū ñūna tuaro wahcheja. ⁷ Painare cahīna ti ya buhiri ñano yūhdūpanahta tinare ā cahīrucuja mari. Painare cahīna paina sehe tinare ti yahuwajachū tūhopanahta tíre tūho duaeraja mari. Painare cahīna “Tina ñaare yoasi”, ni tūhotuja mari tinare. Painare cahīna ñano yūhdūpanahta tinare cahī duhusi mari.

⁸ Painare cahma cahīa ne pihtisi. Cohamacu yare masa mari yahua sehe baharo pihtia wahaahca. Tūhomahnoeraa dūserire durucua cūhu baharo pihtia wahaahca. Cohamacu yare masa ti buheri cjiri cūhu baharo pihtia wahaahca. Painare cahma cahīa sehe ne pihtisi. ⁹ Mipure Cohamacu yare mari masi pahño masieraja. Ā jina to yare yahuna mari yahu pahño masieraja. Mari masi pahñohto dūhsasinina mini. ¹⁰ Ā jina Cristo ñaa marieriro to tjua tari baharo mari masi pahñonahca. “Masieraja”, ni namosi.

¹¹ Mari masi pahñohto ō sehe jira: Nijinocā jicu nijinocā yoaro sehe durucumai yūhu. Nijinocā to yoaro sehe tūhoturucumai. Bucuro wahaipe nijinocā to yoriro sehetā duhunocai. (Tó sehetā mari mipure “Masi pahñoeraja”, nipanahta baharopure masi pahñonahca.) ¹² Ñóno to noano masu bajueraro sehetā mipure noano masi pahñoerasinija mari. Baharo paire noano mari ñu masino sehetā mari masi pahñonahca. Mipure mari masi pahñohto marine dūhsasinina mini.

Cohamacu marine to noano masi pahñoriro seheta baharo mari cãhu noano masi pahñonahca. ¹³ ã yoana tiarore mari yoa masija mipure. Cohamacure wacũ tua masija. ã yoa marine to yãhdũchũ yoah-tore masina, mari noano cohta masija. ã yoa painare cahma cahĩ masija. Ahri tiaro jira pototi mari yoahiti. Tuhsũ, painare cahma cahĩna, ahri puaro yãhdoro yoana nija. Wacũ tuaa, to yãhdũchũ yoah-tore cohta yãhdoro jira cahma cahĩa sehe.

14

Tũhomahnoeraa dũseri durucuarẽ yahuha Paulo

¹ ã jina painare cahma cahĩna jiga mũsa. ã yoa Cohamacu yare mũsa noano yoa masihtore cahmaga mũsa. Cohamacu yare mũsa yahuhti pinihtare tuaro cahmaga mũsa. ² Tũhomahnoerari dũserore durucuriro Cohamacu mehne dihta durucura. ã ni durucuro masa mehne durucuro nierara tiro. To ã ni durucuchũ tũhoa masa sehe ne tũho ñahaerara tirore. Masa ti masierare Espĩritu Santo to tuaa mehne durucuro nina tiro. ³ Cohamacu yare yahuriro sehe masa sehere yahura. ã yahuro tiro masare yoadohoro nina. Tinare buhero nina tiro. Tuhsũ, ti ñano yãhdũchũ tiro tinare wahchechũ yoara. ⁴ Tũhomahnoerari dũserore durucuriro cãirota buhera. Painare buherara. Cohamacu yare yahuriro sehe painare Jesu yainare buhero, yoadohora tiro. ⁵ Tũhomahnoeraa dũserire jipihtina mũsa durucuchũ noaboa, yũ tũhotuchũ. Wiho mejeta Cohamacu yare mũsa yahuchũ pinihtare tuaro cahmaja. Cohamacu yare yahuriro pinihta tũhomahnoerari dũserore durucuriro yãhdoro painare yoadohora. ã jipachũta tũhomahnoerari dũserore durucuriro to durucuarẽ paio to yahu yãhdochũ tí sehe pototi painare yoadohora. To durucuarẽ yahu yãhdoriro jiro tiro sehe painare Jesu yainare buhero nina. ⁶ Tũhomahnoerari dũserore mũsa mehne durucucũ paio mũsare to yahu yãhdoerachũ mũsare yoadohoeraboca yũhũ. ã jicũ Cohamacu yũhũre to yahurire yahucũ, to yare yũ masiare yahucũ, payere to yare yahucũ mũsare yoadohoi nija. Tĩre

mũsa tũhohto sehe mũsare buhecũ mũsare noano yoadohoi nija yũhũ.

⁷ Tũhomahnoerari dũserore durucuriro to durucua ti putipea ti bũapũtẽa yoaro sehe jira. Carisure putina, arpare bũapũtẽna tĩre mari quihõno yoerachũ tí basaare painare masihtõ basioerara. ⁸ ã yoa cornetare putiriro surara jiro ti cahma wajãhto panore quihõno to putierachũ paina surara sehe ti cahma wajãhtore masisi. ã jia ti cahma wajãhto pano ti wajãhtire wamoare cahnoyueraina jiahca tina. ⁹ Tõ seheta mũsa cãhũre tũhomahnoerari dũserore mũsa durucuchũ tũhoa, yahu yãhdoriro mariachũ paina tĩre ne masisi. Ti ã masierachũ mũsa durucua yaba cjihti jierara. ¹⁰ Ahri yahpai payũ dũseri durucua jica. ã jia tí dũserire durucua ti basi ti ã durucuarẽ noano tũhora. ¹¹ To ya dũserore yũ tũhoerachũ ñano tĩre durucuriro sehe “Pa dihta macariro jira”, ni tũhoturohca yũhũre. ã jicũ yũhũ cãhũ ãta ni tũhotuĩhca tirore. ¹² ãta jire mũsa cãhũ tũhomahnoerari dũserore durucuna. Espĩritu Santo to tuaa mehne tuaro yoa duamana mũsa. To tuaa mehne ã yoa duana paina Jesu yainare mũsa buhehti sehere tinare mũsa yoadohohti sehere tuaro cahmaga mũsa. ¹³ ã jiro tũhomahnoerari dũserore durucuriro to durucuarẽ to noano yahu yãhdohto cjihtore Cohamacure sinijaro tiro. ¹⁴ Tũhomahnoerari dũsero mehne Cohamacure sinicũ Espĩritu Santo mehne sinii nija. ã sinicũ yũ tũhotuare masi namochũ yoeraja. ¹⁵ Ahrire masina, õ sehe yoanahca mari: Espĩritu Santo to tuaa mehne tũhomahnoerari dũsero mehne Cohamacure sininahca. Tuhsũ, pa tehe noano masi tũhotu paina ti noano tũhohto sehe ti ya durucua mehne Cohamacure sinina, tí cãhũre sininahca tjoa. Espĩritu Santo to tuaa mehne tũhomahnoerari dũsero mehne Cohamacu yare basanahca. Tuhsũ, pa tehe noano masi tũhotu paina ti noano tũhohto sehe ti ya durucua mehne Cohamacu yare basana, tí cãhũre basanahca tjoa. ¹⁶ Mari ã yoerachũ tũhomahnoera dũseri mehne Espĩritu Santo tuaa mehne Cohamacure “Noariro, tuariro jira”, mari nipachũta paina ne

táhoerara. ã táhoeraa “Tóihata jira”, ni masierara. ¹⁷ Táhomahnoera duseri mehne Cohamacure “Noana”, ni masija mari. Mari ã nia noaa jipachata tíre yahu yúhdoerana painare buheraja mari. ã jina tinare yoadohoeraja mari. ¹⁸ Jipihtina mûsa yúhdoro yúhú sehe táhomahnoeraa duserire durucuja. ã jicú Cohamacú yúhúre ã durucu masichú to yoachú tirore “Noana”, nija yúhú. ¹⁹ ã durucuriro yú jipachata Jesu yaina cahmachuina watoi yú jichú, táhomahnoerari dusero mehne payú duserire yú nipachata yaba cjihti jierara. Tí yúhdoro masa ti noano táhohto sehe mahaa dusericã yú yahupachata noa nina, yú táhotuchú.

²⁰ Yú coyea, macanacã táho masieraina ti jiro sehe jiena tjiga mûsa. Wahma masa bajuaina ñaa yoaaare ti masieraro seheta jiga mûsa cûhú. Tuhsú, búcúna táho masiina ti jiro sehe jiga mûsa. ²¹ Cohamacú yare ti joari pûi õ sehe nina: “Táhomahnoeraa duserire durucuinare ahrina masare yú yare yahu dutiíhtja. ã yoa pa dihta macaina ya durucua mehne yú yare yahu dutiíhtja ahrina masare. Tinare ti ã yahupachata ahrina yú yahuaare táhosi’, nina Cohamacú mari pûhtoro”, nina Cohamacú yare ti joari pûi. ²² Táhomahnoeraa duserire durucua Jesu yainare Cohamacú tuaare masichú yoahiti cjihti jierara. Tí durucua Jesure cahmaeraina sehere Cohamacú tuaare masichú yoahiti cjihti jira. ã yoa Cohamacú yare yahua Jesure cahmaerainare Cohamacú tuaare masichú yoahiti cjihti jierara. Cohamacú yare yahua Jesu yaina sehere Cohamacú tuaare masichú yoahiti cjihti jira. ²³ ã yoa jipihtina mûsa Jesu yaina cahmachuchú táhomahnoeraa duserire mûsa durucuchú tíre masieraina, paina Jesure cahmaeraina cûhú sãa ta táhoboca. ã táhoa “Tina táho masieraina jira”, niboca mûsare tina. ²⁴ Jipihtina mûsa Cohamacú yare mûsa yahuchú pinihta tíre masierariro, Jesure cahmaerariro sãa ta táhoro, to ñaa yoari buhirire masiboca tiro. ã masino to ñaa yoarire cahyaboca tiro. ²⁵ ã jiro potocã to jia tiare to táhotua cûhúre masiboca tiro. ã yoaro Cohamacú panoi

na tuhcuá caha sũro, tirore ño payorohca. Tuhsú, “Cohamacú potocãta mûsa mehne jira”, ninohca tiro mûsare.

Mûsa cahmachuna noano yoaga do-jomehnenno marieno

²⁶ ã jicú yú coyea, mûsare ahrire nii nija: Mûsa Jesu yaina cahmachuna cãina mûsa mehne macaina Cohamacú yare basa duara. ã yoa paina mûsa buhe duara. Tuhsú, paina mûsa Cohamacú mûsare to buheri cjihtire yahu duara. Paina mûsa táhomahnoerari duserore durucu duara. Tuhsú, paina mûsa tí duseri durucuare yahu yúhdo duara. Tí jipihtiare ã yoana mûsare táhoina ti noano masihto sehe tíre yoaga. ²⁷ ã jina táhomahnoerari duserore mûsa durucuna pûaro, tiaro tópeinata durucuga mûsa. ã yoana cãinata durucuga. Mûsa ã durucuchú, cûiro mûsa mehne macariro mûsa durucuare painare yahu yúhdojaro. ²⁸ Mûsa durucuare yahu yúhdoriro mariachú mûsa cahmachuna jipihtina mûsa táhomahnoeraa duserire durucu duaina durucuena tjiga. ã jina masa marienoj Cohamacú mehne durucuga mûsa. ²⁹ ã yoa Cohamacú yare yahu duana pûaro, tiaro tópeinata yahuga mûsa. Mûsa ã yahuchú paina mûsare táhoina mûsa yahurire Cohamacú ya to jichú noano masijaro. Cohamacú ya to jierachú cûhúre noano masijaro. ³⁰ ã yoa Espíritu Santo Cohamacú yare pairore tói dújirirore to yahu dúcachú tiro cûhú Jesu yainare yahu duara. ã jiro Cohamacú yare yahu mûhtariro sehe dihta mariajaro. ³¹ ã jina jipihtina mûsa Cohamacú yare yahuna, cãinata yahuga mûsa jipihtina paina ti noano táhohto sehe, ti noano wahchehto sehe. ³² ã jina Cohamacú yare yahuna jina, noano táho masi, noano táhotu dapo, durucuina jiga. ³³ Cohamacú to yaina ti cahmachunopú ti cahma wisiachú cahmaerara tiro. Do-jomehnenno marieno ti noano jichú cahmana tiro.

Jipihtiropú Jesu yaina cahmachua, õ sehe yoara tina: ³⁴ Ti cahmachunoi numiare masa panoi yahu dutierara. Tí numiare mari sehe durucu dutieraja. Cohamacú to joari pû to niriro seheta numiare mûare noano yúhtia numia jiro cah-

mana. Æ jia cahmachunoi numia durucuea tjijaro. ³⁵ Jesu yaina ti cahmachunoi numia ti durucuchu ñaa nina. Æ jiro paye barore masi duaro numino to ya wuhupata to manunore sinitujaro.

³⁶ Ahri yu yahuhtire noano masiga musa. Cohamacu durucuaire yahu ducaina jierara musa. Tuhsu, to yare tuhorigina musa dihta jierara. Paina cahu to ya buheare cjuara. ³⁷ Musa mehne macariro “Yuhu Cohamacu yare yahuriro jija”, ni tuhorigina jiro ahri musare yu joari cjiri Cohamacu to dutia jichu masijaro tiro. Tuhsu, paio “Espíritu Santo to tuua mehne yoa masija”, ni tuhorigina jiro tiro cahu ahri yu joari cjiri Cohamacu to dutia jichu masijaro tiro. ³⁸ Tíre to masi duaerachu yu joari cjirire “Potocã jierara”, to nichu tirore duhunocahga. Tuhona tjiga tirore.

³⁹ Æ jina yu coyea, Cohamacu yare yahuina musa jiltore tuaro cahmaga musa. Tuhsu, musa mehne macaina musa cahmachunoi tuhomañoeraa duserire ti durucu duachu Æ durucu dutiga tinare. ⁴⁰ Æ cahmachuna noano, cahma dojomehnenno marieno yoaga musa.

15

Cristo to masa mujarine yahuha Paulo

¹ Mipure yu coyea, noaa buheare musare yu yahurire musare wacuchu yoa duaja. Tí buheare noano cahmare musa. Æ cahmana tí buheare Æ yuhtirucure musa. ² Musa Æ cahmachu tíre musa Æ yuhtirucuchu Cristo musare pichacaru wahaborinare yuhduchu yoa tuhsare. Musa Æ tuhorigina baharo Cristo yare musa duhunocachu tí musa tuhorigina cjiri yaba cjihti jierara.

³ Æ sehe ni yahu muhtaihtja musare. Ahri wiho waro jierara. Musare buhechu yuhure Cristo to yahuri cjirire musare Æ sehe ni yahui: Cohamacu yare ti joariro seheta mari ñaa buhirire Cristo yariari jire. ⁴ Æ yoa Cohamacu yare ti joariro seheta Cristo to yariari baharo paina to pjacu cjirore copare ti duhu payori baharo tia dacho jiboro tiro masa wijaari jire. ⁵ Tiro to Æ masa wijaari baharo Pedrore bajuari jire. To Æ bajuari baharo to buheinare

bajuari jire tjoa. ⁶ To Æ bajuari baharo cu tahata quiniento bui jinare to yainare tiro bajuari jire tjoa. Cãina tirore ñarina cjiri mipure yariarina cjiri jira. Tí Æ jipachuta payu tina mehne macaina cjiri mipure jisinina. ⁷ Baharo Cristo Santiagore bajuari jire tjoa. Æ to bajuari baharo jipihitina to buhe duti to cürinare bajuari jire tjoa.

⁸ Jipihitina painare to bajuari baharo yuhu cahure bajuare tjoa. Wihãirocã to quihõri dachoi masa bajuerarirocã to masa bajua nunu tiri sehta yuhu cahu Jesure wacu tua nunu tiri jija. Yu Æ jiri jichu ti baharopu bajuare Jesu yuhu cahure tjoa. Yuhureta tiro bajua batoare juna. ⁹ Panopure Jesu yainare ñano yoa-mai. Æ yoariro cjiri jicu paina Jesu to cürina jipihitina ti docaru waro jija yuhu. Æ jicu mipu cahure Jesu buhe duti to cüboriro jieramaja yuhu, yu tuhorigina. ¹⁰ Æ jipaihta Cohamacu yuhure to cahichu mipure Jesu to cüriro jija yuhu. Æ jicu tiro yuhure to cahichu mipure to cahmaare yoa pahñoja. Æ jicu yuhure to cahichu to yairo Æ jinocai nieraja. Jipihitina paina to cürina yuhdoro yuhu sehe tuaro buhei. Æ buhechu yu musero buherahi. Cohamacu yuhure cahino yuhure yoadohore. ¹¹ Yuhu sehe ahri buheare yu buhechu tuhorigina jiboca musa. O paina sehere tuhorigina jiboca musa. Æ jipachuta yuhu, yuhu mehne macaina cahu cãno potori ahri buheare buheja sã jipihitina Jesu to cürina. Æ sã buhechu tuhona musa sehe ahri buheare noano tuhore.

Yariarina cjiri ti masa mujarine yahuha Paulo

¹² Cristo to yariari baharo to masa mujarine sã buhepachuta “Yariarina cjiri ne masa mujaerara”, nina musa mehne macaina cãina. ¿Dohse jiro baro Æ nijari tina tíre? ¹³ Æ jiro yariarina cjiri ti masa mujaerachu Cristo cahu ne masa mujaeraboa. ¹⁴ Æ yoa Cristo to masa mujaerachu noaa buheare sã yahuri cjiri ne yaba cjihti jieraboa. To masa mujaerachu tirore musa wacu tuua cahu yaba cjihti jieraboa. ¹⁵ Masa mujano mariachu sã sehe Cohamacu yare mahñoa

niboa. Yariarina cjiri ti masa m̄jaerach̄ Cohamac̄ sehe Cristore masa m̄jach̄ yoeraboa. To ã yoerach̄ “Cohamac̄ Cristore masa m̄jach̄ yoari jire”, sã nina mahñoina jiboa sã. ¹⁶ Yariarina cjirire Cohamac̄ masoeraro, Cristo c̄hure tiro masoeraboa. ¹⁷ ã jiro Cristo to masa m̄jaerach̄ tirore m̄sa wacũ tuaa yaba cjihti jieraboa. ã yoa m̄sa ñaa yoari buhiri buhiri tiina jisniboa m̄sa. ¹⁸ Masa m̄jano mariach̄ Cristo yaina cjiri yaria m̄htaina cjiri pichacap̄ waha tuhs̄boa. ¹⁹ Cristore mari wacũ tuari baharo mari yariana masa m̄ja masierana jipihtina paina masa ȳhdoro pjac̄oina jiboa mari sehe.

²⁰ Potocãta Cohamac̄ Cristore masa m̄jach̄ yoari jire. Cristo to masa m̄jari baharo mari c̄h̄ yarianap̄ masa m̄jahtina tjija. Tiro ã masa m̄jano, marine s̄ho masa m̄ja m̄htariro jira. ²¹ Õ sehetã jira ahri: Adão mehne masa yaria d̄caha. Tó sehe Jesu mehne yariarina cjiri masa m̄jaahca. ²² Adão yaina ji n̄n̄ tiinap̄ mari jipihtina yarianahca. Tó sehetã Cristo yaina mari jich̄ mari yariari baharo marine masa m̄jach̄ yoarohca Cohamac̄. ²³ Cãa curuari Cohamac̄ to quihõiro m̄ s̄ch̄ masa m̄jaahca. Cristo marine s̄ho ji m̄htariro masa m̄ja m̄htari jire. Baharo tiro ahri yahpap̄ to tjua tach̄ mari to yaina c̄h̄ masa m̄janahca. ²⁴ Tí pjata pihtiri dacho jirohca. ã jiro jipihtina ñaina p̄htoare, dutiinare, tuainare cohãno Cristo ȳhd̄r̄carohca. To ã yoari baharo jipihtina bui to p̄htoro to jirire Cristo wiarohca Cohamac̄ to P̄c̄urore. ²⁵ To wiahto pano to P̄c̄uro Cristore ñ̄ tuhtinare to ȳhd̄r̄ca pahñohto pano Cristo pinihta jipihtina bui p̄htoro jirohca. ã jirirota jiro cahmare tirore. ²⁶ Tirore ñ̄ tuhtinare to ȳhd̄r̄cari baharo, yariaro c̄h̄re cohã batoarohca tiro. Yariaro pihtia waharohca. Pari turi yariasi masa. ²⁷ Jipihtina bui dutihtiro cjihtore c̄ri jire Cohamac̄ Cristore. Jiphtia p̄ro c̄h̄re c̄ri jire tirore. ãta nina Cohamac̄ yare ti joari p̄i. Cohamac̄ sehe tirore c̄riro jira. ã jiro “Jipihtina bui dutihtiro cjihtore

c̄ri jire tirore” nino, “Cohamac̄ bui dutiriro jira tiro”, nino nierari jire to yare ti joari p̄i. ²⁸ Jipihtina bui dutiriro Cristo Cohamac̄ mac̄no to jich̄ Cohamac̄ tirore c̄riro sehe to mac̄no bui dutiriro jirohca. ã jiro Cohamac̄ sehe jipihtina bui p̄htoro waro jira. Jiphtia p̄ro c̄h̄ jira.

²⁹ ¿Masa m̄jano mariapach̄ta dohse yoa paina masa yariarina cjiri ya cjihtire ti bautisarina j̄jari? Yariarina cjiri masa m̄jaerach̄ ti ya cjihtire paina bautisarina ti jich̄ tí yaba cjihti jieraboa.

³⁰ Sã sehere sã buheri buhiri dachoripe paina sãre ti ñano yoa duach̄ cua nina sã c̄h̄re. Sãre ã cuapach̄ta masa m̄jano to jich̄ masina ã buherucuja sã. ³¹ Ȳ coyea, mari p̄htoro Jesucristo yaina m̄sa jich̄ tirore wacũ tua namoina m̄sa wahach̄ ȳh̄ sehe tuaro wahche t̄hotuja m̄sare. Tí potocãta jira. ã yoa, “Dohse jiri n̄m̄i ȳh̄re yariahto cua nina”, ȳ nich̄ tí c̄h̄ potocãta jira. ³² Efeso macaina suaina noaa buheare ȳ buheri buhiri ȳh̄re tuhti, c̄h̄re. Masa m̄jano mariach̄ Jesu yairo ȳ jierach̄, ȳ ã ñano ȳhd̄ri yaba cjihti jieraboa. Wiho waro ñano ȳhd̄i niboa ȳh̄. Yariarina cjiri ti masa m̄jaerach̄ ò sehe niboa mari: “Baharo curero yarianahca. Dohse wahasi mari. ã jina ch̄ sihnijihna. Mari m̄ s̄ro yoajihna”, niboa mari.

³³ Mahñoare t̄hotuena tjiga m̄sa. “Ñainare piti tina, noaa m̄sa yoaa tiare duhunahca m̄sa”, nina masa. Tí potocãta jira. ³⁴ Noaare t̄hotuina jiga m̄sa. Tuhs̄, noaare yoaina jiga tjoa. ã yoa ñaare yoa namoena tjiga tjoa. Cãina m̄sa mehne macaina sehe ne Cohamac̄re masierara. M̄sa buo tihto sehe m̄sare ã nija.

Yariarina cjiri masa m̄jaina ti pjac̄ri cjihtire yahu namoha Paulo

³⁵ ã yoa m̄sa mehne macariro ò sehe ni sinituboca ȳh̄re: “¿Dohse yoa yariarina cjiri masa m̄jaahcari? ¿Dohse jia pjac̄ri masa m̄jaahcari?” ni sinituboca. ³⁶ ã sinituriro t̄ho masierariro sehetã bisiro coa tara. Toari yapare mari toari baharo tí yapa baro cahach̄ waro dura. Tó sehe waheraro ne dusi. Tíre masina m̄sa. ³⁷ B̄c̄ yuc̄p̄re toeraja mari. Pja yapari dihtare

toaja mari. Tí yapari trigo yapari jia ji, o paye yapari baro jia jiboca. ³⁸Tí yaparire mari toari baharo Cohamacu to cahmariro seheta tí yaparire bucua mujachu yoara. Ñ yoaro mostaza yaparire mostaza yucu wahachu yoara tiro. Trigo yaparire trigo yucu wahachu yoara. Ñta du dutira Cohamacu. ³⁹Jipihtina pjacuri cãno potori bajuerara. Masa pjacuri sehe cãno sehe jira. Wahiquina pjacuri cãhu soro sehe bajura. Minichahca pjacuri cãhu soro sehe bajura. Wahi cãhu soro sehe pjacuri tira.

⁴⁰ Ñ yoa mñano macaa poca cãhu soro sehe bajura. Tuhsu, ahri yahpa macaina cãhu pjacu tira. Ñ yoa mñano macaina pjacuri soro sehe bajura. Ñ jia ahri yahpa macaa mñano macaa yoaro sehe jierara. ⁴¹ Ñ seheta jira. Sũ dacho macariro si sitera. Ñ yoa ñami macariro cãhu soro jira. Potota buhriara. Tuhsu, ñahpichoha poca cãhu soro sehe bajua si sitea cjuara. Ñahpichoha poca peri cãhure mari ñuchu cãa poca pjiroca sia poca bajura. Ñ yoa paye poca tuaro sia poca bajura. ⁴² Tó seheta jira yariarina cjiri ti masa mujachu. Masano to pjacure mari yari baharo to pjacu baa waharohca. Baharo pa pjacu soro jiri pjacu jipihtia dachoripe catihti pjacu masa mujanohca. ⁴³ To pjacure mari yachu yariariro cjiro pjacuo nina. Cohamacu tirore to masochu to pjacu noa yuhduari pjacu jira. Tuhsu, to pjacu mari yari pjacu wiho jiri pjacu jira. Cohamacu tirore to masochu pinihtare to pjacu wiho jiri pjacu jieraro, tua yuhduara. ⁴⁴ Ahri yahpa macari pjacure mari yachu tiro yariariro cjiro to masa mujachu to pjacu mñano macari pjacu jirohca. Ahri yahpa macari pjacure mari cjuana, mñano macari pjacu cãhure cjuanahca, masa mujana.

⁴⁵ Ñ sehe ni yahura Cohamacu yare ti joari pũ: “Ahri yahpai ji mñtariro Adão wama tiri catiri waha tiha”, ni joaa tiha. To ñ jipachuta Adão yoaro sehe jiri bato tiri Cristo sehe catiare waro tari jire. ⁴⁶ Ahri yahpa macari pjacu ji mñtari pjacu jira. Baharopu mñano macari pjacu jirohca. ⁴⁷ Ñ seheta jira: Ji mñtariro Adão sehe ahri yahpa macariro

dihta mehne to yoari pjacure pjacu tiri jire. To baharo tariro, Cristo sehe mñanopu tari jire. ⁴⁸ Dihta mehne ti yoari pjacu ti mñtariro to jiri seheta jipihtina paina dihta mehne to yoari pjacu tiina jija mari. Ñ yoa mñanopu tariro yoaro seheta to yaina jipihtina to yoaro sehe pjacu tiina jinahca mari. ⁴⁹ Dihta mehne to yoari pjacu tiri Adão yoaro sehe bajuja mari. Baharo mñano macariro Cristo yoaro sehe bajunahca mari.

⁵⁰ Yu coyea, musare ahri yahu duaja: Ahri yahpa macari pjacu di mehne, dihi mehne jiri pjacu puhtoro Cohamacu to sũho jiropure mñanopure ne wahasi. Mari pjacuri baahti pjacuri jira. Ñ jia mñanopu jipihtia dachoripe mari jihtopure ahri pjacuri wahasi. ⁵¹ Panopure masa ti masierari cjirire mipure musare yahu duaja: Mari mehne macaina cãina yariasi. Ñ jina dóicãta, mari pjacurire cohtotaina jinahca. ⁵² Corneta to puti batoari dachoi ñta waharohca marine. Dóicãta, mari capari wihmitjiã mari ñu pjuorocaró sehe ñ sehe waharohca. Corneta to bisiri baharo yariarina cjirire Cohamacu masonohca jipihtia dachoripe mari jihtina cjihtire. Tuhsu, mari pjacurire cohtotaina jinahca mari cãhu. ⁵³ Mari pjacurire to cohtotachu tó pano mari baahti pjacuri ti jipachuta mari cohtotari baharo ne baasi. Ñ yoa mari pjacuri ti cohtotachu tó pano mari yariahti pjacuri ti jipachuta ne yariasi. ⁵⁴ Mari bahti pjacuri ne baerahti pjacurire cohtotarohca. Ñ yoa mari yariahti pjacuri ñ jirucuhti pjacurire cohtotarohca. Marine to ñ cohtotachu panopu to joariro seheta ñ waharohca: “Ñaina mari jiri buhiri tiare Cristo to cohã pahñori baharo, Cohamacu yariarore cohãnocari jire. ⁵⁵ Ne pari turi mari yariasi. Ñ jina yariaro mehne pari turi ñano yuhduasi mari”, ni joaa tiri jire panopure. ⁵⁶ Mari ñaa buhiri jichu pinihta yariaropu ñano yuhduanahca. Ñ yoa Cohamacu dutia Moise cjirore to cãri cjirire mari masiri baharo, buhiri tija mari. Ñ jiro marine pichacapu waha dutira Cohamacu dutia. ⁵⁷ To ñ dutipachuta mari puhtoro Jesucristo sehe marine

pichacapu wahaerachu yoara. To ã yoariro jichu masina Cohamacu mehne wahche “Noana”, nija mari.

⁵⁸ Æ jina yu coyea, yu cahina, Cristore wacũ tua duhuena tjiga. Æ yoana paina musare noaa buheare ti cohã dutichu, ne cohãena tjiga tíre. Æ yoa dachoripe mari puhtoro Jesucristo to yoa dutirire noano yoarucuga musa. Mari puhtoro Jesucristo yare mari yoachu, ahri wiho waro jierara. Ahrire masina to yoa dutirire noano yoarucuga musa.

16

Painare Jesu yainare Corinto macaina niñeru ti wahtire yahuha Paulo

¹ Mipure painare Jesu yainare musa niñeru wahtire yahu duaja musare. Galacia yahpa macainare Jesu yainare yu dutiriro seheta musa cãhu yoaga. ² Somanaripe domingo jichu jipihtina musa Jesu yainare wahti cjihti niñerure mahanocã waga. Mahanocã cãhana mahanocã waga. Æ yoa pji curero cãhana pji curero waga. Somanaripe musa Æ yoachu musa cahapu yu sãchu musa warocahti cjihti niñeru ji tuhsurohca. ³ Musa wahtire, musa warocahtina cãhure yahuri pũre joaihtja. Æ jicu musa cahapu sãchu tí pũre Jerusalẽpu wahahtinare musa beserinare waihtja. Æ wa tuhsucu Jesu yainare musa warocari niñerure nahtina cjihtire tinare warocaihtja Jerusalẽpu. ⁴ Tí macapure yu yoahti jichu yuhu cãhu wahihsa. Yu Æ wahachu yuhu mehmeta tina wahaahca.

To tinihto cjihtore yahuha Paulo

⁵ Macedonia yahpa macainare masa boca yuhduihca yuhu tinare. Yuhdu wahcã, musa cahai Corintopu sãihca. ⁶ Tõpu sãchu musa mehne mahaa dachoricã jiboca yuhu pa tehe nicu. Yoa cureri pja puhiro puro musa mehne jiboca yuhu. Æ jina pa seheru yu wahachu musa cãhu yuhure yoadohoroca masina. ⁷ Mahaa numaricã ji duaeraja yuhu musa mehne. Æ jicu Cohamacu cahmachu yoa cureri pja musa mehne jiihtja yuhu. ⁸ Æ ji duapaihta Pentecoste bose numari jichupu Efesoi jisinihca yuhu. ⁹ Õi Efesoi mipure mari

puhtoro Jesu yare tuho duaina payu jira. Ti Æ tuho duachu tinare yahuja. Yu Æ yahuchu yuhure ñu yabiina payu jira.

¹⁰ Timoteo yu yoaro seheta mari puhtoro yare yoara. To Æ yoariro jichu musa cahapu to sãchu noano mehne tirore piti boca, tiro mehne noano wahchea mehne jiga musa. ¹¹ Æ yoana tirore ñu yabiro marieno noano mehne piti bocaga musa. Tuhsu, to coha sitichu noano mehne tirore yoadohorocaga yu cahapu to tjua tachu. Tiro paina Jesu yaina mehne ti tahtore cohtana nija sã. Æ jina noano mehne yoadohorocaga tinare.

¹² Apolo mari coyeiro Jesu yairo musare to ñu no wahachu tuaro cahmamahi. Æ jicu tirore waha dutimahi paina Jesu yaina mehne to wahahto cjihtore. Yu Æ waha dutipachata mipure tiro waha duaerare. Æ jiro baharo tirore yoaa mariachu musa cahapu waharohca tiro.

Paulo noa duti batoaha

¹³ Noano wacũ masiga musa. Cristore wacũ tua duhuena tjiga musa. Ne cuieraina jirucuga musa. Æ yoa Cohamacu tuua mehne wacũ tuaina jirucuga musa. ¹⁴ Dohse jiare musa yoana, painare cahã mehne tíre yoaga musa.

¹⁵ Mipure yu coyea musare ahrire yahu duaja: Estéfana ya wuhu macaina Acaya yahpa macaina noaa buheare tuho muhtaina, ti ya yahpai Cristore wacũ tua muhtaina jire tina sehe. Tuhsu, painare mari coyeare Jesu yainare noano yoadohorucure tina. Tíre musa masina.

¹⁶ Tina yoaro sehe jiiinare, paina Cristo yare yoadohoinare musa noano yuhtichu cahmaja yuhu. ¹⁷ Estéfana, Fortunato, Acaico cãhu yu cahapu wihi tuhsure. Õi ti jichu pjiro mehne wahcheja yuhu. Musa mariachu musare tuaro wacũi nimahi yuhu. Æ jicu tina ti wihichu wahcheja yuhu. ¹⁸ Tina mehne jicu noano yajeripohna tiroro wahihi yuhu musa cãhu tina mehne musa wahcheriro seheta. Tinare noano ño payoa mehne tuhoga musa. Æ yoa paina tina yoaro sehe jiiina cãhure ño payoa mehne tuhoga.

¹⁹ Asia yahpa macaina Jesu yaina musare noa dutira. Æ yoa Aquila, Priscila,

ti ya wuhui cahmachuina mehne Cristo to cahña mehne m̄sare pjíro noa dutira.

²⁰ Õ macaina Jesu yaina jipihtina m̄sare noa dutira. M̄sa mehne macainare noano mehne piti bocasinia.

²¹ Yuhui, Paulo yu basi ahri dihtare joaja. M̄sare noa dutija.

²² Mari p̄htoro Jesucristore paio to cahñerachui, Cohamacui tirore buhiri dahre-jaro. Mari p̄htoro cjero tjua tajaro.

²³ Yu coyea mari p̄htoro Jesucristo m̄sare jipihtinare to cahña mehne noano yoajaro. ²⁴ Yuhui Jesucristo yairo jicui, to yaina m̄sa cñui m̄sa jichui m̄sare tuaro cahñja.

2 Corintios

Õ sehe ni joarocaha Paulo Corinto macainare

¹ Yũhũ Paulo Jesucristo buhe dutiro to cũriro jija. Cohamacũ to cahmariro seheta cũre yũhũre Jesu. Yũhũ, mari coyeiro Jesu yairo Timoteo mehne mũsare Cohamacũ yainare, Corinto macainare joarocaja tjoa. Jipihtina Cohamacũ yainare Acaya macainare mũsa cũhũre joarocaja. ² ã jina Cohamacũ mari Pũcũ, mari pũhtoro Jesucristo mehne mũsare noa dutija. Cohamacũ to cahĩa mehne to yoadohoa mehne noano jiga mũsa.

Paulo to ñano yũhdũrĩre õ sehe ni yahuha

³ Mari pũhtoro Jesucristo Pũcũro Cohamacũ marine pja ñũna. ã jiro tiro marine ã yoadohorucura. “Noa yũhdũrĩro jira tiro”, nijihna mari. ⁴ Mari ñano yũhdũchũ ñũno jipihtinare marine to yainare yoadohora tiro painare mari yoadohohto sehe. Cohamacũ marine to yoadohoa mehne mari cũhũ paina cũhũre yoadohonahca. ⁵ Cristo yaina mari jiri buhiri mari ñano yũhdũchũ tiro tuaro yoadohorohca marine. ⁶ Sã sehe mũsare yoadohona ñano yũhdũja. Cristo mehne mũsa yũhdũhto sehe mũsare sã yahuri buhiri ñano yũhdũja. ã yoa Cristo sãre to yoadohochũ sã sehe mũsa cũhũre yoadoho masija. ã jina sã ñano yũhdũrĩro seheta mũsa cũhũ ñano yũhdũna, noano mehne cũno pjanahca mũsa. ⁷ Noano mehne mũsa cũno pjahtore sã masija. Sã ñano yũhdũrĩro seheta ñano yũhdũre mũsa cũhũ. ã jina Cohamacũ to yoadohoa mehne wahche, sã cũno pjariro seheta mũsa cũhũ wahchena, cũno pjanahca.

⁸ Sã coyea, mipũre ahri yũ yahuhtire mũsa noano masichũ sã cahmaja. Asia yahpai ñabiaro yũhdũi sã. Õ sehe ni tũhotumai sã: “Ne bihosi mari. Ne cũno pjasi. ã jina mari yarianahca”, ni tũhotumai sã. ⁹ “Marine wajãnocahca”, ni tũhotumai sã. ã ñano yũhdũna Cohamacũ dihtare tuaro sã wacũ tua namoi. Sãre ti

ñano yoachũ cahmaha Cohamacũ tirore sã wacũ tua namohto sehe. Tiro sehe yariainare masoriro jira. ã tirore wacũ tuana sã mũ sũro sã cũno pjaerarire masija. Cohamacũ sehe marine yoadohora. ¹⁰⁻¹¹ Sãre cuabiaro jipachũta to yoadohoro mehne sã yũhdũi. Baharopũ cũhũre pari turi sãre yũhdorohca. Sãre Cohamacũre mũsa sini payochũ tiro sãre yoadohorohca. Sãre to yoadohohtore masija sã. ã jina sãre to yoadohochũ ñũna, tirore “Noana”, ninahca mũsa. Payũ mũsa sini payorire to yũhtichũ ñũna wahche, “Noana”, ninahca mũsa Cohamacũre. Payũ paina cũhũ ãta niahca.

Paulo Corintopũ to waha duamarire yahuha

¹² Mũsa mehne sã jirire wacũna wahchea mehne õ sehe tũhotuja sã: Ahri yahpai Cohamacũ to yoadohoa mehne mahũono marieno noano mehne masare piti ti buhehi. Mũsa pinihtare noano piti ti buhehi. Õ sehe yoana sã mũ sũro sã masia mehne yoaerahi. Cohamacũ cahĩa mehne to tuaa mehne ã yoahi. ¹³⁻¹⁴ ã yoana noano yahu joarocahi mũsare, noano mũsa masihto sehe. Mipũ sãre mũsa masi pahũohto dũhsasinina mini. Sã jia tiare mũsa noano masichũ tuaro cahmaja sã. ã sãre noano masina, mari pũhtoro Jesu to tjua tachũ sã mehne wahchenahca mũsa. Mũsa mehne sã wahcheriro seheta mũsa cũhũ sã mehne wahchenahca.

¹⁵⁻¹⁶ Õ sehe nicũ Macedonia yahparũ waha duamaja yũhũ. ã wahacũ mũsare ñũ yũhdũ wahcã duamaja yũhũ. ã jicũ tũpũre sũricũ tjua tacũ pari turi mũsa mehne mahaa nũmũricã jiboca yũhũ. ã jina pũa taha mũsa mehne yũ jichũ ñũna pjĩro yũhũ mehne mũsa wahcheboca. Baharo mũsa caharũ jiricũ Judea yahparũ yũ wahachũ ñũna yũhũre yoadohoboca mũsa. ¹⁷ “Wahaihtja”, yũ nichũ tũhorina jina mũsa caharũ yũ sũerachũ ñũna “Paulo mahũono niri jira”, ¿ni tũhotujari mũsa? “Wahaihtja”, nicũ yũ mũ sũro ã nicũ nieraja yũhũ. “To niriro seheta yoaerara”, ¿yũhũre ni tũhotujari mũsa? ¹⁸ Õ sehe ni mahũoriro jieramaja yũhũ. ã jicũ

“Yoaihtja”, nicu yu niriro seheta yoaja yuhu. Tíre masina Cohamacu. ¹⁹ Yuhu, Sila, Timoteo mehne Jesucristo Cohamacu macuno yare musare yahui sã. Cristo sehe “Yoaihtja” nino, quihõno yoariro jiro nina. Cohamacu to niriro seheta Cristo yoara. ²⁰ Jipihtiare Cohamacu to yahurire Cristo yoa pahõoha. To ã yoariro jichu ñana Jesu yoadohoro mehne to yare sã painare “Ã tjira”, ni yahuja Cohamacure ti ño payohto sehe. ²¹ Cristo yaina marine jirucuchu yoariro Cohamacuta jira. ã jiro to yare yahuhtinare sãre besere tiro. ²² ã yoa to yaina mari jiare ñano tíre marine masichu yoara tiro. ã yoaro, Espíritu Santore mari mehne ji dutire tiro. Mari mehne jiro tirota marine Cohamacu to yãdohore masichu yoara.

²³ Mipure poto yahuihtja musare. Poto yu yahuerachu Cohamacu sehe musare poto yahujaro. Tirota yu tãhotuare masina. Musare tuhti duaeracu musa cahapu wahaerahi. “Musare cahyachu yoari”, nicu musa cahapure Corintopu wahaerahi. ²⁴ ã jina “Musare wacũ tua dutiina jija sã”, nina nieraja. Cristore noano wacũ tua tuhsare musa. ã jina “Õ sehe Cristore wacũ tuaro cahmana musare”, nina nieraja sã. Musare yoadoho duaja sã musa noano wahchehto sehe.

2

¹ ã jicu õ sehe ni tãhotuhi: “Pari turi tinare cahyachu yoa duaeraja. ã jicu mipure wahaeraja”, ni tãhotuhi. ² Musare cahyachu yoa duaeraja. Musa cahyachu ñucu yuhu sehe musare wahcheraboa. ã jina yuhure wahchechu yoahina jieraboa musa sehe. ³ ã jicu musa cahapu wahaerahi. Wiho mejeta musare wiho joaroca bahraõhi. Musa yuhure wahchechu yoahina jipanahta yuhure cahyachu yoaboa musa, musa cahapu yu sũchu. Musa mehne yu wahchechu, musa cãhu wahchenahca. Tíre masija yuhu. ã jicu mipure musa mehne cahya duaeracu wahaerahi musa cahapu. ⁴ Pjiro tãhotucu, ñano yajeripohna ticu, tuaro yahco mehne musare joarocapacuta musare cahyachu yoa duaerahi. Musare tuaro yu cahĩre

musare masichu yoa duacu musare joarocahi.

Tina mehne macariro to ñano yoarire bo dutiha Paulo Jesu yainare

⁵ Cãiro musa mehne macariro yuhure cahyachu yoariro jire. Wiho mejeta musare to tuaro cahyachu yoariro seheta yuhu sehene pjiro cahyachu yoerare tiro. ã ñano yoariro cãina musa sehene tua curero cahyachu yoayuhti. “Tua curero”, nija yãdo curero yahu duaeracu. ⁶ Payu musa mehne macaina tirore buhiri dahre tuhsuyuhti. Tó purota buhiri dahre duhuro cahmana tirore. ⁷ Tirore musa buhiri dahrerucuchu tuaro cahyaboca tiro. ã jiro Cristo yare duhuboca. ã jina to ñaa yoarire boga musa. Tirore yoadohoga to wahchehto sehe. ⁸ Tuhsu, tirore noano yoaga musa tirore musa cahĩre to masihto sehe. Musa ã yoachu tuaro cahmaja yuhu. ⁹ Tó pano musare joarocacu “¿Potocãta yuhure yãhtiahcari?” nicu ã ni yahu joarocahi musare. Yuhure musa yãhtichu ñu duacu musare ã ni joarocahi. ¹⁰ Mipure to ñaa yoarire musa bochu ñucu yuhu cãhu tíre boihtja. Yuhure ñano yoerari jire tiro. Musa sehene ñano yoayuhti. To ã jiro jipachuta to ñaa yoarire boja yuhu cãhu. Musare noano yoadoho duacu Cristo to ñarocaroi to ñaa yoarire boja. ¹¹ Tíre boja Satana marine to yãdũrucaerahto sehe. Tiro marine ñaare yoachu cahmana. Tíre noano masija mari. ã jina Jesu yaina ti ñaa yoarire wacũrucueraja mari, “Tinapu Satana yare cahmari”, nina.

Tróade wama tiri macai jiro Titore bocaeraro pjiro cahya tãhotuha Paulo

¹² ã yoa Tróade wama tiri macapu sui Cristo yare buhe duacu. Tópu yu jichu payu masa noaa buheare tãho duaina jire. Mari puhtoro to yoadohoa mehne to yare yu buhehtina payu masa jire. ¹³ ã jipachuta mari coyeirore Titore bocaeracu pjiro cahya tãhotui. ã jicu tó macainare coha siti tuhsucu Macedonia yahrapu wahi.

Cristo to yoadohoa mehne ñaare yoarucueraja mari

14 Æ yoa Cohamacu Satanare to yuhdurucari baharo mari cãhare tirore yuhdurucachu yoara, Cristo mehne ñaa yoaare marine duhuchu yoaro. Surara maharu pari pohna wahaga ti yuhdurucarire ti yoa ñono seheta mari cãhu Cohamacu mehne Satanare mari yuhdurucarire yoa ñona nija Cohamacu mehne. Æ jina “Noana”, nija tirore. Æ jina Cohamacu marine to dutichu masina jipihtiropu Cristore masare masichu yoaja mari. Æ tirore masia tina noano wahchera me sitiare ti wahcheriro seheta. 15 Cristo yaina jina, Cohamacu sehere wahchechu yoaja mari, me sitiare mari wahcheriro seheta. Æ jia Cristo yaina mari jia tiare ñu masina paina Cohamacu to yuhdohtina. Paina ti ñaa buhiri pichacaru wahahtina cãhu Cristo yaina mari jia tiare ñu masina. 16 Cristo yaina mari jichu ñua, ti ñaa buhiri pichacaru wahahtina sehe pichacaru ti wahahtore masina. Cohamacu to yuhdohtina sehe marine Jesu yainare ñua jipihitia dachoripe tiro mehne ti jihtore masina. Æ jia Cristo ya wiho jia buhea jierara. Æ jiro ahrire Cristo yare to mu saro buhe sohtori tiri ne mariaha. 17 Payu paina Cohamacu yare buhemana niñerure wapata duaa. Sã sehe tina yoaro sehe yoaeraja. Mahõno marieno Cristo to tuaa mehne to yare buheja sã. Cohamacu sãre to cãchu to ñurocaroi noano buheja sã.

3

1 ¿Pari turi sã jia tiare musare yahuna nijari sã, musa tuhutuchu? Paina musare ti buhehto pano ti jia tiare masi duana ti joari pũre cahma mũhtare musa. Sãre masi tuhsura musa. ¿Sãre masipanahta tí pũ barore cahmajari musa? ¿O paina caharu sã buhena wahana tí pũ barore sãre nano cahmajari, musa tuhutuchu? 2 Tí pũ barore cahmaeraja sã. Musa sehere jipihitina paina ñua musare sã noano buherire masiahca. Musare sã buhechu Cristo yaina ji ducare musa. 3 Æ jina tí pũ baro yoaro sehe jira musa sehe. Cristo painare to joarocari pũ yoaro sehe jira musa. Tí pũre tiro to joarocaboro seheta, Espiritu Santo tuaa mehne musa jia

tiare noano cohtotachu yoari jire Cristo, painare to tuaare ñono taro. Potota tinta mehne to joarocari pũ yoaro sehe jierara musa. Cohamacu catiro waro to Espiritu Santo mehne musare cohtotachu yoaro, joarocari pũ painare to joaroca ñono seheta, musa sehe Cristo yaina wahana, to yare musare sã quihõno buherire noano ñona painare. 4 Ahrire jipihtiare michapucacã yu ni joarire tuhutuja sã Cohamacu noano wacũ tuana. Cristo to yoadohoa mehne ã wacũ tuarucuja sã. 5 “Sã mu saro ahri dahraare yoaja sã”, ni masieraja sã. Cohamacu to yoadohoa mehne bihoja sã.

6 Mipure to yahuare noaa buheare Cohamacu sehe noano sãre buhe masichu yoara. Ahri buhea panopu to dutia to joari cjiri yoaro sehe jierara. Noaa buhea sehere buheja sã. Panopu to dutirire mari mu saro ne bihoeraja. Æ mari bihoerari buhiri pichacaru wahaboa mari. Noaa buhea sehere tuhona Espiritu Santo to yoadohoa mehne Cristore wacũ tuaja. Æ wacũ tuana jipihitia dachoripe Cohamacu mehne jirucunahca mari.

7 Cohamacu to dutiare cũno tãa pjñipru joa õ tuhsu, Moise cjirore cũri jire. To ã cũri baharo to si sitea bajuari jire. Moise cjiro wuhduu si siteri jire. Minoa yuhduari jire. Baharo tí si sitea pihtia wahari jire. Baharo to si sitea to pihtia wahahto to jipachuta wahmanore to wuhduare masa ne ñuroca õa bihoerari jire. Tí dutiare masa ti yoa pahñerari buhiri pichacaru wahahtina jia tiri jire. Æ jia tí dutia masare pichacaru waha dutipahta, tuaro si sitea mehne ji ducari jire tí dutia. 8 Tí dutia yuhdoro noaa buhea sehe noa yuhduara. Ahri buheare painare mari buhechu ti noano tuhochu Espiritu Santo tina mehne jirohca. Æ jia panopu macaa dutia yuhdoro Cristo ya sehe noa yuhduara. 9 Cohamacu dutia panopu macaa masare pichacaru waha dutiri jire. Æ dutipahta Cohamacu tuaa mehne to si sitea mehne ji ducari jire. Tí yuhdoro noaa buhea sehe Cohamacu to tuaa mehne jira. Tí buhea mehne noaina wahara masa Cohamacu to ñuchu. 10 Panopu Cohamacu to dutiri cjiri sehe wiho jia dutia yoaro sehe tjuanocahna

mipure noaa buhea mehne mari ñu piti bocachu. Noaa buhea sehe noa yuhduara. ¹¹ Panopure to dutia yoa cureri pja si sitea jirucuma, pihtia wahaha. Tí dutia yuhdoro noaa buhea sehe noa yuhduara. Tí buheare noano tuhona, Cohamacu mehne ã jirucunahca.

¹²⁻¹³ Mari ã jirucutore masina, cuiro marieno noaa buheare noano yahu pahñonocaja sã. Moise cjiro sehe sã yoaro sehe yoerari jire. “‘Cohamacu to si sitea pihtiro nina’, Israe masa ni ñuri”, nino to wuhduare ducatarari jire Moise cjiro. Sã sehe tiro yoaro sehe yoeraja. Cuiro marieno, ducataro marieno to yare noaa buheare buheja sã. ¹⁴ Tí pjaru macaina Israe masa sehe ne masiera tiri jire. Mipure cãhure Cohamacu yare panopu to joaa pũrine tina buhea, ne masierara. Moise cjiro to wuhduare to ducatachu Cohamacu to si siteare ti ñuroca ñerariro seheta tina noaa buheare noano masierara. Cristore cahmaeraa, masisi tina. Tiore noano wacũ tuua, tí pja pinihta to yare masiahca. ¹⁵ Mipure cãhure Israe masa Cohamacu dutia Moise cjirore to cũrire buhea, tinare ducataro seheta noaa buheare ti tuhoborore ducatarã. ¹⁶ Mari sehe mari puhtorore mari cahmachu tirota marine masichu yoara. Moise cjiro to wuhduã ducatarore to nanocaboriro seheta mari puhtoro marine to yare noano masichu yoara. ¹⁷ “Mari puhtoro” nicu, Espiritu Santore nii nija. Cohamacu to Espiritu Santo mari mehne to jichu pichacapu wahaborinare to yuhdoina jija. ã jina “Panopu macaa dutia mehne mari yuhduanahca”, nieraja mari. ã jina tí dutiare duhuna, Espiritu Santo to cahmano seheta yoaja mari. ¹⁸ ã jina Jesu yaina jina, Cohamacu yahuare masija mari. Ti wuhduã pocare ducataro marieina yoaro seheta Cristo to tuaare ñona nija mari. ã jiro mari puhtoro Espiritu Santo marine noaa sehere cohtotachu yoaro nina. To ã yoachu Cristo noa yuhduariro to jiro seheta wahana nija mari.

4

¹ ã yoa Cohamacu sãre pja ñuno, noaa buheare yahuhtinare cũre sãre. To ã

cũrina sã jiare masina, to yare buhena pomerana, bujua witi tuhoturaja. ² To yare buhena mahño cure buheraja. Tuhsu, sã tíre cohtotaeraja. Soro curero buhena buoro yuhduboa. ã jina tó sehe yoare cahmaeraja sã. Cohamacu to ñurocaroi jija sã. ã jina noaa buheare noano quihõno buheja sã. Sã ã buhechu ñua tíre noano masina sãre tuhoina. ³ Sã ya buheare noaa buheare buheja sã. Sã tíre buhepachuta paina ne noano tuhoerara tíre tinare ducataro seheta. ã tuhoeraina pichacapu wahahtina jira. ⁴ Satana ñariro ahri yahpa macaina bui puhtoro tinare masierachu yoara. Capari ñeraina ti ñu masieraro seheta masierachu yoara tinare. Noaa buheare Cristo tua yuhduacu sũriro ya buheare ti masierachu yoara tiro. Cristo sehe Cohamacu to jia tiare marine masichu yoara. Tiro Cristo Cohamacu waro jira. ⁵ Sã buhena “Sã sehere ño payoga”, ni buheraja. Õ sehe ni buheja sã: “Jesucristo sehe jira mari puhtoro”, ni buheja sã. Sã sehe Jesure yuhtiina jina, musare dahra cohtaina yoaro sehe jina, to yare musare buheja sã. ⁶ Panopu ñ sehe niha Cohamacu: “Nahitianopure buhriaro jiga”, ni dutiha tiro. Mipure tirota jira marine to tuaare masichu yoariro. Buhriarocarõ marine to noano bajuchu yoaro seheta, tiro to tuaare marine masichu yoara. Cristo Cohamacu tuaare, to jia tia cãhure marine masichu yoara.

Cristo to tuua mehne mari jija

⁷ ã masiina jina, to tuaare, noa buhea cãhure painare masichu yoaja. ã yoaina jipanahta wiho jiina jija sã. Dihi biato dóihta to wahtiro yoaro seheta sã cãhu wiho jiina jija. ã jipanahta Cohamacu to tuaare, noa buhea cãhure painare buheja sã. Sã ã buhechu ñua, wiho jiina sã jichu ñua, sãre tuhoina ñ sehe ni, masiahca. “Ti mu sũro ahri buheare masierara. Cohamacu sehe tua yuhduariro tinare masichu yoara”, ni masiahca paina sãre. ⁸ Jipihtina paina sãre ñano yoapahta Cohamacu sãre to yoadohochu tina sãre yuhducaerara. ã jina “Ñano yuhduana nija”, ni tuhutupanahta, Cohamacu yare ne

duhueraja. ⁹ Säre ti ñano yoarucupachuta Cohamacu säre ã yoadohorucura. Säre ti cjäroca cü mäjapachuta to yoadohoa mehne yarieraja sä. ¹⁰ Ti wajähtina jinocanata nija sä, Cristo ahri yahpai to ñano yähdüriro seheta. Ä ti wajähtina jinata nija sä Cristo catiare wariro to jiare masa ti masihto sehe. Sä ã ñano yähdüchü ñua tíre masiahca masa. ¹¹ Ä yoa dachoripe säre paina nu wajähto cuara Cristo yaina sä jiri buhiri. Ö seheta ñano yähdüja sä Cristo to catiare wariro to jiare paina ti masihto sehe. Sä pjacüri baharo yariaa wahaahca. Sä ã wahahtina jipanahta Cristore catiare warirore masichü yoaja sä painare. ¹² Ä jia müsare sä buheri buhiri sä sehene paina nu wajähto cuara. Sä buheare müsä tühori baharo jipihtia dachoripe Cohamacu mehne jirucuhtina jira müsä.

¹³ Cohamacu yare ti joari püi ö sehe nina: “Cohamacure wacü tuacu, to yare yahuhi”, ni joaa tiha panoru macariro. Sä cühü tö seheta yoaja. Cohamacure wacü tuana, to yare yahuja. ¹⁴ Ä buheja sä ahri yu nihtire noano masina: Cristo to yariari baharo Cohamacu tirore masori jire. Ä jiro Cristo yaina mari jichü ñuno tiro mari cühüre masonohca. To ã masori baharo to caharu naanohca marine. ¹⁵ Ä jina müsare yoadohona, ñano yähdüja sä. Ä jina Cristo yaina müsä payu wahana, payu müsä Cohamacure wahchea mehne ño payonahca. Tirore “Noana”, ninahca.

¹⁶ Müsa ã wahachü ñuna, sä ñano yähdüpanahta cahyaeraja. Ä jina Cristo yare buhe duhueraja. Dachoripe wahyarucuna nija sä. Sä ã wahyarucupanahta dachoripe wahcheina jirucuja sä. ¹⁷ Mipüre ñano yähdüpanahta ñano yähdü dojoeraja. Tí mari ñano yähdüa pihtia wahaahca. Ä jina marine mahanocä ñano yähdüro cahmana. Ä mari ñano yähdürina cjiri jina, baharopüre pjíro wahchea mehne jirucunahca Cohamacu mehne. Ä jina mari ñano yähdüri yähdüro pjíro wahchea mehne jirucunahca. ¹⁸ Mari ñüri cjiri baa pihtia wahaahca. Mari ñüerari sehe ã jirucuahca. Ä jina mari

ñüeraare Cohamacu yare ã wacürucuja mari. Ä wacürucuna baharopü mari noano jihtore wahcheja.

5

¹ Wühüre to cohäboriro seheta baharo mari pjacüri sehe butia wahaahca. Ä jiro wahma wühüre to yoaboro seheta Cohamacu wahmaa pjacürire yoarohca. Ä yoaro tí pjacürire marine warohca. Tí pjacüri masa ti yoaa pjacüri jierara. Ä jina müanopü ã jirucunahca tí pjacüri mehne. Tíre mari masija. ² Ä jina tí pjacürire müano macaa pjacürire tuaro cahmana, mari ã cohtarucuna nija. ³ Tí pjacürire tuaro cahmaja, mari yariari baharo suhti marieina mari jiboro seheta pjacüri marieina ji duaerana. ⁴ Mipüre ahri pjacürire cohä duaerapanahta wahmaa pjacüri sehene tuaro cohtaja mari. Mipüre mari pjacürire cohä duaerapanahta jipihtia dachoripe Cohamacu mehne mari jihtore tuaro cahmaja mari. Ä jina ahri mari pjacüri yariahti pjacüri ti jichü masina, wahmaa pjacüri mehne Cohamacu mehne ã jirucu duaja mari. ⁵ Mari ã jirucuhtore cahnore Cohamacu sehe. Ä cahnono Espíritu Santore ware marine. Ä jiro Espíritu Santo mari mehne jiro, marine Cohamacu to yoahore “Potocä tjira” nino, marine masichü yoara tiro.

⁶ Ä jina Cohamacure wacü tuarucuja mari. Cuiro marieno jija mari. Ahri mari ji mühtari pjacüi jina, mari pühtoro mehne jierasinja. ⁷ Müano macaare Cohamacu cühüre mari ñüerapanahta “Tí potocäta jira”, ni tühotuja mari. Ä jina tirore wacü tuaja mari. ⁸ Ä jina mari cuieraja. Mari pjacürire ahri yahpai cohäna mari pühtoro mehne müanopü jirucunahca mari. Ä yoa mari yariachü noa nina marine. ⁹⁻¹⁰ Ä jina Cristore wahchechü yoa duaja mari. Ahri yahpa macari pjacü mehne jisina tirore wahchechü yoa duaja. Müanopü cühüre tirore wahchechü yoa duaja.

Jipihtina Cristo caharu mari wahachü ñuno tiro mari yoarire ñuno marine beserohca. Ñano mari yoarire masinohca tiro. Ä masino wapa marieno to waborire

marine wasi tiro. Noaare mari yoari cūhure masinohca. Ā masino wahchero marine noano yoarohca. To ā masiro jichū ñūna tirore wahchechū yoa duaja mari.

Cohamacū marine to ñū tuhtichū ñūno Cristo marine yahura

11 Ā jina cua pisaro mehne Cristore ño payoro cahmana marine. Ahrire masina, Cristo yare masichū yoaja sã masare. Tinare cuisãana, tirore wacū tuachū yoa duaja sã tinare. Noano mehne sã tīre sã buherire Cohamacū noano masina. Sã ā buherire mūsa cūhure noano mūsa masichū cahmaja yūhū. 12 Pari turi noaina sã jia tiare mū sare yahuna nieraja. “Painare yūhdūcaja”, niinare mūsa yahuhto sehe noano mehne sã buherire yahuna nija sã mū sare. Tina sehe ti tūhotuapū ñaina jipahta masa ti ñūrocaro dihta noaina yoaro sehe yoa ñomana. Ā jina sã mehne mūsa wahchehto sehe ahri jipihtiare mū sare yahu joana nija. “Paulo cūhū sãre noano mehne buhere”, sãre painare mūsa ni dūcatahto sehe ahri jipihtiare mū sare yahu joana nija. 13 ¿sã ō sehe ni yahuna tūho masieraina jijari sã, mūsa tūhotuchū? Masa sãre ñūa, tūho masieraina yoaro sehe ñūna sãre. Cohamacū yare sã yoachū ñūa ā ni ñūboca sãre. Ti ā ñūborina jipanahta ā jiina jieraja sã mū sare yoadoho namona tana. 14 Cristo marine to cahīchū ñūna mū sare ā yoadohoja. To ā cahīchū ñūna to yare ā yahurucuja sã. Cūirota Cristo jipihtina mari ñaa buhirire yariari jire. To ā yariari baharo mari sehe jipihtina mari ñaa buhirire yariarina yoaro sehe jina, ñaare yoa namo duaeraja. 15 Jipihtina mari ñaa buhiri yariari jire tiro Cohamacū ya dihtare mari yoahito sehe. Mari mū sūro yoa dutieraro, to cahmaa sehere marine yoa dutiro yariari jire tiro. Tiro sehe mari yaro jiborirore yariaro, masa mūjari jire. 16 Ā jina mipure sã mū sūro masare “Noaina jira. Ñaina jira”, ni ñūeraja sã. Panopū sã mū sūro yoaa timai. Ā jina Cristore masierahi. 17 Ā jina Cristo yaina wahana wahma masa bajuaina yoaro sehe wahaja mari. Panopure mari mū sūro mari tūhotumarire, mari yoamarire

dahunocaja mari. Mipure wahma masa bajuaina yoaro sehe jina, noaa sehere cohtotana, Cohamacū ya dihtare yoa duaja mari.

18 Cohamacū sehe marine noaa sehere cohtotachū yoare. Cohamacūre ñū tuhtiina mari jichū ñūno Cristo sehe mari ñaa buhiri tiare cohāre. Ā cohāno mari ñū tuhtirire duhuchū yoare tiro. Ā yoachū yoare Cohamacū Cristore. Ā yoaro sãre to yare buhe dutiro cūre. Ā buhena, painare Cohamacū mehne ti ñū tuhtirire duhuchū yoaja sã cūhū. 19 Ō sehe masare yahu dutire Cohamacū sãre: “Cristore mari wacū tuachū ñūno mari ñaa buhirire buhiri dahrerara Cohamacū marine. Ā yoaro marine ñū tuhtiriro cjiro jiparota tiro marine to yaina jichū yoara”, ni yahu dutire Cohamacū sãre. 20 Ā jina Cristo yare buhehtina to cūrina jija sã. Cohamacū mū sare to yahu-boriro seheta sã sehe ō sehe ni mū sare yahuja: Cristore yahubasana nija. Ā jina mū sare bosaja. Cohamacūre mūsa ñū tuhtiare tó purota duhuga. 21 Cristo ñaare to yoerapachūta Cohamacū sehe tirore mari ñaa buhirire yaria dutiri jire. Ā yoaro mari ñaa buhirire buhiri dahrerari jire Cohamacū tirore. Ā jiro Cristo yaina mari wahachū Cohamacū yoaro sehe noaina jichū yoare tiro marine.

6

1 Cohamacū yare buhedohoina jija sã. Ā jina ahrire tuaro mū sare yoa dutija sã. Cohamacū yare noaa buheare mūsa tūhoriro seheta yoaga mūsa. Mūsa tūhoriro sehe mūsa yoerachū tí mūsa tūhori yaba cjihti jierara. 2 Ō sehe nina Cohamacū:

“Yū quihōri pjare, mū sare yū noano yoahiti pjare mūsa siniare tūho, yūhtihi.

Ā yoacū mū sare yū yūhdohti dachore mū sare yoadohohi”, nina tiro. Tūhoga mūsa. Mipure Cohamacū mū sare to noano yoahiti pja jira. Mipure Cohamacū mū sare to yūhdohti dacho jira.

3 Ne mahanocā painare ñano yoeraja sã. Painare ne ñano ni durucueraja, “Noaa buheare mū sare sã buheare cahmaerari”, nina. 4 Ā jina Cohamacūre dahra cohtaina sã jiare mū sare masichū yoa duaja. Ō

sehe jija sã: Ñano yãhduna, paina ti ñano yoarina jina cũhũ ã tãhotunocaja. Sãre ti ñano yoapachuta suaro marieno jija. ⁵ Õ sehetã ñano yãhdũĩ sã: Masa sãre cjãchũ, peresu ti yoachũ, payũ masa sãre wajã dua ti sañurucuchũ, ñano yãhdũĩ sã. Sã tuaro dahra wahyana, wũjo purĩpachuta carĩerana, jũca baana ñano yãhdũĩ. ⁶ Numiare ã ñũnocai. ã jina ne ñano yoaerahi. ã yoa Cohamacũ yare noano masi buhei mũsare. Tuhsũ, ne suaerahi sã. ã yoa noano niji siaro mehne yoai sã mũsare. ã yoana Cohamacũre dahra cohtaina sã jiare masichũ yoana nii sã mũsare. Espĩritu Santo to yoadohoa mehne Cohamacũre dahra cohtaina sã jiare masichũ yoana nii mũsare. Potocã mũsare sã cahĩchũ ñũna, tirore dahra cohtaina sã jiare masina mũsa. ⁷ ã jina noaa buheare mũsare quihõno sã buhechũ ñũna, Cohamacũ tuaa mehne sã yoachũ ñũna tirore dahra cohtaina sã jiare masina mũsa. Noaa sehe jipihtia sã yoari cjiri sã wamoa yoaro sehe jira noano sã dũcatahto sehe. Tĩ noaare yoana watĩnore sã dũcatana nija. ã yoana tí noaare sã yoari mehne tirore sã yãhdũrũcaja. ⁸ Paina sãre ño payora. Paina sehe sãre ño payoerara. Paina noano ni durucura sãre. Quihõno sã buhepachuta “Mahñoina jira”, ni yahusãna paina sehe sãre. ⁹ Paina sãre ñũ masiina jipahta sãre ñũ masieraina yoaro sehe yoara. Sãre ti wajã duapachuta catisinija sã. Ñũga sãre. Potocã tjira. Sãre buhiri dahre ti cjãchũ, yarierasiniya sã. ¹⁰ Sã cãa tahari cahyaina jipanahta, ã wahcherucuja. Pjacsũoina jipanahta painare noaa buheare buhena tinare pjĩro pachere sã waboro sehetã yoana nija tinare. Paye baro cjũaeraina jipanahta, potocãta Cohamacũ yare cjũa pahñonocaja sã.

¹¹ Ne Corinto macaina yũ coyea mũsare noano mehne yahu pahño joahi sã mũsare. Mũsare tuaro cahĩna, ã yahuhi mũsare. ¹² Sã sehe mũsare cahĩ duhueraja. Mũsa sehe sãre cahĩera curera. ¹³ ã yoa pohna ticũ yũ pohmare yũ yahuboro sehetã mũsare yahuihtja: Mũsare sã tãhoturiro sehetã mũsa cũhũ ãta noano tãhotuga sãre.

ã jina sãre cahĩga mũsa cũhũ.

Cristore cahmaerainare piti ti dutieraha Paulo

¹⁴ ã yoana Cristore cahmaeraina mehne ã piti tirucuena tjiga. Tina mehne macaina jiena tjiga. Cũno potori jierara mũsa. Noaare yoariro ñaare yoariro mehne noano ji masierara. Cohamacũre cahmaina Cohamacũre cahmaeraina mehne noano cahma piti ti masierara, buhriaro nahitiano mehne to ji masieraro sehetã.

¹⁵ ã jia Cristo watĩno mehne cũno potori tãhotuerara. ã yoa Cristo yairo, Cristore cahmaerairo mehne noano cahma piti ti masierara. ¹⁶ Cohamacũ wũhũĩ “Cohamacũ jira”, ti nia masũrine mari cjũachũ ñaa nina. To ya wũhũĩ tí masũrine mari cũchũ tó wahaerara. Tó sehetã Cristo yaina Cristore cahmaeraina mehne mari piti tirucuchũ cũhare ñaa nina. Tina pũa curua cũno mehne ji masierara. Cohamacũ catiriro to wũhũ yoaro sehetã jija mari. To wũhũĩ to jiro sehetã mari mehne jira tiro. Õ sehetã nina Cohamacũ:

“Tina mehne jiihtja yũhũ.

Ti watoi ã jirucuihtja.

Yũhũ Cohamacũ ti pũhtoro jiihtja.

ã jia tina sehe yũ yaina masa jiahca”, nina tiro.

¹⁷ ã yoa õ sehe ni namona tiro mari pũhtoro:

“Ñaina mehne tjuaena tjiga.

Tinare piti tiena tjiga.

Cristore cahmaeraina ti ñaa yoaare ñũ cũena tjiga.

Mũsa ã yũhare yũhtichũ ñũca, yũhũ sehe mũsare piti tihtja.

¹⁸ ã jicũ mũsa Pũcũ jiihtja.

Mũsa sehe yũ pohna jinahca”,

nina Cohamacũ mari pũhtoro tua yãhdũariro.

7

¹ Yũ coyea, yũ cahĩna, ahri jipihtiare Cohamacũ to ã ni yahuchũ tãhona jipihtiare ñaa yoaare duhujihna mari. Ñaa wacũa cũhare duhujihna mari. Cohamacũre noano ño payoa mehne ñaa buhiri tia marieno jijihna mari.

Paulo wahchea mehne yahuha Corinto macainare

² Noano mehne jiga m_{usa} sã mehne. Ne mahanocã mehne ñano yoerahi sã m_{usare}. Æ yoa tuhs_u, m_{usare} buhena, ne m_{usare} dojomehnerahi. Ne cãiro m_{usa} mehne macarirore mahña mehne wapa cahmaerahi. ³ Æ nic_u m_{usare} tuhtii nieraja. M_{usare} yahu tuhs_uhi. Sã yajeripohnari mehne tuaro cahjã sã m_{usare}. Catisinina m_{usare} Æ cahñrucunahca. Mari yariari baharop_u cãh_ure m_{usare} Æ cahñrucunahca. ⁴ Y_u niriro seheta m_{usa} yoarire, m_{usa} yoah_{ti} cãh_ure masija y_uh_u. Æ jic_u m_{usare} wacũrocac_u wahcheja. Sã ñano y_uhd_uro watoi m_{usa} sehe y_uh_ure pjãro wahchech_u yoara.

⁵ Æ yoa Macedonia yahpap_u sã s_uri baharo tó_u jina, ne soerahi sã. Tó_ure ñano y_uhd_uhi sã. Paina sã mehne cahma sayo y_uhd_urcah_ure. Æ jina “Cristo yare duhuri”, nina Cristo yaina sehere cuisãahi sã. ⁶ Sã Æ ñano y_uhd_upach_uta Cohamac_u sãre wahchech_u yoahre. Tiro cahyainare wahchech_u yoariro jira. Æ jiro Tito sã cahap_u to wihiro mehne sãre wahchech_u yoahre Cohamac_u. ⁷ Tito to wihi_u ñ_una wahchehi. Tirore m_{usa} wahchech_u yoarire sãre to yahuch_u wahchehi. Ahri cãh_ure wahchehi. M_{usare} to quti yahuch_u cãh_ure tuaro wahchehi sã. Y_uh_ure m_{usa} ñ_u duarire yahuh_ure sãre. Y_uh_ure m_{usa} cahya m_{usa} pjãro tãhoturi cãh_ure yahuh_ure tiro. To Æ ni yahuch_u tãhoc_u pjãro wahchehi y_uh_u.

⁸ Tó pano y_u joarocari p_u mehne m_{usare} cahyach_u yoamahi. Æ yoaric_u jipaihta cahyaeraja y_uh_u sehe. Tí p_ure m_{usa} buheri baharo cahyayuhti m_{usa}. Tuhs_u, mahanocãta cahya duhuyuhti m_{usa}. Æ jic_u wahma joaroca m_uhtac_u cahyapaihta mip_ure cahyaeraja. ⁹ Mip_u pinihtare wahcheja y_uh_u. M_{usa} cahyach_u tãhoc_u wahcheraja. Wiho mejeta Æ cahyana, m_{usa} ñaare tãhotumarire cohtotayuhti m_{usa}. Æ m_{usa} cahyach_u ñ_uno, Cohamac_u sehe to cahmano seheta m_{usa} ñaare tãhotumarire cohtotach_u yoari jira. Æ jina m_{usare} cahyach_u yoana, ñano yoa dojomehnena nierahi sã m_{usare}. ¹⁰ Æ jina Cohamac_u to cahmano seheta cahyana, mari ñaare

tãhotumarire cahyanahca. Cohamac_u to cahmano seheta cohtotannahca. Tó sehe mari cahyach_u ñ_uno marine pichacap_u wahaborinare y_uhdora Cohamac_u. Mari Æ cahyach_u noa nina marine. Cristore cahmaeraina sehe ti ñaare tãhotumarire cahyaerapahta, Æ cahyamacanocaa, pichacap_u wahahtina jisinina. ¹¹ M_{usa} sehe Cohamac_u to cahmano seheta cahyayuhti. M_{usa} Æ cahyana õ sehe yoayuhti m_{usa}: Mip_ure ñaare yoainare Æ ñ_unocaerayuhti m_{usa}. Tinare duhu dutiyuhti m_{usa}. Æ jina ti ñaa yoare cuiyuhti m_{usa} “Tina yoaro sehe sã yoari”, nina. Æ yoana y_uh_ure ñ_u duayuhti m_{usa}. Tuhs_u, ñaare yoarirore buhiri dahre duayuhti m_{usa}. Tí jipihtiare m_{usa} yoana mip_ure quihõno yoaina m_{usa} jirire masich_u yoahre m_{usa} sãre. ¹² Panop_u ñano yoarirore m_{usare} yahu joarocapaihta tirore yoadohoc_u tac_u Æ ni yahu joarocaerahi. To ñano yoa payoriro cãh_ure yoadohoc_u tac_u Æ ni joarocaerahi. M_{usa} sehere yoadohoc_u tac_u tí p_ure joarocahi. Sãre noano ño payora m_{usa} Cohamac_u to ñ_urocaroi. Tíre m_{usa} ño payorire noano m_{usa} masihtu sehe tí p_ure joarocahi m_{usare}. Cohamac_u tíre m_{usare} masich_u cahmare. ¹³ Æ jina Tito m_{usa} yoarire to quti yahuch_u tãhona tuaro wahchehi sã.

Tito cãh_u tuaro wahchere. Tirore m_{usa} noano mehne m_{usa} piti bocach_u tãhona, m_{usa} mehne to wahcherire tãhona sã cãh_u noano wahchehi. ¹⁴ Wahmanop_u m_{usa} cahap_u to wahahto pano m_{usa} mehne y_u wahcherire, noaina m_{usa} jirire yahuhi tirore. Y_u Æ yahuch_u y_u niriro seheta noano yoayuhti m_{usa} tirore. Æ jic_u tirore y_u nirire b_uo tieraja. M_{usare} quihõno Æ yahurucuja sã. Tó seheta Tito cãh_ure quihõno sã yahuhi m_{usare} to ñ_uriro seheta. ¹⁵ M_{usa} cahap_u to s_uch_u ño payoa mehne tirore piti bocayuhti m_{usa}. M_{usa} Æ piti bocach_u, noano y_uhtiina, y_uhd_urcaro marieina m_{usa} jich_u ñ_uyuhti tiro. Æ jiro m_{usare} cahñ namono nina tiro. ¹⁶ Mip_ure noano y_uhtiina, Cohamac_u to cahmano seheta m_{usa} noano yoa pahñoina m_{usa} jich_u noano masija y_uh_u. Æ masic_u tuaro wahcheja.

8

Cristo yaina jina, painare ã wanocano cahmana marine

¹ Sã coyea, ahri yu yahuhtire musare masichu cahmaja sã. Cristo yaina Macedonia yahpa macaina Cohamacu cahña mehne to pja ñua mehne ti yoaire musare yahuihtja. ² Tina ñano yuhdupahta, niñeru maeraina jipahta niñerure cahño marieno ã wanocahre pjacuinare Jesu yainare. Cristo mehne tuaro wahcheina jia, tina Judea yahpa macainare noano mehne ti cjuare ã wanocahre. ³ Musare niita nija. Tina ti cjuaro puro wahre. Jierara. Bui curero wahre. Sã sinibasaerapachuta pjacuinare wahre tina. ⁴ Cohamacu yainare pjacuinare tuaro yoadoho dua, “Macedonia macainare tuaro wa duaja sã”, nire tina sãre. ⁵ “Õ puro waahca”, tinare sã ni tuhoturiro bui curero wahre tina. Õ sehe yoahre tina: Wahmanore niñerure ti wahto pano mari puhtoro Cristo to cahmano seheta yoa pahñori jihre tina. ã yoa tuhsu, Cohamacu to cahmano seheta sã cãhure ño payoa mehne yuhtiri jihre. ã yoaina jia tina niñerure wahre. ⁶ Ti ã wa tuhsuchu ñuna Titore sã sehe ò sehe nihi: “Corinto macainare mu buhe ducariro seheta noano mehne pjacuinare ti wahrenore buhe pahñoga”, nihi sã tirore. Musa cãhu painare pja ñuna, musa yoadohohto sehe ã nihi tirore. ⁷ Musa sehe jipihtiare noano yoaina ji tuhsura: Cristore potocãta noano wacũ tuara musa. ã jina to yare noano yahura musa. ã yoa Cohamacu yare noano masina musa. ã masina, Cohamacu to cahmano seheta tuaro yoa duara musa. ã yoa sãre cahña musa. Õ seheta noano yoaina ji tuhsura musa. Musa ã noaina jipachuta mahanocã duhsasinina mini musare. Pjacuina pinihtare musa pja ñuchu cahmaja sã. ã jina jiape nino marieno tinare noano mehne musa pjiro wachu cahmaja sã.

⁸ ã nicu musare dutii waro nieraja. ã ni yahuita nija musare. Paina pjacuinare ti tuaro yoadohore musare yahui nija. “¿Potocãta pja ñuina jijari musa?” ni masi duai nija. ⁹ Mari puhtoro Jesucristo sehe

marine to pja ñuire masina musa. Tí to pja ñuri potocã tjira. Tiro manopu pjiro cjuariro jiparota ahri yahpamu taro pjacuhoriro wahari jire. ã yoaro mari yaro jiborirore yariaro pjacuhoriro wahari jire. Õ sehe wahari jire tiro mari sehe to yare pjiro mari cjuahito sehe, tiro mehne mari ã jirucuhto sehe.

¹⁰ Musare ã yahuita nija noaare musa masihto sehe. Õ sehe ni tuhotuja yuhu sehe pja cuoinare musa wahtire: Cũ cãhma wahara pja cuoinare musa wahtire musa wihbori baharo. Tí yuhdoro noano yoayuhti musa. Paina ti wa duahto pano musa sehe pjacuinare wa dua muhtayuhti. ¹¹ ã jina musa wa dua muhtariro seheta mipure noano waga tinare. ã yoana pjiro cjuaina jina, pjiro waga. Mahanocã cjuaina jina, mahanocã waga. ¹² Tuaro musa wa duachu tíre musa warire Cohamacu wahcherohca. ã jina noho musa wa duaro puro waga. Musa wariro purota musa wachu wahcherohca Cohamacu. “Pjacuinare wa yuhdoga”, musare nino nierara tiro.

¹³ “Pjacuinare waga”, nicu tinare pjiro cjuã duticu nieraja. ã jicu musa sehene pjacuoina jichu yoa duaeraja.

Musare cãno potori cjuã duticu ã nii nija. ¹⁴ Mipure musa sehe pjiro cjuara. ã cjuana paye baro maerainare wa masina musa. Baharo musare paye baro maerachu tina cãhu wa masina musare. Musa ã cahma wana cãno potori cjuannahca jipihtina Cristo yaina. ¹⁵ Õ sehe nina Cohamacu yare ti joari pui: “Pjiro nariro cãhu paina bui curero cjuare. Mahanocã nariro cãhure ne mahanocã duhsaerare”, nina Cohamacu yare ti joari pui.

Tito tó mehne macaina mehne Corintopu wahaha

¹⁶ ã yoa musare yu yoadohoriro seheta Tito cãhu musare yoadoho duara. Cohamacu sehe musare to yoadoho duachu yoahre tirore. To ã yoachu ñucu “Noana”, nija Cohacure. ¹⁷ Titore musa cahpu sã waha dutichu tiro noano mehne yuhtihre. Tirore sã waha dutihto panoputa to basita musa cahpu tuaro waha dua tuhsuriro jire.

18 Tirore pairo Jesu yairo mehne piti dahrerocahi sã tirore. Tito pitire jipihtina paina Jesu yaina noano ño payora. Noaa buheare to noano yahuriro jichu ñua tirore noano ño payora. 19 ã jia Jesu yaina tirore cahmahre sã mehne to tinino wahahto sehe. Tí niñerure pjacuoina cahapu sã naachu sã mehne wahahtirore cahmahre tirore. ã jia tí niñerure sã wabasachu ñua “Marire yoadohoriro jira”, niahca masa Cohamacu. Sã ã wabasana tinare tuaro mari yoadoho duarire masichu yoanahca tinare. 20 ã jina ahri niñerure, pjíro Jesu yaina ti warire naabasana, noano ñu wihbonahca ti warocarire, “Sãre yahusãri”, nina. 21 Mari puhtoro to ñurocaroi quihõno, noano yoa duaja sã. Masa ti ñurocaro cãhure quihõno yoa duaja.

22 ã yoana tana pairore mari coyeirore warocanahca Tito cãhu mehne. Sã piti dahrerocarirore payu tahari painare to noano yoadohochu ñuhi sã. ã jiro mipure musa sehe painare musa yoadoho duachu ñuno tiro tó pano to yoiro yãdoro noano musare yoadoho duara. 23 Tito sehere musare yahuihtja. Tiro yu piti jira. Musare yu yoadohochu tiro yãhu mehne dahrariro jira. Paina tiro mehne wahahtina Jesu yaina ti beserina ti warocarina jira. Tina Cristo yare yoara paina tirore ti ño payohto sehe. 24 ã jina cahã mehne noano mehne tinare piti bocaga musa. Musa ã yoachu ñua paina Jesu yaina sehe musa cahãre masiahca. “Noano piti bocaahca Corinto macaina”, ni yahu tuhsuhi painare. Musa ã noano piti bocachu ñua tí sã yahuri cjiri quihõno ti jichu masiahca paina Jesu yaina.

9

Jesu yainare pjacuoinare ti wahtore yahuha Paulo

1 ã yoana Cohamacu yainare musa yoadohohtore musa wahtore masi tuhsura musa. 2 Painare musa yoadoho duaare masija yãhu. ã masicu Macedonia yahpa macainare õ sehe ni yahui: “Corinto macaina, ti ya yahpa Acaya yahpa macaina cãhu Jesu yaina sehe painare yoadoho

dua tuhsure. Cã cãhma yãhdura ti yoadoho duariro”, ni yahu tuhsuhi tinare musare. Musa ã yoadoho duachu tãhoa payu tina cãhu pjacuoinare yoadoho duahre. 3 Musare ã ni yahuriro jicu mipure ahrinare mari coyeare musa cahapu warocai tai nija, Macedonia yahpa macainare yu yahuriro sehetã musa yoahito sehe. ã jicu pjacuoinare musa wahtore musa cahmachu musa cãyayuhito sehe ahrinare warocai nija. 4 Tinare warocaeracu Macedonia yahpa macaina mehne musa cahapu sãhu, musa wahtire musa cãaerachu ñucu buo tisãboa yãhu musare. “Pjacuoinare waahca”, musare yu ni tãhoturi baharo musa waerachu ñucu buo tisãboa yãhu. Musa cãhu buoro yãhduboa. 5 ã jicu musa cahapure yu sãhto pano tinare mari coyeare waroca muhtai nija. “Pjacuoinare wanahca”, pano musa nirire musa cãyayuhito sehe tinare waroca muhtai nija. Musa wahtire musa cahmachuchu tina sehe musare yahu quihõahca. Musa wahtire musa cãyayu tuhsuchu wahchea mehne musa wa duarire masiahca jipihtina. Musare sã wa dutiri jisi tí. Musa mu sãro musa wari jahca.

6 ã jina ahrire wacũga musa: Mahaa yaparicã toariro mahaa pocacã nanohca. Payu yapari toariro payu poca nanohca. (Tó sehe jira pjacuoinare mari wachu. Mahanocã mari wachu, Cohamacu mahanocã warohca marine. Pjíro mari wachu, pjíro marine warohca.) 7 ã jina cãina musa “Õ puro wahahtja”, ni waga. Niñerure cahãno marieno waga. “Marine wa dutire”, nino marieno waga. Wahchea mehne wainare cahãna Cohamacu. 8 Tiro sehe musa cahmano yãdoro musare warohca. ã jina jipihtia musa cahmarire dãhsaro marieno cãa pahõonahca. ã jia painare musa wachu cãhure noano mu sãhca musa cãaa. 9 Õ sehe nina Cohamacu yare ti joari pũi: “Pjacuoinare pjíro wara Cohamacu.

Noano mehne masare ã yoiarucura tiro”, nina to yare ti joari pũi. 10 ã jiro toaa dicha tiri baharo toariro to toahiti capare wara Cohamacu. Baharo to toarire dicha tichu yoara to chãhtire. Pjacuoinare musa

pjíro wachu toaritore to wariro seheta musa cūhare pjíro warohca Cohamacu. Tó sehe dihta musare warohca pjacuoinare musa wa namohto sehe. ¹¹ Ā tjira. Pjíro warohca musare painare pjíro musa ā warucuhto sehe. Ā jia musa warocari niñerure pjacuoinare sã wachu payu tina sehe Cohamacure wahchea mehne “Noana”, niahca. ¹² Ā yoana pjacuoinare Cohamacu yainare wana, tinare yoadohora musa. Ā yoadohona wahchea mehne Cohamacure “Noana”, ti nichu yoanahca musa. ¹³ Ā painare musa yoadohochu ñna, Cohamacure ño payoa mehne durucuahca masa. Tinare paina cūhare pjíro musa wachu ñna Cohamacure “Noa yuhduariro jira”, niahca masa. Ō seheta niahca Cristo ya buhea noaa buhea ti niriro seheta musa yoachu ñna tinare musa wachu ñna. ¹⁴ Ā jia Cohamacu musare tinare to wa dutichu musa sehe tinare musa pja ñuchu tina sehe musare cahña mehne sini payoahca Cohamacure. ¹⁵ Cohamacu marine noa yuhduaro yoara. To ā yoarire masina “Noa yuhduaro yoara”, nijihna mari tirore.

10

Jesu buhe duti to cūriro to jiare yahuha Paulo

¹ Mipure yuhu Paulo, musare yahuihtja. Cãina musa mehne macaina ō sehe nina yuhure: “Mari mehne jiro painare yuhduarica duaerariro, wiho jiriro yoaro sehe jira. Ā jiparota pa sehery jiro marine cuiro marieno tuhtirocara”, nina musa cãina yuhure. Cristo sehe ne suaerariro, masare noano yoariro jira. Tiro yoaro seheta yuhu cūhu ji duaja. ² Ā jicu musare ahrire tuaro mehne yahuihtja: Musa caharu yu suchu noano yoaga musa “Paulo sãre tuhtiri”, nina. Cãina yuhure ō sehe nina: “Tiro to mu sūro, Cohamacu to dutiro marieno yoara”, nina yuhure cãina. Tó sehe niina pinihtare tuhtiboca yuhu. ³ Sã cūhu ahri yahpa macainata jina nija. Ā jipanahta ahri yahpa macaina ti mu sūro ti yoaro sehe yoaeraja sã, Cohamacu dutiare yoana. ⁴ Surara cahma wajã ti yuhduaricariro seheta sã sehe ñaare

yuhduarica duaja. Tí ñaare yoa duaeraja. Sã ā yoachu sã wamoa ahri yahpa macaina ti wamoa yoaro sehe jierara. Surara ti wamoa ti cjuaro seheta sã sehe Cohamacu to tuaare cjuaja. Tí tuaa mehne Cohamacure cahma dutierainare cohãja sã. Masa ti mu sūro ti masiare ti yaba cjihti jierachu masichu yoaja sã tí tuaa mehne. ⁵ Tuhsu, jipihtina yuhduarica duainare, ti mu sūro tuhotuinare, Cohamacure masi dutieraina sehere duhuchu yoaja sã. Ā yoa tí tuaa mehne Cohamacure cahmaerainare Cristore noano yuhtiina ti jichu yoaja sã. Cristo to cahmano seheta tinare tuhotuchu yoaja sã. ⁶ Ā yoa, paina musa mehne macaina Cristore ti yuhduaricachu ñna tinare buhiri dahrenahca sã. Musa sehe musa noano yuhtiri baharo Cristore yuhduaricainare ā buhiri dahrehtinata jinahca sã.

⁷ Yu pjacu dihtare masina musa. Yu jia tia sehere ne masierara musa. “Cristo yaina jija”, niina jina, ō sehe masiga musa: Sã cūhu musa yoaro sehe Cristo yaina tjija. ⁸ “Mari puhtoro ya buheare noaa buheare buhe dutiro, cūre sãre”, nicu payu tahari musare ā ni yahupaihta buo tieraja yuhu. Sãre ā buhe dutiro musare yoadohohtinare cūre sãre. Musare dojomehnehtinare cūno nierare sãre. ⁹ Ō seheta poto ni yahuja musare “Cuiri”, nicu. Ahri yu joarocari pūre ñna musa ñu cuachu cahmaeraja. ¹⁰ Cãina musa mehne macaina ō sehe nina: “Paulo joarocarero tuhtiriro yoaro seheta joaroca mujana marine. Ā jiriro jiparota mari mehne jiro ne ā jica nierariro jira. Pjacuoriro yoaro sehe jira. Ā jia, marine to durucua yaba cjihti jierara”, nina cãina. ¹¹ Tó sehe niinare ō sehe ni yahuihtja: “Ō seheta yoanahca”, sã ni joarocariro seheta tó seheta yoanahca sã, musa cahai jina.

¹² Cãina musa mehne macaina “Noano masi pahñoina jija”, ni durucura ti basi. Cuenah, noacaro masiina jijari tina ā ni durucua. Sã sehe ti yoaro sehe ne ā ni durucusi. Ti basi cahma ñu piti boca “Mari sehe noa yuhduaricaina jija”, nina tina ti basi. Tuho masieraina jira tina. ¹³ Sã sehe tina yoaro sehe yoasi. Cohamacu sãre buhe dutiro to cūri dihtare yahuja sã

sehe m̄sare. Paina ya dahraare “Yoahi”, nina nieraja. Tiro m̄sare buhe dutiro s̄are c̄ure. ¹⁴ Õ sehe nina, mahñona nieraja s̄a. Noaa buheare Cristo yare m̄sare buhe m̄htana s̄hi s̄a. ã jina Cohamac̄u s̄are buhe dutiro to c̄uri dihtare buhena nija m̄sare. ¹⁵ ã jina paina ya dahraare “S̄a sehe t̄ire yoahi”, ne nieraja s̄a. Wiho mejeta Cristore m̄sa wac̄u tua namoch̄u cahmaja s̄a. ã cahmana m̄sare buhe namo duaja s̄a. ã buhena Cohamac̄u to dutiriro purota buhe duaja m̄sare. ¹⁶ ã yoa m̄sa ya yahpa ȳhd̄rop̄u noaa buheare yahuna wahanahca. ã wahana paina ti buheri baharo s̄na, “S̄a buhehi”, nisi s̄a.

¹⁷ Mari yoaare “S̄ata yoaja”, nieraro cahmana. Mari p̄htoro Jesu to yoaa sehere ñ̄na wahchero cahmana. Tí sehere painare yahuro cahmana. ¹⁸ Masa ti basi “S̄a sehe yoahi”, ti nich̄u ji coaerara Cohamac̄u. Mari p̄htoro Cristo “Ahrina noano yoare”, to niina sehere ji coara Cohamac̄u.

11

“Jesu to c̄urina jija s̄a”, ni mahñoinare yahuha Paulo

¹ Ȳu jia tiare yahuc̄u t̄ho masierariro yoaro sehe yahui nija. ã yahuriro ȳu jipach̄ata ȳh̄ure t̄hosiniga m̄sa mip̄ure.

² Cohamac̄u m̄sare to cahño sehetu tuaro cahña ȳh̄u c̄h̄u m̄sare. Cristo yare m̄sare ȳu buhech̄u t̄hona tirore wac̄u tua d̄care m̄sa. ã jic̄u ahrire nija m̄sare: Man̄u tihticoro to man̄no cjihto dihtare to cahño sehetu, Cristo sehere tuaro cahña painare m̄sa cahñiro ȳhdoro. Tó sehe yoaina ñ̄aa buhiri tia marieina m̄sa jich̄u m̄sare Cristore wa duaja to yaina cjihtire. Tó sehe j̄inare, “Tinare m̄h̄ure waihtja”, nihi Cristore.

³ Paina ñ̄aina m̄sare mahñoa, soro jia buheare cahmach̄u yoaboca m̄sare. Agã Evare mahño to masia mehne ticorore Cohamac̄u to ȳhd̄r̄cach̄u yoari jire panop̄ure. To ã yoariro sehetu mip̄ure ñ̄aina m̄sare mahñoa, Cristore m̄sare noano ñ̄o payoerach̄u yoaboca. ã jic̄u m̄sare cuis̄aja. ⁴ Tina “Õ sehe jiriro jira Jesu”, ti m̄ s̄ro soro ni ti mahño

buhepach̄ata t̄hoyuhca m̄sa. M̄sare s̄a buheriro sehe jierapach̄ata m̄sare mahño buheinare t̄hoyuhca m̄sa. Tuhs̄u, “Õ sehe jiriro jira Esp̄ritu Santo”, ti m̄ s̄ro soro ni ti mahño buhepach̄ata t̄hoyuhca m̄sa. M̄sare s̄a buheriro Esp̄ritu Santo waro jira. Tiro sehere quih̄no ti yahuerapach̄ata m̄sare mahño buheinare t̄hoyuhca m̄sa. Tina soro jia buheare ti mahño buhech̄u noaa buheare ti buherapach̄ata t̄ire t̄hoyuhca m̄sa. ⁵ M̄sa mehne macaina “Jesu to c̄urina jija”, nimarina ȳh̄ure masi ȳhd̄r̄caerara. Tinare docar̄caeraja ȳh̄u. ⁶ Noano yahu mihñiriro jieraboca ȳh̄u. Noano yahu mihñierapaihta Cohamac̄u yare noano masija. Ȳu ã masiare paȳu tahari m̄sare noano masich̄u yoahi.

⁷ Noaa buheare Cohamac̄u yare m̄sare buhech̄u ne wapa cahmaerahi. M̄sare yoadoho duac̄u wapa cahmaerahi. Wiho jiriro yoaro sehe j̄i ȳh̄u. ¿Ȳu ã wapa cahmaerach̄u noaerajari, m̄sa t̄hotuch̄u? ⁸ M̄sare ȳu buhech̄u paye macari macaina Jesu yaina ȳh̄ure niñerure ware. Ti ã wach̄u tí niñerure ñ̄ahai sinino marieno m̄sare buhei tai. M̄sa sehe ȳh̄ure m̄sa waborirore tina sehe ȳh̄ure ware. ⁹ M̄sa mehne jic̄u paye baro ȳh̄ure d̄hsapach̄ata m̄sare niñerure ne sinierahi. Mari coyea Macedonia yahpa macaina Jesu yaina jipihtia ȳu cahmarire na wihire ȳh̄ure. Panop̄ure m̄sare ne cariboerahi ȳh̄u. Baharop̄u c̄h̄ure m̄sare ne caribosi. ¹⁰ Cristo potoc̄ata to yahuriro sehetu ȳh̄u c̄h̄u mip̄ure m̄sare potoc̄ata yahui nija. Jipihtiro Acaya yahpai j̄inare ahri m̄sare ȳu sinierari c̄jirire ã yahurucuihtja. ¹¹ ¿M̄sare ȳu sinierari c̄jirire painare ȳu ã yahurucuch̄u t̄hona, dohse ni t̄hotujari m̄sa? “Paulo ã ni yahuro s̄are cahñeraro nina”, ¿ni t̄hotujari m̄sa? Jierara. M̄sare cahña. M̄sare ȳu cahñare Cohamac̄u masina.

¹² Wapa cahmano marieno m̄sare ȳu buhe d̄cariro sehetu sohtori tihtja. Ȳu buheri wapa ȳu wapa nach̄u ñ̄na tina “Jesu to c̄urina jija”, ni mahñoina ð sehe niboca: “Paulo noaa buheare buhero, wapa nana. ã jina s̄a c̄h̄u to yoaro sehetu yoaja”, niboca tina “Paulo yoaro sehe yoaja s̄a”,

ni duaa. “Ã niri” nicu, wapa cahmano marieno buheihija musare. ¹³ Tina potocãta Jesu to cûrina waro jierara. Tinare ne cûerare tiro. “Jesu to cûrina jija”, ni mahñoa, sã yoaro seheta jimana. ¹⁴ Ti ã mahñoina jichu masi tuhsuja yuhu. Satana cûhu noariro yoaro sehe cohtota mujana. Tiro anjo si siteriro yoaro sehe ji duaro cohtotamana. ¹⁵ To ã yoariro jichu masicû Satana yaina “Jesu to cûrina jija”, ni mahñoina Cohamacure yoadohoina yoaro sehe ti mahñoina jichu ñacu, mahñoina ti jiare masi tuhsuja yuhu. ã mahñoina ti jichu ñano, pihtiri dacho jichu jipihtia ti ñano yoari buhirire buhiri dahrerohca Cohamacu tinare.

To ñano yuhdurire yahuha Paulo

¹⁶ Pari turi ahrire musare yahuihtja. Ne “Tûho masierariro jira”, yuhure niena tjiga. Yu ã ni dutierapachuta yuhure musa ã ni tûhotuchû noanohca yuhure. “Tûho masierariro jira”, yuhure ni tûhotupanahta tûhosiniga musa yuhure. Mahanocã yu jia tiare yu yahuchû tûhoga musa. ¹⁷ Musare ã yahucû tûho masierariro yoaro sehe yoai nija. Mari puhtoro Jesu yuhure “Mu basi mu jia tiare yahuga”, nierare yuhure. ¹⁸ To ã nierapachuta ahrire yahuihtja musare. Ti mu saro “Noaina jija”, niina payu paina ti jichû ñacu yuhu cûhu yu jia tiare musare yahuihtja. ¹⁹ Musare sehe tûho masierainare tûhona wahchea mehne ñayuhca musa tinare. Noacaro masiina jijari musa sehe ã tûhona. ²⁰ Musare cahamaca ti dahrechû, musare ti wapa cahmachû, musa yare ti machû, ã ñunocahna musa. ã yoa musare ti doca dahrechû, musa wahsupurire ti cjâchû, ã tûhotunocahna musa. ²¹ Noacaro yoajari musare tina. Cue, masare yuhdurucaina jijari tina. Sã sehe tina yoaro sehe yuhdurucaina jieraja.

ã jina tina yoaro sehe yoeraja. Tina yoaro sehe jierapaihta tina “Õ sehe jiina jija”, ti nichû tûhocû yuhu cûhu ãta ni yahuboca. Pari turi tûho masierariro yoaro sehe yoacu, õ sehe ni yahuihtja musare tjoa. ²² Tina “Hebreo masa jija”, nina painare yuhdurucaca duaa. Hebreo masunota jimaja yuhu cûhu. “Israe masa Cohamacu to beserina jija”, nina tina tjoa.

Ti yoaro seheta to beserirota jimaja yuhu cûhu. “Abrahã cjiro panamana ji turiaina jija”, nina tina tjoa painare yuhdurucaca duaa. Ti yoaro seheta Abrahã panaminota jimaja yuhu cûhu. ²³ “Cristo cahamaca jija”, nina tina tjoa. Yuhu cûhu Cristo cahamacunota jija. Tina yuhdoro Cristo yare noano yoaja yuhu. Cuenah, ã nicu tûho masierariro yoaro sehe durucui nija. Tina yuhdoro tuaro mehne dahrai yuhu Cristo yare yoacu. Payu tahari tina yuhdoro Cristo yairo yu jiri buhiri peresu yoare paina yuhure. Tina yuhdoro payu tahari tjanare yuhure masa. Tina yuhdoro Cristo yairo yu jiri buhiri payu tahari masa yuhure wajã duamare. Ti ã wajã duachû mahanocã yuhdûi yuhu ti wajãboriro. ²⁴ Cinco tahari judio masa yuhure ñahare. Yuhure ti ñahape tahari treinta y nueve tahari yuhure tjanare. ²⁵ Tia taha paina yuhure ñahare. ã ñahaa tina pinihta yuhure ñano yucari mehne cjãre. Pa tehe yuhure paina tãa mehne docare. Tia taha dohoria mehne tâcapu doca wahã su, minii. ã jicu cû dacho, cû ñami pjiri ma dacho macapure ba pahsai. ²⁶ Payu tahari macaripure buhe tinii sui. Yu ã buhe tinichû cua yuhdure yuhure. Yuhure nu minihto cua nire. Yuhure yacahto cua nire. Yu ya dihta macaina judio masa, judio masa jieraina cûhu yuhure ñano yoahito cua nire. Macaripu, masa marienopu, pjiri mapu cûhure yuhure nu yariahto cua nire. “Mûhu mehne macaina jija”, ni mahñoina cûhu yuhure ñano yoahito cua nire. ²⁷ Cristo yare yoacu tuaro dahraa tii. ã dahracu ñano wahyaa tii. Payu tahari yuhure wujo ñano puripachuta ã dahrarucua tii. Ñano jucã baa tii. ã yoa ñahma yapioro jia tire yuhure. Payu tahari chûa bocaeraa tii. Yu suhti sãaboa cûhu ne mariea tire yuhure. ã yoa yuhure yusua yuhdura tire.

²⁸ Õ sehe ñano yuhdurapaihta dachoripe jipihtina paina Cristo yainare, musa cûhure pjiro wacû tûhotuja. ²⁹ ã jicu cûiro Cristo yairo to ã jinocariro to jichû ñacu cahyaja. Paina Cristo yaiore ñano yoa dutiboca. Ti ã yoachû ñacu Cristo yaiore cuisãacu, tina ñaina mehne suaja. ³⁰ Yahu

duaerapaihta yu jia tiare yahui tacu, yu mu saro wiho jiriro yu jia tiare musare wahchea mehne yahuja. ³¹ Cohamacu mari puhtoro Jesu pucuro dachoripe mari ño payohtiro tirota musare yu mahñoerachu masina. Ahrire musare quihõno yahuihtja. ³² Damasco wama tiri macapu yu jichu ñano, cãiro puhtoro yuhure ñaha duamare. Jipihtina masa bui puhtoro Areta wama tiriro to docai jiriro puhtoro pinihta yuhure ñaha duamare. Ñaha duaro tí maca macari sahrino, tãa mehne ti yoari sahrino macaa sopacaripe surarare cohta dutiri jire. ³³ Ti ã cohtaro watoihita yuhure mehne macaina pjiri puhropu yuhure duhu sãa, tí sahrino macari sopacacãpu yuhure duhu borore. Tí sahrino baharo buhuseherpu yuhure duhu borore. Ti ã duhu borori baharo duhti wahcãa wahai.

12

Cristo Paulore to ñorire yahuha Paulo

¹ Yu jia tiare wahchea mehne yu yahuchu yaba cjihti jierara. To ã jipachuta yu jia tiare yahu namoihtja musare. Mari puhtoro Jesu yuhure to ñorire to masichu yoarire yahuihtja musare. ² Õ sehe ño ducare tiro yuhure: Catorce cãhari waro wahara yuhure Cristo yairore manopu to naa mujari baharo. Manopu ñahpichoha buipu yuhure naa mujare. Yu tuhutua dihtare to naachu masieraja yuhure. O yu pjacu cãhure to naachu ne masieraja. Cohamacu dihta tíre masina. ³⁻⁴ Ñ jiro paraíso wama tiropu naa mujare yuhure. Yu tuhutua dihtare to naachu masieraja yuhure. O yu pjacu cãhure to naachu masieraja. Cohamacu dihta tíre masina. To ã naa mujachu sucu tópuare to yahuaire tãhoi. Tí yu tãhorire masa ne masierara. Tí to yahurire marine yahu dutierara. ⁵ Tó sehe yuhure to ñorine musare yahucu, “Yuhure cãirota painare yuhurucariro jija”, niboia yuhure. Ñ nieraja yuhure. Yu mu saro masierariro yu jiare ñano yuhuriro, wiho jiriro yu jiare wahchecu musare yahuihtja. Tí dihtare wahchecu musare yahuihtja. ⁶ “Painare yuhurucaja”, musare ni yu yahu duachu yu niri cjiri potocã tjiboa.

Tó sehe ni yahucu tãho masierariro jieraboa yuhure. Wiho mejeta “Õ sehe painare yuhurucaja”, ni yahusi yuhure musare, “Cua pisaro choro yuhure ñuri”, nicu. Yuhure ñu masina ño payora musa. Musa ã ño payopachuta tí yuhuro yuhure musa ño payochu cahmaeraja. Yu yoarire ñana, yu nirire tãhona quihõno musa ño payoriro yuhuro yuhure musa ño payochu cahmasãeraja musare.

⁷ Cristo noa yuhure manore yuhure to ñochu ñuriro jicu, “Painare yuhurucaja”, niboca yuhure sehe. Ñ yu nierahito sehe Satana yu pjacure to duti dahrechu ñano “Noanohca”, niri jire Cohamacu. Yuhure duti dahreri jire Satana yuhure ñano wahachu yoaro. Ahri dohatiro potaca sãano to purino seheta yuhure purina. ⁸ Õ yu dohatirore yuhure yuhdo duticu sinia timai Cristore mari puhtorore. Tia taha sinia timai. ⁹ Õ sehe ni yuhure tire yuhure tiro: “Õ mu dohatiro pinihtare mahure yuhurucu yoasi yuhure. Ñ mahure yuhdoerapaihta mahure cahija. Yu cahia mehne noano jihca mahure. Dohaticu ñano yuhuriro, wiho jiriro jicu yu tuaare noano masichu yoaihca mahure. Tuaina yuhuro mahure sehe yu tuaare masare masichu yoaihca”, ni yuhure tire tiro yuhure. To ã nichu tãhocu ñano yuhuriro, wiho jiriro yu jiri cjirire masicu wahcheja. Ñ jicu ñano yuhuriro, wiho jiriro yu jiare musare wahchea mehne yahuihca. Õ seheta ni yahuihca Cristo to tuaa mehne yu noano jiare musa noano ñu masihtu sehe. ¹⁰ Ñ jicu Cristo yairo yu jiri buhiri yuhure purichu wahcheja. Paina ñano yuhure ti ni durucuchu, ñabiaro yuhurucu wahcheja. Yuhure ti ñano yoarucuchu, ñano yuhurucu Cristo tuaa mehne cãno pjaja tirore wacũ tuacu. Ñ jicu wahcheja.

Corinto macainare Cristo yainare pjiro cahya tuhutua Paulo

¹¹ Yu jia tiare yahucu tãho masierariro yoaro sehe yoahi yuhure. Yu ã yahupachuta tí musa ya buhiri jira. Musa sehe yu jia tiare painare noano yahuboa. Yuhure yu mu saro jicu yaba cjihti jieraboa yuhure. Ñ jiboriro jipaihta “Jesu to cãrina, masi pahñoina

jija”, ni mahñoinare docarucaeraja yuhũ. ¹² Potocãta ñano yũhdũriro jipaihta Cohamacũ tuaa mehne yoa ñomai mũsare. Æ ñocu Jesu to cũriro yũ jiare ñoi nimai mũsare. ¹³ Õ sehetã yoamai. Paye macari macainare Jesu yainare mũsa cũhũre cũno potori yoaa timai yuhũ. Wiho mejeta mũsa dihtare cariboerahi. Mũsa dihtare paye barore sinierahi. ¿Yũ ã sinierachũ ñaa nijari, mũsa tũhotuchũ? Tí ñaa jichũ tí ñaare boga mũsa yuhũre.

¹⁴ Pũa taha mũsa cahapũ yũ sũri baharo pari turi waha duaja tjoa. Tórpũ sũcũ mũsare caribosi yuhũ. Paye barore sinisi yuhũ mũsare. Mũsa yare cahmaeraja. Cristo ya sehere mũsa yũhtiina jichũ cahmasãja yuhũ. Masa pohna sehe ti pũcũsumare ti cahmaare waerara. Ti pũcũsuma sehe ti pohna cahmaa sehere wara. (Tó sehetã mũsa yũ pohna yoaro sehe jiina yũ cahmaa sehere wasi mũsa.)

¹⁵ Æ jicũ yuhũ pinihta yũ cjũaa sehere wa duaja mũsare yoadohocũ tacũ. Mũsa cahamacũno yoaro sehe ji duaja mũsare yoadohocũ tacũ. Mũsa sehere yũ ã tuaro cahĩpachũta yuhũre mũsa sehe pjiroca cahĩna, yũ tũhotuchũ.

¹⁶ Æ jicũ mũsa mehne jicũ mũsare cariboerahi. ¿Potocã tjijarita, mũsa tũhotuchũ? Wiho mejeta cãina mũsa mehne macaina õ sehe niboca: “Paulo paye baro marine na duaro mahñoire marine”, niboca. ¹⁷ ¿Mũsa ã niriro sehetã yoariro jicũ, dohse tíre yoari yuhũ, mũsa ñũchũ? ¿Mũsa cahapũ yũ warocarina yaba barore yuhũre mahño mabasari tina mũsare, mũsa ñũchũ? Mahño maerari jire tina. ¹⁸ Sohõ jiri pjapũ mũsa cahapũ Titore waha duti tuhsũhi tirore. Æ jicũ pairore Cristo yairore tiro mehne piti dahre warocahi. ¿Tito paye barore mũsare mahño mari, mũsa ñũchũ? Mahño maerari jire. Tiro yũ yoaro sehetã Cohamacũ to cahmano sehetã yoariro jira. ¿Æ jiro yũ yoaro sehe yoaerari tiro, mũsa ñũchũ? Yũ yoaro sehetã yoari jire.

¹⁹ “Ñano yoaeraja sã”, ni dũcatana nieraja sã. Cristo yaina jija. Æ jina Cohamacũ to ñũrocaroi mũsare yahuna nija. Yũ coyeyã, yũ cahĩna, mũsare yahui mũsa sehere yoadoho duana. Mũsare yahuna, sã sehere

mũsare cahmachũ yoana nierahi. ²⁰ Tórpũ yũ sũchũ yũ cahmano sehe yoaina jieraboca mũsa. Æ jicũ mũsare tuaro cuisãaja. Æ yoa mũsa cahmano sehe yoariro jieraboca yuhũ cũhũ, tórpũ sũcũ. Soro mũsa yoachũ ñũcũ yahuihca mũsare. Tórpũ yũ sũchũ mũsa sehe cahma sayoina, painare pahsu tiina, ñaco suaeraina, mũsa mũ sũro painare yũhdũrũca duaina, painare ñano durucuina, ñaa quiti dahreina, “Painare yũhdũrũcaja” niina, mũsa cahmachunore dojomehneina jiboca mũsa. Æ jina mũsa jirore dojomehneina niboca mũsa. “Tíre yoari” nicũ, cuisãaja yuhũ mũsare. ²¹ Tórpũ yũ sũchũ mũsare yuhũre bũo tisãachũ yoaboca Cohamacũ. Jipihtinare panopũ ñano yoainare, ti ñaare cahyaerainare ñũcũ tuaro cahyaihca yuhũ. Numia mehne ñano yoainare, mũsa mehne ñano yoaa numiare, wũana tiinare, ñaare goa pjainare ñũcũ cahyaihca yuhũ.

13

Paulo yahu batoaha

¹ Mipũre mũsa cahapũ wahacũ tia taha sũihca tórpũre. Pũa taha tórpũre sũ tuhsũi. Õ sehe nina Cohamacũ yare ti joari pũi: “Cãirore mari buhiri dahrehto pano tiaro tirore yahusãno cahmana. Tiaro mariachũ pũaro tirore yahusãno cahmana. Ti ã yahusãri baharo buhiri dahre masija mari”, nina Cohamacũ yare ti joari pũi.

² Panopũre ñano yoaina cjiri mũsa jichũ mũsare, jipihtina paina cũhũre ahrire cuaro mehne yahui. Cũ taha mũsa cahai pari turi sũcũ mũsare ahrire yahui. Mipũre mũsa mehne jieracũ pari turi mũsare ahrire yahurocaihãtja tjoa: Mipũre mũsa cahapũre sũcũ, panopũ ñano yoainare paina cũhũre potocãta buhiri dahreihãtja yuhũ. ³ Yũ ã yoachũ ñũna, Cristo to cũriro yũ jia tiare to tuaa mehne yũ buherire masinahca mũsa, mũsa masi duariro sehetã. Cristo sehe mũsare dutiriro tua yũhdũrũcũ sũriro jira. Æ jiro to tuaare ñona mũsare. ⁴ Mari yoaro sehe pjacũ tiro, to tuaare ñoaeraro tiro wiho jirore yoaro sehe crusapũ yariari jire. Æ yariaparota Cohamacũ to tuaa mehne catiriro jira tiro mipũre. Tiro crusapũ jiro wiho jirore to

jiriro seheta sã cũhũ wiho jiina jija. ã jipanahta Cohamacũ tuaa mehne jinahca m̃sare yoadohona tana.

⁵ ã yoa m̃sa sehe cãina m̃sa basi õ sehe ni tũhotuga: “¿Potocãta Cristore wacũ tuajari yũhũ?” ni tũhotuga m̃sa cãina. “¿Potocãta Cristo to cahmano seheta jijari yũhũ?” ni tũhotuga m̃sa cãina. M̃sa ã jierana to yaina waro jierara m̃sa. To yaina waro m̃sa jichũ Cristo m̃sa mehne jiro nina. ¿Tíre masierajari m̃sa? ⁶ Sã sehe “Jesu yaina, to yare yahu duti to cũrina jija”, ni mahñoina jieraja. To yaina, to cũrina waro jija sã. Tíre m̃sa masichũ cahmaja yũhũ. ⁷ ã jicũ m̃sa ñano yoaerahto sehe Cohamacũre sini payoja m̃sare. ãta sini payoja sã noaare, Cristo yare m̃sa yoahto sehe. M̃sa ã yoachũ ñuna sã õ sehe niboca: “Corinto macainare buhena, quihõno buhei sã”, niboca sã painare sãre ño payo dutina. ã ño payo dutieraja sã. Tí yaba cjihti jierara. ã jina Cohamacũre sini payona, m̃sa ya cjihtire sini payona nija. Paina sãre “Mahñoina jira”, ti nipachũta noaare, Cristo yare quihõno m̃sa yoachũ pinihtare cahma yũhdũaja sã. ⁸ Õ sehe dihta m̃sa noaare yoachũ cahmasãja sã. Cristo yare, potocã jiare soro ni yahu masieraja sã. ⁹ “Cristo cahmaare yoaerara m̃sa”, ni m̃sare yahusã masierana, wiho jiina yoaro sehe jiboca sã, m̃sa ñũchũ. Noanohca. Noaare, Cristo yare yoana m̃sa sehe wiho jiina jierara. M̃sa ã jichũ ñuna wiho jiina yoaro sehe sã jipanahta wahcheja. ã jina Cristore wacũ tuaina, noano yũhtiina m̃sa wahahtore Cohamacũre sini payona nija sã m̃sare. ¹⁰ ã jicũ m̃sa mehne jieracũ m̃sare ahri tjure joarocayui nija. M̃sa caharũ sũcũ, ñano yoaina m̃sa jichũ ñucũ m̃sare buhiri dahrehtja. Cristo yũhare to dutiriro seheta m̃sare buhiri dahrehtja. Yũ ã buhiri dahrerahto sehe ahri tjure m̃sare joarocayui nija. Cristo yũhare to dutiriro seheta m̃sare yoadohohtirota jija. M̃sare dojomehnehtiro jieraja.

¹¹ Mipũre yũ coyeya, ahrire yahu batoihtja m̃sare. Noano wahcheina jirucuga m̃sa. Cristore wacũ tua namoga. ã yoana

noaina, tirore yũhtiina jiga. M̃sa mehne macaina mehne cãno mehne jiga. M̃sa basi noano mehne jiga. M̃sa ã jichũ ñũno m̃sa mehne Cohamacũ jirohca. Tiro marine cahma cahĩchũ yoariro, marine noano mehne jichũ yoariro jira. ¹² ã yoana m̃sa mehne macainare noano mehne piti bocasiniga. ¹³ Jipihtina õ macaina Cohamacũ yaina m̃sare noa dutira.

¹⁴ Mari pũhtoro Jesucristo m̃sare to cahĩa mehne, Cohamacũ cũhũ m̃sare to cahĩa mehne Espĩritu Santo m̃sa mehne jirucuriro to yoadohoa mehne noano jiga m̃sa.

Gálatas

Galacia wama tiri yahpa macainare Jesu yainare joarocaha Paulo

¹ Yuhũ Paulo, Cristo yare buhe dutiro to cũriro jija. Masa ti cũriro jieraja yuhũ. ã yoa masa sehe yuhũre Cristo buhe dutiro to cũhtore yuhũre yahuerare. Cohamacũ Jesu Pũcũro sehe Jesure yariarirore masoriro yuhũre cũre to yare buhehtirore. Jesucristo cũhũ yuhũre cũre. Ti ã cũriro jicũ ahrire joarocaja mũsare. ² Yuhũ mũsare Jesu yainare Galacia yahpa macainare noa dutija. Yuhũ mehne macaina Jesu yaina cũhũ mũsare noa dutira. ³ Cohamacũ mari Pũcũ, mari pũhtoro Jesucristo mehne mũsare noa dutija. Cohamacũ to yoado-hoa mehne noano jiga mũsa. ⁴ Tiro Jesucristo sehe mari ñaare yoari buhirire yariari jire. Mipũre masa ti ñaare yoari dacho jira. ã jiro ahri dacho baroihta tiro yariari jire Cohamacũ mari Pũcũ to cahmariro seheta marine yuhũchũ yoaro taro. ã to yuhũchũ yoachũ ñaare mipũre ti yoariro seheta yoa duasi mari. ⁵ ã yoa jipihtia dachoripe tirore mari Pũcũre ño payojihna. ãta yoajihna.

Cohamacũ masare to yuhũchũ yoahiti buhea cãnota jira. Paye buhearũ mariahna

⁶ Cristo mũsare cahĩno to yaina cjihtire mũsare cũre. ã jicũ mũsare cũriro yare cohãna, soro jia buhea sehere dói mũsa cahmachũ ñũ cũaa wahaja yuhũ. ⁷ Paye buhea noaa buhea yoaro sehe jia buhea waro jierara. Ti ã jierapachũta cãina mũsa cahai jiina mũsare cariboa, soro jia buheare buhea, noaa buheare ni dojomehne duara. ⁸ ã yoa mũsare sã buhe mũhtari cjiire mari cohãchũ soro jia buhea sehere mari buhechũ Cohamacũ marine buhiri dahrejaro. Tuhsũ, anjo mũano macariro ã to buhechũ tiro cũhũre buhiri dahrejaro Cohamacũ. ⁹ Pano sã niriro seheta mipũre pari turi nihtja tjoa: Cãiro mũsare sã buherire cohãno, soro jia buheare to buhechũ Cohamacũ tirore buhiri dahrejaro.

¹⁰ ã nicũ “Tiro dihta noano buheriro jira”, yuhũre ni dutii nieraja. Cohamacũ sehe yuhũre “Noano buhere mũhũ”, to nichũ cahmaja. Masare wahchechũ yoacũ tacũ soro jia buheare buheboa yuhũ. ã buhecũ ne Cristo cahamacũno jieraboa yuhũ.

Paulo Cristo to buhe duti to cũriro to jidũcarire yahuha

¹¹ Yũ coyea, ahrire mũsa masichũ cahmaja yuhũ: Noaa buheare yũ buheri cjiri masa ya buhea jierara. ¹² Tí buhea masũnore yũ tũhori jierara. ã jia paina masa yuhũre tí buheare yahuerare. Jesucristo sehe yuhũre tí buheare masichũ yoare.

¹³ Panopũre yũ coyea judio masa ti yoaa tiro sehe yũ yoariro jichũ masina mũsa. Õ sehe yoaa tii yuhũ: Jesu yainare tuaro ñano yoacũ tinare noano wajã pahũonoca duamai. ¹⁴ Sã ñũchũsuma ti buherire tuabiaro yoa duacũ yũ coyea yũ cãno potori bũcũarina yuhũdoro yoa mũhtariro jia timai yuhũ. ¹⁵ Yũ ã jiro jipachũta yũ masa bajuahto pano Cohamacũ yuhũre bese tuhsũri jire. ã jiro yuhũre cahĩno tiro to yairo cjihto, to cahamacũno cjihto cũre yuhũre. ¹⁶ ã yoa to cahmano seheta to macũnore yuhũre masichũ yoare to yare noaa buheare judio masa jierainare yũ buhehti cjihtire. To ã yoachũ “¿Dohse ni buhero cahmacari yuhũre?” ni masare sinitu ñũerahi yuhũ. ¹⁷ ã yoa Cristo to cũrina yũ pano jirina cahapũre Jerusalẽpũre sinitu ñũi wahaerahi. Arabia yahpapũ wahi yuhũ. ã jicũ Damascopũ majare wihii tjoa.

¹⁸ Tia cũhma baharo Pedrore ñũcũ wahi yuhũ Jerusalẽpũ. Tõpũre pũa somana waro jii. ¹⁹ ã yoacũ painare Cristo to cũrinare ñũerahi. Santiago dihtare mari pũhtoro bahũrore ñũi. ²⁰ Õ sehe ni joarocacũ Cohamacũ mehne ne mahũõpe joaeraja.

²¹ Baharo Siria yahpapũ, Cilicia yahpapũ cũhũre wahi. ²² Tõpũre yũ sũchũ tí pjare Judea yahpapũ jiina Jesu yaina yuhũre ne ñũ masierasinire. ²³ ã jia ahri dihtare yuhũre masi dũcare tina: “Panopũre marine ñano yoariro mipũre noaa buheare to

cohã duari buheare buhero nina”, ni masi ducare tina. ²⁴Yuhure ã masia Cohamacure “Noa yuhduariro jira”, nire tina.

2

Paina Cristo to cûrina Paulore piti boca dôihta cahmana

¹ Catorce cahmari baharo pari turi Jerusalêrũ wahacũ Bernabé mehne wahai. Tito cũhũ wahare yuhũ mehne. ² Cohamacũ yuhũre to waha dutichũ tóprẽ wahai. Jerusalêi jicũ Jesu yaina pũhtoã ti sahsero ti cahmachuchũ ñucũ noaa buheare judio masa jierainare yũ buherire yahui tinare. “¿Judio masa jierainare noaa buheare yũ buhechũ noajari, mũsa tũhotuchũ?” nicũ, ã ni yahui tinare. Æ ni yahui tinare panopũ yũ buherire mipũre yũ buheri cũhũre ti noano masihtõ cjihtore, tíre “Noana”, ti nihto cjihtore. Ti ã nierachũ yũ buheri cjiri yaba cjihti jieraboã. ³ Yuhũ mehne macariro Tito judio masũno jierariro jiro, circuncisiõre yoærariro jira. To ã yoamahnõerariro to jipachũta Jesu yaina pũhtoã “Mũhũ cũhũ circuncisiõre yoaga”, nierare tirore. ⁴ Ti ã nierapachũta cãina “Jesu yaina jija”, ni mahñõina wacũenoca sã mehne sãa, tirore circuncisiõre ti yoachũ cahmamare tina. Jesu yaina mari jina “Panopũ macaare ti dutiriro sehe yoana tí mehne yuhdũsi”, ni tũhotuja mari. Mari ã ni tũhotuina jichũ mari yoæare ñũ duaã tina sehe sã mehne mahñõ sãare. Æ yoaa sã ñũchũsuma ya dutiare yoã duti duaã, tí dutiare ñõ payorucuina jichũ yoã duamare sãre tina. ⁵ Ti ã yoã duapachũta noaa buheare quihõno mũsa noano masihtõ cjihtore ne mahanocã mehne tũho duaerahi sã tinare.

⁶ Æ yoã Jesu yaina pũhtoã noaa buheare yũ buherire ti tũhori baharo “Õ sehe ni yahu namoga judio masa jierainare”, ni yahu quihõerare tina yuhũre. Jesu yaina pũhtoãre wiho jiina yoaro seheta tũhotuja tinare. Cohamacũ sehe jipihtinare cãno potori tũhotura. Æ jicũ ãta tũhotuja yuhũ cũhũ. Tina sehe yũ buheriro sohtoãre buhedoho masierare. ⁷ Æ jia judio masa jierainare yũ buhehtire Cohamacũ yuhũre

to cũrire tũhoa, “Tóihã jira”, nire tina. Judio masare buheare Cohamacũ Pedrore to cũriro seheta tó seheta yuhũ cũhũre cũre judio masa jierainare yũ buhehtiro cjihtore. ⁸ Judio masare Pedrore buhe dutirirota yuhũ cũhũre tirota buhe dutire judio masa jierainare.

⁹ Æ jia Santiago, Pedro, João mehne “Jesu yaina pũhtoã”, ti niina noaa buheare buherire Cohamacũ yuhũre to cũrire tũhoa “Tóihã jira”, nire tina. Æ niata yuhũre Bernabé mehne noano wahchea mehne wamomaca ñahare sãre piti tia. Æ jina judio masa jierainare buheina jija sã. Santiago cũhũ sehe judio masare buheina jira. “Æta wahajaro”, nii sã sã basi. ¹⁰ Æ nipahta tina judio masare pjacũoinare yoadoho dutire sãre. Pjacũoinare yoadohohtiro jiita nija yuhũ.

Antioquíai Paulo Pedrore tuhtiha

¹¹ Æ yoã Pedrore Antioquíapũ to sũri baharo quihõno to yoærarĩ buhiri tuhtii tirore. ¹² Õ sehe yoare tiro: Santiago to warocaina Antioquíapũ ti sũhto panocã, Pedro sehe judio masa jieraina mehne chũro nire. Santiago warocaina judio masa jierainare “Circuncisiõre yoaga” niina, judio masa panopũ macaina ya dutiare yoã dutiina jire. To ã chũro watoĩ tina sũre. Æ chũriro jiparota tina to cahapũ ti sũchũ ñũno, tinare cuiro, Pedro judio masa jierainare duhunoca, pari turi tina mehne chũro wahaerare. “Mipũre wihiina yuhũre tuhtiri” nino, judio masa jieraina mehne chũ namoerare. ¹³ To ã mahñõ cureriro seheta to yoachũ ñũa, paina judio masa cũhũ tirore ñũ cũ, tina cũhũ tó seheta yoare. Æ jiro Bernabé masa noariro jiparota tina yoaro seheta yoare tiro cũhũ.

¹⁴ Æ jicũ judio masa jierainare ti duhuri buhiri noaa buhea ti niriro seheta tina ti yoærachũ ñucũ, jipihtina Jesu yaina panõĩ Pedrore yahui: “Judio masa ya dutiare yoã dutiina ti ñũrocarõĩ judio masa jieraina mehne mũ chũ duaerachũ ñũa õ sehe ni tũhotuboca tina judio masa jieraina: “Jesu yaina dihta jina judio masa yoaro sehe yoajihna mari cũhũ”, ni tũhotuboca. Æ ni tũhotuchũ yoara mũhũ tinare. ¿Dohseacũ tinare judio masare ñũ cũchũ yoã duajari

mũhũ ã piti ti duhucũ? Judio masũno jipaihta judio masa jieraina yoaro sehe yoamare mũhũ. ã yoacũ judio masa yoaro sehe yoaerare mũhũ. ¿ã yoariro cjiro jipaihta dohseacũ judio masa jierainare judio masare ñũ cũchũ yoa duajari mũhũ?” nii tirore.

Judio masare paina masa yoaro seheta Jesure wacũ tua dutiha Cohamacũ

¹⁵ Sã sehe judio masa masa bajuana, paina ñano yoaina judio masa jieraina yoaro sehe jieraja sã. ¹⁶ ã jiina sã jipachũta Cohamacũ dutiare Moise cjirore to cũrire yoarina sã jichũ “Noaina jira”, ni ñũeraboa Cohamacũ sãre. Tíre mari masija. ã yoa Jesucristore mari wacũ tuachũ Cohamacũ marine “Noaina jira”, ni ñũnohca. Tíre masina, sã cũhũ Jesucristore wacũ tuaja tirore sã wacũ tuari mehne sãre “Noaina jira”, Cohamacũ to ni ñũhto cjihtore. To dutia cjirore sã yoarina jichũ “Noaina jira”, ni ñũeraboa Cohamacũ sãre. Ne tí dutia yoaa mehne noaina jierara masa, Cohamacũ to ñũchũ.

¹⁷ Wiho mejeta Cristore mari wacũ tuaa mehne noaina Cohamacũ yaina mari waha duachũ, ñaina mari jiare masichũ yoarohca Cristo. ¿Cristo mari ñaare marine masichũ yoaro ñaina marine jichũ yoajari tiro, mũsa tũhotuchũ? Ne mahanocã mehne yoaerara. ¹⁸ Sã dutia yoaa mehne yũhdũ duamarina cjiri jipanahta tí buheare cohãi. ã cohãpanahta pari turi tí buheare yoana tí dutiare sã yoa pahñoerari buhiri potocãta buhiri tinahca sã. ¹⁹ Cohamacũ dutiare Moise cjirore to cũrire cũno pjaeraja mari. ã jia, tí dutia marine duti namoerara. Cohamacũ to tuaa mehne to yaina jija mari. Cristo mehne crusai yariaina yoaro sehe jija mari. ²⁰ ã jina yariariro to mũ sũro to yoaerariro seheta mari mũ sũro yoaeraja mari. Cristo ya tuaa mehne yoaja. ã yoa mipũre Cohamacũ macũnore wacũ tuaa mehne jirucuja mari. Tiro Cohamacũ macũno marine cahĩre. ã jiro mari ya buhirire yariare. ²¹ To dutia yoaa mehne noaina Cohamacũ yaina mari wahachũ Cristo to yariari sehe ne yaba cjihti jieraboa. Cohamacũ marine to cahĩre, Cristo to yariarire wiho jia yoaro sehe jichũ yoa

duaeraja yũhũ sehe. ã jicũ “Dutia mehne yũhdũihca”, ne nieraja yũhũ.

3

Cohamacũ dutia Moise cjirore to cũrire, wacũ tuaa cãhũre yahuha Paulo

¹ Yũ coyea, mũsa Galacia macaina tũho masieraina ji wama tira mũsa. Jesucristo crusai to yariari buheare jipihina ti ñũrocaroi mũsare yahui. ¿ã jina mipũre to yare mũsa yũhdũrũcahtore paina mũsare ti dojomehnechũ dohse yoana tinare yũhtiri mũsa? ² Ahrireta yahu duaja mũsare: Dutiare mũsa yoaa mehne Espĩritu Santore cjuerara mũsa. Noaa buhea sehene tũhona Cristore mũsa wacũ tuaa mehne Espĩritu Santore cjuara mũsa. ³ Espĩritu Santo mehne mũsa Cristo yaina ji dũcana mipũre mũsa mũ sũro mũsa yoaa mehne Cohamacũ cahapũ mũsa waha duachũ ña nina. Tũho masieraina jira mũsa, ã yoana. ⁴ ¿Noaa buheare mũsa yoari buhiri payũ tahari mũsa ñano yũhdũna wiho warota ñano yũhdũnocana niri mũsa, ã wahana? Wiho waro jierara mũsa ã wahari. ⁵ ¿Dohse mũsa yoari wapa Espĩritu Santore mũsare wari Cohamacũ, mũsa tũhotuchũ? To dutiare mũsa yoari wapa waerare tiro. To buheare noano mũsa tũhochũ ñũno tirore mũsa wacũ tuari baharopũ Espĩritu Santore ware tiro. ¿Cohamacũ mũsa watoi to tuaa mehne yoa ñono dohse jiro baro ã yoa ñojari tiro, mũsa tũhotuchũ? To dutiare mũsa yoari wapa ã yoa ñoerare tiro. To buheare noano mũsa tũhochũ ñũno tirore mũsa wacũ tuari baharopũ ã yoa ñore tiro.

⁶ Abrahã cjiro Cohamacũre wacũ tuaa tiri jire. To ã yoachũ tirore Cohamacũ “Noariro jira”, ni ñũa tiha. ⁷ ã jina ahri yũ nihtire masiga mũsa: Cohamacũre wacũ tuainata potocãta Abrahã cjiro panamana ji turiaina waro pa turu macaina yoaro sehe jira. ⁸ Panopũ Cohamacũ yare ti joari pũi õ sehe ni yahua tiha: Judio masa jieraina Cohamacũre ti wacũ tuachũ ñũno “Noaina jira”, ni ñũna Cohamacũ. To ã ni ñũhtore Cohamacũ pano masiyuro, tiro noaa buheare Abrahãre pano yahu mũhta tuhsũa tiha. “Mũhũ mehne ahri yahpa macainare jipihinare noano yoihtja”, nia tiha Cohamacũ Abrahãre. ⁹ ã

jiro Abrahã cjiro Cohamacure noano tũho wacũ tuaa tiha. To ã wacũ tuachũ ñũno Cohamacu tirore noano yoaa tiha. ã yoa paina masa Cohamacure ti wacũ tuachũ, tina cũhure noano yoarohca Cohamacu, Abrahã cjirore to yoariro seheta.

¹⁰ “Moise cjirore to cũri dutia mehne Cohamacu yaina wahanahca”, ni tũhotuina buhiri tiina jira. To joari pũi ãta nina: “Cohamacu dutiare to ya tjuí ti joarire yoa pahñoeraina buhiri tiina jira tina jipihtina”, ni joaa tiha. ¹¹ Cohamacu yare ti joari pũi õ sehe nina: “Cohamacure wacũ tuainare ‘Noaina jira’, ni ñũna Cohamacu. ã wacũ tuaa jipihtia dachoripe Cohamacu mehne ã jirucuahca”, nina Cohamacu yare ti joari pũi. To ã nichũ ahri yũ nihtire mari noano masija: To dutiare ti yoaa mehne masa noaina wahaerara, Cohamacu to ñũchũ. ¹² Dutia yoaa mehne Cohamacu cahapũ waha duaina Cohamacure wacũ tuaerara. Õ sehe nina Cohamacu yare ti joari pũi: “Dutiare yoaa mehne noaina waha duainare tí dutiare yoa pahñoño cahmana tinare, dũhsaro marieno”, nina Cohamacu yare ti joari pũi. Wiho mejeta to dutiare yoa pahñoeraina jira masa. ã jia Cohamacu ñũroçaroi noaina waha masierara.

¹³ ã jia tí dutia marine buhiri tichũ yoara. Mari ã buhiri tichũ ñũno Cristo sehe to basi mari yaro jiborirore buhiri tiroro waharo, mari buhiri tiborirore tiro sehe cohãbasare marine. Cristo to buhiri tihtore yahuro õ seheta ni joaa tiha panopure: “Jipihtina yucũçũpũ ti duhu õina buhiri tiina jira”, ni joaa tiha panopure. ¹⁴ To ã ni yahu joariro seheta ã yoari jire Cristore. Cohamacu Abrahã cjirore “Ahri yahpa macainare noano yoaihtja”, to niriro seheta yoaro niri jire masare. ã yoari jire Cristo mehne. Tiro yariari jire Cohamacu judio masa jierainare noano to yoahito cjih-tore. ã yoaro Jesucristo mehne Cohamacu Abrahãre to niriro seheta tuhsũri jire. ã yoari jire tiro tirore mari wacũ tuari baharo Espiritu Santore mari cjuahito cjih-tore.

To buherire quti mehne yahu namoha Paulo

¹⁵ Yũ coyeyã, masa ya quti mehne tí yũ nirire yahuihtja mũsare: Cãiro paio

mehne “Õ sehe yoajihna mari”, ni cãno mehne ti joa cũpachũta paio tí pũre soro ni dojomehne joa namo masierara. ã yoa tuhsũ, tí pũre “Quihõno jierara”, ni masierara tiro. ¹⁶ Tí pũre cãno potori ti joa cũriro seheta “Mũsare noano yoaihtja”, Cohamacu nino, Abrahãre to panamino ji turiariro cũhure ni yahu cũno nia tiha. ã ni yahu cũno paina to panamana ji turiainapure ni yahu cũno niera tiha. Cãiroreta to panamino ji turiariro dihtare ni yahu cũno nia tiha Cohamacu. Tiro Abrahã panamino Cristo jira. ¹⁷ Mipure noano yahuihtja mũsare: Abrahã cũhure Cohamacu “Mũsare noano yoaihtja”, to ni cũri baharo cuatrocientos treinta cũhmari yũhdũri baharo to dutiare Moise cjirore cũa tiha. ã cũno Abrahã cũhure Cohamacu “Mũsare noano yoaihtja”, to yahu cũri cjirore boro taro niera tiha. ¹⁸ Cohamacu marine yũhdũchũ yoaro, dutiare mari yoaa mehne marine yũhdũchũ yoarera. Dutiare yoaa mehne mari yũhdũchũ Cohamacu “Mũsare noano yoaihtja”, to ni yahu cũri sehe yaba cjihti jieraboa. Wiho mejeta to dutia mariasinichũpũ Abrahãre ã ni cũ mũhtaa tiha.

¹⁹ ¿ã jiro dohse jiro baro to dutiare cũri Cohamacu? To dutiare cũha tí dutiare mari yũhdũrũcarire mari noano masihto sehe. ã jiro panopure Cohamacu “Mũ panami mehne masare noano yoaihtja”, Abrahãre to niriro to wihihto pano Cohamacu to dutiare cjuãa timaha masa. Cohamacu to dutiare to cũchũ to anjoa sehe tíre duti turiaa tiha. ã yoa Moise cjirore ti cũchũ, tiro sehe masare cũ turiaa tiha tjoa. ²⁰ To dutiare Moise cjiro to cũ turiachũ Cohamacu to basita masare cũera tiha. ã cũeraparota Cohamacu “Mũhure noano yoaihtja”, Abrahã sehere ni yahu cũno, to basita ã ni yahu cũa tiha.

²¹ Cohamacu Moise cjirore to dutiare cũno, tó pano Abrahãre to ni yahu cũrire “Yũ niriro sehe yoasi yũhũ”, nino niera tiha tiro. Abrahãre to niriro seheta yoaro taro nia tiha. To dutia yoaa mehne Cohamacu yaina wahana tí pja pinihta dutiare mari yoaa mehne noaina wahaboa mari. ²² Wiho mejeta Cohamacu to yare

ti joari pũ sehe jipihtina ñaa buhiri tiina, ñaare duhu masieraina ti jirire yahua tiha. Æ ni yahua tiha Cohamacũ “Mũsare noano yoaihtja”, pano to niriro seheta to yoahito cjihtore. Æ yoaro Jesucristore wacũ tuainare noano yoara tiro pano to niriro seheta.

²³ Jesucristo ya buheare mari tũhohto pano, tirore mari wacũ tuahto pano Cohamacũ Moise cjirore to cũri dutia dihtare masimahi mari. Æ masimarina jina ñaa buhiri tiina, peresupũ jiina yoaro sehe tí ñaare duhu masieraina jina, dutia dihtare masiina jimahi mari. ²⁴ Æ jia Cristo to wihito pano Cohamacũ dutia sehe marine yahure dahra cohtariro to pũhtoro pohmare to yahuriro seheta. Æ yahure marine baharo Cristore mari wacũ tuua mehne Cohamacũ “Noaina jira”, marine to ni ñũhto cjihtore. ²⁵ Mipũ pinihtare Cristore mari wacũ tuari pja jira. To ã jichũ dahra cohtariro yoaro sehe to dutia sehe marine yahu namoerara. Marine dutirucu namoerara. ²⁶ Æ jina Cristo Jesure wacũ tuaina jina Cohamacũ pohna jira mũsa. ²⁷ Jipihtina mũsa co mehne bautisarina jira Cristo yaina mũsa jiare ñona tana. Æ yoana to yaina jina, Cristo yoaro sehe jiina wahana nina mũsa. ²⁸ Mipũre pũa curua jierara mũsa. Judio masa jieraina, judio masa mehne pũa curua jierara mũsa. Dahra cohtaina, dahra cohtaina jieraina mehne pũa curua jierara mũsa. Mũa, numia mehne pũa curua jierara mũsa. Jipihtina mũsa Cristo yaina jina, cã curuata jira mũsa. ²⁹ Cristo yaina jina, Abrahã Cohamacũre to wacũ tuariro seheta yoaina jina, Abrahã panamana waro jira mũsa. Mũsa ã jiina jichũ Cohamacũ Abrahãre “Mũsare noano yoaihtja”, to ni yahu cũriro seheta mũsa cãhũre noano yoarohca tiro. Cristo yaina mũsa jichũ ñũno mũsare noano yoarohca.

4

¹ Õ sehe jira ahri quitu mehne yũ yahu namochũ: To pũcũro baharo to yare nahtiro wahma bũcũariro jiro pũ jipihtia to ya jipachũta dahra cohtariro yoaro seheta ne paye baro maerariro yoaro seheta jira tiro. ² Æ jia tiro wahma bũcũariro to jichũ

tirore ñũ wihboina to yare ñũ wihbora. Æ yoa to pũcũro to quihõri pja mũ sũchũpũ to pũcũro yare cjuarohca to macũno. ³ Õ seheta wahma bũcũariro yoaro seheta jimai mari cãhũ. Æ jiina mari jisinchũ dahra cohtainare ti dutiriro seheta Moise cjirore to cũri dutia, mari ñũchũsuma panopũ macaina ti cũri dutia cãhũ marine dutisinimare. ⁴ Mari ã jiina jipachũta to quihõri pja mũ sũchũ Cohamacũ to macũnore warocari jire. Æ to warocachũ to macũno cãcoro numino mehne masa bajuari jire. Æ jiro tiro judio masũno masa bajuaro Cohamacũ dutia Moise cjirore to cũri cjirore yoarucuriro jiri jimare. ⁵ Mari cãhũre tí dutiata dutisiniri jimare. Æ jiro marine yũhdũchũ yoahitiro cjihtore warocari jire Cohamacũ to macũnore, to pohna waro mari wahahto cjihtore.

⁶ Æ jiro to pohna mũsa jichũ ñũno, Cohamacũ macũno to yairo Espĩritu Santore mũsa mehne jihtirore warocari jire Cohamacũ. To yairo Espĩritu sehe Cohamacũre “Mai”, niriro jira. ⁷ Æ jina mũsa Cohamacũ to yoadohoa mehne dahra cohtaina jierara mũsa mipũre. To pohna jira mũsa. Æ jina to pohna jina, Cohamacũ to wahtire cjuanahca mũsa.

Paulo Galacia macainare Jesu yainare cuisãha

⁸ Panopũ Cohamacũre mũsa masierasiniina jina “Cohamacũ jira”, mũsa nia masũrine ño payona tí masũrine dahra cohtaina jiri jimare mũsa. Mũsa ã ño payoina potocãta cohamana waro jierari jire. ⁹ Æ jirina cjiri jipanahta mipũre Cohamacũ warore masina mũsa. Jierara. Tiro pinihta mũsa sehere masina. ¿To ã masipachũta dohse yoana ahri yahpa macaina ya buhea sehere cahmajari mũsa tjoa? Ti ya buhea mehne noano yũhdũ duapanahita ne yũhdũsi mũsa. Æ yoa baharo Cohamacũ jipihtia dachoripe mũsare to wahtire cjuasi mũsa. Æ yoana tí buhea mehne yũhdũ duana, pari turi ti ya dutiare dahra cohtaina yoaro sehe wahana nica mũsa. ¹⁰ Cãa dachorire, cãa sũrine, cãa puhibũcũre, cãa cãhmarine bose nũmũrine dahre dutira mũsa. “Mari ã

yoaa mehne dutia mehne yuhduhahca”, ni tūhotumana mūsa. ¹¹ Mūsa ā ni tūhotuchū mū sare tuaro yū buheri cjiri yaba cjihti jieraboca, yū tūhotuchū.

¹² Yū coyea ahrire tuaro dutiitja mū sare: Cristore yū tūhoturiro seheta mūsa cūhū tirore tūhotuga. Panopū dutia yoaa mehne yuhdu duaina jierari jimare mūsa judio masa jieraina jina. Mipū sehēre yūhū cūhū mūsa yoaro seheta wahai dutia yoaa mehne yuhdu duaeracū. Ā jina Cristore yū tūhoturiro seheta mūsa cūhū āta tirore tūhotuga. Mūsa mehne yū jichū ne űano yoerare mūsa yūhūre.

¹³ Ahrire masina mūsa. Tōpū dohatiriro jicū, pa seherū waha masieracū noaa buheare mū sare buhe dūcai. ¹⁴ Yū ā dohatiriro jipachūta, yūhūre pumeborina mūsa jipanahta, yūhūre yabierare mūsa. Ā jina yūhūre “Waharisa”, nierare mūsa. Ā jina Cohamacū yairo anjore, Jesucristo cūhūre mūsa piti bocaboriro seheta yūhūre noano piti bocare mūsa. ¹⁵ ĶMipūre dohse wahari yūhū mehne mūsa wahchea? Mū sare ahrire niitja: Cūno pjana mūsa caparire orewe na yūhūre waboa mūsa. ¹⁶ ĶYūhū mehne macaina jipanahta mipūre quihōno mū sare yū yahuchū űū tuhtijari mūsa yūhūre?

¹⁷ Sohō jiina soro ni buheina mū sare tuaro cahmasāana. Ti tūhotua soro jira. Noaa jierara. Tina mū sare yūhūre yuhduhūcachū cahmana, tina sehēre mūsa cahmahto sehē. ¹⁸ Noano mehne mūsa noano wahahto sehē mū sare ti cahmasāachū noa niboa. Ā yoaa tōpūre yū mariachū cūhūre ti ā cahmasāachū noa niboa. ¹⁹ Yū pohna, niji wahcōricoro to űano yuhduro seheta mū sare űano wacū tūhotuja yūhū. Pū Cristo yoaro sehē mūsa jichūpū mū sare wacū duhuihca. ²⁰ Michapucacā mūsa mehne jicū tuhtiro marieno wahchea mehne mūsa mehne yū sūhūduchū noaboa yūhūre. Mū sare pjiro tūhotui nija yūhū.

Agar Sara mehne ti jiri cjirire yahuha Paulo

²¹ Tūhoga mūsa yūhūre. Cohamacū to dutiare yoaa mehne yuhdu duaina jipanahta to dutia sehēre noano masierara mūsa. ²² Ō sehē nia tiha Cohamacū

yare ti joari pūi: Abrahā pūaro pūcūro jia tiha. Tirore dahra cohtaricoro Agar wama tiricoro mehne cūiro pohna tia tiha. Ā yoaa to namono poto Sara wama tiricoro mehne cūiro pohna tia tiha. ²³ Wiho mejeta tirore dahra cohtaricoro macūno masa mari yoaro seheta masa bajuaa tiha tiro. To namono poto macūno sehē Cohamacū “Cūirocā pohna tinahca mūsa”, to niriro seheta masa bajuaa tiha tiro sehē. ²⁴ Ahri quti marine noano piti dahre yahura: Cohamacū pūa taha masare “Mū sare yoadohoihtja”, to nia yoaro seheta jira ahri numia pūaro numia. Cūcoro Sinaí wama tidūpū to dutiare wari yoaro sehē jira. Ticoro Agar jira. Ticoro mehne mari piti dahre buhechū judio masa cūhū dutiare yoarucua mehneta yuhdu duaina ticoro yoaro sehē jira. Tina dahra cohtaina yoaro sehē jira. ²⁵ Ticoro Sinaí wama tidū Arabiapū jidū yoaro sehē jiricoro jira. Mipūre Jerusalē macaina judio masa dutia yoaa mehne yuhdu duaina dutiare dahra cohtaina yoaro sehē jira. Ā jia mari piti dahre buhechū tina ticoro yoaro sehē jira dahra cohtaricoro to jia tiriro sehē. Tina Cohamacū pohna jierara. ²⁶ Pacoro sehē Abrahā namono poto mūanopū jiri maca Jerusalē wama tiri maca yoaro sehē jira, mari piti dahre buhechū. Ticoro dahra cohtaricoro jieraro, to macūno cūhū dahra cohtariro jierari jire. (Ā yoaa Jesucristore wacū tuaina mari jina, Sara macūno yoaro sehē jija. Mari cūhū Cohamacū Moise cjiroro to cūri dutia mehne yuhdu duaina jieraina jina, dahra cohtaina yoaro sehē jieraja.) ²⁷ Cohamacū yare ti joari pūi ō sehē ni joaa tiha Cohamacū pohna warore, Sara yoaro sehē jiricorore yahuro: “Pohna marienicoro, wahchega.

Ā yoaa wahchea mehne sañurucuga, niji wahcōno purīnore masieraricoro jico.

Mūhū sehē manū tiricoro yuhdoro payū pohna ticohca.

Ā jico wahchega”,

ni joaa tiha panopūre to pohna tihto pano Sara yoaro sehē jiricorore yahuro.

²⁸ Yū coyea, Cohamacū to niriro seheta Isaa masa bajuaa tiha. Mari cūhū tiro

yoaro sehe Cohamacu to niriro seheta to pohna jija mari. ²⁹ Wiho mejeta tí pjarure masa yoaro sehe masa bajuariro ñano yoaa tiha paire Espíritu Santo to niriro seheta masa bajuaritore. Mipure cūhure āta jira to jiriro seheta. ³⁰ Wiho mejeta ò sehe nina Cohamacu yare ti joari pūi: “Dahra cohtaricoro macano to pucuro yare cūa masierara. To namono poto macano sehe to pucuro yare cūa masina. Ā yoa ticorore dahra cohtaricoro cjirore to macano mehnetā cohānocahga”, ni joaa tiha. ³¹ Yū coyea, ne dahra cohtaricoro pohna yoaro sehe jieraja mari. Wiho mejeta to namono poto pohna yoaro sehe jija mari.

5

Jesucristo yare noano tūho ñahana, tíre duhuena tjiga

¹ Dutia yoaa mehne yūhdū duaina tí dutiare dahra cohtaina ti dutipeina yoaro sehe jira. Cristo yaina wahana ti dutipeina mari jiare wijaana, Cristo mehne yūhdūja mari. Ā to yūhdūchū yoarina jina, to yare ā yoarucuga, “Tí dutia yoaa mehne yūhdūnahca”, ni tūhoturo marieno.

² Mipure yūhū Paulo ahrire yahuihtja mūsare: “Circuncisiōre mari yoari mehne yūhdūnahca”, mūsa ni tūhotuna, Cristo mūsare to yoadohore yaba cjihti jierachū yoana nina mūsa. ³ Jipihtina circuncisiōre mūsa yoari mehne yūhdū duainare pari turi ò sehe ni yahuihtja yūhū: Circuncisiōre mūsa yoari mehne yūhdū duana, paye Cohamacu dutiare yoā pahñoerana, yūhdūsi mūsa. ⁴ Dutia yoaa mehne yūhdū duaina jina Cristo sehere cohāre mūsa. Ā yoaina jina, Cohamacu mūsare to cahīre, mūsare to yūhdūchū yoā duarire cahmaerara mūsa. ⁵ Wiho mejeta mari sehe Espíritu Santo to tuaa mehne Cohamacure wacū tuaja. Mari ā wacū tuachū “Noaina, ñaa buhiri marieina jira”, ni ñūna Cohamacu marine. To ā ni ñūchū marine to yūhdūchū yoahore masija mari. ⁶ Cristo Jesu yaina jina circuncisiōre mari yoachū ne yaba cjihti jierara. Circuncisiōre mari yoerachū cūhure ne yaba cjihti jierara. Wiho mejeta Cristo pinire wacū tuana painare

cahīnahca mari. Tí wacū tuaa sehe wiho waro jia nierara. Tí waro jia nina.

⁷ Mūsa Cristore noano wacū tuasini-mare. ¿Diina baro noaa buheare yūhdūnahca dutiari mūsare? ⁸ Ti ya buhea Cohamacu mūsare to pohare cūriro to ya buhea jierara. ⁹ Ahri yū nihtire wacūga mūsa: Mahanocā pāo būcūaro trigo yūbure noano sahserecū sūra. (To ā sahserecū sūriro seheta yū coyea judio masa ya buhea sehere mūsa cahmarucuchū ñūa payū masa mūsa mehne macaina cūhū tí buheare cahmaboca tina cūhū.) ¹⁰ Mari puhtoro Cristore wacū tuaja mari. Ā jicū ahri yū nihtire masija yūhū. Cristo to yoadohoa mehne paye buheare baharopure cahmasi mūsa. Tíre masija yūhū. Mūsare dojomehne cohtaina dohse jiina jica. Tinare Cohamacupū buhiri dahrerohca.

¹¹ Yū coyea, “Dutia yoaa mehne yūhdūnahca”, ti nia buheare yū buheriro jichū judio masa yūhure ñano yoeraboa. Cristo crusai to yariari buheare yū buheri buhiri tina ñano yoara yūhure. Cristo ya buhea mehne judio masa ya buheare yū buhe morechū yūhure ñano yoeraboa tina. ¹² Mūsare dojomehne cohtaina mūsare mahanocā mūsa pjacū macari cahsarocāre yihso dutiina ti basi dihta yihsojaro.

¹³ Yū coyea, “Dutia mehne yūhdūnahca”, ni tūhotu dutierara Cohamacu mūsare. Wiho mejeta “Dutia mehne yūhdūnahca”, ni tūhotuina jierapanahca “To dutiare yūhdūnahcajihna”, ni wacūena tjiga. Ā yoā mūsa mehne macainare cahma cahīna, tinare dahra cohtaina yoaro seheta yoadohoga tinare. ¹⁴ Cānota dutiare noano yoana, Cohamacu dutiare yoā pahñona nija mari. Ō sehe jira tí dutia: “Mū basi mū cahīno seheta mū cahai jiina cūhure cahīga”, ni dutia tiha. ¹⁵ Ā jina wahiquina suaina yoaro sehe mūsa basi cahma sayoena tjiga. Tuhsū, cahmachena tjiga. Mūsa mehne macaina jipihtinare “Dojomehneri”, nina noano yoaga mūsa.

Masa ñaare ti goa pjaare, Espíritu Santo to cahmaa cūhure yahuha Paulo

¹⁶ Espíritu Santo to cahmariro seheta jirucuga mūsa. Ā jina mūsa ñaare mūsa

goa pjaare yoaena tjiga. ¹⁷ Ñaare m̄sa goa pjach̄u tíre m̄sa yoach̄u, Esp̄ritu Santo ñ̄u yabira. To ã ñ̄u yabich̄u tí ñ̄aare duhunahca m̄sa. ã jina ñ̄aare m̄sa goa pjana, tíre yoana, Esp̄ritu Santore ñ̄u tuhtira m̄sa. ã ñ̄u tuhtina to cahmano sehe yoerara m̄sa. ã jina m̄sa goa pjaare m̄sa yoa duaro seheta yoa masierara m̄sa. ¹⁸ ã yoa Esp̄ritu Santo to cahmaare yoaina jina “Dutia mehne mari ȳhd̄uñahca”, ni t̄hotuerara m̄sa.

¹⁹ Masa ñ̄aare ti yoaare mari noano masi tuhs̄ja. Õ sehe jira tí: Numino mehne ñ̄ano yoaa, m̄no mehne ñ̄ano yoaa, w̄hana tia, tó sehe jia ñ̄aare b̄uo tiro marieno yoaa, ²⁰⁻²¹ “Cohamac̄u jira” ti nia mas̄rine ñ̄o payoa, puti sitea, paye yaya ti yoaa, ñ̄u tuhtia, cahma sayoa, doaa, suaa, to basi dihta c̄j̄ua duaa, ñ̄u tuhti cahma t̄ju waa, c̄u curua macaina pa curuare ñ̄u tuhtia, paina yare tuaro cahmaa, cahaa, cahaa bose n̄m̄arine dahrea, tó sehe jia jira ñ̄aare yoaa. Panop̄u m̄sare cuaro mehne ȳu niriro seheta mip̄u c̄h̄ure nihtja: Tí barore yoaina p̄h̄toro Cohamac̄u to s̄ho jirop̄ure m̄anop̄ure ne s̄si.

²²⁻²³ Esp̄ritu Santo sehe marine õ sehe yoaina j̄ich̄u yoara: Masare cah̄ina, wahcheina, cuiro marieina, so suaeraina, painare noano yoaina, noaina, duhuro marieno Cohamac̄u cahmaare yoaina, painare ȳhd̄uñca duaeraina, noano mehne yoaina, ti ñ̄aa goa pjaare yoeraina j̄ich̄u yoara marine tiro. Tó sehe yoainare “ã yoaena tjiga”, ne c̄airo nierara. ²⁴ Cristo Jesu yaina jina mari ñ̄aa goa pjaare yoa namoeraja. ²⁵ Esp̄ritu Santo marine Cohamac̄u mehne ã jirucuch̄u yoarohca. ã jina to cahmano seheta yoarucuina jijihna mari.

²⁶ “Painare masi ȳhd̄uñcaj̄a s̄ã”, ni t̄hotuina jiena tjijihna mari. ã jina mari mehne suach̄u yoaena tjijihna painare. ã yoana mari mehne macaina noano ti wahch̄u ñ̄uñna tinare sua t̄hotuena tjijihna.

¹ Ȳu coyea, c̄airo m̄sa mehne macariro to ñ̄aare yoach̄u ñ̄uñna, Cristore noano wac̄u tuaina jina niji siaroca dero tirore yoadohoga noaare pari turi to yoahto c̄jihto sehe. ã yoana m̄sa c̄h̄u “Ñ̄aare goa pjari”, nina noano yoaga. ² M̄sa mehne macaina ti ñ̄ano ȳhd̄uñch̄u c̄h̄ure yoadohoga tinare. M̄sa ã yoana Cristo to dutiro seheta yoana nina m̄sa.

³ C̄airo wiho jiriro jiparota “Painare ȳhd̄uñcaj̄a”, ni t̄hoturo, to basi mah̄noa dihtare t̄hoturiro jira. ⁴ C̄aina m̄sa sahsero m̄sa yoarire “Ahri noaa jira. Ahri ñ̄aa jira”, ni masiga. ã masina m̄sa yoari noaa jich̄u m̄sa basi wahchenahca. ã jina “Painare ȳhd̄uñcaj̄a”, nisi m̄sa. ã nierana painare m̄sa ȳhd̄uñcari mehne wahchesi m̄sa. ⁵ ã jiro Jesu yairo to m̄s̄ro Cohamac̄u yare yoara. Pairo mas̄no tirore tíre yoadoho masierara.

⁶ ã jina noaa buheare buherirore paye baro m̄sa c̄j̄uaare tirore waga m̄sa to yahuare t̄hoina.

⁷ Toari mas̄no ñ̄aa yaparire toaro ñ̄aa dichare c̄j̄uarohca. Noaa yaparire toaro noaa dichare c̄j̄uarohca. (Tó seheta mari c̄h̄u ñ̄aare yoana ñ̄aare c̄j̄uanahca. ã jiro mari ñ̄ari buhiri buhiri dahrerohca. Noaare yoana noaare c̄j̄uanahca. ã jina noano jinahca.) ã jina “S̄ã ñ̄aare yoach̄u Cohamac̄u s̄ãre buhiri dahresi”, ni t̄hotuena tjiga. Ñ̄aare yoaina Cohamac̄ure b̄j̄upeina jira. Cohamac̄ure b̄j̄upeinare buhiri dahrerohca tiro. ⁸ Mari ñ̄aare goa pjana, tíre yoana, tí mehneta yarianahca. ã jina pichacap̄u wahanahca. Esp̄ritu Santo sehe to cahmaare mari yoach̄u tiro marine jipihtia dachoripe m̄anop̄u jirucuch̄u yoarohca. ⁹ ã jina noaare yoana tíre pumena tjijihna mari. Cohamac̄u to quih̄ori p̄ja jich̄u noaare c̄j̄uanahca mari pumerana. ¹⁰ ã jina jipihtinare mari ñ̄uinape noano yoajihna mari. Mari coyea Jesu yaina pinihtare paina ȳhd̄oro noano yoajihna.

6

M̄sa mehne macainare yoadohoga

Paulo yahu batoaro, noa duti batoaha

¹¹ B̄j̄ua letrari mehne ȳu wamomaca waro mehne m̄sare ȳu joarocarire ñ̄uga

musa. ¹² Musare circuncisiõre yoa dutiina masa tinare ño payochu cahmana. Cristo crusai to yariari buheare mari buheri buhiri masa ñano yoara marine. Ti ã yoachu ñua ahrina musare circuncisiõre yoa dutira “Judio masa ya buhea sehere yoaja”, nia. ã ti yoa dutichu judio masa tinare ñano yoeraboca. ã jia circuncisiõre yoa dutira. ¹³ Musare circuncisiõre yoa dutiina sehe Cohamacu to dutiri cjrيره yoa pahnoerara. ã jia circuncisiõre musare ti yoa dutiri baharo musa yuhtichu ñua, judio masa tinare musare dutiinare ño payoboca. Ti ã ño payohti cjihtire musare circuncisiõre yoa dutira tina. ¹⁴ Mari puhtoro Jesucristo crusai yariariro ya buhea dihtare jipihtinare wahchea mehne yahu duaja. Ne paye buheare ã ni yahu dueraja. ã crusai to yariachu ahri yahpa macaa ñaare watino yuhure yoa dutiro bihoerara. ã yariaro tí ñaare yuhure cahmaerachu yoare tiro. ¹⁵ To ã yoachu Cristo Jesu yaina mari jichu circuncisiõre mari yoachu ne yaba cjihti jierara. Circuncisiõre mari yoerachu cãhure ne yaba cjihti jierara marine. Wiho mejeta pari turi masa bajuaina yoaro sehe, Cohamacu cahmano seheta yoaina, marine to cohtotachu pinihta wiho waro jierara. ¹⁶ Jipihtina ahri yu buherire yoaina, Cohamacu yaina waro jina, cuiro marieno noano jiga musa. ã jina Cohamacu to pja ñua mehne jiga musa.

¹⁷ Mari puhtoro Jesure dahra cohtariro yu jiri buhiri yu pjacure cami tija yuhu. Yu ã jiriro jichu mipure paina yuhure cariboea tjijaro.

¹⁸ Yu coyea mari puhtoro Jesucristo musare jipihtinare to cahã mehne noano yoajaro. Áta yoajaro.

Efesios

Efeso macainare joarocaha Paulo

¹ Yuhũ Paulo m̄sare Efeso macainare joarocaja. Yuhũ Jesucristo yare buhe dutiro to c̄ũriro jija. Cohamacũ to cahmano seheta Jesu yuhũre to yare buhehtirore c̄ũre. Ā jicũ m̄sare Cohamacũ yainare Jesucristore ā wacũ tuarucuinare joarocaja yuhũ.

² Ā joarocacũ yuhũ m̄sare noa dutija. Cohamacũ mari P̄scũ, ā yoa mari p̄h̄toro Jesucristo c̄hũ m̄sare noano yoa, noano jichũ yoajaro.

Cristo yaina mari jichũ ñũno Cohamacũ noano yoara marine

³ Cohamacũ, mari p̄h̄toro Jesucristo P̄scũro marine noano yoarucura Cristo yaina mari jichũ ñũno. Jipih̄tia to ya m̄ano macaa noaa mehne tiro marine noano yoarucura. Esp̄ritu Santo mehne marine ā noano yoarucura. To ā yoariro jichũ ñũna noano ño payoa mehne tirore noano wahche payojihna. ⁴ Ō sehe yoaa tiri jire tiro marine to yainare: Ahri yahpare to bajuamehnehto pano mip̄are to yaina jih̄tinare beseyu tuhs̄a tiri jire tiro marine. Ā besea tiri jire marine ñaa buhiri marieina mari jihto sehe. Ā yoana ñaa buhiri marieina jija mari, Cohamacũ to ñũchũ. Ā jiro marine “Ñaa buhiri tiina jira”, nisi tiro. ⁵ Panopũ ō sehe nia tiri jire tiro marine: “Yũ macũ Cristo tinare to yoabasari mehne tina yũ pohna jahca”, ni c̄ũa tiri jire marine panopũ. To ji coariro seheta to cahmariro seheta ā wahachũ yoaa tiri jire tiro marine. ⁶ Wiho jiina mari jipach̄ta marine to ā noano yoachũ ñũna ño payoa mehne tirore noano durucujihna. To macũno to cah̄riro yaina mari jichũ ñũno noano marine yoara tiro. Ā jina tirore noano durucujihna. ⁷⁻⁸ Cristota jira marine pichacapũ wahaborinare yuh̄dũchũ yoariro. Cristo mari ñaa buhirire yariabasaro, to dire cohã, mari ñaa yoari buhirire cohãri jire. Mari ñaa yoari buhirire to cohãchũ ñũno, Cohamacũ sehe mari ñaa buhirire bonocahna. Marine ñaa dihtare yoaborinare

ā cahmano marine noaputiaro yoari jire Cohamacũ. Ā yoa marine to ā yoainare noano waro tũho masiina wahachũ yoari jire. ⁹⁻¹⁰ Tũho masiina wahachũ yoa, baharopũ to yoah̄tore marine masichũ yoare. Panopũ painare tíre masichũ yoaerari jire tiro. Ō sehe jira baharopũ to yoah̄to: Tiro to cahmariro seheta to tũhoturiro seheta jipih̄tinare c̄ũ curuata Cristo yaina jichũ yoarohca. Ā jiro jipih̄tiare to ya jichũ yoarohca. To quih̄õri p̄ja m̄ s̄chũ m̄ano macainare, ahri yahpa macaina c̄hũre, c̄ũ curuata to yaina jichũ yoarohca tiro. Ā yoa m̄ano macaare, ahri yahpa macaa c̄hũre to ya jichũ yoarohca. Ā jiro Cristo sehe jipih̄tina bui p̄h̄toro jirohca. Ā yoa jipih̄tia p̄ro jirohca. Ā jih̄tiro ji dutia tiha Cohamacũ tirore.

¹¹ Ā yoaro Cristo yaina mari jih̄tore masino panopũ Cohamacũ marine bese tuhs̄a tiha to yaina mari jih̄tinare. Ahri jipih̄tiare to yoarire, baharopũ to yoah̄to c̄hũre, “Ā waharohca”, ni c̄yua tiha tiro to tũhoturiro seheta, to cahmariro seheta yoaro taro. Ā yoaa tiha tiro to yare sã yoah̄to c̄jih̄tore. ¹² Sã sehe judio masa Cristore cahma m̄h̄taina jina sãre to yuh̄dũchũ yoah̄tore cohta m̄h̄taina jija. Cohamacũ sãre besea tiha to yare sã yoah̄to c̄jih̄tore. Cohamacũ yare sã ā yoachũ ñũa, paina tirore ño payo, “Tuariro jira”, ti nihto sehe Cohamacũ sãre besea tiha. ¹³ M̄sa c̄hũ quih̄õno durucuareta noaa buheare tũhore. Tí buhea “Cohamacũ cahapũ m̄sa waha duachũ, ō sehe jira”, ni yahura marine. Tíre tũhona tirore wacũ tua, noano tũhona to yaina wahare m̄sa. To yainare ō sehe niri jire Cristo: “M̄sare Esp̄ritu Santore warocaihtja”, ni yahu c̄ũri jire. ¹⁴ Ā jiro tirore m̄sa wacũ tua, noano tũhochũ ñũno to yairo Esp̄ritu Santore ware m̄sare. Ā jiro Esp̄ritu Santo mari mehne jiro Cohamacũ yaina mari jia tiare masichũ yoara tiro sehe. Ā yoa Esp̄ritu Santo parore masichũ yoara. Cohamacũ mari ñaa buhirire bore marine yuh̄dũchũ yoaro. Ā jiro baharo to cahapũ naanohca marine to yainare. Marine to naah̄to pano Esp̄ritu Santo sehe Cohamacũ cahapũ mari

suri baharo to yare mari cjahtore masichu yoara marine. Cohamacu marine ã yoara tirore ño payoa mehne “Noariro jira”, mari nihto cjihtore.

Paulo Cohamacure sini payoha Jesu yainare

15-16 Cristore wacũ tuaina musa jichu tãhorocacu Cohamacure ã sini payorucuja musare. Mari pãhtoro Jesucristore musa wacũ tuarire, jipihtina to yainare musa cahĩre tãhorocacu Cohamacure “Noana”, nija. 17 Õ sehta tirore sini payoja musare: Cohamacu mũano macariro mari pãhtoro Jesucristo Pucuro, noa yãhdũariro to yare musa noano masihto sehe sini payoja. Æ yoaro tirore musa noano masihto sehe sini payoja musare. 18 Æ jichu paye yu nihti cãhũre musa noano masihto sehe musare sini payoja Cohamacure. Tiro musare yãhdũachu yoaro, to yaina cjihtire yoare. To ã yoachu noa yãhdũara marine. Tĩre musa masihto sehe sini payoja musare Cohamacure. Æ yoa marine to wahtire noa yãhdũa tí waro ti jichu cãhũre musa masiyuhto sehe sini payoja musare Cohamacure. 19 Õ sehe cãhũre musa masihto sehe sini payoja musare Cohamacure. Cohamacure wacũ tuaina mari jichu ñũno to tuaa mehne marine yoadohora tiro. Tiro sehe paina bui tua yãhdũariro jira. Tĩ cãhũre musa masihto sehe sini payoja Cohamacure. 20 Tĩ to masia mehne, to tuaa mehne tiro Cristo yariarirore masori jire. Æ maso tuhsũro, mũanopũ to poto bũhũsehei Cristore dujichu yoari jire Cohamacu, jipihtinare dutihtiro to jihto sehe. 21 Tói dujiro jipihtina mũano macaina pãhtoa bui, ã yoa jipihtina ahri yahpa macaina dutiina bui jiro jira Cristo. Mĩpũre jipihtina ahri dacho macaina bui pãhtoro jira. Baharopũ jipihtina pa tjuru macaina cãhũre ti bui pãhtoro jihtiro cjihtota jira tiro. 22 Æ yoa jipihtina bui cũri jire Cohamacu Cristore. Æ yoaro jipihtiare pũ tichu yoari jire tirore. Æ jiro Cristo yaina cã curua jiina bui pãhtoro sũri jire tirore. Ti dapu jira tiro sehe. 23 Cristo yaina cã curuata jina, to pjacu yoaro sehe jija mari. Cristo jipihtiropũ ã

jirucura. Æ jina mari to yaina mehne to jirucuchu, to jiro sehta wahana nija. Æ wahana to jia tiare ñona nija.

2

Cohamacu marine cahĩno, pja ñũno yãhdũachu yoaha marine

1 Cohamacu yãhdũacaina, ñaa buhiri tiina yariaina cjiri yoaro sehe jiri jimare musa, Cohamacu to ñũchu. 2 Panopũre ahri yahpa macaina Cohamacure yãhdũacaina yoaro sehe yoarucuri jimare musa cũhu. Æ yoana watĩno to dutiro sehta yoarucuri jimare musa. Tiro watĩno ahri yahpai dutiro Cohamacure yãhdũacaina pãhtoro jira. Watĩa pãhtoro cũhu jira tiro. 3 Panopũre jipihtina mari ã dihta yoarina jimai. Mari ñaa dihtare goa pjamai. Mari mũ sũro, mari tãhotu, mari cahmano sehta yoamai. Æ yoaina jina jipihtina paina yoaro sehta, mari cãhu ñaa buhiri tiina jirucumai. Mari ã jiina jiri buhiri, Cohamacu to buhiri dahreborina jimai. 4 Mari ã jiina jipachũta, Cohamacu marine tuaro pja ñũno, noano cahĩri jire marine. 5 Æ cahĩ yãhdũro, Cohamacure yãhdũacaina, yariaina yoaro sehta mari jipachũta Cristo mehne marine catichu yoari jire. 6 Æ jiro Cristo yaina mari wahachu, Cohamacu Cristo mehne marine maso, ã yoa mũanopũ Cristo mehne dujihtinare marine sũ daporĩ jire, tiro mehne dutihtina cjihti mari jihto sehe. Cristo yaina jina, ãta wahaina baro jija mari, Cohamacu to ñũchu. 7 Õ sehta noano yoara tiro marine to pja ñũre, to tuaro cahĩre baharopũ jihtinare masichu yoaro taro. Cristo yaina mari jichu ñũno ã yãhdũachu yoara tiro marine. 8 Cristore wacũ tua, mari noano tãhochu ñũno Cohamacu marine pichacapũ wahaborinare yãhdũachu yoara. Marine pja ñũno, marine cahĩno marine yãhdũachu yoara. Mari mũ sũro mari noano yoa mehne Cohamacu cahapũ waha masieraja mari. Cohamacu sehe marine yãhdũachu yoara. Æ jiro tiro mehne mari ã jirucuhũto cũna marine. 9 To ã cũchu mari mũ sũro noaare mari yoari wapa jierara tí.

“ Sã m̄ s̄ro ȳhd̄hi’, niboca”, nino ð sehe dutiri jire tiro: Mari m̄ s̄ro ȳhd̄ dutierara marine. ¹⁰ Cristo yaina jich̄ yoare marine Cohamac̄ sehe noaa dihtare yoah̄tina mari jihto sehe. Panop̄ noaare mari yoah̄tire c̄ tuhs̄a tiri jire tiro marine.

Cristore cj̄ana mari noano jija

¹¹ ã jina panop̄ m̄sa jia tirire mip̄ c̄h̄re wac̄ga m̄sa. Cristo yaina jieras̄ina judio masa jieraina jina m̄sa coyea yoaro sehe yoarina jiri jimare m̄sa. Circuncisiðre yoeraina jire m̄sa mip̄ m̄sa jiro seheta. M̄sa ã yoeraina jich̄ ñ̄na sã judio masa sehe circuncisið yoaina sehe m̄sare ð sehe nia tii. “Circuncisiðre yoeraina jia, Cohamac̄ yaina jierara”, nia tii m̄sare. Circuncisiðre yoaina m̄a pjac̄r̄ire mahanocã cahsarocãre yihso narina jira. ¹² Panop̄ Cristo yaina jierari jimare m̄sa. Sã judio masa sehe Cohamac̄ to beseina jia tii. Sã ã jich̄ “M̄sare ȳhd̄ch̄ yoaihtja”, ni c̄a tiha Cohamac̄ sãre. M̄sa sehe to ã ni c̄rina jierari jimare. ã yoa Cohamac̄ to beseinare ñ̄ tuhtiina jis̄niri jimare m̄sa. M̄sa ñ̄aa buhirire pichac̄p̄ wahahtina jiri jimare m̄sa. Cohamac̄ maeraina jina pichac̄p̄ butiborina jia tiri jimare m̄sa. ¹³ Mip̄ sehere Cristo Jesu yaina jira m̄sa. Panop̄ Cohamac̄re ñ̄ tuhtiina jipanahta, mip̄re to yaina jira m̄sa. Cristo m̄sa ñ̄aa buhiri crusap̄ to di cohãri mehne Cohamac̄ yaina jich̄ yoare m̄sare. ¹⁴ Sã judio masare cahma ñ̄ tuhtiina m̄sa jich̄ ñ̄no Cristo marine “M̄sa basi cahma ñ̄ tuhtiena tjiga”, ni yahure. Masare noano yahuro jira tiro. Sã judio masa, judio masa jieraina mehne p̄a curua mari jich̄ ñ̄no, tiro c̄ curuata yoare marine. D̄catari sahr̄nore ti tju site cohãno yoaro sehe mari cahma ñ̄ tuhtirire duhuch̄ yoare tiro. ¹⁵⁻¹⁶ ð sehe tíre yoare tiro: Mari ñ̄aa buhirire crusap̄ yariaro marine pichac̄p̄ wahahtinare ȳhd̄ch̄ yoare. ã ȳhd̄ch̄ yoaro to yaina jich̄ yoare marine. ã yoaro p̄a curua mari jimar̄ore c̄ curuata wahma curua jich̄ yoare marine. ã yoaro panop̄ mari cahma ñ̄ tuhtiina mari jimar̄ore marine c̄noi noano jich̄

yoare. ã yoaro judio masa sã dutia cjirire cohãre tiro. Tí dutia marine p̄a curua ji dutiri jimare. Mip̄re c̄ curuata jija mari. Cristo Cohamac̄ yaina jich̄ yoare marine.

¹⁷ ã yoa Cristo noaa buheare marine yahuro tari jire. M̄sa judio masa jieraina Cohamac̄ yare cj̄aeraina jiri jimare. M̄sa ã jich̄ ñ̄no m̄sare yahuro tari jire tiro. Sã judio masa sehe Cohamac̄ yare cj̄ai. Sã c̄h̄re yahuro tari jire. ã yahuro taro jipihtina marine c̄ curuata noano mehne ji dutiro tari jire tiro. ¹⁸ Mip̄re jipihtina mari judio masa, judio masa jieraina c̄h̄ Cohamac̄ mari P̄c̄ mehne noano ji masija mari. Esp̄ritu Santo to yoadohoa mehne mari P̄c̄ mehne noano ji masija mari. Cristo sehe marine ã noano jich̄ yoari jire. ¹⁹ ã jina mip̄re pa dihta macaina yoaro sehe jierara m̄sa. Mip̄re Cohamac̄ yainare ñ̄ tuhtiina jierara m̄sa. Cohamac̄ yaina mehne macaina jira m̄sa. To ya curua macaina jira m̄sa. ²⁰ Cohamac̄ ya duruc̄uare yahu turiaina, sã c̄h̄ to yare buhe dutiro to c̄rina jina to ya duruc̄uare m̄sare yahu d̄cai sã, wahma w̄h̄re Cohamac̄ ya w̄h̄re ti dahre d̄car̄iro seheta. Tí w̄h̄i ti c̄ m̄htari tãca yoaro sehe jiriro Cristo sehe marine ȳhd̄ch̄ yoar̄iro mariach̄ mari ne ȳhd̄eraboa. ²¹ ã jiro to tuaa mehne marine to yainare c̄ curuata jich̄ yoare tiro, Cohamac̄ w̄h̄re ñ̄aa marieni w̄h̄re ti dahrebor̄iro seheta. To ã yoach̄ to tuaa mehne noaina wahaja mari, Cohamac̄ to ñ̄ch̄. Mari ã jich̄ ñ̄no, tirota mari mehne jiruc̄ura. ²² ã jina Cristo yaina jina jipihtina paina to yaina mehne c̄ curua wahare m̄sa c̄h̄. M̄sa ã wahach̄ Cohamac̄ to Esp̄ritu Santo m̄sa mehne jiro nina, Cohamac̄ ya w̄h̄i to jiboro seheta.

3

Judio masa jierainare noaa buheare yahuro jija Paulo

¹ ã to ya curua macaina m̄sa jich̄ ñ̄c̄ ȳh̄ Paulo m̄sare sini payoja Cohamac̄re. Cristo Jesu yare m̄sare jipihtina judio masa jierainare ȳ yahuri buhiri peresup̄ jija ȳh̄. ² Cohamac̄

wiho jiina mari jipachuta, marine cahño, noaa buheare musare judio masa jierainare yahure yahu dutiro cure. Tíre masi tuhsare musa. ³ Panopu masare to yahuerari cjirire Cohamacu baharopure yahure masichu yoare. Ahrire mahanocã yahu musare joaroca tuhsahi. ⁴ Yu ã joarocarire buhena Cristo to yare yahure to masichu yoarire masinahca musa. ⁵ Tí to yahuri cjirire panopu macainare tiro yahuera tiha. Mipure sehere sare Jesu to cürinare Cohamacu yare yahu mahtaina cühure sã jipihtina tirore dahra cohtainare to yahuri cjirire masichu yoare Cohamacu. To yairo Espiritu Santo sehe sare masichu yoabasare Cohamacure. ⁶ Õ sehe jira to yahuri cjiri: Sã judio masa dihtare Cohamacu yuhduchu yoaerara. Judio masa jieraina cühure yuhduchu yoarohca tiro. Æ jina sã judio masa, musa judio masa jieraina mehne Cristo yaina jina, cã pjacu yoaro sehe cã curuata jija mari. Æ jina mari jipihtina Cristo Jesu yaina jina cãno potori Cohamacu “Musare yuhduchu yoaihtja”, ni to yuhduchu yoaina jija mari.

⁷ Cohamacu yahure pja ñano, yahure cahño ahri noaa buheare yahuhtirore yahure cure. To tuaa mehne ã cure yahure tiro. ⁸ Jipihtina Jesu yaina ti doca macariro waro jija yuhu. Yu ã jipachuta judio masa jierainare noaa buheare yahuhtirore cure Cohamacu yahure. Tí buhea Cristo noa yuhduariro to jiare, noa yuhduca to cjuare to wahtire yahura marine. ⁹ Yahure ã cño Cohamacu “Õ sehe yuhduchu yoaihtja masare”, nino to yuhduchu yoahtore noano yahu pahñohtirore cure yahure tiro. Æ jiro panopu macainare tí buheare ne yahu pahñoerasinia tiha Cohamacu. Jipih-tiare bajuamehneriro jira tiro. ¹⁰ Mipure noaa buheare yahu dutiro cure marine to yainare tiro to noano masi pahñoare masichu yoaro taro. Masi pahñoiro to jia tiare mano macaina puhtoare masichu yoa duari jire. Æ yoaro taro noaa buheare buhe dutire marine Jesu yainare. ¹¹ Ahri yahpa to jihto panoputa “Masare pichacaru wahaborinare yuhduchu yoaihtja”, nia tiha Cohamacu. Æ niriro jiro mipure mari

puhtoro Cristo Jesu yaria to masa mujano mehne to niriro seheta marine yuhduchu yoara Cohamacu. ¹² To ã yuhduchu yoachu mipure Cristore wacũ tuana to yaina wahaja mari. To yaina jina wacũ tuaa mehne, cuiro marieno Cohamacu mehne durucu masija mari. ¹³ Noaa buheare musare yu buheri buhiri mipure peresupu jicu yu ñano yuhduchu ñuna cahyaena tjiga. Noaa buheare yu yahuchu tuhona Cohamacu yaina wahare musa. Yu ã yoari buhiri peresui jija. Æ jicu musare yu yoadohori buhiri ñano yuhdui nija. Musa noano yuhduhto sehe ã wahaja yuhu. Tíre masina wahchega musa. Tíre tuaro wahche dutija musare.

Cristo masare tuaro cahña

¹⁴ Æ jicu ahri jipihtia Cohamacu mari Pucu to yoarire wacũcu tiro pano na tuhcuca caha sucu sini payoja musare. ¹⁵ Tiro jipih-tia curuari macaina manopu jiina, ahri yahpai jiina cuhu ti Pucuro jira. Jipihtinare bajuamehneriro jira tiro. ¹⁶ Tirore õ sehe ni sini payoja musare: Tiro masi pahñoiro jira. Tua yuhduariro jira. Æ jicu to tuaa mehne musare noano to wacũ tuachu yoahito sehe sini payoja. Espiritu Santo to yoadohoa mehne ã yoarohca. ¹⁷ Æ sini payocu Cristore musa wacũ tua namohto sehe tiro musa mehne to noano jihto sehe sini payoja musare. Æ jicu painare noano cahña musa jihto sehe sini payoja musare. ¹⁸⁻¹⁹ Jipihtina paina Cohamacu yaina cuhu musa mehne Cristo masare to tuaro cahñare musa masihto sehe sini payoja. Tiro jipih-tina masare cahñi yuhduariro jira. To ã cahñi yuhduarire noano masi pahñohto basioerara. Æ jipachuta to ã cahñiro to jia tiare musa noano masihto sehe sini payoja musare. Æ yoa to cahñare musa masichu cahmaja Cohamacu musa mehne to noano jihto sehe. Noa yuhduariro, ñaa marieriro to jiro seheta musa wahahto sehe to cahñare musa masichu cahmaja. Æ jicu to cahñare musa masihto sehe sini payoja musare Cohamacure.

²⁰⁻²¹ Æ yoa Cohamacure pjíro ño payoa mehne “Tiro tuariro jira”, nijihna. To tuaa mehne noaa sehere cohtota masina marine tiro. Marine noaina jichu yoa masina. Mari siniri yuhdoro yoa masina tiro. Mari

cahmaare mari t̄hoturi ȳhdoro yoa masina tiro. Cristo Jesu yaina to ya curua macaina jina jipihtia dachoripe jipihtina Cohamac̄ure ño payojihna. Āta yoajihna.

4

Cristo yaina jina c̄ curuata jija mari

¹ Ā jic̄ ȳh̄, mari p̄htoro Cristo to cahmaare ȳ yoari buhiri peresup̄ jiro jic̄, m̄sare ò sehe ni tuaro dutija: Cohamac̄ to yaina c̄jhtire m̄sare besea tiri jire. Ā to beserina jina to cahmano seheta yoaina jiga m̄sa. ² “S̄a pinihta masi ȳhd̄rc̄aina jija”, ni t̄hotuina jiena tjiga. Painare noano mehne yoaga suaro marieno. M̄sa mehne macaina m̄sare ti ñano yoapach̄ta tinare cah̄a mehne noano yoaga. ³ Ā jina Esp̄ritu Santo to yoadohoa mehne noano mehne c̄no mehne jirucuga m̄sa. Ā yoana cahmachea marieno jinahca m̄sa. ⁴ C̄ p̄jac̄ yoaro seheta c̄ curuaihta jija mari. Ā yoa Esp̄ritu Santo c̄irota jira. Cohamac̄ to yaina c̄jhti m̄sare besea tiha m̄sare ȳhd̄ch̄ yoaro taro. Ā jina to ȳhd̄ch̄ yoah̄tore cohtasinina m̄sa. C̄nota jira m̄sa cohtaro. ⁵ Mari p̄htoro Cristo c̄irota jira. To yahua, mari wac̄ tuaa c̄h̄ c̄nota jira. To yainare bautisarire yahua c̄h̄ c̄nota jira. ⁶ Ā jiro Cohamac̄ c̄irota jira. Tiro jipihtina P̄rc̄ro jira. Ā jiro jipih̄tina mari p̄htoro jira. Jipihtinare marine to cahmano seheta yoach̄ yoa masina tiro. Jipihtina mari mehne jira. Ā yoa jipihtirop̄ jira tiro.

⁷ C̄ curua mari jipach̄ta jipihtina marine c̄inare mari yoa masihtire c̄re marine Cristo. Tiro to c̄iro seheta yoa masija mari. Tiro marine ã c̄no paye barore to ã wanocaboriro seheta yoaro nire tiro. ⁸ Āta nina Cohamac̄ yare ti joari p̄p̄:

“Cohamac̄ure ñ̄ tuhtiinare to ȳhd̄rc̄ari baharo tiro tinare naa m̄jaa wahare.

Ā naa m̄jano tiro paȳ ã wanocare ahri yahpa macaina sehere”, ni joaa tiha panop̄re.

⁹ “Tiro m̄jaa wahare”, to nich̄ wahanore m̄anop̄ jiro ahri yahpap̄re to

tari c̄h̄re mari masija. Ahri yahpap̄re to duji tarire mari masija. ¹⁰ Ā jiro òp̄re duji tariro tirota jira m̄jaa wahariro. Jipihtirop̄ bui m̄jaa wahari jire tiro, jipihtirop̄ jiro taro. ¹¹ Tiro jira “Ahri yahpa macainare paȳ ã wanocariro”, ti niriro. Masare to ã wanocano seheta tiro paȳ ti yoa masihtire c̄ri jire masare. Ò sehe c̄ri jire tiro: C̄inare Cristo to yare yahu duti to warocah̄tinare c̄ri jire. Painare Cohamac̄ ya durucuaare yahu turiahtinare c̄ri jire. Noaa buheare buhe tinihtinare painare c̄ri jire. Cristo yaina cahmachuinare ñ̄ wihboina c̄jhtire, noano buhehtina c̄jhtire c̄ri jire painare. ¹² Tó sehe yoa, dahrahtina c̄jhtire c̄ri jire marine painare to yainare mari yoadohohto sehe Cohamac̄ure mari masi noano namohto sehe. Ā c̄ri jire marine to yainare tirore mari wac̄ tua namohto sehe. ¹³ Ā jina mari jipihtina noano mehne c̄no mehne jinahca. Āta jiro cahmana marine Cristore wac̄ tuaina jina. Ā jina mari jipihtina Cohamac̄ mac̄nore noano masinahca. Ā yoana Cristo tuariro, noano masiriro to jiro seheta mari c̄h̄ noano masiina, Cohamac̄ure noano wac̄ tuaina wahanahca.

¹⁴ Mari ã wahana macanac̄ yoaro sehe jisi mari. Macanac̄ noano t̄ho masierasinica. Paina ti buhech̄ “Ahri potoc̄a jira”, ni ti mah̄no mih̄nia mehne ti mah̄noch̄ tinac̄ yoaro sehe jiina soro jia buheare cahmana. Ā yoa paina ti soro buhech̄ tí buhea sehere cahmana tjoa. P̄jiri ma macaa pahc̄ri ti ã cohtotarucuro seheta tó sehe ã cohtotarucuina jira tinac̄ yoaro sehe jiina. Tina yoaro sehe jisi mari.

¹⁵ Ò seheta yoanahca mari: Mari mehne macainare cahma cah̄na, potoc̄a noaa buheare cahma yahunahca mari basi. Ā yoana macanac̄ b̄rc̄a t̄ho masiina ti wahariro seheta mari c̄h̄ tuaina, Cohamac̄ yare noano masiina wahanahca. Cristo to jiro sehe wahanahca. Tiro jira mari dapu. ¹⁶ To yaina jina to p̄jac̄ yoaro sehe c̄ curuaihta jija mari. Ā jina mari capari, mari cahmori, mari dahpori c̄ p̄jac̄i ti noano jiro seheta mari c̄h̄ paȳ jipanahta c̄no potori noano jija. Mari ã c̄no potori mari jihto sehe Cristo yoado-

hora. Ñ jina mari wamomaca mari pjacure to noano yoadohoriro seheta mari noano yoadohoja paina Cristo yainare. Mari mehne macainare Cristo yainare noano cahña, tinare noano yoadohona, tuaina Cristore wacũ tua namoina wahanahca mari.

Cristo yaina wahana mari ñaa yoaaare duhu, noaa sehere cohtotaja mari

17 Ñ yoa mari pãhtoro Cristo to dutiro mehne õ sehe nihtja musare: Cohamacure cahmaeraina waro yoaro sehe yoaena tjiga musa. Tina ti tãhotua sehe ñaa dihta jira. Ñ jia ti tãhotua yaba cjihti jierara. 18 Ñ jia nahitianoï ti ñu masieraro seheta tina Cohamacu yare ne masieraputiara. To yare ne tãhoeraputiara. Tũho duaerara tina. Ñ jia Cohamacu to noano ji dutiro seheta jierara tina. 19 Ñ jia tina ñaaare yoaa ne buo tieraputiara. Ñ yoa ne cahyaerara. Ñaaare ti goa pjaa dihtare yoarucura. Jipihtia ti ñaaare yoaaare duhu duaerara. 20 Musa sehe ã yoaerare, Jesure masi ducana. 21 Potocã to yare tãhoina musa jichu, Jesu yare noano masina musa jichu musa sehere tina yoaro sehe yoa dutierara tiro. 22 Ñ jina ñano wete tia suhtire musa tjuwe cohãno seheta panopu musa yoari cjirire duhunocahga. Tí pjare ñaaare yoarucuina musa jichu tí ñaa sehe musare dojomehnenno niri jimare. “Ñaaare yoana, noano wahchenahca”, ni tãhotuina jipanahta ne potocã wahcherare musa. 23 Ñ yoa musa tãhotuare noaa sehere Cohamacu to cahmano seheta cohtotaro cahmana musare. 24 Ñ jina noaa sehere cohtotaina jiga musa. Tó sehe jiina Cohamacu yoaro seheta jira. Musa ã jiina jina, noaaare yoarucunahca. Ñ yoana ñaaare ñu yabinahca.

25 Ñ jina mahño namoena tjiga musa. Musa mehne macainare quihõno yahuga, mahõno marieno. Mari cã pjacu yoaro sehe cã curua macainata jina nija. Ñ jina musa mehne macainare mahõnoena tjiga.

26 Paina mehne suana, ñaano yoaena tjiga. Ñ jina suana, cã dacho waro noano suarucuena tjiga. 27 Yoari pja suana, watño to cahmano sehe yoana

nica. Ñ yoaena tjiga watño musare “Dojomehneri”, nina.

28 Musa mehne macaina Jesu yaina musa jihto pano yacaina jirina cjiri pari turi yacaena tjiga. Ñ yoana mipu sehere noano dahraga musa wapataa mehne pjacuoinare musa yoadohohto sehe.

29 Ne ñano durucuena tjiga “Painare dojomehneri”, nina. Noaaare durucuna painare yoadohora Cohamacu cahmaare musa masi namohto sehe. Ñ jina noaa dihtare durucuga. 30 Ñaaare yoana Espiritu Santore cahyachu yoana nica musa. Ñ yoaena tjiga. Mipure pihtiri dacho pano Cristo marine to naahto pano Cohamacu to Espiritu Santo marine ñu wihbora ñaaare mari yoerahto sehe. Ñ jiro Cohamacu yaina mari jiare masichu yoara tiro marine. Ñ jina tirore cahyachu yoaena tjiga.

31 Ñ jina ne painare ñano yoa namoena tjiga. Cahma sayo namoena tjiga. Painare sua, ñano ni sañurucu namoena tjiga. Painare ñano quiti dahre namoena tjiga. Ne painare ñano ni tãhotu namoena tjiga.

32 Ñ yoa musa mehne macainare noano mehne noano yoaga. Cristo yaina musa jichu ñano musa ñaa buhirire bonocahre Cohamacu. Tó seheta musa cãhu paina musare ti ñano yoachu ñana ti ñaa yoarire bonocahga.

5

“Cohamacu pohñare õ sehe jiro cahmana”, ni yahuha Paulo

1 Ñ yoa Cohamacu pohña to cahña jina Cohamacu to jiro sehe jiga musa. 2 Ñ jina painare ã cahñrucuga. Cristo marine cahño, mari ñaa buhiri yariari jire. Ñ yariaro Cohamacure ji coachu yoari jire tiro. Ñ jina marine to cahñiro seheta musa cãhu painare cahña.

3 Ñ jina Cohamacu yaina jina ne numia mehne ñano yoaena tjiga. Numia cãhu musa mehne ñano yoaena tjiga. Paye ñaaare tó sehe jia ñaaare yoaena tjiga. Paye barore cahma yãhdurucaena tjiga. Ne ã yoararo cahmana musare, Cohamacu yaina jina. 4 Ñ yoana buoro durucueraro cahmana

m̄sare. T̄ho masieraina yoaro sehe durucueraro cahmana m̄sare. ã jina ñano ni buj̄peraro cahmana m̄sare. Ahri sehere yoaro cahmana m̄sare. Cohamac̄u mehne durucuga m̄sa. ã durucuna tirore “Noano yoahre m̄h̄u s̄are”, nino cahmana. ⁵ Paye barore goa pjana, tíre tuaro cahmana, “Cohamac̄u jira”, ti nia mas̄rine ti ño payoro seheta yoana nija mari tíre. ã yoa numia mehne ñano yoaina, ñaa dihtare t̄hotuina, paye barore goa pjaina Cohamac̄u Cristo mehne p̄htoro ti s̄ho jiro p̄u ne wahasi tina. Tíre noano masija mari. ⁶ Õ sehe yoaina ti yoari buhiri buhiri dahrerohca Cohamac̄u tirore ȳhd̄u cainare. ã jina paina m̄sare “Ahri ñaa jierara”, ti ni mah̄noch̄u t̄hoena tjiga. ⁷ ã jina tó sehe yoa ȳhd̄u cainare ne piti tiena tjiga.

⁸ Cristo yaina m̄sa jihto pano ã jirina cjirita jire m̄sa c̄h̄u nahitiano i jiina yoaro seheta. Mip̄u sehere to yaina jina buhriaroi jiina ti ñu masino seheta, Cohamac̄u noano masina m̄sa. Cohamac̄u yaina noaare yoara. ã jina tó seheta yoaga m̄sa c̄h̄u. ⁹ ã jina Cristo yaina jina buhriaroi jiina yoaro seheta noaare, Cohamac̄u cahmaare, mah̄ono marieno yoarucunahca m̄sa. ¹⁰ Noaare mari yoach̄u ñano mari p̄htoro Cristo wahchera. Tó sehe jiare, mari p̄htoro wahchech̄u yoaa sehere masi wahc̄aga m̄sa. ã masina tíre yoaga. ¹¹ Cristore cahmaeraina nahitiano i jiina yoaro seheta ñaa ti yoaa, ñaa waro jira. ã jina tina yoaro seheta m̄sa sehe yoaena tjiga. Noaa buheare Cristo yare yahuga tinare. ã yoa ti ñaa yoaare tinare masich̄u yoaga buhriaroi mari ñu masino seheta. ¹² Masa ti ñuenoi tina ñano yoa cohtara. Ti ã yoaire durucuna mari buo tiboaa. ã yoaa ñaputiaro yoara tina. ¹³ ã jina tinare noaa buheare mari yahuna ñaputiina ti jia tiare masich̄u yoana nija mari tinare buhriaroi mari ñu masino seheta. ¹⁴ Tó seheta noaa buheare tinare yahuna, ñaina ti jia tiare masi pah̄noch̄u yoana nija tinare. ã jia ò sehe ni yahura paina:

“Ne, car̄ina ti t̄hoeraro seheta ȳh̄u t̄ho duaeraina, t̄hoga m̄sa car̄ina ti wahc̄ano seheta.

ã yoana yariaina t̄hoeraina ti jiro seheta Cohamac̄u yare t̄hoeraina ji namoena tjiga.

M̄sa ã yoach̄u ñano, Cristo buhriaro yoaro sehe jiriro m̄sare noano masich̄u yoarohca”, ni yahura.

¹⁵ ã jina dachoripe noano yoaga m̄sa. T̄ho masieraina yoaro sehe jiena tjiga. T̄ho masiina jiga. ¹⁶ Mip̄u macaina masa ñabiaro yoarucura. ã jina m̄sa sehe noaare, Cristo yare m̄sa yoa masino seheta ã yoarucuga m̄sa. ¹⁷ ã yoana t̄ho masieraina jiena tjiga. Cohamac̄u to cahmaa sehere noano masiga. ã masina tíre yoaga. ¹⁸ ã yoa cahaena tjiga. Cahainare ñano wahahto cua ȳhd̄u ara. ã jina pahmoa core pj̄ro cahmaena tjiga. Esp̄ritu Santo sehere pj̄ro cahmaga m̄sa mehne to noano jihto sehe. Tirore noano ȳhtiina jiga. ¹⁹ M̄sa basi Cohamac̄u ño payoa basaare cahma durucuga. ã yoa Salmore Cohamac̄u yare basaare, paye tirore ño payoa basaa c̄h̄u tirore basa payoga m̄sa. Noano wac̄u ño payoa mehne basa payoga. ã yoana mari p̄htoro Cristore wahche payoga. ²⁰ Cohamac̄u mari P̄c̄u jipihtiare m̄sare to warire, to yoari c̄h̄u wahchena, “Noana”, ã nirucuga m̄sa tirore. Mari p̄htoro Jesucristo yaina jina mari P̄c̄u “Noana”, ã nirucuga m̄sa.

“M̄sa c̄h̄u w̄h̄u macaina Jesu yaina jina, ò sehe yoaga”, ni yahuha Paulo

²¹ ã yoa m̄sa mehne macainare noano ño payoa mehne cahma ȳhtiina jiga Cristore noano ño payoia jina.

²² M̄sa namos̄anumiare yahuihtja mip̄u. Mari p̄htoro Cristore mari ȳhtiriro seheta m̄sa manus̄mare noano mehne ȳhtia numia jiga. ²³ Jesucristo marine ȳhd̄u ch̄u yoare to pjac̄u yoaro sehe jiina to ya curua macaina mari jihto sehe. ã yoa mari to ya curua macaina mari p̄htoro to jiro seheta m̄sa manus̄ma m̄sa namos̄anumia bui p̄htoa jira. ²⁴ Cristo yaina jina tirore ã ȳhtirucuja mari. Tó seheta m̄sa

manu tia numia musa manusumare noano yuhtirucua numia jiga.

²⁵ Musa manusumare yahuihtja tjoa mipure. Cristo marine to yaina jichu yoaro taro, marine cahino, mari yaro jiborirore yariari jire. A jina marine to cahiro seheta musa cuhu musa namosanumiare noano cahirucuga. ²⁶ Cristo ya buheare tuhona Cohamacu yaina wahahi mari. A jina to ya buheare “Quihono jira”, ni mari tuhoturi baharo, mari naa buhirire cosawere ti buhea mehne. Co mehne marine ti bautisachu cuhure mari naa buhirire Cristo to cosawerire nona nija mari. ²⁷ A cosawere tiro marine to yaina cjihti yoaro taro. To a cosawechu ne naa buhiri marieina jinahca, Cohamacu to nuhcu. ²⁸ Musa namosanumiare cahina, musa basi musa pjacure musa cahino seheta ti numiare cahiga. Mari namore cahina jina mari pjacure cahina jija. ²⁹⁻³⁰ Ne mari pjacure nano wahachu cahmaeraja. Mari chure chuna noano yoana nija mari pjacure. Cristo yaina jina to pjacu yoaro sehe to ya curua macaina jija mari. A jiro marine noano yoara tiro. Cristo marine to noano yoariro seheta mari cuhu mari pjacure noano yoaja. (A jina mari namosanumia cuhure ata noano yoaro cahmana marine.) ³¹ Ata nina Cohamacu yare ti joari pui: “A yoa mano to pucsumare wijaaro to namono mehne jirohca. A jia tina puro jipahta cuiro yoaro sehe jahca”, ni joaa tiri jire panopure. ³² Ahri to joari cjirire paina noano tuhoerari jire. Tire o sehe ni yahuihtja musare. O sehe ni yahuro nica: “Cristo to yaina mehne cu pjacu yoaro seheta cu curuata jira”, ni yahuro nica. ³³ A jicu musare o sehe ni yahu namoihtja tjoa: Musa pjacure musa cahino seheta musa namosanumiare cahiga. A yoa musa manusumare noano no payoga musa.

6

¹ Mipure musa pohmare yahuihtja. Mari puhtoro Cristo yaina jina musa pucsumare noano yuhtiina jiga. Musa a yoana, quihono yoana nina. ²⁻³ O sehe nia tiri jire Cohamacu dutia: “Musa

pucsumare noano no payoga”, ni dutia tiri jire tiro. Ahri dutia mehne Cohamacu yahu namoa tiri jire. O sehe nia tiri jire: “Musa pucsumare no payona, ahri yahpau yoari pja wahchea mehne jinahca musa”, ni yahua tiri jire. A ni yahuro ahri dutiare mari yuhtichu mari noano wahahtore coa cuno nia tiri jire. A jina to niriro seheta musa pucsumare no payoga.

⁴ Mipure ti pucsumare yahuihtja: Musa pohmare a tuhtirucuenta tjiga, “Suachu yoari”, nina. Mari puhtoro Cristo to cahia mehne to yoadohoa mehne tinare noano bucoga. A yoa quihono ti yoerachu nuna tinare noano yahuga.

⁵ Mipure dahra cohtainare yahuihtja: Cua pisaro mehne, no payoa mehne ahri yahpa macainare musa puhtoare, musare dahra dutiinare noano yuhtiina jiga. Mahono marieno noano yuhtiina jiga. Cristore musa yuhtiro seheta tinare yuhtiga musa.

⁶ Ti nuocararo dihtare yuhtiina jiena tjiga. To sehe yoaina masa dihtare tinare nu jicoachu cahmana. Musa sehe Cristore dahra cohtaina musa jiro seheta musa puhtoa cuhure a yuhtirucuga. Cohamacu to cahmano seheta noano wahchea mehne yuhtiina jiga. ⁷ A jina Cristore yuhtiina musa jiro seheta wahchea mehne yuhtiga musa puhtoa cuhure. Masa dihtare yuhtiina jierara musa. ⁸ A yoana ahrire wacuga musa: Mari jipihtina noare mari yoachu nuno mari puhtoro Cristo noano yoarohca marine. Dahra cohtainare, dahra cohtaina jieraina cuhure noano yoarohca.

⁹ Mipure puhtoare dahra dutiinare yahuihtja: Musare dahra cohtainare noano yoaga. Tinare noano yu yoa dutiriro seheta yoaga musa cuhu tinare. Tinare noano mehne dutiga, tuhtiro marieno. Mano macariro Cohamacu potocata ti puhtoro jira. Musa yairo puhtoro jira tiro cuhu. A jina jipihtina musa tirore dahra cohtaina dihta jira. A jiro tiro cuno potori nuna musare jipihtinare. A jina musare dahra cohtainare noano mehne dutiga, tuhtiro marieno.

Cristo yaina watĩnore ti dꞩcataare yahuha Paulo

¹⁰ Ahrire yahu batoihtja mꞩsare: Cristore noano wacũ tuaina jiga mꞩsa. Mari pꞩhtoro Cristo mꞩsa mehne jira. ã jina tua yꞩhdꞩriro to jia mehne wacũ tuaina jiga. ¹¹ Watĩno marine mahñono, ñano yoa dutira marine. Cohamacꞩ marine dꞩcatara ñaare mari yoaerahto sehe. Marine to dꞩcataa surara to dꞩcatari suhtiro, comaa suhtiro yoaro sehe jira. ã jina tí suhtirore mꞩsa sãano seheta Cohamacꞩ to dꞩcataare noano cꞩa pahñoga. ¹² Jesu yaina mari jichꞩ, marine ñꞩ tuhtiina masa waro jierara. Mꞩano macaina ñaina, tuaina, tina sehe jira marine ñꞩ tuhtiina. Watĩa ahri yahpa macaina pꞩhtoa jira. ã jia tina cꞩhꞩ jira marine Jesu yainare ñꞩ tuhtiina. ¹³ ã jina mipꞩre dꞩcatari suhtirore mꞩsa sãano seheta Cohamacꞩ mꞩsare to dꞩcatahto sehe to yare noano cꞩa pahñoga. ã yoana watĩno mꞩsare to ñano yoa dutichꞩ, mꞩsare to ñano yoa duachꞩ, tirore dꞩcatanahca. ã yoa tirore yꞩhdꞩꞩcanahca. ¹⁴ ã yoana tuaina jiga. Cohamacꞩ mꞩsare to dꞩcatahto cꞩihtore õ sehe yoaga mꞩsa: Surara to comaa suhtirore to tꞩã dihori dare sari dare noano tꞩã diho to dꞩcatariro seheta, Cohamacꞩ yare potoca yahuare noano wacũga mꞩsa, watĩnore mꞩsa dꞩcatahto sehe. ã yoa, surara to comaa suhtiro mehne to yajeripohnare to dꞩcatariro seheta Cristo to yoadohoa mehne quihõno yoaia jiga mꞩsa, watĩnore mꞩsa noano dꞩcatahto sehe. ¹⁵ Surara to dahpo suhti mehne to dahporire to noano dꞩcatariro seheta noaa buheare noano masiga mꞩsa, watĩnore mꞩsa dꞩcatahto sehe. Tí buhea marine noano jichꞩ yoara. ¹⁶ Surara to dꞩcatari tꞩ mehne to dꞩcatariro seheta Cristore noano wacũ tuarucuga mꞩsa, watĩnore mꞩsa dꞩcatahto sehe. Bꞩea yucꞩ mehne mꞩsare to bꞩeboro seheta watĩno mꞩsare ñano yoachꞩ yoa duara. ã jina Cristore noano wacũ tuana, watĩnore dꞩcatanahca mꞩsa. ¹⁷ Surara to comaa chapea mehne to dapure to dꞩcatariro seheta mꞩsare pichacapꞩ wahaborinare Cristo to yꞩhdꞩchꞩ yoarina jiga mꞩsa, watĩnore mꞩsa dꞩcatahto sehe. Surara to ñosari pjĩ mehne to dꞩcatariro seheta Co-

hamacꞩ ya buheare noano masiga mꞩsa, noano mꞩsa dꞩcatahto sehe. ã jina painare noano yahuga to yare. Tí Cohamacꞩ ya buheare Espĩritu Santo marine yahura. ¹⁸ ã watĩnore mꞩsa dꞩcatana Cohamacꞩre dachoripe ã sinirucuga. Espĩritu Santo to yoadohoa mehne ã sinirucuga. ã yoana noano wacũ masiga. ã sinina, pumena tjiga. Jipihtina Cohamacꞩ yainare ã sini payorucuga. ¹⁹ ã yoana yꞩhꞩ cꞩhꞩre sini payoga Cohamacꞩre. Õ sehe ni sini payoga: Noaa buheare, panopꞩ ti masierari cꞩirire noano yꞩ yahuhto sehe sini payoga yꞩhꞩre. ã jina cuiro marieno yꞩ yahuhto sehe sini payoga yꞩhꞩre. ²⁰ Cristo to yare yahu dutiro yꞩhꞩre warocare. Yꞩ ã yahuri buhiri peresupꞩ jija mipꞩre. Õi jipacꞩta cuiro marieno to yare yꞩ yahuhto sehe sini payoga yꞩhꞩre. To yare yahuhtiro jiita nija yꞩhꞩ.

Paulo noa duti batoaha

²¹ Mipꞩre Tĩquico mꞩsa cahapꞩ sꞩro yꞩ jia tiare mꞩsare yahu pahñonohca. Tiro mari coyeiro mari cahĩriro jira. ã jiro mari pꞩhtoro Cristore dahra cohtariro ã jirucura. ²² Sã jia tiare mꞩsare yahu duticꞩ tirore warocai nija mꞩsa noano wahchehto sehe.

²³ Cohamacꞩ mari Pꞩcꞩ mari pꞩhtoro Jesucristo cꞩhꞩ mꞩsare Jesu yainare tirore wacũ tuainare noano jichꞩ yoajaro. ã jiro mꞩsare noano cahma cahĩchꞩ yoajaro. ²⁴ Jipihtina mari pꞩhtoro Jesucristore cohtotaro marieno cahrucuinare mꞩsare noano jichꞩ yoajaro.

Filipenses

Peresup_u jiro ahri tjure joarocaha Paulo

¹ Y_u Paulo, Timoteo mehne Jesucristo dahra cohtaina jija sã. Æ jina jipihinare m_usare Jesucristo to noaina wahach_u yoainare Filipo macainare joarocaja sã. M_usa p_uhtoa cãh_ure, m_usare yoadohoina cãh_ure joarocaja. ² Cohamac_u mari P_uc_u, mari p_uhtoro Jesucristo mehne m_usare noa dutija. Cohamac_u to yoadohoa mehne noano jiga m_usa.

Paulo Jesu yainare Cohamac_ure sini payoha

³⁻⁶ Cohamac_u m_usare noaa sehere cohtotach_u yoaro nina. Æ jiro m_usare to Æ yoa d_ucariro seheta sohtori dahrerohca tiro. Æ jina Jesucristo ahri yahpap_ure to wihich_up_ure ñaa marieina jinahca m_usa. Wahmanop_ure Jesu yaina m_usa jiri baharo, mip_u cãh_ure yoadohora m_usa y_uh_ure noaa buheare y_u buhech_u. M_usa Æ yoaina jich_uta Cohamac_ure “Noana”, nija y_uh_u. M_usare wac_uc_u õ sehe dihta nija y_uh_u. M_usare Cohamac_ure sini payoc_u, wahchea mehne sini payoja. ⁷ M_usare y_u Æ t_uhotuch_u noa nina. Noaa buheare “Potocã tjira”, p_uhtoare y_u ni tua y_uhd_ug_ucach_u m_usa y_uh_ure yoadohore. Tí buheare potocã ti jiare tinare y_u yahuch_u yoadohore m_usa. Peresui y_u jich_u cãh_ure m_usa y_uh_ure yoadohore. Cohamac_u marine noano yoaro, to yare c_ure marine. M_usa y_uh_ure yoadohore. Æ jina to c_urire mari cãno potori yoana nija. Æ jic_u y_u yajeripohna mehne tuaro wac_uja y_uh_u m_usare. ⁸ Jesucristo to cah_u mehne tuaro m_usare wac_uja y_uh_u. Y_u Æ wac_uch_u Cohamac_u t_ure masina. ⁹ M_usare õ sehe ni sini payoja y_uh_u Cohamac_ure: Cohamac_u yare noano masia mehne, t_uho masi pah_uo mehne painare m_usa cah_u namohto cjihtore sini payoja y_uh_u m_usare Cohamac_ure. ¹⁰ Noa y_uhd_uare m_usa masich_u cãh_ure sini payoja m_usare. M_usa Æ masina Cristo ahri yahpap_u to tjua tach_u noaare yoaina, ñaa buhiri marieina jinahca m_usa. ¹¹ Æ jiina jina noaare,

Cohamac_u cahmaare yoanahca m_usa. M_usare Æ yoach_u yoarohca Jesucristo sehe. Cohamac_u noabiariro tuariro to jiare ñono taro, jipihina tirore ti ño payohto cjihtore to cahmaare m_usare yoach_u yoarohca.

Paulo Cristo yairo to jia tiare yahuha

¹² Y_u coyea, ahrire m_usa noano masich_u cahmaja y_uh_u. Mip_ure peresui jiro y_u jiro watoí noaa buhea sehe Æ m_u tãrucuro nina. Paina masa tí buheare cahmaina waha namoa nina. ¹³ Æ yoa Cristo yairo y_u jiri buhiri peresui y_u jirire masi pihira p_uhtoro ya w_uh_u macaina surara. Jipihina paina cãh_u õi jiina t_ure masina. ¹⁴ Æ jia peresui y_u jich_u ñaa, pay_u mari coyea Jesu yaina mari p_uhtoro Jesure wac_u tua namoa nina. Æ wac_u tuaa, cuiro marieno noaa buheare painare buhera tina.

¹⁵ Cãina Cristo yare buheraborina jipahta y_uh_ure ñ_u tuhtia, Cristo yare buhera paina tina sehere ñ_u wahãch_u cahmaa. Paina sehe noano mehne Cristo yare buhera. ¹⁶ Noaa buheare y_u ni tua d_ucatahti cjihtire Cohamac_u y_uh_ure to c_urire noano masina ahрина sehe. Æ masia tina cah_u mehne Cristo yare buhera. ¹⁷ Paina sehe y_uh_ure ñ_u tuhtia, masa tina sehere ti ñ_u wahãch_u cahmaa, Cristo yare buhera. Æ yoaa peresui y_u jich_u tina y_uh_ure ñ_uno y_uhd_uch_u yoa duara. ¹⁸ Noanohca. Cristo yareta buhea nina. Tina Cristore potocã cah_uerahta Cristo yareta buhera. Paina sehe noano mehne buhera. Jipihina tina to yare ti buhech_u wahcheja. Æ jic_u wahche namoihca y_uh_u.

¹⁹ Cohamac_ure m_usa sini payori mehne Jesucristo Esp_uritu to yoadohoa mehne Cohamac_u to wioriro jiihca y_uh_u peresup_u jiro. T_ure masija. Æ jic_u Æ wahcherucuihca y_uh_u. ²⁰ Õ sehta yoaihca y_uh_u. Dachoripe y_u yoariro seheta mip_u cãh_ure cuiro marieno Cristo yare buheja masa tirore noano ti ño payohto sehe. Õ sehta yoa duaja y_u yoarire y_u buheri cãh_ure y_u b_uoro y_uhd_uerahto sehe. Catisinic_u waro õ sehta yoa duaja. Tina y_uh_ure ti wajã duapach_uta õ sehta yoa duaja. ²¹ Catisinic_u Cristo yare yoasinihca. Yariac_up_u pinihta

tí yǎhgoro noano tjuaihca yǎh. 22 ǎ ni-pacǎta catisinicǎ Cristo yare yǎ yoa namohto sehe cati namosini duaaja. ǎ nipaihta yariaa cǎhǎre cahmaja. ¿Di baro sehere yǎhǎ cahmabocari? Masieraja yǎh. 23 Yǎ Ǒ sehe ni durucuchǎ mijo nina yǎhǎre. Cristo mehne tuaro ji duaaja. ǎ jicǎ mipǎre tiro cahapǎ waha duaaja. Catia yǎhgoro ahri sehe noa yǎhdǎrǎcara. 24 To ǎ jipachǎta mǎsare yǎ yoadohohto cjihto sehe catisinino cahmana yǎhǎre. 25 Tíre masicǎ Ǒi mǎsa mehne yǎ jisinihtore masija yǎh. ǎ jisiniihca mǎsa Cristore wacǎ tua namohto cjihtore tí wacǎ tuaa mehne mǎsa wahchehto cjihtore. 26 Ahri yahpai jisinicǎ mǎsa cahapǎ pari turi yǎ wahachǎ mǎsa wahchenahca. Cristo Jesu yǎhǎre to yoadohochǎ masina, “Tuariro jira tiro”, ni ǎo payonahca mǎsa tirore.

27 Mipǎre ahri dihtare yahuihtja mǎsare. Cristo ya buhea ti niriro seheta jirucuga mǎsa. Wacǎ tuaina jiga. ǎ yoa cahma tju waro marieno noaa buheare ni tuaga. Ǒ seheta yǎ mariachǎ cǎhǎre yǎ jichǎ cǎhǎre mǎsa yoachǎ cahmaja. ǎ jiina mǎsa jichǎ tǎhoroca duaaja yǎh. 28 Mǎsare ǎ tuhtinare cuiena tjiga. Mǎsa ǎ cuierachǎ ǎha Cohamacǎ yaina mǎsa jichǎ masiahca tina. ǎ masia tina pichacapǎ ti wahahto cǎhǎre masiahca. Cohamacǎ mǎsare to yǎhdǎchǎ yoahǎto cǎhǎre masiahca. Ǒ seheta masichǎ yoara Cohamacǎ masare. 29 Cristore mǎsa wacǎ tuahtore Cohamacǎ cǎha mǎsare. Ahri cǎhǎre cǎha tiro. Cristo yare mǎsa yoari buhiri mǎsa ǎano yǎhdǎhto cjihto cǎhǎre cǎha Cohamacǎ. 30 Ǒ sehe jira tí. Cristo yaina mǎsa jiri buhiri paina mǎsare ǎano yoara. Mǎsare ti yoariro seheta yǎhǎ cǎhǎre ǎano yoara tina. Mǎsa mehne yǎ jichǎ yǎhǎre ti ǎ yoachǎ ǎhǎre mǎsa. Mipǎ cǎhǎre yǎhǎre ti ǎ yoachǎ tǎhorocayuhti mǎsa. ǎ jina mari cǎno potori ǎano yǎhdǎja.

2

Cristo wiho jiriro to sǎari baharo, jipihǎna bui pǎhtoro cjihto wahaha

1-2 Cristo mǎsare noano yajeripohna tichǎ to yoachǎ Cristo to cahǎa mehne mǎsa

wahchena, yǎhǎre noano wahchechǎ yoaga mǎsa. ǎ yoa Espíritu Santo jipihtina mǎsa mehne to jichǎ painare cahǎina, pja ǎhǎina jina, yǎhǎre noano wahchechǎ yoaga mǎsa. Ahri yǎ nihtire mǎsa yoachǎ wahcheihca: Cǎno potori noano yajeripohna tiga mǎsa. Tuhsǎ, cǎno potori tǎhotuina ji, mǎsa basi cahma cahǎga. ǎ yoa cǎno mehne noano jiga. 3 Mǎsa ya dihtare tǎhotuina, painare yǎhdǎrǎca duaina jiena tjiga. ǎ tǎhotunocaina jiga mǎsa. ǎ jina painare noano ǎo payo, Ǒ sehe ni tǎhotuga: “Tina sehe yǎ yǎhgoro noaina jira”, ni tǎhotuga. 4 Cǎiro painare yoadoho duaeraboca. To ya cjihti dihtare tǎhoturiro jiboca. Tiro yoaro sehe yoaena tjiga. Paina cǎhǎre yoadohoga.

5 Cristo Jesu painare yǎhdǎrǎca duaerariro to jiriro seheta mǎsa cǎhǎ painare yǎhdǎrǎca duaeraina jiga. 6 Tiro sehe Cohamacǎ waro jiparota “Cohamacǎ mehne cǎno potori yǎ jiare ne wijaasi yǎhǎ”, ni tǎhotuerari jire tiro. 7 ǎ ni tǎhotueraro tiro Cohamacǎ mehne cǎno potori to jiare wijaa, Ǒpǎ taro, masǎnota masa bajuaro, tiro dahra cohtariro yoaro sehe ji dǎcari jire. 8 ǎ jiro tiro masǎno cǎno potori pjacǎ tiriro jiro, wiho jiriro waro sǎari jire. ǎ sǎano “Crusapǎ wajǎga tirore”, ti nichǎ tiro yǎhdǎrǎcaerari jire. Crusapǎta yariahtiro jiparota tiro yǎhdǎrǎcaerari jire. 9 ǎ jiro Cohamacǎ jipihtina ti ǎo payohtirore cǎri jire Jesure. ǎ jiro jipihtina bui pǎhtoro sǎri jire Cohamacǎ tirore, 10 jipihtina mǎano macaina, ahri yahpa macaina, yariaina cjiri yahpa puhichapǎ jiina cǎhǎ Jesu wamare tǎhoina ti na tuhcuca caha sǎ ti ǎo payohto sehe. 11 ǎ pǎhtoro sǎri jire tirore Cohamacǎ jipihtina “Jesucristo mari pǎhtoro jira”, ti nihtiro cjihtore. ǎ nia Cohamacǎre mari Pǎcǎre ǎo payoa nina.

Cristo yaina buhriaro yoaro sehe jia, noaare masare yahu, masichǎ yoara

12 ǎ jina yǎ cahǎina yǎ coyea Jesu yaina mǎsa mehne yǎ jichǎ mǎsa yǎhtirucuriro seheta, mipǎ yǎ yoaropǎ jichǎ cǎhǎre pano mǎsa yǎhtiriro yǎhgoro yǎhtiga yǎhǎre. ǎ jina pichacapǎ wahaborina

to yǎhdǎchǎ yoarina jina, Cristo yoaro sehe wahana tana, Cristo to yoadohoro mehne ñaa marieina jiga. Æ jina ño payoa mehne papero marieno Cohamacǎ yare yoaga. ¹³ Cohamacǎ noaa sehere mǎsare cahmachǎ yoaro nina to cahmano seheta mǎsa yoahito sehe. Æ jiro tíre mǎsa yoahitore yoadohoro nina Cohamacǎ. (To Æ yoachǎ tí yǎ niriro seheta Cohamacǎ yare yoaga mǎsa.)

¹⁴ Jipihtiare yoana nureno marieno, mǎsa basi jiape ni durucuro marieno yoaga. ¹⁵ Cohamacǎ pohna jira mǎsa. Æ jina nureno marieno jipihtiare yoaga mǎsa ñaa buhiri marieina, ñaare yoaeraina mǎsa jihto cjihto sehe. Æ yoaga mǎsa masa mahñoina, ñaina watoi dojomehnenno marieno mǎsa jihto cjihto sehe. Tina ñaina watoi jina buhriaro to ñǎ masichǎ yoaro seheta noaa buheare buhena masichǎ yoara mǎsa ahri yahpa macainare. ¹⁶ Tí buheare mǎsa tǎho ñahari baharo Cohamacǎ mehne Æ jirucuhtina wahare mǎsa. Tí buheare ahri yahpa macainare mǎsa Æ buhechǎ ñǎcǎ mǎsa mehne wahcheihca. Æ jicǎ mǎsare yǎ buherire “Wiho waro buherari jica yǎhǎ”, niichǎ yǎhǎ. Æ jicǎ Cristo ahri yahpapǎ to tjua tachǎ mǎsa mehne wahcheihca. Æ jicǎ buoro yǎhdǎsi yǎhǎ. ¹⁷⁻¹⁸ Cristore mǎsa wacǎ tuachǎ Cohamacǎ mǎsare ñǎ jicoarohca. To Æ ñǎ jicoachǎ masicǎ mǎsare Cristo yare yǎ buheri buhiri yǎhǎre ti wajǎ duapachǎta wahcheihtja. Æ jina mari jipihtina cǎno potori wahchenahca. Tó seheta mǎsa cǎhǎre cahyaro marieno wahchero cahmana yǎhǎ mehne, yǎ yariari baharo.

Timoteore, Epafrodito cǎhǎre yahuha Paulo

¹⁹ Mari pǎhtoro Jesu to cahmachǎ soaro mehne Timoteore mǎsa cahapǎ waroca duaja yǎhǎ mǎsa jia tiare masicǎ tacǎ. Æ masiipǎta wahcheihca. ²⁰ Tiro Timoteo yǎ yoaro seheta mǎsa noano jihto cjihtore potocǎta pjíro tǎhotura mǎsare. Pairo to yoaro sehe jiro marihana yǎhǎ mehne. ²¹ Paina sehe jipihtina ti cahmaa dihtare yoa duaa, Cristo Jesu to cahmaa sehere yoa

duaerara. ²² Timoteo sehe noano yoariro to jiare masina mǎsa. Yǎ macǎ yoaro seheta tiro yǎhǎ mehne noaa buheare yahua tihre. ²³ Æ jicǎ pǎhtoa yǎhǎre ti dohse yoahitore masicǎta, Timoteore mǎsa cahapǎ waroca duaja. ²⁴ Æ yoacǎ mari pǎhtoro Jesu to yoadohoa mehne soaro mehne yǎhǎ cǎhǎ mǎsa cahapǎ wahaihtja.

²⁵⁻²⁶ Yǎhǎre yoadoho dutina mǎsa Epafroditoro warocari jire yǎ cahapǎ. Tiro yǎ coyeiro Jesu yairo yǎhǎ mehne dahrariro, yǎ piti, Cohamacǎ yare buhe tuariro jira. Tiro mǎsare tuaro wacǎrocara. Æ jiro to dohatirire mǎsa tǎhochǎ masino tiro sehe pjíro cahya tǎhotuhre. Æ pjíro to tǎhotuchǎ ñǎcǎ “Tírore mǎsa cahapǎ waroca tjuro cahmana yǎhǎre”, ni tǎhotuja yǎhǎ mipǎre. ²⁷ Potocǎta tiro tuaro dohatihre. Mahano yariabiho yǎhdǎhre. To Æ tuaro dohatipachǎta Cohamacǎ tírore pja ñǎno, yǎhdǎchǎ yoahre. Tiro to yariachǎ yǎhǎ sehe pano yǎ cahyariro yǎhdoro tuaro cahyaboa. Æ jiro Cohamacǎ yǎhǎ cǎhǎre pja ñǎhǎre tírore yǎhdǎchǎ yoaro. ²⁸ Æ jicǎ mipǎ pinihtare soaro mehne tírore mǎsa cahapǎ waroca duaja pari turi mǎsa tírore ñǎ, mǎsa yajeri sǎahito sehe. Mǎsa Æ wahchechǎ ñǎcǎ yǎhǎ cǎhǎ wahcheihtja. ²⁹ Æ jina tírore Epafroditoro mari pǎhtoro yairore mari coyeirore noano wahchea mehne piti bocaga. Æ yoana painare tiro yoaro sehe jiiinare ño payoa mehne ñǎga. ³⁰ Tiro Cristo yare yoadohomahno mahano yariabiho yǎhdǎre. Mǎsa sehe yǎhǎre yoadoho masierachǎ tiro sehe yǎhǎre yoadohomahre. Æ yoaro yariamahre tiro.

3

Noano yoaa warore yahuha Paulo

¹ Mipǎ pinihtare ahrire yahu batoihtja. Mari pǎhtoro yaina mǎsa jina wahchega. Ahri buheare pano yǎ yahurire pari turi mǎsare yahu joarocacǎ ji coaja yǎhǎ. Æ jicǎ mǎsare ahrire yahucǎ yoadohoi nija mǎsare. ² Noano yoaga mǎsa. Ñaare yoarucuina, dieya yoaro sehe jiiina ñaina circuncisiõre yoa dutia, mǎsa pjacǎrire yihso duara. Noano yoaga mǎsa Æ yoa dutiina

sehe “Soro ni buheri”, nina. ³ Tina circuncisiõre yoapahta Cohamacu dutiare noano yoerara. Mari sehe potocãta Cohamacu dutiare noano yoaina jija mari. Espiritu Santo to yoadohoa mehne Cohamacure ño payoja mari. ã jina Jesu yaina mari jiare wahchea mehne painare mari yahuja. “Sã m̄ s̄ro Cohamacu dutiare bihoja”, ne ni t̄hotueraja. ⁴ ã ni t̄hotuerariro jipaihta “Tinare doca dahrenocaja”, ti yoaro sehe niriro jicu ã t̄jiboa yuh̄u c̄h̄u. Pairo “Tinare doca dahrenocaja”, ni yuh̄d̄r̄ca duara. Yuh̄u sehe tiro yuh̄doro ã niboa yuh̄u. ⁵ Õ sehe yoariro jimai yuh̄u: Ocho dachori yu masa bajuari baharo circuncisiõre yoari jire yuh̄re. Israe mas̄no jicu Benjami ya curua macariro jija yuh̄u. Yu p̄c̄s̄ma hebreo masa ti jich̄u potocãta hebreo mas̄no warota masa bajuai. Cohamacu dutiare quihõno pahño duacu fariseo curua mehne sãamai yuh̄u. ⁶ “Cohamacu ya jip̄cu”, nicu noano yoamai. ã yoacu Jesu yaina sehere ñano yoaa timai yuh̄u. Potocãta Cohamacu dutiare yoacu tíre yuh̄d̄r̄caro marieno yoa pahñoi. ⁷ Panop̄re “Tí noaa jip̄cu”, ni t̄hotumai. “Tí yu ã ni t̄hoturi cjiri panop̄u yu jia tiri yaba c̄j̄hti jierari jira”, ni t̄hotuja mip̄re. Õ seheta ni t̄hotu d̄cai yuh̄u Cristore wacũ tuacu tacu. ⁸ Cristo Jesu yu p̄h̄torore yu masich̄u pinihta noa yuh̄d̄r̄ara. ã jicu paye sehere masa “Noaa jira”, ti nirire “Tí jipihtia yaba c̄j̄hti jierari jira”, ni t̄hotuja yuh̄u. Tí jipihtiare duhunocai Cristo ya sehere yoai tai. ã jicu tíre yu duhurire “Wiho jia waro jiri jira”, ni t̄hotui Cristore noano masich̄u tacu tiro mehne macariro jicu tacu. ⁹ ã jiro yu m̄ s̄ro noano yu yoari wapa “Noariro jira”, ni ñ̄erara Cohamacu yuh̄re. ã jiro Cohamacu dutia Moise c̄j̄rore to c̄r̄ire yu yoari wapa c̄h̄ure “Noariro jira”, ni ñ̄erara. Cristore yu wacũ tuari baharo “Noariro jira”, ni ñ̄ana tiro yuh̄re. Cohamacu sehe marine buhiri marieina jich̄u yoara, tirore mari wacũ tuach̄u. ¹⁰ ã jicu pano yu ni t̄hotu m̄htamari c̄j̄r̄ire duhunocaja Cristore noano masich̄u tacu. Cohamacu tuaa mehne Cristo masa m̄j̄ari jire. Tí tuaa mehne ji duaja. ã yoa tí tuaa

mehne noaare yoa duaja. Cristo crusapu variari jire mari ñ̄aa yoari buhirire cohãno taro. ã jicu to yare yu yoari buhiri tiro yoaro seheta ñ̄ano yuh̄d̄u duaja yuh̄u c̄h̄u. ¹¹ ã jicu Cristo to masa m̄j̄ariro seheta masa m̄j̄ahtiro j̄ih̄ca yuh̄u c̄h̄u. Cristo yuh̄re to ã masa m̄j̄ach̄u yoah̄tore wacũ cohtaja yuh̄u.

¹² Ahri jipihtiare ã nicu, “Cristo yare yoa pahñonocaja yuh̄u”, ni t̄hotueraja. Yu ã ni t̄hotuerapach̄uta Cristo sehe to yairo yoa tuhs̄re yuh̄re. ã jicu to yare tiro c̄h̄ure noano masi namo duacu tuaro mehne to yare yoaja yuh̄u. ã yoah̄tiro c̄j̄htore besere tiro yuh̄re. ¹³ Yu coyea, “Cristo yare noano yoa pahñonocaja”, ni t̄hotueraja. ã t̄hotuerapaihta ahri pinihtare yoaja: Pano yu yoari c̄j̄r̄ire ã ñ̄nocaja. Tíre p̄j̄ro t̄hotueraja. ã yoacu Cristo yare noano yoa pahñonoca duacu, tíre tuaro yoaja mip̄re. ¹⁴ M̄rocaperiro to wapata duariro seheta Cristo yare tuaro yoaja yuh̄u yu wapatahtore yu ñ̄ahahto sehe. Cristo yairo yu jich̄u ñ̄ano Cohamacu tí yu wapatahtore yuh̄re waro taro m̄anop̄u p̄j̄rocara yuh̄re to catia mehne yu catirucuhto sehe.

¹⁵ Õ sehe yu t̄hoturiro seheta t̄hotuga m̄sa c̄h̄u Cristore noano masiina jina. Wiho mejeta, ahri m̄sare yu yahurire m̄sa t̄ho duaerach̄u, soro m̄sa t̄hotuch̄u Cohamacu m̄sare noano masich̄u yoarohca. ¹⁶ ã jina to yare mari masirire noano yoa sohtori tijihna.

¹⁷ Yu coyea, m̄sa jipihtina yuh̄re ñ̄u c̄uga. ã jina paina sã yoaro sehe yoainare noano ñ̄uga m̄sa tinare m̄sa ñ̄u c̄h̄to sehe. ¹⁸ Payu tahari painare yahui yuh̄u m̄sare. Mip̄u c̄h̄ure tuaro cahyacu tinareta yahuja m̄sare. Payu tina Cristo crusai to variari buheare ñ̄u yabiina jira. ¹⁹ Tina pichacap̄u wahahtina jira. Ti ñ̄aa goa p̄jaa sehere tuaro cahmana tina. Tuhs̄u, ti buo tiboare yoaa, tíre “Noaa jira”, nina tina. Ahri yahpa macaa dihtare noano t̄hotura tina. ²⁰ Mari sehere mari ya maca m̄anop̄u jira. ã jiro t̄p̄ta marine yuh̄d̄ch̄u yoah̄tiro, mari p̄h̄toro Jesucristo tarohca. ã jina to tahtore cohtana nija mari. ²¹ Tiro taro mari p̄jac̄r̄ire wiho jia p̄jac̄r̄ire soro sehe jia

pjacuri dihta cohtotarohca tiro. Ñ yoaro to ya pjacuri yoaro sehe noa yuhduri pjacure si siteri pjacure warohca marine to tuaa mehne. Jipihtina bui puhtoro sari jire tiro ti to tuaa mehne. Ñ jiro jipihtia puero jira tiro ti tuaa mehne.

4

Dachoripe mari puhtoro mehne wahchega

¹ Ñ jina yu coyea, yu cahina, tuaro yu wacuna, yuhure wahchegu yoaina, pano musa wacu tuariro seheta mipure musare yu yahu joariro seheta mari puhtoro Jesure tuaro wacu tuana, to yare ne duhuena tjiga musa.

² Ahrire yahuihtja musare Evodiare, Sintique cahure: Jesu yaina numia jira musa. Ñ jina cahma sayoro marieno noano mehne jirucuga musa. ³ Muhu sehe potocata yu piti warota jira. Muhu cahure yahuihtja: Ti numia yuhu mehne, Clemente mehne, paina yu piti tiina mehne dahrare noaa buheare sa buhechu. Cohamacu tina jipihtina wamare joa oha to ya tjui. Jipihtia dachoripe catiare to warina wamare to joa ori tjui joa oha. Ñ jicu ti numiare "Cano mehne noano jiga", ni yahuga mahu.

⁴ Dachoripe mari puhtoro mehne wahchega. Pari turita yahuihtja tjoa: Wahchega. ⁵ Noano yoaga jipihtinare masa yoaro seheta. Mari puhtoro Cristo to tahto mahanoca dursara.

⁶ Ne cahya pjiro tuhoutuena tjiga. Cohamacure noano yahu pahoga. Ñ yoana tirore siniga. Ñ sinina, "Noana", niga tirore. ⁷ Musa ñ yoachu noano jichu yoarohca musare Cohamacu. To ñ yoachu noa yuhdura. Ahri mari noano jia noa yuhdura. Masa jina, marine to ñ noano jichu yoarire noano tuho naha masieraja mari. Cristo Jesu yaina mari jichu marine noano jichu yoaro, Cohamacu marine noano yajeripohna tichu yoarohca. Ñ yoaro cahya tuhouterachu yoarohca marine.

Noaare tuhutuga

⁸ Ahrire yahu batoi tai nija musare, yu coyea. Quihono jiare, masa ti no payoare,

noano yoaaare, ñaa mariare, ji coaare, masa "Noaa jira", ti niare tuhutuga musa. Noa yuhdu ti jichu tureta tuhutuga. Masa noaare ñaa ti wahchea sehere musa cahu wahche tuhutuga.

⁹ Musare yu buheriro seheta ñ yoarucuga musa. Ñ yoana, yuhure ñu cuga musa. Musa ñ yoachu Cohamacu musare noano jichu yoariro musa mehne jirohca.

Filipo macaina Paulore ti wari cjirire yahuha tiro

¹⁰ Mipuri pinihta yoari pja baharo musa pari turi yuhure wacuna musa yoadohore wahcheja. Ñ wahchegu mari puhtoro Cristore "Noana", nija. "Yuhure boaa wahare musa", nieraja yuhu. Panopure yuhure yoadoho duapanahata yoadoho masierare musa. ¹¹ Yuhure musa yoadohore yahucu yuhure dursare musare yahui tai nieraja. Musare paye barore cahmacu ñ nii nieraja. Yu cjaaa mehne ji masija yuhu. ¹² Paye baro cjaeracu cahu noano ji masija yuhu. Ñ yoa pjiro cjacu cahu noano ji masija. Dachoripe jaca baacu cahu jipoaja. Yapiriro jicu cahu jipoaja. Pjiro cjacu cahu jipoaja. Yuhure paye baro mariachu cahure jipoaja. ¹³ Cristo yuhure tuachu yoariro mehne jipihitiare Cohamacu to cahmaare yoa masi pahnoja yuhu. ¹⁴ Yu ñ jipoariro yu jipachuta yu ñano yuhduchu musa yoadohona yuhure noano yoare musa.

¹⁵ Noaa buheare yu buhe ducachu Macedonia yahpai jiriro cjiro yu wahachu musa dihta yuhure yoadohore. Ture masina musa. ¹⁶ Ñ yoa Tesalonicai yu jisinchu ñana yuhure yoadohona caa tahari warocari jire musa. ¹⁷ Paye barore sinicu ñ nicu nieraja. Painare musa yoadohochu Cohamacu musare noano yoarohca. Musa ñ yoadohori wapa Cohamacu musare to noano yoachu cahmaja yuhu. ¹⁸ Mipure yuhure noano wa pahohre musa. Yu cahmari yuhdoro wahre musa yuhure. Yuhure Erafrodito mehne musa warocari baharo paye baro ne dursarera yuhure. Cohamacu wuhuru inciensore ju mo Cohamacure ti noano ji coachu yoariro seheta yuhure musa wari cahu Cohamacure noano ji coachu yoara. ¹⁹ Cristo yaina jira

musa. ã jiro jipihtiare musare darsarire warohca Cohamacu musare, noa yuhduã to cjaare. ²⁰ Jipihia dachoripe mari Pacare Cohamacare ño payojihna. ãta yoajihna.

Paulo noa dutiha

²¹ Jipihina Cohamacu yaina, tóru jiina, Jesucristo yaina noajaro. Mari coyea cãhu Jesu yaina yuhu mehne macaina musare noa dutira. ²² Jipihina Cohamacu yaina, õ macaina, Jesu yaina noa dutira. Roma macaina bui pãhtoro ya wãhu macaina pinihta tuaro noa dutira.

²³ Mari pãhtoro Jesucristo musare to cahã mehne noano yoajaro.

Colosenses

Colosa macainare joarocaha Paulo cãhũ

1-2 Yũhũ Paulo mari coyero Timoteo mehne m̄sare Colosa macainare joarocaja sã. Yũhũ Jesucristo to yare buhe dutiro to cũriro jija. Cohamacũ to cahmano seheta Jesu yũhũre to yare buhehtirore cũre. ã jina m̄sare sã coyera Cristore wacũ tuaru-
cuinare joarocaja. ã jina Cohamacũ mari Pũcũ mehne m̄sare noa dutija. ã jina tiro mehne noano jiga m̄sa.

Jesu yainare Paulo sini payoha Cohamacũre

3 M̄sa ya cjihtire Cohamacũre sini payona “Noana”, ã nirucuja sã. Tiro sehe mari pũhtoro Jesucristo Pũcũro jira. 4-5 Tirore “Noana”, nirucuja sã m̄sa jia tiare tũhorocana. To ya buhea potocã jia buheare m̄sa tũhoriro seheta jipihtia dachoripe m̄anopũ m̄sare jichũ yoarocaha Cristo sehe. To ã yoachtiro jichũ tíre m̄sa ã cohtarucu wama tira. ã jina Cristo Jesure wacũ tua wama tira m̄sa. Tuhsũ, to yainare cahĩ wama tira m̄sa. M̄sa ã jiina jichũ Cohamacũ mehne wahche tirore “Noana”, nija sã. 6 Jipihtiropũre Jesu yaina potocã jia buheare noaa buheare ti yahuchũ tũhoa masa Cohamacũ yare cahmaa, noaa sehere cohtota namoa nina. M̄sa cãhũ noaa buheare Cohamacũ m̄sare to cahĩare quihõno m̄sa tũho dũcari baharo tina yoaro sehe Cohamacũ yare cahmana, noaa sehere cohtota wama tira m̄sa. 7 Ahrireta m̄sa cãhũre Epafra noaa buheare yahuri jire. Tiro sã tuaro cahĩriro sã mehne Cristore dahra cohtariro, Cristo yare ne duhuerariro jira. M̄sare sã buhe masierachũ tiro sehe sãre cohtotariro jiro, m̄sare buheri jire. 8 Tiro jira m̄sa jia tiare sãre yahuriro. Espĩritu Santo to yoadohoa mehne Jesu yainare m̄sa cahĩre yahure sãre.

9 ã jina m̄sare tũhorocana m̄sare sã tũhorocari dachoihta dõihã ã sini payorucuja sã Cohamacũre. Cohamacũ to cahmaare m̄sa masi pahõhto sehe tirore

sini payoja sã. Espĩritu Santo yoadohoro mehne Cohamacũ yare noano masiina m̄sa jihto sehe sini payoja sã. 10 Õ seheta sini payoja sã mari pũhtoro Cristo to cahmano seheta noano m̄sa yoahiti cjihtire. M̄sa ã yoachũ ñũno tiro wahcherohca. ã jina jipihtia noaare m̄sa yoahito sehe sini payoja. Cohamacũre m̄sa masi namohto sehe sini payoja. 11 Ahri yũ yahuhiti cãhũre sini payoja sã. Cohamacũ ya tuaa noa yũhdũara. Cohamacũ tí tuaa mehne m̄sa tuahtore m̄sare sini payoja. Õ seheta sini payoja m̄sa ñũno yũhdũpanahta wahchea mehne m̄sa cãno pjahto sehe. 12 Cohamacũ to yaina cjihtire marine jichũ yoari jire. ã yoaro to waare cjuahitina cãhũre yoari jire marine tiro. To jiropũ buhriaropũ mari cjuahitire warohca tiro. To ã yoachũ ñũna tirore m̄sa “Noana”, nihto cjihtore sini payoja sã m̄sare. 13 Tirota marine pichacarpũ wahaborinare yũhdũchũ yoari jire. Tõ panore ñaare yoa duhu masieramai mari. Ñariro sehe nahitianoĩ jiro marine dutiriro jisiri jimare. Cohamacũ sehe to macũno to cahĩrirore pũhtoro sõno m̄anopũ marine jichũ yoari jire. ã jina to macũno mehne jinahca. 14 To macũno mehne marine yũhdora Cohamacũ. To macũno to yariaro mehne mari ñaa yoari buhirire bori jire Cohamacũ.

Masa Cohamacũ mehne ti cahma ti pũ bũhũseheri ti ñũ tuhtichũ ñũno Cristo bosaha

15 Jesu Pũcũrore ñũmahnoerara. To macũno sehe to Pũcũro to dohse jia tiare ñona masare. Tiro to macũno jipihtina pano jipihtia pano ji tuhsũri jire. ã jiro jipihtia pũro, jipihtina bui pũhtoro jira tiro. 16 Cohamacũ to dutichũ to macũno sehe to Pũcũro mehne jipihtinare, jipihitiare bajuamehneri jire. M̄anopũ jiare ahri yahpapũ jia cãhũre bajuamehneri jire. Mari ñũriro mari ñũerari cãhũre bajuamehneri jire. M̄ano macaina ñũmahnoerainare pũhtoare, dutiinare, jipihtinare bajuamehneri jire. ã jia jipihtina to yaina cjihti jimari jire. Jipihtia cãhũ to ya cjihti jimari jire. 17 Jipihtina pano jipihtia pano Cristo ji tuhsũri jire. ã

yoa to tuaa mehne jipihtia cãhũ jipihtina cãhũ mipũre jia nina. ¹⁸ Mari to yaina jipihtina to pjacũ yoaro seheta to ya curua macaina jija. Æ jiro tiro mari dapu mari pũhtoro jira. Tiro yariaro masa mũja mũhtariro jira jipihtina bui pũhtoro, jipihtia pũro jiro taro. ¹⁹ Cristo to Pũcũro mehne cãno potori to jiro seheta jira. To ã jichũta cahmana Cohamacũ sehe. ²⁰ Jipihtina to Pũcũrore cahma ñũ tuhtia tiri jire. Æ ti cahma ñũ tuhtichũ ñũno Cristo tinare “Ñũ tuhtiena tjiga”, ni yahuri jire. Mũano macainare ahri yahpa macaina cãhũre to Pũcũrore “Ñũ tuhtiena tjiga”, ni yahuri jire Cristo. Æ yoa mũano macaa ahri yahpa macaa cãhũ noano ti jichũ cahmari jire tiro. Æ mari ñũ tuhtirire duhuchũ yoa duari jire tiro crusapũ yariaro to di cohãno. To Pũcũro to cahmariro seheta ã yoari jire Cristo.

²¹ Mũsa cãhũre ãta yoari jire tiro. To Pũcũrore ñũ tuhtiina tiro mehne jieraina jimari jire mũsa cãhũ. Ñaare yoari jimare mũsa. ²² Æ jimarina mũsa jipachũta tiro to yariaro mehne to Pũcũrore mũsare ñũ tuhtierachũ yoari jire tiro. Æ yoari jire tiro noaina ñaa buhiri marieina mũsare to yoahito cjihtore. Mũsa ã jichũ tiro mũsare tó sehe jiiapũre to Pũcũrore warohca. ²³ Æta warohca tiro mũsa tirore wacũ tuarucuchũ. Æta yoarohca tiro noaa buheare mũsa tũhorire mũsa boerachũ tí buheare mũsa ã yũhtirucuchũ. Tí buheare noaa buheare jipihtina ahri yahpapũre jiina tũhori jire. Æ jicũ yũhũ cãhũ Paulo Cristore dahra cohtariro jicũ, tí buheareta yahuriro jija.

Jesu yainare tina mehne macainare yoadohohtinare cũha Paulo

²⁴ Cristo mari ñano yoari buhirire ñano yũhdũri jire. Æ jicũ yũhũ cãhũ mũsare yũ buheri buhiri ñano yũhdũcũ wahcheja. Æ ñano yũhdũcũ Cristo marine to cũrũre yoa sohtori tii nija. Æ jicũ wahcheja. Cristo yare mari yoari buhiri mari ñano yũhdũ namohto dũhsasinina mini. Æ jicũ tirore mũsa wacũ tuahtore ñano yũhdũcũ, wahcheja yũhũ. To pjacũ yoaro sehe jiina to ya curua macaina jira mũsa. ²⁵ Jesu yainare yoadohohtirore cũre Cohamacũ yũhũre. Mũsa

ya cjihtire yoahitirore yũhũre cũre tiro. To yare jipihtiropũre yahu pahũohtirore cũre yũhũre. ²⁶ Tí to yare panopũre payũ tjururi macainare yahu pahũoera tiri jire Cohamacũ. Mipũre ahri tjuru macainare to yainare tíre noano yahu pahũonocare jũna. ²⁷ “Judio masa jieraina ya cjihtire yũ ya buhea noa yũhdũara”, ni to yainare tíre yahuri jire. Pano to yahuerari cjiirire yahuri jire. Õ sehe jira to ya: Cristo to yaina mehne jira. To ã jichũ to yaina mũanopũ Cohamacũ cahapũ noa yũhdũaropũ jiahca. Tí jira panopũ tí masierari cjiirire Cohamacũ ya.

²⁸ Cristoreta yahuja. Jipihtinare cuisãana tinare buheja sã. Noano masia mehne buheja sã noano Cristore masare masichũ yoana tana. Æ buheja sã to yare noano yoaina ñaa buhiri marieina tinare jichũ yoana tana. ²⁹ Ahri jira yũ dahraa. Cohamacũ to ya tuaa mehne yũhũre to wari tuaa mehne tuaro dahraja yũhũ, to yare buhecũ.

2

¹ Ahrire mũsa masichũ cahmaja yũhũ. Mũsa ya cjihtire, Laodicea macaina ya cjihtire, jipihtina paina ya cjihti cãhũre tuaro dahraja yũhũ. Jipihtina mũsa yũhũre ñũeraina ya cjihti cãhũre tuaro dahracũ mũsare tuaro yoadohoja yũhũ. ² Õ seheta mũsare yoadohoja yũhũ mũsa noano yajeripohna tihto cjihtore. Mũsa mehne macainare mũsa cahma cahũto cjihto cãhũre ã mũsare yoadohoja yũhũ. Cohamacũ ya panopũ to yahuerari cjiirire Cristore masichũ yoaa jira. To yare mũsa masichũ noa yũhdũara. Cristore mũsa noano masihto cjihtore, tiro mehne mũsa noano jihto cjihto cãhũre tuaro yoadohoja mũsare. ³ Paina ti masierari cjiirire, noa yũhdũare Cohamacũ to masiare Cristo dihta noano masichũ yoara marine. ⁴ Ahrire nija mũsare “Paina mũsare tũho wisiachũ yoaa durucua mehne mahũori”, nicũ. ⁵ Yũhũ mũsa watoi jierapacũta yũ wacũno mehne mũsa watoi jiriro yoaro seheta tũhotuja. Æ jicũ Cristore mũsa noano wacũ tuarucurire, quihũno mũsa yoari cãhũre masicũ wahcheja yũhũ.

⁶ Ñ jina Cristore m_{usa} wacũ tua d_ucariro seheta ãta tirore wacũ tuaa mehne dachoripe noano jirucuga. ⁷ Tirore noano masiina jiga m_{usa}. Ñ yoa dachoripe tirore masi namoga pano m_{us}are paina ti buheriro seheta. Ñ yoa Cristore wahche, “Noana”, nirucuina jiga m_{usa}.

Cristo yaina jina noaa sehere cahmaja mari

⁸⁻¹⁰ Noano yoaga m_{usa}. Masa ti m_u s_uro ti mahño buheare t_uhoena tjiga m_{usa}. Tina panop_u macaina ti m_u s_uro ti niare buhera. Ti ã nia yaba cjihti jierara. Ahri yahpa macaina ti m_u s_uro ti t_uhotuare buhe, Cristo ya sehere buherara. Cristo Cohamac_u to jiro seheta jiriro jiro, ahri yahpap_u pjac_u tiro, Cohamac_u warota jirota nina. To yaina jina Cohamac_u mehne noano jija mari. Tirota jira jipihtina anjoa p_uhtoa bui paina bajueraina bui p_uhtoro jiriro. Tíre masina mahñoare buheinare t_uhoena tjiga. ¹¹ Circuncisiõre ti yoariro seheta mahanocã pjac_u cahsarocãre ti yihso cohãriro seheta Cristo ñaa buhiri tiina m_{usa} jia tiare cohã, duhuch_u yoari jire. Ahri circuncisiõ masa ti pjac_urire mahanocã cahsarocãre ti cohãri jierara. Ahri circuncisiõ yoaro sehe yoaro, Cohamac_u sehe ñaa buhiri tiina mari jia tiare cohãna Cristore mari wacũ tuach_u ñ_uno. ¹² To yaina jina bautisarina wahari jire m_{usa}. To bautisarina wahana õ sehe ñona niri jire m_{usa}: Panop_u macaa m_{usa} ñaa yoarire m_{usa} duhurire ñona niri jire m_{usa}. Tí m_{usa} ñaa yoari buhirire m_{usa} ya c_uboro seheta tíre duhuri jire m_{usa}. Cristo masa m_ujano noanop_u wahari jire. To ã waharo seheta Cohamac_ure wacũ tuana “Tiro tuariro jira”, niina jina noaa sehere cohtotari jire m_{usa}. Tiro Cohamac_u sehe Cristore masoriro jira. To bautisarina wahana noaa sehere m_{usa} cohtotarire ñona nina m_{usa}. ¹³ Panop_ure ñaa buhiri c_uarina m_{usa} jiri buhiri pichacap_u wahaborina jimari jire m_{usa}. Ñ wahaborina jimari jire m_{usa} Cohamac_u yaina jierasina. To dutiare c_uaeraina jimari jire m_{usa}. Mip_ure Cohamac_u marine tiro mehne ã jirucuhtinare yoari jire. Cristo to yariaro mehne ã yoari jire tiro marine. Ñ yoaro jipihtina mari ñaa yoari buhirire bonocari

jire tiro. ¹⁴ Cohamac_u to dutiare ti joari c_uirire y_uhd_urcaina mari jipach_uta Cristore mari wacũ tuach_u ñ_uno tiro marine buhiri ti dutiare. Cristo crusap_u to yariaro mehne Cohamac_u sehe mari ñaa buhirire cohãnocahna panop_u to dutiare, marine buhiri ti dutiare to cohãnocaboriro seheta. Crusap_u yariaro tí tañop_u panop_u macaa dutiare ti joari p_ure to c_uã puha õboro seheta tí dutiare cohãnocahna. ¹⁵ Masa ti ñ_urocaroi watia p_uhtoare Cohamac_u y_uhd_urcari jire. Wiho jiina, tuaeraina tjuanocari jire tina sehe. Ñ yoaro tinare b_uoro wahach_u yoari jire, surara ti y_uhd_urcainare masare ti naa ño ti b_uoro wahach_u yoaro seheta. Crusap_u yariaro Cristo watiare y_uhd_urcari jire.

M_uano macaare Cohamac_u yare cahmaja

¹⁶ Ñ yoa paina m_{usa} ch_uare m_{usa} sihnia c_uh_ure ñaa m_{us}are “Buhiri tiina jira”, ni ñ_uboca. Ti ã ni ñ_uch_u ã ñ_unocahga tinare. S_uripe jia dachorire, somanaripe jia dachorire, bose n_um_uri m_{usa} y_uhdoerach_u ñaa m_{us}are “Buhiri tiina jira”, ni ñ_uboca tina. Ti ã ni ñ_uch_u ã ñ_unocahga tinare. ¹⁷ Panop_u tí ch_ua dutiare, bose n_um_urine y_uhdo dutiare, paye dutia c_uh_ure c_uri jire Cohamac_u marine buhero taro. Tí dutia mehne baharop_u to dohse yoahtore Cohamac_u yoa ñono niri jire. Cristo to jia tia c_ujihtire yoa ño curero niri jire masare. “Tiro õ sehe waharohca”, nino ã yoa ñono niri jire. Ñ yoa ñohti c_ujiti jiri jimare tí dutia. ¹⁸ Ñ sehe nimana tí dutiare yoa dutiina. “Soro jiare bajuach_u ñ_uhi sã” nia, tina Cohamac_ure ti ño payoboro sehe anjoare ño payomana. Ñ jiina jia “Masi pahñonocaja sã”, ni t_uhotumana tina masa ti m_u s_uro ti t_uhoturiro seheta. Ñ jia tina painare y_uhd_urcaineraina, noaina yoaro sehe yoa ñomana m_{us}are. Ñ yoa “Quihõno yoerara m_{usa}”, ni yahusãna m_{us}are. Ti ã ni yahusãch_u, tinare ã ñ_unocahga. ¹⁹ Tó sehe yoapahta m_{us}are yahusãina Cristo to dutiro sehe yoaa nierara. Cristo sehe to yaina dapu ti p_uhtoro jira. To yaina sehe to pjac_u yoaro sehe jiina to ya curua macaina jira. Mari cohãri dohsaa mari wa dari c_uh_u mari pjac_ure cã pjac_u jich_u yoara. Tó seheta

Cristo sehe to yainare cãnoi noano mehne jichu yoara. ã yoa marine yoadohora Cohamacu cahmaare mari noano yoahto sehe.

²⁰ ã yoa Cristo yaina jina tiro mehne yariarina yoaro sehe jira musa, Cohamacu to ñuchu. ã jina ñaare musa yoarire duhurina jira musa. ã jina ahri yahpa macaa ñaa buheare, masa ti mu sũro ti buheare cahmaeraborina jira musa. ¿ã jiborina jipanahta dohse yoana masa ti mu sũro ti dutiare yũhtijari musa? ²¹ Õ sehe ni dutira ti mu sũro dutiina: Ahri barore chũena tjiga. Ahri barore ne chu ñũena tjiga. Ahri barore pihaena tjiga. Tó sehe ni dutira tina. ²² Mari paye barore chũchu dói pihtia wahara. Tó sehe jia barore pihtia barore tũhotua nina ã dutiina. Ti ã dutichu ahri yahpa macaa dutia dihta jira tí dutia. Masa ti mu sũro ti buhea dihta jira ahri buhea. ã jia yaba cjihti jierara. ²³ Tí dutiare yoaina Cohamacure ño payoina yoaro sehe jimana. ã yoa painare yũhdũcaeraina yoaro sehe yoa ñomana. Ti pjacũrre ñano yoaa Cohamacure ño payoina seheta yoa ñomana tina. Ti ã yoachu ti ya dutia sehe masi pahũoina ya dutia yoaro sehe jimana. ã jierara. Tí dutiare yoapahta ti ñaare goa pjaare duhuerara. ã jia tí dutia sehe yaba cjihti jierara.

3

¹ ã yoa Cristo yaina jira musa. ã jina Cohamacu tuaa mehne Cristo to masa mũjariro seheta tí tuaa mehne pano musa ñaa yoarire duhu, noaa sehere cohtotare musa. ã cohtotaina jina mũano macaare Cristo yare cahmaga musa. Tóũre mũanopũ Cohamacu poto bũhũsehei dujira tiro. ² Mũano macaa Cohamacu yare noano tũhotuga musa. Ahri yahpa macaare ne wacũ nũnũena tjiga musa. ³ Cristo yaina jina tiro mehne yariaborina seheta musa wahana ahri yahpa macaare pjĩro tũhotuena tjiga. ã jiro Cristo mehne musa jirucuhtore cahno tuhsari jire Cohamacu. ⁴ ã yoa Cristo mũanopũ marine ã jirucuhtinare yoariro si sitea mehne to tachũ tiro mehne wahanahca mari. ã

wahana tiro mehne mũanopũ Cohamacu yare cjuanahca.

Cristo yaina jierasinina ñaare yoamai mari

⁵ ã yoa ahri yahpa macaa ñaa musa yoare duhunocahga musa: Numino mehne ñano yoare, mũno mehne ñano yoare, ñaa yũhdũaro yoare, paio namonore goa pjaare, pacoro manũnore goa pjaare, ñaa goa pjaare duhunocahga musa. Paye barore tuaro cahmaina jiena tjiga. Paye barore cjona, tíre tuaro cahmana “Cohamacu jira”, ti nia masũrine ti ño payoro seheta yoana nija mari tíre. ⁶ Tí ñaare yoaina Cohamacure yũhdũcaina jira. Ti ã yoa yũhdũcachũ ñũno tinare buhiri dahrerohca. ⁷ Panopũre musa sehe tí ñaare yoarina jina tina mehne macaina jiri jimare musa. ⁸ Wiho mejeta mipũre ahri ñaare duhu pihtinocahga musa: Suaare, sua yũhdũare, painare ñano ni tũhotuare, painare ñano quti dahreare, ñano durucuare tí jipihtiare duhunocahga. ⁹⁻¹⁰ Musa sehe Jesu yaina wahana tí ñaa yoare duhu tuhsari jire. ã jina musa tũhotuare cohtotaina jira musa. Musare noaa sehere cahmachũ yoaro nina Cohamacu to yoaro sehe musa jihto sehe. Õ seheta yoara tiro noano tirore musa masi namohto sehe. ã jiina jina musa mehne macainare mahũoena tjiga. ¹¹ Cristo yaina jina judio masa, judio masa jieraina cũhũ cãno potoriga jira musa, Cohamacu to ñuchũ. Circuncisiõre yoaina, yoeraina cũhũ Cristo yaina jia cãno potoriga jira, Cohamacu to ñuchũ. Pa yahpa macaina, masieraina, musa ya yahpa macaina cũhũ Cristo yaina jia cãno potoriga jira, Cohamacu to ñuchũ. Dahra cohtaina, dahra cohtaina jieraina cũhũ Cristo yaina jia cãno potoriga jira, Cohamacu to ñuchũ. Jesu jipihtina to yaina mehne jira. Wiho jiro jierara tiro, to yaina ti ñuchũ.

¹² ã yoa Cohamacu to beserina, noaina, to cahĩina jina õ sehe jiga musa: Painare pja ñũina, painare noano yoaina, painare yũhdũca duaeraina, painare niji siaro dero yoaina, musare ti ñano yoapachũta ã tũhotunocaina jiga musa. ¹³ Musa mehne

macaina mehne suana, dóihta m̄sa basi m̄sa suarire p̄jāga. Mari p̄htoro m̄sa ñaa yoari buhirire bohre. ã to boriro seheta m̄sa c̄h̄u m̄sa mehne macaina m̄sare ti ñaa yoarire boga. ¹⁴ Ahri dutia mehne õ sehe ni dutija m̄sare: Painare cah̄iga. M̄sa ã yoana noano jipihtina mehne c̄no mehne jinahca. ¹⁵ Cristo marine noano jich̄u yoara jiape ni durucueraina mari jightho sehe. To ã yoach̄u noano jiga m̄sa, m̄sa basi. Õ seheta jihtina c̄jhtire to yaina c̄jhtire bese c̄uri jire Cohamac̄u m̄sare. ã jina to p̄jac̄u yoaro seheta c̄u curuata jira m̄sa. ã yoa Cohamac̄ure “Noana”, ni wahcheina jiga m̄sa Cohamac̄u mehne.

¹⁶ Cristo ya buheare noano wac̄urucuga m̄sa. Noano masi buhega to yare. Cua pisaro mehne tíre yahuga. ã yoa tuhs̄u, Salmore, Cohamac̄u yare basaare, paye tirore ño payoa basaare tirore basa payoga. Noano wac̄u ño payoa mehne basa payoga. ã basana to yare noano wac̄uga m̄sa. ã yoana Cohamac̄ure “Noana”, ni wahcheina jiga m̄sa Cohamac̄u mehne. ¹⁷ Jipihtia dohse jia m̄sa yoare noano yajeripohna ti yoaga mari p̄htoro Jesu to wahchehto sehe. Cristore ño payora m̄sa. ã yoa tirore ño payoa mehne noaa dihtare durucuga. ã yoana Cristo to yoadohoa mehne Cohamac̄u mari P̄c̄ure “Noana”, ni wahche payo siniga tirore.

Jesu yainare noano mehne ti jhti dutia õ sehe jira

¹⁸ M̄sa man̄u tia numia, m̄sa man̄sumare noano yuhtiga m̄sa. ãta yoaro cahmana mari p̄htoro Cristo ya numia jina. ¹⁹ M̄sa namo tiina sehe, m̄sa namos̄anumiare cah̄iga. ã yoa tí numiare ne tuhtiena tjiga. ²⁰ M̄sa ti pohna c̄h̄u, m̄sa p̄c̄sumare yuh̄d̄ur̄caeraina jiga. M̄sa ã yoach̄u ñ̄no mari p̄htoro noano ji coara. ²¹ M̄sa ti p̄c̄sum̄a c̄h̄u m̄sa poh̄nare suach̄u yoena tjiga “Cahyach̄u yoari”, nina. ²² M̄sa tinare dahra cohtaina, m̄sa p̄htoare ahri yahpa macainare noano yuhtirucuga. Ti ñ̄rocaro dihtare yuhtiina jiena tjiga. Ti mariach̄u c̄h̄ure yuhtiina jiga. Mari p̄htoro Cristore cua pisaro m̄sa ñ̄riro seheta noano mehne

yuhtiga m̄sa p̄htoa c̄h̄ure. ²³ Potoc̄ata Cristo yaina jina noano yuhtira m̄sa tirore. ã jina m̄sa p̄htoare ahri yahpa macainare yuhtina, tina dihtare yuhtina nierara. Cristo c̄h̄ure m̄sa yuhtiboro sehe yuhtinata nina m̄sa. ã yoana m̄sa p̄htoa ti dutiro seheta tuaro mehne dahraga, Cristo ya dutia ti jiboriro seheta. ²⁴ M̄sa ã yoach̄u Cristo m̄sare noano yoarohca. “M̄sare waihtja”, to niare m̄sare warohca mari p̄htoro. Tíre masina m̄sa. Mari p̄htoro Cristore dahra cohtaina jira m̄sa. ã jiro tiro sehe m̄sa p̄htoro waro jira. ²⁵ Ñ̄aare yoainare buhiri dahrerohca mari p̄htoro. ã yoainare c̄airo d̄hsaro marieno c̄ano potori buhiri dahrerohca tiro.

4

¹ M̄sa p̄htoa sehe, m̄sare dahra cohtainare potoc̄ata noano yoaga tinare. M̄sa c̄h̄u p̄htoro c̄j̄ara. M̄sa p̄htoro m̄sa c̄j̄ariro sehe m̄ano macariro jira.

² Dachoripe Cohamac̄ure siniga m̄sa. Noano wac̄u t̄hotu siniga. ã yoana “Noana”, niga Cohamac̄ure. ³ S̄a ya c̄jhti c̄h̄ure sini payoga t̄joa. Cristo yare paina pano ti masierari c̄jirire buhena n̄ja s̄a. Tinare s̄a noano masich̄u yoah̄to sehe sini payoga Cohamac̄ure. Cristo yare ȳ buheri buhiri ȳh̄u mip̄are peresup̄u jija. ⁴ ã jic̄u m̄sa ã sini payoch̄u cahmaja to yare ȳ noano yahuhto c̄jhto sehe. Cristo to dutiro seheta ȳ yahuhto c̄jhto sehe sini payoga.

⁵ Jesu yaina jieraina mehne jina noano yoaga m̄sa. Cristo yare yahuga tinare. Tina mehne m̄sa jiro puro ãta noano yoaga. ⁶ Paina mehne s̄h̄aduna noano ji coaro mehne s̄h̄aduga. Noaa dihtare durucuga. Paina m̄sare ti sinituch̄u noano masi yuhtiga tinare.

Noa duti batoaha Paulo

⁷ Tíquico mari coyeiro Jesu yairo jira. Tiro mari cah̄iro, Cristo yare buhero, s̄a mehne dahrariro jira. ã jiro Cristo yare ne duhuerara tiro. Tiro ȳ jia tiare m̄sare yahurohca. ⁸ M̄sa cahap̄u tirore warocai n̄ja ȳh̄u s̄a jia tiare m̄sa masihto

sehe, m̄sare wahchech̄u yoah tiro cjih-tore. ⁹ Onésimo mari coyeiro mari cah̄i-ro mehne piti dahre warocai nija. Tiro c̄h̄u Cristo yare ne duhuerara. M̄sa mehne macariro jira. Tina p̄aro s̄a õre dohse s̄a ȳhd̄arire yahuahca m̄sare.

¹⁰ Aristarco peresup̄u jiriro ȳh̄u mehne macariro m̄sare noa dutira. Marco c̄h̄u noa dutira. Tiro Bernabé tañ̄no jira. Tirore yahuroca tuhs̄i m̄sare. M̄sa cah̄u to s̄uch̄u ñ̄na noano mehne tirore piti bocaga. ¹¹ Jesu “Justo” ti ni pisuriro c̄h̄u noa dutira m̄sare. Ahrina tiarota ȳh̄u mehne dahraina judio masa waro jira. Judio masa waro tina dihta Cohamac̄u yare ȳh̄u mehne buhera. Õ sehe buheja s̄a Cohamac̄u yaina masa ti wahahto sehe, Cohamac̄u ti p̄h̄toro to jihto sehe. Tina ȳh̄u noano yoadohoina jira. ¹² Epafra m̄sa mehne jiriro cjiro m̄sare noa dutira. Tiro Cristore dahra cohtariro jira. Cohamac̄u sinino, m̄sa ya cjihtire tuaro sini payorucura tiro. Cohamac̄u noano wac̄u tuarucuhtina, to cahmano sehe yoah tina m̄sa jihto sehe ã sini payorucura tiro Cohamac̄u. ¹³ Tiro m̄sa ya cjihtire tuaro sini payore m̄sare p̄jro t̄hoturo. Laodicea macaina ya cjihtire, Hierapoli macaina ya cjihti c̄h̄u tiro tuaro sini payore. To ã yoariro jich̄u ñ̄cu m̄sare yahurocai nija. ¹⁴ Duhturu Luca mari cah̄i-ro m̄sare noa dutira. Dema c̄h̄u noa dutira.

¹⁵ Noajaro mari coyea Jesu yaina Laodicea macaina. Ninfa c̄h̄u noajaro. Jesu yaina ticoro ya w̄h̄i cahmachuina c̄h̄u noajaro. ¹⁶ Ahri p̄re ȳ joarocari p̄re m̄sa mehne macainare m̄sa buhe tuhs̄i baharo Laodicea macaina c̄h̄u warocaga. ã yoa tinare Laodicea macainare ȳ joarocari p̄re m̄sa c̄h̄u buhega. ¹⁷ ã yoa õ sehe niga Arquipore: “Mari p̄h̄toro Jesu yairo m̄ jich̄u to yare buhehtiro c̄re m̄h̄u. To ã c̄ch̄u noano buhe sohtori tiga m̄h̄u”, niga tirore.

¹⁸ Ȳh̄u Paulo, ȳ wamomaca mehne ahrire joaja. M̄sare noa dutija ȳh̄u. Peresui ȳ jiare wac̄u, sini payoga m̄sa Cohamac̄u. Noano jiga m̄sa. Cohamac̄u to cah̄a mehne m̄sare noano yoajaro. ãta yoajaro.

1 Tesalonicenses

*Paulo cãhũ joarocaha Jesu yainare
Tesalónica macainare*

¹ Yũhũ Paulo, Silvano, Timoteo sã tiaro ahri pũ mehne mũsare noa dutija. Mũsa sehe Tesalónica macaina mari Pũcũ Cohamacũ yaina jira. Mari pũhtoro Jesucristo yaina cãhũ jira mũsa. ã jina Cohamacũ mari Pũcũ, mari pũhtoro Jesucristo ti cahĩa mehne mũsare noa dutija. Cohamacũ yoadohoa mehne noano jiga mũsa.

*Jesu yaina Tesalónica macaina sehe
Jesure noano wacũ tuaha*

² Cohamacũre sinina, jipihtina Jesure mũsa wacũ tuaare wacũna “Noabiara sãre”, nirucuja sã mũsare. Cohamacũre sinina, mũsa ya cjihtire ã sini payorucuna nija sã. ³ Mũsa sehe Jesucristore noano wacũ tuayuhca. ã wacũ tuana, Jesu yare yoayuhca mũsa. Jesucristore, paina cãhũre cahĩyuhca mũsa. ã cahĩna, Jesu yare turo yoana niyuhca mũsa. Jesucristore mari pũhtorore wacũ tuarucuyuhca mũsa. ã wacũ tuarucuna mũsare to yũhdohtore masina, tíre cohtana niyuhca mũsa. ã yoa tirore wacũ tua duhuerayuhca mũsa ñano yũhdũpanahta. Cohamacũ mari Pũcũre sinina, tíre mũsa ã yoarire wacũja sã. ⁴⁻⁵ Sã coyeya, Cohamacũ to cahĩna jira mũsa. Mũsare to beserire masija sã. Sohõ jiri pja mũsare noaa buheare buhena ã yahunocana nierahi mũsare. Espíritu Santo to tuaa mehne noaa buheare buhena nii mũsare. ã buhena tí buhea quihõno jichũ noano masii sã. ã jina mũsa watoi sã jina, sã yoarire masina mũsa. Mũsare yoadohona ã yoi sã. Mũsare buheina jina Cohamacũ to beserina mũsa jichũ masija sã.

⁶ Sohõ jiri pjarũre mũsa ñano yũhdũina jina, noaa buheare cahmare mũsa. Mũsa ã cahmachũ, Espíritu Santo sehe mũsare noano wahchechũ yoare. To ã yoachũ mũsa sehe sãre ñũ cũ, sã yoiro seheta yoare. ã yoana Jesu cãhũre ñũ cũre mũsa. ⁷ ã jia Jesu yaina Macedonia yahpa macaina, Acaya yahpa macaina cãhũ Jesu

yare mũsa yoarire masire. ã masia tina cãhũ mũsare ñũ cũ, mũsa yoiro seheta yoara. ⁸ Macedonia yahpa macaina Acaya yahpa macaina cãhũ mari pũhtoro yare mũsa buhechũ tũhorocare. Cohamacũre mũsa wacũ tuarire tũhorina sehe tina dihta jierare. Jipihtiro macaina mũsa wacũ tuarire tũhoyuhti. ã jia sã tinare yahuerapachũta tíre masi tuhsũre tina. ⁹ ã jia mũsa cahai sã tinirire, sãre mũsa noano piti bocarire yahure tina jipihtiro macainare. ã yoa Cohamacũ sehere wacũ tuana, “Cohamacũ jira”, mũsa nia masũrine mũsa cohãnocarire, Cohamacũ ya sehere mũsa yoarire yahure tina jipihtiro macainare. Tiro Cohamacũ sehe catiriro, Cohamacũ waro jira. ¹⁰ ã yoa “Cohamacũ macũnore mũanopũ tahtirore Tesalónica macaina cohta nina”, ni yahura masa mũsare. To macũnore yariariro cjirore Cohamacũ masori jire. To ã masochũ to macũno Jesu sehe marine ñabiaro to buhiri dahreborinare yũhdori jire.

2

*Tesalónica wama tiri macapũ to
dahrarire yahuha Paulo*

¹ Mũsa cahai jina sã ã jinocana niera tii. Mũsare noano yoadohoina jia tii sã. Tíre noano masina mũsa, sã coyeya. ² ã yoa Filipoi jina ñano sã yũhdũrire, sãre ñano ti yoarire potocãta masina mũsa. Sãre ti ã yoapachũta Cohamacũ to yoadohoa mehne cuiro marieno Cohamacũ yare noaa buheare buhei sã mũsa cãhũre. Sãre masa payũ ti ñũ tuhtipachũta noaa buheare buhei sã mũsare. ³ Mũsare buheña noano sã masirire buhei sã mũsare. ã buhena mũsare dojomehne duana nierahi. ã yoa mahñoerahi. ⁴ Cohamacũ to cahmano seheta buheja sã. Noa buheare buhehtina cjihtire Cohamacũ besere sãre. To ã beserina sã jichũ to ya buheare sã buhechũ noa nina, Cohamacũ to ñũchũ. ã jina õ seheta buheja sã. Masa ti tũho ji cohtire buhena nieraja sã. Cohamacũ sehe sãre to ñũ ji cohto cjihtore to yare buheja sã. Tiro sehe mari tũhotuare, dohse mari yoa duaare noano masina. ⁵ Noa buheare buhena tũho ji coaa dũseri mehne buhena nierahi. Ahrire masina mũsa. ã yoa sã buhena, mũsare

paye barore wapa cahmana nierahi sã. Ahrire Cohamacu masina. Potocã nii nija. ⁶ ã buhena masa sãre ti ñu wahãhti cjihtire yoana nierahi sã. Musare paina cãhure sãre ñu wahã dutina tana nierahi. ⁷ ã ñu wahã dutierapanahta Cristo to cãrina jija. ã jina musare wapa cahmaboa sã. ã yoa puhtoã yoaro sehe musare dutiina jiboa sã. Wiho mejeta numino wihãrirocãre to noano bucãoriro seheta noano niji siaroca dero yoai sã musare. ⁸ ã jina musare noano cahmana, Cohamacu yare noaa buheare buhei sã musare. ã yoana tí dihtare yoeraí musare. Musare noano yoadohoi sã catisinina waro. Sã cahãina musa jichu musare ã yoadohoi sã. ⁹ ã musare cahãina tuaro yoadohoi sã musare. Tíre wacũna musa, sã coyea. Cohamacu yare noaa buheare buhena musa cãhaare sini cariboeraí musare. ã jina dachoru, ñamipu cãhure dahrai sã.

¹⁰ Noano, musare ñano papero marieno, mahõno marieno musare Jesu yainare sã yoarire masina musa. Cohamacu cãhu tíre masina. ¹¹ ã jina ti pucuro to pohnare to noano yahu to wahchechu yoariro seheta musa cãhure yahuna wahchechu yoai musare. Tíre masina musa. ¹² Puhtoro Cohamacu to suho jiropu, noa yãhdãaropu musare pjirocãre. ã jina to yaina musa jichu Cohamacu to cahmariro seheta musare ji dutii sã.

¹³ Cohamacu yare musare sã yahuri cjihtire musa tuhona, õ sehe ni tuhature musa: “Masa ti mu sãro ti buhea jierara. Cohamacu ya buheata jira”, ni tuhature musa. Tíre musa tuhature masina wahcheja sã. ã jina Cohamacure sinina “Noana”, nirucuja sã tirore. Tóihãta jira. Musare sã buhea Cohamacu durucua potocã jiata nina. ã jiro Cohamacu musa Jesure wacũ tuaina jichu to ya buhea mehne musare noaa sehere cohtotachu yoaro nina. ¹⁴ Jesucristore wacũ tuainare Judea yahpa macainare ti yoariro seheta musa cãhure yoare paina. Judea yahpa macainare Jesu yaina sehere judio masa ñano yãhdũchu yoare. Musã cãhure musa ya dihta macaina ãta ñano yãhdũchu yoare. ¹⁵⁻¹⁶ Judio masa sehe Cohamacu yare yahu

mãhtaina cjihtire panopu macainare wajãa tiri jire. ã jia mari puhtoro Jesu cãhure wajãri jire tina. Tuhsu, tina sãre cohãre. Cohamacure tina cahyachu yoahre. ã yoaina jia, payu masare ñu tuhtira tina. Judio masa jierainare Cohamacu yare sã yahu duamai tina cãhure pichacãpu wahaborinare “Cohamacu yãhdojaro”, nina. Sã ã yahu duapachãta judio masa sehe sãre ne Cohamacu yare painare yahu dutierare. ã yahu dutieraa pjiro buhiri ti namoa nina tina. Mipure tinare tuaro Cohamacu buhiri dahrerohca juna.

Paulo Tesalónica macaina cahapu pari turi tini duamaha

¹⁷ Sã coyea, mipure mahanocã musa mehne jierana musare wacũna nija. ã jina musare tuaro ñu duana, musa cahai waha duamai. ¹⁸⁻¹⁹ Cãa tahari yãhu Paulo musare ñu waha duamai. Yu ã waha duapachãta Satana sehe sã wahaborirore dũcatãre. ã jina wahaerahi sã. Sãre wahchechu yoaina musa jichu musare ñu duamai. Mari puhtoro Jesu ahri yahpãru to tjua tachu musa sehe sãre wahchechu yoanahca. ã jina wahchea mehne musa mehne Jesu panoi ducunahca. ²⁰ ãta jira. Musare ñuno Jesu sehe “Noano buheri jira musa”, ninohca sãre. ã jina noano wahcheja sã.

3

¹⁻² ã yoa musare yoari pja ñuerana musare tuaro tuho duana tíre wacũna, Timoteore musa cahapu warocai. Tiro mari coyero Jesu yairo Cohamacure dahra cohtariro jiro, sã mehne noaa buheare buheriro jira. ã jina tirore warocai Jesucristore noano musa wacũ tuahti cjihtire, musa wahchehti cjihti cãhure. Tirore warocana sã sahsero Atena wama tiri macai tjuai. ³ Musã ñano yãhdũpanahta Jesu yare musa cohãerahto cjihtore warocai sã Timoteore. Jesu yaina jina ñano yãhdũnahca mari. Tíre masina musa. ⁴ Musã mehne tó panopure jisina mari ñano yãhdũhtoreta yahu tuhsu musare. ã jina sã niriro seheta mari ñano yãhdũ. Tíre musa noano masina. ⁵ ã jicu musare yoari pja ñueracu musare tuaro tuho duai. ã jicu

Jesure m_{usa} wacũ tuarire masii tai Timoteore warocai y_hh. “Watĩno m_{usare} ñano yoa dutiri” nic_h, “M_{usare} sã buheri cji_{ri}re m_{usap_h} duhuri” nic_h, tirore warocai y_hh.

⁶ ã yoa mip_{ure} Timoteo m_{usa} cahap_h jiro sã cahap_h tju wihire. ã tju wihiro noaa quitire sãre yahure tiro. Jesure m_{usa} noano wacũ tuaare, painare m_{usa} cahã cãh_{ure} tiro yahure sãre. ã ni tuhs_h sãre m_{usa} noano wacũ_{ri}re, m_{usare} sã ñ_h duariro seheta m_{usa} cãh_h tuaro sãre m_{usa} ñ_h duarire yahure sãre tiro. ⁷ ã jina sã coy_{ea}, mip_{ure} sã ñano y_hh_dpanahta m_{usa} Jesure noano wacũ tuach_h tãhona sã wahcheja. ⁸ Jesure m_{usa} noano wacũ tuarire to yare m_{usa} cohãerare tãhona noano yajeri sãaja sã. ⁹ M_{usare} ã ni tãhotuna, Cohamac_h to ñ_hrocaroi sã tuaro wahcheja. ã wahchena Cohamac_hre “Noana”, nija sã. ¹⁰ Dach_o cãh_{ure}, ñamip_h cãh_{ure} Cohamac_hre sinija sã m_{usare} sã ñ_hhti cjihtire. Jesu yare m_{usa} noano masi pah_hoch_h yoa duaja sã noano m_{usa} tirore wacũ tua namohto sehe.

¹¹ Cohamac_h mari P_hc_h to basi, mari pãhtoro Jesu cãh_h sãre ti yoadohoch_h cahmaja sã m_{usa} cahap_h sã wahahto sehe.

¹² ã yoa mari pãhtoro Jesu jipihtina m_{usa} mehne macainare, jipihtina paina cãh_{ure} cahĩ namoch_h yoajaro m_{usare}. M_{usare} sã cahĩ_{ri}ro seheta tuaro cahĩ namoch_h yoajaro m_{usare}. ¹³ M_{usare} noano to yoadohoch_h, buhiri marieina, ñaa marieina jinahca m_{usa}, Cohamac_h mari P_hc_h to ñ_hch_h. Mari pãhtoro Jesu jipihtina to yaina buhiri marieina mehne ahri yahpap_h tjua taro ã jiina jich_h yoajaro m_{usare}.

4

“Cohamac_hre ji coach_h yoa duana õ sehe yoaga”, ni yahuha Paulo

¹ Mip_{ure} Jesu mari pãhtoro to dutiro mehne m_{usare} õ sehe ni yahu batoaja: “Cohamac_hre ji coach_h yoa duana õ sehe yoaga”, ni buhei sã m_{usare}. Sã ã buheri baharo sã buheriro seheta yoayuhti m_{usa}. M_{usa} ã yoariro seheta yoa namoga. Tíre tuaro yoa dutija m_{usare}.

² Jesu mari pãhtoro to buhe dutiro mehne m_{usare} sã buherire noano masina

m_{usa}. ³ Ahrire m_{usare} yahu namoihtja: M_{usa} õ sehe jich_h cahmana Cohamac_h: Ñaare yoeraina, Cohamac_h yare yoaina jiga. ã jina numia mehne ñano yoena jiga. M_{usa} cãh_h numia m_{usa} mehne ñano yoena tjiga. ⁴ Ñano yoapero marieno, ño payoro mehne m_{usa} namosãnumiare cãh_{aga}. Cohamac_h m_{usa} tíre masich_h cahmana. ⁵ Cohamac_hre cahmaeraina Cohamac_hre masieraina ñaare goa pjaa, numia mehne ñano ti yoariro seheta yoena tjiga m_{usa} cãh_h. ⁶ M_{usa} ã yoach_h cahmaerara Cohamac_h to yairore m_{usa} coy_{ei}rore m_{usa} ñano yoerahto sehe. M_{usa} ã ñano yoana m_{usa} coy_{ei}rore y_hh_dg_hcana nica. Mari pãhtoro Cohamac_h tí ñaare ti yoach_h ñano buhiri dahrehtiro jinocanota nina. ã jina tíre yahu tuhs_h m_{usare} “Tí buhirire buhiri tiri”, nina. ⁷ Ñaare yoah_{ti}na cjihtire beserari jire marine Cohamac_h. Ñaare yoeraina cjihtire beseri jire marine. ⁸ ã jina jipihtina m_{usa} ahri sã buherire y_hh_dg_hcana, masa ya buhea sehere y_hh_dg_hcana nierara m_{usa}. Cohamac_h ya sehere y_hh_dg_hcana nina. Tiro m_{usare} Espí_{ri}tu Santore wariro jira.

⁹⁻¹⁰ M_{usa} coy_{ea}re Jesu yainare m_{usa} cahĩ_{ti}re Cohamac_h m_{usare} buhe tuhs_hri jire. To ã buhech_h potocãta Jesu yainare Macedonia macainare jipihtinare noano cahĩna m_{usa}. M_{usa} ã cahĩ_{ch} ñ_hna “M_{usa} coy_{ea}re cahĩga”, ni buheraja m_{usare}. Tinare cahĩ tuhs_hra m_{usa}. ã ni buhe namoerapanah_{ta} ahri sehere m_{usare} dutija. Mip_{ure} painare m_{usa} cahĩno seheta cahĩ namoga m_{usa}. ¹¹ ã yoa m_{usa} basi cahma ñ_h tuhtiro marieno jiga m_{usa}. Painare soro ni durucuena tjiga. ã ñ_hnocahga tinare. ã jina m_{usa} ya dahraa sehere noano dahraga. Panop_{ta} m_{usare} ã yoa dutii. ¹² ãta yoaga m_{usa}, paina m_{usare} ti ño payohto sehe, paina yare m_{usa} cariboerahto sehe.

Ahri yahpap_hre Jesu to tjua tahtore yahuha Paulo

¹³ Coy_{ea}, mip_{ure} yariarina cji_{ri}re yahuihtja m_{usare}: Jesure cahmaeraina Cohamac_h cahap_h wahasi. ã jia tina

mehne macaina ti yariach_u ñ_ua tuaro cahyara. Yariarina cjiri ti wahahtore quihõno noano m_usa masich_u cahmaja sã, paina ti cahyariro seheta m_usa cahyaerahto sehe. ¹⁴ Jesu to yariari baharo masa m_ujari jire. “Ti potocãta jira”, nija mari. ã niina jina ahri cãh_ure “Potocãta jira”, nija mari. Cohamac_u sehe to yaina cjirire yariarina cjirire masa m_ujach_u yoaro, baharop_u Jesu mehne na tarohca. Tí cãh_ure “Potocãta jira”, nija mari.

¹⁵ Jesu to tjua tach_u to yaina yariarina cjiri catiina pano masa m_uja m_uhtaahca. Mari p_uhtoro Cohamac_u ya yahua tjira ahri. ¹⁶ Õ sehe jirohca Jesu to tjua tach_u: Mari p_uhtoro to basi tuaro sañurucu m_uhtanohca. ã jiro to anjoa p_uhtoro tuaro pisurohca. ã to pisuch_u Cohamac_u to corneta bisiro coa tarohca. Ti ã yoach_u Jesu yaina yariarina cjiri masa m_uja m_uhtaahca. ¹⁷ Baharo catiinare, yariarina cjiri mehne Cohamac_u m_uanop_u me yehsea cururip_u m_ujach_u yoarohca. To ã yoach_u mari p_uhtoro Jesure piti bocanahca mari. ã piti bocana jipihtia dachoripe mari p_uhtoro Jesu mehne jirucunahca mari. ¹⁸ Ahri y_u yahurire m_usa mehne macainare yahuga. ã ni yahuna wahchenahca m_usa jipihtina.

5

¹ Y_u coyeya, Jesu to tjua tahti dachore “Ahri dachoi tjua tarohca” ni, m_usare yahu joarocaró cahmaerara. ² Mip_u m_usa masino seheta to tjua tahti dachore marine masihto basioerara. Yacariro ñamip_u wac_uenoca to yacaro taro seheta ahri yahpap_ure mari p_uhtoro wac_uenoca tjua tarohca. Ahrire m_usa basita noano masina. ³ “Mip_ure mari noano jinocaja. Cuaro mariahna marine”, masa ti ni wac_uch_u dóicãta ñano waharohca tinare. To ã wahach_u tina duhti masisi. Niji wahcõricoro wac_uenoca to pur_uno tãhoturo seheta wac_uenoca ã waharohca masare. ⁴ Y_u coyeya, m_usa sehere ã wahasi. Yacariro wãh_u p_urore to c_uoriro seheta m_usa sehere ã wahasi. Jesu taro m_usare c_uosi. Nahitianoí jiina ti ñ_u masieraro seheta paina Jesure ne masierara. M_usa sehe tina yoaro sehe jierara. ⁵ M_usa jipihtina Jesu

yaina jira. ã jina buhriaroi ti ñ_u masino seheta Jesu to tahtore masina m_usa. Paina nahitianoí jiina seheta tirore masieraina yoaro sehe jieraja mari. ⁶ ã jina car_uina yoaro sehe Cohamac_ure tãho n_un_ueraina jiena tjijihna mari. Paina ãta yoara. Tina yoaro sehe yoarena tjijihna mari. Car_ueraina yoaro sehe quihõno yoaina, noano wac_u masiina jijihna mari. ⁷ Car_uina ñamip_u car_uina. ã jia cahaina ñamip_u cahara. ⁸ Mari sehe buhriaroi jiina yoaro sehe Jesure masiina jina, noano wac_u masiina jijihna. ã yoa surara comaa suhtiro mehne to cutirore to sãa d_ucatariro seheta Cohamac_ure wac_u tuaga m_usa, wat_uno_ure to d_ucatahto sehe. ã yoana Cohamac_ure, paina cãh_ure cah_uga. M_usa ã yoach_uta Cohamac_u m_usare ñ_u wihborohca. ã jina m_usare pichacap_u wahaborinare Jesu to yãhdohtore “Potocã tjira”, niga m_usa. M_usa ã niina jich_u surara to dapure comaa chapea mehne to pisa d_ucatariro seheta wat_uno_u m_usare to ñano yoa duach_u Cohamac_u tirore d_ucatarohca. ⁹ To buhiri dahrehtinare marine beserari jire Cohamac_u. Jesucristo mari p_uhtoro pichacap_u wahaborinare to yãhdohtina cjihtire marine beseri jire tiro. ¹⁰ Jesu mari ya cjihtireta yariari jire tiro mehne mari jihto sehe. Catiina, yariaina cãh_u tiro mehneta jiahca. ã jina jipihtina tiro mehne jinahca mari to yaina jina. ¹¹ ã jina m_usa mehne macainare mip_u m_usa wahchech_u yoariro seheta m_usa basita wahchech_u yoaga tjoa. ã yoana m_usa basita Cohamac_ure wac_u tua namoch_u yoaga m_usa mehne macainare.

Jesu yainare Paulo yahu batoaha

¹² M_usare buheinare, Cohamac_u dutiare m_usare yahuhtinare mari p_uhtoro buhe dutiro taro beseri jire. To ã ni beserinare noano ño payoga m_usa. M_usa ã ño payoch_u cahmac_u tuaro dutija m_usare. ¹³ Ti dahraare ti yoach_u tinare cah_u mehne noano ño payoga. ã yoa m_usa mehne macaina mehne cahmacheno marieno jiga.

¹⁴ M_usare sã coyeyare, ahrire tuaro dutija: Dahra duaerainare dahra dutiga m_usa. Cahyainare wahchech_u yoaga m_usa. Jesure wac_u tuaera cureinare

yoadohoga. Tina jipihtina mehne noano suaro marieno ji coaro jiga m̄sa.

¹⁵ Cãiro m̄sare to ñano yoach̄ ñ̄na tirore ñano yoa cahmaena tjiga. ã jina m̄sa mehne macainare, jipihtina paina cãh̄re noano yoaga.

¹⁶ ã yoana dachoripe ã wahcherucuga m̄sa. ¹⁷ ã jina Cohamac̄re ã sinirucuga dachoripe. ¹⁸ M̄sa ñano ȳhd̄panahta Cohamac̄re wahche, “Noana”, niga. M̄sa noano ȳhd̄ri p̄ja cãh̄re “Noana”, niga tirore. ã nina Cohamac̄ to cahmano se-heta yoana nica m̄sa. Cristo Jesu yaina m̄sa jich̄ ñ̄no m̄sa ã nich̄ cahmana tiro.

¹⁹ Esp̄ritu Santore ȳhti duaeraina jiena tjiga. ²⁰ Esp̄ritu Santo to masia mehne paina sehe m̄sare buhera. Ti ã buhech̄ tí buheare cahmaeraina jiena tjiga. ²¹ Paina m̄sare soro ti ni buhech̄ tí Cohamac̄ ya jierach̄ masiga m̄sa. ã jina Cohamac̄ ya buhea ti jich̄ cãh̄re masiga m̄sa. ã masina noaa buhea dihtare cahmaga. ²² ã yoana jipihtia ñ̄are cahmaena tjiga m̄sa.

²³ Cohamac̄ marine noano jich̄ yoariro jira. Tiro to basi m̄sare to yainare noaina ñ̄aa marieina jich̄ yoa namojaro m̄sare. M̄sa p̄jac̄ri cãh̄re m̄sa catia cãh̄re noano ñ̄ wihbojaro. Mari p̄h̄toro Jesu-cristo ahri yahp̄are to tjua tahto pano m̄sare Cohamac̄ noano ñ̄ wihbojaro ñ̄are m̄sa yoerahto sehe. To ã yoach̄ Cristo to tach̄ ñ̄aa marieina jinahca m̄sa. ²⁴ ãta jich̄ yoarohca Cohamac̄. Tiro m̄sare beseriro to niriro seheta yoara.

Paulo cãh̄ noa dutirocaha

²⁵ Sã ya cjihtire Cohamac̄re sini payoga m̄sa, sã coyea.

²⁶ M̄sa mehne macainare noano mehne piti bocasiniga.

²⁷ Jipihtina Jesu yainare ahri tjure buhega m̄sa. Jesu mari p̄h̄toro to dutia mehne ahrire m̄sare dutija ȳh̄.

²⁸ Jesucristo mari p̄h̄toro to cah̄a mehne m̄sare noano yoajaro.

2 Tesalonicenses

*Paulo cãhũ joarocaha Jesu yainare
Tesalónica macainare*

¹ Yũhũ Paulo, Silvano, Timoteo cãhũ ahrire m̃sare joarocaja tjoa. M̃sa sehe Tesalónica macaina mari Pũcũ Cohamacũ yaina jira. Mari pũhtoro Jesucristo yaina cãhũ jira m̃sa. ² ã jina Cohamacũ mari Pũcũ, mari pũhtoro Jesucristo mehne m̃sare noa dutija. Cohamacũ yoadohoa mehne noano jiga m̃sa.

*Ahri yahpãre Cristo tjua taro buhiri
dahrerohca*

³ Cohamacũre sinina Jesure m̃sa wacũ tuaare wacũna “Noabiara sãre”, nirucuja sã Cohamacũre. Sã ã nichũ noa nina. Dachoripe Cohamacũre m̃sa noano wacũ tua namona niyuhca. ã yoana dachoripe m̃sa mehne macainare cahĩ namona niyuhca m̃sa. ã jichũ Cohamacũre “Noabiara sãre”, sã nichũ noa nina. ⁴ Paina m̃sare ñano ti yoapachũta Jesure wacũ tuarucuyuhca m̃sa mipũ cãhũre. ã yoa tirore wacũ duhuerayuhca. M̃sa ã yoachũ ñũna tíre m̃sa yoarire paina Cohamacũ yainare wahchea mehne yahuja sã. ⁵ ã wacũ tuarucuna Cohamacũ mari pũhtoro yaina m̃sa jiri buhiri ñano yũhdũna niyuhca m̃sa. ã jiro pũhtoro Cohamacũ to sũho jiropũre waha dutira m̃sare. To ã dutichũ to quihõno yoariro jichũ masija mari.

⁶ ã yoa Cohamacũ quihõno yoariro jira. ã jiro m̃sare ñano yũhdũchũ yoaina sehere ñano yũhdũchũ yoarohca tiro. ⁷ ã yoaro m̃sa ñano yũhdũrina cjiri jichũ tiro m̃sare noano jichũ yoarohca. Sã cãhũre noano jichũ yoarohca. Mari pũhtoro Jesu to yaina anjoa tuaina mehne, picha pohna mehne m̃sanopũ bajuaro noano jichũ yoarohca marine, ñano yũhdũrina cjirire. ⁸ ã yoa Cohamacũre masierainare, mari pũhtoro Jesu to buheare noaa buheare yũhdũrcarinare Cohamacũ buhiri dahrerohca. ⁹ Cohamacũ tinare õ sehe buhiri dahrerohca: Pichacapũ tina ñano yũhdũrucuahca. ã jia tina tuariro mari

pũhtoro Jesu cahai ne ji masierara. ã jia tua yũhdũariro to jiare ñusi tina. ¹⁰ ãta waharohca tí dachoi Jesu to tjua tahti dachoi. Tí dachoihta tiro tarohca noaina tirore wacũ tuaina “Noariro, tuariro jira Jesu”, ni wahchea mehne ti ño payohto cjihtore. M̃sare sã buherire m̃sa noano tũhore. (ã jina m̃sa cãhũ tiro mehne jinahca.)

¹¹ ã jina Cohamacũre ã sini payorucuja sã m̃sa ya cjihtire. Õ sehe ni Cohamacũre sini payoja sã: To cahmano seheta yoahtinare m̃sare to cũriro seheta m̃sa jihtina cjihtire sini payorucuja sã m̃sare. M̃sa noaina ji duanata niyuhca. ã jina Cohamacũ to tuaa mehne noaina m̃sa ji duariro seheta m̃sa jikti cjihtire sini payorucuja sã. M̃sa Cohamacũre wacũ tuayuhca. ã wacũ tuana to yare yoayuhca m̃sa. Tíre m̃sa noano yoa namohti cjihtire Cohamacũre sini payorucuja sã m̃sare. ¹² ã yoana mari pũhtoro Jesucristore painare ño payochũ yoanahca m̃sa. M̃sa ã yoachũ Jesucristo yaina m̃sa jichũ ñũna paina ño payoahca m̃sare. Cohamacũ to cahĩa mehne, mari pũhtoro Jesucristo cãhũ to cahĩa mehne ã waharohca.

2

Ñano yoarucurirore yahuha Paulo

¹ Mipũre mari pũhtoro Jesucristo ahri yahpãre to tjua tahtore, tirore mari cahmachu mari piti bocahtore yahu namo duaja yũhũ. Õ seheta tuaro yahu duaja m̃sare, sã coyea: ² Paina m̃sare õ sehe niboca: “Mari pũhtoro to tjua tahti dacho, pihtiri dacho jiropũ nina”, niboca m̃sare. Tí ã nichũ tũhona, tũho cãaena tjiga. ã yoa tũho wisiena tjiga. “Cohamacũ yũhũre ãta niri jire”, niboca m̃sare paio. Pairo cãhũ m̃sare buhero ãta niboca. Pairo cãhũ ãta ni joarocaboca, “Yũhũ Paulo tjija”, ni mahño joarocaró. ³ Paina m̃sare tí ã mahño chũ tũhoena tjiga m̃sa. Tí dachoi ahri yahpa to pihtihto panocã payũ masa Cohamacũre duhuahca. ã jiro tí dachoi ñano yoarucuriro pichacapũ wahahtiro bajuarohca jipihtina tí ñũhtiro cjihtore. ⁴ Tiro

Cohamacu warore, paina bajueraina masa ti ño payoina cãhare jipihtina masare ño payo dutisi ñano yoarucuriro. Tiro õ sehe ni tãhoturohca. “Ahrina jipihtina bui pãhtoro jija yũhũ”, ni tãhoturohca. Æ jiro Cohamacu wũhũi dujuro “Yũhũ sehe Cohamacu jija”, ninohca.

⁵ Mũsa mehne jisinicu tíreta yahui. ¿Tíre wacũerajari mũsa? ⁶ Mipũre paio sehe ñano yoarucurirore ne ji dutierasinina. Æ yoa tirore ji dutierarirore masina mũsa. Tiro sehe to dutichũ to quihõri dacho jichũ ñano yoarucuriro bajarohca. ⁷ Mipũre masa ti ñaenoi tiro yoaro seheta paina ñaare yoa tuhsũra. Ti ã yoapachũta ñaare yoa dutierariro to wahahto pano tiro ñano yoarucuriro sehe jisi. ⁸ To wahari baharo pinihtare ñano yoarucurirota bajarohca. Baharo mari pãhtoro Jesucristo tirore yũhdũrcarohca. Ahri yahpapũ to si sitea mehne tjua taro, to dũsero mehne putirocaro, tirore wajã boarohca. ⁹ Ñano yoarucuriro sehe watĩno tuaa mehne taro, payũ bajuamehnerire, mahñoa bajuamehnerire yoa ñonohca. ¹⁰ Payũ ñaa to yoa ñoa mehne to ã mahñochũ pichacapũ wahahtina sehe tirore tũhoahca. Tina sehe noaa buheare cahmaerare. Ti ã cahmaerachũ Cohamacu tinare pichacapũ wahahtinare yũhdosi. Tina pinihta ñano yoarucuriro mahñoriro to yoarire “Potocã tjira”, niahca. ¹¹ Æ jiro noaa buheare ti cahmaerari buhiri Cohamacu tinare wisiomehnenohca. Æ wisiaa mahñoare cahmaahca tina. ¹² Æ jiro jipihtina noaa buheare tũho duaerainare, ñaa dihtare yoa ji coainare tirota buhiri dahrerohca.

“Cohamacu mũsare beseha to yaina jichũ yoaro taro”, ni yahuha Paulo

¹³ Mũsa sã coyeyã, mari pãhtoro Jesu to cahĩina jira mũsa. Dõipũta wahmanopũreta mũsare pichacapũ wahaborinare to yũhdohtina cjihtire Cohamacu beseri jire mũsare. Mũsare beseri jire Espĩritu Santo to tuaa mehne to yaina ñaa marieina mũsare jichũ yoaro taro. Æ jiro noaa buheare “Potocã tjira”, nihtina mũsa jichũ ñũno mũsare beseri jire. To ã beserina mũsa jichũ ñũna Cohamacũre wahche, “Noana”, nirucuja sã. ¹⁴ Noa buheare

mũsare sã buhechũ Cohamacu mũsare beseri jire mari pãhtoro Jesucristo to masa mũjariro seheta mũsa cãhũ mũsa masa mũjahto cjihtore.

¹⁵ Æ jina yũ coyeyã, noano wacũ tuaina jiga mũsa. Æ jina sã durucua mehne sã joarocaa pũri mehne mũsare sã buherire noano wacũga mũsa. Æ yoa tí buheare yũhdũrũcaena tjiga. ¹⁶ Mari pãhtoro Jesucristo to basi, Cohamacu mari Pũcu cãhũ marine cahĩa, jipihtia dachoripe marine wahchechũ yoare. Marine cahĩa marine pichacapũ wahaborinare yũhdoahca. Æ jina Cohamacu to yũhdohtore noano masina wahcheja mari. ¹⁷ Jesucristo, mari Pũcu mehne mũsare noano yoajaro pjĩro mũsa wahchehto sehe. Æ yoa jipihtia noaare mũsa yoahito sehe, mũsa noano durucuhto sehe Cohamacũre mũsare sini payoja.

3

“Sã ya cjihtire Cohamacũre sini payoga”, ni joaha Paulo cãhũ

¹ Mipũ sã coyeyã, sã ya cjihtire Cohamacũre sini payoga mari pãhtoro Jesu to buhea payũ masare sã buhehto sehe. To buheare mũsa noano cahmariro seheta paina cãhũ tí buheare ño payoa mehne ti cahmahto sehe sini payoga mũsa Cohamacũre. ² Cãinata Jesure wacũ tuara. Paina sehe to yare tũho duaeraa, Jesure wacũ tuaerara. Æ jina ñaina masa sãre ti ñano yoa duachũ Cohamacũre sini payoga mũsa sãre to yoadohohto sehe. ³ Mari pãhtoro Jesu to niriro seheta yoariro jira. Æ jiro mũsare tirore wacũ tuachũ yoarohca. Æ yoa tuhsũ, watĩno mũsare to ñano yoa dutichũ tiro mũsare yoadohorohca. ⁴ Cohamacu mũsare to yoadohorire masija sã. Æ jina mũsare sã dutiro sehta mũsa yoachũ cãhare masija sã. Æ yoa ãta yoarucunahca mũsa. Tí cãhare masija sã. ⁵ Cohamacu mũsare to cahĩare mũsare masichũ yoajaro. Æ jina Cristo yoaro sehe ñano yũhdũpanahta cũno pjaina jichũ yoajaro mũsare mari pãhtoro.

Marine tuaro dahraro cahmana

⁶ Jesucristo mari p̄htoro to dutiro mehne õ sehe ni dutija m̄sare: Jesu yainare dahra duaerainare, m̄sare sã buheriro seheta yoaerainare, tinare piti tiena tjiga. ã ñnocahga tinare. ⁷ Sohõ jiri pja m̄sa mehne sã jich̄ tuaro sã dahrach̄ ñure m̄sa. ã jina sã yoariro seheta m̄sa c̄h̄ure dahraro cahmana. Tíre noano masina m̄sa. ⁸ ã jina m̄sa ch̄are wapa marieno ch̄erahi sã. ã yoa dachop̄ure, ñamip̄ c̄h̄ure tuaro dahrai sã “M̄sa ch̄are sã siniri”, nina. ⁹ Sã buheri wapa m̄sare wapa cahmaboa sã. ã wapa cahmaborina jipanahta wapa cahmaerana tuaro dahrai sã, m̄sa sehe sãre m̄sa ñ̄ c̄h̄to sehe. ¹⁰ M̄sa mehne jina, õ sehe ni buhei m̄sare: “Dahraeraina ch̄ea tjijaro”, ni buhei sã m̄sare. ¹¹ Cãina m̄sa mehne macaina ne dahra duaerayuhca. ã dahra duaeraa, painare ã yahu wajamacanoca, caribobiaro yoayuhca tina. ¹² Mari p̄htoro Jesucristo to dutiro mehne ã dahra duaerainare õ sehe nija: Noano wahchea mehne dahrajaro tina ti noano jihto sehe, ti ya ch̄are ti ch̄to sehe.

¹³ Sã coyera, m̄sa sehe noaare yoarucuna pumena tjiga. ¹⁴ Cãina tó macaina ahrire sã joarocarire ȳhd̄ur̄caboca. Ti ã yoach̄ ti yoarire noano ñ̄ga. ã ñ̄na tinare piti tiena tjiga ti b̄oro wahahto sehe. ¹⁵ ã piti ti duhupanahta tinare ñ̄ tuhtiena tjiga. Tina m̄sa coyera, Jesu yaina tjira. Ti ã jich̄ ti ȳhd̄ur̄carire yahuga tinare tíre ti yoaerahto sehe.

Paulo tinare noa duti batoaha

¹⁶ Mari p̄htoro Jesu marine noano jich̄ yoariro mehne dachoripe noano jirucuga m̄sa. ã jic̄ “Mari p̄htoro m̄sa jipihtina mehne jirucujaro”, nic̄ m̄sare noa dutija.

¹⁷ Ȳh̄ Paulo, ȳ wamomaca mehmeta mip̄ure ȳ basita joa batoai nija: ã joac̄ m̄sare noa dutija. Jipihtia ȳ joarocaa p̄rine õ sehe dihta ȳ wamomaca mehne joa batoaja ȳh̄. Ȳ õ sehe dihta ȳ joa batoach̄ ñ̄na ȳ joarocari p̄ to jich̄ masinahca m̄sa. ¹⁸ Mari p̄htoro Jesucristo to cah̄a mehne noano yoajaro m̄sare jipihinare.

1 Timoteo

Paulo Timoteore joarocaha

1-2 Yuhũ Paulo ahrire mũhũre Timoteore joarocaja. Cohamacũ marine pichacapũ wahaborinare yũhdoriro jira. Jesucristo yare buhe dutiro to cũriro jija yũhũ. To Pũcũro, to Macũno Jesu mehne ti dutiriro seheta ti cũriro jija yũhũ. Jesuta marine yũhdora. ã jina marine to yũhdohtore masina, tíre cohtaja mari. Mũhũre Timoteore Jesu yare buhei. Yũ ã ni buhechũ tũhocũ Jesure wacũ tua dũcare mũhũ. ã jicũ mũhũ potocãta yũ macũ yoaro sehe jicũta nina. Cohamacũ mari Pũcũ mehne, mari pũhtoro Jesucristo mehne mũhũre noa dutija. ã yoa mũhũre cahĩa, pja ñũa ti yoadohoa mehne noano jiga mũhũ.

Paulo mahñoa buheare buhe dutieraha

3 Sohõ jiri pjare Macedonia yahpapũ wahacũ mũhũre Efesoĩ cũ yũhdũ wahcãĩ. Tóĩ cãina ti ya buheare mahñoa buheare buheina jire. Tí buheare mũ buhe dutierahitiro cjihtore cũi yũhũ mũhũre. 4 Tina ti mũ sũro ã buhemacanocahna. ã yoa ti coyera panopũ macaina cjiri ti mũ sũro ti buherire ã buherucura. Tí buhea mehne paina mehne cahma sayorucura. Cohamacũ marine to dutirire noano yoachũ yoarerara tina ã buhea. Cohamacũ ya sehere yoana tirore wacũ tuaja. ã jicũ ti mũ sũro ti buherire buhe dutierahitiro cjihtore cũi mũhũre.

5 ã cũi mũhũre Jesu yaina painare ti cahĩhti cjihtire. Ñaa buhiri mariea mehne, noaa wacũa mehne, potocã Cohamacũre wacũ tuaa mehne painare ti cahĩhti cjihtire ã cũi mũhũre. 6 Cãina ahri noaa buheare cohã tuhsũ paye buhea sehere cahmana tjoa. ã ti cahmachũ, tí buhea sehere ti cahma sayochũ tó wahaerara. Tí buheare ti cahma sayoa yaba cjihti jierara. 7 Tina Cohamacũ dutiare buheina ji duamana. ã buhe duapahta tí buheare tina ti basi noano masierara. Tí buheare masiina yoaro sehe buhepahta tí buheare ne masierara tina.

8 Cohamacũ dutiare Moise cjiro marine to cũri cjirore quihõno mari buhechũ noaa dutia jira. Tíre mari noano masija. 9-10 Tí dutiare buhena ahrire masino cahmana: Tí dutia noaare yoainare ti buhehti cjihti jierara. Ahrina sehere ti buhehti cjihti jira. Pũhtoare cohã duainare, dutiare yũhdũrcainare, ñaa dihtare yoainare, ñano buhiri tiinare, Cohamacũre ño payoerainare, Cohamacũ yare cahmaerainare, ti pũcũsumare wajãinare, ti pocosãnumia cũhũre wajãinare, paina masare wajãinare, numia mehne ñano yoainare, mũa mehne ñano yoaa numiare, cahma numia mehne ti ñano yoariro seheta mũa sahsero o numia sahsero jipahta ti pjacũri mehne ñano yoainare, masa pohnare paina cũhũre duhti yacainare, mahñoinare, painare mahñoa mehne yahusãinare Cohamacũ dutia Moise cjiro marine to cũri cjiri sehe tinare buhehti cjihti jira. ã yoa paina jipihtinare noaa buheare yũhdũrcainare buhehti cjihti jira Cohamacũ to dutia. 11 Tí buhea noaa buhea sehe noariro Cohamacũ to ya buheata jira. Tí buhea sehere yũhũre Cohamacũ buhe dutire.

Cohamacũ Paulore to pja ñũare yahuha tiro

12 ã yũ buhechũ Jesucristo mari pũhtoro yũhũre tuaare waro yũhũre yoadohora. “Paulo noano buherohca yũ yare”, ni tũhoture Jesu yũhũre. ã jiro yũhũre besero tirore yoadohohtiro cjihtore cũre yũhũre. To ã yoachũ “Noana”, nija yũhũ tirore. 13 Tó panopũre Cristore yũ ñano durucupachũta, to yainare ñano yũ yoapachũta, tiro yũhũre beseri jire. Tirore masierasinicũ tirore ñano yoacũ “Ñano yoai nica yũhũ”, ni tũhotueracũrũ. Yũ ã masierasinicũ ñano tiro pja ñũare yũhũre. 14 ã pja ñũno, Cohamacũ mari pũhtoro yũhũre tuaro cahĩno, noano yoare yũhũre. ã yoa Cristo Jesure wacũ tuachũ yoare yũhũre tiro. ã yoaro painare cahĩchũ yoare yũhũre Cohamacũ.

15 Yuhũ sehe paina yũhdoro ñaa yũhdũariro jimai. Ñaina mari jipachũta Jesucristo ahri yahpapũ tari jire ñainare

pichacapu wahaborinare yuhdohtiro cjihto. Tí potocã tjira. To ã jiriho jichu jipihtina tíre masijaro. ¹⁶ Ñaa yuhduariro yu jipachata tiro yuhure pja ñure. Ña pja ñano Jesucristo suaro marieno yuhure to noano yoirere masichu yoaro nire painare baharo tirore wacũ tuahtinare masichu yoaro taro. Ña wacũ tuahtina manopu ã jirucuahca. ¹⁷ Cohamacu jipihtia dachoripe masa bui puhtoro jira. Tiro ne yariaerara. Mari mehne to jipachata tirore ñeraja mari. Tiro dihta Cohamacu waro jira. “Potocãta noariro, tuariro jira tiro”, nijihna tirore. Jipihtia dachoripe tirore ño payojihna. Ña yoajihna.

¹⁸ Timoteo, yu macu yoaro sehe jira mahu. Ña jicu mipure ahire mahuare dutija: Mari coyera Jesu yaina Cohamacu yare yahu mautaina baharo mu yoahire ti ni mahtariro seheta mahuare dutija. Cristo yare noano yahurucuga. Ña yoa ñano yuhdupaihta tirore wacũ tua duhui tjiga mahu. Tuhsu, to yare quihõno buherainare poto yahuga duhuro marieno. ¹⁹ Jesure ã wacũ tuarucuga. Ñaa buhiri marieriro jiga. Noaa dihtare yoaga. Cãina tíre yoeraa Jesu yare cohãna. Ña cohãna tirore wacũ tua duhure. ²⁰ Ña yoare Himeneo, Alejandro mehne. “Watino to cahmano seheta yoawahnojaru musare”, ni cũi tinare, ñano Cohamacu ti durucu namoerahto sehe.

2

Cohamacu sine payoare yahuha Paulo

¹ Mipure õ sehe ni dutija musare. Ahri wiho waro jierara: Jipihtina ya cjihtire Cohamacu sine payoga. Ña sine payona “Noana. Wahcheja”, niga Cohamacu. ² Puhto, paina masa bui dutiina cuhu ti ya cjihti cuhure Cohamacu sine payoga, cahmacheno marieno Cohamacu ño payoaina mari noano jihto cjihtore. Ña sine payona mari Cohamacu cahmaare, quihõno yoaina noano ji masija. ³⁻⁴ Tó sehe paina ya cjihtire mari sine payochu noa nina. Tíre mari yoachu ñano Cohamacu marine yuhdohtiro sehe marine noano ñu jicoara. Jipihtina pichacapu wahaborinare to yuhdoina jichu cahmana Cohamacu. Ña yoa

noaa buheare ti masichu cahmana tiro. Ña jiro paina ya cjihtire mari sine payochu wahchera tiro. ⁵ Cãirota jira Cohamacu. Ña yoa Cohamacu mari ñu tuhtichu Cohamacu cuhu marine to ñu tuhtichu bosariro cãirota jira. Tiro masuota jiriho, Jesucristota jira. ⁶ Wapamonore waparo seheta jipihtina ti ñaa yoari buhirere yariari jire tiro. Cohamacu to quihõri pjai tíre masare masichu yoari jire. ⁷ Tíre yahuhtiro cjihtore, Jesu to cũihtiro cjihtore tiro yuhure beseri jire. Judio masa jierainare Jesure wacũ tuaare, noaa buheare buhehtiro cjihtore beseri jire yuhure. Potocãta musare yahui nija yuh. Mahnoeraja.

⁸ Cohamacu yare noano yoaina jipihtiro macaina sehe Cohamacu ti sinichu cahmaja. Ña yoa tina suaro marieno, cahma sayoro marieno tiro mehne ti durucuchu cahmaja. ⁹ Ña yoa, numia sehene carera numia yoaro seheta ti suhti tiina jichu cahmaja. Ña jia soro bajua pjoari ti pjoarere yoaea tjijaro. Uru dari busaa darere perla yapari dari cuhure busaea tjijaro tí numia painare “Goa pjachu yoari”, nia. Ña yoa wapa bujua suhtire sãaea tjijaro tina Jesu ya numia. Painare goa pjachu yoaa numia jiea tjijaro. ¹⁰ Ña yoa tí numia noaa sehene yoajaro. Ña yoaro cahmana “Cohamacu ya numia jija”, nia numiare. ¹¹ Dihta marieno ño payoa mehne buheare tuhojaro tí numia. ¹²⁻¹⁴ Ña jia numia muare buhea tjijaro. Ña yoa muare dutiea tjijaro. Tí numia sehe dihta mariea numia jijaro. Adãore Cohamacu bajuamehne mahtari jire. To baharo Evare bajuamehneri jire. Ña yoa watino to mahnochu tuhoriro Adão jierari jire. To mahnochu tuhoricoro sehe Eva jiri jire. Ña to mahnochu tuhoro, Cohamacu yuhducaricoro wahari jire ticoro. Ña jia numia sehe muare dutiea tjijaro. ¹⁵ Numino ji mahtaricoro to yuhducapachata numia ti pohna tichu ñano tinare Cohamacu yoadohorohca. Tí numia pohna tia numia sehe Cohamacu ti wacũ tuarucuchu tiro yoadohorohca tinare. Ña yoa masare, Cohamacu cuhure ti cahrucuchu, noaa numia ti jirucuchu,

quihõno yoaa numia ti jichu Cohamacu tinare yoadohorohca.

3

Jesu yaina puhto ti yoahdire yahuha Paulo

¹ Masa Jesu yaina puhto ji duaa, noaare yoa duaa nica tina. Tí potocãta jira. ² Jesu yaina puhtoare besecu õ sehe jinare besega: Buhiri marieinare besega “Paina tinare ñano ni yahusãri”, nicu. ã yoa cãa numiata namo tiinare, noano tuho masiinare, quihõno yoainare, paina ti ño payoia, masare wahchea mehne ti wuhure sãa ta dutiinare, painare noano buhe mihniinare besega muhu. ³ ã besecu cahaerainare, cahmacherainare, masare noano yoainare, cahma sayoerainare, niñerure cahierainare besega muhu. ⁴ ã yoa mu beseina ti ya wuhu macainare noano yahuina, ti pohnare noano ño payoa mehne yuhtichu yoaina, noano yahuina jijaro. ⁵ Tinare yuhtichu yoa masieraa, noano yahu masieraa, Jesu yaina cãhure noano yahu, yuhtichu yoa masieraboca tina. ⁶ Jesu yaina puhto ji duaina Jesu yaina wahma sãaina jia, tina puhto ji masierara. Wahma sãainare Jesu yaina puhto masa cũchu tina “Noa yuhduaina jija”, ni tuhotuboca. Ti ã ni tuhotuchu Cohamacu tinare buhiri dahre dutirohca watĩnore to yoariro seheta. Watĩno cũhu ãta ni tuhotua timaha Cohamacure yuhduaraca duaro. ⁷ ã yoa puhto ji duaina Jesu yaina jieraina ti ño payoia jiro cahmana tinare. Noano yoaina ti jichu ñua paina ño payoahca tinare. ã jia masa tinare ñano quitu dahresi. ã jiro watĩno tinare dojomehne masisi.

Jesu yainare yoadohoina ti yoahdire yahuha Paulo

⁸ ã yoa Jesu yainare yoadohohtina sehere besecu õ sehe jinare besega: Tina masa ti ño payoinare, noano potocãta durucuinare, cahaerainare, niñerure cahierainare, mahñoa mehne wapata du-aerainare, ⁹ Cohamacu to yahuri buhea to nino seheta yoainare, ñaa buhiri marieinare besega muhu. ¹⁰ Tinare mu

besehto pano Jesu yainare yoadohoina ji duainare ti yoarire ñuga muhu. Tinare mu ã ñuri baharo tina sehe ñaa buhiri marieina, ñaare yoeraina jia, Jesu yainare yoadohoina sãajaro tina. ¹¹ ã yoa ti namosãnumia õ sehe ti jichu cahmaja mari. Masa ti ño payoa numia, masa noaa numia, ñano quitu dahrera numia, tuho masia numia, jipihtiare noaare yoarucua numia ti jichu cahmaja mari. ¹² Jesu yainare yoadohohtinare besecu cãa numiata namo tiinare, ti pohnare paina ti wuhu macaina cãhure noano yuhtichu yoainare besega. ¹³ ã jia mu beseina Jesu yainare ti yoadohochu paina tinare noano ñu ji coahca. ã jia tina yoadohoina sehe noaa buheare, Jesucristore ti wacũ tuua cãhure cuiro marieno buheahca tina.

Cohamacu ya buheare yahuha Paulo

¹⁴⁻¹⁵ Mipure mu cahapu waha duai ni-maja. ã waha duapaihta mipure wahaerasinicu ahri pũu yahu, mũhure joarocai nija. Jesu yaina cahmachuina watoi mũsa dohse yoahdire mũhure yahu joarocai nija, “Michapucaca yuhu wahaerasiniboca”, nicu. Jesu yaina Cohamacu catiriro yaina jira. To yaina potocã jia buheare Cohamacu ya buheare cjuara. ã cjuaa, tíre buherucura. ¹⁶ Ahri potocã tjira. Marine Cohamacu to buheri cjiri, panopu mari noano masierari cjiri noa yuhduu buhea jira. Ahri buhea õ sehe jira: Tiro Cristo mari pjacu seheta pjacu tiriro masa bajuari jire. Noariro, ñaa marieriro to jichu ñore Espiritu Santo sehe. Anjoa cãhu tirore ñuri jire. ã yoa buhe duti to cũrina paye yahpari macainare to yare buhei sã. ã jia ahri yahpai masa payu tirore wacũ tuare. Baharo muanopu Cohamacu naahre tirore. Tí jira noaa buhea.

4

Noa buheare cohãrina cjirire yahuha Paulo Timoteore

¹ Espiritu Santo ahrire noano yahura: Pihitiri dacho panocã cãina masa Jesu ya buheare cohãhca. ã cohãa mahñoa buheare

watía ya buhea sehere tũho nũnũahca tina. ² Tí buheare mahñorucuina yahuahca masare. Tina mahñorucuina sehe “Ñaa buhiri mariahna sãre”, ni tũhotuina jira. Æ jia tina ti ñaa yoare ne tũhotuerara. ³ Õ sehe ni buheahca tina: “Namo tienã tũjiga. Ahri chũare chũena tũjiga”, ni buheahca tina. Ti ã chũ dutierapachũta Cohamacũ chũare bajuamehnenõ mari chũhti cjihtire noare cũri jire tiro. Mari Cristore wacũ tuaina jichũ noaa buheare mari masina jichũ, mari ya cjihtire tí chũare bajuamehnea tiri jire tiro. Tí chũare cjuana tirore “Noana”, mari nichũ cahmana tiro. ⁴ Jipihtia Cohamacũ to bajuamehneri cjiiri noaa jira. Æ jina to bajuamehneri chũare nana, Cohamacũre “Noana” nina, tíre marine cohãeraro cahmana. Tíre marine chũ ji coaro cahmana. Æ jicũ paina ti chũ dutierachũ tũhoecũ tũjiga tinare. ⁵ To bajuamehnea noaa ti jichũ yahu tuhsũa tiri jire Cohamacũ. Æ jia tirore “Noana”, mari ni wahcheri baharo tí chũa to yoari chũa noaa warõ jia nina.

Jesucristore dahra cohtarirore noarirore yahuha Paulo Timoteore

⁶ Ahri yũ yahurire Jesu yainare mari coyeare buhecũ Jesucristore dahra cohtariro noariro jira mũhũ. Æ buhecũ noaa buheare, quihõno mũ tũhõri cjiire mũhũre ti yahuriro seheta noano mũ masirire yahuriro jiihca mũhũ. ⁷ Æ jicũ ti mũ sũro ti buherire, Cohamacũ ya jieraare tũhoi tũjiga. Cohamacũ cahmaa sehere yoaporiro jiga mũhũ. ⁸ Mũ mũrocaporochũ noa curera. Mũ mũrocaporiro yũhõro Cohamacũ cahmaare mũ yoapochũ noa yũhdũara mũhũre. Cohamacũ cahmaare yoapocũ mipũre noano jiihca mũhũ. Mũ yariari baharõpũ cũhũre masa mũjacũ noano jiihca mũhũ. ⁹ Tí potocãta jira. Jipihtina tíre yũ nirire masiinare “Potocãta jira”, nino cahmana tinare. ¹⁰ Jipihtina tíre ti nihti cjihtire Cohamacũ cahmaare ti yoahiti cjihtire mari tuaro dahraja. Æ jina ñano yũhdũja mari, paina marine ñano ti yoachũ. Cohamacũ catiriro, jipihtinare pichacapũ wahaborinare yũhdõro jira. Tirore wacũ

tuaina pinihtare tiro yũhdõrohca. Æ jina to yũhdõhto cjihtore masina, cohtaja mari.

¹¹ Ahri jipihtia yũ nirire dutiga Jesu yainare. Æ yoa tíre buhega mũhũ. ¹² Wahmũno mũ jichũ ñũa paina Jesu yaina mũhũre yũhdũrũca duaboca. Ti ã yoerahto sehe õ sehe yoa ñõga tinare. Masare cahĩga. Æ yoa Jesure wacũ tuarucu, buhiri marieriro jiga. Wahmũno jipaihta mũ ã yoachũ ñũa mũhũre yũhdũrũcasi tina. Æ jia mũ durucurire tũhoã, mũ yoarire ñũa mũhũre ñũ cũahca. ¹³ Æ jicũ mũ cahapũ yũ sũhto pano Jesu yainare Cohamacũ yare ti joari pũre buhe tuhsũ, mũsa cahmachupe tahari tinare ã yahurucuga. ¹⁴ Jesu yaina mehne macaina pũhõta Cohamacũ yare yahu tuhsũ mũ bui ti wamomacarine duhu payore. Ti ã duhu payochũ Cohamacũ ya cjihtire mũ yoa masihtõ sehe cũre mũhũre Cohamacũ. To ã cũrire boecũ tũjiga. Æ yoa tíre ã yoarucuga.

¹⁵ Ahri dutiare tuaro cahmaga. Æ cahmacũ ahri dutiare ã yoarucuga mũhũ. Mũ ã yoari baharo noare mũ yoa namochũ jipihtina ñũahca. ¹⁶ Mũhũ sehe noano yoaga, “Soro yoari”, nichũ. Æ yoa noano buhega mũhũ, “Soro buheri”, nichũ. Æ jicũ mũ basita pichacapũ wahaboriro yũhdõro jiihca. Æ jia mũhũre tũhorina cũhũ pichacapũ wahaborina yũhdũrina jiahca.

5

“Paina Jesu yainare õ sehe yoaga mũhũ”, niha Paulo Timoteore

¹ Ne bũcũrore tuhtiecũ tũjiga. Mũ pũcũre mũ noano yoariro seheta bũcũro cũhũre noano mehne yahuga. Æ yoa mũ bahanare mũ noano yoariro seheta wahma yapia cũhũre noano ñõ payoro mehne tinare yahuga. ² Æ yoacũ mũ pocore mũ noano yoariro seheta bũcũ numia cũhũre noano ñõ payoa mehne yahuga. Mũ bahana numiare mũ noano ñõ payoriro seheta nuhmia cũhũre ñõ goa pjaro marieno, noano ñõ payoa mehne yahuga tina numiare.

³ Æ jicũ wapewahyaa numiare potocãta pjacũoa numiare ñõ payoa mehne yoadõhõga tí numiare. ⁴ Wapewahyoro pohna tiricoro to jichũ, õ panamana

tiricoro to jichu cãhare tina sehe ticorore yoadohojaro. ã yoadohoa Cohamacu masare ti coyeare to yoa dutirire yoaa nina tina. ã yoaa tina ticorore ti wapamonore wapaa nica ticoro to buchori wapa. Ti ã yoachu ñno Cohamacu noano wahchera. ⁵ Pjacorico, wapewahyoro coyea marienico jiro, Cohamacu ticorore to yoadohohto cjihtore cohtara ticoro. ã jiro ñaminipe, dachoripe ticoro Cohamacu mehne ã durucurucura. ⁶ Pacoro sehe wapewahyoro ã yoamacanocarico carerico jiro, ticoro catirico jiparota pichacaru butihticoro ji tuhsara. ⁷ Ahri jipihia yu yahurire Jesu yaina cãhare yoa dutiga muhu, noaa dihtare ti yohti cjihtire. Ti ã yoachu ñna paina tinare “Ñano yoaa nina”, ni masierara. ⁸ Cãiro to coyeare ñu wihboeraro, to pohna, ti pocoro cãhare noano ñu wihboeraro “Jesu yairo jija”, ni masierara. ã jiro Jesure cahmaeraina yuhdoro ña yuhdharigo jira tiro.

⁹ Wapewahyaa numiare yoadohonahca musa. Õ sehe besega musa yoadohohti numiare. Ti wamare joa õhti pui joai tai õ sehe besega ti numiare: Sesenta cãhmari sãeraricore to wamare joa õi tjiga. Tuhsu, to pano puaro cjirore manu tiricoro wape wahyoro to wamare joa õi tjiga. Cãirota manu tiricoro wapewahyoro wamare joa õga. ¹⁰ Ti numiare, “Noaare yoaa numia jira”, masa ti nia numiare, ti pohmare noano buchoa numiare besega. ã yoa tuhsu, ti wãhusei painare noano sãa ta dutia numiare, dahra cohtaina yoaro sehe Jesu yainare yoadohoa numiare, ñano yuhdãinare yoadohoa numiare, noaa dihtare yoaa numiare besega. Ti numiare musa yoadohohti numiare bese tuhsucu, ti wamare joa õga muhu.

¹¹ Wiho mejeta wapewahya numia nuhmia curero ti jichu ti numia sehere besei tjiga. ã jicu ti pui ti wamare joa õi tjiga. Baharo tina mare goa pja, Cristore cohã, pari turi manu tiboca. ¹² Tina Cristore “Pari turi manu tisi sã. Mu yainare yoadohonahtja”, niri numia jipahta baharopure ti niriro seheta yoeraboca ti numia. Ti ã yoerari buhiri buhiri tiahca. ¹³ Ti nu-

mia õ sehe yoaa numia jira: Dahraera numia jipora. ã jia paina ya wãhusepu waharucu, ñaa quiti dahre, ti numiare mari sinituerapachata ti mu sãro mari jia tiare ã yahurucura. Tuhsu, ti yahu dutierari cjirore yahura ti numia. ¹⁴ ã jicu ti õ sehe yoachu cahmaja yuhu: Wapewahya numia nuhmia curero jia numia manu tijaro. ã manu tia, pohna tijaro. Ti ya wãhu macainare noano ñu wihbojaro. Mari ya numia wapewahyaa numia ti ã yoachu marine ñu tuhtiina marine “Ñaare yoaa nina”, ni tuhti masierara. ¹⁵ Mipu pinihtare cãa numia wapewahya numia Cristo yare duhu, watino cahmaa sehere yoa tuhsara. ã jicu ã ni yahuja muhare.

¹⁶ Jesu yaina ti coyeacoro wapewahyoro to jichu tina to coyea ticorore yoadohojaro. Paina Jesu yaina sehe ticorore yoadohoea tjijaro. ã jia tina paina Jesu yaina ticorore coyea cãaricore yoadohoeraa, paye numia wapewahya numia coyea mariea numia sehere yoadoho masina.

¹⁷ Jesu yaina puhtoã mare ti noano buhechu ti dahraare ti noano yoachu ñna ji coaro mehne ñuga tinare. ã yoa noano wapaga tinare. Cãina tina mehne macaina Cohamacu yare yahuina, mare buheina cãhu jira. Tina pinihtare paina yuhdoro ji coaro mehne ñuga. ¹⁸ Cohamacu yare ti joari pui õ sehe nina, dahrarirore ti wapah-tore yahuro: “Wachu trigo yaparire to dahpori mehne suhti werirore to chu duachu to dãserore dãcataena tjiga”, ni joaa tiri jire. ã yoa pa pui õ sehe nina: “Dahrarirore to dahrari wapare waro cahmana”, nina Cohamacu yare ti joari pui. (To ã nichu tãhona Jesu yaina puhtoãre ji coaro mehne ñu, noano wapaga tinare.)

¹⁹ Jesu yaina puhtoro to ñano yoachu ñno cãirota paina Jesu yaina cahmachuinare yahusã masierara. Puhtoro to ñaare yahusãhtina tiaro jia, tirore yahusã masina. Tiaro mariachu puaro yahusã masina. ²⁰ ã yoa ñaare yoarucurirore jipihina musa wato to jichu tirore tuhtiga, cuia, paina ñaare ti yoerahto cjihtore. ²¹ ã jicu Cohamacu, Jesucristo, to beserina anjoã cãhu ti ñurocaroi ahrire dutija

muhure: Mipuhure yuh dutiri cjiire yoa pahñoga. ã yoiri jicuh jipihtinare Jesu yainare cãno potori yoaga. Pairore soro, pairore soro yoi tjiga. ²² Painare Cohamacuh dahraare muh cũhti cjihtire ti bui muh wamomacarine muh duhu payohto pano soaro marieno noano tuhohu pahño, tinare besega. Tina ñaina jiboca. ã jiinare Cohamacuh dahraare cũi tjiga. ã cũcuh mũhũ cũhũ muh beseina ti ñaare yoaro seheta yoi nica. Tó sehe yoi tjiga. ã yoa ñaa marieriro jiga mũhũ.

²³ Suroca pjaro cariro jira mũhũ. Mipuhure co dihtare sihnimana mũhũ. ã jicuh mahano cã vino cũhũre sihniga mũhũ. Co jira tí.

²⁴ Cãina ti ñaare yoachuh mari ñuhja. ã jina Cohamacuh tinare to buhiri dahrehtore masija mari. Paina sehere ti ñaa yoiri mari masieraja. Ti ñaa yoiri baharo masinahca. ²⁵ Tó seheta cãina noaare ti yoachuh tíre mari masija. Paye ti noaa ti yoerarire mari masierapanahta baharo masinahca mari. Tíre ñuhohto basierara.

6

¹ Dahra cohtaina Jesu yaina sehe ti puhthoare noano ño payojaro. Ti ã ño payochuh ñuh paina Cohamacuhre, mari buhea cũhũre ne ni dojomehne masierara. ² Ti puhthoa Jesu yaina ti jichuh ñuh tinare dahra cohtaina sehe Jesu yaina jia, tinare ñuroa ño payoeraboca. ã yoeraro cahmana. Ti puhthoa Jesu yaina ti jichuh pinihtare tinare dahra cohtaina noano ño payojaro tinare. ã ño payoa dahra cohtaina sehe Jesu yainare, ti cahĩinare ti coyeare yoado-hoa nina. Ti puhthoare Jesu yainare dahra cohtaina jia, Jesure cahmaerainare ti ño payoriro yuhdoro Jesu yaina sehere ño payojaro puhthoa ti cahĩina ti jichuh. Ahri yuh yahurire buhega. ã jicuh ahrire dutiga.

Cohamacuhre ño payoa cũhũre noano jia cũhũre yahuha Paulo

³ Soro jia buheare buheriro mari puhthoro Jesucristo ya buheare noaa buheare “Potocã tjira”, ni tuhohu duaerara. ã tuhohu duaeraro, mari ya buheare Cohamacuhre ño payoa buheare cahmaerara.

⁴ ã jiro tiro “Masi pahñoriro jija”, niparota tíre ne masierara. ã masieraro, tuhohu masierariro yoaro seheta tuaro cahma sayo duara tiro. ã yoa Cohamacuh yare ã nimacanoca sayorucuriro tjira. Masa tiro yoaro sehe jiina cahma sayoa, paina ti noano wahachuh ñuh tuhtia, cahma ñuh duaeraa, noano mehne jierara. Tuhsuh, painare ñano quitu dahre, masierapahta masare ñano ni tuhohu tina. ⁵ Tina ñaa dihtare tuhohu tina, potocã jiare ne masieraina ã cahma sayorucuina jira. ã yoa “Cohamacuh yare buhena niñerure wapatanahca mari”, ni tuhohu tina. ⁶ Mari ya mahano cã mari cjuhãa mehne wahchena, Cohamacuhre ño payona, to cahmano seheta yoana, potocãta noano jina nija. ⁷ Ahri yahpapuhre masa bajuana ne paye barore na taerahi mari. ã yoa mari yariari baharo wahana ne paye barore naa masieraja mari. ⁸ ã jina mari chuhare mari suhti cũhũre cjuhãa payere cahma namoena tjijihna. Mari cjuhãro purota wahchejihna mari. ⁹ Pache puhã jia duainare watĩno ñaare to yoa dutichuh tina sehe jiape ñaare yoarucuina jiboca. ã yoaa tina payuh tahari tuhohu masieraina seheta paye barore tuaro cahmaa, ñaa yoare duhueraa, ti basita ñano yuhdura. ã duhueraa pichacaruh wahaahca tina. ¹⁰ Niñerure tuaro cahmaa, jiape ñaare yoa ducara masa. Cãina niñerure cahĩa, tuaro cahmaa, Jesure wacũ tua duhua, payuh tahari ñano yuhdura tina.

Cohamacuh yare yoana ñaare duhuga

¹¹ Mũhũ pini Cohamacuh yairota jira. ã jicuh ahri ñaare yoi tjiga. Noaa sehere cahmaga. Cohamacuh yare yoaga. ã yoacuh Jesure wacũ tuaga. Painare cahĩga. ñano yuhdũpaihta cãno pjaga. ã yoa painare noano dero yoaga. ¹² Surara cahmachero tuaro to yoiri seheta, mũhũ cũhũ Cohamacuhre wacũ tuacuh to yare tuaro yoaga. Mũanoruh ã jirucuhtho cjihtore Cohamacuh beseri jire muhure. ã jicuh Cohamacuhre muh wacũ tuaare payuh masare noano yahuhre mũhũ. ã jicuh ñano yuhdũpaihta tirore wacũ tua duhui tjiga. Mũanoruh ã jirucuhtho jiga. ¹³ Cohamacuh jipihtinare, jipihtiare

jichu yoariro jira. Jesucristo sehe Poncio Pilatore Cohamacu yare noano yahuriro jira. ã jicu tina Cohamacu, Jesucristo cūhu ti ñurocaroi ahrire mūhare yoa dutihtja: ¹⁴ Mūhare Cohamacu to dutirire yoa pahñonocahga. Jesucristo to tjua tahto pano masa mūhare ñaare ti ne yahusāerahto cjihtore to dutirireta yoarucuga. ¹⁵ To quihōriroihta Cohamacu Cristore tjua tachu yoarohca. Cohamacu noariro, tiro dihta masare dutiriro jira. ã jiro jipihtina paina pūhtoa ti bui pūhtoro jiriro jira tiro. ¹⁶ Tiro dihta ne yariaerariro jira. To si sitea mehne jiriro jira. To si sitea cahapu waha masierara masa. ã yoa tirore masa ne ñerare. Mipu cūhare tirore ñerara. Tiro sehere ño payojihna. ã jina “Jipihtia dachoripe tuariro jira tiro”, nijihna tirore. ãta yoajihna.

¹⁷ Ahri yahpa macaina pache pūare õ sehe ni dutiga mūhu: “Painare yūhdurūcaja”, ni ti basi tūhotuea tjijaro tina. Ti pache ti cūaa pihtia wahaahca. ã jia ti cūaa dihtare wahchea tjijaro. Cohamacu sehere tuaro wahchejaro. Jipihtia pototi mari cahmaare wariro jira tiro. Tiro sehere wacū tuajaro tina pache pūa. ¹⁸ ã jia tina noaa sehere yoajaro pjiro noaare yoaina ti jihto sehe. ã yoa ti cūaare waina jijaro. ¹⁹ Ti ã yoachu mūanopu Cohamacu cahai ti ya jahca. Ti ya tōpu jia, ne butisi. ã jia tōpu ã jirucuahca tina.

Paulo Timoteore duti batoaha

²⁰ Timoteo, mūhare Cohamacu to cūrire to buhe dutirire noano yoanohbu. Voi ninohbu mūhu. Cāina masa Cohamacu cahmaeraina yoaro sehetā mahñoare, tūho masieraina ya buheare durucurucura. ã durucua “Noano masiina ya buhea jira”, nimana tina. ã ti ni durucua tūho nūnūi tjiga. ²¹ Cāina tí durucua tūho nūnūina Cristo yare cohānocare. Cohamacu to cahīa mehne māsare noano yoajaro.

2 Timoteo

Paulo Timoteore pari turi joarocaha

¹ Yuhũ Paulo, ahrire mũhũre Timoteore joarocaja tjoa. “Jipihtina Jesucristore wacũ tuaina mũanopũ ã jirucuahca” ni, cũre marine Cohamacũ marine yũhdũchũ yoariro. To ã ni cũrire yahuhtiro cjihtore yũhũre bese cũre Jesu. ã cũno Cohamacũ to cahmano seheta yoaro nire yũhũre. ² Mũhũ Timoteo yũ cahĩriro jira. Mũhũre Jesu yare yũ buhechũ tũhocũ tirore noano wacũ tua dũcare mũhũ. ã jicũ yũ macũ yoaro sehe jira mũhũ. ã jicũ Cohamacũ mari Pũcũ, mari pũhtoro Jesucristo mehne mũhũre noa dutija. ã yoa mũhũre pja ñũa, cahĩa tina ti yoadohoa mehne noano jiga mũhũ.

Masare Cristo yare ti yahurire yahuha Paulo

³ Ñamipũ dachopũ cãhũre Cohamacũ mehne durucucũ mũya cjihtire sini payocũ mũhũ mehne wahcheja. ã wahchecũ Cohamacũre “Noana”, nija yũhũ. Panopũ macaina yũ coyea Cohamacũ yare ti yoariro seheta yũhũ cãhũ “Buhiri tija”, ni tũhoturo marieno mipũre to yare yoaja. ⁴ Sohõ jiri pjare yũ wahachũ mũ tii nũnũ tirire wacũcũ mũhũre tuaro ñũ duaja mũhũ mehne noano wahche duacũ. ⁵ ã jicũ Jesure potocãta mũ wacũ tuarire wacũja yũhũ. Mũ ñũchocoro Loida, mũ poco Eunice cãhũ Jesure wacũ tua mũhtare mũ pano. ã yoa mipũre mũhũ cãhũ tirore mũ wacũ tuachũ noano masija yũhũ.

⁶ ã jicũ ahrire mũhũre wacũchũ yoa duaja. Mũ bui yũ wamomacarine yũ duhu payochũ Cohamacũ yare mũ yoahiti cjihtire tuaare ware mũhũre. Ti tuaa mehne yoa namoga mũhũ. ⁷ Cohamacũ marine Espĩritu Santore wari jire. ã jiro masare marine cuierachũ yoara Espĩritu Santo. ã yoaro tuaina, masare cahĩina, tũho masiina marine jichũ yoara tiro. ⁸ ã jicũ mari pũhtoro ya cjihtire painare yahucũ, bũo tiecũ tjiga mũhũ. Yũhũ to yare yũ yoari buhiri peresui jiro jija. Peresui yũ jichũ yũhũre bũo tisãai tjiga mũhũ. Wiho mejeta

noaa buheare mũ buheri buhiri ñano yũhdũcũ “Noanohca”, niga mũhũ cãhũ. Mũ ã ñano yũhdũchũ Cohamacũ mũhũre yoadohorohca. ⁹ Cohamacũ sehe marine pichacapũ wahaborinare yũhdũchũ yoare. ã yoa noaina to yaina jihtina cjihtire tiro besea tiri jire marine. Mari noano yoari mehne besera tiri jire marine Cohamacũ. To mũ sũro to cahmariro seheta yoaro ahri yahpare to bajuamehnehto pano marine cahĩno, tiro marine besea tiri jire. Marine ã cahĩno marine yũhdũchũ yoahitirore Jesucristore warocari jire Cohamacũ. ¹⁰ Mipũre Jesucristore marine yũhdũchũ yoahitirore warocaro, marine potocãta to cahĩare noano masichũ yoaro niri jire Cohamacũ. Jesu marine to yainare pichacapũ wahaerachũ yoare. ã yoaro “Yũhũre wacũ tuana Cohamacũ mehne ã jirucunahca” nino, buhriaro marine to ñũ masichũ yoaro seheta noaa buheare marine masichũ yoaro tari jire tiro.

¹¹ Ti buhea noaa buheare yahuhtiro cjihtore to cũhtiro cjihtore besea tiri jire yũhũre. ¹² ã to beseriro jicũ mipũre ñano yũhdũja yũhũ. Õ sehe ñano yũhdũpacũta yũhũ bũo tieraja. Yũ wacũ tuarirore Jesure masija yũhũ. Tuariro jira tiro. ã jiro yũhũre to yare buhe duti cũno noano yoadohorohca yũhũre. ã yoa ahri yahpapũ to tjua tahto pano, “Mũhũre yũhdũchũ yoahitja”, to niriro seheta sohtori tiarohca yũhũre. Yũhũre yũhdũchũ yoarohca tiro. Tĩre noano masija.

¹³ Mũhũre noano yũ yahurire yoa pahũoga. Cristo Jesu yaina jina tirore noano wacũ tuaja mari. ã yoa painare noano cahĩja. ã jicũ tirore ã wacũ tuarucuga mũhũ. Tuhsũ, painare noano cahĩrucuga. ¹⁴ Espĩritu Santo mari mehne jiro to yoadohoro mehne noaa buheare noano yoaga. Quihõno buhega. Soro ni buhecũ tjiga.

¹⁵ Jipihtina Asia yahpa macaina Jesu yaina yũhũre yoadoho duaeraa cohã wahcãa wahare. Tina mehne macaina pũaro Figelo, Hermógenes ãta yoare tina cãhũ. Ti ã cohã wahcãire masi tuhsũra mũhũ. ¹⁶⁻¹⁷ Ti ã cohãpachũta Onesĩforo sehe payũ tahari yũhũre yoadohoro noano

yajeri sãachu yoare. Ñ yoaro peresui yu jichu tiro yuhure buo tisãaerare. Ñ jiro Romai yu jichu ã macarucuri jire yuhure. Ñ macarucuro yuhure bocare. Ñ jiro tirore, jipihtina to ya wuhu macaina cãhure pja ñnohca Jesu mari puhtoro. To ã yoahito sehe tirore sini payoja. ¹⁸ Ñ yoa ahri yahpamu Jesu mari puhtoro to tjua tahti dachoi tirore pja ñnohca. To ã yoahito sehe tirore sini payoja. Efesoi payu tahari yuhure to yoadohore noano masina mahu.

2

Ñano yuhduparota Jesu yairore cãno pjaro cahmana

¹ Mahu sehe yu macu yoaro sehe jiri, Jesucristo marine noano yoariro to yoadohoro mehne tirore wacũ tuarucuga.

² Ñ yoacu payu masare yu buherire mu tahore paina cãhure buhega mahu. Tina mu buheina Cohamacu yare yoarucuina jijaro. Ñ jia painare buhe turiaina jijaro.

³ Surara ñano yuhduparota to cãno pjariro seheta mahu cãhu Jesu yairo jicu ñano yuhducu cãno pjaga mahu. ⁴ Surara to puhtoro dutia sehere yoara tirore wahchechu yoaro taro. Ñ yoaro tiro surara jieraina yoaro sehe wiho jiare yoerara tiro. (Mahu cãhu tó seheta Cohamacu dutia dihtare yoaga.) ⁵ Murocaperiro muroca dutiina ti dutiare quihõno yoeraro to muroca yuhduri wapare na masierara. (Ñ jicu murocaperiro ti dutiare quihõno to yoariro seheta Cohamacu dutiare quihõno yoa pahõoga mahu.) ⁶ Ñ yoa wese dahrariro wamu tiro mehne noano dahrariro sehe tí wese maca dichare noano na mahta, noano wapatara. (Ñ jicu mahu cãhu tiro yoaro sehe Cohamacu yare mu noano yoachu tiro mahure noano yoarohca.) ⁷ Jipihtiare noano masichu yoarohca Jesu mari puhtoro mahure. Ñ jicu mipure mahure yu nirire noano wacũ tãhotuga.

⁸ Ñ jicu Jesucristore wacũga. Tiro puhtoro Davi cjiro panopu macariro to panamino ji turariro jia tiri jire. Ñ jiro yariaro masa mujari jire tiro. Noaa buheare buhecu to ã waharireta buhei nija. ⁹ To yare buhecu

ñano yuhduja yuhu. Ñ jicu tíre yu buheri buhiri ñaare yoariro yoaro sehe peresupu jija yuhu. Yu ã jipachuta Cohamacu ya durucuaru buhe duhuchu yoa masierara masa. ¹⁰ Ñ yoa Cohamacu to beserinare buhecu payu tahari ñano yuhduja yuhu, tina cãhu Jesucristo yaina ti jihti cjihtire. To yaina jia tina pichacapu wahaborina sehe to yuhduchu yoahitina jahca. Ñ jia tina Cohamacu mehne ã jirucuahca.

¹¹ Ahri yu yahuhti potocã tjira: Cristo crusapu to yariariro seheta wahana, yariaina ti yoare ti duhuriro seheta mari ñaa yoarire mari duhuna, Cristo mari mehne macariro ã jirucurohca.

¹² Ñ yoa to yare mari yoari buhiri ñano yuhdupanahta cãno pjana puhtoro to sãho jiropure tiro mehne puhtoata jinahca mari cãhu.

“Cristore sã masieraja”, mari nichu, tiro cãhu marine ãta ninohca.

¹³ Tirore mari yuhdurucachu ñano to niriro seheta marine yoarohca.

To niriro seheta yoariro jira tiro. Ne mahnoerara tiro.

Cohamacu to ñu ji coainare, to yare buheinare yahuha Paulo Timoteore

¹⁴ Ahrire mahu mehne macainare wacũchu yoaga. Ti mu sãro durucu ti yuhdurucuaa yaba cjihti jierara. Ñ jia tinare tãhoinare ñano yoachu yoaa, tinare dojomehna. Ñ jicu mari puhtoro to ñurocaroi õ sehe ni yahuga tinare. “Ñ ni durucuena tjiga musa”, niga tinare.

¹⁵ Mahu sehe Cohamacu yare noano buhega. Ñ yoa Cohamacu yare tuaro yoaga. Mu ã yoachu ñano “Noano yoare mahu”, ninohca Cohamacu mahure. Ñ jicu mu buherire to ñachu buo tisi mahu. Ñ jicu to buheare noano masiga mahu. Tíre quihõno buhega. ¹⁶ Ti mu sãro durucu yuhdurucaina ñaare ã yoarucu, Cohamacu yare yoerara. Ñ jicu ti ã ni durucuaru ã ñnocahga. Tinare tãhoi tjiga mahu.

¹⁷ Tina ti durucuaa sehe camino to ñano baa mujano yoaro sehe jira. Camino to ñano baa mujano seheta ti durucua cãhu paina Jesu yainare ñaina wahachu yoahca. Ñ durucuina mehne macaina Himeneo,

Fileto cãhũ jira. ¹⁸ Tina “Jesu yaina masa m̃ja tuhsũhre”, ni buhea, noaa buheare duhunocahre tina. ã soro buhea cãina Jesu yainare tirore wacũ tua duhuchũ yoahre tina. ¹⁹ Ti ã ñano buhepachũta Cohamacũ ya buhea sehe ne cohtotaerara. Õ sehe nina to buhea: “Mari pũhtoro Jesu to yainare masina”, nina. ã yoa õ cãhũre nina: “Jipihtina, ‘Jesu yaina jija’, niina ñaare duhunocajaro”, ni yahura Cohamacũ ya buhea.

²⁰ Mari piti dahre buhechũ masa pja wahwari yoaro sehe jira. Pjiri wãhũi uru, plata mehne ti yoaa wahwari jira. Tuhsũ, tí wãhũi paye wahwari yucũcũ mehne, dihi mehne tí yoaa wahwari jira. Uru, plata mehne ti yoaa wahwari noaare ti posahti jira. Paye wahwari wiho jiare ti posahti jira. ²¹ ã yoa ñaare yoerariro uru wahwa noari wahwa yoaro sehe jirohca. ã jiro tiro sehe Jesu ya dihtare yoarucuriro jirohca. Wãhũ pũro noari wahwa mehne noaare to yoariro seheta, ñaare yoerariro Jesu ya cjihtire noaare yoarohca.

²² Wahmũno jira mũhũ. ã jicũ wahma yapia ñaare goa pja ti yoariro seheta yoai tjiga mũhũ. ã jicũ noaare yoaga. Jesure wacũ tuarucuga. Tuhsũ, tirore, masa cãhũre cahĩga. ã yoa mũhũ mehne macaina Jesu yaina mehne jicũ cahmacheno marieno noano jiga mũhũ. Tina Cohamacũre yãhtiina tirore sinirucuina cãhũ ãta yoajaro. ²³ ã jicũ tũhoturo marieno ti durucu yãhdũrũcaare mũhũ cãhũ tũho nũnũi tjiga. Tuhsũ, mũhũ cãhũ durucu yãhdũrũcai tjiga. ã durucu yãhdũrũcaa masa ti basi cahma suara. ²⁴ Cohamacũre dahra cohtarirore durucu yãhdũrũcaeraro cahmana. ã yoa jipihtinare noano yoariro, buhe mihniro, dóicãta suaerariro tirore jiro cahmana. ²⁵ ã jiro paina tiro mehne ti durucu yãhdũrũcachũ tiro tinar yahuro noano mehne suaro marieno yãhtiro cahmana tirore. To ã yãhtichũ ñũa Cohamacũ to yoadohoa mehne tina sehe ti ñaa yoare cahyaboca. ã jia noaa buheare masi dũcaboca. ²⁶ Tinar watĩno sehe peresu yoaro sehe jiinare cãmamare to cahmaare yoahina cjihtire. ã jia quihõno ti tũhoturi

baharo noaa buheare masia, watĩnore cohãnocahca.

3

Pihtiri dacho cjihtore yahuha Paulo Timoteore

¹ Pihtiri dacho panocãre ñano yãhdũhũca masa. Tĩre noano masiga mũhũ. ² Tí pjare masa painare wacũ payoeraina, niñerure cahma yãhdũrũcaina, “Painare yãhdũrũcaja”, ni ti basi tũhotuina, tíre painare ã ni yahurucuina, Cohamacũre ñano durucuina, ti pũcũsumare yãhdũrũcaina, ti wapachũta “Noana”, nieraina, Cohamacũre ño payoeraina jiahca. ³⁻⁴ ã jia masare cahĩeraina, paina mehne sua, tíre bo duaeraina, ñaa quti dahreina, ti mũ suro ñano yoarucuina, masare ã cãrũcuina, noaare ñũ yabiina, tina mehne macinare ñano yoaina, tũhotua marieina, “Masi pahĩoina jija”, ni tũhotuina jiahca masa. Tina ñaare ti goa pjaare yoa ji coaina jia Cohamacũ sehere cahmaeraina jiahca. ⁵ ã jia tina masa ti ñũrocaroi Cohamacũre ño payopahta “Cohamacũ wiho jiro jira”, ni tũhotumana tina. ã niinare piti tii tjiga mũhũ.

⁶ Tina mehne macaina tũho masieraa numia ya wãhũsei sãa, tí numiare mahĩnoare buhera. Tí numia sehe ã ñaare yoarucua numia, tuaro ñaare yoa duara. ⁷ Tí numia wiho jia buheare ã buherucua numia jia, soro jia buheare tũhoa numia jia, Cohamacũ ya buhea sehere ne masierara. ⁸ Panopũ Jane, Jambre yaya jirina Moise cjirore ti ñũ tuhtiro sehetã pihtiri dacho panocã jiina masa noaa buhea sehere ñũ yabiahca. Tina ñaa dihtare tũhotuina jiahca. ã jia Jesure wacũ tuaina waro jierara. ⁹ Tó sehe yoaina mahĩnoa bihosi. Baharo ti mahĩnoare tũho masieraina ti jia cãhũre jipihtina masiahca. Jane, Jambre mehne ti mahĩnoare panopũ masa ti masiro sehetã ãta masiahca pihtiri dacho panocã jiina ti mahĩnoare.

Paulo Timoteore duti batoaha

¹⁰ Yũ buheare, yũ yoaa tiare, yũ jia tiare, Jesure yũ wacũ tuaare masina mũhũ. Yũ ã jiro jichũ, suaro marieno yoariro yũ jichũ, masare cahĩro yũ jichũ, ñano yãhdũpaihta

y_u cãno pjach_u masina m_uh_u. ¹¹ ã yoa y_uh_ure ti ñano yoaare, y_u ñano y_uh_ud_uare masina m_uh_u. Antioquía, Iconioi, Lистраi y_uh_ure ñabiaro ti yoari cãh_ure masina m_uh_u. Y_u ã wahach_u ñ_uno mari p_uhtoro Jesu sehe y_uh_ure yoadohore. ¹² Jipihtina Jesucristo yaina ti ji duach_u Cohamac_u to dutiro sehetu ti yoarucu duach_u paina tinare ñano yoaahca. Tí potocã tjira. ¹³ Ñaina sehe mahño buheina cãh_u ñabiaina wahaahca. Painare mahñoa, ti basi cãh_u mahñoare t_uho, ãta ñabiaina wahaahca. ¹⁴ M_uh_u sehe m_uh_ure y_u buherire, noano m_u t_uhorire ã wac_urucuga. ã jic_u y_u buheriro sehetu yoaga. M_uh_ure buherinare masina m_uh_u. ¹⁵ M_uh_u wihãriro jic_up_uta Cohamac_u yare ti joari p_ure masi d_ucari jire. To yare ti joari p_ui õ sehe ni yahura m_uh_ure: “Jesucristore wac_u tuaina dihtare pichacap_u waborinare y_uh_ud_uch_u yoara Cohamac_u”, ni yahura m_uh_ure. ¹⁶ Cohamac_u yare ti joari p_ui jipihtiare Cohamac_u sehe joa dutia tiri jire. ã jina tí p_ure buhena mari masi namoja. Tí p_ure buhena Cohamac_u dutiare mari yoahtire masija. ã buhena mari ñaa yoarire “Ahri ñaa jica”, ni t_uhotuja mari. ã jiro tí p_u marine noaa sehere cohtota dutira. ã jiro dachoripe mari noaare yoarucuhti cijhtire yahura tí p_u. ¹⁷ Cohamac_u yairo to ya p_ure buhero, masi pahñonohca. ã masino jipihtia noaare yoa masinohca tiro.

4

¹ Jesucristo jipihtina bui p_uhtoro, tjua tahtiro, catiinare, yariaina cãh_ure buhiri dahre dutihtiro to ñ_urocaroi m_uh_ure õ sehe ni yahuihtja. Cohamac_u cãh_u to ñ_urocaroi õ sehe ni yahuihtja m_uh_ure. ² Dachoripe masa ti t_uho duach_u ti t_uho du-aerach_u cãh_ure Cohamac_u yare yahuga. ã yahuc_u masa ti ñaa yoari buhirire masich_u yoaga tinare. ã yoa ti ñaa yoarire “Yoa namoena tjiga”, ni yahuga tinare. Noaa sehere yoa dutiga. ã buhec_u ne suaerariro, pumerariro jiga m_uh_u. ã jic_u ne painare buhe duhui tjiga. ³⁻⁴ Baharo, pa tehep_ure masa noaa buheare t_uho duasi. ã t_uho duaeraa ti cahmano sehetu yoa, ti t_uho

ji coaa dihtare buheinare cahmaahca tina. ã jia mahñoa buheare pay_u buheinare c_ujaahca. Tina ã yoa noaa buhea sehere cohã, ã ti buhemacanocarire t_uho n_un_uahca. ã jic_u noaa buheare buhe duhui tjiga m_uh_u. ⁵ M_uh_u cãh_u ã jic_u dachoripe t_uho masiro jiga. Ñano y_uh_ud_upaihta cãno pjaga. ã yoac_u noaa buheare ã buherucuga. Cohamac_u m_uh_ure to yoa dutirire yoa pahñonocahga m_uh_u.

⁶ Y_uh_u Cohamac_u yare y_u yoari buhiri y_u yariahto mahanocã d_uhsara. ã jic_u mahaa dachoricã catisinihca. ã jic_u mip_ure m_uh_ure dutija. ⁷ Y_u yariahto panocã ahrire yahuihtja: Jesu noaa buheare y_uh_ure buhe dutiro to c_ur_ure noano buhe sohtori tih_u. To dutiare noano yoa pahñonocahi. ã jic_u ñano y_uh_ud_upaihta tirore ne wac_u tua duhuerahi. ⁸ Mip_ure Cohamac_u yare y_u yoari wapare m_uanop_u wihboro nica. ã jiro mari p_uhtoro buhiri dahre dutiro quihõno yahuriro to tjua tahti dachoi to yare y_u yoari wapare warohca y_uh_ure p_uhtoro to pisari soro uru mehne ti yoari sorore y_uh_ure to waboriro sehetu. Paina cãh_ure to tjua tahtore cohtainare tirore cahñinare to yare ti yoari wapare warohca Jesu.

Paulo yahu namoha Timoteore

⁹ Y_u cahap_u cjero ñ_ui taga m_uh_u. ¹⁰ Dema ahri yahpa macaa jipihtiare tuaro cahmano y_uh_ure yoadoho duaeraro y_uh_ure cohã wahcãa wahahre Tesalónicap_u. Crescente cãh_u Galacia yahpap_u wahahre. ã yoa Tito Dalmaciap_u wahahre. ¹¹ Luca dihta y_uh_u mehne jira. Marco y_uh_ure noano yoadohohtiro jira Cristo yare y_u buhech_u. ã jic_u tirore na tahga m_uh_u. ¹² ã yoa Tíquicore Efesop_u warocahi. ¹³ Õp_u tac_u, y_u bui sãari suhtirore, Troai Carpo ya w_uh_ui y_u c_uri suhtirore na tahga. ã yoa sohõ jia tjuri joaa tjuri cãh_ure na tahga. Sohõ jia cahsari joaa cahsari pinihtare tuaro cahmaja y_uh_u. ã jic_u tí cahsari cãh_ure na tahga.

¹⁴ Alejandro comaare dahrariro y_uh_ure ñabiaro yoare. ã jiro to ã yoari buhiri Cohamac_u tirore buhiri dahrerohca. ¹⁵ Tiro Alejandro mari buheare tuaro ñ_u yabire.

Ã jicũ tiro mũhũre “Ñano yoari” nicũ, tirore ñũcũ noano wacũ masiga.

¹⁶ Masare beserirore peresu yoa dutirirore yũ yoarire, yũ buheri cãhũre tirore yũ coã yahuchũ ne cũiro baro Jesu yairo yũhũre yoadohoerare. Jipihtina yũhũre yoadohoeraa cohã wahcãa wahahre. Ti ã cohãpachũta yũhũre ti cohãri buhiri Cohamacũ buhiri dahrero tjjaro. ¹⁷ Yũ ã wahapachũta Cohamacũ yũhũre yoadohohre. ã jiro to buheare yũ noano yahukti cjihtire to tuaare wahre yũhũre, jipihtina judio masa jieraina tí buheare ti tũhohti cjihtire. ã jiro yũhũre ñano ti yoa duapachũta yũhũre ti wajãborirore yũhdũchũ yoare mari pũhtoro suaina yayare yũhũre to yũhdũchũ yoaboriro seheta. ¹⁸ Jipihtina yũhũre ñano yoainare yũhdũrcaro, yũhũre yoadohorohca mari pũhtoro. ã jiro mũanopũ pũhtoro to sũho jiropũ yũhũre ji dutiro yũhũre yũhdũchũ yoarohca tiro. ã jina “Tiro noa yũhdũariro, tua yũhdũariro jira”, nijihna mari jipihtia dachoripe. ãta nijihna.

Paulo noa dutiha Timoteo cahai jĩinare

¹⁹ Prisca, Aquila, Onesíforo ya wũhũ macaina cãhũ noajaro. ²⁰ Erasto Corintoi tjuahre. Trófimo Miletoi dohatia wahahre. ã jicũ tirore tói cũhi yũhũ. ²¹ Puhiro pano cjero taga mũhũ. Eubulo, Pudente, Lino, Claudia cãhũ, jipihtina paina Jesu yaina mehne mũhũre noa dutira.

²² Mari pũhtoro Jesucristo mũhũ mehne jirohca. ã jiro Cohamacũ to cahã mehne mũsare jipihtinare noano yoajaro.

Tito

Paulo Titore joarocaha

¹ Ȳh̄u Paulo Cohamac̄ure dahra cohtariro, Jesucristo yare buhe dutiro to cūriro jija. Cohamac̄u to beserina Jesure ti wacū tuahti cjihtire noaa buheare ti masihti cjihtire Jesu buhe dutiro ȳh̄ure cūre. Tí buhea Cohamac̄u to dutiro seheta mari yoahtire yahura. ² Ā jic̄u jipih-tia dachoripe Cohamac̄u yaina m̄anop̄u ti jirucuhto cūh̄ure buheja tinare. Cohamac̄u ne mahñoa marieriro ahri yahpare to ba-juamehnehto pano õ sehe ni cūa tiri jire marine: “M̄anop̄u ā jirucunahca”, ni cūa tiri jire marine. ³ Ā jiro to quihōri pjai Cohamac̄u to ni cūrire yahu dutire masare. Tó seheta ȳh̄ure ni yahu dutire tiro. Marine pichacap̄u wahaborinare ȳhdoriro jira tiro. ⁴ M̄h̄ure Titore Jesu yare buhei. Ȳh̄u ā buhech̄u t̄hoc̄u Jesure wacū tua d̄ucare m̄h̄u. Ā jic̄u m̄h̄u potocāta ȳh̄u mac̄u yoaro sehe jic̄ata nina. M̄h̄ure ahrire joarocai nija. Cohamac̄u mari P̄uc̄u mehne, Jesucristo marine ȳhdoriro mehne m̄h̄ure noa dutija. M̄h̄ure pja ñ̄a, cahña ti yoad-ohoa mehne noano jiga m̄h̄u.

Creta wama tiri n̄coi Tito to yoahtire yahu quihōha Paulo

⁵ Creta wama tiri n̄coi m̄h̄ure ȳh̄u cūch̄u Jesu yaina ti buhehto cjihto d̄ahsasinire tí pjare. Ā jic̄u ti yoahtire yahuhtiro cjihtore cūi ȳh̄u m̄h̄ure. Ā yoa macaripe macaina Jesu yaina p̄h̄toa cjihtire bese dutic̄u cūi m̄h̄ure. ⁶⁻⁸ Tina p̄h̄toa Cohamac̄ure dahra cohtaina jira. Ā jic̄u tinare besec̄u noainare besega soro yoaerainare. Ā besec̄u, cāa numiata namo tiinare, “Painare ȳhd̄ur̄caja”, ni t̄hotuerainare, suaerainare, cahaerainare, cahmacherainare, paina yare mahñoa mehne tuaro na duaerainare besega. Ā besec̄u ti w̄h̄usere s̄aa s̄winare noano ñ̄a wihboinare, noaa sehere noano ji coainare, t̄ho masiinare, noaare yoarucuinare, ñ̄aa marieinare, ñ̄aaare yoaerainare, caparo marieno dahrainare besega. Ā yoa m̄u besehtina pohnare

õ sehe jiina jiro cahmana: Jesure wacū tuaina, noano yoarucaina, jipihtinare noano ȳh̄tiina jiro cahmana p̄h̄toa pohnare. ⁹⁻¹⁰ Ā yoa noaa buheare quihōno mari buherucuro sehta ñ̄e duhueraina jijaro p̄h̄toa m̄u besehtina. Ā jia tina noaa buheare yahuina jiahca paina tí buhea mehne ti wahchehto sehe. Ā yoaa noaa buheare ñ̄u yabiinare buhea, ti ya mahñoa ti jich̄u masich̄u yoahca tina. Ā jic̄u noano besega Jesu yaina bui p̄h̄toa jihtinare.

Paȳu ti p̄h̄toare ȳhd̄ur̄caina, noano t̄hotu durucueraina, mahñoina jira mip̄ure. Ā yoaina judio masa pinihta ñ̄abiaro yoaa nina. Ti ya buhea ti potocā jierach̄u tinare masich̄u yoaro cahmana. ¹¹ Tina judio masa sehe niñerure wapata duaa mahño buhera. Ā yoaeraro cahmana tinare. Ā buhea cāa w̄h̄use macainare jipihtinare Cohamac̄u ya sehere cohāch̄u yoaa nica tinare. Ti ā yoach̄u tinare ā yoa dutieraro cahmana.

¹² Ti yare panop̄u yahuriro tina mehne macariro jiparota õ sehe ni yahuri jire: “Creta n̄co macaina ā mahñorucuina jira. Tina n̄c̄u macaina wahiquina yoaro sehe suaina jira. Ā yoa ā ch̄urucuina jia ne dahra duaeraa, capa b̄j̄ina jira”, niri jire tiro to ya n̄co macainare. ¹³ To ā nia potocā tjira. Ti ā jich̄u ñ̄uc̄u tinare tuaro tuhtiga Jesu ya buhea sehere noano ti masihto cjihtore. ¹⁴ Ā jic̄u judio masa panop̄u macaina ti m̄u s̄ro ti nimacanocari cjiire, Jesu yare potocā jiare cahmaeraina ti dutia cūh̄ure Creto macaina ti t̄ho n̄n̄erahto cjihtore tuhtiga tinare.

¹⁵ Buhiri marieina noa dihtare t̄hotura. Ñ̄aare yoarucaina, Jesure wacū tuaeraina sehe ñ̄aa dihtare t̄hotura. Tina ti t̄hotua sehe ñ̄aa ȳhd̄ura. Ā jia noa sehere bese masierara.

¹⁶ Tina “Cohamac̄ure masija s̄a” nipahta, ñ̄aare yoara. Ā yoaina ti jich̄u ñ̄na Cohamac̄ure masieraina ti jich̄u masija mari. Ā jia tina ñ̄aa ȳhd̄uina, Cohamac̄u yare ȳhd̄ur̄caina jira. Ne noaare yoa masierara.

2

Noa buheare quihõno yahu dutiha Paulo Titore

¹ Mũhũ sehe buhecũ noaa buhea ti nino seheta noano buhega. ² Bũcũnare õ sehe ni yahuga: Cua pisaina, masa ti ño payoina, tũho masiina, Jesure noano wacũ tuaina, Jesure, masa cũhũre cahĩina, ñano yũhdũpahta cãno pjaina jijaro tina. ³ Bũcũ numia cũhũre ãta ni yahuga: Cua pisaa numia, Cohamacũre ño payoa numia, ñaa quitu dahrera numia, cahaera numia jijaro tí numia cãhũ. ã jia numia jia, noaare buhejaro paye numiare. ⁴⁻⁵ Paye numiare õ sehe ni buhejaro bũcũ numia: Ti manũsumare, ti pohna cũhũre ti cahĩhtore, tũho masia numia, paina mũa mehne ñano yoaeraa numia, cũ wũhũ macaina jiina noano ñũ wihboa numia, masa noaa numia, ti manũsumare noano yũhtia numia ti jhtore buhejaro tí numia Cohamacũ ya buheare paina ti dojomehnerahto sehe.

⁶ ã yoa wahma yapia cũhũre õ sehe ni yahuga: Tũho masiina jijaro tina. ⁷ Mũhũ sehe noaa dihtare yoarucuga mũhũre ti ñũ cũhto sehe. Buhecũ ne mahõõno marieno buhega. ã buhecũ cua pisaro mehne buhega mũhũ. ⁸ ã buhecũ noano tũho masino mehne noano buhega ne paina “Ahriri ñano yoaro nina” ni, mũhũre ti yahusãerahto sehe. Mũ ã buhechũ ñũa marine ñũ tuhtiina jipahta marine wiho warota yahusã masierara. Marine wiho waro ã yahusãmacanoca bũoro wahaahca tina.

⁹ ã yoa dahra cohtainare õ sehe ni yahuga: Ti pũhtoare noano yũhtiina jijaro. ã jia ti pũhtoare noano wahchechũ yoajaro. ã dihta yoajaro. ã jia ti pũhtoare purĩno yũhtiea tjijaro. ¹⁰ ã yoa ti pũhtoa yare yacaea tjijaro. Tuhsũ, noaina, ti pũhtoa dutiare quihõno yoarucuina jijaro. ã noano yũhtiina ti jichũ ñũa Cohamacũ marine yũhdoriro to buheare tũho ji coaahca paina.

¹¹ Masare to cahĩare Cohamacũ masare ño tuhsũre. ã cahĩno jipihtina pichacapũ wahaborinare Cohamacũ tuaro yũhdo duara. ¹²⁻¹³ Masare ã cahĩno Cohamacũ marine õ sehe ni buhera: Cohamacũre ñũ

yabiare, ñaa goa pjaare duhunoca dutira marine. Cohamacũ tuariro, Jesucristo marine yũhdoriro to si siteare mari ñũhti dachore, noari dachore mari cohtana nija. ã jiro mari cohtari dacho panoi tũho masiina, noaare yoarucuina, Cohamacũ cahmaare yoarucuina, marine ji dutira Cohamacũ. ¹⁴ Tiro Jesucristo mari ya cjihtireta yariari jire jipihtia mari ñaa yoare duhuchũ yoaro taro marine to yaina wahachũ yoaro taro. Mari ñaa yoari cjirire to ã cohãchũ mari ñaa yoari buhiri marieina jinahca. ã jina tuaro noaare yoa duaina jinahca.

¹⁵ Ahri jipihtiare tí nũco macainare Jesu yainare buhega mũhũ. Ti pũhtoro jinocaita nina mũhũ. ã jicũ tinare yahuga. Ti ñaaare yoachũ ñũcũ yahuga tinare. Jipihtina paina mũhũre ño payoa mehne yũhtijaro.

3

Jesu yaina ti yoahiti cjihtire yahuha Paulo

¹ Õ sehe ni yahuga tó macaina Jesu yainare: Ti pũhtoare paina tinare dutiina cũhũre noano yũhtiina jijaro. Jipihtia noaare yoahitina jijaro. ² ã yoa painare ne ñano quitu dahrea tjijaro. ã jia masa noaina, jipihtinare ño payoina jijaro.

³ Panopũre mari cũhũ tũho masieraina, yũhdũrcaina, mahõõare tũho nũnũina, ñaaare yoa ji coaina, tíre goa pja duhu masieraina, dachoripe ñaaare yoarucuina, paina ti cjũaare cjoina jia timai mari cũhũ. ã yoa marine paina ñũ tuhtire. Mari cũhũ tinare ñũ tuhtimai. ⁴⁻⁵ ã jirina cjiri mari jipachũta Cohamacũ marine pichacapũ wahaborinare yũhdũchũ yoare. ã yũhdũchũ yoaro to noariro jiare, masare to cahĩã cũhũre marine ñõõo nire tiro. Noano mari yoari mehne yũhdũchũ yoarerare marine. Marine pja ñũno mari ñaa yoari buhirire cosaro, Espĩritu Santo mehne marine yũhdũchũ yoare. ã yoaro marine to pohna wahachũ yoare. ã to yoachũ Espĩritu Santo sehe noaina mari jihtina cjihtire cohtotachũ yoare marine. ⁶ Jesucristo marine yũhdũchũ yoariro to yaria masa mũjaa mehne Cohamacũ to yairo Espĩritu

Santore ware marine pjíro to tuaa mehne marine yúhdúchú yoah tiro cjihto. ⁷ Marine cahĩno, marine noano yoa duare. ã yoa duaro tiro to yairo Espíritu Santore marine ware ñaa buhiri marieina mari jihto cjihtore, m̄anop̄ mari ã jirucuhto cjihtore. Mari ã jirucuhtore masina, tíre cohtana nija.

⁸ Tí yú niri potocãta jira. ã jicú tíre yú ni joariro seheta masare buhecú tí dutiare yoa pahño dutiga m̄hú. ã jicú Cohamacúre wacú tuainare tíre buhega noaare ti noano yoah to cjihtore. Ahri yú ni buheri noaa buhea jira. ã jia jipihtina masa ahri buheare ti túho n̄n̄chú wiho waro jierara. ⁹ Paina ti durucua sehe yaba cjihti jierara. ã jia masierapahta ti ni yúhdúrc̄aare m̄ túho n̄n̄chú yaba cjihti jierara. ã jia ti coyea panop̄ macaina ti jia tiare ti ni yúhdúrc̄aare, Cohamacú Moise cjirore to dutirire ti ni yúhdúrc̄aare tí jipihtiare noano m̄ túho n̄n̄chú yaba cjihti jierara. ã jicú tíre túho n̄n̄i tjiga.

¹⁰ M̄sa mehne macariro ã ni yúhdúrc̄ariro m̄sare cahma tju wachú to yoachú ñ̄cú “Yoaí tjiga”, niga tirore. P̄a taha tíre tirore m̄ yoa dutierari baharo to yúhtierachú ñ̄cú tirore piti tiecú tjiga. ¹¹ Tó sehe yoariro ñaa díhtare goa pjarucuriro jira. To ã jichú ñ̄na to ñariro to jichú masija mari.

Paulo duti batoaha

¹² Nicopolip̄ puhiro puro jii tai nija. ã jicú Artemare o Tíquicore m̄ cahap̄ yú waroca m̄htachú yú warocahtiro tórc̄are to s̄chú, Nicopolip̄ yúh̄re piti bocaga m̄h̄ tiro mehne. ¹³ ã yoa dutiare noano mih-nirirore Zena wama tirirore, Apolo c̄h̄re noano yoadohoga ti wahahto cjihtore. ã yoacú ti cahmaare jipihtiro tinare waga “Paye baro d̄hsari”, nicú. ¹⁴ ã jia Jesu yaina mari mehne macaina noaare yoapojaro paye barore d̄hsainare ti yoadohohto sehe noaare yoarucuina ti jihto sehe.

Paulo noa dutirocaha Jesu yainare

¹⁵ Jipihtina yúh̄ mehne macaina m̄h̄re noa dutira. Tóí jiina Jesu yaina s̄are cahĩina noajaro. Cohamacú to cahĩa mehne m̄sare jipihtinare noano yoajaro.

Filemón

Paulo Filemo wama tiriore joarocaha

¹ Y_h Paulo, Jesucristo yairo y_h jiri buhiri peresup_h jija. Y_h, mari coyeiro Jesu yairo Timoteo mehne m_hre Filemore joarocaja sã. M_h sã cahĩro Cristo yare sã mehne dahradohoro jira m_h.
² ã jina Jesu yaina m_h ya w_h cahmachuina c_hre joarocaja sã. Mari coyeco Jesu yacoro Apia c_hre joarocaja sã. Arquipo c_hre joarocaja sã. Arquipo sehe sã yoaro sehe Cristo yare yahuro jira. ³ ã jina Cohamac_h mari P_h, mari p_hto Jesucristo mehne m_hre noa dutija. Cohamac_h to mac_hno mehne ti cahĩa mehne, ti yoadohoa mehne noano jiga m_h.

Filemo painare to cahĩare, Cristore to wacũ tuaare yahuha Paulo

⁴⁻⁵ Y_h coyeiro Jesu yairo Filemo, Cohamac_hre m_hre sini payoc_h m_hre wacũc_h “Noana”, nija tiriore. Cristore m_h cahĩc_h, tiriore m_h wacũ tuach_h, paina Cohamac_h yainare m_h cahĩc_h t_hrocahi y_h. ã jic_h Cohamac_hre “Noana”, ni wahcheja. ⁶ Cristore mari wacũ tuana c_hno potori to yaina jina nija mari. ã wacũ tuaina jina, Cristore mari noano cahĩna, p_hro noaare c_hanahca mari. Tíre m_hre noano masihto sehe sini payoja Cohamac_hre. ⁷ Coyeiro, mip_hre painare m_h cahĩc_h t_hrocahi wahcheja y_h. Jipihtina Cohamac_h yainare noano wahchech_h yoayuhti m_h. M_h ã yoach_h t_hrocahi wahcheja y_h.

Paulo Onésimo ya cjihtire sini payoha Filemore

⁸⁻¹⁰ ã jic_h mip_hre Onésimore m_hre dahra cohtarirore m_h yoahire m_hre sini payo duaja. Peresup_h y_h mehne to jic_h Cristo yare yahuhi y_h tiriore. Tíre t_hro Cristore cahmahre tiro. ã yoaro tiro Cohamac_h yairo wahahre. ã waharo y_h mac_h yoaro sehe jiri jira. ã jic_h y_h Paulo b_hro jic_h Cristo yare y_h buheri buhiri peresui jic_h m_hre yahurocahtja

Onesimore m_h yoahire. Cristo buhe dutiro to c_hro jija y_h. ã jiri jic_h tiriore m_h yoahire dutiboa y_h. ã jiri jipaihta m_hre dutisi y_h. Cahĩa mehne m_hre yahurocahtja tó purota.

¹¹ Cristo yairo to jihto pano Onésimo m_hre dahra cohtariro jiro yaba cjihti jierasini jire. M_hre noano yoadoho masierasini jire. Mip_h pinihtare tiro m_hre, y_h c_hre noano yoadoho masiro jirohca. Mip_hre Cristo yairo jiro wiho jiri waro jierara. ¹² ã jic_h mip_hre tiriore m_hre waroca t_h nija. ã jic_h tiriore noano piti bocaga m_h. Tiriore tuaro cahĩa. ¹³ Noaa buheare y_h buheri buhiri peresup_h y_h jiro wato tiriore y_hre yoadoho dutiboa y_h tiriore warocaerac_h. Y_h mehne t_hre dutiboa y_h. M_hre sehe y_hre m_h yoadoho masierach_h tiro sehe y_hre yoadohoro t_hre, tiriore warocaerac_h. ¹⁴ Y_hre yoadohoro to jipach_h tiriore m_hre waroca t_hre. M_hre sehe tiriore “Paulo mehne t_hre”, m_h nich_h masic_h y_h mehne tiriore t_hre dutiboa y_h. Y_hre sehe “Y_h mehne c_hre tiriore”, ni duaeraja m_hre. ã jic_h tiriore waroca t_hre nija. ¹⁵ Tiro Onésimo mahaa n_hre m_hre to duhti wahc_hri baharo pari turi m_hre mehne jira. Cohamac_h to cahmariro sehta m_hre duhti wahc_hri jire tiro Cohamac_h yairo to wahahto sehe, y_h t_hrocahi. ã jiro pari turi m_hre mehne jiro ã jirucurohca m_hre mehne. ¹⁶ ã jiro tiro mip_hre dahra cohtariro jierara. Dahra cohtariro bui curero jiri jira tiro, y_h ñ_hch_h. Mip_hre tiro m_h coyeiro Jesu yairo jira. ã jic_h tiriore tuaro cahĩa. M_hre sehe y_hre y_hre tiriore cahĩhca. M_h ã cahĩro jiro dahra cohtariro jisini parota mip_hre dahra cohtariro to jiri sehe jierara tiro. Tiro m_h coyeiro Jesucristo yairo jira.

¹⁷ ã jic_h y_hre m_hre piti bocaboriro sehta Onésimo c_hre noano piti bocaga. M_hre mehne macariro y_hre jic_h t_hrocahi tiro c_hre noano piti bocaga m_h. ¹⁸ ã jic_h m_hre soro to yoariro jic_h m_hre to wapamoro jic_h y_hre sehe tíre wapaihtja. ¹⁹ Y_hre Paulo y_hre basi

ahrire mähure yahu joaihtja: Yuhü sehe wapaihtja mähure. Mähure yu buheri baharo Cristo yairo wahacu jipihtia dachoripe Cohamacu mehne jirucuhtiro jira mähü. Mähure yu ä buheri baharo mähü cühü yuhure pjíro wapamoriro jiboca. Mu ä jipachuta mähure wapaihtja to wapamonore. ²⁰ Yu coyeiro yu cahíro mari pühtoro Cristo yairo jira mähü. Cristo yairo jicu yu coyeiro jira mähü. Ä jiriro jicu yuhure noano wahchechü yoaga. (Ä jiriro jicu Onesimore noano piti bocaga.)

²¹ Ahri yu yahurire noano yoaihca mähü. Yu yahuri yuhdoro yoaihca mähü. Tíre mäsicu mähure joarocai nija. ²² Ahri cühure yahuihtja mähure. Musa caharu yu wahahto sehe Cohamacure sini payoyuhti musa yuhure. Musa ä sini payorire tiro yuhtiboca. “Jai” to nichü cahmaja yuhü. Ä jicu musa caharu yu sühti tahtiare cahnoyuga mähü.

Paulo noa duti batoaha Filemore

²³ Erafra mähure noa dutira. Tiro sehe Cristo yare to yoari buhiri yuhü mehne peresupu jiriro jira. ²⁴ Ä jia Marco, Aristarco, Dema, Luca mehne mähure noa dutira. Cristo yare yu buhechü tina sehe yuhü mehne buheina jira.

²⁵ Mari pühtoro Jesucristo to cahña mehne musare noano yoajaro.

Hebreos

Cohamacu macuno to Pucurore yahubasaha masare

¹ Panopu Cohamacu payu tahari mari coyeare panopu macaina cjirire to yare yahua tiri jire. Payu to beserina to yare yahu turiaa tiri jire. To yare yahu mahtaina cjirire yahu dutiro, ã yahua tiri jire tiro mari coyeare. ² Mipure pihtiri dacho panocãi jia dachorire to macunore to yare to yahu dutichu tiro sehe marine yahua tire. Tiro to Pucuro to yoa dutiro mehne ahri yahpare, muanano cãhure yoariro jira. To Pucuro sehe pihtiri dacho panocã jipihtiare cãhtirore cãa tiri jire tirore. ³ ã jiro to macuno sehe to Pucuro si siteare cãariro jiro, cãno potori to Pucuro yoaro seheta jiro, to Pucuro to jia tiare marine ñona. ã yoa to macuno to tuaa mehne to dutichu ahri yahpa, muanano cãhu ã jirucura. ã yoa mari ñano yoari buhirire to cosari baharo manopu to Pucuro tua yuhduariro poto buhusehei dujiri jire tiro, to puhtoro jiare ñono.

Cohamacu macuno anjoa bui jira

⁴ Tiro Cohamacu macuno wama tira. Tí wamare cãri jire Cohamacu tirore. ã wama tiro paina bui puhtoro jira. ã jiro tiro anjoa yuhdoro tua yuhduaricariro jira. ⁵ To yaina anjoa sehere Cohamacu ne õ sehe ni yahuerari jire: “Yu macu jira mahu. Michare yu macu mu jiare masichu yoaihca”, niri jire Cohamacu to macunore. Anjoa sehere ne õ sehe ni yahuerari jire. Tinare ahri cãhure ne yahuerari jire: “To pucuro jija yuhu. ã yoa tiro yu macu jira”, niri jire Cohamacu to macunore. Anjoa sehere ne õ sehe ni yahuerari jire. (ã jiro to macuno tina yuhdoro tua yuhduaricariro jira.) ⁶ Pa tehe to macunore wahma masa bajuarirore ahri yahpai cãno õ sehe niri jire Cohamacu tirore: “Jipihtina yu yaina anjoa na tuhcuca caha su, ño payoahca tina yu macure”,

niri jire tiro. ⁷ ã yoa to yaina anjoa sehere yahuro taro õ sehe niri jire tiro:

“Yu yaina anjoare wihnono yoaro sehe pjacu tichu yoaja yuhu.

Tina yuhure dahra cohtaina jira.

Tinare pichaca yoaro sehe pjacu tichu yoaja yuhu”,

ni yahuri jire Cohamacu. ⁸ Tinare ã ni-parota to macuno sehere õ sehe niri jire:

“Mahu Cohamacu jipihtina bui puhtoro ã jirucuihca.

Quihõno dutiuhca mahu mu yainare.

⁹ Mahõono marieno yoaare, noano yoaare tuaro cahmana mahu.

ã jicu ñaa yoaare ñu yabira mahu.

Mu ã jiriro jichu ñacu yuhu mu Pucu jipihtina paina yuhdoro mahure wahchechu yoahi”,

niri jire Cohamacu to macunore. ¹⁰ Ahri cãhure niri jire tiro to macunore “Puhtoro”, ni pisuro:

“Puhtoro, wahmanopure ahri yahpare, muanano cãhure bajuamehnere mahu mu basi.

¹¹ Tí jipihtia cohtota pihtia wahaahca.

Mahu sehe ne cohtotasi.

ã jirucuihca mahu.

Tí jipihtia suhtiro to baa boraro seheta pihtia wahaahca.

¹² Tí jipihtia manore ahri yahpa cãhure cohtotachu yoaihca mahu.

Munano suhtirore mu cohãboro seheta tí jipihtiare cohtotachu yoaihca mahu.

Suhtirore tjuwe na mu cohtotaro seheta tí jipihtia cohtotaahca.

Mahu sehe ne cohtotasi.

ã jirucuihca mahu”,

niri jire Cohamacu to macunore. ¹³ Ne anjoa sehere ahrire yahuerari jire Cohamacu:

“Yu poto buhusehei dujiga mahu.

Puhtoro jira mahu.

ã jicu mahure ñu tuhtiinare doca dahre, yuhduaricabasaihtja.

Tina bui puhtoro jiihca mahu”,

niri jire Cohamacu to macunore.

¹⁴ Jipihtina anjoa sehe Cohamacure dahra cohtaina jira. ã jiro Cohamacu warocara tinare to yaina anjoare Cristo to yuhduchu yoahinare yoadoho dutiro.

2

Cohamacu yare noaa buheare marine ã tãhotunocano cahmaerara

¹ ã yoa Cohamacu macuño waro marine yahuriro to jichu masina to yahuare mari tãhorire noano wacũno cahmana marine, “Tĩre bori”, nina. ² Anjoa masare Cohamacu dutia cjrĩre ti yahu cũ turĩariro seheta tí dutiare yãhdũrũca dutierari jire. ã jia masa sehe anjoa ti yahurire tí yãhdũrũcachũ ñũno Cohamacu tinare quihõno buhiri dahreri jire. ³ Anjoa tí yahurire mari yãhtiri yãhdoro Cristo sehene yãhtiro cahmana. Tiro mari pãhtoro marine to yãhdũchũ yoãhtore yahu mãhtari jire. ã jia tirore tãhorina sehe to yahurire marine yahu turĩare marine noano masichũ yoaa taa. ã jiro tí buheare marine to yãhdũchũ yoãhti buheare mari ã tãhotunocachũ Cohamacu tuaro marine buhiri dahrerohca. Tĩre duhti masieraja mari. ⁴ Tĩ buheare tãho mãhtaina painare ti buhero watoi Cohamacu sehe tí buhea quihõnota ti jichũ ñono nire. To tuaa mehne ñono nire. ã yoa payũ tahari to tuaa mehne yoa ñono, tí buheare quihõno ti jichũ ñono nire. ã yoaro to yainare ti yoãhtire to cahmano seheta cũri jire to buhea quihõno ti jiare ti masihtĩ. Espĩritu Santo sehe jira marine ã yoa masichũ yoariro.

Jesucristo mari yoaro seheta pjacu tĩro masa bajuaha

⁵ Pĩhtiri dacho baharoi jiina Cohamacu cahai jiina michapucacã yũ yahurina cjrĩ bui pãhtoa jisi anjoa sehe. Tina anjoare pãhtoa sõi Cohamacu. ⁶ Wiho mejeta cãiro Cohamacure to durucurire õ sehe ni joari jire panopũ:

“Masa wiho jiina ti jipachũta tinare wacũna mãhũ. Masare noano yoara mãhũ.

⁷ Mahaa nũmũricã anjoa docai masare cũri jire mãhũ.

ã cũpacũta mipũre tinare tuaare wacu pãhtoa sõi jire mãhũ.

⁸ Mũ ã sõchũ ahri yahpa macaa bui jipĩhtia bui jira masa”,

niri jire panopũ macariro Cohamacure. ã cũno ahri yahpa macaina wahiquina jipĩhtina bui, jipĩhtia bui cũri jire Cohamacu. Masare to ã pãhtoa sõpachũta jipĩhtina ahri yahpa macaina, ahri yahpa macaa bui jierasĩnica masa. ⁹ ã tina bui jierasĩnĩpanahta, Jesu sehene masija mari. Mahaa nũmũricã anjoa docai Cohamacu to macuño cũhũre cũri jire, mari yaro jĩborĩrore yariãhtĩrore. Cohamacu marine cahũno Jesure mari yariaborĩrore to yariachũ cahmari jire. ã jiro to ã yariachũ ñũno tirore tuaare waro, pãhtoro sõi jire tirore.

¹⁰ Cohamacu jipĩhtiare bajuamehneriro jira. ã yoa jipĩhtia to ya dihta jira. ã jiro Jesure to yariã dutichũ, tiro sehe mari ñaa yoari buhirire cohãri jire. ã cohãri jire tiro masa payũ to yaina jĩhtinare mũanopũ naano taro. Jesu to ñano yãhdũchũ masare yãhdũchũ yoãhtiro Cohamacu to waha dutiro seheta yoaro niri jire tirore. To ã yoachũ pinihta noa nina. ã jiro Jesu sehe marine yãhdũchũ yoariro waro, mari pãhtorota jira. ¹¹ Jipĩhtina masare tí ñaa yoari buhirire Jesu, to cosawerina mehne pũcu tira Cohamacure. ã jiro mari Pũcu cãirota jira. Mari Pũcu to jichũ Jesu marine to yainare to cosawerinare “Yũ coyera jira”, ni pisuro ne bũo tierara. To ã ni pisurire mũsare yahũhtja. ¹² Õ sehe nino niri jire tiro:

“Cohamacu, mũ jia tiare yahũhtja yũ coyepũre.

Jipĩhtina yũ yaina panoi mãhũre ño payocu ‘Tuariro jira’, ni yahũhtja yũhũ tinare”,

niri jire tiro to Pũcurore. ¹³ Ahri cãhũre niri jire tiro:

“Cohamacure wacũ tuaihca yũhũ”, niri jire tiro. Ahri cãhũre niri jire tiro:

“Õi jija yũhũ.

Cohamacu pohna mehne õi jija.

Yũhũre to cũrina yũ coyera mehne õi jija’, niri jire tiro to yainare ‘Yũ coyera’”, ni pisuro.

¹⁴ “Cohamacu pohna”, to niina pjacu tĩina mari jichũ ñũno, Jesu sehe mari ya pjacu yoaro sehe jiro tari jire. ã jiro tari jire tiro crusapũ yariaro taro, wãĩnore

butichu yoaro taro. Tiro watino sehe yari-
achu yoariro jira. ¹⁵ ã yoa watinore bu-
tichu yoaro, marine yuhduchu yoare. Mari
sehe dachoripe mari yariahtore cuimai. ã
cuiina jina pichacapu wahaborina jimai
mari. ã jiina mari jichu ñuno tiro ma-
rine yuhduchu yoare. ¹⁶ ã yuhduchu yoaro
anjoa sehere yoadohoro taerari jire tiro.
Abrahã panamanare Cohamacu yainare
mari sehere yoadohoro tari jire. ¹⁷ ã taro
tiro mari coyero warota tari jire. Cũno
potori mari yoaro sehe pjacu tiriro tari
jire. ã taro mari yuhduhtire mari ñaa yoari
buhirire Cohamacu cohã dutiro taro niri
jire. ã yoaro mari sacerdotea pãhtoa bui
pãhtoro to yoariro sehe yoaro taro niri
jire. Mari yoaro sehe jiro marine noano
pja ñana. ã yoa marine noano yoadohora.
ã jiro tiro mari sacerdotea pãhtoa ti bui
pãhtoro jiro nina Cohamacu dahra co-
htariro jiro. ¹⁸ Tiro ñano yuhduchi jire. ã
jiro watino tirore ñano yoa dutimari jire.
Yoaerari jire tiro. ã ñaare yoaerariro jiro,
tiro sehe mari cãhure ñaare yoaerachu yoa
masina. Watino to ñaare to yoa dutichu
ñuno marine ñaare yoaerachu yoa masina
Jesu.

3

Jesu Moise cjiro bui jiriro jira

¹ Jesu to ã jiriro jichu ñana tirore noano
wacũga m̃sa. Yu coyera Jesu yaina, Co-
hamacu to beseina jira m̃sa. Tiro Jesu
sehe Cohamacu to warocariro jiro mari
sacerdotea pãhtoa ti bui pãhtoro jira. To
buheare noaa buheare mari quihõno tãho,
buheja. Tiro sehe Cohamacu warocariro,
mari sacerdotea bui pãhtoro to jia tiare
noano wacũga m̃sa. ² Cohamacu tirore
marine to yuhduchu yoahore to cũchu
tiro sehe to cũriro seheta yoari jire. Ne
yuhducaerari jire. Moise cjiro cãhu Co-
hamacu yaina Israe masare yoadohoro
ne yuhducaerari jire. ãta yoari jire
Jesu cãhu. ³ Moise cjirore ti ño pay-
oriro yuhdoro Jesu sehere ño payoro cah-
mana marine. Õ sehe jira tí mari piti
dahre buhechu: Wãhure mari ño payoriro

yuhdoro wãhu dahreriro sehere ño pay-
oro cahmana marine. ã jiro Jesu sehe
wãhu dahreriro yoaro sehe jiriro to jichu
Moise cjirore mari ño payoriro yuhdoro
tiro sehere ño payoro cahmana marine.
⁴⁻⁶ Õ sehe jira ti: Mari Cristo yaina Co-
hamacu ya curua macaina jija. Cristo
sehe wãhure to cũboriro seheta marine
to ya curua macaina cjihtire cũno nina.
Masa sehe wãhuse yoaina jira. Cohamacu
sehe jipihtiare yoariro jira. Moise cjiro
sehe Cohamacu ya curua macainare yoad-
ohorucuriro jiro, baharopu Cohamacu to
yahuhtore yahua tiri jire masare. Cristo
sehe Cohamacu macano jiro, Cohamacu
yare yoarucuriro jiro, Cohamacu ya cu-
rua macaina bui pãhtoro jira. To ã jiriro
jichu ñana Moise cjirore mari ño payoriro
yuhdoro Cristo sehere ño payoro cahmana
marine. ã jina mari sehe Cristore wacũ tua
duhuerana, marine to yuhduchu yoahore
ã wahcherucuna to ya curua macaina jija
mari.

Cohamacu to yainare tiro mehne ti noano sochu cahmana

⁷ ã jina Cristore mari wacũ tua duhuer-
ahore õ sehe yoaro cahmana marine. Õ
sehe nina Espiritu Santo:

“Michare yuhu Cohamacu m̃sare yu
yahuchu, yãhti duaeraina jiena
tjiga.

⁸ Noano yãhtiga m̃sa yãhure.

Panopu Israe masa masa marienopu jia, ãta
yuhducaerucure yãhure.

ã jina tina yoaro sehe yoarena tjiga m̃sa
yãhure.

⁹ Tõpũre cuarenta cãhmari waro tinare yu
tuaa mehne yoa ñomai.

Yu ã yoa ñopachata tina sehe õ sehe ni
tãhotua timare: ‘¿Ñare mari yoachu
ñuno Cohamacu marine buhiri
dahrebocari?’ ni tãhotua timare.

ã ni tãhotua ñano yoa ñua tire.

¹⁰ Ti ã yoachu ñucũ tina mehne suai.

ã suacu õ sehe nii: ‘Tina yu durucuaere
tãho duaeraa, soro jia buheare ã
wacũmacarucua nina.

Ya sehere ne yãhti duaerara’, nii tinare.

¹¹ ã jicu tina mehne suacu õ sehe ni yahui:
‘Tina yuhu mehne macaina ne jisi.

Ã jia wapꝰ tiro marieno jisi tina', ni yahuri jire Cohamacꝰ", niri jire Espiritu Santo sehe.

¹² Ã jina yꝰ coyea, noano yoaga mꝰsa, "Cohamacꝰre cohãri", nina. Mꝰsa ñaare tãhotuna, Cohamacꝰre catirirore wacũ tuaerana, tirore cohãboca mꝰsa. Ne cãiro mꝰsa mehne macariro ã yoaero tjijaro.

¹³ Ã jina ahri sehere yoaro cahmana mꝰsare: Mꝰsa mehne macainare dachoripe Cohamacꝰ yare mꝰsa basi cahma durucuga "Ñaare yoari", nina. Ñaare yoana, "Tí mehne wahcheja" nina, mahñoare tãhotuna nija mari. Ñ ni tãhotuena tjiga. Ñaare yoarucuna Cohamacꝰ ya sehere ji coaeraja mari. Ñ yoana ñaare duhu duaeraja. "Ñ yoari" nina, mꝰsa mehne macainare Cohamacꝰ yare mꝰsa basi cahma durucuga. Cristo to tahto pano dachoripe tíre ã cahma durucurucuga.

¹⁴ Wahmanore Cristore mari wacũ tua durucuro seheta tó seheta mari wacũ tuarucuna, mari catiro puro to yare duhuerana, tiro mehne macaina jija.

¹⁵ Õ sehe nina Cohamacꝰ yare ti joari pũi: "Michare yꝰhꝰ Cohamacꝰ mꝰsare yꝰ dutichꝰ noano yãhtiga mꝰsa yꝰhꝰre.

Panopꝰ macaina Israe masa yꝰ yahupachꝰta ño payo duaeraa, yꝰhꝰre yãhti duaerare.

Ã jina tina yoaro sehe yoaena tjiga mꝰsa, niri jire Cohamacꝰ",

ni joaa tiri jire panopꝰre. ¹⁶ Ñ yoa Cohamacꝰ to yahurire tãhomarina jipahta tina tirore yãhtierari jire. Tina jipihtina Egiptopꝰ jina Moise to na wiorina jipahta tirore ne yãhtierari jire. ¹⁷ Ñ jia ã ñano yoarucua, cuarenta cãhmari waro Cohamacꝰre suachꝰ yoa mꝰjaa tiri jire. Ti ã yoari buhiri masa marienopꝰ yariari jire tina. ¹⁸ Tirore ti ã yãhti duaerachꝰ ñno ò sehe cua pisaro mehne niri jire tiro: "Tina yꝰhꝰ mehne macaina ne jisi. Ñ jia wapꝰ tiro marieno ne jisi tina", niri jire tiro.

¹⁹ To ã nichꝰ tãhona ahri sehere masinahca mari: Tina Cohamacꝰre ti wacũ tuaerari buhiri tiro mehne macaina ji masierari jire. Ñ jia tiro mehne noano so masierari jire.

4

¹ Ñ jiro panopꝰ macainare tiro mehne ti noano sohtore cahmano, tinare "Yꝰhꝰ mehne wapꝰ tiro marieno sonahca", ni cãuri jire Cohamacꝰ. Mari cãhꝰre ãta ni cãuri jire tiro. Ñ jina cuaro mehne Cohamacꝰre yãhdurucuaena tjijihna mari, "Cohamacꝰ yare yoa moñori", nina. Ñ yoa moñona tiro mehne noano sosi mari. ² Panopꝰ macaina cjiri Cohamacꝰ yare ti tãhoriro seheta mari cãhꝰ noaa buheare tãhohi. Tina tãho mãhtaina cjiri sehe tãhoa, "Cohamacꝰ ya waro jira", ni tãhotuerari jire. Ñ jia ti tãhori cjiri yaba cjihti jierari jire. ³ Mari sehe tirore wacũ tuana Cohamacꝰ mehne macaina jija. Ñ jina tiro mehne noano jinocahna, tiro mehne sonahca. Wapꝰ tiro marieno jinahca. Cohamacꝰ to niriro seheta jira tí. Õ sehe niri jire tiro tirore yãhtieraina cjirire:

"Tina mehne suacꝰ cuaro mehne ò sehe ni yahui: 'Tina yꝰhꝰ mehne macaina ne jisi.

Ñ jia wapꝰ tiro marieno ne jisi', ni yahui", niri jire Cohamacꝰ yare ti joari pũi. Ahri yahpare to yoari baharo dahra duhusiniri jire tiro. Yoari pja dahra duhuparota tina sehere tiro mehne so dutierari jire tiro.

⁴ Ahrire mari masija. Seis dachori ahri yahpare to yoari baharo to dahra duhurire yahuro ò sehe niri jire Cohamacꝰ ya durucure ti joari pũi:

"Seis dachori baharo jipihtiare to dahraare pahño, Cohamacꝰ dahra duhuri jire",

niri jire to yare ti joari pũi. ⁵ Ñ yoa pari turi Cohamacꝰ yare ti joari pũi ò sehe ni yahura tiro mehne noano jierainare:

"Tina yꝰhꝰ mehne macaina ne jisi.

Ñ jia wapꝰ tiro marieno ne jisi, niri jire Cohamacꝰ",

nina to yare ti joari pũi. ⁶ Noaa buheare tãho mãhtaina tirore ti yãhdurucari buhiri tiro mehne macaina jisi tina. Ñ jia tiro mehne wapꝰ tiro marieno jisi tina. Paina sehe tiro mehne macaina jiahca. Ñ jia tiro mehne wapꝰ tiro marieno soina jiahca. ⁷ Ñ jiro masare to yãhdurucua yoahti dachori paye dachorire cãuri jire pari turi Cohamacꝰ. Tí dachorita mipare

jira. Paya cãhmari baharo Israe masa cjiri Cohamacure ti tãho mãhtari baharo tí dachorire yahuri jire Davi cjiro sehe. Cohamacu tirore to yahu dutichu yahuri jire tiro. Cohamacu ya durucua ti joarire mãsare yu yahua dachorire õ sehe ni joari jire Davi cjiro:

“Ahri dachorire yuhu Cohamacu mãsare yu yahuchu yuhduhucaro marieno noano yuhtiga mãsa yuhare”,

ni joari jire panopure. ⁸ Tí pjarure Josué cjiro Israe masare Cohamacu to wari yahpai na sãri jire. “Yuhu mehne wapu tiro marieno soina jiahca” nino, tí yahpai ti sohtore nino nierari jire Cohamacu. Tí yahpai so dutiro, paye dachori to yuhduchu yohti dachorire cãeraboa tiro. ⁹ Wiho mejeta seis dachori baharo ahri yahpare to yoari baharo Cohamacu to dahra duhuriro seheta mari to yaina cãhu tiro mehne wapu tiro marieno mari sohto jirohca. Tiro mehne mari noano jihto jirohca. ¹⁰ Cohamacu sehe to dahrarire duhuncasiniri jire. Tó seheta tiro mehne soina cãhu mari wapu tirire duhuncanahca. ¹¹ ã jina mari to yaina noano yoajihna. Cohamacu yare noano yuhtijihna tiro mehne mari noano sohto sehe. Panopu macaina mari coyea cjiri ti yuhduhucari baharo Cohamacu mehne macaina ji masierari jire tina. Tina yoaro sehe yoarena tjijihna mari.

¹² Cohamacu ya durucua marine catichu yoara. Noaa sehere marine cohtotachu yoara. ã jia to ya durucua wiho jia jierara. ã yoa ñosari pjĩ pu buhuseheri siori pjĩ mehne dihirore ti yihso ñu ti masiroro seheta to ya durucua cãhu mari jia tiare noano masichu yoara. To durucua mari tãhochu, tíre mari buhechu mari jia tiare, mari tãhotua cãhure noano masi pahñoochu yoara marine. ¹³ Ne Cohamacure mari jia tiare mari dohse yoarire nu masieraja mari. Jipihtiare to bajuamehnerire, to bajuamehnerina cãhure ñuna tiro. ã jina mari yoarire tirore yahu yuhduro cahmana marine.

Jesu tuariro mari sacerdotea puhto bui puhtoro jira

¹⁴ Jesu Cohamacu macuno to Pucuro cahapu tjuariro jira. Tiro tuariro mari sacerdotia puhto bui puhtoro jira. ã jiro marine Cohamacure sini payora. To ã jiro jichu ñuna mari sehe to yare noano yuhtijihna. Tirore noano wacũ tuarucujihna. ¹⁵ Tiro mari sacerdotia puhto bui puhtoro mari ñano yuhduchu ñano noano pja ñuriro jira. Mari ñaa goa pjaare masina tiro. Watino jipihtiare ñaare marine to yoa dutiroro seheta tiro cãhure ñaare yoa dutimari jire. To ã yoa dutipachata tiro ñaare yoarero jire. ã ñaare to yoa dutimariro jiro, marine pja ñano tiro yoadoho masina marine. ¹⁶ ã jina cuuro marieno Cohamacure sinijihna. Tiro marine cahna. ã jiro tirore mari sinichu tiro sehe pja ñano, marine yoadohorohca. Watino marine to ñaare yoa dutichu, mari ñano yuhduchu cãhure tiro marine yoadohorohca.

5

¹ Sacerdotia puhto bui puhtoro besero, masunore besera Cohamacu. ã to besero jiro sacerdotia puhto bui puhtoro sehe tiro mehne macainare yoadohoro taro, Cohamacure dahra cohtariro jira. ã jiro ti ñaare ti yoari buhira Cohamacure sinibasara tiro mehne macainare. Wahiquirore wajã jũ muno, Cohamacure sinibasara. ² Sacerdotia puhto bui puhtoro paina masa yoaro sehe noano masi pahñoerariro jira. ã masi pahñoerariro jiro paina masierainare yoadoho masina. ã jiro noano yoaraina cãhure noano yoadoho masina. ³ ã jia sacerdotia noano yoa pahñoeraina jia ñaa buhira tiina jira tina cãhu. ã jia ti basi ti ñaare ti yoari buhira wahiquirore wajã jũ nu, Cohamacure sinina. Paina masare yoadohoa taa, ti ñaa buhira ti sinibasario seheta ti basi ti ñaa buhira cãhure sinina Cohamacure.

⁴ To basi to mu sãro sacerdotia puhto bui puhtoro sãerara. Cohamacu sehe tirore besero, sacerdotia puhto bui puhtoro sõna. Panopu macariro Aarõ cjirore to cãriro seheta paina sacerdotia puhto bui puhtoro cãhure cãna tiro. ⁵ Tó seheta Cristo cãhu to basi to mu sãro sacerdotia puhto

bui p̄htoro s̄aerari jire. Cohamac̄u sehe tirore p̄hto s̄ono, ò sehe niri jire:

“Ȳu mac̄u jira m̄h̄u.

Michare ȳu mac̄u m̄u jiare masich̄u yoai-hca”,

niri jire Cohamac̄u. ⁶ Pa tehe ò sehe niri jire Cohamac̄u Cristore:

“Jipihtia dachoripe sacerdote jirucuihca m̄h̄u.

Melquisede to jiriro seheta sacerdote jirucuihca m̄h̄u”,

niri jire to mac̄unore. ⁷ Cristo ahri yahpai jiro sañurucua mehne, yahco mehne Cohamac̄ure tuaro siniri jire tiro “Ȳh̄ure masoga”, nino. Cohamac̄u sehe tirore yari-
arore maso masiro jira. To ã sinich̄u Cohamac̄u t̄hori jire tirore. Cohamac̄u cahmaa dihtare to yoach̄u ñano Cohamac̄u sehe to sinirire t̄horo, tirore ȳhtiri jire.

⁸ Cristo Cohamac̄u mac̄uno jiparota ñano ȳhd̄ari jire tiro. ã ñano ȳhd̄uro ȳhtiri jire Cohamac̄ure. ã ȳhtiro noano ȳhtiare masiri jire. ⁹ ã ñano ȳhd̄uro, crusap̄u yari-
aro jipihtina tirore ȳhtihtinare ȳhd̄uch̄u yoah̄tiro wahari jire. ¹⁰ ã jiro Cohamac̄u sehe tirore sacerdotea p̄h̄toa bui p̄htoro c̄uri jire. ã jiro Melquisede sacerdotea p̄htoro to jiriro seheta jira Cristo.

Cristo yaina tirore wac̄u tua duhuch̄u cua nina

¹¹ Paȳu ò sehe jiare m̄sare yahu namo duaja s̄a. S̄a ã yahu namo duapach̄uta m̄sa sehe dapu butiina jira. ã jina m̄sare s̄a yahuch̄u mijo nina s̄are. ¹² Yoari p̄ja Cristo yaina jimana m̄sa. ã jina mip̄ure painare buheinap̄u ji tuhs̄u boa m̄sa. M̄sa ã jinanap̄u jiborina jipach̄uta paina m̄sa se-
here bueahca t̄joa. Cohamac̄u yare mijoera curea buhea dihtare t̄hora m̄sa. Wih̄ainac̄ã p̄cho dihtare ti sihni masino seheta m̄sa c̄h̄u mijoera curea dihtare noano t̄hora. Wahma buhe d̄caina yoaro sehe jira m̄sa. ¹³ P̄cho sihniina wih̄ainac̄ã jisina. Tina yoaro seheta m̄sa c̄h̄u jira mijo cureare t̄hoerana. “Ahri ñaa jira. Ahri noaa jira”, ni bese masierara m̄sa. ¹⁴ Ch̄are ch̄uina sehe b̄c̄na jira. Tina yoaro sehe jiina noano t̄ho masiina noano buheina jira. “Ahri ñaa jira. Ahri noaa jira”, ni bese masina tina sehe.

6

¹⁻² ã jina Cohamac̄u yare noano masiina, noano ȳhtiina jijihna. Cristo yare wahmanore mari buhe d̄cana ò sehe masi d̄cai: Mari m̄u s̄uro mari yoaa yaba c̄ihti jierara. Mari noano yoaa mehne ȳhd̄usi mari. Cohamac̄ure wac̄u tuaro cahmana marine. Ahri wahmanop̄ure buhe d̄care marine. ã jia bautisaare, wamomacarire marine ti duhu payoare, yariaina ti masa m̄jaare, ahri dacho to pihtiri baharo Cohamac̄u to buhiri dahrehtore, to buhiri dahrehtina ti ñano ȳhd̄urucuhto c̄h̄ure ahri c̄h̄ure wahmanop̄ure marine buhe d̄care. Ò sehe jia buheare masi tuhs̄u, paye sehere noano buhe namojihna t̄joa. ³ ã jina Cohamac̄u to cahmach̄u ãta yoanahca mari.

⁴ Mari ã yoerana Cohamac̄u yare duhuboca mari. Cohamac̄u yare masiina jipahta tíre duhuinare ne pari turi pano ti ñaa t̄hotumarire cohtotach̄u yo masierara. Tó sehe jiina Cohamac̄u tinare to noano yoah̄tore masia, Esp̄iritu Santo to yoaa tiare mahanoc̄ã masimare. ⁵ ã yo Cohamac̄u ya durucua t̄ho noaa durucua ti jich̄u masimare. Tuhs̄u, pihtiri dacho baharop̄u Cohamac̄u to tuaa mehne mari ã jirucuh̄tore, masare to buhiri dahrehto c̄h̄ure tina masimare. ⁶ ã jinanap̄ure Cristo yare duhurinare pari turi ti ñaa t̄hotumarire tinare cohtotach̄u yo masierara. Tó sehe yoaina Cohamac̄u mac̄unore pari turi crusap̄u ti c̄j̄a puharo seheta tirore yoaa nina. Ti ã yoach̄u ñaa paina masa Cristore b̄j̄pera. Ti ã yoach̄u tinare ti ñaa t̄hotumarire tinare cohtotach̄u yo masierara. ⁷ Ò sehe jira tí mari piti dahre buhech̄u: Noari yahpare p̄j̄ro coro tach̄u tí toaa noano du, d̄cha tira. ã jiro tí wese p̄ro dichare c̄j̄ara to ch̄htire. Tí yahpa Cohamac̄u noano to yoari yahpa jira. (Tó seheta noano yoara tiro to yaina c̄h̄ure.) ⁸ Wiho mejeta aḡa pota mehne, t̄ja mehne tí yahpa diaro yaba c̄ihti jierara. ã jiri yahpa Cohamac̄u to j̄u coh̄hti yahpa jira. ã jiro tí yahpare j̄nocanohca. (Tó seheta yoara tiro tirore duhuinare.)

*Cristore ã ño payorucuinare yuhduchũ
yoara Cohamacũ*

⁹ Yũ cahĩina, mũsare ã ni yahupaihta mũsa sehere “Cristore duhuina jira”, nii nieraja. Mũsa sehe Cristo to yuhduchũ yoaina jira. ã jina noaare yoana nica mũsa. Tĩre masija yũhũ. ¹⁰ Noano mari yoari wapa quihõno marine noano yoariro jira Cohamacũ. ã jiro to yare mũsa tuaro dahrari wapare bosu tiro. Tirore cahĩna noano yoadohore mũsa tirore. Paina Cristo yaina cũhare yoadohore mũsa. ã yoa tinare yoadohosinina nica mũsa. ã yoaina mũsa jichũ ñũno bosu tiro. ¹¹ Mũsa catisinino puro painare mũsa cahĩrucuchũ, mũsa yoadohorucuchũ cũhare cahmaja sã, baharopũ Cohamacũ yare mũsa duhuri nina. Mũsa ã noano yoachũ ñũno noano yoarohca Cohamacũ mũsare. ¹² ã jina mũsa capa bũĩina mũsa jichũ cahmaeraja sã. Paina Cristo yaina ñano yuhduprahta to yare ne duhuerara. Ti ã yoachũ ñũno Cohamacũ “Mũsare waihtja”, to nirire tinare wa pahõonohca. ã jina mũsa cũhũ tina yoaro seheta yoarucuga.

¹³⁻¹⁴ Panopũ Cohamacũ Abrahã cjirore õ sehe ni cũa tiri jire: “Yũ wama mehne ahrire potocã nii nija mũhũre. Mũhũre noano yoaihtja. ã yoacũ mũ panamana ji turianapũre payũ masa jichũ yoaihtja”, ni yahu cũa tiri jire Cohamacũ Abrahã cjirore. ã ni yahu cũno to ya wama mehne ã ni yahuro niri jire. Pairo tiro bui jirore ne mariachũ to ya wama mehne to basita ã ni yahua tiri jire. ¹⁵ “Mũhũre noano yoaihtja”, Cohamacũ to ni cũrire Abrahã cjiro sehere noano to cohtachũ ñũno to niriro seheta tirore noano yoaa tiri jire. ¹⁶ “Cohamacũ mehne potocã nina nija”, masa sehe nia, tina ti bui jirore wama mehne ã ni yahua nina. “Cohamacũ mehne potocã nii nija”, cũiro to nichũ tũhoro tiro pairo mehne cahma sayoriro “Potocã tjira”, ninohca. ã jia cahma sayo duhuahca tina. ¹⁷ Cohamacũ Abrahãre “Mũhũre noano yoaihtja”, ni cũno to ya wama mehne ã ni yahua tiri jire. To ã ni yahurire tũhona “Potocã tjira tí. ã yoa to niri ne cohtotasi” ni, masija mari. Tĩre

mari masihto sehe to ni cũri mehne “Yũ wama mehne potocã nii nija”, ni yahua tiri jire Cohamacũ. ¹⁸ ã jiro pũaro to ni durucuri mehne potocãta to nirire masichũ yoari jire Cohamacũ marine: To ni cũri cũhũ “Yũ wama mehne potocã nii nija”, to ni yahuri cũhũ tí pũaro mehne to ni durucurire yahua tiri jire tiro. To ni cũri cũhũ, “Yũ wama mehne potocã nii nija”, to ni yahuri cũhũ ne cohtotaerara. Cohamacũ ne mahõoerara. To ã jirore jichũ masina, marine to yoadohotore macana, tirore noano wacũ tuana, wahchea mehne marine to yuhduchũ yoahore cohtanahca mari. ¹⁹⁻²⁰ ã to yuhduchũ yoahore cohtana, wacũ tuaina jija mari. ã jina cuieraja. Sacerdotea pũhõto bui pũhõto Cohamacũ to jiri tahitia waropũ sãano, dũcatari suhtirore yuhdu sãahna. ã sãano masa ya cjihtire sini payobasara Cohamacũre. To ã yoariro seheta Jesu cũhũ baharo mari wahahto seheta mũanopũ Cohamacũ cahapũ waharo, mari ya cjihtire sini payobasara Cohamacũre. Tõpũ mari wahahto pano tiro sehe wahari jire. ã jiro jipihtia dachoripe sacerdotea pũhõto bui pũhõto jira tiro. Melquisede sacerdote to jirore seheta sacerdotea pũhõto jirucura tiro cũhũ.

7

*Melquisede sacerdote to jirore seheta
Jesu sacerdote jira*

¹ Melquisede cjiro sehe Salẽ wama tiri maca macaina bui pũhõto jia tiri jire. Sacerdote jiro Cohamacũ tuarirore, mũano macarirore sini payobasariro jia tiri jire. ã jiro paina pũhõtoare Abrahã cjiro cahma wajã yuhduhũca tuhsũ, to tjua tachũ waro Melquisede cjiro to ya macai jirore Abrahã cjirore piti bocaro sũa tiri jire. ã piti bocaro tirore sini payobasaa tiri jire Cohamacũre: “Noano yoaga ahrirore”, ni sini payobasaa tiri jire Cohamacũre Abrahã cjirore. ² To ã piti bocahto pano Abrahã cjiro sehe tirore ñũ tuhtinane wajã tuhsũ to wajãrina cjiri pũhõto yare naa tiri jire. To ã nari cjirire mahanocã waa tiri jire Melquisede cjirore. Cohamacũ to dutirore purocãta mahanocã waa tiri jire

Melquisede cjirore. Melquisede cjiro to wama sehe “Bui p̄h̄toro noano yoariro jira”, nino nina. Tiro cjiro Salē wama tiri maca macaina p̄h̄toro to jich̄u to wama ò sehe nino nina: “Bui p̄h̄toro noano jich̄u yoariro”, nino nina. “Salē” nino, “Noano jia”, nino nina. ³ Ne Melquisede cjiro p̄c̄s̄um̄are, to pano ji m̄h̄tainare to coyeare ti yahu joa òri mariahna. To masa bajuarire, to yariari c̄h̄ure yahu joa òri mariahna. Ì jiro ã jirucuriro yoaro sehe jira tiro cjiro. To ã jiriro jich̄u Cohamac̄u tiro mehne marine piti dahre buhera. Cohamac̄u to mac̄no to sacerdote to jirire marine buhera. Melquisede cjiro sacerdote ã jirucuriro yoaro sehe jira. Tiro yoaro seheta Cristo c̄h̄u sacerdote ã jirucuriro jira.

⁴ Ì jiro Melquisede ne wiho jiriro jiera tiri jire. Abrahã mari ñ̄ch̄u cjiro p̄h̄toro waro jiparota mahanocã to tjua narire tiro sehere waa tiri jire. Mahanocã waa tiri jire Melquisedere. ⁵ Ì jia Cohamac̄u dutia Moise cjirore to c̄uri dutia jipihtina paina Israe masare tó purota wapa dutira. Ì dutiro Leví panamana ji turiainare ti coyea waparire ñ̄aha dutiro, c̄ua tiri jire. Leví panamana sacerdotea wahaa tiri jire. Ì jia Israe masa Abrahã panamana ji turiaina jipahta ti sacerdotearo wapa tiri jire. ⁶ Melquisede sehe Leví panamino ji turiaro jieraparota wapa naa tiri jire Abrahãre. Cohamac̄u “M̄h̄ure noano yoaihtja”, to ni c̄uriro jiparota Abrahã sehe Melquisedere wapa tiri jire. Ì jiro Melquisede sehe Cohamac̄ure Abrahãre sini payobasaro noano yoa dutia tiri jire. ⁷ Noano yoa dutiriro Melquisede cjiro sehe to noano yoa dutiriro bui Abrahã bui jira. Tíre mari noano masija. ⁸ Mari mehne macaina sacerdotea marine mahanocã wapa naina mari yoaro seheta masa jira. Ì jia yariahtinata jira tina c̄h̄u. Ahriro Melquisede sehe Abrahãre mahanocã wapa nariro cjiro ã catirucuriro yoaro sehe jira, mari piti dahre buhech̄u. To yariarore yahueraro, ãta nino nia tiri jire Cohamac̄u yare ti joari p̄i. ⁹ Mip̄u macaina Leví panamana ji turiaina sacerdotea jia, mahanocã wapa nana.

Ì jina ti jipach̄ata Abrahã Melquisedere mahanocã waparo jipihtina Leví panamana ji turiaina ya cjihti c̄h̄ure wabasaro sehe yoaro nia tiri jire. Ì jia tina c̄h̄u Melquisedere mahanocã wapaina yoaro sehe jira. ¹⁰ Melquisedere Abrahã to waparip̄are Leví sehe masa bajuerasinia tiri jire. Ì masa bajuerasiniparota to ñ̄ch̄u cjiro Abrahã p̄jac̄u to jiboriro seheta Leví sehe ji tuhs̄aro nia tiri jire. Ì jiro Melquisede Abrahãre to piti bocach̄u Leví c̄h̄u to ñ̄ch̄u cjiro mehne jiro sehe jiro nia tiri jire. Ì jia Leví, to panamana ji turiaina mehne Melquisedere mahanocã wapaina yoaro sehe jia, tina to docai jia nia tiri jire.

¹¹ To dutiare c̄no Cohamac̄u Levíre to coyea c̄h̄ure sacerdotea ji dutia tiri jire. Ì jia to dutia ti niriro seheta tina sacerdotea wahiquinare wajã j̄u m̄u, sinibasaa tiri jire Cohamac̄ure masa ya cjihtire. Ti ã yoari mehne mari ȳhd̄una, paio sacerdotere soro sehe jiriro sacerdotere cahma namoeraboa mari. Ì jina paio sacerdotere cahmaja mari mip̄ure, Melquisede yoaro sehe jirirore. Leví ya curua macariro Aarõ cjiro yoaro sehe jina sacerdotearo mip̄ure mari cahmaeraja. ¹² Ì jina sacerdotere mari cohtotana, marine dutia c̄h̄ure cohtotaro cahmana marine. (Sacerdotea ti yoadohoa mehne mari ȳhd̄eraro seheta tí dutia mehne mari ȳhd̄eraja. Ì yoana tí dutiare cohtota pah̄ono cahmana marine.) ¹³ Aarõ, Leví c̄h̄u ti ya curua macaina dihtare sacerdotea sãa duti m̄hta tiri jimare Cohamac̄u to dutiare c̄no. To ã dutipach̄ata mip̄ure mari p̄h̄toro sacerdote to s̄iro pa curua macariro jira. Tí curua macariro ne sacerdote jierasinire. ¹⁴ Tiro Cristo Juda ya curua macariro masa bajuari jire. Tíre mari noano masija. Moise cjiro sehe sacerdotea s̄ono, Juda ya curua macainare ne c̄iro sacerdote s̄era tiri jire.

¹⁵ Ahrire masina, ò sehe mari noano masija: Mip̄ure wahma to s̄iro sacerdote Cristo Melquisede yoaro sehe jiriro jira. ¹⁶ Panop̄u macaa dutia ti niriro seheta Leví ya curua macaina dihta sacerdotea s̄ari jire. Mip̄ure to s̄iro sacerdote ti yoaro

sehe jiro sacerdote sãerari jire. Tiro Cohamacu tuaa mehne jipihtia dachoripe jiro jira. ã jiro tí tuaa mehne sacerdote sãari jire tiro. ¹⁷ Õ sehe nina Cohamacu yare ti joari pui:

“Jipihtia dachoripe sacerdote jirucuihca mahu.

Melquisede sacerdote to jiro seheta sacerdote jirucuihca mahu, nia tiri jire Cohamacu to macunore”,

ni joaa tiri jire panopu. ¹⁸ To dutia to cū mūhtari dutiare masa ti bihoerachu yaba cjihti jierari jire. ã jiro tí dutiare duti namoerari jire Cohamacu. ¹⁹ Moise cjirore to cūri dutia mehne ne yūhdūerara masa. ã jiro mipu sehene Cohamacu marine to yūhdūchu yoahore marine cūre. To ã yoachu mipure tiro cahapu waha masija mari. ã yoa tiro mehne durucu masija.

²⁰ ã yoa Cristore sacerdote sōno, “Yū wama mehne potocã nii nija”, nino tirore sōri jire to Pucuro. Paina sacerdoteare tirore to yoiro sehe wama payo sōerari jire. ²¹ Cristo sehe Cohamacu tuaro to yahuri mehne sacerdote sãari jire. Õ sehe nia tiri jire to Pucuro Cristore:

“Yūhu mā pūhtoro yū wama mehne mūhure potocã yahuihtja.

Ahrire ne duhu cūno marieno yahuja mūhure.

Jipihtia dachoripe sacerdote jirucuihca mahu”,

ni cūa tiri jire Cohamacu to macunore.

²² ã “Yū wama mehne potocã nii nija”, to nino mehne cūno, wahma buheare noaa buheare marine cūno, marine to yūhdūchu yoahore cūno nia tiri jire. Panopu macaa dutia yūhdoro mari noano jihtore cūno nia tiri jire. ã cūno Cohamacu “Mūsare yūhdūchu yoaihtja”, to niriro seheta yoaro taro, Jesure warocari jire marine yūhdūchu yoahore cjihtore. ²³ Ji mūhtaina sacerdotea ti yariachu ñua paina cohtota sãana tjoa. ã jia tina payu sacerdotea wahara. ²⁴ Jesu sehe ã jirucura. ã jia tirore cohtotaina mariaha sacerdotea.

²⁵ ã jiro tiro ã jirucuro, Cohamacure ã sini payobasarucura to yaina ya cjihtire. ã yoa Cohamacu mehne ti ã jirucuhto sehe masare yūhdūchu yoa masina tiro.

Jipihtina tirore wacū tuaina Cohamacu cahapu wahaahca. ã jiro Jesu jira pototi tinare yūhdūchu yoiro.

²⁶ ã jiro Jesu jira mari sacerdotea pūhtoa bui pūhtoro. Tiro pinihtare tuaro cahmaja mari. Ne ñaa buhiri marieriro jira tiro. Masa yoaro sehe ne ñaare yoerare. ã jiro Cohamacu tirore ñaina cahai jirore naahno, mūanopu cū, jipihtina paina bui pūhtoro sōri jire. ²⁷ Paina sacerdotea yoaro sehe jierara tiro. Tina sehe dachoripe wahiquinare wajã, jū mūoa, Cohamacure sinia tihre. Ti basi ti ñaa yoiro buhirire sini mūhtaa tihre. Baharo paina masa ti ñaa buhiri cūhure sinibasaa tihre tina. ã jia payu tahari tina Cohamacure sinia tihre. Jesu sehe sacerdote jiro, cū tahata to yariaa mehne siniri jire Cohamacure masa ti ñaa buhirire cohãno taro. ã yariaro to basi to pjacure to catia cūhure Cohamacure to waboriro seheta yoaro niri jire. ²⁸ Cohamacu dutia Moise cjirore to cūri cjirore sacerdotea pūhtoare sãa dutira. ã sãapahta ñaa marieina jierara ã sacerdotea sãa. Tí dutia baharo jia buhea mehne Cohamacu “Yū wama mehne potocã nii nija”, to nino mehne to yahuri buhea mehne to macuno sacerdotea pūhtoro sãari jire. Tiro sehe ñaa marieriro ã jirucura.

8

Cohamacu “Mūsare yūhdūchu yoaihtja”, ni cūha tjoa Moise cjirore to cūrire cohtotaro. Tiro yahubasariro jira Jesu

¹ Tí jipihtiare yahuna, ahri pinihtare mūsare yahuna nija: Mūsare sã yahuriro sacerdotea pūhtoa bui pūhtoro tiro pini mari yairo waro jira. Mūanopu Cohamacu tua yūhdūariro to pūhtoro dujiro cahai to pototo bāhusehei dujira Cristo mari sacerdotea pūhtoro. ² ã jiro ahri yahpa macari wūhūi, masa ti yoiro wūhūi sacerdotea dahraare yoerara tiro. Mūanopu jiri wūhūpūre mari pūhtoro to yoiro wūhūpūre sacerdotea dahraare yoara tiro. Tí wūhū pinihta Cohamacu waro ya wūhū jira.

³ Jipihtina ahri yahpa macaina sacerdotea pūhtoa wahiquinare wajã jū mūoa, wara, Cohamacure ño payoa. ãta yoa dutia

tiri jire tinare. Mari yairo sacerdote cãhure wa dutia tiri jire Cohamacure mari ño payohto sehe. Mari ñaa buhirire tirore wa dutia tiri jire. Æ jiro Cristo mari ñaa buhiri yariaro wahchechu yoari jire Cohamacure sacerdotea pãhtoa Cohamacure waa ti wahcheriro seheta. ⁴ Mari judio masa mari dutia ti niriro seheta ahri yahpapu sacerdotea masa ti ñaa buhirire wara Cohamacure sinia. Ahri yahpapu sacerdotea ji tuhsura. Æ jiro Jesu sehe mari yairo sacerdote ahri yahpapu jisinino, sacerdote jieraboa tiro sehe. ⁵ Ahri yahpa macaina sacerdotea ti dahraare ahri yahpa macari wãhũihta dahrara. Tí wãhũi Cohamacure ti ño payorire ñãna mãano macari wãhũpãre tirore mari ño payohtore masi cureja. “Tí wãhũ yoaro sehe jira”, nino nia tiri jire Cohamacu tãcũi Moise cjirore to wãhũre dahre dutiro. To ã dahrehto panocã Cohamacu õ sehe nia tiri jire tirore: “Tãcũi mãhũre yã ñoriro seheta tí wãhũ to jiriro seheta yã ya wãhũre quihõno dahrega”, nia tiri jire Cohamacu tirore. ⁶ Mipũ sehẽre Jesu sacerdote jiro to dahraa paina sacerdotea ya dahraa yãhdoro jira. Wiho waro jierara. Cohamacu marine “Mũsare yãhdũchũ yoaihtja”, to ni yahuri cjiri panopũ macaa dutia Moise cjirore to cũri dutia yãhdoro jira. Marine to yahuri cjiri tí dutia yãhdoro marine noano jichũ yoahca. Æ jiro marine Cohamacure yãhdũchũ yoabasariro jiro, Cristo sehe paina sacerdotea yãhdoro jira.

⁷ Wahmanopũre to dutiri cjiri mehne mari yãhdũeraja. Tí dutia mehne mari yãhdũchũ, paye buheare cũeraboa Cohamacu. ⁸ Wiho mejeta tí dutiare ti yoa pahño masierarire yahuro õ sehe nia tiri jire to yainare Israe masare:

“Õ sehe nina mari pãhtoro: ‘Noano tãhoga. Baharopũ paye buheare “Õ sehe yoad-ohoihtja mũsare”, ni yahuihtja yã yainare Israe masare, Juda ya curua macaina cãhure.

⁹ Tí buhea ti ñũchũsuma cjirire yã yahu cũri cjiri yoaro sehe ne jisi.

Yã basi tinare Egipto yahpai jĩnare na wiocũ tinare yahumai.

Yã ã ni yahurire yãhdũũcare tina.

Ti ã yoachũ ñũcũ tinare ã ñũnocahi.

¹⁰ Æ jicũ baharopũ Israe masare õ sehe ni yahuihtja: Yã dutiare tinare wacũchũ yoaihtja.

Æ jia yã dutiare yãhtiahca.

Æ jicũ yãhũ Cohamacu ti pãhtoro, tinare ñũ wihboriro jũihtja.

Tina sehe yã yaina masa jiahca.

¹¹ Æ jia tí pjare tina mehne macainare ne tina õ sehe cahma nisi: “Mari pãhtorore Cohamacure masiga mũsa”, ne ni cahma buhesi.

Tina jipihitina yãhũre masi tuhsũahca.

Wihãĩnacã, bũcũna cũhũ yãhũre masiina dihta jiahca.

¹² Æ jicũ ti ñaa yoari buhirire boihca yãhũ.

Tinare buhiri dahresi yãhũ.

Ti ñaa yoari buhirire pari turi wacũsi yãhũ’, nia tiri jire mari pãhtoro”,

nina Cohamacu yare ti joari pũi. ¹³ Mipũre marine wahma buheare cũno, panopũ macaa dutiare duhuro nire. Æ yoa mũna dutia cjirire mahanocã to duhuri baharo tí dutia cjiri cohtotaa wahara.

9

Ahri yahpa macari tahtiare mũano macari tahtia cãhũre Cohamacure ño payori tahtiare yahua

¹ Wahmanore Cohamacu to dutiare Moise cjirore cũno masa tirore dohse ti ño payohto cãhũre cũa tiri jire. Æ yoa Cohamacure ti ño payohti wãhũ cãhũre yoa dutiro cũa tiri jire. ² Tí wãhũ wahiquina cahsari wãhũ jia tiri jire. Pũa tahtia cjuaa tiri jire. Pjiwacũri tahtia ti sãa sũ mũhtari tahtia Cohamacu ya tahtia wama tia tiri jire. Tí tahtiai ti sihã buhriadu jia tiri jire. Æ jiro mesa cãhũ jia tiri jire. Tí mesa bui Cohamacure ti wari pão pisaa tiri jire.

³ Pa tahtia suhti cahsari mehne ti dũcatari tahtia jia tiri jire. Tí tahtia Cohamacu to jiri tahtia waro wama tia tiri jire. ⁴ Tí tahtiai uru mehne ti yoari altar, inciensore ti jũ mũori altar jia tiri jire. Æ yoa uru noaa mehne ti duhu õri caro tói coãa tiri jire. Tí caro puhichapũ uru wahwa maná wama tia chũa posa tiri wahwa jia tiri jire. Æ jiro tí caro puhichapũ Aarõ to tjuadu cjiro

pūri tidu jia tiri jire. ã yoa pua pjĩ tãa pjĩni Cohamacu to dutiare to joa òa pjĩni cūhu tí caro puhichapu sãa tiri jire. ⁵ Tí caro bui puaro anjoa masu jia tiri jire. Tí masu Cohamacu to si siteare, tí tahtiai to jiare ñoa nia tiri jire. Tí caro mohano bui ti wua dūpuri mehne mohaa tiri jire. Tí caro mohano bui masa ñaa buhirire ti warire wajã site payoa tia tiri jire sacerdotēa puhtoro. Tó purota yahuihtja ahri wuhū macaare mipare.

⁶ ã yoa tí wuhūre ti noano cahnorī baharo sacerdotēa dachoripe ti sãa su māhtari tahtiai sãa su, ti dahraare yoaa tia tiri jire. ⁷ Sacerdotēa puhtoa bui puhtoro dihta pa tahtiapu sãa tiri jire. Cūhmaripe cū tahata to sãari dacho baroihta sãa tiri jire tiro. ã sãano ti wajãriro wahiquiro ti wariro dire na sãano, Cohamacu ño payoa tiri jire. Di marieno ne sãaera tiri jire. To basi wacūenoca to yoari buhirire, to ñaa buhirire, jipihtina paina Israe masa wacūenoca ti yoari buhirire, ti ñaa buhirire dire na sãa tiri jire tiro Cohamacu sini payoro taro. ⁸ Jipihtia ahri mehne Espiritu Santo ò sehe ni marine buhero nina: Tí wuhūi Moise cjirore to cūri wuhūi mari ño payosinina, to cūri dutiare yoahntina jisinina, wiho jiina Cohamacu ño payona wahaeraboa mari. Sacerdotēa puhtoa bui puhtoro dihta Cohamacu to jiri tahtia waropu sãa masina. ã jina wiho jiina ti ño payoa wahaeraro seheta āta jiboa mari cūhu Moise cjirore to cūri dutiare cūasinina. ⁹ Ahri jipihtiare Cohamacu ño payori wuhūpu jiare marine cūno, marine mipu macainare buhero niri jire Cohamacu. Wahiquinare wajã jū mūoa, masa Cohamacu ti ño payori mehne ne Cohamacu cahapu wahasi. Ti ã yoari mehne ti ñaa yoari buhirire cosawerara. ¹⁰ ã wahiquinare waa, ti chūa, ti sihnia, ti pjacu cosaa, ti ò sehe yoaa mehne Cohamacu ño payoa timari jire. Ahri ti ã yoari wiho warota jira mipare. ã yoa tí dutia Moise cjirore to cūri dutia marine noaina wahachu yoaerari jire. Tí dutiare yoapanahnta mānanota jirucunocaja mari. Mari tūhotuare cohtotaeraja mari. ã jia wahma buheare Cohamacu to cūri baharo

mūna dutia sehe yaba cjihti jierara.

¹¹ Cristo sehe mari sacerdotēa puhtoro jiro ta tuhsūri jire. ã jiro marine noaare cū tuhsūri jire. Cohamacu ño payori wuhū mānanopu sacerdotēa puhtoro to dahrari wuhū paina sacerdotēa ti dahraa wuhūse yūhdoro noari wuhū jira. Mūano macari wuhū jira. Tí wuhū ahri yahpa macari wuhū jierara. ã yoa masa ti yoari wuhū jierara.

¹² Cristo mānanopu Cohamacu to jiro waropu cū tahata sãari jire mari ñaare yoari buhirire Cohamacu waro sehe yoaro taro. Tópu mānanopu òpu to jiri tahtia waro yoaro sehe jira mari piti dahre buhechu. ã yoaro cabritoā dire, wachūacā dire na sãa, waerari jire tiro. Tiro sehe to ya di warore Cohamacu to waro sehe yoaro niri jire yariaro. Jipihtia dachoripe Cohamacu mehne mari jirucuhto sehe to dire cohāri jire. Mari ñaa buhirire yariari jire. ¹³ “Yariainare pihana mūsa pjacu wete tiina jira”, ni cūa tiri jire Cohamacu Moise cjirore. Tó sehe jia ñaare wete tiare cosawea tiri jire cabritoā dire ti wari mehne. Wachūa dire ti wari mehne, wachūacāre ti jūri nitine ti wari mehne to sehe jia ñaare cosawea tiri jire. ¹⁴ Tó sehe jia ñaare wahiquina dire ti wari mehne, nitine ti wari mehne ti cosaweriro seheta tí yūhdoro Cristo sehe to dire to cohāno mehne mari ñaare yoarire noano cosawe pahñonocahna. Tiro ñaa marieriro jiro, crusapu yariaro to basita to pjacu to catia mehne Cohamacu waro sehe yoari jire. Espiritu Santo ã jirucuriro to yoadohoa mehne ã yoari jire tiro. ã yoa mari ñaa yoari buhirire Cristo to cosawechu ñūno mari ñaa buhirire Cohamacu bonocahno, mari ñaa yoarire duhuchū yoara. Tí ñaa buhirire cūasinina pichacapu wahahtina jimai mari. To cosawerina jina, Cohamacu catiriro yare yoaina jija mari.

¹⁵ ã jiro “Ò sehe mū sare yūhdūchu yoaihtja”, masare Cohamacu to ni yahu cūchu Cristo sehe to yahuaare yahubasariro jira. ã yahubasara tiro Cohamacu to beserinare yūhdūchu yoaro taro. To ã yūhdūchu yoachu jipihtia dachoripe tiro mehne jirucunahca mari to yaina. ã jina mari to

yainare Cohamacu to wahtire cjuanhca mari. Moise cjirore to cūri dutia dihta jichu masa ti ñaa buhiri jisinia tiri jire. Ñ yoa crusapu yariaro tí pjata ti ñaa yoari buhirire yuhduchu yoari jire tiro to yainare. ¹⁶⁻¹⁷ Masuno baharo to coyeare to wahtire joa ðyura papera pūi. To wahtire yahuro taro joa ðyura. Tí pūre joa ðyuriro to yariaerasinichu tí pū yaba cjihti jierara. To coyea to cjuarire na masierasina. Wiho mejeta, to yariachu ñua tí pūi to ni joariro seheta to yare naahca tina. ¹⁸ To yariahto pano tí pū to yaba cjihti jieraro seheta yariaro marieno di wijaro marieno Cohamacu Moise cjirore to cūri dutia cūhu ne yaba cjihti jieraboia. Ñ jiro wahiquiro dire sacerdote to wajã siteri baharo to dutiare quihōnota yoaro nia tiri jire. ¹⁹ Ñ yoaro ò sehe yoa mūhtaa tiri jire Moise cjiro: Cohamacu to cūri dutiare masare yahu pahñoa tiri jire. Baharo wachuacã dire, cabritoa dire co mehne morea tiri jire. Tuhsu, hisopo wama tidu dūpu mehne oveja pjoari sohãa mehne ti ñimiori pjoarire torëa tiri jire. Tí dūpu mehne dire soharo, Cohamacu dutiare to joari tju bui wajã site payoa tiri jire. Jipihntina masa bui cūhure wajã site payoa tiri jire. ²⁰ Ñ yoaro ò sehe nia tiri jire tiro: “Cohamacu marine to yahuri cjiri to dutiri cjiri ahri di mehne ti potocã jichu masija mari. Ahri dire ñua to niriro seheta marine to yoahntire masija mari. Tí dutiri cjirore yuhti dutiri jire tiro marine”, nia tiri jire Moise cjiro. ²¹ Ñ yoaro masare to yoariro seheta Cohamacu ti ño payori wahu wahiquina cahsari wuhure, jipihtia tí wuhui jia cūhure wajã sitea tiri jire. ²² Ñ tjira. To dutia ti niriro seheta payu ñaare di cohãno mehne cosawero cahmana. Mahanocã dūhsaa ñaare paye baro mehne ti cosawechu noana. Ñ jiro Cohamacu mari ñaa yoari buhirire ne bosu to di cohãerachu.

Cristo to dire cohãno, to yaina ti ñaa yoari buhirire cosaweha

²³ Tí jipihtia Cohamacu ti ño payori wahu, tí wuhui jia cūhu mūano macari wuhui jia yoaro seheta jiri jire mari piti dahre buhechu. Mūano macari wahu sehe potocãta Cohamacu ya wahu waro

jira. Ñ jia ahri yahpa macari wuhure, tí wuhui jia cūhure wahiquina dire to wajã siteri mehne cosawero cahmari jire. Tí yuhdoro mūanopu wahahtinare ti ñaa buhiri cjuainare cosawero cahmana. Ñ jiro wahiquina yuhdoro jiro ya di to cohãno mehne tinare ti ñaa yoari buhirire cosawero cahmana. ²⁴ Ñ yoa Cohamacu ti ño payori wahu masa ti yoari wahu jira. Mūano macari wahu yoaro seheta jira tí wuhui cūhu, mari piti dahre buhechu. Ñ jiro Cristo sacerdote jiro marine sini payobasaro taro ahri yahpa macari wuhure sãaerari jire. Potota mūanopu wahari jire tiro Cohamacu panoi marine sini payobasaro taro. ²⁵ Mari judio masa mari sacerdotia pūhtoa bui pūhtoro cūhmaripe Cohamacu to jiri tahtia waropu sãa tiri jire wahiquina dire waro taro. Cristo sehe to dire Cohamacu waro sehe yoaro taro, yariaro payu tahari sãaerari jire. ²⁶ Payu tahari yariariro jiro, ahri yahpa to jiro puro payu tahari yariaboia tiro. Payu tahari tiro mari ñaa buhirire yariarucuriro jiboia. Wiho mejeta pihtiri dacho panocã mipure marine jipihtinare yuhduchu yoaro taro cū tahata bajuari jire tiro ahri yahpai. Ñ bajuari jire to yariaa mehne mari ñaa buhirire cohãno taro. ²⁷ Jipihtina masa cū tahata yariaahca. Ti ñ yariari baharo masa noainare, ñaina cūhure beserohca Cohamacu. ²⁸ Cū tahata mari yariaro seheta Cristo cūhu cū tahata yariari jire payu masa ti ñaa yoari buhirire cohãno taro. Baharo pari turi tarohca. Mari ñaa yoari buhirire cohã tuhsariropu jirohca. Ñ jiro pari turi mari ñaa yoari buhirire cohãno taro nisi. Ñ taro tirore cohtainare wahchea mehne tirore ñu duainare yuhduchu yoaro tarohca.

10

¹ Cohamacu to dutia Moise cjirore to cūri cjiri noaa buhea yoaro seheta jipahta, cūno potori jierara. Tí dutia ti yoa dutiriro seheta cūhmaripe wahiquinare wajã, jū mūo, Cohamacu ti ño payorucura. Ti ñ yoa mehne masa ti ñaa yoari buhirire cohãerara. ² Tí mehne ti ñaa yoari buhirire

cohãa, cã tahata Cohamacure ti ño payori baharo “Mipure ñaa buhiri mariaha sãre”, ni tuhutuboa masa. ã jia pari turi wahiquinare wajã jũ mho Cohamacure ño payoeraboa. Ti ã yoarire duhunocaboa.

³ Cũhmaripe wahiquinare wajã jũ mho, Cohamacure ti ño payochũ tí tinare ti ñaa yoari buhirire wacũchũ yoara. Tó purocãta yoadoho duara tí tinare. ⁴ Wachũa di mehne mari ño payori mehne, cabrito di mehne mari ño payori mehne ne mari ñaa yoari buhirire cohãerara.

⁵ Tí potocãta jira. Ti ã jichũ ñũno Cristo ahri yahpapure to tahto pano õ sehe nia tiri jire Cohamacure:

“Wahiquinare jũ mho ti wachũ, trigo pohcare ti wachũ cũhare mũhũ ñũcũ ñũ ji coerara mũhũ.

ã jichũ yũ pjacure yoare mũhũ yũ ya pjacũ cjihtore.

⁶ Ñaa yoari buhirire ti cohãhtore wahiquinare wajã ti jũ mhochũ ñũcũ ñũ ji coerara mũhũ.

⁷ Mũ ã ñũ ji coerachũ ñũcũ õ sehe nihi mũhare:

“Õi jija. Mũ cahmano seheta yahpapũ yoai wahaihtja.

ãta yũhare ni yahura mũ ya tjupũ, nihi yũhũ”,

nia tiri jire Cristo to Pũcũrore. ⁸ “Wahiquinare

jũ mho ti wachũ ñũcũ, trigo pohcare ti wachũ cũhare ñũcũ ñũ ji coerara mũhũ”, ni yahu mũhta tiri jire tiro. Wahmanopure to dutia wahiquinare, trigo pohca cũhare ti waa mehne ti ño payo dutipachũta ã nia tiri jire tiro. ⁹ ã ni tuhsũ õ sehe ni namoa tiri jire: “Õi jija. Mũ cahmano seheta yahpapũ yoai wahaihtja”, nia tiri jire. To ã nichũ õ sehe masija mari. Panopũ wahiquinare wajã jũ mho mehne ti ño payori cjirire duhuchũ yoaro paye buhea sehere cũno niri jire Cohamacũ. ã cũno mipure Cristo to yariaro mehne masare yũhdũchũ yoarohca Cohamacũ.

¹⁰ Jesucristo to pjacure waro, yariaro, jipihtina mari to yainare mari ñaa buhirire cohãri jire. Cã tahata to pjacure wari jire mari ñaa yoari buhirire cohãno taro. ã yoaro Cohamacũ to cahmano seheta yoaro niri jire.

¹¹ Jipihtina mari judio masa mari yaina sacerdotia dachoripe Cohamacure ño payori wũhũ dahrarucura. ã dahrarucua dachoripe mũnanota wahiquinare wajã, jũ mho, Cohamacure sinirucura. Ti ã wajã jũ mho pachũta tí mari ñano yoari buhirire ne cohãerara. ¹² Cristo sehe cã tahata mari ñaa yoari buhirire yariaro, mari ñaa yoari buhirire noano cohã pahñonocari jire. Tíre cohã tuhsũ wahaa wahari jire to Pũcũro cahapũ to poto bũhũsehei dujiro waharo. Pũhtoro jiro tóphũ dujira. ¹³ Tóphũ dujiro cohtaro nina. Tirore ñũ tuhtiinare Cohamacũ sehe to yũhdũrcabasahore cohtaro nina Cristo. ¹⁴ ã jiro cã tahata to yariaro mehne ti ñaa yoari buhirire to cohãbasarinare ñaa buhiri marieina ti ã jirucuchũ yoara tiro.

¹⁵ Tí potocã tjira. ãta ni yahura Espiritu Santo marine. Õ sehe ni yahura tiro:

¹⁶ “Õ sehe nina Cohamacũ: ‘Baharopure õ sehe ni yahuihtja Israe masare, ‘Yũ dutiare ti wacũapũ cũihtja’”, ni yahuihtja”,

nina tiro. ¹⁷ Õ sehe ni namona Cohamacũ: “ ‘Ti ñaa yoari buhirire yũ dutiare ti yũhdũrcari cũhare pari turi wacũ namosi yũhũ’, nina tiro”,

ni yahura Espiritu Santo. ¹⁸ Mari ñaa yoari buhirire to ã bochũ pari turi mari ñaa yoari buhiri yariahtirore cahmaeraja mari.

Cohamacũ cahai sũna cuiro marieno tiro mehne mari durucuboriro seheta tiro mehne durucu masija mipure

¹⁹ ã jina yũ coyea Cristo to yariaro mehne to di cohãno mehne mipure mari cũhũ cuiro marieno Cohamacũ to jiri tahtia waropũ sãana, tiro mehne durucu masija. ã yoana tirore sini masija. ²⁰ Mari catirucũto cjihtore Cohamacũ marine ã coã yoaro niri jire. Cristo sehe mari ñaa yoari buhirire yariaro to di cohãri mehne Cohamacũ mehne durucu masija mari. Sacerdotia pũhtoa bui pũhtoro tí tahtiapũ to sãariro seheta Cristo sehe Cohamacũ cahapũ sũri jire mari ñaa yoari buhirire bo dutiro waharo. Tí tahtia macari suhtirore dũcatari suhtirore to tuhũrehũ cohãboro seheta Cristo to pjacure cohãri jire Cohamacũ mehne mari jirucũto sehe. ²¹ ã jiro Cohamacũ ya wũhũ dahraruro mari Yairo

Sacerdote tua yǎhdǎariro jira tiro. ²² ã jina Cohamacǎre sinijihna mahñono marieno. Tirore noano wacũ tuaa mehne, cuiro marieno tirore sinijihna. Cristo mari ñaa yoari buhirire to cosaweinapǎ jija. ã jina “Buhiri tiina jija mari”, ni tǎhotuina jieraja mari. ã yoa wete mariea co mehne mari cosawero seheta Cristo to cosaweinapǎ jija. ã jiina jina Cohamacǎre sinijihna. ²³ “Mǎsare yǎhdǎchǎ yoaihtja”, to niriro seheta yoarohca. ã jina tiro marine to yǎhdǎchǎ yoahtore noano masija mari. Tíre masina, ne boena tjijihna. Cohamacǎre ã wacũ tuarucujihna. ²⁴ Mari mehne macainare cahña, tinare yoadohojihna mari jipihtina mari cahma cahĩ yoadohohto sehe. ²⁵ ã jina noano cahmachurucujihna Cohamacǎ yare yoana tana. Paina sehe ti cahmachumarirore duhua nina. Tina yoaro sehe yoaena tjijihna. Mari mehne macainare wahchechǎ yoajihna. Ahri yahpapǎre mari pǎhtoro to tahto mahanocǎ dǎhsara. Tíre masina tuaro wahchechǎ yoajihna mari mehne macainare Jesu yainare.

²⁶ Potocǎ jia buheare noaa buheare mari masipanahta ñaare mari pari turi ã yoarucuchǎ mari ñaa yoari buhirire cosawe namohto basioerara. ²⁷ ã jiro tó sehe yoainare cua nina. Jipihtina tirore ñǎ tuhtiinare buhiri dahrero, tuaro jǎnoi cohãnohca Cohamacǎ tinare. ã jia to buhiri dahrehtore cuiina dihta jimana tirore duhuina. ²⁸ Cohamacǎ dutia Moise cjirore to cǎri cjiire yǎhdǎrcainare buhiri dahrea, mari coyea judio masa wajǎna tinare. Ne pja ñǎno marieno wajǎna tinare. Tiaro ti yahusǎchǎ tǎhoro beseriro ti yǎhdǎrcarire masino tinare buhiri dahre dutira. Tiaro mariachǎ pǎaro ti yahusǎchǎ tinare buhiri dahre dutira. To ã dutichǎ tinare wajǎna. ²⁹ Tí yǎhdoro Cohamacǎ macǎnore ñǎ yabiina to buhiri dahrehtina jiahca. Cohamacǎ Cristo to di cohãno mehne mari ñaa yoari buhirire cohãna. To ã cohãhtore yahuri jire tiro marine. ã jia tina ti ñaa yoari buhirire cohãrina jipahta baharo pari turi ñaare yoarucua ti ñaa yoari buhirire to cohãrre to di cǎhǎre “Wiho waro jira”, nia nina.

ã niina, to buhiri dahrehtina waro jia niahca. ã niina Espíritu Santore ñano ni durucuina jira. Tiro tinare cahĩiro jira. Ti ã ñano durucuchǎ ñǎno tuaro buhiri dahrerohca Cohamacǎ tinare. ³⁰ Ahrire mari noano masija. Cohamacǎ to basita õ sehe nia tiri jire: “Yǎhǎ jija buhiri dahrehtiro. Ti ñaare yoari buhiri buhiri dahrehtja yǎhǎ”, nia tiri jire tiro. Õ sehe ni namoa tiri jire: “Yǎhǎ ñano yoainare yǎ yainare buhiri dahrehtja”, nia tiri jire tiro. ³¹ Cohamacǎ catiriro marine to buhiri dahrechǎ cua yǎhdǎara.

³² Panopǎ mǎsa jirire wacũga mǎsa. Tí pjare Cohamacǎ yare wahma masi dǎcana payǎ tahari ñano yǎhdǎpanahta to yare duhuerare mǎsa. ³³ Cǎa tahari masa ti ñǎrocaroi paina mǎsare ñano ni, ñano yoapere mǎsare. Paina Jesu yainare ti ñano yoachǎ ñǎna, tinare pja ñǎ, tinare piti tire. ³⁴ Ti peresu yoainare pja ñǎre mǎsa. Tuhsǎ, mǎsa yare ti mapachuta wahchea mehne, “Noanohca”, nire mǎsa. Ahri yahpa macaa yǎhdoro noaare cǎara mǎsa mǎanopǎ. Tí noaa ã jirucuahca. Tíre masina, mǎsa cǎaare ti machǎ cahyaerare mǎsa. ³⁵ ã jina cuiena tjiga. Cohamacǎre ã wacũ tuarucuga. Mǎsa ã yoachǎ ñǎno tiro noano yoarohca mǎsare. ³⁶ Cohamacǎ “Mǎsare õ sehe yoadohoihtja”, to ni cǎrre noano cohtaga mǎsa ñano yǎhdǎpanahta. ã cohtaina jina to cahmaare yoanahca mǎsa. ã yoana to ni cǎrre cǎanahca. ³⁷ Õ sehe nina Cohamacǎ yare ti joari pǎi: “Mahanocǎ dǎhsara Cristo to wihito. ã taro dói wihi bahrañonohca.

³⁸ Yǎ yaina noaina sehe yǎhǎre wacũ tuarucuahca.

ã yoaa yaina jirucuahca.

Yǎhǎ mehne ã jirucuahca.

Yǎ yare cohãina sehere ñǎ yabija yǎhǎ”, nia tiri jire to ya durucua ti joari pǎi. ³⁹ Mari sehe Cohamacǎ yare cohãina jieraja mari. ã jina pichacapǎ wahahtina jieraja mari. Cohamacǎre wacũ tuaja mari. ã jina to yǎhdǎchǎ yoaina jija.

11

Wacũ tuaare yahuha

1 Õ sehe jira wacū tuaa: Cohamacure wacū tuana, marine to noano yoahore noano masija mari. Cohamacu to niriro seheta to yoerasinipachata to yahuare “Potocã tjira”, ni tãhotuja mari tirore wacū tuana. Tirore ñerapanahata, tirore wacū tuana, “Potocã tjira”, ni tãhotuja mari to yahuare tãhona. ² Panopu macaina Cohamacure ti wacū tuachu ñuno ñu ji coaa tiri jire tiro sehe.

³ Cohamacu to durucua mehne jipihtiare bajuamehnea tiri jire. Æ jiro tiro mari ñerari mehne jiphtia mari mipu ñuare bajuamehnea tiri jire. Tíre mari noano masija Cohamacure wacū tuana pinihta.

⁴ Cohamacure wacū tuaro Abe sehe corderore wajã, jã mœo, Cohamacure ño payoro “Noana”, nia tiri jire. To wahmino Caí yãdoro noanore waro, ño payoa tiri jire tiro Cohamacure. Æ jiro Cohamacu to warire wahchea tiri jire. Æ wahchero “Noariro jira”, ni ñua tiri jire tiro Abere. Æ Cohamacure to wacū tuachu ñuna mari tirore ñu cūja. To yariari baharo jipachata to wacū tuarire ñu cūja mari.

⁵ Enoco Cohamacure to wacū tuachu ñuno wahchea tiri jire Cohamacu. Æ wahchero tirore to cahapu na mœoa tiri jire. Æta nina Cohamacu yare ti joari pũi. To na mœori baharo ne masa tirore bocaera tiri jire. To na mœoriro jiro ne yariaera tiri jire. ⁶ Cohamacure wacū tuaerana, tirore wahchecu yoa masieraja mari. Cohamacure wacū tuaerana, tirore ño payo masieraja mari. “Potocãta tiro Cohamacu warota jira. Æ jiro tirore mari ño payochu marine noano yoara tiro”, mari ni tãhotuerana tirore sini masieraja mari.

⁷ Noé Cohamacure wacū tuaro, tirore to yahurire noano yãhtia tiri jire. Baharopu ti ñano wahahtore to yahuchu tãhoro noano yãhtia tiri jire tiro. Æ yãhtiro, pjiria dohoriare yoaa tiri jire. Æ yoa tia dohoria mehne tiro to coyea mehne dia mininore yãhdna tiri jire. Æ wacū tuariro jiro ahri yahpa macaina ñaina ti wacū tuaerarire ti pichacapu ti wahahto cãhure ñono nia tiri jire. Æ jiro to wacū tuachu ñuno “Noariro jira”, ni ñua tiri jire Cohamacu tirore.

⁸ Abrahã cjiro cãhu Cohamacure wacū tuaro tirore yãhtia tiri jire. Pa dihtapure tirore to wahti dihtapure Cohamacu to waha dutichu tãhoro Abrahã yãhtia tiri jire. To ya dihtai jirirowijaa waharo, to masierari dihtapu sua tiri jire. ⁹ “Ahri dihtare mãhure waihtja”, Cohamacu to nichu tãhoro tirore wacū tuaro tí dihtaihta tjuaa tiri jire tiro. Tóí jiro pa dihta macariro jiparota tóihata tjuanocaa tiri jire. Tirore, to macuno Isaa cãhure to panamino Jacobo cãhure tina cañare “Ahri dihtare mœsare waihtja”, ni yahua tiri jire Cohamacu sehe. Æ jia tina tí dihtai jia, wahiquina cahsari wãhusei jia tiri jire mœnana jieraina jia. ¹⁰ Tóí jisinia tiri jire Abrahã Cohamacu mehne to jihtore cohtaro. Pa macapu Cohamacu to jiri macapu mœanopu to wahahtore cohtaro nia tiri jire tiro. Tí macare dahrea tiri jire Cohamacu. Æ jiro tí maca ne pihtisi.

¹¹ Cohamacure wacū tuaro Abrahã cjiro bœcuro waro jiparota, to namono Sara mehne pohna tia tiri jire. To namono pohna marienicoro to jipachata, “To niriro seheta yoarohca”, Cohamacure nino, tirore wacū tuaro pohna tia tiri jire Abrahã. ¹² Æ jiro Abrahã bœcuro waro jiparota pohna tia tiri jire. Æ jia to panamana ji turiainapu payu wahanocari jire. Æ nahpichoha perire, padu pohcaricã cãhure mari quihõna bihoeraro seheta to panamana ji turiaina cãhure quihõna bihoeraja mari.

¹³ Jipihtina ahriina yu yahuina cjiripu Cohamacure wacū tua tuhsainapu yariaa tiri jire. Cohamacu tinare “Mœsare waihtja”, to ni quihõ cãrrore sœerapahta yariaa tiri jire. Tíre ñahaerapahta Cohamacu to niriro seheta yoari pja baharopu ti cãhãhtire masia tiri jire. Æ masia wahchea tiri jire. Æ jia õ sehe nia tiri jire tina: “Ahri yahpai tiniina jija. Pa yahpa macaina jija”, nia tiri jire tina. ¹⁴ Tóí sehe niina pa yahpare ti ya yahpa cjihtore cohtaa nina. Tíre mari noano masija. ¹⁵ “Pa yahpa macaina jira”, nicu panopu ti cohãri yahpare nicu nieraja. Pa yahpapu ti ji mœhtari yahpapu waha duaa, wahaboa. ¹⁶ Noa yãhduari yahpa sehere cahmaa nia tiri jire. Tí yahpa

muanopu jira. Ti ã cahmachu ñano “Cohamacu sã pũhtoro jira”, ti nichu tũhoro buo tierara Cohamacu. Ti ya maca cjihtore dahrebasa tuhsua tiri jire tiro.

17-18 Cohamacu Abrahãre to macunore Isaare wajã jũ mũo dutia tiri jire. Tirore ñu duaro ã dutia tiri jire, “¿Potocãta yũhure wacũ tuajari?” nino. Cohamacure wacũ tuaro to niriro seheta yoaa tiri jimare Abrahã. “Mũ macu Isaa mehne mũ panamana ji turiainare payu cjuaihca mũhũ”, Cohamacu to niriro jipachuta to macunore wajãno taro nia tiri jimare Cohamacure ño payoro taro. 19 “Yũ macu Isaare yũ wajãchu Cohamacu tirore masonohca”, ni tũhoturo tirore wajãno taro nia tiri jimare. Æ niriro jiparota Cohamacu tirore dũcata, wajã dutiera tiri jire. To pũcũro to ã wajãboriro jiro, masariro yoaro sehe jia tiri jire Isaa, Abrahã to ñũchũ. Æ jiro Abrahã tirore catirirore pari turi cjuaa tiri jire.

20 Isaa Cohamacure wacũ tuaro, to pohnare Jacobore, Esaú cũhure “Baharopu Cohamacu mũsare pjĩro noano yoarohca”, nia tiri jire. 21 Cohamacure wacũ tuaro Jacobo to yariahto panocã José pohnare, mũare “Cohamacu mũsare pjĩro noano yoarohca”, nia tiri jire Jacobo. Na tuhcuca caha sũ, to tjuadũ mehne tjua ñaha caha sũ, Cohamacure ño payoro, “Cohamacu mũsare noano yoarohca”, ni cũa tiri jire. 22 Cohamacure wacũ tuaro José to yariahto panocã Israe masa Egipto jina ti wijaahore yahuyua tiri jire. Æ ti wijaahore masiyuro to yariari baharo to pjacu cjirore naa dutia tiri jire to pohnare.

23 Cohamacure wacũ tuaa, Moiscãre tia sũ waro nũo cjuaa tiri jire to pũcusũma, to masa bajuari baharo. Noarirocã to jichũ ñua tirocãre nũoa tiri jire. Tĩ yahpa macaina bui pũhtoro ti pohnare to wajã dutirore yũhdũrucanocaa tiri jire tina. Tirore cuiera tiri jire. 24 Moise cjirore bũcũoricoro Egipto yahpa macaina bui pũhtoro macono jia tiri jire. Æ to bũcũoriro jiro Cohamacure wacũ tuaro “Ticoro macũno”, tirore ti ni pisuchũ cahmaera tiri jire Moise. 25 Cohamacure yũhdũrucariro jiro tirore bũcũoricoro cahapũ mahaa nũmũricã noano jiboa. Æ jiboriro jiparota

tĩ yũhdoro tiro Cohamacu yaina mehne ñano yũhdũ duaa tiri jire. 26 Æ ñano yũhdũro Cristore ti bũjũpehto seheta ti bũjũperiro jia tiri jire. Baharopu to noano yoari wapa Cohamacu tirore to noano yoahore masino ñano yũhdũ duaa tiri jire Cristo to ñano yũhdũhto seheta. Jipihina Egipto macaina ti noaare ti cjuaro yũhdoro tiro Cohamacu sehene tuaro cahmaa tiri jire. Ñano yũhdũparota, Cohamacure cahmaa tiri jire. 27 Cohamacure wacũ tuaro, Egipto macaina bui pũhtoro tiro mehne to suachũ cuieraa tiri jire Moise. Æ cuieraro tĩ yahpai jiriro tĩ yahpare cohã wahcãa wahaa tiri jire. Æ waharo Cohamacure bajuerarirore to ñũboriro seheta cuierariro jia tiri jire. Cohamacu tirore to yoa dutirire ne duhuera tiri jire Moise cjiro.

28 Cohamacure wacũ tuaro Moise cjiro Israe masare Cohamacu to yũhdũchũ yoahore masia tiri jire. Æ masino Cohamacu to dutiriro seheta Israe masa ti sopacarire õa pjĩnine di mehne wajã site dutia tiri jire tiro. Ti ã yoachũ ñano anjo masare wajãriro ti masa wahmisũmare wajãboriro Israe masa ti wahmisũmare wajãera tiri jire. 29 Cohamacure wacũ tuaa, Israe masa “Sohãri ma”, ti niri mapũ co watoi jiri wahsai co marieni wahsai wahaa wahaa tiri jire. Ti ã wahachũ ñua Egipto macaina cũhũ tinare ñũ cũ, nũnũ ti wahcãmaa, mini yariaa wahaa tiri jire.

30 Cohamacure wacũ tuaa Israe masa Jericó wama tiri maca macari sahrĩno tãa mehne ti yoari sahrĩno sũ bũtĩri sahrĩno baharo bũhũsehei soroa majarea tiri jire. Siete dachori waro tĩ macare soroa tinia tiri jire. Tõpe dachori ti soroa tiniri baharo tĩ sahrĩno sehte bora pihtia wahaa tiri jire. 31 Cohamacure wacũ tuaro tõ pano mũa mehne ñano yoarucuricoro cjiro Rahab wama tiricoro, tĩ maca macaricoro Israe masare yoadohoa tiri jire. Tĩ macare ti cohãhto pano mahainacã Israe masa tõpu sãa ti duhtĩ ñũchũ ticoro tinare yoadohoa tiri jire. To ã yoadohochũ ñua Israe masa wajãera tiri jire ticorore. Tĩ maca macainare Cohamacure yũhdũrucainare wajãpahta ticoro sehene wajãera tiri jire.

32 Painare Cohamacure wacũ tuainare

yahu namoboa y_hh. ã yahu duapaihta pay_hre ã Cohamac_hre wac_u tuainare yahu joa pah_ho masieraca y_hh. Pay_h jira tina. Gedeõ, Baraca, Sansõ, Jefté, Davi, Samue, Cohamac_h yare yahu m_htaina c_hh ahrina jipihtina y_h yahuborina jira. ³³ Cohamac_hre wac_u tuaina c_hina paye yahparip_h jia, tí yahpari macainare cahma wajã y_hhd_hcaaa tiri jire. ã yoa paina noano dutiina jia tiri jire. Cohamac_h tinare “M_hsare yoadohoihtja”, to niriro seheta tinare yoadohoa tiri jire. Tirore ti wac_u tuach_h ñ_hno ã tinare yoadohoa tiri jire. ã wac_u tuaa, yaya tinare ti ch_h duach_h ti d_hserire bihach_h yoaa tiri jire tina. ³⁴ Tuaro j_hri pichacap_h jipahta j_hera tiri jire tina Cohamac_hre wac_u tuaa. Paina tinare ti ñosa wajã duach_h duhti wahc_hã wahaa tiri jire Cohamac_hre wac_u tuaa. Tuaeraina jipahta Cohamac_hre wac_u tuaa, tuaina wahaa tiri jire. Cohamac_hre wac_u tuaina jia, cahma wajã tuaina jia tiri jire. ã jia paye yahpari macaina surara tinare wajãa taina ne c_hno pjaera tiri jire tinare. ³⁵ C_hã numia Cohamac_hre ti wac_u tuach_h ñ_hno ti coyea ti yariach_h ñ_hno Cohamac_h sehe tinare masobasaa tiri jire.

Paina “Cohamac_hre cahmaena tjiga”, ti ni peresu yoaina ti ñabiaro yoapeina Cohamac_hre wac_u duhuera tiri jire. “Cohamac_hre m_hsa wac_u duhuch_h m_hsare wionahca”, nia tiri jimare tinare peresu yoaina Cohamac_h yainare. Ti ã nipach_hta tinare y_htiera tiri jire Cohamac_h cahap_h tuaro waha duaa. ã jia tinare ñabiaro ti yoapech_h yariaa wahaa tiri jire. ³⁶ Painare Cohamac_hre wac_u tuainare ñ_hno ni b_hj_hpe tinare tjana m_hjaa tiri jire. ã yoa painare dahporire, yach_hire d_hhtenoca peresu yoaa tiri jire. ³⁷ Cohamac_hre wac_u tuainare ñ_hina t_ha mehne doca wajãa tiri jire. Painare ti pjac_hire seroti mehne yihso ta m_hjaa tiri jire. Painare ñosaa pj_hni mehne ñosa wajãa tiri jire tina. Ti ã ñ_hno yoapeina oveja cahsari mehne, cabra cahsari mehne suhti tiina pjac_hoina jia tiri jire. ã jia paina tinare ñ_hno yoapea tiri jire. ³⁸ Tina Cohamac_hre wac_u tuaina peri y_h yahuina noa y_hhd_hina ti jich_h ahri yahpa macaina ñ_hina tina mehne jiborina jierara.

Ahrina Cohamac_hre wac_u tuaina w_hh_hse marieina jia, masa marienop_h, t_hyucap_h ji sitotaa tiri jire. ã ji sitotaa, t_hyucap_h jia coparip_h, yahpai jia coparip_h c_hh_hre car_h sitotaa tiri jire. ³⁹ Ahrina jipihtina Cohamac_hre ti wac_u tuach_h ñ_hno wahchea tiri jire tiro. Ti ã wac_u tuapach_hta Cohamac_h tinare “M_hsare y_hhd_hch_h yoaihtja”, to niriro m_h s_herasinia tiri jire. ⁴⁰ To y_hhd_hch_h yoerasinirire yahuro õ sehe ni t_hhotua tiri jire Cohamac_h. “Ahrina y_h yainare baharop_h j_hina y_h yaina mehne c_hno potori y_hhd_hch_h yoaihtja”, ni t_hhotua tiri jire. ã ni t_hhoturo to niriro seheta yoarohca. To ã yoach_h noa y_hhd_hara to pano yoariro y_hhdoro.

12

Jesure ã wac_urucujihna mari

¹ ã jina ahrina y_h yahurinare pay_h Cohamac_hre wac_u tuainare masina, jipihtia ñ_haa yoare duhunocajihna mari c_hh. Õ sehe jira mari piti dahre buhech_h: M_hrocaperirore tirore m_hroca tuach_h dojomehnea jira paye. To dahpo suhti n_hca suhti tirore m_hroca tuaerach_h yoaboca. Tí yoaro seheta Cohamac_h cahmaare mari yoa duach_h dojomehnea c_hh jira. Ahri c_hh_hre duhujihna mari. ã yoana m_hrocapeina soro marieno ti m_hrocaro seheta mari c_hh Cohamac_h to cahmano seheta soro marieno yoajihna.

² ã jina Jesure ã wac_urucujihna mari. Tirota jira marine wac_u tua d_hcach_h yoariro. ã yoa marine wac_u tua namoch_h c_hh_hre yoara tiro. Crusap_h yariaro c_hno pjari jire. Baharo to wahchehtore masino crusap_h yariari jire. ã yariaro b_ho tiboriro jiparota b_ho tierari jire tiro. ã yoaro mip_hre Cohamac_h to p_hhtoro dujiro pototo bah_hsehei dujitj_hãhno tiro dutiriro jira.

³ ñ_hina masa tirore ti ñabiaro yoapach_hta c_hno pjari jire tiro. Tíre wac_uga m_hsa, m_hsa c_hh ñ_hno y_hhd_hna, “C_hno pjaerari”, nina. Tíre wac_uga m_hsa “Tirore wac_u tua duhuri”, nina. ⁴ Jesu to ñ_hno y_hhd_hiro sehe ñ_hare yoaerapanah_hta ñabiaro waro y_hhd_herasinica m_hsa. ñ_hina m_hsare wajãerasinica. ⁵ ¿Cohamac_h m_hsare to

pohnare to yahurire bonocajari m̄usa? M̄usa ñano ȳhd̄uhtire to yahurire wacūga m̄usa. Ō sehe nia tiri jire tiro:

“Ȳu mac̄u, m̄uh̄ure ȳu yahuch̄u ȳuh̄ure ā ñ̄nocai t̄jiga ñ̄ano ȳhd̄uipaihta.

M̄uh̄ure ȳu tuhtich̄u t̄h̄oc̄u cahyai t̄jiga.

⁶Jipihtina ȳu cah̄ĩinare yahuja.

Ã yoa jipihtina ‘Ȳu pohna jira m̄usa’, ȳu ni ñ̄ĩinare ȳhd̄uĩr̄uca dutieraja.

Ã jic̄u ti ȳhd̄uĩr̄ucach̄u ñ̄ĩc̄u tinare buhiri dahreja”,

nia tiri jire Cohamac̄u. ⁷Ñano ȳhd̄una Cohamac̄u yare duhuena t̄jiga. Co-

hamac̄u m̄usare to pohnare buhero nina. Ti p̄c̄us̄uma ti pohnare ā yahurucura. Ã yoa tinare buherucura. Tó

seheta yoara Cohamac̄u c̄h̄u marine to pohnare. ⁸Cohamac̄u jipihtina to

pohnare ā yahurucura. Ã jina m̄usare to yahuerach̄u to pohna waro jierara m̄usa.

P̄c̄us̄uma marieina yoaro sehe jira m̄usa to yahueraina. Ã jina “Sã P̄c̄u waro

jira”, ni masierara m̄usa Cohamac̄ure, m̄usare to yahuerach̄u. ⁹Mari p̄c̄us̄uma

marine ti yahuch̄u t̄h̄ona tinare ñ̄o payoja mari. Mari p̄c̄us̄umare mari ñ̄o payoriro

ȳhd̄oro ñ̄o payoro cahmana mari P̄c̄ure Cohamac̄ure to yahuch̄u. Ã jina tirore

ȳhtiro cahmana marine. Ã ȳhtiina jina jipihtia dachoripe tiro mehne jinahca.

¹⁰Mahaa ñ̄m̄uricã ahri yahpai mari jisnich̄u mari p̄c̄us̄uma marine yahua,

buhiri dahrera. Ti m̄u s̄uro ti masino p̄rocãta marine yahua, buhiri dahrera.

Cohamac̄u sehe marine noano yahura. Ã jiro to masia mehne marine buhiri

dahrera marine noaina b̄uc̄u dutiro. Ãta yoara tiro marine tiro yoaro sehe noaina

mari jihto sehe. ¹¹Marine to buhiri dahrech̄u wahcheraja mari. Wiho mari

cahyaja. Ã cahyapanahta to ã buhiri dahreri baharo noaina b̄uc̄uanahca mari.

Ã jina soro yoaro marieno noano jinahca.

Cohamac̄u marine to dutiare mari ȳhtierach̄u cua nina marine

¹²Ã jina wacū tuaera cureina jipanahta Cohamac̄ure wacū tuaina jiga. Tirore

duhuena t̄jiga. ¹³Noano potori mahare m̄usa wahaboro seheta noano potocã

yoaga m̄usa. M̄usa ã yoach̄u ñ̄u c̄u, paina Jesu yaina soro jiare yoasi. M̄usa noano yoach̄u ñ̄u c̄u, noano wacū tuaera cureina c̄h̄u wacū tuaina wahaahca.

¹⁴Jipihtina masa mehne noano jiga, cahmачeno marieno. Ã yoa ñ̄ano yoarucuenta t̄jiga. Ñ̄aa buhiri marieina dihta mari p̄htoro Cristore ñ̄uh̄ca.

¹⁵Noano yoaga m̄usa. Cohamac̄u m̄usare to yoadohoch̄u tirore noano ȳhtiga. Ñ̄aa

diaa ti toaare ti dojomehnenno seheta m̄usa c̄h̄u Cristo yare duhuena t̄jiga, “Painare

dojomehneri”, nina. ¹⁶Ne numia mehne ñ̄ano yoaina jiena t̄jiga. Ã yoa Cohamac̄u

yare cahmaeraina jiena t̄jiga. Cohamac̄ure cahmaerariro jia tiri jire Esaú c̄jiro. Tiro

masa wahmino jia tiri jimare. Ã jiro to p̄c̄uro to yariari baharo to p̄c̄uro yare

c̄j̄ahtiro jisinia tiri jimare. Cohamac̄u to p̄c̄urore to ni c̄ũri c̄h̄ure c̄j̄ahtiro jisinia

tiri jimare. Ã jiro jiro c̄ũ dacho c̄ũ wapaihta ch̄ure cahmano, tí wapa mehne

to bah̄uro sehere to wahmino yoaro taro cohtotaa tiri jire. ¹⁷To ã yoari baharo to

dohse waharire masina m̄usa. To p̄c̄uro tirore to wahtire tuaro cahmaa tiri jimare

Esaú. To ã cahmapach̄uta to bah̄urore to wahmino to yoari buhiri, baharo to

c̄j̄aborire waera tiri jire to p̄c̄uro Esaúre. Tíre yahco mehne to sinipach̄uta tirore

waera tiri jire to p̄c̄uro.

¹⁸Cohamac̄u to dutiare Moise c̄j̄irore to c̄ũch̄u mari coyea Israe masa c̄j̄iri Co-

hamac̄u mehne jia tiri jire. Tina tiro mehne ti jiro seheta m̄usa sehe jierare.

Ō sehe yoaa tiri jire tina sehe. T̄ũc̄ur̄u Cohamac̄u mehne jia taa, s̄uã tiri jire. T̄u

sehe Sinaí wama tid̄u jira. T̄ur̄u ti s̄uch̄u tuaro pichaca j̄uã tiri jire. Ã jiro nahitiano,

buiro, tuaro wihnono c̄h̄u jia tiri jire t̄ũ t̄ũc̄u. ¹⁹Tóur̄u ti s̄uch̄u corneta bisiro

coa taa tiri jire. Ã yoa durucua bisiro coa taa tiri jire. To ã durucua bisiro coa

tach̄u t̄h̄oa, masa c̄ũno pjaeraa, “Ã durucu namoeno t̄j̄jaro”, tuaro ni sinia tiri jire.

²⁰Cohamac̄u cuaro mehne ō sehe ni, dutia tiri jire tinare: “Jipihtina ah̄u

t̄ũc̄ure pihainare t̄ã mehne doca wajãga tinare. Ah̄ure pihariro wahiquiro waro

to jipachata tiro cãhure tãa mehne doca wajãga tirore. O ñosadũ mehne ñosa wajãga tirore”, nia tiri jire Cohamacũ. To ã nichũ tãhoa to ã ni dutiare cãno pjaera tiri jire tina. ²¹ Jipihtia tũ tũcũ jiro to ñũrire ñũ cuiro, õ sehe nia tiri jire Moise cjiro: “Cuicũ teterei nija”, nia tiri jire tiro.

²² Tó sehetã Cohamacũ mehne ti ji dũcariro sehetã jierara mũsa sehe. Cohamacũ mehne jina wahana, Siõ wama tidũpũ mũano macadũpũ mũsa sũboro sehetã potota Cohamacũ mehne durucure mũsa. Cohamacũ catiriro to ya macapũ mũsa sũboro sehetã potota tiro mehne durucure mũsa. Tí macã pa macã wahma macã Jerusalẽ mũano macari macã jira. Tópũre payũ anjoa peri jira. ²³ Tina Cohamacũ mehne wahchea taa cahmachuina jira. ã jina mũsa sehe to ya macã macaina jina, tópũ Cohamacũ pohna ji mũhtaina mehne mũsa cahmachuboriro sehetã jira. Tina to pohna wamare to joa õri pũi mũanopũ ti wamare to joa õina jira. Tiro Cohamacũ sehe jipihtinare besehtiro jira. Tiro mehne macaina jira mũsa sehe. ã jina paina noaina Cohamacũ yaina mehne cahmachuina sehetã jira mũsa cãhũ. Tinareta ñaa marieina jichũ yoa tuhsuri jire Cohamacũ. ²⁴ ã jina Jesu mehne macaina jira mũsa sehe. Wahmanopũ Moise cjirore to duti cũri cjirore cohtotaro “Mũsare yũhdũchũ yoaihtja yũhũ”, ni cũa tiri jire Cohamacũ marine. To ã ni cũriro sehetã yoiriro jira Jesu. To dire cohã to yariaro mehne ã marine yũhdũchũ yoara. Abe cjiro to di cohãchũ ñũno Cohamacũ Abere wajãrirore buhiri dahrea tiri jire. Jesu sehe to dire cohã to yariariro mehne noano yũhdũja mari. ã jiro Abe to di cohãri wiho warota jia tiri jire. Cristo sehe to di cohãri baharo noa yũhdũaro yoiri jire Cohamacũ marine. ã jia to di cohãri wiho warota jierara.

²⁵ ã jina noano yoaga mũsa. Cohamacũ yare mũsare yahurirore noano yũhtiina jiga. Panopũ ahri yahpai jirore Moise cjiro Cohamacũ yare to yahuchũ tãhoa, payũ tíre tũho duaera tiri jire. ã ti tãhoerari buhirire buhiri dahrea tiri jire Cohamacũ tinare. Cristo sehe mũanopũ

jiriro Cohamacũ yare yahuriro jira. ã jiro panopũ macainare to buhiri dahreriro yũdoro buhiri dahrerohca Cohamacũ Cristore cahmaerainare. Cristo sehe mũanopũ jirore Cohamacũ yare yahuriro jira. ²⁶ Tí pjare Moise cjirore to dutiare to cũri pjare Cohamacũ to durucuro mehne yahpa ñũhmichũ yoaa tiri jire. Mipũ sehere õ sehe ni yahuri jire tiro: “Ahri yahpa to ñũhmichũ cã taha yoa namoihtja. Ahri yahpa dihtare ñũhmichũ yoasi yũhũ. Mũanopũ cãhure ñũhmichũ yoaihtja”, ni yahuri jire tiro. ²⁷ “Ahri yahpa to ñũhmichũ cã taha yoa namoihtja”, nino jipihtiare to bajuamehnerire to cohãtore masichũ yoaro niri jire. Pũhtoro Cohamacũ to sũho jiropũre cohãto basioerara. ã jiro to bajuamehneri cjirore to cohãchũ pũhtoro to sũho jiro dihta tjuarohca. ²⁸ Pũhtoro to sũho jiropũ wahanahca mari. ã jina pũhtoro to sũho jiropũre to cohãerachũ ñũna, Cohamacũre “Noana”, nijihna mari. ã jina tirore ño payoa mehne, cua pisaro mehne to yare yoajihna mari tirore wahchechũ yoana tana. ²⁹ Pichaca jũno to cuaro to jiro sehetã Cohamacũ cuaro choro buhiri dahreriro jira.

13

Õ sehe Cohamacũre wahchechũ yoaga

¹ Mũsa mehne macainare cahĩ duhuena tjiga. ² Masa mũsa masieraina ti jipachata tinare mũsa wũhũsepũ noano mehne sãa ta dutiga. Paina ã yoaa, masierapahta anjoare ti wũhũsepũ sãa ta dutiri jire. ã jina ti yoaro sehetã yoaga mũsa cãhũ.

³ Peresui jiinare pja ñũga. Mũsa sehe tina mehne peresui jiina mũsa jiboro sehetã tinare pja ñũga. Paina ti ñano yoaina cãhure pja ñũga. Tina yoaro sehe mũsa cãhũ mũsa ñano yũhdũboro sehetã tinare pja ñũga.

⁴ Wamomaca dũhteina jipihtina mũsa basi noano cahma ño payoga. ã yoa paina mehne ñano yoena tjiga. Jipihtina numia mehne ñano yoainare, mũa mehne ñano yoaa numia cãhure buhiri dahrerohca Cohamacũ.

⁵ Niñerure cahĩina ne jiena tjiga. Õ sehe nia tiri jire Cohamacũ: “Mũsare ne cohãsi.

Ã yoadohorucuihtja m̄sare”, nia tiri jire tiro. Noho puro m̄sa c̄m̄aa mehne tó purota wahchega. Pj̄iro cahma namoena tjiga. ⁶ Ã jina cuiro marieno õ sehe ni t̄hotunahca mari:

“Mari p̄htoro Cohamac̄ marine yoadohoriro jira.

Ne cui si mari.

Masa marine ti ñano yoahtore cui si mari”, ni t̄hotunahca mari.

⁷ Cohamac̄ yare m̄sare yahurinare m̄sare dutirinare wac̄uga m̄sa. Ã yoa noano ti jia tirire noano ti yoaa tirire wac̄uga. Ã wac̄una, Cristore ti wac̄u tuariro seheta yoaga m̄sa c̄h̄u.

⁸ Jesucristo ne cohtotaerara. Panop̄u, mip̄u c̄h̄ure, baharop̄u c̄h̄ure to jiriro seheta jirucurohca tiro. ⁹ Paȳu buheare soro jia buheare t̄hoena tjiga m̄sa “Noa buheare s̄p̄u coh̄ari”, nina. “Ahr̄ire ch̄uga. Ahr̄ire ch̄uena tjiga”, ni buhera c̄aina. Ã ni ti nia buheare mari ȳhtich̄u tí marine yoadohoerara. Ã jiro tó sehe jia buheare mari yoach̄u wiho warota jira. Tí marine wac̄u tuaina jich̄u yoaerara. Cohamac̄ sehe marine p̄ja ñano wac̄u tuaina jich̄u yoara. Ã jina to ya tuaa mehne tirore wac̄u tuaina jiga m̄sa c̄h̄u.

¹⁰ Cristo mari ñaa buhirire yariari jire mari ñaare coh̄ano taro. Sacerdotea sehe õ sehe niina jira: “Wahiquina mari waj̄ã j̄u m̄uoina, mari waina mehne ȳhd̄unahca”, niina jira sacerdotea. Ã niina ti ñaa yoari buhirire coh̄aina ne ji masierara. Cristo to crusai to yariaro mehne ȳhd̄uina ji masierara tina ã ni t̄hotuina. ¹¹ Mari judio masa mari sacerdotea p̄htoro Cohamac̄ to jiri tahtia warop̄u ðire na s̄ano waj̄ã sitea tiri jire, masa ti ñaa yoari buhirire cosawero taro. Ã yoa to waj̄ãriro wahiquiro to p̄jac̄ure tí maca d̄ht̄u cahap̄u j̄u coh̄anocahna. ¹² To yoariro seheta Jesu c̄h̄u maca d̄ht̄u cahap̄u yariari jire, masa ti ñaa buhirire to ði coh̄ano mehne cosawero taro. ¹³ Maca d̄ht̄u cahap̄u to yariach̄u ñaa, ti ya buheare to coh̄ach̄u ñaa judio masa p̄htoa tirore ñu tuhtiri jire. Ã jina mari c̄h̄u tiro mehne macaina jijihna. Mari ã jich̄u ñaa, masa mari c̄h̄ure ñu tuhtiahca. ¹⁴ Ahri yahpap̄u

mari ji dojoahti maca ne mariahna. Ã jina mip̄ure mari baharop̄u j̄iht̄i macare cohtana nija mari. ¹⁵ Ã jina Jesu to yoadohoro mehne Cohamac̄ mehne durucuja mari. Ã jina tirore noano sinijihna. Sacerdote wahiquirore j̄u m̄u, Cohamac̄ure to ño payoriro seheta Cohamac̄ure mari d̄useri mehne noano durucu ño payojihna mari. “Cohamac̄ tuariro jira”, ni ño payorucujihna. Mari ã nich̄u tiro wahcherohca. ¹⁶ M̄sa mehne macainare noano yoaga. Ã yoa tinare yoadohoga. Tíre boena tjiga. M̄sa ã noano yoana Cohamac̄ure ño payona nica m̄sa. Ã yoana tirore wahchech̄u yoana nica.

¹⁷ M̄sa p̄htoare noano ȳhtiga. Ti dutiro seheta yoaga. Cohamac̄ m̄sare ñu wihbo, buhe dutiro c̄ure tinare. To ã c̄urina jia m̄sare ã ñu wihborucua nina “Cohamac̄ure ȳhd̄urucari”, nia. Ã jina tinare noano ȳhtiga m̄sa. M̄sa ã ȳhtich̄u ñaa wahchea mehne m̄sare yoadohoahca tina. M̄sa ȳhtierach̄u ñaa tina cahyaahca. Ã ȳhtierana noano jisi m̄sa.

¹⁸ S̄are sini payorucuga Cohamac̄ure. Dachoripe noaa dihtare yoa duaja s̄ã. Ã jina “Ñaaare yoana nija”, ni t̄hotueraja s̄ã. ¹⁹ Ahri pinihtare tuaro sini payoga Cohamac̄ure ȳh̄ure: Soaro mehne m̄sa cahap̄u ȳu wahahtore tirore sini payoga.

Ahri p̄ure joariro noa duti batoaha

²⁰ Cohamac̄ mari p̄htoro Jesure yariarirore masori jire. Marine noano jich̄u yoariro jira. Tiro “M̄sare ȳhd̄uch̄u yoaihtja”, ni c̄ua tiri jire Cohamac̄ marine. To ã ni c̄urire yoariro marine ȳhd̄uch̄u yoariro Jesu sehe jira. Mari ñaa buhirire yariari jire tiro. Ã jiro tiro tuariro ovejare ñu wihboriro yoaro sehe jiro, marine to yainare noano ñu wihbora. ²¹ Ã jiro Cohamac̄ tirore masoriro m̄sa c̄h̄ure yoadohojaro jipihtia noaare to cahmaare m̄sa yoahto sehe. Ã jiro Jesucristo to yoadohoro mehne Cohamac̄ to cahmano seheta jipihtinare marine noaa sehere cohtotach̄u yoajaro. Jipihtia dachoripe Cristore ño payojihna. Åta yoajihna.

²² Y_h coy_ea, ahri_re tuaro m_usare duti-
ihtja: Ahri p_ui y_h yahurire noano mehne
t_uhoga m_usa. Ahri m_usare y_h joarocari
p_u p_ji_ri tju jierara. ã jina ahri_re noano
t_uhoga. ²³ Ahri cãh_ur_e m_usare yahuihtja:
Mari coy_eirore Timoteore peresu jirirore
wioyuhti. Soaro mehne to wihich_u m_usare
ñ_ui wahac_u tirore naaihtja. Y_uh_u mehne
waharohca.

²⁴ M_usa p_uh_to_ar_e, jipihtina painare Co-
hamac_u yainare t_oi j_iin_ar_e noa dutija.
Italia macaina Jesu yaina cãh_u m_usare noa
dutira.

²⁵ Cohamac_u to cah_ia mehne m_usare jip-
ihtinare noano yoajaro.

Santiago

Santiago Israe masare macari waharinare joarocaha

¹ Yuh, Santiago ahri pui musare noa duti joarocai nija. Cohamacure, mari puhtoro Jesucristo cature dahra cohtariro tjija yuh. A jic Israe masa ya curuari macainare doce curuari macainare Jesu yainare macari waharinare y coyeya musare joarocai nija.

Cohamacu sehe noano masichu yoara

² Yu coyeya, payu jiahca musa nãno yuhduhti. A nãno yuhduna noano wahchea mehne tuhutuga. ³ A nãno yuhduna, potocãta Jesure musa wacũ tuaare ñona ninahca musa. A jina nãno yuhdupanahta Jesure musa noano wacũ tuaina jina, tirore wacũ tua namoina wahanahca. A wahana musa nãno yuhduare cãno pjanahca. ⁴ A yoana duhuro marieno a cãno pjarucuina jiga musa, tuho masiina, Cohamacu cahmaare noano masiina musa jihto sehe. A jina duhsaro marieno to yare yoarucuina jinahca musa.

⁵ Cohamacu duhsaro marieno jipihtinare wara. A waro tirore siniinare soro nino marieno wara tiro. To a jiro jichu masina, musa masihti duhsachu tuhutuna, tirore siniga. Musa a sinichu musare masi namochu yorohca tiro. ⁶ A sinina Cohamacure noano wacũ tuatjiãhna siniga musa. "Sã sinichu Cohamacu waeraboca sãre", ni tuhutuena tjiga. Tó sehe ni tuhutuina pjiri ma macaa pahcõri yoaro sehe jira. Pahcõri ti suroca cohtotaro seheta tina cãhu ti wacũapure suroca cohtotara. Cãno potori yoerara tina. A jia Cohamacure wacũ tuaerara. ⁷ Tó sehe ni tuhutuinare ti sinipachuta ne mahanocã ti siniare tinare wasi mari puhtoro Cohamacu. ⁸ Michare ahrire cahmariro jiparota ñamichacapure soro tuhutura tjoa. A yoiroro tó wahaerara.

⁹ Jesu yainare wiho jinare Cohamacu sehe puhtoã sõnohca. To a yoahina jia wahchejaro tina. ¹⁰ A jia Jesu yaina

pache puã jia ti ya pache pihtihore masia wahchejaro. Tí pache wiho warota jira, Cohamacu to ñuchu. Cohori ti dói baa boraa waharo seheta ti pache pihtia wahaahca. A jia tina cãhu wahchejaro. ¹¹ Sã muja taro to tuaro sichu tja sehe ñaia wahara. A yoa cohori cãhu ñai boraa waha, noaa cohori ti jia cjiri pihtia wahara. Ata waharohca pache puare ti pachere ti na cahmachuno watoi. Tina ti pache mehneta butia wahaahca.

Ñano yoa dutiare yoerario wahcheriro jira

¹² Ñano yuhduro cãno pjaro, ñano yoa dutiare yoeraro wahcheriro jirohca. To a cãno pjachu, to ñaare yoerachu jipihitia dachoripe mãno macaa catiare tirore warohca Cohamacu. "Tí catiare waihca", ni cãa tiri jire Cohamacu jipihtina tirore cahinare. ¹³ Musare ti ñano yoa dutichu "Cohamacu yuhure ñano yoa dutiro nina", ni tuhutuena tjiga. Ñano yoare tuhutuero jira Cohamacu. A jiro tiro sehe masare ñano yoa dutiro jierara. ¹⁴ Masa tuaro ñaare ti goa pjaata tita tinare ñano yoachu yoara. ¹⁵ A jia ñaare goa pjara masa. A goa pjaã, tí sehene tuhutura. A tuhutua, tí ñaare yorucura tina. Ti a yorucuri buhiri Cohamacu tinare pichacapu cohãnohca.

¹⁶ A jina yu coyeya yu cahina, "Cohamacu yuhure to dutichu ñano yoahi", ni tuhutuena tjiga. Potocã jierara tí. ¹⁷ Cohamacu mãno macariro marine noaa dihtare wara. Tiro pinihta sã dacho macarirore, ñami macarirore, ñahpichoha poca cãhure bajuamehneriro jiro, tiro sehe to jiro seheta a jirucunocahna. Ne cohtotaerara. ¹⁸ To cahmariro seheta tiro noaa buhea mehne marine to pohna wahachu yoare. A yoare tiro to pohna ji mũhtaina mari jihto sehe.

Potocãta Cohamacure ño payoa õ sehe jira

¹⁹ Yu cahina, yu coyeya ahrire noano tuhoga musa. Cohamacu yare noano tuhoga musa. A tuhona, noano tuhuturo marieno durucuena tjiga. A yoa suaena tjiga. ²⁰ Cãiro suariro jiro, Cohamacu

to cahmano seheta quihõno yoariro jierara. ²¹ ã jina jipihtia m̄sa ñaa yoarire, m̄sa ñaare goa pjarire duhuga m̄sa. ã jina Cohamac̄re noano ȳhtiina jina to buheare tuaro cahmaga m̄sa. To ya buheare m̄sa tuaro cahmach̄ Cohamac̄ sehe m̄sare pichac̄m̄ wahaborinare ȳhd̄ch̄ yoarohca.

²² To yare t̄hopanahta to nino sehe yoerana mahñoare t̄hotuna nica m̄sa. “To nino sehe ȳ yoerach̄ noanohca”, ni t̄hotuna mahñoare t̄hotuna nica m̄sa. ã jina to yare t̄hona tí sehere yoaga. ²³ Cohamac̄ yare t̄hopanahta, to nino sehe yoerana, to w̄hd̄are ñõno mehne ñ̄riro yoaro seheta jira m̄sa. ²⁴ Tiro to w̄hd̄are to ñ̄ri baharo waha, to ñ̄rire boa wahara. ²⁵ Pairo sehe to ñ̄rire to boerariro seheta Cristo to dutirire t̄horo tíre yoaro, wahcheriro jirohca. Tí dutia Cristo to cahña mehne masare to ȳhd̄ch̄ yoahti buhea jira. Tí buheare ne coh̄erariro wahcheriro jirohca. Tiro pinihta to t̄horire yoariro jira. ã yoariroro noano yoarohca Cohamac̄.

²⁶ C̄airo to ã durucumac̄anocarire duhu masieraro, potoc̄ata Cohamac̄re ño payoerara. “Cohamac̄re noano ño payoja”, ni t̄hoturiro jiparota mahñoare t̄hotura tiro. “Cohamac̄re ño payoja”, niriro to jipach̄ta to ño payoa ne yaba c̄ihti jierara. ²⁷ Potoc̄ata Cohamac̄re mari P̄ch̄re mari ño payona, to cahmano seheta ño payona, õ sehe yoaja mari: P̄ch̄s̄ma marieinare, wapewahya numia c̄h̄re ñano ti ȳhd̄ch̄ ñ̄na, tinare yoadohoja mari. ã jina ahri yahpa macaina ñaare ti yoaa barore ne yoa duaeraja mari. ã yoana potoc̄ata Cohamac̄re ño payoina jija mari.

2

Masare c̄ano potori noano yoaro cahmana marine

¹ Ȳ coyea, noa ȳhd̄ariroro Jesucristore mari p̄htorore t̄hona, tirore wac̄u tuaina jira m̄sa. ã wac̄u tuaina jina masare c̄ano potori noano yoaro cahmana m̄sare. ²⁻³ ã yoa uru sororire, wamomaca s̄a sororire c̄ariro, wapa tia suhtire

s̄ariro m̄sa Jesu yaina cahmachuno cahp̄ to tach̄ ñ̄na tirore noano mehne piti bocaboca. “Õi dujiro jira”, niboca m̄sa tirore. ã nipanahta tí pjata pjac̄oriro c̄h̄ ñ̄no suhti tirore m̄sa cahai to tach̄ ñ̄na tiro sehere noano piti bocaeraboca. “Õi ducuga. O yahpai dujiga”, niboca m̄sa tirore. ⁴ M̄sa ã yoana masare c̄ano potori yoerana nica m̄sa. ã yoana ñaare t̄hotuina masare beseina yoaro sehe jina nica m̄sa. “Ahriro sehe noariro jira. Ahriro ñ̄ariro jira”, ni besemana m̄sa.

⁵ Ȳ coyea, ȳ cahñina, ȳh̄re t̄hoga. Paȳ pjac̄oina sehere Cohamac̄re noano wac̄u tuahtina c̄ihtire, p̄htoro to s̄ho jirop̄re jihtina c̄ihtire besea tiri jire Cohamac̄. “T̄p̄re wahanahca m̄sa”, ni c̄a tiri jire Cohamac̄ tirore cahñinare. ⁶ Tinare to ã besepach̄ta m̄sa sehe pjac̄oinare noano yoerare. Pache p̄a sehe m̄sare ñ̄no yoara. ã yoaa tina masare beseriro cahp̄ m̄sare naahna m̄sare yahus̄a taa. ⁷ M̄sa sehe “Cristo yaina”, masa ti nina jira. Paȳ pache p̄a sehe Cristore ñ̄no ni durucuina jira. (ã jiro pjac̄oinare m̄sa ño payoriro ȳhd̄oro pache p̄are m̄sa ño payoch̄ sehere ñaa nina.)

⁸ Cohamac̄ dutia mehne macaa dutiare paye dutia bui curero jia dutiare õ sehe ni joaa tiri jire: “M̄ basi m̄ cahño seheta m̄ cahai jiina c̄h̄re cahñga”, nina Cohamac̄ dutia. Ahri dutiare yoana, noare yoara m̄sa. ⁹ Wiho mejeta masare c̄ano potori yoerana ñ̄no yoana nina m̄sa. ã jina Cohamac̄ dutiare ȳhd̄m̄caina jira m̄sa. ãta nina Cohamac̄ yare ti joari p̄i. ¹⁰ Cohamac̄ dutiare yoaina jipanahta c̄notare m̄sa yoerach̄ paye dutiare m̄sa yoa pahñopach̄ta yaba c̄ihti jierara. ñaa buhiri tiina jisina m̄sa. ¹¹ “Pairo namono mehne ñ̄no yoaena tjiga” ni, m̄sare dutiriro Cohamac̄ta jira. “Masare waj̄ena tjiga”, niriro tirota jira Cohamac̄. Pairo namono mehne ñ̄no yoerapanahta mas̄nore waj̄ana Cohamac̄ to dutiare ȳhd̄m̄caina jira m̄sa. ¹² Cristo marine tuaro cahño, marine dutira marine ȳhd̄ch̄ yoaro taro. To dutiare mari yoarire, mari yoerari c̄h̄re ñ̄no marine besero tarohca. To ã besehtina jina

to dutiare noano yoajihna. Æ yoa to cahmano seheta durucujihna mari. ¹³ Mip_{ure} painare mari pja ñ_{erach} Cohamac_u sehe masare to beseri pja jich_u marine pja ñ_{si}. Wiho mejeta painare mari pja ñ_{ch} Cohamac_u sehe pja ñ_{no}, marine buhiri dahresi.

Cristore wacũ tuaina sehe noaare yoara

¹⁴ Y_u coyea t_{hoga} m_{usa}. “Cristore wacũ tuaja y_{uh}”, c_{airo} to nipach_{uta} painare to noano yoadoherach_u to ã nimari cjiri sehe ne yaba cjihti jierara. Tó sehe ni wacũ tuamacanocarirore Cohamac_u y_{hdch} yoasi. ¹⁵⁻¹⁶ ¿Jesu yairo, Jesu yacoro ñ_{aa} suhti dihta ti c_{hach} ñ_{na} ti ch_{hti} mariach_u ñ_{na} dohse yoajari m_{usa} tinare paye baro c_{haina} jina? “Noano jiga m_{usa}. Æ yoana noano suhti tiga. Æ jina noano ch_{aa} mehne yapi wahc_{ãga}”, nipanahta ti cahmaare m_{usa} waerach_u m_{usa} ã nimari cjiri ne yaba cjihti jierara. ¹⁷ Æ yoa “Cristore wacũ tuaja”, m_{usa} nipach_{uta} noaare m_{usa} yoerach_u Cristore m_{usa} wacũ tuaa ne yaba cjihti jierara.

¹⁸ M_{usa} mehne macariro ahri y_u buherire t_{ho} duaeraro õ sehe masijaro. Noaare yoeraparota “Cristore wacũ tuaja”, niboca tiro. Noaare yoeraro Cristore to wacũ tuaare painare masich_u yoa masierara. Noaare yoariro pinihta noaare to yoaa mehne Cristore to wacũ tuaare masich_u yoa masina. ¹⁹ “Cohamac_u c_{airo}ta jira”, ni t_{hotura} m_{usa}. M_{usa} ã ni t_{hotuch} noa nina. Æ jipach_{uta} tó purota Cohamac_{ure} y_{htiro} marieno tirore m_{usa} masich_u tí yaba cjihti jierara. Wat_ã c_h m_{usa} t_{hoturo} seheta t_{hotura}. Æ yoa Cohamac_u to jia tiare masina tina. Æ masia, cuia, teterera. ²⁰ C_{airo} noano yoeraparota “Cristore wacũ tuaja”, ni t_{hoturo} jiro t_{ho} masierariro jira. Cristore wacũ tuamariro painare noano yoeraro potocãta Cristore wacũ tuaerara. Õ sehe ni yahuihtja m_{sare} ahrire: ²¹ Abrahã mari ñ_{ch} cjiro to mac_{no} Isaa wama tirore cjirore wajãbasaa tiri jimare Cohamac_{ure}. Æ yoaro tirore tãa mehne ti yoari tuhu bui duhu payoa tiri jimare. Æ duhu payoro Cohamac_u to dutiriro seheta

to mac_{no}re wajãno taro nia tiri jimare Cohamac_{ure} ño payoro taro. To ã yoach_u ñ_{no} potocãta Cohamac_{ure} to wacũ tuarire masia tiri jire Cohamac_u. To ã wacũ tuariro to jich_u masino, “Potocãta noariro jira”, ni ñ_{aa} tiri jire Cohamac_u tirore. ²² To ã ni ñ_{ch} ahrire masina m_{usa}: Abrahã Cohamac_{ure} wacũ tuaro tirore y_{htia} tiri jire. Æ y_{htiro} Cohamac_{ure} to wacũ tuarire masich_u yoaro nia tiri jire. ²³ Æ jiro Cohamac_u yare ti joari p_{ui} to niriro seheta ã wahaa tiri jire: “Abrahã Cohamac_{ure} wacũ tuaa tiri jire. To ã yoach_u ñ_{no} ‘Noariro jira tiro’, ni ñ_{aa} tiri jire Cohamac_u tirore”, ni joaa tiri jire Cohamac_u yare ti joari p_{ui}. To ã ni ñ_{ch} masia “Abrahã Cohamac_u mehne macariro jira”, nina masã tirore.

²⁴ Æ jina ahri y_u yahuitire masina m_{usa}: “Cohamac_{ure} wacũ tuaja” niriro, to noano yoerach_u ñ_{no} Cohamac_u sehe tirore “Noariro jira”, ni ñ_{erara}. Cohamac_{ure} wacũ tuariro sehene potocãta to noano yoach_u ñ_{no} “Noariro jira”, ni ñ_{na} Cohamac_u tiro sehene. ²⁵ Æta ni ñ_{aa} tiri jire Cohamac_u Rahab wama tiricorore m_{aa} mehne ñ_{no} yoarucuricoro cjirore. Josué cjiro to warocarinare noano piti boca “Noano sãa tahga”, nia tiri jire ticoro. Æ yoaro tina ti tjuaa duach_u ticoro sehe pa maha sehene ñ_{oa} tiri jire tinare “Tinare ñ_u tuhtiina wajãri”, nino. To ã yoach_u ñ_{no} “Noaricoro jira”, ni ñ_{aa} tiri jire Cohamac_u ticorore. ²⁶ Æ tjira. Mari pjac_{ure} catia mariach_u ji masieraja mari. Æ jiro catia marieno mari pjac_u yaba cjihti jierara. Tó seheta “Cohamac_{ure} wacũ tuaja”, nipanahta painare mari noano yoerach_u potocã jierara mari wacũ tuaa. Æ jiro mari noano yoaa mariach_u mari wacũ tuaa yaba cjihti jierara, catia marieni pjac_u to yaba cjihti jieraro seheta.

3

Mari d_{seroi} wijaare yahuha

¹ Cohamac_u yare masare buheina to yare ti noano yoerach_u ñ_{no} tina pinihtare masare buheraina y_{hgoro} Cohamac_u buhiri dahrerohca. Tíre masina m_{usa}, y_u coyea. Æ jina m_{usa}

mehne macaina masare buheina payu jiena tjiga. ² Jipihtina payu tahari mari ñaare yoaja. Cũiro ñaare durucuerariro Cohamacu cahmaare noano yoariro jira tiro. ã jiro paye ñaa cũhure yoerara. ³ Õ sehe jira ahri mari piti dahre buhechu: Cawalo to duseroi comaa pjĩ to ñahmanore ña dihohti pjĩne mari cũja, tirore mari majarerucachu yoana tana. ã yoana tí pjĩ comaa pjĩ mehne tirore to wahahto mari waja majareruca dapoja. Tí pjĩca mahari pjĩca to jipachuta tí pjĩ mehne tirore wahachu yoaja mari. (Õ sehetã mari dusero mahanocã to jipachuta tí dusero mehne pjĩro ñano yoaja mari.) ⁴ Dohoria quitu mehne piti dahre yahu namoihtja musare: Busoca pjiria to jipachuta tiare wihnono to tuaro wãrocapachuta oturiro sehe mahari pjĩca mehne tia nohoi to waha duaroi oturocara. ⁵ Tó sehetã jira mari duseroi wijaa. Mari dusero mahanocã to jipachuta tí dusero mehne pjĩro yoaja mari. Mahari pichacacã pjĩro to jũ wahcãno sehetã mari dusero mehne pjĩro ñaare yoa masija. ⁶ ã jiro mari dusero pichaca yoaro sehe jira. Mari duseroi wijaa jipihtia ñaare yoachu yoara marine. Pichaca to jũ ducaro sehetã mari duseroi wijaa mehne mari noano jiborirore ñabiaro yoaja mari. Ñaare durucuna watĩno to dutiro sehetã mari yoana nija. ⁷ Jipihtinare nucu macainare wahiquinare, minichahcare, chihchõ wahcãinare, wahire mari masa sitichu yoa masija. Mari payu tina barore masa sitichu yoa tuhsuja. ã jia tina noano tãho masina. ⁸ Tinare mari yuhtichu yopachuta mari dusero sehe ñaare durucuro ne tjueraputiara. ã jiro nuina ti niji siariro sehetã mari dusero sehe ne niji siaeraputiara. Mari duseroi wijaa ñabiaa jira. ã jiro ñima painare to wajãno sehetã marine paina cũhure ñabiaro wahachu yoara mari duseroi wijaa. ⁹ Mari dusero mehne Cohamacu mari puhtoro mehne mari noano durucuja. ã durucupanahta masa Cohamacu yoaro sehe jĩnare to bajuamehnerina ti jipachuta tinare ñabiaro ni durucuja mari. ¹⁰ Cũ duseroihta noaa durucua cũhu, ñaa durucua cũhu wijara. Yu

coyea, ã ni durucueraro cahmana. ¹¹ Máca pohtai mu wiori copai noaa co, ñaa co cũhu ne wijaaerara. ¹² Yu coyea, higuera cu olivo pocare dicha tierara. Tuhsu, secu higuera pocare dicha tierara. ã yoa máca pohtai mu wiori copai moa tia co to wijaaachu moa mariea co wijaaerara. (Tó sehetã mari duseroi noaa durucua, ñaa durucua mehne wijaaachu yoeraro cahmana. ã ni durucuaeraro cahmana.)

Noano masia waro õ sehe jira

¹³ Cãina musa mehne macaina noano masiina jira. Noano masiina musa jia tiare õ sehe yoa ñonahca musa. “Paina yũdoro noano masija sã”, niena tjiga. ã nienata noaare yoaga musa. ã noaare yoana potocãta noano masiina jira musa. ¹⁴ Wiho mejeta paio paye barore to cjuachu ñuna tíre tuaro cahmaina jina, paina mehne suarucuina jina, painare yũduruca duaina jina, “Noano masiina jija sã”, niena tjiga musa. Musa ã niina jina mahõina jira musa. ¹⁵ ã yoaina ti tuhotua ne Cohamacu ya tuhotua jierara. Ti tuhotua Cohamacure yũdurucaina ti ñano tuhotua jira. Tí tuhotua sehe watĩno ya jira. ¹⁶ Masa ti cjuare tuaro cahmaina, painare yũduruca duaina ã cahma sayorucura. ã yoaina jia jipihtia ñaare yoarucura. ¹⁷ Paina sehe Cohamacu yare noano masiina sehe tina pinihta ã yoamacanocaa nierara. ã yoa tina ne cahma sayoerara. ã jia masa noaina, painare noano yuhtiina, pja ñaina, masare yoadohoina, masare cãno potori yoaina jira tina. Tíre yoaa, mahõono marieno yoara tina. ¹⁸ ã yoana cahmachea marieno jina, painare “Cahmachena tjiga”, mari ni yahuna, noaina wahachu yoana nija mari masare.

4

Ahri yahpa macaa ñaare cahmana, Cohamacure cahmaeraina jira musa

¹ ¿Dohse jiro baro musa cahma sayojari? ¿ã jina dohse jiro baro cahmachejari musa? Ñaare goa pjana, cahmache duara musa. Noaare yoa duapanahta ñaare

yoara m̄sa. ² Paye barore m̄sa cahmana. ã cahmana masare wajãna m̄sa ti yare nana tana. Pairo paye barore to cjuach̄u ñ̄na tíre m̄sa tuaro cahmana. ã cahmapanahta tíre na masierara m̄sa. ã yoa tíre cahma sayorucura m̄sa. Cohamac̄ure sinierana, m̄sa cahmaare ne bocaerara. ³ ã yoa sinina, m̄sa ya cjihti dihtare sinimana m̄sa, m̄sa cahmano seheta yoarucuna tana. Paina ya cjihti sehere sini payoerara m̄sa. ã jiro m̄sa sinich̄u Cohamac̄u m̄sa siniare waerara. ⁴ Cohamac̄ure cohãina jira m̄sa. Ahri yahpa macaa ñ̄aare cahmana, Cohamac̄ure cahmaeraina jira m̄sa. Ahri yahpa macaa ñ̄aare cahmaina Cohamac̄ure cahmaeraina ji tuhs̄ra. ¿Tíre masierajari m̄sa? ⁵ Õ sehe nia tiri jire Cohamac̄u yare ti joari p̄i: “Cohamac̄u Esp̄ritu Santore mari mehne jihtirore c̄h̄re. ã jiro Esp̄ritu Santo sehe marine cah̄no, ñ̄aare mari tuaro cahmapach̄uta cahmasãaerara tiro. To man̄no to namonore to cah̄i doaro seheta marine tuaro cah̄ina Esp̄ritu Santo”, ni joaa tiri jire panop̄ure. To ã ni joari wiho warota jierara. Potocãta jirota nina. ⁶ ã yoa Cohamac̄u marine noano yoadohora tirore mari noano yuhtihto cjihtore. Õ sehe nina Cohamac̄u yare ti joari p̄i: “Yuh̄u pinihta painare masi yuh̄urucaja’ nirirore, Cohamac̄u ñ̄u tuhtira. Pairo sehere ‘Ñariro, wiho jiriro jija’, niriro sehere Cohamac̄u yoadohora”, nina to yare ti joari p̄i. ⁷ ã jina Cohamac̄ure noano yuhtiina jiga m̄sa. ã yoa wat̄nore yuhtiena tjiga. M̄sa ã yuhtierach̄u ñ̄no tiro sehe m̄sare duhti wahcã m̄rocaa waharohca. ⁸ Cohamac̄ure noano yuhtiga m̄sa. M̄sa ã yoach̄u tiro sehe m̄sare yoadohorohca. Ñaina jira m̄sa. ã jina ñ̄aare yoa namoena tjiga. Ñaa c̄h̄ure cahmana, noaa c̄h̄ure cahmaina jira m̄sa. ã jina m̄sa ñ̄aa tuhotumarire cohtotaga. M̄sa ã yoach̄u ñ̄no Cohamac̄u m̄sa ñ̄aa yoari buhirire cohãnohca. ⁹ M̄sa ñ̄aa yoarire tuaro cahyana, buj̄ua witiga. ã yoana m̄sa ñ̄aare yoari buhirire tiiga. Tíre wahcheina jiena tjiga. ã jina m̄sa ñ̄aa yoarire ñ̄ano yajeripohna tiga. ¹⁰ “Ñariro,

wiho jiriro jija yuh̄u”, nina Cohamac̄ure ñ̄o payoga. M̄sa ã yoach̄u ñ̄no tiro sehe ñ̄o payoa mehne noano yoarohca m̄sare.

Ti coyeeare Jesu yainare ti basi ñ̄ano quiti dahre dutieraha

¹¹ Yu coyeeare Jesu yaina jina, m̄sa basi ñ̄ano quiti dahrena tjiga. M̄sa coyeeirore ñ̄ano quiti dahrena, tirore buhiri dahre duti duaina jina nica m̄sa. Cristo ya dutia sehe masare buhiri dahrehti dutia ji tuhs̄ra. ã jina masare ñ̄ano quiti dahrena Cristo ya dutiare õ sehe nina nica m̄sa: “Marine noano dutierara Cristo ya. ã jina mari m̄suro buhiri dahre dutijihna”, nina nica m̄sa masare ñ̄ano quiti dahrena. ã nina Cristo ya dutiare ñ̄ano ni durucuina tjuara m̄sa. ã jina tí dutiare yoeraina tjuara. ¹² Masare dutiare wariro, masare beseriro Cohamac̄uta jira. Masare pichac̄ap̄u wahaborinare tirota yuh̄duch̄u yoa masina. ã yoa tirota masare pichac̄ap̄u cohã masina. ã jina mari sehe masare “Ñaina jira”, ni masieraja. Cohamac̄u dihta mari coyeeare besehtiro jira.

Ñamichac̄ap̄ure dohse mari jihtore masieraja mari

¹³ Mip̄ure yuh̄ure tuhoga m̄sa. Õ sehe niina tuhoga yuh̄ure: “Michare, ñ̄amichac̄are pa macap̄u jina wahanahca. Tóp̄ure c̄u c̄h̄ma jina, paye baro dua, nuch̄nahca. ã yoana wapatanahca mari”, nina cãina m̄sa mehne macaina Cohamac̄ure wac̄no marieno. ã niina jina, yuh̄u sehere tuhoga m̄sa. Tó sehe niinare ahrire yahui tai nija: ¹⁴ Ñamichac̄ap̄u dohse m̄sa jihtore masierara m̄sa. Me ti ji, dói pihti m̄ano seheta jira mari jia tia. Me mahanocã jiro, pihtia wahara. Tó seheta mari c̄h̄u mahanocã jina, yarianahca. ¹⁵ ã jina õ seheta ni tuhoturo cahmana m̄sare: “Cohamac̄u to cahmach̄u jinahca mari. ã jina õ sehe yoanahca mari”, ni tuhoturo cahmana m̄sare. ¹⁶ ã jipanahta mip̄ure “Mari m̄suro õ sehe yoanahca”, nirucumana m̄sa Cohamac̄ure wac̄no marieno. Tó sehe nirucuna painare yuh̄durucaina jina, ñ̄aare yoara m̄sa. ¹⁷ ã

jina noaare mari yoahtire masipanahta tíre yoaerana ñaare yoana nija mari.

5

Pache p̄are yahuha Santiago

¹ Pache p̄a m̄sa m̄p̄are t̄hoga ȳh̄are. Baharop̄are m̄sa ñano ȳhd̄nahca. Ñ jina tii sañurucuga m̄sa. ² M̄sa pache ba pihtia wahaahca. Ñ yoa m̄sa suhtire cas̄poca c̄h̄ ch̄ pah̄noahca. ³ Ahri dachorire, pihtiri dacho pano niñerure m̄sa p̄j̄ro wi-hboch̄ ne tí yaba cjihti jierara. M̄sa ã wihboch̄ ñano niñerure m̄sa cah̄ich̄ masina Cohamac̄. Tí niñeru to wapo wi-jiboriro seheta tí niñeru pihtia waharohca. Ñ jina niñerure m̄sa cah̄iri buhiri ñano ȳhd̄nahca pichac̄ap̄ m̄sa j̄ch̄ m̄sa p̄jac̄ure j̄ p̄jaro seheta. ⁴ M̄sa wese-
serire dahra cohtainare wapaerare m̄sa. Tinare mah̄ore m̄sa. Ñ jiro tinare m̄sa wapaerari niñerure ñano, m̄sa mah̄orire masina Cohamac̄. M̄sare dahra cohtaina wapa na dua, sañurucura tina. Ti ã ni sañurucuch̄ mari p̄htoro Cohamac̄ tinare t̄hora. ⁵ Ahri yahp̄are paȳ pache mehne jia tira m̄sa. Ñ jina m̄sa ji coa dihtare yoaa tira m̄sa. Ñ jina p̄jiriro wach̄ ti noano nuriro yoaro sehe jira m̄sa. P̄jiriro wach̄ p̄j̄ro to ch̄ri baharo tirore ti waj̄hti cuhtup̄ na wahc̄ana. Tó seheta m̄sa c̄h̄re p̄j̄ro m̄sa c̄j̄ari baharo m̄sare to buhiri dahrehtop̄ na wahc̄anohca Cohamac̄. ⁶ Noainare ñano tí yoaerapach̄ta peresu yoa waj̄ dutire m̄sa tinare. M̄sa ã yoach̄ tina sehe m̄sare ȳhd̄uca masierare.

Cristo to tjua tahtore noano cohta dutiha marine Santiago

⁷ Ñ jina ȳ coyey, mari p̄htoro Cristo ahri yahp̄are to tjua tahtore noano cohtaga. Wese p̄ro to toaa dicha tihti p̄jare noano to cohtaro seheta noano cohtaga. Puhiro to d̄cach̄. baharop̄ coró to ta namoch̄ c̄h̄re to toaap̄are “Coro ta s̄ajaro” nino, to wesere to noano duhtore noano cohtara tiro. ⁸ To ã cohtariro seheta m̄sa c̄h̄ noano cohtaga. Mari p̄htoro to tjua tahto mahanoc̄a d̄hsara. Ñ jina Cohamac̄re ã wac̄i tuarucuna to tahtore ã cohtarucuga m̄sa.

⁹ Ȳ coyey m̄sa basi nurena tjiga Cohamac̄ m̄sare to buhiri dahrehta sehe. Ñ yoa ahrire wac̄iga m̄sa. Buhiri dahrehtiro to tahto mahanoc̄a d̄hsara. ¹⁰ Ȳ coyey, ñano ȳhd̄panahta mari p̄htoro noano cohtaga Cohamac̄ yare yahu m̄htaina cjiri tí yoariro seheta. Tina tí c̄no p̄jiriro seheta c̄no p̄jaga m̄sa c̄h̄ tinare ñ c̄na. ¹¹ Ñ yoa ahri ȳ yahuhtire wac̄iga m̄sa. Ñano ȳhd̄pahta Cohamac̄re duhueraina wahcheina jira. Panop̄ macarirore Job wama tirore c̄jiroro t̄hore m̄sa. Tiro ñano ȳhd̄parota Cohamac̄re duhuerari jire. Ñ jiro to ñano ȳhd̄ri baharo Cohamac̄ tirore noano yoari jire. Cohamac̄ mari p̄htoro noano p̄j̄ ñariro jiro ãta yoari jire tiro. Tí jipihtiare masina m̄sa.

¹² Ȳ coyey ahrire noano t̄hoga tjoa. Ñ sehe ni wama payora masa: “M̄ano macariro mehne potoc̄a nina nija”, nina masare t̄ho dutia. Tuhs̄, “Ahri yahpa mehne potoc̄a nina nija”, nina masa. Paye mehne c̄h̄re wama payora tina. Tina yoaro sehe ã ni wama payoena tjiga. Ahrire m̄sare tuaro dutija. M̄sa painare yahuna, noano potota yahuga tinare. Wama payoro marieno ni yahuga tinare. Ñ m̄sa potoc̄a yahuch̄ ñano Cohamac̄ soro m̄sa niri buhirire buhiri dahresi.

¹³ M̄sa mehne macariro ñano ȳhd̄riro jiro, Cohamac̄re sinijaro tiro. Pairo wahcheriro jiro Cohamac̄re wahchea mehne basajaro. ¹⁴ M̄sa dohatina, Jesu yaina p̄htoare p̄jirocaga m̄sa. M̄sa ã p̄jirocach̄ tina sehe m̄sare se mehne wis̄ahca mari p̄htoro Jesu wama mehne to tuaa mehne. Ñ wis̄ tuhs̄, mari p̄htoro Cohamac̄re m̄sare sini payoahca tina. ¹⁵ Ñ tí sini payoch̄ “Mari sinino seheta tiro yoarohca”, tí ni t̄hotuch̄ Cohamac̄ m̄sare dohatiinare m̄sa dohatiare ȳhd̄ch̄ yoarohca. Ñ yoa m̄sa ñaa yoari buhiri m̄sa dohatiina jich̄ ñaa m̄sare sini payoahca. Tí ã sini payoch̄ ñano m̄sa ñaa yoari buhirire borohca Cohamac̄. ¹⁶ Ñ yoa m̄sa mehne macaina mehne m̄sa ñaa yoarire cahma p̄ bah̄seheri yahuga. Ñ ni tuhs̄, m̄sa basi Cohamac̄re cahma sini payoga.

Musa ã sini payochu musa sini payoinare Cohamacu yuhduchu yoarohca. Noaare yoaina musa jichu Cohamacure tuaro musa sini payoriro seheta yoarohca tiro. Ñ jia musa sini payoa tua nica. Wiho jia jierara. ¹⁷ Cohamacu yare yahu mahtariro cjiro Elia wama tiriro mari yoaro seheta masuno jia tiri jimare. Ñ jiro “Coro taero tjiaro” ni, tuaro sinia tiri jire Cohamacure. To ã ni sinichu tia cuhma noano pa cuhma dacho macai ahri yahpapare ne coro taera tiri jire. ¹⁸ Pari turi tjoa Cohamacure corore to sinichu coro taa tiri jire. Ñ jiro pari turi ahri yahpai yucari bucua, dicha tia tiri jire. (Ñ jia Cohamacure mari sinia wiho jia jierara.)

¹⁹ Yu coyea, musa mehne macariro Cohamacu yare duhuriro cjiro Cohamacu yare pari turi to cahmahto cjihtore tirore yahuna, noano yoana nina musa. ²⁰ Ñ yoa ahrire masiga musa: Cohamacure duhuriro cjirore Cohamacure pari turi cahmachu yoana, pichacaru waha-borirore yuhduchu yoana nica musa. Ñ jiro payu to ñaa yoari buhirire Cohamacu bo pahñonohca.

1 San Pedro

Jesu yainare macari waharinare joarocaha Pedro

¹ Yuh̄u, Pedro, Jesucristo buhe dutiro to cūrirota jija. Ā jic̄u m̄sare yoaro macaa macarip̄u waha siterinare Ponto yahpap̄u, Galacia yahpap̄u, Capadocia yahpap̄u, Asia yahpap̄u, Bitinia yahpap̄u tí yahparip̄u waharinare m̄sare jipihtinare joarocaja yuh̄u. M̄sare noa duti joarocaja yuh̄u.

² Wahmanop̄ure Cohamac̄u mari P̄c̄u “Ō sehe yoaihtja”, to ni wacūyuro sehetā m̄sare besea tiri jire. To ā beseri baharo to yairo Esp̄ritu Santo sehe m̄sare Cohamac̄u yaina cjihtire sōri jire. Ō sehetā sōri jire tiro Jesucristore noano yuhtih̄tina m̄sa jihto sehe, to di coh̄ari mehne m̄sa ñaa buhirire cosarina m̄sa jihto sehe. Cohamac̄u to cah̄ia mehne m̄sare noano jich̄u yoajaro.

Jesu yaina jina marine m̄nanop̄u to naah-tore cohtana nija mari

³⁻⁵ Cohamac̄u marine tuaro p̄ja ñ̄no, Jesucristo yariaro to masa m̄jari mehne marine pichacap̄u wahaborinare yuh̄uch̄u yoare tiro. Ā marine yuh̄uch̄u to yoach̄u pari turi mari masa bajariro sehetā Cohamac̄u to pohnata wahaja mari. Ā waha tiro mehne mari ā jirucuh̄tore noano masija mari. Ā jiro m̄sare noano yoaro taro m̄sare cohtaro nina. Tiro mehne m̄sa ā jirucuh̄tore cūnohca tiro. Ā jina ā jirucunahca m̄sa. Tó̄p̄u Cohamac̄u m̄sare to wahto ne baasi. Ahri yahpap̄u mari ya ti wete wah̄no sehetā, ti ñ̄aia waharo sehetā Cohamac̄u m̄sare to wahto ne ā wahasi. Ā jia ne pihtisi. Ā jiro tirore m̄sa wacū tuach̄u, Cohamac̄u to tuaa mehne m̄sare ñ̄u wihboro, yuh̄uch̄u yoarohca. Pihtiri dacho jich̄u m̄sare to yuh̄uch̄u yoarire masich̄u yoarohca tiro. Marine to ā p̄ja ñ̄uch̄u ñ̄na, Cohamac̄ure mari p̄h̄toro Jesucristo p̄c̄urore ñ̄o payo, “Noana”, nijihna tirore.

⁶ Ā to yuh̄uch̄u yoah̄tina jina, mahano ahri yahpai m̄sa jiro puro paȳu tahari m̄sa ñ̄ano yuh̄upanahta wahchera m̄sa.

⁷ Ā ñ̄ano yuh̄upanahta Cohamac̄ure duhuerana m̄sa tirore noano wacū tuarire masich̄u yoana nica m̄sa. Uru ahri yahpa macaa pini pihtia wahaahca. Uru yuh̄odoro m̄sa wacū tuaa sehe wiho waro jierara. Ā jia masa uru to jiare masi duaa doha ñ̄na. Urure ti doha ñ̄no sehetā m̄sa wacū tuare Cohamac̄u ñ̄u duaro “Ñano yuh̄ujaro”, niboca m̄sare. M̄sa ā ñ̄ano yuh̄uri baharo potoc̄ata tirore m̄sa noano wacū tuarucuch̄u, Cristo ñ̄o payoa mehne m̄sare “Noano yoahre m̄sa”, ninohca. Ahri yahpap̄u tjua taro ā ninohca.

⁸⁻⁹ Tirore Jesucristore m̄sa ñ̄erapanahta cah̄ina m̄sa. Ā yoa mip̄ure tirore ñ̄erapanahta tirore wacū tuara. Ā wacū tuana, tuaro wahchera m̄sa. Cohamac̄u ā m̄sare to wahchech̄u yoach̄u p̄j̄iro wahchera m̄sa. Tí wahchea noa yuh̄uara. Cohamac̄u m̄sare pichacap̄u wahaborinare yuh̄uch̄u yoarohca m̄sa tirore noano wacū tuach̄u. Ā jina p̄j̄iro wahchera m̄sa.

¹⁰ Cohamac̄u m̄sare to ā yuh̄uch̄u yoah̄tore, m̄sare to tuaro cah̄iare panop̄u macaina Cohamac̄u yare yahu m̄htaina cjiri tíre masi duaa, buhe, sinitu ñ̄na tiri jire. Ā jia tíre yahuyu joaa tiri jire.

¹¹ Cristo to ñ̄ano yuh̄uh̄tore, to masa m̄jah̄tore, jipihtina bui p̄h̄toro to s̄ho jihtore tina to masa bajuah̄to panop̄uta yahuyu tuhs̄ua tiri jire. Jesucristo to yairo Esp̄ritu Santo to yoadohoa mehne ā yahuyua tiri jire tina. Ā yahuyua tina Cohamac̄u yare yahu m̄htaina cjiri ti yahurire noano masi duaa sinitu ñ̄na tiri jire tina Cohamac̄ure. Esp̄ritu Santo “Cristo wihrohca”, to nirirore “¿Dohse jich̄u wihrohcarí?” ni sinitu ñ̄na tiri jire tina. “¿To wihich̄u dohse waharohcarí?” nia, tó c̄uh̄are sinitu ñ̄na tiri jire. ¹² Tí ti yahuyuri cjiri ti basi ti masihti cjihti jiera tiri jire. Tíre tinare masich̄u yoaa tiri jire Cohamac̄u. Mari sehe mari masihti cjihti jiri jire Cohamac̄u yare yahu m̄htaina cjiri ti joari cjiri. M̄nanop̄u tariro Esp̄ritu Santo to yoadohoa mehne mip̄ure noaa buheare m̄sare s̄a yahuja. Panop̄u m̄sa masihti cjihtire ti yahuyuri cjiri títa jinocaata nina mip̄ure m̄sare s̄a yahua. Tí buheare anjoa

cũh tuaro masi duaa tiri jire.

Cohamacũ marine ñaa marieina ji dutira

¹³ Æ jina noano wacũ masitjiãhna jiyuga mũsa. Æ yoana noano tuho masiina jiga. Cristo to tjua tachũ Cohamacũ mũsare noano to yoahore wacũga. Æ yoa tíre noano cohtaga. ¹⁴ Panopũ Cohamacũre masierasinina ñaare goa pjaina jimare mũsa. Mipũre tíre yoaena tjiga. Æ yoaerana ti pohna ti pũcũsumare noano ti yũhtiriro seheta Cohamacũre yũhtiga mũsa. ¹⁵ Æ yoana to yaina cjihtire mũsare beseriro ñaa marieriro to jiro seheta mũsa cũhũ ñaa marieinata jiga. Æ jina noaa dihtare yoaina jiga. ¹⁶ Æta ni joaa tiri jire Cohamacũ yare ti joari pũi: “Ñaa marieriro jija yũhũ. Yũ ã jichũ mũsa cũhũ ñaa marieina jiga”, ni joaa tiri jire.

¹⁷ Tiro Cohamacũ jipihtina cãinare ti yoarire ñũno cũno potori besera tinare. Ñainare, noainare besera. To ã beseriro jichũ tirore “Yũ Pũcũ” ni duana noano yoaga. Ahri yahpai mũsa jiro puro cua pisaro mehne Cohamacũre ño payoro mehne noano jirucuga mũsa jiape nino marieno. ¹⁸ Mũsa ñũchũsuma cjiri ti yoari cjiri ne yaba cjihti jierari jire. Mũsa cũhũ ti yoariro sehe yoaina mũsa jipachũta Cristo mũsare to yaina cjihti yoare. Wapamoinare ti wapamorire ti boriro seheta tiro sehe mũsa ñaa yoari buhirire potota bonocare. Tíre noano masina mũsa. Mũsare ã yoaro plata mehne, uru mehne wapa wioerare tiro mũsare ã yoaro. Plata, uru butia wahaahca. ¹⁹ Tiro sehe oveja noariro, wete marieriro yoaro seheta jiriro Cristo to di mehne to yariari mehne mũsa ñaa yoari buhirire cohã, mũsare yũhdũchũ yoare. To di mehne marine ã yoaro wiho waro ã yoaro nierare. ²⁰ Panopũre ahri yahpare to bajuamehnehto pano Cristo to ã wahahto cjihtore masi tuhsũa tiri jire Cohamacũ. Mipũ sehere pihtiri dacho panocã to jichũ, Cristore noano masichũ yoare Cohamacũ mũsare. ²¹ Cristo to yoadohoro mehne Cohamacũre wacũ tuara mũsa. Cohamacũ sehe Cristore yariarirore masori

jire. Æ yoaro tirore mũanopũ cũno jipihinare tirore ño payochũ yoari jire Cohamacũ. To ã yoachũ tirore Cohamacũre wacũ tuara mũsa. Mũsa ã wacũ tuachũ tiro noano yoara mũsare. Æ jina mũsare to yũhdũchũ yoahore noano masi, cohtara mũsa.

²² Noaa buhea ti niriro seheta yoaina jina, mũsa ñaa yoari buhirire cohãrina jira mũsa. Æ jiina jina potocãta mari coyeare Jesu yainare cahĩ masina mũsa. Æ jina mũsa mehne macainare mũsa yajeripohnari mehne tuaro cahĩga. ²³ Æ yoa pari turi wahma masa bajuaina yoaro sehe jiina Cohamacũ pohna wahare mũsa. Mari pũcũsuma ti pohna tirina jina baharo yari-anahca. Tí yoaro sehe jierara Cohamacũ pohna mũsa wahachũ. Cohamacũ to buhea mehne to catichũ yoaa buhea mehne to pohna wahare mũsa. Tí buhea mehne Cohamacũ mehne ã jirucunahca mari. ²⁴ Õ sehe nina Cohamacũ yare ti joari pũi: “Jipihtina masa tja yoaro sehe jira.

Æ yoa noaa ti cjũaa, tja cohoru yoaro sehe jira.

Tja ñaia wahara. Cohori cũhũ buru bora, baa wahara.

Tí yoaro seheta yariara masa cũhũ.

²⁵ Mari pũhtoro ya buhea sehe ne pihtisi. To niriro seheta ã waharohca”, ni joaa tiri jire. Tí buhea mũsare ti yahuri cjiri noa buheata jira.

2

¹ Æ Cohamacũ pohna jina jipihtia ñaa yoare, mahñoare, ti baharo buhũsehei ñano yoa cohtaare, paina ti cjũaare cjoare, painare ñaa quitu dahreare tíre duhuga mũsa. ² Æ yoa wahma masa bajuaina pẽchore ti tuaro cahmano seheta mũsa cũhũ noa buheare Cohamacũ yare tuaro cahma namoga. Æ cahma namoga mũsa tirore mũsa wacũ tua namohto sehe, to yũhdũchũ yoaina mũsa wahahto sehe. ³ Æ yoaga mũsa mari pũhtoro mũsare to noano yoare masiina jina.

Cristo catichũ yoariro tãca yoaro sehe jiriro jira

⁴ Cristo catichũ yoariro tãca yoaro sehe jiriro jira. Wũhũ dahreina cũria tãcare ti

cahmaeraro sehetá masa tirore cahmaerare. Cohamacu sehe tirore to ñuchu to beseriro noa yuhduariro jira. To ã jiriro jichu tirore wacũ tuaga. ⁵ MUSA cãhu wãhu macaa tãa yoaro sehe jira. MUSA ã jina Cohamacu ya wãhu macaa tãare noano ti cãriro sehetá mUSA to yaina cãhu noano mehne jinahca mUSA. ã yoana Cohamacu ya wãhu macaina noaina sacerdotea jinahca mUSA. ã jina sacerdotea wahiquinare wajã jã mUSA Cohamacu ti wariro sehetá Jesucristo to yoadohoa mehne Cohamacu yare noano yoanahca mUSA. MUSA ã yoachu ñu ji coarohca Cohamacu. ⁶ Õ sehe nina Cohamacu yare ti joari pũ:

“Tãca wãhu ti cã mũhtari tãca marieno wãhure yoa dũca masierara.

Tó sehetá Cristo marieno yu yaina waha masierara masa.

ã jiro tiro wiho jiriro jierara.

ã jicu tirore Jerusalẽru mipure cãi nija.

Tiro yu beseriro noa yuhduariro jira.

ã jia tirore wacũ tuaina wahche, ne buo tisi”,

ni joaa tiri jire Cohamacu yare ti joari pũ.

⁷ Tirore wacũ tuaina sehe noa yuhduaro wahaahca. ã jiro wiho jiriro jierara tiro. Tirore wacũ tuaeraina sehe soro wahaahca. Tinare õ sehe nina Cohamacu yare ti joari pũ:

“Ahriro Cristo tãca yoaro sehetá jira.

Tãcare wãhu dahreina ti cohãno sehetá masa tirore cohãahca.

Ti ã yoapachuta mipure wãhu dahreina wãhure yoa ti cã mũhtari tãcare ti cãno sehetá Cohamacu tirore puhtoro sõre”,

ni joaa tiri jire. ⁸ Õ cãhure nina Cohamacu yare ti joari pũ:

“Murocariro tãcare doca wahã sũro to wacũ wahcãnore ne sũerara.

Tó sehetá tãca yoaro sehe jirirore Cristore cahmaerana, tirore yuhduarucana, Cohamacu caharu sũsi mari”,

ni joaa tiri jire panoru. Tina Cohamacu ya buheare yuhtierare. Cohamacu panoru “ã waharohca”, to niriro sehetá Cristore cahmaerare tina. ã yoahinare cãa tiri jire Cohamacu tinare.

Õ sehe jira Cohamacu yaina

⁹ MUSA sehe Cohamacu to beserina jira. Tiro mari puhtoro to yaina sacerdotea tirore dahra cohtaina jira mUSA. ã jina to ya curua macaina ñaa marieina Cohamacu yainata jira mUSA. ãta jira mUSA. Cohamacu noa yuhduare to yoarire painare yahuhtina cjihti jira mUSA. MUSA besea tiri jire nahitiano iina mUSA jiboro sehetá ñaare yoarucu dutieraro. ã besero noano buhriaroi iina ti noano ñu masino sehetá, Cohamacu noano masiina, to yare yoarucuina ji dutira mUSA. ¹⁰ Panopure Cohamacu yaina jierari jire mUSA. Mipru pinihtare to yaina jira mUSA. Panopure mUSA pja ñuriro mUSA mariasiniri jire. Mipru sehere mUSA Cohamacu pja ñure.

Cohamacu yare yoaina jiga mUSA

¹¹ Yu cahina, ahri yahpai ji dojoahina jierara mUSA. Cohamacu yaina jira mUSA. MUSA ã iina jichu ahrire tuaro yahuja mUSA: MUSA ñaare goa pjaare ne yoaena tjiga. Tí ñaare yoana, Cohamacu ñu tuhtiina, ñaina wahana nica mUSA. ¹² Cohamacu cahmaeraina wato i jina noano yoaina jiga mUSA, mUSA “Yahusãari”, nina. MUSA ã yoaina jichu tina mipure mUSA ñano yahusã duapahta, mUSA noano yoare masiahca tina. ã masia, tina Cohamacu “Noariro, tuariro jira”, niahca. Õ sehetá niahca Cristo ahri yahparu to tjua tachu.

¹³ Mari puhtoro yuhti duana ahri yahpa macaina puhtoa cãhure yuhduarucaina jiena tjiga mUSA. Ahri yahpa macarirore mUSA jipihtina bui puhtoro jirirore tiro cãhure yuhtiga. ¹⁴ Puhtoare yuhduarucainare buhiri dahre dutiro, warocara tiro tirore yoadohinare. ã yoa noano yoainare “Noano yoare mUSA”, ni dutiro warocara tiro. To ã warocachu, tina cãhure yuhtiga mUSA. ¹⁵ MUSA noano yoachu ñu tuho masieraina ti mu sũro mUSA quiti dahre duapahta quiti dahre masierara. MUSA ãta yoachu cahmana Cohamacu. ã jina mUSA puhtoare yuhtiga.

¹⁶ Cohamacu mUSA puhtoro jira. Painare dahra cohtaina jierara mUSA. ã jipanahta “Sãre dutiriro mariaha. ã jina ñaare yoanahca”, ni tuhotuena tjiga “Ñaare

yoari”, nina. Cohamacure dahra cohtaina jira musa. Æ jina tirore noano yuhtiina jiga musa. ¹⁷ Jipihtina masare ño payoga. Mari coyea Jesu yainare cahiga. Cohamacure cua pisaro mehne ñuga. Ahri yahpa macaina jipihtina ti bui puhtoro jiri cãhure ño payoga.

Cristo ñano yuhduro to cãno pjariro se-heta cãno pjaga musa cãhu

¹⁸ Dahra cohtaina, cua pisaro mehne musa puhtoare yuhtiina jiga. Noaina, musare noano yoaina dihtare yuhtiina jiena tjiga. MUSA mehne suaina cãhure yuhtiga mUSA. ¹⁹ MUSA ñano yoerapachuta musare ti buhiri dahrechU CohamacU to cahmano seheta tãre mUSA cãno pjachU “Noano yoare mUSA”, ninohca CohamacU musare. ²⁰ MUSA ñano yoari buhiri tina musare ti buhiri dahrechU tãre mUSA cãno pjachU tí yaba cjihti jierara. Tí yaba cjihti jierapachuta noano mUSA yoapachU ti buhiri dahrechU tãre noano mehne mUSA cãno pjachU CohamacU “Noano yoare mUSA”, ninohca musare. ²¹ Æ ñano yuhduhtinare ji dutire CohamacU musare to yainare. Cristo mUSA ya cjihtire ñano yuhdare tirore mUSA ñu cũhto sehe. ²² Tiro ne ñano yoerare. Æ yoa ne mahñoerare. ²³ Tirore ti tuhtichU, tiro sehe tinare tuhti cahmaerare. Tirore ti ñano yoapachuta “Cjãihtja musare”, ne nierare tiro. Ti ã yoapachuta tinare CohamacU to buhiri dahrehtore quihõno to yoahtore masino, “YU PUcUPU tinare buhiri dahrerohca”, ni tuhoture tiro. ²⁴ Tiro to basi crusapU mari ñaa buhirire yariare. Æ waha yariare pari turi mari ñaare yoerahto sehe, CohamacU cahmaa sehere mari yoahto sehe. Tiro ñano camí tãre marine pichacapU waha-borinare yuhduchU yoaro taro. ²⁵ Oveja wisia ti butiro seheta mari cãhu pichacapU butihtina jimai. MipU sehere Cristore ovejare ñu wihboriro yoaro sehe jirirore, marine ñu wihborirore wacũ tuaja mari. Æ wacũ tuana, to yaina wahi mari.

3

Wamomaca duhteinare õ sehe yoaro cahmana tinare

¹ Æ yoa dahra cohtinare yU dutiriro se-heta mUSA namosãnumiare dutihtja. MUSA manUSumare yuhducaena tjiga tina CohamacU ya buheare ti cahmahto sehe. Cãina tina to ya buheare cahmaeraina jia, tinare mUSA yuhducaerachU ñua CohamacU ya buheare cahmaboca tina. Tí buheare mUSA yahuerapachuta to yare cahmaboca tina. ² Æta cahmaboca tina mUSA noano yoare, mUSA ño payoa cãhure ñua. ³ MUSA numia, carea numia yoaro sehe yoena tjiga. Æ yoa mUSA pjoarire wuhawe sapahtaa numia, uru darire busaa numia, wapa ti yuhduca suhtire sãa numia jiena tjiga mUSA, musare “Goa pjachU yoari”, nina. ⁴ Æ yoa mUSA cua pisaro mehne painare niji siaroca mehne yoaa numia jina, noano sahũdua numia jina, ahrieta ñu ji coachU yoaga. Ahrire mUSA yoachU wiho waro jierara, CohamacU to ñuchU. ⁵ Õ seheta yoaa tiri jire panopU macaa numia CohamacU ya numia cjiri. Tí numia Cohamacure wacũ tuaa numia jia, ti manUSumare yuhducaera tiri jire. ⁶ Tó seheta Sara cjiro to manũno Abrahã cjirore noano mehne yuhtia tiri jire. Æ jiro tirore “Puhtoro”, ni pisua tiri jire. Æ jina mUSA noano yoaa numia jina, cuiro mariea numia jina, Sara cjiro pohna numia yoaro sehe jira mUSA cãhu.

⁷ To noano yoariro seheta mUSA cãhu mUA mUSA namosãnumiare noano yoaga. Tí numia mari mUA yoaro sehe tua numia jierara. Æ jina ño payoa mehne noano yoaga tí numiare. CohamacU jipihtia dachoripe tiro mehne mari jhtore marine to wariro seheta tí numia cãhure warohca tiro. Ti ã jiina jichU tí numiare noano yoaga. Cohamacure mUSA siniare mUSA dojomehnerahto sehe tí numiare noano yoaga.

Noano ti yoapachuta paina tinare ti ñano yoare yahuha Pedro

⁸ Ahri mehne yahu batoihtja: MUSA jipihtina cãno mehne noano mehne jiga. Æ jina mUSA mehne macainare noano pja ñuina jiga. MUSA coyea Jesu yainare pu buhuseheri cahma cahiga. Æ jina noano yoaga tinare. Æ yoa “Wiho jiina jija”,

ni t̄hotuga. ⁹ Paina m̄sare ñano ti yoach̄u tinare ñano yoa cahmaena tjiga. M̄sare ti tuhtich̄u tinare tuhti cahmaena tjiga. M̄sare ti ã yoapach̄uta noano yoaga tinare. ã yoana “Noano jiga”, niga tinare. Tíre yoah̄tina c̄jhtireta to yaina c̄ũre m̄sare Cohamac̄u sehe m̄sare noano yoaro taro.

¹⁰ ãta nina Cohamac̄u yare ti joari p̄ũi: “M̄sa noano wahchea mehne ji duana ne ñano ni durucuena tjiga.

Painare mah̄noena tjiga.

¹¹ Ñaa yoaare duhunocahga.

Noaa sehere yoaga.

Cahma m̄sa basi ñ̄u tuhtiro marieno jiga.

M̄sa noano jhtore tuaro cahmaga.

¹² Cohamac̄u cahmaare yoaina mari p̄h̄toro ã ñ̄u wihborucuro nina.

Tirote ti siniare ã t̄horucuro nina.

Ñano yoaina sehere tiro ñ̄u tuhtira”,

ni joaa tiri jire.

¹³ Noare m̄sa tuaro yoach̄u paina sehe m̄sare ñano ȳhd̄ch̄u yoa dua bihosi tina. ¹⁴ Noano m̄sa yoapach̄uta m̄sare ñano ȳhd̄ch̄u ti yoach̄u ñ̄no Cohamac̄u m̄sare noano yoarohca. ã jina painare cuiena tjiga. ã yoa p̄j̄ro t̄hotuena tjiga.

¹⁵ Cristore “Sã p̄h̄toro jira” ni, m̄sa t̄hotuna, ño payoga tirote. ã yoana Cristore m̄sa wac̄ũ tuaare, Cohamac̄u mehne m̄sa jhtore paina ti sinituhto pano tinare m̄sa ȳhtih̄tore noano masiyuga. ã ȳhtina niji siaro mehne, noano ño payoa mehne yahuga tinare. ¹⁶ Noaina jiga. ã jina “Ñaaare yoaja”, ni t̄hotusi m̄sa. ã jia Cristo yare noano yoaina m̄sa jich̄u paina m̄sare ñaa quiti dahrea, b̄oro wahaahca tina. ¹⁷ Ñaaare m̄sa yoari buhiri m̄sa ñano ȳhd̄ch̄u noaerara. ã yoa Cohamac̄u cahmach̄u noaare m̄sa yoapach̄uta m̄sa ñano ȳhd̄ch̄u noa nina tí pinihta.

¹⁸ Õ sehta ȳhd̄re Cristo. Cã tahata jipih̄tina ti ñaa buhirire yariare tiro. Noariro jire. ã jiro ñaina mari jich̄u mari yaro jiborirore ñano ȳhd̄re tiro. Ñano ȳhd̄re tiro marine Cohamac̄u yaina wahach̄u yoaro taro. To p̄jac̄u yariaa wahare. ã yariaparota to catia mehne masari jire. ¹⁹ ã masariro jiro tiro ti buhiri

dahrehtore cohtaina cjiri presu jiina cjiri variarina cjirire buheri jire. ²⁰ Tina cohtaina panop̄u Cohamac̄u ȳhtieraina cjiri jia tiri jire. Tí p̄jap̄re Noé c̄jro to jiri p̄jap̄re, p̄jiria dohoriare dohoro nia tiri jire. Tiare to dohoro watoi Cohamac̄u ȳhtieraina cjirire ti ȳhtich̄u cahmano yoari p̄ja cohtaa tiri jimare Cohamac̄u. ã yoa mahainacã ochota dia mininore ȳhd̄ua tiri jire. ²¹ Minia ti ȳhd̄ariro sehta bautisaa mehne ȳhd̄ara masa. Mari p̄jac̄u mari wete t̄ju cosaro sehe jierara bautisaa. Soro sehe jira bautisaa. “Ñaa buhiri marieina jija”, mari ni masiht̄o c̄jhtore Cohamac̄u “M̄h̄are wac̄ũ tuaja”, mari ni yahua jira ahri bautisaa. ã yoa Jesucristo to masa m̄jari mehne ȳhd̄ja mari. ²² Tiro Jesucristo m̄anop̄u wahari jire Cohamac̄u poto b̄h̄usehei jiro, tiro mehne dutiro taro. ã jiro tiro anjoa bui, m̄ano macaina p̄h̄toa bui, dutiina bui ti p̄h̄toro jira.

4

Cristo yaina jina noa sehere cohtotaina jinahca

¹ Mari ñano ȳhd̄na ñano yoaare duhunocaja mari. Cristo ñano ȳhd̄ari jire. ã jina tiro ñano ȳhd̄aro to cuierariro sehta to suaerariro sehta m̄sa c̄h̄u to yoariro sehta yoaga. ² Õ sehta yoaga m̄sa ñaaare m̄sa goa p̄jaare pari turi m̄sa yoaerahto sehe, Cohamac̄u cahmaa sehere m̄sa yoarucuhto sehe. ³ Panop̄u Cohamac̄u cahmaeraina ñaaare goa p̄jaare ti yoariro sehta yoarucuri jimare m̄sa c̄h̄u. B̄o tiro marieno ñano yoana, ñaaare goa p̄jaare yoana, cahana, cahaa bose n̄m̄rine yoana, “Cohamac̄u jira”, m̄sa nia mas̄rine, Cohamac̄u to ñ̄u yabia mas̄rine ño payona ahri sehereta yoari jimare m̄sa. ã jina tó purota yoa batoaga. ⁴ ã jia tí ñaputiare yoaina mehne m̄sa jisínich̄u mip̄re m̄sa tíre yoerach̄u ñ̄u tina sehe ñ̄u c̄uaa wahara. ã yoa m̄sare ñano quiti dojomehnena. ⁵ Tí ã yoach̄u ñ̄no tí ñaa yoarire Cohamac̄u sehe sinitu ñ̄no, yahu ȳhd̄u dutirohca tinare. Tiro catinare, yariaina c̄h̄ure besehtiro buhiri

dahrehtiro jira. ⁶ To ã besehtiro jichu jipihtina masa sehe mipu yariarina cjirire noa buheare yahure Cristo ti yariahto pano. Õ sehetä ni yahure ti pjacurire Cohamacu to yaria dutipachuta. Æ yahure tiro Cohamacu jipihtia dachoripe to jiro sehetä tiro mehne ti jirucuhto cjihtore.

⁷ Pihtiri dacho cjihto mahanocã dũhsara. Æ jina noano tũho masiina jiga, mipure Cohamacu mehne musa durucuhto noano. ⁸ Painare cahĩna payu tahari ñaare ti yoapachuta ã ñunocaja mari. Æ jina musa mehne macainare ã cahĩrucuga. Paye dutia yũdoro tíreta yoaga. ⁹ Musa mehne macainare ne nureno marieno musa wũhũsepu sãa ta dutiga tinare. ¹⁰ Cohamacu musare cãinare musa yoa masihtipe cũri jire. To ã cũchũ, musa yoa masiriro sehetä musa mehne macainare tíre noano yoaga. To cũriro sehetä painare noano yoadohona, Cohamacu to cũriro sehetä noano yoana nica musa. ¹¹ Musa Cohamacu yare noano yahuina jina, Cohamacu to yahuboriro sehetä noano yahuga musa cũhũ. Masare yoadohoina jina Cohamacu to cũri tuaa mehne painare yoadohoga. Tí jipihtiare yoana Cohamacure masa ti ño payohto sehe ã yoarucuga. Jesucristo sehe tíre musa yoachũ yoadohorohca. Tirore jipihtia dachoripe ño payoa, “Tuariro jira”, nino cahmana jipihtinare. Æta nijaro.

Jesu yaina ti jiri buhiri ti ñano yũhdũare yahuha Pedro

¹² Yu cahĩina, mipure ñaputiaro yũhdũna, “Cue, soro jiro wahaca yũhũre” ni, wacũ cũaena tjiga. Musa ñano yũhdũchũ Cohamacu musa tirore wacũ tua namochũ yoa duaro, “Ñano yũhdũjaro”, nino nica tiro. ¹³ Cristo to ñano yũhdũriro sehetä musa cũhũ ã wahana, wahchega musa. Æ wahchena Cristo to si sitea mehne to tjua tachũ musa noano wahchenahca. ¹⁴ Cristo yaina musa jiri buhiri paina musare ti tuhtichũ Cohamacu to yairo Espĩritu Santo to si siteriro musa mehne jiro nina. Æ jina wahchega musa. ¹⁵ Æ yoa masare musa wajãri buhiri, musa yacari buhiri, paina ti yoarire ñũna tinare musa soro ni dojomehneri buhiri musa ñano yũhdũchũ

ñaa nina. ¹⁶ Æ jipachuta Cristo yaina musa jiri buhiri ñano yũhdũna, bũo tienä tjiga. Ñano yũhdũpanahta Cristo yaina musa jiare wahchena, Cohamacure “Noana” ni, ño payoga musa.

¹⁷ Cohamacu to yaina ti yoarire ñũno to besehti pja jiro nina mipure. Jipihtina mari to yaina mari yoarire ñũno bese mũhtanohca “Ahri ñaa jira. Ahri noaa jira”, nino. ¿Æ bese mũhtano dohse yoarohcari to yaina jieraina sehere? Tirore yũhtieraina sehere tuaro buhiri dahrerohca. ¹⁸ Õ sehe nina Cohamacu yare ti joari pũ: “Noaina yũhdũahca. Ti ã yũhdũhto mijo curera. To ã mijo curechũ Cohamacure cahmaeraina sehe ne yũhdũsi. Basioerara tinare”, nina Cohamacu yare ti joari pũ. ¹⁹ Æ jina Cohamacu to cahmachũ musa ñano yũhdũina jina, noaare musa yoarire ne duhuena tjiga. Æ yoa musare bajuamehnerirore musare ne duhuerarirore tirore wacũ tuarucuga musa.

5

Jesu yaina ti yoahore yahuha Pedro

¹ Mipure Jesu yaina cahmachuina puhtoare yahuihtja. Yũhũ Jesu yaina puhtoro jija. Musa cũhũ ti puhtoa tjira. Musare yũ yoaro sehe puhtoa jĩinare ahrire yahui tai nija yũhũ. Cristo to ñano yũhdũriro ñũriro cjiro jicũ, mũanopũ Cristo mehne yũhdũhtiro jicũ ahrire musare yahuihtja: ² Cohamacu yaina oveja yoaro sehe jira. Musa sehe ovejare ñũ wihboina yoaro sehe jira. Tinare Cohamacu musare to cũrinare musa yaina masare noano ñũ wihboga. Æ yoana Cohamacu to cahmariro sehetä noano yajeripohna tia mehne tinare ñũ wihboga. Æ tinare ñũ wihbona, “Sã ñũ wihbori wapa niñerure wapatanahca”, niena tjiga musa. Wahchea mehne tinare ñũ wihboga. Wahchea mehne tinare ñũ wihboga. ³ Æ ñũ wihbona tinare ñano dutipena tjiga. Æ jina noano yoaga musa Jesu yaina musare ti ñũ cũhto sehe. ⁴ Musa ã yoana Cristo jipihtinare marine ñũ wihboriro to tjua tachũ puhtoro to pisari soro noano si siteri sorore musare to waboriro sehetä tiro musare noaare to

wahtore cjuannahca. Tí m̄sa cjuah̄ti ne pihtisi. ã jina tiro mehne ȳhd̄annahca m̄sa.

⁵ Tinare ȳ dutiriro seheta m̄sa wahma yapia c̄h̄u tinare m̄sa p̄htoare ȳhtiina jiga. ã yoa m̄sa mehne macainare jip̄ihtinare ño payoa mehne yoadohoga. Õ sehe nina Cohamac̄u yare ti joari p̄i:

“Masare ȳhd̄ar̄uca duainare Cohamac̄u ñ̄u tuhtira.

Painare ño payoina sehere ‘Wiho jiina jija’, ni t̄hotuina sehere noano yoara tiro”,

nina to yare ti joari p̄i. ⁶ ã jina Cohamac̄u tuariro m̄sare to dutich̄u “Wiho jiina jija” ni, tirore ño payoga. M̄sa ã yoach̄u to quih̄ori p̄a jich̄u m̄sare paina ño payoahca to dutiro mehne. ⁷ Tiro m̄sare p̄j̄iro t̄hotu ñ̄u wihbora. ã jina ne p̄j̄iro t̄hotuena tjiga m̄sa sehe.

⁸ ã yoa wac̄u masi jinohb̄u. M̄sare ñ̄u tuhtiriro wat̄ino yairo suariro to maca ch̄ro seheta m̄sare ñ̄ano ȳhd̄uch̄u yoa duara. ã yoa m̄sare ñ̄ano yoa dutira.

⁹ Jip̄ihtir̄op̄u ahri yahp̄ap̄ure paina Jesu yainare ñ̄ano ȳhd̄uch̄u yoa, ñ̄ano yoa dutira wat̄ino. Tíre masina, tirore ȳhtiena tjiga. ã jina Cristore tuaro wac̄u tuaga m̄sa. ¹⁰ ã yoa mahanoc̄a m̄sa ñ̄ano ȳhd̄ari baharo Cohamac̄u m̄sare yoadohorohca. M̄sare noaina jich̄u yoarohca. Tirore m̄sa wac̄u tua namoch̄u, tirore m̄sa ne duhuerach̄u yoarohca m̄sare. Tiro jip̄ihtia dachoripe m̄an̄op̄u Cristo mehne m̄sa j̄htore m̄sare c̄r̄iro jira. Tiro Cohamac̄u jira jip̄ihtinare p̄a ñ̄ar̄iro.

¹¹ “Jip̄ihtia dachoripe tiro tuariro jira”, ni ño payojihna tirore. ãta yoarucujihna.

Noa duti batoaha Pedro

¹² Ahri p̄c̄are mahari p̄c̄are m̄sare ȳ waroca duach̄u Silvano sehe ȳh̄are joabasahre. Tiro Jesu yairo ȳ coyeiro, Jesu yare ã yoarucuriro jira, ȳ t̄hotuch̄u. M̄sare noano yahu duaja. ã jic̄u “Ahri buhea potoc̄ata Cohamac̄u m̄sare to cah̄a buhea jira”, ni yahuc̄u m̄sare ahri p̄ure joarocaja. ã jina ahri buheare ne duhuena tjiga m̄sa.

¹³ M̄sare to yaina c̄j̄htire to beseriro seheta Jesu yaina Babilonia macaina c̄h̄ure besea tiri jire Cohamac̄u. Tina sehe m̄sare noa dutira. Marco ȳ mac̄u yoaro sehe jiriro c̄h̄u m̄sare noa dutira. ¹⁴ M̄sa mehne macainare noano mehne piti bocasiniga.

Jip̄ihtina Jesucristo yaina noano jiga m̄sa.

2 San Pedro

Jesu yainare joarocaha Pedro

¹ Yuhh Simo Pedro Jesucristo buhe du-tiro to cūrirota jija. Tirore dahra cohtariro jija. Jesucristo, Cohamacu waro jiro, ñaa buhiri marieriro jiro marine cūno potorita yuhdychu yoariro jira. Ñ jiro tirore musa wacū tuachu, to yaina wahachu yoare musare. Musa ñ wacū tuachu wiho waro jierara, Cohamacu to ñychu. Ñ to yaina musa wahachu mari cūno potorita to yaina jija. Ñ jicu musare joarocaja.

² Ñ yoa Cohamacu cūhure mari puhtoro Jesu cūhure masi namona ti cahña mehne noano jirucunahca musa. Ñ noano musa jihto sehe musare sini payoja. Ñ nicu musare noa dutija. Cohamacu musare pjíro noano yoa namojaro.

Õ sehe jira Cristo yaina

³ Cohamacu ñaa marieriro jiro, to tuaa mehne marine to yaina jihtinare bese cū tuhsua tiri jire. To ñ bese cūchu tūhona, tirore masina to yaina wahaja mari. Ñ waha-hana Cohamacure masi namona, to tuaa mehne to cahmano seheta noaina jinahca mari. ⁴ Tí to tuaa mehne marine noa yuhduaro yoare. “Õ seheta musare noano yoaihtja”, to niriro seheta marine noa yuhduaro yoara. Marine to ñ yoachu ñuna Cohamacu to jiro seheta waha namonahca mari. Ñ jina ahri yahpa macaa ñaare, mari ñaare goa pjaare mari duhunocaja. Tí ñaa sehe marine dojomehne yuhduamahre.

⁵ Cristore noano wacū tuaina ji tuhsura musa. Ñ jina õ sehe yoa namoga tjoa: Noaare yoaina jiga musa. Ñ jina Cohamacu cahmaare noano masiina jiga musa. ⁶ Ñano yoa duapanahta Cohamacu cahmaa sehere yoarucuina jiga musa. Ñ yoa Cristo yaina musa jiri buhiri ñano yuhdupanahta ñ cūno pjarucuga musa. Ñ jina Cohamacure ño payoína, to cahmaare yoaina jiga musa. ⁷ Ñ yoa musa mehne macainare cahma ño payoína, tinare noano yoadohoina jiga

musa. Ñ yoa jipihtina paina cūhure cahña jiga.

⁸ Musa õ sehe yoa namochuta noa yuhduara. Musa ñ yoa namona, noano yoaina jirucunahca. Ñ jina Cristo to cahmaare noano yoarucuina jinahca musa. Wiho waro jiina jisi musa. Ñ yoa Cristore musa wacū tuari wiho waro jisi. Yu niriro seheta musa yoa namochu pinihtare noa yuhduara. ⁹ Musa ñ yoa namoerana Cohamacu yare ne masieraputiara musa. Ñ yoa namoeraina jina capari ñueraina o capari noano ñ bocaeraina yoaro sehe jina, Cohamacu cahmaare ne masierara musa. Ñ yoa namoerana Cristo musa ñaa yoari buhirire to cohāri cjirire ne wacū payoerara musa. Ñta bonoca duara musa. ¹⁰ Ñ jina, yu coyea, Cohamacu to yaina cjihtire musare to ji dutichu yuhtire musa. Ñ yuhtiina jina, to yare ne wacū duhuerana to cahmaare tuaro yoarucuga. Musa ñ yoarucuna potocāta Cohamacu mehne jinahca musa. Ñ yoa potocāta to beserina jinahca musa. Ñ yoana to yare duhuina jisi musa. ¹¹ Musa ñ to cahmano sehe yoaina jina mari puhtoro marine yuhdychu yoariro Jesucristo to sūho jiropu noano wahanahca musa. Tópu tiro mari puhtoro ñ jirucurohca. Potocā to yaina waro musa jichu ñno “Noano mehne yuhh mehne jiga musa”, ninohca Jesu musare.

¹² Ñ yoa ahri musare ñ wacūchu yoarucuihtja. Ahri musare yu yahurire masi tuhsure musa. Ñ masina Cohamacu yare musa tūhoriro seheta noano yoana nina musa. Ñ yoaina musa jipachuta ahri musare yu yahurire ñ wacūchu yoarucuihtja musare. ¹³⁻¹⁴ Mahanocā duhsara yu variahto. Tíre noano yahure mari puhtoro Jesucristo yuhure. Ñ jicu catisinicu waro ahri yu yahurire musare ñ wacūchu yoarucuihtja. Yu ñ yoachu noa nina. ¹⁵ Ñ jicu ahri yu yahu joari cjirire musare joa cū pahñoihca yu yariari baharo musa noano masihto sehe. Ñ jina ahri yu yahurire ñ wacūrucunahca musa.

Cristo to tuariro to jia tiare ñuha Pedro cūhu

16 Ñ yoa Cristo to tuaa cãhure to tahto cãhure m̄sare yahuna, sã m̄ s̄uro yahuna nieraja. Masa ti m̄ s̄uro ti masia mehne ti yahua jierara m̄sare sã yahua. Turairo to jiare sã basita ñi. 17 Cristo to tua yãhd̄uaro to jiare sãre ñore Cohamacu mari P̄uc̄u. To ã ñoch̄u tiro sehe noano si siteriro jire. To ã si sitech̄u ò sehe nino coa tare to si sitero watoi: “Ahriro ȳ mac̄u, ȳ cah̄i-ro jira. Tiro mehne tuaro wahcheja”, nino coa tare Cohamacu tua yãhd̄uaro. 18 M̄anop̄u to ã nino coa tach̄u tãhoi sã. Tãc̄u buip̄u Cohamacu to jiri tãc̄u Cristo mehne jii sã.

19 Tíre ñurina jina, Cohamacu yare yahu m̄htaina cjiri panop̄u macaina ti joari cjiri potocã ti jich̄u noano masija sã. Ti joari cjirire noano ñu buherucuna noano yoana nina m̄sa. Tí ti joari cjiri Cohamacu yare marine noano masich̄u yoara. Ahri yahpai ñaare ti yoari yahpai nahitianoi mari jiboro seheta buhriaro marine to noano ñu masich̄u yoaro seheta Cohamacu noano masich̄u yoara marine. Ñ jina Cohamacu yare ti joarire ã buherucuga. Ñ buherucuna Cristo to tjua tach̄up̄u buhe duhanahca. Ñ tjua taro to yare mari masierarire marine noano masi pah̄noch̄u yoarohca. 20 Jipih̄tia ahri ȳ yahuri yãhd̄oro ahri sehere noano masiga m̄sa: Cohamacu yare yahu m̄htaina cjiri panop̄u ti joari cjirire mari m̄ s̄uro tíre buhena, “Ò sehe nino nica”, ni masieraja. 21 Ne masa ti m̄ s̄uro Cohamacu yare joera tiri jire. Panop̄u macaina cjiri Cohamacu yare ti joach̄u Esp̄iritu Santo sehe ti joatore tinare masich̄u yoaa tiri jire.

2

Cohamacu yare potocã buherainare yahuha Pedro

1 Panop̄u mari coyea judio masa mehne macaina “Cohamacu yare yahu m̄htaina jija”, ni mah̄noina jia tiri jire. Ti yoaro seheta mip̄u cãhure m̄sa mehne macaina ã ni mah̄noina jiahca. Tina potocã ti buheborro seheta mah̄noa sehere buheahca. Ñ buhea Cristo ya sehere dojomehneahca. Ñ yoa Cristo to yãhd̄uch̄u yoaborina jipahta tirore “Sã p̄htoro jira”, ni tãhotuerara.

Tí jipih̄tiare ti ã yoari buhiri dóihta Cohamacu tinare tuaro buhiri dahrerohca. 2 Ñ mah̄no ti buhech̄u tãhoa tina ti ñaare goa pjariro seheta paȳu masa tinare ñu c̄u ñano yoahca. Ti ã ñano yoach̄u ñua paina masa cãh̄u noaa buheare ñano quiti dahreahca. 3 Ñ jia tina mah̄noina niñerure wapa cahmaa, mah̄noa, ti m̄ s̄uro ti yahua buheare buheahca m̄sare. Ti ã buheri buhiri Cohamacu tinare tuaro buhiri dahrerohca yãhd̄uro marieno. Panop̄uta ã yoainare buhiri dahre duti tuhs̄ua tiri jire tiro.

4 Tó seheta panop̄uta Cohamacu ñaina anjoa cãhure to buhiri dahrehtore c̄u tuhs̄ua tiri jire. Tinare pichacap̄u nahitianop̄u peresu yoaa tiri jire. Ñ yoaro pihtiri dacho baharo tinare buhiri dahrerohca. 5 Tó seheta panop̄u macainare Cohamacure cahmaerainare tiro buhiri dahrea tiri jire. Ñ yoaro jipih̄tiro ahri yahpare miono, jipih̄tina masa ñainare mio wajãa tiri jire. To ã miohto pano Noe cjiro sehe tí pja macaina cjirire noaare yoa dutiro yahua tiri jimare. To ã yoaro watoi Cohamacu ahri yahpare miono, Noéne tiro mehne macaina cãhure yãhd̄uch̄u yoaa tiri jire. Tina jipih̄tina to yãhd̄uch̄u yoarina ocho masa jia tiri jire. 6 Tó seheta Sodoma wama tiri maca macaina cjirire Gomorra wama tiri maca macaina cjiri cãhure Cohamacu buhiri dahrea tiri jire. Tí macarine pichaca mehne noano jã pah̄nonocaa tiri jire. Ñ yoaro baharop̄u jihinare tirore cahmaerainare ñono nia tiri jire. Ñainare to buhiri dahrehtore ñono nia tiri jire tinare. 7 Ñ yoaro Lote wama tiro cjiro sehere yãhd̄uch̄u yoaa tiri jire. Lote sehe noariro jia tiri jire. Ñ jiro jiro Sodoma macaina Cohamacu dutiare yãhd̄urucaina ñabiaro ti yoach̄u ñano pomea waha, ñano tãhotua tiri jire. 8 Tiro noariro ñaina watoi jiro, dachoripe ñabiaro ti yoach̄u ñano, ñano ti durucuch̄u tãhoro ñano yajeripohna tia tiri jire.

9 Tirore to yãhd̄uch̄u yoach̄u ñuna ahri ȳ yahuhtire masija mari. Cohamacu mari p̄htoro tirore cahmainare ti ñano yãhd̄uch̄u ñano tinare yoadohorohca. Ñ jiro ñaina sehere peresu yoaro tinare c̄uara pihtiri dacho jich̄u to buhiri dahre-

hto sehe. ¹⁰ Ñaare tuaro goa pjainare Cohamacure yǎhdurucainare tina pinihtare ñano buhiri dahrerohca tiro. Ahrina mǎsa mehne macaina mahño buheina ñaare yoaa, ne cuierara. Æ yoa buo tierara tina. “Painare masi yǎhdurucaja”, ni tǎhotuina jira tina. Æ jiina jia mǎano macaina tuainare ne ño payoeraa, cuiro marieno ñano ni bujǎpera tinare. ¹¹ Anjoa sehe ne ti yoaro sehe yoaerara. Tina sehe mahño buheina yǎhgoro tuaina jira. Æ jipahta tina ne bujǎpea mehne mǎano macaina tuainare ñano yahusǎerara Cohamacure, “Painare yǎhdurucaja”, nieraina jia.

¹² Wiho mejeta ahrina mahño buheina sehe nǎcu macaina wahiquina yoaro sehe tǎho masieraina jira. Nǎcǎpǎ boca sǎa ti wajǎhtina yoaro sehe jira tina. Ti cahmano seheta yoara tina. Æ jia ti masierainare bujǎpe, ñano ni durucu cohtara. Æ yoaina jia wahiquina yariahtina ti jiro seheta tina cǎhu to buhiri dahrehtina jirucuahca. ¹³ Tinare ti ñano yoari buhiri buhiri dahrerohca Cohamacu. Tina ñaare goa pja yǎhdurara. Æ yoaa dachopǎ masa ti ñurocaroi to jipachǎta ñano yoarucura. Mǎsa mehne bose nǎmǎ yoaa, tí bose nǎmǎi ñaare yoa yǎhdurara. Æ jia mǎsa bose nǎmǎre ti wete dahrero seheta tinare mǎsa ñu cǎchǎ tí ñaa pihara mǎsare.

¹⁴ Æ yoaa numiare ñua, ñaha duara tina. Tuhsǎ, ñaare ã yoarucu duara. Cohamacure wacǎ tuaera cureinare ñaare yoa dutia, tó sehe jiinare tinare ñu cǎchǎ yoara. Æ yoa ti sahsero paye barore, niñeru cǎhǎre mahño ma mihniina jira. Tina Cohamacu to buhiri dahrehtina jira. ¹⁵ Tina Cohamacu yare buheraa, soro jia buhea sehere buhera. Æ yoaa Balǎa yoaro sehe yoaa nina. Balǎa, Beor macano jia tiri jire. Tiro sehe panopǎ to ñaa yoari mehne niñerure wapata duaa tiri jimare. ¹⁶ To ã yoachǎ ñano Cohamacu tuhtia tiri jire tirore. To burro durucueraricoro jiparota masano yoaro sehe to pǎrore durucu tuhtia tiri jire. To ã tuhtichǎ tǎhoro Balǎa tuaro to ñaare yoa duamarire duhunocaa tiri jire. Tǎho masierariro to yoa duamarire duhunocaa tiri jire.

¹⁷ Ahrina mahñoina mári pohtaripǎ co

marieno yoaro sehe jira. Co mariea mári pohtari ti yaba cjihti jieraro seheta tina mahñoina ne yaba cjihti jierara. Æ yoa me curuari mǎano macaa core waboa curuarire wihnono to wǎrocachǎ ti curuari yaba cjihti jierara. Æ ti yaba cjihti jieraro seheta, tina mahñoina cǎhu masare yoadohoera, ne yaba cjihti jierara. Æ jiro nahitiano warore yoa tuhsǎa tiri jire Cohamacu tópǎ tinare buhiri dahrero taro. ¹⁸ Tina mahñoina ti durucua yaba cjihti jierara. Masiina yoaro sehe masare ã buhemacanocahna. Õ sehe ni buhera tina: “Mari cahmano seheta mari yoachǎ noa nina”, ni buhemana tina. Ti ã ni buhechǎ masa tǎhoa ñaare goa pja, ti ya buheare cahmana. Paina masa Cohamacure potocǎta wahma cahma dǎcaina mahanocǎta wahara ti ñaare ti duhuri baharo, quihõno yoaeraina mehne macaina ti jiri baharo. Tinare mahñoina ti buhechǎ tǎhoa ñaare cahmana tjoa Cohamacu yaina jiborina jipahta. ¹⁹ Tinare õ sehe ni buhera mahñoina: “Mari cahmano seheta mari yoachǎ noa nina”, ni buhemana tina. Ti ã ni buhepachǎta ti niriro sehe wahaerara tinare. Ñaare duhu duaeraa, tíre duhu masieraputiara. Ti ã duhu masierachǎ, tí ñaa ti pǎhtoro yoaro sehe jira. ²⁰ Mari pǎhtoro Jesucristore marine yǎhdachǎ yoarirore wahma cahma dǎcaina sehe ahri yahpa macaa ñaare duhunocamare. Ti ã duhuri baharo pari turi ñaare yoaa tjoa, ñabiaro waro tjuara tina. Cristore ti masihtto pano ti ji mǎhtariro yǎhgoro ñabiaro tjuara jǎna, pari turi ñaare yoaa tjoa. ²¹ Æ ñabiaro tjuaa, Cohamacu tinare to dutiare yǎhdurucaa, noaa buhea sehere ti ne masi mǎhtaerachǎ noabiaboa tinare. ²² Æ jia pari turi ñaare yoaa, masape ti ni durucurucuriro seheta yoaa nina tina. Õ sehe ni durucura masa: “Diero toa tuhsǎ pari turi to toa cǎri cjirire chǎra. Æ yoa yesere ti cosari baharo pari turi tiro ñari sahbai cuhsǎra tjoa. (Tó seheta yoara noaa buheare cahmamarina cǎhu pari turi ñaare cahmaa tjoa)”, ni durucura masa.

3

Cristo ahri yahpapǎ to tjuathtore yahuha Pedro

¹ Y_u cahĩina, musare cã pũ joaroca tuhsu. ã jicu ahri pũre mipure musare joarocai nija tjoa. Tuhsu pua taha joarocacu ahri jipihtiare musare wacũchu yoa duai nija noaa dihtare musa tuhoutuhe sehe. ² Panopu macaina noaina Cohamacu yare yahu muhtaina cjiri ti yahu joari cjirire wacũga musa. Mari puhtoro marine yuhduchu yoariro Cristo to dutia cãhure wacũga. Tí dutiare sã to cũrina musare buhei.

³ Ahrire musa masichu tuaro cahmaja. ã jina wahmanore ahrire wacũ muhtaga: Pihitiri dacho panocã Cohamacu yare bujupaina jiahca. Tina ñaare goa pjarucuina jiahca. Õ sehe ni bujupeahca: ⁴ “Cristo ‘Tjua taihtja’, niparota ne tjua tasi. ¿Tjua ta duaparota dohsearo ne bajuerajari tiro? Ahri yahpa to ji ducari baharo mari ñuchusuma mana ti yariari baharo jipihitiro soro sehe waharo marieno ã jirucura. ã jiro ahri yahpare tahtiro manopure mariahna”, ni bujupaina jiahca. ⁵ ã ni bujupea ahri sehere ne wacũerara tina: Panopure Cohamacu to dutiro mehne ahri yahpare, manano cãhure bajuamehnea tiri jire. ã yoa tuhsu ahri yahpai co dihta jirore yahpa jichu yoa tiri jire tiro. ã yoaro co mehne ahri yahpa mipu to jiro seheta ahri yahpare yoa tiri jire tiro. ⁶ ã yoa baharopu ahri yahpare miono, cohã pahñoa tiri jire ahri yahpa macaare ahri yahpa macaina cãhure. (ã jiro ahri yahpare cã tahata soro wahachu yoa tuhsu tiri jire Cohamacu.) ⁷ ã soro wahachu yoaparota mipure manore, ahri yahpa cãhure pari turi cohtotachu yoerasinire tiro. Tiro to dutiro mehne ahri yahpare manano cãhure mipure ti jiro seheta jirucu namochu yoaro nina. ã jiro cohtaro nina baharo jipihitopure jãno taro. ã cohtaro nina Cohamacu tirore cahmaerainare buhiri dahrero taro. ã buhiri dahrero tinare pichacapu cohãnohca.

⁸ Y_u cahĩina ahrire wacũga musa: Mil cãhmarine “Yoabiari pja jira”, mari ni tuhutupachuta cã dachota jira Cohamacu to ñuchu sehere. ⁹ “Cohamacu to niriro sehe

ne so yoeraputiara”, nina masa. ã jierara. Masare noano yoa duaro cohtasinino nina. Ne cãiro masunore pichacapu cohã duaerara tiro. ã jiro jipihitina pano ti ñaare tuhoutumarire ti duhuchu, Cohamacu ti cahmachu cahmasinina tiro.

¹⁰ Ñamipure yaca bucuro to wacũenoca yacaro sãariro seheta Cristo ahri yahpapure wacũenoca tarohca. To tachu to tuaro bisichuta manano macaa pihitia wahaahca. Jũ pihitia wahaahca. ã yoa ahri yahpa, ahri yahpa macaa cãhu jũ pihitia wahaahca. Cohamacu ahri yahpa macainare buhiri dahrero taro nina.

¹¹ “Ahri jipihitia pihitia wahaahca”, Cohamacu to nichu tuhona ñaare duhuina, Cohamacu cahmaare yoaina jiro cahmana marine. ¹² Mari puhtoro Cristo ahri yahpapu to tahtore cohtaina jina, soaro mehne to tachu yoaga musa. Tí dachoi manano macaa jũ pihitia wahaahca. Jipihitia jũ sipã wahaahca. ¹³ To ã cuaro wahahto to jipachuta mari sehe Cohamacu to ni cũiro seheta jipihtiare to cohtotahtire cohtaja mari. Jipihitia ti jũ pihtiaro baharo ã sehe jirohca. Manopu cãhu ahri yahpapu cãhu wahma jiahca. ã yoa tí pjarure noaa dihtare yoahca jipihitina. Ahrireta cohtaja mari.

¹⁴ ã yoa y_u cahĩina, mari puhtoro to tahtore cohtaina jina Cohamacu to ñurocaroi noano yoaina jiga musa ñaa buhiri marieina musa jihto sehe. ã noano yoaina jiga musa Cohamacu musa mehne to wahchehto sehe. ¹⁵ Yoa cureri pja to bajuerachu ñuna ahrire masiga musa. Masa tirore cahmaina to yuhduchu yoahitina dahsasina mini. ã jiro tinare cohtasinino nina Cohamacu. ãta ni musare joarocari jire mari coyero mari cahĩiro Paulo. Cohamacu to masia mehne tíre joarocari jire tiro. ¹⁶ ã dihta ni joarocara Paulo to joarocaa taharipe. Cristo to tahtore, ñaare yoeraina mari jihto cãhure yahuro ã sehe dihta ni joarocari jire tiro. Cãa tahari mijo cureare tiro yahu joarocari jire. Paina ne masieraina, tuho masieraina mahñoa mehne to ã nirire cohtota mujana. To ã niri jipachuta soro ni cohtota yahura tina. Paye Cohamacu yare ti joaa pũri cãhure tó seheta yoara

tina. Ti ã yoachũ ñũno Cohamacũ tinare tuaro buhiri dahrerohca.

¹⁷ Yũ coyeyã, yũ cahĩina ahri jipihtiare ti ã wahahto pano yahuyui nija mũsare. ã jina ahrire masina, noano yoaga mũsa. Ñaina mũsare soro ni ti buhechũ ne tũhoena tjiga tinare, “Cristore wacũ tua duhuri”, nina. ¹⁸ ã jina mari pũhtoroze marine yũhdũchũ yoariroze Cristore noano wacũ tua namoga mũsa. Tirore, marine to cahĩã cũhũre noano masi namoga mũsa. Mipũre, jipihtia dachoripe tirore noano wahche payojihna mari. “Noariro, tuariro jira”, nijihna mari tirore. ãta nijihna.

1 San Juan

Jesucristo catiare wariro jira

¹ Jesu Cohamacu ya duserore yahuriro jira. Dóiputa wahmanoputa jiri tiro masare Cohamacu mehne ã jirucuchu yoariro jia tiri jire. Mipure sã tirore yahu joana nija. Tirore tuhona, catiriro warore tirore ñai sã. Æ tjira. Tirore ñana, sã wamomacari mehne tirore dahra ñai sã. ² Ahriro Cohamacu mehne ã jirucuchu yoariro ahri yahpau to masa bajuari baharo tirore sã ñai. Æ jina tirore yahuja sã musare. Tiro jipihtia dachoripe to Pucuro mehne jirucuriro to jichu, mipure Cohamacu tirore ñore sãre. Tíre yahuja sã musare. ³ Cohamacu mehne macaina jija sã. To macuno mehne macaina cūhu jija sã. Æ jina musa cūhu sã mehne macaina, Cohamacu mehne macaina, to macuno mehne macaina musa jihto cjihtore sã ñurire, sã tuhore musa cūhure sã yahuja. ⁴ Ahrireta sã joaja noano mari wahchehti cjihtire.

Buhriaro to wete marieno seheta Cohamacure ñaa yoaa ne mariahna

⁵ Ahri buhea Cohamacu macuno sãre to yahuri cjiri jia nina. Miputa ahrire yahunahca sã musare: Cohamacu buhriaro yoaro sehe jira. Buhriaro wete marieno to jiro seheta tirore ne ñaa yoaa mariahna. Ñaa sehe nahitiano yoaro sehe jira. Cohamacure ne ñaa yoaa mariahna. To ã jia tiare yahuja musare. ⁶ Æ jina nahitiano jina yoaro seheta mari ñaare yoaina jipanahta “Cohamacu mehne macaina jija” nina, mari mahñona nija. Æ yoa Cohamacu yare quihõno yoeraja. ⁷ Æ yoa buhriaropu jina yoaro seheta Cohamacu to yoariro seheta mari noaa sehere yoana, paina Jesu yaina mehne noano jina nija. Mari ã yoaina jichu Cohamacu macuno Jesu to di cohãno mehne, crusai to yariari mehne jipihtia mari ñaa yoari buhirire cohãna.

⁸ “Yuhu pini ne ñaare yoeraja”, ni wacūna, mahñoare tuhona nija mari. Mari ã ni tuhona Cristo yare potocã

jiare ne masieraja. ⁹ Wiho mejeta Cohamacure mari ñaa yoarire mari yahuchu tiro quihõno yoariro jiro, mari ñaare borohca. Æ boro jipihtia mari ñaa buhirire cosawerohca tiro. To niriro seheta yoariro jira tiro. ¹⁰ “Ñaare yoeraja” nina, “Cohamacu mahñoriro jira”, nina nija mari. Æ seheta niina to buheare cahmaerara.

2

Cristo marine yoadohora

¹ Yu pohna, musa ñaare yoerahto sehe ahrire joai nija. Yu ã ni joapachuta ñaare yoaboca musa. Musa ã yoachu ñano Jesucristo noariro musa ya cjihtire to Pucurore ò sehe ni sini payorohca: “Ahri ti ñaare yoari buhirire buhiri dahrei tjiga”, ni sini payorohca to Pucurore. ² Cristo mari ñaa yoari buhirire cohãriro jira. Mari ñaa yoari buhirire mari dihtare cohãerara. Jipihtiro macainapu cūhure ti ñaa yoari buhirire cohã masina tiro.

³ Cohamacu to dutiare yoana, tirore potocãta noano masija mari. ⁴ Cūiro Cohamacu dutiare yoeraaparota “Yuhu Cohamacure masija” nino, tiro mahñoriro jira. Æ jiro Cristo yare potocã jiare ne masierara. ⁵ Pairo sehe Cohamacu dutiare yoariro Cohamacure tuaro cahñiro jira. “¿Cohamacu mehne macaina jijari mari?” ni masi duana, ò sehe mari masinahca: ⁶ “Cohamacu mehne macariro jija”, niriro Jesucristo yoaro seheta noaare yoariro jiro cahmana tirore. To ã yoariro jichu ñana “Cohamacu mehne macariro jija”, ni masija mari.

Wahma dutiare yahu dūcaha

⁷ Yu cahñina, ahri dutia mipure musare yu yahuhto wahma dutia jierara. Ahri dutia musa wahmanopure cjariro cjiro muna dutia tjira. Tí dutiare musa tuho tuhsure. ⁸ Mipure sehere musare yu yahuhto muna dutia jiparota wahma dutia cūhu jira. Cristo, musa cūhu tí dutiare yoara. Miputa nahitiano to pihti wahcāchu mari ñu masino seheta mari masierarire masi dūca wahcāna nija mari. Æ jiro buhriaro mehne mari ñu masino seheta Cristo musare potocã jiare masichu yoaro ta tuhsure.

⁹ “Yuhuh buhriaropuh jiriyo yoaro seheta Cohamacuh dutiare yoariro jija”, cãiro ni-parota, painare ñuh tuhtiriyo jiro, tiro Cohamacuh dutiare yoarera. ¹⁰ Æ yoa pairore cahãriyo pinihta buhriaropuh jiriyo yoaro seheta Cohamacuh dutiare yoariro jira tiro. Æ jiro ñaare pari turi yoa duaerara. ¹¹ Pairore ñuh tuhtiriyo sehe nahitianopuh jiriyo yoaro seheta jiro nina. Tiro capari ñuerariyo yoaro seheta jira. To wahahtore ñuh masierara tiro.

¹² Yuh pohna, Cristo to yariaro mehne mûsa ñaa yoari buhirire cohãri jire. Æ jicuh mûsare yahu joai nija. ¹³ Mûsa pucûsuma cûhuh, mûsa Cristore wahmanopure jiriore masina mûsa. Mûsa ã masiina jichuh mûsa cûhure yahu joai nija. Mûsa wahma yapia ñariyo watĩnore yuhdurucare mûsa. Mûsa ã yuhdurucaina jichuh mûsa cûhure yahu joai nija.

¹⁴ Yuh pohna, Cohamacuh mari Pucure mûsa masina. Mûsa ã masiina jichuh mûsare mipure yahu joai nija. Mûsa pucûsuma, mûsa Cristore wahmanopure jiriore masina mûsa. Mûsa ã masiina jichuh mûsare yahu joai nija. Mûsa wahma yapia potocãta mûsa Cohamacure wacû tuaina jira. Æ jina mûsa Cohamacuh yare yoara. Æ yoana, mûsa ñariyo watĩnore yuhdurucare. Æ jicuh mûsare yahu joai nija.

¹⁵ Ahri yahpare ahri yahpa macaa ñaare cahmaena tjiga. Ahri yahpa macaa ñaare cahmaina jina Cohamacuh mari Pucuh sehere cahmaerara mûsa. ¹⁶ Ñaina ti basi ñaare ti goa pjari, ñaare ti ñuh duari mari Pucuh Cohamacuh ya jierara. “Noano cjua pahñoriro, masi pahñoriro jija yuhuh. Ne cãiro masuno yuhure yuhdurucaerara”, masa ti ni tuhota mari Pucuh Cohamacuh ya jierara. Tĩ jipihtia ahri yahpa macaa jira. ¹⁷ Ahri yahpa, ahri yahpa macaa cûhuh masa ti cahmari cjiri pihtia wahaahca. Cohamacuh cahmaare yoariro sehe jipihtia dachoripe Cohamacuh mehne jirucurohca.

Cristore ñuh tuhtiriyo sehere yahuha Joã

¹⁸ Yuh pohna, ahri dacho to pihtihto mahanocã dahsara. “Cristore ñuh tuhtiriyo tarohca” ni, Jesu yaina mûsare yahu tuhsure. Mipure Cristore ñuh tuhtiina payuh ji tuhsure. Tĩ ã jichuh ñuhna mipure pihtihti

dacho cjihto mahanocã to dahsachuh masija mari. ¹⁹ Ahri Cristore ñuh tuhtiina sehe mari mehne jipahta potocã mari mehne macaina jierare. Æ jia tina marine cohãnocare. Tina mari mehne macaina jia, mari mehne jiboa. Marine cohãnocare. Tĩ ã cohãchuh mari mehne macaina ti jierachuh masija mari.

²⁰ Cristo Espĩritu Santore mûsa sehere ware. Æ jiro Espĩritu Santo mûsa mehne jira. Æ jina mûsa jipihtina Cristo yare potocã jiare masi tuhsura. ²¹ Mûsare yahucuh “Cristo yare masierara mûsa”, ni tuhotaeraja yuhuh. Mûsa Cristo yare masiina jichuh ñucuh mûsare yahuja. Cristo ya ne mahñoa jierara. Tĩ cûhure masiina mûsa jichuh masija yuhuh.

²² Ahriyo jira mahñoriro: “Jesu Cohamacuh masare yuhdûchuh yoa duti to warocariro Cristo waro jierara”, niriro sehe mahñoriro jira. Potocãta Cristore ñuh tuhtiriyo jira tiro. Cohamacure, to macuno cûhure cahmaerariyo jira Cristore ñuh tuhtiriyo. ²³ Õ sehe tjira: Jesure cahmaerariyo sehe to Pucuro cûhure cahmaerariyo tjira. Jesure cahmariyo sehe to Pucuro cûhure cahmariyo jira.

²⁴ Wahmanopure Cohamacure mûsa tuhori cjirire noano wacûga. Tĩre wacûna, Jesu mehne macaina jinahca mûsa. Æ yoa to Pucuro mehne macaina jinahca. ²⁵ Tĩreta Jesu marine yahure. Õ sehe jira to yahuri cjiri: “Mûsa jipihtia dachoripe Cohamacuh mehne jirucunahca”, ni cûre Jesu marine.

²⁶ Paina mûsare mahñoa nina. Tĩ ã mahñoare masicuh mûsare yahu joai nija. ²⁷ Æ ti mahñoina mûsa jipachuta mûsa sehere Cristo Espĩritu Santore wa tuhsure. Espĩritu Santo mûsa mehne jira. Mûsa mehne jiro mûsare buheriro jira. Æ jiro tiro jipihtiare mûsare yahura. To yahua potocãta jira. Mahñoare yahuerara tiro. Æ jina paio mûsare buhehtirore cahmaerara mûsa. Espĩritu Santo to niriro seheta yoaga mûsa mipure. Æ yoana mûsa Cristo yare tuhona, tiro mehne macaina jiga.

²⁸ Æ tjira. Yuh pohna, Cristo mehne macaina jiga mûsa. Æ jina Cristo to tahti dachore mûsa cuisĩ. Æ jina tiro to tahti

dachore m̄sa b̄o ti duhtisi. ²⁹ Cristo noaare yoariro to jich̄ m̄sa masina. Tíre masina ahri c̄h̄re masiga m̄sa. Jipihtina noaare yoaina Cohamac̄ pohmata jira. Ahri c̄h̄re masiga m̄sa.

3

M̄sata Cohamac̄ pohma jira

¹ “M̄sa ȳ pohma jira” nino, tuacaro cah̄ ȳhd̄uc̄ajari Cohamac̄ marine. To ã cah̄ina jinata to pohma jija mari. Ahri yahpa macaina ñaina Cohamac̄re masierara. ã jia Cohamac̄ pohma mari jich̄ ñ̄a tina mari c̄h̄re masierara. ² Ȳ cah̄ina, mip̄re Cohamac̄ pohma jija mari. ã jipanahta baharo mari jihti c̄jhtire mari noano masierasinja. ã masierapanahta ahri sehere masija. Cristore mari ñ̄na, dóihta mari tirore ñ̄ masinahca. ã jina Cristo marine to bajuach̄ tiro to jiro sehetamari cohtotanhca. ³ Jipihtina ahrire masiina Cristo to tahtore cohtaina tirore ñ̄ c̄a ñ̄aare yoa duaerara.

⁴ Ñ̄aare yoana to dutiare ȳhd̄uc̄ana nija. ã jia jipihtina ñ̄aare yoaina Cohamac̄ dutiare ȳhd̄uc̄aina jira. ⁵ Cristo masare ti ñ̄a buhirire coh̄htiro c̄jhtro bajuari jire. Tiro ne ñ̄aare yoaerara. Tíre masina m̄sa. ⁶ ã jia jipihtina Cristo yaina ñ̄aare yoarucuerara. Pairo sehe ñ̄aare ã yoarucuriro Cristore wac̄ tuaeraro, ne tirore masierara. ã jiro Cristo yairo jierara. ⁷ Ȳ pohma, m̄sare mah̄oinare ne t̄hoena tjiga. Jipihtina noaare yoaina Cristo yoaro sehe noaina jira. ⁸ Pairo sehe ñ̄aare ã yoarucuriro wat̄no yairo jira. Wat̄no pinihta dóihta ñ̄aare yoariro jia tiri jire. ã jiro wat̄no to ñ̄aare yoaare, to ñ̄aare yoa dutia c̄h̄re duhuch̄ yoah̄tiro c̄jhtro Cohamac̄ mac̄no bajuari jire.

⁹ Cohamac̄ pohma jina Cohamac̄ yoaro sehetajina jija. ã jinata ñ̄aare yoarucueraja. Cohamac̄ mari P̄uc̄ to jich̄ mari sehe ñ̄aare yoarucu masieraja. ¹⁰ Õ sehe jinare Cohamac̄ pohmare masinahca: Cohamac̄ pohma wat̄no pohma yoaro sehe jierara. Ñ̄aare yoarucuina, painare cah̄eraina Cohamac̄ pohma jierara.

M̄sa mehne macainare cah̄ga

¹¹ “Mari mehne macainare cah̄jihna”, ni buheare wahmanop̄re t̄ho tuhs̄re m̄sa. ¹² Mari Cā to ñ̄ano yoariro sehetayoaena tjijihna. Tiro wat̄no yairo jiro, to bah̄rore waj̄a tiri jire. ¿Dohse yoaro tirore waj̄ari, m̄sa t̄hotuch̄? Tíre yahuihtja m̄sare: Cā to yoari c̄jiri ñ̄a jia tiri jire. To bah̄ro sehe to noaare yoariro jich̄ ñ̄ tuhtiro to wahmino sehe tirore waj̄a tiri jire.

¹³ ã jina ȳ coyera, ahri yahpa macaina m̄sare ti ñ̄ tuhtich̄ “¿Dohse jiro baro marine ñ̄ tuhtijari tina?”, ni t̄hotuena tjiga. ¹⁴ Mari pichac̄ap̄ wahaborina jimai. Mip̄re m̄anop̄ ã jirucuh̄tina cohtotarinap̄ jina nija mari. Jesu yainare cah̄ina, Cohamac̄ marine to cohtotach̄ yoarire masija mari. Masare cah̄erario pichac̄ap̄ wahahtiro jira. ¹⁵ To coyero ñ̄ tuhtiro masare waj̄ariro jira, Cohamac̄ to ñ̄ch̄. Masare waj̄aina ne m̄anop̄ Cohamac̄ mehne jirucusi. Tíre noano masina m̄sa. ¹⁶ Masare cah̄are ò sehe masinahca. Jipihtia dachoripe Cohamac̄ mehne mari jihto c̄jhtore Cristo yariaro marine tuaro cah̄re. ã yariaro marine to ã cah̄ruc̄ure masich̄ yoaro nire. ã jina Cohamac̄ to cah̄mach̄ mari c̄h̄re Jesu yaina yaro jiborirore yariaro cah̄maboca. ¹⁷ Paȳ c̄jariro Jesu yairore p̄ac̄orirore ñ̄parota tirore p̄a ñ̄eraro, Cohamac̄re cah̄erara tiro. ¹⁸ Ȳ pohma, mari cah̄a sehe mari d̄sero dihta wijaero tjijaro. Masare mari cah̄ina, potoc̄a tinare yoadohoro cah̄mana marine.

Cuiro marieno Cohamac̄ cah̄ai ji masija mari

¹⁹ Tó sehetamari potoc̄ Cohamac̄ yaina mari jia tia c̄h̄re masinahca. ã jina Cohamac̄ cah̄ai ne cuiro marieno mari ji masija. ²⁰ ã jina “Ñ̄a buhiri jica ȳh̄re”, mari ni t̄hotupanahta, Cohamac̄ cah̄ai cuiro marieno ji masija. Tiro sehe mari ȳhd̄oro tuariro jiro jipihtiare masi pah̄oriro jira. ²¹ Ȳ cah̄ina, noaare yoana, “Noaa sehere yoana nija”, ni t̄hotuna, Cohamac̄ cah̄ai mari cuiro marieno ji masija. ²² Cohamac̄ to dutiare, to cah̄maa c̄h̄re mari yoach̄, tirore mari sinino purota tiro warohca.

²³ Õ sehe dutira tiro marine: “Cohamacu macunore Jesucristore wacũ tuaga. Å yoa Cristo marine to dutiro seheta m̄sa mehne macainare cah̄ga m̄sa”, ninota dutira marine.

²⁴ Cohamacu dutiare yoariro Cohamacu mehne macariro jiro nina. To ã jiriro jichu, Cohamacu tiro mehne macariro jira. Cohamacu mari mehne macariro to jiare mari masi duachu marine to wariro Espiritu Santo tíre marine masichu yoarohca.

4

Mahñoare ti buhechu, Cohamacu yare ti buhechu cãhure noano ñu masi dutiha

¹ Yu cahina, paina “Cohamacu yairo Espiritu c̄aja”, niina ti jipachuta ti buhea mahñoa jira. Paina sehe Espiritu Santo warore c̄aina ne mahñoa marieno buhera tina. Payu “Cohamacu yare yahu m̄htaina jija”, nipahta mahñoa jira mip̄re. Jipihtiropu jira tina. Å jina paina m̄sare ti buhea sehe mahñoa buhea jichu ñu masiga m̄sa. Cohamacu ya ti jichu cãhure ñu masiga m̄sa. ² Cohamacu yairo Espiritu Santore c̄ainare m̄sa ñu masi duana, õ sehe masinahca: “Jesucristo ahri yahpapu mari yoaro sehe pjacu tiriyo bajuari jire” ni, buheina Cohamacu yairo Espiritu Santore c̄aina jira tina. Å jina ã ni buheinare ñu masinahca m̄sa. ³ Paina sehe “Jesu ahri yahpapu mari yoaro sehe pjacu tiriyo bajuari jire” ni, buheina Cohamacu yairo Espiritu Santore c̄aeraina jira. Ti ya t̄hotua Cristore ñu tuhtiro to t̄hoturo seheta jira. “Cristore ñu tuhtiro tarohca”, ti nirire t̄ho tuhs̄re m̄sa. Å yoa to ya buhea ahri yahpapure wihi tuhs̄re.

⁴ M̄sa sehe yu pohna, Cohamacu yaina jira m̄sa. Å jina “Cohamacu yare yahu m̄htaina jija sã” ni, mahñoinare ȳd̄uca tuhs̄re m̄sa. M̄sa mehne jiriro Espiritu Santo sehe tua ȳd̄uca. Å jiro ahri yahpa macaina yairo watino ȳd̄oro tuara. Å jina mahñoinare ȳd̄uca m̄sa. Å jina ti buheare cahmaerare m̄sa. ⁵ Mahñoa sehe ahri yahpa macaina ñaina jira. Å jia tina ahri yahpa macaa

ñaare ti buhechu ahri yahpa macaina ñaina sehe tinare noano t̄hora. ⁶ Mari sehe Cohamacu yaina jija. Å jia Cohamacu masiina marine noano t̄hora. Paina sehe Cohamacu yaina jieraa, marine ne t̄ho duaerara. Ti ã t̄ho duaerachu ñuna ti ya buhea Cohamacu ya buhea ti jierachu masinahca mari. Paina sehe marine ti t̄hochu ti ya buhea noaa buhea ti jichu cãhure masija mari.

Cohamacu painare tuaro cah̄rucuro jira

⁷ Yu cahina, Cohamacu marine painare cah̄chu yoariro jira. To ã yoariro jichu ñuna mari mehne macainare cah̄jihna mari. Masare noano cahina sehe Cohamacu pohna jira. Å jia tina Cohamacu noano masina. ⁸ Cohamacu jipihtinare tuaro cah̄rucuro jira. To ã cah̄rucuro to jichu masare cah̄raina sehe Cohamacu masierara. ⁹ Cohamacu marine to cah̄re mari masi duana, õ sehe masinahca: Cohamacu sehe to macunore cãirota jirirore marine ȳd̄uchu yoahiro c̄ihtore ahri yahpapure warocari jire. Å warocaro marine to cah̄re marine masichu yoaro niri jire. ¹⁰ Cah̄a waro õ sehe jira: Cohamacu mari cah̄ri c̄iri sehe potocã cah̄a waro jierara. Marine Cohamacu to cah̄a sehe potocãta cah̄a waro jira. Å yoa to macunore mari ñaa buhirire coh̄htiro c̄ihtore warocaro marine tuaro cahina tiro.

¹¹ Yu cahina, Cohamacu ã tuaro marine to cah̄chu ñuna mari cãhu mari mehne macainare cah̄jihna. ¹² Masa sehe ne Cohamacu ñerare. Tirore ñeraina mari jipachuta mari mehne macainare mari cah̄chu, Cohamacu sehe mari mehne ã jirucuro nina. Å jiro potocãta marine cah̄ namorucuchu yoara tiro. ¹³ Cohamacu sehe marine to yairo Espiritu Santore ware. Å jina Espiritu Santore c̄ana, Cohamacu mehne mari noano jia tiare, tiro sehe mari mehne to noano jia tia cãhure masija mari.

¹⁴ Å yoa Cohamacu mari P̄cu to macunore ahri yahpa macainare ȳd̄uchu yoahiro c̄ihtore to warocarire sã ñu. Tíre ñuna painapure tíre yahuja sã. ¹⁵ Cohamacu mehne macariro õ sehe niriro jira: “Jesu Cohamacu macuno jira”, niriro tiro pini Cohamacu mehne macariro jiro nina. Å

yoa Cohamacu cãhũ tiro mehne macariro jiro nina.

¹⁶ ã yoa marine Cohamacu to cahĩare masija mari. Cohamacu jipihtinare tuaro cahĩrucuriro jira. ã jiro cãiro masare cahĩrucuriro jiro, Cohamacu mehne macariro jira. ã jiro Cohamacu cãhũ tiro mehne macariro jira. ¹⁷ ã jina mari noano cahĩ namorucuja Cohamacure, paina cãhũre, buhiri dahreri dacho jichũ mari cuiro marieno mari jihto cjihtore. ã jina cuisu mari ahri yahpai Cristo yoaro sehe jina. ¹⁸ Painare cahĩa mehne ne cuiro mariahna. Cohamacu marine to cahĩare masina mari ñano wahahtore ne cuieraja. Masa cuia tinare buhiri dahrehtore cuiina jira. ã jiro cuiriro sehe Cohamacu cahĩare masierariro jira.

¹⁹ Marine Cohamacu cahĩ mahtari jire. ã jina mari cãhũ tirore cahĩja. ²⁰ Cãiro “Cohamacure cahĩja”, niriro jiparota paire ñũ tuhtiriro jiro, mahñoriro jira tiro. Tiro to ñũrirore cahĩeraro, Cohamacure cahĩ masierara tiro, tirore ñũeraro. ²¹ ã jiro õi jira marine Cristo to dutia: Cohamacure cahĩiro jicu mũ cahai jiriro cãhũre cahĩga.

5

Cohamacu pohna ahri yahpa macaa ñaare yoa duaerara

¹ Jipihtina Jesure “Cohamacu masare yũhdũchũ yoa duti to warocariro Cristo jira” niina, Cohamacu pohna jira. Paina pũcũrore cahĩna, to pohna cãhũre cahĩja mari. ² Tó seheta Cohamacure cahĩna, to dutiare noano yoana to pohna cãhũre mari cahĩna nija. ³ To dutiare noano yoana Cohamacure cahĩna nija. Cohamacu to dutiare mari yoachũ marine warũoerara. Mari jipihtina Cohamacu pohna jina, ahri yahpa macaa ñaare cahmaeraja mari. ã jia to dutiare mari yoachũ warũoerara. ⁴ Cohamacure wacũ tuana ne ahri yahpa macaa ñaare cahmaeraja. ã jina tirore mari wacũ tuari baharo ñano yoa duaeraja. ⁵ Ñaare cahmaerana õ sehe niina jija mari: “Jesu Cohamacu macũno jira”, niina jina ahri yahpa macaa ñaare cahmaeraina jija mari.

Cohamacu macũnore yahuha João

⁶ Jesucristo ahri yahpapũ to tachũ tirore João co mehne to bautisarire masina, crusapũ to di cohãri cãhũre masina, Cohamacu macũno to jiare masija mari. To bautisari dihta Cohamacu macũno to jiare marine masichũ yoerara. To di cohãri cãhũ marine tíre masichũ yoara. Espĩritu Santo “Jesucristo Cohamacu macũno jira”, ni yahura marine. Tiro potocã ni yahuriro jira. ⁷ ã jia Jesu Cohamacu macũno to jiare tiaro marine yahura: ⁸ To macũno to jiare Espĩritu Santo sehe marine yahura. ã yoa Jesure co mehne to bautisari cãhũre masina, Cohamacu macũno to jiare masija mari. ã jina mari ya cjihtire to yariarire to di to cohãire masina, Cohamacu macũno to jiare masija mari. ã jia tí sehe cãno potori marine masichũ yoara Jesu Cohamacu macũno to jiare. ⁹ Masa ti yahuare tũhona “Potocã tjira”, nija mari. ã niina jipanahta Cohamacu to macũnore to yahuchũ masa ti yahua yũdoro tiro sehene noano tũhoro cahmana marine. Cohamacu waro to jichũ to macũnore to yahuare tũhoro cahmana marine. ¹⁰ ã jia jipihtina Cohamacu macũnore wacũ tuaina Jesure yahua buheare noano tũhora. “Potocã tjira”, ni tũhotura tina Jesure yahua buheare. Cohamacu to macũnore to yahuare tũhoerariro “Cohamacu mahñoriro jira”, niriro jira tiro. ¹¹ Cohamacu marine jipihtia dachoripe to catia mehne ã jirucuchũ yoarohca. Cohamacu macũno yaina mari jichũ ñũno ã jirucuchũ yoarohca marine. Ahri jira Cohamacu marine to yahua. ¹² Cohamacu macũno yaina jia to catia mehne ã jirucuahca. Paina tirore cahmaeraina sehe to catia mehne ne ã jirucusi.

Yahu to joa batoa jira

¹³ Mũsa Cohamacu macũnore wacũ tuaina Cohamacu catia mehne ã jirucunahca. Tíre mũsa masihti cjihtire mũsare yahu joai nija.

¹⁴ Cohamacu to cahmariro seheta mari tirore dohse jiare mari sinichũ tiro marine noano tũho nũnũnohca. ã mari sinina “Potocãta noano tũhora tiro”, ni masija

mari. ¹⁵ Tirore mari sinichu, tiro marine tuhora. To ã tuhore masina, tirore mari sinino purota to wahtiro jichu cãhure masija mari.

¹⁶ Musa coyeiro to ñaare yoachu ñana, tí ñaa Cohamacu pichacaru to waha dutia ñaa jierachu, tirore sini payobasaga Cohamacure. Ñ jiro Cohamacu tirore yoadohoro to catia mehne ã jirucuchu yoarohca tirore. Cohamacu pichacaru to waha dutieraina dihtare sini payobasaga musa. Paye ñaa sehe Cohamacu pichacaru to waha dutia ñaa waro jira. Cãiro tí ñaa warore to yoachu “Tirore sini payobasaga musa”, nieraja yahu. ¹⁷ Jipihtia ñaa yoaa ñaa warota jira, Cohamacu to ñuchu. Ti ã jipachuta paye ñaa Cohamacu pichacaru to waha dutia ñaa jierara.

¹⁸ Cohamacu macuno Jesu sehe Cohamacu pohnare noano ñu wihbora. To ã ñu wihbochu watino sehe Cohamacu pohnare ne ñano yoa masierara. Ñ jia Cohamacu pohna sehe ñaare ã yoarucuerara. Ahrire mari masija.

¹⁹ Mari sehe Cohamacu yaina jija. Watino sehe ahri yahpa macaina puhtoro jira. Ahri cãhure mari masija.

²⁰ Cohamacu macuno ahri yahpare taro marine noano masichu yoare tiro. To ã yoachu potocãta Cohamacu waroreta mari noano masija. Ahri cãhure mari masija. Cohamacu macuno Jesucristo yaina jija mari. Ñ jina potocãta Cohamacu waro mehne macaina jina nija. Ahriro yu niriro potocãta Cohamacu waro jira. Ñ yoa ahriro to macuno to catia mehne ã jirucuchu yoariro jira. ²¹ Yu pohna, “Cohamacu jira”, ti nia masurine ño payoena tjiga.

2 San Juan

Jesucristo yare, potocã cahã cãhare yahuha

¹⁻² Yũhũ bũcũro mũhũre Cohamacũ to besericorore mũ pohna cãhare ahri pũre joarocaja. Jesucristo yare yahtiina jija mari. Tiro to buhea cãhũ mari mehne jipihtia dachoripe ã jirucuahca. Æ jicũ potocãta mũsare cahĩja yũhũ. Yũhũ dihta cahĩcũ nieraja mũsare. Paina Jesu yare masiina tina cãhũ potocãta cahĩna mũsare. ³ Cohamacũ mari Pũcũ, Jesucristo to macũno cãhũ potocãta ti cahĩa mehne marine noano yoahca. Æ jia pja ñũa mehne marine noano jichũ yoajaro tina.

⁴ Cohamacũ mari Pũcũ marine to dutiriro seheta cãina mũ pohna to yare yahtiina ti jichũ masicũ wahcheja yũhũ. ⁵ Yũ cahĩricoro, mipũre mũhũre yũ dutihtu wahma dutia jierara. Wahmanopũre ahri dutia marine dóipũta ji tuhsũri jire. Õ sehe dutira marine. Mari mehne macainare cahĩjihna. ⁶ To dutiare yoa pahñona mari tirore cahĩja. Wahmanopũre mũsa tãhoriro seheta mipũ cãhare õ sehe dutira mũsare. Painare Æ cahĩrucuina jiga.

Payũ mahñoina jira

⁷ Payũ mahñoina “Potocã Jesucristo ahri yahpapũ mari yoaro sehe pjacũ tiriro masa bajuerari jire”, niina cãhũ ahri yahpa macainare buhea wahare. Tó sehe niina mahñoriro, Cristore ñũ tuhtiriro yoaro sehe jiina jira. ⁸ Noano yoaga mũsa. Cohamacũ ya wapare mũsa noano yoari wapare boena tjiga. Mũsa Æ boerachũ Cohamacũ noa yũhdũaro yoarohca mũsare.

⁹ Jipihtina Cristo yare yũhdũrucaina, Cristo yare quihõno buheraina Cohamacũ yaina jierara. Æ yoa Cristo yare ne cohãeraina Cohamacũ mari Pũcũ, to macũno mehne macaina jira tina. ¹⁰ Cristo ya buheare ne cahmaerariro, paye buheare yahuriro mũsa cahai to tachũ, tirore mũsa wũhũi sãa ta dutiena tjiga. Tirore piti bocaena tjiga. ¹¹ Paye buheare yahuriro Cristo yare cahmaerariro ñano yoara. Æ

jiro tirore piti bocariro sehe ñano yoarirore yoadohoro nina.

Yahu joa batoa jira

¹² Payũ mũsare yahu duapaihta tíre joa duaeraja. Mũsare ñũi waha duaaja. Mũsare ñũcũ mũsa mehne sãhũduihtja mari noano wahchehti cijhtire.

¹³ Cohamacũ to besericoro mũ baho pohna sehe mũhũre noa dutira.

3 San Juan

João Gayo wama tirirore “Noariro jira”, niha

¹ Yuhh bhcuro mhhure Gayore potocã yu cahĩrirore ahri pũre joarocaja.

² Yu cahĩriro, Cohamacu mehne macariro mu jichu masija yuhh. Tiro mehne mu noano jiriro sehetu mu noano yuhduhti cjihtire, mu pjacu dohatiro marieno mu jihti cjihtire Cohamacure sini payoja mhhure.

³ Mahainacã Jesu yaina yu cahai wihia mu jia tiare yahuhre yuhhure. “Cristo to cahmano sehetu potocãta yoa namono nihre Gayo”, ni yahuhre tina yuhhure. Ti ã ni yahuchu tuhocu tuaro wahchehi yuhh.

⁴ Mhãsa Jesu yare yu buherina cjiri to cahmano sehetu mhãsa yoachu tuhocu tuaro wahcheja.

⁵ Yu cahĩriro, Jesu yainare yoadohocu noano yoara mhhu. Mu ñu masieraina ti jipachuta, tinare yoadohocu noa yuhduaro yoara mhhu. ⁶ Tina panopu mu ñu masieraina sehe Jesu yainare õi cahmachuinare sãre õ sehe ni yahuhre: “Gayo Jesu yainare noano cahĩna”, ni yahuhre panopu mu ñu masieraina sehe. Baharo mu ya macare ti yuhdu wahcãchu ñucu tinare noano yoadohoga Cohamacu to wahchehtu sehe. ⁷ Tina Jesu yare buhe tinia waha, Cohamacure cahmaeraina ti yoadohochu cahmaerara. ⁸ ã jina tinare Jesu yare buhe tiniinare yoadohojihna mari. Tinare ã yoadohona nija potocã jiare ti yahuhti cjihtire.

Diotrefe to ñaa yoarire yahuha João

⁹ Tó macainare Jesu yainare mahanocã joarocamahi. Yu ã joarocapachuta Diotrefe to basi ti pũtoro yoaro sehe ji duaro, yuhhure tuhõ duaerayuhca. ¹⁰ Mhãsa cahai yu sari baharo to yoarire mhãsare yahu pahñoihtja. Sãre ñano durucuyuhca tiro. Mahñõa payuriro jira tiro. ã yoa paye ñaa cãhure yoayuhca tiro. Jesu yainare to yare buhe tiniinare ne tiro to wuhure sãa ta dutierayuhca. ã yoa paina tó macaina Jesu yaina sehe buhe tiniinare ti sãa ta dutichu ñano tiro sehe

“Buhe tiniinare sãa ta dutiena tjiga mhãsa ya wuhusepũre”, ni yahusãyuhca tinare. “Mhãsa ya wuhusepũre buhe tiniinare mhãsa sãa ta dutiri buhiri mari Jesu yaina mari cahmachuri wuhupũre sãaena tjiga mhãsa sehe”, niyuhca Diotrefe tó macainare Jesu yainare.

¹¹ Yu cahĩriro ñainare ñu cũi tjiga. Noano yoaina sehere ñu cũga. Noaare yoaina Cohamacu yaina jira. Ñaare yoaina Cohamacure masierara.

Demetrio noaa to yoarire yahuha João

¹² Jipihtina noano durucura Demetrio sehere. ã yoa to yoarire ñua noano to yoariro jichu masina masa. Sã cãhu tirore ãta ni yahuja. Sã yahua sehere potocã jichu masina mhãsa.

Yahu batoaha João

¹³ Mhhure payu yahu duamahi. ã yahu duapaihta tũre joeraja. ¹⁴ Mahanocã baharota mhhure ñu duaja. ã jina tõpu mari basi sũhudunahca.

¹⁵ Noano jiga mhhu. Mari mehne macaina õ macaina Jesu yaina cãhu mhhure noa dutira. Tó macaina mari mehne macaina jipihtina noajaro.

San Judas

Juda Jesu yainare joarocaha

¹ Yuhuh Juda Santiago baharo Jesucristore dahra cohtariro musare Jesu yainare ahri pure joarocaja. Musare Cohamacu mari Pucu besea tiri jire. A jina to cahia mehne noano jira musa. A yoa musare Jesucristo nu wihboro nina. ² Noa dutija musare. Cohamacu musare pja nuano to yoadohoro mehne to cahia mehne noano jiga musa.

Mahnoina ti buheare yahu dhacaha Juda (2P 2.1-17)

³ Cohamacu marine pichacaru waha-borinare to yuhduchu yoaa sehere tuaro joaroca duamahi musare, yu cahinare. A joa duapaihta musare mipure mahnoa buheare cahma saeracu musare joarocaja. A jina Jesucristo ya yahua sehere tuaro yahuga. Ahri yahua sehere tuhona, mari Cohamacu noano wacu tuaja. Ahri yahua sehe Jesu to curina to yainare ti yahuri cjiri ata jirucunocahna cohtotaro marieno. ⁴ Mahainaca masa nuaina Cohamacu cahmaeraina wacunenoca musa cahai wihire. Musu mehne jia tina o sehe ni yahumana musare: "Cohamacu yaina musa jichu, tiro cahina musare. A jiro numia mehne musa nuano yoachu tiro musare ne buhiri dahresi", ni yahumana tina. A jia mari puhtorore cairota jirirore Jesucristore "Cohamacu macuno jierara", ni yahumana tina. O sehe ni yahuinare Cohamacu to buhiri dahrehtore yahua tiri jire panopure. To yare ti joari pu i a ni yahua tiri jire.

⁵ Mipure musare payere wacuchu yoa duaja. Ahrire musa masipachuta pari turi ahrire musare wacuchu yoa duaja. Cohamacu judio masare Egiptoi jinare to naa wiori baharo tina mehne macainare tirore wacu tuaerainare tiro wajaa tiri jire. ⁶ A yoa paina chure wacuga musa. Paina anjoa sehe Cohamacu dutiare yoa duaera tiri jire. A jia tinare to ji duti to curirore tina ji duaera tiri jire. A yoa ti jimarirore cohanoaca tiri jire tina. Ti a cohachu nuano

Cohamacu nahitianopu tinare peresu yoaa tiri jire. A jia tina pihtiri dacho pano comaa dari mehne duhterina yoaro sehe jirucuahca tina to peresu yoarina. A jiro pihtiri dacho jichu tinare buhiri dahrerohca Cohamacu. ⁷ Ata yoaa tiri jire paina chu. Tina chure wacuga musa. Tina Sodoma wama tiri maca macaina, Gomorra wama tiri maca macaina ti macari cahaci jia macari macaina chu numia mehne nuano yoaa tiri jire. Soro yoaa chure yoaa, tina mu sehe ti basita ti pjacari mehne nuano yoaa tiri jire. Numia chu ata yoaa tiri jire. Ti a yoari buhiri Cohamacu tinare ju pahnonocaa tiri jire. Tinare juo Cohamacu jipihtina tirore yuhduchacainare to buhiri dahrehtore masare nuano nia tiri jire. Tinare to buhiri dahrehtore pichaca ne yatisi.

⁸ Tina Cohamacu to buhiri dahrehtore cjiri yoaro sehetu mipu chure ata yoarucura mahnoare buheina. Tina tuho masieraina yoaro sehetu ti pjacari mehne nuano yoara. A yoa Cohamacu dutiare ne cahmaerara tina. A yoa muano macaina si siteinare tina sehe nuano durucu cohtara. ⁹ Noaina anjoa sehe tuaina jipahta a ni durucuerara. Miguel wama tirore anjoa puhtoro sehe Moise pjacu cjirore cahmano, watino mehne cahma sayoa tiri jire. Tua yuhduariro jiparota tiro "Watino yuhdoro yuh pinihta tuaja", ni tuhotuera tiri jire. A jiro to mu saro watinore nuano durucuera, tirore tuhtiera tiri jire. A jiro o sehe nia tiri jire watinore. "Cohamacu mu chure tuhtijaro", nia tiri jire Miguel watinore. ¹⁰ To a yoariro jipachuta ahriina mahnoina sehe ti masierainare nuano durucu cohtara. A yoa wahiquina tuho masieraina ti mu saro ti yoaro sehetu tina mahnoina chu yoara. A yoaina jia, pichacaru wahaahca.

¹¹ Tinata nuano yuhduahca. Cai cjiro to yoariro sehetu nuano yoara tina chu. A jia Balaa to yoariro sehetu tina niherure na duaa, mahnoare buhera. A yoa Core to puhtorore cohano duariro cjiro yoaro sehetu tina chu to sehetu yoara. A jia tiro yoaro sehetu tina chu pichacaru wahaahca. ¹² Tina mahnoina sehe musa cahma cahiti bose numurine chu, nu payoa marieno mehne tina ti cahmano pape, ti sahserota

chũare bora painare waro marieno. Wete yoaro sehe tina m̄sa bose n̄m̄m̄rine noaa dachori jiborirore dojomehne cohtara. Me curuari wihnono to w̄rocaa curuari, co mariea me curuari ti yaba cjihti jieraro seheta tina mahñoina ne yaba cjihti jierara. ã yoa dicha tiri pja jichũ dicha tieraa yuc̄ari yoaro sehe jira tina. Tí yuc̄ari p̄aa tahap̄ yariaa wahara. Cũ taha dicha tieraa yuc̄ũ, yariaa yuc̄ari yoaro sehe waha tuhs̄ra. Tí yuc̄arire ti duhari baharo pari turi yariaa wahara tjoa. Tí yuc̄ari yoaro seheta jia yaba cjihti jierara tina mahñoina. ¹³ ã yoa pjiri ma macaa pahc̄ori b̄j̄ũ pahc̄ori yoaro sehe jira tina. Tí pahc̄ori ti c̄j̄ũca õchũ, wete tia sahpo wahara. Dohse jiare tina mahñoina ti yoachũ pahc̄ori macaa sahpo wete tia sahpo ti waharo seheta mahñoina ti ñaa yoaa jira. ã yoa si m̄ wahc̄ãa poca ñahpichoha poca yoaro sehe jira tina. Tí ñahpichoha poca ti wahahti mahare duhunoca, ti ã cohtotarucuro seheta tina c̄hũ quihõno buheraa, ã cohtotarucura. Ti ã yoari buhiri nahitianop̄ũ, ñanop̄ũ ã jirucuahca tina mahñoina.

¹⁴⁻¹⁵ Enoco panop̄ũ macariro cjiro Adão panamana seis baharo to panami tiroiro õ sehe nia tiri jire tinare mahñoinare: “T̄hoga ȳh̄are. Cohamac̄ũ paȳũ to yaina anjoa noaina mehne jipihtina ñainare ti ñaa buhiri buhiri dahrero tarohca. ã yoaro jipihtina Cohamac̄ũre ñũ tuhtiinare ti ñaa yoari buhirire tinare buhiri dahrero tarohca Cohamac̄ũ. Cohamac̄ũre ñano ti durucuri buhiri c̄h̄are tinare buhiri dahrero tarohca”, ni yahuyua tiri jire Enoco. ¹⁶ Tina mahñoina painare tuhtiina, nurerucuina ti ñano wacũa dihtare yoara tina. ã yoa “Painare masi ȳhd̄ũcaja sã”, nirucura tina. ã jia ti cahmano sehe yoa duaa, paina ti c̄j̄ũare na duaa, mahño c̄ũ durucura t̄ho ji coarop̄ata.

Jesu yainare yahu namoha Juda

¹⁷ Mari p̄h̄toro Jesucristo buhe duti to c̄rina ti buherire wacũga m̄sa, ȳ cahĩina. ¹⁸ Õ sehe ni buhere tina marine. “Ahri yahpa to pihtihto panocã Cohamac̄ũre, m̄sa to yaina c̄h̄are ñano durucu b̄j̄ũpeina jahca. Tina Cohamac̄ũre cahmaeraa, ñaare ti goa pjaare yoahca”,

ni yahure Jesu to c̄rina m̄sare. ¹⁹ Jesu yainare ti basi ti cahma ñũ tuhtichũ yoara tina mahñoina sehe. ã yoa tina ñaina ti m̄ s̄ro yoaina jia, Esp̄ritu Santore ne c̄j̄ũaerara tina. Ti ñaa goa pja dihtare yoara tina.

²⁰ M̄sa sehe ȳ cahĩina, Jesucristo ya buheare noano t̄ho namoga, noano wacũ tuaina m̄sa jihto sehe. Tí buhea sehe ñaa mariea buhea noa ȳhd̄ũara. Esp̄ritu Santo yoadohoa mehne Cohamac̄ũ mehne durucuga m̄sa. ²¹ Cohamac̄ũ m̄sare tuaro cahĩina. Tíre masina tirore noano ȳhtiina jiga m̄sa. ã ȳhtiina jiga, Jesucristo mehne m̄sa ã jirucutire m̄sa cohtaro watoi. Tiro marine pja ñano m̄anop̄ũ ã jirucuchũ yoarohca.

²² Cristo yare “Quihõno jieraboca”, ni t̄hotuinare pja ñũga. ²³ Painare yoadohoga pichacap̄ũ ti wahaerahto sehe. ã jina painare pja ñũga m̄sa. Tinare yoadohona m̄sa c̄hũ ti ñaa yoare ñũ c̄ena tjiga. Wete tiri suhtirore m̄sa cahmaeraro seheta, paina ti ñaa yoare cahmaena tjiga m̄sa, “Ti ñaa yoare ñũ c̄ũ yoari”, nina.

Juda Cohamac̄ũre to ño payoa jira

²⁴ Cohamac̄ũ mari p̄h̄toro marine ñũ wihbo masina ñaare mari yoaerahto sehe. ã jiro tiro si siteriro marine ñaa buhiri marieinare m̄anop̄ũ to cahap̄ũ c̄ũ masina. ã marine t̄op̄ũ to c̄chũ mari wahchenahca. ²⁵ Tiro Cohamac̄ũ c̄ãirota jira. Pairo mariahna. Pichacap̄ũ wahaborinare marine ȳhd̄ũchũ yoariro jira. Tiro sehe panop̄ũ, mip̄ũre, jipihtia dachoripe c̄h̄are noa ȳhd̄ũariro, mari bui p̄h̄toro jiro, tua ȳhd̄ũariro, jipihtinare dutiro jira. To ã jiro jichũ mari p̄h̄toro Jesucristo to yoadohoa mehne tirore ño payoa mehne wahchejihna. ãta yoajihna.

Apocalipsis

Baharopure ahri dacho to dohse wahahtore marine masichu yoaha Jesucristo

¹ Ahri pui Jesucristo marine to masichu yoarire yahu joarocai nija. Cohamacu sehe ture yahu dutiro cūri jire tirore, to yainare tirore dahra cohtainare masichu yoa dutiro. ã jiro michapucacãta to dohse wahahtore masichu yoari jire tiro. Mahanocã dũhsa mũjano nina to ã wahahto. Jesucristore to ã cūchũ tiro sehe anjore ture yũhũre Joãore yahu dutiro warocari jire.

² ã jicu yũhũ Joã jipihtiare yũ ñũrire yahu joarocai nija. Cohamacu ya durucuares Jesucristo ya buheare yahu joarocai nija.

³ Ahri pui baharopũ to dohse wahahtore yahu joai nija. Mahanocã dũhsa mũjano nina ahri jipihitia ti ã wahahto. ã jia jipihitia ahri pũre buheina, yũ yahuare noano tũhoina yũ yahuriro sehe yoaina wahcheina jahca.

Siete curuari macainare Jesu yaina cahmachuinare joarocaha Joã

⁴ Yũhũ, Joã mũsare siete curuari macainare Jesu yainare Asia yahpa macainare joarocaja: Cohamacu to cahũa mehne mũsare noa dutija. ã yoa to yoadohoa mehne noano jiga mũsa. Tiro panopũta ã jirucuriro jia tiri jire. Mipũ cũhũre ã jirucura. Baharopũ tarohca. To pũhtoro dujiro panoi jiina siete pjacu bajueraina jira. Tina ti cahũa mehne noano jiga mũsa tjoa. ⁵ Jesucristo to cahũa mehne noano jiga mũsa tjoa. Cohamacu yare mahũono marieno yahuriro jira tiro. ã jiro to yariari baharo to masa mũjari baharo ne pari turi yariasi tiro. “Õ sehe masa mũjaahca yũ yaina”, ni ñũ quihũ mũhtariro jira tiro. ã jiro jiro jipihitia ahri yahpa macaina pũhtoa ti bui pũhtoro jira tiro. Marine cahũno to di cohãri mehne mari ñaare cosawere tiro. ⁶ ã cosawero marine pũhtoa sũre tiro. Sacerdotea marine wahachũ yoare tjoa. Cohamacu Jesu Pũcũro to yare yoahinare marine sacerdotea sũre tiro. Jipihitia dachoripe

“Tuariro jira”, ni wahche payorucunahca mari jipihitia tirore. Jipihitia bui pũhtoro ã jirucura tiro. ãta jirucujaro.

⁷ Noano wacũ masi cohtaga mũsa. Me curuari watoi duji tarohca Cristo. To ã tachũ ñũahca jipihitia. Tirore cjã puha wajãrina cjiri cũhũ tirore ñũahca. To ã tachũ ñũa ahri yahpa macaina tirore cahmaeraina jipihitia curuari macaina tuaro cahya, tiiahca. ãta yoajaro.

⁸ Õ sehe nina mari pũhtoro Cohamacu: “Yũhũ jipihtiare bajuamehneriro jija. ã yoa jipihtiare pihtichũ yoahitiro jija. Tua yũhdũũcariro jija yũhũ. Panopũ ã jirucua tii. Mipũ cũhũre ã jirucuja. Baharopũ taihtja”, nina Cohamacu tua yũhdũũcariro.

Cristore si siterirore to ñũrire yahuha Joã

⁹ Yũhũ Joã mũsa coyeiro Jesu yairo jija. ã jicu mũsa yoaro seheta yũhũ cũhũ Jesu yare yũ yoari buhiri ñano yũhdũhi. ã yoa mũsa yoaro seheta yũhũre ti ã ñano yoapachũta Jesu yoadohoa mehne Jesure cohãerahi. Mari cũno potori pũhtoro to sũho jiro macaina cjihti jija. Yũ ya dihta macaina ti cohãriro jicu Patmo wama tiri nũcopũ jihũ. Cohamacu yare, Jesucristo to buheri cũhũre painare yũ buheri buhiri tũpũ ti cohãriro jihũ. ¹⁰ Tũ yũ jichũ cũ dacho domingo jichũ Espĩritu Santo yũhũre cahãnopũ ñono nihre. To ã ñochũ yũ baharo bahũsehei tuaro durucua bisiro coa tahre. Corneta to tuaro bisiro seheta tũ seheta bisiro coa tahre to durucua. ¹¹ Õ sehe nino coa tahre yũ tũhochũ:

—Mipũ mũ ñũhtire joari pũi joa õga. Mũ ã joa õri baharo siete curuari macainare Cohamacu yainare warocaga tí pũre. Tina siete curuari Asia yahpai jia macari macaina jira. Efeso macainare, Esmirna macainare, Pẽrgamo macainare, Tiatira macainare, Sardis macainare, Filadelfia macainare, Laodicea macainare mũ ñũhtire joarocaga —nino coa tahre yũhũre.

¹² To ã nichũ tũhocũ majarerũcahi yũhũre durucurirore ñũi tai. ã majarerũcacũ siete sihãa pocare ti duhu payoa yucũre uru mehne ti yoari yucũre ñũhi. ¹³ Tĩ yucũ watoi ducurirore masũno yoaro sehe bajurirore ñũhi. Tiro yoari suhtiro to

dahporip_u s_uri suhtirore s_uariro jihre. *Ã* jiro uru mehne ti yoari cahsaro mehne to p_ubuhu bui t_uã dihoriro jihre. ¹⁴ *Ã* yoa to pjoa yaja pjoari yoaro sehe noano yehsehre. To capari pichaca pohna yoaro sehe sihre. ¹⁵ To dahpori bronce wama tiri comaa siri comaa yoaro sehe si sitehre. Broncere pichaca mehne ti noano j_uweri baharo t_ure wahtara noano si pa dutia. Ti noano wahtariro yoaro sehe to dahpori noano si sitehre. *Ã* yoa to durucua pay_u poayeri yoaro sehe tuaro bisiro coa tahre. ¹⁶ To wamomaca poto b_uh_usehei siete ñahpichoha pocare c_uahre. *Ã* yoa to d_useroi ñosari p_uj_u b_uh_useheri siori p_uj_une cuhc_uhre. *Ã* yoa s_udacho macariro to tuaro minoano seheta to w_uhd_u tuaro si sitehre.

¹⁷ *Ã* jic_u tirore ñ_uc_u to dahpori cahai doca caha s_uhi yariariro yoaro sehe. Y_u *ã* doca caha s_uch_u ñ_uno tiro to wamomaca poto b_uh_usehe mehne y_uh_ure duhu payo *õ* sehe nihre:

—Cuii tjiga. Y_uh_u jipihtiare ba-juamehneriro jija. *Ã* yoa jipihtiare pihtich_u yoahitiro jija. ¹⁸ Catiriro jija y_uh_u. Yariariro jimai. Mip_ure ñ_uga. Jipihtia dachoripe *ã* catirucuriro jija y_uh_u. *Ã* yoa yariaina ti jiroi p_uhtoro jija. Yariaina ti jiro macari sopaca sawire y_u c_uhaboriro seheta t_urp_u j_uinare na wio, pari turi catich_u yoa masija y_uh_u. ¹⁹ *Ã* jic_u mip_u wahahtore ñ_uc_u, joa *õ*ga. Baharop_u to dohse wahahto c_uh_ure ñ_uc_u joa *õ*ga m_uh_u. ²⁰ Ahri siete ñahpichoha pocare y_u poto b_uh_usehei y_u c_uh_u pocare yahuihtja m_uh_ure. Siete sih_uã pocare ti duhu payoa yuc_u uru yuc_u c_uh_ure yahuihtja. *Õ* sehe jia yahuare panop_u masare ne yahuera tii. *Õ* sehe jira t_u: Siete ñahpichoha poca siete curuari macaina y_u yaina cahmachuina p_uh_utoa jia nina mari piti dahre buhech_u. *Ã* jia siete sih_uã pocare ti duhu payoa yuc_u siete curuari macaina y_u yaina jia nina mari piti dahre buhech_u —nihre y_uh_ure.

2

Efeso macainare Jesu yainare joa d_uca dutiha Joãore

¹ *Ã* ni tuhs_u *õ* sehe ni namohre y_uh_ure joa dutiriro:

—Efeso macaina y_u yaina, ti p_uhtoro c_uh_ure *õ* sehe ni joarocaga m_uh_u: “Y_u wamomaca poto b_uh_usehei siete ñahpichoha pocare c_uariro jija. *Ã* jic_u siete sih_uã dapoa yuc_u uru mehne ti yoaa yuc_u watoi tiniriro jija. *Ã* tiniriro jic_u m_usare *õ* sehe ni yahuja: ² Jipihtia m_usa yoarire masi pah_ujoja. Y_u ya c_uhtire tuaro m_usa dahrarire, y_uh_ure m_usa wac_u tua duhuerari c_uh_ure noano masija. Ñaare yoainare m_usa ñ_u yabich_u c_uh_ure masija. *Ã* yoa ‘Jesu buhe dutiro to c_urina jija’, nimarinare quih_uno ti buherach_u, quih_uno ti yoerach_u ñ_una, mah_uoina ti jich_u masire m_usa. ³ Y_u yare m_usa yoari buhiri m_usa ñ_uno y_uhd_upanahta y_uh_ure ne duhuerare m_usa. ⁴ *Ã* noano yoaina jipanahta c_unore t_u yoerare m_usa. Ahri jira t_u: Y_uh_ure m_usa noano cah_u m_uhtariro seheta mip_ure yoerara m_usa. ⁵ Y_uh_ure m_usa cah_u m_uhtarire wac_uga m_usa tjoa. Mip_ure y_uh_ure m_usa cah_uera curerire wac_uga. *Ã* yoa Cohamac_u yare tuaro cahmaga tjoa. *Ã* cahmana, y_u yare m_usa yoa m_uhtariro seheta yoaga tjoa. M_usa *ã* yoerach_u sih_uãriare y_u duhu payod_u m_usa ya d_ure y_u dapod_ure m_usare nanocaihtja. (*Ã* nic_u *õ* sehe ni yahui nija m_usare. M_usa t_u macaina y_uh_ure coh_uboca. *Ã* coh_una t_u purota pihtinahca m_usa ñ_uaa yoare duhuerana.) ⁶ Y_uh_ure cah_uera cureina jipanahta ahrire noano yoare m_usa: Nicolaita wama tiina ti ñ_uaa yoarire ñ_u yabira m_usa. Y_uh_u c_uh_u ti yoarire ñ_u yabija. ⁷ Cahmori tiina jira m_usa. *Ã* jina m_usa ya curuari macainare y_u yainare Esp_uritu Santo to yahurire t_uhoga m_usa. *Õ* sehe nina tiro: ‘Jipihtinare Jesure wac_u tua duhuerainare Cohamac_u masare to c_uno paraiso wama tiro macad_u dichare ch_u dutiitja. T_u dicha catich_u yoaa jira’, nina Esp_uritu Santo”, ni yahu joarocaga Efeso macaina y_u yainare, ti p_uhtoro c_uh_ure.

Esmirna macainare Jesu yainare joaroca dutiha Joãore

⁸ ‘Esmirna macaina y_u yainare, ti p_uhtoro c_uh_ure *õ* sehe ni joarocaga m_uh_u:

“Yuhũ jipihtiare bajuamehneriro jija. ã yoa jipihtiare pihlichũ yoah tiro jija. Yariaa wahai. Pari turi catija tjoa. ã jicũ õ sehe ni yahuja m̄sare: ⁹ M̄sa ñano yuhdũre masija. Pjacooina m̄sa jichũ cãhũre masija. ã jipanahta Cohamacũ yare noaare pjĩro c̄hara m̄sa. Paina sehe ‘Judio masa jija’, nimarina mahñoina jira. Tina m̄sare ti ñano quti dahrerire masija. Tina Satana yaina jira. ¹⁰ Mip̄hũre m̄sa ñano yuhdũhtire cuiena tjiga. Tũhoga m̄sa. Watĩno m̄sare Cohamacũre duhu dutiro cãina m̄sa mehne macainare peresu yoa dutirohca. Diez dachori waro ñano yuhdũnahca m̄sa. Ti ã ñano yoachũ m̄sare ti ã wajãmoñopachuta yuhũre yũ ya cãhũre cohãena tjiga. M̄sa ã yuhũre cohãerachũ ñũcũ jipihtia dachoripe Cohamacũ cahapũ m̄sare ã jirucuchũ yoaihtja. ¹¹ Cahmori tiina jira m̄sa. ã jina m̄sa ya curuari macainare yũ yainare Espĩritu Santo to yahurire tũhoga m̄sa. Õ sehe nina tiro: ‘Jipihtina Jesure wacũ tua duhueraina pichacapũ wahasi. Ti yariari baharo pichacapũ wahasi’, nina Espĩritu Santo”, ni joarocaga Esmirna macaina yũ yainare, ti pũhtoro cãhũre.

Pérgamo macainare Jesu yainare joaroca dutiha Joãore

¹² Pérgamo macaina yũ yainare, ti pũhtoro cãhũre õ sehe ni joarocaga m̄hũ: “Yuhũ ñosari pjĩ pũ bũhũseheri siori pjĩne c̄hãriro jija. M̄sare õ sehe ni yahuihtja: ¹³ M̄sa yoarire, m̄sa ya maca macaina ti yoari cãhũre masija. Tó macaina pũhtoro Satana jira. Tó macaina Satanare ño payoina Antipare yũ yare noano yahuriro cjirore wajãre. Tirore ti ã wajãchũ ñũpanahta yũ yare yoarucuna yuhũre ne wacũ tua duhuerare m̄sa. ¹⁴ M̄sa ã wacũ tua duhuerapanahta mahanocã yuhũre yuhdũrũcare m̄sa. Cãina m̄sa mehne macaina Balãa ya buheare cahmana. Panopũ Balãa pũhtoro Balac wama tirirore õ sehe ni buhea tire: ‘Israe masare yuhdũrũca duacũ “Cohamacũ jira”, m̄sa nia masũrine ño payo m̄sa duhu payoa chũare chũ dutiga tinare. ã yoa numia mehne ñano yoachũ yoaga tinare’, ni buhea tire Balãa cjiro.

Cãina m̄sa mehne macaina to buheare cahmana. ¹⁵ ã yoa paina m̄sa mehne macaina Nicolaita wama tiina ya buhea sehere duhu duaerara. ¹⁶ ã jina m̄sa ñaa tũhotumari cjirore tũhotu cohtota, Cohamacũ yare tuaro cahmaga tjoa. M̄sa ã cahmaerachũ ñũcũ soaro mehne m̄sa cahapũ wahacũ, ã ñano yoaina mehne cahmacheihca yũ dũseropũ jiri pjĩ ñosari pjĩ mehne. ¹⁷ Cahmori tiina jira m̄sa. ã jina m̄sa ya curuari macainare yũ yainare Espĩritu Santo to yahurire tũhoga m̄sa. Õ sehe nina tiro: ‘Jipihtinare Jesure wacũ tua duhuerainare manã wama tiri chũare to nũori chũare waihtja. Yehsea tãa cãhũre waihtja tinare. Tĩ tãare wahma wamare yũ joa õa tãa jiahca. Paina tí wamare ne masisi. Tĩ tãare naina dihta tí wamare masiahca’, nina Espĩritu Santo”, ni joarocaga Pérgamo macaina yũ yainare, ti pũhtoro cãhũre.

Tiatira macainare Jesu yainare joaroca dutiha Joãore

¹⁸ Tiatira macaina yũ yainare, ti pũhtoro cãhũre õ sehe ni joarocaga m̄hũ: “Yuhũ Cohamacũ macũno yũ capari picha pohna yoaro sehe sira. ã jia yũ dahpori bronze wama tiri comaa ti wahtari comaa yoaro sehe si sitera. M̄sare õ sehe ni yahuja: ¹⁹ M̄sa yoarire masija yuhũ. Cohamacũre paina cãhũre m̄sa cahĩre, yuhũre m̄sa cohãerare, painare m̄sa yoadohore, ñano yuhdũpanahta yuhũre m̄sa duhuerare masija. Wahmanopũ m̄sa yoariro yuhdoro mip̄hũ sehere noano yoa namona nina m̄sa. Tĩ cãhũre masija yuhũ. ²⁰ M̄sa ã noano yoaina jipanahta õ sehe yuhũre yuhdũrũcare m̄sa: Jezabe wama tiricoro ‘Cohamacũ yare yahu m̄htaricoro jija’, ni mahñoricoro m̄sare to ñano buhechũ tũhona ticorore tuhtierare m̄sa. Mahño buhero yũ yainare yuhũre dahra cohtainare numia mehne ñano yoachũ yoara. ã jiro ‘Cohamacũ jira’, ti nia masũrine paina ño payo ti duhu payoa chũare chũ dutira ticoro yũ yainare. ²¹ To ñaare to cahyahtore cohtasinimai. Yũ ã cohtapachuta m̄sa mehne to ñano yoare duhu duaerare. ²² Yuhũre tũhoga m̄sa. Ticorore dohatichũ yoaihtja. Ticoro

mehne ñano yoaina cãhure dohaticu yoaihtja. Ñ jia tina pjíro ñano yũhdũahca. Ñta yoaihca tinare ticoro mehne ti ñano yoaare ti cahyaerachu, tíre ti duhuerachu. ²³ Ñ yoa ticoro ya buheare cahmainare wajãihtja. Yũ ã yoachu ñũa jipihtina yũ yaina yũ noano masiro jichũ masiahca. Masa ti tũhotuare ti goa pjaa cãhure masija. Yũ ã masiro jichũ masiahca tina ticorore yũ buhiri dahrechũ ñũa. Jipihtina mũsa ñaare yoari buhirire buhiri dahreihhtja mũsare. Ñ yoa mũsa noaare yoari wapa sehere noano yoaihtja mũsare. ²⁴ Paina mũsa mehne macaina Tiatira macaina ticoro ya buheare cahmaerare. Mũsa sehe Satana ya buheare ‘Pano to yahuerari cjiri’, ti nia buheare cahmaerare mũsa. Ñ jicũ mũsa sehere duti namosi yũhũ. ²⁵ Ahri dihtare yoa duti namoihtja mũsare: Mũsa cahapũ yũ tahto pano yũ buheare mũsa masiro ne mahanocã duhuena tjiga. ²⁶⁻²⁷ Jipihtina ñaare duhuinare yũ yare ã yoarucinare pũhtoa sõihtja. Yũ Pũcũ yũhure to pũhto sõriro sehetã mũsa cãhure pũhtoa sõihtja. Jipihtia yahpari macaina bui pũhtoa sõihtja mũsare. Ñ pũhtoa sãana, mũsa docai jĩinare jipihtia yahpari macainare tuaro dutinahca mũsa. Dihĩ biatore mari yucũcũ mehne pohachũ dói to wahtiaro sehetã Cohamacũre yũhdũũcainare ãta yoanahca mũsa. ²⁸ Ñ jicũ mũsare yũ yare ne duhuerainare bohrea mũja tachũ mũja tariare waihtja mũsare. ²⁹ Cahmori tiina jira mũsa. Ñ jina mũsa ya curuari macainare yũ yainare Espĩritu Santo to yahurire tũhoga mũsa”, ni joarocaga Tiatira macaina yũ yainare, ti pũhtoro cãhure.

3

Sardis macainare Jesu yainare joaroca dutiha Joãore

¹ Sardis macaina yũ yainare, ti pũhtoro cãhure õ sehe ni joarocaga mũhũ: “Yũhũ siete pjacũ bajuerainare Cohamacũ yainare dutiro jija. Ñ yoa siete ñahpichoha pocare cjũariro jija. Mũsare õ sehe ni yahuja: Mũsa yoarire masija. Õ sehe ni tũhotumana paina mũsare: ‘Tina

Cohamacũ yare noano yoa pahñoina jira’, ni tũhotumana mũsare paina. Ti ã ni tũhotupachũta Cohamacũ yare noano yoerara mũsa. ² Ñ jina noano yoaga mũsa ‘Ñaare yoari’, nina. Cohamacũ yare mũsa masiro noano wacũga, ‘To yare duhuri’, nina. Cohamacũ to ñũchũ noano yoa pahñoerainire mũsa. ³ Ñ jina yũ yare mũsa tũho mũhtarire noano wacũga mũsa. Ñ wacũna yũ yare yoaga tjoa. Cohamacũ yare pari turi cahmaga tjoa. Yũ nino sehe mũsa yoerachũ wacũenoca mũsare buhiri dahreihhtja. Yacariro wacũenoca to yacaro sãariro sehetã mũsare wacũenoca buhiri dahreihhtja. ⁴ Cãina mũsa mehne macaina Sardis macaina ñaare yoarucina jierara. Wete marieni suhtirore mũsa sãaboriro sehetã tí suhtirore mũsa wete piho duaeraro sehetã ti ñaa yoare piha duaerare mũsa. Ñ noaina jina, yehseri suhtiro sãaina yũhũ mehne tininahca mũsa sehe. Ñ yoahtina cjihti jira mũsa. ⁵ Jipihtina yũ yare duhueraina ãta yehsea suhti sãaina jiahca. Ñ yoa yũhũ mehne ã jirucuhtina ti wamare to joa õri pũi tina cãhũ ti wamare joa õina jiahca. Ti wamare to joa õrire pahã cohãsi yũhũ. Yũ Pũcũ to ñũrocaroi, anjoa cãhũ ti ñũrocaroi yũ yaina mũsa jirire yahuihtja tinare. ⁶ Cahmori tiina jira mũsa. Ñ jina mũsa ya curuari macainare yũ yainare Espĩritu Santo to yahurire tũhoga mũsa”, ni joarocaga Sardis macaina yũ yainare, ti pũhtoro cãhure.

Filadelfia macainare Jesu yainare joaroca dutiha Joãore

⁷ Filadelfia macaina yũ yaina, ti pũhtoro cãhure õ sehe ni joarocaga mũhũ: “Yũhũ ñaa marieriro jija. Yũ nino sehetã yoariro jija. Davi cjiro panopũ macariro pũhtoro dutiro waro sawire cjũariro jiro masare to dutiro sehetã tuaa mehne dutihtja yũhũ cãhũ. Tí tuaa mehne yũ yoa dutierachũ ne paina tíre yoa masierara. ⁸ Jipihtiare mũsa yoare masija yũhũ. Wacũ tuaera cureina jipanahta yũ buheare noano tũho, tíre ne duhuerare mũsa. Ñ jicũ yũ yare cũi mũsare tíre buhe duticũ. Ñ jia paina ‘Tíre buhena tjiga’, ni dũcata

masierara m̄sare. ⁹ Ā jic̄u õ sehe yoaihtja: Paina m̄sa cahai jiina Satana yaina jira. ‘Judio masa jija’, nipahta judio masa waro jierara. Tinare m̄sa panoi na tuhcuca caha s̄u m̄sare ño payoch̄u yoaihtja tinare. Ȳu ā yoach̄u ñ̄u m̄sare ȳu cah̄iare masiahca tina. ¹⁰ M̄sare ȳu yare ȳu duhu dutierach̄u t̄hona noano ȳuhtire m̄sa. M̄sa ā yoach̄u ñ̄u ahri yahpa macaina jipih̄tina ti ñ̄ano ȳuhduhti pja jich̄u m̄sare d̄ucataihtja m̄sa ñ̄ano ȳuhduerahto sehe. Tí pja jipih̄tina ti ñ̄ano ȳuhduhti pja jirohca. ¹¹ Mahanoc̄a d̄hsara ahri yahpap̄u ȳu tjua tahto. Ȳu yare m̄sa masirire boena tjiga. Ā yoa ȳuh̄re ā ȳuhtirucuga, m̄sa noano yoari wapare ‘Butiri’, nina. ¹² Ā jic̄u ȳu yare ā yoarucuinare ȳu P̄uc̄u ya w̄uh̄u macaina c̄jhtire c̄uhtja tinare. To ya w̄uh̄u macaa botari ti yoari pja ti jirucuro seheta Cohamac̄u mehne jirucuch̄u yoaihtja tinare. Ā jia Cohamac̄u mehne macaina ā jirucuahca. Ā jic̄u Cohamac̄u w̄uh̄u macaa botarip̄u ȳu joa õno seheta tinare ti p̄jac̄urip̄u õ sehe ni joa õihtja: Cohamac̄u ȳu P̄uc̄u wamare, to ya maca wama c̄uh̄re joa õihtja. To ya maca wahma maca Jerusalē jirohca. Tí maca m̄sanop̄u Cohamac̄u cahap̄u tari maca jirohca. Ȳuh̄u wahma wama c̄j̄aihca. Tí wama c̄uh̄re joa õihtja ti p̄jac̄urip̄u. ¹³ Cahmori tiina jira m̄sa. Ā jina m̄sa ya curuari macainare ȳu yainare Esp̄iritu Santo to yahurire t̄hoga m̄sa”, ni joarocaga Filadelfia macaina ȳu yainare, ti p̄h̄toro c̄uh̄re.

Laodicea macainare Jesu yainare joaroca dutiha Joãore

¹⁴ ‘Laodicea macaina ȳu yainare, ti p̄h̄toro c̄uh̄re õ sehe ni joarocaga m̄h̄u: “Ȳuh̄u Cohamac̄u jipih̄tia to yoarire, to yoah̄ti c̄uh̄re yoa sohtori tiriro jija. Ȳuh̄u potoc̄a yoariro jija. Ā jic̄u mah̄õno marieno ȳu ñ̄urire ā yahurucuriro jija. Jipih̄tiare ȳu P̄uc̄u to yoarire yoabasariro jija ȳuh̄u. ¹⁵ Jipih̄tia m̄sa dohse yoarire masija ȳuh̄u. Ȳuh̄re wac̄u tuaina jipanahta mahanoc̄a wac̄u tuaina jira m̄sa. Ā sehe jira tí: Co ȳus̄era co s̄u mehne p̄jiroca si putia co yoaro sehe jira m̄sa. Tó sehe jia core mari ji coeraro seheta ȳuh̄re

wac̄u tuaera cureina m̄sa jich̄u ȳuh̄u c̄uh̄u m̄sare ji coeraja. Ȳuh̄re m̄sa noano wac̄u tuach̄u noaboa ȳuh̄re. Ȳuh̄re m̄sa wac̄u tuaerach̄u ñ̄a niboa ȳuh̄re. Ȳuh̄re m̄sa wac̄u tuaerari ȳuh̄doro mahanoc̄a wac̄u tuaina m̄sa jich̄u ñ̄a ȳuh̄duara. ¹⁶ M̄sa ā jich̄u ñ̄uc̄u ñ̄u yabi ȳuh̄duaja ȳuh̄u. Ñ̄aa core ȳu cho coh̄ano seheta ȳuh̄re mahanoc̄a wac̄u tuainare ñ̄u yabi ȳuh̄duaja ȳuh̄u. ¹⁷ Ā jina õ sehe ni t̄hotumana m̄sa: ‘Jipih̄tiare c̄j̄aja. Ne yaba d̄hsaerara marine’, ni t̄hotumana m̄sa. Ā nipanahta p̄jac̄uoina yoaro sehe jira m̄sa. Ā jina capari ñ̄eraina ti ñ̄u duaare ti masieraro seheta Cohamac̄u yare ne masierara m̄sa. Ā jina suhti marieina ti b̄uo tiro seheta Cohamac̄u to ñ̄urocaroi m̄sa ñ̄aa yoarire b̄uo tihtina jira m̄sa. ¹⁸ M̄sa ā jiina jich̄u ñ̄uc̄u õ sehe ni yahuihtja m̄sare: Uru warore m̄sa nuch̄aboro seheta noaare ȳu c̄j̄aare naga m̄sa. M̄sare ȳuh̄re wac̄u tuach̄u yoaihtja. Ā jina potoc̄a Cohamac̄u ya mehne p̄j̄iro c̄j̄uanahca. Ā yoa yehseri suhtirore m̄sa nuch̄u m̄sa s̄ãno seheta ȳu di coh̄ari mehne ȳu yariaro mehne m̄sa ñ̄aa yoare cosawerina jiga. Ā yoana noaa suhti s̄ãina ti b̄uo tieraro seheta m̄sa ñ̄aaare cosawerina jina b̄uo tisi m̄sa c̄uh̄u. Ā yoa m̄sa caparire m̄sa co tiri baharo noano m̄sare bajuro seheta Cohamac̄u yare noano t̄hoga, m̄sa noano masihto sehe. ¹⁹ Jipih̄tina ȳu cah̄inare yahuja. Ā jic̄u ȳu cah̄ina ti jich̄u ñ̄uc̄u, ti t̄hoerach̄u tinare quih̄õno yoa dutija, tinare yoadohoc̄u tac̄u. Ā jina ȳu ya sehere tuaro cahmaga. Ā yoa m̄sa ñ̄aaare t̄hotumari c̄j̄irire cohtota, tí ñ̄aaare duhuga. ²⁰ T̄hoga ȳuh̄re. M̄sa w̄uh̄re bihari w̄uh̄re ȳu sur̄uca ȳu s̄ãa dua ȳu pisurucuboro seheta, m̄sa mehne macariro ji duai nija. Ȳu ā ji duach̄u t̄hoina jina ȳuh̄re m̄sa mehne ji dutiga. Ȳu yaina jiga. M̄sa ā ji dutich̄u m̄sa mehne jiihtja. Ā jic̄u mari s̄uh̄o ch̄aro seheta m̄sa mehne noano jiihtja. Ā jina ȳuh̄u mehne macaina jinahca m̄sa. ²¹ Wat̄ĩnore ȳu ȳuh̄dur̄ucari baharo ȳu P̄uc̄u p̄h̄toro to duj̄iro cahai dujija, ȳuh̄u c̄uh̄u dutic̄u tac̄u. Tó seheta m̄sa c̄uh̄u ñ̄aa yoarire m̄sa ȳuh̄dur̄ucari baharo ȳu

p̄h̄toro dujiro cahai dujinahca, m̄sa c̄h̄u dutina tana. M̄sare ȳ cahai dujich̄u yoaihtja. ²² Cahmori tiina jira m̄sa. Ā jina m̄sa ya curuari macainare ȳ yainare Esp̄ritu Santo to yahurire t̄hoga m̄sa”, ni joarocaga Laodicea macaina ȳ yainare, ti p̄h̄toro c̄h̄ure —nihre ȳh̄ure joa dutiriro.

4

M̄nanop̄ Cohamac̄ure na tuhcuca caha s̄u ti ño payoare ñ̄ha Joã

¹ Ȳh̄ure to ā ni yahuri baharo m̄nanop̄ p̄j̄ari sopacare ñ̄hi. Pari turi corneta to tuaro bisiro seheta tuaro durucua bisiro coa tahre ȳ t̄hoch̄u. Ō sehe nihre ȳ t̄hoch̄u:

—Ōp̄ m̄ja taga. Ahri ȳ yahukti c̄j̄hti baharop̄ure wahahtore m̄h̄ure ñ̄oihtja. Ȳ niriro seheta ā waharohca —nino coa tahre m̄nanop̄.

² To ā ni yahuch̄ta t̄op̄ m̄ja s̄uc̄ Esp̄ritu Santo tuaa mehne ñ̄hi nihi. Ā jic̄ p̄h̄toro dujirore m̄nanop̄ ñ̄hi. T̄oi c̄airo dujihre. ³ Noano si siteriro dujihre. Diamante wama tia t̄a yoaro seheta, rubí wama tia t̄a yoaro seheta noano si siteriro dujihre tiro. Ā jiro buhini soro esmeralda yoaro sehe si siteri soro dacho macai dujihre tiro. ⁴ Ā yoa to dujiro cahai veinticuatro dujiare ñ̄hi. Tí dujia p̄h̄toa dujia ȳ ñ̄ m̄htarirore duji soroahre. Tí dujiap̄ veinticuatro Jesu yaina p̄h̄toa dujihre. Yehsea suhti tiina jihre. Ā yoa p̄h̄toa ti pisaa sorori uru sororire pisaina jihre tina.

⁵ Ȳ ñ̄ m̄htariro dujiroi orocasitehre. Ā yoa soro sehe jiro choro bisiro coa tahre. W̄po c̄h̄u bisiro coa tahre. Tí dujiro panoi siete sih̄a poca jihre. Siete sih̄a poca mehne to p̄ti dahre buhech̄u Cohamac̄u yaina siete p̄jac̄u bajueraina jihre. ⁶ Ā yoa to dujiro panoi p̄jiri ma yoaro sehe vidro yoaro sehe sipari ma jihre. Noano co sitiri ma yoaro sehe jihre.

Ti dujiro cahai pititiaro soro sehe bajuina jihre. Ti p̄jac̄ari panoi ti baharo b̄h̄usehe c̄h̄ure paȳ capari tiina jihre tina. ⁷ Ȳ ñ̄ m̄htariro soro bajuriro yairo soh̄ariro yoaro sehe bajuhre. To baharo jiriro wach̄u yoaro sehe bajuhre. Ti baharo jiriro mas̄no w̄hd̄a sehe w̄hd̄a

tiriro jihre. Tina tiaro baharo jiriro cja to c̄j̄m̄ad̄p̄r̄ire saño dujiriro yoaro sehe bajuhre. ⁸ Tina seis d̄p̄ari w̄a d̄p̄ari tiina jihre. Ā jia ti w̄a d̄p̄ari p̄ b̄h̄useherip̄ta paȳ capari tia d̄p̄ari jihre. Ā yoa dachoripe, ñ̄aminipe ā durucua nihre. Ne durucu duhuerare. Ō sehe ni durucuhre: “Noariro, noariro, noariro Cohamac̄u mari p̄h̄toro tua ȳhd̄ariro jira.

Tiro panop̄ta ā jirucua tiri jire.

M̄p̄ c̄h̄ure ā jirucura.

Baharop̄ tarohca”,

ni durucurucua nihre.

⁹ Ā ni durucua tina pititiaro soro bajuina to tuaare durucua nihre p̄h̄toro dujiroi dujirirore. Ā durucua, tirore jip̄htia dachoripe jirucurirore wahche payoa “Noana”, nia nihre. ¹⁰ Ti ā yoa payoch̄u ñ̄a veinticuatro Jesu yaina p̄h̄toa sehe p̄h̄toro dujiroi dujiriro panoi na tuhcuca caha s̄u, tirore ño payohre. Tiro jip̄htia dachoripe jirucuriro jira. Ā ño payoa ti p̄h̄toa pisaa sororire to dujiro panoi doca payohre. Ā doca payoa ō sehe nihre tina:

¹¹ “M̄h̄ Cohamac̄u s̄a p̄h̄toro waro jira.

Tuariro, noariro jira m̄h̄u.

M̄h̄u s̄a ño payoriro jii nina.

M̄h̄ure ā ño payorucuro cahmana s̄are.

Jip̄htiare bajuamehneriro jira m̄h̄u.

M̄ cahmariro seheta tí jip̄htiare bajuamehnea tiri jire m̄h̄u”,

nihre tina Cohamac̄ure, t̄oi dujirirore.

5

Joari p̄ure tur̄eri tiare cordero c̄h̄ure yahuha Joã

¹ Baharo t̄oi dujiriro to wamomaca potu b̄h̄usehei to c̄j̄ari p̄ure joari p̄ure ñ̄hi. Tí p̄ p̄ b̄h̄useheri to joari p̄ to tur̄eri tia jihre. Ā yoa siete wiht̄a ñ̄haa mehne to wiht̄a ñ̄hari tia jihre. ² Tí tiare tur̄eri tiare ñ̄ tuhs̄u, tuariro anjore ñ̄hi. Tiro tuaro durucua mehne ō sehe ni yahuhre:

—¿Ahri tiare wiht̄a ñ̄haare pahr̄boriro ñ̄a buhiri marieriro diro sehe j̄jari, m̄sa t̄hotuch̄a? —nihre tiro anjo.

³ Ā niparota tí tiare pahr̄htirore bocaerare. M̄nanop̄, ahri yahpap̄, catiina watoi, yaria tuhs̄ina watoi ne tí tiare ñ̄haare

pahrēhtiro mariahare. Ā jiro tí tiare buhehtiro mariahare. ⁴ Ā jicū pahrēhtirore, tí pūre ñuhtirore ti bocaerachū ñucū tuaro tihi yuhū. ⁵ Yū ā tiichū ñūno cūiro Jesu yaina pūhtoa mehne macariro ō sehe nihre yuhūre:

—Tiiecu tjiga. Tí tiare ñahaare cūiro pahrē masina. Tiro Juda ya curua macariro tuariro jira. Tuariro jiro “Yairo sohāriro”, ti ni pisuriro jira. Tiro pūhtoro Davi panamino ji turiariro jira. Watīnore yuhdūcariro jira tiro. Ā jiro tiro tí tiare siete ñahaare pahrē masiriro jira —nihre tiro yuhūre.

⁶ To ā nichū tūhocū pūhtoro dujiro panoi cordero to ducuchū ñūhi. Cuatro soro bajuina, Jesu yaina pūhtoa tina watoi ducuhre tiro cordero. Tiro ti wajāriro cjiro sehe bajuhre. Siete sahari tiriro, siete capari tiriro jihre. Tí siete sahari ā yoa siete capari mehne to piti dahre buhechū Cohamacū yaina pjacū bajueraina siete bajueraina yoaro sehe jira. Tina to yaina pjacū bajueraina jipihtiro ahri yahparū Cohamacū to warocarina jihre. ⁷ Ā jiro cordero sehe pūhtoro dujiro cahapū sūro, tirore to potō buhūsehei to cjuari tiare tūāwe nahre. ⁸ To ā tūāwe nachū ñūa cuatro soro bajuina, veinticuatro pūhtoa cūhū cordero panoi na tuhcuca caha sū, tirore ño payohre. Tina pūhtoa jipihtina arpa wama tia buaputēare, uru wahwari cūhūre cjuahre. Tí wahwari incienso noano wahpaa posa tia wahwari jihre. Tí incienso mehne to piti dahre buhechū Cohamacū yaina tirore ti sini payori yoaro sehe jihre. ⁹⁻¹⁰ Ā tirore ño payoa ō sehe ni wahmaa basaare tina basa payohre tirore:

“Mūhū ti wajāriro cjiro jira.

Ā jicū mū di cohāri mehne sū ñaa yoari buhirire cohāre mūhū Cohamacū yaina sū jihto sehe.

Ā jicū jipihtia curuari macainare cāinare, jipihtia dūseri durucuinare cāinare, jipihtia yahpari macainare cāinare sū ñaa yoari buhirire mū di cohāri mehne cosawere mūhū Cohamacū yaina sū jihto sehe.

Sāre jipihtinare Cohamacū yaina cjihtire cūre mūhū.

Ā jicū sacerdotea cūhūre mūhū sūre Cohamacūre dahra cohtaina sū jihto sehe.

Ā yoacu ahri yahpa macaina bui pūhtoa sūhūre mūhū sūre.

Ā yoariro jicū tí tiare wihtā ñahaare pahrēhtiro jira mūhū”, ni basa payohre tina corderore.

¹¹ Pari turi ñucū millones anjoa perire ñūhi. Pūhtoro dujirore cuatro soro bajuinare, veinticuatro pūhtoare anjoa sehe tinare soroa ducū sūhūre. Tina anjoa peri tuaro ti sañurucu payochū ñūhi. ¹² Ō sehe ni tuaro sañurucu payohre tina:

“Cordero ti wajāriro mūhū jipihtinare dutiriro, jipihtiare cjuariro, masi pahñoriro, tua yuhdūariro jira mūhū.

Masa ti ñaa buhiri ti wajāriro mū jichū ñūna ā ni ño payoja mūhūre.

‘Noabiariro jira’, ninahca mūhūre.

Mūhūre noano durucunahca”, ni sañurucu payohre anjoa peri.

¹³ Ā jicū paina cūhūre ti sañurucu payoa coa tachū tūhohi. Jipihtina mūano macaina, ahri yahpa macaina, catiina, yariaina cahapū jiina cūhū, pjiri ma macaina, jipihtiropū jiina ō sehe ni durucu payoa coa tahre:

“Cohamacūre to dujiropū dujirirore, Cordero cūhūre mū sare pūarore noano durucunahca.

Mū sare wahche payonahca.

‘Noa Yuhdūaina, Tua Yuhdūaina jira’ nina, jipihtia dachoripe ā nirucunahca mū sare”,

ni durucu payoa coa tahre.

¹⁴ Ā jia tina cuatro soro bajuina ti ā durucu payochū tūhoa “Āta ni durucu payojaro”, nihre. Ā jia Jesu yaina pūhtoa sehe na tuhcuca caha sū Cohamacūre, Cordero cūhūre ño payohre.

6

Papera tiare to nari tiare wihtā ñaharire pahrēna Cordero

¹ Baharo papera tiare to nari tiare Cordero wihtā ñaha mūhtanore pahrēhre. To ā pahrēchū ñūhi. To ā pahrēri baharo cūiro soro bajuina mehne macariro, “Ñūna

taga”, nihre. Æ nino wapo yoaro sehe bisihre tiro.

² To Æ niri baharo ñahi yuħu. Yehseriro cawalore ñahi. Tiro bui pisariro buedare cjahre. Tirore puħtoro pisari sorore wahre paior sehe. To Æ wari baharo tiro sehe tirore ñu tuhtiinare yuħduħcaro wahre.

³ Baharo cū wihtã ñahanore pahrẽ tuħsu Cordero pa wihtã ñahanore pahrẽhre tjoa. To Æ pahrẽri baharo paior soro bajuina mehne macariro “Ñuna taga”, to nichu tuħohi tjoa.

⁴ Æ jicu paior cawalore sohãrĩrore ñahi tjoa. Tiro bui pisarĩrore tuaare wahre paior sehe. Ahri yahpa macainare cahma wajã dutihtĩrore cũhre tirore. Æ jia jipĩhtiro macaina cahma wajãahca ahri yahpapu. Æ yoa pjĩri pjĩ ñosari pjĩne wahre tirore.

⁵ Baharo puarore pahrẽ tuħsu Cordero parore pahrẽhre tjoa. Æ jicu puaro ti durucuri baharo paior soro bajuina mehne macariro “Ñuna taga”, to nichu tuħohi.

To Æ niri baharo ñĩriro cawalore ñahi. Tiro bui pisariro balanza quihõnore cjahre. ⁶ Tirore yu ñĩri baharo soro bajuina watoi õ sehe nino coa tahre:

—Cũ dacho dahrari wapa mehne trigore cū kilota nuchahca masa. Cũ dacho dahrari wapa mehne cebada wama tia yaparire tia kilota nuchahca masa. (Trigo, cebada cũhu pihtia wahaahca. Æ jia tí wapa buju niahca.) Wiho mejeta chũa dahrea sere, vino cũhure dojochu yoaena tjiga — nino coa tahre.

⁷ Baharo tiarore pahrẽ tuħsu Cordero parore pahrẽhre tjoa. To Æ pahrẽri baharo paior soro bajuina mehne macariro ji bato tĩriro “Ñuna taga”, nihre tjoa.

⁸ To Æ nichu tuħocu wapoariro cawalore ñahi. Tiro bui pisariro “Yariachũ yoariro” wama tihre. Æ yoa to baharo tariro “Yarina ti jiro” wama tihre. Æ jiro tinare tuaare wahre paior sehe. Ahri yahpapure cuarta parte masare wajã dutihre. Cahma wajãa mehne, jũca baa mehne, dohatia mehne, wahiquina nuħuri macaina suaina mehne tõeina masare ti wajãhtore cũhre tinare.

⁹ Baharo pititiaro wihtã ñahaare pahrẽ tuħsu Cordero paro ñahanore pahrẽhre tjoa. To Æ pahrẽchũ altar docai Jesu yaina ti wajãrina ti catiri yajeripohnarine ñahi. Cohamacu yare ti yahuri buhiri, “Jesu yaina jija”, ti ni yahuri buhiri tinare wajãri jire. ¹⁰ Tina sañurucua õ sehe nihre Cohamacure:

—Mũhu sã puħtoro, ñaa marieriro, mahõono marieno, mũ niriro seheta yoariro jira mũhu. ¿Ahri yahpa macainare, sãre wajãrinare dohse jichũ buhiri dahreihcari mũhu? —ni sañurucuhre tina.

¹¹ Æ jiro tinare yehsea suhti yoaa suhtire wahre. Tinare Æ waro õ sehe nihre tinare:

—Sosiniga. Paina mũsa coyera Jesu yaina mũsa yoariro seheta mipu cũhure noaa buheare buhesinia nina. Mũsare ti wajãriro seheta tina cũhure ti wajã pahõohto dahsasina. Æ jina tinare jipĩhtinare ti wajãhto pano mahanocã sosiniga mũsa —nihre tinare.

¹² Baharo cinco wihtã ñahaare pahrẽ tuħsu Cordero paro wihtã ñahanore pahrẽhre tjoa. Tõre to Æ pahrẽchũta tuaro yahpa ñuhmihre. To ñuhmini baharo sũ dacho macariro ñĩriro choro wahahre. Ñĩri suhtiro yoaro seheta ñĩriro choro wahahre. Æ yoa sũ ñami macariro di yoaro sehe sohãriro wahahre. ¹³ Æ yoa ñahpichoha poca yahpapu boraa wahahre. Yucucu dicha yahsaare wiħnono to wã bure bororo seheta ñahpichoha poca boraa wahahre. ¹⁴ Ti Æ wahari baharo mũano butia wahahre. Papera tiare mari turẽchũ to bajueraro seheta bajuerare mũano. Æ yoa jipĩhtia tũyucu cũhu nuħopo cũhu pa sehẽpu sũrucahre. ¹⁵ To Æ wahachu ñũa, ahri yahpa macaina bui puħtoa coparipu tũyucu macaa tãa docapu cũhure duhtihre. Paina puħtoa, surara puħtoa, pache puã, tuaina, jipĩhtina tinare dahra cohtaina, dahra cohtaina jieraina cũhu tõihta duhtimahre. ¹⁶ Æ duhtia tũyucure, tãa cũhure õ sehe nihre:

—Sã bui bora pjaga. Sãre nuõga. Siro puħtorore to dujiroi dujĩrirore cui yuħduaja. Cordero suaro, sãre ñano buhiri dahrerohca. “Æ buhiri dahreri”, nina nuõga sãre. ¹⁷ Jipĩhtinare tuaro ti buhiri dahrehti dacho ji tuħsara. Æ jia ti buhiri

dahrehtore ne cãiro duhtiro bihoeraro, cãno pjasi –nihre tina jipihtina.

7

Israe masa pjacurire Cohamacu to wama ña õhtore yahuha João

¹ Baharo pititiaro anjoare ñahi. Tina jipihtiropu wahahre. Cãiro norterpu waharo tópu tari wihnonore taerachu yoahre. Pairo surpu, paio sũ mũa taropu, paio sũ sãanopu wahahre. Norterpu wahariro yoaro seheta yoahre tina cũhu. Æ jiro ahri yahpapu, pjiri mapu cũhare ne wihnono taerare. Ne cãdu yucũre wihnono wã ñuhmichu yoerare. ² Æ yoa paio anjore ñahi tjoa. Sũ mũa taropu taro nihre tiro. Cohamacu catiriro to wama ña õnore na taro nihre tiro. Æ na taro paina pititiaro anjoare tiro sañurucuhre. Tina anjoa sehe ahri yahpare, pjiri ma cũhare Cohamacu to dojomehne dutiina jihre. ³ Tinare sañurucuro õ sehe nihre anjo:

–Cohtasiniga. Cohamacure dahra cohtaina ti wãhdũa pocare to wamare õna tana nija. Sã ã õhto pano ahri yahpare, pjiri mare, yucũri cũhare dojomehnesiniena tjiga mũa –nihre tiro paina pititiaro anjoare.

⁴ Æ jiro Cohamacu to wama mehne ti wãhdũa pocare ti õhtinare “Õpeina jira”, ni yahuhre yũhare cãiro. Israe masa doce curuari macaina ciento cuarenta y cuatro mil masa ti õhtina jiyuhti. ⁵ Ahri jiyuhti ti õhtina: Doce mil masa Juda panamana ji turiaina ti õhtina jihre. Paina doce mil masa Rubẽ panamana ji turiaina ti õhtina jihre. Paina doce mil masa Gad panamana ji turiaina ti õhtina jihre. ⁶ Paina doce mil masa Aser panamana ji turiaina, paina doce mil masa Neftalí panamana ji turiaina, paina doce mil masa Manase panamana ji turiaina ti õhtina jihre. ⁷ Paina doce mil masa Simeo panamana ji turiaina, paina doce mil masa Leví panamana ji turiaina, paina doce mil masa Isacar panamana ji turiaina ti õhtina jihre. ⁸ Paina doce mil masa Zabulõ panamana ji turiaina, paina doce mil masa José panamana ji turiaina, paina doce mil masa Benjami panamana ji turiaina ti õhtina jihre. Tópeinata

jipihtina masa ciento cuarenta y cuatro mil to wama mehne ti õhtina jihre.

Payu yehsea suhti tiinare yahuha João marine

⁹ Baharo payu masare ñahi. Jipih-tia yahpari macainare, jipihtia curuari macainare, jipihtia dũseri durucuinare, jipihtia macari macainare cãinare Cristore cahmaina dihtare tói ducuinare ñahi. Pũhtoro to dujiro panoi, Cordero panoi ducuhre tina masa. Payu masa jihre. Æ jia quihõ bihoina jierare. Yehsea suhti tiina jihre tina. Æ yoa pjaa põ pũrine cjuahre. ¹⁰ Æ jia tina jipihtina õ sehe ni tuaro sañurucuhre:

“Cohamacu jira sãre yãhdũchu yoariro.

Tiro to dujiroi dujiriro jira.

Cordero cũhu sãre yãhdũchu yoariro jira”,

ni sañurucuhre tina. ¹¹ Æ jia jipihtina anjoa, Jesu yaina pũtoa cũhu, soro bajuina mehne pũhtoro to dujiro cahai ducuhre. Æ ducua to dujiro panoi doca caha sũ, Cohamacure wahche payohre. ¹² Õ sehe ni wahche payohre tina:

“Æ tjira.

Cohamacu sã pũhtoro mũhare noano durucuja.

Noa yãhdũariro, masi pahñoriro jira mũhu.

Mũhare ‘Noana’, nija.

Mũhare ño payoja.

Tua yãhdũariro jira mũhu.

Mũ tuaa mehne yoariro jira mũhu.

Tó seheta jirucuriro jira mũhu jipihtia dachoripe.

Æ tjira”,

ni wahche payohre tina.

¹³ Ti ã nichu tũhoro cãiro Jesu yaina pũtoa mehne macariro yũhare õ sehe ni sinituhre:

–¿Ahri yehsea suhti tiinare masijari mũhu? ¿Ti tariroro masijari mũhu? –ni sinitu ñahre yũhare.

¹⁴ To ã nichu tũhocu:

–Masieraja –ni yũtíhi.

–¿Noa jijari tina? –ni sinituhi tirore.

Yu ã nichu tũhoro õ sehe nihre yũhare:

–Ahri ñabiaro yãhdũari dacho jichu cãno pjaina jira. Ti suhti cosawerina ti jiro seheta Cordero to di cohãno mehne ti ñaa buhirire cosawerina jira. Æ jia noano

yehsea suhti tiina jira. ¹⁵ Æ to cosawerina jia Cohamacu to dujiro panoi tirore ã ño payorucura. Dachoripe, ñaminipe tirore ã ño payorucura, sacerdotea Cohamacu wuhai ti yoariro seheta. Æ jiro tina mehne ã jirucuro, tinare yoadohorohca Cohamacu “Soro wahari”, nino. ¹⁶ Ne pari turi juca baasi tina. Æ jia ñahma yapiosi tina. Ne sã dacho macariro siro tinare ne jã pjasì. Tuarò sia tinare ñano yuhduchu yoasi. ¹⁷ Puhatoro dujiro potoi ducuriro Cordero tinare ñu wihborohca. Ovejare ñu wihboriro yoaro sehe tinare ñu wihborohca. Æ ñu wihboro mári pohtaripu catichu yoaa mári pohtaripu tinare mu tá wahcãnohca, ovejare ñu wihboriro to mu táno seheta. Æ yoaro ã wahcherucuchu yoarohca tinare. Æ jia ne pari turi tiisi tina –ni yahuhre Jesu yaina puhtoa mehne macariro yuhure.

8

Seis papera ti wihtã ñahaare pahrẽ tuhsuro parore pahrẽha Cordero

¹ Seis papera ti wihtã ñahaare pahrẽ tuhsuro parore pahrẽhre tjoa Cordero. To ã pahrẽ tuhsuchu cã hora dacho macai tóru muanoru noano dihta marieaa wahahre. ² To ã wahari baharo siete anjoare Cohamacu panoi ducuinare ñuhi. Tinare siete cornetarire wahre paio. ³ Pairo anjo uru wahware inciensore posa tihti wahware cjaruro altar caharu su, ducuhre. Tói to ducuchu payu inciensore tirore wahre, jipihtina Cohamacu yaina tirore ti siniri mehne morehtire. Æ jiro uru altarpu Cohamacu to dujiro panoi jiri altarpu tí inciensore jã muohre Cohacure. ⁴ Æ jia anjo to cjaruro wahwa macaa inciensore altarpu to poho siteri baharo tí incienso macaa me Cohamacu yaina tirore ti siniri mehne mujaa wahahre. ⁵ Æ wahari baharo altar macaa niti mehne tí wahwa wahpa wahachu, yahpai poho cunocahre. To ã poho cunocachuta wuro pja, soro sehe jiro bisi mua, oroca site mua, yahpa ñuhmi muahre.

Cornetarire yahuha Joã

⁶ Baharo siete anjoa cãina ti cornetarire putia taa nihre.

⁷ Cãiro anjo to yariare puti muhtahre. To ã putichu co poca yusha poca pichaca mehne, di mehne morea poca yahpapu bora su cahahre. Ti bora su cahachuta yahpa jãa wahahre. Õ puro jãhre: Ahri yahpa dacho maca saro caharoi jãa wahahre. Æ jiro tó puro posata yucuri cãhu jãa wahahre. Tó puro posata tja cãhu jãa wahahre.

⁸ Anjo cãiro to ã puti muhtari baharo paio anjo to yaria cornetare putihre tjoa. To ã putichu pjidu tãcu yoaro sehe bajudu noano jurucudu pjiri mapure waharoca ñojaa wahahre. Æ jiro yahpa to jãriro puro tó purota pjiri ma di ma dojoo wahahre. ⁹ Æ jia pjiri ma macaina wahi dacho maca mahano sãboro waroi yariaa wahahre. Tópe busota dohoa buso cãhu minia wahahre pjiri mapure.

¹⁰ Puro anjoa ti putiri baharo paio anjo cãhu to yaria cornetare putihre tjoa. To ã putichu pjiria ñahpichohaca, sihãria yoaro sehe siria yahpapu bora su cahaa wahahre. Ahri yahpa macaa mári dacho macabo cureroi tópe mári bui bora su cahaa wahahre ñahpichohaca. Tópe co wijaa copari bui cãhure bora su cahaa wahahre. ¹¹ Tópe márita suẽa mári wahahre. To ã wahachu payu masa tí mári macaa core, tí copari macaa co cãhure sihnimaa, yariaa wahahre. Tia ñahpichohaca “Suẽnia”, wama tihre.

¹² Tiaro anjoa ti putiri baharo paio anjo cãhu to yaria cornetare putihre tjoa. To ã putichu sã dacho macariro, ñami macariro cãhu dacho maca sãboro waroi dojoo wahahre. Ñahpichoha peri cãhu dacho maca sãboro waroi jia poca tópe pocata dojoo wahahre. Tópe poca muano macaa poca noano buhrierare. Dachoru pititia horari waro sã dacho macariro ne buhrierare. Ñamine pititia horari waro sã ñami macariro, ñahpichoha poca cãhu ne buhrierare.

¹³ Baharo ñuroca muohi tjoa. Muanoru wururore cjare ñuhi. Æ jicu to sañurucuchu tuhohi. Õ sehe nihre tiro:

–Ñabiara. Ñabiara. Tiaro anjoa mipu putierasiniina ti putiri baharo pinihtare

ñabiaro waharohca. To ã wahach_u ahri yahpai jiina ñabiaro y_uhd_uahca —nihre tiro.

9

¹ Baharo pititiaro anjoa ti putiri baharo paio anjo to yaria cornetare putihre tjoa. To ã putich_u ñahpichohaca yoaro sehe jiro anjo m_uanop_u bora taritore ñahi. Y_u ã ñano watoi tirere c_uãri copa macari sawire wahre. ² ã jiro tiro tí copare to pj_ooch_u pichaca me wijaahre. Pjiri pichaca macaa me yoaro sehetá pj_iro me wijaahre tí copare. ã wijaaro tí me dóihta s_u dacho macaritore, m_uano c_uh_ure butia wahach_u yoahre. ³ ã yoa tí me puhichai jiina poreroa yahpap_u tahre. Pich_ono soroa ti tuaro pur_ino sehetá tina c_uh_u tuaro pur_ih_ure. ⁴ ã jiro tjare, yuc_urire, paye toaare ñano yoa dutierare tinare. Masa dihtare ñano yoa dutihre tinare. Cohamac_u to wamare ti w_uhd_ua pocare òmahnoeraina dihtare ñano yoa dutihre tinare poreroare. ⁵ ã ñano yoa dutiparota tinare wajá dutierare. Tinare wajá dutieraparota cinco s_uri waro tinare ñano pur_ich_u yoa dutihre. Pich_ono soroa tjoaa ti pur_ino sehetá pur_ich_u yoaina jihre poreroa c_uh_u. ⁶ Tinare tí ã pur_ich_u yoach_u masa yariaa waha duaaahca. Ti ã yaria duapach_uta tinare yaria dutisi.

⁷ Poreroa sehe cawaloa yoaro sehe bajuhre. Ti cahma wajáhto pano cawaloare ti suhti s_uariro sehetá tó sehetá bajuina jihre tina poreroa c_uh_u. Ti dapu pocali p_uhtoa ti pisaa sorori uru sorori yoaro sehe bajuhre. Ti w_uhd_ua poca masa yoaro sehe bajuhre. ⁸ Ti pjoari numia pjoari yoaro sehe jihre. ã yoa ti piri yaya piri yoaro sehe jihre. ⁹ Pē buhu d_ucatari cahsaro comaa cahsaro yoaro sehe bajuhre ti cutiro. ã yoa tina ti w_uch_u pay_u cawaloa m_urocaina ti m_urocaro sehe ti w_ua d_up_uri bisihre. Cawaloa tunua b_usore wajaina ti cahma wajánop_u waha, ti bisiro sehetá bisihre poreroa w_ua d_up_uri. ¹⁰ ã yoa pich_ono soroa ti pich_ono tiro sehetá, tjoarica ti c_uaro sehetá jihre tina poreroa. Ti pich_ori mehne tjoaa, cinco s_uri waro masare pur_ich_u yoahre. ¹¹ Tina p_uhtoro c_uh_uina jihre. C_uãri copa p_uro jihre ti

p_uhtoro. Tiro anjo jihre. Hebreo ya mehne Abadón wama tihre tiro. Griego ya mehne Apolión wama tihre. (Apolión “Pihtich_u yoariro”, nino nina.)

¹² Poreroa masare ñano ti pur_ino yoari baharo ahri ti ñano y_uhd_u m_uhtariro cjiro pihtia wahahre. Tó baharo p_ua taha pari turi ñano y_uhd_usiniahca masa.

¹³ Baharo c_u wamomaca pihtiina anjoa ti putiri baharo paio anjo to yaria cornetare putihre tjoa. To ã putich_u Cohamac_u panoi ducuri altarp_u uru altarp_u durucua bisi wijaro coa tahre. Tí altar macaa sahari pititia saharip_u durucua bisi wijaro coa tahre. ¹⁴ ã durucuro cornetare putiriro anjore yahuhre:

—Eufrates wama tiri ma pjiri map_u pere-sup_u j_iinare anjoare wioga. Tina pititiaro anjoa jira —nino coa tahre.

¹⁵ ã nino coa tach_u t_uhoro anjo sehe tinare pititiarore wioh_ure, pay_u masare wajáhtinare. Ahri horare, ahri dachore, ahri s_ure, ahri c_uh_umare quih_ono cohtaa nihre tina pititiaro anjoa. Ti cohtariro m_u s_ura. ã jia wajáa taa nina. Jipihtina dacho maca doca curero masare wajáahca. ¹⁶ ã yoa ti surarare “Õpeina jira”, ti nich_u t_uhohi. Tina cawaloa bui pisaina jihre. Doscientos millones surara jihre.

¹⁷ ã yoa cawaloare tina bui pisaina c_uh_ure ñahi. Tina cawaloa bui pisaina ti pē buhure d_ucataa suhti, comaa suhti, soh_uã suhti, yahsaa suhti, ew_u sehe bajua suhti jihre. ã jia cawaloa ti dapu poca yaya soh_uãina yoaro sehe bajuhre. Ti d_userip_u pichaca, me, azufre wama tia me c_uh_u wijaahre. ¹⁸ ã jia cawaloa d_useri wijaa masare wajáhre. Jipihtina dacho maca mahano s_uboro waroi tópeina masare wajáhre. Pichaca mehne, me mehne, azufre mehne pay_u masare wajáhre. ¹⁹ Tina cawaloa ti d_useri mehne wajáhre. ã yoa ti pich_ori mehne wajáhre tjoa. Ti pich_ori sohtop_u ag_uã dapu poca yoaro sehe bajuhre. ã jia ti pich_ori mehne ñano yoahre tina masare.

²⁰ Pay_u masa yariaeraina ti wajá d_uharina sehe ti ñaa yoarire ne duhuerare. Wat_uare ño payo duhuerare. “Cohamac_u

jira”, ti nia masari cãhure ño payo duhuerare. Tí masari uru mehne, plata mehne, bronce wama tiri comaa mehne, tãa mehne, yucari mehne ti yoari masari jihre. Tí masari sehe ñuerare. Tãhoerare. Tinierare. ²¹ Paye ñaa cãhure tina ne cahyaerare. Masare ti wajãrire, numia mehne ti ñano yoarire, ti yacari cãhure ne cahyaerare tina. Ñ jia yaya ti yoaro sehe yoaa, tí cãhure ne cahyaerare tina.

10

Mahari tiacãre papera tiacãre na taha anjo

¹ Baharo paio tuariro anjo muanopu to duji tachu ñahi. Me curua watoi tahre. Ñ yoa buhini soro to dapu bui pisahre. To wãhdãa sã dacho macariro yoaro sehe si sitehre. To ñãchãa pichaca yoaro sehe bajuhre. ² Ñ yoa mahari tiacã papera tiacãre to pjãri tiacãre cãahre tiro. To dahporo poto bãhãsehe macari dahporo mehne pjiri mápã tã cãhure. To dahporo cõ bãhãsehe macari dahporo sehe macarocai tã cãhure. ³ Ñ ducuro yaya ti sañurucuro se-heta tiro tuaro sañurucuhre. To ñ sañurucuri baharo siete wãpoa yahua coa tamahre. ⁴ Tí ñ yahuchã tãhocã joa dãcamahi. Yã ñ joa dãcapachãta muanopu yãhure õ sehe ni durucuro coa tahre:

—Siete wãpoa ti nirire painare yahui tjiga. Ñ jicã tíre joa nai tjiga —nino coa tahre yãhure.

⁵ To ñ niri baharo pjiri mapã ducuriro, macarocai ducuriro anjo to wamomaca poto bãhãsehe siõroca mãohre muanopu. ⁶ Ñ siõroca mãono Cohamacã ñ catirucuriro wama mehne wama payohre. Tiro Cohamacã sehe jipihtiare muanore, mãano macaare, ahri yahpare, ahri yahpa macaare, pjiri mare, pjiri ma macaare yoariro jira. Ñ wama payoro õ sehe nihre anjo:

—Cohamacã mehne potocã nii nija. Tõ purota cohtanahca. ⁷ Seis anjoa corne-tarire ti putiri baharo paio anjo to putichã Cohamacã panopu “Õ sehe yoaihtja”, to niriro sehetã ñ yoarohca. Panopu masare tíre noano yahuera tiri jire. Baharo tirore dahra cohtainare, to yare yahu mãhtaina

sehere noano yahu pahãoa tiri jire tiro. Tí to yahu cãrire mipãre yoarohca tiro —nihre anjo.

⁸ To ñ niri baharo muanopu yãhure durucuro coa tariro pari turi durucuro coa tahre tjoa. Ñ sehe nino coa tahre yãhure:

—Pjiri mápã ducuriro macarocai ducuriro siro anjo cahapã wahaga. Ñ wahacã papera tiacãre to cãari tiacãre naga —nino coa tahre yãhure.

⁹ To ñ nino coa tachã tãhocã anjo cahapã wahahi. Tirore papera tiacãre yã sinichã tãhoro õ sehe ni yãhtihre yãhure:

—Naga. Ñ jicã ahri tia papera tiacãre chãga. Mã wahma chãchã mi yoaro sehe noano bisirohca. Mã pjaropu mã burori baharo sããa waharohca —nihre yãhure.

¹⁰ To ñ nichã tãhocã tí tiacãre anjore yã nari baharo chãhi. Yã wahma chãchã mi yoaro sehe bisihre. Yã chã burori baharo yã pjaropu sããa wahahre. ¹¹ Yã ñ chãri baharo õ sehe nihre yãhure:

—Pari turi macari macaina, yahpari macaina, payã duseri durucuina, tina bui pãhtoa cãhã baharo ti dohse wahahtore, Cohamacã tinare to dohse yoahito cãhure yahuyuga mãhã —nihre yãhure.

11

Pãaro Cohamacã yare yahuhtinare yahu joaha João marine

¹ Baharo yãhure quihõdure wahre Cohamacã. Tjuadã puro yoadã jihre tã. Tãre waro õ sehe nihre yãhure:

—Yã ya wãhure quihõi wahaga. Tí wãhã macari altar cãhure quihõga. Ñ yoa tuhsã, tí wãhã yãhure ño payoinare quihõga. ² Sopaca wija sãrãcari wapare noari wapare quihõi tjiga. Tí wapa yãhure cahmaerainare ti cãri wapa jira. Tina cuarenta y dos sãri waro Cohamacã ya macare tí maca macaina cãhure ñano yoaahca. Ñ jicã quihõi tjiga ti ya wapare noari wapare. ³ Ñ jicã yã yare yahuinare pãarore warocaihtja. Mil doscientos sesenta dachori waro yã yare yahuahca. Masa ti coyã ti yariari baharo ti sãa suhti barore sãaina jahca tina yã yahu dutiina —ni yahuhre yãhure.

4 Ahri yahpa macaina bui p̄h̄toro Cohamac̄u panoi p̄had̄u Olivo wama tia yuc̄u ducura. P̄had̄u sih̄a payoa yuc̄u c̄uh̄u tí yuc̄u cahai ducura. Tí yuc̄u mehne piti dahre to buhech̄u ahrina p̄aro to yare yahuina tí yuc̄u yoaro sehe jira. 5 ã jia tinare ñ̄u tuhtiina tinare ti ñ̄ano yoa duach̄u tina sehe ti d̄usero macaa picha pohna mehne j̄u pah̄ñoahca tinare ñ̄u tuhtiinare. Õ sehta tinare ñ̄ano yoainare waj̄ãhca tina p̄aro Cohamac̄u yare yahuina. 6 ã yoa tina p̄aro ti coro ta dutierach̄u coro tasi. ã jiro Cohamac̄u yare ti yahuro puro coro tasi. ã jia m̄arine di m̄ari wahach̄u yoaahca tina. ã jia ahri yahpare ñ̄ano wahach̄u yoaahca. Jipihtia dohse jiare, jipihtina dohse j̄inare masare ñ̄ano wahach̄u yoaahca. Ti dohse yoa duaro puro ã ñ̄ano wahach̄u yoaahca ahri yahpare. 7 Ti ã yoa pah̄ñoach̄u waro c̄ãri copap̄u jiriro ñ̄ariro n̄uc̄u macariro wijaarohca. ã wijaaro Cohamac̄u yare yahuina mehne cahmacheñohca. ã cahmacheño tua ȳhd̄uñ̄ucaro tinare waj̄ãñohca. 8 To ã waj̄ãri baharo ti p̄jac̄uri cjiri pjiri maca macari mahap̄u coãahca. Yahuina p̄h̄torore ti c̄jã puha waj̄ãri maca jira tí maca. Tí maca macaina ñ̄aina jia Sodoma macaina, Egipto macaina yoaro sehta jia, tí p̄jare Sodoma, Egipto c̄uh̄u wama tirohca tí maca mari piti dahre buhech̄u. 9 ã coãa tia n̄um̄u noano coãa, pa n̄um̄u dacho macai ti p̄jac̄uri tí mahai coãahca. ã jia jipihtia yahpari macaina, jipihtia curuari macaina, jipihtia d̄useri durucuina tópe n̄um̄uri waro ti p̄jac̄urire ñ̄urucuahca. ã ñ̄urucua tópe n̄um̄uri waro ti p̄jac̄urire ya dutisi. 10 Ti ã yariarina jich̄u ñ̄ua ahri yahpa macaina wahcheahca. ã wahchea bose n̄um̄ure yoaa, ti basi paye barore ã wanocaahca. Tina p̄aro Cohamac̄u yare yahuina masare ñ̄ano ȳhd̄uch̄u yoarina jiri jire. ã jia ti ã yariach̄u ñ̄ua wahche ȳhd̄uahca ahri yahpa macaina. 11 ã jiro tia n̄um̄u baharoi pa n̄um̄u dacho macai Cohamac̄u ti p̄jac̄urire masonohca. To ã masoch̄u tina pari turi wahc̄ãr̄uc̄u s̄uahca. Ti ã wahc̄ãr̄uc̄u s̄uch̄u ñ̄ua jipihtina cui ȳhd̄uahca tinare. 12 Baharo tina

p̄aro m̄anop̄u tuaro durucuro coa tach̄u t̄h̄oahca. Õ sehe ninohca tinare:

—Õp̄u m̄aja taga m̄usa —nino coa tarohca.

To ã nich̄u t̄h̄oa me curua watoi m̄ajaa wahaahca. Ti yabirina cjiri ti m̄ajach̄u ñ̄uahca. 13 Ti ã m̄ajach̄uta yahpa tuaro ñ̄uhminohca. To ã ñ̄uhmich̄u tí maca macaa w̄h̄use décima parte boraa wahaahca. ã jia yahpa ñ̄uhmino mehne siete mil masa yariaa wahaahca. Paina d̄h̄saina sehe c̄uaa waha, Cohamac̄ure m̄ano macaritore “Tuariro jira”, ni ño payoahca tirore.

14 Ahri jipihtia ti ã wahari baharo p̄ua taha masa ñ̄ano ȳhd̄u tuhs̄uina jiahca. Ti ã ȳhd̄uri baharoc̄ãta pari turi dóihta masa ñ̄ano ȳhd̄uahca tjoa.

Seis cornetarire ti putiri baharo paio putiha

15 Baharo seis cornetarire ti putiri baharo paio anjo to yariare putihre. To ã putich̄u m̄anop̄u tuaro durucua coa tahre. Õ sehe nia coa tahre:

“Mip̄u Cohamac̄u Cristo mehne ahri yahpa macaina bui p̄h̄toa jiahca.

ã jia jipihtina bui p̄h̄toa ã jirucuahca”, nia coa tahre. 16 ã yoa Cohamac̄u panoi p̄h̄toa dujiap̄u dujiina veinticuatro Jesu yaina p̄h̄toa Cohamac̄u panoi caha s̄u, tirore ño payohre. 17 ã ño payoa ño sehe nihre:

“Sã p̄h̄toro Cohamac̄u, tua ȳhd̄uñ̄ariro jira m̄uh̄u.

M̄uh̄u panop̄u ã jirucua tiri jire.

Mip̄u c̄uh̄ure ã jirucura m̄uh̄u.

M̄u tuaa mehne masa ti p̄h̄toro m̄u jir̄ucach̄u ‘Noana’, nija m̄uh̄ure.

18 Jipihtina ahri yahpa macaina m̄uh̄ure cahmaeraina m̄uh̄u mehne suamare.

Mip̄ure tinare m̄u buhiri dahrehti pja jira. Yariaina c̄uh̄ure m̄u buhiri dahrehti pja jira.

ã jiro m̄u yaina sehere noaare ti yoari wapore m̄u wahti pja jira.

Cãina tina m̄uh̄ure dahra cohtaina m̄u yare yahu m̄uh̄taina jira.

ã yoa tina, paina m̄u yaina mehne jipihtina m̄uh̄ure ño payoina jira.

Ã jicũ pũhtoare, wiho jiina cãhũre mũ yaina ti jiri wapa noano yoaihca mũhũ.

Ã jiro ahri yahpa macainare dojomehne cohtainare mũ cohãhti pja jira mipũre”,

ni ño payohre pũhtoa Cohamacũre.

¹⁹ Ti ã yoari baharo mũano macari wũhũ Cohamacũ ya wũhũ to pjõori wũhũ jihre. Ã jina tí wũhũ jiri carore ñũhi sã. Tí caro puhichapũ Cohamacũ masare to dutiare joa ãa pjĩni tãa pjĩni sãahre. Sã ã ñũchũta orocasite mũa, wũpo pja mũa, soro jiro bisi mũa, yahpa ñũhmi mũa, co poca yũsũa poca mũanopũ payũ bora tahre.

12

Numinore pinono cãhũre yahuha João

¹ Baharo ahri yahpa to dohse wahahtore mũanopũ ñohre. To ã ñori wiho waro jierara. Õ sehe ñũ mũhtahi: Mũanopũ numinore ñũhi. Ticoro to suhtiro sũ dacho macariro yoaro sehe si sitehre. Sũ ñami macariro bui ducuhre. Pũhtoro to pisari soro barore doce ñahpichoha poca cũari sorore pisaricoro ducuhre. ² Ã ducuro mahanocã dũhsahre to pohna tihto. Ã jiro ticoro sañurucuhre. ³ Baharo pari turi ñũhi mũanopũ: Pjiriro pinonore sohãrĩrore ñũhi. Siete dapu poca tĩrore jihre. Jipihtia to dapu poca pũhtoa ti pisaa sorori barore pisaa dapupoca jihre. Ã jiro diez sahari tĩrore jihre tiro. ⁴ To pichõno mehne ñahpichoha pocare wahba siteroca borohre. Jipihtia ñahpichohare dacho macabo cureroi wahba siteroca borohre. Ã jiro numino pohna tihticoro panoi ducuhre pinono. To macũnocã to bajuachũ chũro taro nimahre. ⁵ Baharocãta cũa tuhsũhre wihãrirocãre. Jipihtia yahpari macaina ti pũhtoro cjihto jihre tirocã. To ã pũhtoro tuariro jichũ, masa tirore yũhdũrũca cãno pjasi. To ã masa bajuachũta Cohamacũ to dujiro cahapũ tirocãre naa wahcãa wahahre. ⁶ To ã yoachũ numino sehe masa marienopũ duhti wahcãa wahahre. Cohamacũ to cahnoyurĩropũ duhti wahcãhre ticoro. Tõpũre mil doscientos sesenta dachori waro Cohamacũ ticorore ñũ wihborohca.

⁷ Wahmanore mũanopũ cahma wajã dũcaa tĩrore jire. Miguel wama tĩrore anjo to yaina anjoa cãhũ pinono mehne cahmachea tĩrore jire. Ti ã cahmachechũ pinono to yaina anjoa mehne Miguere cahmachea tĩrore jire. ⁸ Ã yoa Miguel cãhũ pinonore yũhdũrũca tĩrore jire. Ã jiro pinono yaina anjoa cãhũre mũanopũ ji namo dutiera tĩrore jire. ⁹ Ã jiro pjiriro pinonore cohãnocaa tĩrore Cohamacũ. Tĩrore pinono watĩnota jiro nina. Satana wama tĩrore jira. Panopũ tirore pinono pjacũ tĩrore jia tĩrore jire. Tĩrore jipihtiro yahpa macainare mahñoriro jira. Tĩrore to yaina anjoa mehne mũanopũ jirĩrore yahparũ cohã boroa tĩrore jire.

¹⁰ Baharo mũanopũ sañurucuro coa tachũ tũhohi:

—Mipũre Cohamacũ masare yũhdũchũ yoahre jũna. Mipũ pinihtare Cohamacũ mari pũhtoro jiro tahre to tuaare ñono taro. To warocariro Cristo cãhũ to pũhtoro jiare to tuaare ñohre jipihtinare. Watĩnore mũanopũ jirĩrore yahparũ cohã borohre. Ã cohã bororo to tuaare ñohre Cohamacũ. Tĩrore watĩno sehe dachoripe, ñaminipe Jesu yainare “Ahrina ñaina jira”, ni yahusãno niri jire Cohamacũre. Ã jiro mari coyeare Jesu yainare yahusãro jiri jire. ¹¹ Cristo Cordero wama tĩrore to di cohãri mehne mari coyea Jesu yaina tirore wacũ tuaina ti ñaa yoari buhirire cohãre tiro. Ã wacũ tuaina jia watĩnore yũhdũrũcare. Ã yoa Cohamacũ yare yahua, watĩnore yũhdũrũcare. To yare ti yahuri buhiri paina tinare ti wajã duapachũta, tina cuieraa, Cristo yare duhuerare. ¹² Ã jina mũsa mũano macaina wahchega. Watĩnore yahparũ to cohã borochũ ñũna wahchega. Wiho mejeta ahri yahpa macaina, pjiri ma macaina cãhũ pjacũoina wahanahca mũsa sehe. Ahri yahparũ tirore to cohã borori baharo mũsa cahapũ jira watĩno. Tĩrore to buhiri dahrehto mahanocã dũhsara. Ã jiro sua yũhdũara tiro. Mũsa cahapũ sũro, pjacũoina mũsare tjuachũ yorohca tiro — ni sañurucuro coa tachũ tũhohi.

¹³ Pinonore yahparũ to cohã borochũ ñũno, pinono sehe numinore, wihãrirocã pocorore nũnũ ti wahcãhre. ¹⁴ Ã jiro ticorore pjiriro cja to wũa dũpũrĩre wahre

Cohamacu, masa marienopu to wu duhti wahcãhto sehe. Tõpu to sari baharo tia cãhma noano pa cãhma dacho maca waroi ticorore ñu wihbohre Cohamacu. To ã ñu wihbochu pinono ticorore ñano yoa masierare. ¹⁵ Tõi to jichu ñano pinono pjiro core cho cohãhre ticorore muroca burochu yoaro taro. ¹⁶ To ã yoachu yahpa sehe ticorore yoadohohre. Pinono to duseroi wijaa core yahpa sehe wihmi na pahñonocahre. ¹⁷ To ã wahachu ñano pinono sua yuhduahre. ã suaro cãina ticoro panamana ji turiana mehne cahmacheno wahahre pinono. Tina sehe Cohamacu dutiare yoaina jia, Jesu ya buheare noaa buheare ne duhueraina jihre. ¹⁸ ã yoa pinono pjiri ma duhtu cahai ducuhre.

13

Puaro nucu macainare yahuha Joã

¹ ã yoa nucu macarimore tí mai jirirore to wahcã wihichu ñuhi. Tiro sehe siete dapu poca, diez sahari tiriho jihre. To sahari puhto ti pisaa sorori barore pisahre. To dapu pocare to wamare joa õri dapu poca jihre. Tí wama to ñari wama jichu ñu yabira Cohamacu. ² Tiro nucu macarimo yairo dohroriro yoaro sehe bajuhre. ã jiro oso yoaro sehe dahpori tiriho jihre. Yairo sohãriho pjiriro wuru yoaro sehe dusero tiriho jihre. ã yoa pinono sehe to tuaare wahre nucu macarimore. ã waro tirore to puhtoro dujiro cõno, tiro yoaro sehe payu masare dutichu yoahre pinono nucu macarimore. ³ Cã dapu nucu macarimo dapu ti wajãmarimo dapu yoaro sehe bajuhre. To ã bajupachuta to camino sehe yatia wahahre. Tí dapu to catichu ñua, cuaa wahahre jipihtina ahri yahpa macaina. ã cuaa, nucu macarimore ño payohre. ã jia tiro mehne macaina wahahre masa. ⁴ ã yoa nucu macarimore pinono to tuaare to wachu ñua masa sehe tirore pinonore na tuhcu caha su, ño payohre. ã jia nucu macarimo cãhure na tuhcu caha su, tirore ño payohre. ã ño payoa õ sehe nihre:

—Ne paio mu yoaro sehe tuarimo marihana. Pairo mure ne yuhduaca masierara —ni ño payohre masa nucu macarimore.

⁵ ã yoa tiro nucu macarimo “Tua yuhduacarimo jia”, to nipachuta Cohamacure to ñano durucupachuta ã tuhotunocasinihre Cohamacu sehe. ã jiro cuarenta y dos sari waro tiro nucu macarimo masare dutisinimahre. Tõ purota to puhtoro jihtore cõre Cohamacu. ⁶ ã jiro tiro Cohamacure ñano durucuhre. To wamare, to wure, manopu to jiro macaina cãhure ñano durucuhre nucu macarimo. ⁷ ã yoaro Cohamacu yainare cahma wajãno tinare yuhduacahre. To ã yoapachuta ã ñnocasinihre Cohamacu. Cohamacu to ã yoa dutierachu yoaeraboa. ã jiro jipihtina ahri yahpa macaina bui puhtoro sãasinimahre nucu macarimo. Jipihtina yahpari macaina bui, macari macaina bui, jipihtia duseri durucuina bui puhtoro sãasinimahre tiro. ⁸ ã jia jipihtina ahri yahpa macaina tiro nucu macarimo panoi na tuhcu caha su tirore ño payohre. Ahri yahpare Cohamacu to bajuamehnehto pano to yaina cjihtire ã jirucuhtinare ti wamare joa õ tuhsu tiriho jire. Tí tju to ã joa õri tju Cordero ti wajãriho ya tju jira. Tí tju ti wamare joa õeraina dihta nucu macarimore ño payohre.

⁹ Cahmori tiina jira musa. ã jina tuhoga. ¹⁰ Jipihtina Cohamacu yaina peresu wahahtina, baharo peresu wahaahca. Jipihtina tina ñosari pjõ mehne ti ñosa wajãhtina, baharo tí pjõ mehne yariaahca. Tíre masina mari Cohamacu yaina ñano yuhdupanahta tirore cohãena tjihtina. ã yoa tirore wacõ tuarucujihna.

¹¹ Baharo paio nucu macarimore ñuhi tjoa. Yahpa puhichapu jirimo to wijaachu ñuhi. Pua sahara oveja sahara yoaro sehe bajua sahara sahara tiriho jihre. ã yoa pinono yoaro sehe durucuhre. ¹² ã jiro nucu macarimo ji muhtarimo sehe baharo jirimo sehre puhtoro sõhre. To ã puhtoro sõriho sehe jipihtia yahpari macainare ji muhtarimore ño payochu yoahre. Ji muhtarimo nucu macarimo ti wajãmarimo camino yatirimo jihre. ¹³ ã yoa baharo jirimo nucu macarimo bajuamehneare yoahre masa ti ñu cuahõto sehe. ã yoaro masa ti ñurocaroi pichaca pjiri pichaca manopu bora tachu yoahre.

14 Æ yoa ji mahtariro to ñurocaroi paio nꝛꝛ macariro sehe bajuamehnea mehne masare mahñohre “Ahriro mꝛsa ño payohtiro jira”, nino. Tiro masare mahñono, ji mahtariro masare masare yoa dutihre tirore ti ño payohto sehe. Tiro ji mahtariro ñosari pjĩ mehne ti ñosariro jiparota catiriro jihre. Tiro yoaro sehe bajuri masareta yoa dutihre paio nꝛꝛ macariro masare. 15 Æ yoa baharo jiriro nꝛꝛ macariro sehe ji mahtariro masare catichu yoahre masare to dutihtosehe. Æ jiro tí masare ño payoerainare wajã dutihre masare masu sehe. 16 Æ yoaro jipihtinare ti wamomacari poto buhusehei ti wuhduu poca cãhure joa õ dutihre nꝛꝛ macariro baharo jiriro. Wiho jinare, pãhtoare, pache pãare, pjacõinare, dahra cohtainare, dahra cohtaina jierainare, jipihtinare ti wamomacarine ti wuhduu poca cãhure joa õ dutihre. 17 Tiro ji mahtariro nꝛꝛ macariro to wamare, to númerore joa õerainare ne nuchu dutierare. Tuhsu, tinare dua dutierare. 18 Tíre noano wacũ masiga mꝛsa. Tuho masiina jina nꝛꝛ macariro to númerore noano ñu masiga. Tí número mꝛno wama yoaro sehe jira. Tí número seis cientos sesenta y seis jira.

14

Cohamacu to yuhduchu yoaina cãnota wahma basaare basaha

1 Baharo Siõ wama tidu tãcu bui ducurirore Corderore ñuhi. Tiro mehne ciento cuarenta y cuatro mil masa jihre. Tina to ya wamare to Pꝛꝛo ya wama cãhure ti wuhduu pocare ti joa õrina jihre. 2 Tinare yu ñuchata mꝛanopu durucuro coa tahre. Pjiri poaye to bisiro seheta wapo pjíro to bisiro seheta bisiro coa tahre to durucua. Æ yoa arpa wama tiare ti buaputẽno seheta bisiro coa tahre to durucua. 3 Tói pãhtoro to dujuro cahai pititiaro soro bajuina, Jesu yaina pãhtoã cãhu paina jihre. Æ jia tina panoi ciento cuarenta y cuatro mil masa ducuhre. Tói ducua cãnota wahma basaare basaa nihre. Tí basaare tina dihta masihre. Ahri yahpai jiina ciento cuarenta y cuatro mil Cristo to yuhduchu yoaina dihta tí basaare

masihre. 4 Ne tina cã tahacã numino mehne ñano yoerare. Æ yoa Corderore ñu cũina jia, to yare ã yoarucuina jihre. Æ jiro tinare ñaina mehne jinare to yuhduchu yoahinare naahre Cohamacu sehe. Æ to yuhduchu yoarina jia, Cohamacu yaina cjihti, Cordero yaina cjihti cãhu ji mahtaina jihre. 5 Tina mehne macaina ne cãiro mahñoriro mariahna. Æ jia Cohamacu to tuhotuchu ñaa buhiri marieina jihre tina.

Tiaro anjoa yahuroca boroha

6 Baharo mꝛanopu wãriore anjore ñuhi. Tiro ahri yahpa macainare jipihtia curuari macainare, jipihtia dãseri durucuinare, jipihtia yahpari macainare noaa buheare yahutiro jihre. Tí buhea ne cohtotaeraa, ã jirucura. 7 Æ jiro anjo sañurucuro õ sehe niroca borohre:

—Cohamacure cui, ño payoga. “Tua yuhduariro, noa yuhduariro jira”, niga tirore. Mipare tiro masare to buhiri dahrehti pja jiro nina. Tiro mꝛanore, yahpare, pjiri mare, mári pohtari cãhure yoariro jira. Æ jina tirore na tuhcuã caha su, wahche payoga —ni sañurucuhre anjo.

8 To ã niri baharo paio anjo mꝛanopu wãriro õ sehe niroca borohre:

—Tinare cohãnocahre. Pjiri maca Babilonia wama tiri maca macainare cohãnocahre Cohamacu. Tina to cohãrina sehe jipihtina painare ñano yoachu yoare. Masa tinare ñu cã ñaare goa pjaã, tíre yoare. Cahaina vinore ti tuaro goa pjaro seheta tina ñaare tuaro goa pjare Babilonia macainare ñu cã —ni yahuroca borohre paio anjo.

9-10 Tina puaro anjoa ti ã niri baharo paio anjo ti baharo wãriro õ sehe tuaro niroca borohre:

—Jipihtina nꝛꝛ macarirore ño payoinare, to masare ño payoinare, ti wuhduu pocare, ti wamomacarine to wamare joa õrina cãhure buhiri dahrerohca Cohamacu. Tina mehne suaro, tina pinine tuaro waro buhiri dahrerucurohca Cohamacu. Nꝛꝛ macarirore ño payoina jipihtina pichacaru wahaahca. Tõpu tuaro purĩnohca tinare pichaca mehne, azufre wama tia mehne ti wijãri pichaca mehne. Noaina anjoa, Cordero cãhu ti ñurocaroi ñano yuhduahca tina. 11 Tí pichaca ã me tirucurohca. Ne

yatisi. Tinare ã purĩrucuchũ yoara. Jipihtina nũcũ macarirore na tuhcuca caha sũ ño payoinare ã purĩrucurohca. Dachoripe, ñaminipe ã purĩrucunocanohca. To masũre ño payoina, to wamare ti joarina cãhũ tó seheta ñano yũhdũahca –niroca borohre anjo.

¹² Ti ã ñano yũhdũchũ ñũna Cohamacũ yaina to dutiare yoaina, Jesure cohãeraina jina, to yare duhuena tjiga. Ñano yũhdũpanahta Cohamacũ yare cohãena tjiga.

¹³ Baharo mũanopũ yũhũre durucuro coa tachũ tũhohi. Õ sehe nihre yũhũre:

–Ahrire joaga mũhũ. Cohamacũ yaina tirore cohãeraina jina mipũre mũsa yariari baharopũ cãhũre wahcheina jira mũsa –niroca borohre yũhũre.

To ã niri baharo Espĩritu Santo sehe õ sehe ni namohre tjoa:

–Ã tjira. Potocã tjira. Tina tuaro ti dahraare duhu, soahca. Mũanopũ ti wahachũ noano ti yoarire wacũnohca Cohamacũ. ã yoa ti ã yoari wapa tinare noano yoarohca. ã jia tina wahcheina jira –ni namohre Espĩritu Santo.

Wese macaa toaa dichare mari bese nano seheta Cohamacũ to yainare bese nanohca. Ñaina sehere soro bese daporohca

¹⁴ Baharo me curua yehseri curuare ñũhi. Tĩ curua bui masũno yoaro sehe bajuriro dujihre. Tiro uru soro pũhtoro to pisari soro barore pisahre. ã yoa yoari pjĩ siori pjĩne cjuahre tiro. ¹⁵ Baharo paio anjo Cohamacũ wũhũi jiriwi wijaa tahre. ã wijaa taro tuaro sañurucuhre me curua bui dujiriore:

–Mũ yoari pjĩ mehne wese macaa dichare ahri yahpa macaa dichare date naa pahñoga. Mipũre to quihõri pja sũra. Mipũre dicha sehe sohã tuhsũhre –nihre anjo.

¹⁶ To ã nichũ tũhoro to yoari pjĩ mehne ahri yahpa macaa dichare naa dũcahre me curua bui dujiriore.

¹⁷ Baharo paio anjo cãhũ mũano macari wũhũi Cohamacũ wũhũi jiriwi wijaa tahre. Tiro cãhũ yoari pjĩ siori pjĩne cjuahre. ¹⁸ ã yoa paio anjo altar cahapũ jiriwi wijaa

tahre. Tiro sehe altar macari pichacare ñũ wihboriro jihre. ã wijaa taro yoari pjĩ siori pjĩne cjuarirore õ sehe ni sañurucuhre:

–Mũ yoari pjĩ mehne ahri yahpai jiri wese, se wese macaa dichare naaga. Se sehe ñi tuhsũhre –ni sañurucuhre.

¹⁹ To ã nichũ tũhoro anjo to yoari pjĩ mehne ahri yahpa macaa se tõhorine yihso nahre. To ã yoari baharo tí tõhorine se tõhorine to tũ tihãhtoi cohãhre. To ã cohãriro seheta Cohamacũ tirore cahmaerainare tuaro suaro, cohãnohca. ²⁰ Tĩ maca dũhtũ cahai ti tũ tihãhtoi tí se tõhorine tũ tihãhre. Tói ti tũ tihãchũ di wijaaahre. Di ma yoaro sehe jihre tí di. Tres cientos kilómetros yoari ma, cũ metro noano pa metro dacho macai cũãri ma jihre.

15

Masa ti ñano yũhdũhtore anjoa cũ batoaha masare

¹ Baharo mũanopũ soro jirore ñũhi. Tĩre ñũna masa cũaa wahaca. Ahri yahpapũre to dohse wahahtore marine ñohre. ã jiro tí wiho waro jia nierara. Õ sehe ñũhi: Siete anjoa jihre. Cohamacũ suaro, siete tahari masare buhiri dahre batoaro taro nihre. ã jia tina siete anjoa sehe buhiri dahre dutiro to cũhtina jihre.

² Anjoare yũ ñũri baharo pjiri mare noano co sitiri ma yoaro sehe jiri mare ñũhi. Tĩ ma pichaca mehne jiri ma jihre. ã yoa nũcũ macarirore to masũ cãhũre yũhdũrucainare ñũhi. Tina to wamare to nũmerore cjueraina jihre. Tina yũ ñũchũ pjiri ma co sitiri ma dũhtũ cahai ducuhre. Tói ducuína arpa wama tiare bũapũtẽare cjuahre. Tĩ bũapũtẽa Cohamacũ to wari jihre. ³ ã jia Cohamacũre dahra cohtariro Moise cjiro ya basaare cũnota basaa nihre tina. Cordero ya basaa cãhũre basaa nihre. Õ sehe ni basahre:

“Sã pũhtoro mũhũ Cohamacũ tua yũhdũariro jira.

Mũ yoarire ñũna ñũ cũaa wahaja sã.

Mũ yoari noa yũhdũara.

Mũhũ jipihtia yahpari macaina bui pũhtoro jira.

Noano mahñono marieno, quihõno yoarucura mũhũ.

⁴ Jipihtina mũhũre wahche payoahca.

Jipihtina m̄h̄ure ‘Tuariro jira’, niahca.
M̄h̄u dihta ñaa marieriro jira.

Jipih̄tia yahpari macaina m̄ cahap̄u sua,
na tuh̄cua caha s̄u, m̄h̄ure wahche
payoahca.

Ãta yoaāhca tina jipihtina noano m̄
yoarire ñ̄u”,
ni basaa nihre tina.

⁵ Baharo m̄anop̄u ñ̄roca m̄oc̄u, Co-
hamac̄u w̄h̄ure p̄j̄ori w̄h̄ure ñ̄hi. Tóí
Cohamac̄u to ya tahtia waroi to dutia to
joaa p̄j̄ini t̄aa p̄j̄ini ti wih̄bori p̄j̄ini jihre.

⁶ Tí w̄h̄ure ȳu ñ̄uch̄ta siete anjoa tí w̄h̄u
puhichap̄u jirina wijaa tahre. Tina Co-
hamac̄u to buhiri dahre dutiro to c̄ũhtina
jihre. Tinape ti buhiri dahrehtire c̄j̄uahre
tina siete anjoa. Noaa suhti, wete maria
suhti, si sitea suhti tiina jihre. Ã jia ti cutiro
bui uru cahsaro mehne t̄ã dih̄orina jihre.

⁷ Tí w̄h̄up̄u jirina ti wijaa tach̄u pititiaro
soro bajuina mehne macariro tinare siete
anjoare siete uru wahwarire wahre. Tí
wahwari Cohamac̄u sua to buhiri dahre-
hti mehne noano wahpaa wahwari jihre tí
wahwari. Tiro Cohamac̄u ã jirucuriro jira.

⁸ To ã wach̄u Cohamac̄u w̄h̄u puhichap̄u to
si sitea mehne to tuaa mehne me ti sah̄sea
wahahre. To ã me w̄h̄u wahach̄u ne masa
tí w̄h̄ure s̄aa masierare. Siete anjoare
Cohamac̄u buhiri dahre dutiro to c̄ũriro se-
heta masare ti buhiri dahre batoari baharo
pari turi tí w̄h̄up̄u s̄aa masina tjoa. To
buhiri dahrehto pano s̄aa masierare.

16

Cohamac̄u masare to buhiri dahrehtore yahuha

¹ Baharo Cohamac̄u w̄h̄u tuaro duru-
curo coa tahre. Siete anjoare yahuro
nihre:

—Siete wahwarihi posa tiare yahpap̄u
pio siteroca borona wahaga. Yahpa
macainare Cohamac̄u to niriro seheta
buhiri dahresiniga mip̄ure —ni durucuro
coa tahre.

² To ã nino coa tach̄u t̄h̄oro ji mahtariro
anjo to c̄j̄uari wahwai posa tiare yahpap̄u
pio siteroca borohre. To ã pio sitech̄u n̄c̄u
macariro wamare joa õrina, to mas̄ure ñ̄o
payoina ñ̄ano camí tihre. Tí camí tuaro
pur̄ihre tinare.

³ To ã pio siteri baharo paio anjo tjoa
to c̄j̄uari wahwai posa tiare pio siteroca
borohre tjoa p̄j̄iri map̄u. To ã pio sitech̄ta
tí ma di ma wahahre. Yariariro di yoaro
sehe jihre tí di. Ã wahach̄u tí ma puhichap̄u
jiina yaria pihtia wahahre.

⁴ P̄uaro ti ã pio siteri baharo paio anjo
tjoa to c̄j̄uari wahwai posa tiare pio site-
roca borohre tjoa m̄arip̄u, tí m̄ari pohtarip̄u
c̄h̄ure. To ã pio sitech̄u m̄ari di m̄ari dihta
wahahre. ⁵ To ã wahach̄u ñ̄no paio anjo
m̄arire cohtariro õ sehe nihre:

—Cohamac̄u m̄h̄u ñaa marieriro jira.
Mip̄u c̄h̄ure ã jirucuriro jira m̄h̄u.
Panop̄u c̄h̄ure ã jirucua tíre m̄h̄u. Ã jicu
masa ti ñ̄ano yoach̄u ñ̄c̄u quih̄õno tinare
buhiri dahrehtire m̄h̄u. Dí m̄arine yoac̄u
noano yoahre m̄h̄u. ⁶ N̄c̄u macariro
yaina sehe m̄u yainare waj̄aa, di coh̄ach̄u
yoahre. M̄u yare yahuina c̄h̄ure waj̄aa, di
coh̄ach̄u yoahre. Ti ã waj̄ari buhiri m̄ari
di m̄ari wahahre. Ã yoa tinare dire m̄u
ã sih̄nich̄u yoach̄u noa nina. Õ seheta
m̄u yoach̄u cahmahre tina —nihre m̄arine
cohtariro anjo.

⁷ To ã niri baharo altarp̄u durucuro coa
tahre:

—Ã tjira. Cohamac̄u s̄ã p̄uhtoro tua
yuh̄uariro jira m̄h̄u. Mah̄õno marieno,
quih̄õno masare bese, buhiri dahrera
m̄h̄u —ni durucuro coa tahre.

⁸ Tiaro anjoa ti pio siteri baharo paio
anjo to c̄j̄uari wahwai posa tiare pio site-
roca borohre tjoa s̄ã dacho macariro bui.
To ã pio sitech̄ta s̄ãre masare tuaro sich̄u
yoahre Cohamac̄u. ⁹ Ã jiro s̄ã dacho
macariro masare tuaro sihre. Ã jia Co-
hamac̄u tinare to buhiri dahre dutich̄u
masia, tirore ñ̄ano durucuhre masa. Ã
ñ̄ano yuh̄upahta Cohamac̄ure maca du-
aerare. Cohamac̄ure “Tuariro jira”, ni
wahche payo duaerare.

¹⁰ Pititiaro anjoa ti pio siteri baharo
paio anjo tjoa to c̄j̄uari wahwai posa tiare
pio siteroca borohre tjoa n̄c̄u macariro to
dujiro bui. P̄uhtoro dujiro jihre to dujiro.
To ã pio siteri baharo n̄c̄u macariro to
yaina ti jiri yahpap̄u nahitiano wahahre.
Ã jia to yaina masa ñ̄ano pur̄ich̄u bahca
dih̄ohre. ¹¹ Tinare ñ̄ano pur̄ipach̄ta, ñ̄ano

cami tipahta, ne ti ñaa yoarire cahyaerare. Ñ yoa tíre duhuerare. Ñ jia Cohamacu tinare to cami dahrechü masia tirore müano macarirore ñano durucuhre.

¹² Cã wamomaca pihtiina anjoa ti pio siteri baharo paio anjo tjoa to cjuari wahwai posa tiare pio siteroca borohre tjoa Eufrates wama tiri ma pjiri mapü. To ã pio sitechüta tí ma sihbi cahaa wahahre. Sã müja taro macaina pühtoa ti yaina masa mehne tí máre ti pahã tahto sehe ã yoahre.

¹³ Baharo tiaro watíare taharo bücuna yoaro sehe bajuinare ñühi. Cãiro pinono puhichapü jiri to duseropü wijaa tahre. Pairo watíno nücu macariro duseropü wijaa tahre. Pairo watíno “Cohamacu yare yahuriro jija”, ni mahñoriro duseropü wijaa tahre. ¹⁴ Tina tiaro watía bajuamehneare yoaina jihre. Jipihtiro macaina pühtoare cahmachuchü yoahre tina cahma wajã dutia taa. Ti ã cahma wajãhti dacho Cohamacu tua yühdüariro jipihtinare to dutihti dacho, pihtihti dacho jira. ¹⁵ Ö sehe nihre Jesu: “Ñüga müsa. Yacariro wacüenoca to yacaro taro seheta yühü cãhü wacüenoca taihtja. Yü tahtore noano cohtariro wahcheriro jirohca. To yare noano cahnoriro, to suhti säariro jira wahcheriro. Ñ yoariro jiro yü tachü büo tisi tiro suhti marieriro yoaro sehe jieraro”, nihre Jesu. ¹⁶ Baharo tiaro watía yahpari macaina bui pühtoare cahmachuchü yoahre tinare. Ti cahmachuno Hebreo ya dusero mehne “Armagedon” wama tihre.

¹⁷ Seis anjoa ti pio siteri baharo paio anjo tjoa to cjuari wahwai posa tiare me curuari cahapü pio siteroca borohre tjoa. To ã pio siteri baharo pühtoro dujiropü Cohamacu wühüi jiri dujiropü tuaro durucuro coa tahre:

—Tó puro tjica —nino coa tahre.

¹⁸ To ã nichüta orocasite müa, wüpo pja müa, soro jiro bisi müa, cuaro yahpa ñühmihre. Ahri yahpai masa ti ji ducari baharo ne tó sehe ñaca yahpa ñühmiera tihre. Paye ñühmia yühdoro cuaro yahpa ñühmihre. ¹⁹ Ñ to ñühmichü pjiri macare tia maha yihti müaa wahahre. Ñ jia büjüa macari ahri yahpai jia macari boraa wahahre. Ñ jiro Babilonia wama tiri maca

pjiri maca macainare wacühre Cohamacu tinare buhiri dahrero taro. Ti ñaare yoari buhiri tina mehne tuaro suahre. Ñ suaro tinare tuaro buhiri dahrehre. ²⁰ To ã yoachü jipihtia nücopo, täyucü cãhü cohö pihtia wahahre. Ñ jia ne mariahare. ²¹ Ñ yoa büjüa poca co poca yüsüa poca yahpapü masa bui bora tahre. Jipihtia poca co poca cuarenta kilos nücua poca jihre. Tina bui ti ã bora tachü Cohamacu masare to tuaro buhiri dahrechü masia ñano durucuhre masa Cohamacure.

17

Müa mehne ñano yoarucuricorore ñabiaro yoaricorore buhiri dahre dutirohca

¹ Baharo siete wahwarire cjuaina anjoa mehne macariro yü cahapü wihiro ö sehe nihre yühüre:

—Ñüi taga. Payü mári bui dujiricorore müa mehne ñano yoarucuricorore ñabiaro yoaricorore Cohamacu to buhiri dahrehre ñühca mühü. ² Ahri yahpa macaina pühtoa ticoro mehne ti ñano yoaboro seheta ticoro yoaro seheta yoare tina. Cohamacu ya sehere cahmaerare. Ahri yahpa macainare to cahachü yoaboro seheta tina mehne to ñano yoaboro seheta ticoro masare ñaare goa pjachü yoare. Ñ yoaro ñaare yoachü yoare masare —ni yahuhre anjo yühüre.

³ To ã niri baharo Espíritu Santo sehe to bajuamehneare yühüre ñohre. Anjo sehe masa marienopü naahre yühüre. Tóí numinore ñühi. Ticoro nücü macariro sohãriro bui pisaricoro jihre. Nücu macariro sehe to pjacüi payü wama ti joa öriro jihre. Tí wama ñaa wama Cohamacu to ñü yabia wama jihre. Ñ yoa siete dapu poca tiro, diez sahari tiro jihre nücu macariro. ⁴ Tuhsü, numino sehe noano yahsaa suhti pühtoa ti säa suhti sehe jiare säaricoro jihre. Sohãa suhti cãhüre säaricoro jihre. Payü urure, wapa tia täare, perla yapari cãhüre öa suhtire säaricoro jihre ticoro. Uru wahware cjuahre ticoro. Tí wahwai posa tia ñaa to yoari jihre. Müa mehne ñano yoaro pjíro ñano yoahre ticoro. Tí ñaare ñü yabira Cohamacu. ⁵ To wühdüai to wama ti joa öricoro jihre. Tí wamare noano masieraja mari. Tí wama piti dahre buheri

wama jira. Ahri jira tí wama: “Pjiri maca Babilonia wama tiri maca jira. Jipihtia ñaa yoaare goa pjaare yoa ducaricoro, Cohamacure cahmaerachu yoaricoro jira” ni, to wuhduai ti joa õricoro jihre. ⁶ ã jicu ticoro payu Cohamacu yainare wajãricoro to jichu masihi. Cahaare to wahchero sehta tinare wajãno ti di cohãchu wahchehre ticoro. Jesu yare ti yahuri buhiri ticoro wajãhre tinare. Ticorore ñucu, ñu cuaa wahahi.

⁷ —¿Dohseacu mahu ñu cuaa waharide? —nihre anjo yuhure—. Mu masierarire mahure yahuihtja. Numinore mahure yahuihtja. To pisariro cãhure yahuihtja. Tiro nucu macariro, siete dapu poca tiriro, diez sahari tiriro jihre. ⁸ Tiro panopu jiriro jire. Mipure mariahna tiro. Baharo tiro cuãri coparu jiriro wijaa tarohca. To ã wijaa tari baharo pichacaru waharohca. Ahri yahpa macaina tirore ñu cuu, ño payore tirore. Ahri yahpa to jihto pano Cohamacu to yaina cjihtire ã jirucuhtinare ti wamare joa õa tiri jire. To joa õeraina jire nucu macarirore ño payoina. Tiro sehe panopu jia tiri jire. Mipure sehere mariahna. Baharo pari turi bajuarohca tjoa. ã jia to bajuachu ñua masa tirore ñu cuaa waahca.

⁹ Mipure yu yahuhtire masi duana, noano tuhonahca musa. ã yoana noano masiina jiga. Nucu macariro dapu poca siete dapu poca siete tãyucu jira, mari piti dahre buhechu. Tí tãyucu bui pisara ticoro mu mehe ñano yoarucuricoro. Tí dapu poca siete puhto yoaro sehe jira, mari piti dahre buhechu. Payu masa bui puhto jira. ¹⁰ Cinco puhtoare cohã tuhsure. Pairo tina baharo jiriro puhtoro jira mipure. Pairo sehe baharo puhtoro sãanohca. ã sãano mahanocã puhtoro jirohca tiro. ¹¹ ã jiro nucu macariro panopu ji mhtariro, mipure marieriro tina siete puhto baharo puhtoro jirohca. Siete puhto mehe macariro jira. Baharo pichacaru waharohca.

¹² Nucu macariro sahari diez sahari diez puhto yoaro sehe jira mari piti dahre buhechu. Payu masa bui puhto jira. Tina puhto sãaerasinihre. Baharopu puhto sãa

mahanocã puhto jiahca. Yoari pja ji dutisi tinare. ã puhto jia nucu macariro mehe puhto jiahca. ¹³ Tina diez puhto cãno potori tuhutuina jira. Tina nucu macarirore ti ya yahpari macaina bui puhtoro sãahca. ¹⁴ ã jia Cordero mehe cahma wajãahca. Ti ã cahma wajãpachuta Cordero to be-seina mehe tirore ne cohãeraina mehe tinare yuhducaahca. Tiro jipihtina paina puhto bui puhtoro jira. ã jiro tinare yuhducarohca —ni yahuhre yuhure anjo.

¹⁵ Ahrire yuhure yahu namohre anjo:

—Mu mehe ñano yoarucuricoro mári bui dujire. Tí mári ahri yoaro sehe jira mari piti dahre buhechu: Yahpari macaina, payu curuari macaina, payu duserire durucuina yoaro sehe jira tí mári. ¹⁶ Nucu macariro, diez puhto mehe mu mehe ñano yoarucuricoro ñu yabiahca. Tina diez puhto nucu macariro mehe ticoro yare ma pahño, suhti marienicoro cohãahca ticorore. ã yoaa to pjacure chahca. Ti ã yoari baharo ticorore jã pahñoahca. ¹⁷ Tina diez puhto cãno potori tuhutua nucu macarirore ti ya yahpari macaina bui puhtoro sãahca. Tinare ã yoachu yoare Cohamacu, to cahmano sehta yoaro taro. ã jiro nucu macariro sehe puhtoro jirohca. Jipihtia Cohamacu panopu to yahuriro sehta to yoari baharo nucu macarirore cohãnohca. ¹⁸ Ticoro mu ñuricoro mehe õ sehe ni piti dahre buhera: Ticoro pjiri maca Babilonia wama tiri maca yoaro sehe jira. Jipihtina paina puhto bui jira tí maca macaina —nihre anjo yuhure.

18

Babilonia wama tiri maca to cohãri maca jira

¹ Baharo paio anjo manopu dujiarirore ñahi. Tiro puhtoro waro jihre. To si sitea jipihtiropu noano buhria sahsea wahahre. ² To ã dujiari baharo õ sehe ni tuaro sañurucu yahuhre:

—Cohãri jihre. Babilonia wama tiri maca pjiri maca macainare cohãri jihre. Mipure watã, payu ñaina pjacu bajueraina cãhu tí macai jia nina. Ñaina baro wahiquina wãina peri cãhu masa ti ñu yabiina tí macai

jia nina. ³ Jipihtia yahpari macaina tí maca macainare ñainare ñu cūa, tina cūhu ñano yoare. Ñ yoa yahpari macaina bui puhtoa tí maca macaina numia mehne ñano yoare. Ticoro ã mña mehne ñano yoarucuricoro jiro wapa tiare nuchua tire. Pjéro to ã nuchuchū ahri yahpa macaina pache duaina pjéro wapatare —ni yahuhre anjo.

⁴ Baharo pari turi mñanopu durucuro coa tahre. Ñ sehe nihre:

—Yu yaina ahricoro mña mehne ñano yoarucuricoro mehne jiena tjiga mña. Ticoro mehne mña jichū mña cūhare buhiri dahrerohca. Ñ jina to ñano yoaare ñu cūena tjiga. ⁵ To ñano yoari payu jinocahna. To ñano yoarire pari tju mari duhu payo mñochū tí tju sehe mñanopu wahā sunocaboa. Ñ jia to ñano yoari payu jinocahna. Ñ jiro to ñano yoarire wacūna Cohamacu. Ñ wacūno ticorore buhiri dahre dutirohca. ⁶ Ticoro tuaro to buhiri dahrcticoro jijaro. Masare to ñano yoachū yoariro seheta ticoro cūhare ñano yuhduchū yoajaro. Masare ã ñano to yoariro seheta tí yuhdoro ticorore ñano buhiri dahrjaro. ⁷ Ticoro “Noaricoro jija”, ni tūhotumare. Ñ ni tūhoturo, wapa bujūare pjéro cūare ticoro. To wapa bujūare pjéro to cūaro purota ticorore pjéro ñano yuhduchū yoajaro. Tó purota ticorore cahyachū yoajaro. To basi ñ sehe ni tūhotumana ticoro: “Ñi puhtorocoro yoaro sehe jiricoro dujija. Wapewahyoro jieraja. Ñ jico ne ñano yuhduci yuhū”, ni tūhotumana ticoro. ⁸ Ñ ni tūhoturicoro to jichū wacūenoca ticorore buhiri dahrto jirohca. Ticoro dohati, yariainare yahco tii, jūca barohca. Tuhsū, ticorore jū borohca. Mña puhtoro Cohamacu ticorore buhiri dahre dutiro tu yuhduariro jira. Ñ jiro tó seheta yu niriro seheta ticorore buhiri dahre dutirohca —nino coa tahre mñanopu.

⁹ Ñ jia ticoro yoaro sehe jiri macare Babiloniare Cohamacu to buhiri dahreri baharo ahri yahpa macaina puhtoa tuaro cahya, tiiahca. Tí maca macaina mehne ñano yoaia jire. Ñ jia tí maca to jūchū ñua tiiahca tina. ¹⁰ To ã jūchū ñua tina puhtoa yoaropu ñurocarucuahca, “Mari cūhare

buhiri dahreri”, nia. Tó ñurocarucua ñ sehe niahca:

—Cue, pjacūori maca jira, Babilonia. Sí maca pjiri maca tuari maca jimahre. Wacūenoca sí macare buhiri dahrere — niahca tina.

¹¹ Jipihtropu macaina pache duaina tí macare ñua tuaro cahya tiiahca. Tí maca to pihtichū ñua, ti pachere nuchūina mariahu ñua cahyaahca tina. Ñ jia tiiahca. ¹² Ti na tarire urure, platare, wapa bujūa tāare, perla wama tia poca cūhare nuchūina mariahuca. Ñ yoa paye ti na tari cjirire suhti noaa suhtire, yahsaa suhti puhtoa ti sūa suhti yoaro sehe jia suhtire, seda wama tia suhtire, sohāa suhtire nuchūina mariahuca. Ñ yoa paye ti na tarire yucūri me sitia yucūri nuchūina mariahuca. Ñ yoa paye ti na tarire marfil wama tiro mehne ti yoarire, wapa bujūa yucūri mehne ti yoarire, bronce wama tiri comaa mehne ti yoarire, comaa mehne ti yoarire, marmol wama tiro mehne ti yoarire nuchūina ne mariahuca. ¹³ Ñ yoa paye ti na tarire canela wama tiare ti chūare coachū yoaare, paye ti chūare coachū yoaare, inciensore, mirra wama tia me sitiare, paye me sitiare nuchūina mariahuca. Ñ yoa paye ti na tarire vinore, chūa waja sere, trigo pohcare noano ti sūhaweri pohcare, trigo yaparire, wachūare, corderoare, cawaloare, tunua buso cawaloa ti waja busore nuchūina mariahuca. Dahra cohtainare nuchū tinare cūaina cūhu mariahuca. Masa ti jipachūta tinare nuchūina jimahre. Mipūre mariahuca. Ñ jia cahyaahca pache duaina. ¹⁴ Ñ jia ñ sehe niahca tina tí maca macaina cjirire:

—Ade, ñacaro wahajari. Jipihtia mña cahūri cjiri pihtia wahahre. Ñ yoa jipihtia noaa mña cūari cjiri pihtia wahahre. Ñ ti pihtia wahachū tíre pari turi bocasi mña — niahca pache duaina.

¹⁵ Tina tí macare pachere duaa, pjéro wapatare. Ñ jia tina tí macare yoaropu ñurocarucuahca, “Mari cūhare buhiri dahreri”, nia. Ñ ñurocarucua tí macare tuaro cahya, tiiahca. ¹⁶ Ñ sehe niahca tí macare:

—Cue, pjacuoina jira sí maca pjiri maca noari maca macaina cjiri. Sí maca numino yoaro seheta noaare cjuhahre. Numino sehe noaa suhtire, yahsaa suhti pũhtoa ti sãa suhti yoaro sehe jia suhtire, sohãa suhti cũhare sãahre. ã yoa uru, wapa bujma tãa, perla wama tia poca õa suhtire sãahre. Tó seheta yoahre sí maca macaina. ¹⁷ ã jia wacũenoca sí maca buti pihtia wahahre — niahca tí macare.

ã yoa jipihtina dohoa bũso mehne tiniina, tí bũso pũa, ti mũa, paina pjiri mapũ dahra wapataina cũhũ tí macare yoaropũ ñũrocarucuahca. ¹⁸ Tói ñũrocarucua tí macare to jũchũ ñũa õ sehe ni sañurucuahca:

—Noaa macari sí maca yoaro sehe jia macari ne paye macari mariahna —ni sañurucuahca tina.

¹⁹ ã cahyaina jia ti dapu poca bui dihtare orẽ payoahca. ã jia tuaro yahco tiia õ sehe niahca:

—Cue, pjacuoina jira sí maca macaina cjiri. Noari maca jimare. Jipihtina dohoa bũso cjuaina pjiri mapũ tiniina sí maca macaa pache mehne noano wapatahama mari. ã yoa dóihta sí maca macaa buti pihtia wahahre —niahca bũso macaina.

²⁰ Tí macare to cohãchũ ñũna wahchega mũsa mũano macaina. Cohamacũ yaina, Jesu to cũrina, to yare yahu mũhtaina jipihtina mũsa wahchega. Tí maca macaina mũsare ñano yũhdũchũ yoare. Ti ã yoari buhiri buhiri dahrehre Cohamacũ. ã jina wahchega mũsa.

²¹ ã yoa tuariro anjo pjiria tãcare arẽni soro puro jiria tãcare na wahcõ, pjiri mapũ doca ñohre. ã doca ñono õ sehe nihre:

—Ahria tãca to bora ñojariro seheta pjiri maca Babilonia wama tiri maca tuaro boraro bisirohca. To ã borari baharo tí macare pari turi ñũsi masa. ²² Tí macare butia wahachũ yoarohca. ã jia tí macai basaare mũsa basarucuriro sehe ne coa tasi. Arpa wama tiare mũsa bũapũtũrucuriro sehe, flauta wama tia pocare, corneta cũhare mũsa putirucuriro sehe pari turi tí macai coa tasi. ã yoa tí maca mariachũ pari turi tí macai dahraina dahrasi. ã yoa tãca mehne mũsa soari cũhare tũhomahnosi. ²³ Ne

tí maca to buhria coãriro sehe ne jisi. ã yoa wamomaca dũhteina mũsa bõse mũmũre mũsa dahreriro sehe pari turi ne coa tasi. Tí maca macaina pache duaina nuchũina mehne paina yũhdoro cjuhahre mũsa. ã jina yaya wijõ wijĩina yoaro sehe yoana jipihtiro macainare mahñohre mũsa. Mũsa ã yoarire ñũ cũaa, Cohamacũ sehere cahmaerare masa —nihre tuariro anjo.

²⁴ Tí maca macaina Cohamacũ yare yahu mũhtainare paina to yaina cũhare jipihtiro macainare wajãri jire.

19

¹ Babilonia to dohse wahahtore yũ ñũri baharo mũanopũ payũ masa sañurucua coa tahre yũ tũhochũ. Õ sehe ni sañurucuhre: “Aleluya.

Cohamacũre noano durucujihna. Cohamacũ marine yũhdũchũ yoariro jira. Tirore noano ño payojihna.

Tua yũhdũariro jira tiro.

² Mahñono marieno quihõno masare buhiri dahrera tiro.

Ñaricorore mũa mehne ñano yoarucuricorore ñũ cũa jipihtiro macaina, ahri yahpa macaina ñano yoahre.

Ticoro sehere buhiri dahrehre Cohamacũ. ã jiro tirore dahra cohtainare ticoro to wajãri buhiri buhiri dahrehre tiro”, ni sañurucua coa tahre.

³ Pari turi sañurucua coa tahre: “Aleluya. Cohamacũre noano durucujihna. Tí maca ñari maca to jãri maca ã me tirucurohca”,

ni sañurucua coa tahre.

⁴ ã yoa veinticuatro Jesu yaina pũhtoa, pitiario soro bajuina mehne na tuhcuca caha sũ, Cohamacũre to dujiroi dujirirore wahche payohre. Õ sehe ni wahche payohre tina: “Amén. Aleluya. ã tjira. Cohamacũre noano durucujihna”, nihre tina.

⁵ Baharo pũhtoro dujiropũ õ sehe nino coa tahre:

“Mari pũhtoro Cohamacũre wahche payoga.

Tirore dahra cohtaina, tirore ño payoia, wiho jiina, pũhtoa cũhũ jipihtina mũsa tirore noano durucuga”,

nino coa tahre.

*Cordero to wamomaca d̄htehti n̄m̄m̄
bose n̄m̄m̄re yahuha Joã*

⁶ Baharo paȳ masa ti durucuch̄ t̄hohi. Pjiri poaye, w̄po mehne to bisiro coa taro seheta durucua coa tahre ȳ t̄hoch̄:

“Aleluya.

Cohamac̄re noano durucujihna.

Tiro mari p̄htoro sehe p̄htoro s̄a tuhs̄re.

Tua ȳhd̄ariro jira tiro.

⁷⁻⁸ Cordero to wamomaca d̄htehti pja jira mip̄re.

To wamomaca d̄htehticoro noano ti cahno tuhs̄ricorop̄ jira.

Ticorore noari suhtiro wete marieni suhtirore wahre.

Tí suhtiro Cohamac̄ yaina noaare ti yoari yoaro sehe jira, mari piti dahre buhech̄.

Ã jina ti wamomaca d̄htehti pja to jich̄ wahchejihna mari.

Cohamac̄re ‘Tua ȳhd̄ariro jira’, nijihna”,

ni durucua coa tahre.

⁹ Ti ã niri baharo anjo õ sehe nihre ȳh̄re:

—Ahr̄re joa naga: “Cordero to wamomaca d̄hteri n̄m̄m̄ b̄se n̄m̄m̄re to p̄jirocarina wahcheina jira”, ni joa naga —nihre anjo ȳh̄re.

Ã ninota õ sehe ni namohre:

—Potocã tjira ahri ȳ yahuri. Cohamac̄ ya durucua jira —ni namohre ȳh̄re.

¹⁰ To ã nich̄ t̄hoc̄ta tiro panoi na tuh̄cua caha s̄, tirore ño payoi tai nimahi. Ȳ ã yoai cahach̄ waro õ sehe nihre tiro ȳh̄re:

—Tíre yoai tjiga. M̄ yoaro seheta ȳh̄ c̄h̄ Cohamac̄re dahra cohtarirota jija. M̄ coȳea Jesu yaina jipihtina to ya buheare duhueraina yoaro sehe ȳh̄ c̄h̄ Cohamac̄re dahra cohtarirota jija. Ã jic̄ Cohamac̄re na tuh̄cua caha s̄, tiro seh̄re ño payoga —nihre anjo ȳh̄re.

Cohamac̄ yare yahu m̄htaina cjiri panop̄ macaina Espíritu Santo to yoadohoro mehne Jesu ya buheareta yahuyua tiri jire.

*Cawalo yehseriro bui pisarirore yahuha
Joã*

¹¹ Baharo m̄ano parí m̄a wahach̄ ñ̄hi. Tóí cawalo yehseriro jihre. Tiro bui pisariro õ sehe wama tihre: To niriro seheta yoariro potocã yoariro wama tihre tiro. Quihõno masare ñ̄aina, noainare bese, tirore ñ̄ tuhtiina mehne cahma wajãna.

¹² To capari picha pohna yoaro sehe jihre. Ã yoa to dapui paȳ p̄htoa pisaa sorori jihre. Ã jiro to p̄jac̄i wama joa õiro jihre. Tí wamare tiro dihta masihre. Paina masierare. ¹³ To s̄ari suhtiro yoari suhtiro di wah̄ari suhtiro jihre. Tiro õ sehe wama tihre: Cohamac̄ ya d̄serore yahuriro wama tihre tiro. ¹⁴ Ã jia to yaina surara m̄ano macaina tiro baharo wahare. Yehseina cawaloa bui pisaina noano yehsea suhtire, wete mariea suhtire s̄aina jihre. ¹⁵ To d̄seroi ñ̄osari p̄j̄ne siori p̄j̄ne cuhc̄h̄re. Tí p̄j̄ yahpari macainare to ȳhd̄ar̄cahti p̄j̄ jihre. Ã jiro to tuua mehne to dutich̄ ne c̄iro tirore ȳhd̄ar̄caro bihosi. Cohamac̄ tua ȳhd̄ar̄ariro paȳ yahpari macaina mehne sua ȳhd̄ara. To ã suach̄ cawalo bui pisariro tinare tuaro buhiri dahrerohca. ¹⁶ To suhtiroi, to ñ̄ach̄c̄ c̄h̄re ahri wamare joa õri jihre: “Jipihtina paina p̄htoa bui p̄htoro”, ni joa õri jihre.

¹⁷ Baharo s̄ siroi ducurirore anjore ñ̄hi. Jipihtina m̄anop̄ w̄in̄are yuca perire sañurucu m̄ohre tiro. Õ sehe ni tuaro sañurucu m̄ohre:

—Cahmachuna taga. Cohamac̄ to b̄se n̄m̄ai ch̄na taga. ¹⁸ Paȳ yahpari macaina bui p̄htoare, surara p̄htoare, surara perire, cawaloare, tina bui pi-sainare, jipihtina paina masare, dahra cohtainare, dahra cohtaina jierainare, paina p̄htoare, wiho jiinare tina jipihtina ti p̄jac̄ri cjirire ch̄na taga —nihre anjo yucaare.

¹⁹ Baharo n̄c̄ macarirore, ahri yahpa macaina bui p̄htoa ti surara peri c̄h̄re ñ̄hi. Tina cahmachuhre cawalo bui pisariro mehne to yaina surara peri mehne cahma wajãa taa. ²⁰ Ti ã cahma wajãch̄ cawalo bui pisariro n̄c̄ macarirore peresu yoahre. Pairo “Cohamac̄ yare yahu m̄htar̄iro jija”, ni mahñoriro c̄h̄re peresu yoahre. Tiro mahñoriro sehe n̄c̄

macariro to ñurocaroi bajuamehneare yoariro jihre. To bajuamehnea mehne ñuc̄ macariro to wamare wahāinare to masare ño payoinare mahñohre “Ahri Cohamac̄ ya jira”, nino. Tina p̄arore to peresu yoari baharo tinare catiinareta pichac̄p̄ cohāhre. Tí pichaca pjiri ma puro jiri pichaca pjiri pichaca azufre mehne j̄ari pichaca jihre. ²¹ ã jiro d̄ahsainare ti surara peri cjirire ñosari pj̄i mehne to d̄useroi jiri pj̄i mehne wajāhre cawalo bui pisariro sehe. ã to wajāri baharo yuca peri ti pjac̄ari cjirire ch̄aa, yapi ȳhd̄aa wahahre.

20

Mil c̄hmari waro Cristo to yaina mehne masare dutirohca

¹ Baharo paio anjo m̄anop̄u to dujia tach̄u ñ̄hi. C̄ãri copa macari sawire, pjiri da, comaa da c̄h̄ure c̄j̄ahre tiro. ² ã duji wihiro pinonore ñahahre tiro. Tiro pinono panop̄u pinono sehe pjac̄u tiriro jiro, wat̄ino Satana wama tiriro jihre. Tirore ñahano tirore d̄ahtehre mil c̄hmari waro peresu yoaro taro. ³ ã d̄ahte tuhs̄u, c̄ãri copap̄u cohāhre tirore jipihtia yahpari macainare mil c̄hmari waro to mahñoerahto sehe. ã cohā tuhs̄uro tí copare biha, wihtā ñahanocahre. ã jiro mil c̄hmari baharo pari turi mahaa dachoricā tirore wiosininōhca.

⁴ Baharo p̄ahtoa dujiare ñ̄hi. Tí dujiai dujiina c̄h̄ure ñ̄hi. Tinare masa bui dutihtinare c̄h̄ure Cristo. Paina c̄h̄ure ñ̄hi. Tina sehe Jesu yare Cohamac̄u yare ti yahuri buhiri ti dapu pocare d̄ate cohārina cjiri jihre. ñuc̄ macarirore to mas̄u c̄h̄ure ne na tuhcuca caha s̄u ño payoerare. ã yoa ti w̄hd̄aa pocare ti wamomacari c̄h̄ure to wamare joa õ dutierare tina. ã jia paina tinare ti wajāri baharo masaa wahahre tjoa. Masahre tina mil c̄hmari waro Cristo mehne p̄ahtoa jia taa. ⁵ Paina Cristo yaina yariaina cjiri sehe masaerasinire. Ti wajārina ti masari baharo mil c̄hmari p̄ahtoa ti jiri baharo paina c̄h̄u masaa wahaahca. ã jia ti wajārina cjiri Cristo yaina to baharo masa m̄htaina jihre. ⁶ To maso m̄htaina sehe tuaro wahcheina jiahca.

Ñaa marieina jiahca tina. ã jia pichac̄p̄u wahasi tina. Masa pichac̄p̄u wahaa, pari turi ti yariaro sehe wahara. ã jia tina to maso m̄htaina pichac̄p̄u wahaerara. Tina yaria masa m̄htaina sacerdotea jiahca, Cohamac̄ure, Cristo c̄h̄ure ño payoata. ã jia mil c̄hmari waro Cristo mehne masa bui p̄ahtoa jiahca.

⁷ Mil c̄hmari baharo Satanare p̄eresui jirirore wiorohca. ⁸ To ã wiori baharo ahri yahpa macainare mahñono waharohca tiro. Gog wama tiinare, Magog wama tiina c̄h̄ure mahñono waharohca. ã jia tina to mahñoare t̄ahoa, ti surara perire cahmachuahca cahma wajāta. Tina surara peri paȳu jiahca. Pjiri ma macaa pad̄u pohcaricā paȳu ti jiro seheta paȳu surara jiahca. ⁹ Tina ahri yahpap̄ure waha sitea, Cohamac̄u yaina ti jiri macare Cohamac̄u to cah̄iri macare soroa wahaahca. Ti ã soroari baharo Cohamac̄u tinare m̄ano macari pichaca mehne j̄roca bororohca. ¹⁰ ã wahari baharo wat̄inore tinare mahñorirore pichac̄p̄u cohānohca. Tí pichaca pjiri ma puro jiri pichaca azufre mehne j̄ari pichaca jira. Tóp̄u ñuc̄ macarirore “Cohamac̄u yare yahu m̄htariro jija”, ni mahñorirore cohā tuhs̄ure. Tóti ti jich̄u dacho, ñamip̄u c̄h̄ure ã ñano pur̄rucurohca tinare.

Cohamac̄u masare buhiri dahre batoara

¹¹ Baharo pj̄iro p̄ahtoro to dujirore noano yehserore ñ̄hi. Tí dujiro bui dujiriro c̄h̄ure ñ̄hi. Tóti to dujich̄u, ahri yahpa macaa c̄h̄u m̄ano macaa c̄h̄u pihtia wahahre. ã pihtia wahaa pari turi ji namoerare. ¹² ã yoa p̄ahtoro panoi yariaina cjiri ti ducuch̄u ñ̄hi. Tina wiho jiina, p̄ahtoa cjiri c̄h̄u jihre. Tóti ti ducuch̄u joa õa tjurire pj̄ohre. Tí tjuri masa ti yoarire ti joa õa tjuri jihre. ã jiro beseriro tí tjurire ñ̄u tuhs̄u ti yoarire masihre. Tíre masino yariainare besehre ñaina, noinare. Baharo pa tju c̄h̄ure pj̄ohre. Tí tju Cohamac̄u mehne ã jirucuhtinare ti wamare joa õri tju jihre. ¹³ Baharo pjiri map̄u yaria miniina, diap̄u ti cohārina c̄h̄u wahcā m̄j̄aa wahahre. ã yoa yahpa puhichap̄u jiina, yariaina

ti jiroꝑꝰ jiina cãhꝰ mꝰjaa wahahre. Ti ã mꝰja sꝰchꝰ tóí dujiriro ti yoarire masi pahñono, tinare besehre ñaina, noainare. ¹⁴ Baharo yariarore, yariaina ti jiro cãhꝰre cohãnocahre Cohamacꝰ pari turi mari yariaerahto sehe. Pichacapꝰ cohãnocahre. Tí pichaca pjiri ma puro jiri pichaca pjiri pichaca jihre. Pichacapꝰ wahaina sehe pari turi yariaina seheta wahara. ¹⁵ ã jiro ã jirucuhꝰtiina ti wamare Cohamacꝰ to joa õri tjuí jipihtina ti wamare joa õmahnoeraina sehere pichacapꝰ cohãhre tiro.

21

Mꝰano, yahpa cãhꝰre wahmaare cohtorohca Cohamacꝰ

¹ Baharo mꝰano, ahri yahpa cãhꝰre wahmaare to cohtotarire ññhi. Mꝰanopꝰ ji mꝰhtari, yahpapꝰ ji mꝰhtari, pjiri mapꝰ ji mꝰhtari cãhꝰ pihtia wahahre. Mariahre. ² ã yoa yꝰhꝰ João noari macare, wahma macare Jerusalēne ññhi. Tí maca mꝰanopꝰ Cohamacꝰ cahapꝰ to duji tachꝰ ññhi. Wamomaca dꝰhtehticorore noaa suhti mehne wahma sꝰora wamomaca dꝰhtehtirore wahchechꝰ yoaro taro. Tó seheta tí macare cahnoyure Cohamacꝰ, to yainare wahchechꝰ yoaro taro. ³ Tíre yꝰ ññri baharo pꝰhtoro dujiropꝰ to sañurucuro coa tachꝰ tãhohi:

—Ññga. Mipꝰre masa watoi jiro nina Cohamacꝰ. Tina mehne jirohca tiro. ã jia to yaina jiahca tina. ã yoa Cohamacꝰ to basi tina mehne macariro jiro, ti yairo Cohamacꝰ jirohca. ⁴ ã jiro ã wahcherucuhꝰ yoarohca tiro tinare. ã jia pari turi cahyasi tina. ã jia ne pari turi yariasi tina. Ne ñano yajeripohna tia, yahco tia, purĩa cãhꝰ mariahca tinare. Ahri jipihtia panopꝰ macaa cjiri pihtia wahaahca —ni sañurucuro coa tahre.

⁵ Baharo pꝰhtoro dujiropꝰ dujiriro õ sehe nihre:

—Ññga. Jipihtiare wahma cohtotachꝰ yoaihca —nihre.

To ã niri baharo yꝰhꝰre õ sehe nihre tjoa:

—Ahri yꝰ niare joa naga. Yꝰ nia potocã tjira. ã jiro yꝰ niriro seheta ã waharohca. ã jicꝰ yꝰ niare joa naga —nihre yꝰhꝰre.

⁶ Baharo õ sehe nihre tjoa yꝰhꝰre:

—Tó puro tjica. Yꝰhꝰ jipihtiare ba-juamehneriro jija. ã yoa jipihtiare pihtichꝰ yoahrtiro jija tjoa. Ñahma yapioina tuaro ti core cahmano seheta yꝰ cahapꝰ waha duaina Jesure cahmaahca. ã jia Jesure yꝰhtiahca. Tiro catichꝰ yoaa co yoaro sehe jira. Tirore cahmainare wapa cahmano marieno yꝰhꝰ mehne ã jirucuhꝰ yoaihtja tinare. ⁷ Jipihtina yꝰhꝰre wacũ tua duhuerainare õ sehe yoaihtja: Ti yairo Cohamacꝰ jiihtja. ã jia tina sehe yꝰ pohna jiahca. ⁸ Wiho mejeta cuia yꝰ yare duhuina, yꝰhꝰre cahmaeraina, ñabiaare yoaina, masare wajãina, numia mehne ñano yoaina, mꝰa mehne ñano yoaa numia, yaya, “Cohamacꝰ jira”, ti nia masurine ño payoina, jipihtina mahñoina pichacapꝰ wahaahca. Tóí pjiri ma puro jiri pichaca pjiri pichaca azufre mehne jãno nina. Tóꝑꝰ wahaina pari turi ti yariaro sehe waha nina —nihre yꝰhꝰre.

Wahma maca Jerusalēne yahuha

⁹ Baharo cãiro anjo yꝰ cahapꝰ wihihre. Tiro siete wahwari cꝰuaina, to buhiri dahre dutiro to cũina anjoa mehne macariro jihre. ã wihiro, õ sehe nihre yꝰhꝰre:

—Ññi taga. Cordero to wamomaca dꝰhtericorore ñoihca mꝰhꝰre —nihre anjo yꝰhꝰre.

¹⁰ To ã nini baharo Espiritu Santo yꝰhꝰre Cohamacꝰ ya macare ñohre. Õ sehe bajuro ñohre yꝰhꝰre: Mꝰadꝰ tũcꝰ buipꝰ yꝰhꝰre na mꝰjahre. Tóꝑꝰ Jerusalēne Cohamacꝰ ya macare noari macare ñohre yꝰhꝰre. Cohamacꝰ cahapꝰ mꝰanopꝰ jiri maca duji taro nihre ahri yahpapꝰ. ¹¹ Cohamacꝰ to si sitea mehne si siteri maca jihre tí maca. Wapa tia tãa yoaro sehe si sitehre. Diamante wama tia tãa yoaro sehe si sitehre. ã yoa vidro yoaro sehe noano co sitiri maca jihre tí maca. ¹² Pjiri sahrĩno mꝰari sahrĩno ti sahrĩ sãari maca jihre tí maca. Doce sopacari tihre tí sahrĩno. Tí sopacaripe cohtahre anjoa. Tí maca macaa sopa pahmaripꝰ Israe masa curuari doce curuaripe ti wama wahãhre. ¹³ Sũ mꝰja taro sehe tí sahrĩno cꝰuahre tia sopaca. Norte sehe tia sopaca jihre. Sur sehe tia sopaca jihre. Sũ sãano sehe cãhꝰre tia sopaca jihre. Jipihtiro

doce sopacari waro cjuahre tí sahrĩno. ¹⁴ Tí sahrĩno doce tãa bui pisahre. Tí tãape Cordero to cūrina doce to cūrina sã cãina wama wahãhre.

¹⁵ ã yoa anjo yuhure yahuriro quihõdu uru mehne ti yoadure cjuahre. Tí macare, tí maca macaa sopacarire, sahrĩno cãhure quihõno taro nihre. ¹⁶ Tí maca to yoaro purota sahare. Mũano cãhu tó purota mũahre. ã yoa anjo to quihõdu mehne tí macare quihõhre. Tí maca dos mil doscientos kilómetros yoari maca jihre. Tó purota sari maca jihre. Tó purota mũari maca jihre. ¹⁷ ã jiro tí maca macari sahrĩnore quihõhre anjo. Sesenta y cinco metros mũari sahrĩno jihre. Masa mari quihõno seheta quihõno nihre tiro anjo.

¹⁸ Tí sahrĩno diamante wama tia tãa mehne to yoari sahrĩno jihre. ã yoa tí maca sehe uru mehne to yoari maca jihre. Tí uru wete mariea jia vidro yoaro sehe noano co sitihre. ¹⁹ Tí sahrĩno docai jia tãare payu soro jia wapa tia tãa wahãhre. Tí tãa sahrĩnoi pisaa tãa doce tãa jihre. Ji mũhtaria tãcare diamante wama tia tãa wahãhre. To baharo jiria tãcare zafiro wama tia tãa wahãhre. Pũaria baharo jiria tãcare ágata wama tia tãa wahãhre. Tiaria baharo jiria tãcare esmeralda wama tia tãa wahãhre. ²⁰ Pititia poca baharo jiria tãcare ónice wama tia tãa wahãhre. Cũ wamomaca pihtia poca baharo jiria tãcare rubí wama tia tãa wahãhre. Seis poca baharo jiria tãcare crisólito wama tia tãa wahãhre. Siete poca baharo jiria tãcare berilo wama tia tãa wahãhre. Ocho poca baharo jiria tãcare topacio wama tia tãa wahãhre. Nueve poca baharo jiria tãcare crisoprasa wama tia tãa wahãhre. Diez poca baharo jiria tãcare jacinto wama tia tãa wahãhre. Once poca baharo jiria tãcare amatista wama tia tãa wahã batoahre. ²¹ ã yoa doce sopa pahmari doce perla mehne to yoaa pahmari jihre. Tí pahmaripe cã yapa perla yapa mehne to yoaa pahmari jihre. ã jiro tí maca macari maha uru mehne to yoari maha jihre. Tí uru wete marieni uru jihre. ã jiro vidro yoaro sehe noano co sitiri maha jihre tí maha.

²² Tí macai Cohamacu wuhure ñerahi.

Mariahre. Tí macai jipihtiropu mari puhtorore Cohamacu tua yuhduaritore, Cordero cãhure ño payora masa. ã jiro tí maca jipihtiro Cohamacu wuhu yoaro sehe jihre. ²³ Tí macai Cohamacu to si sitea noano buhriahre. Cordero cãhu sihãria yoaro sehe buhriahre. ã jia sũ dacho macariro cãhure ñami macariro cãhure tói ti buhriachu cahmaerare. ²⁴ ã yoa ahri yahpai ti buhria mehne jiahca jipihtiro macaina. ã jia jipihtia yahpari macaina puhtoa tí macapu noa yuhduu ti cjuare na wihiahca. ²⁵ ã yoa dachore tí maca macaa sopacari pjõori sopacari jiahca. Tõpu ne ñami marianohca. ã jia ti sopacarire ne bihasi. ã susurucuahca. ²⁶ ã yoa jipihtia yahpari macaina noare ti cjuare tí macapu naa wihiahca. ²⁷ Ñaa sehere tí macapu ne naa wihisi. Bũo tichu yoaina, ñaare yoaina cãhu tí macapu ne wahasi. Mahñoina cãhu wahasi. Cordero to joari tjui ti wama wahãina dihta tí macapu wahaahca. Tí tju to yuhduchu yoaina ti wamare to joa õri tju jira. Tí tjui ti wama wahãina ã jirucuahca.

22

¹ Baharo noari mare catichu yoari mare ñohre yuhure anjo. Tí ma noano co sitiri ma Cohamacu, Cordero cãhu ti dujiropu tari ma jihre. ² ã yoa tí maca macari maha dacho macai buhriahre tí ma. Tí ma pu buhuseheri duhtu cahai catichu yoaa yucu ducuhre. Tí yucu sãripe dicha tihre. Cũ cãhmare doce tahari dicha tihre. ã yoa tí yucu macaa pũri mehne noano co tiahca jipihtia yahpari macaina. ³ Tí macare ne ñaa marianohca. Tí macai Cohamacu to dujiro jirohca. Cordero to dujiro cãhu jirohca tói. ã jia jipihtina masa tói jiina tinare dahra cohtaina tina pano na tuhcuca caha sũ, tinare wahche payoahca. ã jiro tói ñaa marianohca. ⁴ Tina Cohamacure ñu piti boca dujiahca. ã yoa ti wuhduu pocaí to wama wahãina jiahca. ⁵ Tõpũre ñami marianohca. ã jia sihãa pocare cahmasi tói jiina. Sũ to buhriachu cãhure cahmasi. Mari puhtoro Cohamacu to buhriaro jirohca. ã jia tí macai jiina pa sehe macaina bui puhtoa ã jirucuahca.

Jesucristo ahri yahpapu to tjua tahto mahanocã dũhsara

⁶ Baharo anjo yũhũre õ sehe nihre:

—Jipihtia ahri ti yahuri cjiri potocã tjira. ã jia ti niriro seheta waharohca. Mari puhtoro Cohamacu to yare yahu mũhtainare masichu yoariro jira. Tiro sehe mipũre to yairo anjore warocahre tirore dahra cohtainare masichu yoaro taro. Baharocã to dohse wahahtore masichu yoaro taro to yairo anjore warocahre —nihre anjo yũhũre.

⁷ Jesu sehe õ sehe nihre:

—Tũhoga mũsa. Mahanocã dũhsara yu tjua tahto. Ahri tju macaa yahuaire yũhdũruceraina wahcheina jiahca —nihre Jesu.

⁸ Yũhu João ahri jipihtiare yu joa narire tũhohi. ã yoa tíre ñũhi. ã jicu yu tũhori baharo, yu ñũri baharo yũhũre ñoriro anjo panoi na tuhcuca caha sũmahĩ. Tirore ño payoi tai nimahi. ⁹ Yũ ã yoachũ ñũno õ sehe nihre yũhũre:

—Tíre yoai tjiga. Mũ jiro seheta jiriro yũhu cũhu Cohamacũre dahra cohtarirota jija. Mũ coyeyã Cohamacũ yare yahu mũhtaina, jipihtina ahri tju macaa dutiare yoaina cũhu ti jiro seheta yũhu cũhu Cohamacũre dahra cohtarirota jija. ã jicu Cohamacũ panoi na tuhcuca caha sũ, tiro sehere ño payoga —nihre anjo yũhũre.

¹⁰ ã yoa õ sehe ni yahu namohre yũhũre:

—Ahri tjui baharo to dohse wahahtore yahura. To ã wahahto mahanocã dũhsara. To ã mahanocã dũhsachu ahri tjui yahurire nũoi tjiga mũhu. ¹¹ Tí pja yu yahuri pjare ñaina sehe ã yoarucuwahnojaro ñaare. Ñaputiina cũhu ñabiaro yoarucuwahnojaro. Noaina sehe noano yoarucujaro. ã yoaga ñaa marieina ã ñaa marieina jirucujaro tí pjare —nihre anjo yũhũre.

¹² Õ sehe nihre Jesu:

—Tũhoga mũsa. Mahanocã dũhsara yu tjua tahto. Mũsare yu yainare yu wahtore na tai tai nija. ã jicu noaare mũsa yoari wapa mũsare noano yoaihtja. ¹³ Yũhu jipihtiare bajuamehneriro jija. ã yoa jipihtiare pihtichũ yoahitiro jija tjoa.

¹⁴ Jipihtina wetẽ mariea suhtire sãaina ti jiro seheta ti ñaa yoari buhirire cosaweina

tí macapũ sũahca. ã sũa, tí maca macaa yucũ catiare waa yucũ dichare chũahca. ã jia wahcheina jiahca tina. ¹⁵ Tí macapũ sũeraina sehe ahrina jira: Ñabiaina, yaya, numia mehne ñano yoaina, mũa mehne ñano yoaa numia, masare wajãina, “Cohamacũ jira”, ti nia masũrine ño payoaina, mahũo ji coaina, mahũoa payũina cũhu jira tí macapũ sũeraina —nihre Jesu.

¹⁶ ã yoa õ sehe ni yahu namohre Jesu:

—Yũhu, Jesu yu yairo anjore warocahi mũsare yu yainare ahri tju macaare yahui tai. Puhtoro Davi panamino ji turiariro jija yũhu. Yũhu bohrea mũja tachũ mũja taria noano si siteria ñahpichoca yoaro sehe jiriro jija —ni yahu namohre Jesu.

¹⁷ Espĩritu Santo Jesure “Tjua taga”, nina. Jesu yaina to wamomaca dũhtehticoro yoaro sehe jiina cũhu “Tjua taga”, nina. Jipihtina ti “Tjua taga”, nirire tũhoina cũhu “Tjua taga”, nijaro Jesure.

Ñahma yapioina core tuaro ti cahmano seheta Cohamacũ cahapũ waha duana Jesure tuaro cahmaga. Tiro catichũ yoaa co yoaro sehe jira. Tirore cahmainare wapa cahmano marieno ã jirucuchũ yoarohca Cohamacũ.

¹⁸ Yũhu João, jipihtina ahri tju macaare Cohamacũ yare tũhorinare mũsare õ sehe ni cua pisaro mehne yahuihtja. Ahri buhea mehne paye buhea mehne more suhu yahu namoina Cohamacũre yũhdũrucaca nina. Tí ã yũhdũrucachũ ñũno jipihtia ahri tjui to buhiri dahrehtore to yahuriro seheta cũnohca tina cũhũre. ã jiro tó seheta tina cũhũre buhiri dahrerohca.

¹⁹ ã yoa ahri tju macaa yahuaire yahu dũhaina Cohamacũre yũhdũrucaina jira. Tí ã yũhdũrucachũ ñũno catichũ yoaa yucũ dichare tinare chũ dutisi. ã jia ã jirucusi tina. Tuhsũ, to ya macapũ noari macapũ waha dutisi. Tí yucũ, tí maca cũhu ahri tjui ti yahuripũ jira.

²⁰ Jipihtia ahri tju macaare yahuriro õ sehe nina:

—ã tjira. Mahanocã dũhsara yahpapũ yu tjua tahto —nina tiro.

ã tjia. Sã puhtoro Jesu tjua tahga.

²¹ Mari puhtoro Jesu to cahũa mehne jipihtina mũsa noano jiga.